





Q  
V  
4

1/4 - 21. f. 10.

*[Faint, mostly illegible handwritten text, possibly a list or notes.]*







FLORES, ET FRVCTVS  
**PHILOSOPHICI**  
 EX SERAPHICO  
 PARADISO EXCERPTI.



S E V


**CURSUS PHILOSOPHICI**

AD MENTEM  
**SANCTI BONAVENTURÆ**  
 SERAPHICI DOCTORIS

Per R. P. F. BARTHOLOMÆUM DE BARBERIS  
 à CASTRO-VETRO MUTINENSEM, Provincie Bononiensis  
 Ordinis Capucinatorum Sacre Theologie Lectorem:

**PARS TERTIA.**

Continens Tractatus de Generatione, & Corruptione, de Anima, & Physiognomia hominis, de Metaphysica, & de Maximis, seu propositionibus universalibus cum suis expositionibus.



**LVGDVNI,**

Sumpt. LAVR. ARNAVD, & PET. BORDE, IOAN. & PET. ARNAVD,

M. DC. LXXVII.

**CVM PRIVILEGIO REGIS.**



Capucinatorum + Rome









ADR. P. F. BARTHOLOMÆVM  
DE BARBERIS  
CAPVCINVM

AVTHOREM CVRSVS PHILOSOPHICI  
ex Seraphico Paradiso excerpti.

*Serenissimo Francisco II. Estensi Mutina,  
Regij, &c. Duci X. dicati.*

EPIGRAMMA.

**D**VM Seraphim nobis, Barbere, recondita pandis;  
Tu Seraphim dotes pectore, & ore refers.  
Sub cinere occulto diuinis ignibus ardes,  
Vt Seraphim scribis, diligis, atque doces.  
*Qui calamo in Seraphim videt te scribere fixum,  
Scribere Gregorium videt, & Ambrosium.*  
Aliud

I. C.

AD LECTOREM.

Hic ille est Seraphim Doctorum maxima libris  
Promere, quo melius nullus in orbe potest.  
De calamo quid verba sonent, cum scripta loquantur  
De Bonauentura scripta suo calamo.  
Hic Seraphim pandit nodos, hic voce perenni  
Dicit, quod verè dixit in orbe Seraph.

Idem;

Æ 3

Facult.

**N**OS F. STEPHANVS A CÆSENA totius Ordinis Fratrum Minorum Sancti Francisci Capucinorum Generalis Minister, licet immeritus, Opus, cui Titulus est, *Flora, & Fructus Philosophici ex Seraphico Paradiso excerpti, sive Logica, & Philosophia Peripatetica ex multiplici Seraphici Doctoris Bonauentura Sanctissimi Doctrina excerpta*, & in moderniore vsum in tres Partes ad trium. Annorum curriculum distributa ab Admodum Venerando Patre F. BARTHOLOMÆO A CASTRO-VETRO Mutinensi nostri Ordinis Concionatore, ac Lectore compositum, à quibusdam Theologis dicti nostri Ordinis, quibus id commissimus, relectum, & approbatum, vt Typis mandari possit, seruatis seruandis Tenore præsentium facultatem concedimus, in quorum fidem his solito nostro sigillo firmatis manu propria subscripsimus. Datum in Conuentu nostro Immaculatæ Conceptionis Romæ die 26. Iunii 1675.

F. STEPHANVS A CÆSENA Minister Generalis.

*APPROBATIONES THEOLOGORVM ORDINIS.*

**E**X Commissione Reuerendissimi Patris F. BONAVENTURÆ A RECINETO Religionis Capucinorum Commissarij Generalis, necnon in vrbis Procuratoris Generalis, & à Sacris Concionibus Sanctissimi Domini nostri Clem. X. iubens vidi, hilaris legi, & iucundissima cum voluptate, & vberima vtilitate, & accuratè introspectum iterum, iterumque Ego infrascriptus relegi Opus in tres Partes diuisum, cui Titulus, *Flores, & Fructus Philosophici ex multiplici Seraphici Doctoris S. Bonauentura Doctrina excerpti*, Authore R. P. F. BARTHOLOMÆO A CASTRO-VETRO Mutinensi Lectore in Conuentu Capucinorum S. Francisci Ferrariæ. Huic enim Operi censuram metuere non debet Author, *Censura enim causam, & sententiam exponit* (ait D. Ennodius huius Regiæ Ticinensis Ecclesiæ Antistes, ac Orthodoxæ fidei decus amplissimum) *quisquis, quod eligit, Antiquorum Fulcris non tuetur*: Opus enim suum non Recentioris, sed Antiquioris, non indeuoti, & curiosi, sed sanctissimi, & Classici Doctoris sapientia tuetur, admirabili Methodo, amabili modestia, perspicaci, ac perspicua doctrina, consilio Sydonij vtens in Epist. ad Claud. *porius imple causam Seraphicam, quam paginas*; quin etiam iuxta effectum Ecclesiæ, *Sapiens Pater seipsum prodit, dum spiritu*, & Bonauenturæ doctrina imbutus, Bonauenturam à lumine Theologico ad Philosophicum lumen producit. Quapropter cum nihil in hoc opere à S. R. E. decretis, ac Orthodoxæ regulæ fidei regulis, aut à vitæ probitate alienum repperim, Scholastico in prælio prælo dignum censeo: sic enim teste Idelberto scientia huius Patris distributa suscipiet incrementum avarum dedignata possessorem, nisi publicetur, elabitur, sic enim censeo, vt typis gaudeat dictum Opus. Datum Papiæ in Conuentu Capucinorum S. Antonij de Padua die 18. Maij 1675.

F. Alexander à Grabedona Guardianus Capucinorum Papiæ, & Prou. Mediolani Definitor, olim Sacræ Theologiæ Lector, ac pro R. P. Inquisitore Papiæ Librorum Revisor, ac venientium ad sanctam Fidem Instructor omnium Minimus.



**E**X Commissione R. P. F. BONAVENTURÆ A RECINETO, nostri Ordinis Definitoris, Procuratoris, & Commissarij Generalis, necnon Sanctissimi D. N. Clem. X. in Palatio Apostolico à Concionibus, Ego F. Ignatius à Cremona Ordinis Capucinorum Prædicator, atque in nostro Conuenu Ticinensi Sacræ Theologiæ Lector, ea maiori, qua potui, diligentia, vidi Opus mihi valde eximium, atque laboriosum, cui Titulus est, *Flores & Fructus Philosophici ex Seraphico Paradiso excerpti, seu Logica, & Philosophia Peripatetica ex multiplici Seraphici Doctoris Bonauenturæ Sanctissimi Doctrina selecta*, & in moderniore vsum in tres Partes ad trium annorum curriculum distributa à R. P. F. BARTHOLOMÆO A CASTRO-VETRO Mutinensi nostri Ordinis Lectore in Conuentu S. Francisci Ferratiæ, & non solum nihil in eo obseruari, quod esset contra fidem, & bonos mores, sed aded pulchrum, solidum, & ita benè ordinatum mihi visum fuit, necnon Author in eo suis subtilissimis obseruationibus, & clarissimis explicationibus ita mentem Sancti Bonauenturæ assequutus est, vt ad decorem nostræ Religionis, atque ad cupientes faciliori via sequi doctrinam eiusdem Seraphici Doctoris, quam primum Typis mandetur, iudicem, & affirmem. In quorum fidem has mea propria manu subscripsi. Datum Ticini Regij quinto Kal. Iunii 1675.

Fr. Ignatius à Cremona Capucinus Prædicator,  
& Lector Sacræ Theologiæ.

**O**Pus, cuius inscriptio est, *Flores, & Fructus Philosophici ex Seraphico Paradiso excerpti, seu Logica, & Philosophia Peripatetica ex multiplici Seraphici Doctoris Bonauenturæ SS. Doctrina excerpta*, ad moderniore vsum in tres Partes ad commodum studentium distributa, & maximè illorum, qui cupiunt Seraphicæ Doctrinæ operam dare, à R. P. F. BARTHOLOMÆO A CASTRO-VETRO Mutinensi nostri Ordinis Lectore, elaboratum, omnia maiori diligentia, quapoti, legi, & vidi de mandato R. P. F. Bonauenturæ à Recineto nostri Ordinis Definitoris, Procuratoris, & Commissarij Generalis, necnon sanctissimi D. N. Clem. PP. X. in Palatio Apostolico Concionatoris: Nihilque, quod fidei, bonorumque morum candorem denigret, in eo meis sese oculis obiecit, immò singulare Authoris ingenium, & studium in Seraphica Doctrina sum admiratus, & quia non nisi in magnam ram studentium vtilitatem, quam decorem Religionis esse aspexi, dignum censui, vt typis quam primùm mandetur. Datum Ferratiæ in Conuentu Capucinorum S. Francisci die 5. Nouembris 1675.

F. Bartholomæus à Zibello Guardianus Conuentus  
Capucinorum Placentiæ, & olim Sacræ  
Theologiæ Lector.

---

*Approbatio Doctorum Sacrae Theologiae Facultatis Parisiensis.*

**L**ibrum, cui Titulus est, *Flora, & Fructus Philosophici ex Seraphico Paradiso excerpti, seu Logica, & Philosophia Peripatetica ex multiplici Seraphici Doctoris Bonaventurae Sanctissimi Doctrina Selecta*, à R. P. F. BARTHOLOMÆO DE BARBERIS A CASTRO-VETRO Mutinensi Ordinis Capucinorum, Sacrae Theologiae Lectore, accuratè, & non sine magna animi voluptate legi, eumque vtpotè sanam doctrinam redolentem, fidei Orthodoxae conformem, bonosque mores fouentem luce dignum censeo. Datum Parisiis die 16. Martij 1677.

M. GRANDIN pro Illustrissimo  
Domino Cancellario Franciæ.

---

*Summa Privilegij Regis Christianissimi.*

**C**Autum est Autoritate Regis, ne quis in suo Regno, aliivè locis suæ Dictioni subditis intra decem proximos annos, librum, qui inscribitur, *Flora, & Fructus Philosophici ex Seraphico Paradiso excerpti, seu Logica, & Philosophia Peripatetica* ad mentem S. Bonaventurae Doctoris Seraphici, Authore R. P. F. BARTHOLOMÆO DE BARBERIS DE CASTRO-VETRO Mutinensi, Bononiensis Prouinciæ Concionatore Capucino, & Sacrae Theologiae Lectore absque LAVRENTIJ ARNAVD, PETRI BORDE, IOANNIS, & PETRI ARNAVD, Bibliopolarum Lugdunensium permissu, imprimat, aut diuendat à die publicationis horum exemplarium. Qui secùs fecerit, pœna indicta, prout ampliùs in Regio diplomate continetur, mulctabitur. Datum ad sanctum Germanum in Laya die 13. Aprilis anno Domini 1677. De mandato Regis. Signatum BOVCHARD.


*Prima editio primum cessauit die prima Augusti anno 1677.*

INDEX



# I N D E X

TRACTATVVM, TEXTVVM,  
& Quæstionum, Quæ in hac tertia parte  
Cursus Philosophici Ad mentem Sancti  
Bonauenturæ continentur.



## TRACTATVS I.

*De Generatione, & Corruptione.*



*Extus Seraphicus. pag. 3*

*Scholium super Textum*

*Seraphicum. p. 7*

Quæst. I. *An sit, quid sit, & quotu-  
plex sit Generatio. p. 7*

Quæst. II. *Quid, & qualis sit cor-  
ruptio. p. 12*

Quæst. III. *An in Corruptione  
substantiali fiat resolutio usque  
ad materiam primam. p. 13*

Quæst. IV. *An Generatio vnius  
sit corruptio alterius: & è contra  
an corruptio vnius sit generatio  
alterius, & qualis connexio, &  
ordo sit inter ipsas secundum  
prius, & posterius. p. 19*

Quæst. V. *An Generatio, & Cor-  
ruptio fiant in instanti, an suc-  
cessiue. p. 27*

Quæst. V I. *An quod semel est cor-  
ruptum, possit idem numero repa-  
rari. p. 34*



## TRACTATVS II.

*De Alteratione.*

**T***Extus Seraphicus. p. 40*

Quæst. I. *Quid, & quotuplex  
sit Alteratio. p. 43*

Quæst. II. *An Alteratio sit motus  
continuus. p. 45*

Quæst. III. *Quomodo qualitas in-  
tendatur, remittatur, & exten-  
datur. p. 48*

Quæst. IV. *An gradus qualitatis,  
secundum quos fit intensio, vel  
remissio, sint homogenei, an he-  
terogenei. F. 59*

Quæst. V. *De termino alterationis  
quis sit, & qualiter acquiratur,  
& an sit eadem actio Generatio,  
& Alteratio. p. 68*

TRACTA

# Index Tractatum, Textuum,

\*\*\*

## TRACTATVS III.

*De Actione, & Passione.*

Quæst. I. **A**N Agens in agendo requirat necessariò in passo dissimilitudinem. p.73

Quæst. II. Quid sit Actio per Antipristasim, & reflexionem, & quomodo qualitas per ista intendatur. p.77

\*\*\*

## TRACTATVS IV.

*De Elementis, & Mixtione, ipsorumque Qualitatibus.*

Textus Seraphicus. p.84

Quæst. I. Quid sit Elementum. p.91

Quæst. II. Quot sint Elementa, ipsorumque qualitates. p.92

Quæst. III. Cuius figura sint Elementa, ubi de ipsorum magnitudine, & diuersitate specifica, & an idem sit centrum aqua, & terra. p.99

Quæst. IV. An qualitates contraria possint simul, & semel esse in eodem subiecto, & quomodo. p.102

Quæst. V. Quid sit Mixtio, quid Miscibile, & Mixtum, & an necessariò omnia quatuor elementa concurrant ad mixtionem. p.108

Quæst. VI. An Elementa maneat in mixto, & quomodo, & quam sint causa mixti. p.112

Quæst. VII. De Raritate, & Densitate. p.125

Quæst. VIII. An Mixtum possit in se conuertere elementum, vel aliud mixtum, seu an possit producere ex mixto aliud sibi simile: ubi de corruptione mixti quomodo fiat, & de conuersione aqua in vinum. p.136

Quæst. IX. De Temperamento Mixtorum. p.140

\*\*\*

## TRACTATVS V.

*De Mixtis imperfectis, seu de Meteoris.* p.144

\*\*\*\*\*

## DE ANIMA.

*PARS PRIMA.*

## TRACTATVS I.

*De Anima in Communi.*

Textus Seraphicus. pag.147

Quæst. I. Quid sit Anima. pag.153

Quæst. II. Quid sit vita, & quam sit ipsius ratio formalis, & quam sit causa intrinseca vitæ, & quot genera viuientium. p.156

Quæst. III. Quotuplex sit Anima: ubi

## & Quæstionum.

*vbi de gradibus animatorum,  
& potentius vitalibus.* p.160

Quæst.IV. *An in eodem viuente  
sint plures Anima.* p.164

Quæst.V. *Virum omnis anima sit  
indivisibilis, & an anima sensi-  
tius, & vegetatiua sint spiri-  
tuales substantia.* p.171

Quæst.VI. *Virum Anima sit com-  
posita ex materia, & forma.*  
pag.192

Appendix responsiva quibusdam  
objectionibus factis à Patre Be-  
nedicto à sancto Iacobo Excal-  
ceato Augustiano. p.216

Quæst.VII. *Explicatur natura,  
& munera partium corporis ani-  
mati, & præcipue humani.* p.220

Quæst.VIII. *Virum Anima infor-  
met omnes partes corporis.* p.223

Quæst.IX. *Virum præter Animam  
decur in viuente alia forma  
partiales.* p.228

TRACTATVS II.

*De Potentiis anima in communi.*

Quæst.I. *Quomodo potentia  
anima ab ipsa  
anima distinguantur.* p.232

Quæst.II. *Vnde desumatur distin-  
ctio potentiarum.* p.242

R.P.Bart.de Castrov.Phil.P.III.

TRACTATVS III.

*De Anima, & potentius vegeta-  
tius*

Quæst.I. *Quid sit anima ve-  
getatiua, & qua-  
nam, quotque sint ipsius poten-  
tia.* p.245

Quæst.II. *De potentia generatiua,  
vbi de semine quid sit, & an  
diffundatur ab omnibus partibus  
corporis, & an semina Planta-  
rum viuant.* p.250

Quæst.III. *De causis principalibus  
generationis Patris, & Matris,  
vbi & de generatione catero-  
rum animantium, & planta-  
rum.* p.261

TRACTATVS IV.

*De Potentia nutritiua, & aug-  
mentatiua.*

Quæst.I. *Quid sit nutritio, &  
augmentatio, seu  
Aggeneratio, accretioque, & quo-  
modo fiat, & quodnam sit ipsius  
obiectum, vbi etiam per varia  
quesita explicatur, quid sit  
fames, & quid sit sitis.* p.272

Quæst.II. *Quis sit terminus gene-  
rationis.* p.279

Quæst.III. *An nutritio fiat conti-  
nuo.* p.284

Quæst.IV. *An viuens toto vitæ  
tempore*

## Index Tractatum, Textuum,

*tempore idem permaneat.* p.287  
Quæst. V. De augmentatione, seu  
accretionem quid sit, & quomodo  
fiat, & an potentia augmentati-  
ua differat à potentia nutritiva.  
p.289

\*\*\*

## PARS SECVNDA.

### De Anima.

## TRACTATVS I.

De Anima, & potentiis sensiti-  
uis in communi.

Quæst. I. Quid sit Anima sen-  
sitiva, & quos eius  
potentia. p.298

Quæst. II. An potentia sensitiva  
sint merè passiva, an etiam acti-  
ua, seu an habeant etiam ali-  
quam actiuitatem ad sensatio-  
nem, & ad terminum productum.  
p.299

Quæst. III. Quodnam sit obiectum  
potentiarum sensitivarum, &  
quotuplex. p.302

Quæst. IV. De speciebus intensio-  
nalibus sensibilibus an dentur,  
& quid sint. p.304

Quæst. Lat. An species possit ali-  
quando habere rationem obiecti,  
& cognosci per aliam speciem.  
p.314

Quæst. V. De causis specierum qua-  
nam sint. p.315

Quæst. VI. An species sint diuisibi-  
les, an verò sint indiuisibiles.  
p.323

Quæst. VII. De concursu specierum  
cum sensibus: ubi de muneribus  
specierum. p.327

Quæst. VIII. An sensibile positum  
supra sensum faciat sensatio-  
nem, & de numero potentiarum  
sensibilium externarum. p.335

\*\*\*

## TRACTATVS II.

De sensibus externis.

Quæst. I. De sensu Visus, Me-  
dio, & Organo.

pag.340

Quæst. II. Quodnam sit obiectum  
adequatum potentia visiva, ubi  
de Colore, & Luce. p.342

Quæst. III. Soluuntur varia dubia  
circa potentiam visivam. p.348

Quæst. IV. De Auditus Organo,  
Medio, & obiecto, ubi de sono,  
pag.351

Quæst. V. Quid sit vox, & sermo,  
& quomodo efformentur: ubi de  
Echo, & magis explicatur natu-  
ra soni. p.355

Quæst. VI. De Odoratu, Tactu, &  
Gustu quid sint, explicatur. p.358

TRACTA

TRACTATVS III.

*De sensibus internis.*

- Quaest. I. **Q**uod sint sensus interni, quanam eorum organa, & operationes. p.361
- Quaest. II. Quod sit obiectum potentiae sensitivae cognitivae. p.367
- Quaest. III. Quanam sint munera potentiarum internarum sensitivarum. p.374
- Quaest. IV. Quid sit somnus, & vigilia. p.380
- Quaest. V. Quid sint Insomnia. p.383
- Quaest. VI. De appetitu sensitivo explicantur plura dubia. p.386

PARS TERTIA.

*De Anima Rationali.*

TRACTATVS I.

*De Anima rationali in communi.*

- Quaest. I. **Q**uid sit Anima rationalis, & quomodo ab aliis distinguatur, & ab Angelo. p.391
- Quaest. II. An Anima rationalis sit immortalis. p.395
- Quaest. III. An Anima rationalis sit aequalis perfectionis in omnibus hominibus. p.399

TRACTATVS II.

*De Potentiis intellectivis.*

- Quaest. I. **Q**uid, & qualis sit intellectus, & quomplex, ubi de intellectu agente, & possibili. p.403
- Quaest. II. Quanam sint munera intellectus agentis, & possibilis, ubi de speciebus intelligibilibus agitur per varia quaesita. p.408
- Quaest. III. Quodnam sit obiectum intellectus. p.415
- Quaest. IV. Quomodo intellectus cognoscat singularia an per propriam speciem, an per alienam. p.420
- Quaest. V. Quomodo intellectus cognoscat universalia, an per propriam speciem, an per speciem singularium. p.424
- Quaest. VI. Quodnam sit primum cognitum inter universalia. p.429
- Quaest. VII. An intellectus cognoscat substantiam pro statu isto per propriam speciem, an per alienam, ubi de cognitione insensatorum, & spiritualium, nempe quomodo cognoscat Deum, seipsum, & an plura obiecta simul. p.432
- Quaest. VIII. Quid formaliter sit intellectio, & in quonam consistat, ubi de Verbo mentis quid sit, & quomodo producatur. p.439

## Index Tractatum, Textuum,

Quæst. IX. *Quotuplex sit intellectio, ubi varia dubia solvuntur circa multiplicem intellectiōnem.* p.448

Quæst. X. *Explicantur alij actus intellectus.* p.452

Quæst. XI. *De memoria intellectiva quid sit.* p.454

\*\*\*

### TRACTATUS III.

#### De Voluntate.

Quæst. I. *Q*uid, qualis, & quotuplex sit voluntas rationalis. p.458

Quæst. II. *An voluntas sola sit potentia essentialiter libera, seu an in sola voluntate sit libertas.* p.459

Quæst. III. *Explicatur libertas voluntatis in usu, & exercitio.* p.469

Quæst. IV. *Quid sit liberum arbitrium, ubi iterum de dependentia voluntatis ab intellectu.* p.477

Quæst. V. *De obiecto voluntatis quodnam sit.* p.485

Quæst. VI. *Explicantur aliqua dubia spectantia ad cognitionem perfectam voluntatis, & primo an voluntas possit ferri in indifferens, secundò an in impossibile, tertio an possit prescindere à ratione mediij, & finis per actum neutrum, quarto, an ex obiecto*

*volito resultet aliquid in voluntate, quinto, an obiectum concurrat effectivè cum voluntate, sexto quot sint actus voluntatis.* p.490

Quæst. VII. *An in voluntate dentur habitus, ubi expenditur materia de habitibus in communi.* p.493

\*\*\*

### TRACTATUS IV.

#### De Anima separata.

Quæst. I. *D*E statu anime separata, an sit violentè à corpore separata. p.499

Quæst. II. *Quid amittat anima separata, & quid retineat spectans ad cognitionem, & modum cognoscendi.* p.501

\*\*\*

### TRACTATUS V.

*De Homine in communi, eiusque corpore in particulari, & de hominis Physiognomia.*

Quæst. I. *A*N Corpus hominis specie differat à ceteris corporibus organicis. p.504

Quæst. II. *De Constitutione partium essentialium hominis, scilicet corporis, & anima.* p.506

Quæst. III. *De excellentia hominis secundum se, scilicet an sit omnium*



## & Quæstionum.

- omnium creaturarum nobilissimus.* p.509
- Quæst. I V. *Quodnam discrimen est inter hominem in statu innocentie, & naturâ lapsâ.* p.511
- De Physiognomia hominis.
- Quæst. V. *De Natura corporis humani, eiusque proprietatibus.* p.513
- Quæst. VI. *De Physiognomia utilitate, regulæque generales de ipsa traduntur.* p.515
- Quæst. VII. *Exponuntur alia regulæ generales Physiognomia ex diuersa complexionè humorum.* p.518
- Quæst. VIII. *Explicatur physiognomia capitis per varia quæsitâ, & soluta.* p.523
- Quæst. IX. *Explicatur Physiognomia capillorum per varia quæsitâ.* p.526
- Quæst. X. *Explicatur Physiognomia Frontis per varia quæsitâ.* p.529
- Quæst. XI. *De Physiognomia superciliorum, & temporum explicatur, quid sint.* p.532
- Quæst. XII. *De Physiognomia oculorum, quanam sit, explicatur per varia quæsitâ.* p.534
- Quæst. XIII. *De Physiognomia aurium, quanam sit, explicatur per varia quæsitâ.* p.539
- Quæst. XIV. *De Physiognomia Nasi, & Aurium, quanam sit.* p.540
- Quæst. XV. *De Physiognomia Labiorum, oris, dentium, & lingue, quanam sit.* p.542
- Quæst. XVI. *De Physiognomia faciei, & vultus, quanam sit.* p.545
- Quæst. XVII. *De Physiognomia vocis, anhelitus, respirationis, & risus, quanam sit, explicatur per varia quæsitâ.* p.548
- Quæst. XVIII. *De Physiognomia Colli, Cervicis, & Humcri, Metaphreni & Costarum, quanam sit, explicatur per varia quæsitâ.* p.552
- Quæst. XIX. *De Physiognomia Pectoris, Ventris, Brachiorum, & Manuum, quanam sit.* p.555
- Quæst. XX. *De Physiognomia Costændricum, Coxarum, Crurium, & Pedum.* p.559

## EPI THOME METAPHYSICÆ.

### De Ente.

- Quæst. I. **D**E quidditate Entis, in quonam consistat eius ratio quidditatiua, ubi de multiplici diuisione Entis. p.568
- Quæst. II. *An Ens dicat vnum conceptum simplicem communem omnibus entibus in particulari*

## Index Tractatum, Textuum, & Quæst.

- lari, præcipuè Deo, & Creatura,*  
*substantiæ, & accidenti. p.569*  
Quæst. III. *Quenam sint princi-*  
*pia entis. p.584*  
Quæst. IV. *An prima principia sint*  
*naturaliter nota, ita ut sit im-*  
*possibile ipsa negari ab intelle-*  
*ctu aliquo. p.585*  
Quæst. V. *De Proprietatibus entis*  
*in communi, An ens habeat veras*  
*proprietas, & quænam sint. p.588*  
Quæst. VI. *Quid sit Vnitatis, Veri-*  
*tatis, & Bonitatis entis. p.593*  
Quæst. VII. *De Essentia, & Exi-*  
*stentia quid sint, & quomodo*  
*differant. p.595*





# ELENCHVS AVTHORVM, QVI IN HAC TERTIA PARTE Curfus Philosophici citantur.

## A

ACADEMIA Pari-  
siensis.

Achillinus.  
Albertinus.  
B. Albertus Magnus.  
Albertus de Sax.  
Alexander Alenfis.  
S. Ambrosius.  
Ammonius.  
Anglicus.  
Antonius Ruuius.  
Apollonius.  
Aquilonius.  
Arefius.  
Argentina.  
Arriaga.  
Aristoteles.  
S. Auguftinus.  
Auicenna.  
Auicembron.  
Aureolus.  
Auerroës.  
Auerfa.  
Amicus.

## B

Baconus.  
Bannez.  
Bargius.  
Baudunus.  
Baffolius.  
Baffonius.

Benedictus à S. Iacobo. Durandus.  
S. Bernardus.  
Boëtius.  
Brulefer.  
S. Bonauentura.  
Blancus.  
Bonetus.

## C

Cælius.  
Caietanus.  
Calculator.  
Cameratius.  
Cannonicus.  
Capreolus.  
Capulius.  
Cardanus.  
Carpinetulus.  
Cauellus.  
Celfus.  
S. Clemens Alexandr.  
Commentator.  
Complutenfes.  
Concilium Trident.  
Conimbricenfes.  
Contarenus.  
Cottonius.  
Cremoninus.

## D

Dandinus.  
Democritus.

## E

Empedocles.  
Epicurus.

## F

Faber Fauentinus.  
Ferchius Velienfis.  
Ferrarienfis.  
Fernelius.  
Ficinus.  
Flandria.  
Fonfeca.  
Francifcus Maïron.  
Francifcus Toletus.  
Francifcus Suarez.

## G

Gabriel Nominal.  
Gabriel Vafquez.  
Gadius.  
Galenus.  
Gallicius.  
Gilbertus.  
Goffredus.  
Gratian. Brie.  
Gregorius Nyffenus.  
Gregorius Arim.  
Gulielmus Vorril.  
Gulielmus delamare.

Hensicus

# Elenchus Authorum,

H

**H**Enricus.  
Hippocrates.  
Hurtadus.  
Hieronymus Florentin.

I

**I**Andunus.  
Iauellus.  
Ioannes Andr.  
Ioannes de Lugo.  
Ioannes de Magistris.  
Ioannes à S.Thoma.

L

**L**icetus.  
Lugus.

M

**M**Aior.  
Mairon.  
Mancinus.  
Marcus Baudunus.  
Marcus Ant. Gallicius.  
Marfil. Ficus.  
Mastrius, seu Meldula.  
Molina.  
Morandus.  
Morisfanus.  
Murcia.

N

**N**emefius.  
Niger.  
Niphus de Nisse.  
Nominales.

O

**O**Cham.  
Ouiedus.

P

**P**arisienses D. D.  
Paratiue.  
Pererius.  
Picolominus.  
Picus Mirandulanus.  
Pythagoras.  
Pomponatius.

R

**R**abefanus.  
Recupitus.  
Richard. de Med. Villa.  
Richard. Suisset. Calcul.  
Rochus.  
Rubion.  
Ruuius.

S

**S**Almaticenses.  
Scaliger.

Scotellus.  
Scotus.  
Serbellonus.  
Sotus.  
Suarcz.

T

**T**Assonus.  
Tataretus.  
Themistius.  
S. Thomas.  
Tiennensis.  
Titelmanus.  
Toletus.  
Trombeta.

V

**V**Alentia.  
Vallesius.  
Varro.  
Vasquez.  
Verulanus.  
Vgo Senensis.  
Vorrilon.  
Vulpes.

Z

**Z**Abarella.  
Zerbis.  
Zimara.  
Zanardus.

PROOE



PROOEMIUM  
IN TERTIAM PARTEM  
HUIUS CVRSVS PHILOSOPHICI.

**P** Cælo ad terram nempe à corporibus cœlestibus incorruptibilibus ad sublunaria corruptibilia post enauigatum flumen Gehon ad tertium nempe ad Tygrim ducens in Theologiæ Paradisum vocati sumus hoc tertio. curriculi nostri Philosophici anno. Et hæc est tertia Pars, quam proposuimus in principio huius cursus explicandam, vt tandem hac, & sequenti enodata possimus attingere, ingredique in Paradisum Seraphicæ Theologiæ, & degustare optatissimos fructus scientiæ boni, & mali, & vitæ. Hæc tertia Pars Philosophiæ iure merito explicatur nomine Tygris è Paradiso terrestri exeuntis, & per consequens ad ipsum ducentis: Tygris enim interpretatur sagitta, quæ acutè, & velociter volat, omniaque penetrat, sic & doctrina Philosophica huius tertiæ partis innititur tota virtuti substantiali elementorum corporum, quæ & ipsa disponit ad mixtionis formam, hæcque successiue ad viuentium formam acutissimam, & penetratiuam, & in cuius:

R. P. Bart. de Castrovetro Philos. P. IIL

A

virtutē

virtute tot genera animantium , & mixtorum ornant hoc vniuersum , simulque nostram mentem acuit , & disponit ad percipiendos fructus dulcissimos Seraphici viridarij scientiæ rerum naturalium. Hinc in duo membra præcipua diuidenda est hæc materia. In quorum primo agitur de Generatione , & Corruptione , cæterisque ad ipsam spectantibus. In secundo de Anima.



## DE GENERATIONE, ET CORRUPTIONE.


**R**OSTQVAM in libris Physicorum egit Aristoteles de ente naturali in communi , in libris de Mundo , & Cœlo differuit de prima specie huius entis , scilicet corporis naturalis , nempe de corpore simplici. Nunc aggreditur tractationem de corporibus mixtis , & quia ipsis commune est generari , corrumpi , alterari , hinc primò de Generatione , & Corruptione : deinde de Alteratione differit , & postea ad ipsa elementa in particulari , & tandem ad mixta ex elementis composita descendit consideranda : Quem ordinem secundum doctrinam Seraphici Doctoris S. Bonauenturæ & nos sequemur , primò de more nostro Textum ex multiplici genere scriptorum eiusdem Seraph. Doct. excerptum præmittendo , & deinde proponendò , & soluendo Quæstiones ad quamlibet materiam spectantes.

TRACTA




# TRACTATVS PRIMVS.

## *De Generatione, & Corruptione in communi.*

- I.  VIA Generatio est finis per se mixtionis, & alterationis præcipuus, & naturalis, obidque & tenens primum locum in hac materia: hinc primò de generatione in communi iure merito agit Aristoteles, & nos itidem ipsum imitabimur, & quia Corruptio est generationi opposita, & de ipsa hic pariter agemus.



## TEXTVS SERAPHICVS.

- A. ENERATIO potest sumi communissimè, diuiditurque in plura capita: & primò in tria, quodlibet ipsorum autem in alia quatuor: Primum dicitur per diffusionem: Secundum per expressionem: Tertium per propagationem: Primum est vt splendoris à luce, caloris ab igne, fluuij à fonte, imbris à nube plena, & rorida: In quibus tamen adest cum aliquali similitudini etiam aliqua deficientia respectu generationis Diuinæ: nam in splendore deficit æqualitas, in calore intimitas, seu identitas, in fluuijo simulas, quia fons diffundit se per partes, in imbre integritas: Secundum per expressionem est vt speciei ab obiecto, imaginis à sigillo, sermonis à loquente, cogitatus à mente, sed in specie deficit veritas rei, in imagine simplicitas, in sermone stabilitas, in cogitatu substantialitas: Tertium per propa-  
gationem

gationem est ut germinis à semine, arboris à radice, prolis concepit à ventre, filij à Patre principiante: sed in creatis in germine deficit formositas, cum in semine sit forma occulta, & confusa: In arbore, conformitas formæ: in prole actualitas: mater enim est potius principium passivum parum habens de activitate: In Patre creato deficit coëritas: Si verò auferantur istæ deficientiæ, intellectus aliquoties poterit intelligere generationem Verbi æterni. *Serm. 11. Hexæm. & lib. 1. dist. 13. dub. 8. & quæst. 1. & lib. 1. dist. 9. per totam. & dist. 7. art. 1. quæst. 2.*

B. QUARE generatio potest sumi, prout est quid commune increatæ, & creatæ: sicque præcisè nullam importat mutationem: si verò tantum sumitur, ut est in creatis, sic diuiditur in dicta duodecim capita, includitque in omnibus imperfectionem, & mutationem: Omnis enim generatio vel dicit educationem rei ab alio: vel productionem ex alio: Prima est formarum non viventium, quæ educuntur ab agente, & generante æquivoco: Secunda est rerum viventium, & hæc est duplex: vel qua generans impartitur totum seipsum genito, ut in Diuinis; vel partem tantum, ut in creatis. *Ibidem loc. cit.*

C. GENERATIO verò primo modo sumpta, scilicet prout est communis increatæ, & creatæ, sic potest definiri. *Productio substantiæ similis in natura ex simili*: Generatio verò creata. *Productio substantiæ cum mutatione, seu dependentia subiecti*: per primam partem differt à productione accidentali: per secundam à creatione, & à generatione Diuina: & hæc est vel uniuoca, scilicet similis ex simili, vel æquivoca, scilicet rei ex dissimili. *Lib. 3. dist. 8. art. 2. quæst. 3. & lib. 1. dist. 9. art. 1. quæst. 1. & lib. 2. dist. 8. part. 1. art. 3. quæst. 1. & lib. 1. dist. 13. cit. & lib. 1. dist. 37. part. 1. dub. 5. & lib. 3. dist. 34. part. 2. art. 2. quæst. 1. ad 4.*

D. CVM igitur generatio creata sit cum mutatione, necessariò exigit subiectum mutabile, quod transit de non esse tali ad esse tale; ita quod priuatio præcedat vel natura, vel tempore: veroque enim modo potest esse: sic & in principio Mundi, quando Deus eduxit formas concreatas in materia cum sola prioritate naturæ, talis educio inter generationes reputanda est. *Lib. 2. distinct. 1. part. 1. art. 3. quæst. 1. & lib. 3. dist. 11. art. 2. quæst. 2. fund. 2. & lib. 1. dist. 9. quæst. 1. & quæst. 3. ad 1. & lib. 2. dist. 12. art. 1. quæst. 2. & 3.*

E. GENERA



E. GENERATIONIS terminus intentus à natura est forma communis, licet ex consequenti sit individuata. *Lib. 1. dist. 5. art. 2. q. 1. & lib. 2. dist. 1. part. 1. art. 3. quest. 1. & lib. 3. dist. 2. art. 2. quest. 3. in corp. & lib. 3. dist. 3. art. 2. quest. 2. ad vlt. & quest. 3. ad 6. & quest. 5. in corp. & ad argum. & lib. 2. dist. 7. part. 2. art. 2. quest. 1. ad 4.*

F. CORRUPTIO, quæ est opposita generationi, definitur *mutatio ab ente simpliciter, seu in actu, in ens secundum quid, seu in potentia*: Vnde sequitur, quod cum in corruptione remaneat subiectum cum priuatione formæ corruptæ, corruptio differt essentialiter à generatione, quæ est transitus ab ente in potentia ad ens simpliciter, & à creatione, quæ est transitus à non ente simpliciter ad ens simpliciter, & totale, & ab annihilatione, quæ est transitus ab ente simplicitate ad non ens simpliciter, & à conuersione, quæ est transitus ab ente simpliciter ad aliud ens simpliciter. Potest etiam definiri corruptio sic: *actio cum defectu. Lib. 1. dist. 8. p. 1. art. 2. q. 2. in corp. & lib. 4. dist. 11. part. 1. art. 1. quest. 3. ad 2. & lib. 2. dist. 35. art. 1. quest. 1. ad 2.*

G. CORRUPTIO rebus competit naturaliter, quatenus sunt ex principiis defectiuis, & inter se pugnantibus: non prout important inclinationem ad bonum sibi conueniens; sic enim dicitur esse contra naturam. *Lib. 1. distinct. 8. part. 1. artic. 2. quest. 2. ad 5. & lib. 2. distinct. 7. part. 1. art. 2. quest. 1. ad 1. & lib. 2. dist. 19. art. 2. & 3. & lib. 4. distinct. 49. part. 2. artic. 4. quest. 1. & lib. 2. distinct. 15. art. 1. quest. 2. & 3. & lib. 4. dist. 1. part. 2. art. 3. quest. 3. fund. 2. & lib. 2. dist. 26. art. 1. quest. 4.*

H. Et quia generatio, & corruptio possunt sumi, vt sunt actiones, & vt mutationes: Primo modo non differunt: sunt enim vnæ actio: Secundo modo differunt inter se: Actio enim necessario terminatur ad aliquid: at Corruptio, cum sit destructiua, non habet propriè terminum positium, sicut actio: mutationes verò differunt penes terminos. *Lib. 1. dist. 13. art. 1. q. 3. & ad 3. & lib. 4. dist. 2. part. 1. art. 3. quest. 2. ad 2.*

I. AN verò in corruptione remaneat aliquod accidens, quod in corrupto erat, antequam corrumperetur: Dicendum, quod cum in materia adsit quantitas interminata, (vt dictum est in Physica) item & forma corporeitatis ab ipsa inseparabilis (vt itidem dictum est in eadem Physica) item & cum reperiantur quædam accidentia, quæ respiciunt ipsam materiam, & alia, quæ sunt conformia ipsi enti de

novo genito, per consequens respondendum est affirmatiuè. *In locis citatis in Textu ad 1. lib. Phys. de materia, & de forma.*

K. ET quia generatio vnius est corruptio alterius, & è conuerso: hinc sequitur, quod necessariò inter ipsas debet dari ordo nempe primò intelligi debet formam, quæ generatur, exire per agentis actionem: secundò formam veterem, quæ per aduentum nouæ expellitur: & tertio subiectum perficitur per informationem: Vnde prius natura est generatio nouæ formæ, & posterius natura expulsio veteris; ad quam expulsionem forma noua coagit, seu concurrit cum agente, & ideo forma noua, & vetus opponuntur in genere formali. *Lib. 2. dist. 7. part. 2. art. 2. quæst. 1. & Serm. 3. de Apostol. & lib. 4. dist. 17. part. 1. art. 2. quæst. 1. & lib. 1. dist. 14. quæst. ult. ad 4. & lib. 3. dist. 31. art. 1. quæst. 1. ad 2.*

L. GENERATIO cum alia sit substantialium formarum, quæ propriè est generatio, & alia accidentalium, dicendum est, quod prima fit in instanti: statim enim ac materia vltimò est disposita, generatur in illo vltimo instanti substantia: Secunda verò formarum accidentalium, & maximè habentium contrarium fit successiuè. *Lib. 4. dist. 11. part. 1. art. 1. quæst. 5. ad 4. & lib. 2. dist. 1. part. 1. art. 3. quæst. 1. & aliis loc. cit. in Phys. lib. 3. tract. 1. quæst. 7.*

M. QUÆRITUR, an id, quod corruptum est, possit idem numero reparari: Ad quod breuiter respondetur, quod loquendo de potentia naturali id est impossibile: & ratio est, quia cum veritas individualis pendeat ab hoc influxu à tali agente, & ob id etiam ab hac numero actione, cum iam præterita sit, & cesserit in nihil, agens naturale non potest eandem actionem reproducere, & per consequens nec idem numero: Deus verò, qui est independens à quacunque re creata, & cum sit virtutis infinitæ, cum effectus de se dicat indifferentiā ad quauicunque causam de se valentem ipsum producere: hinc ab agente infinito poterit reproduci, & eò maximè, quia cum adsint incesse principia substantialia compositorum, poterit Deus ea denuò vnire, vt eueniet in Resurrectione mortuorum.

ET quoad præteritum distinguendum est de præterito sumpto secundum propriam entitatem, vel secundum rationem præteritionis: Primo modo dicendum Deum posse reproducere, eandem rem præteritam: Secundo modo nequaquam: non enim potest facere, quod præteritum non fuerit præteritum: faceret enim de non ente  
non

non ens, sicque nihil. *Lib. 4. dist. 43. art. 1. quæst. 4. & lib. 1. dist. 42. art. 1. quæst. 3.*

*Notationes super Textum.*


PRIMò Nota, quod, vt alijs dictum est, in positione Textus non admissum semper eadem verba S. Doct. à nobis sumpta sunt, sed habuimus respectum ad sensum ipsius, & secundum eundem sensum conformia verba adaptauimus, & hoc maioris breuitatis gratia, quod & in alijs sequentibus practicabimus: sicut & idem Seraph. Doct. facit multoties in referendo aliorum opinionum.

SECUNDò Nota, quod in tract. de Anima plura hic de generatione omiſſa fusiùs tradentur, reliqua spectantia ad dictum Textum aperientur in sequentibus quætionibus.

~~~~~

QVÆSTIO PRIMA.

*An sit, quid sit, & quomplex sit Generatio.*

2.  T pateat sensus tituli quætionis, & vt fundamentaliter soluat, primò explicandum est, quomodo sumatur generatio, vt melius possit definiri.

GENERATIO igitur multis modis potest sumi: est enim nomen æquiuocum: hinc primò latissimè dicitur generatio, prout est quid commune cuicunque productioni siue substantiali, siue accidentali, siue cum dependentia à subiecto, siue absque

ipsa, siue ex aliquo, siue ex nihilo: & hæc ex Seraph. Doct. *lib. 1. dist. 13. dub. 8.* diuiditur in duodecim capita, quorum plura impropiissimè spectant ad generationem, vt in Textu dictum est: Secundò sumitur minùs latè, prout dicitur productionem ex aliquo sibi similis in natura: & hoc potest esse tripliciter: Primo per impressionem suæ similitudinis in alio, vt generatur character à sigillo, lumen à corpore luminoso, species ab obiecto: quæ generatio licet sit accidentalalis, habet tamen secundum Seraph. Doct. aliquid ampliùs, quam extæ formæ accidentales, quæ educuntur de potentia subiecti, quarum productio est generatio accidentalalis, & impropria. Illæ autem formæ, cum producantur non per educationem ex potentia subiecti, sed per meram productionem, & cum sint similitudines suæ originis, spectant reductiue ad idem prædicamentum, ac suum ipsarum principium. Sic *lib. 1. dist. 3. part. 2. art. 1. quæst. 3. corp. in fine*: Secundo per educationem speciei consimilis ab alio, sic generatur elementum ab elemento: Terrio modo consimilis de consimili, idest de seipso, & de sua substantia.

ALIAM diuisionem assignat S. Bonavent. in *Serm. 11. Hexæm.* diuidens generationem in eam, quæ est per diffusionem, & quæ est per expressionem, & quæ est per propagationem: Prima est verbi gratia, splendoris à luce, caloris ab igne: Secunda

Secunda speciei ab obiecto, imaginis à sigillo, sermonis à loquente: hæc omnes sunt magis improprie generationes: Tertia est per propagationem, & hæc est duplex, vel per educationem formæ à subiecto ab alio, ut dictum est, sic ignis generat ignem: vel per productionem ex seipso, scilicet per communicationem suæ substantiæ, & hæc vel est increata, quæ generans totum seipsum communicat genito, sic Pater seipsum totum communicat filio in Divinis, vel est creata, quæ generans partem sui impertitur genito. De increata agitur in Theologia; hic verò tantum est sermo de substantiali creata, prout est communis utrique, scilicet vel ab alio, vel ex alio: Sicque sit

3. PRIMA CONCLUSIO: dari generationem substantialem evidens est. Probatu ex duobus principiis Philosophiæ: Primum est, quia ex nihilo nihil fit viribus naturæ: Secundum est, quia dantur mutationes substantiales evidentes, ex quibus sic efformatur argumentum: dantur mutationes substantiales, ut de se patet, sed non sunt ex nihilo, quia ex nihilo nihil fit, ergo per productionem differentem à creatione sed illæ sunt generationes, quæ sunt cum dependentiâ à subiecto, ergo.

4. SECUNDA CONCLUSIO: Generatio ab Arist. hic cap. 4. t. 23. Sic definitur: *mutatio totius in totum nullo sensibili remanente ut subiecto eodem*. Explicatur, & simul probatur tali pacto: Dicitur (*mutatio*) loco generis, per quod convenit cum alteratione, & augmentatione: Dicitur (*totius*) idest compositi, quæ particula debet sano modo intelligi: nam mutatio non denominat præcisè totum,

sed tantum subiectum, quod mutatur de vna forma ad aliam formam, sed quia ex hoc transitu compositum corrumpitur, quod simpliciter dicitur totum, & ex eadem materia fit aliud totum: hinc mutatio dicitur generatio, quæ ex vno toto in materia fit transitu ad aliud totum ad differentiam alterationis: nam forma accidentalis cum subiecto non facit simpliciter vnum totum: Dicitur (*nullo sensibili remanente ut eodem subiecto*) ut denotetur nihil remanere accidentale, quod sit in illo toto, licet possit remanere aliquid accidentale in parte, idest in materia, quod dicitur accidens postea novi compositi: quod infra fusiùs examinabitur, & explicabitur: Sed quia hæc definitio patitur multas, & graves difficultates; ut, verbi gratia, essentialiter generatio sit mutatio, & quomodo verè possit dici mutatio: quod enim mutatur, remanet licet sub diversa forma, sed totum non remanet: & an in corruptione remaneat aliquid, quod erat in genito. Tum etiam quia generatio in Divinis non est vera mutatio, & tamen verè est generatio. Hinc alia definitio aptior à DD. assignatur, & à Seraph. Doct. lib. 1. dist. 9. quæst. 1. & lib. 3. dist. 8. art. 2. quæst. 3. & lib. 2. dist. 8. part. 1. art. 3. quæst. 1. tali pacto: *Generatio est productio substantiæ similis in natura: quæ definitio est communis generationi creatæ, & increatæ: Generatio verò creata sic habet definiti: Generatio est productio substantiæ, cum mutatione subiecti*. Sic S. Bonavent. lib. 2. dist. 3. part. 1. art. 3. quæst. 1. Dicitur (*productio*) loco generis: Dicitur (*substantiæ*) ut differat ab accidentali: Dicitur (*cum mutatione*) seu dependentiâ à subiecto,

ut differat à creatione, & à generatione increata.

DICES: Si omnis generatio est productio similis in natura: ergo in quacunque generatione generans poterit dici Pater, & genitum dici Filius.

RESPONDET S. Bonavent. *lib. 1. dist. 13. & 31. q. 1.* negando consequentiam: nam licet adsit aliqualis similitudo in omni generatione, tamen ad rationem filij requiritur imago representans genitum quoad potentiam cognitivam, quod & explicabitur in libris de Anima.

5. TERTIA CONCLUSIO: Generatio, propterea praescindit à creatura, & increata, dicit tantum productionem substantialem ex alio: creata verò ut talis dicit necessariò, & intrinsicè mutationem, obidque priuationem antecedentem: Illa quidem emanationem entis ab ente: Ista mutationem ex non ente in ens. Sic S. Bonau. *lib. 1. dist. 9. art. 1. q. 3. ad 1.*

Hæc conclusio tangit illam difficultatem celebrem, an necessariò generatio creata sit inter duos terminos positivos, an solùm sufficiat, ut sit inter terminum priuativum, & positivum, ita quod non esse debeat præcedere duratione ad esse novum, quam licet soluerimus in *Phys. in lib. 1. & 2. Phys.* sustinendo hanc secundum pacem, ut videre est *ibid. 182. seq. & 382.* attamen quia hic est proprius locus, aliqua superaddenda sunt ad maiorem huius veritatis Confirmationem.

PROBATVR igitur conclusio ex Seraph. Dôct. quoad primam partem: Generatio in Diuinis est vera generatio: sed hæc est sine mutatione: ergo intrinsicè ut sic non dicit mutationem.

R. P. Bar. de Castrovetto Phil. P. III.

PROBATVR Secunda pars: Generatio creata ut creata est actio ergo est mutatio: omnis enim actio creata est in motu, & in subiecto, & ad terminum ex S. Bonau. *lib. 1. dist. 9. q. 1. & lib. 2. dist. 1. part. 1. art. 3. q. 1. & lib. 3. dist. 11. art. 2. q. 2. fund. 2.* & communi DD. Tum quia per id differt generatio à creatione, quòd creatio est ex nihilo absolute, generatio non est ex nihilo absolute, sed tantum secundum quid, idest ex subiecto, quatenus mutatur de vno esse ad aliud esse: ergo. Tum quia, ut arguit Seraph. Dôct. *lib. 1. dist. 9. cit.* generatio increata, & creata per id differunt, quòd illa est tantum relatio inter produens, & productum, & est communicatio essentia generantis secundum totum: creata verò est secundum partem tantum: ergo ista necessariò est cum mutatione annexa. Tum quia, quod accipit esse de nouo in subiecto, etiam si prius tempore non caruerit esse, verè mutatur in subiecto, quia transit de non esse sui in subiecto ad esse: ergo.

6. OBJECIES PRIMò: In Diuinis est generatio verè, & non adest mutatio: ergo generatio de se non est mutatio: Sed iam supra responsum est, nempe generationem, propterea dicit productionem puram, sic conceditur non dicere mutationem, sed propterea creata, negatur consequentia: nam generatio creata dicit productionem substantialem: Sed quia actio creata dependet à subiecto, hinc necessariò est mutatio. Tum quia, ut alias in *Physica* probatum est, creatura non habet vñ productionem immediatam substantialem, sed tantum vñ tribuendi illi modum substantialem novum.

INSTAT Melidul. de gen. disput. 5.

B. NUM. 19.

*num. 19.* Dantur generationes creatæ absque eo, quod præcedat priuatio, obidque absque mutatione: sic enim in principio Mundi non præcessit priuatio formarum, anima rationalis in eodem instanti, ac formatur corpus, infunditur absque præcedentia priuationis: Item cum ex speciebus Eucharistiæ generatur substantia, quæ omnes sunt veræ generationes absque mutatione: Ruuius *hic quæst. 2.* ait, istas non esse veras generationes naturales, obidque instantiæ non vrgent: quod & aliquoties etiam admittit Scraph. Doct. *lib. 2. dist. 1. part. 1. art. 3. quæst. 1. ad 4.* Sed tamen directè

RESPONDETUR primæ instantiæ de productione formarum ex S. Doct. *lib. 2. distinct. 12. art. 1. quæst. 2. & 3.* quòd verè materia per aliquod tempus præcessit productionem formarum, quia concreta fuit cum ipsa forma corporea imperfecta, & deinde educatæ fuerunt aliæ formæ completæ.

RESPONDETUR secundò ex eodem Scraph. Doct. *lib. 2. dist. 1. cir. ad 2.* priuationem præcedere tempore in generationibus, quæ fiunt cursu naturali, at quæ extraordinario modo fiunt, sufficit, vt habeant prius naturam tantum priuationem: Sic *ibidem ad 1. & in corp.*

INSTAT primò Meld. Priuatio debet mensurari saltem per instans tempus, aliàs non præcedit priuatio, sed tantum potest dici, quod præcederet, si non fuisset impedita: ergo.

RESPONDETUR negando antecedens: duplex enim priuatio scilicet vel est ab vna forma ad aliam, & hæc præxigit tempus: vel est transitus à non esse ipsius formæ ad esse eiusdem, & hæc transitus potest fieri in

vnico instanti temporis per duo instantia naturæ: Sic etiam Morandus *quæst. 2. num. 3.*

INSTAT secundò Meld. Quia si hoc est verum: ergo creatio erit generatio: quia forma in vnico instanti temporis transit à priuatione sui ad esse.

RESPONDETUR ex S. Bonau. negando consequentiam; non enim differunt creatio, & generatio per mutationem, sed quia creatio est à non esse puro, generatio est ab esse in potentia in subiecto, obidque quia & subiectum concurret per modum principij materialis.

ADDIMVS tamen in talibus casibus non posse dici tales generationes plenè naturales, vt dictum est: Vnde præcedit in his priuatio incompleta.

7. QUARTA CONCLVSIO: Generatio viuientium est *origo, seu processus videntis à viuente in similitudinem naturæ*: Dicitur (*origo*) ad explicandum concursum actiuum generantis, & per id excluditur formatio Eux ex costa Adæ, aliarumque rerum, quæ fiunt per potentiam obedientialem, quia principium debet esse viuens, vt vitam infuset in genitum: Dicitur (*in similitudinem naturæ*) idest intentam à generante, & per id excluditur nascentia ouorum diuersæ speciei in cubatione volucris, qui est tantum causa dispositiua, causa autem generans est illa, quæ produxit oua, & si Deus produceret arborem, vt aliquando factum est miraculosè ex baculo arido, hæc actio non esset generatio viuientis propriè, quia esset ordinata non naturaliter, sed potiùs materialiter ad talem effectum: Sed de hac materia agetur fusè in libris de anima.

8. Ex quibus inferitur, quānam sit terminus proprius generationis substantialis, quia enim generatio est mutatio ratione educationis formæ de potentia subiecti, & quia est actio, idē terminat non præcisē ad ipsam formam vt sic, nisi vt quo, sed ad formam vt unitam materiæ, seu ad compositum, seu ad naturam: Sed quia in creatis actio est circa singularem, & forma communis numeratur in suppositis, idē in illis forma communis producit, & corrumpitur. Hinc sequitur, quod terminus secundū intentionem naturæ est forma communis, seu substantia similis in natura resultans ex vnione materiæ, & formæ, licet ex consequenti postea sit contracta, & singularis, vel suppositata. Sic S. Bonau. lib. 1. dist. 5. ar. 2. quæst. 1. & lib. 2. dist. 1. part. 1. ar. 3. quæst. 1. & lib. 3. dist. 2. ar. 2. quæst. 3. in corp. & dist. 5. ar. 2. q. 2. ad ult. & quæst. 3. ad 6. & q. 5. in corp. & ad argum. & lib. 2. dist. 7. part. 2. ar. 2. quæst. 1. ad 4. vbi ait, quoddā propriē forma non generatur, sed compositum: cū enim producit forma, non producit in se, nec per se, sed vt in materia, & sic facit compositum, & ad illud terminatur generatio, sed quia generatio respicit compositum gratia formæ, idē forma se habet vt quō. Dicimus igitur terminum generationis vt quo esse non formam præcisē, sed esse formam, propter quod in materia per vnionem: terminum verō vt quod, & totalem esse ipsum compositum.

PROBATVR autem, quia forma vt sic non est ad aliud, sed terminus formalis vt quo est ad aliud: At forma vt unita materiæ est ad compositum: ergo est terminus formalis, vt

quo: Subsumo, sed compositum resultans est id, quod intenditur à natura in generatione: ergo erit terminus totalis.

OBIECIES primò ex Arist. forma est finis generationis: ergo forma est, quæ intenditur in generatione vt quod.

RESPONDETVR ex S. Bonauent. esse formam partis, & formam totius: Prima est finis quo: Secunda finis qui.

OBIECIES secundò: Id, quod verè, & totaliter attingitur ab actione generatiua, est terminus vt quod, sed res vt subsistens est huiusmodi, cū sit id, quod totaliter complet compositum, & hæc est substantia: ergo.

RESPONDETVR negando Minorem: licet enim substantia ultimā resulter, tamen illa non est per se terminus generationis intenus à natura, sed est ipsa forma totius vt existens, quæ intelligitur ultimā completa per individualitatem, & suppositalitatem, tanquam consequentem secundū cursum naturalem.

9. OBIECIES tertio: Forma educitur per eandem actionem, ac vnitur materiæ, & fit compositum: ergo & isti termini sunt vnus, & idem, vnica enim actionis est vnus terminus.

RESPONDET P. Baudunius hic sect. 2. cum aliis Thomistis concedendo antecedens, & negando consequentiam: sic etiam Morandus, idem enim terminus secundū vnū modum potest esse formalis vt quo, & totalis vt quod secundū alium modum.

Nos respondemus ex S. Bonau. negando Antecedens: nam, vt ait

lib. 4. dist. 17. part. 1. art. 2. quest. 1. eductio præcedit unionem actionem, & unionem passionem, quæ ordinantur ad totalem terminum: hinc negatur consequentia.

INSTANT: Vbi vnum est propter alterum, ibi est vnum tantum: ergo nulla responsio.

RESPONDET S. Bonavent. lib. 3. dist. 5. art. 2. quest. 4. ad 5. & quest. 5. in corp. & distinct. 21. art. 1. quest. 3. in corp. & ad 3. & lib. 2. dist. 18. art. 1. quest. 4. ad 3. & 4. quodd aliud est dicere vnum per alterum; aliud est propter alterum: primo modo duo distincta ponuntur, vt est in casu nostro, & si intelligeretur etiam secundo modo, id tamen non officeret nostræ conclusioni, quia verificatur illud axioma in rebus eiusdem generis simul coordinatis, vt sunt gradus metaphysici, non verò in entibus habentibus inter se distinctionem, & diuersitatem, vt est in casu nostro.

## QVÆSTIO II.

*Quid sit Corruptio, & qualis.*

10. **A**DVERTENDUM est, quod Corruptio potest sumi primò latissimè pro quacunque deiectione esse rei, sicut est quid commune annihilationi, & corruptioni naturali: Secundò propriè, & strictè pro corruptione substantiali, quæ est mutatio, in qua destruitur forma, & remanet subiectum, & de hac procedit questio: nempe quid sit, & an sit naturalis, an violenta.

RESPONDETUR primæ parti tituli questionis, Corruptionem esse de-

tionem totius remanente subiecto: A Seraph. Doct. lib. 1. distinct. 8. part. 1. art. 2. quest. 2. in corp. melius definitur, *mutatio ab ente simpliciter, seu in actu in ens potentia, siue secundum quid*: Dicitur (*mutatio*) loco generis: Dicitur (*ab ente in actu in ens potentia*) vt distinguatur à generatione, & annihilatione: nam generatio est mutatio in ens simpliciter: & annihilatio est in non ens simpliciter: corruptio verò est in ens in potentia, quia remanet subiectum, in cuius potentia adest forma corrupta, per id etiam discernitur à conuersione, vt quando vna forma transit per conuersionem in aliam, vt in conuersione substantiæ in Corpus Christi. Sic lib. 4. distinct. 11. part. 1. art. 1. quest. 3. ad 2. hæc enim est transitio, non corruptio formaliter: Sed quia in corruptione adest & mutatio formæ, seu subiecti, & adest etiam actio: hinc Seraph. Doct. tradit etiam aliam definitionem lib. 2. dist. 35. art. 1. q. 1. ad 2. Corruptio est *actio cum defectu, scilicet destructiua forma.*

*Quoad secundam partem tituli questionis.*

11. RESPONDETUR secundò, quòd si naturale sumitur, provt opponitur supernaturali, corruptio est naturalis, & viribus naturæ facta: Si naturale sumitur pro eo, quod competit rei ex suis principiis defectiuis, sic est naturalis: quia enim res sunt ex nihilo, idèd naturaliter ipsis competit variatio, corruptio, & annihilatio, idque secundum maiorem, vel minorem perfectionem rerum: Et hoc pacto Adam in statu innocentie erat mortalis. Sic S. Doct. lib. 1. dist. 8. part. 1. art. 2. quest. 2. ad 5. & lib. 2. dist. 7.



*dist. 7. part. 1. art. 2. quest. 1. ad 1. & lib. 2. dist. 19. art. 2. & 3.* Si verò sumitur, propter naturam dicit inclinationem ad aliquid, quia hæc inclinationem est ad bonum sibi conueniens: hinc corruptio non est naturalis, sed contranaturalis, & violenta.

**DICERETUR:** Natura appetit nouam, & nouam formam, sed id non potest esse sine corruptione antecedentis: ergo appetit corruptionem.

**RESPONDETUR** concedendo maiorem, & minorem, & negando consequentiam, quia non appetit corruptionem, sed id est ex consequenti, & per accidens, nec per se intenditur à natura.

**12. QVÆRES,** an generatio, & corruptio sint vnica mutatio, an plures.

**RESPONDETUR** ex Seraph. Doct. quod corruptio potest sumi, vt est mutatio, & vt est actio: Primo modo differt à generatione: mutationes enim (ait *lib. 1. dist. 13. art. 1. quest. 3. ad 3.*) differunt penes terminos, ad quos sunt: Generatio autem est ab ente secundum quid ad ens simpliciter: corruptio est ab ente simpliciter ad ens secundum quid, scilicet in potentia: Propter verò est actio, sunt vnum, & idem realiter, differunt tamen formaliter, corruptio enim est eadem actio, quatenus est corruptiua, ac generatio, quatenus productiua, scilicet continuatur à contrario in contrarium, & ab vna forma destructa ad aliam producam: Vnde ratione terminorum eadem actio habet diuersas formalitates. Quod verò sint vnum, & idem realiter, patet, quia, vt dicit Seraph. Doct. *lib. 4. distinct. 12. part. 1. art. 3. quest. 2. ad 2.* omnis actio terminatur ad aliquid, non ad non ens:

ergo actio destructiua, cum vt talis habeat pro termino non ens vt sic, non est actio distincta à generatione, quæ habet pro termino aliquid scilicet genitum.

**OBIECIES** cum Zabar. Fab. Aliisque: Actiones diuersificantur penes terminos: sed corruptio, & generatio habent diuersos terminos: ergo.

**RESPONDETUR** concedendo Maior. quando sunt capaces terminorum, sed corruptio vt actio non est capax termini, sed tantum negationis termini: igitur licet habeat diuersam formalitatem, non tamen diuersa est entitas à generatione.

### QVÆSTIO III.

*An in Corruptione substantiali fiat resolutio vsque ad materiam primam.*

**13. SENSVS** questionis est, an dum corrumpitur compositum substantiale, omnes forme tam substantiales, quam accidentales ita corrumpantur, vt remaneat materia nuda, ita quod dum induitur noua forma, nihil addit in ipsa, seu in composito, quod erat prius in corrupto.

**PRIMA** opinio est D. Thomæ, & sequacium sustinentium fieri resolutionem vsque ad materiam primam, & nudam: Ad hanc pertrahitur, licet inuitus S. Doct. ab ipsis Thomistis, & quod mirum est, ab ipsis Bonauenturistis P. Gallicio *hic quest. 1. P. Baudunio hic dist. 1. sect. 6.* quod tamen est alienissimum à Seraphica mente, vt mox patebit.

SECUNDA opinio est Scoti, & his temporibus communior tuentium partem oppositam: In qua sententia est Seraph. Doct. sed diuersimodè, & ex diuersis principiis: Nam Scotus tantum admittit hanc permanentiam accidentium in subiectis formatum viuentium ratione formæ corporeitatis, quæ permanent discedente anima, non verò in non viuentibus: At Seraph. Doct. vniuersaliter id admittit: Pro solutione

14. PRIMò Notandum, & supponendum ea, quæ in *lib. 1. Phys.* tradita fuere de quantitate interminata, & forma corporeitatis, vbi ex Seraph. Doct. probauimus, quòd tam quantitas interminata, quam forma corporeitatis fuerunt coeuz cum materia, & in materia vel concreta, vel congenita, & ab ea inseparabiles: hinc enim ortum habet, ait Seraph. Doct. quòd materia, quæ in principio mundi fuit affecta corporeitate, nunquam ipsa exuta fuit, nec est agens naturale valens ipsam priuare, & è conuerso idem dicendum est de materia affecta forma spiritali, quæ omnia fuscè, & autoritatibus pluribus Seraph. Doct. probata fuere à nobis in *lib. 1. tract. 2. quest. 11. & tract. 4. quest. 3.* Item & in *libris de Cælo tract. 2. quest. 3. a num. 844.* Ex quibus sequitur, quòd eum subiectum quantitatibus immediatum sit materia simul cum forma corporeitatis, sed principalius, & immediatiùs materia, quantitas enim se tenet ex parte materiæ, quæ cum sit incompleta, completur postea per aduentum formatum complementum: hincque secundum illud esse imperfectum dicitur esse in materia, sed secundum esse completum in toto composito, quod afficit, & ob id

nunquam deueniri potest in corruptione ad materiam nudam.

15. SECUNDò Notandum, quod accidens corrumpi potest multis de causis, nempe vel per destructionem subiecti, vel ob inductionem contrarij, vel ex defectu conseruantis. Sic Seraph. Doct. *lib. 4. dist. 1. part. 2. art. 3. quest. 3. fund. 2. & lib. 2. dist. 26. art. 1. quest. 4.* Primo modo corrumpitur calor ad destructionem ignis, febris ad mortem febricitantis: Secundo modo calor à frigore adueniente: Tertio modo lumen à remotione corporis luminosi: Subdit Seraph. Doct. *lib. 3. dist. 31. art. 3. quest. 1.* quòd quædam sunt dispositiones, & accidentia antecedentia in subiecto, quæ non solum non sunt opposita formæ de nouo aduenienti: immò sunt conformia ex hoc, quòd forma de nouo adueniens est eiusdem rationis, vel etiam actuosior, & virtuosior in conseruatione illorum accidentium, in quo casu sequitur, quod si remanet inesse idem subiectum radicale, poterunt remanere eadem accidentia, quæ etiam in corrupto, ex hoc quod ipsis non aduenit contrarium destruens, nec deficit causa conseruans tum materialis, tum formalis, tum effectiua, nempe noua forma, cui conformia sunt, quod & manifestè docet S. Doct. *lib. 4. dist. 12. part. 1. art. 1. quest. 3. fund. 3.* licet P. Gallicius conetur trahere S. Doct. ad oppositum sensum, sed malè (quodque dictum sit pace, & reuerentia debita tanto viro) fundat enim suum assertum in hoc textu Seraphico, quandoquaque in aliqua mutatione saluatur accidens secundum esse, quod habet in subiecto, necesse est, quòd sit conueniens ei, quod mutatur, & in quod mutatur,

tur, vt si de aëre fiat ignis, manet calidum: P. Gallicius rectè notat in hoc textu irreperisse errorem in illo termino, *inconueniens*, debet enim legi conueniens, qui textus est conformis & cæteris à P. Gallicio allatis pro opposita sententia, qui omnes sunt indicantes accidentia non subiectari in materia nuda, sed prout est cum forma: Ex quibus inferi corrumpti omnia accidentia, sed non bona est illatio, vt supra diximus; quia Seraph. Doct. recognoscit in materia formam corpoream, & formam lucis substantialem, & quantitatem interminatam coeuias materię, vt patet in locis proximè citatis, &c. & idè omnes textus Seraph. Doct. sunt vniformissimi nostrę assertioni: Affert P. Gallicius alium textum ex lib. 4. dist. 12. part. 1. art. 2. quæst. 3. ad 1. vbi dicit S. Doct. hoc est supra naturam nempe eandem quantitatem remanere sublatà substantia per consecrationem, in qua prius erat, quia hoc est proprium solius substantię, ex quo inferri, si ergo remanet idem accidens per miraculum, sequitur, quod naturaliter non remanet: Quę illatio rectè ponderanti textum, & sensum Seraph. Doct. non est rectè facta: nam ibi docet per miraculum fieri, quòd quantitas eadem remaneat subiectum aliorum accidentium, cum hoc sit officium solius substantię: Immo ex hoc textu apparet sensus Seraph. Doct. admittentis idem accidens posse esse in eodem subiecto, vt dictum est, licet siue miraculo non possit esse immutatum idèst per transitum in alteram substantiam.

16. TERTIO Notandum, quòd præcipuum fundamentum Aduersariorum negantium idem accidens

posse esse in vtroque subiecto & corrupto, & genito, innititur sequenti axiomati Philosophico: Accidens non potest naturaliter transmutare de subiecto in subiectum, quod & habet S. Doct. lib. 4. dist. 12. part. 1. art. 1. quæst. 3. in corp. hinc inferunt, quòd tale axioma redderetur falsum, si idem accidens posset esse modò in vno subiecto, modò in altero: Ad quod respondent Scotistę verum esse axioma de subiecto in hæsiōnis, non de subiecto denominationis; quę doctrina tamen habet altiores radices, quàm ad oculum apparent, & idè à Seraph. Doct. acutissimè enucleatur: Notat autem S. Doct. quòd hoc axioma verificatur tantum de illis accidentibus, quę habent idem pro subiecto in hæsiōnis, & pro causa, verbi gratiā, albedoeducta ex hoc pariete impossibile est naturaliter, quod transeat de subiecto in subiectum: At non est verum de illis accidentibus, quę habent aliud pro subiecto, aliud pro causa, vt patet in lumine diffuso per aërem: impletur, & mutatur aër, & remanet immotum idem lumen: sic & species intentionales diffuse per medium. Sic S. Doct. lib. 2. dist. 26. art. 1. quæst. 3. & 4. ad 2. & dist. 13. art. 3. quæst. 2. modò accidentia, quę insunt in composito, sunt in duplici discrimine: alia enim insunt ei vt subiecto, & vt causę, competuntque ipsi, vt tale est, verbi gratiā, albedo, & alia accidentia sensibilia: alia sunt, quę ipsi competunt vt subiecto tantum, non vt causę proximę, sed competunt ei, quatenus insunt; & competunt subiecto primo scilicet materię corporeę, scilicet vt affectę forma corporeitatis substantiali, & quantitiuę: Hinc S. Doct.

Doct. hanc doctrinam ad rem tradit *lib. 1. dist. 26. dub. 5. & lib. 4. dist. 12. part. 1. art. 1. quest. 3. fund. 3. dicens; dum aer fit ignis, remanet calidum, & idem replicat lib. 4. dist. 42. art. 2. quest. 1. ad 2. dicens, quod sunt quædam accidentia, quæ insunt in composito ratione materiæ: alia ratione formæ: alia ratione coniuncti: Adde ex eodem & alia ratione variarum formarum in composito existentium, & *lib. 4. dist. 43. q. 5. in fine docet in pulueribus corporis humani redactis in Elementum ineffe quandam qualitatem, quæ erat in corpore, dum erat viuum, ordinantem eas ad suam animam: & lib. 2. dist. 2. art. 1. quest. 2. in corp. ait tempus intrinsecum oriri à materia, vt tendente ad formam: ergo aliqua accidentia transeunt de subiecto in subiectum: Et ratio est (ait ipse *lib. 2. dist. 26. art. 1. quest. 4. ad 2.*) quia omnimodè tale accidens non dependet à composito, à quo ortum non habet, sed à primo suo subiecto, scilicet ab illa materia, (vt dictum est) & in hoc sensu verificari potest distinctio Scotistica accedens non posse variare subiectum inhaesionis, sed bene subiectum denominationis: quæ distinctio tradidit etiam prius Seraph. Doct. *lib. 4. dist. 49. part. 1. art. 1. quest. 3. in corp. ubi dicit, quod beatitudo est in aliquo vt in subiecto primo per inhaerentiam, & sic est in anima, & in aliquo sicut in coniuncto per quandam redundantiam: Idemque & diximus in *Phys. loc. cit. de accidentibus, quæ proueniunt ex materia cum tali, vel tali forma, quæ competunt etiam toti coniuncto per redundantiam, & unionem, sic est quantitas, &c.* His positis***

17. VNICA CONCLVSTO: In Corruptione non fit de facto, immò nec posset fieri naturaliter resolutio vsque ad materiam primam; sed remanent & formæ, & plura accidentia in de nouo genito, quæ erant in corrupto, antequam corrumpentur. Est Seraph. Doct. vt supra probatum est, qui vult remanere in materia formas substantiales corporis, & lucis, & quantitatem interminuatam, & consequenter etiam aliqua alia accidentia, Auerroist. Achilini. Picolom. Nomin. Contar. plurimumque aliorum apud Meldul. *diffus. 5. num. 77.* ex parte etiam est Scoti, & plurium scilicet in viucentibus non verò in cæteris, in quibus admittunt resolutionem vsque ad materiam primam, & in hac parte dissentiunt à Seraph. Doct. vniuersaliter id negante in quacunque generatione, & corruptione: Sed P. Mastrius cit. hic aduertit, Attriagam inuicere contra hanc opinionem Scoti, & Scotist. dicendo ipsam esse sine solido fundamento: obidque obsoletam in scholis Hispaniæ, Germaniæ, & Italiæ exceptis aliquibus paucis, nec vllum ferè in schola Iesuitarum ipsam tenere exceptis PP. Dandino, & Coninch. contra quem rectè dictus P. Mastrius notat verè Attriagam, aliosque recentiores Societatis deficere non solum in re, sed etiam in modo: Videaturque cit. Meldul. dignus sanè, vt legatur.

18. PROBATUR igitur primò opinio Scoti, & S. Bonauent. quoad viuientia autoritatibus pluribus Arist. allatis à Zabarella. *de Gener. & Intermixt. cap. 2.* à Contareno, Ragus. Picolom. aliisque interpretibus Peripatheticis, & hanc esse mentem expressam ipsius probant dicti Autho-

res,

res, vt videre est apud citat. Mast. quas breuitatis causa omitto: sum enim totus in adstruendo sensum S. Doct.

PROBATVR secundò omnibus rationibus allatis in *Physic. libro 1. tract. 4. quæst. 3.* desumptis tñm ex mysterio Eucharistiæ, in qua vi verborum terminus conuersionis est Corpus, non anima, & idè si in triduo mortis Christi consecrata fuisset hostia, ibi tantũ corpus idem fuisset abque anima: ergo corpus dicit aliud præter animam: ergo datur aliud in genito, quod erat in corrupto, tum ex accidentibus sensibilibus, quæ apparent in caduere post separationem animæ, vt sunt vulnera, figura, quantitas, & plura alia accidentia.

NEC valet dicere esse tantũ apparenter eadem numero, verè autem tantũ esse idem specie, diuersa numero, non valet, quia non potest afferri causa tam citò ipsa produciens, nisi fiat recursus ad causam vniuersalem, scilicet ad Deum absque fundamento tamen, & contra rationem Philosophi, qui recurrere debet ad causas speciales, natura enim non deficit in necessariis. Sed vide Meldul. *citat.* qui fusè contra Arriag. & alios probat hanc veritatem, notatque varietatem responsionum, vt euitent hanc insolubilem difficultatem esse signum falsitatis opinionis Aduersariorum.

PROBATVR tertio in sententia Seraphica vniuersaliter de omni generatione, & corruptione, & quoad non viuientia contra Thomistas, & Scotistas apud Mastrium, quia hæc est expressa sententia Arist. vt pluribus probant citati Authores Interpretes Arist. vt videre est apud Con-

R. P. Barr. de *Castrovetro Phil. P. III.*

tarenum, Zabarellam, &c. Tum quia rationes desumptæ ex sensibilitate accidentium in viuientibus corruptis æquè militant in cæteris compositis, patet enim ad sensum in corruptione remanere eundem calorem, frigus, quantitatem, & alias qualitates.

RESPONDET Mastrius *cit. num. 94.* negando paritatem, quia in corruptione animatorum tota collectio accidentium, quæ erant in viuente, sensibiliter remanet in exanimi, quod non apparet in non viuentibus, in quibus mutatur perspicuitas, calor, & similia. Quæ responsio quidem est sine fundamento: nam primò falsum est totam collectionem accidentium remanere in corrupto viuente; vt patet ad sensum de colore, de calore, & pluribus aliis. Tum quia hoc dato, hinc tamen non inferitur non posse aliqua remanere in non viuente. Probatur, quia si remanent in viuente facti corrupto, id est, quia in corrupto non adsunt dispositiones in illa forma organizationis contrariæ illis accidentibus: at eadem ratio currit in non viuentibus, vt dicit S. Bonau. *lib. 4. dist. 12. cit.* vt si de aëre fiat ignis, & de aqua aër, remanent calor, & humiditas ob easdem rationes.

PROBATVR quartò, quia si dispositiones ante instans generationis nouæ formæ corrumpuntur, id esset, vel quia forma adueniens est illis contraria, & ob id ipsas destruit, vel materia remanebit in illo instanti nuda dispositionibus, sicque indeterminata, & indifferens ad quamcunque formam: Sed neutrum potest dici: ergo.

PROBATVR Minor, quia multoties forma adueniens, eiusque dispositiones

tiones non sunt contrariæ : immò conformes , vt patet in symboleitate elementorum : immò multoties forma adueniens habet maiorem vim conseruatiuam ipsarum, ac forma desinens : non enim est semper necesse, vt causa produciens accidentia ipsa conseruet : vt patet in igne, in sole, in lumine, &c. Tum etiam quia potest dari in illo instanti, quod ignis, verbi gratiâ , adueniens relictis in materia dispositionibus suis desinat, vt aduenit in virtute seminis relictâ à generante, qui multoties moritur ante generationem filij. Tum etiam quia materia non potest remanere nuda : ergo, &c.

PROBATVR tandem ex traditis in Physica, quia forma corporeitatis, & quantitas interminata cum suis dispositionibus sunt materiæ coeûæ, & ab ea inseparabiles ex Seraph. Doct. & aliis DD. de quo videantur, quæ tradita sunt in quæstione citat.

OBIECIENS primò ex Arist. *cap. de subst.* corruptis primis substantiis nihil remanet : ergo, & hoc est præcipuum fundamentum , quod ex Seraph. Doct. conantur asserre PP. Gallicius, & Baudunus ad trahendum Seraph. Doct. ad opinionem Thomistarum, sed verè debile ; nam ex traditis ex S. Doct. in *Norab.* 2. & 3.

19. RESPONDETVR, quod accidentia, quæ respiciunt primam substantiam nempe compositum, & suppositum, verè destruuntur ad destructionem ipsius, cum ab ipso dependeant, & ad ipsum spectent tanquam ad subiectum, & causam ipsorum : Non verò destruuntur ea, quæ ab ipso originaliter non dependent, sed respiciunt aliam causam originalem nempe primum subiectum, scilicet materiam, & formam corporei-

tatis, vel mixtionis, vel organizationis, quæ aliud pro causa habent, aliud pro subiecto saltem totali, & denominato, cum redundent, & afficiant etiam ipsum compositum : Videatur S. Bonauent. *lib. 1. diffin. 26. dub. 3. aliisque loc. cit. supra.*

INSTANT ex Aristot. priorem esse substantiam accidentibus, & in corruptione nihil sensibile remanere, & materiam recipere prius formas substantiales, quam accidentales. Sic 7. *Met.* 1. 8. & 1. *de gener.* 1. 24. Et P. Gallicius assert textus Seraph. Doct. plures, in quibus docet materiam de se non esse subiectum accidentium, sed simul cum forma : idque præcipuè *lib. 4. diff. 11. part. 1. art. 1. quæst. 2. in corp.*

RESPONDETVR ex doctrina suprâ traditâ esse verum totum de accidentibus, quæ respiciunt coniunctum, tum etiam quia cum accidentia, quæ subiectantur in materia, afficiant totum compositum, ipsumque denominant, sic quoad hanc partem, & officium, seu vltimatam terminationem desinunt : vnde nihil concludunt contra nos. Et ad id de Seraph. Doct. iam suprâ ablata esse hæc difficultas : nam verum est materiam nudam non esse subiectum accidentium, sed simul cum forma illa corporeitatis, cum hoc tamen stat, quod aliqua respiciunt materiam immediatè, vt quantitas interminata existens in materia, simulque forma, & alia respiciunt formam. Et in hoc sensu verificatur dictum Arist. priorem esse generationem substantiæ, quam accidentium, quæ doctrina satisfit omnibus, & variis Authoritatibus desumptis, tum ex Arist. tum ex Seraph. Doct.

Hic non subiciuntur obiectiones desumptæ à ratione, quia Aduersarij

rij in hac secunda parte arguunt ab Authoritate, vt plurimum : sic Meldul.

manet corpus, quod prius erat, & in principio mundi generatæ fuerunt plures res absque corruptione illius formæ corporeitatis, quæ inerat in materia, tum & in generatione viuientis forma corporeitatis antecedens non corrumpitur : ergo.

Hv ic obiectioni varij variè respondent : sed melius Meldul. dicens hanc propositionem semper esse veram vel mediâtè, vel immediâtè, & in viuientibus licet forma corporeitatis discedente anima non statim corrumpitur, tamen paulatim resoluitur. Trombetta respondet illam propositionem esse veram de generatione, & corruptione completa, non de incompleta semper : vnde si remanet ad discessum animæ corpus, illa non est corruptio completa, cum forma corporeitatis remanens sit de essentiali ratione hominis. Et ad illud de rebus productis in principio mundi respondetur non fuisse factas cursu naturali, secundum quem tantum verificatur illa propositio, nempe secundum actionem passiuam agentis naturalis, &c. Raguzus responder id dixisse Aristot. vt ostenderet materiam non posse vnquam esse sine forma : Vnde generatio subsequens est necessaria, quotiescunque imminet periculum, ne materia maneat sine forma, quando verò non adest hoc periculum, non est necessaria generatio noua, vt euenit in casu proposito de interitu animalis, quæ cum sint vera : Attamen clarius respondetur ex Seraph. Doct. lib. 1. distinct. 9. quæst. 1. quod hæc propositio potissimè est vera in omni generatione perfecta creata : nam semper sit cum decisione, mutatione, & corruptione antecedente partis decisæ à generatione :

#### QVÆSTIO IV.

*An generatio vnus sit corruptio alterius ; & è contra : Vbi de earum connexionè, & ordine secundum prius, & posterius.*

20. MELDVL. disp. 5. de gen. q. 4. Notat triplicem questionem posse fieri super hanc propositionem : Primò de sensu formali, & identico : Secundò de sensu concomitante : Tertio casuali. Et quoad primum sensum : Respondetur ex traditis, quod si generatio, & corruptio sumantur vt mutationes, certum esse diuersas : Si in ratione actionis, sic sunt vnum, & eadem realiter : non enim sunt diuersæ actiones. Quoad secundum sensum scilicet concomitantiam, & connexionem istarum duarum mutationum : Respondetur esse connexas in generationibus, quæ sunt modo naturali, & sunt completæ : idque inferitur tum ex impossibilitate formarum in eodem subiecto, tum quia agentia naturalia cum intendunt producere varias substantias, vt conseruetur hic mundus sublunaris (ait Seraph. Doct. lib. 2. dist. 3. part. 2. art. 1. q. 1. in argum.) necessariò ex consequenti licet per accidens intendant corruptionem alterius.

DICES : Dantur corruptiones absque noua generatione, & generationes absque corruptione : ergo falsa Conclusio. Probatur antecedens, quia dum moritur homo, re-

Et hæc quoad primum, & secundum sensum.

21. DIFFICULTAS maior est circa tertium: nempe quo ordine procedant generatio, & corruptio, an scilicet prior saltem natura sit generatio, & introductio nouæ formæ, quàm corruptio veteris, ita quod expellatur vetus forma, quia introducitur noua, an è conuerso: idèd generatur noua, quia expellitur vetus: In primo sensu generatio est causa corruptionis: In secundo sensu è contra. Hanc questionem sub aliis terminis proponit Seraph. Doct. lib. 4. *distinct.* 17. *part.* 1. *art.* 2. *quest.* 1. loquens de iustificatione peccatoris tali pacto: An gratiæ infusio necessariò præcedat peccati expulsionem, qua occasione tractat etiam de mutationibus naturalibus.

PRIMA opinio est Fabri Theor. 40. & de Pœnit. *disp.* 17. *cap.* 3. Aresij de gener. lib. 1. *quest.* 22. Item est & opinio Rubionis, aliorumque absolutè sustinentium semper expulsionem veteris formæ præcedere introductionem nouæ: (Hic autem est Sermo de prioritate naturæ, non temporis) idèd verificatur hæc propositio: Noua forma accedit, quia vetus, & prior recedit: sicque corruptio est ratio generationis.

SECUNDA opinio est Suarez in Metaph. *disput.* 27. *sect.* 11. *num.* 21. Hurtad. *disp.* 1. de Gen. *sect.* 9. Auerf. *quest.* 10. *sect.* 5. & *quest.* 37. *sect.* 7. Arriag. *Phys. disput.* 8. *sect.* 1. & Thomist. communiter. Ruu. lib. 1. de Gen. *quest.* 5. cum Complut. *disputat.* 3. de gen. *quest.* 5. cum S. Thom. 1. 2. *quest.* 113. *art.* 8. qui distinguunt de diuerso genere causarum: nam in genere causæ efficientis, finalis, & formalis volunt generationem poue

formæ præcedere expulsionem veteris: in genere causæ materialis volunt consequi, & esse posterius: Hanc inter Scotistas sequuntur aliqui.

TERCIA opinio concedit absolutè generationem esse priorem in quocunque genere. Sic Meldul. *disputat.* 5.

S. DOCT. sustinet hanc vltimam opinionem, sed cum limitatione mox addenda: Pro solutione questionis

22. PRIMò Notandum ex traditis generationem, & corruptionem esse duas mutationes diuersas, cum habeant diuersos terminos, vt ait Seraph. Doct. lib. 2. *distinct.* 1. *part.* 1. *art.* 3. *quest.* 1. corruptio enim est ab esse ad non esse, & generatio à non esse ad esse, seu, vt loquitur Seraph. Doct. ab esse simpliciter, & in actu ad esse secundum quid, & ab esse secundum quid, seu in potentia ad esse simpliciter, quæ licet sint diuersæ, tamen vnica actione fiunt ab agente, in qua terminus à quo est corruptio, & ad quem est generatio.

SECUNDò Notandum ex alijs traditis ex Seraph. Doct. lib. 4. *dist.* 11. *part.* 1. *articul.* 1. *quest.* 5. ad 4. & *distinct.* 17. *cir.* quòd licet non possint dari duo instantia immediata in continuo: dantur tamen in contigujs mutationibus, quæ ambo sunt instantia temporis intrinseci, & respondent vnico instanti temporis communis, & extrinseci, quod fusè probatum est in lib. 3. *Phys. tract.* 1. *quest.* 7.

23. TERTIò Notandum ex eodem Seraph. Doct. lib. 4. *distinct.* 17. *cir.* quòd forma, quæ de nouo generatur ab agente, & quæ habet in-



compossibilitatem cum antiqua, quæ ob id à subiecto corrumpenda, & expellenda est, habet triplicem comparisonem: Primò ad principium, à quo exit: nempe & ab agente educente illam, & à subiecto, ex quo educitur: Secundò ad formam oppositam, quam expellit: Tertio ad subiectum, quod habet perficere informando, quæ tria munera procedunt eodem ordine in essendo, & existendo formæ generatæ, generans enim generando agere debet, & ob id primò intelligitur agere, idest educere formam, & hinc primò intelligitur forma noua oriri, & recipere esse (ex Seraph. Doct. lib. 2. *dist. 1. part. 1. artic. 3. quaest. 1. in corp. in fine, & lib. 1. dist. 16. art. 1. quaest. 3. in fine corp. & dist. 17. part. 1. art. 1. quaest. 2. in corp.*) & quia forma educitur, ut subiectum informet, & informando compleat, simulque generetur compositum, cum sint incompossibiles duæ formæ disparatæ: hinc primò debet expurgari subiectum formæ antiqua: sicque secundariò intelligitur forma prior expelli, & tertio subiectum perfici, & ratio licet videatur evidens ex traditis, tamen potest desumi ex ratione mutationis secundum suam entitatem intrinsecam sumptæ, quæ exigit terminum à quo, & ad quem, terminus à quo est ipsius formæ educio, & ortus, supposita tamen priuatione ipsius formæ transcurrentis à non esse ad esse: terminus ad quem non ultimus est expulsio formæ prioris, quæ etiam potest dici terminus à quo extrinsecus, & ultimus est completio subiecti.

24. QVARTO Notandum, quod hæc expulsio formæ antiquæ exigit causam expellentem: hæc autem

in genere causæ efficientis est ipsum generans introducens dispositiones contrarias, in genere causæ formalis est ipsa forma noua, quæ coagendo cum efficiente formaliter expellit priorem formam, qui concursus formæ licet non sit rigorosè actio in genere efficientis, tamen est consimilis, concurrit enim ut principium intrinsecum ad productionem compositi. Et si quæras, quænam est differentia inter expulsionem factam ab agente, & factam à forma noua? Respondeo illam propriè esse per causalitatem extrinsecam, & ob id per productionem effectus extrinseci: at causalitas formæ est per exhibitionem sui in subiecto, ut ipsum informet: sicque ratione consistentia eiusdem formæ in subiecto incompossibilis est existentia alterius formæ, & ob id expellitur etiam à forma noua ad modum vitutis prouenientis ab existentia, & consistentia eiusdem formæ nouæ in subiecto. Hinc patet hanc expulsionem non fieri per aliquem contactum, vel concursum physicum, vel influxum, quem exerceat noua forma in priorem, ut cum clauus clauum trudit, & vnus miles pugnat cum altero: Sed consistit in hoc, quod productis ab agente dispositionibus contrariis in subiecto, & educendo, in ultimo ipsarum instanti formam ex subiecto in ipsum subiectum cam generando in eodem instanti temporis, cum sit altera incompossibilis, statim expellitur. Et hinc Seraph. Doct. semper appellat hanc oppositionem formalem, & expulsionem in genere causæ formalis lib. 1. *dist. 14. quaest. ultim. ad 4. & lib. 3. dist. 31. art. 1. quaest. 1. ad 2. & ad rem lib. 4. dist. 17. citat. ad ult.*

& alibi *sepè*. Addit Seraph. Doct. lib. 4. *diff.* 11. & 17. *citar.* quòd cùm in hoc processu ordinatè factò interueniant duæ mutationes: nempe generatio formæ nouæ, & corruptio veteris, non est credendum ambas fieri in vnico instanti, cùm enim sint diuersæ mutationes licèt instantaneæ: obidque habent quælibet propriam mensuram, sequitur, quòdeductio formæ nouæ habeat suum instans intrinsecum, in quo exit in esse, & in quo est idem fieri, & factum esse, & expulsio, siue corruptio prioris habeat & suum instans intrinsecum, in quo desinit: Quæ duò instantia temporis intrinseci sunt immediata, itaq; quòd ex parte expulsionis intelligitur etiam simul informatio, & completio subiecti, vel forsàn vt facta in alio instanti intrinsecò, quæ omnia tamen respondent vnico instanti temporis communis, & per ordinem ad hoc instans extrinsecum verificatur dictum commune, quod primum esse formæ nouæ est primum non esse antiquæ: nempe admittitur tantum secundum modum loquendi, & per accidens, non verò propriè, cùm formæ antiquæ desitio sit realis, obidque separari nequit à propria mensura intrinseca, est enim mutatio à positio ad positium, quæ cùm sit instantanea, debet recedere à termino ad quem in eodem instanti, obidque per primum esse nouæ, & vltimum esse antiquæ: dicitur autem etiam à Seraph. Doct. desinere, quando non est, quia habet respectum ad id, quod sequitur ad recessum, scilicet ad esse negatiuum, quod resultat, quæ omnia dicta sunt suprà in *Phys. lib. 3. q. cit.* qua egregia, & verissima doctrina enodantur maxime diffi-

cultates, in quas ferè inextricabiliter incidunt alij, & maximè tenentes nobiscum formas substantiales incipere, & desinere intrinsecè, vt Serbellon. *Phys. diff. 3. quest. 1. art. 9. num. 113. & seq.* verbi gratià, quomodò possit esse in eodem instanti desitio panis in hostia, & positio Corporis Christi, desitio peccati, & positio gratiæ, desitio vnius formæ, & positio alterius absque recursum ad terminos extrinsecos in instantaneitate, &c. De quibus aliàs egimus *loc. cit.* & alibi redibit sermo: His prænotatis, quæ inseruire debent pro solutione plurium aliarum quæstionum.

## 25. VNICA CONCLUSIO:

Generatio, seueductio formæ est prior expulsionè veteris in quocunque genere causæ, licèt informatio, seu completio subiecti sit posterior: Est S. Bonau. *loc. cit.* Meldul. *cit.* & aliorum plurium.

PROBATVR primò in genere causæ finalis, & efficientis, quia per se primò intenditur generatio noua, quàm corruptio, hæc enim est exconsequenti, & per accidens: ergo, sed causa efficiens, & finalis coincidunt in idem numero ex S. Bonauent. *lib. 1. diff. 19. part. 2. art. 1. quest. 3. ad 2.* ergo & in genere causæ efficientis, efficiens enim non depellit formam veterem, nisi introducendo nouam: ergo.

PROBATVR secundò in genere causæ formalis, quia non potest expelli forma vetus nisi ratione impossibilitatis alterius formæ: ergo prior est positio nouæ formæ. Probatur consequentia, quia positio nouæ formæ est per educationem, quæ est inchoata generatio: ergo non potest expelli formaliter anti-

qua

qua forma, nisi adsit alia incompossibilis. Tum quia noua forma est prius agens, quàm informans: ergo prius inest. agendo in formam veterem.

PROBATVR in genere causæ materialis: Expurgatio materiæ à forma vetere non potest esse nisi per positionem nouæ formæ: ergo prius intelligitur posita noua forma in materia, quàm intelligatur expurgata à vetere. Tum quia hæc expulsio fit à forma in genere causæ formalis, & quælibet forma in causando debet præsupponi existens: ergo primus eius effectus erit positio ipsius passiuæ in subiecto, & secundarius effectus expulsio alterius.

26. RESPONDENT Thomistæ idem posse esse secundum diuersas rationes prius, & posterius, causam, & effectum: Vnde introductio nouæ formæ est prior in genere causæ formalis, efficientis, & finalis, posterior in genere causæ materialis: nam expulsio veteris formæ est dispositio ad recipiendam nouam formam, à qua noua forma expellitur vetus: Infelix effugium (ait Meldul.) nam inintelligibile est, quod expulsio formæ sit à forma noua, & quod simul sit dispositio ad eandem formam nouam recipiendam: Si enim est talis dispositio à noua forma: ergo noua forma antecedit in materia, at si expulsio veteris est dispositio materialis ad recipiendam nouam formam: ergo erit antecedens ad formam nouam, quæ sunt contradictoria. Tum etiam quia, vt arguit Meldul. *de gener.* Introductio actiua ex parte agentis præcedit expulsionem actiuam etiam per aduersarios: ergo etiam ex parte materiæ introductio passiuæ, seu rece-

ptio passiuæ præcedit expulsionem passiuam, seu expurgationem materiæ. Probatur consequentia, respectus oppositi sunt simul natura: ergo si introductio actiua præcedit actiuam expulsionem, introductio passiuæ præcedit passiuam expulsionem, cum passiuæ introductio sit simul natura cum actiua, & passiuæ expulsio cum actiua: sicque per locum à coniugatis licebit inferre: Idem agens expellit formam veterem à materia, quia nouam introducit: ergo & contra potest inferri ex parte materiæ: Idem forma vetus expellitur, quia noua recipitur, & introducitur.

OBIECTES primò cum Rubione, forma noua non expellit veterem, sed est agens, quod seipso immediatè illam expellit, & corruptit, vt locum faciat subsequenti: ergo generatio nouæ formæ corruptionem antiquæ præsupponit. Probatur antecedens, quia forma noua cum introducitur: aut inuenit in materia formam priorem, aut non, si sic: ergo non est ei impossibilis, cum pro aliquo signo simul in eadem materia existant, si non: ergo ipsam non corrumpit, vel expellit, cum ibi non sit.

27. HVC obiectioni responder Fuentes 2. *Phys.* cum Lorca agente de gratia, formam nouam inuenire in subiecto veterem, non tamen esse cum ea compatibilem, quia statim eam corrumpit: Vnde aiunt, quod sunt simul in pugna, & in fieri, non verò in facto esse; Hinc admittunt in fieri, seu in pugna pro aliquo instanti gratiam, & peccatum. Quæ responsio nec est vera, nec potest in recta, & Sacra Theologia, nedum in Philosophia sustineri, impossibile enim

enim est naturaliter pro illo instanti esse gratiam, & peccatum, odium, & amorem, substantiam panis, & Corporis Christi, quod & fusè probat Seraph. Doct. lib. 4. *distinct.* 11. *quest.* 5. ad 4. & *dist.* 17. *citat.* ad 5. & lib. 3. *distinct.* 17. *artic.* 1. *quest.* 4. ad *argum.*

MELDVL. verò fusè, & doctissimè de more suo cuacuatur hanc difficultatem, qui potest videri: Nos aurem idem prosequimur aliter tamen ex principiis Seraphicis.

28. SUPPONIMVS enim primò hoc totum fieri non duabus actionibus, sed vnica tantum. vnica (inquam) ipsius educentis formam, & ipsius formæ coagentis cum efficiente: Secundò in mutatione subita idem esse fieri, & factum esse, simulque esse expulsionem, & expulsam esse, obidque forma vetus expellitur, quando non est medo supra dicto, quia dum expellitur, expulsâ intelligitur: Tertiò formam non expellere aliam formam effectiue, sed formaliter, non quod forma agat in formam, sed per impossibilitatem, cum enim agens concurrat effectiue introducendo dispositiones contrarias: hinc ipsis introductis statim educitur forma noua, & antiqua desinit, formaliterque dicitur expulsâ ex hoc, quod destructis dispositionibus, per quas informabat illam materiam, desinit seipsa entitatiue, & simul introducitur noua prius natura seipsam exhibendo formaliter subiecto, & in hoc sensu dicitur expellere formaliter, & coagere cum efficiente, vt dictum est ex S. Bonauent. loquente de gratia, & peccato lib. 1. *distinct.* 14. *quest.* ult. ad 4. & lib. 3. *dist.* 31. *art.* 1. *quest.* 1. ad 2. *alibique sæpè.* Vnde hæc expul-

sio non fit, vt ait Seraph. Doct. lib. 4. *dist.* 17. *cit.* ad *ultim.* & supra dictum est, per aliquem contactum, vel quia forma noua exerceat aliquam actionem in formam veterem, sicut cum clauus clauum trudit, neque pugnant ad inuicem vt milites in pugnam, sed consistit in hoc, quod quando forma introducitur in eodem prorsus instanti temporis communis, & in alio antecedenti temporis intrinseci, verus abeat: Si verò expulsio fiat successiue, vt in calore, & figure, eadem celeritate fiat expulsio, qua fit introductio nouæ formæ: Si enim forma noua inueniret in subiecto veterem, nunquam ipsam depelleret, vt rectè discurret Meldul. *cit.* ratio est, quia si in aliquo instanti simul ambæ essent: ergo in illo instanti non expellitur vetus, cum ibi sit: ergo expulsam debet supponere. Hinc respondetur argumento Rubionis negando antecedens, vel assumptum, & consequentiam: Ad probationem respondetur negando formam nouam inuenire in materia veterem, negatur tamen inde non sequi formam nouam corrumpere veterem, corrumpitur enim ab agente, prout est educens formam, & per formam coagentem formaliter, non enim eius actio per se primò terminatur ad destinationem formæ veteris, sed ad eluctionem nouæ, ad quam consequitur necessariò desinitio veteris, & inde completio subiecti.

OBIECTVS secundò: In qualibet mutatione est prius terminus à quo termino ad quem, sed expulsio veteris formæ est terminus à quo, & generatio formæ est terminus ad quem; ergo. Hoc argumentum virget valdè alterius sententia assertores.

RESPONDET Seraph. Doct. negando.

do minorem: nam generatio formæ non est terminus ad quem, sed potius est completio subiecti, generatio enim formæ est potius terminus à quo, & ipsa informatio est terminus ad quem: Vide dicta suprà in *Notab. 3.*

29. **OBIECTES** tertio, forma expellitur, vel quando est, vel quando non est, non quando non est, quia semper expelleretur; ergo quando est, sed quando est, non potest esse forma noua, aliàs essent ambæ simul: ergo prius est expulsio, quam generatio.

**RESPONDET** S. D. expelli, quando non est, expulsio enim est mutatio subita, in qua simul est expulsio, & esse expulsum, desinere, & desisse, desinit enim per primum sui non esse, & dicitur expelli, quia prius fuit, & adhuc esset, nisi contraria repugnaret, nec hinc sequitur semper expelli, sed solum in instanti, in quo esse desinit, & in quo primum non est, hocque totum fit per duo instantia immediata, ut dictum est in *quarto Notabili*, ibique vide, quæ dicta sunt.

**DICES** ergo falsum est id, quod dictum à nobis fuit in *Phys. lib. 3. tract. 1. quest. 7.* formas substantiales desinere per vltimum sui esse: patet consequentia, quia hic dicitur desinere, quando non est: ergo.

**RESPONDETUR** negando consequentiam: nam, ut notat Seraph. Doct. lib. 4. *distinct. 11. & 17. citat.* possunt assignari duo instantia immediata temporis intrinseci, in quorum primo est inceptio formæ nouæ in primo sui esse; in secundo est desinitio veteris in sui vltimo esse, sunt enim mutationes contigua, sed quia ista instantia respondent vnicui instanti temporis communis, in quo

non est intelligere simul duas formas: idcirco dicitur in hoc instanti desinere forma, quando non est, idest extrinsecè, & incipere noua intrinsecè, & ratio est, quia hoc instans respicit desinitionem, & mutationem subitam, in qua est simul desinere, & desisse.

**OBIECTES** quarto: Dispositiones pro forma veteri tolluntur per alterationem præuiam nouæ generationis, sed in tali casu prius tolluntur veteres, quam nouæ introducantur: ergo idem dicendum est de ipsis formis. Confirmatur, quia si Deus in instanti vltimo præuiæ alterationis nollet concurrere ad educationem nouæ formæ, adhuc vetus deberet destitui, neque posset conservari sine miraculo cum contrariis dispositionibus: at si productio nouæ formæ esset destructiua veteris, nullum esset miraculum eam conservari, cum nullum esset ibi ipsius destructiuum: ergo productio nouæ formæ non est destructiua veteris, sed supponit eam destructam.

30. **RESPONDETUR** ex Seraph. Doct. lib. 4. *distinct. 17. citat. fund. 4.* negando Minorem: Immo rectè retorquet argumentum ipse Arriaga apud Meldal. non prius expelluntur dispositiones veteres, quam introducantur nouæ oppositæ: ergo nec forma prius expellitur, quam noua introducat: Et ad confirmationem respondet Meldal, quod cum forma introducit, affert secum gradum qualitatis impossibilem cum forma vetere: idcirco in tali casu, quo Deus suspenderet suum concursum, ad introductionem nouæ formæ remaneret vetus, cum non adesset gradus vltimus impossibilitatis

D

cum

cum illa forma, sed de hoc agitur infra; hæc enim responsio non continet doctrinam veram: nempe quod forma noua ferat secum vltimum gradum dispositionis, vt in sequentibus patebit. Nos autem respondemus, quod in dato casu non destrueretur antiqua forma; quia esset maior violentia materiam stare sine forma, quam formam esse cum contrariis dispositionibus, in quo casu Deus vt agens vniuersale concurrere deberet potiori concursu.

DICES: Si expulsio veteris formæ sequitur ad introductionem nouæ: ergo simul erunt ambæ in illo priori: illa quidem in desinere intrinsecè, ista in incipere intrinsecè.

31. RESPONDET Melchior. in *Phys. disp. 5. num. 25.* negando consequentiam, totum enim sit in vnicò instanti temporis, sed illa prioritas est tantum naturæ, per quam explicatur dependentia vnius ab alio, vel præsuppositio vnius ad aliud, ita quod vnum potest concipi sine alio, scilicet introductio nouæ formæ absque eo, quod præcedat expulsio, non verò è conuerso. Et Serbellon. in *Phys. disp. 3. quest. 1. art. 3. num. 3. & seq.* respondet omnia fieri in vnicò instanti, nec repugnat, vt vnum sit primo, aliud vltimo: Sed hæc responsio certè non tollit difficultatem: nam si instans temporis mensurat existentiam rerum, & si in vno instanti temporis fiat expulsio, & introductio formarum, sequitur, quod habeant simul existentiam. Hinc ex Seraph. Doct. vbi supra, quod in generatione, & corruptione interueniunt duæ mutationes reales distinctæ per vnicam actionem, quæ in eodem instanti temporis communis est productiua nouæ, & destructiua

veteris scilicet educens formam nouam, & expellens veterem, ad quas simul consequitur informatio subiecti, sed quia expulsio est mutatio distincta ab educatione formæ: hinc in primo instanti intrinsecò esteductio formæ nouæ, & in sequenti immediato est expulsio veteris, simulque informatio consequens. Et ad id, quod obiicitur, ergo erant duæ formæ contrariæ simul, negatur consequentia: nam in illo instanti extrinsecò, in quo est forma noua, non est forma vetus nisi per primum sui non esse, obidque est positio nouæ formæ, & negatio, seu priuatio antiquæ, simulque terminus ad quem totalis, expulsio enim formæ est formalissimè aduentus formæ, ob quam ponitur priuatio.

DICES tandem: Materia debet esse prius apta ad recipiendam formam, quam actu recipiat, sed non est apta nisi post expulsionem veteris: ergo in genere causæ materialis formæ generatio est postèrior expulsionem antiquæ.

RESPONDETUR duo genera dispositionum concurrere, aliud est antecedentium, & de his negatur Maior, aliud est concomitantium, inter quas expurgatio prouenit ab ipsa forma noua, & de his conceditur Maior, & negatur Minor, & simul distinguitur Consequens, si sumitur generatio inchoata pro educatione formæ a subiecto, & positione eius in subiecto, negatur consequentia: si sumitur pro informatione subiecti consequente, conceditur, sed hoc non est in questione: nam quaeritur hinc, an generatio formæ sit prior, non an informatio actualis subiecti, &c. Et si hæc est mens Thomistarum, erit questio de nomine.

QÆSTIO

## QVÆSTIO V.

An Generatio, & Corruptio fiant  
in instanti.

TRES circumferuntur opiniones  
in hac celebri questione.

31. PRIMA asserit formas substantiales introduci successivè loquendo de inanimatis, idque eis inesse non ratione sui intrinseca, sed ratione dispositionum, quæ introducuntur successivè, & ob id etiam formas, tum etiam ratione formæ impossibilis extensæ: sic Tatar. 5. *Phys.* q. 1. dub. 1. Fab. *theor.* 39. Peterius *lib.* 14. cap. 1. Maltius de *Gen.* disp. 5. q. 5. n. 115. qui pro se citat Scotum, qui postea voluit formas animatorum fieri instantaneè.

SECUNDA opinio docet omnes formas substantiales introduci successivè non solum extensivè, sed & intensivè, quia admittunt formas substantiales posse suscipere magis, & minus intentionis in subiecto, & maxime elementorum in mixto: ita Ioan. Andr. *lib.* de *trib. princip.* quæst. 8. & 11. & *lib.* 11. Met. quæst. vnic. Zerbuius, Rocæus, alique Auer.

TERCIA opinio est D. Th. & Thomist. Tolet. de *gen.* *lib.* 1. q. 11. Hurtad. disp. 3. de *Gen.* sect. 3. num. 28. Arriag. disp. 1. de *gen.* sect. 5. num. 54. cum quibus sunt alij plures sustinentes omnes formas quasque substantiales introduci instantaneè, dispositiones verò successivè, & hæc est opinio S. Doct. licet in aliquibus discrepet ab ipsis Thomist. & conveniat cum secunda opinione: Pro solutione quaestionis

PRIMò Notandum, & supponendum ex traditis in *Phys.* *lib.* 3. *tract.* 2. quæst. 3. agendo de quantitate, quod in materia corporea datur quantitas determinata, seu minimum quod sic parmitatis, ita quod sub minori non posset esse forma substantialis corporeæ, idque in *Physica* probauimus ex Seraph. Doct. *lib.* 4. *dist.* 10. part. 1. artic. 1. quæst. 5. ad 3. nam potest reduci aliquod quantum ad tantam parvitatem, quod in eo non possit conservari forma substantialis.

33. SECUNDò supponendum successiva incipere per ultimum sui non esse, & desinere per primum sui non esse, instantanea verò, & permanentia, ut ait Seraph. Doct. *lib.* 4. *dist.* 11. part. 1. artic. 1. quæst. 5. ad 4. incipiunt per primum sui esse, & desinunt per ultimum sui esse: Sic fusè probatum est *lib.* 3. *Phys.* *tract.* 1. quæst. 7.

TERTIò supponendum ex alijs traditis in eodem *tract.* 1. *lib.* 3. causam successionis in motibus provenire ex multiplici causa, numpè vel à distantia medij ex partibilibitate mobilis, vel formæ ex resistentia medij, v. g. à densitate ex incapacitate medij: Sic *loc. cit.* q. 3. ex Seraph. Doct.

QUARTò supponendum, non posse recipi naturaliter formam in subiecto, nisi sit dispositum per proportionatas qualitates ad talem receptionem, requiritur enim mutua proportio inter recipiens, & receptum, obidque requiritur agens auferens inproportionem, inducensque debitas dispositiones in materia, quibus redactis ad ultimum gradum statim debet educi forma.

34. QUINTò supponendum, quod præcipua fundamenta secundæ opinionis asserentis omnes formas intro-

troducti successiue sunt, quia admittunt magis, & minus in ipsis, & quia extenduntur ad extensionem subiecti. Sic Ioan. Andr. *citat.* quæ duo principia tamen admittuntur etiam à Seraph. Doct. sed tamen negatur ex his necessariò inferri intentum talis successione. Vt autem id pateat, sciendum, quòd formæ entitas quoad esse specificum, siue Logicè vel potius Metaphysicè loquendo, ut ait Seraph. Doct. *lib. 2. distinct. 3. part. 1. dub. 2. & lib. 1. dist. 17. part. 2. art. 1. quest. 1. ad 1. & lib. 2. dist. 13. art. 2. quest. 2. ad 3. & lib. 1. dist. 44. art. 1. quest. 1. in corp.* & prout sumitur pro quidditate abstrahente ab individualitate, non recipit magis, & minus, non enim est plus forma vna, quàm alia quidditatiue loquendo: at prout est in tali, vel tali subiecto sic vel sic disposito magis, vel minus, intra gradum tamen suscepi-  
 bilitatis, sic recipit magis, & minus: patet ex diuersitate ignis in palea, ligno, & ferro, quod magis, & minus potest inesse & intensiue, & extensiue, licet ratione intensiōis dicatur propriè magis, & minus inter terminos speciei, ratione verò extensiōis dicitur maior, vel minor, quæ gradualis perfectio tamen non tollit, quin in instanti possit poni in subiecto vltimatè disposito, ad enim habentia permanentia, quod cum in illis non sit idem fieri, & factum esse, (vt ait Seraph. Doct. *lib. 1. distinct. 9. quest. vltim.*) differt autem fieri, & esse: hinc sequitur, quod licet in facto esse habeant magis, & minus, maius, & minus, tamen in fieri habent esse in instanti. Sic *lib. 4. distinct. 11. cit.* Successiua verò sunt, in quibus differt esse, & factum esse, non verò fieri, & esse,

obidque cum eorum esse sit idem & fieri, non possunt esse in instanti, cum sint successiua; sicque licet & successiua, & permanentia habeant partes post partes: hinc sequitur, quòd ista non possunt fieri in instanti, bene autem illa: His positis sit

35. PRIMA CONCLUSIO, formæ substantiales secundum esse quidditarium non recipiunt magis, & minus, suscipiunt autem, prout sunt in hac, vel illa materia. Est S. Bonau. *citat.*

PRIMA pars est communis, & patet ex traditis.

SECUNDA pars probatur. Tum quia calor intenditur, & remittitur: ergo & ignis. Probatur consequentia, quia causa naturalis similiter se habens, & effectus similiter se habet: ergo ex variatione effectus colligitur variatio causæ.

Nec valet respondere cum Maestro, quòd remissio, & intensio effectus non est ab intrinseco, sed ab extrinseco, scilicet à contrario vel existente, vel discedente, non valet, inquam, quia in palea, v.g. combusta, & in ligno nullum adest contrarium calori, & igni. Tum quia calor intrinsecus est pars ignis: Secundo patet in formis elementaribus existentibus in mixto secundum maiorem, vel minorem intensiōem, & perfectionem. Addimus tamen cum Seraph. Doct. contra Authores secundæ opinionis, quòd hæc gradualis perfectio in formis substantialibus non est, sicut in accidentalibus, in quibus scilicet accidentalibus tales gradus paulatim, & successiue inducuntur, vel dimittuntur cum hoc ordipe, seu discrimine, quòd accidentia materialia augentur per impetitionem sui contrarij maiorem,



rem, & maiorem, & diminuantur per mixtionem contrarij: (intellige tamen id euenire ex impermixtione maiori, vel minori contrarij, non tanquam ratione formali, sed tantum ratione concomitantie, de quo infra vbi de alteratione:) accidentia verò, quæ aliud habent pro causa, aliud pro subiecto, vt sunt lumen, species intentionales, charitas, & gratia, augentur per gradualem accessum ad suum summum, & recipiunt magis etiam in facto esse successiue, non tamen minus, sed tolluntur instantanee per annihilationem, cum non habeant contrarium positium. Sic Seraph. Doct. lib. 1. *distinct.* 17. *part. 2. citat.* Sed formæ substantiales post sufficientem dispositionem totæ simul cum suis gradibus perfectionalibus non successiue, sed indiuisibiliter introducuntur in suo fieri; & in hoc discrepat Seraph. Doct. à secunda opinione, quam mordicus sustinere conatur Ioan. Andr. *cit.*

36. **OBIECTES** primò ex Meldul. *num.* 129. quia sequeretur plures formas substantiales in esse remisso posse esse simul in eodem subiecto, consequens est impossibile, cum generatio vnius sit corruptio alterius: ergo.

**RESPONDETUR** concedendo sequelam in accidentalibus formis, transeat pronunc in substantialibus, & hinc negatur Minor. & ad probationem respondetur ex traditis, non semper esse necessarium, quod ad generationem vnius sequatur corruptio alterius, nisi sit totalis, &c.

**OBIECTES** secundò, forma vt in materia non variatur secundum essentiam: ergo nec recipit magis, & minus.

**RESPONDETUR** ex S. Bonau. *loc. cit. lib. 2. dist. 13. art. 2. quæst. 2.* concedendo antecedens, & negando consequentiam, vel distinguendo antecedens, non variatur secundum essentiam suam puram, concedo, secundum essentiam prout in subiecto secundum maiorem, vel minorem actualitatem, & secundum varios gradus intra terminos tamen latitudinis specificæ, nego: Sed quia iterum in tractatu de Anima redibit sermo de hac materia: hinc supersedeo à fusiori ipsius Concl. elucidatione.

37. **SECUNDA CONCLUSIO:** Generatio, & Corruptio formarum substantialium fit in instanti: Accidentaliu verò potest fieri, & de facto vt pluriu fit successiue. Est S. Doct. lib. 2. *dist. 1. part. 1. art. 3. q. 1. & lib. 4. dist. 1. cit.*

De Accidentalibus maximè habentibus contrarium positium nulli est dubium, cum habeant in fieri, & in facto esse gradualem latitudinem, licet possit esse difficultas de habentibus tantum contrarium priuatiuum, vt lux, gratia, &c. de quibus aliàs dictum est in *tract. de luce*: Hinc

**PROBATUR** Conclusio de substantialibus: Si generatio substantialis fieret successiue, inciperet per vltimum sui non esse, consequens est impossibile, nec ab Aduersariis admittitur: ergo. Maioris sequela probatur, quia in eo instanti, in quo est vltimum non esse generationis, vel est vltimate dispositum subiectum, vel non: Si est dispositum: ergo in illo instanti fit generatio: Si non, ergo falsum est generationem incipere in tempore immediatè sequenti, quia si in instanti antecedenti non est vltimate

matè disposita materia, restat vltior dispositio introducenda per motum in tempore immediatè sequenti, sicque tunc non potest incipere generatio, eùm forma exigit antecedenter dispositiones: ergo si forma successiuè introducitur, incipiet per vltimum non esse, scilicet in illo instanti vltimo dispositionis, quod est extrinsecum ipsi formæ, & in tempore sequenti verum erit dicere, in hoc tempore est forma, & immediatè autè non fuit, sed hoc est proprium ventium successiuorum non permanentium, sicque nullum erit discrimen inter permanentes res, & successiuas quoad inceptiorem, quod est impossibile, successiuæ enim non possunt consistere in indiuisibili, nec simul existere, benè autem permanentia.

38. Hinc argumento mirum est, quanta afferant Adversarij, vt respondeant. Ruini de gen. lib. 1. cap. 5. quest. 3. assert plures responsiones pro opinione aduersante, quas omnes rejicit, confutatque, & tandem concludit admittendo generationem incipere per vltimum sui non esse. Et si contra ipsum instes: ergo dabitur vltima dispositio in materia sine introductione formæ, ad quam ordinatur, quod est absurdum, immò impossibile. Respondet num. 40. in fine concedendo totum, & negando absurdum; nam (ait) illa dispositio est in mensura inadæquata introductioni formæ, explicat *ibid.* quid sit hoc esse indeterminatum, nempe licet ex parte dispositionis detur sufficientia, & vltimitas in vltimo instanti, tamen ex parte materiæ non datur minima, vel prima pars in illo instanti disposita; & ideo solum potest introduci forma in tempore in-

determinato sequenti, quæ responsio licet sit subtilis, tamen est voluntaria, & contra rationem: nam si est vltimo disposita: ergo est dispositio determinata, sed non potest esse determinata nisi in subiecto determinato: ergo nulla responsio. Tum quia si non est in illo vltimo instanti determinata ad talem, & tantam formam: ergo nec erit in tempore sequenti, cum non detur secundum ipsum pars prima determinata in tempore, sicque cum dispositiones, & subiectum sint quid indeterminatum, & forma erit indeterminata.

RESPONDET iterum necessariò debere admitti hanc inchoationem per vltimum non esse, ne admittantur duo instantia immediata alterum respondens vltimæ dispositioni, & introductioni formæ: alterum expulsiōi veteris, sicque querens citat. Auctor eultare Scillam incidit in Carybdim: Vnde peroptimè Seraph. Doct. tollit hanc difficultatem ex positione duorum instantium immediatorum in mutationibus contiguis, vt supra dictum est. Meldul. disp. 5. de gen. num. 123. notat alios difficillimè posse se expedire ab hæc difficultate, gloriatur tamen se facillimè eultare omnem difficultatem dicens, quod in eo instanti, in quo est vltimum non esse formæ, vel generationis, dispositio formæ non est completa, & vltimata, quia adhuc requiritur vltimus gradus, qui sit incompossibilis cum forma veteri: iste verò non introducitur nisi cum forma nova, qui acquiritur non per alterationem, sed per generationem formæ concomitanter, sicque cum gradibus dispositionis antecedentibus illum vltimum gradum est com-

possibilis forma antiqua. Addit, nec dici potest hanc explicationem esse voluntariam, cum eam etiam admittant Thomistæ præsertim Complut. *disp. 5. de gen. quæst. 8.*

39. CONTRA, quia hæc videtur mera fuga, & inuentio merè voluntaria, dispositiones enim ad formam introducendam respiciunt materiam, obidque debent produci ab agente, & antecedenter ad hoc, ut sit ultimatè receptiva formæ, dispositiones enim se tenent ex parte materiae non formæ, quia in subiecto prærequiruntur ad formam, ut rectè notat etiam Serbellon. *Phys. disp. 1. quæst. 1. art. 2. num. 13.* & ratio est, quam adducit S. Bonavent. *lib. 3. disp. 34. part. 1. dub. 2.* dispositiones se habent ut principium ad introducendam formam: ergo si ipsi deficiat ultimus gradus, non potest ultimatè dici disposita materia, nec poterit recipere formam, etiam si concomitantè secum adueniat nova dispositio. Tum quia illa forma noua, quæ fertur secundum ultimum gradum dispositionis, expellit aliam formam formaliter, non effectiue: ergo frustrà ponitur iste ultimus gradus dispositionis. Probatur consequentia, quia in materia antecedenter adsunt sufficientes dispositiones gradus absque illo ultimo gradu ad introducendam nouam formam cum eodem gradu, sed data introductione fit expulsio antiquæ formæ: ergo frustratorius erit ille ultimus gradus. Tum etiam quia si ille ultimus gradus est ultimatè disposens, cum introducatur in instanti, etiam in eodem instanti erit generatio. Et Confirmatur totum, quia datis talibus dispositionibus ultimis absque illo gradu in subiecto, cum sit diuisibile, poterit in-

troduci forma in parte disposita, & proximiori, licet non in toto subiecto, sicque ante illud instans, in quo debet compleri dispositio in toto subiecto per aduentum illius ultimi gradus, erit inchoata generatio in instanti: Sed non est maior ratio de illa parte, quam de toto dispositis absque illo ultimo gradu.

RESPONDET Melius, *cir. num. 24.* hic committi fallaciam consequentis, quia fit transitus ab intentione, secundum quam intelligitur subiectum dispositum in proximiori parte ad extensionem, secundum quam infertur posse fieri generationem inchoatam formæ, ob id negat consequentiam, quia licet in instanti terminetur intentio, non tamen extensio ipsius intentionis, quæ requirit tempus, ad hoc ut fiat generatio in illa parte. Addit *disp. 5. de gen. quæst. 6. in fine*, illam dispositionem in parte subiecti esse indeterminatam ratione sui, & ratione subiecti, cum non possit assignari medietas ipsius, quæ responsio tamen non est melior cæteris. Tum quia si introducantur sunt dispositiones physice ab agente naturali, necessario ipse sunt in se determinatæ tot, & tot graduum, & in tanto subiecto determinato: ergo & extensiva determinatio in aliqua parte subiecti. Probatur consequentia, quia agens disposens agit limitatè, & in subiectum determinatum: ergo in ultimo instanti scilicet in parte disposita introducetur forma, & id patet in anima rationali, cuius introductio fit in instanti, nec diuisibilitas subiecti impedit instantaneam introductionem formæ. Nec valet, quod respondet Meld. negando paritatem de anima, & cæteris formis: illa enim supponit corpus debite

bite organizatum vltimatè, in quo non habet contrarium, & in quo supponit minimum quod sic: at in non viuentem adfunt qualitates contrariæ, quæ successiue ejiciuntur, & ob id agens agit vniformiter difformiter, obidque successiue, & quia formæ non viuentes non exigunt minimum quod sic, sicut exigit forma rationalis, & viuens, obidque successiue introducuntur istæ formæ.

40. CONTRA, quia aliud est introducere dispositiones per alterationem, aliud formam, illæ quidem introducuntur successiue, vt notat S. Bonau. lib. 2. dist. 1. part. 1. art. 3. quest. 1. at in vltimo instanti introductionis ipsarum nihil est, quod impediatur generationem formæ in eodem instanti: ergo nulla responsio, & ad id de minimo quod sic, primò negatur istas formas non exigere minimum quod sic, vt satis probatum est *loc. cit. in 1. Na.* huius questionis. Tum etiam quia etiam hoc dato, tamen cum illæ dispositiones non consistant in indiuisibili, sed afficiant subiectum extenso modo: ergo dabitur in parte subiecti determinata vltimata dispositio, sed forma per Aduersarios est extensa: ergo secundum partem poterit introduci: subsumo, sed formæ corporeæ partes sunt homogeneæ: ergo sunt eiusdem rationis, siquæ, si vna pars in instanti introduci debet, & cæteræ etiam. Confirmatur, quia forma substantialis non viuens vel requirit determinatum subiectum, vel non, ita quod in quocunque minori semper esse possit: si primum, ergo cum dispositiones introducantur ab agente limitato, obidque determinate poterunt determinatum subiectum disponere: ergo in vltimo instanti erit generatio: si se-

cundum, multò magis poterit limitatè disponi aliqua pars.

PROBATVR secundò principaliter: Si generatio est successiua, id erit vel ratione formæ, vel ratione subiecti diuisibilis, vel ratione dispositionum, sed nullum ex his: ergo. Probatvr minor, non ratione formæ, quia de se est indiuisibilis, tum quia in eo instanti, in quo non est forma vetus, est noua, sed prior definit per vltimum sui non esse: ergo prima incipit per primum sui esse; nec ratione materiæ, quia ante formam non est quantitas vlla in ipsa per Aduersarios; nec ratione dispositionum, quia istæ non inferuiunt nisi in vltimo instanti ipsarum; ergo.

RESPONDENT non provenire præcisè ratione materiæ, vel formæ, sed ratione dispositionum, quæ successiue introducuntur.

CONTRA, quia dispositiones non inferuiunt ad generationem nisi in vltimo esse completo, sed complentur in instanti: ergo & generatio.

PROBATVR tertio, quia sic nullum esset discrimen inter generationem formarum substantialium, & accidentalium.

OBIECIENS primò ex Meldul. & alijs Arist. pluribus locis appellare generationem velociorem, & tardioiorem.

SED cum Seraph. Doct. lib. 2. dist. 1. cit. ad has, & similes auctoritates respondetur Aristotelem ibi ponere successionem in generatione non ratione sui, sed ratione alterationum, quod tandem & ipse Mastrius opponens facit *num. 116. in fine.*

OBIECIENS secundò cum Scotto cit. ab ipsa Mastrio, quod res cunque agens agit in passum affectum contrariis qualitatibus, semper agit vniformiter difformiter intra sphaeram suæ actualia

ætiuitatis, nempe producendo intensiorem qualitatem, & dispositionem in proximiori parte, & remissione in remotiori: ergo etiam successiue producit formam in parte hac, vel illa. Et confirmatur, quia licet in aliquo puncto possit introduci qualitas in summo intensa, quæ ultimæ consistat in indiuisibili, non tamen quoad extensionem: ergo cum hæc exigit subiectum diuisibile, diuisibiliter etiam introducit formam.

RESPONDETUR hoc argumentum vrgere negantes minimum quod sic in formis non viuientium. Vnde Ariana, & Hurtad. negant illam propositionem vniuersaliter de actione vniformi, & difformi: Nos autem cum ex principiis Seraphicis admittamus minimum quod sic, possumus eandem negare propositionem, & simul consequentiam, & dato etiam illo modo agendi, Respondemus, quod dum agens vniformiter agit in parte determinata proxima, ibi in ultimo instanti inducit formam, licet difformiter agat in remotiorem, quæ etiam ultimæ disposita etiam in instanti educit formam proportionatam: cum enim talis forma sit extensa ratione quantitatis, & formæ corporeitatis cæuæ materiæ: sic & habet partes diuisibiles homogeneas, obidque & quelibet pars est forma. Immo si obiectio aliquid probat, & concludit, probat etiam nunquam posse introduci formam in subiecto, cum non sit assignabile minimum quod sic: obidque nec vna pars recte disposita æqualiter: Immo, vt obicit Contareus, hoc absurdum etiam sequeretur in viuentibus, cuius partes heterogenæ secundum se sunt homogenæ, obidque nec haberent minimum quod sic.

R. P. Barr. de Castrovetto Phil. P. III.

DICES: nutritio viuientium sit successiue: ergo multò magis generatio harum formarum, illa enim est adgeneratio.

SED hæc difficultas examinabitur suo loco in lib. de anima: Pronunc negatur antecedens, & ob id consequentia.

OBICIENS tertio cum Ioan. Andr. formæ substantiales in subiecto extrahitis suscipiunt magis, & minus, ergo in subiecto introducuntur successiue. Probatur consequentia, quia hæc est ratio potissima successiōis formarum accidentalium.

RESPONDETUR concedendo antecedens, & negando consequentiam: Ad probationem responderetur negando paritatem, & disparitas est in hoc, vt supradictum est, quia formæ accidentales augentur, & diminuuntur successiue, quia paulatim acquirunt, vel deperdunt varios gradus etiam post suum esse in subiecto, & hoc ob permutationem contrarij, non sic substantiales, quæ totæ simul secundum suum statum proportionatum in subiecto introducuntur.

42. QVÆRES, quænam sint causæ generationis, & corruptionis.

RESPONDETUR causam finalem esse conseruationem specierum cum varietate indiuiduorum ad maiorem mundi ornatum: Sic S. Bonau. lib. 2. dist. 20. art. 1. quæst. 5. ad 2. tum ad ornatum, & perfectionem vniuersi constantis ex rebus, quæ habent esse vel permanens, vel decurrens: Sic lib. 2. dist. 15. art. 2. quæst. 3. & lib. 2. dist. 19. art. 1. quæst. 2. Causa formalis est ipsarum essentia: Materialis est subiectum commune: Efficiens verò principalis est Deus, qui omnes substantias ex nihilo creauit, & formas secundum suam essentiam in Semine-

E

rio

rio materiæ collocavit, minus principalis est agens particulare, quatenus formas educit ad actum existentialem completum, simulque compositum producit, quod & satis probatum fuit in *quest. de semin. formarum lib. 1. Phys. & in lib. 2. in quest.* An substantia creata sit immediate productiva alterius substantiæ, ubi probauimus non posse producere substantiam secundum essentiam, siue secundum sua principia, sed tantum secundum esse existentiale, & quatenus præsupponit principia substantialia creata à Deo.

## QVÆSTIO VI.

*An quod semel est corruptum, possit idem numero reparari.*

43. **P**ROPOSITA fuit hæc questio in *lib. 2. Phys. tract. 3. quest. 3.* & eius solutio remissa à nobis fuit ad hunc locum, tanquam ipsi proprium: mouetur autem questio de quocunque ente tam successiuo, quàm permanente, & per ordinem tam ad potentiam naturalem creaturæ, quàm supernaturalem.

PRIMA opinio fuit Platoniorum, qui non solum supernaturaliter, sed etiam naturaliter posse idem numero post corruptionem reparari: immò de facto id euenturum sustinent nempe post completam circulationem octauæ sphaeræ per motum naturalem, quæ secundum aliquos finitur triginta sex millibus annis, secundum alios quadraginta nouem millibus annis. Idem & asserebant Pythagorici admittebant post multas

circulationes regressum animarum in eadem corpora.

SECUNDA opinio negat per vllam potentiam posse idem indiuiduum numero reproduci excepto homine, cuius remanent principia in esse, scilicet materia, & forma: Sic Durand. *lib. 4. disputat. 43. quest. 3.* Abul. in *cap. 22. Matth. 9. 258.* Marsil. Quæ opinio sine tali exceptione de homine est communis etiam Stoicis, Epicur. Saduc. qui animam ponebant mortalem in homine.

TERTIA opinio admittit posse fieri supernaturaliter, non verò naturaliter, sic communiter Theol. in *lib. 4. disp. 43.* Inter istos tamen sunt aliqui, qui id admittunt in permanentibus, negant in successiuis, vt Capreol. Ferrar. Hurtad. Ruu. &c. Alij admittunt in vtrisque, & inter hos Scotus cum suis admittit posse etiam fieri naturaliter in aliquo effectu perspecta virtute causarum naturalium: Sic ex Meldul. *disp. 5. q. 7. num. 154.*

CVM hac tertia opinione est Seraph. Doct. modo infra explicando.

44. PRIMò Notandum, quòd hæc questio habet suam solutionem in *lib. 4. dist. 43:* apud Theologos tractantes, An sit possibilis Resurrectio eiusdem hominis numero, & Seraph. Doct. in eadem distinctione *art. 1. q. 4.* ipsam fusè pertractat, proponitque tres opiniones, vt ibi videre est, tertiamque amplectitur dicens, quod eo quia Deus concreauit omnes formas corporeas in Seminario materiæ, idèd dum corrumuntur, non cedunt in nihil, sed remanent in esse completo in materia, quod & fusè probat *lib. 2. dist. 7. & dist. 18. loc. cit. in Phys. in quest. de Seminario formatum*; hinc cum remaneat anima rationalis

rationalis in esse, quia est incorruptibilis, cùmque & remaneant ceteræ formæ corporis heterogeneæ in materia, & eadem materia, Deus potest idem numero reparare, non verò creatura potentia naturali.

DICES: Quare creatura non poterit saltem corporea iam corrupta reparare, cùm adsint eadem principia.

RESPONDET Seraph. Doct. *ibid.* lib. 4. dist. 43. quod agens naturale generando producit genitum, & in producendo ipsum educit formam ex materia de esse incompleto ad esse completum, ei tribuendo per suam virtutem à se immixtam nouum modum substantialem, scilicet esse existentiale completum, & si est generatio viuientis, ei impertitur aliquid de sua substantia: Hinc producendo rem non potest reproducere idem numero, sed tantum specie, ex hoc quod diuersæ operationes diuersos effectus producant, quando diuidunt ex æquo, id est quando non sunt subordinatæ, sed disparatæ, vti sunt omnes productiones totales, & discontinuæ: idem & lib. 4. distinct. 14. part. 2. art. 2. quæst. 3. ad 3. Igitur cùm agens naturale non possit tribuere eundem modum substantialem, sed alium licet consimilem, nec idem numero potest reproducere: Vnitas enim numerica provenit ex ratione individualitatis, individualitas autem est modus substantialis consequens ad unionem materiæ, & formæ factam per actionem agentis naturalis, vt latè probatum fuit in cap. de substantia de principio indiuiduationis.

45. SECUNDÒ Notandum ex traditis in *Phys. lib. 2. tract. 3. quæst. 5. in Notab. 3.* quod effectus particula-

ris dicit quidem ordinem ad suam causam, sed non ita essentialiter, quod ratione suæ indifferentiæ non includat etiam ordinem ad aliam consimilem, vel virtuosiorē causam, in cuius virtute continetur, & à qua potuisset, vel possit poni in esse: Vnde sufficienter quoad esse dicit ordinem ad hanc causam, sed non adæquatè, cùm adæquatè includat ordinem etiam ad alias, & cùm individualitas superaddita naturæ productæ insit ei ratione influentiæ prouenientis ab hac causa numero, & secundum sufficientiam ipsius effectus, sequitur, quod secundum suam essentiam possit eam recipere etiam ab alia valente illam producere: Videatur citarum notabile, vbi fusius hæc doctrina explicatur.

46. TERTIÒ Notandum, quòd cùm entia creata alia sint in esse permanente, alia in successione, vt docet S. Doct. lib. 4. dist. 43. cit. Potior difficultas est, an idem numero successuum possit reparari, vt, verbi gratiâ, idem tempus præteritum: de quo S. Bonau. satis obscure loquitur lib. 1. dist. 42. art. 1. q. 3. In corpore verò quæstionis videtur sibi contradicere, nam fatetur apertè, quòd Deus potest facere de præterito, quod sit præsens, & postea negat Deum posse facere, quod præteritum non sit præteritum, quod & insinuat lib. 4. dist. 43. quæst. cit. ad ult. Attamen, vt rectè notat P. Gallicius lib. 3. tract. 2. quæst. 3. sibi non contradicit S. Doct. nam aliud est ipsa præterito, aliud ipsa res, quæ præterita est sumpta secundum suam entitatem, verbi gratiâ, motus. Vnde aliud est facere præteritum secundum entitatem suam præsens, simulque, quod fuerit præteritum, vt motus præteritus si hæ-

nunc præsens, aliud est facere, quod nunquam fuerit: Primum est Deo possibile, quia fit, vt illud, quod iam habuit esse, de nouo idem esse habeat: Secundum est impossibile, quia inuoluit contradictionem manifestam. His positis sit

47. PRIMA CONCLUSIO: Virtute sola naturali, id quod est corruptum, non potest idem numero reparari. Est S. Bonau. lib. 4. dist. 43. cit. & communis etiam Scoti, licet dicat non posse assignari rationem vllam ab intrinseco, sed tantum extrinsecum impedimentum, nempe ex sola Dei voluntate, S. Bonau. verò adducit mortuum supra adductum, nempe quia agens naturale non potest tribuere existentiam rei corruptæ, nisi immitendo aliquid sui, scilicet suam actionem distinctam, & virtutem substantialem, & si est generatio viuientium, etiam sui partem intrinsecam, quare in via Seraphica hoc impedimentum est in creatura agente intrinsecum, respectu Dei est extrinsecum.

PROBATVR autem primò contra Platonicos, quia etiam si daretur talis circulario octauæ sphæræ, adhuc tamen non possent coire iidem orbis, & stellæ in vnum. Tum etiam quia requirerentur eadem principia, scilicet materia, & forma, sed materia poterit esse sub alia forma, & diuersimodè dispersa. Tum quia sequerentur multa absurda in specie humana, possent enim redire eadem peccata, iidem actus voluntatis, & intellectus, habitus amissi, ablatis libertatis, &c. Tum quia si denud posset naturaliter idem effectus reproduci, sequitur, quod & eadem actio numero, quod est impossibile, cum enim sit producta, non est au-

plius in potentia: Addimus tamen cum Scoto verè istas rationes non conuincere: Vnde recurendum est ad extrinsecum impedimentum alatum: ratio est, quia cum causa sit indifferens ad hunc, vel alium actum, Deus ipsam determinat potius ad hunc, quàm ad illum. vt probatum fuit in *Phys. lib. 2. tract. de causa efficiente*: ergo ratio, quare non producat effectum iam corruptum, est carentia determinationis Diuinæ. Vide Meldul. hic, qui fusè hanc materiam doctissimè pertractat. Sic & Serbellon. *Phys. dist. 2. quest. 2. art. 10.* qui fusè, & solidè probat hanc sententiam Scoti, & respondet omnibus obiectionibus in contrarium.

OBIECTES primò, quia in Eccl. dicitur, *nihil esse sub Cælo nouum*: ergo idem reproducitur continuè.

RESPONDET S. Bonau. in hunc locum in hoc dicto intelligi debere idem specie, non numero.

OBIECTES secundò, quia omnes effectus continentur in virtute suæ causæ, quæ est indifferens ad omnes: vt probauimus in *Physic. lib. 2. tract. 2. quest. 3.* ergo.

RESPONDETVR contineri omnes effectus, qui sunt in potentia suæ causæ: Sed effectus productus non est ampliùs in potentia naturali.

CONTRA: ergo post productionem talis effectus causa erit minùs potens.

RESPONDETVR distinguendo consequens, erit minùs entitatiuè, & intrinsecè, nego, terminatiuè, & extrinsecè, concedo: remanet enim eadem potentia, & virtus spectans ad entitatem causæ, quæ tamen non potest exerceri in actu secundò, postquam



postquam iam produxit ipsum.

**OBJICIENS** tertio: Identitas numerica dependet tantum ex vnione principiorum, sed principia sunt, sicut erant ante primam productionem: ergo poterunt vniri, sicque erit idem numero effectus.

**RESPONDETUR** concedendo Maiorem, sed addimus requiri productionem eiusdem vnionis, quæ exigit & eandem actionem numero: Sic negatur consequentia.

**DICES**: eadem Musca suffocata in aqua potest reuiuiscere, si ad solis reflexum ponatur.

**RESPONDETUR** non esse eandem, sed vi solis educi aliam formam consimilem: Sic S. Bonauent. quod & melius parebit, cum agemus de anima sensitiua.

**48. SECUNDA CONCLUSIO**: quæcunque entitas secundum se siue permansens, siue successiua potest per potentiam Dei absolutam reparari post ipsius corruptionem: Est S. Bonauent. & communior: Nota tamen ex eodem Seraph. Doct. lib. 4. dist. 43. arr. 1. *quæst. 4. ad vltim.* quod res potest considerari duobus modis: Primo, secundum propriam entitatem, & existentiam: Secundo quoad defluxum, scilicet quoad coexistentiam ad prius, & posterius, verbi gratia, hic motus habuit partes vnâ post aliam A. B. C. D. E. in quo motu sunt partes A. ante B. & B. ante C. & C. ante D. & D. ante E. & secundum istum ordinem impossibile est, vt A. reparetur, ita quod fiat cum eodem ordine, sed tamen iste ordo est ipsis partibus accidentalis, essentialis autem vt in motu est, vt vna pars sit post aliam secundum propriam entitatem: Vnde si repararetur, & re-produceretur pars A. esset post E. in

quo nulla est variatio secundum entitatem, licet sit secundum coexistentiam, & secundum mensuram intrinsecam, seu prioris, & posterioris: Hint

**PROBATUR** conclusio: Nulla adest repugnantia, quod eadem res possit reproduci: ergo.

**PROBATUR** antecedens, non adest ex parte Dei, vt per se patet: nec ex parte rei, quia, licet antequam haberet esse, nihil erat, & tamen erat in potentia obiectiua Dei, sic & postquam iam facta, & corrupta est, Deus enim non dependet à tempore, tum quia tale, vel tale tempus, in quo creatur res, est ipsi extrinsecum. Tum quia in Resurrectione mortuorum iidem homines resurgent, & tamen interruptio non impedit eandem entitatem hominum: ergo nec in cæteris.

**DICES** requiri nouam existentiam, & individualitatem, cuius ratione à creatura non possunt reproduci res: ergo si hæc est ratio intrinseca rerum, implicabit etiam respectu Dei.

**RESPONDET** S. Bonauent. negando paritatem: Idem enim creatura id non potest; quia non potest eandem actionem numero, nec eandem virtutem à se immixtam denuo reproducere, obidque nec habere eundem terminum, non sic Deus, cum vnicam actionem sibi identificatam habeat, nec dependeat à termino in operari. Tum etiam quia diximus talem rationem in creatura esse extrinsecam.

**49. PROBATUR** secundò de entibus successiuis, & præcipuè de præterito, in quo est maior difficultas à Seraph. Doct. lib. 1. dist. 42. cit. Impossibile dicitur id, quod nullum ordinem importat ad existentiam sal-

tem in esse obiectiuo : sed , verbi gratiā , præteritum vt præteritum , est huiusmodi , & secundum suam entitatem non est huiusmodi : ergo vt præteritum est , non potest reproduci : benè autem vt est talis entitas. Maior probatur à Seraph. Doct. quoad primam partem de præterito , vt tale est : Omnis potentia siue sit obiectiua , siue actiua , respicit ens vel ratione principij , vel ratione termini , vel utroque modo , sic enim res creata ex nihilo respicit ens ex parte termini , sic de non ente fit ens , & de ente fit non ens per corruptionem , & annihilationem , & ex ente fit ens , nec datur alius modus , scilicet de non ente non ens ; quia à non ente ad non ens nulla est potentia : ad præteritum vt præteritum dicit non ens : ergo si Deus posset facere ipsum non fuisse , faceret de non ente non ens : quod implicat , in quo sensu dicitur , quod Virgo corrupta per quancunque potentiam non potest esse , quin fuerit corrupta , sic enim destrueret Deus , quod non est , & faceret nihil. Tum quia veritas propositionis de præterito non necessario fundatur supra aliquid creatum , quod sit , sed quod fuerit , & idèd manet omni creato intempto. Tum quia idem diuideretur à seipso , si posset facere , quod præteritum non fuerit. Probatur item Maior principalis argumenti quoad alteram partem , scilicet id quod fuit secundum suam entitatem absque , coëxistentia ad prius , & posterius , secundum quæ habuit prius esse posse à Deo reproduci , quia , vt ait Seraph. Doct. illa successio secundum prius , & posterius potest à Deo tolli , potest enim Deus reproducere Virginem , quæ iam est corrupta , pu-

ram , & incorruptam , potest & vnā partem motus iam transactam reproducere , & facere coëxistentem temporis præsentis , potest & vnā partem temporis , seu moræ denuò reproducere coëxistentem suæ intrinsecæ mensuræ : confirmatur , quia sicut res permixta non est alligata certo temporis quoad sui productionem , sic nec motus : Vnde reuolutio Cæli hodierna potuit à Deo anticipari vincti annis : ergo eadem facilitate poterit eandem repetere in hoc tempore : non enim est maior ratio de vna , quàm de alia , & idem dicendum de ipsis partibus temporis quoad entitatem , licet non quoad ordinem , non enim potest tollere ordinem præteritum , quin præterierit. Nec illa coëxistentia ad durationem præteritam potest impedire , cum sit entitati rei extrinseca , & separabilis. Ratio enim intrinseca successiuorum consistit in existentia successiua partium : ordo verò ipsarum potest mutari. Tum etiam si quod iam est corruptum , non potest reparari , id erit , vel quia non existit , & hoc non , quia etiam , antequam produceretur , non existeret , vel quia præcessit , & hoc non , quia multæ res existunt , quæ præcesserunt , vel quia corruptum est , & hoc non , quia etiam est in potentia , sicut ante primam productionem , id enim solum destruit annihilatione , vel corruptio , quod ponit generatio , vel creatio , sed hæc solum ponit actualitatem , non possibilitatem , quæ præsupponitur : ergo ex eo , quod fuerit corrupta , vel annihilata res , non tollitur eius possibilitas ad reproduci. Tum quia non magis distat impossibile à possibili , quàm possibile ab impossibili , sed per nullam poten-

potentiam impossibile potest fieri possibile : ergo per nullam potentiam possibile potest fieri impossibile.

DICES istas rationes probare etiam possibilitatem naturalem respectu creature.

RESPONDETUR negando assumptionem, nam potentialitas Logica est per ordinem ad Diuinam Omnipotentiam, potentia naturalis respicit potentiam physicam, & expeditam, quæ potest impediri facili, & maxime quando plures causæ, & circumstantiæ concurrere debent ad producendum effectum.

DICES secundò : Id quod fuit, verum est, quod fuit : ergo importat aliquam existentiam, & veritatem de præsentī : ergo præterit præteritum, vt tale est fieri, quod non fuerit præteritum, & per talem actionem terminari ad hanc existentiam præsentis veritatis.

RESPONDETUR, quod aliud est veritas, qua fuit, nempe significatio propositionis de præterito, aliud ipsa præteritio, prima est præsens, secunda nec præsens, nec ordinata ad præsens, obidque dicit de se non ens, idè impossibile est facere, quod non fuerit. Sic S. Bonau. lib. 1. citat.

OBIECTES tertio : Ad præteritum non est potentia, sed entitas præterita est talis : ergo.

RESPONDETUR concedendo de præterito, vt tale est, negando de entitate, in qua est præteritio, seu vt dicit S. Bonau. concedendo antecedens de præterito secundum dura-

tionem, negando de ipso secundum entitatem.

CONTRA : ergo in tali casu habebit duplicem existentiam, & durationem, quæ implicant.

RESPONDETUR negando consequentiam, quia vt dicit Seraph. Doct. eadem existentia bis esset per duplicem repetitionem, quæ tamen coëxisteret duplici durationi : sic enim iteratio non esset ipsius entitatis, sed durationis, vel coëxistentiæ, quæ est quid extrinsecum. Et cum hac distinctione soluantur ferè omnia obiecta in contrarium, & ratio est, ait Mairon, quia non est necesse, vt res reproducta habeat omnia, quæ prius habebat.

DICES : ergo posset à Deo fieri, vt annus Natiuitatis Christi præcederet Natiuitatem Abrahæ, posset & facere, quòd mille anni elapsi coëxistant vni horæ præsentī replicatæ tot vicibus, vt facerent mille annos, quæ videntur impossibilia.

RESPONDETUR concedendo posse reproduci nunc annum Natiuitatis, Abrahæ secundum entitatem, in quo casu esset posterior anno Natiuitate Christi : non secundum coëxistentiam ad tempus extrinsecum, sed secundum suam existentiam coëxistentem tempori præsentī. Et ad id de hora replicata conceditur totum secundum coëxistentiam ad tempus millenarium, sicque intrinsecè non esset duratio mille annorum, sed tantum extrinsecè, sicque fluere non per durationem mille annorum, sed secundum patres eiusdem horæ replicatas.



## TRACTATVS II.

*De Alteratione, seu Generatione accidentali.*

50.



AM expendimus ea, quæ spectant ad generationem, & corruptionem substantialem: nunc vt sequamur ordinem Aristotelicum, examinanda sunt essentia, proprietates, & alia pertinentia ad generationem accidentalem, quæ dicitur Alteratio, quæ quia est motus ad qualitatem: hinc primò de ipsa alteratione secundùm se, deinde de ipsius effectibus per sequentes quæstiones agemus: Primò præmittentes de more nostro Textum Seraphicum.



### TEXTVS SERAPHICVS.

*De Alteratione.*

A.



VM duplex mutatio in vniuersum detur, nempe substantialis, & accidentalis: Prima est, per quam subiectum fit aliud: Secunda, per quam fit alterum: hinc oritur alteratio, quæ est mutatio accidentalis, quæ est multiplex, sed propriè sumpta est ad qualitatem: Et hæc alia est perfectiua, alia corruptiua. *Lib. 1. distinct. 4. dub. 9. & lib. 1. distinct. 17. part. 2. quæst. 1. ad 4. & lib. 2. distinct. 1. part. 1. art. 3. quæst. 1. & lib. 4. distinct. 44. part. 2. art. 3. quæst. 1. & 2. & lib. 2. dist. 14. part. 2. art. 2. quæst. 1. & lib. 1. dist. 17. part. 2. quæst. 1. ad vlt.*

B. QVIA alteratio alia est intensiua, alia extensiua, quæritur,

an

an in intensione qualitas augeatur secundum substantiam, an verò tantum per maiorem radicationem in subiecto, vel per maiorem impermixtionem sui contrarij : Sed respondendum est Intentionem fieri per additionem gradus ad gradum, & quia hæc additio est penes quantitatem virtutis, hinc fit per accessum ad suum summum, obidque & per accessum ad maiorem perfectionem, & simplicitatem. Et licet prior qualitas sit actu, tamen quia adhuc est perfectibilis, & hoc pacto est in potentia ad ulteriorem gradum, obidque & ipsi vnibilis : Idemque suo modo dicendum de remissione, fit enim per deperditionem gradus, & gradus, excipit tamen gratiam, & charitatem, quæ licet augeatur gradualiter : tamen tota deperditur, quia habet contrarium sibi solum peccatum. *Lib.1. dist. 17. part. 2. art. 1. quest. 1. & seq. & lib.2. dist. 27. artic. 2. quest. 2. in corp. & lib. 2. dist. 3. part. 1. dub. 2. & dist. 34. dub. 3. & art. 2. quest. 1. & lib.3. dist. 14. dub. 3. & lib.1. distinct. 17. cit. quest. 2. ad ult.*

C. An verò isti gradus, secundum quos fit intensio, sint eiusdem rationis, scilicet individualis, an diuersæ? Ad hoc dicendum, quod per graduum multiplicationem fit accessus ad summum, & per consequens quò magis ascenditur, eò perfectior gradus aduenit, eo quia inferior fert cum sua perfectione imperfectionem vnibilitatis, & perfectibilitatis, quæ totaliter est perfecta, & completa in ultimo, sed quia non est differentia hæc specifica, potest dici accidentale discrimen. *Lib.1. dist. 17. part. 2. art. 1. quest. 2. ad ult. & dist. 9. art. 1. quest. 1. ad 2.*

D. Et quia in intensione subiectum magis, & magis perficitur, & in remissione gradatim expoliatur qualitate, hinc & quæcunque qualitas, quæ est capax gradualis latitudinis, est etiam terminus intensiōis, & remissionis : Quare dicendum est Alterationem propriè posse esse ad quatuor species qualitatis, habitus enim dispositio sunt vnæ species qualitatis differentes secundum magis, & minus, quod & dicendum est pariter in naturali potentia, & impotentia, quæ differt à prima specie, eo quod illa venit in subiecto ab extrinseco, ista ab intrinseco : Tertia verò species scilicet passio, & passibilis qualitas est propriissimè terminus qualitatis, quam gradualem latitudinem suo modo etiam oportet recognoscere in forma, & figura. *Lib.2. dist. 25. part. 1. art. 1. quest. 5. & dist. 28. dub. 1.*

R. P. BARI. de Castrovetro Philos. P. III

F

&

& lib. 4. dist. 4. part. 2. art. 2. quest. 2. in corp. & lib. 1. dist. 3. part. 2. art. 1. quest. 3. & lib. 2. dist. 24. part. 2. art. 1. quest. 5. & lib. 4. dist. 16. part. 1. art. 4. quest. 1. fund. 1. & lib. 1. dist. 17. part. 2. quest. 1. & 2. & lib. 4. dist. 6. quest. 1. in corp. & lib. 3. dist. 34. part. 2. art. 2. quest. 1. ad 2. & lib. 2. dist. 42. art. 3. quest. 1. ad ult. & lib. 3. dist. 9. art. 2. quest. 4. ad ult. & lib. 4. dist. 48. art. 2. quest. 3.

E. CVM autem qualitas in augmento habeat statum, & terminum naturalem tum ratione ipsius qualitatis, tum ratione potentie suscipientis, tum ratione virtutis agentis, supernaturaliter tamen nullum terminum habet, cum potentia creature sit subiecta Diuine Omnipotentie, possitque ampliari in infinitum. Cum autem in Alteratione necessario concurrat actio agentis alterantis, hinc explicanda venit actio hæc: nempe an exigit in passo dissimilitudinem, & an agendo agens repatiatur, & qualiter fiat Antiperistasis. Lib. 1. dist. 17. cit. & dist. 42. art. 1. quest. 3. & 4.

F. DICENDVM igitur est, quod cum similitudo, & dissimilitudo alia sit secundum substantiam, & speciem, alia secundum accidens, vel secundum gradus, necessario in actione exigitur dissimilitudo saltem secundum gradum in passo: omne agens enim agit in passum, ut sui similitudinem imprimat passo, quam dissimilitudinem facit etiam raritas disponens ad agendum. Lib. 1. dist. 2. dub. 6. & lib. 3. dist. 34. part. 2. art. 2. quest. 1. ad 4. & lib. 4. dist. 44. part. 2. art. 3. quest. 2. arg. 2. & lib. 2. dist. 31. art. 2. quest. 1. ad 2. & lib. 4. dist. 49. part. 2. art. 6. quest. 1. ad 1. & in corp. & lib. 2. dist. 14. part. 2. artic. 2. quest. 1. in corp.

G. Et quia datur actio per antiperistasis, & per reflexionem, dicendum etiam per antiperistasis, & reflexionem acquiri, & intendi nouam qualitatem. Lib. 2. dist. 13. art. 3. quest. 1. ad 2. & 3. & lib. 2. dist. 1. part. 1. art. 2. quest. 2. ad 1. & Serm. 3. de pluribus Martiribus.

H. Et licet resistentia rigorose sumpta competat tantum corporibus duris, scilicet ex duritie oritur ex hoc, quod durities fert secum inhabilitatem ad suscipiendum, aptitudinem ad persistendum, & idoneitatem ad resistendum, tamen etiam competere potest aliis rebus habentibus contrarium, ob id & qualitatibus, in quibus est oppositio secundum resistentiam, quare requiritur inæqualitas inter actiuitatem vnius, & vim restitiuam alterius: Vnde corpus gloriosum


sum potest penetrare non gloriosum, non verò corpus gloriosum ob defectum talis inæqualitatis: Et quia agens debet esse præstantius passo secundum aliquam partem, sequitur necessariò, quòd in agentibus contrariis datur semper reactio, licet enim passum in ratione passi sit minùs præstans agente, tamen, vt agens est, potest dici præstantius suo agente repasso ex hoc, quòd patiatur secundum vnâ partem tantum, & agat secundum suam totam virtutem. *Lib. 1. dist. 4. art. 4. quæst. 1. & dist. 4. part. 1. art. 2. quæst. 2. ad 2. & lib. 4. dist. 49. part. 2. art. 4. quæst. 1. & 2. & lib. 2. dist. 31. art. 2. quæst. 1. ad 1. & 2. & quæst. 2. ad 3. & lib. 3. dist. 16. art. 1. quæst. 1. ad 4. & lib. 4. dist. 16. part. 1. art. 3. quæst. 1. ad ult.*

Hic autem non superadditur Scholion ad Textum, quia omnia per se patent, & fusè explicantur in Quæstionibus sequentibus.

~~~~~

## QVÆSTIO PRIMA.

*Quid, & quotuplex sit Alteratio.*

51.  LTERATIO ex vi nominis dicitur id, quo aliquid fit alterum, & hoc potest esse pluribus modis. Vnde potest sumi primò æquiuocè, prout importat quamcunque mutationem communem creationi, generationi substantiali, corruptioni, & propriæ alterationi accidentali, de quibus agit Seraph. Doct. *lib. 1. distinet. 1. part. 1. artic. 3. quæst. 1. & 2.* & hòc modo hìc non sumitur: sed tantum est sermo de Alteratione accidentali, quæ est ad qualitatem: nam per substantialem subiectum fit aliud, per accidentalem fit alterum, *lib. 1. dist. 4. dub. 9. & lib. 1. dist. 17. part. 2. art. 1. quæst. 1. ad 4.* Hinc fit.

PRIMA CONCLUSIO: Alteratio accidentalis rectè diuiditur primò in Alterationem corruptiuam, & perfectiuam: Prima est introductiua quidem qualitatis nouæ in subiectum, sed simul etiam est alterius corruptiua: vt dum subiectum fit calidum expulsionem frigoris: Secunda est, quando fit introductio nouæ qualitatis absque alterius destructione, vt dum calor, verbi gratiâ, intenditur, & gratia augetur in anima: de quibus S. Bonau. *lib. 4. dist. 44. part. 2. art. 2. quæst. 2. & art. 3. quæst. 1. & alibi*, vt infra. Secundo diuiditur in instantaneam, & successiuam: Prima est, quæ est introductiua qualitatis non habentis contrarietatem: vt est illuminatio aëris: An verò sit rigorosè instantanea, alibi dictum est: Secunda est, quæ fit introductione qualitatum habentium contrarium, sic calor successiuè introducit in aquam, & hæc fit vel secundum intensiorem, scilicet in eadem parte subiecti, & in eadem qualitate per augmentum graduum in seipsis, vel extensiuè per dilationem in subiecto, & de his agit Seraph. Doct. *lib. 2. dist. 14. part. 2. art. 2. quæst. 1.*

F. 2 &

& loc. cit. *suprà*, quæ tamen per potentiam supernaturalem Dei potest fieri instantaneè, vt in Conceptione Christi: ex S. Bonau. de vtraque lib. 3. dist. 4. art. 3. *quest.* 1.

§ 2. SECUNDA CONCLUSIO: Alteratio ab Arist. sic definitur, *Motus, seu mutatio ad sensibilem qualitatem eodem subiecto sensibili manente*: Dicitur motus loco generis: Dicitur, *ad sensibiles qualitates*, per quam particulam definitur non solum alteratio, quæ est tantum dispositiua ad generationem substantialem, sed quæcunque alia habens pro termino quascunque qualitates siue primas, siue secundas, siue contrarias, siue non: Dicitur, *eodem subiecto sensibili manente*, vt denotetur, quod subiectum eius non est materia prima, sed materia corporea, scilicet affecta forma corporeitatis, & quantitatis siue interminatæ, siue terminatæ iuxta principia Seraphica: Aliqui tamen expungunt ab hac definitione illam particulam, *sensibili*, dicentes, *eodem subiecto manente*: Sic Serbellon.

Probans omnem sensibilitatem propriam pronenire ab ipsis qualitatibus non à quantitate, quæ dissensio tamen in aliorum principiis est potius de nomine: At in opinione Seraphica iuxta sua principia dicendum est verè expungi debere illam particulam, ex hoc quod datur Alteratio vera etiam in subiecto non sensibili, sed spiritali, quæ ortum trahit à materia, & forma, vt euenit in spiritibus, in quibus nulla adest sensibilitas in subiecto rigoroè sumpta, & tamen in ipsis sunt alterationes.

§ 3. TERTIA CONCLUSIO: Alteratio propriè in multis differt à generatione: Est communis omnium,

& S. Doct. lib. 2. dist. 1. *suprà* cit.

PROBATVR, quia primò differt ex parte terminorum, à quibus specificantur omnes motus: nam generatio per se est ad substantiam: Alteratio ad qualitates: Secundò ex parte subiecti, nam subiectum generationis est ens incompletum, nempe vel materia prima, vel corpus vt pars altera compositi: Alterationis verò subiectum est ens completum, licet enim possit esse etiam ens incompletum vt corpus, non tamen vt tale est, sed tantum dicitur incompletum non ratione qualitatis, ad quam est in potentia, sed ob alium respectum: Tertiò differre possunt etiam tum ratione durationis, quia generatio fit in instanti: Alteratio fit successiue, sed hæc est accidentalis differentia, cum insit successio in Alteratione tantum ratione qualitarum contrariarum: Quartò etiam ratione finis: nam generatio est propter se, Alteratio propter generationem, sed etiam hæc est accidentalis, vt mox patebit.

§ 4. QVÆRES: an si impossibilis esset generatio, etiam esset impossibilis Alteratio, ita quod essentialiter orderetur, vel non, Alteratio ad generationem.

THOMISTÆ vt Ioan. à S. Thom. alique affirmant: Immo Ruvius tract. 3. *quest.* 1. docet, quod loquendo de Alteratione corruptiua etiam per potentiam Dei absolutam, si impossibilis esset generatio, etiam impossibilis esset Alteratio. S. Bonau. lib. 4. dist. 44. part. 2. art. 2. *quest.* 2. negat hanc connexionem loquendo de quacunque vera Alteratione, licet sit vera de Alteratione naturali, pro vt est dispositiua ad generationem, do qua lib. 2. dist. 1. cit. at absolute

loquendo



loquendo non habet essentialiter talem connexionem: nam in Inferno erit continua Alteratio etiam ademptiva absque corruptione, & generatione; quæ Alteratio de se esset corruptiva, si subiectum à Deo non præservaretur: ergo. Tum etiam quia, ut docet S. Bonavent. *lib. 1. dist. 12. quæst. 1. ad 3.* prius potest esse sine posteriori, à quo non dependet: ergo ingenerabilitas substantiæ potest esse sine ingenerabilitate, & incorruptibilitate qualitatum. Nec valet, si dicas non posse illam substantiam esse sine suis accidentibus conservatiis, quia Deus potest illam conservare absque istis, tum quia multa sunt accidentia, quæ non inferiunt ad conservationem substantiæ.

Dices: Alteratio versatur inter contrarias qualitates mutuo se expellentes à subiecto, sed ista mutua expulsio essentialiter ordinatur ad expulsionem formæ substantialis: ergo si ista expulsio est impossibilis, etiam illa.

RESPONDETUR ex Meldul. distinguendo Minor. ista expulsio mutua ordinatur ad expulsionem formæ substantialis, distinguo, tanquam ad primarium effectum, nego, tanquam ad secundarium, concedo, obidque nec est essentialis ipsi Alterationi, expulsio enim formæ substantialis est formaliter, & etiam efficienter ab alia forma substantiali: efficienter verò ab agente, & dispositio formaliter ordinatur ad introducendam aliam dispositionem.

CONTRA: Idem entia incorruptibilia sunt inalterabilia, quia sunt incorruptibilia: ergo Alteratio ordinatur ad corruptionem, & generationem essentialiter.

RESPONDETUR concedendo id esse verum de facto, non tamen de possibili, quasi hæc sit ratio intrinseca incorruptibilitatis, quod patet, quia dantur substantiæ corruptibiles, simulque inalterabiles, ut sunt Adamas, aliæque consimiles gemmæ: Vide S. Bonavent. *lib. 4. distinct. 44. part. 2. art. 3. q. 1. in corp. & ad 2.*

## QVÆSTIO II.

An Alteratio sit motus continuus.

§ 5. PRIMò supponendum ex traditis in *Phys.* aliud esse continuitatem, aliud successionem, continuitas enim ex vi nominis significat unionem partium plurium eiusdem rei inter se: Successio verò significat pluralitatem rerum, quarum una succedat alteri, siue postea sint partes eiusdem rei, siue non: Continuitas verò alia est successiva, & est, per quam res plures habet partes succedentes unitas inter se, ut in tempore: Instantanea, seu simultanea est, per quam res plures habet partes unitas simul existentes æquè primò, ut si rota qualitas produceretur in unico instanti in subiecto: Successiva verò alia est ratione subiecti, alia ratione termini: Prima est, cum subiectum movetur per partes post partes ad terminum, ut in motu, verbi gratiâ, animalis: Secunda est, cum motus incipit per primam partem correspondentem primæ parti termini, deinde per aliam respondentem secundæ, ut in calefactione respectu caloris: Vtraque est successiva vel ab intrinseco, & per se, ut in motu vel ratione termini, qui

non possit acquiri simul totus, vel ratione spatij, & hoc præcipue in motu locali naturali, vel est ab extrinseco, & per accidens, & est ratione applicationis agentis ad mobile, vel ratione alterius qualitatis contrariæ existentis in subiecto; quæ tota simul expelli non possit: Hinc cum sit certum qualitatem quamlibet tam intensiuam, quam extensiuam posse de facto in instanti acquiri in subiecto, & de facto aliquando acquiritur, ut dum lumen in medio tenebroso producit, quæ productio, an sit rigorose instantanea, an non, aliàs disputatum est, & in Conceptione Christi tota Alteratio præcedens facta est in instanti, ut dictum est: Queritur modò, an quando agens non sit æqualiter præsens omnibus partibus subiecti, ut dum ignis calefacit lignum, vel in ipso subiecto sit resistèntia qualitatis contrariæ; Alteratio tunc sit continua, an interpolata.

PRIMA opinio asserit Alterationem tam secundum extensionem, quam intensiorem esse motum quemdam integratorem ex pluribus mutationibus instantaneis non continuis, sed connexis per partes temporis, in quibus agens quiescit: Sic Capreol. Ferrar. Sincin. Iauel. & alij apud Mæstrum *disputat. 3. num. 61.*

SECUNDA opinio est communis fere omnium asserentium esse motum continuum successiuum, & est etiam Sèraph. Doct. *infra cit.* Pro solutione quæstionis

56. SECUNDO supponendum, diuerso modo fieri Alterationem extensiuam ab intensiuâ: nam extensiuâ fit per diuersas partes subiecti, ex subiecto enim Alterato agens educit prius in vna parte qualitatem, &

deinde in alia aliam, ex quibus potest fit vna qualitas extensa: Intentio verò fit in eadem parte subiecti, ex qua agens educit prius vnum gradum, & deinde secundum, tertium, quorum primus est veluti dispositio ad educationem alterius, sicut in latitudine intensiuâ plures gradus sunt in eadem parte subiecti, vel simul penetrati in toto subiecto. His positis fit

57. VNICA CONCLUSIO: Alteratio tam intensiuâ, quam extensiuâ ex parte termini, siue secundum se intrinsece est continua, & successiuâ, ex parte subiecti verò extrinsece tantum est successiuâ, cum possit in subiecto introduci in instanti: Est S. Bonauent. *lib. 2. distinct. 1. part. 1. art. 3. quæst. 1. in corp.* vbi docet in generatione substantiali interuenire motum continuum ratione dispositionum antecedentium: Idem affirmat *lib. 3. dist. 4. art. 3. quæst. 1. & lib. 4. dist. 16. part. 1. art. 3. q. 1. ad 4. & 5. & alibi sapè* in quibus locis præcipue *lib. 3.* docet secundam partem conclusionis.

PROBATVR autem prima pars: Agens applicatum passo agit continuè, & non per interpolationem; ergo & alterat continuè, & successiuè.

RESPONDET Arriaga negando antecedens, vult enim quiescere agens post productionem primi gradus per morulas, sed nos ipsas satis reiecimus in *Phys. agentes de motu*: & iure merito, nam agens naturale naturaliter applicatum passo, & non impeditum semper, & continuè agit, ut ignis calefaciendo lignum, &c.

PROBATVR secundò: Agens introducit primum gradum sine interruptione: ergo & secundum, & tertium,

etiam, & alios. Antecedens admittitur ab Adversariis. Probatur consequentia: primus gradus non est indivisibilis, sed habet partes virtute sua superantes resistantiam contrarij, & distantiam mediij, & divisibilitatem subiecti, & passij, sed non est maior ratio de cæteris sequentibus; ergo continuè fit Alteratio.

PROBATVR secunda pars, scilicet quoddam sit successiva extrinsecæ: nam, ut advertit Seraph. Doct. lib. 3. dist. 4. cit. tota Alteratio præparativa in Conceptione Christi facta est in instanti: Vide licet illæ qualitates essent intensæ, & extensæ per continuationem, tamen omnes in subiecto simul æquè primò eductæ fuerunt.

38. OBJECIT: Intensio qualitatis in partibus subiecti extensa non habet partia indivisibilia continuatua, quibus possit continuari: ergo nequit esse continua. Probatur Antecedens, quia si habet talia indivisibilia, ea debet acquirere in instantibus temporis continui ipsis correspondentibus, sed non potest ea habere in ipsis instantibus: ergo. Probatur Minor, quia tantum tria indivisibilia sunt in qualitate: nempe indivisibilia extensionis tantum, tum terminativa, tum continuativa, ut in quantitate: Secundum indivisibilia intensiois tantum, quæ continuant partes extensivæ intensas: Tercium indivisibilia intensiois, & extensionis simul, quæ continuant partes intensivas rei inextensæ, ut est intensio indivisibilis intensi per plures gradus: Prima sunt indivisibilia extensivæ, divisibilia intensivæ: Secunda sunt divisibilia extensivæ, & indivisibilia intensivæ: Tercia sunt indivisibilia omni-

nò, & absolute: Sed prima indivisibilia non possunt continere intentionem, cum spectent ad extensionem tantum, obidque & sunt divisibilia intensivæ: Nec item secunda, quia sunt divisibilia extensivæ, aliàs utraque indivisibilia, quæ sunt divisibilia in partes, illa intentione, ista extensivæ, possent acquiri in instanti, quod est impossibile: ergo erunt indivisibilia in partes, quod etiam est impossibile, cum nequeant esse continuativa partium, quæ realiter distinguuntur ab ipsis partibus intensivis inhaerentibus in indivisibili subiecto, cuius sunt indivisibilia: ergo vera consequentia.

39. RESPONDETUR ex Ruu. negando antecedens: Ad probationem respondetur concedendo maiorem, & negando Min. Ad probationem respondetur illa indivisibilia licet sint divisibilia extensivæ in instanti temporis acquiri: eo modo quo superficies in motu locali secundum profunditatem acquiritur in instanti, propterea est indivisibile profunditatis, licet sit divisibilis secundum longitudinem, quia debet ille motus mensurari secundum profunditatem, cuius indivisibile continuans est superficies, sic & indivisibile continuans intensioem extensam in partibus subiecti, licet quoad extensionem habeat contrarietatem, & sit divisibile; quoad intensioem tamen nullam habet contrarietatem, & in instanti acquiri potest, quia talis motus fit secundum profunditatem: Vide Ruu. hic, & Mastrium dist. 3. quæst. 5. quæ doctrina tamen in seq. quæst. magis elucidabitur ut in proprio loco: Addimus tamen falsum esse indivisibilia secundo loco posita non esse divisibilia extensivæ, cum

cùm sint in eadem parte compenetratæ simul.

ALIA obiectiões Attriag. fundantur supet morulas in his motibus ab ipso inuentas, quæ satis in *Phys. lib. 3. tract. 2. quæst. 2. ad 2. Concl.* expressæ, & reiectæ fuerunt.

### QVÆSTIO III.

*Quomodo qualitas extendatur, & intendatur, & remittatur.*

60. MODICA, vel parua difficultas occurrit circa extensionem qualitatis, tum etiam quia in præcedenti quæstione satis in primo Notabili explicata est: nam certum est qualitatem esse diuisibilem, & secundum varios gradus extendi per subiecti partes, à quibus extensione educitur: solum potest esse difficultas, an illæ partes sint similes, an verò heterogeneæ, quod in sequenti quæstione explicabimus: Vnde tota difficultas, & quidem maxima reducitur ad intensionem, estque scitu valde necessaria, & utilis ob dicenda in Theologia de pluribus qualitativis spiritibus, earumque augmento, & diminutione.

PRIMA opinio est asserentium qualitatem intendi præcisè per maiorem abiectionem qualitatis contrariæ: Vnde calor dicitur maior, vbi minus de frigiditate repetitur in subiecto, quam opinionem assert, & rejicit Seraph. Doct. lib. 1. dist. 17. *part. 2. art. 1. quæst. 2.* patet autem falsitas ipsius in gratia, & charitate in primo homine, & in Angelis, in quibus nihil contrarij præfuit.

SECUNDA opinio asserit inten-

sionem fieri per corruptionem qualitatis præcedentis adueniente alia perfectiori: Sic Dur. lib. 1. dist. 17. *quæst. 1.* Gofred. Auic. Gilbert.

TERTIA opinio ponit qualitatem omnino simplicem in essentia, intensionem verò fieri per acquisitionem perfectioris existentie remanente eadem essentia: Ita Flandriensis, & alij à Tolero citati. A quibus non multum differt D. Thomas cum suis asserens, qualitatem intendi per maiorem radicationem in subiecto: In qua initum est, quam variè loquantur Thomistæ in defendenda hac opinione, vt notat Meldul. *hic quæst. 2.*

QUARTA opinio est Seraph. Doct. affirmantis Intensionem fieri per novam qualitatem superadditam priori, & per remissionem perderi, loquendo de qualitativis naturalibus, non verò de gratia quoad remissionem: Sic Seraph. Doct. lib. 1. *distinct. 17. part. 2. artic. 1. q. 1. & seq. per totum articulum*, & lib. 2. dist. 27. *quæst. 5.* quem & sequuntur Scotus ibid. Nomin. & plurimi recentiores Fons. Suarez in *Met. disp. 46. sect. 1.* Valsq. Hurtad. Attriag. estque communior: Pro solutione

61. PRIMò Notandum ex S. Bonauent. lib. 2. *distinct. 27. artic. 2. quæst. 2. in corp.* quod multis modis aliquid potest augeri: Primò per impermixtionem sui contrarij, quo pacto aliquid dicitur albius altero, non quatenus habeat plures gradus albedinis, sed quia est impermixtius nigro, de quo modo agit Seraph. Doct. lib. 2. dist. 3. *dub. 2. part. 1. & lib. 2. dist. 34. dub. 3. & art. 2. quæst. 1. & lib. 3. dist. 14. dub. 3.* Secundò quatenus succedit maius minori, quomodo dies dicuntur augeri: Tertiò

per

per aggregationem multorum, ut lumen augetur in aëre per additionem multarum candelarum : Quartò per magnificationem rei in seipsa, quomodo costa Eux. fuit in seipsa augmentata, & quinque panes multiplicati : Quintò per additionem, ut in nutritione : Sextò per accessum ad summum : his duobus ultimis modis sustinet S. Bonavent. fieri intensiorem qualitatis.

**SECVNDÒ** Notandum, quòd fundamentum constituendi intensiorem in qualitatibus est (ait Seraph. Doct. lib. 1. *dist. 17. part. 2. art. 1. quæst. 1. & seq.*) quantitas virtutis, seu actiuitatis, quæ augetur, & ratione cuius vna plùs potest, quàm alia eiusdem speciei, & eadem qualitas in vno, eodemque subiecto plùs, minùsve potest agere, & hoc præcisè ratione talis quantitatis virtutis præcisa quacunque alia re : nam per accidens potest dari, quòd eadem qualitas in se inuariata possit producere aliquem effectum perfectionem ratione mutationis factæ in subiecto, verbi gratiâ, si subiectum fiat densius, ut calor in ferro ignito magis sentitur, quàm in ligno, vel palea, sed quando subiectum idem manet inuariatum, augmentum virtutis resolui debet in mutationem aliquam ipsius qualitatis, quæ est immediatè operatiua, sic & proportionaliter remissio virtutis ratione decrementi virtutis inherens : Hæc Serbellon. *disp. 1. m. 101.*

**62. TERTIÒ** Notandum, quòd gradus qualitatis dicitur à gradior, quasi gressus, quia per ipsum itur in perfectionem rei : Gradus autem qualitatis est duplex, alius est specificus, alius individualis : Primus est, quò ens determinatur ad certum ge-

*R. P. Bart. de Castrovetro Phil. T. III.*

nus, & speciem secundum essentiam suam, isteque consistit in indiuisibili, quia dicit ipsam quidditatem præcisam. Et quia species dicit ordinem ad infinita indiuidua sub se possibilia : hinc gradus indiuiduales sunt portiones perfectionales formæ specificæ extra eius conceptum quidditatum, sed includentes ipsam formam specificam in suo conceptu, & inclusæ intra conceptum indiuidui : Vnde cum sint veluti porciones perfectionales : idèd habent suam integram perfectionem tuam secundum se, tum & multò magis ut simul aggregati in eodem subiecto, & quia sunt accidentia, idèd desumunt suam integram vnitatem numeralem ab eodem subiecto, licet secundum se sint diuisibiles in plures partes, seu gradus numericè incompletè distinctos, quos Philosophi rederunt claritatis maioris gratia in octo, loquendo de naturalibus qualitatibus, quæ limitatio ipsis inest tum ratione potentie actiue, à qua producantur, tum passiue, à qua recipiuntur limitato modo, supernaturales autem, cum à Deo infundantur, & recipiantur secundum potentiam obedientialem, possunt in infinitum syncathegorematicè augeri.

**63. QUARTÒ** Notandum, & supponendum id, quod in præcedenti quæstione dictum est de tribus generibus indiuisibilium scilicet partium extensionis, partium intensiōnis, & partium intensiōnis, & extensionis simul ipsorum indiuisibilium, quæ doctrina traditur à Ruu. *quæst. 4.* solùmque ab ipso discrepamus in hoc, quod ipse dicit indiuisibilia continuantia partes intensiōnis esse diuisibilia extensiuè, quod nos non admittimus, cum, ut

G

suprà

suprà dictum est, sint in eadem parte compenetrata, nec extensa: His positis sit

64. PRIMA CONCLUSIO: Non fit intensio qualitatis per destructionem prioris gradus, & productionem perfectioris. Est contra Durandum, aliosque, & est S. Bonavent. & communis.

PROBATVR primò: Nulla forma accidentalis expellitur à subiecto nisi per actionem contrarij agentis, aut desitionem subiecti, aut remotionem conferentis, aut per impossibilitatem, sed nullo ex his modis potest desinere forma minus intensa per aduentum nouæ perfectioris entitatis: ergo, dum intenditur forma minus intensa, non perduntur priores gradus. Maior patet. Probatvr Min. Eiusque Prima pars patet: nam gradus aduenientes sunt eiusdem rationis cum prioribus, saltem non sunt contrarij: ergo nec expellunt eos: Secunda pars item patet: nam subiectum non desinit, aut corrumpitur: Item nec remouetur conferens, si aliquid sit præter subiectum: immò permanet, verbi gratiâ, ignis: nec item per impossibilitatem, quia sunt eiusdem rationis, & speciei: ergo.

PROBATVR secundò: Verus motus habet veram continuationem: ergo & Alteratio, sed si partes præexistentes corrumperentur in intensione, ille motus non esset continuus, vt si intensio caloris fieret per mediam horam: fieret enim per morulas, scilicet producendo, & desinendo: ergo.

PROBATVR tertio: Quia variatis speciebus Eucharistiæ desinit esse Corpus Christi, sicque in Alteratione ipsarum deberet desinere, quod est falsum,

PROBATVR quartò argumento Theologico ex Scoto *lib. 1. dist. 17. quest. 3.* Potest Deus, si vellet, conferre gratiam elicienti actum meritorium in eodem instanti, in quo operatur, & per consequens in eodem instanti daretur augmentum habitus gratiæ, sed in eodem instanti necessariò debet esse habitus præcedens, quia ipse concurrat ad elictionem actus, ob id enim est meritorium: ergo. Idem argumentum potest fieri in habitibus acquisitis, qui concurrunt ad elictionem actus, vt partialis causa, sicque si præcedens habitus deperderetur, simul esset, quia causa supponitur in esse, & simul non esset, quia supponitur corrupta: Idem & in agentibus materialibus, quæ ad inuicem agât, & patiantur, si enim calor agat in frigus, præsupponitur calor existens, frigus autem, quia remittitur, deberet destrui, & aliud imperfectius totaliter produci: at illud antecedens frigus supponitur simul reagere in calorem: ergo simul esset, & non esset: Sic ex Meldul. *diff. 3. num. 25.* Tum etiam quia frigus vt vnum agens in calidum vt octo remittit, verbi gratiâ, illum ad septem gradus introducendo vnum gradum frigoris, sicque in hac opinione frigus vt vnum produceret calorem vt septem, non enim alia causa posset assignari in casu, quo, verbi gratiâ, ignis esset remotus, quod est absurdum: vnum enim contrarium non potest esse causa nisi destructiua sui contrarij.

65. OBJECIES primò: vt se habet vbi ad motum localem, ita forma ad Alterationem, sed in motu locali est aliud, & aliud vbi: ergo & in Alteratione, & intensione.

RESPONDETVR primò negando

do paritatem; ratio disparitatis est, quia illa ubi sunt impossibilia, sicut etiam duæ qualitates contrariæ, non sic in intensione.

RESPONDETUR secundò: negando Min. est enim vnum ubi continuatum totale.

OBIECTES secundò: termini motus sunt impossibiles, statim enim ac acquiritur terminus ad quem, desinit terminus à quo, sed in intensione terminus à quo est qualitas inesse remisso, terminus ad quem est qualitas in summo: ergo deperditur illa, ut ista acquiritur.

RESPONDETUR concedendo Maiorem de terminis formalibus, & per se, & negando de materialibus, & concomitantibus: Ad Min. qualitas ut remissa est terminus à quo, concedo, est enim vera in sensu composito, idest terminus intensiōis non potest esse terminus remissionis secundum idem ut qualitas, nego, sed ut remissa dicit tantum negationem maioris qualitatis, & sub tali negatione est terminus à quo: idcō talis negatio perit, quia secundum entitatem qualitas, verbi gratiā, calor non opponitur calori; quia se habet ut pars ipsius qualitatis intensa: facit ad hoc egregia doctrina Seraph. Doct. quam tradit *lib. 1. distinct. 17. part. 2. quæst. 2. cit. & lib. 4. dist. 49. part. 2. artic. 2. quæst. 2.* ubi docet, quòd quedam recipiunt magis, & minus per contrarij permixtionem, ut quando utrumque extremum est aliqua natura, ut album, & nigrum: quedam per accessum ad complementum, ut sunt, quorum opposita sunt priuationes, ut lux, & tenebra, vel quæ dicunt simul positionem, & priuationem, ut impossibile, quod dicit virtutem ad non patiendum, &

priuationem patiendi: pari modo calor ut remissus dicit positionem caloris, & priuationem gradus vltioris, sicque fit intensio per accessum ad summum per positionem, & non per destructionem, ut patet in augmento charitatis, & gratiæ: Sic *lib. 1. distinct. 17. part. 2. quæst. 1. ad 3. & 4.*

DICES: Gradus intensior continet virtualiter remissiore: ergo remissior est superfluous.

Hæc obiectio soluitur in sequenti quæstione: Pronunc respondetur distinguendo antecedens, gradus superior continet virtualiter, & simul formaliter, nego; continet virtualiter tantum, concedo; sic negatur consequentia, & ratio in sequenti quæstione adducitur.

66. SECUNDA CONCLUSIO: Intensio non fit præcisè per maiorem impermixtionem, & depurationem à contrario, seu per maiorem priuationem eiusdem contrarij, nec per maiorem existentiam, & radicationem in subiecto: Prima pars est contra Platonicos: Secunda est contra Thomistas: Est tamen S. Bonauent. Scot. & communior.

Hic tamen nota, quod fundamentum Platoniorum est istud, verbi gratiā, albedo potest considerari in triplici statu, scilicet perfectissimo, specifico, & diminuto: In primo nihil habet admixtum contrariæ qualitatis: In tertio transit in tertiam entitatem: ex albedine enim, & nigredine fit pallidum, dum sunt in statu diminuto: In secundo habet admixtum aliquid nigredinis, quæ doctrina est falsa ex hac vltima parte: nam falsum est albedinem habere admixtum nigredinem, tum etiam quia dato, quod aliquis gradus

nigredinis esset in subiecto, tamē non posset dici formaliter albedo intendi ratione deperditionis nigredinis.

PROBATVR prima pars : Quia dantur formæ non habentes contrarium, vt lumen, & lux, gratia, visio, & charitas, &c. tamen intenduntur : dantur etiam aliquæ formæ habētes contrarium positium, & tamen sunt impossibiles in quocunque gradu, vt sunt, v. g. actus erroris, & scientiæ circa idem obiectū, quia circa idem obiectum inuoluunt contradictionem : dantur & aliæ, quæ non necessariò præsupponunt formas oppositas in subiecto, vt sunt habitus virtutum, & tamen intenduntur : ergo intensio præcisè non fit per impermixtionem contrarij ; sic etiam cū volitio non admittat simul noctionem oppositam, sequeretur, quod quælibet esset intensissima. Tum quia intensio albedinis est dealbatio, sed omnes motus specificantur à termino ad quem, non à quo : ergo terminus specificans hunc motum non est amotio nigredinis. Tum quia intensio est actio generatiua : ergo habet præcisè pro termino aliquid de nouo productum, licet concomitanter adfit corruptio contrarij. Tum quia perfectio vnius formæ maior respectu alterius cognoscitur non ratione maioris priuationis, sed per accessum ad summum intra eandem speciem : ergo non fit intensio per priuationem sui contrarij.

PROBATVR secunda pars contra Thom. Tum quia existentia emanat semper eodem modo ab essentia, ergo hac inuariatā semper eandem causabit existentiam. Tum quia existere dicit rem extra causas positam, sed quæcunque entitas producta est in summo extra suas causas : ergo

non admittit magis, & minus.

PROBATVR secundò : hoc magis radicari in subiecto vel dicit aliquam mutationem ipsius qualitatatis, vel non ; si non : ergo qualitas non potest dici magis intensa, vel minùs remissa, nec magis, vel minùs radicata ; si primum : hæc mutatio vel erit realis, & entitatiua, vel est formalis tantum, & consistens in sola formalitate intentionali : si primum : ergo cū non corrumpatur prior entitas, noua alia superadditur, sicque erit additio per partes, & gradus.

PROBATVR consequentia, quia quod de minùs tali fit magis tale, hoc habet per aduenientem realitatem : ergo per nouum gradum : si verò consistit in sola formalitate, & intensione per intellectum, nec etiam poterit per hanc magis esse intensa. Tum quia maior radicatio pertinet tantum ad extensionem vel in eadem parte, vel in diuersis partibus subiecti, non ad intensiōnem. Tum quia per intensiōnem crescit virtus agendi, sed virtus agendi commensuratur entitati rei : ergo & entitas rei crescit. Tum quia etiam accidentia separata à subiecto habent intensiōnem maiorem, & minorem. Tum quia intensio est actio realis : ergo habet terminum realem nouum : est enim per accessum ad suum summum, non per recessum à suo contrario : ergo est per aliquid de nouo productum. Tum quia, vt docet Arist. 4. Phys. c. 84. eodem modo aliquid fit magis calidum, quo fit calidum, sed fit calidum per qualitatem nouam : ergo fit magis calidum per nouum calorem. Istis rationibus variè respondet Thomist. ita quod potest verè dici quos capita-  
tor



tot sententiæ: Vnde hoc est signum manifestum debilitatis, & leuitatis huius sententiæ, vt videre quis potest apud Ruinum, Mastr. Serbellon. Ariagam, Suarez, aliosque communiter.

67. TERTIA CONCLUSIO: Intensio fit per additionem gradus ad gradum in qualitatibus: Est S. Bonau. cit. Scot. & communissima. Et sequitur ex refutatione aliarum sententiarum, & iterum ex Seraph. Doct. lib. 1. dist. 17. part. 2. quæst. 1. & 2. confirmatur, quia per intensiorem augetur virtus intrinseca qualitatis, sed virtus radicaliter non distinguitur ab ipsa entitate: ergo si augetur virtus, augetur & entitas.

Et si dicas virtutem distingui ab entitate.

CONTRA, ait S. Bonauent. Illa virtus vel habet essentiam, vel non: si habet: ergo vel distinguitur à sua virtute, vel non, sicque erit processus in infinitum: si non: ergo erit idem cum essentia. Tum quia incrementum extensuum qualitatis consistit in additione partis ad partem respectu diuersarum partium subiecti: ergo & incrementum intensuum debet esse in eadem parte subiecti per additionem partis ad partem: Extensio enim, & intensio differunt per hoc, quod illa est augmentum per partes diuersas subiecti, ista in eisdem partibus. Tum quia charitas, & gratia verè in intensione augentur, sed augmentum est præexistentis quantitatis additamentum: ergo vbi est augmentum, ibi est additio entitatis eiusdem generis. Tum quia per intensiorem gratiam anima fit Deo gratior, sed per principium gratiæ erat Deo grata: ergo si fit magis grata, fiet per nouam gratiam. Tum ex visione beata, quæ

est representatio Dei, sitque maior, vel minor, sed cum hac expressio Dei maior, & minor sit entitativa, non potest ei inesse ex subiecto, subiectum enim est ei extrinsecum. Tum quia, vt arguit Scotus, potest Deus in eodem instanti elicitionis actus meritorij augere gratiam, sed in tali casu gratia præcedens concurret ad elicitionem actus simul cum voluntate: ergo in augmento non corumpitur præcedens qualitas.

68. OBJECIES primò ex Aristot. apud S. Bonauent. cit. Subiectum fit magis calidum nullo facto in materia calido, idest nullo calore facto in materia. Tum & 3. Top. cap. 4. quæ ex contrariis sunt impermixtiora, sunt magis talia; quod & videtur etiam asserere S. Bonauent. lib. 4. dist. 44. part. 2. art. 3. quæst. 1. & alibi.

RESPONDETUR has, & confirmiles autoritates nobis non aduersari: nam, vt rectè exponit Serbellon. verè dum calidum fit intensius, non fit mutatio absolutè de non calido, sed de calido in calidum: Meld. ait velle indicare non mutari subiectum per aduentum nouæ formæ contra dicentes aduenire nouum subiectum per novos atomos. Nos ex S. Bonauent. lib. 1. dist. 17. part. 2. q. 1. ad vltim. Respondemus verificari de mutatione substantiali: non verò de accidentali, mutatur enim subiectum accidentaliter. Et ad alium textum, quod quæ sunt ex contrariis impermixtiora, ea sunt magis talia, idest, plus intensa.

RESPONDET Meldul. hanc propositionem non debere sumi in sensu formali, vel identico quasi impermixtio sit ratio formalis intensiōis, sed in sensu concomitante: verum

enim id est concomitanter, quæ responsio est vera. At Seraph. Doct. assignat rationem fundamentalem talis responsionis dicens *lib. 4. dist. 49. part. 2. cir. & lib. 2. distinct. 34. dub. 3. & art. 2. quæst. 1. ad 2. & lib. 3. dist. 14. dub. 3.* quod id dicitur purius, quod est impermixtius contrario: quando utrumque extremum est natura, scilicet quid purè positium, & in hoc sensu verum est id esse calidius, quod minus habet de frigore (quod tamen intellige non in sensu formali, ut dictum est) sed quando vnum extremum est vel priuatio, vel priuatio cum positione; ita tamen, quoddam priuatio habet rationem termini: non est verum, ut est in proposito, nam id intensius dicitur, quod magis recedit à remisso, & magis accedit ad suum summum.

OBIECTES secundò: Qualitatem intendi est perfectiùs inhaerere subiecto: ergo est perfectiorem vniōnem habere cum subiecto: ergo hæc est ratio intensiōis. Confirmatur, quia sicut quantitas in rarefactione absque additione noua fit magis extensa in subiecto, sic & qualitas fit magis intensa per radicationem in subiecto.

RESPONDETUR si, *ly perfectius*, cadit super inhaerere, negatur: si cadit supra qualitatem, conceditur, sed hinc negatur consequentia: immò ex hoc inferretur noua additio qualitatis. Et ad confirmationem negatur paritas ex S. Bonauent. *lib. 1. dist. 17. part. 2. quæst. 1. ad 3.* nam rarefactio non est motus ad quantitatem, sicut intensio est ad qualitatem.

OBIECTES tertio: Duo accidentia numero non possunt eidem subiecto inesse: ergo nec plures gradus solo numero distincti: & hoc est vnum.

ex præcipuis fundamentis Thomistarum.]

69. Cui variè varij respondent, & Meldul, responder accidentia indiuiduari seipis, ut aliàs dictum est, & probatum: dici verò indiuiduari extrinsecè à subiecto, quæ regula tamen non semper valet, & maximè quando plura accidentia diuersa numero habent diuersa munera, quæ à quolibet non possunt exerceri, ut est in casu nostro: nempe ratione maioris virtutis, & perfectionis, quæ doctrina licet sit vera, & sufficienter satisfaciatur difficultati propositæ, & est conformis etiam doctrinæ Seraphicæ aliàs traditæ agendo de hac materia, tamen melius responderetur ex Seraph. Doct. *lib. 1. dist. 17. part. 2. art. 1. quæst. 2. ad ult.* quoddam cum vnus gradus sit vnibilis, & in potentia ad vniri cum alio ratione suæ imperfectiōis, sic ex illis duobus fit vnum numero integratum ex pluribus partibus, quod & patet in quantitate, & in aliis totis integralibus: Vnde licet quilibet gradus secundum se distinguatur numero ab alio, hæc distinctiō tamen est imperfecta, obidque potest stare cum multiplicitate aliorum coëuntium in vnum numero, & hoc maximè quia, ut ait S. Doct. *lib. 1. dist. 2. dub. 7.* in continuo distinctiō vnitarum fit per diuisionem: ergo vbi non est diuisiō, ibi non est distinctiō vnitarum, & eò magis, quia isti gradus sunt heterogenei, ut in sequenti quæstione patebit.

CONTRA instant: quia forma accidentalis est simplex, & purus actus carens compositione, & consistens in indiuisibili etiam ad mentem Seraph. Doct. *lib. 3. dist. 23. art. 2. quæst. 5. ad 4.* ergo falsa responsio. Tum quia forma non est in potentia ad formam.

Tum

Tum quia forma est rei essentia, sed essentia non suscipit magis, & minus: ergo nec potest fieri ei additio nouæ essentia.

70. RESPONDET OVID. *cont. 4. part. 4. num. 33.* formam accidentalem esse purum actum respectu subiecti, & concreti, non verò respectu sui, cum sit diuisibilis in partes integrantes, & in plures actus.

CONTRA: ergo in illo subiecto non est primo gradui vnibilis alius gradus, cum sit ei purus actus.

HINC respondetur ex Seraph. Doct. *lib. 1. distinct. 17. part. 2. art. 1. quest. 2. ad vltim. cit. & lib. 2. dist. 27. art. 2. quest. 2. ad 1.* dupliciter: Primo, quod forma qualitatina accidentalis est simplex per priuationem partium quantitatis molis, non verò virtutis, & secundum tale genus partium est augmentabilis: & ratio est, quia cum forma accidentalis, & qualitas sit capax maioris, & minoris perfectionis, cum de se sit imperfecta, habet capacitatem ad perfici, estque in potentia non ad conuersionem, sed ad vnionem, & tunc pars augmentabilis se habet in ratione passiuæ, & augmentans in ratione actiuæ, & formæ actuantis, quia dat quantitatem perfectam, & per talem vnionem fit vnum totum integrale numero: Secundo respondet Seraph. Doct. *ibid. lib. 2. dist. 27. citat. & lib. 1. distinct. 17. ad 3.* quod in quanto virtutis augmentum per accessum ad summum non ponit compositionem, sed quandam maioris simplicitatis, & vnitatis perfectionem, & ideo tale augmentum non repugnat qualitati: differunt enim, ait Seraph. Doct. quantum molis, & quantum virtutis, quod in quanto molis simplicissimum est minimum, & com-

positissimum est maximum: ideo accessus ad simplicitatem est per diminutionem, recessus est contra est per additionem: In quanto verò virtutis simplicissimum est maximum, & ideo accessus ad simplicitatem est per additionem nouæ quantitatis virtutis: hinc est, quod qualitas augmentata est purior, & simplicior. Et ad id de forma consistente in indiuisibili Respondet Seraph. Doct. *lib. 1. dist. 17. cit. quest. 1. ad 1.* verum esse de forma vniuersali: item & de ipsa singulari secundum se, ideo, secundum prædicata quidditativa, non verò prout est in alio, ideo in hoc, vel illo subiecto, & indiuiduata, & quoad partes integrantes, vt dictum est, sicque solum dicitur essentia formæ variabilis materialiter, non verò essentialiter, cum qualitati addatur qualitas eiusdem rationis, & essentia, solumque dicitur variari, seu multiplicari numericè incompletè, sicuti gradus distinguuntur inter se numero incompletè, vt quando calor extenditur in subiecto, vel imminuitur, acquirit, vel deperdit nonas partes sine mutatione ipsius essentia, ita qualitas, dum intenditur, aut remittitur, mutationem tantum materialem suscipit non formalem, & essentialem.

DICES: plures gradus, v. g. caloris sunt separabiles, & tunc sunt plures formæ numero differentes, sed non amittunt per vnionem propriam entitatem, & vnitatem: ergo erunt in eodem subiecto plura accidentia numero solum differentia: Sic etiam docet Seraph. Doct. *lib. 2. distinct. 9. art. 1. quest. 1. ad 2.*

71. RESPONDETUR ex Seraph. Doct. ex doctrina suprà tradita: tum

ex lib. 2. *diffinit.* 13. *quest.* ultim. & lib. 2. *diffinit.* 26. *art.* 1. *quest.* 5. ad 3. & *diffinit.* 41. *quest.* 2. ad 1. primo quemlibet gradum retinere suam entitatem, sed incompletam, & ob id ratione vnibilitatis, & vnionis reduci omnes illos gradus in vnā vnitatem. completam: Secundo, quoddam indiuidua consimilia possunt considerari, prout sunt sub vna specie: sicque differunt accidentaliter, & numericè: possunt & sumi, quatenus vniantur in vno subiecto ad vnā formam complendam: sic omnia simul sumunt vnitatem ab vno subiecto: Hinc negatur consequentia.

DICIS: Qualitas in summo constituitur ex pluribus speciebus: ergo non potest esse vna numero.

PROBATVR antecedens, quia calidum vt duo differt specie à calido vt tria, sicque successiue vsque ad summum.

RESPONDET S. Bonauent. lib. 2. *dist.* 9. *art.* 1. *quest.* 1. ad 2. negando antecedens: Ad probationem responderet negando calorem vt duo distingui specie à calore vt tria, sed bene calidum vt duo à calido vt tria: ratio est non ob calorem, cum sit accidens, sed quia per diuersitatem caloris infertur diuersitas mixtionis elementorum, quæ facit diuersitatem specificam: Vnde simpliciter, & absolute sumendo eandem qualitatem secundum maiorem, & minorem intensionem, nullam in se importat diuersitatem specificam, vt patet in gratia, in visione beata, in gloria, & similibus, licet adsit aliquis differentia indiuidualis imperfecta.

DICES: ergo poterit augeri in infinitum.

RESPONDETVR negando con-

sequentiam, est enim quid finitum tum ratione sui, tum ratione partium componentium, tum ratione limitationis agentis, & subiecti.

72. QUARTA CONCLUSIO: Remissio qualitatis naturalis eodem modo pariter fit, scilicet per deperditionem gradus, & gradus: Est communis cum Authoribus quartæ opinionis, & Scaph. Doctor. lib. 1. *dist.* 17. *part.* 2. *art.* 1. *quest.* 3. qui sustinent in deperditione noui, & noui gradus non totaliter qualitatem deperdi, aliamque de nouo generari, vt dicebant Authores secundæ opinionis supra allatæ, sed partem tantum.

PROBATVR: Quia diminutio est motus vel ad quantitatem, si est in quantitate, vel ad qualitatem, si est in qualitate, & dicitur remissio, motus, inquam, eo modo quod infra dicitur, sed in quantitate non est totalis quantitatis, ergo nec in qualitate erit totalis: vterque enim, vt dictum est, motus est successiuus eodem modo factus in subiecto. Tum quia diminui est minus esse, quam erat prius: ergo est partis: ergo est gradus: ergo remanet alia pars: ergo est inter duos terminos, quorum vnus est positivus, alter negatiuus. Tum quia si v. g. in remissione caloris in aqua ab octauo gradu ad septimum, vel sextum reproduci debet calor vt sex, vel septem, requiritur agens ipsum producens, sed non potest assignari: ergo. Probatvr minor: non potest assignari agens nisi vel suum contrarium, sed id est impossibile, cum potius sit destructiuum, vel est aqua, & hoc non, quia aqua in se continet principium oppositum cuiuslibet intensionis caloris, vel aer ambiens, & hoc non, quia.

quia potest esse frigidior ipsa aqua : ergo cum assignari non possit agens producens totam qualitatem , remanet pars ipsius qualitativè remissa. Ex quibus sequitur , quod remissio, sicut & diminutio non sunt proprie motus , idest quatenus motus est alienius termini positiui acquisitiuus, sed improprie : Vnde differunt intensio , & remissio essentialiter , specie tamen negatiua, nam intensiois termini sunt positiui : at terminus à quo remissionis est qualitas , & terminus ad quem est non esse eiusdem qualitatis partialis , cum connotatione tamen permanentiæ qualitatis minoris : Et probatur : quia motus distinguuntur specie per terminos, sed intensio , & remissio tendunt ad terminos diuersos specie : terminus enim ad quem intensiois est qualitas maior , remissionis verò est non esse eiusdem : ergo.

73. **OBIECIES :** Remissio tendit à maxima ad minorem qualitatem : ergo distinguuntur specie positiua. Probatur antecedens : remissio terminat ad qualitatem habentem diuersum modum , quam prius habebat , ergo.

**RESPONDETUR** negando antecedens : Ad probationem respondetur negando antecedens : terminat enim remissio ad non esse qualitatis antecedentis , sicut corruptio ad non esse substantiæ , licet per accidens sequatur ille nouus modus essendi qualitatis permanentis. At hic aduerte me notauerit dixisse in conclusione remissionem qualitarum naturalium fieri gradatim : nam loquendo de supernaturalibus qualitatibus alio modo est discurrendum : Sic subdit Scraph. Doct. *lib. 1. dist. 17. par. 2. art. 1. quest. 3.* hanc doctrinam *R. P. Bart. de Cusrovetro Phil. P. III.*

nam verè notabilem : qualitas naturalis verè remittitur per deperditionem gradus, & gradus , non sic charitas , & gratia : hæc enim cum admittat augmentum per actus meritorios gradus ad gradum , non tamen tali modo diminutionem : cum enim suum oppositum sit solùm peccatum mortale ( Veniale enim non opponitur ipsi ) idè vel totaliter tollitur , vel omnimodè remanet : in quo apparet , quomodò Deus est promior ad miserendum , & donandum , quàm ad condemnandum , & aufertendum.

**QVÆRES ;** quomodò distinguitur Alteratio ab intensione , & remissione.

**RESPONDETUR** distingui tanquam magis , & minus commune : Alteratio enim est motus à priuatione qualitatis ad qualitatem, præscindendo, quòd sit, vel non sit ad perfectiorem : Intensio verò est ad maiorem , & remissio ad minorem.

74. **QVINTA CONCLUSIO :** In intensione , & extensione necessariò debent dari indiuisibilia tam continuantia quàm terminantia : Est communis contra aliquos paucos *cit.* in Physica in tractatu de quantitate continua.

**PROBATUR :** quia Alteratio, intensio , & extensio qualitatis est motus continuus , & successiuus : Item & ipsa qualitas est quid continuum habens partes post partes : ergo habet indiuisibilia ipsas copulantia , & terminantia.

**OBIECIES :** Quia qualitas componitur ex indiuisibilibus minimis sicut quantitas : ergo non habet indiuisibilia continuantia.

**RESPONDETUR** concedendo antecedens, & distinguendo consequens : non habet indiuisibilia continuantia.

H

tia.

ria Mathematica, nego : Physica, concedo : Vide, quæ tradita sunt à nobis in Physica de compositione continui *ad Concl.* 3. spectant enim etiam ad qualitatem.

CONTRA : Intensio qualitatis extenta in partibus subiecti non habet sua indivisibilia continuantia, quibus possit continuari : ergo nequit esse continua : Probarur antecedens : Ista indivisibilia continuantia debent respondere instantibus continuatis temporis mensurantibus illam intensiorem, & in illis acquiri, sed non possunt acquiri : ergo. Probarur Min. quia indivisibilia hæc non sunt illa, quæ continuant extensionem, cum intensius sint divisibilia, possunt enim intendi : ergo in instanti non possunt acquiri, sicut nec eorum intensio : nec sunt indivisibilia intensiōis, quia sunt divisibilia extentiæ intensiōis : nec tertiò sunt indivisibilia omnino, quæ continuant partes intensivas rei inextensæ, scilicet indivisibilium copulantium partes intensiōis, quia sunt in diverso subiecto à partibus ipsius qualitatis : ergo nullo modo dantur.

75. PRO responsione Notandum ex Ruio de *A'et. quest.* 4. & Meldul. *disp.* 3. *num.* 19. & 68. quod sicut in augmentatione, quod acquiritur in instanti, est superficies, & per consequens etiam linea, & punctum, eo quia augmentatio fit secundum profunditatem, cuius indivisibile continuativum non est punctum, nec linea, sed superficies : pari modo qualitas, dum extenditur, extenditur secundum profunditatem subiecti, idè eius indivisibile continuans est latitudo qualitatis absque profunditate in superficie terminata,

& quia in eodem tempore fit etiam intensio in subiecto secundum gradus uniformiter difformiter : idè & hæc habet sua indivisibilia continuantia, quæ quia sunt capacia latitudinis intensiæ, idè & istæ partes indigent indivisibili copulante ipsas, & hinc discrimen inter hæc tria indivisibilia : nam primum est indivisibile secundum extensionem, non secundum intensiōem : Secundum indivisibile secundum intensiōem, idè quod continuat partes extentiæ intensas : & Tertium indivisibile utroque, & absoluto modo, quia continuant partes intensivas rei inextensæ : sic calor ut vnum ut duo in manu tota reperitur & extensus, & intensus, & copulatus in vnum, quæ omnia in unico instanti temporis acquiruntur : sicut eodem tempore acquiruntur simul partes extentæ, & partes inextensæ in partibus subiecti fundatæ, & partes intensæ existentes in indivisibilibus subiecti. Hinc respondetur argumento ; in quolibet instanti simul acquiri illa tria indivisibilia eo modo, quo dictum est de superficie, longitudine, & puncto.

DICES : In indivisibili intensiōis acquiruntur partes : ergo illa indivisibilia non habentur in instanti.

RESPONDETUR, transeat antecedens, negatur Consequentia : aliud enim est loqui de partibus ; aliud de indivisibilibus.

## QVÆSTIO IV.

*An gradus qualitatis, secundum quos fit Intensio, vel Remissio, sint homogenei, an heterogenei.*

76. **Q**VÆSTIO proponitur non esse specificum: certum enim est omnes gradus esse homogeneos in eadem specie; sed procedit de diuersitate numerica perfectionali; nempe an omnes sint eiusdem perfectionis: an verò sint heterogenei, & diuersæ perfectionis, ita quod secundus gradus contineat perfectionem vel formaliter, vel eminenter primi, & tertius perfectionem primi, & secundi, & deinceps an verò tam primus, quam secundus, tertius, quintus, & octauus sint æqualis perfectionis.

PRIMA opinio est communis plurium Antiquorum, & Recentiorum, Scoti, Nomin. Vazquez *part. 2. dispur. 82. cap. 6.* Conimbric. Ruu. Arriag. asserentium omnes gradus qualitatis intensæ esse homogeneos.

SECUNDA opinio est Suarez *disp. 42. Met. sect. 1. num. 29.* Hurtad. *dispur. 5. de gener. sect. 6.* Serbellon. *hic. art. 8.* aliquorumque aliorum asserentium esse heterogeneos: cum hac secunda opinione puto Seraph. Doct. stare, sed cum moderatione infra ponenda: Pro solutione quæstionis

PRIMò Notandum ex Scoto *lib. 1. dist. 17. quæst. 3.* quod formam suscipere magis, & minus aliud non est, quam ipsa magnitudo formæ vel ratione extensionis in tanto, & tanto,

subiecto, vel ratione intensionis in eadem parte subiecti proueniens ex latitudine graduali formæ: gradus autem alius est quidditarius, & hic consistit in indiuisibili, alius est perfectionis indiuidualis, secundum quam magis, vel minus perfectè informat materiam: quò enim magis accedit ad summum, eò perfectiùs informat subiectum: Sic Seraph. Doct. *infra cit.* hanc autem latitudinem negant in formis substantialibus multi. Alij ipsam admittunt, inter quos est Seraph. Doct. plurimis locis intra tamen limites speciei: Sic *lib. 2. dist. 3. part. 1. dub. 2. & lib. 1. dist. 8. part. 1. dub. 4. & art. 2. quæst. 2. ad 1. & 3. & lib. 1. dist. 17. part. 2. art. 1. quæst. 1. ad 1. & lib. 2. dist. 13. art. 2. quæst. 2. & lib. 2. dist. 9. art. 1. quæst. 1. in corp. & ad 2. sic & Faber Theor. 55. Auuerroistæ, & alij. Et si id admittitur in formis substantialibus, multò magis in accidentalibus absque eo, quod fiat præiudicium vnitati specificæ: Vnde in ipsis stare potest diuersitas gradualis cum subordinatione secundum magis, & minus, prout sunt partes componentes totum Physicum integrale intensionis, sicque talis diuersitas erit in prædicatis materialibus, non formalibus, quæ diuersitas graduum etiam in toto Metaphysico recognoscitur à Philosophis: Vnde cum tali diuersitate indiuiduali graduum qualitatis benè stat vnitas specifica, & ipsorum subordinatio ad vnam completam indiuidualitatem eo modo, quo etiam euenit in toto integrali heterogeneo Physico, in quo sunt plures partes eiusdem totius. Vide Serbellon. hic.*

77. SECUNDò Notandum ex S. H 2 Doct.

Doct. lib. 1. dist. 17. part. 2. art. 1. *quest. 2. ad 3.* quod quantum molis differenter augetur, ac quantum virtutis : nam in quanto molis simplicissimum est imperfectissimum, quia est per diminutionem, & in hoc verum est, quod quantum aliquid est magis compositum, tantum est perfectius : & è contra, quantum minus est compositum, est imperfectius : In quantum virtutis simplicissimum est maximum, quia accessus ad simplicitatem est per additionem virtutis, & maioris puritatis, & perfectionis, & in hoc verificatur, quod quantum aliquid minus est compositum partibus materialibus, est minus perfectum, & quantum magis est compositum partibus formalibus, & actiuis, est magis perfectum : & hinc maior ignis est virtuosior non ratione quantitatis molis, sed ratione maioris virtutis, & perfectionis, & accessus ad summum : Ex qua doctrina infero, quod gradus virtutis accedentes ad summum sint virtuosiores vniformiter diffomiter.

78. TERTIO Notandum ex eodem Seraph. Doct. lib. 1. dist. 17. cit. *quest. 2. ad vltim.* quod augmentatio in qualitate intentione fit per additionem gradus ad gradum, quæ non est pura aggregatio, sed est vera constitutio entis completi ex hoc, quod cum primus gradus ferat secundam suam perfectionem simul cum imperfectione : obidque & perfectibilitatem, & vnibilitatem cum alio perfectiori, & sic deinceps vsque ad vltimum gradum totaliter perficientem qualitatem : ex qua doctrina sequitur, quod in sententia Seraphica necessarium debet assignari heterogeneitas in istis gradibus, quod patet in vltimo, in quo non

adeest vnibilitas, & perfectibilitas ad alium : quod si essent eiusdem rationis, vltimus haberet se passivè ad septimum, & septimus ad sextum, & sic deinceps, & ob id haberent mutuam passivitatem, quod est impossibile secundum eandem rationem : id enim est vnibile alteri, quod est ab eo perfectibile, non quod est perfectum ipsius, quam diuersitatem appellat Seraph. Doct. accidentalem lib. 2. dist. 9. *quest. 1. ad 2.* His positus sit

79. VNICA CONCLUSIO : Gradus qualitatis sunt heterogenei in perfectione individuali, ita vt vnus individualiter est perfectior altero : Est contra communem sententiam : est tamen Suarez in *Metaph. diffin. 46. sect. 1. 2. 29. & seq.* Hurtad. Morisani. Mercier, Coninch. Fernelij, Pici Mirandul. Niphi Anglici, aliorumque apud Aresium, quam esse etiam Seraph. Doct. satis probatum est in 3. *Notab.*

PROBATVR primò ex eodem Seraph. Doct. lib. 1. dist. 17. part. 2. art. 1. *quest. 2. fund. 2. 3. 4.* Augmentum in quanto est præexistentis quantitatis additamentum : ergo & in qualitate : sublimo, sed in quantitate non est necesse, vt partes sint æquales, vt in pyramide partes assignabiles ab angulo superiori ad basim sunt indiuidua incompleta ipsius inæqualia in extensione : ergo & in qualitate : Confirmatur ex doctrina Seraph. Doct. lib. 2. dist. 17. part. 2. *quest. 2. ad vltim.* gradus, quod magis accedunt ad summum, cò sunt perfectiores : ergo & habent heterogeneitatem.

PROBATVR antecedens, quia gradus inferiores habent cum sua perfectione vnibilitatem, & perfectibilitatem,



Itatem, quam minimè, vel saltem non tantum habet superior, & multò minus supremus: ergo.

PROBATUR secundò: Si gradus qualitatis essent eiusdem perfectionis individualis, simile posset agere in simile, verbi gratià, subiectum calidum ut vnum posset calefacere aliud calidum ut vnum, & quidem usque ad octauum gradum, sed hoc est absurdum: ergo cum agens agat tantum in dissimile, ut ipsum reddat sibi simile, ut obseruat Seraph. Doct. lib. 4. dist. 44. part. 2. art. 3. quæst. 2. ad 1. & 2. quod & infra probabitur suo loco, gradus debent esse heterogenei.

PROBATUR Maior: secundus gradus, item & tertius, & quartus, &c. sunt eiusdem omnino perfectionis cum primo gradu, sed calidum ut vnum potest producere primum gradum: ergo & poterit producere alium, & alium usque ad octauum.

80. Hinc argumento communiter respondent negando sequelam ex hoc, quod data illa qualitarum similitudine, adhuc agens non potest agere in simile, quod tantum ab experientia, & à posteriori potest probari, non à priori, & in hoc sistendum est, dicunt Meldul. disp. 3. num. 43. ad 1. & 5. Arriag. disp. 3. de gener. sect. 2. n. 53. seq. In quo tamen deficiunt à munere Philosophorum; cum habeatur ratio à priori ab Arist. tradita, & à Seraph. Doct. lib. 4. dist. 44. part. 2. art. 3. quæst. 2. arg. 2. nempe quia agens agendo intendit suam similitudinem in passum imprimere: idque infertur ex eo, quod agens agit secundum totam suam virtutem in passum, producere tenetur, quicquid potest: obidque & veluti seipsum imprimere: Hinc

confirmatur, & magis vrgetur hæc ratio: Secundus gradus siue sit supra primum, siue non, est omnino eiusdem perfectionis secundum Aduersarios, nihil enim acquirit maioris perfectionis ex eo, quod sit supra primum, sed tantum denominationem extrinsecam durationis, vel ordinis, scilicet eo, quod sit secundo loco genitus: ergo secundus gradus caloris poterit produci à primo, cum non plus excedat vires primi, quam primus alterius primi. Neque dicas, cum Meldul. id, quod est actiuum, est ipsum quale, quod est actu: ex qualitate enim, & subiecto integratur vnum agens totale: Vnde non potest produci id, quod est magis actu ab eo, quod est minus actu: idè calidum ut vnum, non potest producere calidum ut duo. Non valet, inquam, quia passum calidum ut vnum non est perfectius in actu respectu vnius alterius gradus producendi, quam sit aliud subiectum carens omni calore respectu vnius gradus producendi: immò neque est vlla ratio in actu, sed tantum in potentia respectu illius alterius gradus producendi: ergo cum calidum ut vnum sit agens aptum ad producendum vnum gradum caloris, poterit illum producere in calido ut duo, ut tria, &c.

RESPONDENT Alij: Idè calidum ut vnum non posse agere in aliud calidum ut vnum, quia finis agentis est assimilare sibi passum: ergo cessante fine cessat actio: ergo cum passum sit iam simile, non habet, quod recipiat ab agente.

CONTRA primò: Idè agens debet sibi assimilare passum, quia supponit in passu capaciatem, & virtutem actiuam, ut id, quod potest produci.

H 3 fit

sit omninò æquale cum virtute productiua, sed in subiecto calido vt vnum supponitur capacitas alterius primi gradus, & agens calidum vt vnum semper est in actu ad producendum gradum similem: ergo poterit producere alium gradum in subiecto calido vt vnum.

CONTRA secundò: Quia, vt notat Seraph. Doct. lib. 2. *asplint.* 39. dub. 2. agens in actu applicatum passo in potentia, & non impeditum producit semper suam similitudinem in ipsum, sed calidum vt vnum est agens in actu, & calidum vt duo est in potentia ad alium gradum: ergo.

INSTAT contra nos Arriaga: nam agens non habens contrarium resistens non assimilatur sibi perfectè passum, vt patet in Sole producente lucem in aërem non tantam, quantum habet in se, alioquin tanta esset Lux in Cælo, quanta apud nos: Idem & patet in speciebus impressis, quæ deficiunt à perfectione suæ originis.

SED hæc instantia est nulla, & maximè ad principia Seraphica: nam Sol habet in se lucem formam substantialem: idè non immittit suam lucem, qualem habet in se ad inferiora, cum sit ingenerabilis: immittit quidem lucem, seu splendorem accidentalem tanquam causâ, siue sit æquiuoca, siue vniuoca cum diffundendo per aërem, qui ob raritatem non sentitur cum tanta intensione, sicuti fit, verbi gratiâ, in speculo per reuerberationem: Idemque dicendum de specie ab obiecto generata tanquam à causâ æquiuocâ, quare instantia Arriagæ nihil concludit.

PROBATVR tertio: Si gradus

sunt omninò homogenei, agens remissum poterit agere in seipsum se intendendo: item & in intensius, consequens non admittitur ab Aduersariis: ergo.

PROBATVR sequela: Ad hoc, vt agens intendens agat, sufficit, vt sit in actu respectu alicuius gradus, & in potentia ad alium, sed huiusmodi est calidum vt vnum respectu secundi, tertij, & aliorum graduum, ergo poterit agere in seipsum producendo vltiores gradus, & in magis intensius, neque enim exigit applicationem ad seipsum, sed sufficit potentia completa productiua, & receptiua.

81. PROBATVR quarto: Sequetur item, quod qualitas existens in subiecto nunquam posset destrui, quod est contra experientiam.

PROBATVR sequela: Non est ratio, cur potius hi gradus, quam illi expellantur, & consequenter cum sit indifferens ad omnes habentes eandem rationem, & virtutem, & existentes in eadem parte subiecti, & compenetrati, æqualiterque oppositi illi primo gradui, & æquè approximati agenti: ergo cum non sit maior ratio de vno, quam de alio, cessabit actio destructiua, & productiua contrariæ qualitatis: ergo melius dicitur esse heterogeneos, inter quos expellitur, cui contrarius introducit in subiectum: est enim vnus ex iis, qui in ipso præexistunt, & ob id determinatus: Et cum hac positione non est necesse recurrere ad illud effugium Scoticum, contra quod se opposuit Aristoteles Anaxagoræ, nempe in tali casu Deum applicare agens ad expellendum potius hunc, quam illum gradum: nam in nostra opinione statim apparet, quare

quare vnus potius, quàm alius gradus expellatur.

PROBATVR quintò ratione deducta ex doctrina Seraphica: In intensiōe, quò magis sit accessus ad summum, eò maior quantitas virtutis acquiritur: ergo & Maior entitas perfectionalis.

PROBATVR consequentia ex Seraph. Doct. *Serm. 2. Hexaem. & lib. 2. distinct. 13. quæst. ult. in. & lib. 1. dist. 3. part. 2. art. 1. quæst. 3. in corp. & lib. 4. dist. 43. art. 1. quæst. 4. ad 1.* Virtus entitatiua est idem, quod ipsa substantia rei: ergo si crescit virtus, crescit & entitas perfectionalis, sed in intensiōe virtus crescit: ergo. Tum quia quantitas virtutis est à forma, quæ semper vniformiter se habet: ergo si est æqualis in omnibus, semper eodem modo se habebit, quod est falsum.

DICES, esse maioris virtutis ob aggregationem plurium graduum.

CONTRA: maior est entitas in qualitate, quo crescit in virtute, sed in virtute crescit quoad perfectionem: ergo debet esse maior in entitate quoad perfectionem; & hoc est, quod dicit S. Bonavent. *lib. 1. distinct. 17. citat.* quòd in quantitate virtutis accessus ad summum est ad maiorem simplicitatem, & virtutem, scilicet entitatiuam. Tum etiam, quia si incrementum virtutis qualitatis intensæ esset tantum ob multiplicationem eiusdem entitatis, vel similis, sequeretur virtutem includere aliquam entitatem distinctam ab entitate causæ: esset enim quid extrinsecum, & diuersum ab ipsa entitate graduum multiplicatorum, vel rectia entitas ex ipsis resultans, quod est absurdum, & falsum, cum virtus qualitatis intensæ sit quid intrinsecè in-

clusum in ipsa entitate perfectioris qualitatis.

PROBATVR sextò: Quia sequeretur, quod æquè esset qualitas actiua extensa, ac intensa, consequens est falsum, & contra experientiam, ergo & antecedens.

PROBATVR sequela Maioris: Quia tam perfecti sunt octo gradus caloris recepti in diuersis partibus subiecti, ac in eadem parte: at si sunt in diuersis partibus subiecti, efficiunt extensionem, si in eadem parte, intensiōem: ergo sunt æqualiter perfecti, cum sint æquales.

RESPONDET Ariaga *cit. num. 19.* negando sequelam: Ad probationem respondet negando paritatem de gradibus extensis, & intensis, ex eo quod in intensiōe sunt magis vniti inter se, & perfectiùs, vnica nempe vnione scilicet omnes inter se, & quilibet cum omnibus, & omnes cum vno: at in extensione sunt vniti duplici vnione, sed quodlibet punctum, verbi gratià indiuisibile cum duobus, aut tribus illud circumstantibus, & hinc cum in intensiōe qualitas sit magis vna, idèd etiam plus perfectè actiua.

Et si dicas, ipsum cum hac responsiōe alligari sententiæ ponentium compositionem continui ex indiuisibilibus, & idèd soluere vnum dubium cum responsiōe magis dubia.

RESPONDET se loqui consequenter ad sua principia. Tum etiam quia ex tali responsiōe non se alligat dictæ opinioni, cum etiam in sententiâ ponentium in continuo partes diuisibiles: vnio tamen continuatiua non est indiuisibilis, quia non potest esse in duabus partibus penetratis.

CONTRA

CONTRA primò : Quia , vt dictum est , iste Author pro refutatione huius validissimæ rationis affert in medium plura , quæ inuoluunt grauiorem difficultatem. Tum quia falsum est gradus intensiōis vnica vnione vniri , cūm quælibet pars exigat suam vnionem cum alia comparte : immò in intensiōe plus multiplicat ipse vniones , quàm in extensiōe. Tum quia vnio , cūm sit modus , nullam tribuit vim rei vnite. Tum quia entitatine tantum sunt perfecti octo gradus caloris extensi , quàm intensi , & si verum esset , quod vnio aliquid actiuitatis adderet , cūm recognoscat plures vniones in extensiōe , sequeretur istos esse perfectiores , quod est falsum. Tum quia hæc vnio non esset aliquem effectum formalem repugnantem qualitati contrariæ , quem non habeat quilibet gradus : repugnantia enim est inter qualitates , non inter vniones.

82. OBJECES primò ratione Scoti apud Meldul. *disp. 3. num. 37.* Si aliquis habens quatuor gradus gratiæ , & charitatis ex hoc , quod eliciit actum intensum vt quatuor , eliciat postea actum vt vnum , tunc ille accipiet maiorem gratiam . & nouum gradum , scilicet quintum : ergo plus merebitur per actum vt vnum , quàm per actum vt quatuor.

RESPONDETUR , quod diuerso modo loquendum est de qualitatibus naturalibus , & de supernaturalibus procedentibus à voluntate libera informatà gratia : nam in naturalibus , cūm agens naturale naturaliter agat vniiformiter difformiter , procedit necessarid ordinatim per gradus minùs , & magis perfectos secundum proportionatam dispositionem ipsius

agentis , & passì : at in supernaturalibus inpradictis , cūm ad proportionem intensiōis actuum Deus infundat gratiam , non necessarid seruatur iste ordo , sed Deus aliquando in primo instanti ad primum actum infundet gratiam perfectiorem , quàm ad quintum : si primus actus erit perfectior , & pluribus circumstantiis præditus. Alias responsiones affert Hurtad. quas quicunque videri potest , quæ tamen , vt notat Meldul. citat. non euacuant difficultatem.

OBJECES secundò : Gradus intensior continet virtualiter inferiorem : ergo inferior est superfluum , idèque destrui debet adueniente perfectiori : sicque incidimus in opinionem Durand. suprà refutatam.

PROBATUR antecedens : Quia experientia patet inferiorem posse produci à superiori , & quia hæc productio est vniuoca : hinc sequitur omnes esse eiusdem rationis , perfectionis , & homogeneitatis.

RESPONDETUR concedendo antecedens : Et negando consequentiam , ratio est , quia qualitas est totum integrale , quod non solum virtualiter , sed & formaliter debet integrari suis partibus , & hoc quia gradus inferior , cūm sit perfectibilis à superiori , & superior sit perfectior inferiōis , vt dictum est in tertio Not. Hinc hæc continentia cūm sit in genere causæ formalis eo fere modo , quo forma continet perfectionem materiæ , quatenus est ipsius perfectiua , & cūm sit etiam in genere efficiētis , hinc sequitur non esse superfluum gradum inferiorem , immò esse necessarium. Tum quia forma substantialis debet habere qualitates sibi debitas ab ipsa originaliter emanantes tanquam suas proprietates , ad hoc

hoc ut obtineat totum suum effectum integraliter. Tum quia qualitas cum omnibus suis gradibus, dato etiam, quod superiores non influant in inferiores, velocius poterit agere. Tum ut melius conserventur inferior enim est veluti dispositio ad superiorem. Tum quia forma substantialis facile potest amittere octavum gradum caloris, idè debent remanere cæteri gradus, cum quibus conservari possit: Et ad id de productione uniuoca Respondetur a gradu superiori posse produci gradum æqualem in perfectione, tuncque est productio uniuoca in specie, & in individuo: idque euenit, quando adsunt omnes conditiones ad agendum in actu primo completæ: potest & producere gradum se inferiorem, & hoc vel ex defectu materiæ, vel dispositionum, ut multis euenit in cæteris productionibus, tuncque est productio uniuoca in specie. Hæc fusius Serbellon. citat. num. 145. & seq. & Hurtad. ex parte disposit. sect. 6.

DICES: Si hoc est verum, sequitur, quod possit esse calor in summo cum frigore in remisso, quod est impossibile, cum subiectum sit tantum capax octo graduum qualitatis.

PROBATVR sequela: Frigus remissum non opponitur formæ, cui debetur calor in summo, sicut nec calor in remisso pugnat cum forma aquæ, cui debetur frigus: ergo poterit esse calor in summo cum frigore remisso, cum non opponantur.

83. RESPONDETUR negando sequelam Maioris: Ad probationem respondetur frigus remissum non opponi formæ, cui debetur calor summus, sicut nec calor remissus

R. P. Barr. de Castrovetro Phil. P. III.

cum forma aquæ, cui debetur frigus in summo, ita ut ipsam expellat, vel inducat formam illi oppositam, licet sit principium oppositionis, quia si reducitur ad intensionem, tunc est in totali oppositione, & idè pugna incipit in principio: experimur enim remitti frigus in aqua à subiecto igne, & paulatim decrefcere ad augmentum caloris, sed quia qualitates aliæ sunt actiue, aliæ non: in primis oppositio est & ratione sui, & ratione subiecti, in quo est impossibile duplex qualitas, & forma in summo: in aliis est tantum ratione impossibilitatis subiecti.

DICES: Et si qualitates actiue pugnant, quomodo inest simul qualitas in summo cum qualitate in esse remisso opposita?

RESPONDETUR non posse esse dicto modo in subiecto: Quod explicamus tali pacto, subiectum habens formam aliquam, ad quam sequantur tanquam proprietates qualitates actiue, debet eas habere in summo; debet enim obtinere totum suum effectum, si non impediatur ab extrinseco: Vtcrius gradus superiores non possunt esse sine inferioribus tanquam connaturalibus dispositionibus: idè si subiectum sit calidum ut octo, & accedat agens frigidum, debet producere gradum primum frigoris tanquam primo requisitum ad aliorum productionem, qui gradus frigoris debet expellere alium gradum caloris, non quidem primum, sed octauum, cum sit minoris resistentiæ ipso frigore, si enim expelleret primum inferiorem, remaneret superiores sine inferioribus, quod est impossibile naturaliter, ut dictum est, & si non expelleret octauum, essent

1 nouem

nouem gradus qualitatis in subiecto, quod est contra suppositionem, eadem ratione per secundum gradum frigoris expellitur septimus caloris, per tertium sextus, per quartum quintus, &c. à superiori enim non à pari est actio: hinc si cessabit emanatio frigoris vltioris, remanebunt gradus frigoris producti cum gradibus caloris remissi: nec enim primus gradus frigoris opponitur primo gradui caloris, nec secundus secundo, ita vt possit vnus ab alio expelli, sed requiritur gradus superior: Hinc patet calorem, & frigus in summo esse adæquatè contraria, non verò in esse remisso.

**OBIECTES** tertio: Ad faciendam extensionem sufficiunt partes eiusdem omnium rationis, ergo etiam ad intensionem.

**PROBATVR** consequentia: Quia conueniunt ambæ in ratione totius perfectioris respectu partium. Tum etiam quia si illi gradus extensi in diuersis partibus ponerentur in eadem parte, tunc totum illud esset perfectius suis partibus singulis, ergo.

**84. RESPONDETVR** negando paritatem: Ratio est, quia vna pars extensionis non præsupponit aliam, neque extensio habet aliam radicem heterogeneitatis indiuidualis, sicut habet intensio, in qua pars supponit aliam: Vnde si plures gradus omnino homogenei ponerentur in eadem parte, non facerent vnum totum perfectius, sed tantum aggregatum tor qualitarum remissarum numero multiplicatarum non intensiue, vel extensiue, sed vt continens in contento.

**INSTAT** hic Arriaga *diff. 3. sect. 3.*  
*177.* 75. Virtus motiua deorsum,

quæ est in vno grano, verbi gratiâ, milij, est eiusdem rationis cum illa, quæ est in alio, & tamen ex multis granis fit vnum mobile maioris ponderis, quàm sit vnum quodque granum per se: Similiter virtus tractiva, & portatiua ponderis, quæ est in vno homine, est eiusdem rationis cum alia alterius hominis, & tamen si iungantur, facient virtutem intensiorem, verbi gratiâ, ad portandum magnum pondus, quod non posset ab vno portari, ergo ad intensionem sufficiunt partes homogeneæ, sic & si virtus dispersa per plures poneretur in vnica tantum: Item si à Deo ponerentur octo gradus caloris similes in eadem parte manus, sentiretur maior calor in manu, quàm si poneretur vnus gradus, ergo intensio consistit in multiplicatione graduum consimilium.

Hoc argumentum facit contra ipsos opposcentes: Sustinent enim ex sola multiplicatione agentis æqualis non posse augeri intensionem effectus, verbi gratiâ, calidum vt vnum multiplicatum in diuersis subiectis solum dicunt posse producere calidum vt vnum: Vnde igitur oritur illa maior actiuitas, & velocitas.

**RESPONDETVR** in talibus casibus non fieri intensionem, seu vnam qualitatem intensiorem, sed tantum multiplicationem grauitatum, & virtutis tractivæ, quod patet quoad grauitatem, quia descensus est æqualis in vno grano milij cum descensu centum, & mille simul aggregatorum, ergo non fit intensior qualitas ex tali multiplicatione. Tum etiam quia in tali multiplicatione fit solum maior extensio, non intensio: Idem & dicendum est de virtu-

te

te portatiua duorum hominum, quæ magis extenditur quasi diuidendo inter se pondus illud. Et si tota grauitas mille granorum milij ponetur in vno à Deo, non faceret intensiorem, sed extensionem, & multiplicationem tantum, quia est æqualis grauitati extensiva; & habere eundem effectum; & separari posset à maiori numero; sed qualitas intensiue perfecta non potest separari à multitudine agentium imperfectorum; immo nec exequari: septem enim calida vt vnum superabunt frigidum vt septem in vno subiecto, nec producent calorem vt septem.

85. **OBIECTES** quartò: Duo lumina eiusdem intensiõis idem spatium magis illuminant, & duo soni fortius auditum pulsant, & à longè magis audiuntur: ergo faciunt intensiorem: sed

**CONTRA** ipsos Aduersarios possumus instare: Ad hoc, vt fiat intensio, requiritur, vt sint plures gradus æquales in eadem parte subiecti, ad hoc vt producere possint intensiorem effectum, sed duo lumina distincta eiusdem intensiõis produciunt per ipsos lumen inrensus: ergo sine intensiõne virtutis produciunt effectus intensior, ergo imperfectius produciunt perfectius.

**SED** nos respondemus cum Seraph. Doct. lib. 3. *distinct.* 14. *art.* 3. *quest.* 1. ad 4. & *dist.* 23. *art.* 2. *quest.* 4. ad 2. & lib. 1. *distinct.* 17. *part.* 2. *art.* 1. *quest.* 4. ad 2. & *distinct.* 19. *part.* 1. *art.* 1. *quest.* 4. ad 2. duo lumina simul posita agere in materiam vtriusque, & aërem, sicque ambo concurrunt ad magis purificandam eandem materiam, & clarificandam aërem, tunc non faciunt intensio-

nem, sed extensionem, veluti duo agentia partialia, in quo est status, & si ab vno aër est redactus ad vltimum gradum, ampliùs aliud nihil facit nisi quoad apparentiam: ratio est, ait Seraph. Doct. quia in aëre habent suam distinctionem proueniens à sua origine; & in medio non est amplior capacitas: Idem & dicendum de sono, qui multiplicatur extrinsecè, non intensiue, vt dictum est.

**DICES:** Quilibet gradus est diuisibilis aut in partes similes, aut heterogeneas: Si primum dicitur, ergo idem poterit dici de omnibus gradibus: Si secundum, ergo gradus est aggregatum plurium partium dissimilium, seu secundum nostra principia plurium indiuisibilium dissimilium in perfectione, obidque & habentium suam intensiõem, & perfectionem, sed plura indiuisibilia non possunt efficere continuum, ergo nec ista.

**RESPONDETUR** esse diuisibilem in alias partes dissimiles indiuidualitate imperfecta: non tamen in infinitas, sed in finitas indiuisibiles physice, vt dictum est in *tract. de continuo*.

86. **OBIECTES** quintò: Quando agens agit in contrarium, verbi gratia, calidum vt octo produciendo primum gradum caloris in frigido vt octo, & expellendo vnum gradum frigoris: Vel omnes illi octo gradus caloris agunt in illud frigidum: vel primus tantum, vel octauus tantum, & gradus expellendus vel est primus, vel secundus, vel octauus: Si primum dicitur, scilicet quod omnes octo gradus caloris agunt in frigidum, tunc nulla erit actio, quia tanta est, immò magis vis restitua frigi-

gidi ut octo, quam adiuvitas calidi ut octo: Idemque dicendum est, si primus gradus caloris solum agit: nam si agit in primum gradum frigoris, cum non adit prædominantia, non poterit sequi actio: Si in octavum, cum octavus gradus frigoris sit perfectior, non poterit separari à primo gradu caloris, sique nulla actio fieret: Et si dicatur primum gradum caloris produci, sequitur, quod sit uniuocus, & sic eiusdem perfectionis.

RESPONDETUR alium ordinem seruari à natura in expulsiōe, & alium in produciōe: nam in produciōe non solum primus gradus, sed & omnes alij concurrunt sub ratione unius agentis numero: at in expulsiōe tantum unus gradus contrarius opponitur, immò pars eiusdem gradus: ratio est, quia agens in agendo agit secundum se totum, & ob id calidum ut octo agit secundum omnes octo gradus: agit autem non in omnes contrarios, sed tantum in unum, & idcirco expellitur primò octavus gradus frigoris, & loco illius introducit primus gradus caloris: sic enim procedit oppositio ipsorum, ita quod primo gradui caloris opponitur non primus, sed octavus gradus frigoris, & secundo septimus, tertio sextus, quarto quintus, & si agens calidum cessaret tunc, & impediretur emanatio frigoris ulterio-  
ris, remanebunt gradus caloris, & frigoris simul, & consequenter non erit contrarius quartus gradus caloris cum quarto frigoris, nec tertius tertio, nec secundus secundo, nec primus primo, & hoc ratione capacitatis subiecti, & quia deficeret excedentia virtutis agentis, nam quartus gradus caloris non posset ex-

pellere quartum frigoris, nisi produceret quintum gradum caloris, à superiori enim solum, non ab æquali est actio, sed quintus gradus caloris est perfectior quarto; quare solum qualitates in summo sunt adæquate contrariæ, non autem in esse remisso, & ob id possunt esse simul.

Ex qua doctrina, quam fusiùs tradit Serbellon. *disp. 1. quæst. 1. n. 163. & quæst. 2. num. 92.* Respondetur obiectioni factæ, & inferitur heterogeneitas graduum individualis ex hoc, quod gradus superiores, & perfectiores possunt producere inferiores; alioquin si essent homogenei tantum, resisteret vnus, quantum ageret alter, sique nulla fieret actio.

## Q V Æ S T I O V.

*De termino Alterationis quis sit, & qualiter fiat: Vbi an Alteratio sit eadem actio cum generatione.*

87. Q V Æ S T I O hæc duplicem sensum circa terminum Alterationis potest habere: Alter est, an Alteratio terminet ad solam qualitatem, & ad quam: an etiam ad alias res, verbi gratiâ, ad substantiam, quantitatem, &c. Secundus est, an talis terminus habeat statum: an verò possit procedere in infinitum tum in intensiōe, tum in extensiōe: Pro solutione

PRIMò Supponendum ex traditis in Logica qualitates ad quatuor species reduci: Prima est habitus, & dispositio: Secunda est naturalis potentia,



tentia, & impotentia: Tertia est passio, & passibilis qualitas: Quarta est forma, & figura: modo queritur, an ad omnes sit Alteratio, an tantum ad tertiam speciem.

PRIMA opinio multorum est, quod terminat tantum ad tertiam speciem.

SECUNDA opinio est, quod terminat ad omnes: Sic S. Bonavent. *infra cit.*

SECUNDO Supponendum, quod dari Alterationem primo, & per se ad qualitatem, ut ad aliquem terminum, nihil aliud est, quam Alterationem ita attingere aliquam qualitatem tanquam terminum, quod non mediet aliqua qualitas, vel alius terminus, ad quem talis actio prius terminetur, & de hac terminatione primaria principaliter mouetur Questio, & deinde etiam de secundaria, ut si per productionem caloris secundario attingeretur productio caloris, vel ægritudinis.

TERTIO Supponendum, quod de Alteratione potest esse sermo, vel prout est tantum ordinata ad generationem, vel generalius de quacunque Alteratione.

QUARTO Supponendum ex traditis in superioribus magis, & minus competere etiam substantiis, & formis substantiabilibus, prout maiorem, vel minorem actualitatem habent in subiecto: Vnde videtur, quodd ad substantiam etiam sit Alteratio.

QUINTO Supponendum ex traditis, quod intensio, & remissio est vel cum contrarij permixtione maiori, vel minori, simulque cum accessu, vel recessu ad suum summum, vel est pure absque hac permixtione per accessum, vel recessum ad sum-

um cum additione tamen: His positis sit.

88. PRIMA CONCLUSIO: Nulla substantia admittit potest Alterationem propriè sumptam, licet impropriè loquendo possit dici alterari secundum magis, & minus. Est communis, & Seraph. Doct. *cit. supra in tract. 1. de gen. & corrupt. q. 5. & in tract. de Calorum forma quest. 3.* & ibi etiam probata: Item & in Logica ad cap. de qualitate in fine.

PROBATVR ulterius primo ex parte materie: Quia materia est immutabilis, incorruptibilis, inalterabilis, & semper de se indifferens: ergo. Tum quia exigeret aliud subiectum, in quo alterari deberet.

PROBATVR secundò ex parte forme: Nam licet dixerimus *supra in loc. cit.* ipsam recipere magis, & minus in ratione actualitatis in subiecto, tamen cum ista varietas insit ipsi ratione operationis suæ, nõ ratione entitatis, etiam ex hoc capite non potest dici alterari. Tum quia non recipit magis, & minus, quando iam est in subiecto actuans, sed tantum in sui generatione, & educatione secundum maiorem, vel minorem dispositionem subiecti, sed Alteratio propriè sumpta cõpetit formæ etiam, dum iam est in subiecto: ergo substantiæ non competit.

PROBATVR Minor, quia secundum se, & intrinsecè habet informare materiam, constituere compositum, esse principium suarum qualitatum; operari verò in alieno subiecto, verbi gratiâ, actuare magis, vel minus perfectè est ei extrinsecum, sed secundum illa munera intrinseca non recipit magis, & minus, ergo nec Alterationem: Sic etiam S. Bonavent. *lib. 2. dist. 9. et. 1. quest. 1. ad 2.* Tum etiam quia forma

substantialis seipsa redit ad suum statum naturalem, verbi gratiâ, aqua ex calida ad frigiditatem: ergo signum est suam entitatem esse inalterabilem.

DICES: Formæ perfectio cognoscitur ab operationibus, sed vna forma operatur perfectius, quam altera eiusdem speciei, vt ignis in vno subiecto magis vrit, quam in alio: ergo.

RESPONDETUR ex Seraph. Doct. *cir.* cognosci ab operationibus inseparabilibus, & quæ proueniunt ab intrinseco, concedo, ab extrinseco, nego, nempe ratione dispositionis subiectorum.

89. SECUNDA CONCLUSIO: Alteratio non est ad quantitatem, nec ad alia prædicamenta præter qualitatem: Est communis cum Seraph. Doct.

PROBATUR primò de quantitate: Effectus formalis quantitatis est tribuere extensionem partium subiecto per ordinem ad locum, sed iste effectus est æqualis in omnibus subiectis quantis, ergo ad quantitatem non est Alteratio. Maior est certa ex alijs traditis. Minor probatur, quia omnia quanta æqualiter sunt locabilia, licet quoad modum respectu continentie loci actiue adsit differentia: ergo.

DICES: Angeli sunt locales absque quantitate extensa, vel extendente subiectum, corpora sunt localia cum quantitate extensa: ergo datur varietas, & magis, & minus.

RESPONDETUR hanc differentiam non inesse istis subiectis præcisè ratione quantitatis, sed ratione formarum, quatenus sunt spirituales, vel corporali modo in subiectis,

idèd propriè quantitas non est alterabilis.

PROBATUR secundò de reliquis prædicamentis: Quia relationes consistunt in indiuisibili, licet adsit intensio maior, vel minor in extremis: Actio item, & Passio præcisè dicunt æqualiter vt à quo, & vt in quo, nec aliud nisi ex consequenti, vel concomitantia, sed in sua ipsarum ratione.

DICES primò: Motus localis recipit intensionem, sed motus localis est actio: ergo: sed reducitur ad vbi, ergo & vbi potest intendi, & remitti.

RESPONDETUR motum localem dici intendi impropriè, non proptèr est motus localis, sed proptèr importat virtutem motuiam, quæ est de genere qualitatis, sic motus localis dicitur velocior, vel tardior ratione temporis, non verò intensior.

DICES secundò: Actiones intellectus, & voluntatis intenduntur: ergo falsa conclusio.

RESPONDETUR intendi, proptèr sunt qualitates, non præcisè vt dicunt à quo: Ex quibus patet etiam Prædicamenta Quando, Vbi. Situm, & Habere esse æqualia præcisè loquendo.

90. TERTIA CONCLUSIO: Alteratio est propriè ad qualitatem non tantum tertriæ qualitatis, vt voluit Serbellon. *diffinit. 1. quest. 1. art. 2.* Guarin. *de Alter.* sed & ad omnes quatuor species: Est S. Bonauent. qui, vt fuscè probatum est à nobis in Logica *ad Cap. de qualitate*, docet omnem qualitatem recipere propriè magis, & minus.

PROBATUR autem primò: Quia quælibet qualitas est capax additionis

nis graduum, & depeditionis: ergo & intensiois.

PROBATVR antecedens à sufficien-  
ti partium enumeratione: Primò de  
Habitù, & dispositione, quia sunt  
formæ perfectiores ab extrinseco  
subiectum, & potentiam secundum  
magis, & minus per varietatem gra-  
duum ad agendum. Tum quia vir-  
tutes sunt habitus, & quilibet vir-  
tus potest intendi ex Seraph. Doct.  
*loc. cit. in cap. de qualitate in Logica*:  
Secundò Naturalis potentia, & im-  
potentia est qualitas superaddita ab  
intrinseco veniens, & congenita po-  
tentia operatiua, ipsique debita,  
qua quis potest vel faciliter, vel dif-  
ficiliter operari, sed ista accipit ma-  
gis, & minus etiam, postquam inest  
in subiecto: ergo: patetque experien-  
tia, licet enim sit connaturalis, ta-  
men tractu temporis accipit inten-  
sionem, & remissionem, vt ingeniosita-  
s, &c. Tertiò Passio, & passibilitas  
qualitas, hæcque vel infert passionem,  
& Alterationem, vel est illata ab  
Alteratione, vt de se patet. Quartò  
forma, & figura item recipit magis,  
& minus per Alterationem, vt patet  
in formositate, in turpitudine, & si-  
milibus: ergo.

OBIECTES primò cum Serbellon.  
solum qualitates tertiæ speciei ad-  
mittere pluralitatem graduum in ead-  
em parte subiecti: ergo falsa Con-  
clusio.

PROBATVR antecedens: Ha-  
bitus pertinet vel ad corpus, vel ad  
animam, si ad corpus, vt est ægritudo,  
sanitas, originem trahit à tempe-  
rie primarum qualitatum, quæ si est  
permanens, dicitur habitus, si tran-  
siens, dicitur dispositio, sed ista non  
habent contrarietatem effectiuam,  
sed tantum formalem, quæ reduci-

tur ad priuatiuam: ergo nec sunt  
capacia Alterationis; patet conse-  
quentia, quia Alteratio est per mu-  
tuam actionem contrariorum, si vetò  
spectant ad animam, vt ad intelle-  
ctum, & voluntatem, istæ cum non  
sint sensibiles, excluduntur à defini-  
tione Alterationis.

RESPONDETUR ex Seraph. Doct.  
negando Minorem: nam & quæ  
spectant ad corpus, & quæ ad ani-  
mam, sunt capacia graduum, & ha-  
bent contrarietatem propriam, & ef-  
fectiuam, & præcipue quæ spectant ad  
corpus, vel trahunt originem à qua-  
litatibus contrariis, vel non: nam  
dicunt qualitatem existentem in sub-  
iecto daute facilitatem agendi, &  
cum in hac detur gradualis latitudo,  
per consequens datur etiam in ipsa  
qualitate, & hoc per mutuam actio-  
nem habitus, & habitus oppositi,  
vt de se patet, & ipsa experientia,  
& licet spirituales habitus non sint  
sensibiles, non per hoc tamen stat,  
quin sint capaces intensiois, & re-  
missionis.

OBIECTES secundò ex eodem Ser-  
bellon. quia naturalis potentia, &  
impotentia, vel dicit ipsius poten-  
tiam intrinsecam, vel aliquid supe-  
radditum debitum naturaliter, sed  
primæ, vel distinguuntur realiter,  
vel non ab anima, si non, acta est  
difficultas, si distinguuntur, cum  
emanent ab anima, semper eodem  
modo se habent, vel dicunt aliquid  
accidentale superadditum, & hoc  
habet esse vel per emanationem ab  
anima, vel sunt à generante tanquam  
debitæ, sed utroque modo habent  
esse completum, & immutabile.

RESPONDETUR concedendo  
totum de potentiis intrinsecis ani-  
mæ, cum qua identificantur: Istæ  
enim

enim propriam Alterationem non admittunt, sed nos loquimur de accidentalibus superadditis: nam etiam dato, quod simul producantur cum ipso subiecto, etiam sunt capaces maioris, vel minoris gradualis perfectionis comparatæ inter se, & sumptæ in fieri: In facto esse etiam negatur non accipere mutationem, ut per se patet, & docet S. Bonavent. *lib. 1. dist. 3. part. 2. quest. 3.* & ipsa experientia quotidiana id manifestat. Idemque dicimus de forma, & figura, nec rationes Serbellon. aliquid convincenter probant.

OBIECTES. tertio ex S. Bonav. *lib. 3. distinct. 22. artic. 2. quest. 5. ad 3.* ubi dicit, quod accidens de se non potest alterari; ergo falsa Conclusio.

RESPONDETUR ibi loqui de mutatione secundum speciem, id est de una specie in aliam, non vero secundum modum accidentarium, propterea est in subiecto secundum maiorem, vel minorem actualitatem aduenientem in subiecto.

91. QUARTA CONCLUSIO: Alteratio habet pro termino primario, & intrinseco qualitatem; pro extrinseco vero, & secundario habet generationem substantialem, quæ tamen est actio differens ab Alteratione: Est Seraph. Doct. *lib. 2. dist. 1. part. 1. art. 3. quest. 1.* aliisque pluribus locis sup. citat. in tract. 1. de generatione, quest. 1. & communis tum Scoti, & Scotist. tum etiam plurium Thomist. licet Aliqui ex istis dissentiant ponentes generationem, & Alterationem unicam actionem, ut Caiet. *part. 1. quest. 54. art. 3.* & de ente, & de essentia quest. 17.

PROBATUR autem tum ex Arist. 5.

*lib. Phys. cap. 1. r. 9. & 10. & cap. 5. r. 51.* qui asserit ad substantiam non per se terminari motum, sed mutationem, at Alteratio est motus, ergo. Tum quia Alteratio est motus inter terminos contrarios, generatio inter terminos contradictorios, seu privatiue oppositos. Tum quia generatio est ad substantiam: Alteratio est ad qualitatem.

PROBANT Alij ex diuersa ratione subiecti: subiectum generationis est materia, subiectum Alterationis est compositum: at hæc ratio in Seraphicis principiis nihil valet, cum subiectum generationis sit corpus: Vnde potior ratio est illa, quæ desumitur ex diuersa ratione terminorum.

92. QUINTA CONCLUSIO: Qualitates tam naturales, quam supernaturales habent terminum magnitudinis, & remissionis secundum potentiam ordinariam, & naturalem: Est communis, & Seraph. Doct. *lib. 1. dist. 17. part. 2. quest. ultim.* ubi docet augmentum habere statum à tribus, à virtute agente, à potentia suscipiente, & à forma perficiente, sed hæc tria sunt in omni creatura limitata, ergo.

SEXTA CONCLUSIO: Qualitates in remissione habent statum etiam de potentia absoluta Dei, in augmento vero nequaquam.

PRIMA pars patet ex traditis in Physica de continuo: Nam componitur ex physicis indiuisibilibus: ergo ultra hæc non potest deueniri ad aliquid minus.

SECUNDA pars patet etiam ex traditis in 2. Phys. de potentia obedientiali, quæ potest in infinitum à Deo ampliari.



# TRACTATVS III.

## *De Actione, & Passione.*



**A**RISTOTELES post Alterationem agit de augmentatione, quem ordinem multi Interpretes sequuntur, sed quia proprium locum habet in libris de Anima, cum augeri sit actus potentiarum viventium: hinc ad ipsos libros hanc materiam transferentes inlittuimus tractatum de Actione, & Passione, de qua agit Aristot. *hic text.* 43. Est enim hæc cognitio necessaria ad discernendam naturam mixtionis, in ordine ad quam hic tractatur de agere, & pati, in quo tractatu tamen supponimus ea, quæ in Physica tradidimus *lib. 2. tract. 2.* de causa efficiente, & præcipuè *quæst. 3.* in qua soluimus quæstionem, an causa, vt causet, necessariò debeat existere, & in *quæst. 6. & 8.* An agens possit agere in distans.

### QVÆSTIO PRIMA.

*An agens in agendo requirat necessariò in passo dissimilitudinem.*

93. **I**N Physica *lib. 2. tr. 2.* ante quæstionem tertiam supposuimus cū Arist. quatuor conditiones requisitas, ad hoc vt agens actu agat: Prima est, vt causa actu existat: Secunda, vt agens sit præ-  
*R. P. Bart. de Castrovetto Phil. P. III.*

sens passo: Tertia, vt sit ab eo distinctum: Quarta, vt passum sit dissimile ab agente, de primis tribus *ibidem* egimus: nunc superest, vt quartam conditionem perpendamus. Quæritur igitur hic, quænam dissimilitudo exigatur, ad hoc vt agens suam similitudinem imprimat passo: Pro cuius solutione

PRIMò Supponendum ex Seraph. Doct. *lib. 1. distinct. 2. dub. 6.* similitudinem aliam esse secundum substantiam, aliam secundum accidens: Prima est secundum eandem speciem: Secunda est vel in gradu, vt duo calores

K

calotes ambo ut duo : vel in virtute ut duo calida eiusdem virtutis operativæ : vel si calor sit actiuus ut duo, & frigus reſtitutum ut duo : vel in cæteris accidentibus , verbi gratiâ, denſitate , raritate , magnitudine , paruitate : quare & totidem modis poteſt eſſe diſſimilitudo.

SECUNDÒ Supponendum primas qualitates ſenſibiles, quæ ſunt calor, frigus, humidum, & ſiccum, habere vni actiuam vniuocam ad agendum in contrarium, ſimulque ex conſequenti habere vim reſtitutam, quæ eſt eadem etas rei perſiſtentis, conſiſtitque in negatione paſſionis à ſuo contrario : de qua in ſequentibus agetur, de quibus qualitatibus agit Seraph. Doct. lib. 2. diſtinct. 14. part. 1. art. 1. quaſt. 2. ad 3. & lib. 2. diſtinct. 15. art. 1. quaſt. 3. per totam : Cum igitur adſint & aliæ qualitates non habentes contrarium poſituum, non procedit quaſtio de iſtis, ſed de habentibus contrarium poſituum.

TERTIÒ Supponendum ex Seraph. Doct. lib. 3. diſtinct. 34. part. 2. art. 2. quaſt. 1. ad 4. agens aliud eſſe vniuocum, quod producit effectum eiusdem ſpeciei, aliud æquiuocum producens effectum diuerſæ ſpeciei, & conſequenter diſſimilitudo inter agens, & effectum alia eſt formalis in ſpecie, alia virtualis : Prima eſt inter paſſum, & agens vniuocum, ſcilicet in ſpecie tantum, non in gradu, ut inter calidum ut quatuor, & frigidum ut quatuor : Secunda eſt inter agens æquiuocum, & effectum, eſtque non ſolum in ſpecie, ſed & in gradu, differuntque, quod in agente æquiuoco adeſt forma nobilior, & virtuoſior excedens virtutem effectus, non ſic eſt agens vniuocum :

ADDIMVS & diſſimilitudinem, & ſimilitudinem poſſe interuenire reſpectu aliarum qualitatut ut in duritie, denſitate, raritate, quantitate, & ſimilibus, ut dictum eſt.

QUARTÒ Supponendum Actiones alias eſſe directas, quæ ſunt directè per totam ſphæram agentis, alias reflexas, cum ob impedimentum retrocedit paſſum, ut in pila reſiliente de patiete. His præactis, & præſuppoſitis ponitur

94. PRIMA CONCLVSIO : In qualitatibus habentibus contrarium agens poteſt agere in ſimile ſecundum ſpeciem, diſſimile in gradibus ut calidum ut quatuor in calidum ut duo : idque patet experientia, & ab omnibus receptum eſt.

SECUNDA CONCLVSIO : Agens vniuocum non poteſt agere in paſſum ſibi omninò ſimile in ſpecie, & in gradu, ut calidum ut duo in calidum ut duo : Eſt communis cum Seraph. Doct. lib. 4. diſt. 44. part. 2. art. 3. quaſt. 2. argument. 2. & lib. 2. diſtinct. 31. art. 2. quaſt. 1. ad 3.

PROBATVR primò : Omne agens agit in aliud, ut ſimilitudinem ſuam generet in paſſo : ergo ubi adeſt ſimilitudo omnimoda, non poteſt in eo agere.

PROBATVR ſecundò : Quia nihil poteſt agere, niſi prout eſt actu, & in actu primo, & nihil patitur, niſi prout eſt in potentia, ſed ſi ſimile poſſet agere in ſimile, vel ageret, prout eſt in potentia, vel verè patetetur, prout eſt in actu ; vel ageret, licet non haberet actu, quicquid requirit potentia actiua ; vel patetetur, licet haberet actu formam recipiendam, nec ampliùs eſſet in potentia ad illam, quæ omnia ſunt abſurda,

absurda, vt per se patet: ergo: vel clarius nullum agens agit in passum, nisi contineat in se vel formaliter, vel virtualiter id, quod debet producere in passum, sed simile non continet vlllo modo, quicquid est simile ipsi: ergo.

95. TERTIA CONCLUSIO: Agens æquivocum potest agere in passum sibi virtualiter simile tam in specie, quàm in gradu, sic vinum calidum virtualiter calidum vt quatuor potest producere, & intendere calorem in corpore humano existentem jam vt quinque, sic lumen vnius candelæ additum lumini plurium intendit totum illud lumen. Ratio autem à priori non potest adduci, sed tantum probatur experientia. A posteriori verò redditur à Scoto apud Meldul. *disp.* 2. *num.* 9. quia agens æquivocum semper habet in se nobiliorem formam, quàm sit qualitas ab ipso producibilis, & alterius rationis.

OBIECTES primò contra primam Conclusionem: inter omnino similia adsunt omnia requisita ad agendum: ergo.

PROBATVR antecedens: Quia adest agens verbi gratià, calor vt quatuor potens producere calorem vt quatuor, adest passum capax recipere talem calorem: ergo datà approximatione nullum adest impedimentum: Probatur consequentia, si adest vllum impedimentum, maximè esset forma similis præcedens in passum, scilicet calor vt quatuor, sed hæc potius adiungere debet ad agendum ob minorem resistantiam ipsius passu: ergo.

RESPONDETVR negando antecedens: Non enim adest dissimilitudo, quæ est necessaria, ad hoc vt recipiat actionem agentis: ratio au-

tem solùm à posteriori potest reddi (ait Meldul. *cit.* *num.* 9. nempe quia non esset maior ratio, cur hoc agat in aliud, an è conuerso. Tum quia idem posset agere in seipsum actione vniuoca. Tum & ob alias rationes ibidem adductas. Tum & experientia: nam actio Physica provenit ex victoria in passum, at similia non se excedunt: ergo.

OBIECTES secundò contra secundam Conclusionem ex variis experientiis, quas adducunt Meldul. *cit.* *num.* 12. Guarin. de *Alteratione* cum alijs DD. vt verbi gratià, si duæ phialæ vitreæ æquales se inuicem collidantur, franguntur: si duo ligna æquè calida confricentur, æquè intenduntur: si addatur lumen candelæ alteri lumini, prius lumen intenditur: Item fœnum quandoque spontè comburit, carbones separati extinguuntur, vniti conservantur igniti: Item duæ voces vnitæ intenduntur ad inuicem, & speculum immittit speciem in aliud speculum, &c.

RESPONDETVR has, & con-similes experientias nihil probare contra allatam Conclusionem: nam omnes isti effectus proveniunt à causa æquivoca, quæ est vel durities, vel impulsus, lumen, maior, vel minor quantitas iuuans ad resistendum, vt in quocunque effectu allato quisque considerare potest.

76. QUARTA CONCLUSIO: Quia raritas, & densitas alia est disponens ad agendum, alia ad patiendum ex Seraph. Doct. *lib.* 1. *dist.* 49. *part.* 2. *articul.* 6. *quæst.* 1. ad 1. Prima inducit dissimilitudinem sufficientem ad agendum in simile: Secunda nequaquam.

PRIMA pars probatur: Quia vtraque est qualitas addens virtutem,

unde corpus gloriosum ob talem virtutem superadditam raritati potest penetrare corpus non gloriosum, non verò corpus gloriosum ob æqualitatem virtutis: Sic Seraph. Doct. lib. 4. dist. 49. citat. & lib. 2. dist. 12. artic. 1. quest. 3. & art. 2. quest. 3. & distinct. 14. part. 2. art. 2. quest. 1. & Toletus, Ficinus, Niphus, Sotus, Aliique plures.

SECUNDA pars etiam probatur: Raritas, & densitas passiva est tantum motus partium vel magis, vel minus approximatarum, obidque nec sunt rationes agendi. Tum quia densitas, vel raritas ad summum inservient ad agendum in maius spatium. Tum quia sequeretur, quod agens densum calidum ut quatuor si ageret in rariis calidum ut quatuor, quod possent se inuicem intendere usque ad octavum gradum, at hoc est falsum: ergo.

PROBATVR sequela: Calidum ut quatuor densius agendo in calidum ut quatuor rariùs produceret quintum gradum caloris in eo, & istud posset ut excedens in virtute producere vnum gradum caloris in densius, & sic deinceps agendo, & patiendi possent se reducere mutuo ad octavum gradum.

OBIICTES cum Meldul. densitatem, & raritatem spectare ad quantitatem, nec esse qualitates actiivas: ergo.

RESPONDETUR ex doctrina Seraph. Doct. suprà data negando antecedens, siue distinguendo antecedens; densitas, & raritas sunt quantitates, nego: sunt qualitates spectantes ad quantitatem, concedo: non sunt actiivæ per se, concedo: per accidens, scilicet simul coniunctæ cum aliis qualitativibus,

negò: densitas enim in elementis causatur à frigido constringente partes materiæ, & raritas à calido dissolvente: Sic S. Bonavent. lib. 2. distinct. 14. part. 2. artic. 2. quest. 1. in corp. Unde simul cum istis qualitativibus, à quibus originem trahunt, dant fortiùs, vel leviùs agere.

97. QVÆRES; an ista dissimilitudo semper fiat à proportionem maioris inæqualitatis.

UT intelligatur vis dubitationis propositæ: Advertendum est, quodd agens, & passum possunt inter se comparari tribus modis: Primo modo, ita quod non adsit vlla prædominantia, sed actiivitas agentis, & resistentia passi sint æquales, & dicitur dissimilitudo secundum proportionem æqualitatis: Secundo, quando maior est resistentia passi actiivitate agentis, & dicitur à proportionem minoris inæqualitatis: Tertio, quando è contra actiivitas agentis superat resistentiam passi, & dicitur à proportionem maioris inæqualitatis.

QVÆRITVR igitur, quanam ex his concurret in actione agentis in passum.

RESPONDETUR ex S. Bonav. lib. 2. distinct. 17. art. 2. quest. 3. arg. 4. & distinct. 31. artic. 2. quest. 1. ad 2. & lib. 3. distinct. 6. artic. 2. quest. 1. actionem semper procedere à proportionem maioris inæqualitatis, sic & communiter ferè omnes docent contra Toletum, Burlæum, & Valentiam asserentes sufficere proportionem minoris inæqualitatis: Ratio est, quia quod agit in aliud, illud vincit, ergo & ipsum superare debet: aliàs (ait Seraph. Doct.) nunquam fieret actio, siue sit cum totali



tali victoria, siue sit cum inchoata: semper enim agens agendo introducit aliquam formam in passum siue totaliter, siue partialiter.

**Obicies:** Parua gutta aquæ, & formica sæpius pertransiens super lapidem, ipsum excavat, & tamen resistentia lapidis excedit actiuitatem guttæ, & formicæ: ergo.

**RESPONDETUR** concedendo lapidem secundum totalem suam potentiam resistentiam excedere actiuitatem guttæ, & formicæ: non verò secundum partem illam, secundum quam agunt in partem lapidis prius paulatim disponendo, & molliciendo, & euellendo.

**INSTANT:** Calidum, & frigidum in aequali portione pugnant ad inuicem: ergo & agunt, & tamen in tali lucta non adest semper victoria.

**RESPONDETUR** concedendo antecedens: Negando tamen non adesse victoriam, & si non aderit victoria, nec aderit actio *lib. 4. distinct. 44. part. 2. art. 3. quest. 2. in fundam.*

## QVÆSTIO II.

*Quid sit Actio per Antiperistasis, & per reflexionem, & quomodo qualitas per istas intendatur.*

98. **P**RI<sup>MO</sup> Supponendum, quod Antiperistasis Græcè Latine significat circumobstantiam debilioris contrarij à fortiori, per quam obstantiam contrarium obdians impedit, ne obfessum ulterius diffundat propriam actionem, propter quod vires suas velut in se colligit, aut aliunde magis roboratur vis eius,

magisque intenditur, verbi gratiâ, sit ignis vt tria, circumdetur iste ignis à frigore vt lex, ille ignis, dum vult agere in frigus, propter nimiam potentiam frigoris cogitur retrocedere, & actionem, quam per medium, seu in frigus immittebat, compellitur in seipsum immittere, & ob id etiam in seipsum agere, seque corroborare, suæque vires confortare, & hæc actio, seu intentio dicitur antiperistica, estque similis actioni reflexiua: Hæc enim etiam est actionis agentis retrocessio in eadem parte medij, in qua agens actione directa prius agit propter adueniens obstaculum intra sphaeram agentis, quæ reflexio potissimum fit in corporibus, & etiam euenit in qualitatibus, vt patet in reflexione radiorum Solis. Quaritur igitur hîc, an verè intentio fiat in istis qualitatibus, & à quam causa.

**ALIIQVI** dixerunt nullo modo verè intendi, sed tantum apparenter, verbi gratiâ, aqua puri in hyeme videtur calida, quia tangitur manibus frigidis, &c. sic Galen. Cardanus, &c.

**COMMONIS**, & vera opinio est opposita, nempe per actionem antiperisticam, & reflexionem intendi, & acquiri nouam qualitatem: Sic Seraph. Doct. *lib. 2. distinct. 13. artic. 3. quest. 1. ad 2. & 3. & Serm. 3. de pluribus Martyribus, & lib. 2. distinct. 1. part. 1. art. 2. quest. 2. ad 1.*

**PROBATUR** autem: Quia agens naturale agit, quantum potest in passum potens recipere suum effectum, at quando intra sphaeram agentis occurrit obstaculum, non exhauritur totaliter virtus agentis, & ex alia parte reperitur medium

K 3 potens

potens recipere intensiorem qualitatem : ergo in tali casu eam producat : Idque patet experientia tum in aquis putei tempore hyemis, quæ sunt calidæ ex obfessione aëris frigidioris, & hoc præcipuè ratione exhalationum calidarum, quæ ibi obsidentur simul cum aqua à frigore circumiacente : sicque illæ exhalationes se se fortificant, aquamque calefaciunt, &c. & è contra in æstate eleuantur à Sole, sicque aqua ipsis carens magis frigitur maximè ratione caloris obsidentis ipsam aquam, &c. Patet & in radiis repercussis, vel in vnum collectis, &c. ita quod aliquando accenditur ignis : de quibus, & aliis possunt videri *Meldul. citat.* Guarinus, Aliique. Quoad causam verò talis intensificationis

RESPONDET S. Bonavent. provenire à causa principali, à qua exit qualitas cum sua virtute : vnde contrarium obsidens cum aliis circumstantiis, vt densitas, & raritas, &c. solum dicitur causa per accidens : sicut & ipse motus : hinc non sequitur, quoddam res seipsam intendat, vt dicebat Tolertus, sed intenditur à causa originali principali concurrentibus aliis causis per accidens eo modo, quo dictum est in Physica de motu projectile.

### QVÆSTIO III.

*De Reactione, & resistentia, quid sint, & quomodo fiant.*

99. QVIA patiens non solum colligit in se vires, vt fortius se defendat resistendo, sed niritur etiam id obtinere reagendo in suum

contrarium, vt vim vi repellat : Hinc quæritur, in quonam consistat hæc resistentia, & reactio, & an in omni actione semper concurrant : Et quoad resistentiam communis opinio tenet formaliter non consistere in actione, nec in passione, sed in negatione actionis ab agente, & passionis in subiecto, vt infra à declarabitur.

QVOD reactionem : Aliqui ipsam negant reactionem in eadem parte subiecti agentis : Communis opinio ipsam admittit, vt infra, &c. Pro solutione

PRIMò Notandum, quod licet resistentia rigorosè sumpta competat tantum corporibus duris : ex duritie enim, ait S. Bonau. *lib. 1. dist. 40. art. 4. quest. 1.* & Richard. *ibid. art. 3.* oritur primò inhabilitas ad suscipiendum : Secundò aptitudo ad persistendum : Tertiò idoneitas ad resistendum, tamen etiam competere potest per quandam analogiam aliis rebus, quæ duritiei muneri æquivalent : obidque resistentia primò competere intelligitur iis, quæ de loco ad locum petuntur scilicet ratione motus localis : Secundò iis, quæ adinuicem percutiuntur : Tertiò iis, quæ actione contraria ad sui destructionem connectuntur, & de his potissimum procedit Quæstio.

100. SECUNDò Notandum resistentiam esse duplicem, vnâ formalem, alteram effectiuam : formalis est ipsa vis permanendi in esse, ratione cuius res difficilè destrui potest, vel est ipsa forma, aut qualitas inhærens in subiecto impediens actionem contrarij : Effectiua verò est, quando agens per vim actiuam retundit, & debilitat contrarium agendo in illud : Vtraque, si sumitur

In actu primo, est ipsamet vis, seu principium entitatis valens impedire actionem contrarij: In actu secundo est impedimentum actuale positium, ex quo oritur negatio receptionis contrarij: sic resistentia in actu secundo est ipsum principium resistendi connotans agens actu applicatum, ex quo sequitur negatio receptionis in subiecto, verbi gratia, si quis actu conetur manu comprimere lapidem durum, qui nequit præ duritie comprimi, dicitur actu lapidis resistere conanti se præmere, durities verò, propterea connotat manum actu applicatam ad comprimendum, dicitur actuale impedimentum compressionis, & actualis resistentia.

101. TERTIO Notandum, quòd reactio potest sumi dupliciter: Primo secundum diuersas rationes, vt, verbi gratia, si calidum agat secundum vim calefactiuam in aliud, & hoc repatiatur à passo vt ab agente secundum humiditatem: Secundò secundum eandem contrarietatem, vt calidum agat in passum calefaciendo, & repatiatur à passo per impressionem frigoris: hic non est quæstio de primo modo: nam certum est, ait S. D. lib. 3. dist. 6. art. 2. quæst. 1. in corp. & lib. 2. distinct. 30. art. 3. quæst. 2. in corp. & Serm. 2. de pluribus Martyr. Cum aqua, verbi gratia, miscetur vino, conuertitur, si est in parua quantitate, in vinum ob prædominantiam, & repugnantiam, sed fit vinum debilius: Vnde quæstio procedit secundo modo, & in hoc certum est, quod vbi est æqualitas gradualis virtutis, ibi non potest esse reactio: vnde (ait Seraph. Doct. lib. 4. distinct. 49. art. 4. quæst. 1. & 2.) corpus gloriosum non potest penetrare aliud gloriosum, sed re-

quiritur Inæqualitas virtutis inter actiuitatem vnius, & restituiam vim alterius, quicquid dicant Toler. quæst. 15. lib. 1. 3. Concl. & Valesius, semper enim agens est præstantius passo in ratione agentis, vt notat cum communi Seraph. Doct. lib. 2. distinct. 31. art. 2. quæst. 1. ad 1. & 2. & quæst. 2. ad 3. & lib. 3. distinct. 16. art. 1. quæst. 1. ad 4. vbi ait, quod natura agens est præstantior patiente non semper simpliciter, sed solum secundum aliquam conditionem, quia enim lapis lædit pedem, lapis non est nobilior absolute pede, sed solum secundum duritiem, vel soliditatem, & hoc pacto (ait lib. 4. distinct. 49. part. 2. art. 4. quæst. 1. in corp.) elementa mutuo agunt, & pariuntur in composito corruptibili. His præmissis sit

102. PRIMA CONCLUSIO: Resistentia est proprie inter contraria, estque quid positium, & dicitur permanentia rei in suo esse, connotans nexum agentis contrarij, cuius actio frustratur, aut retardatur: Est communis cum Seraph. Doct. lib. 4. dist. 4. part. 1. art. 2. quæst. 2. ad 2. vbi docet, quod aliud est oppositio vt sic: aliud est resistentia: oppositio est etiam inter priuationem, & positionem, vt inter lucem, & tenebras, non verò resistentia, quæ est inter positiua, & ideo est quid positium, & lib. 4. distinct. 16. part. 1. artic. 3. quæst. 1. ad 5. docet, quod in materia potest esse dispositio contraria informationi: nullo tamen modo resistens, vt cum Deus de aqua facit vinum: alio modo est dispositio resistens vsui, vt est pronitas ad peccatum (quæ est quid positium) quæ resistit vsui gratiæ, & hæc ponit successionem: Idemque docent Auerf,

Auerſa, Meldul. Serbellon. Aliique communiter.

PROBATVR primò: Reſiſtentia formalis non eſt actio, nec paſſio qualitatís: ergo eſt illius permanentia: Probatur antecedens: non eſt actio, alioquin non diſtingueretur à reſiſtentia actiua: nec paſſio: ſi enim pateretur aliquid à contrario, illi non reſiſteret: ſic quia aër ſtatim recipit lucem, illi reſiſtere non dicitur: ergo.

PROBATVR ſecundò: Reſiſtentia eſt proprietas duritiæ, vel rei æquiualentis: ergo eſt quid poſitiuum: Sic S. Bonauent.

PROBATVR tertio: Datâ permanentia rei in ſuo eſſe, etiamſi à contrario agente impugnetur, habetur conceptus ad æquarum reſiſtentia formalis: ergo in hoc conſiſtit: ex hoc enim, quod ferrum conſeruat duritiem, dicitur reſiſtere impellenti, & comprimenti, & ex hoc, quod deperdit eam, dicitur non reſiſtere: ergo.

Et ſi quæras, quid ſit formaliter.

RESPONDETUR eſſe vel quendam modum eiſdem rei reſiſtentis, vel quendam actionem immanentem eiſdem rei ſeiſſam conſeruantis in ſuo eſſe, & cum tali conſeruatione reſiſtentis contrario in illo tamen nihil agendo: quælibet enim creatura habet aliquam virtutem innatam licet imperfectam ad ſe conſeruandum in eſſe per actum exeuntem à tali virtute adiuta tamen à Deo: Sic S. Bonauent. *lib. 2. diſtinct. 37. art. 1. quaſt. 2. in corp. & ad 4.* Quare ſequitur, quod ſi paſſum reſiſtit per actionem, vt ignis per calorem, reſiſtentia erit actiua: ſi per formam vt albedo nigredini: ſic erit formalis,

ad quam ſequitur negatio receptionis contrarij.

103. OBIECTES primò; Quod reſiſtit per actionem, eſt reſiſtentia actiua, ſed formalis reſiſtit per conſeruationem, quæ eſt actio, vt dictum eſt, ergo eſt actiua.

RESPONDETUR nos dixiſſe eſſe veluti actionem immanentem duratiuam, in quo ſenſu poteſt dici actiua: non vero propriè, cum non importet actionem tranſeuntem, & ab ipſo paſſo diſtinctam, ſed aliquid præuium etiam omni actioni contrarij: Hinc nihil contra nos.

OBIECTES ſecundò: Reſiſtentia eſt negatio receptionis contrarij: ergo non eſt quid poſitiuum.

RESPONDETUR negando antecedens: Eſt enim prius in ſe quid poſitiuum, ad quod conſequitur talis negatio.

OBIECTES tertio: Reſiſtentia formalis vel ſit, dum eſt actio, vel ante: non primo modo, quia ſic eſſent duæ formæ oppoſitæ ſimul: tunc enim ſupponitur aliquis gradus introductus formæ oppoſitæ, quia ſi ſupponitur agens, ergo & introducens formam in paſſum: nec ſecundo modo, quia tunc agens nondum eſt.

RESPONDETUR reſiſtentiam eſſe ſimul cum actione imprimente imperum, ſed ob reſiſtentiam non valente depellere formam contrariam: ſic negatur, quod tunc ſimul ſint duæ formæ oppoſitæ, & ſi paulatim introducit gradus, verbi gratiâ, caloris in frigidum, tunc ceſſat reſiſtentia in illa parte ob victoriam agentis.

QUÆRES: quomodò reſiſtentia conueniat primis qualitatibus.

RESPONDETUR reſiſtentiam actiuam

actiuam conuenire primis qualitati-  
bus eo modo, ac illis conuenit acti-  
uitas: ratio est, quia talis resistentia  
nihil aliud est nisi agere in contra-  
rium, & illius vires debellare, pro-  
ducendo in illo suas qualitates, ideò  
eo modo, quo gradatim dicuntur  
actiue, eodem modo etiam sunt resisti-  
tiue, & hinc primum locum tenet  
calor, secundum frigus, tertium hu-  
midum, quartum siccum: Sic ex  
S. Bonavent. lib. 2. *distinct. 15. art. 1.*  
*quæst. 3.*

QVOD resistentiam formalem  
Respondetur non conuenire hanc  
eodem ordine, ac actiuitatem, sed è  
contra: nam qualitas magis actiua  
est minus resistitiua: vnde magis re-  
sistit siccitas: deinde minus humi-  
dum: tertio minus frigus: & quar-  
to minus omnibus calor: Sic Ma-  
stius *hic quæst. 4.* Aliique ab ipso  
*citati.*

RATIO verò est, quia hæc resi-  
stentia formalis est permanentia for-  
mæ in subiecto: ergo, quæ faciliùs  
est à subiecto separabilis, habet mi-  
norem vim resistitiuam à suo contra-  
rio: at mollia, & ratiorea sunt hu-  
iusmodi, ergo priùs calor, deinde  
frigus, humidum, & siccum seruant  
hunc ordinem secundum magis, &  
minus: hinc calor difficilè vincit  
frigus: sic & humidum minorem  
vim habet in siccum: sicque terra  
magis resistit, deinde sequitur aqua,  
postea aer, vltimò ignis.

104. SECUNDA CONCLUSIO:  
Datur vera reactio in agentibus con-  
trariis, & secundum qualitates con-  
trarias, & secundum eandem par-  
tem: Est communissima inter Philo-  
sophos cum S. Doct. contra Richar-  
dum Suisset appellatum communi-  
ter Calculatorem, eo quod nimium  
R.P. Barr. de Castrovetro Phil. P.III.

quasi computum graduum qualita-  
tum inear.

PROBATVR primò experientia:  
nam si manus frigida coniungatur  
calidæ, ipsamque aliquantisper re-  
frigerat, illaque calefit: sic & aqua  
calida infusa frigidæ fit tota tepida,  
lignum sectum cultro ipsum hebe-  
tat: ergo quod calefacit, refrigerat-  
ur, quod pellit, pellitur, quod agit,  
reparitur.

PROBATVR secundò ratione:  
Agens naturale non impeditum, &  
sufficiens passo applicatum pro-  
portionato potest agere, & verè  
agit, sed hoc euenit, quando duo  
contraria vt calidum, & frigidum  
sunt applicata: ergo vtrumque agit.

PROBATVR Min. si enim vnum  
non reagit in alterum, id erit, quia  
exceditur ab altero in actiuitate, sed  
id nihil officit: ergo.

PROBATVR Minor: ad hoc vt ali-  
quid in aliud agat, sufficit, vt agens  
superet resistentiam passi, sed omne  
agens in sua actiuitate superat resi-  
stentiam formalem sui contrarij:  
ergo.

QVARE sequitur, quòd licet  
agentia sint æqualia in actiuitate,  
tamen si sunt inæqualia quoad resi-  
stentiam, tunc vnum poterit agere  
in aliud: sicque agens, verbi gra-  
tiâ, calidum agens in frigidum in-  
troducitur aliquos gradus caloris in  
illum, tamen frigus agens in cali-  
dum, cum hoc habeat vim mino-  
rem resistitiuam saltem secundum ali-  
quem gradum, poterit in ipsum re-  
agere.

OBIICIES primò cum Calcula-  
tore: Si datur reactio secundum ean-  
dem partem, & contrarietatem, se-  
quitur idem moueri simul motibus  
contrariis, sed id implicat: ergo.

L PROBA

PROBATVR sequela maioris ; sit agens ignis bipalmaris calidus vt octo , passum vt aqua frigida vt octo : solus autem semipalmus ignis sit sphaera actiuitatis aquae , qui tantum repariatur ab aqua , & dicatur pars repassa : reliquis aurem semipalmus sit pars non repassa : tunc sic arguitur : pars repassa ignis mouetur motu frigeactionis ab aqua propter reactionem transeundo ab octauo gradu caloris , & motu calefactionis à parte non repassa , cum in ipsam agar alia pars ignis : sicque à duobus contrariis eadem pars mouetur motu calefactionis , & frigeactionis : Aliter etiam probatur eadem sequela : sit ignis distans aliquantulum ab aqua , aer intermedium est medium calefactionis ab igne prouenientis , & etiam refrigerationis ab aqua , vel gelu : ergo mouebitur contrariis motibus.

Hoc argumentum valde conrortat Philosophos , vt notat Meldul. *disp. 2. quest. 4. num. 50.* Vnde variae adhibentur responsiones à variis , quos omnes expendit doctissime Meldul. *cir. quibus omissis*

105. Nos sequentes doctrinam Seraph. Doct. & alia supra à nobis tradita supponemus primò ex eodem Seraph. Doct. *lib. 4. distinct. 49. part. 2. art. 4. quest. 1.* qualitates in esse remisso non habere contrarietatem , ita vt necessariò se expellere debeant ab eodem subiecto , vt euenit in corporibus gloriosis : vnde contrarietas qualitarum est secundum esse summum , vel propè : sicque non implicabit calorem vt seprem , vel vt sex stare cum vnico , vel duobus gradibus frigoris , vt experientia patet.

SUPPONIMVS secundò ex dictis

maiores esse potentiam , per quam agens agit , vel reagit , quàm illa , per quam resistit gradibus , qui introducuntur , quia nunquam resistit qualitas , nisi per vnum gradum , vel certè per minorem partem : sicque calidum vt octo resistet per vnum gradum , vel per minorem partem frigido agenti vt octo , quia agens agit secundum rorem suam virtutem : & ratio differentiae est , quia cum non omnes gradus simul expellantur , sed vnus gradus post alium , per consequens etiam opponitur resistendo secundum illum , vel secundum minorem partem qualitati , quae introducitur paulatim : immò & ille gradus , cum sit diuisibilis , non opponitur secundum se rotum , sed tantum secundum partem , quod & innuit Seraph. Doct. *lib. 4. distinct. 16. part. 1. art. 3. quest. 1. ad ult.* est enim hæc resistentia non informationi contraria , sed vsui , & actui ponens successionem , quod non euenit in contrariis priuariis.

HINC respondetur in dato casu negando sequelam : pars enim repassa ratione resistentiae minoris ab aqua tepatur absque eo , quod ignis valeat agere in illam partem impeditur à reactione aquae , quod & patet experientia : tunc enim inuenitur calor in illa parte minus intensus.

106. Et si dicas , quod tunc ignis necessariò ager in partem repassam continuam sibi , cum sit agens naturale.

RESPONDETUR agere quidem , nisi sit impeditus , sed impeditur per reactionem contrarij : minor enim est excessus actiuitatis partis non repassae supra repassae partis resistentiam , quàm sit excessus actiuita

actiuitatis passi supra resistantiam partis repassæ: Vnde, vt tollat hoc impedimentum, ignis agit in aquam, vel in gelu minuendo ipsius virtutem, vt superato contrario possit agere liberè in partem repassam: Et ad aliam sequelam de medio

RESPONDETUR vtrumque agere in medium gradibus compossibilibus, & in esse remisso, & si superabunt esse remissum, tunc fiet reactio, vt dictum est.

OBIECIES secundò: Quia si datur reactio, sequitur, quod nunquam perfectè agens assimilaret sibi passum, quia semper debilitaretur: ergo.

RESPONDETUR negando sequelam: nam datà victoria perfectæ, tunc perfectè assimilabit sibi passum, & si aliquando non obtinet intentum, id est, vt mixta conseruentur in esse, cum per mixtionem refrangatur contrarietas, vt docet S. Doct. lib. 4. dist. 49. cir.

OBIECIES tertio: Vel reagens reagit per gradus, quos deperdit actione contrarij, vel per alios, quos retinet: non primum, quia ratio formalis agendi præsupponi-

tur actioni: nec secundum, quia secundum istos non contrariatur agenti: aliter ab ipso paterentur: ergo.

RESPONDETUR agens agere per gradus, quos habet, & per quos actiue contrariatur agenti: nec ob id secundum illos debet pati ab agente, quia agens actione successiua non statim agit in omnes gradus qualitatæ contrariæ, sed in aliquos, vel in vnum tantum, licet subiectum secundum partem possit pati secundum Aliquos, vnde loquendo de subiecto secundum partem potest agere per qualitatem existentem, & pati per aliam de nouo receptam.

QVÆRES; an in motu locali datur reactio.

RESPONDETUR affirmatiue licet non semper, nempe quando actio passi absorbetur à nimia efficacia agentis, vt patet in igne extendente se ad varias partes subiecti: in motu verò viuientium datur reactio per defatigationem, & in motu duarum pilarum se mutuo percutientium, & in similibus datur reactio.






# TRACTATUS IV.

*De Elementis, & Mixtione, & ipsorum Qualitatibus.*

**I**N corpore mixto vltimo loco agit Aristoteles in his libris, est enim scopus præcipuus, in cuius gratiam cætera omnia considerantur: hinc & Nos eundem ordinem sequentes de ipso agemus: Sed quia mixtum constat suis componentibus, quæ sunt quatuor elementa: Primò de istis quæstiones instituemus, & deinde de ipso mixto.



## TEXTVS SERAPHICVS.

107. **I**N hoc mundo sensibili sunt quædam generantia, quædam generata, & quædam regentia hæc, & illa: Generantia sunt corpora simplicia, scilicet corpora cœlestia, & quatuor elementa: Ex elementis enim per virtutem lucis reconcilians contrarietatem elementorum in mixtis habent generari, & produci, quæcunque generantur, & producantur per operationem virtutis naturalis: Generata verò sunt corpora ex elementis composita, sicut mineralia, vegetabilia, sensibilia, & corpora humana, regentia hæc, & illa sunt substantiæ spirituales siue omninò coniunctæ, vt sunt animæ brutales, siue coniunctæ separabiliter, vt sunt animæ rationales, vel omninò separatae, vt sunt spiritus cœlestes, quos Philosophi Intelligentias, Nos Angelos appellamus: Proprietates autem elementorum sunt sequentes. Ignis consumit, & incinerat, in similitudinem suam sibi appropinquantia conuertit,



conuertit, motum facit de centro ad circumferentiam, ardet, & lucet in materia aliena, sed non in sua sphaera, quia non est compactus, alioquin eclypfaret omnes stellas, resoluit terrea in aquosa, aquosa in aëra, & aëra in se, mollificat dura, & indurat mollia, subtiliat, depurat, & corrumpit, est & penetratiuus, communicatiuus, & diuisiuus: Aër est subtilis, mobilis, perspicuus, temperatiuus caloris cordis per inspirationem, & respirationem, decoratur volatilibus, locus impressionum, mansio spirituum damnatorum, est & alterabilis, subtilis, levis, atque rarus, non lucet, quia est diaphanum, sed est illuminabilis: Aqua corpus est diaphanum frigidum, & graue, est terminabilis termino alieno, non proprio. Terra est infima, nigra, ponderosa, rotunda, &c. est sphaerica, & infima, quia est centrum vniuersi, est modica per respectum ad circumferentiam coeli, recipiens influentias coelorum. *Itiner. ment. cap. 2. & in Comp. Theol. lib. 2. cap. 8. & lib. 2. distinct. 14 part. 1. art. 1. quest. 1. & 2. & Serm. 1. Hexaëm.*

B. ELEMENTVM igitur est corpus simplex, & primum principium corruptibilem, quod rectè in quatuor capita diuiditur, scilicet in terram, aquam, aërem, & ignem, quæ tamen apud Nos non sunt pura, sed sunt mixta habentia proprias operationes mixti, licet appellentur nomine elementi prædominantis. *Itiner. Ment. cit. & lib. 2. dist. 14. part. 2. dub. 1. & dist. 15. art. 1. quest. 2. & 3. & lib. 4. dist. 49. part. 2. artic. 4. & distinct. 48. art. 2. quest. 3. & Brevil. part. 2. cap. 3. & comp. Theol. lib. 2. cap. 8. & lib. 2. distinct. 14. part. 2. dub. 1. & distinct. 15. art. 1. quest. 2. ad 5. & comp. Theol. lib. 2. cap. 2.*

C. SICUT igitur quatuor sunt prima corpora simplicia, ex quibus iste mundus inferior constituitur, sic & quatuor sunt primæ qualitates, quæ sunt calor, frigiditas, humiditas, & siccitas, quæ dicuntur primæ inter sensibiles, & actiuas, passiuasque habentes contrarietatem, quæ corpora sunt ita ordinata, vt inferiorem locum occupet terra, supra terram est aqua, super aquam aër, & supra aërem ignis. *Itiner. Ment. citat. & lib. 2. distinct. 14. part. 1. art. 1. quest. 1. & 2. ad 5. & Comp. Theol. lib. 2. cap. 8. & lib. 2. distinct. 15. art. 1. q. 3. & lib. 2. distinct. 14. part. 2. dub. 1.*

D. SI autem queratur, qualiter fiat ista mixtio: dicendum est fieri hoc pacto: Aqua, cum sit subtilior terra, in decupla proportione penetrat partes terræ, sed non perfectè pro eo, quod aliquam gros-

sitiam habet : Aër verò , qui est subtilior in centupla proportionem, adhuc intimius se profundat, sed ignis, qui est subtilior, & rarior in millesima proportionem, subtilitate sua penetrat vsque ad intima, & sic fit alteratio plena vsque ad minimam, & mixtio perfecta, quia miscibilia sunt perfectè alterata. *Lib. 2. distinct. 15. artic. 1. quest. 2. in corp. & ad 5. & 6. & quest. 2.*

*F.* ET hinc in mixtis materia ipsa secundum diuersitatem mixture aptatur ad susceptionem diuersarum formarum, quia elementa secundum maiorem raritatem, & densitatem in suis partibus aptantur ad susceptionem formarum diuersarum. *Lib. 2. dist. 14. part. 2. art. 2. quest. 1. in corp.*

*F.* NEC hinc infertur violentatio in elementis, ex hoc quod vnum quodque habet diuersam sphaeram ab alio sursum, vel deorsum: nam in quolibet elemento, siue materia sunt cetera in potentia, & ex vno possunt fieri omnia, si adsit virtus alterans, & actiua sine aliqua mutatione locali, & ob id sine violentatione, quia fit per vires naturæ. *Lib. 2. distinct. 15. artic. 1. quest. 2. ad 5. & 6.*

*G.* ELEMENTA autem sunt sphaericæ figuræ, licet terra, & aqua non constituent sphaeram omninò orbicularem, & licet enim in principio aëra esset omninò immixta terræ: atramen Deus apparere fecit ex aëre terram ad habitationem viuentium: sunt autem sic disposita, quod aqua excedit terram in decupla proportionem, aër aquam in centupla, & ignis aërem in millesima: Terræ autem ambitus est 24. millium millianorum: Diameter 6070. Semidiameter 3035. *In Serm. 3. de B. Virg. & lib. 4. dist. 48. artic. 2. quest. 3. in fine, & lib. 2. distinct. 14. part. 2. dub. 1. & lib. 2. distinct. 15. artic. 1. quest. 2. & Serm. 4. de plurib. Martyrib.*

### De Mixtione.

108. *H.* MIXTIO dupliciter sumitur communiter, & propriè: Prima fit, quando miscetur aliquid alicui alterius naturæ, quod tamen non habet proportionem in quanto, sed illud tanquam prædominans soluit speciem, & in se conuertit; vt si gutta aquæ misceatur in amphora vini: Secunda est miscibilium alteratorum vno. *Lib. 4. distinct. 11. part. 2. art. 1. quest. 4. ad 3.*

*I.* VT autem id rectè intelligatur, sciendum est, quod multiplex

plex est vnio. Quædam, in qua est vnus vnibilis in naturam alterius conuersio, & hoc ratione repugnantia, & prædominantia vnus ad aliud, vt si gutta aquæ vniatur amphoræ vini: quædam est, in qua non est vnitorum transmutatio, sed tertiæ naturæ constitutio, & hoc est, quia vnibilia non habent repugnantiam, sed mutuam dependentiam, & inclinationem, sicut materia, & forma vniuntur ad constitutionem tertiæ entitatis: quædam est, in qua nec est transmutatio, nec tertiæ naturæ constitutio, sed vnum vnibilium fundatur tantum in altero, in quibus non est repugnantia, nec essentialis dependentia mutua, nec excellens prædominantia, vt quando arbor inseritur stipiti, & natura humana vnita est verbo, quædam est, in qua est vtriusque vnibilis alteratio, & tertiæ naturæ productio, & hoc, quia non est ibi repugnantia, nec excellens prædominantia, hæcque est propria mixtio, quæ est, quando elementa vniuntur ad mixti constitutionem.

Hæc igitur rectè definitur *vnio alteratorum miscibilium. Lib. 3. dist. 6. art. 2. quæst. 1. in corp.*

K. Ad mixtionem necesse est, vt concurrant elementa actiua, & passiua, vt adsit repugnantia, seu resistentia, & prædominantia ob mutuam actionem, & reactionem: item & quod sint frangibilia in minutissimas partes, & quod resultet compositum mixtum absque conuersione, vel transmutatione miscibilium: quadruplex enim est operatio elementorum: Prima est mixtionis concurrentis ad constitutionem mixti: Secunda est conseruationis, & hæc in corpore viuo est ministerialis, delatio caloris vitalis per corpus: Tertia est pugnae ordinans ad dissolutionem: Quarta exterioris impressionis, per quam alicuius elementi operatio intenditur, & pugna oritur. Hinc sequitur, quod ad perfectam mixtionem quatuor elementa concurrunt, quæ si habent perfectam complexionem, ab ipsa oritur calor cœlestis conseruans, si inæqualem, oritur calor elementaris consumens: Corpus verò imperfecta mixtione compactum non est necessariò ex quatuor elementis, tale est, quod assumitur ab Angelis, scilicet formatum principaliter ex aëre cum aliqua admixtione alterius elementi, verbi gratiâ, per concursum vaporis terrei, vel aquei, qui facit ad varietatem condensationis, & ad multiformitatem coloris, tum vt sit habile ad quemcunque motum. *Lib. 2. distinct. 15. art. 1. quæst. 2. in corp. & quæst. 2. & lib. 4. distinct. 48. art. 2. quæst. 3. & distinct. 49. part. 2.*

*part. 2. articul. 4. quest. 1. & lib. 2. distinct. 8. part. 1. art. 2. quest. 2. in corp.*

**L.** ET si quærat, an ex vno elemento tantum possit fieri mixtio. Respondetur, quod, ut supra dictum est ad litteram F. proprie loquendo non potest fieri mixtio, quia præexigit elementa componentia: Attamen quia in vno elemento cætera sunt in potentia, & ex vno possunt fieri omnia, si adsit virtus alterans, & actiua, hinc ex illo possunt educi cætera. *Lib. 2. dist. 15. art. 1. quest. 2. in corp. & præcipue ad 5. & 6.*

**M.** Ex quibus inferri debet elementa in mixto remanere formaliter, & secundum substantiam; mixtio enim est vnio miscibilium alteratorum. *Lib. 4. dist. 44. part. 2. art. 4. quest. 1. & lib. 2. dist. 15. art. 1. quest. 2. & 3. & lib. 2. dist. 17. art. 2. & dist. 18. art. 1. quest. 3. & lib. 4. distinct. 12. part. 1. art. 2. quest. 2. ad ultim.*

### De Raritate, & Densitate.

109: **N.** QVIA nihil est miscibile, quod non sit rarefactibile, & condensabile: hinc de Raritate, & Densitate hæc subiicienda: Primò rarefactio est alteratio, qua aliquid fit maius non per additionem nouæ quantitatis, & substantiæ: Raritas autem, & Densitas alia est disponens ad agendum, alia ad patiendum: vnde alia est tantum secundum diuersum situm partium, vt est in Cælis: alia est ex calido dissolvente, & frigido constringente partes materiæ. *Lib. 2. distinct. 17. art. 1. quest. 2. fund. 2. & lib. 1. distinct. 17. part. 2. artic. 1. quest. 1. ad 3. & lib. 2. distinct. 14. part. 2. articul. 2. quest. 1. in corp. & lib. 4. distinct. 49. part. 2. art. 6. quest. 1. in corp. & ad 1.*

**O.** ET quia necessariò in mixto concurrit temperamentum, hinc dicendum, quod temperamentum aliud est à pondere, aliud à iustitia: Primum potest sumi tripliciter Primò, quod miscibilia habeant æqualitatem quantitatis molis, & virtutis: Secundò, quod habeant tantum æqualitatem molis: Tertiò, quod habeant solum æqualitatem virtutis, & isti tres modi sunt impossibiles in natura, vt per se patet. Æqualitas autem, seu temperamentum à iustitia attenditur in commensuratione miscibilium secundum proportionem debitam, & secundum exigentiam formæ introducendæ: Hæc autem est præcipue in homine, sed quia non est punctalis, habetque latitudinem,

rudinem, & gradus : Hinc in statu gloriæ est sine pugna , discordia, & repugnantia siue actu, siue potentia : In statu innocentia erat & consimilis quoad actum ratione intrinseci adiutorij animæ gubernantis corpus, & extrinseci ratione alimenti nutrientis : aderat tamen possibilitas ad inæqualitatem, & hoc ob defectum vel virtutis conseruatiuæ, vel alimonix : In statu miseriæ est æqualitas, sed diminuta, quæ necessariò est cum discordia, & pugna. *Lib. 2. distinct. 17. quæst. vltim.*

P. CVM quo temperamento in animantibus stat prædòminium elementorum passiuorum quoad quantitatem molis, & actiuorum quoad quantitatem virtutis, & hoc vt sint habilia ad vitam, ad motum, & sensum, de quo dicitur in lib. de Anima. *Lib. 2. distinct. 15. art. 1. quæst. 3.*

2. VLTIMO loco agendum est de mixtis imperfectis : Corpora autem imperfectè mixta, qualia sunt metalla, & mineralia generantur per virtutem, & calorem corporum cœlestium in elementa secundum conciliationem ab æqualitate remotam : Inter ista autem datur latitudo gradualis in prætiositate, quæ desumitur ex maiori, vel minori ponderositate, & soliditate : hinc aurum est cæteris prætiosius, quia est solidius, & ponderosius, quæ regula tamen fallit in plumbo, & ferro. *Brenil. part. 2. cap. 4. & lib. 2. distinct. 15. articul. 1. quæst. 3. in corp. & Serm. 2. de vna S. Virgine.*

R. QVIA aër est locus impressionum, ascendunt enim ad ipsum vapores, & exhalationes terræ, & aquæ : hinc ibi generantur variae impressiones, suntque sequentes. Cometes igitur, licèt appareat quasi stella, non est tamen aliud, quàm vapor inflammatus ex vicinitate ignis : hinc comas luminis fundit, & dicitur significare mutationem, aut bella, aut pestilentias, aut mortem Regum, quæ significatio tamen non est naturalis, sed quando eueniunt illi effectus, talis cometæ apparitio potest esse ex iussu Diuino ob varios fines suæ prouidentia.

CORONA est albus circulus apparens circa Solem, Lunam, vel Stellæ causata ex reliquiis nubium per planetarum radios attractis, & illuminatis, signumque est serenitatis, aliudque circulus est ascendens, aliud descendens : Primus est ex partibus vaporis inflammati in supremo aëris : Secundus est ignis retentus in nube, qui deorsum expellitur obuiante nube frigida, quia continuè cadit, ideo ap-

**paret caudatus** : Lumen , quod videtur de nocte discurrentibus se præcedere , est vapor compactus descendens , cui cum nihil obuiet , confricatione sui ipsius accenditur , & aliquandiù statim aëre ab aliis dicitur ignis fatuus.

**DRACO** est vapor fortis conglobatus , qui est nubes frigida ad vnum latus , & ad aliud calida , & tunc ob conuenientiam ad calidum trahitur ad illud , & ita accenditur pars anterior , & hæc videtur quasi spiramen draconis : media verò pars incuruatur , vt serpens , & volat semper ad latus , vbi calidum circumstat ipsum.

**NUBES** gignitur ex vaporibus aqueis paludosis , & humidis sursum extractis à virtute solis.

**NEBULA** est id , quod ex nubibus aquam pluentibus relinquitur : Caligo est vapor tenebrosus , qui remanet iuxta terram : Ros est id , quod descendit ex vapore paruo , redigiturque in paruas guttas : Pluuia est aqua descendens ex nubibus resolutis . Pruina est ex vapore rorido , quæ congelatur , antequam ex ipsa resoluatur aqua : Nix generatur in nube calidissima , cuius congelatio fit cum conuersione in aquam , idè partes eius inspissantur : Grando generatur ex nube calidissima virtute Solis multum eleuata , quæ resoluta in aquam congelatur in medio interstitio aëris : Tonitruum est vaporis sicci egredientis de nube humida , vel frigida , & humida : Coruscatio est illuminatio vaporis sicci incensi in vapore humido : Fulgur gignitur ex vapore grosso eleuato , & calore siccato , quia cum sit igneæ naturæ , vi ventorum contra naturam descendit , & vrit , & nihil ei resistit æstate præcipuè , & in montibus percutit frequenter : Fulmen est vapor terrestris , & inflammatus , qui quando tangit nubem , quæ iam est in conuersione ad aquam , conglutinator : sicque decoquitur fortissimo calido , & induratur in lapidem : Iris est lumen Solis receptum in nube concaua , & aquosa , solique ex aduerso opposita : Glacies est aqua congelata : Ventus est vapor terreus aëris superiora transcendens , & aërem fortiter percutiens , & impellens , vel etiam potest esse aër excitatus : Venti sunt quatuor principales , scilicet Subsolanus ab Oriente : Auster à Meridie : Aquilo à Septentrione : & Zefirus ab Occidente : Sunt & alij laterales : Turbo est ventus egrediens de nube in seipsum reflexus , vel duo venti lateraliter sibi concurrentes , se seque iuxta terram orbiculariter inuoluentes : Terræmotus est vapor grossus extractus de profundo terræ non potens exire superficiem

ciem terræ ob ipsius soliditatem, sicque coarctatus in interioribus concauitatibus terram concutit. *Comp. Theol. lib. 2. cap. 8. & 9. & Serm. 4. Hexaim. Serm. 1. de B. Virgine, & lib. 2. distinct. 14. part. 2. quæst. ultim. ad 4. & lib. 4. distinct. 47. art. 2. quæst. 1. in corp. & in Eccl. cap. 1. vers. 6. & in Sap. cap. 5. vers. 11. de Vento.*

Hic non subiiciuntur Notationes, quia satis explicatur sensus Seraphicus in quæstionibus sequentibus: Solùmque aduerto Seraph. Doct. pro vno, & eodem vsurpare nomen vaporis, & exhalationis, licet communiter exhalationes sumantur pro terreis, & vapores pro aqueis.



## QVÆSTIO PRIMA.

### Quid sit Elementum.

110. **P**Ro intelligentia huius quæstionis obseruandum ex Aresio hoc nomen Elementi esse nomen nõ naturæ, sed officij, cum enim omnia elementa sint diuersæ naturæ inter se, & omnia concutiant ad generationem mixti, idèò appellantur indifferenter eodem nomine elementi: Vnde elementum primò potest sumi communiter pro omni eo, quod est primum componens aliquod, diciturque à Seraph. Doct. *lib. 1. quæst. 1. Proæm. in corp. & in Comp. Theol. lib. 2. cap. 2.* primum elementale, vel radicale, vt est in Grammatica littera: in Geometria punctum: & in rebus naturalibus materia, & forma: Secundò potest sumi elementum propriè pro quatuor principiis omnium elementatorum, & mixtorum, & de hoc procedit Quæstio, quid sit: Cui res-

pondetur ex Aristot. 3. *Cal. t. 31.* Elementum corporum mixtorum est id, in quod alia corpora diuiduntur, quod inest potentia, aut actu: ipsum vero est indiuisibile in diuersas species, scilicet, Elementum est illud corporum perfectiorum, seu corpus simplex, quod est indiuisibile in alia corpora differentia specie, & quod componit alia corpora mixta, quæ cum resoluuntur, in ipsa Elementa resoluuntur: Explicatur autem hæc definitio: Dicitur, *corporum, seu corpus simplex perfectum*, quia constant ex materia, & forma: Dicitur, *in quod alia corpora resoluuntur*, quia in elementa omnia mixta resolui debent, cum ex elementis componantur: Dicitur, *indiuisibile in diuersa specie*, vt excludantur mixta, quæ possunt diuidi in elementa: ipsum enim elementum licet possit diuidi in partes, non tamen diuersas specie: Dicitur, *actu, vel potentia*, quia mixta continent vel actu, vel potentia elementa: de quo infra.

DICES: Elementum resoluatur in aliud elementum: ergo resoluatur in diuersa specie.

RESPONDETUR distinguendo antecedens, resoluatur, idest ex vno elemento generatur aliud elementum, concedo, eo modo quo dicitur infra: resoluatur propriè, nego: Nam propriè id resoluatur in aliud, in quo continetur tanquam in componente, quo pacto mixta resoluuntur

in elementa : Quæ definitio communiter ab omnibus acceptatur : sicut & à Seraph. Doct. *suprà cit.* solùmque Seraph. Doct. à communi discrepat in hoc , quod Alij communiter sustinent elementa esse prima corpora : at Seraph. Doct. ex traditis in *Phys.* cum sustineat in materia formam corporeitatis , & quantitatem coëvam , per consequens si elementa sunt composita ex materia , & forma , corporea , & quanta , dicendum est elementa constitui in esse per propriam formam substantialem , esseque tertiam entitatem resultantem ex unione talis formæ , & materiæ corporeæ. Hinc sequitur , cum elementum sit in se quid completum , & absolutum , definitionem *suprà* traditam esse tantum per ordinem ad compositum , obidque ipsis competere aliam priorem , quæ potest esse : Elementum est id , quod primo constituit hoc universum completum , quod *infra Luna ambitum continetur* , & in quod ultimum resolvi potest : Sic & Serbellon. *disp.* 3. num. 2.

Hæc verò disquirunt , quænam sit hæc forma substantialis elementorum , nempe an sint qualitates ipsorum innatæ.

PARTEM affirmantem sustinuerunt Philosophi Græci , & novissimè Cremoninus.

NEGANTEM verò communiter sustinent omnes Latini cum Aristot. nempe qualitates primas , quæ sunt calor , frigus , siccitas , & humiditas , esse formas accidentales superadditas , ipsisque elementis inesse suam propriam formam substantialem , constitutivam ipsorum in tali specie , scilicet vel terræ , vel aquæ , vel ætris , vel ignis.

RATIO autem est , quia tales qua-

litates in cæteris sunt accidentia : ergo & in elementis , quod enim vni est accidens , alteri nequit esse substantia. Tum etiam quia videmus has qualitates remanere in Sacramento Eucharistiæ , in quo nulla est substantia : vnde opinio Cremonini est valde suspecta in fide , sicut & multæ aliæ propositiones , quas ipse tradidit in sua Philosophia cum maximo animarum detrimento : Hinc dicendum est quodlibet elementum propriam sibi vindicare formam substantialem.

OBIICT Cremoninus plures autoritates Aristot. in quibus qualitates appellat formas , differentias elementorum , materiam mixti , sed

RESPONDETUR aliquando dici formas , scilicet primas formas sensibiles , per quas cadunt sub sensu elementa , quæ multoties circumscribit , & describit Arist. per istas qualitates tanquam per quid notius , & veluti per proprietates accidentales ipsarum.

## QVÆSTIO II.

### *De Numero Elementorum , & Qualitatum primarum.*

III. DE numero elementorum sic dicitur apud Antiquos varius fuit sensus , sic & apud Recentiores. Alij enim solùm tria elementa recognoscunt scilicet terram , aquam , & ærem , rejicientes ignem ab hoc numero : sic Cardanus , Tassonus , Aliique cum Morando : Alij duo tantum admittunt scilicet terram , & aquam : Ignem verò volunt esse acci-

dens ,



eidens, & Aërem aquam rarefactam :  
Sic Palqualig. cum Aliquibus.

COMMUNIS sententia Peripatheticorum, Platoniorum, & Theologorum sentit esse quatuor elementa : Sic & Setaph. Doct. hanc veritatem semper supponit præcipue lib. 2. *distinct.* 14. *part.* 2. *dub.* 1. & *dist.* 15. *art.* 1. *quæst.* 2. & 3. & lib. 4. *dist.* 49. *artic.* 4. *part.* 2. & *distinct.* 48. *art.* 2. *quæst.* 3. & *Brenil. part.* 2. *cap.* 3. & *Comp. Theol. lib.* 2. *cap.* 8. & *alibi pluries*. Pro solutione quæstionis

PRIMO Notandum, quod ad hoc ut tollatur omnis ambiguitas in hac materia, nomine ignis, aëris, aquæ, & terræ, prout elementa sunt, non sunt sumenda hæc vusualia, quæ præ manibus habemus, quicquid dicat Mastrius *diff.* 4. *de Cælo num.* 4. asserens ista elementa vusualia non esse pura ex ea parte, qua ipsi immixtæ sunt qualitates extraneæ, ut in aëre sunt vapores, & exhalationes terræ, at id est falsum : nam, ut notat Seraph. Doct. lib. 2. *distinct.* 14. *part.* 2. *dub.* 1. & *distinct.* 15. *artic.* 1. *quæst.* 2. *ad* 5. ista non sunt elementa, sed corpora mixta habentia operationes proprias mixti, & ob id is, quem hic vocamus ignem, non est elementum ignis, sed quoddam mixtum, in quo prædominatur ignis; & ratio est, quia elementum componit, non destruit : iste verò ignis destruit, & dissolvit omnia sublunaria; quare æquiuocè solum dicitur ignis, sicut homo dicitur terra, vel aqua : sic etiam dum dicitur aquam esse mixtam ex quatuor elementis, & ideo in ipsa ignem inesse, non est intelligendum, quod in aqua insit iste noster ignis, sed tantum elementaris : Quis ergo erit ignis elementum.

112. SECUNDO Notandum ex Seraph. Doct. lib. 2. *distinct.* 17. *art.* 2. *quæst.* 2. & *distinct.* 15. *art.* 1. *quæst.* 3. in corp. & lib. 2. *distinct.* 13. *art.* 2. *quæst.* 1. in corp. & *articul.* 3. *quæst.* 1. & 2. & *distinct.* 14. *part.* 1. *art.* 1. *quæst.* 2. in corp. & lib. 2. *dist.* 12. *dub.* 1. & lib. 1. *distinct.* 10. *quæst.* *ultim.* & *plurib. aliis locis*, quod ignis elementaris aliquando appellatur nomine spiritus, aliquando caloris substantialis, aliquando virtutis substantialis, aliquando substantiæ subtilis, aliquando lucis, & luminis substantialis : Aër verò sub nomine spiritus, vaporis, & aëris : Aqua sub nomine aquæ, vel humoris fluctuantis : & Terra sub nomine aridæ, & humus : Hinc concludendum est, quod ignis, & aër elementares sunt quædam substantiæ subtiles, seu spiritus, seu halitus viuidi, efficaces, & actiui, qui secundum maiorem, vel minorem subtilitatem dicuntur vel iguei, vel aerei ex Seraph. Doct. lib. 2. *dist.* 14. *part.* 1. *quæst.* 1. *argum.* 4. *ad oppos.* & *dist.* 15. *art.* 1. *q.* 2. & 3. & per consequens elementaris terra, & aqua non est ista, quam videmus, sed sunt quædam substantiæ fixæ, fluxibiles, & inuisibiles (quod enim videmus, sunt accidentia mixtorum tantum, ait S. Bonavent. lib. 2. *dist.* 12. *art.* 1. *quæst.* 3.) & sic aqua elementaris est liquor aqueus, qui dum terræ miscetur, fit humor, virtuteque ignis, & aëris, id est spirituum illorum subtilium viuidorum, & actiuorum coagulatio fit, & inde mixtum, & deinde virtute ipsorum corpus organicum, & hinc viuientia habentia vitam, sensum, & motum, quæ mixta sunt magis, vel minus perfecta, grauius, leuius secundum magis, vel minus prædominium calium spirituum

spirituum elementarium : Hanc doctrinam etiam tradidit P. Cabæus in suis *Metheoris lib. 4. text. 39. quæst. vnic.*

TERTIO Notandum, quod difficultas maxima est de loco elementorum, & præcipue ignis : an verè sit in concavo Lunæ : Multi id negant ducti diuersis rationibus, quæ verè sunt tantum apparentes, vt mox patebit : Pro quarum solutione Aduertendum id, quod in *Phys.* fusè traditum est ex Seraph. Doct. nempe vltra propria elementa posita ordinatum in suis locis, Deum concreasse in seminario materiæ omnes formas corporeas in esse imperfecto, & per consequens etiam formas elementares, quæ secundum varias dispositiones exeunt inesse ad constitutionem mixtorum : Sic *lib. 2. dist. 12. artic. 1. quæst. 3. & art. 2. quæst. 3.*

113. QUARTO Notandum, quod sicut dantur quatuor elementa, ita & quatuor primæ qualitates sensibiles ; suntque calor, frigus, siccum, & humidum, quæ ( ait S. Bonauent. *lib. 2. distinct. 14. part. 1. quæst. 2. ad 3. & 4.* dicuntur primæ, scilicet inter sensibiles, & habentes contrarietatem : nam dantur aliæ ipsis priores, quæ non sunt sensibiles, nec contrariæ, vt in cælis, & in ipsis elementis præsupponitur quædam qualitas intrinseca substantialis, quæ est veluti origo omnium aliarum : Sic *lib. 1. dist. 3. part. 2. art. 1. quæst. 3. in corp.* & *lib. 2. dist. 13. art. 3. quæst. 2.* & *lib. 4. distinct. 48. art. 2. quæst. 3. & Breuël. part. 2. cap. 3. & lib. 3. dist. 15. dub. 2.* quæ qualitas originalis est remissibilis, & intensibilis non in se, sed vt est in subiecto hoc tali, vel tali modo disposito ad agendum : De dictis qualitatibus elementorum

sensibilibus excitantur à DD. plures quæstiones, sed potissimæ sunt : Primo, an sint formæ positiuæ, an verò solum priuationes : In qua communis opinio ferè omnium ( excepto Cardano id negante de frigore, & siccitate, & sustinente illud esse negationem caloris, istam negationem humiditatis ) docet esse formas positiuas, licet in ipsarum actione, & pugna interueniat etiam aliqua priuatio maximè in reactione : sunt enim contrariæ, & sensibiles, & actiuæ, vt experientia ipsa testatur : Hinc definitur communiter calor, *quod sit congregatum homogeneorum, & disgregatum heterogeneorum* : Et è contra frigus *congregat utraque simul* : Humidum, *quod faciliè terminatur termino alieno non proprio* : Siccum è contra, *quod faciliè terminatur termino proprio, difficilè alieno, cum difficulter ob duritiem accommodetur figura aliena* : *lib. 2. dist. 14. part. 2. dub. 1.* Suntque definitiones istæ bonæ datæ, tamen à posteriori per proprietates, & per ordinem ad mixti compositionem, & licet in aliquibus videatur, verbi gratiâ, calor congregare heterogenea, vt ceram, picem, stagnum, id evenit per accidens, quatenus maximè assimilantur in fluxibilitate, alisque proprietatibus : Altera consequens quæstio est, in quo gradu, & quænam insint ipsis quatuor elementis. Pro cuius solutione

QUINTO Notandum, quod cum quatuor elementa recto ordine sint disposita principaliter propter duo munera : Primum est, vt tanquam partes integrales vninerſi ita disponerentur, vt vnum esset alterius locus proportionatus : hinc terræ locus continens est aqua : aquæ, & terræ ær : æris est ignis : Secundum,

dum, vt inuicem transmutentur pro mixtorum constitutione: hinc sequitur, quod ipsis insint qualitates proportionatæ ad exercenda ista duo munera: Pro primò exigitur qualitas symbolica ad conseruationem actiuam, & passiuam loci, & locati: Pro secundo munere requiritur in vnoquoque qualitas, per quam vnum sit alteri contrarium, vt ex pugna sequatur transmutatio, hinc in terra adest siccitas in esse summo, & frigiditas in esse remisso, per frigus conuenit cum aqua, per siccitatem disconuenit, in aqua adest frigiditas in summo, & humiditas in esse remisso: in aëre humiditas in summo, calor in esse remisso; & ignis calidus in summo, & siccus in esse remisso; quam coniugationem qualitarum communiter sustinent Peripathetici, licet impugnetur à pluribus Recentioribus, ad quos remittimus Lectorem: grauiora enim dicenda Nos vrgent, solùmque supponimus cum Seraph. Doct. & communi, omnes istas qualitates esse actiuas; verum tamen est, quod si comparentur ad inuicem, duæ appellantur passiuæ, sicut & duo elementa, & duæ actiuæ: istæ sunt calor, & frigus: illæ siccum, & humidum: De quo vide S. Bonauent. lib. 2. dist. 15. art. 1. quæst. 3. & quæst. 2. ad argum. & dist. 14. pars. 2. dub. 3. & lib. 4. dist. 48. art. 2. quæst. 3. & comp. Theol. lib. 2. cap. 2. & 8. & Brevil. part. 2. cap. 3. Gentil. part. 3. f. 11. & Serm. 6. Hexæm.

An verò possint istæ qualitates in summo simul inesse in eodem elemento, dicetur in solutione quæstionis. His positis

114. PRIMA CONCLUSIO: Elementa sunt quatuor nec plura, nec pauciora: Est S. Bonauent. citat. &

communior cum Arist. & seq.

PROBATVR autem primò ex definitione elementi: Elementum est primum componens, in quod id, quod resoluitur, reducitur, sed quatuor sunt ea, in quæ omnia mixta resoluantur, vt patet, verbi gratiâ, in carne, quæ resoluitur in puluerem, humorem, spiritum, & in partes igneas, quæ tamen non possunt diuidi in alias partes, specie diuersas: ergo. Idem & in sanguine extracto à venis, qui resoluitur in partes quatuor correspondentes quatuor elementis, in ligno quando comburitur.

PROBATVR secundò ex contrarietate qualitarum: dato enim in rerum natura altero contrario necessario est dari alterum contrarium (id enim spectat ad perfectionem vniuersi), sed datur terra tanquam centrum vniuersi, circa quod voluitur cælum: ergo debet admitti ignis terræ contrarius ratione caliditatis, & leuitatis: igni autem, & terræ contrariantur aqua, & aër per frigiditatem, & humiditatem, & media loca inter illa extrema vendicant: ergo alia duo debent admitti.

PROBATVR tertio ex motu locali corporum: nam datur motus rectus duplex ad locum superiorem, & duplex ad inferiorem, scilicet alter simpliciter, alter secundum quid: idè debet dari elementum graue simpliciter, scilicet terra, & secundum quid vt aqua: Item & leue simpliciter scilicet ignis, & secundum quid, idest aër.

PROBATVR quarto ex combinatione qualitarum: Datâ enim vna qualitate contraria in summo datur & altera: Sic Seraph. Doct. lib. 2. dist. 14. pars. 1. art. 1. quæst. 2. ad 4.

OBIECIES.

Obiicies primò : Ignis non est corpus simplex : ergo non est elementum : Consequentia patet, quia si est ignis, ergo est in materia, sed hæc debet esse informata alia forma, siquæ erit substantia supra substantiam, quam deposcit : ignis enim non potest esse absque materia aliena, sine qua perit : ergo non est elementum, cum debeat esse corpus simplex.

CONFIRMATUR : quia ignis non solum non facit ad mixtionem, sed potius ad destructionem mixti. Tum quia suo calore omnia depascit. Tum quia in mixtione debent refrangi qualitates, quod non evenit in igne, in quo semper est calor in summo ; ergo.

CONFIRMATUR iterum difficultas : nam si sine alimento non potest conservari, cum in concavo Lunæ nullum sit pabulum, per consequens nec ibi datur. Tum etiam quia cum sit formaliter calidus in summo, si Sol, qui tantum est virtualiter calidus, diffundit in hæc inferiora calorem maximum, multò magis deberet diffundere ignis elementaris, siquæ comburere omnia. Tum etiam quia deberet esse sensibilis oculis nostris, sicuti sunt stellæ, &c. Hinc dicendum est ignem esse quid fictitium.

115. Hæc sunt præcipuæ obiectiones, quas fuscè cum pluribus instantiis congerunt Aduersarij, quæ tamen non cogunt, nec vltius sunt momenti : Hinc ad primum antecedens Respondetur concedendo ignem non esse corpus simplex : nam primò in Seraphicis principiis ignis elementaris constat ex materia prius informata forma corporeitatis, & sua forma : Secundò, quia Nos non

habemus vllum elementum purum : omnia enim sunt mixta, quæ videmus, & sentimus. Tum quia, vt docet S. Bonavent. lib. 2. dist. 15. art. 1. quæst. 2. ad 5. si etiam daretur elementum purum, cum sit compositum ex materia, & forma, & in materia adsint vt in seminario omnes formæ corporeæ, & per consequens & alia elementa in esse potenciali, & physico : hinc patet, in quo sensu intelligi debeat illa propositio, Elementum debet esse corpus simplex, idest simplex per oppositionem ad mixtum corpus, non secundum se : Et ad consequentiam, quæ negatur, Respondetur, quod in his mixtis, in quibus prædominatur ignis, requiritur pabulum, vt conservetur in esse, eo quod cum in his inferioribus sit extra suam spheram, & tendat perpetuò ad ipsam, vt hic conservetur, saltem ipsam specie exigit pabulum, vt sit in continuâ generatione, sicut fluvius, qui tandem deficit, si aquæ non succedant aquis : Ratio est, quam affert Seraph. Doct. lib. 4. distinct. 48. art. 2. quæst. 3. in corp. quia cum res appetant naturaliter esse perpetuum, & hinc formæ passivæ tam accidentales, quam substantiales appetunt continuare esse suum per continuam adherentiam cum materia, actiuæ verò per multiplicationem sui in altero, sic est forma ignis in his inferioribus, quæ ratio actiuæ, & sui multiplicatiua quoad actum ipsi non inest in sua sphaera, cum non adsit generabilitas : Et ad illud de igne destruyente Respondetur ignem extrinsecum esse causam destructionis ob rationem allatam, non verò ignem intrinsecum, & naturalem, qui ingreditur necessariò ad quancunque generationem : hinc negatur propositio

fitio illa, quod & in sequentibus melius patebit: Ad aliam Confirmationem negatur, quod ex positione ignis in concauo Lunæ debeat consumi iste mundus inferior. Tum quia Deus disposuit quatuor elementa ordinatim tam in magnitudine, quam in virtute actiua, & restitiua in tali proportionem, quanta sufficit, ne vnum absorbeat aliud, & illud totaliter destruat; licet enim sit maximæ actiuitatis, est tamen minimæ virtutis restitiuæ, in qua cætera elementa excedunt: hincque licet superior pars aëris sit calidissima ob vicinitatem ignis: media tamen est frigidissima tum ob frigida metheora, quæ ibi continuè generantur, tum ob notabilem distantiam ignis, tum etiam quia ob raritatem maximam ipsius ignis non tam intensè agit in sua inferiora: densitas enim in materia ignita facit ad maiorem intensiorem, nec indiget in illa sua sphaera pabulo, sed quietè conseruatur in sua materia, cum ibi non adsit causa generationis mixtorum, vt in his inferioribus: Et ad illud de sensibilitate

RESPONDETUR primò ex D. Thom. negando ignem in statu suæ puritatis lucere, ita vt visionem terminare possit: Sic *pars. 1. quæst. 66. art. 1. ad 2.* Hic verò videtur ob humorem illi admixtum. Tum quia est mixtum, quod videtur: color enim est qualitas proueniens ex admixtione primarum, & consequenter elementorum. Tum etiam non est visibilis in sua puritate à nobis ob suam maximam raritatem, vt euenit etiam in cælis (ait Seraph. Doct.) in quibus videntur stellæ tantum ob densitatem illius materiæ: Aliqui etiam negant ignem in sua puritate esse in-

R. P. Barr. de Castroreio Phil. P. III.

visibilem: videtur enim caruleus color infra concauum Lunæ, qui est proptius ignis, vt patet in noctu supra fornacem, & in cuspide candela.

INSTAT Serbellon. Ad nihil inferuire ignem in illa sphaera superiori, nempe nec ad ornatum vniuersi, nec ad hoc vt superiora corpora influant in hæc inferiora: non primum, quia iste ornatu non cadit sub sensu: nec secundum, quia sufficit continuatio aëris vsque ad cælum Lunæ. Tum etiam quia si exigitur ad generationem horum inferiorum mixtorum, sufficit inferior, quem præ manibus habemus: patet enim illum ignem non descendere in terram.

RESPONDETUR negando primum assumptum: ad probationem Respondetur collocatum fuisse ignem in sua sphaera ob vtrumque respectum, nec esse necesse, vt ornatu sit sensibilis, eo modo quo sunt mixta: sicut nec est media, & suprema pars aëris sensibilis, & tamen ab ipsis Aduersariis admittitur. Tum ad continuationem influxuum: Et ad id quod sufficit iste ignis inferior: Respondetur hunc sufficere ad mixtorum generationem, quia educitur ex Seminatio materiæ, sicut & cætera elementa: aliàs nec alia tria essent necessaria in sua sphaera.

116. SECUNDA CONCLUSIO: Primæ qualitates sensibiles, scilicet calor, frigus, humiditas, & siccitas sunt qualitates positiuæ, & à substantia elementorum realiter distinctæ: Ita Seraph. Doct. *loc. citat. in 4. notab.* D. Thom. Scot. & communis ferè omnium contra Serbellon. hæc disputat. 3. quæst. 1. Guarin. *diff. 1. de elem. exp. 10.* Ariag. hæc disputat. 4. N Aliosque

Aliosque paucos sustinentes humiditatem, & siccitatem esse modos identificados cum substantia, non verò qualitates accidentales; & Serbellon. addit aërem non habere ullam qualitatem connaturalem, sed esse indifferentem ad omnes. Alij volunt frigus esse tantum priuationem caloris.

CONCLUSIONIS veritas patet experientia, & ratione: nam verè sentitur, sed priuario, & nihil verè sentitur. Tum quia destruitur in corpore humido ipsum humidum absque destructione substantiæ: videmus enim exsiccati ligna, vestes, &c. Tum & in Eucharistia remanet humidum, & non substantia vini. Tum quia istæ qualitates alias consimiles producant.

OBIECTES ex Arriaga, & Serbellon. *cit. num. 43.* Si inter Oceanum, & corpus interponatur vitrum tenuissimum, illud corpus non humectaretur: ergo signum est corpora humectari solum per intromissionem corporis humidi: ergo signum est humiditatem non esse aliquid distinctum à corpore: Item & Serbellon. fatetur se cum multorum admiratione expertum fuisse spongiam siccissimam inclusam in vitro immerso in aqua non fuisse humectatam: Vnde subdit, nescio certè, quo pacto Ouiedus, & Spinula irrideant Arriagam inferentem ex hoc experimento humiditatem non esse separabilem ab aqua, sed certè isti Authores nimis leui fundamento fundant suam ipsorum opinionem contrariam communissimæ omnium Philosophorum non aduertentes, quòd diuersimodè loquendum est de humiditate, & calore, & frigore: humiditas enim, licet sit actiua, est

tamen magis passiuæ, & cum non habeat tantam actiuitatem, quòd agere possit in medium tam densum: Hinc

RESPONDETUR primò negando Consequentiam, solum enim inferitur ex illo experimento humiditatem non esse tam actiuam, quòd agere possit per medium tam densum, quale est vitrum, vel saltem agere solum per contactum.

RESPONDETUR secundò negando antecedens absolutè; quia videmus aliqua corpora humectari posita in loco humido, etiam si non sint applicata corporibus humidis, vt patet in saccharo incluso in aliquo vitro, & tamen humiditatem patitur: Negat Arriaga hoc, quòd ipse expertus est cremorem tartari inclusum per quatuor hebdomadas in vitro posito in vase aquæ nunquam humectatum fuisse, & ob hoc experimentum ipse discedit à communi opinione, cuius effectus suprà rationem dedimus, & oppositum in saccharo damus.

OBIECT Guarinus secundò: Ignis liquefacit metalla, illaque humectat: ergo si ignis est calidus, & siccus, ipsam humiditatem non potest producere: ergo est quid identificatum cum ipsis metallis.

RESPONDETUR concedendo antecedens, & negando humiditatem non posse produci ab igne tanquam à causa æquiuioca: sic etiam non semper calor à calore producit, sed à motu, à confricatione: Vnde ignis disgregat partes metalli, quæ quia radicaliter petunt esse vnitæ, idèò & disgregatæ remanent vnitæ cum aliqua vnione, & adeò fluidæ, & humidæ.

OBIECTES tertio ex Serbellon. Non

Non potest produci humiditas, & siccitas sine sua substantia, ergo non est accidens realiter distinctum. Consequentia probatur, accidens est, quod adest, & abest, & augetur absque substantiæ generatione, & corruptione, sed istæ non sunt huiusmodi: etgo.

PROBATVR antecedens, & Min. Corpus, dum humectatur, fit grauius, ac prius erat: ergo non per solam additionem humiditatis tantquam qualitatis accidentalis, sed per additionem nouæ substantiæ humidæ intromissæ intra illos poros.

PROBATVR consequentia, quia grauitas non est proprietas humiditatis: ergo si additur, additur ratione nouæ substantiæ.

RESPONDETUR concedendo aliquid corpus humectatum fieri grauius non ratione humiditatis, sed ratione intromissionis in illis poris vel aquæ, vel aëris crassi: quodque pater, si illud corpus humidum exponatur Soli, vel Boreæ: tunc enim vapores attrahuntur, & leue remanet: ergo signum est aliquid fuisse in poris, per quod reddebatur graue.

QVÆRES; à quam causa producuntur illæ quatuor qualitates; & an sint omnium primæ.

RESPONDETUR ex S. Bonau. lib. 2. distinct. 13. artic. 2. quæst. 2. ad ultim. & lib. 1. dist. 3. part. 2. art. 1. q. 3. quod producuntur à substantia, cuius sunt accidentia, & præcipuè à forma elementari simul adiuta à quadam virtute substantiali, quam Auerfa, & Roccus apud Meldul. disputat. 1. n. 16. & ex parte etiam ipse admittit num. 30. quæ dicuntur primæ non absolute, vt dictum est, sed inter sensibiles, quæ non sunt ex aliis,

sed aliæ, quæ dicuntur secundæ, sunt ex ipsis: Vnde postea variæ oriuntur ex petmixtione ipsarum prædominante altera, exceptis quatuor, vt si prædominium sit humidum, fit molle, lubricum, leue, & tenue: si sit siccitatis, fit durum, aridum, asperum, & crassum: si sit calidi, fit leue, & graue ex frigido, & sic dicendum de aliis penè infinitis, de quibus potest videri Eustachius in sua Logica cap. de qualitatis tertia specie.

### QVÆSTIO III.

*Soluuntur aliqua dubia circa Elementa.*

QVÆRES primò: cuius figuræ sint elementa.

117. RESPONDETUR ex S. Bonau. lib. 2. distinct. 14. part. 2. dub. 1. & lib. 4. dist. 48. art. 2. quæst. 3. in fine, & serm. 3. de B. Virgine, esse figuræ sphericæ, quod pater de igne, & aëre, quæ sunt elementa leuia, & de terra, & aqua, quæ sunt grauius: illa enim scilicet leuia petunt ad circumferentiam, & supra grauius, ergo sphericam petunt figuram: sic enim æqualiter accedunt, vel recedunt à centro, alioquin inæqualiter distarent à centro. Tum etiam quia debent accommodari continenti loco, qui est cælum: ergo sunt sphericæ figuræ: Idem quoque argumentum, & ratio currit in grauius: Addimus huic Conclusioni terram, & aquam constituere vnum globum, licet enim, vt ait Seraph. Doct. in Psal. 65. & lib. 2. distinct. 14. part. 2. dub. 1. in principio ita aqua immixta

N 2 erat

erat terræ, vt aqua cooperiret totam terram, arcamen postea fuit facta segregatio in tertia die, vt apparet arida ad viuientium habitationem, & tunc factus fuit vnus globus ex vtroque elemento non quidem perfectè sphæricus ob gibbositatem montium, collium, & diuersitatem vallium. Quod verò sint sphæricæ figuræ, patet, quia signa Orientalibus prius oriuntur, quàm Occidentalibus. Tum quia si Eclipsis Lunæ Nobis contingat prima hora noctis, Orientalibus Populis accidet tertia, verbi gratiâ, hora, quia prius nox accidit, & occidit Orientalibus, quàm Occidentalibus, quod signum est huius rotunditatis, & id maximè notum est Lusitanis, & Hispanis enauigantibus, & circumeuntibus terram. Ex qua rotunditate inferunt Mathematici multa scitu digna, verbi gratiâ, duos homines magis distare secundum capita, quàm secundum pedes: duos pariter vnus torris ad perpendicularum erectos plùs inter se distare in cacumine, quàm in fundamento: ratio est, quia graua descendunt ad centrum per lineas rectas non parallellas, sed angulum facientes in centro, quarum natura est, quòd eò plùs inter se distant, quò magis à centro recedunt, quia maiorem circuli peripheriam intercipiunt, & tantùm graua sustentantur, in quantum centrum respiciunt per lineam rectam: nam si auferetur impedimentum, statim descendunt ad centrum: cùm ergo isti homines, ac pariter per istas lineas respiciunt centrum, quæ magis inter se distant, quò magis à centro recedunt: hinc & maior erit peripheria circuli versus summitatem, & caput, quàm versus

imum, & pedes: Item maius spatium conficit homo ambulando, & velocius mouetur secundum caput, quàm secundum pedes ob eandem rationem, scilicet, quia maiorem circumculum designat circa centrum per caput, quàm per pedes: Alias experientias afferunt Clavius in cap. 1. *Sphæra*, & Meldul. *diffusant*. 4. *de Cælo num.* 98. quas quisque poterit videre verè mirabiles, sed veras.

118. QVÆRES secundò: an idem sit centrum aquæ, & terræ cum vniuerso.

PRO responsione aduertendum est, quòd duplex centrū in corpore sphærico assignatur, scilicet centrum magnitudinis, & grauitatis: Primum est punctum illud, à quo omnes lineæ ductæ ad circumferentiam sunt æqualis magnitudinis: Secundum est punctum aliquod alicuius lineæ, in quo, si fiat diuisio, partes erunt æqualis ponderis, & grauitatis, hoc autem potest esse duarum partium æqualium tam in magnitudine, quàm in grauitate, verbi gratiâ lignum diuisum in duas partes æquales vtroque modo, vel potest esse ita, vt vna pars excedat alteram in magnitudine, non verò in grauitate, vt ex vna parte sit lignum, ex alia plumbum: Vtrumque autem centrum potest sumi vel Mathematicè, vel Physicè: Primo modo est, cùm lineæ ab vtroque ductæ omnino æquales: Secundo modo est, cùm adest aliqualis inæqualitas tam in magnitudine, quàm in grauitate, sed tam modica, vt non appareat: vnde vulgari modo dicuntur æquales: Sic habetur ex Meldul. *diff.* 4. *cit.* n. 106. Hinc

RESPONDETUR, quòd iste globus, si consideratur in prima sui constitutione,



tutione, quando terra erat commixta cum aqua, tunc erat idem centrum vniuersi viroque modo; scilicet in magnitudine, & gravitate: sic etiam inferitur ex doctrina Seraph. Doct. quam tradit sparsim lib. 2. distinct. 12. & 14. part. 2. Si verò sumitur post tertiam diem post segregationem aquæ à terra, dicendum est non posse assignari idem centrum magnitudinis Mathematicè tum in sola terra ob inæqualitatem ipsius terræ, quæ continet & montes, & colles, & valles, & cauitates, tum in terra simul cum aqua ob inæqualitatem externarum partium, bene autem Physicè: quicquid dicat Ruuius de Cælo lib. 3. cap. 8. quest. 2. nam respectu vniuersi est tam modica inæqualitas, vt pro nihilo potest reputari: sicut & poterit assignari idem centrum gravitatis tam Physicè, quàm Mathematicè, tam in sola terra, quàm in eadem coniuncta cum aqua, cum quodlibet corpus possit diuidi in duas partes æquè ponderantes, quæ verò in hoc globo dantur, licet à nobis non cognoscantur.

AN verò iste globus ita in medio sistat vniuersi, vt centrum ipsius tam magnitudinis, quàm gravitatis sit cum centro vniuersi compenetratum: an verò ab isto distet.

MELDVL. cit. num. 108. negat cum aliis.

S. BONAV. lib. 2. dist. 7. dub. 1. & Ser. 1. Hexaem. & Serm. 1. de B. Virg. & Comp. Theol. lib. 2. cap. 8. sustinet hunc globum esse centrum absolutum totius vniuersi idest tam Mathematicè, quàm Physicè: sic & Vasq. part. 2. disputat. 81. an. 18. Auerſa quest. 36. sect. 5. & 6. de Calo, Cotunius 1. Meteor. lect. 17. Conim-

bric. 2. cal. cap. 14. quest. 3. art. 2. Idem ex parte Ruuius citat. cap. 8. quest. 2. & Ratio est, quia aliquando si terra aliquid mutaretur, tota moueretur, donec partes æqualiter à centro distarent, fieretque centrorum penetratio, & licet Vasq. admittat hunc motum, quem appellant trepidationis in terra, quotiescunque, verbi gratiâ, mons destruitur, & aliud exportetur, qui tamen est imperceptibilis ob vastitatem terræ, tamen non est necesse euenire talem motum, vt docent etiam Conimbric. Ratio est, quia, vt ait S. Bonauent. terra est illa, quæ, cum sit infima, & sphericæ, ipsa est immobilis: nec enim naturaliter potest auferri tanta quantitas ex vna parte, quod moueatur, nec potest dari agens tantæ virtutis, vt ex motu lapidis, vel alterius corporis imprimar impulsus in totam terram, vel in istum globum, quod maxime verificatur ponendo idem centrum gravitatis Physicum, licet non Mathematicum magnitudinis, vt est probabilius, cum patenter iste globus ex vna parte consistat maiori parte aquæ, quæ est minus grauis.

119. QVÆRES tertio de magnitudine elementorum; an detur inter ipsa proportio determinata excessus continentis ad contentum.

ALIQUI cum Meldul. cit. num. 7. negant.

S. BONAV. lib. 2. distinct. 15. art. 1. quest. 2. cum communi affirmat, nempe excedere superiora ad decuplam proportionem, ita quod aqua sit maior terra decies: aer maior aqua centies, & ignis mille milliariorum: Verum quidem est quod Aliqui dubitant de veritate huius positionis commu-

nis eo maximè, quia aqua non videtur esse in tanta quantitate supra terram, quod excedat decies: Attamen si rectè perpendatur sumendo totam aquam, quæ reperitur in mari, & per totam terram, probabilissimum est habere dictum excessum. Quoad magnitudinem postea huius globi terrei communiter à Mathematicis asseritur ambitum ipsius esse 19086. secundum S. Doct. 24. millium milliario- rum: Sic *Serm. 4. de plurib. Martyr.* Diametrum 6070. Semidiametrum 3035.

QVÆRES quartò, an singula elementa sint vnus speciei.

RESPONDETUR, quòd si sumuntur secundum essentiam, singula constituunt vnica speciem, sunt enim omnes ipsorum partes eiusdem rationis, vt dictum est suprà in definitione elementis: Si verò sumuntur, prout apud Nos sunt, scilicet prout sunt mixta secundum prædominium alicuius ipsorum, probabiliter Aliqui, vt Pater noster Rheita, & P. Gnarinus de element. exp. 8. sustinent constituere diuersas species, & hoc est conforme principiis Seraph. Doct. qui docet *lib. 2. dist. 14. part. 2. art. 2. quæst. 1.* raritatem, & densitatem multiplicem disponere ad diuersitatem formarum: ergo hæc inducet etiam diuersitatem specificam in terra mixta, sicut & in cæteris elementis.

CONFIRMATUR ex doctrina à Seraph. Doct. tradita *lib. 2. distinct. 9. art. 1. q. 1. ad 4.* nempe quod ex diuersis specificis operationibus inferri potest diuersitas specifica, sed istæ reperiuntur in terra: ergo. Diuiditur autem aër in tres regiones: Prima est infima nobis vicina à superficie terræ vsque ad terminum, ad

quem pertingit reflexio radiorum Solis, & calor, & hæc est partim frigida ob vicinitatem terræ, & aquæ, & partim calida ob dictam reflexionem: hæcque mutatur secundum diuersitatem temporum, & locorum: Vnde in æstate est altior: in hyeme nobis vicinior: Secunda est media: estque, intra quam coguntur nubes, & generantur pluuiæ, & quia ibi extinguitur vis caloris, & radiorum Solis, idè est absolutè frigida, vt patet ex iugis alpinum, in quibus fere semper manet nix: Tertia est suprema vsque ad sphaeram ignis, estque absolutè calida, tum ratione suæ puritatis, tum ratione vicinitatis ignis se mouentis per gyrum.

## QVÆSTIO IV.

*An qualitates contrariæ possint simul, & semel esse in eodem subiecto, & quomodo.*

120. PRIMò Supponendum qualitates posse comparari tripliciter ad subiectum: Primò ad subiectum nudum, omnique qualitate priuatum: Secundò ad subiectum, in quo aliqua ex illis præcedat verbi gratià frigidum: Tertiò ad subiectum affectum actui contrariis qualitatibus.

SECUNDò Supponendum, qualitates habere certum statum intensio- nis, qui reducitur ad octo gradus à Philosophis, quæ distinctio est voluntaria, vt possit clariùs, & distinctiùs disputari de ipsis qualitatibus, idque verificatur tantum de naturalibus, cum habeant istæ certam termina-

terminationem tum ratione potentiaæ actiua, à qua producantur, tum ratione subiecti recipientis: supernaturales verò, cum à Deo infundantur, & recipiantur in subiecto secundum potentiam obedientialem, possunt in infinitum synecathegorematicè augeri: Graduum autem dictorum quidam dicuntur intensi, scilicet qui medietatem excedunt, qui verò sunt citra istum, dicuntur remissi: De quibus certum est, quod naturaliter in gradibus intensi non possunt esse simul in eodem subiecto: alioquin nec essent contrariæ, nec se mutuo expellerent, oppositumque patet experientia: Vnde quæstio reducitur ad qualitates in gradu remisso, an possint naturaliter esse simul in eodem subiecto, & in gradibus summè intensi secundum potentiam Dei supernaturalem.

PRIMA opinio est Durand. Gregor. Trombet. Ant. Andr. 10. Met. quæst. 5. Fabri, negantium posse esse simul in eodem subiecto nec in gradibus remissis, nec in intensi etiam per potentiam Dei absolutam.

SECUNDA opinio communis utrumque affirmat: Sic ferè omnes Recentiores cum Seraph. Doct. Adhuc tamen Aliqui adesse aliquas qualitates contrarias, quæ per nullam potentiam possunt esse simul in eodem subiecto ob specialem repugnantiam, vt sunt odium, & amor, assensus, & descensus. Sotus addit etiam secundas qualitates, vt albedo, uigredo. Pro solutione

121. PRIMò Notandum ex Seraph. Doct. lib. 2. distinct. 34. art. 2. quæst. 2. & lib. 2. distinct. 3. part. 1. art. 1. quæst. 3. ad 4. & dist. 19. art. 3. quæst. 1. in argument. & quæst. 2. ad 2. & lib. 3. distinct. 16. art. 2. quæst. 2. in corp. cum

dicat Arist. lib. 10. Met. cop. 6. & in postprædicatione. quod opposita sunt forme reales, quæ sub eodem genere (scilicet vel proximo, vel remoto) vt exponit Seraph. Doct. lib. 4. dist. 1. part. 1. art. 1. quæst. 1. ad ultim. & lib. 4. distinct. 16. part. 1. art. 3. quæst. 1. ad 3. maximè distant, & ab eodem subiecto se mutuo expellunt, cui vicissim natæ sunt inesse, seu, vt loquitur S. Bonavent. quatenus vnum oppositum non est in altero, nec cum altero circa idem. Vt rectè intelligatur, in quo sensu Philosophus tradiderit hanc definitionem, aduertendum, quòd repugnantia alia est effectiua, alia formalis: prima est, qua vnum potest producere aliquid in subiecto contrarium illi: Sic Sol dicitur contrarius frigori, quatenus potest producere in subiecto calorem, hæcque à Seraph. Doct. lib. 2. distinct. 1. part. 1. art. 2. quæst. 1. ad 4. dicitur repugnantia extrinseca: alia est formalis, & intrinseca, quæ ratione informationis subiecti importat oppositionem vnius cum alio in subiecto, à quo ab alio fit expulsio: hæcque est multiplex.

PRIMò enim aliqua opponuntur formaliter, quando simpliciter, & absolute vnum importat negationem alterius, & hæc est contradictoriorum, quæ per quamcunque potentiam non potest tolli, vt cum communi notat Seraph. Doct. lib. 4. distinct. 11. part. 1. artic. 1. quæst. 5. ad 4.

SECUNDò est, qua aliqua opponuntur formaliter ex suis rationibus formalibus, non tamen absolute, in se consideratis, sed quatenus nullo modo possunt coire in vnam tertiam entitatem, vt homo, lapis, lignum: nullum enim ordinem habent inter se,

se, & hæc etiam reducitur quodammodò ad effectiuam, cum enim forma substantialis vt forma est, non opponatur formæ, sed tantum quatenus sunt principium, vel habent concomitantiam dispositionum contrariarum, & important diuersas entitates disparatas non ordinatas, nec ordinabiles ad aliquod tertium: hinc etiam dici potest repugnantia simul effectiua, & formalis: effectiua ratione dispositionum ab ipsis emanantium: formalis, quatenus de se sunt informatiue completo modo ipsius subiecti.

TERTIO aliqua dicuntur opposita formaliter scilicet ex suis rationibus formalibus, per quam oppositionem vnum expellit à subiecto aliud, vt summus calor, & summum frigus.

QUARTO aliqua dicuntur opponi formaliter, non secundum id, quod sunt, sed, vt ait Seraph. Doct. secundum id, ad quod sunt, scilicet quatenus sunt virtutes formarum substantialium oppositarum, aut dispositiones ipsarum, & hæc sumi potest radicaliter, & formaliter, radicaliter inest qualitatibus, quatenus sunt proprietates, vel accidentia connaturalia formarum impossibilium: formaliter verò est, cum actu vna aliam expellit à subiecto, & hæc secunda repugnantia oritur à prima, quæ dicit aptitudinalem expulsionem vnius ab alia, secunda verò est actualis, & dicit effectum prouenientem à prima: Definitio autem allata oppositorum propriè conuenit huic vltimæ quarto loco positæ: est enim inter formas reales sub eodem genere existentes, & distantes, siue impossibiles ab eodem subiecto se mutuo expellentes

ratione effectuum formalium.

122. SECUNDO Notandum, quod potissima difficultas in hac materia est in origine contrarietatis ipsarum qualitarum: nam Aliqui ipsam deducunt ex natura specifica ipsarum, sed non rectè, cum etiam in esse remisso sint eiusdem speciei, & tamen sunt compossibiles in eodem subiecto. Alij ex incapacitate subiecti, nec etiam est adæquata ratio, ex hoc quod subiectum est capax plurimum qualitarum disparatarum in summo, vt est albedo, & dulcedo: ergo aliud antecedenter inest, ex quo oritur contrarietas. Nos ex Seraph. Doct. lib. 2. distinct. 34. citat. dicimus contrarietatem inesse non ex eo, quod sunt, nam, vt qualitates sunt, possunt esse in eodem subiecto, vt est color, sapor, &c. sed ex eo, ad quod sunt, vt supra dictum est, nempe quatenus sunt qualitates disponentes subiectum ad formam substantialem, & quia formæ substantiales naturaliter, dum non sunt ab extrinseco impeditæ, producant totum suum effectum, secumque ipsum euehant, hinc & exigunt naturaliter suas qualitates connaturales ab ipsis emanantes in esse summo, & hinc oritur contrarietas radicalis ipsarum qualitarum, & ex hac postea formalis, & actualis expulsio: Sed adhuc

123. TERTIO Notandum, quod qualitates, seu dispositiones sunt in duplici discrimine: alie enim sunt non actiue, vt color, sapor, dulcor, &c. alie actiue vt frigus, calor, &c. Primæ habent contrarietatem tantum ratione impossibilitatis formarum naturalis: Secundæ habent & hanc impossibilitatem prouenientem ex dicta impossibilitate,

bilitate, & formalem, per quam vna effectiue aliam expellit; ex quo sequitur, quod remota tantum contrarietas qualitarum desumi debet ab incapacitate subiecti, quatenus est incapax duarum formarum substantialium completarum; ex qua incompossibilitate oritur radix formalis talis contrarietatis, ad quam postea consequitur expulsio actualis, præsupposita tamen aptitudinali in ipsis formis: Idque patet in positione formarum subordinatarum, quæ quia non expelluntur, sed remanent ad positionem vterioris formæ, hinc & permanent dispositiones ipsis formas concomitantes; ergo in formis completis ex impossibilitate ipsarum in eodem subiecto oritur contrarietas radicalis.

QUARTO Notandum, & sequitur ex traditis, quod cum ex tali contrarietate oriatur pugna, idem debet explicari, quomodo resulter: Cum igitur forma connaturaliter exigat suas dispositiones in summo, idem pugna debet excitari inter gradus ipsarum qualitarum contrariarum, & quia gradus superiores non possunt esse in subiecto sine inferioribus, ut supra traditum est tract. 3. quæst. 5. sunt enim inferiores connaturales dispositiones; ad hoc ut producantur, & consequentur superiores: hinc expulsio debet incipere ab ipsis superioribus: Unde si subiectum sit calidum ut octo, & accedat agens frigidum: hoc debet producere primum gradum frigoris tanquam primum requisitum ad aliorum productionem: hic gradus frigoris, seu hoc agens frigidum per hunc gradum frigoris non potest expellere ex subiecto nisi octauum caloris: si enim expelleret alium inferiorem,

remanerent superiores absque inferioribus, quod non potest esse, & si octauum non expelleret, possent esse nouem gradus in subiecto, quod est impossibile; sicque eadem ratione per secundum gradum frigoris expellitur septimus caloris, per tertium expellitur sextus, & per quartum quintus, per quintum quartus, per sextum tertius, per septimum secundus, & per octauum primus: Et si quando reductæ sunt istæ qualitates contrariæ in esse remisso, vetbi gratiâ, ad quatuor gradus, vel ita quod quinque gradus frigoris, & tres caloris insunt in subiecto, si cesset actio agentis frigidi, & impediatur emanatio vterioris gradus caloris, remanebunt gradus frigoris producti simul cum gradibus caloris residuis, sicque consequenter non erit contrarius quartus gradus caloris quarto frigoris, nec tertius tertio, nec secundus secundo, nec primus primo per ordinem ad expulsionem; cum subiectum sit capax octo graduum qualitatis, siue sine eiusdem rationis, siue sint contrarij.

RATIO autem, quare quartus quartum non potest expellere, est, quia actio est à superiori, non ab æquali: ergo non poterit qualitas ut quatuor expellere qualitatem ut quatuor; nec item quartus gradus frigoris producere quintum, cum sit perfectior: Ex quibus habetur confirmatio superioris positionis, nempe contrarietatem adæquatam, & perfectam esse inter qualitates in summo, quia cuilibet gradui vnius correspondet in altera gradus oppositus, & consequenter tota qualitas alteri, non verò gradus quilibet vnius opponitur cuilibet alterius,

pet ordinem, vt dictum est, ad expulsiōem : Hæc doctissime P. Serbellon. conformiter ad suprà posita ex Seraph. Doct. His positis sit

124. PRIMA CONCLUSIO:

Qualitates contrariæ possunt esse naturaliter in esse remisso in eodem subiecto, non verò in esse summo : Est S. Bonavent. *lib. 4. distinct. 49. art. 4. quest. 1. & dist. 44. part. 2. art. 2. quest. 2. & communis.*

PROBATVR prima pars ex Aristot. *Phys. 5. aliisque pluribus locis* id asserente.

PROBATVR secundò, quia aqua, dum calefit, non recipit calorem totum in instanti, sed paulatim : neque frigus totum statim deperditur, sed paulatim : ergo qualitates in gradu remisso sunt in eodem subiecto in esse remisso.

DVRANDVS pressus hac experientia respondet ibi non esse qualitates contrarias formaliter, sed quandam aliam virtutem, & qualitatem mediam virtualiter illas continentem, quam appellat tepiditatem.

CONTRA : Non potest assignari agens producens hanc qualitatem : ergo falsa responsio.

PROBATVR antecedens, quando ignis calefacit aquam, illa qualitas ab igne non potest produci, quia non potest producere frigus, neque id quod virtualiter continet frigus, cum sit igni contrarium : in tali autem casu nihil est, quod agar in aquam præter ignem : Nec potest produci à calote ignis, nec à frigore aquæ simul sumptis, quia frigus non est, quando producit illa qualitas media, cum per ipsam excludatur, nec à calote ob eandem rationem.

OBIECTES primò : Contraria

sunt talis naturæ, quod mutuo se expellunt ab eodem subiecto, sed in quocunque gradu sunt contrariæ, ergo non possunt esse in tali statu.

RESPONDETUR contrarietatem qualitatum in summo esse à natura specifica earum, quatenus competunt formæ : in gradu verò remisso, & per singulos gradus esse à perfectione individuali ipsorum graduum, obidque & posse inesse simul ex capacitate subiecti : Vnde licet secundum se habeant aptitudinem ad mutuam expulsionem, tamen ratione illimitationis subiecti possunt esse in gradu remisso.

OBIECTES secundò : Dantur qualitates contrariæ, quæ in nullo gradu etiam remisso possunt esse simul, vt actus erroris, & scientiæ ad idem obiectum, actus tristitiæ, & lætitiæ, amor, & odium, sed non est maior ratio de ipsis, quàm de aliis : ergo.

RESPONDETUR negando minorem : Ratio disparitatis est, quia isti actus, cum sint vitales, respiciunt idem obiectum, & quod vnus actus ponit, alius destruit : non sic in cæteris qualitatibus : Vnde potius pertinent ad rationem contradictoriorum, & ided sunt contrarij solum, vt vitales sunt.

OBIECTES tertio : Dux dimensiones in eodem loco minus repugnant : item & dux formæ substantiales in eadem matetia, quàm duo contraria : illæ enim sunt inter se contrariæ, sed illæ non possunt esse in eodem loco, & eadem matetia : ergo nec istæ.

RESPONDETUR negando antecedens, & paritatem : nam dimensio quælibet respicit adæquatè locum, & quælibet forma substantialis

lis completa tribuit esse completum subiecto: at qualitates contrariæ in esse remisso respiciunt inadaquatè subiectum, quod afficiunt accidentaliter, & ob id gradualiter tantum: hinc negatur consequentia.

DICES pro Durando: dantur qualitates aliæ mediæ, ut est color cœruleus, rufus, rubrus, diuersus specie ab extremis: ergo & in primis qualitatibus potest dari species media.

125. HIC obiectioni respondente communit Nos habere ex varia operatione, & sensus immutatione diuersitatem specificam in coloribus, aliisque qualitatibus, quam non habemus in qualitatibus primis in esse remisso: Sic Serbellon. Quæ responsio tamen non euacuat difficultatem, nec affert rationem à priori, sed à sensibilitate, quæ est fallax. Tum etiam quia tepiditas habet diuersam immutationem sensuum ab extremis: Hinc Nos ex doctrina Seraphica suprâ tradita in questione antecedent.

RESPONDEMUS qualitates secundas medias esse diuersas specie ab extremis, quia sunt qualitates emanantes à mixtis, quæ sunt diuersæ speciei ab elementis: at id non potest dici de primis emanantibus ab elementis: multò minùs potest subsistere positio Gregorij asserentis non dari in gradu remissionis tertiam speciem, sed remanere subiectum priuatum contraria qualitate, & informatum solùm aliquibus gradibus vnius qualitatis: quæ positio tanquam frivola rejicitur communiter, cùm oppositum habeamus experientia, & sensibus, ut patet in tepiditate. Tum quia non potest negari existentia qualitatis contrariæ, do-

nec potentior vincat, vincit autem successiue. Tum quia impossibile est subiectum carere naturaliter octo gradibus qualitatis siue eiusdem naturæ, siue diuersæ.

SECUNDA pars Conclusionis patens est experientia. Tum quia ubi est contrarietas in summo, ibi est totalis effectus formæ: ergo & expulsio alterius qualitatis. Tum quia hæc qualitatis contrariæ expulsio concomitatur expulsionem formæ, cuius est dispositio: ergo.

126. SECUNDA CONCLUSIO: Qualitates contrariæ possunt esse in eodem subiecto in gradibus intensis, & in summo supernaturaliter, & hoc non solùm in fieri, sed permanenter: Est S. Bonavent. lib. 4. distinct. 44. part. 2. art. 2. quæst. 2. ubi probat in Inferno adesse quatuor elementa cum qualitatibus in summo ad magis torquendum corpus, & animas: Idem & docet, & probat ibid. art. 3. q. 1. & 2. per totum.

PROBATVR hac ratione: Si adest vlla implicancia: hæc vel erit ratione ipsarum formarum, vel ratione subiecti, sed neutro modo: ergo.

PROBATVR Min. Non ratione formarum, quia forma non est contraria formæ, ut notat Seraph. Doct. lib. 1. distinct. 9. art. 1. quæst. 2. ad 5. Et dato, quod essent contrariæ, contrarietas est tantùm in ordine ad aliud, scilicet ad subiectum: Sic lib. 2. distinct. 34. art. 2. quæst. 2. at subiectum est de se capax omnium formarum: ergo nullo modo est repugnantia. Tum quia datâ limitatione etiam in subiecto, adhuc ratione potentia obedientialis potest à Deo ampliari ex lib. 1. distinct. 42. art. 1. q. 3. & 4. Tum quia Deus potest impedire

pedire non concurrente, ne qualitates illæ habeant effectum formalem secundarium, nempe expulsiōnem contrariæ qualitatis.

**O B I I C I E S** primò ex Aristot. 4. *Metaph. cap. 27.* Contraria in summo inferunt contradiciōnem. Confirmatur ratione, quia vnum contrarium infert necessariò negationem alterius, obidque & ab eo inseparabilem: ergo.

**R E S P O N D E T U R** ex Seraph. Doct. lib. 2. *distinct. 8. part. 1. art. 3. quæst. 2. ad 3.* & lib. 1. *distinct. 5. art. 1. quæst. 1. ad 1.* quod duplex est contradiciō: Alia est, quæ est absoluta cum absoluta negatione ex parte vnus termini, & per locum ab intrinseco: Alia est non absoluta, sed ab extrinseco tantum scilicet mediata, & ex consequenti: Aristoteles loquitur de hac secunda non de prima: contraria enim sunt extrema positiua, quod non inest in vera contradiciōne, in qua vnum extremum est negatiuum omnimodè: Et ad Confirmationem eodem modo.

**R E S P O N D E T U R** vnum contrarium infert necessariò, & inseparabiliter negationem alterius, idest per actum intrinsecum naturæ ipsius nempe per negationem identitatis cum alio, sic concedo, negationem compossibilitatis, nego: hæc enim est effectus secundarius per ordinem ad subiectum, qui potest à Deo tolli.

**C O N T R A** instat Durand. Oppositio contrariorum est formalis, & entitatiua: ergo est negatio non solum identitatis, sed etiam formæ contrariæ.

**R E S P O N D E T U R**, quod duplex effectus formalis exerceatur à forma in subiecto: primus est informatio,

eiusque denominatio formalis: secundus est expulsio alterius formæ: primus est intrinsecus, & de hoc conceditur antecedens: contraria enim diuerso modo informant, & denominant: de secundo, qui est consequens, negatur antecedens, & consequentia.

**D I C E S**: Si idem subiectum esset simul album, & nigrum, dulce, & amarum, tunc non est assignare, quomodò apparebunt ista contraria sensui: an scilicet calidum, an frigidum, an album.

**R E S P O N D E T U R** excellentiorem apparituram, & denominaturam, vel fieret sensatio media permixta ex vtrisque, vel illa, quæ à Deo determinaretur, vel fiet successiue modò in vnam, modò in aliam: Vide S. Bonau. lib. 4. *dist. 44. part. 2. art. 2. quæst. 2. ad 1.*

## QVÆSTIO V.

### De Mixtione.

*Quid sit Mixtio, quid miscibile, & mixtum, & an necessario omnia quatuor elementa concurrant ad mixtionem.*

127. **S U P P O N I T** titulus quæstionis elementa (de quibus singillatim hucusque egimus) ordinari ad mixti compositionem: Hinc queritur, quid sit mixtio, & mixtum, & quale.

**P R I M O** Supponendum cum communi ex Seraph. Doct. lib. 3. *dist. 6. art. 2. quæst. 1.* & lib. 4. *dist. 11. part. 2. art. 1. quæst. 4. ad 3.* & lib. 2. *dist. 15. art. 1. quæst. 2. in corp.* mixtionem sumi



mi posse dupliciter: primo commu-  
niter, & improprie: secundo proprie,  
& strictè: Primo modo mixtio com-  
petit cuicunque coniunctioni etiam  
confusa plurium rerum, & hæc est  
multiplex.

PRIMA, quando fit quedam con-  
iunctio plurium rerum confusa abs-  
que eo, quod resuletur tertia entitas,  
vt est fabrica domus, mixtio hordei,  
& frumenti, & hæc improprie di-  
citur mixtio, cum sit potius aggre-  
gatio plurium entium in actu.

SECUNDA, cum aliqua ita con-  
iunguntur, vt vnum habeat repu-  
gnantiam, & prædominantiam ex-  
cellentem alteri rei diuersæ rationis,  
vt si gutta aquæ in dolio vini in-  
fundatur, in qua non resulat tertia  
entitas, sed est transmutatio, & con-  
uersio vnius rei in alteram: aqua  
enim conuertitur in vinum.

TERTIA est, in qua non est vni-  
torum transmutatio, sed tertiæ na-  
turæ constitutio, fitque, quando vni-  
bilia non habent repugnantiam, sed  
tamen habent mutuam dependen-  
tiam, & inclinationem ad tertij con-  
stitutionem, quia vnum se habet vt  
potentia, aliud vt actus: sic materia,  
& forma, corpus, & anima hoc  
modo dicuntur misceri, sed im-  
proprie.

QUARTA est, in qua interuenit  
vnio absque transmutatione, & con-  
stitutione tertiæ entitatis, sed tantum  
vnum vnibilium fundatur in altero  
absque repugnantia, dependentia, &  
inclinatione, sed tamen adest ex-  
cellens prædominantia: vt quando  
arbor inseritur stipiti alterius arbo-  
ris, in quo casu vtrumque vnibilium  
seruat propriam naturam in suo esse  
completo, & tali pacto natura Di-  
uina vnita est humanæ in Christo.

QVINTA est, quando aliqua ita  
coniunguntur, vt ad certam tempe-  
riem tertiam se reducant, vt tamen  
non resuletur aliquod tertium sub-  
stantiale, vt cum aqua calida mixta  
frigida runc reducuntur ad statum  
tepiditatis: Sic pharmacopolæ con-  
ficiunt medicamenta, quæ mixtio  
dicitur crassius, seu harmonia, seu  
temperies, de qua Seraph. Doct.  
*lib. 4. distinct. 17. quest. ultim.* & hæc  
potius spectat ad primam supra posi-  
tam, quæ est aggregatio plurium  
entium in actu: non enim concurrit  
alteratio, repugnantia, prædomi-  
nantia, &c.

SEXTA est vnio, in qua est vni-  
bilibium alteratio, & tertiæ naturæ  
productio, & hoc, quia est ibi re-  
pugnantia, & prædominantia, sed  
non excellens: & hoc modo vniun-  
tur elementa ad constitutionem mix-  
ti: & est, de qua procedit questio:  
Hinc

128. PRIMA CONCLUSIO: Mixtio  
est plurium elementorum simul vni-  
torum alteratorum in tertiam natu-  
ram transmutatio: Sic Aristor. hic  
Seraph. Doct. *lib. 4. distinct. 11. citat.*  
breuius eam sic definit: *Est miscibi-  
lium alteratorum vnio.*

EXPLICATUR, & probatur: Dici-  
tur (vnio, scilicet substantialis) loco  
generis, per quam importatur actio  
generatiua, quæ generatur tertia enti-  
tas: Dicitur (alteratorum miscibi-  
lium) per quod denotatur terminus  
à quo talis generationis, nempe ele-  
menta alterata, & per mutuam alte-  
rationem disposita ad generandum  
mixtum, & quia mixtio est vnio sub-  
stantialis, hinc necessariò importatur  
terminus ad quem nempe mixtum,  
quod est tertia entitas, & substantia  
completa.

Hinc etiam sequitur, quod miscibilia non sunt ipsæ qualitates, nisi quatenus concurrunt dispositiue, sed sunt ipsa elementa.

SECUNDA CONCLUSIO : Conditiones, quæ requiruntur ad veram mixtionem, aliæ respiciunt ipsa miscibilia, aliæ ipsam mixtionem, suntque sequentes.

Ex parte miscibilium primò requiritur, vt mutud sint actiua, & passiva, qualia sunt elementa, nempe ignis, & aër, quæ sunt actiua; aqua, & terra, quæ sunt passiva, vt aduertit Seraph. Doct. lib. 2. dist. 15. art. 1. *quest. 2. & 3.* & lib. 4. *distint. 49. part. 2. art. 4. quest. 1. & distint. 48. art. 2. quest. 3.* actiua enim excitant, & faciunt transmutationem, & hac ratione materia, & forma, subiectum, & accidens, sublunaria, & cœlestia nequeunt misceri: ista enim mutud non agunt, nec repatiuntur. Secundò, quod possint faciliè diuidi, & infringi in minutissimas partes, & ob id ferrum, & lapis non miscentur. Tertiò, vt non sint in magna multitudine, vel mole ob difficultatem alterationis. Quartò, vt habeant proportionem adinuicem secundum actiuitatem, & resistantiam: si enim actiuitas, & prædominantia vnius multum superat resistantiam alterius, non fit mixtio, sed accretio, vel penetratio, vt in alimento per nutritionem euenit, vt cum ex ligno fit ignis, & corpus gloriosum penetrat aliud non gloriosum: de qua vide S. Bonauent. *loc. cit. lib. 2. distint. 15. & lib. 4. dist. 11. & lib. 4. distint. 49. supra cit.*

HINCQUE dixit Seraph. Doct. quod requiritur repugnantia, scilicet aliqua resistantia, & prædominatio scilicet actiuitas non excel-

lens, quarum ratione fit diuisio, & refranguntur elementa, & remanent in suo esse in constitutione tertiæ substantiæ, & hæc est ratio, quare facilius humida miscentur, quam sicca.

Ex parte verò mixtionis requiritur, vt miscibilia transeant in tertiam entitatem non vniuocam, sed æquiuiocam, & diuersæ rationis, non per conuersionem, vel transmutationem, sed cum conseruatione propriæ entitatis vel virtualiter, vel formaliter, aliòquin esset generatio propriè, & rigorosè sumpta.

119. TERTIA CONCLUSIO : In mixtione perfecta quatuor elementa concurrunt: In imperfecta non semper, sed aliqua tantum, nec vnum sufficit: Est S. Bonau. lib. 4. dist. 11. cit. & lib. 2. distint. 15. art. 1. *quest. 2. & 3.* & lib. 2. distint. 8. part. 1. art. 2. *quest. 1. & 2.* Alenf. part. 2. *quest. 53. m. 1. quest. 1.* Later. Richard. Argent. Titelm. Aliorumque contra Scotum lib. 2. dist. 15. dicentem sufficere aliquando vnum elementum, vt ex eo aliud generetur: item contra Alios asserentes necessariò requiri omnia quatuor elementa, & contra Alios negantes posse omnia quatuor concurrere.

PROBATVR autem prima pars à Seraph. Doct. lib. 2. dist. 15. art. 1. *quest. 1.* Sensus est operatio animæ in corpore secundum conformitatem organi ad obiectum, sed quodlibet animal habet sensum tactus, qui est perceptiuus quatuor qualitatum, quæ radicanter in quatuor elementis, ergo quodlibet animal habet consotmutatem in sensu tactus compactum ex quatuor qualitativibus: ergo & ex elementis, à quibus oriuntur ipsæ qualitates. Tum quia

In perfecta mixtione concurret perfectum attemperamentum qualitatum in esse refractum, sed qualibet qualitas refrangitur per suum contrarium, ergo & quatuor qualitates refractæ: ergo & earum principia. Tum quia ad vitam corporis non sufficiunt elementa passiva, sed requiruntur activa cum attemperacione illarum qualitatum: Item ad sensum, & ad motum: de quo vide S. Bonau. cit. quæst. 3. & patebit in tract. de anima: Unde aqua, cum sit terra subtilior, penetrat partes terræ, sed non perfectè, cum habeat aliquam grossitiem, aer, cum sit subtilior, incipit se profundat, & ignis usque ad intima, & hinc fit plena alteratio usque ad minima, & mixtio perfecta: Sic ibid. quæst. 2.

PROBATVR secunda pars in corporibus ab Angelis assumptis, de quibus agit Seraph. Doctor. lib. 2. dist. 8. cit. illa enim corpora habent aliquam consistentiam: ergo continent humidum, & succum, sed hæc non est perfecta mixtio, nec ibi sunt quatuor elementa: ergo.

PROBATVR ultima pars: Impletur enim ex vno elemento fieri mixtum non continens miscibilia.

130. OBJICIES primò: Ignis non potest concurrere ad constitutionem materialem mixtorum: ergo.

PROBATVR antecedens: quia deberet à sua sphaera depelli, quod est contra eius naturam, & experientiam.

RESPONDETUR negando antecedens: Ad probationem Respondetur ex Seraph. Doct. lib. 2. dist. 15. quæst. 2. ad 5. & 6. negando debere à sua sphaera depelli: nam in mixtione ignis forma est concreta in materia, sicut & aliorum elementorum,

& educitur per actionem agentis naturalis, & ideo ex vno elemento, seu ex eius materia possunt educi cætera.

OBJICIES secundò: In dissolutione non apparet aer, & ignis, sed tantum aqua, & terra, & hinc Aristoteles dixit omnia mixta esse vel aquea, vel terrea: ergo. Tum quia Deus condidit ex aqua, & terra omnia mixta, ut in Gen. cap. 1. Hac ratione ducti Arel. 1. de gen. quæst. 50. sect. 2. Ruu. tract. de mixtione quæst. 1. Cardan. Aliique negarunt omnia elementa concurrere ad mixta.

RESPONDETUR ex Seraph. Doct. lib. 2. distinct. 15. quæst. 2. & seq. negando antecedens: falsum enim est non apparere multoties aërem, & ignem, ut evenit in combustionem ligni, & aliis consimilibus experimentis.

Et Aristot. dixit omnia mixta esse aquea, vel terrea ratione molis: in his enim (ut plurimum, & ferè semper) prædominantur ista duo quoad quantitatem molis, licet non virtutis, & eodem modo intelligendus est Textus Gen. ut ait Seraphicus Doctor loc. citat. quæst. 2. ad 1. & distinct. 12. dub. 1.

OBJICIES tertio: Forma est simplex: ergo & eius materia debet esse simplex: ergo & corpus.

RESPONDET Seraph. Doct. transeat antecedens, & negatur consequentia de corpore: proportionari enim debent in ratione actui, & passui, actus, & potentia, non in conditione simplicitatis: immò quia forma est multiplex in virtute, ideo debet habere corpus multiplex in compositione.

OBJICIES quarto: Elementa sunt causa mixti: ergo erunt nobiliora mixto.

mixto : sicque non poterunt ingredi compositionem.

RESPONDETUR esse causam materialem, obidque negatur consequentia.

OBIICIENS quintò : Si quatuor elementa concurrunt ad formandum mixtum : ergo debent moveri localiter, & multoties violenter contra naturam ipsorum, scilicet ignis deorsum, terra sursum, &c. sed hoc est contra ordinem vniuersi : ergo.

RESPONDETUR negando sequelam maioris : Nam, vt notat Seraph. Doct. *ibid. quest. 2. ad 5. & 6.* vbi sunt mixta, non adsunt elementa pura, & ob id absque violentia, & motu locali, sed media alteratione tantum generantur mixta, tum quia educi possunt ipsorum elementorum formæ præexistentes in Seminario materiæ.

ADDIMVS ad hæc, quod ex vno elemento potest fieri generatio mixti ex quatuor elementis saltem per potentiam Dei absolutam, immò naturaliter, ait Seraph. Doct. *lib. 2. distinct. 15. art. 1. quest. 2. ad 5. & 6.* In quo casu tamen non potest dici mixtum compactum ex vno elemento, sed solum quatenus ex illa materia, in qua, vt in Seminario præexistebant formæ omnium elementorum, Deus, vel aliquod aliud agens eduxit prius tales formas, & ex ipsis composuit mixtum, quæ assertio sequitur ex principiis Seraph. Doct. & ex traditis, & in hoc sensu erit vera Scoti sententia.

DICES : Elementa sunt incorruptibilia : ergo non potest ex ipsis fieri generatio mixti, vel ex vno elemento aliud generari.

PROBATUR antecedens à Serbellon. *hic num. 13.* quia sunt prima

componentia : ergo debent esse incorruptibilia.

RESPONDETUR ex principiis Seraph. Doct. esse incorruptibilia quoad essentiam : formæ enim ipsorum sunt concretae in materia, & ab ipsa inseparabiles naturaliter loquendo : non verò quoad existentiam, vnde contra nostra principia nihil concluditur.

## QVÆSTIO VI.

*An Elementa mancant in mixto.*

131. QVIA mixta componuntur ex elementis tanquam ex materia, idè etiam in mixto debent contineri, & quia continentia alia est virtualis tantum, alia formalis, idè queritur ; an elementa sint in mixto tantum secundum ipsorum virtutem, ita quod in mixtione deperdant suam propriam formam remanentibus qualitativis : an verò sint etiam secundum suam ipsorum formam, & entitatem.

PRIMA opinio negat adesse formaliter, sed tantum virtualiter : Ita D. Thom. & Scotus cum suis Sequacibus, & maiori parte Recentiorum, Suarez in *Met. disp. 15. scil. 10.* Hurt. Ruu. Arriaga.

SECUNDA opinio opposita est Auerf. & Sequac. apud Meld. *disp. 7. num. 15.* Discrepant inter se tamen in explicando modum, quo insunt elementa formaliter in mixto : Alii enim volunt inesse cum suis qualitativis in summo non quidem quoad gradus, sed quoad actionem : Alij in esse remisso : S. Bonavent. sustinet hanc sententiam, vultque elementa

elementa remanere quoad entitatem formalem in mixto, sed tamen cum remissione graduâli, & in esse refracto tam quoad qualitates, quam quoad ipsas formas substantiales, hæcque etiam sustinent Aref. 1. de gen. quæst. 51. scilicet. 4. Bacon. lib. 3. disput. 16. Cannon. Zab. Aureol. apud citat. Meldul. Pro solutione quæstionis, & explicatione sensus Seraph. Doct.

PRIMÒ Notandum, quod, ut ex S. Doct. in Physica demonstrauimus lib. 1. tract. de formis, plures formæ substantiales subordinatæ de facto possunt inesse in eodem composito, idque euenit, quando vna forma sufficienter non solum non terminat dependentiam essentialem materiæ, sed potius illam disponit, & ordinat ad aliam perfectiorem, quatenus scilicet forma perfectior non continet formaliter simul; & eminenter inferioriorem; ad hoc enim, ut non fiat frustratoria multiplicatio formarum, superior forma debet posse formaliter producere effectus inferioris, ut euenit in anima rationali, quæ sola absque multiplicatione animæ sentientis, & vegetantis sufficit in homine, quia non solum eminenter, sed & formaliter continet vim sensitivam, & vegetantem, & hinc diximus, in materia inesse formam corporis tribuentem esse corporeum ipsi materiæ, & distinctam ab elementaribus, quod Seraph. Doct. docet, & probat lib. 2. distinct. 12. art. 1. q. 3. in corp. & ad 2. & 3. vbi dicit formæ elementares sunt primæ, quæ insunt in materia loquendo de illis, quæ dant esse completum, sed tamen præsupponunt formam corpoream, quæ dabit esse incompletum materiæ, faciens ad dispositionem aliarum formarum. P. Bart. de Castrovetro Phil. P. III.

marum: Sic ad 5. & 6. Cum igitur istæ elementares formæ non possint formaliter dare esse corporeum, prærequiritur talis forma incompleta corporea: Et hinc ultra formam mixti dicimus inesse in ipso formas elementorum, cum illa non possit exire in actus ipsis debitos, nisi adsit hæc contentia formalis: hincque dixit Seraph. Doct. lib. 2. distinct. 18. art. 1. quæst. 3. materiam corporealem prius recipere formam mixtionis disponentem ad aliam perfectiorem, scilicet complexionis (quam Scotus appellat corporeitatis scilicet completæ) & hinc superuenit alia, scilicet vegetans, sensitiva, & vltimò rationalis: Sic Seraph. Doct. lib. 2. distinct. 1. part. 2. art. 1. quæst. 2. ad 2. & distinct. 17. art. 2. quæst. 2. ad 6. & distinct. 18. art. 1. quæst. 3. & alibi pluries: Hincque sequitur, quòd elementa possunt considerari dupliciter: Primò in proprio statu, quando dicunt propriam substantiam completam, & absolutam, formæque cuiuslibet est vltimus actus suæ materiæ tribuens esse specificum unicuique: Sic Seraph. Doct. lib. 2. dist. 12. art. 1. quæst. 3. ad 3. & lib. 2. dist. 17. art. 1. quæst. 3. ad 5. Secundò, prout elementant, componuntque actu elementatum, seu mixtum: Sic in Comp. Theol. lib. 2. cap. 2. & hoc pacto elementa sunt veluti materia incompleta complebilis per formam mixti: forma enim elementaris ita actuatur materiam, quod etiam disponit ad ulteriorem formam: Vnde elementum totum se habet ut materia indigens compleri per formam mixtionis: Sic Seraph. Doct. lib. 2. dist. 15. artic. 1. quæst. 2. fund. vltim. Cum igitur ex materia, & forma unitis substantialiter resultet tertia

P entitas

entitas, seu forma totius absque eo, quod materia partialis, & forma amittant suam propriam entitatem, sic ex materia elementorum, & forma mixtionis, quæ educitur ex illa materia sic elementata, & taliter disposita, per quam resultat mixtum tanquam tertia entitas absque eo, quod elementa deperdant propriam entitatem quoad suum proprium esse.

132. SECVNDÒ Notandum ex Seraph. Doct. lib. 2. *distinct.* 15. art. 1. q. 2. in corp. & q. 3. quod ad perfectam mixtionem, per quam fit mixtum completum, concurrunt quatuor elementa: Aqua, cum sit terra subtilior, in decupla proportionem penetrat partes terræ, sed non perfectè pro eo, quod aliquam grossitiem habet: Aër verò, qui est in centupla proportionem subtilior, adhuc intimius se profundat: Ignis, qui est subtilior, & rarior in millelima proportionem subtilitate sua penetrat vsque ad intima, & sic fit alteratio plena vsque ad minima, & mixtio perfecta, sicque concurrentibus qualitatibus actiuis, & passivis educitur forma complens mixtum: in quo sicuti adsunt qualitates in esse refracto ratione contrarietatis, & conuenientiæ, quam seruant ad inuicem, sic & itidem elementa commixta, & compenetrata mutuo: & hæc est ratio, quare non fit conuersio elementorum in mixtum, sed remanent in suo esse: Nam licet in symbolis elementis sit facilis transitus, vt docet Aristot. vt sunt (ait S. Doct.) aër, & ignis, item terra & aqua lib. 4. *distinct.* 12. part. 1. art. 1. *quest.* 3. in fund. tamen cum ad mixtionem perfectam concurrant quatuor elementa: obidque & quatuor qualitates

mutuo pugnantes, ratione quarum elementa inter se habent dissymbolectatem, hinc remanent in suo esse remisso, & refracto scilicet ipsa elementa, & qualitates, vel etiam potest dici, quod ex ipsis qualitatibus consurgat tertia entitas non propria, sed quatenus emanant scilicet qualitates secundæ competentes mixti naturæ: hanc doctrinam sparsim tradit Seraph. Doct. lib. 2. *distinct.* 15. citat. & lib. 4. *distinct.* 49. citat. & in Brenil. part. 2. cap. 3. & in Cemil. part. 3. sect. 11. & in Comp. Theol. lib. 2. cap. 2. & 8. & Serm. 8. Hexaem. His positus ponitur

133. PRIMA CONCLUSIO: Elementares formæ remanent in mixto non tantum virtualiter, sed & formaliter, & substantialiter: Est Auerf. Anic. Niphi, Alb. Zimar. Aliorumque plurium apud Meldul. & Run. est & Seraph. Doct. quicquid dicat P. Gallic. noster, & Baudunus dicentes mentem Seraph. Doct. fuisse, quod in mixtione corrumperetur formæ elementorum, generaturque mixtum tanquam ex materia, & forma mixtionis: ex materia, in quam, quæ prius erat sub illis formis iam corruptis, ex hoc quod fit resolutio vsque ad materiam primam in generatione mixti: Sic P. Carpinet. lib. 4. tract. 1. *quest.* 3. num. 11. & seq. P. Baudun. hic disput. 4. sect. 2. quæ positio pace tantorum virorum est patenter in omnibus contra mentem Seraph. Doct. Tum quia Seraph. Doct. negat hanc resolutionem vsque ad materiam primam, vt aliàs pluries probauimus. Tum quia patenter Seraph. Doct. tenet elementa secundum propriam naturam remanere in mixto: immò & isti Bonauenturistæ sibi contradicunt ponentes primo loco

loco permanentiam elementorum formalem in mixto tanquam ad mentem Seraph. Doct. & postea in fine extorquent talem positionem ad oppositum sensum, & hoc, ut ait P. Gallicius, ad evitandas tot difficultates de similitudine corporum, penetratione, conseruatione, & vnione formarum, ergo ipsis fatentibus, ut effugiant difficultates occurrentes, præuertunt sensum Seraph. Doctor. Quod verò hæc sit mens Seraph. Doct. supra in Concl. posita.

PROBATVR ex eo, quod lib. 3. dist. 6. art. 1. quæst. 1. in corp. docet vniri elementa ad constituendum mixtum ratione repugnantia cum prædominantia non eccellente impediende conuersionem vniibilium in alteram naturam, ut euenit oppositum, si gutta aquæ ponatur in amphora vini ratione excellentis prædominantia, & lib. 2. distinct. 15. art. 1. quæst. 1. docet, quod corpora animalium habent in se naturam quatuor elementorum perfectè alteratorum, & inter se penetratorum: Et idem quæst. 3. & lib. 4. distinct. 49. part. 2. art. 4. quæst. 1. & idem apertè docet lib. 2. distinct. 17. artic. 2. per totum, & lib. 4. distinct. 12. part. 1. articul. 2. quæst. 2. ad vltim. & lib. 2. distinct. 18. art. 1. quæst. 3.

PROBATVR item ex Aristot. qui 1. de an. t. 40. probat animam per se ipsam non moueri sursum, neque deorsum: alioquin esset ignis, vel terra, vel aër, vel aqua: ergo supponit mixta non moueri sursum, vel deorsum naturaliter nisi ex elemento actu, & formaliter existente, & prædominante, secus consequens non esset validum: Item 7. de An. t. 53. quærit, cur ignis, & terra, & alia elementa in organo sensus existen-

tia non sentiantur, ergo supponit in mixto elementa actu, & 1. de gen. t. 83. dicit miscibilia non debere corrumpi in mixtione: Idem & ib. de sensu cap. 5. & lib. 4. methæor. sum. 2. cap. 3. & 1. de gen. r. 34. & aliis pluribus locis.

PROBATVR rationibus, & primo tali pacto: Mixtio est vnio miscibilium, sed miscibilia sunt elementa: ergo est vnio elementorum, sed vnio non potest esse actu, nisi actu sint vniibilia: ergo actu in mixto sunt elementa: quod enim non est, non potest componere, & alteri vniri.

CONFIRMATVR, quia hæc vnio est generatio: ergo si in generationibus substantialibus remanet materia, & forma, etiam & miscibilia in mixtione.

CONFIRMATVR iterum, quia si elementa actu non componunt mixtum, sequitur, quod nullum deur mixtum substantiale, sed quodlibet erit corpus simplex scilicet compositum ex sola materia, & forma substantiali: neque ex hoc, quod materia ex pluribus desumatur siue ab elementis, siue ab aliis compositis, quæ mixtum non dicuntur, potest dici mixtum: materia enim est eiusdem rationis in omnibus compositis: obidque indifferenter desumitur à pluribus siue differentibus specie, siue eiusdem speciei: ergo non potest dici mixtum, ex eo quod in materia præcesserint elementa.

CONFIRMATVR iterum, quia si dicitur mixtum ex hoc, quod solum remanent qualitates, obidque & dicuntur in mixto elementa esse virtualiter, solum mixtum differret accidentaliter à cæteris compositis substantialibus.

134. **PROBATVR** secundò, quia non est assignabilis causa inducens corruptionem elementorum, dum sit mixtum: ergo non corrumpuntur.

**PROBATVR** antecedens, quia vel elementa corrumpuntur inter se, ita ut vnum ab alio corrumpatur, vel ab aliquo alio, sed neutrum potest dici: ergo.

**PROBATVR** Minor: Non secundum, cum non sit assignabile corrumpens, sed neque primum.

**PROBATVR**, quia corrumpens debet alteri prædominari: ergo prædominans non corrumpitur: ergo erit actu: ergo non omnia elementa corrumpuntur in mixtione.

**BAGATA**, ut soluat hanc rationem verè conuincentem, recurrit ad cælos, & sydera: hæcque, ait, esse causam corruptiuam elementorum, sed securior est recursus ad Deum tanquam ad causam magis vniuersalem, sed quia videt hanc responsionem non subsistere, esseque nimis amplam, & Philosopho indignam, addit corrumpi actione mutua inter se: contra quam euidenter concludit argumentum factum de elemento prædominante, quod tamen (ait) ipsum corrumpitur, sed à quam causa.

**HINC** Alij respondent communiter elementa corrumpi ad inuicem per accideus, ex eo quod per refractionem qualitarum producit temperamentum quoddam, ad quod necessariò consequitur forma mixti: ad cuius positionem ob impossibilitatem cum formis elementorum, quia sunt homogeneæ, istæ desinunt, non verò per destructionem dispositionum requisitarum, cum talis temperies qualitarum non sit impossibilis per se cum formis ele-

mentorum, sed ad corruptionem ipsarum sufficit introductio dispositionum pro forma generanda: Hæc responsio, quæ est communis Aduersariorum, ut videre est apud Melidul. *disp.* 7. *mun.* 35. duo continet: Vnum falsum, & est, quod destruitur forma elementorum ob impossibilitatem formarum mixti, & elementorum: Secundum verum, & est, quod dispositiones pro forma mixti introducenda non sunt contrariæ formæ elementorum, sed sunt ipsis composibiles.

**CONTRA** primò: Quia adducere pro ratione destruyente formas elementares impossibilitatem formarum est adducere aliud maius dubium. Tum quia hæc est mera petitio principij: id enim est, quod quærimus, an sint impossibiles. Tum quia apud Scotistas sustinentes hanc composibilitatem formarum substantialium in viuente hæc ratio contra ipsos facit.

**CONTRA** secundò: In mixtione remanent dispositiones necessariæ ad conseruandam formam elementorum: ergo non desinunt: tantum enim desinunt formæ, quando desinunt dispositiones propriæ, & introducuntur oppositæ.

**DICUNT** manentibus dispositionibus manere formam, si tamen dispositiones non sint sufficientes alterius formæ impossibilis cum præcedente: in præsentem autem casu manere quidem in aqua dispositiones sufficientes ad conseruationem formæ aquæ, sed quia habent etiam vim dispositiuam ad formam mixti, quatenus sunt coniunctæ cum temperie qualitarum, quæ est materia reliquorum elementorum, idèd introducere habent formam mixti substantiam



substantialem, & consequenter per accidens destruere formam elementorum ratione impossibilitatis: Sic Meldul. Aliique.

**CONTRA** primò: Quia semper redeunt ad eandem impossibilitatem, quæ est id, quod quæritur hic.

**CONTRA** secundò: Forma substantialis corrumpi non potest nisi per ablationem qualitaturn, quæ medium sunt, & copula, quibus forma substantialis in materia educitur, reperitur, & conseruatur, & agens in corruptione prius, necessariò expellit qualitatem, quàm formam substantialem, vt patet in qualibet alia generatione: ergo impossibile est formam elementorum corrumpi, & qualitates sufficientes ad conseruationem ipsorum iam præexistentium vi talium qualitaturn seruari: nec enim est maior ratio de formis elementorum, ac de reliquis formis.

**CONFIRMATVR**, quia non potest vnum, & idem esse dispositio sufficiens, & conseruatiua vnius formæ, & simul esse alterius impossibilis productiua: ergo non poterunt dispositiones sufficientes ad conseruationem formarum elementorum esse productiue formæ mixti, si forma mixti est illis contraria, vel impossibilis.

**RESPONDENT** hic adesse peculiarem rationem de elementorum, & mixti dispositionibus, & quod vna, & eadem materia haberet simul plures formas substantiales, quod implicat.

**SED** responsio semper est eadem petitio principij. Tum quia falsum est non posse esse plures formas subordinatas: immò (ad aures Seraph. Doct.) disparatas, vt probatum est

in Physica, & id concedunt Scotistæ cum Scoto quoad formas subordinatas.

**135. PROBATVR** tertid: In mixto potest esse tale temperamentum qualitatum, quale reperiri potest in elemento singulari, quod incorruptum manet substantialiter verbi gratiâ, terra calotis Solis impetita, & aquæ permixta, licet ad temperiem reducatur eius frigiditas, & siccitas per calorem, & humiditatem, idemque in vaporibus ascendentibus contingit: nec tamen ista amittunt esse substantiale terreum, & aqueum: ergo pugna qualitatum, dum elementa concurrunt ad mixtionem, & remissio earundem ad statum similitatis, non potest esse causa interitus formarum elementarium.

**RESPONDET** Oued, *contr. 8. part. 4.* corrumpi formas elementares ratione superfluitatis: forma enim mixti sufficienter se sola actuât materiam, & constituit temperamentum qualitatum, quarum principium potest esse forma mixti, à qua deinde conseruantur.

**CONTRA** primò: Quia hæc est meta petitio principij: id enim est, quod quærimus, an istæ formæ elementares adueniente forma mixti sint superflue.

**CONTRA** secundò: Tunc formæ non sunt superflue, immò necessariæ, quando effectus formalis inferiorum non potest obtineri à forma superiore, sed id evenit in nostro casu: nam forma mixti licet sit superior, tamen non potest tribuere ipsi materiæ esse elementatum, & multiplex formaliter, & substantialiter.

**CONTRA** tertid: Quia superfluitas nullam vim corruptiuam habet,

nec res seipsa destruitur, eo quod sit superflua, vt patet in tot indiuiduis specierum plurium: Tum quia, quod consequitur ad actionem naturalem, non potest dici superfluum: pendet enim ab agente determinato, quod, dum est in actu secundo, debet necessariò producere, sed existentia formarum elementarium in mixto sequitur ad actionem naturalem tum earundem formarum, tum primarum qualitarum: virtute enim actionis, qua producta sunt elementa, existunt formæ elementares in proprio subiecto, & ab ipsis emanant sufficientes dispositiones ad sui conseruationem naturalem, siue sint in summo, siue in esse remisso, siue cum temperamento: ergo non sunt superflue.

PROBATVR quartò: Si elementa secundum formas non remanerent in mixto, nullum daretur mixtum substantiale: sed erit tantum mixtum virtualiter: eo modo enim est mixtum, quo continet mixtilia: sed consequens est falsum: ergo & antecedens. Probatvr minor: (nam maiorem admittunt.) Tum quia non differret nisi accidentaliter à cæteris compositis, (vt dictum est suprâ.) Tum quia sic quodlibet mixtum esset omne mixtum, scilicet mixtum ex omnibus mixtis possibilibus: Probatvr sequela: Idem enim remanent elementa in mixto, quia in ipso remanent virtutes omnium elementorum, sed in quolibet mixto remanent virtutes omnium mixtorum, primæ namque qualitates simul vnite virtute sunt omnium mixtorum possibilem, & istæ remanent in quolibet mixto: ergo. Tum quia mixtum erit mixtum tantum nomine extrinseco, cum denominetur ab eo, quod extra remanet, vel destruitur:

sicque malè appellatur mixtum compositum ex elementis.

PROBATVR quintò ex ipsa mixti resolutione, quæ fit in elementa, & non per nouam productionem, ergo præexistebant antea realiter.

PROBATVR antecedens: nam virtute ignis separatur terra ab aqua in ligno, & aqua in vapores ascendere conspicitur, vel in spumam demitti à terminis ipsius, remanentibus cineribus pro terra: Afferuntur & plures aliæ experientie ab Authoribus, & maximè id patet in sanguine emisso à venis.

PROBATVR sextò: Si solum elementa sunt in mixto virtualiter, sequitur, quod Cælum continet virtualiter elementa: ergo Cælum erit mixtum, consequens est falsum, ergo & antecedens.

RESPONDET Meldul. num. 37. negando sequelam, & paritatem: Cælum enim continet virtualiter elementa in genere efficientis: mixtum verò in genere quasi causæ formalis.

CONTRA primò: Ergo mixtum, si continet elementa in genere causæ formalis, habebit ipsas formas, quod & Nos intendimus.

CONTRA secundò: Quia & Cælum continet formaliter eminenter virtutem productiuam elementorum, sed mixtum per Aduersarios eodem modo continet elementa ipsa scilicet eminenter formaliter, ergo Cælum potest dici mixtum.

RABESANVS de an. lib. 1. disputat. 3. quæst. 7. ad 3. explicat hanc contentiamentiam dicens, mixtum continere in genere causæ formalis, non quod in eo sint veræ formæ elementorum, sed quia continent gradū perfectionis, & eminentialem eo modo, quod dicitur

dicitur anima rationalis continere formaliter, & virtualiter gradum sensitivæ, & vegetantis, talique pacto formam mixti informare in gradu perfectiori materiam continentem qualitates elementorum temperatas.

CONTRA: Quia talis paritas, vel similitudo non potest currere inter animam rationalem, & formam mixti: nam anima rationalis non necessariò præsupponit animam sensitivam, & vegetantem, ut partes ipsam componentes, vel producentes, sicut forma mixti necessariò præsupponit formas elementorum. Tum quia anima rationalis continet identicè gradus sentientis, & vegetantis, quia habet multiplicem potentiam formaliter: mixtum autem tantum continet accidentia separabilia elementorum. Tum quia forma mixti non terminat dependentiam materiæ, quam habet ad formas elementorum, sed tantum eam, quam habet ad sui entitatem.

DICES: Forma superior includit perfectionem inferiorum subordinatarum, sed forma mixti est superior elementis: ergo.

RESPONDETUR maiorem esse veram, quando subordinatio est ratione formarum, non verò quando est ratione materiæ, quæ exigit talem dispositionem, verbi gratià, anima rationalis habet sub se subordinatas formas sensitivam, & vegetantem in ratione formæ informantis: idè formaliter ut superior continet inferiores: non verò formaliter continet formam corporeitatis: hæc enim exigitur in materia, ut rectè sit disposita ad perfici à forma superiore: Vnde illa dicitur contentia formalis eminentialis: ista per

excessum tantum: sic forma mixti formaliter non est ignea, aqua nisi per excessum tantum, licet mixtum formaliter contineat ignem, & aquam, quatenus illa materia debet continere ista elementa, ut per formam mixti informetur.

136. SECUNDA CONCLUSIO: Elementa in mixto remanent cum suis qualitatibus in esse refracto: Est Seraph. Bonavent. lib. 4. *diffin.* 49. *articul.* 4. *quest.* 1. plurimumque aliorum contra multos præcipuè Serbellon. *hic num.* 42. qui licet consentiat nobiscum in prima Conclusionem, asseratque easdem ferè omnes rationes suprà allatas, quæ sunt communes cæteris nobiscum sentientibus, dissentit tamen in hac secunda Conclusionem ex hoc potissimum, quod forma substantialis non suscipit magis, & minus.

SED abundè aliàs à nobis probata est hæc veritas, nempe formam substantialem, licet secundum essentiam non sit capax gradualis latitudinis, propterea tamen est in subiecto, seu materia hac, vel illa posse recipere magis, & minus secundum maiorem, vel minorem actualitatem: Vide in lib. de Cælo in q. de forma lucis, & fusius probatur in lib. de animalium perfectionibus.

PROBATUR secundò: Quia temperamentum est necessarium ad formam mixti, ergo debet esse inter qualitates refractas: ergo & etiam inter formas.

PROBATUR hæc vltima consequentia, quia, ut notat Seraph. Doct. lib. 4. *diff.* 48 *art.* 2. *quest.* 2. in *argum. pæmule*, forma substantialis in materia est causa immediata suarum qualitarum, quæ ei insunt veluti proprietates substantiales, & connaturales:

les : ergo, si istæ insunt, etiam erunt formæ substantiales in esse refracto, proprietates enim consequitur suæ formæ.

Ex quibus colligitur formas elementares esse refractas in mixto quoad suam actualitatem maiorem, vel minorem, & ipsorum elementorum qualitates itidem formaliter refractas, quo pacto in mixto consequuntur debitum attemperamentum, nec possunt se ad pristinum statum reuocare, uti extra mixtum : impediuntur enim adinuicem elementa, ne in propriis qualitatibus intenduntur, & licet adsit prædominium semper alicuius elementi, non tamen destruuntur cætera, quia primò resoluenda est forma mixti, quæ non per quamcunque alterationem qualitatum dissolvitur : conservatur autem debitum attemperamentum tum à contrariis qualitatibus, tum ab extrinseco præcipue ab influxu Cælorum.

OBIECTES contra utramque Conclusionem Arist. pluribus locis indicare mixta continere virtualiter elementa, præcipue 2. de part. anim. ubi docet mixta componi ex elementis (& subdit) rectius autem est, si dixeris ex virtutibus elementorum, quæ sunt quatuor qualitates : & 1. de gen. t. 84. ait potentia remanere ipsa in mixto.

QUIBUS, & consimilibus communiter respondetur per virtutes intelligere qualitates, quæ sunt virtutes elementorum, ex quibus rectius dicitur mixtum componi, quam ex elementis, eo quia elementa non insunt in suo esse completo, & tam sensibilia : at qualitates constituunt quoddam attemperamentum, ratione cuius mixtum denominatur tale, in quo elementa sunt quidem in po-

tentia, scilicet cum suis virtutibus, simulque formaliter.

OBIECTES secundò : Si remanerent formæ elementares actu, & formaliter in mixto, sequeretur mixtum non esse aliquid unum per se, sed tantum ipsa quatuor elementa, seu congeries elementorum. Probaturs sequela, quia si remanent, cum formæ non suscipiant magis, & minus ex Phys. lib. 6. Arist. ergo ibi sunt secundum se totas, ergo erit mixtum veluti acceruus formarum.

CONFIRMATUR : Quia sic mixtio non erit generatio procedens ex corruptione alterius, quod est contra omnes Philosophos, & si est vera generatio, cum in hac terminus à quo sit impossibilis cum termino ad quem, sequitur, quòd corrumpantur ipsæ formæ elementares ad generationem mixti : ergo falsa positio nostra.

RESPONDETUR negando sequelam maioris : Ad probationem respondetur formas non suscipere magis, & minus sumptas Logicè, vel Metaphysicè, ut ait S. Doct. lib. 2. dist. 3. part. 1. dub. 2. aliisque locis alias adductis in cit. quæst. de forma lucis : suscipere autem, prout sunt in tali, vel tali materia secundum gradualement actualitatem, idque est maxime verum loquendo de formis imperfectis ordinatis ad constitutionem alicuius entis perfectioris, idèd sunt in mixto secundum se totas specificè, & Metaphysicè, sed in esse refracto, sic negatur consequentia.

Ad confirmationem Respondetur distinguendo de mixtione : vel enim hæc respicit formam mixti productam, vel elementa, ex quibus tantum ex causa materiali coalescit : Primo modo est generatio formæ mixti,

mixti, quæ educitur positâ perfectâ alteratione, compenetratone, & mixtione elementorum, vt ait Seraph. Doct. *lib. 2. dist. 15. cit.* Secundo modo dicitur mixtio propriè: vnde omnis mixtio est generatio, sed non è conuerso, sed tantùm ea est generatio mixti, quæ supponit mixtionem elementorum. Et ad id de termino à quo, & ad quem huius generationis Respondetur elementa secundùm esse perfectum esse terminum à quo, cum verò per alterationem, & commixtionem refranguntur, & remittuntur, tunc habetur terminus ad quem non vltimatus, qui remanet cum vltimato, qui est forma completa mixti: & hinc etiam patet, quòd hæc generatio non est propria, & rigorosè sumpta, sed productio substantialis formæ mixti absque præcedenti corruptione reali elementorum, ex hoc quod talis subordinatio est ex parte materiæ, vt supra dictum est.

CONTRA: Si forma mixti aduenit, & superadditur ipsis elementis refractis, ergo aduenit enti in actu: ergo aduenit accidentaliter.

RESPONDETUR negando consequentiam: aduenit enim enti in actu, sed incompleto, & per aliam formam complebili, & ob id materiæ taliter dispositæ, sicut dictum est de forma corporeitatis.

138. OBJECIES tertio: Vbi non est formalis effectus, vel proprietates formalis formæ substantialis, ibi non est forma substantialis etiam in quouis minimo gradu, sed in mixto non adest effectus formalis istarum formarum, ergo nec ibi adsunt.

PROBATUR minor: quia si esset talis effectus elementorum, verum est dicere, lignum est ignis, est  
*R. P. Bart. de Castrovetro Phil. P. III.*

aqua, &c. quod est falsum.

RESPONDETUR concedendo maiorem, & distinguendo minorem: In mixto non est effectus formalis elementorum totaliter, & secundùm esse completum, concedo, secundùm esse incompletum, nego: & ad probationem Respondetur non requiri, nec sequi talem denominationem in recto, sed in obliquo, ex hoc quod mixtum non habet vltimam completionem formalem ab ipsis, sed tantùm dispositionem materialem, sed à sua forma: Vnde elementa prædicantur modo materiali de mixto, sicut dicitur, homo habet corpus, non verò homo est corpus: sic lignum habet ignem, &c. denominatio enim formalis est à forma complente.

CONTRA: In mixto adsunt quatuor elementa, quæ sunt veræ substantiæ de se completæ, & subsistentes, & disparatæ, non subordinatæ: ergo mixtum completur per ipsas: ergo & denominabitur in recto per eandem.

RESPONDETUR concedendo adesse quatuor elementa secundùm proprium esse, sed incompletè, idest quatenus materialiter subordinantur ipsi mixto: obidque se habent, vt materia complebilis per formam mixti, & in hoc sensu sunt subordinatæ, scilicet terra aquæ, & ista aëri, & aër igni, & omnes formæ mixti, vt ait S. Bonau. *lib. 2. dist. 15. cit. quaest. 2.*

OBJECIES quarto: Si formæ elementorum sunt actu in mixto, vel sunt in eadem parte materiæ, vel in diuersis: non primum, alioquin essent simul plura corpora compenetrata, quod est naturaliter impossibile: si in diuersis partibus, ergo  
Q non

non est mixtio nisi improprie dicta, & secundum iuxtapositionem.

RESPONDET Serbellon. *hic n. 43.* esse in diuersis partibus materiae, idest quamlibet formam informare suam propriam materiam, sed cum subordinatione non quidem inter se, sed in ordine ad mixtum: Sed ex hac responsione sequitur non esse veram mixtionem, & quod forma mixti informat diuersas materias diuersimodè, & realiter distinctas, & informatas, siquæ mixtum erit aggregatum ex pluribus entibus in actu: immò nec quælibet pars mixti esset mixta.

HINC cum Seraphico Doctore *lib. 2. distinct. 15. citat.* & alibi pluries Responderetur quamlibet formam informare eandem materiam, sed cum subordinatione materiali, vt dictum est: nam forma aquæ informat eandem materiam iam simul informatam incompletè à forma terræ: aëris forma informat eandem iam informatam, forma terræ, & aquæ, & forma ignis tota totum informat: forma enim terræ ita actuatur illam materiam, vt disponat etiam ad recipiendam, & ad actuari à forma aquæ, & sic successiuè de aliis, quæ subordinatio inest ipsis inter se ratione non solum qualitatum symbolicarum, sed & entitatis ipsarum.

139. INSTANT: ergo dabitur penetratio naturaliter plurium corporum inter se: quod est impossibile.

RESPONDETUR ex Seraph. Doct. quod duplex est penetratio: Alia semiplena, & naturalis: alia plena, & miraculosa: Prima dupliciter fit, vt ait Seraph. Doct. *lib. 4. distinct. 12. p. art. 1. art. 2. quest. 12. ad ultim.* primò quando liquor liquori miscetur, & tunc non fit mixtio vsque ad mini-

ma, verbi gratiâ, si mel cum aqua misceatur, vtrumque enim seruat propriam dimensionem, & essentiam, & hæc nec est proprie mixtio, de qua hic est sermo, nec in ea datur propria penetratio: Alia fit & secundum quantitatem, & secundum virtutem: vt in mixtione physica elementorum: nam (ait Seraphicus Doctore *lib. 2. distinct. 15. art. 1. quest. 2. & 3. & distinct. 30. artic. 3. quest. 1.*) aqua tota penetrat totam terram, sed non perfectè ob suam grossitiem: aër, qui est subtilior, adhuc intimius se profundat, & ignis tandem vt rarior, & subtilior penetrat vsque ad minima: In qua penetratione substantiarum naturali ex pluribus dimensionibus existentibus in materia cuiusque elementi interminatis fit vna quantitas continua, quæ per aduentum formæ mixti accipit figurationem tali mixto competentem, & hæc admittitur in mixtione eo modo, quo forma penetrat materiam, anima sentiens, & vegetans penetrant corpus, quam penetrationem admittunt naturaliter Fernelius, Aliique Philosophi, & nouissimè P. Cæbæus in suis meteoris *t. 4. lib. 4. ad text. 9. quest. 4.* Alia penetratio perfecta est miraculosa, de qua Seraph. Doct. *lib. 4. distinct. 49. art. 6. part. 2. quest. 1. & Comp. Theol. lib. 7. cap. 28. §.* & est sciendum, quod sicut, &c. & *lib. 1. dist. 19. part. 2. dub. 4.* Vide, quæ à nobis dicta sunt in Physica à *num. 714.*

Et si quæras: quodnam discrimen est inter vtramque.

RESPONDETUR differre in multis præcipuè primò, quia naturalis exigit vnionem substantialem corporum se penetrantium, in qua aliquando

quando succedit maior occupatio loci, ut in rarefactione, & mixtione: aliquando minor est in condensatione: At in miraculosa non interuenit vnio, nec subordinatio, nec discissio, sed remanent ambæ dimensiones illesæ ita, quod vnâqueque respicit eundem locum adæquatè: at in naturali quælibet respicit eundem locum inadæquatè: Secundò naturalis penetratio fit successiue: supernaturalis fit in instanti: Tertio, quia naturalis est penetratio partium omnium, sed non secundum se totas, verbi gratiâ in condensatione quantitas bipalmaris fit palmaris, tunc vna pars occupabit aliam partem per medietatem, & alia aliam respectu loci: Vnde, ut dictum est, respicit illud locum inadæquatè: at in supernaturali fit penetratio partium secundum se totas, ut in exitu Corporis Christi per ianuas occupabat simul, & semel totum, quod occupabant ianux, vel partes portæ respondentes Corpori Christi.

DICES: Ista elementa sunt corpora realiter distincta, & seiuncta: ergo ibi sunt plures quantitates realiter distinctæ: sique erunt plura accidentia numero in eodem loco.

140. RESPONDETUR ex traditis ex Seraph. Doct. in Physica, quia in materia adsunt quantitates, seu dimensiones terminatæ, cum quodlibet elementum habeat suam materiam corpoream quantificatam cum propria terminatione: dum autem ratione virtutis rarefactiue fit penetratio aquæ in terram, æris in terram, & aquam, & ignis in alia tria modo suprà dicto: tunc ex pluribus quantitatibus coalescit vnica quantitas accipiens per educationem formæ mixti propriam ipsius termina-

tionem: hinc negatur esse ibi plura corpora, sed vnicum tantum, cum per formam mixti informantur ipsa elementa, quæ se habent ut materia eiusdem formæ mixtionis: Vnde hæc subordinatio elementorum ad formam mixti est ratione materiæ, ut alias dictum est: obidque constituunt vnicam materiam quantificatam, & terminabilem noua terminatione.

INSTABIS iterum: Inter formas elementares, & formam mixti non adest proportio, sunt enim disparatæ, ergo nec subordinatio.

SED iam suprà soluta est hæc difficultas: Adest enim subordinatio sufficiens: facit ad maiorem expressionem huius veritatis doctrina egregia, quam tradit Seraphicus Doct. *lib. 2. dist. 1. part. 2. art. 1. quæst. 2. ad 2.* ubi explicat proportionem, quæ est inter animam rationalem nobilissimam, & corpus humanum, quæ licet sint maximè distantia: tamen supremum corporis, quod inuoluit formaliter complexionis æqualitatem organizationem cum spiritibus vitalibus naturalibus, & animalibus, & infimam animæ, quod est potentia sensificandi, & vegetandi, habent vicinitatem, & subordinatorem: Sic & pariter elementa sunt per ordinem ad mixtum, ait Ipse *lib. 2. dist. 15. art. 1. quæst. 2.* licet sint ex se, & seiunctim disparata: tamen ratione qualitatum & vnitim sumpta habent vicinitatem, & subordinatorem: de qua vide S. Bonau. *lib. 2. dist. 17. art. 2. quæst. 2.* Hincque in istis formis adest subordinatio ratione materiæ, idest multiplicis appetitus, qui ab inferiori non completur.

EX hinc secundum varietatem dispositionis

positionum hūc ab agente extrinseco diuersamixta: Hæc enim vel sunt perfecta, vel imperfecta: prima sunt vel inanimata, vt sunt, quæ generantur in terra, in quibus elementa vel passiva, vel actiua prædominantur: vel sunt animata, de quibus agetur in *lib. de anima*: vel sunt imperfecta, de quibus *infra citat*. Videatur Seraph. Doct. lib. 2. *distinct.* 15. *art.* 1. *quest.* 2. & 3. & *Comp. Theol.* lib. 2. *cap.* 9.

OBICIENS vltimò: Quia sequeretur, quod ignis, verbi gratiâ, esset violententer in mixto, cum eius naturalis locus sit sursum: at mixtum est deorsum: ergo.

RESPONDETUR in mixto adesse elementa, sed cum qualitatibus refractis, obidque absque violentia, & cum leuitate, vel grauitate in esse remisso: tum etiam quia refrangitur per temperamentum eorum inclinatio, ita quod possunt diu permanere, sed quia adest illa inclinatio in esse refracto, & ob id cum aliquali operatione, idè etiam sunt in pugna.

DICES: ergo parua scintilla magis resistet maximæ copię aquæ, quàm maximus ignis fornacis.

PROBATUR, quia in pisce adest parua scintilla ignis, quæ resistet toti aquæ maris, quæ tamen exstinguet ignem totum fornacis, quæ, cum sint absurda, sequitur non adesse ignem formaliter.

RESPONDETUR negando sequelam: Ad probationem Respondetur in dato casu non esse illam parua scintillam, quæ resistit aquæ, sed esse totum mixtum, immò totum animal.

RATIO autem, quare exstinguit ignem fornacis, est, quia cum in fornace adsit mixtum, in quo præ-

dominatur ignis, & ær, & cum elementa actiuiora sint minoris resistentiæ: hinc per aduentum aquæ exstinguitur, idest corrumpitur mixtum cum prædominio ignis remanentibus carbonibus, qui sunt item mixta: at pisces cum habeat formam mixti cum quatuor elementaribus formis, & ob id cum parua scintilla ignis, cum sint ibi qualitates refractæ, & adsit prædominium aquei, & terrei humoris, quæ sunt qualitates symbolicæ cum aqua maris, & cum sint magis restituiæ, hinc non corrumpitur piscis, sed corrumpitur ille ignis fornacis, seu illud mixtum: sicque tota difficultas euanescit, quæ doctrina magis patefiet in *tract. de anima sensitiua*.

QVÆRES, quænam sint causæ mixti.

141. RESPONDETUR, quod causa materialis sunt ipsa elementa, siue materia elementata, formæ enim elementorum ita actuant materiam corpoream, vt etiam disponunt ipsam ad recipiendam formam nobiliorem, & hoc ratione attemperationis suarum qualitatum: Idèoque Causa formalis est ipsa forma mixti, quæ diuersificatur ad diuersificationem temperamentorum: Causa finalis est ordo, & decursus generationum huius mundi sublunaris: Causa efficiens alia est vniuersalis, alia particularis: vniuersalis est Deus, Cælum, & hoc præcipuè est inter causas creatas, vt ait Seraph. Doct. lib. 2. *distinct.* 2. *part.* 2. *art.* 1. *quest.* 2. & *distinct.* 17. *art.* 2. *quest.* 2. in corp. facit enim præcipuè ipsas influentia ad elementorum conciliationem regimen, & directionem: Causa particularis est vel vniuoca, vel aquiuoca: Intrinseca est natura per principium



ecipium actiuum, & passiuum tendens ad id, quod melius est, vt ait Seraph. Doct. lib. 2. *distinct.* 15. art. 1. *quæst.* 2. ad ult. & *quæst.* 1. ad 4. Extrinseca verò est agens particulare in materiam, educensque formam mixti: Quod verò mixtum sit talis, vel talis speciei, dispositiuè dependet ab hoc, vel illo attemperamento diuersimodè compacto: formaliter verò à forma existente in seminario materiæ, quatenus educitur ad esse completum ab agente extrinseco: Causa verò conseruans ipsum mixtum in esse est debitum attemperamentum compactum ex refractione elementorum modo, quo supra dictum est, & ipsarum qualitarum: Dato enim tali attemperamento elementa adinnicem impediuntur, ne in propriis qualitatibus intendatur eo modo, quo intenderentur extra mixtum, & cum qualitates sint contrariæ, vna non potest intendi, nisi contraria remittantur, quod non euenit ob conciliationem factam in mixto. Et licet semper deatur prædominium alicuius elementi in mixto, obidque aliqua inæqualitas in viribus, non tamen destruantur cætera: quia primò resolueda est forma mixti, quæ non per quâmcunque alterationem dissoluitur: alioquin in omnibus mixtis danda esset æqualitas ad iustitiam: ne autem statim elementum prædominans conturbet necessarium contemperamentum, retunditur tum à contrariis qualitatibus præcipuè adiutis à principio innato, nec statim vinci possunt: tum etiam ab extrinseco præcipuè ab influxibus Cœli, à quibus multàm pendet conseruatio mixtorum: quia vtique refrangunt virtutem elementi præ-

dominantis, & adiuuant cætera, ne succumbant: Sic Seraph. Doct. cit. & lib. 4. *distinct.* 49. *part.* 2. art. 4. *quæst.* 1.

## QVÆSTIO VII.

### De Raritate, & Densitate,

142. **Q**UIA, vt docet Seraph. Doct. lib. 2. *dist.* 17. art. 2. *quæst.* 2. *fund.* 2. nihil est miscibile, nisi sit rarefactibile, & condensabile: hinc hæc materia de rarefactione, & condensatione, cum sit annexa mixtioni, hic consequenter à nobis est tractanda, licet ab aliis alibi, estque fortè inter difficiliores difficilima quæstio: Dari autem rarefactionem, & condensationem certum est, & patet experientia continua in aqua igni exposita, quæ tumescit in olla, & in cæteris rebus. Difficultas est in hac materia, quomodò fiat rarefactio, & condensatio, seu quisnam sit terminus horum motuum: an sit quantitas: an aliquid aliud: cum enim in rarefactione occupetur maius spatium, videtur, quod ipsius terminus sit quantitas augmentata, & è conuerso in condensatione quantitas diminuta: & ex aduerso cum non adsit noua generatio substantiæ, nec etiam videtur intervenire noua acquisitio quantitatis. Hinc

PRIMA opinio fuit Antiquorum ante Aristot. qui in rarefactione admittebant vacuitates, ipsasque in condensatione repleri asserabant

SECUNDA opinio est Plurium Antiquorum, & Recentiorum sustinentium in rarefactione acquiri no-

nam quantitatem, & qualitatem, in condensatione deperdi: Ita Caiet. Tolet. Faber, Pluresque Scoristæ apud Meldul. *disput. 4. num. 19. & num. 31. quest. 4.*

TERTIA opinio negat omnino ullam substantiam quantitatem, vel qualitatem acquiri, siue deperdi, sed acquiri, & deperdi tantum novam extensionem localem: sic communior apud citat Meldul. & *num. 41.* idque & à Seraph. Doct. asseritur, sed diuerso modo, & ex diuersis principiis ab Authoribus huius sententiæ, vt infra patebit.

QUARTA opinio sustinet per rarefactionem acquiri novam substantiam externam tenuiorem replentem vacuitates illius materiæ rarefactæ, & per condensationem fieri expulsionem eorumdem corpusculorum: in reliquis postea conuenit cum tertia opinione: Et hæc est Ocham, & Nomin. Vallesij, Bassonij, Arriag. *disp. 16. Phys. sect. 10. subsec. 2.* Maioron. *lib. 4. disp. 12. q. 15.* Serbellon.

QUINTA opinio est asserentium rarefactionem fieri per extensionem partium quantitatiuarum ab aliis: condensationem per penetrationem earundem partium: sic Guatin. hic *exp. 2.* Aliique, quos supresso nomine citat. Meldul. *disp. 4. quest. 1. num. 1.* & hanc esse opinionem Seraph. Doct. existimo germanam, vt infra patebit. Quare

PRIMO Notandum est, quod tota difficultas in hac materia reducitur ad hæc capita: Primum, in quo consistat ratio formalis densitatis, & raritatis, scilicet an in qualitate quadam quantitati inherente, ratione culus quantitas contrahitur, vel extenditur ad maius, vel minus spatium: In hac qualitate communiter

Recentiores recognoscunt rationem rarefactionis, & condensationis: Vnde aliud est ipsa qualitas, quæ est radix dilatationis, & extensionis localis, aliud est ipsa quantitas, aliudque ipsa dilatio, seu motus localis, ex vi cuius producitur præsentia, secundum quam corpus occupat maius, vel minus spatium: Secunda difficultas est, quomodo eadem quantitas eum eisdem numero partibus possit modo plures, & postea pauciores spatij partes occupare sine penetratione, siue sine locatione bina ipsarum inter se: & hæc est difficultas maxima, quam insuperabilem appellat Hurtadus *sect. 5. disp. 4. §. 45.* Tertia est, quia videtur non posse saluari vacuum, cum sit rarefactio.

143. SECUNDO Notandum, & supponendum ex traditis in Phys. ex Seraph. Doct. *lib. 1. Phys. tract. 2. quest. 11.* In materia adesse dimensiones interminatas: quantitas interminata, quæ est cœua materiæ corporeæ, & ab ipsa naturaliter inseparabilis, est de se quid incompletum, quæ licet habeat aliquam imperfectam terminationem: tamen adhuc est capax nouarum terminationum, figuratum, & nouæ completionis, quæ licet non mutant essentialiter quantitatem ipsam: mutant tamen accidentaliter, vt patet in globo ceræ, & in Embrione, quem exempli causa affect. S. Bonau. *lib. 2. dist. 12. quest. 3.* quare potest stare immutata quantitas essentialiter, & simul subiecta variis terminationibus, vt euenit in rarefactione.

TERTIO Notandum ex eodem Seraph. Doct. *lib. 2. distinct. 30. art. 3. quest. 1. in improbat. 3. opin. & lib. 2. distinct. 18. artic. 1. quest. 2. fund. 5.*

&c

*Et lib. 1. dist. 17. part. 2. art. 1. quest. 1. ad 3.* quod aliquid fieri maius, seu crescere potest dupliciter: primo per additionem: secundo per rarefactionem: primo modo fit addendo aliud quantum priori quanto per appositionem, seu juxtapositionem nouæ substantiæ, & quantitatis simul: vt in nutritione, & in augmento substantiali rei materialis: secundo modo per rarefactionem fit aliquid maius nullo de nouo substantiali, seu quanto addito: idque potest fieri duobus adhuc modis: Primo per augmentum ex vna parte, & decrementum ex alia, seu per acquisitionem nouæ terminationis cum deperditione alterius terminationis, vt si per longitudinem aliquid crescat, & per crassitiem decrescat: Secundo cum augmento secundum omnem partem, idque fit in rarefactione per maiorem explicationem partium prius penetratarum, & in condensatione per maiorem penetrationem earundem partium: Vt autem id intelligatur

144. **QVARTO** Notandum, quod, vt docet Seraph. Doct. *lib. 4. dist. 49. part. 2. art. 6. q. 1. ad 1. & 2. & lib. 2. dist. 14. part. 2. art. 2. quest. 1 in corp. & lib. 1. dist. 17. part. 2. art. 1. quest. 1. ad 3.* raritas alia est disponens ad patiendum, alia ad agendum: sic aqua habet aliquam imperfectam raritatem actiuam, qua penetrat totam terram imperfecte, & terra habet aliquam raritatem passiuam, & receptiuam aquæ: æt̃ habet raritatem vitamque, sicut aqua, & ignis habet tantum raritatem actiuam, cum sit in summo rarus: & hæc raritas tam actiua, quàm passiuæ est ratio, quare naturaliter fit penetratio mutua elementorum, ad

hoc vt sint materia disposita ad formam mixti.

Et hinc rarefactio, licet disponat ad penetrationem, vt dictum est, fit tamen in eodem corpore per explicationem, & dilatationem maiorem partium prius intra se penetratarum respectu maioris loci, quatenus illa quantitas recipit nouam, & maiorem extensionem, & terminationem: Condensatio verò è contra fit per penetrationem earundem partium, quatenus scilicet eadem quantitas deperdit priorem dilatationem, & terminationem, nouamque acquirit se restringendo ad minorem locum, ad quod concurrit virtus passiuæ, & actiua illius substantiæ, quæ condensatur, quæ à S.D. appellatur rarefactiua, licet magis propriè diccretur potentia passiuæ, & actiua substantiæ quantæ: His positis

**PRIMA CONCLUSIO:** In rarefactione non acquiritur, & in condensatione non deperditur noua quantitas. Est S. Bonauent. *lib. 1. dist. 17. citat. & lib. 2. dist. 30. citat.*

145. **PROBATVR** hac ratione Seraph. Doct. Non producitur quantitas sine substantia, sed in rarefactione non producitur noua substantia: ergo nec noua quantitas: Item in Condensatione non deperditur substantia: ergo nec quantitas: Maior est certa: Minor admititur ab omnibus, solum enim per generationem producitur substantia, qualis non est actio rarefactiua, & per corruptionem deperditur substantia.

**RESPONDENT** acquiri, & deperdi non totam, sed partem quantitatis in priori materia, quæ remanet.

**CONTRA**

CONTRA: ergo datur penetratio naturalis duarum quantitatum, quam ipsi Aduersarii tantum abhorrent: Penetratio enim est intima præsentia vnius quantitatis cum alia in eadem materia, & in eodem loco, sed in rarefactione acquiritur noua quantitas in eadem materia iam quantificata: ergo vel datur penetratio, vel quantitas præcedens se retrahit, vt cedat locum nouæ aduenienti: Primum non admittunt: Secundum non possunt admittere, quia sequeretur discontinuatio ipsarum quantitatum, & quod accidens migraret de subiecto in subiectum.

PROBATVR secundò: In toto corpore rarefacto, & extensiori eadem accidentia reperiuntur, quæ antea verbi gratiâ, vinum cum eodem colore, sapore, &c. ergo est eadem quantitas ac prior.

PROBATVR consequentia; nam si sunt eadem accidentia, non possunt habere diuersum subiectum, alioquin transirent de subiecto in subiectum: nec potest dici esse eadem specie, & diuersa numero, quia agens rarefaciens virtualiter ea non continet, verbi gratiâ, ignis rarefaciens aquam non continet eius humiditatem, & Sol rarefaciens vinum dulce, & vinum amarum non potest in vno producere dulcedinem, in altero amaritudinem, & colorem diuersum: ergo cum non adsit agens ea producens, dicendum est esse eadem accidentia numero.

CONFIRMATVR in Sacramento Eucharistiæ. Tum quia sequeretur Christum vel non esse, sub noua quantitate in speciebus rarefactis, & perdere suam præsentiam in condensatis, vel illam posse produci absque subiecto ab agente naturali,

sicque produceretur per creationem, & aboleretur per annihilationem, quia id fieret absque dependentia à subiecto, quæ omnia sunt absurda, nec admittuntur ab Aduersariis.

146. SECUNDA CONCLUSIO: Rarefactio non fit per acquisitionem substantiæ extraneæ, siue corpusculorum intromissionem intra poros, vel pattes fluidas: & Condensatio non fit per perditionem substantiæ extraneæ, siue per euaporationem talium corpusculorum: Est contra Ocham *op. de Eucharist.* Gabriel. in *Can. lib. 45. Valles. 4. Phys. r. 48. & contr. 17. Bassonium, Arriag. disp. 16. Phys. sect. 10. subsec. 2. Oued. contr. 7. part. 5. de gen. Serbellon. disput. 2. de gen. quæst. 2. art. 7. & Plures Alios: Est tamen Seraph. Doct. citat. Scoti apud Meldul. *disp. 4. num. 8. & communiter Aliorum.**

Hic tamen adnota, quòd multiplex est acceptio rari, & densi: aliquando sumitur rarum pro corpore laxo, & fluido, ac veluti inconstanti: interdum pro corpore poroso: vt communiter sumitur ab Aduersariis præcipuè ab Arriaga: tertio pro corpore non spissè contexto, vt est in panno raro: quarto pro corpore rimoso, vt est ædificium rimis contextum: & in his cadit deceptio Multorum (ait Meldula) quinto pro raro, & denso in rigore Philosophico sumptò: Vnde loquendo de rarefactione impropria certum est aliquando in rarefactione ingredi aliqua corpuscula, vt patet in spongia, quia in tali casu non est idem corpus, quod occupet maiorem locum, sed sunt plura corpora: rarefactio enim est per omnes partes etiam minimas in eadem materia, & quantitate, quæ comparata ad totum spatium

tium, quod occupat, est parua: Vnde sic definitur rarum ab Aristotele, quod *sub magnis dimensionibus parum habet materia, seu quantitatis*: è contra densum est, quod *sub parvis dimensionibus multum habet materia*: Hinc

PROBATVR primò ratione Theologica allata à Scoto apud Meldul. quia si rarefactio fieret per introductionem corpusculorum, in vino consecrato aduenirent noua corpuscula: sicque Christus non esset ibi vbique, & in condensatione deperderetur substantia consecrata: tuncque deberet Sacerdos sagagere, vt illa captaret, ac in sacratio reponeret, quod est ridiculum.

PROBATVR secundò ratione Physica, quia sequeretur, quod nulla substantia corporea posset ex se rarefieri, & condensari, sed hoc inuoluit contradictionem, & patet, quia manifestè est contra Philosophicam doctrinam, & experientiam.

PROBATVR sequela, quia rarefactio formaliter consistit secundum Aduersarios in intrmissione corpusculorum, & condensatio in euatione eorundem, sed ista corpuscula sunt diuersæ rationis, nec pertinent ad materiam rarefactam: ergo talis materia secundum se non est capax talis alterationis, sed tantum receptionis istorum corpusculorum diuersæ rationis, sed consequens est falsum, ergo & antecedens.

PROBATVR, quia de se patet talem materiam, verbi gratiâ, aquam esse capacem calefactionis, & frigectionis, quæ sunt causæ talium alterationum: ergo. Tum quia in corpore rarefacto per totum sen-

tiuntur eadem accidentia: at si aduenirent noua corpuscula, haberent propria accidentia, quæ sentiri deberent, idque maxime in corpore valdè raro, vt est ignis, sed non sentiuntur: ergo. Tum quia deberent esse tenuiora talia corpuscula ipso corpore, sed id est impossibile in aliquibus, vt in igne, qui est omnium elementorum rarissimus. Tum quia ab igne tandem consumerentur. Tum quia multa sunt corpora non porosa, obnoxia tamen rarefactioni, & condensationi, vt euenit in cælis, vt egregiè, & subtiliter docet Sanctus Bonauentura Seraphicæ Religionis splendor *lib. 2. distinct. 14. citat.* Tum quia multa corpora sunt, quæ rarefacta occupant duplo, & triplo plus loci, ac prius occupabant, sed in dato casu in maiori quantitate essent corpuscula interposita, quàm corpus rarum: in quo casu totum, quod prius erat, variaretur in accidentibus, verbi gratiâ, vinum deperderet suam rubedinem, vt euenit, dum miscetur cum aqua, quod tamen experientia est falsum: ergo. Tum quia si condensatio fieret per extractionem corpusculorum, res condensata fieret leuior: non enim potest dici illa corpuscula non ponderare maxime multiplicata, sed id est contra experientiam: ergo. Tum quia variis experientiis id apparet falsum, quæ sunt adductæ à Meldul. *citat.* præcipuèque in Thermoscopio, in quo aqua ascendit vsque ad certam partem cannulæ vitreæ relictæ superiori parte cannulæ aëre plena: si ipsi applicetur calor, tunc aër rarefit, qui exigens maiorem locum

R compr

comprimit aquam deorsum : in quo casu vnde venient corpuscula ad re-

Aspice (germane Lector) & primum in hac Figura tibi apparebit.



plendas vacuitates corporis rari,  
cū sit illa cannula ex omni parte

obturata? Eadem experientia habetur in cucurbitulis, seu ventosis, vt ait S. Bonauent. *Serm. 1. de S. Marco*, quando ignis intra illas accensus extinguitur, & in aërem verritur, qui aër, quia est densior igne, minorem exigit locum, tunc ad se attrahunt carnem, ne detur vacuum: at si aër poros haberet repletos corpusculis, non esset opus eleuari carnem: Arriaga hinc stupiditatis insinulat omnes Authores, quod non considerarint hactenus suum errorem, quem ipse solus aduertit, nempe carnem non eleuari ad replendum vacuum: (id enim deberet fieri in instanti, & tamen solum euenit successiue) nec quia aër minorem locum occupet, quam ignis, sed quia aperti sunt pori carnis, & intra illos introducitur aër paulatim, & sic caro repleta aëre paulatim ascendit ad replendum locum relictum ab aëre: At mirum est, quomodo Arriaga solus inter omnes sapiat contra patentem experientiam, patet enim ad sensum attrahi sanguinem ad cutem, & ad poros carnis, sed quia aër condensatur paulatim, etiam paulatim, & successiue attrahitur caro, & sanguis, licet in principio in instanti fiat aliqua attractio, & eleuatio: Sed videatur Meldul. *citat.* qui plura fusè, & ex more suo doctissime affert pro hac opinione firmanda.

147. TERTIA CONCLUSIO:  
Rarefactio formaliter fit per maiorem explicationem quantitatiuarum partium in ordine ad locum: Condensatio per restrictionem, seu penetrationem eandem partium in ordine ad locum: Est Fernelij, Verulani, P. Valeriani nostri, & conformis principiis Seraph. Doct. su-  
prà

præ traditis, & in quæst. antecedent. item & Guarini. disputat. de rarefacti. exp. 2. Concl. 4. & ex parte etiam Bagææ disput. 2. sect. 6.

PROBATVR primò pluribus experimentis allatis à cit. Authoribus, vt in pane, qui vino iniectus illud absorbet, & cyarum plenum in minorem quantitatem contrahit: lignum fit quandoque marmor tricies, vel quater ponderosius, in quo casu humor lapidificus vel poros intrauit, vel penetravit, cum in quantitate lignum non creuerit, si poros intrauit: ergo lignum habuit plures poros, quàm partes tricies, quod est improbable: ergo dicendum est penetrasse in quantitatem ligneam: ergo in tali casu condensationis datur penetratio: Videatur citat. Guarinus, qui alias experientias affert, sed quia istis non est multum fidentium: Idem

PROBATVR primò rationibus: Quando aliqua quantitatiua substantia rarefit: vel partes illius magis distant inter se, vel non: Secundum non potest dici, cum experientia oppositum dicat, & id sit de ratione rari corporis, ergo distant, ergo vna pars est magis extra aliam, quàm prius erat, & si prima, & vltima inuicem magis distant, vt verbi gratiâ, quæ prius per palmum, modò per duos distant, consequenter & intermedix, sed non possunt distare per discontinuationem, nec per interpositionem vacui, nec alterius substantiæ, vt in præced. Concl. probatum est: restat ergo dicere distare per exitum vnus quantitatis ab alia. Idem ex opposito argumentum fit in condensatione, in qua, verbi gratiâ, pars bipalmaris in palmarem restringitur: ergo si partes, quæ ge-

minum palmum occupabant, sub vno latent, sequitur illas prius distitas fuisse per poros, & per substantiam alienam, quod est falsum, aut vnâ sub alia latere.

RESPONDET Aresius in condensatione non interuenire penetrationem, sed solum maiorem constitutionem partium, ratione cuius, quando fit rarefactio, partes propinquæ non magis distant, ac antea secundum id, quo alteri comparti coniunguntur ratione lateris extrinseci indiuisibilis, sed distant ratione lateris intrinseci, seu partium intrinsecarum, quæ sunt diuisibiles in infinitum, obidque & possunt magis, ac magis dilatarî, quæ responsio licet satis acuta, verè non soluit rationem euidentissimam allatam, sed magis ipsam confirmat: Hinc

CONTRA primò, & quæro, quid importabat ante constipationem raritas? Partium sciunctionem, an non? non primum, quia erat quid continuum: ergo coniunctionem partium, sed non datur maior, vel minor coniunctio, nisi per penetrationem, & extensionem maiorem partium: ergo.

CONTRA secundò, & quæro de illa parte, quæ termino illo indiuisibili extrinseco consequitur immediatè: an illa magis distet, an non? Si distat: ergo recurrit argumentum supra allatum: Si non: ergo non est rarefactio.

RESPONDET Aresius, & est communis responsio talem partem non esse assignabilem, cum partes in infinitum sint diuisibiles.

CONTRA primò: quia, vt probauimus in Physica, quantitas componitur ex partibus finitis, & deter-

minatis. Tum quia omnes partes secundum se verè, & realiter sunt inter se distinctæ, & determinatæ secundum entitatem, ergo & in particulari quælibet pars ab alia distabit. Tum quia in rarefactione extensio talium partium reali, & vera operatione determinata attingitur, ergo est quid determinatum: ergo per talem infinitatem non soluitur difficultas. Tum quia in illa diuisibilitate, seu in indiuisibilitibus non consistit raritas; cum sit quid in potentia, non actu: ergo consistit in ipsa partium entitate, sed in hac extensione non acquiritur noua substantia, nec quantitas: ergo entitas tota se dilatat: ergo & omnis eius pars se dilatat: ergo vna pars exit ab alia.

PROBATVR secundò: Ponamus fuisse factam aliquam vehementem condensationem, vt si quando ex vaporibus lapis fulmineus constipatur: certum est vapores occupantes, verbi gratiâ, viginti palmos in quartam partem palmi fuisse redactos: tunc quæro; an illa tota materia vaporum in illo lapide abscondatur: fatentur id totum delitescere, id enim pondus demonstrat: ergo etiam fateri oportet partes plures substantiæ minore spatio incomparabiliter fuisse collectas: sicque quod plures partes materiæ paucioribus loci correspondeant: sed id non potest fieri nisi per penetrationem partium: id enim est plura quanta in eodem loco esse: ergo vera Conclusio.

RESPONDET Morandus, concedendo totum de partibus determinatis, negando de indeterminatis, quæ sunt infinitæ: obidque nec plures, nec pauciores sunt in loco, quàm in materia.

CONTRA: quia partes infinitæ

illæ, licet sint diuisibiles in infinitum syncathogonaticè, aliam entitatem tamen non possident, quàm finitam, sed ex Aduersariis, vt infinitæ, sunt æquales, sicut prius sunt, vt finitæ, non sunt æquales vt prius: ergo vt finitæ sunt verè compenetratæ actu. Tum quia partes cum finitæ, tum infinitæ pondus efficiunt, & occupant minorem locum: ergo tantæ partes solum per penetrationem occupabunt locum minorem.

PROBATVR tertio: Plura indiuisibilia, sicut & plures partes loci occupat quantitas bipalmaris, quàm palmaris, sed ex dictis, quando quantitas palmaris per rarefactionem fit bipalmaris, non illi puncta, & partes eiusdem, vel diuersæ rationis adiunguntur, ergo dicendum est illa indiuisibilia, & partes loci, quæ de nouo occupantur, occupari à punctis, & partibus extractis quantitariæ substantiæ, quæ in aliis latebant, erantque cum illis penetrata.

RESPONDENT dilatari per solam diuersam extensionem quoad locum.

CONTRA: Maior extensio quoad locum supponit id, cui adhæreat: est enim modus, immò est ipsa quantitas: Vel ergo, quot sunt partes huius extensionis, tot sunt partes substantiæ extensæ, vel non: Secundum non potest dici, cum exigit substantiam pro subiecto: ergo primum: ergo maior extensio supponit maiores partes, sed istæ de nouo non acquiruntur: ergo ab aliis extrahi dicendum est, ergo prius erant penetratæ simul: penetratio enim est positio substantiæ in eodem loco, quæ geminum occupabat locum.

PROBA



PROBATVR quartò : Corpus densum magis resistit contratio corpori aduenienti, quàm rarum, vt de se patet, quia difficiliùs scinditur glacies, quàm aqua: sic etiam in densis intensius calor producitur, quàm in raris, vt patet in ferro ignito, & in carbone, & palea; sed id non potest euenire à maiori, vel minori vnione inter partes: vnio enim vt talis non est maior, vel minor; neque à quantitate, cùm sit eadem tam in denso, quàm in raro: ergo dicendum est euenire à penetratione aliqua.

PROBATVR consequentia, quia hoc accidens, verbi gratià, calor plures partes reperit in eodem spatio in densis, quàm in raris: accidens enim in qualibet parte debet subiectari: ergo si plures partes reperit latentes in vnica parte, in ea etiam debent subiectari per penetrationem.

148. OBIICES primò: Essentia quantitatis consistit in extensione partium extra partes, sed essentia non suscipiunt magis, & minus, ergo per rarefactionem non possunt suscipere maiorem protensionem, & exteiritatem partium.

RESPONDETUR ex alijs traditis de quantitate concedendo maiorem de extensione partium entitatiua per ordinem ad locum, sed præscindendo ab exteiritate, & carentia exteiritatis partium, sic distinguitur minor: essentia non suscipit magis, & minus secundum se, & Logicè, seu Metaphysicè, concedo, Physicè, & existentialiter, nego: sic negatur consequentia.

OBIICES secundò: Vel omnes partes quantitatis se penetrant, vel aliquæ tantum: Si omnes: ergo

quantitas redigitur ad punctum indiuisibile: Si aliquæ tantum, non est maior ratio de vna, quàm de alia. Tum quia non fieret condensatio secundum omnes partes, quod est contra Philosophiam.

RESPONDETUR omnes partes quantitatis se penetrare, sed non secundum se totas, idest vna pars aliam penetrat secundum suam primam partem, & non secundum alias, verbi gratià, quantitas bipalmaris per condensationem fit palmaris, in quo casu vna pars aliam occupabit per medietatem sui, & non secundum se totam.

CONTRA instant: ergo poterit quantitas naturaliter redigi in punctum, seu in vltimum indiuisibile: In Physica enim dictum est continuum componi ex minimis indiuisibilibus.

RESPONDETUR negando sequelam, cùm agens naturale sit limitatæ virtutis, & ob id non potest ultra terminum excedentem naturam talis corporis: omnium enim natura constantium certus est terminus magnitudinis & augmenti, & diminutionis in extensione, vt docet S. Doct. lib. 2. dist. 30. art. 3. q. 1. in corp. in improb. 3. opin.

OBIICES tertio: Quia sequeretur, quod duo corpora seiuncta naturaliter se penetrare possent: sicque nullum esset miraculum Christum ingressum fuisse ianuis clausis, vel natum de Virgine oclusis virginis claustris.

RESPONDETUR negando sequelam: Ratio est, quia penetratio naturalis præexigit vnionem corporum se penetrantium tanquam dispositionem: Penetratio enim est summa vnio, vt patet in materia, &

R 3 forma.

forma, & in compositione mixti facta per penetrationem elementorum: unde differt naturalis penetratio à miraculosa. Tum quia naturalis non est ad totum vt totum, sed ad partes; & eas minimas: miraculosa verò est ad totum vt totum, illa fit successiue, ista in instanti, illa est cum vnione, ista sine vnione, vt dictum est *suprà in quest. antecedent. in resp. ad 4.*

CONTRA: quia hæc positio se ipsam destruit: Probatur; nam dictum est *suprà* virtutem rarefactiuam tollite condensationem, & tribuere penetrationem elementorum: nunc verò dicitur condensationem, quæ est contraria rarefactioni asserre secum penetrationem quantitatum, quæ omnia sunt contraria.

RESPONDETUR negando assumptum: Ad probationem Respondetur, quod, vt dictum est *in 4. Notab.* diuersa est penetratio causata à rarefactione ab ista, quæ euenit in condensatione: nam in illa datur vera penetratio corporum quantum, per quam fit additio quantitatis ad quantitatem, obidque maior dilatatio fit: In condensatione verò, cum sit motus à rarefactione ad condensationem, obidque & successus, fit quidem aliqua penetratio per restrictionem, sed tamen potior ratio huius restrictionis est mutatio terminationis quantitatis, quæ prius erat dilatata, & nunc fit restricta: Vnde penetratio quidem fit per virtutem actiuam, & passiuam, vt dictum est, quatenus in corpore se condensante adest aliqua rarefactio, quæ paulatim depeditur, quousque totaliter ablata terminatur etiam motus condensationis, ob quem quantitas recipit nouam ter-

minationem, vt dictum est.

OBIECTES quartò: In corpore addensato apparent eadem accidentia, figura, colores, quæ in ipso cernebantur, quando erat rarefactum: ergo non confunduntur accidentia adinuicem, & vna pars non obtegit aliam: ergo nec datur penetratio corporum.

CONFIRMATVR hoc exemplo: verbi gratià, magnus mons, aut ciuitas, cum repræsentantur in speculo, tunc species addensantur, cum cernantur obiecta secundum omnes partes, & non penetrantur: ergo cum accidentia in corpore addensato eadem cernantur, dicendum est non penetrari partes, in quibus subiectantur, sed solum addensari.

RESPONDETUR distinguendo antecedens: apparent eadem accidentia entitatiue, concedo: eodem modo, nego: nam apparent cum diuersa extensione, & cum maiori intensione, vt experientia patet, aqua enim congelata, & densa est magis frigida, quàm fluida, & tara; butyrum densum magis coloratum, quàm rarum: Saccharum condensatum magis dulce: igitur maior intensio qualitatis, quæ fit per multiplicationem graduum in eadem parte subiecti, indicat gradus illos, (qui prius erant,) extensos in variis partibus intendi ratione penetrationis eorundem: Exemplum autem allatum iugulat ipsos obicientes: nam patet ad sensum etiam species se compenctrare, cum per ipsas non videantur singulæ partes minutissimæ, arbores, & folia existentia in monte, vt prius.

Ex quibus patet, quàm probabilitatem maiorem habeat hæc nostra opinio, in qua facillimè occutitur obiectioni

iectionibus, quas Aduersarij afferunt contra primam, & secundam Conclusionem, & primò contra primam, in qua diximus non acquiri nouam quantitatem in rarefactione: Assertores autem secundæ opinionis

149. OBIICIUNT primò: In rarefactione acquiritur noua extensio, sed extensio est quantitas formaliter, sit enim maior, alioquin aët decem pedum diceretur æqualis aëri vnus pedis. Tum etiam quia quantitas decem pedum distinguitur realiter per suas partes, ergo.

RESPONDETUR his, & confimilibus obiectis, in quibus Alij negantes hanc penetrationem valdè laborant, vt videre est apud Meldul. *disput. 4.* fieri maiorem extensionem ratione maioris explicationis partium, quæ prius erant penetratæ, vt probatum est, &c. sic conuincit fundamentum Aduersariotum: Quate rectè diximus Seraph. Doct. admittere rarefactionem, & condensationem consistere in noua extensione, sed non modo, quo ponitur à tertia opinione.

ASSERTORES verò quattæ opinionis obiciunt contra secundam Conclusionem: Quia si rarefactio non fit per intromissionem corpusculorum, sequitur vel dati vacuum, vel produci nouam quantitatem.

PROBATUR sequela: quia partes magis distant in rarefactione, quàm prius: ergo occupant maiorem locum: ergo inter vnâ partem, & aliam, quæ prius extabant, vel datur vacuum, vel introductio alicuius entitatis nouæ.

RESPONDETUR, quod in rarefactione aliquando quantitas, dum crescit ex vna parte, decrescit ex

alia (vt dictum est in *Notab. 2.*) Si verò sit extensio per omnem partem: tunc non datur vacuum, nec noua quantitas, nec est necessaria introductio corpusculorum, cum explicentur partes quantitatis, quæ prius erant penetratæ: sicque quantitas acquirit nouam tetminationem, & extensionem.

150. QVÆRES: an raritas, & densitas sint qualitates, quæ sint tetminus rarefactionis, & condensationis: an vero tantum sint tetminus motus localis ad Situm.

RESPONDETUR Plures Scotistas cum Meldul. *disputat. 4. quæst. 5.* asserere esse tantum nouam extensionem localem sitalem: At Seraph. Doct. *suprà citat. lib. 2. distinct. 14.* sustinet esse qualitates: quam opinionem sequuntur communiter Thomistæ, Peter. *lib. 5. cap. 8.* Conimbric. Complut. Ioan. S. Thom. Ruuius, Suarez *disput. 41. sect. 5. in Metaphys.* Aliique plurimi etiam Scotistæ apud Meldul. *cit. num. 31. & 35.*

PROBATUR primò ex Aristor. 7. *Phys. 11. & 2. de Anim. cap. 1.* vbi raritatem, & densitatem enumerat inter qualitates tangibiles, atque ipsas esse qualitates causantes grauitatem, & leuitatem, & motum localem, seu extensionem localem. Tum quia, vt docet Seraph. Doct. *lib. 2. distinct. 14. cit. in principio* raritas, & densitas causantur à calote, & frigore, ergo per alterationem, sed alteratio est motus ad qualitatem, ergo raritas, & densitas, cum sint tetminus alterationis, sunt qualitates. Tum quia impossibile est eandem quantitatem omnino immutatam extendi magis, vel minus, ergo ad talem mutationem requiritur causa, sed alia

alia non potest assignari nisi raritas, & densitas. Tum etiam quia per densitatem acquiritur maior intensio: ergo.

OBIECIES cum Meldul. *cit.* n. 42. Tunc intelligitur corpus formaliter rarefcere, vel condensari, quando non amplius partes seruant, eundem ordinem in ordine ad locum: ergo terminus per se ipsarum est Situs.

RESPONDETUR negando. antecedens præcisè, concedendo pro connotato: nam primò est diuersitas partium in ordine ad se; & deinde in ordine ad locum: Sic Seraph. Doct. lib. 4. *distinct.* 47. *articul.* 2. *quest.* 2. ad 3.

151. QVÆRES secundò; an ex paruo fieri possit aliquod corpus magnum à Deo absque rarefactione, & accessu nouæ materie.

NEGANT D. Thom. Caiet. Capreol. apud Meldul. hic *num.* 31.

AFFIRMAT Seraph. Doct. lib. 2. *dist.* 18. *artic.* 1. *quest.* 2. cum maiori parte Theolog. & Interpretum S. Scripturæ.

PROBAT Seraph. Doct. hanc sententiam ex hoc, quod Deus formauit Euam ex costa viri secundum rationes seminales remotè, & secundum causales proximè, idest forma carnis, ossium, &c. quæ inerat in seminario materie illius costæ extracta fuit à Deo in vnico instanti absque eo, quod fieret noua creatio materie. Idem & dicendum est in multiplicatione panum facta à Christo, &c. quæ sententia habet fundamentum probationum in *quest.* de *semin. materia*, de quo pluries S. Bonauent. lib. 4. *dist.* 44. *part.* 1. *art.* 2. *quest.* 2. ad vltim. & lib. 2. *distinct.* 30. *artic.* 3. *quest.* 1. & alijs locis *cit.* in dicta qua-

sione in *Phys.* ad quam remitto Lectorem.

QVÆRES tertio: Qualiter differant intensio, & extensio qualitatum, & raritas, & densitas.

RESPONDETUR, quod intensio, & extensio est ipsarum qualitatum in ordine ad suos gradus vel in eadem parte, vel in diuersis partibus subiecti: densitas verò, & raritas est in ordine ad ipsas partes penetratas, vel non penetratas per ordinem ad locum tanquam ad vltimum terminum consequentem.

## QVÆSTIO VIII.

*An Mixtum possit in se conuerrere elementum, vel aliud mixtum, seu an possit producere ex mixto aliud sibi simile: Vbi de corruptione mixti, quomodo fiat, & de conuersione aqua in vinum.*

152. P ARTEM negantem sustinent Licetus, Bonamicus, Dandin. Conimbriè. Ioan. de Lugo. Camerar. Aresius, qui nouissimè mordicus sustinet hanc opinionem, & præcipuè vinum non posse in se conuerrere aquam: Idem & docet Morandus.

OPPOSITAM sustinent S. Bonau. *infra citat.* Scotus D. Thom. Suarez 3. *part. tom.* 3. *diffus.* 45. *sect.* 4. Vasq. de *Eucharist.* d. *sp.* 178 *num.* 4. communiterque Antiqui, & Recentiores, &c. Pro solutione

PRIMò Notandum ex Seraph. Doct. lib. 4. *distinct.* 48. *art.* 2. *quest.* 3. ip. corp. & *distinct.* 49. *part.* 2. *art.* 4. *quest.* 1.

*quest. 1. in corp.* quod quadruplex est operatio elementorum in mixto constitutionis, conseruationis, pugnae, & exterioris impressionis siue actiuae, siue passivae in mixtum: Ex prima oritur constitutio mixti, nempe ex elementis, seu ex materia elementata, & forma mixtionis modo supra tradito: Ex secunda oritur conseruatio eiusdem mixti, nempe quatenus sunt simul conciliata elementa, & qualitates in esse refracto, & remisso modo supra tradito in quaesito laterali *quest. 5.* Tertia est pugna, quae fit hoc modo, quia vnum quodque elementum querit sui conseruationem, quam & ipsa nuntur qualitates tanquam administrare, sed alio modo ipsam querunt actiuae, alio passivae: Actiuae enim, cum non possint agere in seipsas, agunt in aliud querentes imprimere sui similitudinem in passiuas, & in passum à se distinctum: Passivae vero id nuntur per adhesionem sui in materia, & hinc oritur pugna, & concertatio in habentibus materiam cum appetitu interminato (in quo statu non sunt corpora coelestia, & gloriosa) idque per actionem, & reactionem: hinc ait Seraphicus Doct. *lib. 2. distinct. 19. art. 2. quest. 1. ad 1. & seq.* cum elementa mutuo ad inuicem agant, & patiantur tum in ipsa constitutione, tum post constitutum esse, concurrentibus etiam agentibus extrinsecis, Sole, Stellis, Coelis, temperie aeris, ciborum qualitate, affectionibus animi, aliisque infinitis huiusmodi, per quae vnum excedit vel in actione, vel in resistentia, hinc resultat excellens praedominantia, & tandem corruptio.

153. SECUNDO Notandum, quod in qualibet actione, & reactione se-

re semper debilitatur virtus agentis, nempe quando post victoriam remanet aliquid de passio (quod non euenit, quando parua aqua projicitur in fornacem) tunc enim nihil passio remanet, immo reassumit cum maiori vigore vires ob antiperistasis (vt notat Seraph. Doct. *lib. 2. distinct. 1. part. 1. art. 2. quest. 1. ad argument. & Serm. 3. de plur. Martyr.*) sed quando aliquid remanet de passio reagente: tunc vel totaliter, vel partialiter impedit actionem agentis, vt euenit aliquando in humoribus generatis in stomacho, qui vel suffocant calorem naturalem, vel impediunt, ne calor naturalis reassumat suas pristinas vires: Idque euenit & in viuientibus, & in non viuientibus, vt docet S. Bonauent. *lib. 2. distinct. 30. artic. 3. quest. 2. & lib. 4. distinct. 47. art. 2. quest. 2. ad 3.* Nam in viuientibus conuertitur alimentum in substantiam aliti, scilicet in partem, seu carnem secundum materiam, non secundum speciem, seu formam: Diferunt autem istae duae partes, quod caro secundum formam est per actionem generantis de constitutione prima, & essentiali viuientis, continens humidum, seu substantiam radicalem: caro secundum materiam est, quae recipitur, & superadditur per nutritionem per virtutem existentem in carne secundum formam: haecque caro secundum materiam habet plus de materiali, quam de formali, id est fluit, & refluit, & etiam deperditur per actionem caloris naturalis, & cum in tali augmento concurrant actio, & repassio cum reactione, illa prima vis naturalis debilitatur, sicque processu temporis ob nimiam debilitationem euenit tandem mors: In non viuientibus vero fit hoc modo, quia

in mixtis adest pars pura, & impura, cum conuersio fiat per rarefactionem, & dilatationem à virtute actiua, tunc fit depuratio, & separatio puri ab impuro, purumque conuertitur, & impurum remanet in suo esse, ob idque & debilitatur semper virtus agentis, impediturque partialiter tum ob reactionem passivam, tum ob impurum permanens, ne reassumat vires pristinas: Ex quo sequitur, quod nunquam fiat totalis conuersio mixti, & hinc, ait Seraph. Doct. lib. 4. *distinct. 12. part. 1. art. 2. quest. 2. ad 2. & dist. 11. part. 2. dub. 5.* aqua conuertitur in vinum, cui superadditur in tali conuersione pars secundum materiam, non secundum speciem, vel formam, ob idque & vinum remanet cum debiliori virtute.

154. TERTIO Notandum ex S. Bonauent. lib. 4. *dist. 49. part. 2. art. 4. quest. 1. & 2. & lib. 2. dist. 19. art. 2. quest. 1. ad 1. 2. & 3.* quod cum cuilibet acquisitioni mutationi correspondeat contraria scilicet deperditiva, per consequens & ad mixti generationem debet correspondere sua corruptio: hæc ab Aristot. 4. *Meteor. cap. 2. ad duas species reducit, suntque corruptio naturalis, & violenta: Naturalis, seu secundum influentiam, ut loquitur Seraph. Doct. dicitur putredo, seu marcedo, estque, cum mixtum resoluitur in sua elementa, ex quibus constat: dicitur enim naturalis, quia resoluitur secundum leges à natura vniuersali determinatas in sua componenda, oriturque per pugnam ab intrinseco, concurrente etiam agente extrinseco: Violenta oritur ab extrinseco, estque, cum mixtum non resoluitur in omnia quatuor elementa, sed propter validam actionem vnius ele-*

menti totum fere mixtum conuerteretur in illud elementum, nempe ratione excellentis prædominantia, ut dictum est in ant. cca. *Notab.* & huius sunt duæ species: prima est combustio: Secunda petrificatio: prima ob maximam virtutem caloris: secunda ob actionem frigoris condensantis, ut de quercu dicitur, quæ diu detecta sub aquis in lapidem conuertitur: Hispositis ponitur

155. PRIMA CONCLUSIO: Quando materia non est perfecte satiata, ut est in corporibus Cælestibus, corruptio fit in mixto ratione prædominantia alicuius elementi adiuti ab agente extrinseco, seu per debilitationem alicuius, vel plurium elementorum, & qualitatum huius: Sic S. Bonauent. lib. 2. *distinct. 17. art. 2. quest. 3. & lib. 3. distinct. 6. art. 2. quest. 1. & lib. 2. distinct. 19. & lib. 4. dist. 49. supra cit.*

PROBATUR: Vbi est inæqualitas complexionis, ibi est pugna, & pugna est via ad corruptionem, sed mixta sublunaria habent hanc inæqualitatem, ergo & pugnam, & subiecta sunt corruptioni. Tum quia vbi est inæqualitas mixtionis, & complexionis, ibi nascitur calor elementaris consumens, & vbi est æqualis complexio, ibi est calor Cælestis conservans (ut ait Seraph. Doct. lib. 4. *distinct. 49. c. 1. s. ad 4.*) Tum quia vbi est materia non satiata (ait idem Seraph. Doct. *Serm. 3. de Apost. & lo. is alius citat.*) & interminata in appetitu, ibi est contrarietas qualitatum; & pugna, & per consequens corruptio, sed in mixtis sublunariis sunt ista: ergo. Tum quia in his est actio, & reactio ordinata ad generationem, & corruptionem. Vnde in Inferno non erit reactio, *idco ibi*

ibi non erit corruptio : Et hinc dixit Aristot. & notauit Seraph. Doct. loc. citat. quod, quæ habent maiorem vim restitutivam, sunt difficiliora ad corrumpi : sic calidum, & humidum facilius corrumpuntur, & putrescunt, idque facilius in æstate, quàm in hyeme, & frigida, & sicca : nec aliquod mixtum ferè adest in hoc mundo sublunari, quin aliquialiter patiatur.

**OBIICIES** : Vbi est mixtio elementorum, & qualitaturn contrariarum, ibi adest radix corruptionis, sed in corporibus gloriosis adest : ergo & radix contrarietatis.

**RESPONDET** S. Bonavent. lib. 4. distinct. 49. cit. vbi est mixtio cum prædominantia alicuius elementi virtuosioris, ibi est pugna, concedo, vbi est mixtio temperata confringens contrarietatem, ibi est pugna, nego, & in hoc sensu nego minorem, & consequentiam.

**CONTRA** : Etiam in corporibus gloriosis adest prædominantia alicuius elementi, cum non adsit in eis temperamentum ad pondus : ergo nulla responsio.

**RESPONDET** S. Bonavent. loc. cit. quod licet adsit talis prædominantia, tamen quia ibi est animæ influentis conservatio, adest & delatio caloris vitalis conservantis absque calore consumente, hinc & quietatio appetituum.

156. SECUNDA CONCLUSIO : Mixtum potest in se convertere aliud mixtum, seu etiam elementum remanente parte impura, & consequenter debilitatione virtutis ipsius primi convertentis. Est S. Bonavent. loc. citat. præcipuè lib. 3. distinct. 6. & lib. 4. distinct. 11. part. 2. dub. 4. & 5.

**PROBATVR** : Quia datur excellens prædominantia, & simul repugnantia in multis mixtis, ergo & conuersio alterius mixti, vel elementi in seipsis : ergo. Patet & continua experientia ; Magnes, si diutius retineat ferrum, illud in se transformatur : Plumbum asseruatum in locis humidis, vel in tectis domorum crescit per conuersionem aëris humidi, vel aquei humoris in propriam naturam : Acetum conuertit in se vinum, & aquam : humores in stomacho conuertunt cibum in sibi simile : vinum conuertit in se aquam.

**OBIICIES** primò cum Atesio, & cæteris : Mixta habent qualitates restructas : ergo non possunt vincere aliud mixtum ipsum in se conuertendo.

**RESPONDETVR** Nos habere experientiam oppositam in nutritione animantium : Vnde argumentum est fallax, quod S. Bonavent. soluit, dicens, quodd licet sint qualitates restructæ, tamen adest prædominium excellens, quod adiutum à causis extrinsecis potest convertere in se aliud mixtum.

**OBIICIES** secundò specialiter de vino : Vinum non habet qualitates nec formales, nec virtuales, quibus possit in se convertere aquam : ergo.

**PROBATVR** antecedens primò de qualitatibus formalibus : Vinum est frigidum, & humidum formaliter, sed istæ qualitates sunt consentaneæ aquæ. Et si dicas habere in se calorem. Contra est, quia iste calor non est consumptiuus aquæ, vt patet in aqua calida, quæ ob calorem non consumitur : ergo.

**DICES** : habet qualitates virtuales.

S 2 Contra

Contra est, quia istæ qualitates, nisi adiuuentur, & excitentur à formalibus, non agunt in pipare, veneno, & vino, quæ si non excitantur à calore stomachi, non calefaciunt, sed non adsunt qualitates formales contrariæ: ergo.

CONFIRMATUR, quia vinum per infusionem aquæ debilius euadit, sed natura non tribuit virtutem in detrimentum agentis: ergo nec vino tributa fuit à natura hæc virtus in sui detrimentum.

RESPONDETUR ex traditis vinum per qualitates suas disponere aquam ad ipsius conuersionem, licet enim habeat aliquam frigiditatem, attamen eam superat ipsius calor natiuus virtualis, per quem forma substantialis agit, & disponit aquam ad conuersionem: Vnde, ut ait Seraph. Doct. ratione excellenti prædominantia vini forma conuertit in se aquam: Nec valet paritas de calore aquæ calefactæ: iste enim est aduentitius, & extrinsecus, at calor vini est intrinsecus, & adiutus à forma eiusdè vini, idèd potest disponere ad destructionem aquæ. Et ad id, quod fit vinum debilius: iam patet responsio ex doctrina Seraph. Doct. tradita in 2. Notab. fit enim debilius tum ratione reactionis: tum ratione partis impuræ, quæ remanet de aqua. Tam quia vinum, quod per conuersionem additur, fit pars secundum materiam, idest, non habens illam virtutem innatam, quæ inest à sui origine in vino, & hæc est illa pars, quæ attrahitur per spongiam oleo imbutam obturantem vas vini aqua diluti plenum, & inuersum: item si vino diluto aqua repleatur vas factum ex ligno hederæ, exit aqua: item si in dolio congelatio fiat, congelatur

aqua, idest illa pars impura, ut supra dictum est: Vnde rationes Arefij sustinentis aquam in calice positam in vino non conuerti in vinum non cogunt: estque talis opinio contraria sensui SS. PP. & Theologorum; de quo fusè agitur in lib. 4. Sententiarum.

## QVÆSTIO IX.

### De Temperamento Mixtorum.

157. SUPPONENDVM ex Seraph. Doct. lib. 2. distinct. 17. quest. ultim. quod temperamentum est quædam complexio, seu symmetria primarum qualitarum, seu est quædam qualitas media virtualiter continens easdem primas qualitates, de quo infra, quæ per consequens supponit etiam temperamentum in ipsis elementaribus formis, quatenus sunt in mixto in esse remisso, hoc temperamentum est duplex, aliud dicitur ad pondus, aliud ad iustitiam: primum est vel in quantitate molis, & virtutis, vel solum qualitarum secundum perfectum æquilibrium, ita ut neutra excedat aliam, & dicitur etiam vniforme, secundum est difforme, seu secundum exigentiam subiecti, in quo vel vna qualitas tantum excedit, aliæ verò sunt æquales, & dicitur simplex, vel duæ qualitates excedunt reliquis existentibus æqualibus, vel est secundum omnes qualitates, & dicitur difforme compositum: Hoc supposito.

QVÆRITUR primò: An hoc temperamentum sit non solum in qualitatibus, sed etiam in elementis ipsis: Secundò: an contineat formaliter ipsas



ipsas qualitates elementorum, an verò sit quædam secunda qualitas media ex ipsis resultans concomitans ipsam formam mixti: Tertio, an possit dari temperamentum æqualitatis ad pondus naturaliter: Pro solutione huius triplicis difficultatis

PRIMò Notandum, quod mixtio potest sumi pro elementorum alteratione mixti consequente ipsam unionem: Alterant enim (ait S. Doct. lib. 2. distinct. 15. art. 1. quæst. 2.) se inuicem modo aliàs dicto, sicque dispositis per virtutes redactas ad esse remissum, & conciliatas educitur forma mixti, ad quam resultat veluti connaturalis proprietas accidentaliter virtus quædam, seu qualitas ipsi mixto proportionata, diuersa secundum diuersitatem formarum mixti, nec tamen ob id potest inferri ipsas qualitates elementares in esse remisso esse in mixto superfluas: nam istæ requiruntur ad operationes proprias elementorum, illa verò ad proprias mixti, & vt etiam efficacius possit vti iisdem virtutibus elementaribus. Tum quia mixta, ipsorumque qualitates secundæ à primis quodammodo dependent vel proximè, vel remotè, ac dispositiue, sicque aliquæ spectant ad sensum tactus, vt molle, durum, graue, leue, lubricum, aridum, asperum, crassum, & tenue, vel ad sensum gustus, vt sapores, vel ad olfactum, vt odores, vel ad auditum, vt sonus, vel ad visum, vt colores, aliæ verò non sunt subiectæ sensibus, vt calor in pipere vino, virtus magnetis, succini, lapidum, herbarum, medicamentorum, & similibus: Sic & Tatar. 2. de gen. 9. 1. Aref. Aliique. Hinc

158. RESPONDETUR primæ, & secundæ dubitationi: si temperamentum sumitur latissimè, consistit in harmonia formarum elementarium tanquam ex materiali parte, & in ratione mixti substantialis tanquam ex formali: Si verò magis propriè sumitur, consistit in quadam qualitate secunda resultante, seu emanante ex ipsa forma mixti, & præsupponente ipsas qualitates elementorum in esse refracto.

PRIMA pars est Seraph. Doct. lib. 2. distinct. 17. citat. vbi semper agens de temperamento collocat etiam ipsas formas elementares in esse remisso.

SECUNDA pars deducitur ex principiis Seraphicis, & est Iauelli Metaphys. lib. 8. quæst. 4. §. ad utramque simul responder: Gregor. lib. 2. dist. 15. quæst. 1. Heruzi, Soncinat. Aliorumque apud Meldul. contra Multos.

PROBATUR prima pars: Mixtum materialiter ex traditis continet quatuor elementa in esse remisso eo modo, quo aliàs dictum est in quæst. 6. formaliter autem dicit ipsam formam substantialem mixti, sed forma mixti substantialiter informat materiam cum tali remissione, & formarum elementarium, & qualitatuum elementarum: Addo, sed forma debet proportionari materiæ tali, vel tali modo dispositæ: ergo & forma mixti debet continere essentialiter tale temperamentum proportionatum: ergo datur etiam in substantia. Tum etiam quia partes mixti in multis maximè in viuentibus sunt diuersæ non solum numero, sed etiam specie, & in viuentibus vario humore nutriuntur, sed iste appetitus non potest eis inesse nisi ratione alicuius temperamenti

menti substantialis vniuersalis omnibus membris, & partibus. Tum quia differunt in accidentibus: ergo debet assignari eis aliqua forma communis substantialis.

**PROBATVR** secunda pars: Ad formam substantialem consequitur, seu concomitanter se habent suæ proprietates, & accidentia naturalia: ergo & ad formam mixti, sed forma mixti est tertia forma supra elementares: ergo & qualitas, quæ facit temperamentum accidentale. Tum quia talis forma mixti habet suas operationes: ergo & exigit accidentia tanquam sui administra. Tum quia alteratis illis qualitatibus adhuc seruetur temperamentum, ergo est quid ab illis diuersum. Tum quia cuilibet mixto adest sua propria, & peculiaris virtus exercendi propria munera: Videmus enim piper vinum, & similia mixta habere calorem virtualementem: magnetem attrahere ad se ferrum, videmus enim & virtutem in succino, in lapidibus medicamentis: ergo.

**OBIECTES**: Si datur hæc qualitas, seu temperamentum medium: ergo destruuntur qualitates elementorum, ergo & ipsæ formæ elementorum.

**PROBATVR** consequentia, quia erunt omnino superflua. Tum quia alioquin forma illa accidentalis esset composita ex illis qualitatibus, sed hoc est falsum, cum formæ accidentales sint simplices, & puræ.

**RESPONDETVR** negando Consequentiam: Ad probationem negatur vtrumque antecedens: exiguntur enim illæ qualitates à suis formis elementaribus, nec ob id ex illis componitur illa qualitas media, sed emanat à forma mixti. Conclusio

ergo est, quod ad temperamentum qualitarum elementarium prærequiritur tanquam fundamentum dispositiuum ad educationem formæ mixti, ad quod resultat, & concomitans est temperamentum formale qualitatibus accidentaliter informantis totum illud mixtum, & afficientis illud: Hæcque qualitas à Seraph. Doct. lib. 2. distinct. 17. art. 2. quæst. 2. appellatur lux, calor, spiritus, harmonia, complexio, qualitasque conformis qualitatibus corporis celestis influentis ad productionem talis harmoniæ, & temperamenti.

159. **QVOD** tertium quæsitum: Respondetur ex Seraph. Doct. lib. 2. distinct. 17. quæst. ultim. primò, quod temperamentum si sumitur secundum æqualitatem omnimodam ad pondus, scilicet ratione quantitatis molis, & virtutis, impossibile est, immò intelligibile est posse dari in mixto.

**PROBATVR**: Quia elementum, quod plus habet de materia, eò minus habet de specie, & actiuitate, & è contra, certum enim est, quod caliditas est virtuosior, quam frigiditas, &c. Vnde ad faciendam æqualitatem quantitatis virtutis plus quantitatis exigitur de elemento frigido, quam de calido: ergo impossibile est, vt elementa actiua, & passiuæ æquantur in vtraque quantitate.

**RESPONDETVR** secundò, quod si sumitur secundum quantitate solam molis, adhuc est naturaliter impossibile tale temperamentum: nam elementa actiua statim consumerent passiuæ, vt potius esset consumptio, quam mixtio. Tum quia tale corpus non esset graue, vel leue, motus enim grauis sequitur prædominans quantum ad quantitatem mo-

lis.

his, sicque esset contra intentionem naturæ.

**RESPONDETUR** tertio, quod si sumitur secundum æqualitatem ponderis quantitatis virtutis, adhuc est naturaliter impossibile tale temperamentum: Est Seraph. Bonavent. Thomist. & Plurium Aliorum contra Scotum, Aliosque apud Meldul. *disp. 7. nm. 44.*

**PROBATUR** primo à Seraph. Doct. Si esset omnimoda æqualitas virtutum, virtus vni tantum resisteret, quantum virtus alterius ageret, sicque nulla daretur actio: est enim à proportionem maioris inæqualitatis, sicque non fieret mixtio, siue profundatio, & constrictio usque ad minima.

**RESPONDET** Meldul. negando in tali casu non interuenire actionem, quia calor superaret vim refrigerii frigoris, sed quia hæc responsio est contra suppositionem de æqualitate virtutum, assignat aliam dicens, quod operatio esset ante attemperamentum.

**CONTRA:** quia siue ante, siue post supponitur æqualitas virtutum in elementis: ergo nullo modo posset dari actio: Vnde quotiescunque interuenit actio, semper debet adesse prædominium alicuius elementi, ut aliàs probauimus, actionem debere procedere ex proportionem maioris inæqualitatis: Addimus tamen hanc controuersiam esse potius de nomine, cum ab Aduersariis supponatur semper aliqua inæqualitas, & excessus in vno elemento: Hinc tandem concluditur, quod in quolibet mixto adest temperamentum à iustitia, quæ attenditur à commensuratione miscibilium secundum proportionem debitam, & exigentiam formæ in-

roducendæ: Et hæc in homine habet latitudinem secundum varios status; nam in gloria temperamentum à iustitia est perfectum remotum à discordia, & repugnantia siue actu, siue potentia, in statu innocentie erat remotum à discordia actu, non potentia, actu inquam per adiutorium intrinsecum animæ gubernantis, & extrinsecum alimenti nutriendis: At in statu miserie est subiectum discordiæ & potentia, & actu, & necessario ob causas in superioribus allatas: Est igitur in omni temperamento prædominium illius elementi, quod minus refrangitur in qualitatibus: hinc in ligno prædominatur terra, quia frigiditas, & siccitas magis viget: In vino aqua, & sic de aliis, &c. Et in viuentibus (ait Seraph. Doct. *loc. cit. & lib. 2. distinct. 15. art. 1. quest. 1. art. 2.*) quod quantum ad quantitatem molis debent prædominari elementa passiva, scilicet terra; & aqua: quantum ad quantitatem virtutis elementa actiua, scilicet ignis, & aer; de qua materia agetur in libris de anima.

**QVÆRES:** quot sint combinationes temperamenti difformis scilicet à iustitia.

**RESPONDETUR** ex traditis, quod duplex est temperamentum, aliud simplex, aliud compositum, temperamentum simplex est quadruplex: Primum temperamentum enim est, in quo calor prædominatur frigori: humiditas autem, & siccitas sunt æquales in gradu: Secundum, in quo frigus excedit: Tertium, in quo humiditas sola: Quartum, in quo siccitas superat. Temperamentum verò compositum difforme est etiam quadruplex.

**PRIMUM** est, in quo dominatur calor,

calor, & siccitas, & dicitur igneum, & hoc (ait S. Bonavent. lib. 2. dist. 14. p. 2. art. 2. quest. 3.) reddit hominem iracundum, seu colericum.

SECUNDVM, in quo dominatur calor, & humidum, & dicitur æreum, redditque hominem sanguineum, & benignum.

TERTIVM, in quo dominatur frigidum, & humidum, & dicitur aqueum, redditque hominem flegmaticum, & pigrum.

QUARTVM, in quo dominatur siccum, & frigidum, & dicitur terreum, & facit hominem malenconicum, & liuidum.



## TRACTATVS V.

### *De Mixtis imperfectis, seu de Meteoris.*

**P**OST considerationem de elementis, eorum mixtione, & nixtorum perfectorum generatione agit Arist. vltimo loco de generatione quorundam mixtorum imperfectorum ex elementis, quæ methœora vocat, & hoc per quatuor libros communiter dictos methœororum, idest sublimium, nempe de rebus, quæ in parte sublimiori mundi generantur, qua occasione pertractat etiam de mixtis imperfectis, quæ in inferiori parte generantur: hinc in quatuor principales quæstiones diuiditur communiter iste tractatus secundum numerum elementorum, & Primò de meteoris, quæ respiciunt ignem: Secundò ærem: Tertiò aquam: Quartò terram: Attamen, quia est materia captu facilis, & sufficienter in textu Seraphico fundamenta tradita sunt compendiosè: Remitto Lectorem ad Authores, qui ipsam fusè pertractant: speciatim ad Iauellum, Meldul. &c. inter omnes tamen excellit P. Cabrus Iesuita, qui doctissimè, & fusè super omnia methœora discurrit.

ET hæc de Generatione, & Corruptione ad laudem Dei, Beatissimæ Virginis, Seraph. PP. Francisci, & Bonauenturæ.



# INDEX

## RERVM NOTABILIVM DE GENERATIONE, ET CORRVPTIONE.

Ad mentem S. Bonauenturæ Seraphici Doct̃oris.

*Prior numerus numerum marginalem significat, posterior verò Paginam denotat.*

### A

#### *Accidens.*

**A**CCIDENS quale possit transire de subiecto in subiectum. num. 16. pag. 15

Accidentia alia sunt ab eodem subiecto, in quo sunt, alia trahunt originem ab alio principio. n. 16. & 19. p. 15. & 18

Accidentium corruptio quot modis potest fieri. n. 15. p. 14

Accidentia quænam remaneant in corruptione. n. 17. seq. p. 16

Accidentia plura numero an possint B. P. Bart. de Castreistro Phil. P. III.

simul esse. n. 69. & 71. p. 53. & seq. & 55

Accidens quomodò intendatur. n. 35. & 37. p. 28. & seq.

#### *Actio, Agere.*

Actio reflexiua quid sit. num. 28.

p. 77

Agens semper est præstantius patiente. num. 27. & 105. p. 76. & 82

Agens aliud vniuocum, aliud æqui-uocum. n. 93. p. 73

Agens non potest agere in omnino simile. n. 94. seq. p. 74

Agens semper intendit imprimere

T suam

# Index Rerum

suam similitudinem in passum  
num. 80. [p.61](#)  
Actio, & reactio datur. num. 153.  
V. *Reactio*. [p.127](#)

## *Aër.*

Aër quomoddò aliter numeratur.  
[n.112. p.93](#)  
Aëris plures regiones numerantur.  
n.112. & seq. p.93

## *Alteratio.*

Alteratio quid. [n.50. & 52. p.40.](#)  
[& 44](#)  
Quotuplex sit Alteratio. num. ibid.  
p. ibid.  
Alteratio qualiter differat à genera-  
tione. [n.53. p.44](#)  
Quam connexionem habeat cum ge-  
neratione. [n.54. p.44](#)  
Ipsius successio, & continuitas ex-  
plicatur. [n.55. p.45](#)  
Intensio, & extensio eiusdem. [n.56.](#)  
[& 57. p.46](#)  
Ipsius indiuisibilia continuantia, &  
terminantia. [n.58. seq. 63. & 74.](#)  
[p.47. & 49. & 57](#)  
Alteratio distinguitur ab intensione,  
& remissione. [n.74. p.57](#)  
Alteratio propriè non est substantia.  
[n.88. p.69](#)  
Nec ad quantitatem, nec ad alia Præ-  
dicamenta. [n.89. p.70](#)  
Alteratio fit in quatuor speciebus  
qualitatis. [n.90. ibid.](#)  
Alterationis terminus quisnam. [n.91.](#)  
[p.71](#)

## *Antiperistasis.*

Antiperistasis quid. num. [98. seq.](#)  
[pag. 77](#)  
Antiperistasis quomoddò fiat. [n. ibid.](#)  
[p. ibid.](#)

## *Aqua.*

Aqua est elementum, apud nos no-  
men non est purum. num. [111.](#)  
[p.92](#)  
Aqua aliis nominibus appellatur.  
[n.112. p.93](#)

## *Augmentum.*

Augmentum quot modis potest fieri.  
[n.60. p.48](#)

## *Axioma.*

Axioma: Vbi vnum propter aliud:  
vbi vnum tantum quomoddò in-  
telligatur. [n.2. p.11](#)

## C

## *Calor.*

Calor quid sit. [n.112. & 116.](#)  
[p.93. & 97](#)  
Calor consumens, & conseruans  
quid sit. [n.155. p.128](#)

## *Causa.*

Causæ agentis quatuor condiciones  
enumerantur. [n.23. p.73](#)

## *Centrum.*

Centrum vniuersi, & elementorum  
quomodo differant. num. [118.](#)  
[p.100](#)

## *Contrarietas.*

Contrarietas, & repugnantia quid  
sit. [n.122. seq. p.104](#)  
Quotuplex in qualitatibus. [n. ibid.](#)  
[p. ibid.](#)

## *Contradictio.*

Contradictio quotuplex. num. [135.](#)  
[p.117](#)

## *Corruptio.*

# Notabilium.

## Corruptio.

Corruptio quid sit. n.10.p.12  
An sit naturalis, an violenta. n.11.

p.12

Differt à generatione. n.12.p.13  
Et ab aliis mutationibus. num. 10.

p.12

In corruptione quænam accidentia remaneant. n.17. seq.p.16

Corruptio, & generatio sunt vna actio, non verò vnus motus. n.20. 21. & 27. p.19. & seq.

An Corruptio vnus sit generatioq; alterius, & è contra. num. 20. p.19

Corruptio formæ an sit prior generatione alterius. n.23. & 25. seq. p.20. & 22

Corruptio naturalis, & violenta quænam. n.154. p.128

Vnde oriatur in mixto. num. 155. p.128

Idem corruptum an possit reproduci. n.44. & 47. seq. p.34. & 36

## Condensatio.

Condensatio, & rarefactio quid. n.142. p.125

Quotuplex. ibid. & 146. pag.125. & 128

In condensazione fit penetratio partium. n.147. seq. p.130

In condensazione non fit deperditio quantitatis, vel substantiæ, vel corpusculorum, sed fit maior restrictio. n.145. seq. & 151. p.127. & 136

## Corporeitas.

Corporeitatis forma datur, & quænam. n.18.p.16

Corporum penetratio naturalis datur. V. Penetratio.

## Creatio.

Creatio quomodò differt à generatione. n.5. & 6. p.9

## D

### Densitas.

Densitas est qualitas. num. 96. p.75

Densum, & rarum quotuplex. n.96. & 146. p.75. & 128

V. Rarefactio. V. Condensatio.

### Dispositio.

Dispositiones præcedunt formam. n.38. seq. p.30

### Durities.

Durities est proprietas corporum, sed adaptatur cæteris rebus etiam. n.99. p.78

Durities quomodò coincidit cum resistentia. n. ibid. p. ibid.

## E

### Eductio.

Eductio formarum est actio differens ab vnione, & constitutione compositi. n.9. p.11

### Elementum.

Elementum quid, & quot modis sumatur. n.110. p.91

Elementa non sunt prima corpora. n.110. p. ibid.

Elementum est compositum substantiale. n.110. p. ibid.

Elementa sunt quatuor. num. 111. p.92

Elementa pura, & non pura quænam

# Index Rerum

nam. n. 111. p. 92  
 Ipsorum ordo, situs, numerus, figura, magnitudo, vnitas specifica explicantur. n. 112. seq. ad 119. p. 93. & seq.  
 Ipsorum qualitates explicantur. n. 112. p. 93.  
 Elementa sunt causa materialis mixti. n. 130. p. 111  
 Elementa remanent formaliter in mixto. n. 133. seq. ad 139. p. 114. & seq.  
 Ipsorum mixtio quomodo fiat. n. 132. p. ibid.  
 Elementorum multiplex operatio in mixto. n. 152. p. 136  
*Extensio.*  
 Extensio qualitarum quomodo fiat. n. 56. p. 46

## F

### Forma.

**F**ormæeductio est actio diuersa ab vnione, & constitutione compositi. n. 9. p. 11  
 Formæ nouæ inductio non est posterior in genere causæ materialis forma vetere, sed in quocunque genere est prior. n. 23. 25. & 26. & seq. p. 20. & 22. & seq.  
 Formæ duæ in eodem instanti non possunt esse simul scilicet vetus, & noua. n. 27. seq. p. 23  
 Formæ plures substantiales possunt esse simul in eodem subiecto. n. 131. p. 112  
 Formæ inductio exigit dispositiones antecedentes. n. 33. p. 27  
 Forma substantialis suscipit magis, & minus, quæ tamen non est propriè intensio. n. 34. seq. & 76.

& 88. p. 27. & 59. & 69  
 Forma accidentalis suscipit intentionem etiam post educationem. n. 35. 37. 76. & 83. p. 28. & seq. & 59. & 69  
 Formæ substantialis generatio fit in instanti. num. 35. 37. p. 28. & seq.  
 Accidentalisis successiue. num. ibid. p. ibid.  
 Formarum generationis quadruplex causa explicatur. n. 42. p. 33  
 Forma accidentalis quomodo expellatur à subiecto. n. 64. p. 50  
 Formarum accidentalium contrarietas quænam. n. 66. p. 51  
 Sunt simplices. n. 70. p. 55  
 Quomodo admittant compositionem. n. ibid. p. ibid.  
 Formæ duplex effectus formalis, alter est informatio, alter est expulsiō alterius. n. 126. p. 107  
 Formæ elementares informant quælibet totum diuerso modo. n. 138. p. 121  
 Quid sit pars secundum formam, & secundum materiam. num. 153. p. 127

### Frigus.

Frigus quid sit. n. 112. & 116. p. 93. & 97

## G

### Generatio.

**G**eneratio quatuorplex. num. 1. p. 7  
 Dari euidens est. n. 3. p. 8  
 Quid sit. n. 4. & 7. p. 8. & 10  
 An essentialiter sit mutatio. num. 5. & 6. p. 9  
 Viuentium à non viuentibus differt. n. 7.



## Notabilium:

n.7. p.10

Generationis terminus quid. n. 8.

p.11

Generatio, & corruptio sunt vna actio, non verò vnus motus.

n.20. 22. & 23. p. 19. & seq.

Generatio vnius est corruptio alterius.

n.20. p.19

Generatio quomodo est prior corruptione.

n.23. seq. p.20

Generatio formarum substantialium, & accidentalium differt.

num. 37. & 41. p.29. & seq.

*V. Forma.*

Generationis formarum quatuor causas explicantur.

n.42. p.33

*Gradus.*

Gradus in qualitatibus quid sit.

n.120. p.102

Gradus qualitates in intensione sunt heterogenei, & subordinati.

n.76. seq. 82. p.59. & 64

Quomodo fiat ipforum expansio.

n.83. p.65

Gradualis latitudo extensiva, & intensiva.

n.84. p.66

*V. Qualitas.*

*Gratia.*

Gratia, & peccatum non possunt simul esse.

n.27. p.33

**H**

*Habitus.*

**H**abitus concurrunt cum potentia.

n.64. p.50

*Humidum.*

Humidum quid sit.

n.112. & 116. p.93. & 97

**I**

*Indivisibile.*

**I**ndivisibilia continuativa, & terminativa in intensione, & extensione quor.

n.58. 59. & 63. 74. p.47. & seq. & 57

*Instant.*

Instantia duo immediata dantur.

num. 22. 24. 28. ad 31. p. 19. & seq.

*Intensio.*

Intensio qualitatis naturalis quomodo differt à supernaturali.

n.82. p.64

**L**

*Lumen.*

**L**umina duo an intensiorem maiorem faciant, an non.

n.85. p.67

**M**

*Maius.*

**M**aius aliquid potest fieri absque rarefactione, & accessu novae materiae.

n.151. p.136

Quomodo potest hoc fieri.

n. ibid. p. ibid.

Quot modis potest fieri.

num. 143. p.126

*Mixtum.*

Mixtum, Mixtio, quid, & quodplex.

n.127. p.108

Elementorum explicatur.

num. 128. p.109

In Mixto remanent elementa formaliter.

n.133. seq. p.114

**T**

**3** Mixtum

## Index Rerum

Mixtum potest in se conuertere aliud  
mixtum, & elementum. n. 152.  
& 156. p. 136. & 129

### Motus.

Motus continuus, & successio explicatur. n. 55. p. 45

Motus ad ubi importat deperditionem antecedentium ubi. n. 65. p. 50

Non verò motus alterationis antecedentium graduum. num. ibid. p. ibid.

Motus localis propriè non est capax intensificationis. n. 89. p. 70

### P

#### Pars.

**P**ars secundum formam, & secundum materiam quid. n. 153. p. 127

#### Paruitas.

Paruitatis minimum quod sic datur in introductione formarum substantialium. num. 33. & 41. p. 27. & 32. & seq.

#### Penetratio.

Penetratio corporum datur naturalis, & quomodò. n. 139. & 147. seq. p. 122. & 130

#### Præteritum.

Præteritum an possit Deus facere, quod non fuerit præteritum. n. 45. & 49. p. 35. & 37

### Proportio.

Proportio maioris inæqualitatis in qualitarum actione quænam sit. n. 97. p. 76

### Q

#### Qualitas.

**Q**ualitatum quatuor species enumerantur. n. 87. p. 68

Qualitates primæ quænam sint. n. 112. & 116. p. 93. & 97

Qualitates primæ à quanam causa oriuntur. n. 116. p. ibidem

Qualitates ad octo gradus possunt intendi. num. 62. & 120. p. 49. & 102

Qualitates actiuæ, & passiuæ quænam. n. 123. p. 104

Quænam ipsarum vis actiua, & restitutiua. n. 93. p. 73

Qualitatis intensio sit per additionem gradus ad gradum. num. 66. seq. p. 51

Qualitatis intensio, & remissio differunt. n. 72. seq. p. 56

Qualitatis gradus sunt subordinati. n. 82. p. 64

Qualitas quomodò expellatur à subiecto. n. 83. p. 65

Qualitatis latitudo intensiua, & extensiua explicatur. num. 84. p. 66

Qualitatis gradus in agendo omnes simul concurrunt. n. 86. p. 67

Non verò in resistendo. num. ibid. p. ibid.

Qualitatum naturalium, & supernaturalium terminus qualis. n. 92. p. 72

In qualitarum actione quænam inæquali

## Notabilium.

æqualitas requiratur. num. 97.      dō fiant.      n. 146. seq. p. 128  
pag. 76

Qualitates contrariæ in esse remisso naturaliter possunt esse simul in esse summo supernaturaliter. num. 124. & 126. & 105. p. 106. & seq.

Qualitates mediæ sunt diuersæ species à primis, & quare. n. 125. p. 107

Qualitatum mutatio in intensiōe qualiter fiat. n. 68. p. 53

Qualitas vt duo non differt specie à qualitate vt tria. num. 71. pag. 55

In qualitate ratio intensiōis est quantitas virtutis. num. 61. p. 48

### Quantitas.

Quantitas alia molis, alia virtutis. n. 70. p. 55

Quantitas non est terminus alterationis. n. 89. & 145. pag. 70. & 127

Quantitas non est terminus rarefactionis. n. ibid. p. ibid.

Quantitatis effectus formalis quifnam sit. n. 89. p. 70

Datur quantitas interminata in materia. n. 14. & 143. p. 14. & 126

## R

### Raritas.

**R**aritas, & densitas explicatur. n. 96. & 150

Quotuplex. n. 144. & 146. p. 75. & 150. & 127. & seq.

### Rarefactio.

Rarefactio, & condensatio quomo-

### Reactio.

Reactio in actione quomodo fiat. num. 101. & 104. & seq. pag. 79. & 81. & seq.

### Remissio.

Remissio, & intensio qualiter differant, & quomodo fiat. num. 72. & seq. p. 56

### Resistentia.

Resistentia est quid positium inter contraria. n. 102. p. 79

Resistentia alia formalis, alia effectiua. n. 100. p. 78

An sit actio. n. 102. & 103. p. 79. & seq.

An conueniat primis qualitatibus. n. 103. p. 80

## S

### Similitudo.

**S**imilitudo secundum substantiam, & secundum accidens quænam. n. 93. p. 73

### Successio.

Successio in motu vnde oriatur. n. 33. p. 27

Successiuorum, & permanentium incæptio, & desitio explicatur. n. 33. & 37. p. 27. & 29

Successio alterationis qualis. n. 56. & 57. p. 46

### Temperamen.

# *Index Rerum Notabilium.*

**T**

*Temperamentum.*

**T**emperamentum in mixtis quid.  
n. 157. seq. p. 140  
Temperamentum quotuplex. n. ibid.  
p. ibid.

*Terra.*

Terræ centrum. n. 118. p. 100

**V**

*Vinum.*

**V**inum potest conuertere in se  
aquam. n. 156. p. 129

*Virgo.*

Virgo corrupta non potest à Deo  
fieri, quod non sit corrupta. n. 49.  
pag. 37



**IN**



IN LIBROS ARISTOTELIS  
DE ANIMA  
AD MENTEM SERAPHICI  
DOCTORIS S. BONAVENTURÆ.

160 ) **H**VCVSQVE animus noster extra se diu versatus est, nunc ordo doctrinæ postulat, ut ad propriæ naturæ cognitionem reuocetur: id enim peculiare est priuilegium animæ nostræ (ait S. Bonauentura) posse seipsam cognoscere. Cum autem hætenus disseruerit de ente mobili tum sub vniuersali consideratione in libris Physicorum, tum sub determinata magis ratione erigendo contemplationem nempe ad suprema corpora, & hinc se demittendo ad cognitionem ipsius entis, ut est subiectum generationi, & corruptioni, & inde secundum ordinem elementorum ad formam mixtionis: Et quia hæc omnia ordinantur ad animam, in qua est finis (ait Seraph. Doct. *Serm. 1. Hexaëm.*) est enim creata in horizonte æternitatis, & temporis: hinc opere pretium erat, ut ad seipsum tandem rediret animus, & propriæ substantiæ dignitatem, facultatem in potentiis, excellentiam in operationibus proprio mentis obtutu intueretur.


Opus quidem hoc ab Arist. compositum verè dignissimum, & miro ordine concinnatum licet super omnia arduum, quod licet inscripserit de Anima, attamen quia ipsa est actus corporis organici, non exclusit corpus: Vnde & de corpore animato, prout animæ subordinatur, peculiarem considerationem habet: sub qua ratione & Nos procedemus, sequentes de more nostro vestigia S. D. ut ipso Ductore iter incæptum tandem complere possimus, & peruenire ad optatum Paradisiacum Viridarium Theologiæ Sacræ: Hincque

161. **D.** DIVIDEMUS hanc materiam in tres partes: In quorum prima considerabimus animam in communi secundum se, & prout est prædita potentiis suis, simulque agemus de anima vegetante: In secunda de sentiente, & In tertia de rationali: sicque finem dabimus huic nobilissimæ tractationi. Ne autem in vanum tempus teramus circa superflua.

PRIMò supponimus dari scientiam de Anima: sic etiam Seraph. Doct. in *Opusc. in Princip. S. Script. & in lib. 2. dist. 1. part. 2. quest. ultim.* habet enim & proprietates, & principia, & causas, & partes subiectiuas, scilicet animam vegetantem, sentientem, & rationalem, quæ omnia sunt cognoscibilia saltem à posteriori.

SECUNDò supponimus obiectum horum librorum esse vel ens mobile animatum, vel ipsam animam: nam ad ista ordinantur omnia, quæ in his libris tractantur: Scio esse discrepantiam inter DD. an sit corpus animatum, an anima ut sic, an ens mobile animatum: Sed in re parui momenti non est, cur immoremur: Aliqui etiam discrepant, an sit de consideratione Physici, an Metaphysici consideratio de Anima, sed utrumque est verum, spectat namque ad Physicum (ait S. Doct. *Serm. 1. Hexaëm.*) prout est forma, & actus corporis: spectat & ad Metaphysicum, si consideretur secundum se, & absolute.

PARS



# PARS PRIMA

## DE ANIMA.


### TRACTATUS PRIMVS.

*De Anima in communi.*

162



NIMAM esse certum est, cum cuique notum sit ex propriis operationibus, unde Arist. non proponit quaestionem de ipsius existentia, sed procedit ad explicandam ipsius essentiam per duplicem definitionem, quod & Nos in sequentibus quaestionibus praestabimus praemittentes de more Textum Seraph. Doctoris.



### TEXTVS SERAPHICVS.

§. I.

*Anima quoad nomen.*

4.



NIMA ex vi nominis dicitur ab à, & ama, idest sine sanguine, vel ab à, & nemem, quod est tribuere eo, quod tribuit vitam corpori, vel anima quasi anemos, idest ventus, seu spiritus: Dicitur autem anima, quia animat corpus: Dicitur & mens, in quantum recollit: Animus, dum vult: Ratio, dum re-ctum iudicat: Spiritus, dum spirat, vel quia spiritualem naturam habet: Sensus, dum sentit: Memoria, dum recordatur: Voluntas, dum consentit: Appellatur autem pluribus nominibus, non quia ha-beat

V 2

beat multiplicem essentiam, sed multipliciter virtutum, & operationum. *Comp. Theol. lib. 2. cap. 31.*

## §. II.

*Quid sit Anima.*

B. QVIA anima, ut dictum est, habet multiplicem perfectionem, ideo etiam multiplicem definitionem admittit: Hinc, ut est spiritus, definitur, *Substantia incorporea intellectualis illuminationum, quæ sunt à prima, & ultima revelatione perceptiva*: Provt est anima, idest forma, & vita corporis, definitur, *Substantia incorporea regens corpus: Vel actus primus corporis organici physici potentia vitam habentis*: Provt verò est anima, & spiritus, describitur per ordinem ad creaturas sic, *anima est similitudo omnium*: per ordinem ad corpus sic: *Anima est substantia rationalis regendo corpori accommodata*: per ordinem ad Deum, ut ad suam causam efficientem sic: *Anima est deiforme spiraculum vite*: per ordinem ad Deum ut ad finem ultimum sic: *Anima est spiritus intellectualis, & in corpore ad beatitudinem ordinatus*. *Op. Centil. part. 3. sect. 19.*

## §. III.

*De quo est Anima.*

C. ANIMA est ens viuens intelligens, ac libertate vtens non quidem est à seipsa, nec de Diuina natura, sed à Deo per creationem de nihilo in esse deducta, est tamen forma viuens non ex natura extrinseca, sed ex seipsa, non vita mortali, sed perpetua: estque intelligens non solum creata, sed creatricem essentiam, ad cuius imaginem, & similitudinem facta est: Imago autem nominat conformitatem in quantitate, similitudo conuenientiam in qualitate: Illa dicit configurationem, scilicet figuram, quæ est quantitas in qualitate, & qualitas in quantitate: Ista dicit eandem qualitatem rerum differentium: Illa item dicitur in naturalibus: Ista in gratuitis: Illa item est in potentia cognoscendi: Ista diligendi. *In Centil. part. 3. sect. 24.*

## §. IV.



## §. IV.

*De Vita anima.*

D. QVIA anima est vita corporis : hinc aliquid dicendum est de vita : Vita igitur est actus continuus, & immanens substantiam sui individui complens, & perficiens secundum ipsius naturam, scilicet primario, & essentialiter. *Centil. ibid. & lib. 1. dist. 8. part. 1. dub. 9. & lib. 1. dist. 36. art. 2. quest. 1. ad ultim.*

E. VITA autem hic sumitur pro actu primo : duplex enim est vita, scilicet in actu primo, & in actu secundo : primo modo dicit ipsam essentiam animæ, ut in ratione formæ, non in ratione agentis : secundo modo dicit actum consequentem : Vnde anima seipsa immediate est vita informando, & simul vivificando. *Lib. 1. dist. 43. art. 1. quest. 1. ad ult. & lib. 1. dist. 36. cit. & lib. 2. dist. 26. art. 1. quest. 5. ad 1. & lib. 3. dist. 27. art. 1. quest. 3. ad 3. & lib. 4. dist. 14. part. 2. dub. 5. & dist. 49. part. 1. art. 1. quest. 4. ad 1. & lib. 1. distinct. 3. part. 2. dub. 2. & lib. 2. dist. 8. part. 1. art. 1. quest. 1. ad 4. & 5.*

F. HINC vita, seu anima per modum agentis est principium vitalium actuum, ut est intelligere, qui est actus vitæ, sicut & actus aliarum potentiarum, quæ dicuntur vita, provt continuantur, seu identificantur cum anima : sic actus principales vitæ sunt vegetatio, sensitificatio, & intellectio : Hinc & triplex vita, scilicet vegetativa, sensitiva, & rationalis, licet propriissimè loquendo vita competat tantum sensitivis, & rationalibus, ob id & sacra Scriptura dicit de plantis, quod factæ sunt in animam virentem : vita enim maximè manifestatur in motu, & sensu. *Lib. 1. distinct. 36. artic. 2. quest. 1. ad ultim. & lib. 2. dist. 26. art. 1. quest. 5. ad 1. & lib. 1. dist. 43. art. 1. quest. 1. ad 4. & lib. 2. distinct. 1. part. 2. quest. ultim. ad 3. & lib. 2. dist. 1. part. 2. art. 1. quest. 2. in corp. & lib. 2. dist. 15. dub. 1.*

G. ACTUS autem vitæ primus est vnicus respectu totius corporis, non multiplex eo, quod omnia membra continuantur, & reducuntur ad vnum principale membrum in corpore, mediante qua est defluxus, motus, & sensus ad alia membra, ut patet in corde. Hincque causa intrinseca vitæ est ipsa anima : extrinseca verò, quia est à corde, est consistentia calidi, & humidii. *Lib. 2. dist. 18. art. 2. quest. 1. ad 2. & lib. 4. distinct. 44. part. 2. art. 1. quest. 2. ad ultim. & Serm. 1.*

*Hexaem. & lib. 2. distinct. 17. art. 2. quest. 2. argum. 1. ad oppos. aliisque locis cit.*

## §. V.

*De Diuisione anima.*

**H.** TRES autem species tantum animarum possunt dari, scilicet vegetatiua, sensitiua, & rationalis: Prima est in plantis: secunda in animalibus irrationalibus, & tertia in homine: In omnibus his quælibet nominat substantiam, sed cum hoc discrimine, quod in animalibus vegetatiua nominat potentiam, & in rationalibus vegetatiua, & sensitiua nominat itidem potentias. *Centil. part. 3. sect. 21. & 22. & lib. 2. distinct. 31. art. 1. quest. 1. ad 5. & 6. & lib. 2. dist. 1. part. 2. art. 3. quest. 1. fund. 3. & Comp. Theol. lib. 2. cap. 32.*

**I.** Ex quibus infertur, quod in quolibet viuente vnica tantum anima debet assignari: habens tamen multiplicem potentiam: Vnde dicere animam vnā esse in omnibus hominibus est error, & hæresis: obidque est de fide quemlibet hominem habere propriam animam informantem corpus vt formam, & perfectionem, & mouentem ipsum, vt motorem.

**ET** si obiicias, quod homo prius nutritur, & sentit, quàm ratiotinetur, ergo videntur ibi esse tres animæ: Ad hoc respondendum est, quod sensualitas tribus modis potest sumi: Primò, prout dicit dispositionem ex parte carnis ad actum virtutis sensitiuæ: Secundò, prout dicit dispositionem ex parte carnis ad sentiendum cum virtute spiritui mouente, nondum anima carnem perficiente: Tertiò, prout dicit non solum dispositionem cum virtute mouente, sed etiam habilitatem, quæ inest ex anima perficiente: Primo, & secundo modo sensualitas est non ab anima informante embryonem, sed à generante ratione virtutis, spirituum, & caloris, quæ cum semine deciduntur mouens, regens, & operans dispositiuè vsque ad animæ inductionem: tertio modo est ab anima informante, & per hoc patet animam vnica[m] esse in viuente. *Lib. 2. distinct. 31. art. 1. quest. 1. in corp. & ad 5. & 6. Centil. part. 3. sect. 21. & 22. & lib. 3. distinct. 16. art. 2. quest. 1. in corp. & lib. 2. dist. 18. art. 2. quest. 1. & lib. 2. distinct. 8. part. 1. art. 3. quest. 2.*

§. VI.

De indivisibilitate anima.

K. Et quia celebris est quæstio, an omnis anima sit indivisibilis : Ad hoc respondendum est, quod forma substantialis est triplex : alia corporalis, quæ perficit corpus, extenditur, & dependet : quia perficit, est tota in toto per informationem : quia extenditur, perfectionem etiam totius communicat partibus, & cuilibet parti : quælibet enim pars ignis est ignis : quia dependet in operari, nec agit per se, idè & operationem totius communicat partibus ; sic quælibet pars ignis non solum est ignis ; sed & comburit, & hæc absque dubio est diuisibilis : Anima verò sensitiva, & vegetativa perficit totum corpus, obidque est tota in toto : quia non extenditur, idè perfectionem totius non communicat partibus : pars enim animalis non est animal : quia verò dependet scilicet in operari, idè operationem totius communicat partibus, sicque quælibet pars sentit, & vivit : Anima verò rationalis perficit corpus, sed nec extenditur, nec dependet : obidque est cæteris perfectior : Ex quibus sequitur, quod omnis anima sit indivisibilis. *Lib. 1. distinct. 8. part. 2. art. 1. quæst. 3. ad 1. & lib. 2. distinct. 8. part. 1. art. 3. quæst. 2. & lib. 2. distinct. 25. part. 2. art. 1. quæst. 6. in corp. & distinct. 17. art. 1. quæst. 2. ad 5. & lib. 2. distinct. 15. art. 1. quæst. 1. ad 2. & lib. 4. distinct. 10. part. 1. art. 1. quæst. 5. in corp. & Itiner. ment. cap. 2.*

L. SUNT enim formæ spirituales, cum sint immunes à quantitate, & extensione molis, nec subiaceant extensioni, habent tamen suos gradus spiritualitatis, secundum quod magis, vel minus elongantur ab extensione. *Loc. supra cit. & lib. 2. distinct. 15. art. 1. quæst. 2. fund. 3. & ad 3. & 4. Itiner. ment. cap. 2. & lib. 4. distinct. 50. part. 2. art. 1. quæst. 1. & lib. 2. dist. 1. part. 2. art. 3. quæst. 1.*

M. DIFFERUNT autem istæ animæ, quod rationalis est hoc aliquid, scilicet per se existens, obidque composita ex materia, & forma, cæteræ verò nequaquam, sed sunt puræ formæ simplices. *Lib. 2. dist. 17. art. 1. quæst. 2. ad 5.*

N. HINC ergo soluitur quæstio, an anima aliqua sit composita : Ad hoc dicendum, quod sola anima rationalis est composita ex materia, & forma tanquam ex duabus naturis : cæteræ verò nequaquam :  
nec

nec talis compositio infert imperfectionem : immò infert maximam perfectionem, nempè quod sit per se existens, motorque sufficiens corporis, habetque propriam operationem, quo agit, & quod agit : tum quia est per se susceptibilis contrariorum : tum quia est vita : ergo in ea est aliquid, quo vivit, & quod vivit. *Lib. 2. distinct. 17. cit.*

O. QVIA anima est forma, & actus corporis, ideò exigit corpus proportionabile, sit autem tale quantum ad æqualem complexionem, & quantum ad pulcherrimam, & multiformem organizationem, & quantum ad staturæ rectitudinem : Vnde infimum spiritus, & supremum corporis sunt vnibilia miro modo : potentia enim vivificandi inest animæ respectu corporis complexionis mediis spiritibus vitalibus : Potentia item vegetatiua, & sensitiva respectu multiformis organizationis mediis spiritibus naturalibus, & animalibus : Et quia anima ordinatur ad beatitudinem, hinc indiget corpore sursum erecto, vt attestetur spiritus rectitudini, & ipsius subiectioni : Et hinc partes existentes in corpore dicuntur tripliciter vivere : primò, quia recipiunt influentiam vitæ, suntque partes solidæ : secundò, quia disponunt ad vitam, suntque fluidæ : tertio, quia ortum, & conservationem habent ab actu vitæ, suntque excrementitiæ. *Centil. part. 3. sect. 25. & lib. 2. dist. 1. part. 2. art. 1. quest. 2. ad 2. & lib. 4. dist. 44. part. 1. quest. 1. ad 3.*

P. Ex quibus sequitur, quod cùm dentur in corpore organico plures partes diuersæ rationis, etiam debet in qualibet recognosci propria forma à cæteris diuersa : Ratione enim organizationis sunt diuersæ, licet ratione complexionis sint vniformes toti, & ob id dispositæ ad idem genus vitæ, & ab vna forma totali perfectibiles : ultra quas formas debet inueniri in corpore vna forma totalis complexionis. *Lib. 1. dist. 8. part. 2. art. 1. quest. 3. ad 4. & lib. 2. distinct. 26. art. 1. quest. 5. & lib. 2. distinct. 1. part. 2. art. 1. quest. 2. ad 3.*

## §. VII.

### *De potentiis animæ, & de Vegetatiua.*

2. QVIA in anima debet esse multiplicitas potentiarum : Dicendum est potentias esse substantiales animæ, non tamen omninò idem per essentiam, cùm se habeant per modum egredientis ab anima, nec tamen ita differunt, vt sint alterius generis, sed sunt in eodem

dem genere per reductionem, quia per ipsas anima intelligitur habere esse perfectum essentiale, seu substantiale, obidque addunt animæ plusquam potentia materiæ. *Lib. 1. distinct. 3. part. 2. artic. 1. quæst. 3. & lib. 2. distinct. 24. part. 1. art. 2. quæst. 2. 3. & 4 & dist. 26. art. 1. quæst. 2.*

R. VEGETATIVA autem in plantis, licet sit substantia, seu anima, & forma: in brutis tamen, & hominibus est potentia, cuius actus sunt generare, nutrire, & augmentari. *Centil. part. 3. sect. 21. & 22.*

S. GENERATIO autem viuientium fit per decisionem seminis, quod est superfluum alimenti, cum quo deciditur aliqua substantia radicalis ipsius generantis, & virtus eiusdem, quæ concurrat ad organizationem vsque ad animæ inductionem, & attingit geniti formationem. *Lib. 2. dist. 30. art. 3. quæst. 1. & 2. & lib. 4. distinct. 40. art. 1. quæst. 1. & lib. 3. distinct. 3. part. 2. art. 2. quæst. 2. per totam, præcipue ad ultim.*

T. AN autem solum Pater actiue concurrat: dubium est: Ad quod dicendum est, quod vterque Parens actiue concurrat, sed principaliter Pater: minus principaliter Mater, quæ etiam dicitur principium passiuum per comparisonem ad principalem actiuitatem Patris. *Lib. 3. distinct. 4. art. 3. quæst. 1. & lib. 2. distinct. 20. artic. 1. quæst. 2.*


V. IN nutritione verò, & augmentatione acquiritur noua pars substantiæ corporeæ, quæ dicitur caro secundum materiam, non secundum formam: Differunt autem, quod hæc est de prima constitutione viuientis: illa autem nequaquam, sed spectat ad integritatem ipsius. *Lib. 2. distinct. 30. art. 3. quæst. 2. & lib. 4. dist. 12. part. 1. artic. 2. quæst. 2. ad 2. & lib. 4. distinct. 44. part. 1. art. 2. quæst. 1. & Centil. part. 3. sect. 21. & 22.*

NOTATIONES hinc ad Scholium Seraphici Textus non subiunguntur, cum verba Textus sint satis de se clara, & cum in quæstionibus sequentibus suis explicentur.

=====

## QVÆSTIO PRIMA.

*Quid sit Anima.*

163.  RISTOTELES assert, & confutat varios errores Antiquorum circa quidditatem animæ,

R.P.Bart. de Castrovetro Phil. P. III.

X

mæ, quos breuiter perstringit S. Bonauent. in *Comp. Theolog. lib. 2. cap. 30.* Aliqui enim dixerunt esse accidens, nempe harmoniam, & concentum contrariarum qualitatum, quibus componitur animus: sic Empedocles, Galenus: citatur etiam Plato eo, quia dixit animam rationalem esse numerum, seu circulum, sed reuera Plato loquutus est figuratè, cum enim anima sit supra se reflexiua, per diuersas operationes quasi circulum committit, de quo circulo S. Bonau. in *Breuil. part. 2. cap. 4.* optimè loquitur, sicut Iauellus fusè explicat sensum germanum Platonis. Alij esse tenue quoddam corpus, nempe aliquod ex elementis. Alij lucem. Alij spiritum ex atomis compositum, quæ omnes opiniones iam obsoletæ ab Aristot. refutantur, sed antequam ad assignandam definitionem ab ipso Philosopho traditam deneniamus.

ADVERTENDVM est, quod anima, cum sit substantia habens multiplex munus, perfectionem, & operationem, idè est etiam capax multiplicis descriptionis, quas omnes assignat S. Bonauent. in *Centil. part. 3. sect. 19.* vt videre est in Textu suprà allato: Sed quia hic consideratur per ordinem ad corpus, cuius est motrix, & perfectio: vt motrix describitur à Seraph. Doct. Anima est substantia incorporea regens corpus: vt perfectio est, definitur duplici definitione ab Aristotele: Quare sit

164. PRIMA CONCLUSIO: Anima rectè definitur: *Actus primus corporis organici potentia vitam habentis*: Item Anima est id, quod viuimus, mouemur, sentimus, & intelligimus: Sic Aristot. quæ duæ definitiones ab omnibus acceptantur, & à Seraph.

Doct. loc. cit. tanquam bonæ, & rectè traditæ.

165. PROBATVR, & explicatur: Dicitur (*actus*) loco generis, per quod conuenit cum accidentalibus actibus: Dicitur (*primus*) per quod disconuenit cum actibus secundis, & accidentalibus, sed est principium operationum, & per hanc particulam conuenit cum cæteris formis substantialibus constitutiuis compositorum, à quibus proueniunt omnes actus secundi, siue immanentes, siue transeuntes: sic anima vt actus primus est forma substantialis corpus informans: Et hinc (ait Seraph. Doct. lib. 2. *distinct. 1. part. 2. art. 3. quest. 1.*) est pars substantialis speciei humanæ physicæ, imò & ipsa est quodammodò species, licet incompleta: Dicitur (*corporis organici*) Hic disquirunt Philosophi, quid intelligatur nomine corporis organici, an sola materia cum accidentalibus formis, an compositum, quod coalescit ex vnione animæ cum materia, an corpus compositum ex materia, & forma corporeitatis: Negantes formam corporeitatis intelligunt materiam cum dispositionibus accidentalibus: sicque per hanc particulam anima non differt à cæteris formis substantialibus: Sic plures Authores apud Conimbric. hic: Alij & sunt Thomistæ apud Ioan. à S. Thom. hic, & Complut. intelligunt non materiam nudam, sed formatam gradu corporeitatis non quidem tributo ab alia forma, sed ab ipsa anima, quæ tribuit ipsi materiæ plures gradus, nempe primò gradum organizationis, & posterius natura vitam, quæ expositio verè patitur graues difficultates: nam per hoc anima non distingueretur à cæteris formis corporeis,

poréis, quæ tribuunt esse corporeum animæ, & ultra illud etiam aliud ultimum esse, prout notauimus in Physica: Scotus cum suis intelligit de materia informata forma corporeitatis: Nos cum Seraph. Doct. ex traditis in Physica dicimus intelligi debere nomine corporis materiam informatam forma propria corporeitatis, & per ly (*organici*) idem corpus informatum forma complexio- nis, & organizationis: sunt enim effectus formales diuersi exigentes diuersas formas substantiales: Vide lib. 1. Phys. tract. 4. quæst. 3. & infra etiam de hac materia redibit sermo: Dicitur (*potentia vitæ habentis*) vt intelligatur hæc vltima particula: aduerte duplicem vitam dari substantialem, & accidentalem: Prima est à principio substantiali, à quo est actus primus vitæ: Secunda consistit in operatione aliqua vitali, quæ supponit principium substantiale vitale: In hac definitione sumitur vita in eo sensu, quo anima est actus corporis, & consequenter & ipsum corpus est in potentia ad animam, ergo est in potentia ad vitam substantialem, vt anima possit esse actus primus in illo.

Ex quibus sequitur, quod si corpus est in potentia ad actum primum vitæ, debet esse proximè dispositum ad talem vitam: Dispositione inquam in ratione substantiali per formas subordinatas, & in ratione accidentali per temperamentum primarum qualitarum, quod tradit acutè Seraph. Doct. in *Brenil. part. 2. cap. 4. & lib. 2. dist. 1. part. 1. art. 3. quæst. 1. & part. 2. art. 1. quæst. 2. ad 2. aliisque locis pluribus.*

SECUNDA Definitio patet ex traditis: Anima est, quo vivimus, &c. per

hanc enim explicatur natura animæ suprâ definitæ per ordinem ad operationes vitales, quatum est actus primus, & substantialis.

DICES: Definitio per additamentum competit solum accidentibus, sed definitio prima est per additamentum scilicet per ordinem ad subiectum, quod informat: ergo vel est malè tradita, vel anima erit accidens.

CONFIRMATUR ex Oviéd. hic, quia organizatio corporis non exigitur ab anima secundum suam primariam rationem essentialem, sed tantum per ordinem ad operationes: obidque talis exigentia est à potentiis, non ab ipsa anima: Ergo non definitur anima secundum suum conceptum metaphysicum essentiali.

RESPONDETUR ex Seraph. Doct. quod cum nomen animæ sit potius officij, quàm naturæ: Sic in *Serm. 1. de S. Agneste*: idè anima potest considerari secundum se, & Metaphysicè, sicque est substantia incorporea, sed prout est anima, & forma, cum radicaliter dicat vnibilitatem ad corpus, & cum sit corporis perfectio substantialis, sic definiri debet per ordinem ad corpus, quod non est alterius prædicamenti: hinc non est hæc definitio data per additamentum: Sic Seraph. Doct. lib. 2. dist. 1. part. 2. art. 3. quæst. 1. & 2. in corp. & ad 1. & aliis locis cit.

AD illud Oviédi Respondetur negando antecedens, licet enim essentia præcedat potentias, non præcedit tamen ordo ad ipsas, cum talis ordo sit transcendentalis essentialiter inclusus in essentia animæ, & consideratæ in actu primo: Sed ad maiorem, & clariorem intelligentiam

tiam quidditatis animæ, cum ipsa sit vita corporis : hinc proponitur sequens quæstio valde necessaria, & utilis de vita.

## QVÆSTIO II.

*Quid sit vita, & quam sit ipsius ratio formalis.*

166. **D**ICTVM est suprà animā esse actum tribuentem vitā corpori, obidque & in ipsa esse rationem formalem vitæ : Hinc quæritur, in quonam consistat hæc ratio formalis vitæ, seu an ipsa sit viuens, animatumque per ipsam viuat : Sed quia Angeli etiam viuunt, & ipse Deus, qui tamen non habent animam : hinc ratio vitæ est quid superius ad eandem animam : Communiter autem recognoscitur ratio vitæ in motu, seu actione immanente, sed tamen hæc positio indiget expositione : Hinc

PRIMò Notandum ex S. Bonauent. lib. 1. dist. 43. art. 1. quæst. 1. ad ult. & lib. 2. dist. 26. art. 1. quæst. 5. ad 1. & 2. & lib. 3. dist. 27. art. 1. quæst. 3. ad 3. & lib. 4. dist. 14. pars. 2. dub. 5. & dist. 49. pars. 1. art. 1. quæst. 4. ad 1. & lib. 1. distinct. 36. art. 2. quæst. 1. ad 4. quod vita potest sumi pro actu primo, & pro actu secundo : Primo modo est ipsa anima, quatenus seipsa est vita, seu viuens, & quatenus potest viuificare corpus, & exire in actus vitales : Secundo modo est, quatenus actu viuificat, vel exit in actus vitales : Primo modo est perfectio simpliciter simplex, & melior ipsa in quocunque subiecto, quam non ipsa, quia importat principium

intrinsecum se perficiendi per actiones vitales, quæ perfectio differenter inest in Deo, in Angelis, & in Animabus : nam in Deo est sine vlllo motu per actionem, quæ est eius substantia, influitque vitam in aliis vt causa efficiens : In Angelis verò est vita, ita quod non possunt aliis communicare vitam per modum causæ efficientis : est enim perfectio soli Deo propria : In cæteris verò creaturis est ita vita, quod possunt aliis conferre vitam, sed per modum informationis : idque est actus perfectionis cum imperfectione admixta, & hoc est proprium animæ : Sic Seraph. Doct. lib. 2. dist. 8. pars. 1. art. 1. quæst. 1. ad 5.

SECUNDò Notandum, quod cum vita sit actus immanens, ad rationem vitæ non satis est quæcunque actio immanens : nam etiam aqua se infrigidat per actum immanentem, & grauiat tendunt deorsum : Vnde duplex actio immanens, alia est ad terminum per accidens immanentem, qui scilicet ita habetur à tali causa, quod posset etiam haberi ab alia causa, vt verbi gratiā, aqua calefacta si refrigeretur redeundo ad suum innatum frigus, illud frigus est per actum immanentem à propria forma : posset tamen haberi ab alia causa, & si produceretur ab alia causa, esset tamen eiusdem speciei cum illo frigore, quod à propria forma producitur : Alia est actio immanens per se, cum ab alio principio non potest haberi nisi à proprio, & hæc vel est per simplicem emanationem, quomodo potentia immediate emanat ab essentia, vel est mediante aliquo principio præter principale, & hoc vel ex parte potentia, vel ex parte obiecti, vt sunt omnes actiones



nes vitales, quæ à potentiis eliciuntur, supponunt enim vel organum tanquam comprincipium, vel species receptas in potentia: Prima autem emanatio propriè non est actio: Secunda autem est, eo quia exigit aliquid extrinsecum in principio actû operante.

167. TERTIÒ Notandum, quod duplex actus à forma aduenit, alter per modum informantis, & vt forma, seu actus est, alter per modum efficientis, sicut albedo seipsa albificat subiectum per informationem, & disgregat visum per efficientiam: Sic Seraph. Doct. lib. 2. *distinct.* 26. *art.* 1. *quæst.* 5. ad 1. & 2. Idem & de anima dicendum est suo modo: in se enim considerata, seu ipsum quo est, dicitur essentia, provt verò est actus, quia est nobilissima inter formas, dat viuere, & id per modum informationis seipsam tribuendo immediate corpori organizato, considerata verò per modum agentis sic exit in actus vitales per potentias, quæ cum sint identificatæ cum anima, etiam ipsæ dicuntur viuere, & ob id & valentes exire in actus vitales, lib. 1. *distinct.* 43. *art.* 1. *quæst.* 1. ad 4. & lib. 3. *distinct.* 27. *art.* 1. *quæst.* 3. ad 3. & lib. 3. *distinct.* 21. *art.* 2. *quæst.* 2. *fund.* 2. & lib. 2. *distinct.* 1. *quæst.* ult. ad 3. & lib. 1. *distinct.* 3. *part.* 2. *dub.* 2. Differunt autem formæ non viucentes à viucentibus, quod cum omnes dent perfectionem entitativam subiecto, simulque operativam, non viucentes non sunt actiue propria actione in ordine ad aliquam perfectionem sibi debitam, recipiunt enim in sua prima origine omnem perfectionem possibilem, & si aliquando deturbantur ab ipsa, seipsis reducant ad ipsum per emanationem, vt patet in aqua

calcfacta, formæ verò viucentes à sui origine tribuunt viucenti virtutem acquisitiuam perfectionis sibi debitæ, & non habitæ in sui prima productione: In eo autem, quod & ipsæ facultatem habent operandi extrinsecè, non distinguuntur à non viucentibus: hæc Serbellon. *diffinit.* 1. *quæst.* 1. *art.* 2. *num.* 17. Ex quibus sequitur, quod vitalitas animæ consistit in propria sua essentia, vitalitas corporis consistit in informatione facta ab anima, & vitalitas actuum in eo, quod exeunt à principio efficiente vitali, & intentionaliter tendunt in obiectum: hinc definiuit Seraph. Doct. animam in *Brenil. part.* 2. *cap.* 4. & 9. tali pacto dicens, quod anima est forma, ens viuens, sensiens, & intelligens, per quas operationes distinguitur viuens à non viuente: aduerte tamen, quod per ly *viuens* intelligitur vegetans.

168. PRIMA CONCLUSIO: Vita est actus continuus intrinsecus, & immanens substantiam sui indiuidui complens, & perficiens secundum ipsius naturam, scilicet primariò, & essentialiter, secundariò verò per ordinem ad operationem vitalem sibi debitam: Est S. Bonavent. *loc. citat.* præcipuè lib. 2. *dist.* 8. *part.* 1. *dub.* 9. & lib. 1. *distinct.* 36. *art.* 2. *quæst.* 1. ad ult.

PROBATVR, & explicatur: Dicitur (actus) vt ait Seraph. Doct. lib. 1. *distinct.* 43. & lib. 2. *distinct.* 26. *cit.*) non per modum actus, mutationis, seu operationis, seu potentie, sed provt dicit perfectionem secundum se entitativam: Dicitur (continuus,) quia vita est actus spiritualis, & continuus fluens immediate ab ente quieto, & sempiterno, vt ait Seraph. Doct. lib. 1. *distinct.* 36. & per id excluditur

cluditur operatio, quæ licet procedat à natura viua, tamen cessat vt aqua calefacta, dum per suam formam se reducit ad primam naturam frigoris: at vita semper est in actu absque interruptione: Dicitur (*internus, intrinsecus, & immanens*,) vt excludantur actiones transeuntes, immò immanentes etiam præcisè sumptæ: nam vita propriè non est actio, sed est ipsa entitas animæ secundum se habens intimè hanc perfectionem ex natura sua, per quam dicitur viuere: Dicitur (*individui sui substantiam perficiens*) quia, vt docet Seraphicus Doctor *loc. citat.* non solum anima est in se sibi vita, sed etiam est vita corporis ratione informationis, secundum quam & actuat, & simul viuificat, & ei tribuit posse exire in actus vitales, sicut & ipsa per suas potentias potest conuulsiuiles operationes producere etiam separata à corpore, & secundum quas obtinet omnem suam perfectionem, quam non habet necessarid ex vi suæ productionis: & per hoc patet, quænam sit ratio formalis viuientis, per quam distinguitur à non viuente: viuens enim est semper in actu suo actione permanente, quæ ab alio principio non potest esse, si sumatur in actu primo: si verò sumatur in actu secundo quoad actiones vitales, sic eas habet, quod ab alio principio non possint haberi: In qua ratione conueniunt Deus, Angeli, & Viuentia corporea licet cum aliquali analogia, vt dictum est in 1. *Notabil.* Cum autem per istas conditiones discernantur viuentia à non viuentibus, sequitur esse rectè explicatam dictam definitionem vite.

Dicitur: Graui, & leui à seipis,

& ab intrinseco mouentur: ergo erunt viuentia.

169. RESPONDETUR tales motus esse ad terminum extrinsecum, non ad aliquid intrinsecum, & proprium, sicut est actus vitæ. Tum quia ille terminus potest ab illis acquiri virtute extrinseca, quod non euenit in viuentium actionum terminis.

DICES secundò: Deus, & Angelus viuunt, & non per actum informatiuum: ergo malè tradita est illa definitio.

RESPONDETUR concedendo antecedens, & negando consequentiam: nam ibi tradita est definitio de vita animæ, quæ tamen potest adaptari suo modo Deo, & Angelis ablata informatione, anima enim est vita corporis per suam informationem, vt notat etiam Seraph. Doct. *lib. 2. distinct. 8. part. 1. art. 1. quest. 1. ad 4. & 5.* Angelus habet vitam per actum immanentem, nec ipsam potest corpori communicare: Deus verò habet vitam in se, & illam potest alteri communicare, sed per modum efficientis tantum.

DICES teritiò: Motus, & Sensus sunt ea, in quibus consistit vita animantium: ergo non est actus immanens suprà positus.

RESPONDET S. Bonauent. *lib. 2. distinct. 15. dub. 1. & lib. 2. distinct. 8. part. 1. artic. 3. quest. 2. in argum. & lib. 3. dist. 21. art. 2. q. 2. fund. 3. & in Luc. c. 7. vers. 14.* verum esse quoad signum, & manifestationem, non quoad rationem formalem.

SECUNDA CONCLUSIO: Iste actus vitæ est vnicus in quolibet viuente, nec multiplicatur ad multiplicationem partium viuificatarum: Est S. Bonauent. *lib. 2. dist. 18. art. 2. quest. 1. ad 2. & dist. 8. part. 1. art. 3. quest. 2.*

quest. 2. ad 1. & Serm. 1. H. xam. & lib. 4. distict. 44. part. 2. art. 1. quest. 2. ad 5. estque etiam communis.

PROBATVR: Quia cor est principium vitæ, à cuius influentia cætera membra dependent in viuere, cum sit vnum principium influens, vnica erit vita. Tum quia ex tradendis ex Seraph. Doct. quælibet anima est spiritualis, & tota in toto, & tota in qualibet parte: ergo. Tum quia vna est anima in quolibet viuente: ergo est vnus actus, quæ omnia tamen in sequentibus melius elucidabuntur.

170. TERTIA CONCLUSIO: Vitalitas in actibus est accidentalis.

PROBATVR: quia eis competit, vel quatenus sunt à potentia vitali, vel quatenus intentionaliter tendunt in obiectum, sed tales respectus non possunt tribuere vitam essentialiter, & immanenter ipsis: ergo sunt tales accidentaliter.

DICËS: Ergo & potentia animæ non erunt vitales nisi accidentaliter, consequens est falsum: ergo.

PROBATVR sequela: quia & ipsæ emanant à principio vitali, sicut & actus: ergo.

RESPONDETUR negando consequentiam, & paritatem: nam, vt aduertit Seraph. Doct. lib. 2. dist. 26. art. 1. quest. 5. ad 1. licet enim potentia sint distinctæ formaliter ab anima: identificantur tamen cum ipsa (vt infra patebit) & ided secundum quod continuantur ipsi substantia animæ, ipsis debetur continuus actus viuendi, non sic est de actibus, qui ab anima, & potentiis distinguuntur realiter, nec debentur ipsi viuenti vi suæ generationis, sicuti debentur potentia.

QVÆRES: quæ sit causa vitæ.

RESPONDETUR, quod causa intrinseca est ipsa anima, quæ per modum informationis dat vitam corpori, causa extrinseca est consistentia, seu proportio humidi innati cum calore naturali: Sic S. Bonau. lib. 2. distict. 17. quest. ult. m. arg. 1. ad oppos. & lib. 2. dist. ncl. 8. part. 1. art. 1. quest. 1. ad 4. & 5. aliisque loc. citat.

VT autem id rectè intelligatur, sciendum est, quod, cum sit continua pugna inter humidum radicale, & calorem innatum, semper etiam fit deperditio partis huius humidi: prouidit enim natura, vt humor alimentitius expressus ex cibo subsidium conferat, illud refocilando, & cum calor agendo repatiatur, vt reficiatur natura, cordi calorem igneum adiunxit, quo sanguinem à iecore transfusum plenè decoqueret, ac in vitales spiritus converteret, quorum ductu, & vehiculo calor in omnia membra diffunderet, eaque fouens ad omnia munia exercenda excitaret, roboraret, & firmaret: Vnde hæpar vi caloris è corde emanantis sanguinis opificium perficit: Cerebrum mutuat spiritibus vitalibus à corde naturali frigiditate modum imponit, & ad animales operationes idoneum euadit: hincque cor dicitur fons vitæ: Cùm autem hæc omnia proueniant à causa extrinseca, recognoscendum est principium vitæ ab anima, eiusque intimitate, quæ, vt ait Seraph. Doct. lib. 2. distict. 1. part. 2. artic. 1. quest. 2. cum habeat potentiam viuificandi, vegetandi, & sensificandi corpus, ad primum munus respondet in corpore complexionis æqualitas: ad secundum organorum multiplicitas: ad tertium spirituum subtilitas, scilicet vitalium,

lium, qui viuificant, naturalium, qui vegetant, & animalium, qui sensificant.

QVÆRES secundò: quot sint genera viuientium.

171. RESPONDETUR, quod alia sunt incorporea, alia corpora: Prima sunt Deus, Angeli, & Anima: Secunda sunt alia vegetantia, vt plantæ: alia sentientia, vt animantia, alia rationalia, vt homo: Verum quidem est (ait Seraph. Doct. lib. 2. distinct. 15. dub. 1.) quod in S. Scriptura nunquam datur nomen viuientium plantis, sed tantum virentium; cum vita desumatur ibi à signis, scilicet à motu, & sensu.

DICES: Si viuens est superius ad corpus, & spiritum, quare in linea prædicamentali ponitur sub corpore.

HÆC obiectio iam à nobis soluta fuit in tract. Antepredicament. in Log. quest. 9. vbi diximus differentias communes non vltimatè constituentes, sed inadæquatè diuidentes posse assignari pluribus speciebus inferioribus: videantur, quæ tradita sunt ibi, &c.

RESPONDETUR secundò ex doctrina, quam tradit Seraph. Doct. lib. 2. distinct. 1. part. 2. art. 3. quest. 2. ad 2. quod licet conueniant spiritus, & corpus in ratione viuientium, attamen ratio viuientis, quæ collocatur sub corpore, est differentis rationis ab illa superiori, hinc enim pro viuentis sumitur vegetans. Tum etiam quia Philosophus tractans de substantiis spiritualibus, in multis defecit: vnde à nobis imbutis Theologica veritate aliter procedendum est.

### QVÆSTIO III.

*Quotuplex sit Anima: vbi de gradibus animatorum, & potentiis vitalibus.*

172. PRIMò aduertendū est hinc non moueri quæstionem, an in eodem viuente sint plures animæ: hæc enim elucidabitur in sequenti, sed quot sint species animarum.

PRIMA sententia fuit Stoicorum apud S. Clementem Alexandrinum reducentium ad duas tantum species animas, scilicet ad sensitivam, & ad rationalem: Plantas enim viuere, & habere animam negabant.

SECUNDA fuit Platonis non sentientis ab antecedenti opinione in numero animarum, sed tamen postea sentientis in hoc, quod plantas putabat habere sensum licet minus acutum, quàm animalia: Manichæi vnā tantum ponebant animam, scilicet rationalem, quia rationis capacia docebant esse animantia, & plantas, quæ opiniones sunt manifesti errores tum contra fidem, tum contra rationem, & Philosophiam.

TERTIA opinio est Ægidij 2. de Angel. cap. 3. Caiet. quatuor species animarum recognoscentium, scilicet vegetantium, sentientium, locomouentium, & rationalium.

QUARTA opinio est communissima Arist. Philosophorum, & Theologorum cum Seraphico Doct. in Comp. Theol. lib. 2. cap. 32. & lib. 2. distinct. 1. part. 2. articulo 3. quest. 1. fund. 3. & alibi pluries tres tantum dari

dari species animarum, scilicet vegetantium, sentientium, & rationalium: est contra Guarin. *de an. in com. exp. 3.* asserentem dari solum duo genera animarum, nempe corporearum, & incorporearum: supra allatam verò diuisionem in tres species non esse bonam: Pro solutione questionis

173. PRIMò Notandum, cum anima, sicut & quælibet alia forma definiatur per ordinem ad subiectum, per ordinem etiam ad illud attendi debet ratio distinctionis ab aliis formis, & ratio etiam diuisionis in plures animas, & hinc præter relationem illam, quam habet quælibet forma, vt actus ad suum subiectum, consideratur etiam ratio quædam perfectionis, quam eidem subiecto per sui inexistentiã conferre videtur, nempe constituendo ipsum subiectum actuatim, & actiuum simul, cum antea non esset talis perfectio; est enim forma non solum actus subiecti, sed & principium omnium ipsius operationum: materia enim de se non est actiua: Ex qua doctrina sequitur, quod ex diuerso modo operandi, quem cognoscimus in forma, arguimus etiam ipsius distinctionem ab alia; sicque hæc virtus operativa, vel est omnino in ordine ad extrinsecam, vel est in ordine ad suum subiectum, idest ad seipsum operans: Si primo modo, sunt formæ non viuentes, sunt enim actiue non in ordine ad aliquam perfectionem sibi dedicatam, cum omnem perfectionem sibi debitam à primo generante acceperint, obidque absque sui præiudicio possunt à tali perfectione extrinseca deturbari proueniente ex operationibus, formæ verò viuentes tribuunt per se primò viuenti virtutem acqui-

R. P. Bart. de Castrovetto Phil. P. III.

sitiuam perfectionis sibi debitæ, & non habitæ in sui primâ productione: Perfectio hæc igitur intrinseca, ad quam viuens est in potentia, vel est perfectio debita præcisè corpori, & dicitur entitatiua, & materialis, vel est debita ipsi animæ: Prima est, qua viuificatur corpus: Secunda est, qua perficitur per ordinem ad operationes vel organicas, vel inorganicas: Hinc patet diuisio animarum, de qua infra, nempe vel ratione diuersitatis vitæ, quam tribuunt subiecto, vel per ordinem ad operationes: Priuo modo conueniunt genericè in eo, quod omnes sunt actus corporis organici potentia vitam habentis: Secundo modo distinguuntur per diuersum modum operandi, & contrahendi corpus: nam Vegetatiua perficit totum in ratione entitatis materialis, & per qualitates omnino corporeas, & idè respicit totum: Sensitiua perficit totum in ratione potentiarum in ordine ad propriam operationem, & quod perfectiores sunt, eò per organa magis determinata, & perfecta operantur, & hinc sensus tactus est omnium imperfectissimus, idè per totum corpus est diffusus: vel perficitur totum secundum potentias inorganicas, sic est Rationalis.

SECUNDò Notandum, quod aliud est anima, aliud potentia animæ, aliud gradus vitæ, seu animatorum: Anima enim est substantia, seu forma dans vitam corpori: Potentia animæ sunt formalitates superadditæ ipsi substantiæ animæ, per quas agere potest, vt docet Seraph. Doctor lib. 1. distinct. 3. part. 2. art. 1. quest. 3. & lib. 2. distinct. 24. part. 1. artic. 2. quest. 1. & art. 1. per totum, & lib. 2. distinct. 31. art. 1. quest. 1. ad 5. sunt-

Y

que

que cum anima identificatæ : Gradus vitæ, seu viuientium species sunt modi, quibus possunt communicari separatum operationes vitales, seu quibus vita est communicabilis in ordine ad operationes : hinc habetur fundamentum diuisionis animatum, potentiarum, & animatorum : His positis

174. PRIMA CONCLUSIO : Tres tantum species animarum sunt assignabiles, scilicet vegetantium, sentientium, & rationalium : Est communis cum S. Bonauent. lib. 2. *distinct.* 31. *art.* 1. *quæst.* 1. ad 5. & 6. & lib. 2. *distinct.* 1. *part.* 2. *articul.* 3. 9. 1. *fund.* 3. & *Centil. part.* 2. *sect.* 21.

PROBATVR primò : Omnis forma viuens est tantum triplex : ergo tantum triplex anima.

PROBATVR antecedens : forma viuens ex traditis conuenit cum cæteris formis in hoc, quod quilibet est perfectio subiecti per ordinem ad actum primum, & secundum, sed differunt, quod non viuentes tribuunt virtutem operatiuam in ordine ad extrinseca, viuentes verò in ordine ad aliquam perfectionem sibi debitam non receptam in sui prima origine, sed ista perfectio actuum secundorum vel recipitur in ipso composito, sicque perficitur totum in ratione entitatis materialis, & ecce anima vegetatiua perficit subiectum secundum debitam magnitudinem ; vel perficitur in ratione potentiarum organicarum, & ecce sensitiua, vel inorganicatum, & ecce rationalis : ergo triplex tantum anima.

PROBATVR secundò etiam alio modo : Anima vel operatur independenter à corpore, vel dependenter : si primo modo, est rationalis, quæ

separatur à corpore, & separata operatur : si secundo modo, vel operatur per organa, & qualitates omnino corporeas, vel intentionales : si primo modo, est vegetatiua : si secundo modo, est sensitiua. Tum quia anima est principium productiuum vitalium operationum, & hoc vel sine præuia cognitione, sic est vegetatiua, vel cum præuia cognitione, scilicet vel perfecta, & purè spirituali, sic est rationalis, vel imperfecta, & sensibili, sic est sensitiua : ergo tres tantum animæ.

PROBATVR consequenter : quia licet diuersitas operationum non inferat diuersitatem principiorum : modus tamen diuersus operandi infert diuersitatem talem, cum quælibet res habeat ab intrinseco proprium modum operandi.

ADDIMVS hanc diuisionem esse vniuocam generis in species : conueniunt enim omnes vniuocè in hoc, quod sunt actus corporis organici, & principium suarum operationum.

175. OBJECIES primò cum Guatino : Si tria genera, seu species animarum sunt, anima sensitiua deberet esse aliquid medium inter modum operandi inaterialem, & spiritualem animæ vegetantis, & rationalis, sed talis modus medius non datur : ergo.

PROBATVR Minor : nam anima sensitiua operatur per species intentionales, quæ non excludunt materialitatem : ergo.

RESPONDETUR negando minorem, & ad probationem Respondetur negando antecedens quoad materialitatem specierum intentionalium : nam, ut dicit S. Bonauent. & suo loco dabitur, species abstra-

At ab objecto habent modum potius spiritualitatis, quam materialitatis, & dato, quod ipsis insit aliqua materialitas, ramen negatur istum modum non esse medium inter alios duos modos operandi animarum: nam Vegetans operatur absque speciebus: Rationalis mediis speciebus spiritualibus, & vniuersalibus: Sensitiua mediis speciebus sensibilibus.

**Obiicies** secundò: Plantæ, & arbores non viuunt: Probatur assumptum: si viuunt, maximè quia nutriuntur, augentur, & generantur; sed istæ operationes competunt etiam inanimatis: magnes enim conuertit in se ferrum, si diutius ipsi sit coniunctum: ignis fugit in se partes subtiliores, & excrementicias respuit: immò videtur augeri per intus sumptionem, dum enim flamma comburit lignum, attrahit ad se per poros ligni oleum, vel ceram: Et confirmatur ex Seraph. Doct. dicente *lib. 2. dist. 15. dub. 1.* Plantas factas fuisse in animam potius virentem, quam viuentem.

**Respondetur** negando assumptum: ad probationem responderetur concedendo Maiorem, & negando minorem: negatur enim verè inanimata nutriri per intus sumptionem, sed per extra sumptionem: At arbores, & plantæ verè nutriuntur per intus sumptionem, ut patet ex eo, quod quando arescunt, tunc non nutriuntur: ergo signum est corruptionis esse animam: Et ad autoritatem D. Bonauent. Respondetur ibi comparatiuè loqui, sed non negat habere animam licet imperfectiorem animantibus.

**Obiicies** tertio: Plantæ fugiunt

noxia, & prosequuntur commoda: sic vitis fugit laurum, amat vinum: cucumer odit, & fugit oleum, datur etiam yterque sexus, & ut fecundentur, alias vicinioresexigunt, ut videre est in palinis. Tum etiam quia dicitur in *Psalm. 77. Occidit in grandine vineas eorum*: ergo habent animam sensitivam.

**Respondetur** ex Seraph. Doct. *lib. 2. distinct. 28. art. 2. quæst. 1.* triplicem appetitum dari, scilicet naturalem consequentem naturam rei, sensitivum consequentem apprehensionem suam, & rationalem consequentem cognitionem perfectam: primus inest plantis, importatque quandam sympathiam, & simul antipathiam, secundum quas operantur, qui etiam inest in non viuentibus, ut in magnete, & ferro: hinc negatur consequentia, & ad de occisione.

**Respondet** D. August. ibi sumi occisionem metaphorice pro destructione.

**176. SECUNDA CONCLUSIO:** Gradus viuentium propriè sunt tres tantum: large verò, & accidentaliter possunt dici quatuor.

**PRIMA** pars patet: quia gradus vitæ importat vitam substantialem in gradu aliquo: ergo multiplicabitur ad multiplicationem principiorum, sed tria tantum sunt ipsa principia, scilicet animæ: ergo tres gradus vitæ substantialis. Tum quia tot sunt concreta, quot abstracta, & non plura, sed tres tantum animæ: ergo tantum tria animata.

**SECUNDA** pars probatur: quia accidentaliter tantum differunt virtus motiua, & loco motiua: ergo hæc differentia non sufficit ad constituendum gradus vitæ diuersos.

**PROBATUR** antecedens: quia

virtus loco motiua non est separabilis ab anima sensitua, nec è conuerso: non enim datur animal, quod non habeat sensum, & aliquem motum saltem imperfectum, quia licet animalia fixa, vt sunt conchilia, ostrea, & similia, quæ scopulis adhærent, non habeant motum progressiuum, habent tamen motus dilatationis, & restrictionis: ergo accidentaliter tantum differunt.

**DICES:** Communiter assignantur quatuor species animatorum, scilicet vegetabilium tantum, sensibilibus cum motu progressiuo, & aliorum absque motu progressiuo, & rationalium, sed motus progressiuus est actus vitalis: ergo cum dentur animantia talem actum vitalem non habentia, debent distingui animata in quatuor species: sic enim colligitur numerus animatorum non per ordinem ad animas, sed ad subiecta, in quibus animæ diuersimodè operantur.

**RESPONDETUR,** vt dictum est, hanc esse diuisionem accidentalem: nam diuisio animantium specifica debet desumi penes formas constituentes species: Et deinde negatur dari animantia non habentia motum aliquem localem saltem imperfectum: Ratio est, quia anima sensitua id habet, quod se vnire potest bono sensibili, si illi sit conueniens, & ab obiecto recedere, si sit disconueniens: hinc ad id assequendum requiruntur organa, & motus necessarius: quare necessario, vbi est anima sensitua, ibi est motus localis.

**DICES** secundò: Anima rationalis identificat sibi potentiam sensituiam, & vegetantem: ergo istæ

duæ non possunt constituere diuersas species.

**RESPONDET** S. Bonauent. *lib. 2. distincti. 31. c. 11.* animam rationalem identificare sibi non animam sensituiam, sed tantum potentiam, quæ ab ipsa emanat: idè in diuersis, cum sint animæ in suo esse completæ, sunt diuersæ animæ.

**TERTIA CONCLUSIO:** Genera potentiarum vitalium sunt quinque, nempe potentia vegetatiua, sensitua, appetitiua, loco motiua, & intellectiua, quæ diuisio non desumitur ex diuersitate animarum, vel subiectorum, sed ex diuerso modo operandi ipsarum potentiarum: nam aliqua potentia operatur absque cognitione, & hæc est vegetatiua, quæ diuiditur in generatiuam, & nutritiuam, vel cum cognitione sensibili, & hæc est sensitua, vel cum appetitu elicitu sensitiuo, & hæc vel est cum motu locali membrorum, & hæc est loco motiua, vel sine tali motu, & est merè appetitiua, vel est cum discursu independenter ab organo, & hæc est intellectiua.

## QVÆSTIO IV.

*An in eodem viuente sint plures animæ.*

177. **I**N Physica, & in tractatu de Imixtione stabilissimus plures formas non viuentes dari in eodem composito: nunc verò querimus, an in brutis, & magis in homine sint plures animæ: Ratio dubitandi est, quia cum insint in homine operationes animæ rationalis, sensitivæ, & vegetantis, & in brutis operationes animæ



animæ sentientis, & vegetantis : Quæritur, an procedant omnes ab una anima, an à pluribus, quæ vel tanquam formæ totales sint in viuentem, vel tanquam partiales sint in diuersis partibus corporis, quibus proprium vitæ gradum conferant.

In hac quæstione circumferuntur plures errores tum contra fidem : tum contra rectam rationem : item & variz opiniones : Vnde Seraph. Doct. *lib. 2. dist. 18. art. 2. quæst. 1.* assert errorum pessimum Pythagoricorum, & Varronis asserentium vnicam animam esse tam in hominibus, quam in animalibus : hanc autem dicebant esse Deum : Commentator verò posuit vnicam animam in hominibus, quos errores hæreticos confutat idem Seraph. Doct.

SECUNDA opinio fuit Platoniorum, & etiam plurium Hæreticorum apud Suarez *de an. cap. 12.* existimantium animam rationalem esse formam tantum assistentem in homine : hominem verò constitui in esse per aliam animam, quam vocant cogitativam distinctam à phantasia brutorum, quam dicunt esse supremum gradum animæ sentientis. Huic affinis est alia opinio Caiet. *part. 1. quæst. 76. art. 1. ad 1.* & Suesiani *12. Metaphys. com. 17.* Ferrarii Vulpes asserentium animam rationalem esse quidem formam informantem corpus, sed secundum gradum vegetativum, & sensitivum tantum, non secundum rationalem reduplicativè, solùmque specificativè, & identicè : Videtur etiam id asseruisse Seraph. Doct. *qui lib. 2. dist. 1. part. 2. art. 1. quæst. 2.* & *lib. 4. distinct. 15. part. 2. art. 1. quæst. 2. ad 3.* docer rationalem animam vniri corpori per po-

tentiam vegetantem, & sentientem, habereque has potentias, propterea est vnibilis corpori, non ut rationalis est, de quo infra.

TERTIA opinio fuit Platonis, Galeni, Hippocr. tres animas ponentium in homine realiter, & loco distitas, vegetativam in hepate, sensitivam in corde, & rationalem in cerebro : Philosophus easdem ponit simul unitas in toto corpore, & singulis eius partibus, quam & Ocham, Zabara, Mirandul. Aliique sustinent, ut videre est apud Meldul. *disput. 1. quæst. 8.* & Rabesanus *disput. 1. quæst. 5. lib. 2. de an. ipsam probabilem reputat* : Immo Seraph. Doct. *lib. 2. distinct. 3. part. 2. art. 1. quæst. 3. ad 6.* videtur in hanc inclinare.

QUARTA opinio communissima Philosoph. Theol. D. Thomæ, Scoti, S. Bonavent. *lib. 2. distinct. 18. art. 2. quæst. 1. & distinct. 31. art. 1. quæst. 1.* & in *Centil. part. 3. sect. 21.* & *aliis locis infra cit.* In homine adesse vnam numero animam rationalem includentem sensitivam, & vegetativam potentiam : In Brutis adesse vnam animam sensitivam includentem potentiam vegetantem pro quolibet individuo : Pro solutione quæ-  
rionis

178. PRIMò Notandum ex S. Bonavent. *lib. 2. distinct. 31. art. 1. quæst. 1. ad vltim.* quod vegetativum, & sensitivum possunt sumi dupliciter : primò propterea nominant potentias vegetandi, & sentiendi, vel propterea nominant substantiam in recto, à qua tanquam à principio radicali emanant : primo modo certum est vnum non includi in altero, sed ambo dicere diuersas rationes formales, nec potentiam sensitivam formaliter esse vegetativam, nec è con-

uerso : secundo modo possunt considerari, vel in abstracto, scilicet prout ille gradus est radix vt sic indifferens ad hunc, vel illum gradum vitæ quidditatum, vel in concreto, prout sunt contracta ad suas species infimas, verbi gratiâ, vegetatium ad plantas, sensitiuum ad animal : Quæstio procedit in primo sensu, non in hoc ultimo sensu, cum certum sit non posse vnâ speciem in altera disparata contineri, sed in primo sensu, nempe an gradus vitæ vegetatiuæ contineatur in gradu vitæ sensitiuæ, & an vtrumque in rationali, prout important suum principium radicale, à quo emanant, scilicet an anima rationalis sit formaliter principium vegetationis, & sensationis.

§ 79. SECVNDÒ Notandum, quod continentia est triplex, vel formalis, vel eminentialis, vel virtualis solum, vel simul formalis, & virtualis : formalis est, cum vnum aliud verè, & realiter continet, vt vnum, & duo continentur formaliter in ternario, vel cum per rationem omnino similem potest aliud producere vt calor calorem, vel ignis per calorem potest alium producere : eminenter, seu virtualiter est, quando continens perfectius est effectû, qui in virtute causæ continetur, seu cum per rationem superiorem potest illud producere : sic lux Solis continet calorem, quem producere potest per virtutem eminentialem : sic & corpora celestia continent effectus istos sublimares : continentia etiam eminentialis est, quando superius habet excessum eminentialem, in quo sensu Angelus dicitur continere perfectionem aliarum creaturarum, & Deus dicitur continere eminen-

tialiter perfectiones omnium creaturarum. Tertio modo dicitur aliquid contineri virtualiter, & simul formaliter, quando superius est eminentior in perfectione, & sublimiori modo continet formaliter perfectionem inferiorum : vt rationalitas in Angelo est formaliter, & eminenter perfectior rationalitate hominis : sic mixtum continet in Seraphica sententia formaliter elementa, & qualitates ipsorum, & etiam eminenter, scilicet in gradu perfectiori, quatenus potest qualitates consimiles producere. Hunc tertium modum tamen non admittunt in anima Thomistæ, sed tantum eminentialem, quo scilicet anima potest producere operationes omnium formatum inferiorum, etiam si non contineantur ipsarum gradus formaliter in ipsa : & hinc docent animam tribuere esse corporum materiz, quod tamen rectè non potest sustineri : cum enim certum sit à forma per informationem dari ipsum esse formale, obidque & per sui exhibitionem, non per efficientiam : hinc solum potest producere effectum illum formalem in materia, quem formaliter, & entitatiuè includit. Vnde si anima dat esse corpus, necessariò debet esse corporea formaliter, quod est impossibile : & si dat esse vegetatiuum, & sensitiuum, & ipsa debet esse formaliter talis, quod & Nos fatemur : licet enim anima rationalis non possit producere animam sensitiuam : potest tamen producere operationes proprias sensitiuæ, & vegetatiuæ, cum sit formaliter talis vt quo, licet non vt quod, idest licet anima rationalis non sit formaliter, & entitatiuè sentiens, & vt quod, est tamen

ut quo, qua ratione suæ entitatis eminentis potest producere effectus vitæ sentientis, & vegetantis: est enim multiplex in virtute scilicet in ratiocinari, in sensificare, & vegetate. Vide S. Bonavent. *lib. 2. distinct. 31. loc. cit.*

180. TERTIO Notandum ex S. Doct. *lib. 3. dist. 16. art. 1. quest. 1. in corp.* quod anima rationalis non tantum est perfectio corporis humani secundum potentias sensibiles, sed etiam secundum se totam, hoc est secundum complementum suæ essentialis, & suarum potentiarum vniuersitatem, habetque ad ipsum naturalem appetitum, & inclinationem, & coniunctionem: ratio est, quia corpus humanum est de se ordinatum ad nobiliorem perfectionem, quam sit corpus brutale: & hinc (*subdit lib. 2. distinct. 1. part. 2. art. 1. quest. 1. ad 2.*) in coniunctione animæ ad corpus salua est proportio & absolute, & respectiue ad finem: Absolutè: nam licet supremum animæ, & infimum corporis habeant multam elongationem, tamen supremum corporis, & infimum animæ habent maximam vicinitatem: Anima enim rationalis habet potentiam viuificandi, vegetandi, & sensificandi: corpus autem ratione complexionis recipit mediis spiritibus vitalibus vitam: ratione organizationis perfectæ recipit vim vegetandi, & sentiendi mediis spiritibus naturalibus, & animalibus. Secundo in relatione ad finem: nam forma elementari est ad formam mixti, hæc ad formam complexionis, hæc ad vegetabilem, & hæc ad sensibilem, & ista ad formam spiritualem, & rationalem: Ex quibus patet, quod anima rationalis informat corpus

non solum ut habens potentiam vegetantem, & sentientem, sed ut rationalis est: Et hinc optimè dixit S. Doct. *lib. 2. dist. 1. cit. art. 3. quest. ult.* differentiam essentialem animæ rationalis cum Angelo innotescere nobis ex vniuersitate ad corpus perfectissime organizatum: His præiactis

181. VNICA CONCLUSIO: In quolibet viuente est tantum vna anima: In homine vna rationalis: In animalibus vna sensitua: In Plantis vna vegetans: Est communis S. Bonau. *lib. 2. dist. 3 1. aliisque locis cit. D. Th. Scot. quam, & Aliqui eam asserunt tanquam de fide ex hoc, quod Concilium Constantinopolitanum damnat asserentes in Christo esse plures animas: Serbellonus ait contrariam esse temerariam ex decreto allato: tum ex pluribus autoritatibus SS. PP. Pererius tamen cum Rabesano, Aliisque dicunt Concilium, & SS. PP. damnasse asserentes esse in eodem homine plures animas rationales, non verò plures animas scilicet rationalem, sensitivam, & vegetantem, istasque primæ subordinari, idque est probabilius quoad sensum Concilij.*

PROBATVR ergo rationibus à S. Bonavent. *lib. 2. distinct. 18. cit. & distinct. 1. part. 2. art. 1. quest. 2. ad 2. primò:* Anima rationalis essentialiter est actus substantialis corporis humani: ergo ei debet tribuere formaliter actus corpori humano competentes: ergo & sensationem, & vegetantem.

PROBATVR consequentia, quia corpus humanum ut tale talia exigit: ergo ab actu, & forma ea habet, non à materia.

CONFIRMATVR, quia inter per

perfectiūm, & perfectibile debet esse proportio, nec vllus debet esse excessus in tali ratione; sed anima rationalis est perfectiua corporis humani: ergo ab ipsa debet recipere omnem perfectionem debitam: ergo & sensationem, & vegetationem. Tum quia, vt arguit Seraph. Doct. lib. 2. *distinct. 31. cit.* vnus perfectibilis est vna perfectio: ergo vna anima.

182. PROBATVR secundò ex Seraph. Doct. lib. 2. *distinct. 31. cit. quæst. 1. fund. ultim.* Si deberent multiplicari animæ in corpore humano, maximè ob multiplicatam operationum diuersarum, sed hæc ratio est nulla: ergo. Maior est certa apud Aduersarios.

PROBATVR Minor: Ab vno met principio possunt prouenire operationes, & actus specie differentes: id maximè patet in anima plantarum, quæ est vnica, & tamen procedunt ab ea operationes diuersæ specie, vt nutritio, generatio, &c. ergo multò magis ab anima rationali poterit prouenire sensatio, & vegetatio.

RESPONDENT Aduersarij negando paritatem, & distinguendo maiorem: Ab vno met principio possunt prouenire operationes disparatæ, dummodò non sint contrariæ entitati eiusdem principij, quales sunt operationes sensitiuæ, & vegetatiuæ ipsi rationali: immodò possunt retorquere argumentum contra formam corporeitatis à nobis positam ex hac ratione; quia ab vno met principio formali non possunt prouenire diuersæ & oppositæ operationes, & ex hoc quod ipsius effectus non possit haberi per formam rationalem,

CONTRA ex Seraph. Doct. lib. 1. *distinct. 1. part. 2. art. 1. quæst. 2. ad 2. & art. 3. q. 2. & dist. 8. art. 1. & 3. quæst. 2.* quia anima rationalis est non solum purus spiritus, sed & forma, & perfectio, & actus, & motor corporis humani: ergo ei debet tribuere aliquem actum, quo corpus de se caret, sed non potest ei tribuere esse spirituale, vel rationale: ergo esse sensitiuum, & vegetabile: & ad instantiam de forma corporeitatis negatur consequentia ex traditis: cum enim forma rationalis, vel sensitiua non habeat in se rationem corporeitatis, nec eam potest alteri tribuere.

PROBATVR etiam à posteriori à Seraph. Doct. lib. 2. *dist. 31. citat.* quæ simul corrumpuntur, simul etiam generantur, & quæ simul separantur, simul & infunduntur, sed recedente anima rationali non remanet forma sensitiua, nec vegetatiua, & in bruto recedente sensitiua non remanet vegetatiua: ergo illæ formæ non sunt realiter distinctæ in eodem viuentem.

CONFIRMAT Seraph. Doct. ex Arist. 2. *de An. 1. 31.* dicente, quod sensitiuum est in intellectu, sicut tetragonus in pentagono, & vegetatiuum in sensitiuo, sicut trigonus in tetragono, sed ab eodem principio est tetragonus, à quo est pentagonus, & in eo est formaliter eminenter: ergo ex Philosopho sensitiua est in intellectu, & vegetatiua in sensitiua, & sunt ab eadem.

PROBATVR quartò: Cum intenditur sensus, minuitur operatio intellectus, & è conuerso: patet experientia: diuturna contemplatio impedit nutritionem, & vehemens applicatio sensibilis intellectionem: ergo

ergo signum est intellectum, & sensum esse vnā potentiam, vel esse potentias eiusdem substantiæ.

183. **OBIECIES** primò: Quia in pluribus locis *Sacra Scriptura* distinguitur spiritus ab anima, vt 1. ad *Theosal.* scilicet *Deus pascit sanctificet vos, ut integer spiritus vester, & anima, & corpus seruetur*, sed communiter per spiritum intelligitur anima rationalis, per animam intelligitur sensitua.

**RESPONDETUR** ex *Seraph. Doct. Serm. 1. de S. Agatha* nomen animæ esse officij, non naturæ, & idèd, vt aduertit in *Censil. part. 3. sect. 19.* habet rationem spiritus per ordinem ad Deum, animæ per ordinem ad corpus. Sic & in *Comp. Theolog. lib. 2. cap. 29.*

**OBIECIES** secundò ex *Arist.* quod homo prius viuit vita plantæ, deinde animalis, & tandem vita hominis: ergo in homine dantur tres animæ.

**RESPONDENT** Thomistæ successiue aduenire dictas animas in constitutione hominis, prius vegetantem, & deinde adueniente sentiente perire primam, & adueniente rationali perire sensitua, quod tamen non potest sustineri, vt videbimus infra suo loco: nam cum permaneant eadem dispositiones, non apparet, quomodo possint corrumpi istæ animæ.

*S. BONAVENT. lib. 2. dist. 31. citat. ad 4. & in corp. & distinct. 15. artic. 1. quest. 1. in fine corp.* Respondet, quod in embrione ante infusionem animæ rationalis operationes in ipso incidentes sunt à virtute immixta generantis: at infusâ anima rationali, hæc gradatim in illo corpusculo procedit ab imperfectioribus ad perfectiora. *P. BART. de Castroveiro Phil. P. III.*

Atiores: vnde adest prius operatio vegetantis, & sentientis potentiæ, quàm hominis, seu rationis operatio: prius enim vegetatur, mouetur, & sentit, quàm ratiocinetur, idque totum est per animam rationalem, & hinc negatur consequentia, quod & infra suo loco fusè explicabitur.

**OBIECIES** tertio ex *Mair. lib. 2. dist. 17.* quia sequeretur animam rationalem esse corpoream, diuisibilem, extensam, & generabilem: ista enim prædicata conueniunt animæ sensitivæ, & vegetativæ: ergo si sunt vnum, & idem, etiam animæ rationali conuenient. Tum etiam quia aliàs animal non diceretur vniuoce de homine, de Asino: ad vniuoocationem enim requiritur vna natura ab vniuoctis participata, sed ex traditis anima sensitua non est in homine: ergo.

184. **VT** satisfiat huic difficultati, variè Authores Respondent iuxta vniuscuiusque principia, Thomistæ apud Ruuium hîc *num. 52.* distinguunt maiorem: anima rationalis erit corporea extensa, vt quo, concedunt, vt quod, negant: id est anima rationalis est id, quo in corpore aduenit corporeitatis gradus cum cæteris illis attributis, quæ responsio non potest sustineri, vt aliàs expendimus in *Physica* agentes de forma corporeitatis, & infra etiam dicitur: nam, vt notat *Seraph. Doct. lib. 2. distinct. 8. part. 1. quest. 1. ad 5.* dare esse per modum efficiētis spectat ad Deum, per modum verò formæ informantis spectat ad animam, & ad formam: Vnde si anima rationalis est ratio, quare materia habet gradum corporeitatis, diuisibilitatis, id non potest esse nisi per informationem

tionem prouenientem à forma : ergo id facit tribuendo seipsam formaliter materiæ : ergo debet id in se formaliter habere : cum ergo non habeat corporeitatem, aliaque attributa corporea, nec etiam potest esse ratio formalis ipsi corpori talium attributorum.

RESPONDET Meldul. hic *num. 91.* sensituiam, & vegetatiuiam habere illa prædicata, prout est in brutis, non verò prout est in homine : Gratis dictum, cum non afferat ullam rationem sui dicti, & quomodo potest tale dictum sustineri, si potentia vegetatiua, quæ est in homine, & in bruto, est omnino eiusdem rationis, sed in bruto est corporea extensa, &c. ergo & in homine.

Nos ex S. Doct. lib. 2. *distinct. 31. artic. 1. quest. 1. ad 3. & 5. & 6. & dist. 19. art. 1. quest. 2. ad 3.* supponentes ex alijs traditis dari formas corporeitatis, & organizationis distinctas ab anima quacunque, Respondemus primò animam vegetatiuiam, & sensituiam formaliter non esse corporeas, nec extensas, sed spirituales. Sic Seraph. Doct. de sensituiua lib. 2. *distinct. 15. art. 1. quest. 2. fund. 3. de vegetatiua lib. 1. dist. 8. part. 2. quest. 3. ad 1.* ut in sequenti questione patebit : Et dato, quod essent formæ extensæ, adhuc tamen non sequitur illa participatio attributorum : nam in homine non adest anima rationalis, quæ sit verè, & formaliter sensituiua, nisi quatenus habet formaliter eminenter virtutem sensituiam, idest vim producenti operationes sensituias : idemque in anima sensituiua respectu operationum vegetatiuarum : nominat enim sensituiua in homine substantiam cum potentia sensificandi idest substan-

tiam realem cum facultate actuum sensituiarum : Et hinc patet responsio ad aliud, de vniucatione : ad quod

RESPONDET S. Bonauent. ibi adesse vniucationem genericam, scilicet metaphysicam, non verò physicam ob gradus metaphysicos, in quibus conueniunt : Et per id etiam patet responsio ad aliam obiectionem desumptam ex Arist. Corruptibile, & incorruptibile differunt genere, sed anima sensituiua, & vegetans sunt corruptibiles, rationalis est incorruptibilis, ergo non possunt conuenire in vnum.

RESPONDETUR enim ex Seraph. Doct. lib. 2. *dist. 27. art. 1. q. 3. ad 4.* maiorem esse veram, quando corruptibilitas, & incorruptibilitas venit ex natura principiorum componentium, hoc autem non est in proposito : nam potentia animæ rationalis veniunt ex eadem radice, scilicet ex incorruptibilitate ipsius : licet anima sensituiua postea sit corruptibilis ex alijs principiis, idè nihil concluditur contra Nos. Tum etiam quia ex nostris principiis Seraphicis formæ sunt corruptibiles tantum secundum existentiam, non secundum essentiam.

185. OBSTACULIS tertio : Operationes sensituiarum pendunt à corpore, sicut & vegetatiuarum : at operationes rationalis non pendunt à corpore : ergo Confirmatur, quia sensituiua, & vegetatiua educitur de potentia materiæ : rationalis verò creatur : ergo nullo modo istæ continentur in rationali : Confirmatur iterum, quia rationalis separata non potest exercere operationes sensituias, & vegetatiuas : ergo eas non continet.

RESPONDETUR ex Seraph. Doct. lib. 2. *dist. 31. q. 1. ad 3. & dist. 8. part. 1. q. ult.*

9. ult. & lib. 4. dist. 50. part. 2. art. 1. q. 1. quod cum anima sit vt forma, & vt motor corporis: vt motor sic exercet operationes per corpus, vt etiam exercet eas in corpus ipsum mouendo, & regendo: vt forma exercet eas in corpus, per corpus, & cum corpore: sic anima clauso oculo non potest videre: cum autem in operationibus sensitiuis necessariò concurrat & receptio specierum, & sensationum in organo, & actio, seu iudicium ratione virtutis animæ: hinc in his operationibus anima rationalis dependet à corpore, à quo, si separatur, non amplius eas exercet formaliter, nec anima vtitur illa potentia, nec tamen est frustrà, cum inserviat ad ipsius entitatiuam perfectionem, & cum aliam operationem perfectiorem habeat, quod & fusiùs tractetur, cum de anima separata agemus. Hinc negatur consequentia.

Obiicitur quartò: Homo est formaliter vegetans, & sentiens: ergo per propriam formam: quod enim formaliter tale, est per formam informantem.

RESPONDETUR ex Seraph. Doct. lib. 2. dist. 1. part. 2. art. 3. quæst. 2. ad 3. & ibid. quæst. 1. fund. 3. Hominem esse rationale per animam, & per eandem esse vegetantem, & sentientem: prout enim perficit corpus humanum seipsa, & non per potentiam, sic est seipsa principium omnium operationum propriarum hominis: anima enim humana facit per essentiam suam animal, vt ait Seraph. Doct. citet. Vnde dicitur esse in eo potentiam sensitiuam, & vegetantem, quatenus formaliter ipsa anima est principium talium operationum.

Obiicitur tandem ex S. Doct. lib. 1. dist. 3. part. 2. art. 1. q. 3. ad 6. vbi ha-

bet hæc verba: Potentiæ animæ non sunt accidentales, & fortasse rationale, sensibile, & vegetabile non accipiuntur à potentiis, sed à diuersis naturis repertis in anima: Idem lib. 1. dist. 9. art. 1. quæst. 2. ad vltim. & dist. 8. part. 2. dub. 2. ergo ex his patet Seraph. Doctorem admittere plures naturas formales, sed istæ sunt formæ, vt vltimo loco citato dicit: ergo admittit pluralitatem formarum.

RESPONDETUR, quod sicut à nobis traditum fuit in tractatu formalitatum, Seraph. Doct. appellat formalitates sub nomine modò naturarum, modò formarum, vt expresse tradit dist. 8. cit. dicens dari varietatem formarum, scilicet generis, speciei, differentię, &c. vnde nihil ad rem contra Conclusionem.

## QVÆSTIO V.

*Utrum omnis anima sit indiuisibilis.*

186. QVÆSTIO non procedit de diuisione in partes physicas, & essentielles: nam licet ad aures Seraph. Doct. anima rationalis sit composita ex materia, & forma, vt in sequent. quæstione patebit, ob idque & diuisibilis in partes physicas saltem de potentia Dei absoluta: tamen cum cæteræ animæ careant tali compositione, & cum de istis principaliter moueatur quæstio, scilicet de vegetatiua, & sensitiua: idcò non est sermo de hac diuisibilitate: nec item de diuisione in partes metaphysicas, seu in potentias: certum enim est quamlibet animam prædictam esse multiplici potentia: sed quæstio est de diuisione integrali, seu

fen quantitativa, & quia certum est animam rationalem carere hac diuisione, quæstio restringitur ad sensitivam, & vegetantem: an istæ sint diuisibiles secundum entitatem, & quantitativo modo: in qua Multi confundunt hanc quæstionem cum alia: an anima componatur ex materia, & forma, licet sint disparatæ, & diuersæ, vt in seq. patebit.

PRIMA Opinio igitur est Scoti, & Sequac. apud Meldul. asserentium omnem animam præter rationalem esse diuisibilem: Addit Guarinus *disput. 7. exp. 1.* animam sentientem esse indiuisibilem quoad informationem, quoad entitatem verò esse diuisibilem, cum qua moderatione credit posse conciliare simul Thomistas, Bonauenturistas, & Scotistas.

SECUNDA Opinio est D. Thomæ, & Sequacium docentium animas perfectorum animalium esse indiuisibiles: imperfectorum animas verò, & vegetantem omnem esse diuisibiles.

TERTIA Opinio est Seraph. Doct. Simplificij 1. *de an. t. 47. & lib. 2. t. 20.* apud Toletum, Thienensis 2. *de an. intent. 16.* Ioan. de Magistr. 2. *de an. quest. 2. dub. 2.* docentium omnem animam esse indiuisibilem; quam & sequuntur, sustinentque Marf. Ficcin. *de immort. an. lib. 1. cap. 3. & lib. 8. cap. 1. lib. de Theol.* Platon. D. Nemefius D. Gregor. Niss. 3. *de an. Hugo Senens. D. August. apud Ruuium lib. 1. cap. 3. quest. 2. & apud P. Benedict. à S. Iacobo Discalc. Augustin. cap. 4. de an. Amon. Pomponat. & communiter Platonici. Pro solutione*

187. PRIMò Notandum, quod communiter Authores confundunt in vnum educi formam de potentia

materiæ, & esse diuisibilem, & corpoream, vel saltem docent, quod ad educationem formæ in materia consequatur necessariò diuisibilitas, & corporeitas in forma educita: hincque asserunt animam sentientem, & vegetantem esse corpoream, & diuisibilem ex eo, quia vtraque educitur de potentia materiæ, quod tamen est falsum: sunt enim rationes disparatæ, & separabiles: Vnde aduerter ex S. Bonauent. *lib. 2. dist. 18. quest. ultim.* vbi quærit, an anima rationalis sit ex traduce, arguitque quinto loco contra suam Conclusionem; Anima bruti est ex traduce, ergo multò magis anima hominis: est enim vis generatrix in homine perfectior: Et Respondet negando paritatem; ratio est, quia anima bruti est forma tantum, & corruptibilis, idèd potest educi de potentia materiæ: Anima verò rationalis, cum sit hoc aliquid, & incorruptibilis, nec educatur de materia præiacente (in qua sit vt in seminario in esse incompleto *ex lib. 2. dist. 7. part. 2. art. 2. quest. 1. & dist. 15. quest. 1.*) necesse est eam educi ex nihilo, & ita creati. Hæc Seraph. Doct. Hinc habemus condiciones necessarias, ad hoc vt forma aliqua educi possit ex materia: Prima est, vt sit purè forma, non hoc aliquid, sicut est rationalis anima, quæ est tertia entitas coalescens ex materia, & forma, & per se subsistens: Secunda, vt sit forma simplex: Tertia, vt materia præexistat sub aliqua forma ante educationem: Quarta, vt forma præexistat in esse incompleto in seminario materiæ, & ob id sit corruptibilis saltem ab extrinseco: Quinta, vt per agens particulare possit educi de potentia materiæ: Quod verò ista forma



forma educibilis sit extensa, & diuisibilis, vel indiuisibilis, vel corporea, vel spiritualis, id non spectat ad rationem educationis; quod patet in gratia, quæ est quid incorruptibile, & spirituale, & tamen secundum opinionem D. Thomæ educitur de potentia subiecti: est etiam immunis ab extensione quantitativa: Item & punctum educitur de potentia materiæ, & tamen est indiuisibile. Ex quibus patet, quàm malè confunduntur isti termini: nam potest dari aliqua forma, quæ educatur de materia extensa, & simul sit immunis à materia, & ab extensione.

188. SECUNDO Notandum, & Supponendum ex traditis in Physica quantitatem inesse in materia corporea interminuatam, & incompletam, complerique, & variè terminari diuersimodè secundum diuersitatem formarum, quæ educuntur de potentia materiæ, & entitatum completarum: Sic ex S. Bonauent. lib. 2. dist. 12. art. 2. quest. 1. in fund. & dist. 3. art. 1. quest. 2. ad 4. & lib. 4. dist. 12. art. 1. quest. 3. alibi in locis cit. in quest. cit. lib. 1. Phys. de quantitate interminuata materia: Ex quo fundamento Seraphico sequitur, quod extensio in loco primò, & per se competit quantitati passiuè, & actiuè, scilicet ipsa per se habet partes ratione sui, & non alterius rei, & ipsa dat cæteris rebus propriè extendi, scilicet in ordine ad locum, vt aliàs traditum est: Quare extensio competit aliis rebus secundariò tantùm, idest non ratione sui, sed ratione alterius, idque evenit cum isto ordine: nam primò competit ipsi subiecto formaliter affecto quantitate, quale est corpus, verbi gratià, lapis: Secundò formæ accidentali

informanti illud subiectum, & ipsam extensionem, vt est albedo in subiecto: Tertiò dicitur extensum aliquod per accidens, & secundariò ratione alicuius extensi formaliter, vt forma ignis, quæ neque est immediatum subiectum receptiuum magnitudinis completæ, neque immediatè recipitur in magnitudine, sed compositum immediatè recipit magnitudinem ex eo, quod quantitas incompleta inest in materia, & in tali composito completur, atque ad diuisionem compositi in partes quantas, & forma eius, & materia diuiduntur in partes quantas, atque aded per accidens, & secundariò: Hoc pacto communiter dicitur ab Aduersariis formas sensitivas, & vegetatiuas extendi, & habere partes: at de formis non viuentibus dicit S. Bonauent. lib. 2. dist. 3. part. 1. art. 1. quest. 2. ad 4. ipsas non esse natas esse in materia nisi cum extensione, licet in se sint simplici essentia existentes: Sed de cæteris viuentibus alio modo est loquendum, vt mox dicitur: Hinc oritur fundamentale discrimen inter Aduersarios, & Nos: Ipsi enim sustinent animas istas subiecti quantitati: S. Bonauent. verò oppositum docet: Cùm enim anima rationalis, sensitua, & vegetatiua non sint subiectum quantitatis molis, hanc enim præsupponunt, nempe corpus elementatum, mixtum, & organicum, per consequens nec ipsam quantitatem formaliter afficiunt, nec afficiuntur à quantitate, nisi improprie: nec enim quantitas vegetatur, sentit, vel discurrit: Hinc sequitur, quod de se sint inextensæ, & abstrahentes à quacunque extensione quantitativa: E conuerso verò formæ non viuentes afficiuntur

à quantitate, quia extenduntur, & etiam efficiunt quantitatem: sic ignis quantitatem comburit.

189. TERTIO Notandum, quod ex doctrina tradita clarè patet discrimen inter formas corporales, & spirituales (inter has autem spirituales adnumeramus etiam sensitivam, & vegetantem, de quo infra in fine quæstionis in quæstione laterali). nam, ut docet Seraph. Doct. lib. 1. *distinct. 8. pars. 2. art. 1. quæst. 3. ad 1.* forma corporalis perficitur, extenditur, & dependet, idest quia perficitur per informationem, est tota in toto, & in partibus, quia extenditur (cum sit subiectum quantitatis terminatæ) sic tota respondet toti subiecto, & pars parti subiecti, idem etiam perfectionem totius communicat partibus: unde quælibet pars ignis est ignis, nempe ratione extensionis: quia verò dependet in operari, nec agit per se, hinc non solum perfectionem totius, sed & operationem totius communicat partibus, sic quælibet pars ignis est ignis, & vrit: Anima verò sensitiva, & vegetans perficit totum corpus, obidque est tota in toto: quia verò non extenditur, idem perfectionem totius non communicat partibus: pars enim animalis non est animal: quia verò dependet in operari, idem operationem totius communicat partibus: Sic quælibet pars sentit, & vivit: Anima autem ratione vnionis ad corpus quantum ad actum sentientiæ, & vegetandi pendet à corpore, cum talis actus exerceat per corpus, & in corpus, & cum corpore (ut docet lib. 2. *dist. 8. pars. 2. art. 3. quæst. 2. & lib. 2. dist. 25. pars. 2. art. 1. quæst. 6. in corp.*) Anima autem rationalis perficit corpus ut forma,

nec extenditur, nec dependet, idem informat totum corpus, estque tota in toto, & tota in qualibet parte ob suam inextensionem: sicut est etiam anima sensitiva, & vegetans: nec dependet à corpore in operari, idest licet in vegetando, & sentiendo dependeat, non tamen in intelligendo, & volendo: Verum quidem est (subdit S. Doct. loc. cit. lib. 2. *dist. 25.*) quod licet quoad intelligere, & velle non dependeat absolute à corpore, quandiu tamen est alligata, & vnita corpori, non omnino intelligit præter corpus, nempe exigendo in corpore quasdam dispositiones proportionatas, & debitas tali corpori.

190. DICES: Anima sensitiva, si est tota in toto, & tota in qualibet parte: ergo, in qualibet parte communicabit perfectionem totius: sicque quælibet pars animalis erit animal: si enim cæteræ formæ non viuentes id præstant, multò magis id poterunt viuentes.

Hoc argumentum posset etiam fieri de anima rationali, quod etiam sibi obiicit Toletus, cuique nihil respondet: Cui Nos ex Seraph. Doct. Respondemus concedendo Antecedens, & negando vtramque Consequentiam, & paritatem de cæteris formis: nam cæteræ formæ corporeæ primò respiciunt partes, cum informant diuisibiliter, & extenso modo: unde etiam perfectionem totius communicant partibus: at formæ viuentes primò respiciunt, & informant totum, nempe corpus organicum perfectè, & inextenso modo, & postea partes: Hinc, &c. Et si quæras: quare istæ animæ inextenso modo informant, obidque primò respiciant totum, & non aliz formæ corporeæ.

RESPON:

RESPONDETUR ex traditis, quia viuentes formæ non subiacent, nec sunt subiectum quantitatis, at non viuentes subiiciuntur quantitati, quia enim adest quantitas interminata in materia informata forma incompleta corporeitatis: hinc ad aduentum istarum formarum corporalium non viucentium terminatur, & completur: obidque & quia subiiciuntur quantitati, idè extenso modo etiam informant: at formæ viuentes suppetueniunt ipsi corpori iam organizato, & informato tum à quantitate, tum à formis corporeis: hinc cum ipsæ sint inextensæ, & etiam inextenso modo informant. Ex quibus sequitur, quam difficultatem patiatur assertio Aduersariorum circa nutritionem, dum dicunt partem animæ sensitivæ educi ex alimento nouo: nam sequeretur partem illam esse animal, sicuti pars ignis est ignis ob talem extensionem ad partes: Nos verò dicimus educi ex nouo alimento formam corporeitatis, seu organizationis, tuncque animam extendere indiuisibiliter suam præsentiam, & operationem ad illam partem substantialem in eodem instanti vnionis cum toto eo modo, quo fit ab anima rationali.

191. QUARTO Notandum ex S. Doct. lib. 2. dist. 15. quæst. 1. ad argum. quod anima sensitiva licet differat ab anima rationali ex hoc (inter alias differentias) quod rationalis est hoc aliquid, & forma corporis, & ut ipsius motor sufficiens, idè ita mouet, & per se agit, ut etiam distet à mobili, differtque à corpore, in quod agit (sic etiam suo modo Intelligentiæ in mouendo Cælum) & ita mouet vnā partem, in qua est tota, quod etiam ab illa distet, eum

fit tota in alia: Anima verò sensitiva non est hoc aliquid tali modo: idè non est entitas per se subsistens, nec composita ex materia, & forma: est enim pura forma: attamen in mouendo, & agendo in corpus, cum absque extensione agat, dicitur esse in vna parte tota, quod etiam est in alia: sed quia dependet à corpore in operari, ita mouet corpus, quod mouendo vnā partem, mouet aliam, & ipsum corpus, ut patet in gradientibus, qui effectus non potest haberi in formis non viucentibus: Vnde aduertit Seraph. Doct. Si Deus poneret animam sensitivam in lapide, ipsum non posset mouere ex lib. 2. dist. 15. art. 1. quæst. 1. ad 2. quia partes lapidis non mouentur nisi ad motum totius, cum sint similes, & informatæ forma extensa situalliter, quæ per se non potest agere absque illa quantitate, & subiecto totali: Ex quibus patet, quod de ratione formæ est informare subiectum seipsam tribuendo materiæ: quod verò dependeat à subiecto, quod commensuretur, vel extendatur in illo per quantitatem, est ipsi merè extrinsecum, & per accidens, quod & notauit Ruuius in hac quæstione num. 92. Vnde cum sensitiva, & vegetatiua non dependeat à quantitate, nec informantur extensione situalliter, nec extendantur nisi secundum actus, & operationes, sequitur etiam, quod sint indiuisibiles.

192. QUINTO Notandum, & Supponendum ex traditis in Physica in lib. 1. omnes formas subiectas generationi, & corruptioni concreatas fuisse in materia prima, solumque ab agente naturali recipere esse completum, & hinc sequitur formas depēde-

re

re à materia dependentia non ex his, nec ab his, sed tantum cum his, scilicet secundaria, & per ordinem ad compositum, vel quoad operari, solaque anima rationalis caret hac dependentia, sed aduerte, quod inter ceteras formas aliquæ dependent in operari à subiecto, quatenus quanto, & extenso: idest quia forma, vel compositum formaliter informatur ab extensione, hinc etiam sunt & ipsæ extensæ, & diuiduntur in partes quantas ad diuisionem subiecti: Aliæ verò præscindunt ab extensione, vt sunt omnes animæ, idest sic vegetatiua, & sensitiua dicuntur dependere à subiecto tantum secundo per ordinem scilicet ad compositum, & accidentaliter, quatenus est quantum, scilicet in ordine ad operari: quam doctrinam tradit etiam Scot. *quodlib. 9. & lib. de prim. princ.* Et hinc corrui fundamentum Aduersariorum dicentium, quod ratione dependentiæ animæ sensitiuæ à materia, à qua educitur, non potest dependere à noua, quæ per nutritionem superuenit, sed alia forma, vel pars formæ debet ex ea educi.

RESPONDETUR enim dependere sufficienter, sed non adæquatè quoad operari à materia, à qua educitur, cum possit etiam dependere à noua materia superueniente, cum non euacuetur tota ipsius formæ actiuitas, vt infra fusiùs tradetur. Et quia inter istas formas concreatas in materia à Deo aliquæ sunt animalium perfectorum, quæ ob ipsorum maximam perfectionem, & rectum ordinem vniuersi exigunt perfectam organizationem, & proportionatam perfectionem in agente naturali, qua per suæ substantiæ immixtionem valeat per generationem sibi

consimile producere: ideoque istæ formæ solum cum difficultate, diuturnitate, successiuæque dispositione possunt educi. Aliæ verò (& sunt, quæ communiter dicuntur fieri ex putri) exigunt modicam organizationem, & quasi consimilem in toto, & partibus; idest in qualibet parte est anima in proxima dispositione, ad hoc vt sit in actu: agens verò illas educens non est necessariò consimile in natura, sed virtus illarum productiua sapienter tributa fuit terræ, & elementis vt Matri, Soli, & Cælis vt Patri: Idque patet experientia, dum videmus tempore æstatis breuissimo tempore, immò quasi in instanti educi formas ranarum, & aliorum vermium cadentibus guttis aquæ ex aëre. Vide S. Bonauenturam egregiè hæc edocentem *lib. 2. dist. 7. part. 2. art. 2. quest. 2. & dist. 8. part. 1. art. 2. quest. 1. & lib. 2. dist. 15. art. 1. quest. 1. ad 4. & 5. & lib. 4. dist. 43. art. 1. quest. 5. ad 4. & 5.* His positis sit

193. PRIMA CONCLUSIO: Anima rationalis est indiuisibilis absolute, ob idque & incorruptibilis. Est communis omnium Philosophorum, quam & Aliqui reputant esse de fide confundentes in vnum indiuisibilitatem, & immortalitatem, quod tamen est falsum, nam licet sit de fide ipsius immortalitas, non est tamen de fide ipsius indiuisibilitas: cum enim in principiis Seraphicis componatur ex materia, & forma, licet non sint separabiles istæ duæ entitates naturaliter: nulla tamen implicancia adest, quin sint separabiles à Deo, & quia materia recipit suum actum completum à forma, & forma animæ est indiuisibilis, idest & præbet indiuisibilitatem ipsi animæ, quoad

quoad diuisionem partium integrallium, licet non quoad locum, vt diximus in Logica cap. de quantitate, est igitur indiuisibilis, entitatiuè in consensu omnium : Difficultas tamen est, vnde oriatur tanquam à priori, & quomodo possit probari hæc indiuisibilitas : Communiter desumitur à spiritualitate : ex eo enim, quod rationalis anima est spiritualis, est indiuisibilis ; cæteræ animæ non sunt tales, obidque & diuisibiles : Sic apud Meldul. Ruuium, Aliosque. Sed hæc ratio non conuincit. Tum quia quantitas non facit, sed supponit corpus, ergo ante diuisibilitatem differunt corpus, & spiritus. Tum quia in nostra sententia Seraphica Angeli, & Anima rationalis componuntur ex materia, & forma, & tamen sunt spiritus. Tum quia corpus gloriosum per virtutem sibi vt glorioso connaturalem est altius penetratium (ex lib. 4. dist. 49. part. 2. art. 6. quæst. 1.) & tamen non est spiritus : ergo nec impenetrabilitas est ratio formalis corporis distinctiua à ratione formali spiritus, sicut voluerunt Arriaga, & Serbellon. disp. 3. num. 16. Tum quia non est de ratione rei spiritualis carere partibus, in quas integraliter diuidi possit : quod & notarunt Guarin. tract. de spirit. locat. & de quantitate exp. 1. & Oued. de an. Gratia enim est diuisibilis : Sic vnio animæ cum corpore : locatio Angeli in Aduersariorum opinione : Item species intentionales sunt indiuisibiles, & tamen educuntur de potentia subiecti secundum Ipsos, ergo aliundè desumenda est hæc indiuisibilitas animæ rationalis : Hinc cæteris omisiss, supponentes cum Seraph. Doct. lib. 2. distinct. 1. part. 2. quæst. vltim. & lib. 1. R. P. Bart. de Castro, Phil. P. III.

dist. 13. art. 1. quæst. 3. formas seipsis, non per alias formas distinguui : ratio est, quia res per formas distinguuntur in species, & quodammodo etiam & indiuidua : hinc sequitur, ne detur processus in infinitum, quod formas seipsis differant, sicut & differentia : & hinc tantum à posteriori quasi ab effectu potest discerni forma corporea, & spiritualis : Cum autem informatio formæ abstrahat ab omni commensuratione, dependentia, & extensione subiecti, sequitur etiam, quod possit aliqua forma informare corpus, & ipsam ob sui eminentiam esse indiuisibilem, & superiorem omni quantitate. Et hinc ex Seraph. Doct. lib. 1. dist. 8. part. 2. quæst. 3. dicimus, quod anima rationalis est indiuisibilis : quia est talis naturæ : sic est & anima sentiens, & vegetans : cæteræ verò corporeæ, & diuisibiles licet per accidens : Addimus tamen, quod ad aures Seraph. Doct. potest etiam à posteriori desumi indiuisibilitas animæ à spiritualitate substantiali, prout contradistinguitur à corpore substantiali vt patebit in fine huius quæstionis inquisito secundo laterali : non verò à quacunque spiritualitate.

194. PROBATUR autem Conclusio primò ex D. Augustino citato à S. Bonau. lib. 2. dist. 31. cit. & lib. 1. dist. 8. citat. quod sicut Deus est in mundo maiori scilicet indiuisibiliter : sic & anima in corpore. Tum ex informatione : non enim informat nisi in vltimo instanti organizationis totum corpus, ergo inextenso modo. Tum experimento, quia in ictu oculi sentit læsionem in omnibus partibus, & etiam in separatione per totum corpus sentitur dolor, ergo signum est animam adesse indiuisi-

AA bñt

bili modo. Tum quia est simplex carens quantitate molis. Tum quia si abscindatur brachium ab hominis corpore, pars animæ destrueretur, quod posset inferri de cæteris partibus, sicque esset mortalis.

**OBJECIES** primò : Anima informat corpus diuisibile ; ergo est diuisibilis. Probatur consequentia : Quidquid enim recipitur, per modum recipientis recipitur, sed recipitur in corpore diuisibili : ergo & ipsa erit diuisibilis.

**RESPONDETUR** negando consequentiam : Ad probationem respondetur proportionem debere esse, quatenus receptivum sit potentiale, receptibile actus, nec requiritur similitudo omnimoda, & maxime in diuisibilitate : sufficit enim, ut anima, quatenus est actus, virtualiter sit extensibilis in informando secundum se totam.

**OBJECIES** secundò : Si anima est indiuisibilis, & tota in toto, & tota in qualibet parte : ergo denominabit æquè totum, & partes : ergo quælibet pars animalis erit animal : sicut quælibet pars est substantia animata sensibilis, & quælibet pars ignis est ignis.

**RESPONDET** S. Bonau. lib. 1. dist. 8. cit. negando consequentiam, & paritatem de cæteris formis non viuentibus : istæ enim informant, & simul extenduntur extensione quantitativa, prout sunt subiectum quantitatis : non sic anima rationalis : immò nec cæteræ animæ, licet sit aliqualis differentia, ut dictum est in tertio Notabili : Anima enim sensitiua, quia non extenditur, idè actum totius non communicat partibus, unde pars non est animal, sic & anima rationalis : quia verò in operari dependet,

ideo operationem totius communicat partibus, unde quælibet pars sentit : non sic anima rationalis : quælibet enim pars non intelligit, nec vult.

**CONTRA** instabis : Si non communicat actum, & operationem partibus : ergo non est actus ipsarum : ergo nec corporis, cum constet ex partibus.

**RESPONDET** Seraph. Doct. quod anima est actus totius corporis, & ob id & perficit partes tribuendo perfectionem debitam iisdem partibus, nempe vitam, quatenus sunt in toto : non sic forma extensa, quæ prius perficit partes, & ratione partium ipsam totum.

**OBJECIES** tertio : Corpus organicum habet partes diuersæ rationis, & perfectionis : ergo si anima perficit totum quantum ad essentiam, perficiet partes tantum secundum potentiam : ergo in ipsis non erit ut actus.

**195. RESPONDETUR**, quod duo sunt in anima, nempe & perficere, & operari : sic & in corpore est complexio, & organizatio : primus actus in anima competit ei, ut est quodammodò illimitata perfectio : id est ut est totalis quædam essentia, & forma corporis organici : secunda competit ei ratione potentiarum : hinc corpus per formam complexionis importat vniformitatem necessariam ad informari ab anima : sicque & anima respicit essentialiter corpus tali pacto formatum : prout autem in eo adsunt diuersa organa, sic per illa operatur anima : Sic S. Doct. l. 2. dist. 18. art. 2. q. 2. ad 2.

**OBJECIES** quarto : quia sequetur, si anima rationalis est tota in toto, & tota in qualibet parte, & indiuisibilis,

indivisibilis, quod à seipsa distaret: simulque tota quiesceret quiescente, verbi gratiâ, manu, & tota moueretur, motâ alia manu, quæ implicant.

RESPONDETUR dici animam distare à seipsa inadæquatè respectu diversorum: nam tota est in capite, & tota in pede: sed quia istæ partes se habent vt loca inadæquata animæ, & totum corpus adæquatus locus: hinc non sequitur, quod à seipsa propriè distet, nec quod moueatur motâ manu, cum ibi non sit definitiue, sed tantum ad motum totius dicitur moveri: Sic lib. 1. dist. 8. cit. & lib. 2. dist. 15. art. 1. & quæst. 1 ad 2.

CONTRA: Ergo poterit intelligere pes, cum ibi sit tota, & intellectio sit actus independens à corpore.

RESPONDETUR negando sequentiam: Ratio est, quia operatio formæ, prout est illimitata, si communicetur toti, communicatur ei, quod est in actu performam, & hoc est totum, non pars.

QVÆRES: an anima rationalis sit in omnibus partibus per plures præsentias: an per unicam tantum: quod est idem, an sit talis præsentia diuisibilis.

RESPONDETUR esse maximum discrimen inter D D. an præsentia animæ in corpore sit diuisibilis: Multi negant: Suarez 2. Met. disp. 4. sect. 1. num. 11. apud Hurtad. de an. disp. 2. sect. 3. cum aliis affirmat, quod & ex principiis Seraphicis etiam sequitur, vt diximus de Angelorum præsentia ad locum in cap. de quantitate: est quidem vnica præsentia animæ in corpore, sed virtualiter diuisibilis, cum sit limitata, nec possit se extendere ad quodcunque corpus siue maximum, siue minimum, vt dictum est in Phys. lib. 4.

vnde aliquam extensionem habet hæc præsentia, & etiam informatio, idè dicitur tota in toto, & tota in qualibet parte, sed non totaliter.

196. SECUNDA CONCEPSTO: Anima sensitiva, & vegetatiua est similiter indivisibilis entitatiue, loquendo de diuisibilitate tam physica, quàm integrali, & quantitatiua. Est S. Bonau. loc. cit. & lib. 2. dist. 17. art. 1. quæst. 2. ad 5. & lib. 2. dist. 15. art. 1. quæst. 1. ad 2. & lib. 1. dist. 8. part. 2. art. 1. quæst. 3. ad 1. & lib. 4. dist. 10. part. 1. art. 1. quæst. 5. in corp. & Itiner. ment. cap. 2. Conueniunt in hac conclusione de possibili, licet non de facto: Ovid. de an. contr. 1. part. 6. num. 14. Arriag. disp. 1. num. 110. Aliique plures. Ferchius tamen de Angelis tom. 1. quæst. 44. num. 9. & tom. 2. quæst. 62. num. 6. aliàs fidelissimus Bonauenturista in hac assertione recedit à Seraph. Doct. sententia: nec meliùs P. Baudunius disputat. sect. 4. dum citat Seraph. Doct. pro opinione opposita dicens Seraph. Bonau. lib. 1. dist. 3. art. 2. q. 3. dixisse animam rationalem esse indivisibilem; alias verò diuisibiles, quia educuntur de potentia materiæ: quæ Conclusio est falsa, & causalis antecedentis magis falsa in sententia Seraphica, & eò magis, quia in loco ibi citato nec vnicum verbum ponet de hac materia, idque forsàn ob incuriam imprecisum: sed his omisiss, antequam probetur Conclusio

SUPPONENDVM, quod infra suo loco probabitur, quod in nutritione sit additio nouæ partis secundum materiam ad corpus, non ad animam: Ratio est, quia nutritio terminat ad corpus: hoc enim est, quod indiget restauratione: Vnde &

ipsi competit per se augmentum, quæ pars postea, si fiat viuens, est per accidens, & tantum ratione vnionis ab anima productæ: Sic Seraph. Doct. lib. 1. *distinct.* 17. *part.* 2. *art.* 1. *quest.* 1. ad 3. Cum autem anima respiciat corpus heterogeneousum, organizatumque, vt notat Seraph. Doct. lib. 1. *dist.* 8. *part.* 2. *quest.* 3. & lib. 4. *distinct.* 49. *part.* 1. *quest.* 4. in corp. sequitur, quod non educitur pars formæ sensitivæ de illa noua materia homogenea, sed tantum forma corporea, per quam disponitur ad vitam recipiendam, quam recipit ab eadem forma sensitua, vel vegetatiua absque cui extensione entitatiua, sed indiuisibiliter post vnionem, licet cum extensione operationis, quod & notauit P. Gallitius de *gen.* lib. 3. *tract.* 3. *quest.* 4. *num.* 5. His suppositis.

PROBATVR Conclusio primò, autoritate Arist. lib. 1. de *an.* t. 94. vbi asserit omnem animam esse indiuisibilem, & 1. de *gen.* t. 35. docet in accretione remanere partem secundum formam, & non secundum materiam, ergo eadem forma remanet sub maiori materia: ergo ab eadem anima indiuisibiliter informatur etiam illa, quæ additur in nutritione, alioquin acquireretur noua forma: Meldul. de *an. disp.* 1. *num.* 67. respondet debere Arist. intelligi de diuisione essentiali, & specifica: Ad secundam autoritatem respondet Arist. intelligere per partem secundum formam non ipsam substantiam iam informatam, sed nouam de nouo aduenientem, quæ expositio est extorta, & falsa, cum Arist. semper intelligat per partem secundum formam illam, quæ est de prima constitutione viuentis: sed quicquid sit de hoc:

nam aliàs agemus de carne secundum formam, & secundum materiam, nempe in *tract. de nutritione.*

PROBATVR ratio à Seraph. Doct. lib. 1. *distinct.* 8. *part.* 2. *art.* 1. *quest.* 3. iisdem rationibus, quibus probata est præcedens Conclusio: & iterum hic refricantur: Primò, quod dat esse toti, & partibus vnitur toti, & partibus secundum essentiam: forma enim est, quæ per sui essentiam dat esse ei, cui essentialiter vnitur, sed anima sensitua, & vegetatiua est huiusmodi: ergo secundum essentiam est in toto simul, & partibus. Secundò in oculo est simul videre, sentire, & viuere: sed isti sunt diuersi actus, & ablato vno actu, verbi gratià, visione, adhuc sensus remanet & vita: ergo ibi est anima per essentiam. Tum quia anima operatur in toto corpore, sed potentia animæ est simplex: ergo & anima sensitua: non enim est simplicior potentia ipsa anima. Tum quia anima in partibus distantibus à corde ita citò sentit, sicut & in propinquis. Tum quia vt rectè adnotauit Arriag. hic n. 117. si Bos, aliudque animal torqueatur in pede, animæ pars, quæ est in capite, physicè torquetur. Vnde enim illa boar, rugit, fremit: ergo est vna, & eadem anima indiuisibilis: Idem & proportionaliter videtur in plantis: nam si læditur in vna parte, tota planta etiam patitur detrimentum, & è contrario sicut animal per totum simul crescit, fouetur non per partes post partes, sic & planta: ergo signum est indiuisibilitatis animæ, vt euenit in homine: ergo est simul secundum essentiam in omnibus. Tum quia vt ait D. Aug. si vna est forma sanitatis in toto corpore, multò magis erit forma spiritalis: Tum



Tum quia anima sensitiva, & vegetativa est forma simplex, & motor sufficiens, ut forma est in toto: ut simplex est non secundum partem, & partem: ut motor sufficiens non habet situm determinatum, sed est in omnibus partibus æqualiter. Ex quibus rationibus patet S. Doct. ut plurimum in solutione questionum plus tribuere, quam proponat, ut in hac questione, ubi titulus est pro anima rationali, & resolutio est etiam pro cæteris animabus.

197. PROBATUR secundò ex S. Bonavent. lib. 2. dist. 13. quest. 1. ad 4. in fine. Quod in se est vnum essentialiter, & vnum numero, non potest fieri multiplex, sed anima sensitiva, & vegetativa est huiusmodi: ergo.

RESPONDENT concedendo maiorem de vno ex per se actu, & potentia, ut Petrus, verbi gratia, non potest multiplicari: negando de vno integrali, quod constituitur ex pluribus partibus eiusdem rationis unitis per indiuisibilia, uti est anima sensitiva, & vegetativa.

CONTRA: Pars animæ discissa est eiusdem rationis cum toto (siue partes sint homogeneæ, ut volunt Thomistæ, siue heterogeneæ, ut volunt Suarez, Aliique) sunt, inquam, eiusdem rationis in ratione animæ aduantis materiam: ergo pars sensitiva simul cum alia materia poterit facere animal; consequens est falsum: ergo.

CONFIRMATUR: Quia in cæteris formis substantialibus quælibet pars facit vnum totum consimile, sic pars ignis est ignis, sed id habent ex diuisibilitate integrali partium eiusdem rationis, ergo & idem eueniet in istis animabus, si sunt diuisibiles, conse-

quens nec admittitur ab Aduersariis ergo sunt indiuisibiles, & inextensæ. Probatur consequentia: quia ratio formalis, quare quælibet pars formæ ignis est ignis, est extensiva in formatio, qua prius informatur pars, & postea totum, ergo si non adest in animantibus hæc denominatio, nec erit talis ratio formalis, siue extensio: anima enim de se respicit totum simul, & indiuisibiliter: forma corporea respicit partes, & ratione partium ipsam totum.

PROBATUR tertio ex doctrina Seraphica lib. 4. dist. 49. part. 1. art. 1. quest. 4. in corp. Si istæ animæ essent diuisibiles, sequeretur, quod in nutritione superadderetur, & educeretur noua pars animæ: sed id est impossibile: ergo.

PROBATUR Min. (Maior enim conceditur ab Aduersariis.) Illa pars materiæ, quæ superadditur, est homogenea, sed forma sensitiva, & vegetativa est forma corporis heterogenei: ergo ex parte homogenea non potest educi: alioquin educeretur de vna parte, & informaret aliam.

RESPONDET Meldul. concedendo Maiorem, negando Minorem: nam (subdit) licet anima sensitiva sit forma corporis heterogenei, secundum partem tamen est etiam corporis homogenei: immò ipsa anima secundum se totam est forma corporis heterogenei, quia prius informat partes homogeneas.

198. CONTRA ex eodem Seraph. Doct. Pars animæ est eiusdem rationis in ratione sensitivæ cum toto: ergo si tota anima est forma heterogenei corporis, etiam pars erit talis. Tum quia responsio, quam citatus Author cum cæteris assignat, est petitio principij: Querimus enim, an habeat

habeat partes, & in hac inquisitione supponitur, quod est certum, nempe quod anima secundum suam essentiam est forma corporis heterogenei, non autem homogenei, & licet etiam sit anima in parte homogenea, id est, quia est in toto, cuius pars est illa pars homogenea: hinc rectè Nos inferimus non posse educi ex corpore homogeneo, nec ipsum secundum essentiam suam informare, nec tollitur vis rationis respondendo, quod informat secundum partem, cum id sit, quod querimus.

**CONFIRMATUR:** Quia inter animam, & corpus organicum adest ordo essentialis: obidque & exigitur organizatio, & heterogeneitas, ut necessaria dispositio ad informationem: quod in formis non viuens non est necessarium; & ratio est iam adducta: quia anima est forma corporis organici, unde producit dependenter à corpore organico saltem sufficienter, nec producit prius in hac, vel illa parte corporis, sed æquè primo in toto corpore adæquatè disposito: sicque causa adæquata productionis sunt omnes dispositiones, quæ sunt in toto corpore, quod & notauit Serbellon. *diff. 1. quest. 1. art. 4. num. 53.* ad rem nostram: Et hinc ait Seraph. Doct. *lib. 1. diff. 8. citat. ad 4.* quod requiritur complexio, id est unio substantialis partium proueniens à forma, quæ ab ipso appellatur complexio, & organizatio, ratione cuius unionis partes licet sint heterogeneæ, sunt uniformes toti, & capaces eiusdem generis vitæ, & perfectibilis ab una forma, & ratione cuius organizationis potest anima per suas potentias exercere suas operationes in diuersis partibus cor-

poris: & hinc ut idem Seraph. Doct. notauit *lib. 2. diff. 15. art. 1. quest. 1. ad 2.* Si anima sensibilis poneretur in lapide, nunquam illud moueret: ergo homogeneitas est ratio omnino opposita informationi animæ.

**DICES:** Anima sensitua, & vegetatiua non est educita ab illa parte de nouo per nutritionem superaddita: ergo nec poterit eam informare, nec ab illa dependere: informatio enim, & dependentia formæ consequitur ab educatione ex sua materia, à qua materialiter habet, & conseruatur in esse. Sed

**CONTRA** primò: Quia dependentia formæ à materia est quid consequens ad formam, quæ præsupponitur in esse ante talem dependentiam, ut aliàs probatum est.

**CONTRA** secundò: Quia educitio, productio, informatio, & dependentia sunt formalitates diuersæ, disparatæ, separabiles, & non necessariò subordinatæ: ergo nulla responsio: Probatur antecedens. Potest Deus creare animam sensituiam immediatè, ipsamque collocare per informationem in aliquo corpore organico, & tunc productio non est subordinata informationi: ergo potest dari forma, quæ informet materiam, à qua non fuit educita.

**PROBATUR** quartò, & magis vrgentur rationes adductæ ex doctrina, quam tradit Seraph. Doct. *suprà in 3. Notab.* Anima rationalis, ut forma est corporis, in aliquo conuenit, & in aliquo disconuenit cum forma corporea non viuente: Conuenit in hoc, quod utraque informat, & actuat subiectum extensum, & cum ipso constituit tertiam entitatem: Disconuenit in hoc, quod rationalis ita informat subiectum extensum,

extensum, ut partes per se non possunt recipere denominationem totius: Unde qualibet pars hominis non potest dici homo: forma verò corporea ita informat subiectum extensum, ut qualibet pars ipsius recipit denominationem totius, sic qualibet pars ignis est ignis: quo supposito

QVÆRO, quænam est ratio formalis huius tam magni discriminis? Non potest alia assignari, nisi dicendo, quod anima rationalis informat corpus indivisibiliter absque sui extensione, ita quod seipsam non tribuit totam totaliter cuilibet parti subiecti, ut facit forma corporea; sed hæc eadem omnino inconuenientia est inter formam sensitiuam, vegetantemque, & formam corpoream: ergo cutrit paritas in informatione indivisibili. Unde bene diximus animam respicere adæquatè totum non partes: formam verò corpoream respicere partes, nempe informat partem post partem subiecti adæquatè.

DICES: Differentiam provenire ex eo, quod rationalis non educitur à potentia subiecti: at forma corporea educitur à potentia materiæ.

CONTRA: Deus potest immediate creare formam ignis, & ipsam collocare in subiecto, & tamen eadem denominatione provenit à subiecto, ac si educæa esset: ergo dicendum est provenire hoc discrimen ex natura ipsarum formarum, nempe quia animæ respiciunt totum subiectum adæquatè, & indivisibiliter præscindendo ab omni quantitate, & extensione molis: formæ verò non viuentes respiciunt partem post partem, quia subiiciuntur extensioni, & quantitati: Sic Seraph. Doct. lib. 2. dist. 3. part. 1. art. 1. quest. 2. Ad 4.

199. PROBATUR quintò: Quia si istæ animæ essent diuisibiles, sequeretur, quod qualibet esset aggregatum plurium animarum: consequens est falsum: nam animal est vnum per vnam animam, & vnum totum physicum essenziale: ergo: Probatur sequela: totum continuum in ratione continui per hoc differt à toto physico essentiali, quod illud constat pluribus partibus, quarum qualibet per se est totum vnum continuum eiusdem rationis cum toto illo, antequam diuideretur: totum verò physicum essenziale constat partibus, quarum qualibet est diuersæ rationis à toto: Unde totum essenziale, ut tale, est indivisibile in partes eiusdem rationis: sed anima per Aduersarios est vnum totum continuum, ut ait Meldul. cit. ergo est aggregatum plurium animarum: ergo qualibet pars poterit simul cum corpore facere animal, quod est falsum.

RESPONDENT negando sequelam ultimam ex hoc, quod anima essentialiter respicit corpus organicum.

CONTRA: Ergo non poterit educi anima, vel pars animæ à parte homogenea, quod est contra superius dicta ab Aduersariis.

PROBATVR sextò: Si anima haberet partes, sequeretur adesse partem in animali, quæ in vitalitate non dependeret à corde; sed hoc est naturaliter impossibile, cum cor sit sedes principalis animæ, & à quo procedit vitæ influentia in cætera membra, ut notat Seraph. Doct. lib. 1. dist. 8. cit. & serm. 1. Hexæm. ergo.

PROBATVR sequela: nam pars superueniens per nutritionem esset animata à noua forma vitali: ergo in vitalitate ab ipsa non dependet

ret tum in actu primo, tum in conseruari: forma enim per Adversarios non dependet in conseruari ab eo, à quo non dependet in educi: sicque nulla esset pars principalis in corpore, quo vita dependeret.

RESPONDET Meldul. *de gen. disp. 8. n. 81. ad 2.* negando sequelam: nam in dato casu anima partialis dependeret in conseruari, & in produci à corde in genere causæ efficientis, & ab illa materia in genere materiali.

CONTRA: Quia vita est à forma non solum in genere formali, sed etiam efficiente, quatenus utitur partibus heterogeneis ut instrumentis, & præcipue corde: ergo si illa forma tribuit vitam illi nouæ parti in genere formali, tribuit etiam in genere efficientis causæ: sicque non à corde.

200. PROBATUR septimò à Ioan. à S. Thom. Quotiescunque plures partes materiæ requiruntur ad informationem faciendam ab vna forma numero, tunc illa forma respicit omnes illas partes indiuisibiliter, sed anima sensitiua, & vegetatiua sunt huiusmodi: exigunt enim corpus heterogeneum: ergo indiuisibiliter omnes illas partes informant.

RESPONDET Meldul. *disp. 1. de anim. num. 68.* si hoc argumentum valeret, probaret de omni anima (quod & Nos intendimus) Addit, probaret de omni forma: quælibet enim respicit omnes partes materiæ dispositas.

RESPONDET secundò dicitur Doctor: Si *ly indiuisibiliter* excludit partes entitativas animæ, negatur: si illas includit ut vnitas, conceditur: nam tota anima indiuisibiliter respicit corpus heterogeneum, & pars

partem homogeneam: sed hinc non sequitur esse totam in toto, & totam in qualibet parte.

CONTRA primò: Quia illatio de qualibet forma non viuent non valet; nam ex dictis formæ non viuentes non respiciunt primò totum, sed partem: anima verò respicit totum sub vna ratione, scilicet corpus heterogeneum: ergo indiuisibiliter ipsum respiciunt.

CONFIRMATUR ex Seraph. Doct. *lib. 4. disp. 49. part. 1. art. 1. quest. 4. in corp.* Anima, ut talis est, respicit essentialiter corpus non solum complexionatum, idest, vnitum secundum partem, sed & organizatum: ergo indiuisibiliter: non enim est actus partis; sed corporis. Tum quia anima simul, & semel concurret ad actum visionis in oculo, & ad sensationem in pede: id enim non competit formæ extensæ nisi remotè; ut magnus ignis immediatè non applicatur totus primæ parti ligni, & medix: vnde non potest dici, quod totus ignis comburat, non sic anima sensitiua. Tum etiam quia actus visionis in oculo, & sensationis in pede sunt immanentes: ergo in tota anima debent recipi: ergo indiuisibiliter istos actus operatur: Ex quibus sequitur, quod anima formicæ non est minor anima elephantis, nec formæ herbæ minor forma cedri.

201. OBJICIENS primò: Quidquid recipitur, per modum recipientis recipitur; sed istæ animæ recipiuntur in corpore diuisibili: ergo: ob id enim formæ non viuentes diuisibiles.

IAM suprâ responsum est huic obiectioni in *præced. Concl.* quæ & potest fieri contra indiuisibilitatem animæ rationalis, vnde sufficit propor-

tio

tio requisita inter receptivum, & receptibile, & extensio virtualis. Et ad id de cæteris formis negatur paritas ex eo, quod istæ sunt subiectæ quantitati, à qua afficiuntur, non istæ animæ, quæ exigunt tantum corpus, quantum per ordinem ad suos actus.

OBICIENS secundò: Repugnat eandem rem naturaliter esse in duplici loco etiam partiali: ergo repugnat animam esse indivisibiliter in pluribus partibus corporis diversis.

RESPONDETUR negando paritatem de corpore locato, & de anima informante; nam, ut dicit S. Bonau. lib. 1. dist. 8. cit. ad 6. anima est in toto corpore indivisibiliter, & totum corpus comparatur ipsi animæ tanquam vnus locus, & idè in pluribus partibus non est, nisi in quantum in vno loco, & in qualibet parte est inadæquatè, quare nihil contra Nos virget argumentum Aduersarium, qui supponunt istas animas esse corporeas, & materiales, quod Nos negamus.

OBICIENS tertio: Istæ formæ educuntur de potentia materiæ; sed subiectum, ex quo educuntur, est extensum: ergo & ipsæ formæ: Antecedens communiter conceditur, alioquin essent formæ per se subsistentes, & spirituales independentes à materiali concursu subiecti: Probatur consequentia: quia non potest tota forma educi ex qualibet parte materiæ, sed tota ex tota materia: exigit enim corpus dispositum, & extensum: ergo ex qualibet parte materiæ debet educi pars formæ; quod enim educitur de materia extensa, est extensum.

CONFIRMATUR: Quia si forma equi educitur ex materia, quæ in primo  
R. P. BART. de Castrovetto Phil. P. III.

instanti generationis recipit eam formam, illa materia fuit causa materialis adæquata talis formæ: ergo non potest causari ex noua materia, quæ acquiritur per nutritionem, cum iam caulata fuerit: dux enim causæ totales, vel vna totalis, & altera partialis non possunt naturaliter concurrere ad eundem effectum numero.

CONFIRMATUR secundò: Quia vel forma equi, quæ est in capite, dependet à materia pedis, vel non: Si dependet: ergo ablata materia pedis destruetur & forma: si non, ergo neque causatur, cuius oppositum Nos docuimus.

Hoc argumentum est Achilles Aduersarium, ut videre est apud Ouied. Arriag. & Serbellon. dist. 2. quæst. 2. num. 8. Aliosque, quod tamen nullo modo virget, nec infringit veritatem nostræ Conclusionis.

202. RESPONDETUR igitur concedendo Maiorem, & Minorem, & negando Consequentiam. Ad probationem respondetur negando antecedens, & consequentiam: & ratio est, quia cum forma dependeat à subiecto, à quo educitur non dependentia essentiali, & entitativa, sed secundaria, & tantum per ordinem ad existere completè, & ad constituendum compositum: ut latè ex Seraph. Doct. probatum est in Physica in quæst. de Seminario materia: Hæc dependentia, quam habent istæ formæ à materia vel tota, vel partiali, est sufficiens, sed non adæquata: possent enim educi à quacunque parte materiæ: sed quia ordinantur ad constituendum animal, idè exigunt corpus organicum, ex quo educuntur, ita tamen quod quælibet pars corporis ad præsentiam aliterius attemperat

temperat suum concursum, & concurrat partialiter tantum sic exigente natura, quæ intendit productionem animalis, vel plantæ: & si aduenit noua materia, anima, quæ prius informabat priorem materiam producendo vnionem substantialem ipsius nouæ materiæ, & educendo nouam partem formæ organizationis ab illa, extendit suam influentiam vitæ ad hanc nouam partem infotmando ipsam: & tunc cum non euacuetur actiuitas animæ per informationem prioris materiæ, incipit viuificare nouam, sicuti & euenit in anima rationali.

DICES: Ergo incipit dependere à noua materia, ex qua non fuit educta.

RESPONDETUR concedendo sequelam, nempe dependere in conseruari ab ista noua dependentia inadæquata: nec vllum est absurdum, & id euenit in multis aliis casibus, verbi gratiâ, calor mex manus, qui in hoc instanti non pendet à calore ignis, si applicetur ad ignem ab ipso conseruandum: & si iterum recedat manus, poterit ab alia causa conseruari, & iterum applicata ad ignem ab ipso conseruari poterit.

ET ad id de abscissione pedis: Respondetur eodem modo, nempe animam dependere dependentia sufficiente à capite, à pedibus, &c. sed non totali: vnde deficiente vna parte dependebit sufficienter à cæteris, in quo casu cæteræ partes materiæ suppleant defectum materiæ abscissæ.

DICES: Forma, prout est in capite, dependet à materia pedis: sed hoc non potest esse: quia non est vnita cum illa materia: pedis: ergo vel est neganda dependentia illius formæ ab

omnibus partibus: vel si conceditur, debet poni in ea diuisibilitas.

RESPONDETUR, vt suprà dictum est, dependere ab omnibus, & à qualibet dependentia sufficiente non adæquata: & quando dicitur forma, prout in capite est, dependet à materia pedis, vel reduplicatio est circa formam, vel vbicationem in capite: Si primo modo, forma simul dependet à capite, & à pede: negatur tamen non esse illi vnitam: eadem enim forma est vnita & capiti, & pedi: Si secundo modo, sic negatur vbicationem in capite dependere à materia pedis: sunt enim plures vbicationes, quæ simul sumptæ se habent vt vnus locus, vt ait Seraph. Doct. lib. 2. dist. 8. citat. & secundum hanc rationem scilicet vbicationis non est necesse, vt sit immediatè vnita cum materia pedis, sed sufficit absolutè, vt forma sit vnita materiæ pedis: vnde abscissâ manu non desinit simpliciter anima quoad entitatem, quia adhuc seruat in corpore, sed desinit vt informans manum: hæc autem desitio, quæ est ratione connotati, non ratione propriæ entitatis, contingit in rebus spiritibus, quæ sunt in toto spatio per virtuales extensionem tantum cum replicatione totius entitatis in singulis eius partibus ex eo præcisè, quod cessat virtualis illa extensio in spatio, in quo erat pars, antequam abscinderetur, sublata ergo virtuali extensione ab illa parte adhuc remanet eadem entitas indiuisibilis: vnde non est verus motus localis, sed cessatio sola vitæ in illa parte.

INSTAS iterum: Viuens propria virtute augetur, & vi talis actionis aduenit forma in materia de nouo per nutritionem adueniente: ergo

cx

ex vi talis actionis forma ibi existit, & conseruatur, sicque eadem anima erit causa productiua, & conseruatiua sui ipsius in illa noua parte.

Hoc argumentū est Ouidii, in quo latet maxima æquiuocatio: quod & notauit Arriag. cit. n. 109. nam dū supponit animā esse causam adgenerationis, & nouæ vnionis: putat etiam esse causam ipsius formæ, per quam incipit viuere, quæ duo sunt toto cælo diuersa, vt patet in anima rationali, quæ est causa nutritionis, & nouæ vnionis, non sui ipsius: Addimus hunc Authorem petere principium, dum arguendo supponit aduenire nouam partem animæ per nutritionem, estque id, quod est in quæstione: Hinc respondetur terminum proprium nutritionis esse nouam partem corporis, & vnionem nouam productam ab anima, & tunc in eodem instanti indiuisibiliter extendere suam præsentiam, informationem, & influentiam vitæ: non autem producere se, vel partem sui.

203. OBJECIES quartò ex Arist. apud Ruuium dicente assimilari plantis insectis: diuise enim viuunt, & ex vna multæ fiunt: Insecta verò diu non viuere possunt ob defectum organizationis: ergo sunt diuisibiles.

RESPONDETUR primò Arist. multa non agnouisse, & multa malè dixisse de animabus, & cæteris entibus spiritalibus, quod & sæpè notauit Seraph. Doct. vnde omissio textu Arist. qui & potest interpretari etiam pro nobis, Respondetur ex eodem Seraph. Doct. lib. 2. dist. 15. art. 1. quæst. 1. ad 4. in casu diuisionis plantarum, & insectorum corrupti animam priorem, & duas, vel plures educi non quidem per diuisionem animæ, quæ est indiuisibilis, sed

quia planta, & corpus annulosum est modicæ organizationis, & quasi consimilis in partibus, & in toto: idèd in qualibet sui parte est anima in proxima sui dispositione ad educi foras, & ad actum: idèd facta diuisione virtute dispositionum prioris formæ, & beneficio corporum cælestium subito inducitur forma remanente altera in alia parte, si est sufficiens: & si non educitur alia anima, vel non diu durent, id euenit ob imperfectionem compositi.

INSTAT Ruuius n. 104. Si aliæ animæ succedunt facta diuisione: ergo corrumpitur compositum, & cum eo prior anima: sed id non potest esse ergo. Probat: quia ad corruptionem compositi viuientis naturaliter sequitur non alia anima, sed forma cadaueris: mors enim est diuisio animæ, & corporis, obidque & destitio vitæ: ergo & consequitur cadauer. Sed nihil vrget hæc obiectio. Respondetur enim concedendo Majorem, & negando Minorem. Ad probationem respondetur naturaliter sequi non formam cadaueris: hæc enim non datur in nostra sententia, sed remanet corporeitatis forma, seu organizationis, quæ est dispositio secundum diuersitatem suam ad diuersas formas viuentes, & remanet sine vita, quando non adest in proxima dispositione ad aliam animam, vt est in casu nostro: Et hoc pacto respondetur consimilibus obiectionibus factis à Ruuiò, & Aliis circa animam vegetantem plantarum, quæ abscisse inter se videntur viuere. Sed vide, quæ diximus in Physica in quæst. de Seminario, vbi fusè hanc difficultatem ex Seraph. Doct. enodauimus.

OBJECIES quintò cum Ruuiò: Si

Bb 2 absin

abscindatur pars aliqua ab animali, statim corrumpitur, ergo separatur anima ab illa parte: tunc vel tota anima, vel pars separatur: Si pars, ergo habet partes: Si tota, vel corrumpitur tota, vel permanet tota separata ab illa parte, vel reducit se ad alias partes materiæ informandas, separatam permanere impossibile est naturaliter: dependet enim ab illa materia, à quaeducta fuit: impossibile etiam est se restringere, quia transiret de subiecto in subiectum: ergo totam corrumpi dicendum est, quod est falsum: ergo.

Nec valet (subdit Ruuius n. 123.) si dicas nihil horum fieri in corruptione partis, sed solum totam animam desinere informare illam partem, quam inadequata ratione informabat, ut euenit in homine, si illi abscindatur manus per solam dissolutionem viuis cum illa parte absque corruptione animæ: Non valet, inquam, (ait Ruuius) ob euidentis discrimen inter animam rationalem, & cæteras animas: rationalis enim independenter informat corpus, à quo potest separari, & ob id etiam à quolibet parte abscissa per solam cessationem ab informatione vnione dissoluta: ita ut nec desinat esse, nec separata permaneat, nec se restringat ad alias partes corporis, sed desinat informare illam in cæteris permanens: anima verò equi, cum informat dependenter à materia, ob id quia non potest naturaliter ab ea separari, vel sine illa esse, idem est ipsam desinere, & desinere informare partem, quam informabat.

RESPONDETUR ex traditis ex Seraph. Doct. quod licet anima sensitiua non possit naturaliter separari à materia, & permanere separata:

quia tamen informat totum indiuisibiliter: obidque etiam partes inadæquatè, idè ab ipsis partibus per se non dependet nisi accidentaliter, & secundariò: Vnde abscissa parte remanet informando corpus, quod prius informabat desinere vnione, & influentia in illam partem: & secundum hunc effectum potest dici ipsam informare diuisibiliter, licet non entitatiuè: id patet exemplo Solis illuminantis cameram, & cessantis illuminare ob aliquod impedimentum superueniens: tunc mutatur quoad effectus, non quoad se.

CONTRA instabis: Ergo non erit differentia inter animam rationalem, & istas.

RESPONDETUR concedendo totum quoad istam partem, solumque discrimen est, quod rationalis separata à roto corpore per se subsistit, non sic istæ: sed quoad informationem non est discrimen nisi suprà allatum in fundamentis, nempe quatenus anima rationalis independens est in operati à corpore, non sic aliæ animæ: vnde corrui tota argumentatio Ruuij.

204. OBJECIES sexto cum Onied. num. 4. Dum insecta, & plantæ diuiduntur, tunc vel corrumpitur prior forma, vel diuiditur: Si secundum, habeo intentum: Si primum: ergo prius viuens moritur, sed non apparet cadauer animalis, nec cessatio vitæ in ramis plantæ: videmus enim, si abscindatur cauda lacertæ, adhuc viuere, & ramos abscissos adhuc germinare folia: ergo signum est diuisionis formarum istarum: Ad hanc rem affert D. Aug. cap. 31. de quant. anima exemplum animalis multipedis, quod dissectum à suis discipulis in plures partes quamlibet ambulare in



in varias partes eadem velocitate, ac prius ante discissionem, ergo signum est diuidi.

RESPONDETUR ex traditis à Seraph. Doct. lib. 2. dist. 15. cit. quod in abscissione partium viuientis si adest organizatio sufficiens cessante influentia vitæ prouenienti à priori forma, quæ totum informabat, ex eo quod corrumpitur, educitur noua forma licet cum maxima imperfectione dispositionum: obidque diu non potest vivere, si non addit sufficiens organizatio ad educendam animam nouam, remanent quidam spiritus animales in animante, seu in cadauere, quorum virtute fit aliquis motus, & quibus cessantibus cessat motus: idque etiam videtur in detractione capitis hominis, quod facit plures saltus aliquando, & emitit aliquando vocem truncatam, & imperfectam. In plantis etiam idem proportionaliter est dicendum, nempe ob modicissimam ipsorum organizationem, & facilitatem eductionis ipsarum formas educi: & si remanet aliquando viriditas absque eductione nouæ animæ ob defectum dispositionum prærequisitarum, id enenit virtute quorundam spirituum naturalium in ipsa planta existentium, qui adiuuantur etiam aliquando à causis extrinsecis, verbi gratiâ, ab aëre humido, &c.

DICES cum Atriaga: Natura nunquam introducit formam per se in corpus ineptum præcipuis operationibus sensitiuis sine capite, sine corde, &c. ergo.

RESPONDETUR negando antecedens: nam semper natura agit, quantum potest: & si ob aliquod impedimentum extrinsecum non efficit opus perfectum, sed monstrum, &

aliud consumile, id est præter sui intentionem, vt in nostro casu.

Et ad id de morte allata ab Ouiedo in suprâ dato argumento: Respondetur, quod propriè in talis formæ sensitiuæ corruptione non euenit mors, cum non sequatur cessatio vitæ, licet enim cesset vita, quæ ab ipsa priori forma influebatur, tamen in eodem instanti temporis, vel vt dicit S. Bonauent. in sequenti instanti temporis intrinseci desinente vita in antecedenti instanti immediato aduenit vita ex noua formaeducta: & per hæc patet solutio consimilium difficultatum, quæ coaceruantur ab Aduersariis in hac materia.

Ad experientiam verò D. August. notat Ruuius *num.* 110. & P. Bened. à S. Iacobo Augustin. Discalc. in sua D. August. naturali Philosophia 1. 3. cap. 4. Concl. 4. mentem S. Doctoris fuisse, quod anima sensitiua est indiuisibilis, vnde valdè mirabatur, quomodo tam citò aliæ animæeductæ fuerint. Ex quibus omnibus patet, quomodo tam anima vegetatiua, & sensitiua, quàm rationalis sunt totæ in toto, & totæ in qualibet parte, & quale discrimen inter ipsas inest: nempe ex eo quod rationalis non dependet à corpore nec in esse, nec in operari: potest & separata permanere, quia est hoc aliquid, & exercere suas proprias operationes: licet dum est vnita corpori, dependet aliquantulum ab ipso eo modo, quo dictum est: at aliæ duæ animæ, cum non sint hoc aliquid, educuntur de potentia materiæ: cum quo tamen stat, quod ipsum corpus informant indiuisibiliter, ex eo quod non sunt subiectæ quantitati molis, licet postea in operari omnino dependant ab ipso. Ex qua doctrina etiam patet

ter solutio alterius quæstionis, in qua cæteri tantum laborant: nempe an anima sensitiva, & vegetativa sint homogeneæ, an heterogeneæ, heterogeneas existimant Suarez, Aliique. Homogeneas Thomistæ.

Nos verò, cum ponamus eas indivisibiles, dicimus esse formas simplices, obidque cum non habeant partes, possunt informare æquè totum corpus, quocunque modo sit organizatum: Vnde ait S. Bonavent. *lib. 2. dist. 15. art. 1. quæst. 1. ad 4.* non est mirum, si in dissectis annulosis tam facilliter educantur animæ, cum ipsa, licet sint heterogenea, tamen sunt tam modicæ organizationis.

## QVÆSTIO I. LATER.

*Quasnam partes corporis informet  
Anima.*

205. QVÆRES: an anima informat omnes partes corporis: an vnam tantum, verbi gratiâ, cor tantum, vel caput.

RESPONDETUR informare omnes partes corporeas, esseque totam quamlibet in toto, & totam in qualibet parte, ut dictum est, in qua adest aliqua operatio vitalis: Sed aduerte ex Ruuio, quod totum, aliud est essentiale, quod totam essentiam continet: aliud integrale, quod continet omnes partes integrantes: aliud potestativum, quod omnes potentias, & virtutes continet.

DICIMVS autem animam secundum essentiam esse totam in corpore, & totam in partibus, non verò totalitate integrali: quia anima non est totum integrale, cum sit indivisibilis: sed nec totalitate potestativa,

quia non est in qualibet parte corporis secundum omnes potentias, sed tantum secundum vnam, vel plures. Et hinc Arist. ex Seraph. Doct. dixit animam residere in corde, id est, quia in illa parte præcipuè influit virtutem vitalem, quæ derivatur in totum corpus: Hinc patet, in quo sensu possit dici animam intelligere in pede, in brachio, per cerebrum, nempe intelligere verè absque pede, &c. cum sint operationes inorganicæ, & receptæ in anima, & cum dicitur intelligere in cerebro, id dicitur intelligi vulgari dicto, & solum, quia in capite viget sensus, quorum operationibus mediis intelligit: propriè verò tantum dicitur totus homo intelligere, & non pars absque parte: quia istæ operationes communicantur toti homini, quem adæquatè respicit.

## QVÆSTIO II. LATER.

*Quid sit Anima vegetativa, & sensitiva.*

206. QVÆRES: an anima vegetativa, & sensitiva sint substantiæ spirituales: an corporæ: & an possint verè dici Spiritus. Pro responsione

ADVERTENDVM est ex Seraph. Doct. *lib. 1. dist. 10. quæst. ult.* quod nomen spiritus est æquivocum: primò enim dicitur à spiritualitate contra corpulentiam, seu crassitiem, seu corpus crassum, & densum, & hoc pacto verificatur de substantia corporea rara, & subtili, in quo sensu aer, & ignis dicuntur spiritus: sic & vapores, & exhalationes terræ.

terreæ, & aquæ : Item, & quædam substantiæ subtiles, quæ sunt in corpore animato, quæ dicuntur spiritus vitales, animales, & naturales : Secundò dicitur à spiratione, vel à spirare, sic flatus, & ventus dicitur spiritus, & in rationalibus dicitur amor interior *lib. 2. distinct. 11. art. 1. quæst. 1.* dicitur etiam vita, in quo sensu dicitur *Gen. cap. 1. Anima spiraculum vita* : hocque vltimo pacto dicitur de quacunque anima spiritali, & vitali : non verò aliis primis duobus : Tertio dicitur à spiritualitate, prout est quid oppositum corpori, & à corpore abstrahens *lib. 1. dist. 37. part. 1. art. 2. quæst. 1. ad argum.* & in hoc datur gradualis latitudo, & hæc est propria spiritualitas, quæ, vt aliàs dictum est ex Seraph. Doct. per id differt à substantia corporea, quod hæc subiacet quantitati molis, illa nequaquam : obidque cum importer spiritualitas abstractionem à corpore, & à quantitate molis, etiam fert secum immunitatem quandam licet non totaliter, & omnimodè loquendo in creatis à loco corporeo : obidque ratione simplicitatis, & existentiam eiusdem totius in pluribus locis : & quia solus Dens est omnino spiritalis, ideo est vbique per immensitatem : Creaturæ autem quædam sunt spirituales per abstractionem per ordinem ad intellectum, vt vniuersale, & numerus, quæ possunt esse in pluribus propter communitatem ad plura, sed cum sui plurificatione : quædam sunt per seiunctionem, & distinctionem à materia corporali : vt animæ, istæque (subdit in *Itiner. ment. cap. 2.*) vel sunt omnino coniunctæ corpori, suntque brutales, & plantarum animæ : vel coniunctæ

separabiliter, vt anima rationalis : vel omnino separatæ à corpore, vt Angeli, & omnes istæ sunt in pluribus locis, non tamen multiplicatæ, idest sunt totæ in toto, & totæ in qualibet parte : Hinc

207. RESPONDETUR, quod anima vegetans, & sentiens continentur propriè sub ratione generica spiritus, quatenus sunt species diuidentes ex æquo simul cum spiritu rationali, & Angelico spirituales substantiam contra corpus : primò enim sub hoc genere subalterno spiritus dicitur de Angelo : secundò de anima rationali : tertio de sensitua : quarto de vegetatiua, sed cum hoc discrimine, quod vt (ait S. Doct. *lib. 2. dist. 1. part. 2. art. 3. quæst. 1. & lib. 4. dist. 5. part. 2. quæst. 1. in corp.*) solum anima rationalis, cum sit hoc aliquid, & per se existens, potest dici in ratione spiritus species completa physica, licet prout est forma, sit pars speciei : At cæteræ animæ, cum non sint per se existentes, dicuntur solum pars speciei physice : Addimus tamen, quod metaphysicè loquendo etiam istæ possunt poni directè in prædicamento substantiæ : Sic *lib. 2. distinct. 15. art. 1. quæst. 2. fund. 3. & Itiner. Ment. cap. 2.*

PROBATUR autem animarum spiritualitas : Quia cum constituent simul cum corpore totum physicum viuens, necessariò exigunt partes diuersæ rationis : ergo anima erit immunis à corpore : Tum quia non subiacent quantitati molis. Tum quia earum extensio est solum secundum quantitatem virtutis, & spirituales : ergo. Confirmatur ex *Eccles. 3. quis scit, si spiritus iumentorum descendat deorsum.*

DICES : Anima sensitua, & vegetatiua

tatiua educuntur de potentia materiæ: ergo sunt corporeæ.

PROBATVR consequentia: Quia ex Seraph. Doct. solum formæ corporeæ fuerunt concreatæ in materia: vnde dixit *lib. 2. dist. 3. part. 1. art. 1. quæst. 2. ad 3.* quod materia, quæ aliquando subiecta fuit formæ corporali, nunquam exui potest, ita vt sit sub forma spiritali: ergo.

RESPONDETUR, quod cum Seraph. Doct. assignet discriminē inter animam rationalem, & cæteras animas, quia illa est coniuncta materiæ, & corpori separabiliter: Istæ verd sunt coniunctæ inseparabiliter: Sic in *Itiner. Ment. cap. 2.* dicuntur aliquando corporeæ ob istam conjunctionem, licet postea consideratæ secundum se, sint spirituales: & in hoc sensu aliquando eas collocat in numero formarum materialium, ex hoc quod sunt concreatæ in materia simul cum cæteris propriè corporeis.

ADVERTE tamen pro intelligentia dictorum Seraph. Doct. quod semper animæ sensitivæ tribuit veram propriam spiritualitatem: vt videre est (in *Itiner. Ment. cap. 2. & lib. 2. dist. 15. art. 1. quæst. 2. fund. 3. & ad 3. & 4.*) vbi eam appellat valdè spiritualement, nunquam tamen (quod sciam) hanc spiritualitatem expressè tradidit animæ vegetativæ: sed quia in *lib. 1. dist. 8. part. 2. quæst. 3. ad 1. & 2.* tribuit indivisibilitatem consumilem animæ sensitivæ, & rationali, hinc & ipsa in eius sententia debet dici spiritalis.

DICES: Ergo forma spiritalis residet in materia simul concreata cum formis corporabilibus: sed consequens est falsum: Probatur minor, quia formæ corporeæ ided subiacent extensioni, quia educuntur de mate-

ria quanta, & extensa, ergo & animæ.

RESPONDETUR concedendo sequelam Maioris, & negando Minorem. Ad probationem Respondetur formas corporeas subiaccere extensioni, non quia fuerint concreatæ in materia, sed quia non sunt naturæ informare materiam, & constituere compositum nisi cum extensione, cui subiacent, & cum dependant à materia quanta, & ob id si educi habent ex materia, educuntur cum extensione: Sic S. Bonau. *lib. 2. dist. 3. part. 1. art. 1. quæst. 2. ad 4.* non sic forma spiritalis, quæ non subiaccet tali extensioni, sed naturaliter tantum educi potest ex composito corporeo iam constituto in esse, & ob id non dependet à quantitate, & extensione in esse, sed tantum in operari.

## QVÆSTIO VI.

*Utrum Anima aliqua sit composita ex materia, & forma.*

208. QVÆSTIO hæc à Multis committitur etiam à proficentibus Seraphicam Doctrinam, vt à P. Baudunio nostro: vel pertrahitur ad communem opinionem Seraph. Doct. quasi admittat tantum materiam, & formam metaphysicam, scilicet actum, & potentiam: & hoc vel amore Thomisticæ doctrinæ: vel ad evitandas difficultates: Sic P. Trigol. *part. 1. quæst. 3. ad not. marg.* & Coriol. *part. 1. q. 2. art. 11.* Excipio tamen P. Ferchium Velienf. qui semper fidelissimus Bonaventurista ipsam doctissimè, & philosophicè pertractat *tom. 1. de Angel. quæst. 28.* cui multum.

multum debeo in intelligentia plurimum Textuum Seraph. Doct. valde difficultum: Suarez item in *Metaph. disp. 13. sect. 14. num. 5.* notat Seraph. Doct. loqui de vera materia: sed ipsam asserit esse spirituales, omittitur autem communiter ex eo, quod tanquam certum existimant ipsam animam esse formam simplicem, immunemque à compositione physica, quod quàm falsum sit, in præsentis quæstione patebit: In qua

PRIMA opinio communior negat ab anima quacunque, præcipuè à rationali compositionem physicam ex vera materia, & forma.

SECUNDA affirmat: Estque Seraph. Doct. *lib. 2. dist. 17. art. 1. quest. 2. & lib. 1. dist. 8. part. 2. dub. 3. & lib. 2. distinct. 18. art. 2. quest. 3. in fund. & dist. 19. art. 1. quest. 1.* quam & probabiliter sustinent Scotus *quest. 15. de an. Richard. lib. 2. dist. 17. quest. 1.* Cauell. in Scotum *ibid. Vorillon. lib. 2. dist. 3. quest. 1. & dist. 17. q. 1. Concl. 2. Gratian. Brix. lib. 2. dist. 17. quest. 1. Scotellus lib. 2. dist. 3. quest. 1. art. 4. Capullius lib. 2. dist. 3. quest. 1. & 2. & dist. 17. quest. 2. Gulielm. de Lamare in Correctorio apud Egid. art. 10. Nyffe tract. 2. part. 2. part. 1. quest. 3. fol. 133. & part. 2. quest. 1. fol. 157. Petavius t. 3. lib. 1. de Ang. c. 4. num. 3. Brulefer lib. 2. dist. 3. Et nouissimè doctissimus, & fidelissimus, P. Ferchius *rom. 1. de Ang. quest. 28. & rom. 2. quest. 25. & P. noster Gallicus in Phys. lib. 1. tract. 2. quest. 6. num. 10.* licet obiter. De possibili verò (licet non de facto) eandem sustinent Arriag. Ouied. Aliique. Pro solutione quæstionis*

209. PRIMò Notandum, & tanquam certum supponendum, & ab omnibus Philosophis, & Theologis  
R. P. Bart. de Castrovetto Phil. P. III.

receptissimum aliquam compositionem necessariò debere admitti in anima rationali, & in Angelis, cum omnis creatura deficiat à Dei simplicitate, qui est purissimus actus. Vnde admittuntur communiter in Angelo, & in anima rationali sequentes compositiones: Prima ex essentia, & dependentia in ordine ad principium primum efficiens: Sic Seraph. Doct. *lib. 1. dist. 8. part. 2. art. 1. q. 2. & dist. 33. art. 1. q. 1. ad 3.* nihil enim est sua dependentia, de qua alibi est sermo: De dependentia verò animæ à suis principiis componentibus dicitur infra: Secunda est entis, & esse, id est essentia, & existentia, quæ distinguuntur vel realiter, vel formaliter: Tertia ex essentia, & potentiis, quæ distinguuntur vel realiter secundum Thomistas, vel formaliter secundum D. Bonauent. & Scotum, de quo infra suo loco: Quarta ex quo est, & quod est, id est ex natura communi, & differentia individuali: anima enim rationalis est indiuidua *lib. 1. dist. 19. quest. ult. & lib. 2. dist. 1. part. 1. artic. 3. quest. 2. ad 2.* Quinta ex quod est, & qui est, id est ex indiuiduo, & suppositualitate *lib. 1. dist. 19. cit. Sexta ex substantia, & accidente: subiectantur enim in ipsis accidentia spiritualia lib. 2. dist. 17. art. 1. quest. 2. & lib. 2. dist. 3. part. 1. art. 1. quest. 1. & 2.*

SEPTIMA ex potentia, & actu: & quia hæc compositio ab omnibus ponitur in anima, per quam nituntur se eximere ab omnibus rationibus allatis ex Seraph. Doct. quibus intendit demonstrare in anima compositionem ex materia, & forma, admittentes tantum hanc compositionem metaphysicam actus, & potentia: Hinc explicandum est, in quo  
C c sensu

sensu debeat admitti, & recognosci.

SCIENDVM igitur est, quod actus, & potentia est æquiuocum, & pluribus modis vsurpatur à Philosophis: Primò igitur sumitur pro modis entis, quibus eadem res modò est in potentia, modò in actu, sic formæ dicuntur educi de potentia materiæ ad actum: Secundò pro potentia obiectiua, secundum quam res dicuntur esse in virtute suæ causæ, cui opponitur actus secundus scilicet existentia actualis: Tertiò pro potentia passiva, & transmutabili ab alio, & pro actiua, & transmutatiua alterius: sic actiuum, & passiuum sunt primæ differentiæ diuidentes potentiam, vt ait Seraph. Doct. lib. 4. dist. 50. part. 2. quest. 1. quomoddò dicitur materia esse in potentia ad transmutari per aduentum alicuius formæ, vel quomoddò intellectus possibilis ponitur in actu ab intellectu agente lib. 2. dist. 3. part. 1. art. 1. quest. 1. & lib. 1. dist. 3. part. 2. quest. 3. & confunditur etiam cum potentia subiectiua, & actu accidentali, vel substantiali: Quartò pro realitate, & realitate metaphysica, scilicet genere, & differentia, quæ coincidit etiam cum alia proximè posita tertio loco: Quintò pro principiis constitutiuis, quorum vnum est per se potentia, vel materia, & aliud per se actus, scilicet forma substantialis: Aduersarij auferunt hanc vltimam ab anima, & ab Angelis, & vtrò admittunt cæteras, præcipuè quartam: concedunt enim componi ex genere, & differentia, siue ex actu, & potentia, sed volunt istas realitates desumi ab eadem entitate simplici formæ, seu animæ: immò Ruvius tract. de an. separ. quest. 1. num. 22. appellat hanc compositionem sub-

stantialem animæ: licet neget materiam, & formam in anima: Sanctus Bonauentura verò sustinet oppositum, nempe necessariò debere desumi genus, & differentiam, potentiam, & actum à duabus partibus physicis materia, & forma: immò ex hac compositione ex actu, & potentia, ex genere, & differentia inferret necessariò in anima materiam, & formam: Hinc

110. SECUNDÒ Notandum, quod S. Doct. in adstruenda compositione ex materia, & forma in anima, & in Angelo ductus est ex duobus fundamentis, seu rationibus à priori, & aliis à posteriori.

PRIMA ratio à priori est: Quia cum Angelus, & anima in ratione spiritus per se existentis, & ob id completi in suo esse, reponantur directè in Predicamento substantiæ, consequenter etiam continent compositionem metaphysicam ex genere, & differentia, ex actu, & potentia: cum autem talis compositio sit vera ex realitate, & realitate distinctis ex natura rei, & oppositis ex eo, quod actus, & potentia diuidunt primò, & ex æquo ens, seu potentiam, vt dicit ex Arist. Seraph. Doct. lib. 4. dist. 50. part. 2. quest. 1. hinc etiam, quia emanant à subiecto physico, in hoc debent recognoscere duplex principium originale, cuius ratione insunt in eodem subiecto: impossibile enim est, vt ab eadem entitate indiuisibili oriantur, & præcipuè ab eo, quod est purè forma, seu actus, alioquin etiam posset talis compositio recognosci in Deo: ista autem principia sunt materia, quæ est principium, & subiectum omnis potentialitatis, & forma, quæ est principium omnis actualitatis: Videantur

deantur ea, quæ à nobis ex Seraph. Doct. tradita fuere in *Log. ad Cap. de Differentia quæst. 2. præcipuè ad Concl. 2. & 3.* & de qua materia fusè ex Aristot. tractat ad rem nostram Doctissimus Bonaventurista Ferchius *tom. 1. de Angel. quæst. 27. à num. 24.* & deinceps.

SECUNDA ratio à priori est, quia anima est ens per se existens, & hoc aliquid, & substantia singularis, ideòque exigit principia, ex quibus desumatur fixio talis per se existentia, sed non à forma, quia de se nata esse in alio, & sub hac ratione etiam anima est nata esse in alio: ergo à materia: hæc enim est primum subiectum receptivum irreceptibile, ad quod omnia tanquam ad primum principium per se existentia reducuntur: Sic Seraph. Doct. *lib. 2. dist. 3. part. 1. art. 1. quæst. 1. & 2. & lib. 2. dist. 17. quæst. 2.*

RATIONES verò à posteriori desumptæ sunt fundatæ in proprietatibus materiæ existentibus in Angelo, & Anima, de quibus infrà.

211. TERTIO Notandum, quod cum in Physica probatum à nobis fuerit materiam ab omni forma posse à Deo separari: hinc videtur, quod anima rationalis possit ex tali separabilitate subiecta fieri corruptioni, & mortalitati, quod est contra ipsius naturam. Quare advertendum, quod rectè possunt stare simul in eodem subiecto separabilitas partium componentium ipsum subiectum, & ipsius incorruptibilitas: ratio est, quia, vt tradidimus in *Phys. lib. 1. tract. 2. quæst. 10.* corruptio oritur ex qualitibus contrariis: vnde solum illa forma naturaliter est expulsi- bilis à subiecto, & corruptibilis, cum qua adest contrarietas: vt pa-

ter in formis Cælorum: separabili- tas verò, & inseparabilitas formæ à subiecto sumitur per ordinem ad agens vel naturale, vel supernatura- le, cum hoc tamen, quod si agens naturale poterit separare naturaliter materiam à forma, necessariò exiger in subiecto qualitates contrarias: si verò tantum id poterit fieri per agens supernaturale, non necessariò exi- guntur qualitates contrariæ in subie- cto, cum id possit fieri solum per po- tentiam obedientialem, in quo casu, ait Seraph. Doct. *lib. 1. dist. 42. art. 1. q. 3. & 4. & dist. 44. art. 1. quæst. 1. ad 3.* illa forma est inseparabilis ab- solutè, & simpliciter, & separabilis secundum quid, quod in quæstione de potentia obedientiali in *lib. 2. Phys. fusè traditum est.*

DICES: Vnde oritur, quod forma animæ sit absolutè inexpulsi- bilis à sua materia: videtur enim opposi- tum, cum appetitus materiæ semper ad aliam formam inhiet, nec per vnam possit exsaturari: & hinc ori- tur separabilitas, & corruptibilitas formæ.

212. RESPONDET Seraph. Doct. *lib. 1. dist. 1. quæst. ult. ad 1. & lib. 1. dist. 8. part. 1. art. 2. quæst. 1. ad 4. & lib. 2. dist. 3. part. 1. art. 1. quæst. 2. in corp. & ad 3. & quæst. 3. fund. 6. & lib. 2. dist. 12. art. 1. quæst. 3. ad 6. & art. 2. quæst. 1. & lib. 2. dist. 17. art. 1. quæst. 2.* quod licet nulla forma to- taliter expleat appetitum materiæ secundum totam suam amplitudi- nem aliquando tamen materiæ ap- plicatur forma tam perfecta, & cum tam perfectis dispositionibus, quod capacitatem tam bona coniunctione perficit, vt in tali forma quietatur, nec ad alias actu ob carentiam etiam dispositionum contrariarum inhiet:

Hinc Seraph. Doct. *lib. 2. distinct. 19. art. 1. quest. 1. in corp.* loquens de nobilitate animæ dicit, quod ipsius immortalitas, & incorruptibilitas non solum debet desumi à causa ipsius finali formali, & efficiente, sed etiam à materiali: nam ipsum, quo est anima, scilicet forma animæ, est tantæ dignitatis, ut ipsam anima reddat imagine Dei insignitam, ita ut ipsa materia, quæ huic formæ vnitur, tanto appetitu ei coniungitur, & ita in eius appetitu quietatur, & terminatur, quod nullatenus aliam formam appetere queat, cum optima colligantia iungantur, idest cum vnione, & dispositio nibus perfectissimis: & *lib. 1. dist. 44. quest. 1. ad 3.* notat, quod materia secundum se est in omnimoda possibilitate secundum potentiam obedientialem, non secundum naturalem; Deus enim secundum diuersitatem materiæ eius capacitate debitis dispositionibus limitauit, ipsisque proportionatas formas adiunxit: & hinc (*ex lib. 2. dist. 7. part. 2. art. 2. quest. 1. & 2. & dist. 12. art. 2. quest. 1.*) in sublunariis indidit in materia hac seminarium omnium formarum corporalium generabilium cum subiectione ad qualitates contrarias: In Cœlis ipsam affecit formis perfectioribus, & incorruptilibus cum quantitate, & qualitatibus perfectiuis proportionatis. In Angelis, & in animæ ipsam affecit forma inexpulsibili absque quantitate scilicet molis, sed cum qualitatibus nobilissimis, & carentibus contrario: Hinc sequitur, quod forma animæ licet per absolutam Dei potentiam sit à materia separabilis, est tamen absolute ipsa incorruptibilis, sicut & anima, quia nullum

agens naturale potest eas separare.

DICES: Si Deus eas separaret, tunc corrumperetur.

RESPONDETUR primò ex Seraph. Doct. in simili *lib. 2. dist. 3. part. 1. quest. 1. in fine* quod hic non querimus, quid Deus possit, sed quænam sit natura animæ.

RESPONDETUR secundò, quod in tali casu duplex, immò triplex miraculum concurreret: primum esset separatio: secundum conseruatio vtriusque, & præcipue formæ: tertium esset corruptio animæ: Sed miraculum non est, immò naturale; si forma illa sibi relicta seruetur perpetuò vnita suæ materiæ, ex quo elucescit ipsius formæ independentia à materia in essendo, & in informando; cum ipsius inseparabilitas à materia non eueniat à materia in esse, sed ob ipsius dignitatem: talis enim forma & necessariò est, & necessariò informat, ita ut à nulla causa secunda quoad vtrumque possit inturbari, licet postea anima ipsa possit perturbari quoad effectum, scilicet quoad informare corpus, licet non quoad esse, in quo forma animæ præminet ipsi animæ.

213. QVARTO Notandum ex Seraph. Doct. *lib. 2. dist. 17. art. 1. quest. 2. ad 6. & alio loci cit. in præcedenti Notabili*, quod cum ex materia, & forma constituatur compositum substantiale, id tamen multipliciter potest euenire, nempe aliquando absque eo, quod forma terminet appetitum materiæ, sed potiùs disponendo illam ad nouam formam, ut euenit ex forma corporeitatis; aliquando complendo totaliter, ut euenit in productione compositi completi, & viceuersa; aliquando materia terminat omnem possibilitatem



tem informationis formæ: aliquando nequaquam, sed potius disponendo ad ulteriorem materiam perficiendam: Hinc sequitur, ut notat Ferehjus *cir.* infrà, quod in doctrina Seraphica duplex materia, & forma debet admitti: duplex materia scilicet prima, & secunda: item & duplex forma prima, & secunda: Docet enim, ut suprâ pluries traditum est præcipue *ex lib. 2. dist. 18. art. 1. quest. 3.* ultra materiam primam dari in materia plures formas subordinatas scilicet corporeitatis, elementaris, &c. quæ ita actuunt materiam, quod etiam tale compositum disponant ad ulteriorem perfectiorem formam: in quo casu materia prima est illa, quæ primò subiacet formæ, materia secunda erit compositum perfectibile per ulteriorem formam: simili modo forma prima erit simplex non resolvable in aliam formam, vel materiam ex quibus: estque in entibus corporeis forma illa corporeitatis, quæ in principio mundi indita fuit in materia prima: forma secunda est forma ulterior perficiens compositum ex prima forma, & materia, & magis postea est forma rotius, quæ coalescit ex vnione talis compositi cum forma ulteriore: vti sunt forma elementaris respectu corporis, forma mixtionis, organizationis, & vitalis.

RATIO huius positionis Seraphicæ est *ex lib. 2. dist. 17. art. 1. quest. 2. ad 6.* & Richard. *lib. 2. dist. 16. art. 1. quest. 1. ad 4.* quia ex parte materiæ cum forma prima non terminet omnem appetitum materiæ in suo ordine, immò illam disponit ad ulteriorem formam, hinc tale compositum dicitur materia secunda perfectibile per ulteriorem formam,

in quo casu forma ipsa transit in rationem materiæ, cum tale compositum sit informabile, & perfectibile per aliam perfectiorem formam.

114. Ex parte verò formæ, quia materia primò informata non terminat omnem appetitum formæ in suo ordine: appetitus autem formæ, seu ipsius officium formale est esse terminum formalem actionis: item & esse informantem materiam, & esse constitutum specificè compositi totalis, & vltimò complementem: Sic S. Doct. *lib. 2. dist. 13. art. 2. quest. 2. ad 5.* Cum autem non sit terminatus totaliter appetitus formæ per talem materiam: idèò forma illa nata est informare duas materias, vnâ immediatè, ex quibus vnum compositum coalescit, & aliam materiam mediatè, nempè corpus, vel istud compositum, quod immediatè informatur ab anima sic composita: in quo casu in ista forma secunda materia ipsa transit in rationem formæ, non quod materia informet, vel sit ratio informandi, sed quia ex ipsa constat compositum, quod est forma secunda respectu materiæ vltioris: Hinc sequitur, ait Seraph. Doct. *loc. citat.* quod si forma vltimò terminat appetitum materiæ, constituit ens completum non ordinabile ad aliud, si non terminat, constituit compositum materiam ordinabilem ad aliam formam: & si materia vltimò terminat appetitum formæ, sic constituitur cōpositum completum, si non terminat, constituit compositum incompletum ordinabile ad constituendum per modum formæ aliud compositum: sic enim forma actuando materiam ipsam attrahit ad se, & constituendo compositum sibi proportionatum ordinatur ad ulteriorem

formam actuandam, in quo casu dicit Richard. *citat.* materia animæ benè proportionatur suæ formæ quantum ad constitutionem vnius per essentiam, sed non quantum ad terminandum totam possibilitatem animæ, quæ est in posse recipi in alio, & in constituere compositum : & hinc vltiùs simul cum sua materia est tota receptibilis in alio scilicet in corpore : vnde applicando hanc doctrinam ad animam, primò materia prima actuat à forma corporeitatis, quæ simul cum tali materia induit rationem materiæ secundæ actuabilis per formas elementares, quæ simul cum dicto composito corporeo sunt adhuc perfectibiles per formam organizationis, deinde per formam sensitivam, & vltimò per rationalem : sed quia in anima rationali adest materia cum forma, quæ forma, cum sit nobilissima, non sariatur in sua actuatione à materia illa, sed ipsa materia attrahitur à tali forma ad se, & tunc induit simul cum dicta forma rationem formæ secundæ in sensu suprà allato valentis actuare corpus organizatum : quæ doctrina est conformis iis, quæ Arist. tradit 12. *Metaph.* 1. 12. vbi ostendit, quod forma, & materia non fiat ex aliis, quia ex alia materia, & ex alia forma essent, sed limitat se loqui de extremis, id est de forma vltima, & materia vltima, quod & notauit S. Bonavent. *lib.* 2. *dist.* 13. *art.* 2. *q.* 2. *ad* 5. & *lib.* 2. *dist.* 17. *cit.*

**DICES :** Quare hoc compositum animæ non appellatur potius materia secunda, quàm forma secunda, cum constet vtrisque.

**RESPONDETUR,** quia vt ait Seraph. Doct. cum forma prima in anima totaliter satiet appetitum materiæ, & conuerso verò formæ actiuitas, &

appetitus non satiatur à materia, id est amplius tale compositum non est perfectibile, vti erant antecedentia composita, sed benè est perfectum, cum induat rationes talis nobilissimæ formæ continentis perfectionem non solum formalem, sed eminentialem perfectiuam & materiæ primæ, & secundæ : Hinc tale compositum dicitur iuremerito forma secunda, quod tamen non euenit in Angelo, cuius materiæ, & formæ appetitus mutuo totaliter expletur, obidque nec est vltiùs perfectibilis, nec perfectius alterius materiæ : Hanc doctrinam verè Seraphicam, & sublimissimam tradunt etiam Scotus *quest.* 15. *de an.* Gulielmus de Lamare in *Correctorio art.* 28. apud *Egidium* : Aliique cum Ferchio 1. 1. *de Ang.* *q.* 28. *num.* 3.

215. **SEXTO** Notandum, & Supponendum, quod à nobis fusiùs traditum est in *Physica lib.* 1. *tract.* 2. *q.* 2. & in *seq.* ex Seraph. Doct. *lib.* 2. *dist.* 3. *part.* 1. *art.* 1. *quest.* 2. & 3. & *dist.* 17. *q.* 2. aliisque locis *infra* *citat.* quod materia potest considerari sub triplici notione, seu statu : Primò secundum se, & prout abstrahit à quacunque forma : Secundò simul cum priuatione : Tertiò cum forma sibi vnita : In primo statu competunt ei semper, & vbique prædicata siue primi, siue secundi modi dicendæ se, verbi gratià, esse ens reale, physicum, substantiam, quid absolutum, puram potentiam fundatiuam omnis alterius causabilis, cum sit primum omnium principium originale, esse potentiam ad priuationem, & positionem formæ, siue esse indifferentem ad esse, vel non esse absque forma, esse ingenerabilem, & incorruptibilem, primum transmutabile,

tabile, primum passuum esse non fundabile in alio: & hæc, si sunt absoluta, competunt ei in primo modo, si respectiva, in secundo modo dicendi per se, scilicet vel ut quid essenziale, vel ut proprietates: In secundo statu competit ei priuatio prius natura, quam forma: ut notat Seraph. Doct. lib. 2. distinct. 12. art. 1. quæst. 1. ad 1. In tertio statu consideratur ut actuata à forma, quare prædicata secundi, & tertij status competunt materiæ non secundum se, sed contingenter, cum priuatio, & forma non sint essentielles materiæ: Et licet materia de se non includat formam, obidque videatur de se includere priuationem: atramen ut diximus ex Seraph. Doct. lib. 2. dist. 1. part. 1. dub. 3. & dist. 34. art. 2. quæst. 3. lib. 1. Phys. tract. 3. quæst. 4. Priuatio sumpta in materia, propterea materia abstractit à quacunque forma, & à priuatione, quæ est principium entis naturalis, importat indifferentiam positivam ad utrumque, sicque priuatio sumitur concretivè, idest concernendo materiam de se abstractam à forma, & hæc est proprietas ipsius materiæ positivæ: Utque id rectè intelligatur

216. SEPTIMÒ Notandum, quod cum materiæ præcipua proprietas sit potentia: Aduertendum, quod materia secundum se considerata in statu præcisionis est indifferens: ob id habet potentiam recipiendi formam vel corporis, vel spiritus à solo primo agente. Sed postquam à Deo indurata fuit forma corporea, de qua dictum est in lib. 1. Phys. de forma tract. 4. quæst. 3. cum qua concreta fuerunt in seminario materiæ corporeæ omnes formæ, quæ inferuire debebant generationi, & corruptioni

rerum, sic materia ista corporea est in potentia ad formas tales respectu agentis naturalis, quatenus scilicet sola virtute naturali possunt educi, & dicitur proxima potentia. Et quia talis materia de se præcisè habet intrinsecè indifferentiam, & potentiam ad quascunque formas, si verò ad istas non poterit peruenire agens naturale, tunc dicitur esse in potentia remotissima, quæ secundum S. Doct. lib. 1. dist. 42. art. 1. quæst. 4. dicitur potentia secundum quid, cum sit solum obediens: & hæc est ratio (ait Seraph. Doct. lib. 2. dist. 3. part. 1. art. 1. quæst. 2. ad 3.) quare materia, quæ iam fuit subiecta formæ corporeæ, nunquam eadem exiit, & illa, quæ subicitur formæ spirituali, nunquam eadem exponitur.

RATIO est, quia in tali materia adest quidem priuatio formæ, quæ forma non potest ibi collocari nisi per potentiam obediens, & absolutam Dei, sed talis priuatio est alligata tempore, modo, agente, aliisque consimilibus circumstantiis. Et ob id materia Animæ, Angelorum, & Cælorum per aduentum formæ nobilissimæ est eleuata supra esse priuationis talis, quæ nullo modo naturaliter potest esse terminus generationis, & hoc, ut dictum est, ratione formæ actuantis ob sui nobilitatem materiæ appetitum, & auferentis potentiam proximam, dispositionem, & potentiam, & dispositiones ad alias formas remanente sola obediens: ita quod à nullo efficiente secundo nullis transmutationibus quouis tempore, vel modo potest deici forma talis de possessione suæ materiæ: Sic Seraph. Doct. lib. 1. distinct. 1. quæst. vltim. ad 1. & lib. 2.

lib. 2. distinct. 3. artic. 1. part. 1. quest. 2. in corp. & ad 3. & quest. 3. fund. 6. aliisque locis infra citandis. His præmissis sit

217. PRIMA CONCLUSIO: Anima rationalis, sicut & Angeli componuntur ex materia, & forma vera, & reali: Est S. Bonavent. lib. 2. distinct. 17. artic. 1. quest. 2. & lib. 2. distinct. 3. part. 1. art. 1. quest. 1. & 2. & dist. 18. art. 2. quest. 3. in fund. 5. & dist. 19. q. 1. & lib. 1. dist. 8. part. 2. art. 1. quest. 2. & lib. 1. dist. 19. part. 2. art. 1. quest. 3. & lib. 4. dist. 50. part. 2. art. 1. q. 1. & Serm. 2. & 4. Hexaëmen. aliorumque supra cit.

PROBATVR primò variis authoritatibus, & primò ad aures Aristot. in lib. 1. de longis. & brevis. vita proponit hoc dubium, an si corruptibile poneretur, ubi non esset vlla contrarietas, an esset corruptibile: & respondet, quod esset incorruptibile de facto, licet secundum quid, & per se corruptibile ob potentialitatem materiæ ad esse, & non esse sub talibus contrariis: & lib. 1. de Cæl. textu 20. reducit incorruptibilitatem cælorum ad carentiam contrarietatis: ergo licet Aristot. non agnouerit aliam materiam præter sublunarem, dato, quod aliam agnouisset immunem à contrarietate, etiam eam agnouisset immunem à corruptibilitate.

ET D. Ambros. lib. 2. de Abr. cap. 8. asserit omnem creaturam (intellige substantiam completam) esse compositam ex materia, & forma, solamque Sanctissimam Trinitatem ab hac esse immunem: Idem & D. Aug. lib. 1. de Mirab. S. Script. (apud S. Bonavent. lib. 2. distinct. 3. part. 1. art. 1. quest. 1. & lib. 1. in Gen. contra Manich. cap. 11. & lib. 1. de Genes. ad lit. c. 5; & lib. 12.

Confes. cap. 20. idem fatetur: Idem S. Cyrill. Alexand. lib. 2. contr. Iul. & D. Boet. lib. de vni. & uno. Idem & Auicebron. qui fuit antiquissimus, & piissimus Theol. & insignis Philosoph. D. Boetius cit. habet hæc verba: Vnum enim aliud est simplicitate vnum vt Deus; aliud simplicium coniunctione vnum, vt Angelus, & anima, quorum vnumquodque est vnum coniunctione materiæ, & formæ: quæ verba cum sint clarissima, vt effugiant vim, D. Thomas dicit hunc non esse librū Boetij: Thomistæ dicunt se loquutum fuisse ad mentem Aliorum: sed hæc responsio est debilis nimis, aptaque diludere quamlibet authoritatem: Et quoad D. Aug. P. Benedictus à S. Iacob. Augustin. Discalceatus in suo cursu Philosophico ad mentem D. August. composito part. 3. cap. 12. docet D. August. patenter reieciisse hanc opinionem de compositione ex materia, assertque textum ex Gen. ad liter. lib. 7. cap. 7. Vnde infert S. Patrem oppositum docere, reiecitque omnem materiam tam spirituales, quàm corpoream ab anima: sed pace amicissimi, & doctissimi viri dico, quod mens S. Patris fuit reiecere opinionem asserentem animam fuisse factam ex traduce, scilicet ex materia præiacente: vt in cit. loco cap. 5. clare patet: & in hoc etiam valde dubius fuit, immò id asserit in lib. 1. cap. 1. de Mirab. S. Script. (apud S. Bonavent. lib. 2. distinct. 3. part. 1. art. 1. quest. 1. fund. 1.) attamen postea in cap. 6. patenter recognoscit materiam, ubi est aliqua mutabilitas, obidque & in anima: Vide Ferchium quest. 28. & quest. 27. mem. 9. & deinceps: Sed omittis authoritatibus.

218. PROBATVR primò ratione & prior

priori à Seraph. Doct. lib. 2. *distinct.* 3. cit. Quæcunque substantia composita est ex duabus naturis, communi, per quam conuenit, & propria, per quam disconuenit ab alia substantia, illa est composita ex materia, & forma: sed Anima rationalis (sicut & Angelus) est huiusmodi respectu corporis: ergo.

PROBATVR Maior: Impossibile est plures naturas concurrere ad constitutionem tertij, nisi sit vna potentialis vt materia, reliqua actualis vt forma: ex duobus enim entibus in actu non fit per se vnum essentialis: ergo.

PROBATVR Minor primi argumenti: Omne per se definitum in aliquo prædicamento habet naturam generis communem aliis speciebus, & naturam differentiam, per quam differt ab aliis speciebus, & constituitur in specie peculiari ab aliis distincta: Sed Angelus, & Anima rationalis per se definitur in genere substantiarum: ergo habet naturam generis, per quam conuenit in substantia cum corpore, & naturam differentiam, per quam differt à corpore: ergo: sed duplex natura vna potentialis, altera actualis est materia, & forma: ergo.

RESPONDENT sufficere diuersos conceptus intentionales generis, & differentiarum: obidque & compositionem ex actu, & potentia, vt patet in cæteris formis tum substantialibus, & multò magis in accidentalibus, quæ definiuntur, & tamen non habent materiam, & formam.

CONTRA, inquit S. Bonauent. Alia est ratio de accidentibus, quæ habent ortum à substantia, eiusque principiis, & cum in recta linea ponantur per se vt formæ simplices, & R. P. Bart. de Castreuetro Phil. P. III,

in abstracto, idè species non sunt compositæ ex diuersis naturis, de hac re vide, quæ diximus in Logica à n. 289. & deinceps. Vnde si reponeretur totum nempe ipsa forma cū suis principiis, esset vnum per acciden: at substantia non ponitur in prædicamento, siue vt generalissimum, siue subalternum, siue vt specialissimum nisi in concreto, obidque ex principiis realibus eiusdem generis: ergo quod ponitur directè in genere substantiarum, vel causatur à duabus naturis potentiali, & actuali eiusdem generis, vel ex diuersis naturis in prioris generis subiecto repertis: hoc secundum non est in Angelo, nec in Anima: ergo primum: secundum enim spectat ad puras formas, & maximè accidentales: igitur si Angelus, & Anima sunt ex genere, & differentia, tales realitates debent fundari in re, & in eius principiis, quæ sunt materia, & forma: ergo componuntur & ipsa ex materia, & forma: alioquin tales realitates essent figmenta.

CONFIRMATVR: Quod est directè in genere reali, habet principia realia illius generis: substantia est vnum genus reale, cuius principia sunt materia, & forma ex 2. de an. l. 2. & 12. *Metaphys.* l. 22. & alibi sæpè. Et hinc Boëtius, & Simplicius, Aliique dicunt Arist. in prædicamento substantiarum non tractare de materia, & forma, sed de composito: ergo quod ponitur directè in prædicamento substantiarum, est ex materia, & forma, ergo ex destructione consequentis: quod non est ex materia, & forma, non est in prædicamento.

RESPONDENT Thomistæ concedendo totum in substantiis corporeis: negando in spiritalibus: sed in his

D d sufficit,

sufficit, vt eadem substantia simplicissima concipiatur vt quid indeterminatum sub ratione generis, & potentialis, & vt quid determinatum per modum actualis, & differentię.

CONTRA: Nullis duobus contradictoriis veris, & realibus potest esse communis vna ratio per se vna realis: sed materia, & negatio materię sunt contradictoria vera, & realia: ergo non potest esse ratio per se vna ipsis communis: sed materia à qua per se vna prædicamenti substantię est in corpore, & in Angelo est negatio materię, ergo nec est per se vnum prædicamentum commune corpori, & Angelo, animęque: ergo debent assignari duo genera generalissima substantię, vnum commune corporibus, aliud spiritibus: consequens est falsum, ergo & antecedens.

CONFIRMATUR: Quidditas fundata in re, & non fundata in re, sed in solo conceptu, & ratione non sunt vna per se quidditas: at substantia pro generalissimo in corpore est quidditas fundata in re, quę est materia in Angelo, & Anima, non est fundata in re, in qua nihil est indeterminatum, cum sit pura forma, & actus, esseque tantum genus secundum rationem: ergo quidditas substantię in corpore, & in anima non erit per se vna, quod est falsum.

CONFIRMATUR iterum: Genus substantię in corporibus sumitur à materia, in spiritibus ab actuali secundum se determinato, non verò potentiali formaliter: at materialitas, & immaterialitas, indeterminatum formaliter, & determinatum formaliter vt talia in nullo re conueniunt: ergo nec habent vnam per se rationem communem: sed hoc est

contra Arist. 12. *Metaph.* c. 17. & contra principia Philosophię docentis in omni genere oportere habere vnum per se principium illius generis, & secundum Aduersarios corporalia resoluuntur in materiam primam vt in principium per se ipsorum, & immaterialia in nullum per se principium: ergo. Tum quia sequeretur, quod in spiritibus intellectus considerans eos indeterminatè, & determinatè haberet considerationem includentem contradictoria: considerans enim obiectum sub modo repugnante naturę realis obiecti, considerat obiectum, & modum ipsi repugnantem, sed intellectus considerans spiritum, & corpus sub modo indeterminato attribuit modum repugnantem spiritui, facitque conuenientiam duorum contradictoriis disconuenientium, scilicet corporis habentis verè indeterminationem, & spiritus ipsam non habentem, nec valentem habere, & tamen ipsi attributam ab intellectu: ergo intellectus ita intelligēs includit contradictoria in obiecto. Tum quia sic spiritus essent in prædicamento non reali metaphysico, sed tantum secundum nostram considerationem: eo enim modo sunt in prædicamento, quo habent genus, & differentiam: sicque etiam Deus posset poni in prædicamento: Vide, quę dicta sunt in *Cap. de Different. quest. 2.*

RESPONDENT habere actum, & potentiam: Sed

CONTRA: Quia in genere substantię actus, & potentia desumuntur à materia, & forma ex Arist. 11. *Metaph.* cap. 1. & 12. *text.* 1. Tum etiam quia sunt entia vera, & realia, & per se existentia: ergo habent, in quo conueniunt cum corpore, & in quo dis-

conus

conueniunt : sed materia in genere physico se habet vt genus , forma vt differentia : ergo : Explicatur hæc ratio ; inter materiam , & genus adest hæc proportio : genus est quid de se indistinctum , sic & materia , illud per differentias , ista per formas distinguitur , illud de se nullam differentiam habet , sed ad omnes est indifferens , sic & materia ad formas : hinc materia de se non est corporea , nec spiritalis , sed per formam contrahitur vel ad corpus , vel ad spiritum , & hinc etiam in vtroque statu consequuntur necessariò materiæ proprietates , vt infra dicetur.

219. PROBATVR secundò à Seraph. Doct. In quacunque substantia finita sunt proprietates materiæ , ipsa substantia vel est materia , vel habet materiam : sed Anima , & Angelus est huiusmodi : ergo : Maior est certa : proprium enim est , quod conuersim prædicatur de subiecto , inestque omni soli , & semper. Tum quia omnis per se proprietates requirit subiectum primum vniuersale\* ( in quo ) & primum radicale , seu virtuale , propter quod inest subiecto primo vniuersali , verbi gratiâ , disciplinæ capax habet pro subiecto hominem pro primo radicali animam rationalem in re ; alioquin duplex subiectum primum , ex quo emanant istæ proprietates , quibus subiectis essent communes , quod est impossibile. Probatvr minor. Proprietates materiæ præcipuè sunt suprâ enumeratæ , nempe esse primum mutabile , primum receptiuum , primum passiuum , primum fundamentum , & primum potentiale : sed istæ insunt in Anima , & in Angelo : ergo : Probatvr Minor : & primò de mutatione : transmutabilitas est passio scibi-

lis in Physica : ergo habet subiectum primum , de quo est demonstrabilis , sed id aliud non est nisi materia prima : Sic enim D. August. 7. in Gen. cit. arguit ex mutabilitate materiam : alioquin aliud subiectum primum transmutabilitatis autem materiam esset assignandum , cuius ratione inest aliis per se , sed non primò , sed in Angelo , & Anima rationali adest hæc transmutatio , verbi gratiâ , à statu peccati ad gratiam , ad locum , & ad varias qualitates , ad actus , ad habitus , ad passiones : D. autem Thomæ communi , & Aristot. Met. 12. 1. 6. infert in Cælo materiam ex his mutationibus : ergo & in Angelo , & Anima. Et hinc Aristot. qui recognouit substantias immutabiles , reiecit ab ipsis materiam.

220. PROBATVR iterum ex hoc , quod materia est primum receptiuum irreceptibile : ergo in quocunque adest receptio formarum , adest hoc primum receptiuum , ratione cuius subiectum potest eas recipere : Sed in Angelo , & in Anima adest talis receptio , ergo : & hinc à Deo excluditur talis receptio , quia est purus actus : & ob id etiam D. Boët. à Seraph. Doct. cit. dixit puram formam non esse per se subiectum formarum : subsumo , sed materia est primum receptiuum , ad quod tanquam ad primum subiectum reducitur omnis potentialitas passiuæ : ergo & in Anima , & in Angelo adest materia prima.

PROBATVR tertio à Seraph. Doct. lib. 2. distinct. 17. cit. Materia est primum passiuum. Tum quia in Angelo , & Anima est vera passio , & est de fide : nam boni patiuntur bene , & mali malè , idest secundum affectionem iustæ , & commodi , vel mali.

RESPONDENT D.Thom. & Ægid. esse in ipsis passionem absque abiectione : at materia est principium passuum cum abiectione , & corruptione.

CONTRA : In Cælo adest passio non abiectione : Cælum enim patitur ab actiuo motiuo ratione materiæ , & in corporibus damnatorum itidem adest absque abiectione. Tum quia si ex negatione passionis abiectione infertur negatio materiæ : ergo in Cælo non erit materia, quod est falsum. Tum quia passio vera, quæcunque illa sit, semper est cum aliqua abiectione, scilicet boni esse, & quæteris, vt docet Seraph. Doct. lib. 4. dist. 44. part. 2. artic. 3. quæst. 1. ad 2. Tum quia omnis passio realis requirit potentiam passiuam realem in eo, quod patitur, siue sit abiectione, siue non. Tum quia in Anima, & Angelo adest potentia passiuæ intellectiua. Tum quia, quæ sunt eiusdem rationis, exigunt principium eiusdem rationis : sed passio perfectiua est in corporibus cælestibus, & sublunaribus : nam cæli verè mouentur, receptiuum sunt qualitatum, verbi gratiâ, lucis, illuminationum, &c. sublunaria recipiunt qualitates perfectiuas species sensibiles, sed in istis adest hæc passiuas ratione materiæ : ergo & in quocunque alio subiecto, cum ab eodem principio sint eadem proprietates : alioquin daretur aliqua passio, vel qualitas terminans passionem, quæ esset extra prædicamentum, quod est falsum, cum ex Arist. omnia reducuntur ad materiam primam, ipsa autem ad nihil aliud.

CONFIRMATVR à Seraph. Doct. lib. 2. dist. 17. citat. & lib. 4. dist. 50. part. 2. art. 1. q. 1. Quicquid idem substantialiter agit, & patitur secundum

eandem formam terminantem, habet in se aliud, quo agit, & aliud, per quod patitur : sed Anima, & Angelus sunt huiusmodi ; ergo. Minor est certa : Anima enim eadem numero, & vna agit in seipsam, & seipsa patitur secundum eandem formam terminantem, verbi gratiâ, ad quale, ad vbi, ad intellectionem, volitionem, quæ producit, & recipit in se. Tum quia Angelus potentior mouet imbecilliozem coactum, vt Tobia 8. *Raphaël demonium ex Media in Ægyptum deuexit* : potentior agit : sed quo, nisi forma ? Debilior patitur : sed quo, nisi materia ? Maior est Aristot. 9. *Metaphys. cap. 1. & 3. Metaphys. 1. 17.* qui distinguit potentiam per actiuum, & passiuum, passiuæ est principium transmutandi passiuè ab alio : actiuæ est principium transmutandi aliud : sunt enim, ait Seraph. Doct. lib. 4. dist. 50. part. 2. quæst. 1. duæ differentia ex æquo diuidentes potentiam in communi, quæ eidem secundum idem non possunt competere ex lib. 2. dist. 3. p. 1. q. 1. fund. 2. nec enim in genere substantiæ sunt duæ potentia recales passiuæ : omnis enim pluralitas reducenda est ad vnitatem saltem in passio, quod non est ratio distinguendi : Sic ex Arist. 1. *Phys. 1. 56.* ad patiendum sufficiens est vnum : ergo non possunt conuenire in vno contento sub communi simul, & semel : ergo impossibile est, quod vnum, & idem secundum idem sit principium actiuum, & passiuum. Tum quia idem secundum idem non potest simul esse in actu, & in potentia, sed vnumquodque agit, secundum quod est in actu, & patitur, secundum quod est in potentia : ergo secundum diuersa principia : nam si est



est in potentia : ergo non habet actum, ad quem est in potentia : Si habet actum, iam non est in potentia : sicque si non adsunt diuersa principia, erit, & non erit in potentia : Subsumo : Sed materia est primum passiuum, forma est primum actiuum ex Arist. 1. de Gen. s. 55. & 2. s. 53. ergo.

221. PROBATUR quartò à Seraph. Doct. lib. 2. distinct. 17. quæst. 2. in corp. Materia est primum fulcimentum, & fundamentum, quo res est per se, & existens, & non est in subiecto, sed Anima, & Angelus sunt huiusmodi : ergo habent materiam.

PROBATUR Maior (nam Minor est certa) Proprietas substantiæ prædicamentalis est, vt in alio non sit, sed aliis substat : ergo exigit vnum primum subiectum, à quo emanet, sed id non est forma, cum fundetur in alio, & in materia, ergo erit materia : hincque Arist. reduxit omnia prædicamenta ad materiam primam : accidentia enim resoluuntur ad substantiam tanquam ad subiectum inhaesionis, & formæ ad materiam primam tanquam ad primum subiectum, & principium.

CONFIRMATUR : Quia anima est hoc aliquid, & verè individuum substantiæ : ergo habet formam, secundum quam est hoc aliquid vt actum, & materiam, quæ secundum se non est hoc aliquid, sed est potentia subiectiua actui danti esse hoc aliquid : Sic & Arist. 12. Met. s. 16. & 27. docet omnium principia prima esse actum, & potentiam, nempe materiam, & formam : Vnde sic arguitur ex Arist. Omnis substantia, quæ est hoc aliquid, habet formam, secundum quam est hoc aliquid vt actum ; habet & materiam, quæ secundum se

præcisè non est hoc aliquid, sed est potentia subiectiua actui tali danti esse hoc aliquid, scilicet formæ : ergo & anima, quæ est hoc aliquid. Tum quia anima rationalis & dat vitam corpori, & ipsa viuunt : vel igitur est sua vita, vel non : non primum : Solus enim Deus viuunt per essentiam, creatura non, sed per participationem, vt dicunt D. August. & Boet. apud Seraph. Doct. loc. cit. ergo secundum : Si ergo non est sua vita, oportet ponere in anima secundum se, quod det vitam, & aliquid, quod recipiat : ergo habet principium actiuum, & passiuum.

CONFIRMATUR ex dictis in argumento primo principali supra posito primo loco, scilicet ex eo quod Anima, & Angelus sunt species sub genere spiritus, reponuntur in Prædicamento substantiæ non solum Logico, sed etiam Metaphysico : ergo in ipsis debet esse aliquid originale, per quod conueniunt in ratione substantiæ cum cæteris omnibus, & simul in ratione spiritus : & aliquid, per quod differant à substantia corporea : non enim istæ duæ rationes oppositæ generis, & differentiæ Metaphysicæ possent desumi ab eadem entitate, & principio : ergo à principio passiuo genus, & à forma differentia, vt dictum est in Notab. 2. & fusè probatum est in Log. ad cap. de differentia.

CONFIRMATUR : quæcunque differunt specie, differunt sub genere ex Arist. 5. Met. s. 12. & ista differunt etiam numero, sed non differunt per aliquid accidentale, ergo per aliquid substantiale, & intrinsicum constitutiuum, & distinctiuum, sed differentia specifica est à forma : numerica est à materia, vt probatum

De 3 est

est in cap. de Substantia: ergo si Anima distinguuntur ab Angelo specie, & inter se numero, etiam habent materiam contactam à forma hîc, & nunc.

222. PROBATVR quintò à Scoto: Ingenerabiliras, & incorruptibilitas sunt proprietates materiæ ex traditis in lib. 1. *Phys.* sed anima plus cæteris participat de istis: ergo: sed quia Aduersarij nituntur euadere omnes difficultates per illud suum vnicum refugium compositionis ex actu, & potentia.

PROBATVR sexto: Actus, & potentia sunt proprietates materiæ, & formæ, scilicet potentia materiæ, actus formæ: ergo & in anima.

PROBATVR antecedens: Vbi est vetum contrahibile potentiale, ibi est subiectum, à quo talis potentialitas emanat, sed primum subiectum potentialitatis est materia ptima: ergo.

PROBATVR vltimò: Nulla adest repugnantia talis compositionis, quod & admittunt Plurimi ex Aduersariis, obidque & de possibili: ergo dum adsunt rationes conuincentes, & inducentes, ipsam debet admitti: sed adsunt, vt suprà pluribus locis probatum est: ergo.

PROBATVR Maior: Omnis repugnantia ad hæc tria capita reduci potest, scilicet vel ad spiritualitatem animæ vel ex parte causarum, vel ex parte effectuum: non hoc vltimum, vt probatum est ex proprietatibus materiæ: secundò nec ratione spiritualitatis: hæc enim nullam habet contrarietatem ad materiam: est enim ens indeterminatum nec quid, nec quale, nec quantum, sed indifferens ad omnia prædicamenta: & in homine eodem adest spiritualitas con-

iuncta cum corporeitate: tertid nec ratione causarum siue efficientis, & finalis, qui est Deus, vt per se patet, nec ratione formæ: forma enim spiritualis potest informare corpus: ergo multò magis materiam puram. Tum quia materia de se est ingenerabilis, & incorruptibilis, vt suprà dictum est, ergo habet maiorem conuenientiam cum tali forma, quàm ipsa anima cum corpore: ergo constat ex materia, & forma.

223. SECUNDA CONCLUSIO: Materiam Animæ rationalis, & Angelicam est eiusdem rationis cum materia sublunarium, & omnium materialium. Est Seraph. Doct. lib. 2. dist. 3. part. 1. art. 1. quest. 2. Patet hæc Conclusio ex traditis in *Phys.* tract. de materia quest. 1. & tract. de Celo quest. 1.

PROBATVR à Seraph. Doct. præcipue ex hoc, quod proprietates materiæ sunt communes Animæ, Angelo, & Corporibus: ergo insunt eis secundum aliquid commune vniuocum receptum in ipsis. Tum quia materia secundum se nec est quanta, nec qualis, nec corporea, nec spiritalis: ergo est indifferens de se, nec in se habet vllam differentiam.

224. TERTIA CONCLUSIO: Anima vegetatiua, & sensitiua non componitur ex materia, & forma, sed est forma simplex: Est S. Bonau. lib. 2. dist. 17. art. 1. q. 2. & lib. 2. dist. 15. art. 1. quest. 1. & lib. 4. dist. 50. part. 2. art. 1. quest. 1. in corp. contra Aliquos, quos supresso nomine citat in corp. & est etiam communis Aliorum.

NOTANDVM autem est hîc, quod docet Seraph. Doct. lib. 4. dist. 50. part. 2. quest. 1. vbi dicit, quod sicut in omni potentia, vel natura est ali-

quid,

quid, quo est fieri, & aliquid, quo est facere, sic est & in omni cognitione: est enim hæc prima diuifio potentia per actiuum, & paffiuum: obidque & hæc duo necesse est differre, verumtamen secundum gradus minoris, & maioris spiritualitatis habent maiorem, & minorem differentiam: intellectiua namque eo, quia est spiritualior, & abstractior, habet utramque potentiam, quæ respicit substantiam spiritualem, ita quod actiua est ratione formæ, & paffiua ratione materiæ: In potentia sensitiua, quæ est minus spiritualis, actiua potentia est ex parte animæ, & paffiua ratione organi, & quia sensus non est sine passione, ided sensus est operatio coniuncti: qua doctrina supposita, ex qua habetur fundamentum carentiæ talis compositionis in anima sensitiua.

PROBATVR. Tum quia istæ animæ non sunt hoc aliquid, scilicet indiuiduum per se existens: ergo non habent materiam tribuentem esse fixum ipsius. Tum quia sunt formæ simplices, & perpetuè coniunctæ materiæ, & in operari dependentes à corpore: ergo non habent materiam puram sui. Tum quia sunt generabiles, & corruptibiles per naturam: ergo seminaliter sunt in materia: ergo educuntur de potentia materiæ: dixit enim Deus *Gen. cap. 1. Producat terra animam viucentem*, quare si haberent materiam, materia educeretur ex materia.

OBICIES primò contra primam Conclusionem ex D. Thom. & Scotto: Omne recipiens debet esse denudatum à natura recepti: sic Arist. quam propositionem etiam habet S. Bonau. *lib. 3. dist. 14. art. 3. quæst. 2. in fund. vltim.* alioquin idem recipiet se-

ipsum, essetque simul mouens, & motum secundum idem: sed anima recipit formas existentes in materia sine materia, scilicet species abstractas à materia: ergo & ipsa est denudata à materia: intelligere enim est actus omnino immaterialis: ergo anima debet esse immunis à materia, vt sit denudata à materia rei intellectæ, & cognitæ.

225. RESPONDETUR ex S. Doct. *lib. 2. dist. 17. quæst. 2. ad 4.* requiri immaterialitatem specierum in intellectione, non ex eo quod anima sit immunis à materia, sed quia res sensibiles secundum suum esse physicum non possunt vniri potentia, sicut est necessaria talis vnio ad intellectiorem, ided vniuntur secundum esse intentionale: immò ex hoc necessariò inferitur (ait Seraph. Doct. *lib. 4. dist. 50. part. 2. quæst. 1.*) compositio ex materia in anima, vt habeat in se principium paffiuum receptiuum talium actuum. Vnde ex eodem S.D. *lib. 2. dist. 17. citat.* distinguenda est Maior: Omne receptiuum debet esse denudatum à materia recepti, concedo, à propria, nego: & per hoc satisfit pluribus consimilibus obiectionibus: Quia ex Seraph. Doct. *cit.* non valet inferri ex immaterialitate obiecti recepti immaterialitatem potentia, vel è contra: sic enim proceditur cum fallacia non causæ vt causæ: cum enim ob immaterialitatem animæ cognoscentis anima recipiat formas sine materia, sed ob rationem suprà adductam, nempe vt vniatur potentia cum obiecto, & vt ponatur in actu primo: alioquin (ait Seraph. Doct.) etiam in sensibus valeret inferri immunitas à materia, cum in ipsis recipiantur species immunes à materia obiecti. Tum etiam quia cum recipiat

piat formam non materiam obiecti, deberet esse denudata à forma.

DICES : intellectum cognoscere vniuersalia, sensum singularia, & ob id anima intellectiua plus abstrahit à materia, quàm sensus, & ideo non est par ratio : Sed

CONTRA : Quia hæc differentia non est ex parte speciei receptæ : nulla enim particula materiæ obiecti recipitur in sensu, sed omnes species sunt abstractæ à materia obiecti : totum autem discrimen est ex parte potentiarum cognoscentium, quia sensus est secundum actum singularium tantum, quia sunt secundum materiam extensam : intellectus verò recipit speciem depuratam immediate representantem obiectum in vniuersali, ex hoc quod est inorganicus, & ob id est ex consequenti etiam singularium : de quo Seraph. Doct. lib. 1. dist. 39. art. 1. q. 2. ad 2. quod verò pro statu isto non immediate percipiat singularia, venit ex impedimentis corporis, & quia prius debent recipi per sensus : sed alias agemus de hoc.

INSTAS ex D. Thom. Quicquid recipitur, per modum recipientis recipitur, sed recipitur forma sine materia in intellectu : ergo & ipse est sine materia.

226. RESPONDET S. Bonavent. lib. 1. dist. 37. part. 1. art. 3. quæst. 1. ad 1. & lib. 2. dist. 2. part. 2. art. 2. quæst. 3. ad 4. quod verum est, quando receptum dependet à recipiente : tunc enim induit modum recipientis : sic species recipitur in intellectu, & ab eo dependet, induit modum intentionalem, & spirituales : quando verò non dependet, ut forma recipitur in corpore, tunc non induit modum recipientis. Tum etiam quia si intelligatur de omnimoda similitudine,

est falsa propositio : nam accidens recipitur in substantia non per modum substantiæ, sed sufficit proportio, nempe passiuitas in recipiente, & actus in recepto, & ideo exigunt conditiones oppositas, immò ex hoc inferitur in anima esse rationem passiuam, scilicet materiam receptiuam.

OBIECTES secundò : Aliæ formæ non sunt compositæ ex materia, & forma : ergo multò minùs rationalis : Antecedens est communis omnium cum Seraph. Doct. Probatum consequentia à S. Thoma : quod forma est nobilior, eò est simplicior perfectior, & magis propinqua enti simplicissimo, quod est maximè vnum, sed anima rationalis inter formas est humilissimi : ergo.

227. RESPONDET S. Bonavent. lib. 2. dist. 17. quæst. 2. ad 5. concedendo antecedens, negando consequentiam, & pariter : Ad probationem responderetur, si comparatio est inter ea, quæ sunt eiusdem ordinis, ut formæ simplicis cum forma simplici, & compositi cum composito, vera est maior, falsa Minor, cum anima rationalis sit non solum forma, sed per se existens etiam, ob id & composita : Vnde si comparatio fiat variato ordine scilicet formæ simplicis cum composito, idest cum forma, quæ est simul hoc aliquid, & per se existens, nego Maiorem, & Consequentiam : Ut autem intelligatur hæc responsio S. Doct. notat ipse, quod est multiplex genus simplicitatis, item & compositionis, & partium : sunt enim partes substantiales partes quantitativæ, & compositio ex vtrisque, sicque simplex dicitur vel per carentiam partium constitutiuarum, vel partium quantitativarum : simplicitas per carentiam partium quantitativa

titatiatum dicit perfectionem simpliciter, quia, ut aliàs dixit *lib. 1. dist. 17. part. 2. art. 1. quæst. 2. ad 3.* in tali simplici accessus ad summum est per additionem quantitatis virtutis, & ob id per accessum ad maiorem simplicitatem, & perfectionem: Et hac ratione anima rationalis est cæteris perfectior: nam aliæ formæ per accidens possunt habere extensionem vel secundum id, quod sunt, ut sunt formæ corporeæ: vel secundum id, quod operantur, ut sunt forma sensitiva, & vegetativa: loquendo verò de simplicitate per carentiam partium constituentium, & complementum, sic est falsa maior: talis enim compositio facit rem esse per se, & ad rei complementum, & perfectionem: Sic & *lib. 2. distinct. 15. art. 1. quæst. 2. ad 3. & lib. 4. dist. 50. part. 2. quæst. 1. in corp.* ubi docet animam rationalem eo, quod est spiritalior, & abstractior, habet utramque potentiam, quæ respicit substantiam spiritualement, scilicet actiuam ratione formæ, & passiuam ratione materiæ, anima sensitiva eo, quod est minus spiritalis, & simplex, habet actiuam ratione sui, & passiuam ratione organi distincti, cui subordinatur in operando, & ided sentire est totus coniuncti.

Dices: Ergo anima rationalis minus appropinquat summè simplici, quàm cæteræ formæ, cùm ipsa sit composita, non cæteræ.

RESPONDETUR negando consequentiam ex *Scrapp. Doct. lib. 2. distinct. 17. cit. & lib. 1. dist. 8. part. 2. art. 1. quæst. 2. ad 1. & lib. 2. dist. 1. part. 2. art. 1. quæst. 2. ad 2.* Ratio est ex *Ferchio citat.* quia quando ad vnum primum plura reducuntur secundum eandem rationem, quæ ma-

R.P.Bart. de Castrovetto Phil. P.III.

gis appropinquant secundum illam eandem, magis participant illam rationem: at quando vnum appropinquat secundum vnam rationem, non est necessarium, ut appropinquet secundum alteram, verbi gratiâ, Cælum, & homo secundum rationem durationis reducuntur ad æternitatem, sed Cælum magis participat eam, & appropinquit: homo verò magis in ratione vitæ, sapientiæ, libertatis, &c. quàm cælum: Ad rem, si accipiamus rationem simplicitatis quantitativæ, magis ad simplicitatem Dei appropinquat anima rationalis, quàm cæteræ formæ: non verò si accipiamus simplicitatem substantialem: sic enim homo minus accedit ad Deum, quàm mixtum simile, quàm elementum, quàm materia prima, & tamen secundum alias rationes magis Deo appropinquat, nempe non in hac ratione simplicitatis, sed in ratione actualitatis, vitæ, intellectualitatis, libertatis, &c. & maxime secundum unitatem sui summi: Quare conceditur formas simplices esse magis simplices quoad constitutionem completiuam substantialem: non verò quoad quantitativam, & quoad entitatem, quæ importat dependentiam maiorem.

228. OBJECIES tertio: Si in anima est materia: ergo non potest esse in subiecto, illudque informare.

PROBATUR consequentia: Vbi est idem principium per se primum, & tale, ibi est idem principiatum: sed materia est primum subiectum, id est per se primum principium repugnantia ad informare, & subimet, & aliis: ergo si hæc est in anima, in ipsa etiam erit repugnantia ad esse in alio, & ad informare.

RESPONDETUR cum *Ferchio* negando

Ee

gando sequelâ antecedentis. Ad probationem distinguo Maiorem: Vbi est idem principium per se, est idem principium, quando adest secundum eandem rationem, concedo: quando est sub diuersa ratione, nego: Ad Minorem eiusdem probationis distinguo: Materia est primum subiectum repugnantiae ad informare, & sibi, & aliis, si consideratur secundum se, & præcisè, concedo: si consideratur, prout est vnita formæ, adhuc & distinguo, si totaliter appetitum formæ quoad informare terminat, concedo: si non totaliter terminat talè appetitum, nego, vt est in casu nostro: nam in primo casu terminationis appetitus formæ exercet totaliter munus principij: in secundo casu non totaliter exercet, cum non adsit ratio completi totalis, & terminati: sed adhuc ad aliud informabile remanet ordinabilitas: exemplum habemus etiam in formis: nam formæ per se competit primò ratio informandi, sed tamen quando non totaliter complet talem rationem, tunc remanet in tali constituto adhuc noua ordinabilitas ad completi per aliam formam perfectiorem: sic & materia, dum non complet appetitum formæ, qui consistit in actuare materiam, adhuc remanet in tali composito ratio informatiua vltior, vnde aliud est posse per se esse, & non in alio per informationem: aliud non posse esse in alio quocunque modo, sed necessariò per se esse: Primum competit materiæ, & cuiusque enti ratione materiæ: idcirco anima ex hoc, quod est composita ex materia, & forma, per se est: Secundum verò competit etiam aliis: vt chymæræ, nempe negatio potentiae essendi in alio: vnde hæc nega-

tio licet competat materiæ per se, & præcisè, non tamen aliis, nisi addatur ratio completi, vel terminati, vt dictum est, si namque constitutum ex materia est per se ordinabile ad aliud, adhuc potest esse per se pars, cum non sit per se totum completum: Hanc doctrinam S. Bonauent. *loc. cit.* innuit, & clariùs *lib. 2. dist. 13. art. 2. quest. 2. ad 5.* vbi docet posse dari in eodem composito duas formas, quarum nobilior non habeat suum vltimatum esse, nec tamen completur per aliam, sed per istam compleatur ipsum compositum illa remanente in tali esse: sic & forma animæ constitutiua animæ est nobilissima, nec habet totaliter suum appetitum terminatum ab informatione receptiua materiæ, obidque & ipsa anima constituta in esse adhuc potest completi in sua informatione per sui exhibitionem ad corpus.

219. OBJECIES quartò: Quia sequeretur animam esse corruptibilem, &c. Probat: Materia est principium transmutationis, ex hoc quod ipsi inest appetitus interminatus ad omnes formas: ergo si in anima, &c. Confirmatur; quia posset separari materia à tali forma: ergo tunc, &c. Tum quia cum materia habeat partes integrantes, sequitur posse diuidi in partes eiusdem rationis.

RESPONDETUR negando sequelam Maioris: Ad probationem responderetur ex suprà traditis materiam esse principium transmutationis corruptiue secundum se remotissimum, concedo: proximum, nego: ad hoc enim requiruntur dispositiones, & qualitates proximæ, & contrariæ. Et ad id de appetitu iam responsum est: quando adest appetitus satiatius

satiatus per formam nobilissimam cum proportionatis dispositionibus, negatur appetitum tunc exercere suum actum : ut est in Anima rationali, in Angelo, & in Cœlis. Et ad illud de diuisibilitate

RESPONDETUR concedendo totum quoad potentiam obedientialem : negando secundum potentiam creatam, & realem : Ad aliud de diuisibilitate materiæ in partes integrantes

RESPONDETUR ex Aristot. 1. de an. Cont. 90. & 91. apud Ferchium cir. num. 30. ad finem quæst. 28. materiam, quantum est de se, habere partes diuisibiles, & vnibiles, sed unitatem formæ continere partes materiæ unitas, & partes materiæ contineri unitas, & secundum unitatem formæ robustiorem, vel debiliorem partes materiæ, vel diu, vel breui seruari unitas, vel etiam semper : sed quia forma animæ continens partes materiæ est inexpulsiibilis, & inseparabilis, idcò ipsis etiam participat impartibilitatem iuxta doctrinam S. Doct. lib. 1. dist. 1. quæst. ult. ad 1.

INSTAS : Adest in materia animæ priuatio formarum omnium : ergo appetitus ad illas est in actu : Probatur Consequentia : Nulla priuatio aufertur per illud, quo necessario priuatio inducitur, vel retinetur in materia, verbi gratiâ, materia habet formam equi : corrumpitur equus, & ponitur in tali materia forma Leonis, tunc ad positionem alterius formæ introducitur priuatio formæ equi, & omnium aliarum : sic in illa materia animæ ponitur sua forma : ergo & priuatio simul omnium aliarum : ergo appetitus actu exercet suum officium, quod est inhiare ad alias.

230. RESPONDETUR distinguendo antecedens : In anima adest priuatio absolute, & remote, concedo : adest priuatio proximè, & secundum circumstantiam, nego : Explico hoc dictum : In materia animæ per aduentum suæ formæ ponitur quidem priuatio aliarum formarum, sed quia est coarctata per talem formam nobilissimam, idcò cum eminenter contineat perfectiones omnium aliarum formarum, tollitur actualis priuatio, & omnimoda ad alias formas, & relinquitur priuatio restricta, & modificata, quæ potius est priuatio de nomine, quàm de re : hinc negatur consequentia. Ad probationem

RESPONDETUR : Nulla priuatio tollitur per id, quod ipsam inducit, si id, quod ipsam formaliter inducit, est nobilissimum continens eminenter perfectionem aliarum, nego : Maiorem : Si non continet, concedo. Et ad Minorem

RESPONDETUR formam animæ ex Seraph. Doct. lib. 2. dist. 19. quæst. 1. & lib. 3. dist. 16. art. 2. quæst. 1. in corp. & clariùs lib. 2. dist. 17. art. 1. quæst. 2. in corp. esse nobilissimam subleuantem suam materiam supra esse extensionis, & priuationis, & corruptionis, per quam tollitur quidem priuatio in genere, licet non tollatur priuatio supra genus, quæ potius est negatio : vnde per id non ponitur materia in statu violento : ad hoc enim exigitur forma corruptibilis cum dispositionibus pugnantibus : & hinc negatur consequentia.

231. OBJICIES quintò ex D. Thom. Anima est forma corporis : ergo non est composita ex materia, & forma.

PROBATUR consequentia. Tum quia

quia ens completum non potest ingredi compositionem alterius. Tum quia si anima est forma corporis, aut est secundum se totam, aut secundum aliquid sui : Si primo modo : ergo non est composita ex materia : potentia enim passiva non potest esse actus alterius : Si secundum : ergo primum informans est anima, & corpus primum informatum : ergo alia pars ad nihil inferuit.

RESPONDETUR negando consequentiam : Ad probationem Respondetur per compositionem non fieri animam ens ultimatum completum : sic negatur consequentia. Et ad aliud Respondetur animam secundum se totam informare, non secundum partem : sic negatur consequentia.

INSTAT Caietanus : Vel informat, provt habet materiam : vel non : Si secundum : ergo non secundum se totam : Si primum : ergo potentia passiva erit actus : vel anima secundum materiam est actus, quod implicat : Suarez *infra cit.* proponit idem argumentum sic : Anima non informat ratione materiæ, quia hæc est potentia passiva : nec ratione formæ, quia eadem forma non potest informare duas materias : ergo nullo modo.

RESPONDETUR ; si ly *secundum se*, sumitur specificativè, seu vt totum Cathegorematicum, sic anima secundum se totam, idest provt est forma constituta ex materia, & forma, informat, & vt quod : Si reductivè, seu Syncathegorematicè sumitur, sic anima ratione formæ, qua est anima, & vt quo, informat non ratione materiæ : Vnde vt quod informat non ratione materiæ : sed quia est totum constitutum ex materia, & forma, in quo constituto

ratio formalis est forma, quæ primitate originis primò informat materiam primam partialem, ex quibus coalescit anima, cui correspondet corpus vt materia secunda, in qua recipitur. Et ad argumentum Suarez Respondetur eodem modo : in informatione adest quod, & quo, nec materia est ipsum quod, nec forma, sed ipsa anima, quæ informat, quo autem informat tanquam causa, propter quam anima tota nata est informare, est non materia, sed ipsa forma spiritualis constituens cum materia animam : hæc est forma composita, illa simplex.

232. INSTAT iterum : Sicut formæ repugnat informari, sic & materiæ informare : ergo anima non potest informare, si habeat materiam.

PROBATUR antecedens : Quia forma est actus purus nihil habens de potentialitate : ergo & materia est pura potentia passiva nihil habens de actualitate per ordinem ad informare : ergo.

RESPONDETUR concedendo antecedens, si sumitur materia secundum se, & forma secundum se : negando, si sumitur materia vt informata à forma, & forma vnita materiæ eodem modo, quo dictum est in 4. *Notabili.* Et ad id, quod forma est actus purus, &c. transeat de pura forma : negatur de illa, quæ est hoc aliquid : Ratio autem Seraph. Doct. est, quia licet materia, vt materia est, & vt potentia vt sic, non possit esse actus, sed vt iam perfecta, & in actum redacta per formam, vt imbibita cum forma potest esse perfectio alterius materiæ : sicut ex opposito diximus formam inferiorem, provt est capax ulterioris perfectionis ratione materiæ



teriz non completè actuatur, potest adhuc simul cum tali materia informari: Idem & notat S. Bonau. *lib. 3. dist. 36. q. ult. ad 5.* Et ad id, quod dicitur, materiæ repugnare actum, negatur absolutè: nam licet sit pura potentia, adhuc tamen verè habet actum entitativum: Addit, materia ex qua non est actus, concedo, est tamen pars illius, quod est actus alterius, sicut in homine forma corporeitatis non est potentia receptiva animæ, sed est pars illius corporis, quod est potentia: unde dicimus, quod si materia actuatur, & perficitur à forma nobilissima, poterit simul cum ea constituere vnum, quod est perfectio alterius materiæ.

**O**BIICIENS. sextò cum eodem D. Thom. Formæ non est forma, scilicet informans, nec perfectionis perfectio, nec vltimi vltimum, sicut nec materiæ materia: alioquin daretur processus in infinitum: sed quælibet forma non mediante alia forma est forma, & perfectio, & vltimum constituens: sic & quælibet materia est primum subiectum, nec aliud subiectum requiritur ad tale munus, cum sint talia immediatè per suam naturam: ergo hæc multiplicatio formarum, & materialium est superflua: Hoc argumentum conficitur à D. Thom. *lib. 2. disp. 17. quæst. 1. ad 2. contra nostram Conclusionem*: Idem conficitur à Seraph. Doct. *lib. 3. distinct. 36. quæst. vltim. ad 5. contra seipsum.*

**C**VI & Ipse Respondet: Formæ non est forma, prout est forma, & actus, & perfectio, & immediatè recipiens in se formam, concedo: prout adhuc est informabilis, & mediatè recipiens, nego, scilicet quatenus actuando disponit subiectum ad

ulteriorem formam, & qua dispositione subiecti mediante adhuc illud totum est denudè actuabile, sic nego: id patet in forma corporeitatis, elementaris, & mixtionis: Pari modo dicendum est de forma spirituali animæ per ordinem ad ipsam animam ad suam materiam, & ad corpus: formæ spiritualis animæ non est forma immediatè recepta, concedo: vt mediatè, nego: sic & materiæ non est materia immediatè recipiens, concedo, mediatè, nego: Explico dictum; forma animæ immediatè informat suam materiam constituendo compositum animæ, quo mediante ordinatur ad corpus vt prior forma ad posteriorem naturam constituentem, & ad recipi in posteriore materia; unde vera est Maior, si intelligitur immediatè: falsa, si mediatè: sic & materiæ recipientis immediatè non est materia: mediatè est materia; nam materia prima animæ ratione suæ formæ prioris, & mediante composito animæ recipitur in corpore: & ratio est allata supra, nempe hanc ulteriorem ordinationem formæ ad aliam formam provenire ex incompletionem formæ respectu suæ materiæ: sic & ordinationem materiæ ad aliam materiam ex incompletionem materiæ respectu suæ formæ, cuius appetitus non satiatur.

**I**NSTAT Spinula: Illa forma, qua componitur anima, est nobilior ipsa anima: ergo & ipsa indigebit alia materia, sicque dabitur processus in infinitum.

**R**ESPONDETUR negando antecedens absolutè: nam illa est pura forma: ista est hoc aliquid: unde prima forma nullam aliam excedentiam habet supra animam, nisi quatenus est ipsius principium formale, & quia

est simplicior quoad compositionem substantialeni.

233. **OBJECIES** septimò cum Suarez in *Aer. disp.* 13. *sect.* 14. *num.* 8. Non est necessaria talis compositio in anima.

**PROBATVR** : Non est necessaria ratione substantiæ creatæ vt sic : nec ratione proprietatum ; ergo nullo modo : Probatur antecedens ; de ratione substantiæ vt sic est , quod sit ens per se subsistens , siue per se aptum ad subsistendum : Sed ad id sufficit compositio Metaphysica , & dependentia à Deo : ergo ex hac parte &c. Secundò nec ratione proprietatum : quia non repugnat eandem rem esse in actu in genere substantiæ , & in potentia ad accidentia , ad actus , ad receptionem variarum formarum accidentalium : quod patet in anima separata , quæ absque vnione ad corpus potest operari , intelligere , velle , se mouere : ergo etiam sine materia , si sit purus actus. Tum quia id est valde alienum à recta Philosophia , & à principiis fidei , ex hoc quod sequitur animam de se esse corpoream , sicut & Angelos : Sic *num.* 10. & 13. & *seq.*

**P. FERCHIVS** *tom.* 1. *de Ang. quest.* 17. *num.* 62. & *seq.* notat argumenta Suarez non esse contra conclusionem , sed tantum contra rationem , immò nihil concludere , cum procedat ab insufficienti enumeratione , & ob id cum fallacia consequentis : nam , si dixero , propter neutrum requiritur compositio ex materia , sed ob concursum substantiæ agentis , & patientis in eodem propter proprietates materiæ , propter indiuiduationem substantiæ , . . . patet ipsum nihil concludere , & dum dicit sufficere compositionem Metaphysicam ,

Nos negamus , immò ex tali compositione inferit Seraph. Doct. compositionem ex materia , & forma , cum actus , & potentia non possint eidem inesse ex eadem entitate indiuisibili . Et hinc cum Suarez docent eandem rem posse esse simul in actu , & in potentia , proponit ipsum quod , Nos verò ipsum propter quid , nempe animam posse agere , & pati ratione formæ , & materiæ : Quare dicta , & alia argumenta , quæ proponit Suarez , sunt mera petitio principij , malèque notare nostram Seraphicam Conclusionem esse contra principia fidei , cum ex ipsa non sequatur animam esse corpoream , vel corruptibilem , vt supra fuisse probatum est.

**OBJECIES** octauò ex D. August. . . *de Gen. ad liter. cap.* 7. 8. & 9. & ex Magistro *disp.* 17. dicentibus animam non esse factam ex materia corruptibili , vel spirituali.

**RESPONDET** S. Bonau. *lib.* 2. *dist.* 3. *part.* 1. *art.* 1. *quest.* 1. 2. & *seq.* & *dist.* 17. *quest.* 2. ad 3. & *dist.* 18. *art.* 2. *quest.* 3. D. August. valde dubitasse , an anima fuerit facta ex materia præexistente , vt facta fuerunt elementa , & corpora , & tandem negat , quod & Nos cum ipso negamus : sed volumus in eodem instanti creari simul materiam , & formam : & dum dicitur non fieri ex materia corporali , neque spirituali , concedimus rotum : sed dicimus illam materiam de se nec esse spiritualementem , nec corpoream , sed indifferentem ad utramque formam ; & si informatur per formam spiritualementem , tunc spiritualizatur , si per corporalem , tunc fit corporea .

234. **OBJECIES** nonò contra secundam Conclusionem : Corruptibilem & incorruptibilem non est materia .

materia una ex Aristot. 1. 2. Met. text. 26. ergo non est materia eiusdem rationis.

RESPONDET S. Bonau. concedendo Antecedens de materia secundum esse, & ut informata: negando de materia ut sic.

OBIIICES decimò ex eodem Arist. quæ habent eandem materiam, sunt adinuicem transmutabilia: ergo anima poterit corrumpi.

RESPONDETUR primò Aristotelem non agnouisse aliam materiam, quàm istam sublunarem, & hinc nihil contra Nos.

RESPONDETUR secundò, quod ad inuicem sunt transmutabilia vel per potentiam obedientialem, vel naturalem, conceditur primo modo: negatur secundo modo ob rationes adductas.

DICES ex Arist. materiam esse in potentia contradictionis ad esse, & non esse, scilicet sub hac, vel illa forma; sed materia animæ non est in tali potentia, ergo non est eiusdem rationis.

RESPONDET S. Bonau. lib. 2. dist. 3. part. 1. quæst. 2. verum esse de materia secundum esse, id est quæ est sub formis corruptibilibus, non secundum se: transmutabilitas enim respicit modum vniuersi materiæ cum forma, & dispositiones, non ipsam materiam præcisè: Sic & P. Gallicius de Cælo tract. 1. quæst. 6. n. 10. alioquin ex quolibet posset fieri quodlibet, cum omnia habeant eandem materiam, sed hoc est falsum; ergo id est ratione dispositionum.

OBIIICES undecimò contra tertiam Conclusionem: Sola anima rationalis est composita, ergo est ignobilior cæteris formis, & animabus. Probatur consequentia, quia simplicitas

est perfectio simpliciter: ergo quod est simplicius, est perfectius, sed anima sensitua, & vegetatiua est minus composita: ergo simplicior: ergo perfectior, quàm anima rationalis.

SED iam responsum est huic obiectioni suprà secundo loco posita, quæ non urget contra Nos; nam simplicitas maior, quæ importat perfectionem in creatis, est illa, quæ maiorem remotionem ab extensione quantitatiua continet, & ob id maiorem independentiam ab alio, in quo statu anima rationalis, cum sit hoc aliquid, & per se existens, & independens à corpore, superat omnia alia creata corporea: unde compositio ex partibus constitutiuis facit ad perfectionem.

Ex quibus omnibus inferuntur hæc Corrolaria.

235. PRIMVM Corrolarium: Anima rationalis simpliciter, & essentialiter dependet à sua materia, & forma tanquam ex his, ob idque sub tali consideratione est substantia per se posita directè in prædicamento licet non simpliciter; nam prout est forma reductiuè, tantum est in prædicamento substantiæ: Sic Seraph. Doct. lib. 2. dist. 1. part. 2. art. 1. quæst. 1. & lib. 2. dist. 17. quæst. 2. fund. 5. quæ dependentia tamen est relatio transcendentalis cum ipsa anima identificata: Sic lib. 2. dist. 1. part. 2. art. 3. quæst. 2.

SECUNDVM: Anima rationalis est simplex quoad quantitatem molis, & in hoc est simplicior cæteris formis; sed ut est hoc aliquid, non est magis simplex, & hoc ob sui perfectionem maiorem: Sic lib. 2. dist. 17. cit.

TERTIVM: Forma Angeli, & Animæ per vllam potentiam creatam potest

potest separari à sua materia : idest est separabilis secundum quid , idest secundum potentiam obedientialem, inseparabilis simpliciter , quia secundum suum esse naturale non potest separari.

QUARTVM : Forma in Angelo , & Anima vnitur suæ materiæ, quæ non dicitur naturalis , quatenus naturalis importat motum, seu priuationem antecedentem in materia , quia ani-

ma non fit ex traduce , vel ex materia præiacente , sed dicitur naturalis, quatenus in vtriusque creatione simultanea materia ordinatur per se ad talem formam , & talis ad talem materiam , & vtraque ad compositum, per quam vnionem arctatur eius appetitus, ita quod non amplius appetit actu aliam formam, cum hæc sit omnium nobilissima , & eminentialiter perfectionem cæterarum contineat.



## APPENDIX RESPONSIVA QVI- busdam oppositionibus factis à P. Benedicto à S. Iacobo Excalceato Augustiniano contra meas assertiones suprâ traditas ex Seraph. Doctore, & D. Augustino.

**P**OSTQUAM ad finem properarer editio huius Tomi de Anima , & Metaphysica ad mentem S. Doct. incidi in Opusculum quoddam de Angelis recusum Ferrariæ hoc an. 1676. in quo dictus Author me suppresso nomine citato intendit probare me inuhere in Scholis nonum modum philosophandi, & perperam interpretari textus S. Augustini : quod, quam falsum sit, in hac additione legenti patebit.

DICTVS igitur Author in *axiom.* 1. *dub.* 1. *fol.* 26. & iterum in *axiom.* 3. *dub.* 1. *fol.* 40. notat se mihi obieciſſe ( quod & verè fecit in quodam discursu familiari mecum habito in hoc Conuentu Ferrariæ de hac materia Animæ , & Angelorum ) textum quendam S. August. *ex lib.* 7. *de Gen. ad liter. cap.* 7. quem & ad extensum

ponit in 3. *part. Philos.* vbi videtur S. Pater excludere ab anima omnem materiam.

CVI Ego respondi idem , quod Seraph. Doct. *lib.* 2. *dist.* 18. *quest. ultim.* notat super eundem textum, nempe ibidem S. August. negare animam rationalem fuisse ex traduce, seu per eductionem ex materia præiacente : non verò querere, vel dicere, quòd anima non sit composita ex materia, quòd alibi in locis suprâ à me citatis docet : vnde inferit S. Bonauent. de mente S. August. & secundum veritatem materiam de se, & præcisè nec esse spirituales, nec corporeas : sed fieri talem ex adueniente actualitate formæ : Sic S. Bonauent. *ibid. & lib.* 2. *dist.* 3. *parr.* 1. *art.* 1. *quest.* 2.

CONTRA quam responsionem insurgit

sargit dictus Author in dicto Opusculo de Angelis notans me inuohere in scholis nouum genus philosophandi : quam nouitatem probat duplici medio : Primò, quia non materia ex forma, sed è contra forma ex materia accipit corporeitatem, & supponens hanc propositionem indubitata, relinquit eam improbatam : Secundò (addit) quia deberet sic etiam admitti genus, verbi gratiâ animalitas, quæ nec formaliter, nec identicè esset vel rationalis, vel irrationalis, essetque distincta realiter à suis differentiis, hancque sequelam similiter improbatam relinquit.

DICIT igitur me ipsum notasse vt singularem inter Discipulos S. Augustini in reiicienda compositione materiæ, & formæ ab anima : hæc dictus Author.

CUM autem totus sim in exponendo opiniones germanas Seraph. Doct. in materiis Philosophicis, & cum ex assidua lectione eiusdem operum perceperim se semper, & constanter profiteri fidelem sequacem doctrinæ S. Augustini, hinc in gratiam doctrinæ Seraphicæ cogot me expedire ab hac nota.

ET primò quoad singularitatem obiectam dicto Patri, fateor me solum ipsum notasse se in textu, quem ipse ad extensum assertit in 3. part. sua *Philosophie*, & murillam, deinde in cit. *axiom. de Angelis* non fideliter, & germanè exponere mentem S. August. sed trahere ipsum licet inuitum ad partes Thomistarum, non verò quod sit singularis in hac parte : non enim me latet suam ipsius opinionem amplexatam ab omnibus Thomistis, & etiam ab aliquibus non ab omnibus Scotistis ; vnde pro ista parte, cum sit quæstio de facto, sufficit expen-

R. P. Bart. de Castrovetto Phil. P. III.

dere verba S. August. & ex ipsis eruere sensum germanum, quod ex professo acutissimè fecit S. Bonau. vt videre est lib. 2. dist. 18. *quæst. ult.* & mox patebit.

SECUNDò quoad nouitatem philosophicam, quam mihi obiecit : peto ab amicissimo, & doctissimo Viro, quo fundamento id inferat ?

RESPONDET, quia non materia ex forma, sed è contra forma ex materia accipit corporeitatem, oppositumque est contra rectam Philosophiam.

S E D Contra : Corporeitas, & spiritualitas sunt actus materiæ : sicut enim in ordine prædicamentali Metaphysico sunt differentie æquo diuidentes, & actuantes genus supremum substantiæ, sic & in ordine Physico proueniunt à diuersis formis primò contrahentibus, & actuantibus primum potentiale substantiale, quod est materia prima ex Philosopho : igitur non forma ex materia, sed è contra materia ex forma fit vel corporea, vel spiritualis : igitur materia prima, quod est supremum, & primum potentiale, de se nec est spiritualis, nec corporea.

PRÆTEREA : Si Deus educeret animam rationalem ex materia, sicut educitur anima sensitua (quod nullam implicantiâ inuoluit, vt cum aliis docet Serbellon. *de creat. disp. 1. art. 1.* & de quo valdè S. August. dubitauit de facto ita fuisse) : peto, an in tali casu anima rationalis esset corporea ? Si non, vt debet respondere : ergo corporeitas non inest formæ ex ipsius educatione ex materia.

PRÆTEREA Seraph. Doct. firmiter sustinet animam sensituiam, & vegetatiuam esse formaliter spirituales : corpoream verò tantum per accidens,

FF

scilicet

scilicet quatenus in operari dependet à corpore, & tamen admittit ipsa educi ex materia (quod & Ego fusè probo in *quest. proximè antecedente*) ergo hoc sum dictum non est adeò evidens, ut supponit: obidque nec sufficiens ad inferendam novitatem in Philosophia in Aduersario negat: Immo meum dictum est certum in Philosophia, & ratio est, ut dixi, quia spiritualitas, & corporalitas sunt actus Metaphysici diuidentes ex æquo genus supremum; sed isti desumuntur tanquam emanantes à formis Physicis: sic formalitas corporis ex forma corporeitatis, sic animalitatis formalitas ab anima sensitiva: sic rationalitatis formalitas ab anima rationali, quod & Ego probaui ex Seraph. Doct. in *tract. formalit.* & sæpè supponit ex Scoto etiam Mastrius præcipuè in *Met. tom. 2. disp. 8. n. 210.* Hinc sequitur, quod sicut genus Metaphysicum de se, & formaliter non est tale, vel tale, sed solum identicè, cum formaliter ex natura rei à differentiis distinguatur, sic & proportionaliter dicendum est de materia in ordine ad formam vel spiritualem, vel corpoream, de quo vide me ipsum in *Log. quest. 2. de Differentia*, & in *Phys. tr. de forma. quest. 3. in fund. 5.*

SEQUITUR ergo, quod educi ex materia non est acquirere esse corporeum, vel etiam materiale, nisi subiectiuè; cum educi formam ex materia formaliter loquendo, sit tantum fieri dependenter à materia, dependentia tamen à posteriori, non à priori: de quo vide me ipsum in *Phys. in quest. cit. de Seminario formarum: & in quest. 5. huius tract. fund. 1. & 5.* ergo hoc fundamentum huius Authoris nihil probat contra Seraphica principia: Immo sequitur *sum esse*

nouissimum, & inauditum, cum intendat negare indifferentiam materiam, & generis ad quamlibet formam, & differentiam, notissimam etiam ipsis Tyronibus Logica.

DICET. Materia cum tali indifferentia non præcessit ad formas spirituales, & corporeas; ergo non habet hanc indifferentiam: semper enim fuit aliqua forma corporea informata.

RESPONDETUR posse fieri maximam æquiocationem in intelligendo dicta Seraph. Doct. In Physica enim fusè probauimus ex S. Doct. Deum creasse materiam primam non præcisè nudam omni forma, sed cum forma substantiali corporea, ex qua postea facta fuere tot mixta, quod sat sit nunc innuere: diximus etiam Deum creasse Angelos non ex illa materia induta forma corporea, sed immediatè ex materia, & forma substantiali de nouo creata, sicut & continuè idem efficit in creatione successiua animarum rationalium; Cum hoc tamen stat, quod materia de se, & secundum suam essentiam considerata importat intrinsecam indifferentiam ad quacunque formam siue spiritualement, siue corpoream, & per consequens nulla adest repugnantia, quin quælibet materia posset de potentia Dei absoluta informari quacunque forma, licet de facto obseruandum ordinem vniuersi id per naturam creatam non possit fieri, nempe non potest denudari materia, quæ est in Angelo, & informari forma corporea, & vice versa, licet id Deus posset: quæ omnia fusè explicauimus, & probauimus in *Phys.* & etiam in antecedentibus quæstionibus de anima: Hinc negatur consequentia illata in obiectione.

DICET

DICET iterum non bene fieri illationem ex indifferentia generis in ordine ad suas differentias Metaphysicas ad indifferentiam materiæ primæ ad formam corpoream, & spirituales; cum genus non distinguatur realiter à differentia, sicut distinguitur materia à forma.

SED Contra: quia hæc est optima illatio, ut supra docuimus, estque fundata in principiis Philosophiæ, de quo ne dicta repetam, vide tradita à nobis in Logica *quest. 2.* de differentia, & in hac præsentis questione: Vnde ad illud, quod Aduersarius dicit, quod genus, verbi gratiâ, animal est vel formaliter, vel identice rationale, vel irrationale: respondeo hoc dictum laborare maxima æquiocatione: non enim animal est formaliter rationale, est quidem identice, cum identificentur simul formalitates: at formaliter nec est rationale, nec irrationale, cum ab utroque præscindat, sicut materia de se non est corporea, vel spiritualis formaliter, sed fit talis ex adueniente forma: sicque sicuti animal distinguitur formaliter ex natura rei à differentiis, cum sint formalitates eiusdem rei, sic materia distinguitur realiter à formis, cum sint entitates veræ, & reáles, Physicæque, à quibus tales formalitates emanant, quod fuisse probauimus in tractatu formalitatum.

HINC patet non rectè dictum Authorem inferre, Angelus est spiritus purus, sicut Anima: ergo caret materia: valet quidem inferre, ergo caret corpore, esse enim materiale, & esse corporeum sunt attributa valde disparata: illud enim prouenit ex compositione ex materia: istud ex forma corporeitatis, & in hoc Ad-

uersarij sæpè hallucinantur transeuntes ex ratione materialitatis ad corporeitatem, & è conuerso.

HINC etiam infer: Si Angelus componitur ex forma: ergo illa forma erit anima faciens Angelum viuentem, & animatum: Non est recta illatio hæc: quia transitus ex vno latere prædicamentali ad aliud est error patens in Philosophia: In latere corporis est viuens, & animatum ratione animæ, non in latere spirituum, qui licet sint viuientia, non tamen sunt talia per animam, sed per vitam altioris ordinis intrinsecam tali formæ spirituali: de quo possunt videri, quæ assero in *quest. 9.* Antepædicamentali.

REPLICAT idem Author *fol. 26. col. 1.* D. August. reicere parenter materiam spiritualement ab Angelis, & hinc allato textu S. Patris ex *lib. 7. de Gen. ad lit. cap. 7.* subdit hæc verba, hic S. Pater vsque adeo rejicit materiam spiritualement ab Angelis, ut locus iste non indigeat explicatione, sed solum attenta lectione: Ita citatus Author.

CVI iterum respondeo Seraph. Doct. habuisse attentissimam lectionem ad omnes authoritates S. Augustini, quem proficetur constantissimè suum ipsius Magistrum, & attentissimè expendisse mentem S. Augustini in hoc textu citato, ut patet in *loc. cit. lib. 2. dist. 18. quest. vlt. in fund. 5. & in corp. & ad 5* & inuenisse D. August. ibi solum inuestigare, an Anima Adæ fuerit ex traduce, &educta ex potentia materiæ, sicuteducta fuerunt aliæ formæ corporeæ, & post multas dubitationes tandem resoluit fuisse factam per immediatam creationem, & non per educationem ex hoc, quod illa materia debuisset

esse vel spiritualis, vel corporea: sed non potuit esse, cum materia fiat talis ex adueniente forma: Et quod hæc sit mens S. Augustin. videtur non illud solum fragmentum textus, quem affert dictus Author, sed totum textum positum in 3. part. suæ Philosophiæ: vbi clarissime intelligenti textum latinum patebit: vnde cum hic non agat, an anima sit composita, an non, sed alibi in locis supra in Conclusionem citatis, iste textus, qui est Achilles Aduersarij nihil facit ad rem: videatur S. Bonau. loco cit.

Ex quibus manifestum sit, quam facile Discipuli S. Bonauenturæ possint deglutire hunc bolum (quod impossibile credidit dictus Author) absque eo, quod teneantur admittere eandem distinctionem inter genus, & differentiam, quæ est inter materiam, & formam: & etiam absque eo, quod teneantur dicere hanc materiam Animæ, & Angelorum esse solum potentiam obiectiuam, obidque reduci hanc dubitationem ad quæstionem de nomine, vt contendit Aduersarius.

HÆCQUE dicta volo absque præiudicio nostræ necessitudinis: semper enim suspexi dictum P. Benedictum vt virum religiosissimum æquè ac doctissimum, valdeque benemeritum de doctrina Augustiniana: disceptationes enim litterariæ non solum non minuunt, sed potius augent amicitias, vnusquisque enim in suo sensu abundat,

## QVÆSTIO VII.

*Explicantur natura, & munera partium corporis animati, & præcipue humani.*

236. **Q**VÆSTIO hæc est veluti apparatus ad sequentem quæstionem, in qua quærimus, qua forma informantur partes corporis: Hic autem intendimus facere veluti anathomiam corporis animati, & deinde in sequenti quæstione tractatum facere ad formam informantem istas partes.

PRIMò dicimus cum Seraph. Doct. lib. 4. distinct. 44. part. 1. art. 1. quæst. 1. & 2. quod partes corporis præcipue humani ad tria capita reduci possunt, scilicet vel sunt principales de intrinseca constitutione; vel sunt integrantes, & complentes corpus; vel spectant ad decorem, & pulchritudinem; Quæstio procedit non de constituentibus præcisè: sunt enim corpus, & anima, sed partibus secundo, & tertio modo sumptis, quarum sint, & quomodò distinguantur.

SECUNDò dicimus cum Seraph. Doct. in Comp. Theolog. lib. 2. cap. 57. & loc. citat. quod corpus humanum habet similitudinem totius mundi, quia tanta est distantia inter extremitates duorum longorum digitorum vtriusque manus, quanta est à vertice capitis vsque ad plantam pedis: sicut tanta est distantia à centro capitis ad oppositum tropicum in cælo, quanta est ab Oriente in Occidentem: Corpus humanum ex quatuor elementis componitur, sed magis apparet terra in ossibus, &



& carne: aqua in humoribus, scilicet sanguine, phlegmate, cholera, melancholia: Aër in pulmone continetur: est enim ventilabrum cordis, & semper est in motu: ignis in corde: & idè inferius est latum, superius acutum ad formam ignis.

CORPORIS partes aliæ sunt dissimilares, & heterogenæ, & dicuntur etiam membra officialia, quæ exercent præcipua officia: aliæ sunt similes, & homogenæ: quæ omnes sunt ita artificialiter ordinatæ, ut mutud deseruiant scilicet superiora inferioribus, & contra: quod etiam explicat Seraph. Doct. *loc. cit.* Primæ diuiduntur in tres præcipuas partes secundum tres regiones corporis, nempe superiorem, mediam, & inferiorem, in quarum qualibet adest vna pars cæteris præminens: Prima est caput: Secunda est thorax, vel pectus: Tertia est venter inferior: Et in his omnibus adsunt membra, seu partes triplices: sunt enim quædam radicalia: ut hepar, cor, cerebrum, & genitalia: prima tria sunt de essentia indiuidui, quia in his resident spiritus naturales, scilicet in hepate: vitales scilicet in corde: & animales in cerebro: quantum scilicet genitalia sunt de conseruatione speciei: Alia sunt membra deseruiencia: ut venæ, arteriæ, & nervi, per quæ vehitur ille triplex spiritus supra dictus: Alia sunt membra officialia: ut manus, pedes, & huiusmodi, quæ omnia habent communicationem, & ordinationem talem inter se, ut sibi mutud deseruiant, ut dictum est.

337. In superiori igitur regione est caput, quod diuiditur in faciem, frontem, tempora, sinciput, verticem, & occiput: Item in partes sim-

plices, & compositas, in continentes, & contentas: primæ sunt cutis, pericranium, cranium, & meninges cerebri: Secundæ sunt cerebri substantia, quatuor ventriculi, nervi, processus mamillares, plexus chortides, aliæque: ad sunt & oculi, manus, aures, lingua, & os. In capite præcipua pars est cerebrum, quod est temperamenti frigidi, & humidi: & diuiditur in anterius, diciturque propriè cerebrum, & posterius, quod ob paruitatem dicitur cerebellum, in hoc cerebro adsunt quatuor ventriculi certis ductibus inter se coniuncti, per quos spiritus cum speciebus sensibilibus ab vno in alium commeari possunt: de quibus agit S. Bonauent. in *Comp. citat.* & 36. & *seq.* & Nos agemus, cum de anima sensitua, &c. De istarum partium physiognomia bona, vel mala vide S. Bonauent. *loc. cit. cap. 57.*

238. In secunda regione corporis est thorax, cuius partes aliæ sunt continentes, aliæ sunt contentæ: primæ scilicet continententes sunt cuticula, cutis adeps panniculus nervuosus, membrana communis, musculi, mammae, pectus, quod est anterior pars thoracis, cuius & media dicitur sternum, quod in medio costarum sternitur, cuius latera dicuntur costæ: & pars posterior dicitur dorsum, & tergum, cuius latera dicuntur scapulae, scoptulæ, apertæ, & alæ: Item & membranæ, quarum illa, quæ costis subtenditur, dicitur pleura, aliæque dicuntur mediæ, seu mediastinum: Contentæ verò thoracis sunt cor, pulmones, vena cava, vena ascendens, arteria magna, vena arteriosa, arteria venosa, aspera arteria, oesophagus, & nervus sextæ coniugationis: Harum omnium præ-

cupia est Cor, quod non est multum dissimile figuræ nucis spinæ: estque præcipua sedes, & principium vitæ inuolutum in pericardio, seu membrana, in qua est humor quidam serosus aquæ similis, frigidus, ut temperet intensam caliditatem cordis: In homine est breuius, & latius, quàm in cæteris animantibus, quia thorax etiam est breuior, & latior: In Bouibus, & Equis adest intra ipsum os, ut præ magnitudine sit firmius: eius materia est solida caro, eius nutrimentum est sanguis crassior, qui transit per venam cauam, coronariamque à iecore: Sola basis cordis medium thoracis occupat, reliquum cordis corpus turbinato murene sensim in anteriora, & sinistram latus infra lænam papillam exporigitur, ut amplificet locum hepatis: reliqua de corde possunt videri apud Meldul. *cir.* & melius apud Andream Laurentium, Aliosque Anatomicos. In Thorace adest etiam pulmo, qui est organum spirabile, & vocale, eiusque officium est haustum excipere aërem, ipsumque præparare cordi, & emittere ad efformationem vocis: hinc animalia pulmone carentia carent etiam voce.

239. In Tertia, & infima regione corporis, & dicitur venter, qui diuiditur in tres partes, in superiorem, mediam, & infimam: Suprema dicitur epigastrica, quæ xiphide cartilagine ferè vsque ad umbelicum extenditur: Media dicitur Umbilicalis, quæ occupat latitudinem trium tantum, vel quatuor digitorum: Infima dicitur Hypogastrica, quæ procedit vsque ad ossa pubis, cuius latera dicuntur hypocondria, vel præcordia, in dextro latere totum ferè hepar est locatum, in sinistro liens,

& maior pars ventriculi: Hepatis officium est præparare sanguinem virtute facultatis, & spirituum naturalium: organum est nobilissimum plures hominis particulas, & carnen sibi propriam, constat & venarum caux, & portæ radicibus arteolis, nerueolis, & tunica valde tenui ipsum totum inuolvente. Et quia aliæ partes sunt necessariae ad perfectam coctionem, ad hoc ut chylus materia possit in sanguinem dulcem, & puniceum commutari, item in amarum, & flauum, item in atrum, & acidum: item in serosum, & salsum: Et hinc quia non omnis sanguis est aptus ad alendum animal: hinc prope hepar fit excollatio sanguinis puri ab excrementis, qui est triplex, scilicet melancholicus, & terreus, & grauior, ipsiusque tenuior recipitur in liene, crassior in intestina crassiora ad recipiendas fæces apta, & biliosus, qui est leuior, aëreusque, & recipitur in quadam vesicula: & aqueus, & serosus, & recipitur in renibus, & quibus per vasa ingredientia, & egredientia fit expurgatio sanguinis, ex qua oritur vrina, &c.

NOTANDUM hinc, quod ex hoc sanguine seroso gignitur principaliter Semen, nempe partim ex superfluo alimenti, & partim ex substantia generantis, quæ à Seraph. Doct. *lib. 2. distinct. 30. art. 3. quæst. 1.* dicitur pars secundum materiam, estque purificatum vsque ad tertiam decoctionem, estque superfluum ad nutritionem individui, necessarium ad conseruationem speciei, de quo suo loco: lac item est sanguis per venas vsque ad vbera attractus, ibique denud concoctus, & à glandulosa mammillarum substantia (quæ in vi-

ris

ris est imperfecta, in mulieribus perfecta) quæ est calidissima in albedinem, & dulcedinem conuersus: generatur autem potissimum ex sanguine menstruo, quo quia in mulieribus abundat, ideo etiam ab ipsis facile generatur lac: licet etiam in viris adsit, sed valde imperfectus: Adest & pinguedo, seu adeps, fitque (ait S. Bonauent. *loc. citat.*) ex sanguine, qui non potest conuerti in carnem secundum speciem: Adest & medulla, quæ est duplex: alia spinalis, quæ est in spina dorsi, idemque cum cerebro: alia intra poros ossium in ipsorum alimentum. Ad sunt & dentes, quorum officium est cibum stomacho præparare, & ad vocis effortum concurrere: triginta in hominibus enumerantur, aliquando sunt pauciores, aliquando sunt plures, diuiduntur in incisores, suntque quatuor anteriores: in caninos, & in molares, qui facile in pueris excidunt, quia nimis teneri sunt, ut natura meliores possit reponere: in senectute excidunt ob caloris, & humoris inopiam, quo fit, ut nervus, qui dentem implantabat, contrahatur.

ADSVNT & pili, quæ sunt ex materia crassa fuliginosa, quæ exiens per poros indurefcit, & aliam superuenientem propellit, & in longum protrahitur: & si pori sunt recti, etiam pili nascuntur recti, si curui, & cutis dura, capilli nascuntur crispis: Ad sunt & ungues, quæ sunt excrementum nervorum, articularum, & ligamentorum, sic & plumæ, rostra, cornua, aliaque, de quibus dicemus aliqua in sequenti quæstione: Vide citatos Auctores præcipuè Dandinum, Zanardum, &c.

## QVÆSTIO VIII.

*Utrum anima informet omnes partes corporis.*

240. QVÆSTIO hæc non procedit de partibus merè excrementitiis: certum enim est in ipsis non adesse operationes vitales, ob idque ut inutiles à corpore expellantur; nec etiam de partibus solidis, quæ ad consistentiam primam corporis spectant: certum enim est ipsas esse animatas, quia pertinent per se ad rationem corporis organici, siue sint heterogeneæ, officialesque, inseruiunt enim ad diuersa officia vitæ, ut caput, manus, &c. siue homogeneæ, ut caro, ossa, &c. istæ enim omnes spectant ad primam constitutionem animalis, & respiciunt essentialiter ipsum totum, ut notat cum communi S. Bonauent. *lib. 4. distinct. 44. part. 1. art. 1. quæst. 1. ad 2.* Sed quia aliæ sunt, quæ spectant ad secundam constitutionem animalis, nempe vel ad conseruationem vitæ: ut sunt sanguis, pituita, atra bilis, flaua bilis, spiritus vitales, aliæque consimiles: vel ad conseruationem speciei, ut semen: aliæ ad decorem, & ornamentum, ut sunt capilli capitis, pili, ungues, & de his omnibus procedit quæstio. In qua diuersificant valde Auctores: nam Aliqui asserunt omnes esse animatas, & præcipuè de sanguine asserunt Thomistæ: Alij negant de partibus fluidis, & concedunt de aliis, ut Ruuius, Roccus, citaturque à Mastro Seraph. Doct. sed malè, & perperam: Alij negant de pilis: affirmant de unguibuss.

vnguibz: quid sentiat Seraph. Doct. mox patebit: Pro solutione quaestionis

241. PRIMò Notandum ex Seraph. Doct. in *Centil. part. 3. sect. 25. & lib. 2. dist. 1. part. 2. art. 1. quest. 2. ad 2.* quod cum anima sit purus spiritus, idèd; ad hoc vt vnatur corpori, indiget medio, & debita proportionè: fit autem proportionabile ipsi animæ per complexionis æqualitatem: & per organorum multiplicitem: cum enim anima habeat vim viuificandi, vegetandi, & sensificandi: primam scilicet viuificatiuam recipit corpus ratione complexionis æqualis, & vniformis per medium, seu vinculum spirituum vitalium: secundam scilicet vegetatiuam, & sensitiuam ratione multiformis organizationis mediantibus spiritibus naturalibus, & animalibus: hincque forma, quam appellat Seraph. Doct. complexionis, est, quæ connectit omnes partes organicas, & heterogeneas, estque substantialis, & est, quæ vltimò disponit ad vitam recipiendam, cum qua exerceri possunt postea opera vitalia diuersa per potentias animæ informantis tale corpus organicum: Sic *lib. 2. dist. 8. part. 2. art. 1. q. 3. ad 4. ex* qua Seraphica doctrina patet, quænam sint partes, quæ animantur per animam, nempe omnes illæ, quæ subiiciuntur virtuti sensitiuæ, & vegetatiuæ siue per generationem, siue per nutritionem, siue per motum vitalem, & quæ continuantur ad inuicem, quia per eandem formam informantur forma illa complexionis coadiuantibus, & cooperantibus spiritibus ad ipsarum nexum: nec obstat, quod vna pars aliquando sit alimentum alterius, cum adsint necessarij in animali partes heterogeneæ, qua-

rum vna alterat aliam, & ad sui naturam attrahit: Sed pro maiori intelligentia dictorum

242. SECUNDò Notandum ex Seraph. Doct. *lib. 1. dist. 17. part. 2. art. 1. quest. 2. & vlt.* quod augmentum viuentium differt ab augmento non viuentium per hoc, quod augmentum in non viuentibus fit ab extrinseco agente, & ab extra tantum, scilicet per additionem alicuius ab extra, scilicet per iuxtapositionem partium nouarum ad partes præcedentes: In viuentibus verò fit ab intrinseca virtute, obidque per omnes partes, & per intus sumptionem, scilicet per nutritiuam virtutem conuertendo illud in substantiam aliti; vnde ignis, verbi gratiâ, licet habeat vim intrinsecam conuertendi lignum in ignem, illudque sibi copulandi iam redactum in ignem, etiam ad omnem partem extrinsecam, tamen non habet vim ad se intrinsecè attrahendi per conuersionem in omnem partem etiam intrinsecam; vt habet animal. De hac re vide infra *num. 333.*

243. TERTIò Notandum ex S. Doct. *lib. 4. dist. 44. part. 1. art. 1. quest. 1. ad 3.* quod aliquid potest dici viuere tripliciter, primò quia recipit influentiam vitæ: secundò, quia disponit ad vitam: tertio, quia ortum, & conseruationem habet ab actu vitæ: primo modo viuificantur partes solidæ, scilicet corpus, & caro: secundo modo dicuntur viuere spiritus, & humores: tertio capilli, & vngues, & prima est propriè vita: secunda dicitur vita dispositiue tantum: tertia impropiè solum, quia tales partes sunt effectus producti per actus vitales: Vt autem intelligatur hæc doctrina Seraphica, ordoque iste.

244. QVARTO Notandum ex Arist. *lib. de part. anim. cap. 3.* cibum in stomacho receptum primam obire decoctionem, conuertique in chylum, seu massam, quæ in duas partes diuiditur, scilicet in partes impuriore, & crassas, seu fœces, quæ in secessum demittuntur, & in partes puriores, & nutritioni aptiores, quæ per venas mesenterias ad hepar transmittuntur, vbi fit secunda concoctio, & talis materia in quatuor partes diuiditur, nempe primò in sanguinem, qui est humor calidus, & humidus, & coloris rubei aëri correspondens: secundò in pituitam, quæ est humor frigidus, & humidus coloris albi, & aquæ similis: tertio in bilem flauam, quæ est calida, & sicca coloris crocei igni comparata: quarto in bilem atram, quæ est frigida, & sicca coloris subnigri terræ non absimilis, & istorum humorum tantum sanguis est aptus nutritioni: cæteri verò inepti, & ob id ad peculiaria loca se recipiunt; nam bilis flaua locatur in felle: atra in splene, pituita non habet peculiarem locum, sed veluti vehiculum quoddam defert sanguinem ad partes corporis, & hoc munere perfuncto ad vexicam descendit: omnesque isti humores, sicut & spiritus disponunt ad vitam vel recipiendam, vel conseruandam, & cum ex sanguine gignantur spiritus, per consequens cum isti humores augeantur per iuxtapositionem, nec ipsi sunt animati, & hinc appellantur partes fluidæ.

245. QVINTO Notandum ex eodem Aristot. *loc. citat. & lib. 2. gen.* quod cum nutritio fiat in partibus animantium concurrente, & fluente sanguine ad ipsas partes: hinc quædam excrementa sub cute circa ver-

R. P. Bart. de Castrovetro Phil. P. III.

uos, ligamenta, tendines, & arterias relinquuntur, quæ cum sint in continuo fluxu, nec resolui possint in urinam, sudorem, vel quid simile, vi expultricis facultatis excutiuntur, sicque vel generantur vngues, vel pili: vngues cum ad digitorum vertices perueniunt inibi exsiccantur, ac duriores fiunt, & in vngues euadunt, expelluntur ad extra nouis excrementis ex imo superuenientibus per extrapositionem: Pili item generantur ex superfluitate terrestriore, ait S. Bonauent. *in Ioan. collat. 37.* nam cum excrementa sub cute relicta sint spissa, sicca, & fuliginosa, detinentur in quibusdam foraminibus, ad quæ alius vapor ex imo adueniens ipsis iuxta ponitur, raliæque impellit ad extra in figuras oblongas: quare cum & ista per iuxtapositionem crescant, hinc & animata non sunt: S. Bonauent. *lib. 2. dist. 20. art. 1. quæst. 2. ad 1.* quod & suo modo dicendum est de semine, & lacte, quæ gignantur ex superfluitate sanguinis, nempe ex superfluo alimentis, &c. His positus

246. PRIMA CONCLUSIO: Partes solidæ viuientis siue heterogeneæ, siue homogeneæ informantur anima: Sic S. Bonauent. *lib. 4. distinct. 44. citat. & lib. 1. distinct. 3. part. 2. art. 1. quæst. 3. & lib. 2. dist. 30. art. 3. quæst. 1. & 2.* estque communis, & certa: nam augentur per intus sumptionem, sentiunt, aliæque opera vitæ exercent tum vegetantis, tum sentientis: vt experientia, & sensu patet. Tum quia sunt de veritate animantis.

DICES Aristot. Aliosque asserere animam esse in corde: ergo solum cor viuitt.

RESPONDETUR dici esse in corde,

Gg

corde,

corde, idest residere quoad opera vitæ magis in corde, quàm in cæteris membris, ex eo quod, vt dicit Seraph. Doct. in ipso gignuntur spiritus vitales, & ad cæteras partes transmittuntur, qui faciunt ad conseruationem vitæ.

247. SECUNDA CONCLUSIO: Partes fluidæ, & solidæ excrementiæ, quæ disponunt ad vitam, non sunt animatæ, vt sunt humores, lac, semen, & sanguis nutritimentalis. Quoad humores, & spiritus animales, & naturales id asserit S. Bonau. *lib. 4. distinct. 44. cit.* Quoad semen id asserit *lib. 1. distinct. 9. dub. 12.* De Sanguine scilicet nutritimentali id asserit *lib. 4. distinct. 44. cit.* De spiritibus id asserit *lib. 2. dist. 1. part. 2. art. 1. quest. 2. ad 2. & lib. 4. dist. 44. cit. fund. 4.*

PROBATVR autem Conclusio hæc quoad primam partem. Tum quia istæ partes sunt tantum disponentes ad vitam, vt ait Seraph. Doct. Tum quia non nutriuntur. Tum quia crescunt per iuxtapositionem: Sed quomodò id probatur? ait Arriaga.

RESPONDET Meldul. anathomica arte: totus enim sanguis, & alij humores in iecore generantur, & facta humorum segregatione per partes corporis diffunduntur, sed id est augeri per extrapositionem: ergo & sanguis, & alij humores non sunt animati. Tum quia animatum non nutritur ex animato. Tum quia sanguis est discontinuus animali. Tum quia sanguis est vltimum nutrimentum animalis: ergo, antequam conuertatur in substantiam aliti, habet aliam formam à viuente, & dum conuertitur, noua forma inducitur in eo, sed hæc est anima: ergo prius

non erat informatus: & hæc ratio est efficacissima. Tum quia si esset vera responsio Thomistarum, nempe dari duplicem sanguinem, scilicet nutritimentalem, & essentialem, sequeretur non continuari totum sanguinem existentem in corpore, sed continuatur: ergo omnis sanguis est eiusdem rationis. Tum quia semen, & lac non sunt animata in omnium sententia, sed ista fiunt ex sanguine: ergo. Et quia spiritus gignuntur ex humoribus, & sanguine, hinc & sequitur nec ipsos esse animatos.

248. OBIICIES primò: Sanguis est vera pars animalis attinens ad veritatem naturæ ipsius. Tum quia sanguis est organum, quo viuens exercet aliquas operationes vitæ: ergo est animatus, sicut cætera organa.

RESPONDET S. Bonauent. dici veram partem animalis, quatenus est dispositiuus ad vitam animalis: nec propriè est organum animæ nisi dispositiuè.

OBIICIES secundò ex *Leuit. 17. Animam omnem in sanguine esse*: ergo.

RESPONDET S. Bonau. *lib. 4. distinct. 11. part. 2. art. 1. quest. 2. ad 3.* dici sanguinem sedem animæ ratione dependentiæ vitæ, quam habet ad partem nutritimentalem, cuius potior pars est sanguis, & hac ratione dicitur pars subintegralis hominis assumpta à verbo immediatè, non mediante anima, & vt talis est in hostia.

OBIICIES tertio: Humores sunt de integritate corporis animalis: ergo debent esse animati.

RESPONDET S. Bonauent. esse de integritate, prout sunt disponentes ad vitam.

OBIICIES

**OBIECIENS** quartò : Lac, & semen habent vim assimilatiuam : per id enim Pater assimilât sibi filium, sed id importat residentiam animæ : ergo & informat.

**RESPONDET** S. Bonauent. esse veram maiorem dispositiuè, & instrumentaliter, non formaliter : & negando Min. Vide *lib. 2. dist. 31. art. 1. q. 1. in corp. post medium.*

**OBIECIENS** quintò : Sanguis est pars Christi, quem & Verbum assumpsit, & ipsius effusione dicitur mundum redimisse. Tum quia vinum conuertitur in sanguinem Christi, cum quo est ipse Christus, ergo est animatus, sicut caro.

**RESPONDET** S. Bonauent. *lib. 4. dist. 44. part. 1. art. 1. quest. 1.* quod licet sanguis non sit de radicali complexione hominis, tamen est de ratione complexionis nutritiualis faciens ad complementum hominis, & hac ratione dicitur Christus ratione sanguinis in Eucharistia, & redimisse mundum ex eo, quod sanguis est dispositio necessaria ad conseruationem vitæ : Vide *lib. 4. dist. 11. part. 2. art. 1. quest. 2.*

**OBIECIENS** sextò : Sanguis mouetur in omnes partes per venas : ergo ad hoc vt non sit motus violentus, debet esse ab intrinseco, sed, nihil mouetur ab intrinseco per omnes partes, nisi sit animatum : ergo.

**RESPONDETUR** moueri non ab intrinseco, sed à virtute expulsiua, & attractiua, & calore naturali existente in omnibus partibus corporis : dicitur tamen motus naturalis, quia est ab anima originaliter.

**OBIECIENS** septimò : Quod est principium vitæ attingens vitam, viuât, semen est huiusmodi ergo.

**RESPONDETUR** ex Seraph. Doct. *lib. 2. distinct. 31. art. 1. quest. 1. in corp. & dist. 30. art. 3. quest. 1.* semen esse instrumentum attingens formationem fœtus, & animæ vnionem : obidque sufficit, vt vita sit in anima, & in causa principali, sed de hac materia habebitur Sermo ex professo infra, vbi de generatione, &c. exigit enim peculiarem considerationem.

**249. TERTIA CONCLUSIO:** Capilli, & ungues non sunt animati.

**PROBATUR** à Seraph. Doct. *lib. 4. dist. 44. cit.* quia solum dicuntur habere vitam, quatenus ortum habent ab actu vitæ, scilicet sunt effectus actuum vitalium. Tum quia augentur non secundum omnem partem, sed tantum per iuxtapositionem.

**DICES** : Non sine dolore possunt auelli : ergo sunt animati.

**RESPONDETUR** dolorem inferri ex auulsione, quia radicanter in carne viua, & neruosa, in qua sensorium tactus, & doloris reperitur.

**QVÆRES** : an Dentes, & cornua sint animata.

**RESPONDETUR** affirmatiuè : Ratio est, quia dentes augentur per omnem partem, & sunt eiusdem materiæ cum ossibus, sed ossa sunt animata. Tum quia & eodem modo nutriuntur : habent enim medullas, & venulas, & neruos ad radices, quibus alimentum trahunt : immò probabilius esse dentes ob has rationes : & hoc tanquam certius amplector.

**DICES** : Dentes non sentiunt, nec habent omnia opera cæterarum partium animarum : ergo.

Gg 2 **RESPON**

RESPONDETUR habere operationes vegetantis animæ, non verò sensitivæ defectu organorum, quæ requiruntur ad sensationem, sed hinc non sequitur non esse animatos.

DICES secundò: Dentes sunt contigui, non continui cum ossibus: ergo non sunt animati.

RESPONDETUR, quod licet non continuentur cum ossibus: sunt tamen vniti ipsi mediis ligamentis, & per netuos, quæ ligamenta sunt prouisa à natura ad iungenda diuersa ossa in iuncturis, de quibus aliàs agemus.

ADDIMVS tamen etiam oppositam sententiam non carere sua probabilitate.

## QVÆSTIO IX.

*An in viuite prater animam dentur plures formæ partiales.*

250. QVÆSTIO hæc non proccedit, an dentur plures animæ in eodem viuite: suprà enim id fuit resolutum; nec item an sint in eodem composito plures formæ totales subordinatæ, quia & hoc à nobis fuit resolutum in tract. de Elementis, & Mixtione, & in Phys. lib. 1. sed an in corpore heterogeneo adsint tot formæ substantiales partiales, quot partes heterogenæ: an verò omnes informantur ab vna forma totali.

PRIMA Opinio est Thomistarum nullam aliam formam in composito recognoscentium præter animam, quam sequuntur Suarez. *Mixt. dist. 15. sect. 8. n. 29.* Tolet. Fons. Hurtad. Quied. immò Attriag. liberè deridet oppositam, & dicit in tota Hispania neminem ipsam amplecti,

& ob id dedignatur ipsam ex professo impugnare: contra quem ad hominem inuehitur P. Mast. *de gener. dist. 7. num. 78.* quod & aliàs notauimus.

SECUNDA Opinio est Scoti, & Scotistarum recognoscentium in viuentibus vltra animam etiam formam corporeitatis pro toto corpore, & pro partibus formas partiales etiam, verbi gratià, in corde, in capite, &c. Sic Scotus *lib. 4. dist. 11. q. 3.* Faber. *Theor. 73.* Hanc eandem sequutus fuit Auuer. *6. Phys. com. § 9.* cum aliis apud Suarez *cit. num. 30.* qui dicunt has partiales formas informare partem propriam corporis, esseque veluti dispositiones materiales ad ipsam animam: Et hæc est Opinio germana Seraph. Doctoris, vt infra patebit: Pro solutione quæstionis

251. NOTANDVM ex eodem S. Doct. *lib. 1. dist. 8. part. 2. art. 1. quæst. 3. ad 4. & lib. 2. dist. 26. art. 1. quæst. 5.* quod in corpore organico sunt necessariò partes heterogenæ, quæ cum sint diuersæ rationis, ordinantur ad constituendum vnum totum corpus informabile ab anima: hincque ratione organizationis sunt diuersæ: ratione verò dispositionis, & ordinis ad idem genus vitæ habent vniformitatem, seu potius subordinationem ad vnicam formam, quæ dicitur forma complexionis: Sic *loc. cit. infra ad 2. Concl.* quæ forma, si importat inæqualem conciliationem elementorum, est origo caloris elementaris consummentis: Si æqualem conciliationem, est origo caloris celestis consuuantis: Sic *lib. 4. dist. 49. part. 2. art. 4. q. 1. ad 4.* His positis sit

252. PRIMA CONCLVSIO: Partes heterogenæ corporis viuientis habent proprias formas substantiales partiales:



les : Est S. Bonau. *cir. Scoti, & Seq. Iandun. Trombetæ, Dandini, Aliorumque apud Morand. lib. 2. quæst. 6.*

**PROBATVR** primò : Quia anima est forma corporis organici : ergo supponit diuersas partes heterogeneas, & completas in suo esse substantiali proprio, sed talis completio substantialis est à forma substantiali : ergo.

**RESPONDENT** Thomistæ corpus organicum dici per ordinem ad animam tale esse ipsi tribuēt. Contra : Quia corpus organicum est potentia vitam habens tantum : ergo si anima supponit corpus potens viuere, ipsum & supponit organicum, & in tali esse completum.

**PROBATVR** secundò : Caro, & nerui differunt substantialiter : ergo partes heterogeneæ habent propriam formam substantialem : Antecedens patet ad sensum ex diuersitate accidentium, proprietatum, & effectuum : Consequentia etiam patet : quia si differunt substantialiter, differunt per formam.

**RESPONDET** Arriaga differre tantum accidentaliter eo, quod per corpus organicum intelligi debet materia diuersimodè disposita per accidentia.

**CONTRA** : Quia in sententia Aristotelis per corpus intelligitur substantia completa in ratione substantiæ : materia enim affecta solum accidentibus non est propriè corpus de genere substantiæ. Tum quia, vt rectè docet S. Doct. accidentia maximè quantitas non educuntur de materia nuda absque forma substantiali. Tum quia in definitione animæ intelligitur corpus eo modo, quo est subiectum animæ, at est subiectum animæ secundum diuersas partes he-

terogeneas, & quatenus entitatiuè excludit animam, vt subiectum est : ergo vt tale habet proprias partes diuersas substantialiter.

**CONFIRMATVR** : Quia si denominatio corporis desumitur ab eo, quod consequitur, scilicet ab anima, sequitur, quod definitio animæ tradita ab Arist. erit negatiua.

**PROBATVR**, quia dicendo anima est actus corporis organici potentia vitam habentis, esset sensus, anima est actus corporis animati : sicque non explicatur natura animæ per ordinem essentialem ad subiectum, quod informat vt actus : hoc autem non est corpus, vt anima informatum : non enim vlla forma dici potest actus illius, in quo ipsa includitur : quia actus est constitutiuus rei ; sed corpus esset iam constitutum per animam, nec item forma dicitur rectè actus compositi, id est actus primus, sed actus in composito. Tum etiam quia responsio Thomistarum est petitio principij : id enim est, quod quærimus, an corpus organicum sit tale de se : an ab anima. Tum etiam quia anima tribuit vnitatem, non heterogeneitatem, & discontinuitatem.

**PROBATVR** tertio : Caro, ossa, nerui sunt formaliter talia : ergo non id habent ab anima : quia tantum virtualiter in ipsorum sententia potest dici talis, sed sunt formaliter caro, ossa, &c. ergo à propria forma.

**CONFIRMATVR** : Quia in corpore mortuo differunt speciem tales partes : ergo & dum erat viuum : Nec valet effugium Thomist. dicentium post separationem animæ produci nouam formam à causa prima, non valeret, inquam, est enim indi-

G g. i. gnum

gnum Philosopho recurrere ad causam primam, quando potest assignari causa secunda absque absurditate, ut est in casu nostro.

**PROBATVR** quartò : Si in tri-duo mortis Christi D. Petrus consecrasset panem, verè confecisset Sacramentum, & posuisset corpus verum Christi sub speciebus absque anima, & tunc caro, & ossa &c. differebant specie; ergo & nunc, dum est viuum: est enim idem terminus cuiuscunque consecrationis: Sed de hac materia alibi actum est.

253. **OBIIIES** primò: Si poneretur anima sola in materia, compositum esset homo: ergo sunt superflua istæ formæ: Antecedens probatur: quia constaret ex materia, & forma perfectissima valente tribuere esse corporeum tali materiæ: ergo.

**RESPONDETUR** ex S. Bonau. lib. 2. dist. 15. art. 1. quest. 1. ad 2. negando antecedens: si enim anima poneretur in lapide, nihil faceret, multò minùs in materia prima: & ad probationem antecedentis respondetur concedendo animam esse perfectissimam per excessum eminentialem super omnes formas: non verò per continentiam formalem nisi per ordinem ad formam sensitivam, & vegetantem, quæ sunt spirituales: obidque non posse tribuere esse corporeum, ut aliàs traditum est.

**OBIIIES** secundò: Forma substantialis dat esse simpliciter: ergo non præsupponuntur formæ substantiales antecedenter: alioquin non haberetur tale esse per generationem, quæ est mutatio totius in totum nullo sensibili remanente. Tum etiam quia fieret aggregatum per accidens.

**Hoc** argumentum est Caietani,

quod magni facit; sed nihil contra nostram sententiam concludit: Respondetur igitur forma substantialis dat esse simpliciter, idest, substantiale non esse secundum quid, sicut facit forma accidentalis: sic negatur consequentia: Ad probationem respondet Serbellon. generationem esse mutationem totius in totum, idest illius, quod erat hoc aliquid, verbi gratiâ, corpus, vel caro in totum, idest in nouum esse simpliciter, ob cuius rationem non ampliùs dicitur, hoc est caro, hoc est os, sed hæc est caro hominis, cuius fit pars: Sed meliùs

**RESPONDETUR** cum Meldu. de gener. dist. 5. num. 30. siq. hanc non esse rectam definitionem: alioquin & materia deberet corrumpi in generatione. Tum etiam quia competit transubstantiationi Eucharistiæ. Tum etiam quia competit corruptioni: unde in sententia Seraphica hæc erit aptior. Generatio est mutatio à substantia in potentia ad substantiam in actu: Et ad illud de pluribus formis iam aliàs probatum est posse dari plures formas subordinatas, ipsasque ordinari ad vnâ totalem, & vltimò complementem.

254. **SECUNDA CONCLUSIO:** Præter formas partiales corporis heterogenei datur etiam vna forma totalis dans vnicum esse ipsi corpori organico, quam S. Bonau. appellat formam complexionis: Scotus formam corporeitatis: Sic Seraph. Doct. lib. 1. dist. 8. par. 2. art. 1. quest. 3. ad 4. & lib. 1. dist. 1. par. 2. art. 1. quest. 2. ad 3. & lib. 2. dist. 26. art. 1. quest. 5. & Scot. 4. dist. 11. quest. 3. & Sequac. contra Thomistas, Aliosque plures, ut Morand. hic quest. 4. Conimbric. Ruui.

**PROBATVR** rationibus desumptis

pris ex Seraph. Doct. Tum quia omnes partes organicæ sunt unitæ : ergo per unionem constituitur vnum totum corpus , sed unitas substantialis dependet à forma substantiali , ergo est vnum corpus per vnam formam substantialem. Tum quia anima omnibus partibus vniformiter præbet vitam : ergo habent vniformitatem ad vitam : sed hanc non possent habere , provt partes sunt : sic enim sunt differentes specie : ergo per aliud ; sed id non potest esse nisi forma vnica substantialis : ergo.

PROBATVR Minor : Quia corpus organicum est vnum corpus substantiale : Et hinc acutè norauit Seraph. Doct. lib. 2. dist. 8. part. 1. art. 3. quest. 3. & lib. 4. dist. 44. part. 1. art. 2. quest. 2. ad 3. & dist. 49. part. 2. art. 2. quest. 1. in corp. quod anima vnitur corpori vt perfectio , seu vt forma , & vt motor ; vt est perfectio , respicit corpus vt vnum , scilicet complexionatum per formam pro-

priam substantialem : vt motor , respicit partes heterogentas , & organa , per quæ operatur.

OBIECTES cum Morando : Hæc forma vel est homogenea , vel est heterogenea : non primum , cum respiciat partes dissimiles : nec secundum , quia sic nec esset vna , sed multiplex.

RESPONDETVR esse homogeneam : posseque ratione suæ perfectionis informare omnes partes ipsas disponendo ad vitam : alioquin etiam anima deberet esse heterogenea , quæ respicit varias , & dissimiles partes.

OBIECTES secundò : Talis forma est diuisibilis : ergo est multiplex.


RESPONDETVR ex alijs traditis esse diuisibilem per accidens : vt sunt omnes aliæ corporeæ ; sed negatur consequentia : quia respicit vnum totum informabile , vt dictum est.





# PARS PRIMA DE ANIMA. TRACTATVS SECVNDVS.


*De Potentiis animæ.*

255.  BSOLVTIS iis, quæ ad essentiam animæ spectant : nunc restat, vt ad explicationem communium proprietatum, & passionum accedamus ; & hoc quidem sub communi ratione : nam sub peculiari infrà per suos tractatus propriam naturam vniuscuiusque animæ, & potentiæ inuestigabimus.



## QVÆSTIO PRIMA.

*Quomodo potentia animæ ab ipsa  
Anima distinguantur.*

 IC titulus quæstionis quærit, an substantia, vel anima sit de se potens secundum suam essentiam tanquam principium proximum, & immediatum elicere actus vitales : an verò necessariò exigit aliud principium superadditum, quod illi sit ratio formalis, secundum quam anima valens sit tales actus elicere : In qua quæstione

PRIMA opinio est D. Thomæ, &

Sequac. Toleti, Ruuij, Suarez, Aliorumque plurium dicentium Potentias animæ realiter distingui ab anima tanquam accidentia de secunda specie qualitatis : Durand, idem asserit de facultatibus sensitiuis, & rationalibus, negat de vegetatiuis.

SECUNDA opinio est Nominalium, Ocham. lib. 2. *distinct.* 16. *quest.* 24. & 26. Greg. Arriag. Hurtad. Quied. vllam distinctionem inter animam, & potentias non admittentium, sed volunt animam dici intellectum, dum intelligit, voluntatem, dum vult.

TERTIA opinio est Scoti, & Sequac. & Plurium Aliorum admittentium tantum distinctionem formalem ex natura rei, esseque idem reali-  
ter

ter cum anima sustinentium : quibus præiuit Seraph. Doct. vt mox patebit. Pro solutione quæstionis

PRIMò Notandum, quod essentia rei dicit ipsam entitatem absolutam consideratam secundum se : hæc autem potest considerari per ordinem ad actum primum, & ad secundum : ad actum primum dupliciter potest sumi, scilicet prout est in potentia ad esse actu per suam formam, sic essentia Rosæ in hyeme est in potentia, scilicet obiectiua ad esse actu in vere per suam formam : secundò in ordine ad operationem, idque exigit aliquid superadditum ipsi essentia actuali : nihil enim est suum esse, sua virtus, & operatio, nisi solus Deus, ait S. Doct. *lib. 1. dist. 8. part. 2. art. 1. q. 2. & dist. 43. art. 1. q. 1. & dist. 7. dub. 5. & 6.* quælibet autem creatura alio est, & alio potest : alioquin semper esset in actu secundo : Sed vltimò est aduertendum, quod in creaturis cum detur gradualis latitudo perfectionum, quod res est perfectior, ed etiam est virtuosior, & hinc in perfectiori creatura etiam exigitur multiplicitas potentia per ordinem ad diuersos actus, & diuersos modos tendendi in terminum, & operandi, & cum anima inter cæteras formas sit perfectissima, indiget etiam multiplici potentia : Sic Seraph. Doct. *lib. 2. distinct. 24. part. 1. art. 2. quæst. 1. ad vltim. & distinct. 26. artic. 1. quæst. 5.* aduertens, quod anima, vt est forma corporis, respicit ratione suæ essentia corporis complexionem : ratione verò potentialium respicit corporis organizationem : anima enim in se, & viuere, & agere habet, sed viuere per seipsam, & propriam formam, & agere per potentias : Sic & *lib. 1. R. P. Barr. de Castrovetro Phil. P. III.*

*distinct. 8. part. 2. artic. 1. quæst. 3. ad 4.*

256. SECUNDò Notandum ex S. Doct. *lib. 1. distinct. 3. part. 2. art. 1. quæst. 3. in corp.* quod potentia naturalis animæ potest sumi tripliciter : primò, prout dicit aliquid superadditum ab extrinseco ipsi potentia, seu substantia, idest mediante aliqua proprietate accidentali : vt est potentia syllogizandi, sic est qualitas de prima specie : secundò, prout dicit modum existendi naturalis potentia in subiecto, quatenus talis modus accidentaliter prouenit ab intrinseco, vt facilitas agendi, currendi, ingeniositas, &c. & hæc est de secunda specie qualitatis : tertio dicitur potentia naturalis naturaliter egrediens à substantia immediatè, & hoc potest esse dupliciter : vel enim aliqua potentia egreditur à substantia cum accidente, vt potentia calefaciendi exit ab igne cum calore, & hæc est accidentaliter, & eiusdem rationis cum calore : vel quatenus egreditur immediatè à substantia absque medio accidente : & hoc vltimo modo sumuntur potentia animæ, quatenus ab animæ substantia immediatè emanant naturaliter : quia omni accidente circumscripto statim ac anima est in esse, simul habet potentiam ad memorandum, & intelligendum se : Vnde istæ potentia animæ sunt animæ substantiales, & in eodem genere per reductionem : sed quia egrediuntur ab anima : potentia enim se habet per modum egredientis, non sunt omnino idem per essentiam, nec tamen adeò differunt, vt sint alterius generis : Quare cum SS. PP. & DD. dicunt, quod anima est suæ potentia : talis prædicatio non est accidentis de subiecto, nec eiusdem

eiusdem animæ per essentiam, idest quasi prædicatum dicat essentiam, vel partem constituentem animam in esse, sed quatenus potentia sunt de integrali perfectione animæ, & ob id non ita sunt idem cum anima, quod anima non possit concipi sine illis, & è conuerso: Sic Seraph. Doct. *ibid.* ad 1. hinc patet in sententia S. Bonauent. distinctio formalis, & identitatis realis potentiarum cum anima.

257. TERTIO Notandum, quod potentia animæ aliæ sunt organicæ, aliæ inorganicæ: primæ sunt, quæ non habent esse completum, nisi habeant organa, à quibus compleantur per ordinem scilicet ad operandum, nec possunt agere absque organis, vt est potentia visiva, vegetatiua, &c. secundæ sunt, quæ non dependent ab organo in operari, vt intellectus, &c. primæ scilicet organicæ possunt adhuc considerari dupliciter, primò præcisè, prout important solum esse virtutes animæ: secundò materialiter, prout inuoluunt organum: & hoc secundo modo certum est distinguere ab anima saltem inadæquatè, cum anima separata non habeat organa secundum se: Quæstio igitur procedit de omnibus potentiis secundum se, & præcisè, an distinguantur.

258. QUARTO Notandum, quod cum dixerimus has potentias egredi immediatè à substantia, aduertendum est, quod duobus modis potest intelligi id posse fieri: primo per veram influentiam, & Physicam causalitatem, tuncque terminus productus fundat veram distinctionem realem: secundo modo per emanationem Metaphysicam absque eo, quod concurrat vera ratio causalitatis, & influentia distinctæ: sed tantum dicitur proue-

nire hoc modo vnum ab alio, quatenus vnum est ratio prior, & causa essendi aliud ita, quod primum est terminus Physicæ causalitatis, sed quia necessariò ad ipsius positionem intelligitur aliquid consequi: hinc dicitur emanare Metaphysicè.

ET si quæras: Vnde discernenda est differentia inter has duas emanationes.

RESPONDETUR, quod illa, quæ per emanationem Metaphysicam egrediuntur, exeunt absque medio accidente à principiis intrinsicis, & essentia subiecti, & in eodem recipiuntur, per modumque permanentis se habent quasi cōnaturalia, & essentialia subiecto: quæ verò exeunt medio accidente, & causalitate Physica, vel non recipiuntur in eodem principio; vel si recipiuntur, vt sunt actus immanentes, & vitales, tamen non se habent vt connaturales, & per modum permanentis: vnde adsunt, & absunt præter subiecti corruptionem: hinc ista realiter distinguuntur à suo principio, illa nequaquam: sed tantum habent conceptus obiectiuos, ita quod fundant distinctionem formalem: Hincque patet discrimen inter Nos, & Thomistas, & Nominales: Thomistæ enim volunt potentias produci ab anima per veram causalitatem Physicam: Nominales negant produci vllò modo: Nos verò dicimus emanare emanatione Metaphysica tantum. His positis

259. PRIMA CONCLUSIO: Potentia animæ non distinguuntur ab anima realiter, vt dicunt Thomistæ, nec solum per intellectum, vt dicunt Nominales: sed tantum formaliter ex natura rei, seu, vt dicit S. Bonauent. media distinctione inter realem, & rationis. Est S. Bonau.

*lib. 1. dist. 3. part. 2. quæst. 3. & lib. 2. dist. 16. part. 1. art. 1. quæst. 5. & dist. 24. part. 1. art. 2. quæst. 2. 3. & 4. Scoti lib. 2. dist. 16. aliisque loc. cit. à Maestro hic*

Hic autem aduertendum est circa intelligentiam sententiæ S. Doct. ne fiat æquiuocatio, quod ipse in *lib. 1. dist. 3. citat.* mouet quæstionem, an potentiæ sint idem in essentia cum anima. Et in solutione quæstionis videtur asserere ipsas non esse idem, sed differre realiter ab anima: proponit enim argumenta in contrarium probantia non esse idem, & ipsa soluit relinquens intacta illa, quæ probant distinctionem: Attamen si rectè perpendatur in corpore quæstionis, & in responsionibus ad obiectiones, & maxime in fine, patebit ipsum excludere distinctionem realem inter ipsas, item & identitatem formalem: concludit enim tali pacto: Vnde potentiæ animæ sunt substantiales animæ, & in eodem genere per reductionem: nec sunt omnino per essentiam idem, nec tamen ita differunt, vt sint alterius generis; sed sunt in eodem genere per reductionem. Et in responsione *ad 1. & 2. & ad illud D. Bern. & D. August.* quod anima est suæ potentiæ, dicit hanc non esse prædicationem eiusdem per essentiam, scilicet identitatem, nec accidentis de suo subiecto, sed esse essentialem, non quod potentiæ dicant animæ essentiam totam, vt species, nec partem constituentem, vt materia, & forma: nec idem ita, quod non possit esse, vel intelligi anima sine potentiis, idest per identitatem formalem: habent enim diuersos conceptus obiectiuos, sed esse talem, quod sine potentiis anima non habet esse perfectum:

ideoque dicitur anima esse suæ potentiæ, idest identicè, & realiter, quia non transit in aliud genus: Et *ad 4.* dicit potentias addere animæ, plusquam faciat potentia passiva materiæ: ideoque e diuersitas potentiæ in materia ad plures formas non est multiplex, sed est vnica ad omnes formas: ratio est, quia id imperfectionis est, & ratione priuationis: at potentiæ animæ superaddunt aliquid positium: quia agere dicit perfectionem superadditam substantiæ: Idem *ad 6. & in fine* addit. Argumentum autem factum ad oppositum, quod differunt, quia sunt in diuersis generibus, soluendum est per interemptiuum, quia sunt in eodem genere per reductionem: Idem omnino habet *lib. 2. dist. 24. part. 1. artic. 2. quæst. 1.* vnde patet Serap. Doct. excludere distinctionem realem, admittitque tantum mediam, vel formalem secundum tradita in *tract. formalitatum*: His positis

PROBATVR prima pars contra Thomistas primò authoritatibus D. August. *Serm. 3. de temp. & tract. 15. in Ioan. & lib. 10. Confes. cap. 14. & D. Bern. Serm. 11. in Cant. & Ygon. Victor. lib. de spiritu, & an. cap. 4.* quorum aliqui Textus citantur à S. Bonauent. *lib. 1. dist. 3. citat.* qui omnes dicunt animam, & potentias esse vnum inter se.

RESPONDENT Thomistæ hos Patres locutos fuisse ita non propter identitatem, sed ob intimam coniunctionem animæ cum potentiis, & inseparabilitatem in operatione.

CONTRA: Quia datâ hac inseparabilitate in operatione, si etiam inter se distinguuntur realiter tanquam

HH 2 substan

substantia, & accidentia, nunquam poterunt dici vnum in essentia: Sic loquitur D. August. *cit.* à S. Bonau. hæc tria memoria, intelligentia, & voluntas sunt vna mens, vna vita, vna essentia, & substantia: & S. Bernard. hæc tria sunt ipsa anima.

260. **PROBATVR** secundò ratione: Potentiæ istæ producuntur ab anima immediatè absque potentiis superadditis: ergo anima ante ipsas potentias habet potentiam ipsas producendi: tunc quæro, vel ergo ista potentia distinguitur ab anima: vel non: si distinguitur: ergo est abire in infinitum: si non: ergo potentia non distinguitur ab anima realiter: ergo nec cæteræ, cum non sit maior ratio de istis, quàm de illa.

**PROBATVR** tertio: Si distinguuntur realiter: ergo poterunt separari à Deo; sed hoc est falsum: Probatur, quia in casu separationis anima non esset potens, sicque erit principium absque potentia, sed id implicat: ergo.

**PROBATVR** quarto: Quia si sunt accidentia realiter distincta: ergo poterunt separari absque corruptione animæ; sed hoc est falsum: Probatur, quia si à planta, vel ab animali tollatur potentia vegetatiua, vel sensitua, utique perit, nec per Diuinam potentiam potest esse viuens, & multò magis id dicendum de anima rationali: potentiæ enim vitales non possunt à Deo suppleri: nam potest quidem Deus nutrire aliquid, sed illa nutritio non esset actio vitalis, quia non promanaret à principio, in quo recipitur: ergo.

**PROBATVR** quinto: Quia anima rationalis, si esset realiter distincta ab intellectu, diceretur per acci-

dens intellectiua, & accidentaliter distinguui ab irrationalibus.

**RESPONDENT** esse radicaliter, & seipsa intellectiuam.

**CONTRA:** Ergo non habet potentiam ad intelligendum de se, sed tantum indifferentiam; sed eodem modo se habet homo ad albedinem: ergo.

**PROBATVR** sexto: Si distinguuntur potentiæ ab anima realiter: vel ipsæ sunt substantia, vel sunt accidentia: non primum, quia essent aggregatum plurium substantiarum; nec secundum, quia anima sensitua per nutritionem producit substantiam: Sed accidens non potest attingere productionem substantiæ, ut in Phys. probatum est: ergo. Tum quia anima per accedens, non per se esset beata, intelligens, volens, quod est falsum: Patet sequela, quia actus primus quando per accedens conuenit alicui, etiam per accedens ei tribuitur actus secundus. Tum etiam quia impossibile esset animam absque ipsis posse conseruari viuere, &c.

**RESPONDENT** negando sequelam ex hoc, quod licet potentiæ sint accidentia, conueniunt tamen animæ per se: quia se habent per modum passionum, & sunt veluti instrumenta, quibus utitur anima ad exercendas vitales operationes.

**CONTRA:** Ergo anima influxu distincto à potentiis producit actus, & influxus potentiarum erit instrumentalis: sicque ipsa anima erit immediatè operatiua absque potentiis: alioquin si solum ageret per potentias tanquam per rationem ut quæ: si hæc est instrumentalis, & anima ager tanquam causa instrumentalis: ratio enimque agendi si est principalis



palis facit causam principalem, si est instrumentalis, facit instrumentalem.

**CONFIRMATUR :** Quia animam agere mediis potentiis, ut instrumentis vel dicit aliquam actiuitatem immediate in anima respectu actus spectantem ad genus efficientis, vel dicit simplicem sustentationem potentiarum, quatenus sunt in anima in hæc suo modo : si primum ; ergo anima immediate agit non medio aliquo distincto realiter : Si secundum ; ergo actus liberi non imputantur animæ, sed solum voluntati : Patet consequentia : quia anima semper se habebit naturaliter in his actibus, scilicet sustentando potentias, quæ omnia sunt maxima absurda.

**PROBATVR** septimò : Potentiæ per Aduersarios producuntur per veram causalitatem ab anima : ergo multò magis ipsa poterit producere actus earundem immediate ; non enim maior virtus, & adiutorium alicuius superadditi requiritur ad actus accidentales producendos per veram causalitatem, quàm ad productionem Physicam potentiarum : immò minor virtus ad actus requiritur, quàm ad potentias, sicque potentiæ erunt superfluz.

**PROBATVR** octauò : Quia actus intellectus, & voluntatis non essent vitales, cum non procedant immediate à vita, sed ab aliquo realiter distincto à vita.

**PROBATVR** nonò : Quia præciso intellectu, adhuc anima est intellectiua essentialiter : ergo non distinguitur realiter.

**RESPONDET** Ruuius fore intellectiuiam radicaliter, non formaliter.

**CONTRA :** Quia gradus viuendi sunt formaliter tales, sed isti compertunt animæ immediate, & forma-

liter : ergo non sufficit ista radicalitas. Vltèriùs : Illa potentia separata, vel seipsa immediate esset potens elicere, vel medio alio accidente superaddito : Si primum : ergo idem poterit dici de prima potentia respectu animæ, quod non sit distincta realiter, non enim est maior ratio : Si secundum : dabitur processus in infinitum.

**PROBATVR** decimò à Seraph. Doct. ex experientia, & lib. 2. dist. 24. part. 1. art. 2. quæst. 1. fund. 6. quod & assert. Suarez scilicet. 5. & Mastrius hic : Cum vigoratur actus vnus potentiæ, minoratur actus alterius, ut si anima attendit ad alia, etiam si oculus recipit speciem coloris, non ipsum conspicit : ergo signum est animam immediate concurrere ad actus vitales : Patet consequentia : quia quando duo principia realiter distincta non sunt contraria, vnum non impedit actus alterius : Nec valet, si dicas id pronenire ex summa conjunctione, & subordinatione ; nam potentia, verbi gratiâ, visiva non est subordinata auditivæ, & tamen actus vnus impedit actus alterius.

261. **PROBATVR** secunda pars contra Nominales à S Bonau lib. 1. dist. 3. cit. & simul tertia pars cum eodem Seraph. Doct. & Scotistis primò ex D. Aug. qui assignat differentiam imaginis creatæ ad Trinitatem increatam : quia in Trinitate creata habens non est id, quod habetur, in increata habens est id, quod habetur, & D. Dionis. dicit, quod in quolibet creato differunt hæc tria, substantia, virtus, & operatio, & D. Boet. in quolibet creato differunt, quo est, & quod est : ergo multò magis quo potest, & quod potest.

**PROBATVR** secundò ratione à Seraph. Doct. ibid. ad 3. Si omnino idem

H h 3 est

est principium essendi, & operandi in anima, sequitur, quod sit similis identitari Diuine: In Deo enim solo non differunt esse, virtus, & operatio. Tum quia si idem omnino sunt esse, & principium formale operandi, sequitur, quod semper erit anima in actu secundo operandi: Probatür sequela, quia semper est in actu secundo essendi: ergo & operandi

PROBATVR terriò: Quia sequerentur contradictoria prædicata de eodem principio, scilicet operari naturaliter, & liberè: sunt enim istæ duæ differentię primò diuidentes principium actiuum: ergo non possunt eidem competere simul, & semel secundum idem. Tum quia D. Aug. *tr. 15. in 10.* dicit intellectum non esse animam, sed aliquid animæ. Tum quia habent diuersas definitiones, nec se includunt formaliter mutuo, sunt & disparatæ: ergo.

Ex quibus sequitur, quod identificantur cum anima, cui sunt essentialia.

162. OBIICIET primò pro Thomistis: Anima est imago SS. Trinitatis, sed potentia repræsentant tres personas realiter distinctas: ergo & ipsæ sunt realiter distinctæ.

RESPONDET S. Bonau. *lib. 1. diff. 3. cit. quæst. 2. & lib. 2. diff. 24. part. 1. art. 2. quæst. 1. ad 1.* sumi imaginem non præcisè in potentiis, sed in mente, notitia, & amore, sic nego Minorem, & consequentiam: de quo aliàs redibit sermo.

OBIICIET secundò: Potentia recipiunt magis, & minùs, nam vnus intellectus est perfectior altero, & vnus beatus intensius videt Deum alio: ergo sunt accidentia, substantia enim non recipit magis, & minùs.

RESPONDETVR in Seraphica Doctrina dari latitudinem gradualem in substantiis quoad perfectionem indiuidualem, & entitatiuam, quod & infra suo loco probabitur.

RESPONDETVR secundò, hoc magis, & minùs posse provenire ex perfectiori organizatione: vel ex perfectiori habitu existente in intellectu, vnde nihil contra Nos.

OBIICIET terriò: Anima est actus corporis organici: sed intellectus non est talis actus: ergo non sunt idem realiter.

RESPONDETVR distinguendo Minorem: Intellectus non est actus corporis identicè, nego: formaliter, concedo: sic enim importat præcisè rationem principij actiuam, non vt est identicè forma: sic negatur consequentia.

OBIICIET quartò: Anima essentialiter est actus corporis, sed potentia sunt idem essentialiter cum tali anima: ergo cum anima semper sit actus, & potentia erunt actus, & semper agent, consequens est falsum: ergo & antecedens: ergo non sunt idem realiter.

RESPONDETVR latere æquiuocationem in hoc argumento. Anima est essentialiter actus, prout est forma, concedo: potentia sunt actus in genere efficientis causæ: sic anima, vt est forma, semper est in actu, non verò prout est principium effectiuum actuum. Tum etiam quia id verificatur de agente totali, & independente, quale est Deus: non verò de dependente: Solus enim Deus est semper in actu

163. OBIICIET quintò: Potentia, & actus sunt in eodem genere, sed actus sunt accidentia: ergo & potentia: & confirmatur, quia debent

debent proportionari ad inuicem : ergo.

RESPONDETUR esse veram maiorem de potentia obiectiua, & actu entitativo ; non de potentia actiua, & effectibus , vt est in proposito : sufficit enim , vt proportionentur non in entitate , sed in actiuitate , scilicet vt effectus contineatur in virtute suæ causæ ; alioquin nullum accidens posset à substantia produci.

OBIECTIES sextò : Totum distinguitur realiter à suis partibus : ergo multò magis potentia ab anima, cum ipsa integrent animam.

RESPONDETUR negando potentias esse partes animæ nisi improprie : non enim causant animam , sed potius ab ipsa causantur : dicuntur tamen esse de perfectione animæ , quatenus sunt perfectiones virtuales animæ : sunt enim ratio , vt qua ipsa operatur.

OBIECTIES pro Nominalibus primò : Anima est immediatum principium essendi, & operandi : ipsa enim est, quæ intelligit , non intellectus : ergo intellectus non est aliquid distinctum ab anima.

RESPONDET S. Bonauent. anima est immediatum principium essendi, & operandi remotum , concedo , sine vt quod : proximum , nego , & vt quo : explicio dictum : licet enim anima sit immediatum principium essendi, & vt quo ipsi composito : non tamen operandi : non quod inter animam , & actus mediet alia causa siue principalis , siue instrumentalis : Sed quia mediat ratio qua , nempe potentia , quæ sunt animæ rationes formales ipsam constituentes in actu primo operandi.

OBIECTIES secundò : Potentia ad

operandum præsupponit essentiam vltimò completam : ergo potentia illi adueniens erit animæ accidentalis : vel potentia erit omnino idem cum anima.

RESPONDETUR potentiam præsupponere essentiam animæ in suo esse vltimo quoad esse , concedo , & etiam quoad operari remotè : non verò quoad posse , cum constituatur in statu proximo , & immediatè per potentiam : Vel dic, potentiam præsupponere essentiam completam secundum esse ante actum : non verò ipsam completam quoad posse.

OBIECTIES tertio : Sol eadem potentia plures effectus producit oppositos : sic & aliæ substantiæ absque potentia superaddita produciunt varios effectus : ergo & anima multò magis id poterit.

164. RESPONDET S. Bonau. lib. 2. distinct. 24. part. 1. art. 2. quæst. 2. fund. vltim. & ad 7. & 8. primò negando antecedens : nam nulla creata substantia est immediatè operatiua , sed exigit virtutem superadditam : Solque alia virtute calefacit , alia defeccat.

RESPONDETUR secundò : transeat antecedens , & negatur paritas de Sole : Sol enim non est formaliter , sed tantum virtualiter , & effectiue calidus , siccus , &c. habet tamen virtutem superadditam distinctam : Anima verò est talis formaliter , scilicet intellectiua , volitiua , idè tales potentia sunt aliquid ab anima distinctum.

RESPONDETUR tertio , quod anima , cum sit inter substantias omnium perfectissima , licet quoad esse primum sit maximè vna , non tamen quoad esse secundarium , scilicet quoad posse : cum enim sit in se limitata

mitatæ naturæ, idè indiguit multiplicitatè potentiarum, quæ identificatæ cum ipsa reddunt eam perfectissimam, & quibus potest per varios modos operandi producere suos actus.

**OBIICTES** quartò : Impossibile est, quod vnum, & idem realiter sit productiuum, & non productiuum, receptiuum, & non receptiuum: Sed intellectus est productiuus intellectio- nis, & non volitionis: ergo vel distinguuntur realiter, vel ratione tantum, & per ordinem ad actus.

**RESPONDETUR** hoc argumentum militare contra ipsos Nominales: & ad saluandas istas contradictiones sufficere distinctionem formalem ex natura rei, vt aliàs probatum est.

**OBIICTES** quintò : Anima est immediatum principium producendi, & recipiendi actus suos: ergo non indiget aliquo superaddito.

**RESPONDETUR** esse immediatum principium quod, non quo: vel si est etiam quo, id erit, quia simul cum ipsa identificantur potentia: quibus mediis est immediatum principium, & producendi actus, & recipiendi ipsos.

**OBIICTES** sextò cum Serbellon. Si potentia distinguuntur àb anima, id est, vel quia anima non potest immediatè operari absque ipsis: vel quia sunt comprincipium cum ipsa operandi, sed vtrumque est falsum: ergo.

**PROBATUR** Min. Non hoc secundum, quod & Nos fatemur contra Thomistas, nec primum, & probatur, quia anima per Aduersarios est principium immediatum potentiarum: ergo multò magis actuum sine potentiis.

**RESPONDETUR** concedendo primam partem Maioris: Ad probationem respondetur negando paritatem de productione potentiarum, & actuum: ratio est, quia anima non est principium productiuum potentiarum per veram influentiam, sed dicitur tantum principium per emanationem Metaphysicam, quatenus ad productionem animæ intelliguntur, & consequenter productæ potentia: cum ipsa identificatæ: at respectu actuum, cum ipsi producantur per veram influentiam, requiritur, vt sit proximè potens, & in actu primo per suam rationem formalem potentia: hinc patet hallucinatio Serbelloni.

**OBIICTES** septimò : Quæ sunt eadem vni tertio, sunt eadem inter se: sed potentia: sunt idem realiter cum anima: ergo & inter se: sed consequens est falsum: ergo & antecedens.

**RESPONDETUR** ex Scoro verificari illam maximam, quando extrema, vel alterum ipsorum est infinitum: non verò quando est finitum.

**RESPONDETUR** secundò verificari de ea identitate, qua sunt in illo tertio, scilicet in illo tertio identificantur, ita vt constituent vnā rem, licet cum diuersis formalitatibus simul identificatis in anima.

**OBIICTES** octauò : Si potentia: separarentur à Deo ab anima: tunc anima esset adhuc intellectiua: ergo sunt idem omnino cum ipsa.

265. HVC obiectioni tenentur respondere Thomistæ admittentes talem separabilitatem: Nos negamus cum Seraph. Doct. lib. 2. diffinit. 25. part. 1. art. 1. quæst. 5. in fine corp. posse separari ex hoc, quod potentia: dependent

pendent ab anima entitatiuè, & intrinsecè, cum qua sunt radicatæ, & identificatæ, nec possent à Deo suppleri, quia se habent cum anima veluti formæ in ea receptæ. Ex qua positione euanescent tanquam frustatorie plures quæstiones, quas proponunt Multi maximè Ravius ex suppositione, quod sint potentiæ vitales separabiles ab anima: An potentia vitalis separata possit à Deo vñiri subiecto extraneo, verbi gratiâ, lapidi: An talis potentia separata existeret per se, an in statu violento, an naturali: qui Author proponit etiam alias quæstiones, an potentiæ producantur ab anima per veram actionem Physicam distinctam in genere causæ efficientis: an verò in genere causæ materialis, siue finalis: vbi Niphus, landun, Ægid. admittunt tantum in genere materiali: Ipse verò cum pluribus in genere causæ efficientis, & hoc per veram actionem Physicam, nempe quia educuntur de potentia animæ ab eadem anima.

**Sed** ex traditis patet, istas quæstiones euanescere: nec enim possunt istæ potentiæ separari, nec producuntur per veram actionem, sed tantum emanatione Metaphysica resultant, & verè producuntur ab ipso producente animam.

**QVÆRES:** quodnam sit subiectum potentialium vitalium.

**RATIO** dubitandi est: quia aliquæ sunt organicæ, aliæ inorganicæ, & quæritur, an organicæ subiectantur in organo, an in anima: Ravius cum aliis docet organicas subiectari in organo, inorganicas in anima, & ob id in morte cuiuslibet deperdi organicas. Scotus è contra docet omnes subiectari in anima, sed in

*R. P. Bart. de Castrovetro Phil. P. III.*

statu separationis organicas non exercere suos actus ob dependentiam ab organo, cui præiuit Seraph. Doct. lib. 4. distinct. 50. part. 2. art. 1. quæst. 1. addens, deperdi in separatione animæ à corpore vsum sensitiuarum potentialium eo, quod anima habet quidem illas, sed quia vsum earum exigit potentiam passiuam in organo: hinc omisso organo non amplius potest operari: Anima autem intellectiua eo, quia est composita ex materia, & forma, idè potest exercere omnes illos actus, sed perfectiori modo, quos exercebat per sensitiuas in corpore, scilicet sentire, imaginari, & intelligere per potentiam intellectiuam: Sic & lib. 2. distinct. 8. part. 1. quæst. ultim. ad ult. quod & fusiùs tradetur à nobis, cum de anima separata.

Ex quibus etiam habetur solutio alterius quæstionis, an operationes potentialium recipiantur in anima: an in potentiis: an in organo: nam actus producti ab anima per potentias inorganicas recipiuntur immediatè in ipsa anima mediante potentia: actus verò producti per organa producuntur quidem ab anima, scilicet media potentia, & organo tanquam comprimipio, sed recipiuntur in organo: Sic Seraph. Doct. lib. 4. distinct. 50. part. 2. articul. 1. quæst. 1. & lib. 2. distinct. 8. citat.

## QVÆSTIO II.

*Vndenam sumatur distinctio  
potentiarum.*

166. **C**OMMUNE est axioma in Philosophia potentias specificari per actus, & actus per obiecta, sed quia variant DD. in sensu huius propositionis, nempe an verè specificatio potentiarum desumi debeat ab actibus, an ab obiecto, an aliundè.

THOMISTÆ dicunt specificationem potentiarum desumi per ordinem ad actus, & specificationem actuum ab obiectis, eo quod potentia intrinsecè dicit relationem ad suos actus, & ad obiectum, relationes enim specificantur à terminis formalibus: Citatur S. Bonavent. pro hac opinione à P. Bauduino, sed malè, ut demonstrabitur infra.

SCOTVS, & Scotistæ docent specificari per suas proprias differentias intrinsecas: dici autem specificari per actus, & obiecta tanquam per rationes extrinsecas, & per manifestationem, & innotescentiam, & hæc est Opinio Seraph. Doct. ut mox patebit. Interim

PRIMò Notandum, quod Seraph. Doct. pluribus locis assertit hoc axioma Aristotelicum, ipsumque explicat, asserens, quod est verum, dummodò sumantur actus proprii, & per se, & obiecta secundum rationem non materialem, sed formalem, & per se, & secundum rationem motui, & actui: Sic lib. 3. *distinct.* 23. art. 1. *quest.* 3. ad 1. & *dist.* 35. art. 1. *quest.* 1. ad ultim. & lib. 2. *distinct.* 7.

part. 1. art. 2. *quest.* 1. ad 5. & lib. 4. *distinct.* 14. part. 1. artic. 1. *quest.* 2. ad 3.

ADDIT tamen lib. 2. *distinct.* 14. part. 1. art. 2. *quest.* 1. ad 3. quod potentia distinguuntur immediatius per actus, quàm per obiecta: vnde ad differentiam essentialem potentiarum sufficit diuersitas obiectorum secundum rationem tantum, sic verum, & bonum sunt idem secundum essentialitatem, diuersa secundum rationem, & tamen verum est obiectum intellectus, & bonum voluntatis: cognoscere autem, & amare sunt actus realiter differentes: Potentia verò, quæ sunt ad hos actus, per seipsas diuersitatem habent: Hinc patet Seraph. Doct. velle potentias non differre absolute per actus, sed per seipsas, id est per proprias differentias, quæ tamen, cum sint nobis ignotæ, patent per actus diuersos ad diuersa obiecta formalia: vnde potentia sunt quid in se absolutum, includentes tamen in se respectum transcendentalium ad actus, & obiecta: Potentia enim (ait S. Doct. lib. 1. *dist.* 3. part. 2. art. 1. *quest.* 3. ad 3.) dicit formaliter proximum, & immediatum principium operandi: & lib. 1. *distinct.* 7. dub. 6. potentia potest considerari secundum id, quod est, & sic dicit naturam (id est quid absolutum,) & secundum id, ad quod est, & sic dicit relationem ad aliud, nempe ad actus, & obiecta, & cum relatio sit post esse absolutum ex lib. 1. *distinct.* 26. *quest.* 1. ad 6. hinc prius per seipsas distinguuntur, antequam intelligantur relatiuè.

267. SECUNDò Notandum, quod cum dicat Seraph. Doct. specificari potentias (modo supra dicto) per actus, & obiecta per se, id intelligendum

ligendum est hoc modo, & primo in ordine ad actus: secundo in ordine ad obiecta; & quoad actus aduerte, quod actus alicuius potentia possunt sumi dupliciter, vel adæquatè, vel inadæquatè: Primò, quatenus compleunt totam latitudinem potentia valentis producere plures actus, & secundum se diuersos, & multiplicatos in infinitum, quorum tamen quilibet spectat ad rationem formalem distinctiuam potentia, quatenus non possunt elici ab alia potentia: secundo modo scilicet inadæquatè, quatenus actus partialiter tantum responderet potentia, vel ut ait Seraph. Doct. *lib. 2. distinct. 19. dub. 2.* quatenus actus non circumplectitur totam potentiam: sic, verbi gratia, simplex apprehensio est actus inadæquatus intellectus, oculi autem est visio albedinis tantum: Distinctio autem ex actibus non debet desumi ex actibus inadæquatè sumptis, sed ex adæquatè sumptis, & secundum propriam rationem formalem distinctiuam, quæ nobis elucescit à posteriori, scilicet quatenus omnes, & singuli sunt inseparabiles à potentia, nec valent produci à qualibet alia, & hæc est ratio formalis actuum distinctiuam, quia isti actus (ait Seraph. Doct.) circumplectuntur totam potentiam.

268. TERTIO Notandū, quod circa obiectū potentia in ipso obiecto non consideratur ratio materialis, & communis pluribus potentiis, verbi gratia, sensibilitas respectu actus visionis: est enim quid commune cæteris sensibus ratio formalis primo motina, quæ adæquat totam potentiam, ut, verbi gratia, color, vel lux colorata in obiecto visionis: hæc autem ratio, cum sit formalis, & distinctiuam

potentia, fert secum necessariam connexionem inseparabilitatis ab actu, & à potentia: Sic Seraph. Doct. *lib. 3. distinct. 23. art. 1. quæst. 3. ad 1. & 5. & distinct. 24. art. 1. quæst. 2. in corp. & aliis loc. citat.* quæ doctrina etiam potest inferri in materia morali ad dignoscendum distinctionem specificam actuum, & circumstantiarum peccati: De qua materia agemus Deo dante in tractatu de actibus humanis in Theologia: His positis

269. VNICA CONCLUSIO: Potentia non distinguuntur per actus, & actus per obiecta tanquam per distinctiuam formalia, & intrinseca, sed tantum à posteriori: dummodò sint actus, & obiecta formalia, & adæquata: Est S. Bonauent. *lib. 2. distinct. 24. pars. 1. art. 2. quæst. 1. ad 3. & pluribus aliis loc.*

PROBATVR prima pars: Actus, & obiecta sunt posteriora ipsis potentiis: ergo non sunt intrinsecè distinctiuam potentiarum: sunt enim effectus potentiarum, similiter obiecta concurrunt cum potentiis ad producendos actus in genere causæ efficientis: ergo non sunt illis intrinseca, cum distinguantur realiter. Tum quia potentia sunt quid absolutum: ergo non possunt specificari à relatione.

PROBATVR secunda pars: Relatiua dignoscuntur ex terminis formalibus, sed potentia includunt relationem transcendentalem ad actus tanquam ad proprium finem: item & ad obiecta: ergo actus, & obiecta sunt à posteriori specificatiua potentiarum.

270. OBIECTES primò ex Arist. in hoc 2. lib. de an. asserente actus esse priores potentiis: ergo.

RESPONDETUR esse priores quoad Nos, idest quoad innotescentiam, & etiam quoad finem : non verò propriè.

OBIECTES secundò : Potentiæ intrinsicè, & essentialiter sunt relatiuæ ad actus, & obiecta : potentia enim ponitur propter actus, & operationes : ergo dicunt ordinem essentialem ad actus : ergo per actus tanquam à priori specificantur.

RESPONDETUR potentias esse in se quid absolutum, continententes tamen relationem transcendentalem ad actus, & obiecta, ut dictum est : sic negatur consequentia : Ut autem id intelligatur, adnotanda est doctrina, quam tradit Seraph. Doct. lib. 2. *dist. 26. art. 1. quest. 5. in corp.* quod potentiæ possunt considerari, prout sunt identificatæ cum anima, ad quam identicè continuantur, sicque dicunt esse quid absolutum, sicut anima : prout verò referuntur ad operationes, includunt respectum : Hinc talis respectus est in eis quid consequens.

OBIECTES tertio : Eadem potentia tendit in diuersa obiecta formalia aliarum potentialiarum, ergo ratio formalis obiecti non facit ad specificationem potentiæ.

PROBATUR antecedens : quia intellectus cognoscit sensibile, imaginabile, & intelligibile, sed sensibile, imaginabile sunt obiecta etiam sensuum : ergo.

RESPONDENT Rabesap. Alii-

quæ, quod potentiæ subordinatæ in eodem genere, verbi gratiâ in genere cognitiuo, vel appetitiuo, ut sunt sensus interni, & externi, qui subordinantur tæquam quid medium potentiæ intellectiui, & appetitus sensituius appetitui rationali, istæ potentiæ distinguuntur per actus propriè, & per obiecta inadæquatè : Potentiæ verò subordinatæ alterius generis, ut sunt intellectus, & voluntas, non distinguuntur per obiecta, sed per actus : ens enim ut ens est obiectum utriusque potentiæ : quæ responsio tamen patitur maximas difficultates, & primò, quia falsum est ens ut ens esse obiectum utriusque potentiæ, quia, ut suprà diximus, & suo loco fusiùs tradetur, ens ut verum, est obiectum intellectus, voluntatis verò ens ut bonum : & licet à parte rei sint vnum, & idem, tamen quia continent diuersas rationes formales, hinc & possunt terminare etiam diuersas relationes diuersarum potentialiarum : Hinc respondetur ad id, quod intellectus sentit, imaginatur, & intelligit, concedendo intellectum cognoscere sensibile, imaginabile, sed non sub ratione entis sensibilis, sed sub ratione veri, ut aduertit Seraph. Doct. lib. 2. *dist. 39. dub. 1. & lib. 1. dist. 40. art. 1. quest. 2. in corp.* hinc negatur consequentia concludendo, quod specificatio potentiæ est ratione actus, sed per ordinem ad obiectum formale.





# PARS PRIMA DE ANIMA. TRACTATUS TERTIVS.

*De Anima vegetante, eiusque Potentiis.*

271.



AM, quæ spectant ad animam in communi, expendimus: nunc in particulari de singulis examen est faciendum: Vnde in hoc tractatu de Anima vegetatiua agendum est, & eiusdem potentiis.



## QVÆSTIO PRIMA.

*Quid sit Anima vegetatiua, & quam, quotque sint ipsius Potentiæ.*



VPPONENDVM est primò ex Serap. Doct. in Centil. part. 3. sect. 21. & 22. & communi, quod Vegetatiua in plantis est Anima, quæ simul cum corpore constituit viuens completum substantiale: in animantibus est potentia tantùm, sicut & in rationalibus, vt suprà dictum est in tractatu primo.

SUPPONENDVM secundò tanquam certum animam vegetantem ef-

se actum corporis organici potentia vitam vegetantem habentis, vnde est principium operationum vitalium dependenter ab organo per qualitates omninò corporcas, per quod differt ab anima sensitiua, quæ ab organo dependet, sed mediantibus speciebus intentionalibus, & ab anima rationali, quæ operatur independenter ab organis, & ista sunt certa apud omnes ferè: Difficultas tota reduciur circa potentias, nempe quot sint potentia animæ vegetatiuæ, & qualiter distinguantur: Circa quam

PRIMA Opinio tres potentias vegetatiuæ assignat, hasque distinctas esse realiter docet: Sic Thomist. apud Ruu. Meldul. Aliosque Pro hac opinione citatur etiam licet

li 3 malè

malè Seraph. Doct. à P. Baudunio *tr. de Augment. scilicet. 11.*

SECUNDA Opinio tria docet: Primum est, quod potentia ab anima tantum formaliter distinguantur, quod & satis supra *in preced. tract.* ostensum est ex Seraph. Doct. & Scoto: Secundum est, quod duæ tantum potentia distinctæ recognosci debeant in anima vegetante, scilicet nutritia, & generatiua: Augmentatiua enim est eadem essentialiter, & formaliter cum nutritia: Tertium est, quod in anima sensitiua istæ potentia non sunt distinctæ nisi virtualiter, sed solum per vnicam potentiam vegetantem exercent tales actus diuersos: Hæc omnia colligo ex Seraphica doctrina, de qua infra: Vtque melius pateant

271. PRIMò Notandum ex S. Doct. *lib. 1. distinct. 17. part. 2. art. 1. quest. 1. & quest. 2. ad ult.* quod augmentum est, quando minori succedit maior, idque vel est præcisè ad quantitatem molis: sicque augmentatio quantitatiua terminat ad quantitatem vt ad per se terminum; vel ad quantitatem, simulque ad substantiam nouam, vel est ad quantitatem virtutis, & substantialem, sicque est ad substantiam: Hoc augmentum autem aliter fit in viuentibus: aliter in non viuentibus: nam in non viuentibus fit per virtutem extrinsecam possibilitate sola, & vnibilitate existente in augmentabili, quod augmentabile se habet in ratione passiuæ, quatenus imperfectum est: augmentans in ratione actiui, & completiui, quia id, quod additur, dat completionem: In viuentibus verò fit è conuerso, scilicet per virtutem intrinsecam existentem in augmentabili, scilicet animato, in quo augmentabile ipsum se habet in

ratione actiui perficientis, & conuertentis aliud: augmentans verò scilicet id, quod conuertitur, se habet in ratione passiuæ, & materialis, est enim id, quod recipit mutationem, & conuersionem, & id fit propriè per potentiam nutritiuam, vnde augmentatio vitalis non auget animal per accidens, sed substantialiter: & cum augmentatio fiat per virtutem nutritiuam media nutritione, sequitur, quod habeat vtrique eundem terminum formaliter: Sic etiam Guarinus *disp. 6. exp. 12.*

272. SECUNDò Notandum ex S. Doct. *lib. 2. dist. 30. art. 3. quest. 1. & præcipue quest. 2.* quod generatio differt à nutritione ratione vtriusque termini à quo, & ad quem: nam generatio pro termino à quo habet ipsam materiam seminales, seu semen, quod est de alimenti parte partim de superfluo alimenti, & partim de substantia radicali generantis, (quod & in sequenti questione patebit,) terminus verò ad quem est quidem substantia noua, sed tamen est rotalis, idest corpus organizatum, obidque est caro secundum speciem, vel formam, quæ est de prima, & essentiali constitutione viuentis: In nutritione verò terminus à quo est de alimenti parte: terminus ad quem est caro secundum materiam, quæ scilicet non est de prima constitutione viuentis, sed superadditur corpori organizato, ad hoc vt compleatur vsque ad complementum, ad quod caro secundum formam habet virtutem suam limitatam, quod & in sequentibus magis explicabitur.

273. TERTIò Notandum ex traditis *in preced. tract. 1. quest. 1.* quod cum substantia creata de se non

fit

sit immediatè operatiua, indiget aliquo superaddito, quod sit ipsi ratio formalis, qua possit exire in actum secundum, idque sunt potentia superaddita, quæ sunt rationes quibus, scilicet formales: hinc sequitur, quod anima vegetatiua, seu viuens vegetabile, cum sit substantia in se completa, indiget potentiis tanquam rationibus formalibus ad operandum, istæque sunt generatiua, & nutritiua: sed quia in primis est status, differentiaque, seu rationes formales seipsas differunt, non per alias rationes formales: vt docet de omnibus rationibus, & differentiis formalibus Seraph. Doct. lib. 1. dist. 13. art. 1. quæst. 3. in corp. hinc rationis formalis non datur ratio formalis, nec potentia potentia, nec perfectionis perfectio, quando talis potentia, & ratio formalis est completa in suo ordine, vt docet Seraph. Doct. lib. 3. distinct. 36. quæst. vltim. ad 5. Hinc patet ratio, quare generatiua potentia, & nutritiua multiplicatur in plantis, non verò in viuentibus sensitiuis, & rationalibus: in his enim vegetabile dicit potentiam perfectam, obidque & multiplicem in virtute, nec multiplicat istas potentias generatiuam, & nutritiuam, nisi secundum officia, & actus, quod & in simili docet S. Doct. lib. 2. distinct. 24. part. 1. art. 2. quæst. 1. in fine corp. quæ tamen multiplicari actualiter debent in planta, cum vegetabile formaliter dicat substantiam completam: in sensitiuis dicat tantum potentiam formaliter: ratio autem potest assignari huius differentia ex doctrina, quam tradit lib. 2. dist. 27. art. 1. quæst. 1. ad 4. quia ex diuersitate actuum potest inferri diuersitas principiorum in cor-

poris, non verò semper in spiritalibus, quæ habent potentiam multiplicem, & virtutalem valentem se extendere ad actus plures subordinatos: Sic & lib. 2. dist. 24. citat. ad 8. His positis

275. PRIMA CONCLUSIO: Anima vegetatiua habet potentias, quibus ponitur in actu primo operandi, quæ sunt generatiua, nutritiua, & augmentatiua: Sic Seraph. Doct. in Centil. part. 3. sect. 21. & 22. & in Comp. Theol. lib. 2. cap. 33. quæ tamen ab ipsa non distinguuntur nisi formaliter, & cum ipsa realiter identificantur: Sic S. Doct. lib. 1. distinct. 3. part. 2. quæst. 3. Hæc Conclusio patet ex traditis in citat. questione de distinctione potentiarum ab anima: vnde non est, cur hic rationes ibi datas replicemus.

276. SECUNDA CONCLUSIO: Potentia animæ vegetatiuæ sunt tantum duæ formaliter, scilicet generatiua, & nutritiua: augmentatiua enim non differt à nutritiua nisi virtualiter: Est S. Bonau. qui in Centil. part. 3. sect. 21. habet hæc verba: vegetabilis subdiuiditur in generatiuam, & nutritiuam: prima est ad conseruationem speciei, nutritiua ad conseruationem indiuidui: Nutritiua habet duos actus, scilicet nutrire, & iste est actus semper necessarius, & augmentare, & iste non est semper necessarius, sed solum vsque ad complementum rei: vnde nutriuntur semper animalia, non autem semper augmentantur (nota hic Seraph. Doct. sumere augmentatiuam, provt dicit complementum rei) addit & lib. 2. distinct. 30. art. 3. quæst. 2. in corp. hæc notabilia verba: virtute generatiuæ generatur caro secundum formam, seu corpus, in

in quo consistit fundamentum, & fabrica nostri corporis, cui virtuti competit operari, quovisque anima infunditur corpori, & in tale nihil potest transire opere nutritiua, & augmentatiua, secundum quod nutritiua operatur post animæ unio- nem: potest enim solum conuertere alimentum in carnem secundum ma- teriam, quæ scilicet est necessaria ad complendam corporis fabricam: unde Seraph. Doct. reducit ad vni- cam potentiam ipsam nutritiuam, & augmentatiuam, & sciungit gene- ratiuam.

PROBATVR autem prima pars: Generatiua, & nutritiua habent di- uersos terminos formales à quo, & ad quem, ut suprâ traditum est in 2. *Notab.* ergo differunt inter se: sed non possunt differre realiter, cum sint quid essentiale animæ vegetati- uæ, nec virtualiter tantum, cum ha- beant diuersos conceptus obiecti- uos: potentiæ enim specificantur penes actus, & obiecta formalia: ergo.

PROBATVR secunda pars: Po- tentia nutritiua, & augmentatiua formaliter exercent idem munus, scilicet conuertiendi alimentum in carnem secundum materiam pro com- pletionem viuientis geniti: ergo non differunt formaliter. Tum quia, ut rectè discurrit Seraph. Doct. lib. 2. dist. 30. art. 3. *quæst. 1. fund. 5.* non potest fieri nutritio nisi per additio- nem alicuius extrinseci, sed idem euenit in augmentatione: ergo sunt vnum, & idem formaliter: sed hæc materia infrâ ex proposito suo lo- co examinabitur, vbi de augmen- tatione.

277. OBJECIES primò: Potest separari potentia generatiua ab ani-

ma vegetante: ergo distinguitur rea- liter.

PROBATVR antecedens: Quia est in corporis parte talis potentia, & potest rolli à corpore talis pars. Tum quia in pueris, & spadonibus, & in aliquibus plantis non adest: ergo differt realiter.

RESPONDETUR negando an- tecedens: Ad probationem respon- detur, quod dato pro nunc, quod possit esse in actu exercito in parte determinata organi, de quo in se- quenti quæstione, adhuc non infer- tur hæc separabilitas: est enim radi- caliter identificata cum anima, & ob id in toto corpore: Et ad id de pue- ris, & spadonibus negatur in his non adesse, cum adsit anima, seu potius anima sensitua, sed impe- ditur ob aliquod impedimentum, & defectum: de quo in sequenti quæstione.

ADDIMVS ex Seraph. Doct. in *Censil. cit. sect. 22.* eodem modo dis- currendum esse de aliis quatuor acti- bus, seu viribus nutritiua, quæ diffe- runt tantum penes officia, suntque appetitiua, quæ appetit nutrimen- tum, appellaturque etiam attractiua: digestiua, quæ separat cibum conue- nientem à non conueniente, illum- que concoquit: retentiua, quæ trans- mittit ad singulas partes corporis, quod conueniens est in nutrimento, ut facta deperditio restauretur: & ex- pulsiva, quæ expellit inconueniens, & noxium.

OBJECTIONS contra secun- dam partem Conclusionis infrâ sol- uentur: vbi agetur de augmenta- tione.

278. TERTIA CONCLUSIO: In anima sensitua, & rationali non datur hæc distinctio formalis poten- tiarum

tiarum vegetantium, sed est vna formaliter, & multiplex virtualiter, infertur ex traditis ex S. Doct. in 3. *Nor.* estque expressissima sententia Arist. 2. *de gener. an. cap. 4.* & 2. *de au. l. 42.* & 54. ubi dicit vegetantem potentiam esse communem, eiusque actus esse generare, & nutrire: Nec valet expositio Medul. hîc dicentis Arist. loqui de identitate generica, nam Arist. expressè asserit de specifica, eaque comparat in agendo, & ratione termini docet esse vnicam potentiam.

**PROBATVR** ratione euidenti: Si sunt in animali potentia distinctæ vel realiter, vel formaliter generatiua, & nutritiua, & augmentatiua; ergo datur potentia potentia, & rationis formalis ratio formalis, sed hoc est procedere in infinitum: ergo

**PROBATVR** sequela Maioris: quia vegetatiua in animantibus est potentia: ergo est ratio, quæ ipsius substantiæ animatæ: ergo generatiua, & nutritiua, cum ipsi competant ratione vegetatiuæ, erunt potentia superaddita ipsi potentia vegetatiuæ.

**OBIICIËS:** Habent terminos diuersos, & de ipsis verificantur contradictoria: ergo distinguuntur formaliter in animali:

**PROBATVR** antecedens: Quia vegetatiua, vt est generatiua, terminat ad corpus organicum, & ad viuens, nutritiua ad partem. Tum quia vt generatiua, non nutrit, vt nutritiua, nutrit: ergo.

**RESPONDETUR**, transeat antecedens, & negatur consequentia; nam eadem potentia, cum sit virtualiter multiplex, potest terminare multipliciter, vt patet etiam in multis aliis, vt infra probabitur: Et ad id de contradictione.

*R. P. Bart. de Castrovetro Phil. P. III.*

**RESPONDETUR**, quod potentia vegetatiua, prout generatiua generat, si ly vt, quatenus reduplicat virtutem, negatur: nam vt dicit virtutem, & generat, & nutrit: si reduplicat actus, conceditur, scilicet quod actus sunt differentes: hinc non sequitur differentiam in potentia

279. **QVÆRES:** In quo subiecto sint, & subiectentur istæ potentia, scilicet generatiua, & nutritiua.

**RESPONDETUR** primò potentiam nutritiuam, quia radicaliter est in anima, quæ est tota in toto, & tota in qualibet parte: hinc ex consequenti est in toto coniuncto: sed quia est organica, idè in actu exercito est etiam in organo: quod itidem est totum coniunctum, quod nutritur; quælibet enim pars viuens, & viuut, & nutritur.

**DICES:** Effectus nutritionis sunt plures speciei, scilicet in ossibus, in carne, &c. ergo & multiplicari debet ad multiplicationem effectuum.

**RESPONDETUR** negando consequentiam: habet enim virtutem æquiocam valentem producere istos effectus: Præcipua difficultas est circa generatiuam, quæ licet radicaliter sit identificata cum anima, & ob id sit in toto corpore: tamen quæstio est, in quonam organo resideat quoad exercitum, an in toto corpore, an in aliqua determinata parte, an in solo semine, quæ difficultas in sequentibus soluetur: exigit enim longiorem discursum.

## QVÆSTIO II.

*De potentia generatiua respectu  
seminis soluntur varia  
quæstia.*

280. **SUPPONENDVM** primò generationem posse sumi vel communiter, sicque conuenit cuiunque productioni nouæ siue substantiæ, siue accidentis, & præcipuè substantiæ, vel propriè, & strictissimè, estque viuentium tantum, sicque definitur: *Origo viuentis à viuente principio coniuncto in similitudinem naturæ*: Dicitur, *Origo*, idest processio, seu productio loco generis: Dicitur, *viuentis*, vt excludantur inanimata: Dicitur, *à viuente*, quia principium producens vitam in alio, debet eam habere in se, quod intelligit de principaliori, non de instrumentario agente: semen enim non est animatum, & vt excludantur etiam, quæ generantur ex putri: hæc enim non est strictissima generatio viuentium, cum sit à causis non viuentibus, & æquiuocis: Dicitur, *principio vita coniuncto*: quia principium generans debet aliquo pacto esse coniunctum viuenti genito per aliquid sibi intrinsecum vitale, quod verificatur primò per potentiam generatiuam, quæ vitalis est, deinde per semen, quod, antequam decidatur, coniunctum est, & intrinsecum ipsi generanti, & per hanc particulam excluduntur creationes, & cæteræ productiones, in quibus non est hæc coniunctio, vti etiam est Resurrectio mortuorum: sic etiam Dæmon incubus excluditur, dum causat generationem hominis per semen

virii allatum in matrice matris, vt fertur de Merlino sic generato (ait Seraph. Doct. lib. 2. dist. 8. part. 1. art. 3. quæst. 1.) nam in tali casu generans est homo, ex quo decusum fuit semen: Eadem ratione Pulli non dicuntur filij gallinæ incubantis, & fouentis oua, sed illius, quæ oua peperit: nec Eua potest dici genita ab Adamo, licet fuerit forma, ta ex eius costa lib. 2. dist. 18. art. 1. quæst. 2. Dicitur, *in similitudinem naturæ*, vt exprimat finis generantis, qui consistit in perfectæ assimilatione effectus cum seipso, & quod perfectior est generatio, eò perfectior assimilatio: vnde in Diuinis est assimilatio perfectissima, quia generatio infinita assimilatur terminum infinito modo, idest in identitate naturæ: hinc pullices, & alia animalcula, quæ in homine nascuntur, non sunt per talem generationem: licet enim producantur aliquando ex carne nostra, quia non producantur in similitudinem naturæ, idè filij nostri non sunt appellandi: quæ omnia sparsim tradit Seraphicus Doct. locis citat. in tractatu de gener. quæst. 1.

Hic autem quæritur: quid intelligatur nomine naturæ, quando dicitur in similitudinem naturæ, & quid per productionem naturalem, valdeque inseruit pro notitia productionum in Diuinis.

**RESPONDETUR** ex Seraph. Doct. lib. 1. dist. 13. quæst. 1. & seq. quod generatio potest sumi, vt productio est, & vt mutatio ex lib. 2. dist. 1. part. 1. art. 3. quæst. 1. provt est mutatio, naturalitas eius attenditur ex parte principij passiuæ, scilicet subiecti inclinati naturaliter ad formam recipiendam: provt productio est, naturalitas

naturalitas ipsius debet sumi ex parte principij actiui, quatenus scilicet agens producit per formam naturalem, & naturaliter inclinam, & determinatam ad terminum sibi similem: sicque generatio dicitur naturalissimum opus, scilicet quatenus forma, seu natura habet hanc inclinationem intrinsecam producendi sibi simile, ut perpetuetur, & per id generatio filij in Diuinis differt à generatione, quæ est à principio libero, in quo sensu etiam filius dicitur imago naturalis Patris, non sic Spiritus Sanctus.

Hinc etiam sequitur, quod genitum producit in similitudinem naturæ, idest essentia, quæ habeat convenientiam vel in substantia, ut euenit in mulo, vel in specie athoma. Addimus tamen, quod generatio prescè sumpta est tantum intellectuum agentium, quæ intendunt expressè generationem similis: Vnde solus homo propriè dicitur Pater: alia animantia impropiè: quæ materia tamen habet proprium locum etiam in *lib. 1. Sententiarum*. Ex quibus sequitur, quod generatio habet pro termino quoad intentionem generantis substantiam, seu naturam communem consimilem: & quoad productionem actuale substantiam primam, hæcque reperitur tantum in habentibus formam nobilem, quæ est vita: Sic *lib. 1. dist. 5. art. 2. per tot. & distinct. 9. quæst. 1. & pluries alibi*.

INFERT secundò Seraph. Doct. *lib. 1. dist. 9. quæst. 1.* generationem in Diuinis differre à generatione creata: quod illa est cum omnimoda perfectione, nempe quia Pater generat Filium ex se toto, ex eo quod eius essentia est vna in pluribus, &

tota, hincque ipsi genito tribuit suam essentiam totam absque sui detrimento: in creatis generationibus verò fit, quia Pater producit Filium non ex se toto, sed ex parte sui, scilicet transmittendo, & discindendo aliquid suæ substantiæ, & hæc est necessariò cum transmutatione: quia enim pars decisa non habet actum totius, necesse est, quod per mutationem acquirit, ob idque & varietur, & consequenter interuenit etiam corruptio eiusdem partis, & cum conuersione adiuncta scilicet ex parte generantis per nouum alimentum receptum, & ex parte geniti, scilicet quod illa pars conuertatur in substantiam geniti, & hæc est communis omnibus viuentibus: Cum igitur ad generationem viuentium concurrat vis generatiua, quæ (ut docet Seraph. Doct. *lib. 2. distinct. 18. artic. 2. quæst. 3. ad 4.*) residet principaliter penes animam per modum mouentis, & agentis, & ipsum corpus per modum veluti materiæ, idque per Semen. Hinc

281. QVÆRITUR primò: Quid sit semen, & quomodo concurrat ad generationem.

SEMEN definitur à Scoto *lib. 2. dist. 18. Corpus quoddam, cuius forma non per se est intenta à natura, sed propter aliud*: A Laur. Andrea apud Hurtad. sic definitur *Corpus humidum, album, spumofum ex reliquiis alimentis ultimis, & spirituum ubique oberrantium permixtione vi sola testium elaboratum ad perfectam animalis generationem*: A Seraph. Doct. *lib. 2. distinct. 10. art. 1. quæst. 2. & distinct. 3. art. 3. quæst. 1. in fine* sic definitur: Semen est superfluum nutrimenti reliquum ex tertia digestionem, necessarium speciei, virtutique generatiua, & superfluum individuo, & virtuti

*virtutis meritiua, obidque ordinatum ad aliud*: Circa quam definitionem dubitatur, an Semen propriè sit vetè superfluum: an etiam contineat aliquid substantiæ generantis.

PRIMA Opinio est communior docens esse quid merè superfluum: Sic Meldul. *disputat.* 8. num. 12. Aliique.

SECUNDA Opinio est S. Doct. *lib. 2. distinct. 30. art. 3. quest. 1. & lib. 4. dist. 40. art. 1. quest. 1. in corp. & ad 3. asserens in illo superfluo, & cum illo decidere etiam aliquam portionem substantiæ radicalis ipsius generantis, ex eo quod licèt sit superfluum generanti, provt est individuum, est tamen necessarium ipsi, & virtuti generatiuæ, provt respicit & idem generans vt tale, & conseruationem speciei: in quo conuenit etiam Serbellon. *diff. 3. de an. art. 4. num. 65.* asserens aliquando semen fieri ex substantia aliti.*

282. PROBATUR autem à S. Doct. *lib. 2. distinct. 30. art. 3. quest. 1. in corp. ad finem in improbatione penultima opinionis.* Videmus aliquando genitum assimilari proauo: sed id euenit ratione seminis, in quo est vis actiua, & assimilatiua ex *lib. 3. dist. 4. art. 1. quest. 2. ad 1. & lib. 4. dist. 40. art. 1. quest. 1.* ergo non consistere potest totum in superfluitate alimentum generantis.

PROBATVR consequentia: Quia tale superfluum est omninò quid extrinsecum generanti: ergo debet habere aliquid intrinsecum receptum à prioribus generantibus, cum assimilatio non sit in superfluo, sed in substantia.

PROBATVR secundò: Videmus ex coitu hominem attenuari, & ex frequentatione talis actus mortem

accelerari: ergo id euenit ratione substantiæ radicalis: alioquin, si esset omninò superfluum, deberet potiùs alleuiari: hincque dicunt plures Medici magis detrimentum pati viuens ex emissionem vna seminis, quàm ex emissionem magna sanguinis. Tum quia si semen esset omninò de superfluitate generantis, generatio non esset vera generatio.

PROBATVR sequela: Quia generatio est de substantia generantis. Tum quia nec esset vera cognatio, imò magis attineret homo genitus porco (vt verbis Seraph. Doctoris vtur) de quo sumptum est nutrimentum, quàm Patri generanti: cognatio verò (ait Seraph. Doct. *lib. 4. dist. 40. cir.*) dicit duo, scilicet relationem ad eandem originem, & principium substantiale, non verò ad aliquid extrinsecum, & naturalem affectionem, quæ oritur ex inclinatione intrinseca ipsius geniti ad suam originem, & vice versa. Tum quia dicit August. *lib. 10. de Gen. ad lit.* quod omnes fuimus in Adam secundum corpulentam substantiam, & secundum seminalem rationem: ergo filij spectant ad patrem, quatenus sunt aliquid Patris, sed superfluum generantis est quid sibi extrinsecum. Tum quia ex hoc meliùs saluatur participatio peccati Adæ in omnibus ab ipso descendentibus, quia omnes in lumbis ipsius eramus: ergo.

MELDVL. *disputat. de gen. n. 14.* affert his rationibus varias responsiones, quæ omnes reducuntur ad recognoscendum istas connexiones in sanguine excrementitio, eo quod (ait ipse) talis sanguis est aliquid generantis: sed verè nullius sunt roboris, cum talis sanguis semper sit quid extraneum generanti, obidque concludi



concludimus necessariò debere recognosci in semine aliquid substantiæ radicalis generantis.

INSURGIT contra D. Bonavent. *cit.* Mastrius dicens non posse subsistere hoc assertum Seraph. Doct. ob graues difficultates, quas inuoluit : & primò, quia illud humidum radicale in genito transfusum necessariò debet habere propriam formam substantialem, sicque in semine erit duplex forma, scilicet competens superfluo sanguini, & alia competens ipsi humido radicali : alioquin in nulla parte esset assignabile tale humidum radicale : vel erit vna forma in duabus materiis, quod implicat naturaliter, sed hæc obiecta sunt nullius roboris : vnde secundum nostra principia.

RESPONDETUR ex Seraph. Doct. Semen esse corpus heterogeneum, obidque habere vnicam formam substantialem corporeitatis informantem totam illam massam, & hanc formam in generatione viuientis vel corrumpi, generarique viuens : vel si non corrumpitur, subordinari formæ viuientis.

ADDIMVS eandem difficultatem occurrere in aduersa opinione : nam illud semen, etiam si sit superfluum, habet suam formam : ergo & ipsa in generatione debet corrumpi : idem & Nos dicimus de eodem semine continente varias partes heterogeneas, quod & docent Multi apud Ruinum *lib. 2. de Anima cap. 4. q. 3. num. 59.*

283. QVÆRIT deinde *cit.* Mastrius in obiciendo, & est secundum Dubium pro solutione huius questionis, quomodò tam parua pars possit cum tota substantia geniti commisceri, immò cum omnibus descendend-

tibus id enim est intelligibile (subdit ipse) sed Seraph. Doct. *lib. 2. dist. 30. cit. & lib. 3. distinct. 3. part. 2. art. 1. quest. 1. precipue ad ult.* occurrit dicens, quod hæc assertio non solum est intelligibilis, sed est valdè rationabilis : Illa enim materia corpulenta licet parua, commixta cum ratione seminali, & humido radicali, & quantitate virtutis ex generante transmissis est virtuosissima, habetque potentiam conuertendi ad se aliam naturam, ita vt sufficeret ad omnium procreationem addito sibi illo, in quo posset se multiplicare : & est exemplum, si aliquis haberet fermentum, quod commisceret commixtione perfecta toti pastæ, nihil fieret de illa totali pastæ fermentata, quod non diceretur fermentari de illa pastæ : similiter si illa pastæ commisceretur adhuc alij maiori pastæ, & sic procedendo quasi innumerabiles panes fermentati possent fieri ex modico fermento per appositionem rei fermentabilis : sic & in proposito ex modico semine per appositionem humoris susceptibilis rationis seminalis possent innumerabiles homines propagari, & in hoc sensu dicimus fuisse in Adam, non quod alia materia non fuerit conuersa in corpus nostrum, sed per coniunctionem cum illo humido radicali, quod ab Adam fuit decisum, quod transit in veritatem humanæ naturæ proles : Ratio autem est, quia semen est quantum mole, & quantum virtute : quantitas autem virtutis se tenet ex parte formæ, & potest dici ratio seminalis, & hæc cum sit forma, etiam multiplicabilis est, & ex hoc potest sibi similem inducere in materiam sibi appositam : quantitas autem mobilis, licet sit parua, potest tamen extendi

tendi , aded vñ commisceatur valdè magnæ quantitati per eam naturam, qua omne corpus est in infinitum diuisibile , potestque commisceri magnæ quantitati, & virtute seminali totum trahere ad naturam suam, & ex illa tota quantitate potest fieri aliud, quod non fieret ex illo paruo semine per se: Hinc Seraph. Doct. *lib. 3. dist. 3. cit.* infert, quod licet Christus fuerit genitus secundum hanc corpulentam massam Adæ, tamen quia Corpus Christi non fuit formatum secundum seminalem rationem, idest secundum cursum, & legem naturæ, sed secundum causalem tantum : semen enim illud, decisum ex lumbis Beatæ Virginis non erat sufficienter actiuum respectu Corporis Christi efformandi ex ipso, sed tantum secundum potentiam obediencialem, ided exemptum fuit à labe originali: huic rationi adde & alias, de quibus Theologi in tercio libro sententiarum. Quod & dicendum est proportionaliter de B. Virginis conceptione, cuius materia fuit excepta, & sublimata supra omnem maculam, & omnem legem concupiscentiæ : Sed de hac materia alibi.

**Obiiciens tertio :** Illa virtus, quam ponimus in semine cum illo humido radicali, vel est substantia, vel accidens: si primum: ergo erit corporea, sicque dabitur multiplex corporeitas in genito : Si secundum, ergo transir de subiecto in subiectum :

**Respondetur** ex Seraph. Doct. *lib. 2. dist. 31. art. 1. quest. 1. in corp.* esse substantialem, quia est virtus illius substantiæ actiua, & penetratiua, & generatiua corporis geniti, de qua in Physica egimus, & quam ponit Seraph. Doct. *lib. 2. dist. 13. art. 3. quest. ult.* & *lib. 2. dist. 18. art. 1. quest. 2.*

& *lib. 1. dist. 3. part. 2. art. 1. quest. 3.* & *lib. 2. dist. 31. art. 1. quest. 1. in corp.* & ad 4. Qua responsione soluitur alia quæstio, quæ ab Aliquibus proponitur, præcipue à Guarino *disp. 5. de viu. gener. exps. 12.* An detur aliqua virtus vniuersalis conformatiua, quæ fortum organizes : Cui respondetur affirmatiue, & à S. Bonau. *in Itin. ment. cap. 2.* appellatur virtus regitiua substantiæ spiritualis, idest, animæ : & in *Censil. part. 3. sect. 22.* appellatur potentia corporis regitiua : & *lib. 3. dist. 4. art. 1. quest. 2. ad 1.* appellatur virtus actiua, & assimilatiua, in quo sensu dicitur etiam corporalis, licet ad aures S. Doct. minus propriè: estque naturalis competens potentia generatiua, & nutritiua : & ratio est, quia si non adesset hæc forma, seu virtus vniuersalis respiciens omnes partes efformandas corporis, deberet multiplicari ad multiplicationem partium, & membrorum, vt sunt duo pedes, duo oculi, &c. sicque in manu deberent decem virtutes recognosci pro decem digitis, & tot alias, quibus componitur manus, quod est maximum absurdum, & multiplicatio superflua.

**Adverte** tamen hanc virtutem, de qua hic loquimur, non esse eandem, de qua suprâ dictum est, non distinguî realiter ab anima, sed esse quandam substantialem qualitatem immisam, & à generante decisam, & simul impressam in semine, seu cum illa substantia radicali connexam : de qua satis suprâ dictum est.

**284. Obiicies quartò :** Quia sequeretur talem substantiam radicalem esse essentialem & generanti, & genito, quo dato : In Resurrectione in quonam ex his resurget ?

**RESPON**

RESPONDET S. Bonau. lib. 2. dist. 30. art. 3. quest. 1. ad 6. & quest. 2. & lib. 2. dist. 10. art. 1. quest. 2. esse vtrique essentialem, sed differenti modo: nam generanti est essentialis secundum partem tantum, & radicalis virtuti generatiuæ ipsius, non nutritiuæ, obidque est ordinata ad aliud efformandum: vnde hæc substantia generatiua, si decidatur ab ipso, siue ad aliud generetur, siue non, nunquam resurget in eo, sed in genito, quia ex ea fabricatur totum corpus, & est sicut totius corporis fundamentum, & quando ei vnitur anima, tunc incipit esse de veritate humanæ naturæ geniti, & cum eo resurget: est enim caro secundum speciem, obidque, cum sit tota species eiusdem geniti, nunquam potest fieri caro secundum speciem alterius, etiamsi ab altero manducetur, & per nutritionem conuertatur in ipsum, sed erit caro secundum materiam, obidque ad ipsam carnem secundum formam anima illius semper seruat peculiarem ordinationem: Vide ibid. Seraph. Doct. & præcipue lib. 4. dist. 44. part. 1. art. 2. quest. 1. vbi egregie pertractat hanc materiam: Hinc etiam sequitur, quod humiditas radicalis in genito, cum habeat quantitatem virtutis gradualis, etiam secundum quantitatem ipsius tum ex parte caloris, tum ex parte extensibilitatis ipsius virtutis existentis in carne secundum formam conuertit alimentum in carnem secundum materiam, vsquequo crescat ad suum terminum: quodlibet enim viuens habet determinatos terminos in paruitate, & magnitudine, inter quos statura Christi dicitur medium tenere inter homines, & hinc vnus homo magis augmentatur,

quàm alter, & aliquando stat augmentum, quia caro superueniens facit in fine quasi æquosum, quod & videtur in vino commixto cum aqua: Sic & lib. 4. dist. 44. part. 1. dub. 3. Vide, quæ dicta sunt in tract. de mixtione à num. 152.

OBIIICES quindò cum eodem Medul. Pars decisa substantialis tendit ad corruptionem, vt patet de manu, pede, &c. sed quod tendit ad corruptionem, non potest esse principium generationis in eadem specie: ex corruptione enim vnus aliud generatur.

RESPONDET S. Bonau. quod Pars decisa, quando non ordinatur intrinsecè ad aliud efformandum, tendit ad corruptionem, quando verò in ea adest vis generatiua, & ordinatio ad aliud, non est via ad corruptionem, sed ad generationem:

DICES: Ergo semen agit in seipsum: dum enim propriam materiam disponit ad formam filij, molitur sui destructionem, quod videtur impossibile.

RESPONDETUR ex S. Dôct. dari in semine partem passiuam, & actiuam: actiuam agere in passiuam, sicque per accidens moliri sui destructionem, cum talis actio ordinetur ad generationem filij.

285. OBIIICES sexrò: Illa substantia radicalis erat animata ab anima Patris: ergo dum deciditur ab ipso, moritur, sicque tendit ad corruptionem.

ET si respondeatur remanere in ipsa virtutem substantialem, qua talis substantia informata potest generare embrionem, ipsum vegetare, & tandem attingere generationem viuentis, & ob id quia mors naturalis ex S. Bonau. lib. 2. dist. 19. art. 5. quest. 1.

in corp. & dist. 43. art. 1. quest. 1. ad 1. euenit vel ex dissolutione humidi radicalis causata & pugna elementorum, & ab actione caloris naturalis, cum talis consumptio non interueniat in nostro casu, non potest dici mots.

CONTRA hanc responsionem est, quia sequeretur adhuc semen esse animatum, cum habeat virtutem vegetantem, quod est falsum ex traditis.

RESPONDETUR admissa responsione data inter obiiendum, negatur sequela, scilicet quod semen sit animatum: quicquid dicant plures Thomista, & Alij, licet sit infotmatum tali virtute: vt autem recte intelligatur hæc responsio: Adnotandum ex Seraph. Doct. quod licet talis substantia ante decisionem à Parte generante sit animata, post decisionem tamen remanet priuata anima, simulque infotmata illa virtute substantiali, qua potest exercere actus vegetationis: verum quidem est, quod ab Aliquibus apud Ruuium lib. 2. cap. 4. quest. 3. num. 62. appellatur anima vegetatiua, sed tamen improprie tantum, cum sit virtus Patris generantis, quæ disponit, mouet, regit, & operatur in carne, & semine vsque ad animæ infusionem, in quo sensu dicitur embrio prius viuere vita plantæ, postea vita sensitua, & tandem vita rationali adueniente anima. Quod autem semen non sit animatum, patet ex traditis supra in tract. 1. Tum ex eo quod (vt ait Seraph. Doct. lib. 1. distinct. 9. dub. 12. viuum gignitur ex viuo per non viuum, scilicet per semen. Tum quia non viuit vita Patris, nec Matris, nec geniti. Tum quia exigeret nutritionem, ad hoc vt conseruetur diutissime, vt euenit in multis semi-

nibus plantatum, & ouis piscium, papilionum, &c. Tum quia est ex reliquijs vltimi alimenti, deciditurque sponte à toto: ergo non viuit: nulla enim pars diuiditur, quæ sit animata sponte à toto, sed naturaliter retinetur nititur vnionem cum eo.

DICES: Semen concutrit ad generationem viuientis effectiue, sed viuum non potest produci à non viuo effectiue: ergo etiam animatum, vel non concutrit nisi materialiter. Tum quia embrio, qui fit ex semine, vegetatur, & mouetur sensibiliter, ergo. Si dicas concurrere dispositiue, non valet, cum accidentia ex alijs traditis non possint attingere productionem substantiæ, nec valeant producere actus vitales, quia viuientia exigunt principium vitale: Hinc propter hanc obiectionem, & difficultatem plures cum Fabio Theor. 69. reuertuntur ad Deum vt Authorem viuientium, & efficientem tales motus, quod tamen est indignum Philosopho, qui non debet recurrere ad vniuersales causas sine euidenti necessitate.

RESPONDETUR ex Seraph. Doct. lib. 2. dist. 15. art. 1. quest. 1. in corp. versus finem, & lib. 3. dist. 31. art. 1. quest. 1. in corp. & ad 4. & dist. 30. art. 3. quest. 1. & 2. In semine adesse virtutem substantialem Patris cum illo humido radicali attingentem organizationem corporis, & productionem viuientis: vnde licet semen sit non viuum, potest tamen dici instrumentaliter aliquo modo viuum ratione talis virtutis instrumentaria: qua responsione soluuntur plures, & maximæ difficultates, quæ occurrunt in hac materia & cum Thomistis, & cum Scotistis.

286. Et vt habeatur sensus S. Doct. subiectio

subiicio hæc verba ipsius verè digna, & sublimia *ex lib. 2. distinct. 15. art. 1. quæst. 1. in corp.* Sic dicens Philosophus *lib. 16. animal.* ostendit, quod vegetabilis, & sensibilis prius sunt in semine in potentia, quàm educantur in esse: & ibi videtur innuere, quod illud, quod format membra, non est aliud, quàm ipsa animæ virtus, & illam vocat potentiam actiuam intrinsecam ipsi semini, quæ ut corpus ex semine productum est, & organizatum, ut possit ab eadem perfici, prodit in actum, & efficitur perfectio corporis Physiæ organici: Aut certè illud, quod format membra, potius est anima Patris, & Matris, ex cuius operatione in brutis dicitur inesse anima prolis, secus autem in hominibus, ut infra videbitur: Nota hic apud Seraph. Doct. valdè differre productionem animalium, & hominis: nam in animalibus adest ratio seminalis, & virtus actiua concurrens cum virtute existente in semine generantis ad educationem animalis: & in homine concurrat cum eadem virtute ad educationem formæ organizationis non attingendo productionem animæ rationalis, quæ ab extra aduenit, subdit Seraph. Doct. vnde Philosophus *ibid.* dicit, quod res corporales plenæ sunt virtute animæ: & D. Aug. ait, terra prægnans est seminibus non tantum respectu arborum, sed & animalium: & *lib. 2. dist. 31. art. 1. quæst. 1. in corp.* notat, quod sensualitas, seu sensibilitas tribus modis accipitur: primò, prout dicit dispositionem ex parte carnis ad actum virtutis sensitivæ: secundò, prout dicit dispositionem ex parte carnis ad sentiendum cum virtute spirituali mouente, nondum anima carnem

R.P. Bar. de Castrovetro Phil. P. III.

perficiente, & ista est in embryone ante ipsius completam animationem: cum enim non sit corpus organicum, non potest ibi esse anima propria geniti, sed ibi est virtus animæ Patris, quæ quidem est in semine, sicut in subiecto deferente, sicut virtus motoris deferitur simul cum lapide proiecto; & idèd hæc cessat, quando eius operatio consumatur, quod fit, quando corpori organizato inducitur anima: tertio, prout dicit non solum dispositionem cum virtute mouente, sed habilitatem, & potentiam, quæ inest ex anima perficiente: primo, & secundo modo sensibilitas est in nobis à generante: quia cum semine deciduntur calores, & spiritus, per quos caro disponitur ad sentiendum: transfunditur etiam simul cum hoc aliqua virtus animæ, quæ mouet, & regit, & operatur usque ad inductionem animæ: tertio modo est ab anima informante. Hæc S. Bonavent. Per quæ patet solutio alterius difficultatis, quare semen aliquando appellatur caro: aliquando Sanguis.

RESPONDET Seraph. Doct. *lib. 3. dist. 3. part. 1. dub. 3.* quod ille humor dicitur caro respectu carnis, quæ ex ipso formatur: item sanguis respectu suæ originis: item & seminatione suæ formæ, quam habet.

QVÆRES tertio: Ad quid inserviunt calor innatus, & spiritus vitales, animales, & naturales, si sufficit illa virtus substantialis.

287. RESPONDET S. Doct. ex traditis, quod duplex qualitas concurrat ad formationem animalis: altera substantialis, hæcque attingit productionem substantiæ, ut dictum est, altera accidentalis, estque dispositiua ad recipiendam formam

L I substan

substantialem, & conseruatiam di-  
ctæ virtutis substantialis in substan-  
tia radicali existente in semine, &  
hæc prouenit à calore innato, & à  
spiritibus existentibus in semine, qui  
calor, & spiritus dicuntur de natura  
cœlesti, nempe per conformitatem,  
scilicet propter subtilitatem, actiui-  
tatem, & subleuationem à natura con-  
trarietatis *ex lib. 2. distinct. 17. art. 2. quæst. 2. in corp.* ad differentiam calo-  
ris consumentis, qui oritur ex in-  
æquali Complexione: calor autem  
innatus oritur ex complexione æqua-  
li, & dicitur etiam complexionalis:  
Sic *lib. 4. dist. 49. art. 4. quæst. 1. ad 4.*  
Explicat hoc totum optimè Seraph.  
Doct. *lib. 2. distinct. 1. part. 2. art. 1. quæst. 2. ad 1. & in Centil. part. 3. sect. 25.* dicens, corpus hominis fit  
proportionabile animæ rationali, li-  
cet entitatiuè sint distantia, & longè  
diuersa secundum supremum animæ,  
& infimum corporis, sed sunt pro-  
portionabilia, & proxima secundum  
infimum animæ, & supremum cor-  
poris hoc pacto: Spiritus enim ra-  
tionalis habet potentiam viuifican-  
di, potentiam vegetandi, & poten-  
tiam sensificandi: corpus humanum  
habet complexionis æqualitatem, sic  
recipit vitam per medium, siue vin-  
culum spirituum vitalium ipsum dis-  
ponentium ad vitam recipendam,  
habet & organorum multiplicita-  
tem, & organizationem, secundum  
quam recipit vegetationem, & sen-  
sationem per spiritus animales, &  
naturales disponentes ad talem ve-  
getationem: qui spiritus, ait *Serm. 1. Hexæm.* à corde prodeunt omnes  
per totum corpus, qui prout emit-  
tuntur per arterias, dicuntur vitales:  
dicuntur & animales, prout emit-  
tuntur per neruos ad cerebrum, & à

cerebro per omnem partem corpo-  
ris: & naturales, prout emittuntur  
per venas ad hepar, & ab hepate ad  
reliquas partes: Hincque cor dicitur  
principium motus, & sensus *lib. 2. dist. 8. part. 1. art. 3. q. 2. ad 1.* Ex qui-  
bus patet, qualis sit proportio ani-  
mæ, & corporis, explicaturque exem-  
plo ignis, & terræ, quæ multum di-  
stant, & tamen nectuntur duplici  
medio: Vno, quod magis communi-  
cat cum terra, estque siccitas: Altero,  
quod magis communicat cum igne  
scilicet calore, calor enim, & siccitas  
non sunt contraria: Rursus adest  
proportio inter corpus, & ani-  
mam rationalem in ordine ad finem:  
nam animæ data est vertibilitas li-  
beri arbitrij, idè datum est ei corpus  
potens mori, & in sempiternum viui-  
ficari: & quia anima creata est velu-  
ti tabula rasa, & nuda, datum est ei  
corpus habens organa multiplicia,  
vt in illo possit perfici in scientiis.  
Rursus in corpore adest recta pro-  
portio ad finem, est enim ordo in  
formis corporalibus: forma enim  
elementi est ad formam mixti, &  
hæc ad formam complexionis, hæc  
ad alias superiores disponentes, quæ  
cùm sint imperfectè, tandem dispo-  
nunt ad vltimam, scilicet ad ratio-  
nalem, per quam corpus, & anima ef-  
ficatur particeps æternæ beatitudinis:  
Hæc S. Bonauent. clarè, & acutissi-  
mè de more suo.

Hæc igitur sit Conclusio: quod  
semen efformatur non ex chylo, qui  
est cibus primò concoctus in stoma-  
cho, nec ex sanguine concocto in  
hepate, sed ex eodem sanguine con-  
cocto in corde, à quo cùm transmi-  
tatur pro alimento ad omnes partes  
corporis, reliquæ huius alimenti  
inscruiunt ad efformandum semen:  
sanguis

sanguis enim ille tractus ad vasa seminaria ibi denud concoquitur, dealbatur, & commixtus cum substantia radicali decisa à generante fit aptus ad generationem: quare principium radicale huius effectus mirabilis est cor, à quo, & sanguis, & calor naturalis, & spiritus vitales, & animales, & arteriæ venæ, nerui, & similia dependent.

188. QVÆRES quartò: An Semen decidat ab omnibus membris corporis: an à determinata parte.

HIPOCRATES, & Alb. Mag. cum Aliquibus Aliis videntur sentire decidi ab omnibus membris.

SED communissima Opinio est opposita, scilicet decidi à determinata parte corporis: Sic S. Bonavent. lib. 2. dist. 20. quest. 2. fund. 4. ubi docet adesse in animali vasa, & organa virtutis generatiuæ ad humoris seminarij generationem, decisionemque: idem lib. 2. dist. 18. art. 1. quest. 2. fund. 2. vnde cum immittatur à corde residuitas vltimi alimenti ad vasa seminarij, & à lumbis generantis fiat decisio substantiæ radicalis, ibi efformatur semen completum, prolificum, & aptum ad generationem viuentis: Idque patet ex similitudine seminum plantarum, quæ formantur in parte determinata. Tum quia alioquin si in generante deficeret aliqua pars integralis, vt brachium, pes, etiam deberet deficere in genito, quod tamen est falsum. Tum quia si non concurrerent vasa seminaria ad complendam actiuitatem seminis, Castrati, & Eunuchi possent generare, cum aliquod semen emittant.

ADDIMVS posse dici semen spectare ad omnia membra originaliter, idest quatenus est ex sanguine in cor-

de concocto, ex quo si fuisset necessarium, transfundi deberet ad omnia membra, sed quia est superfluous, hinc recipitur in determinata parte.

OBIECIES: Virtus generatiua ex traditis est in omnibus partibus corporis: est enim potentia animæ: sed anima est in toto corpore: ergo & hæc potentia.

CONFIRMATUR: Quia in omnibus membris adest virtus generatiua producendi consimile: nam, vt ait Guarin. dist. 5. exp. 3. si aliquod membrum deformetur ex aliqua parte, & ibi relinquatur modus, quo possit nutriri, & seruari organi forma, reparat se, & ad pristinam integritatem se restituit: sed hoc non est officium virtutis nutritiuæ, ergo virtutis generatiuæ: Virtus enim nutritiua habet reparare minimas partes, quas calor naturalis destruit: non autem magnas disruptiones, vulnera, &c. illa enim consistit in reparatione substantiæ aliti, non in coniunctione vnius partis ad aliam.

RESPONDETUR concedendo totum primum argumentum, si sermo est de anima, ipsiusque potentiis quoad entitatem: negando quoad exercitium, eo quia est potentia organica, tantumque in organo habet operari, qualia sunt vasa seminaria.

AD Confirmationem respondetur illos effectus esse à virtute nutritiua, quæ est simul adgeneratiua, & augmentatiua: sic negatur consequentia: idque clarissime patet, quia per nutritionem tot membra diuersa perficiuntur.

DICES: Ex semine formantur omnia membra: ergo requiritur

LI 2 correspon

correspondentia ad omnia membra : sed hæc non potest esse nisi per aliquid emissum à membris generantis : ergo :

RESPONDETUR ex S. Doct. lib. 2. dist. 18. art. 1. quest. 2. fund. 3. quod semen habet rationem totius, & partium rei generandæ : sed id habet ratione virtutis generatiuæ existentis in semine, cum quo concurrunt spiritus vitales, & animales, & à corde, & à membris procedentes : in quo sensu potest dici prodire ab omnibus membris, ut dictum est supra, sed non propriè per decisionem alicuius substantiæ membrorum.

DICES iterum debilitationem sentiri per totum corpus ex nimia seminis effusione : vnde scribit Laurentius ex Auicenna, plùs quadragies debilitati animal ex emissionem seminis, quàm sanguinis : Et hinc Arist. lib. de longit. vite scribit animalia salacia citò senescere : Et Confirmatur ex motu vniuersali totius corporis, qui in generatione concurret : ergo signum est, &c.

RESPONDETUR debilitationem fieri per totum corpus ex eo, quod pars illa, in qua sit semen, & ex qua deciditur substantia radicalis, scilicet ex lumbis, fugit sanguinem ex vicinioribus partibus, quæ per hoc debilitantur : tum & ob correspondentiam, quam habent omnes partes ad inuicem, & maximè post coitum ob deperditionem maximam spirituum vitalium, & animalium, quorum motus etiam est causa agitationis corporis, & maximè ut dicit S. Bonauent. lib. 2. dist. 10. artic. 1. quest. 3. quia virtus naturalis hominis post peccatum exiuit rationis imperium, idèò laxatis sibi habentis toto impetu se præcipitat in delectabi-

le sibi oblatum ob defectum virtutis retardantis : Vide *ibid.* Seraph. Doct. Et hæc de Semine.

QVÆRES quintò : an semina plantarum viuant ?

189. RESPONDETUR, quod Multi id negant : Alij affirmant : Nos ex Seraph. Doct. eiusque principiis lib. 2. dist. 15. art. 1. quest. 1. in corp. in fine & ad 4. & 5. dicimus primò inesse in illa materia seminarium omnium formarum, sed ratione peculiariarum dispositionum, & virtutis substantialis decisæ à planta producente, ex ea posse educi tantum plantam vniuocam ipsi plantæ generanti, & si aliquando oppositum accidit, id enenit ratione contrariarum dispositionum : Secundò dicimus probabilius esse semina plantarum esse viua, & informata anima vegetatiua : id patet ex eo, quod augentur per intusumptionem, & secundum omnem partem habent & organa, scilicet quasdam venulas, ratione quarum per propriam potentiam attrahunt ad se alimentum, quod non facit semen viuientis sensitiui. Tum etiam quia & in plantis continuantur, & postquam decisa sunt à plantis, magis maturescunt per decoctionem humorum, & retinent suam virtutem generatiuam in parte determinata, ut patet continua experientia : Hæc, inquam, dicta volumus probabiliter tantum ; nam in hoc potius proceditur diuinando, cum tot, & diuersi effectus videantur in plantis, & in feminibus, quorum cognitio nobis occulta est.



QVÆSTIO III.

De causis principalibus generationis Patris, & Matris: Vbi & de generatione caterorum animalium, & plantarum.

190. **D**E Causa minùs principali, & instrumentaria generationis hucusque egimus: Nunc ipsam generationem per ordinem ad principalem causam consideramus, & quærimus, an utrumque Parens, scilicet tam Mater, quam Pater concurrant ad generationem actiue: an verò Mater passiuè tantum.

PRIMA Opinio est D. Thom. 3. part. quæst. 32. art. 4. & Sequac. negantium Matrem concurrere actiue, verumque semen emittere, sed passiuè tantum, sustinentque solum generationem à Patre actiue provenire: Hinc dicunt Matrem solum subministrare sanguinem menstruum: dicitur autem menstruus, quia post 14. annuum regulariter quolibet mense transmittitur ex utero, estque superfluum, quod remanet ex nutritione, & cum mulier plus viris abundet sanguine, etiam abundat tali menstruo: circa quem operatur virile semen in generatione prolis.

SECUNDA Opinio est communis his temporibus, estque Scoti, & Sequac. quam priùs docuit Seraph. Doct. lib. 2. dist. 20. art. 1. quæst. 2. & lib. 3. dist. 4. art. 3. quæst. 1. communiter asserentium utrumque Parentem concurrere actiue, est & Medicorum, qui in hac materia preferri debent Philosophis. Pro solutione

PRIMò Notandum, quod ut suprà dictum est, cum generatio viuientium,

& præcipuè rationalium sit productio viuentis ex simili viuente coniuncto in similitudinem naturæ, ad hoc ut quis possit dici verè Pater, & Mater, istæ conditiones requiruntur: Prima, quod Pater, & Mater generant de substantia viua naturali, cuius defectu cadauer respectu vermium; & sol respectu ranæ non sunt Pater, vel Mater, cum non sint principia viua, hæc conditio traditur à Seraph. Doct. lib. 1. dist. 9. dub. 13. & quæst. 1. seg. & lib. 3. dist. 4. dub. 2. & q. 2. ad 1. & 2. Secunda, quod generent per modum naturæ: sic Deus non dicitur propriè Pater creaturarum, cum ipsas producat liberè, & contingenter: Sic Seraph. Doct. ibid. Tertia, quod generent substantiam viuam: sic corpus humanum non dicitur Pater excrementorum: sic lib. 1. dist. 9. dub. 12. Quarta, quod Pater generat subministrando semen ad differentiam Matris, quæ non solum proprium semen subministrat, sed & organizat corpus: Quinta, quod substantia genita sit eiusdem speciei propriæ, vel proximæ cum generante: vnde alius dicitur Pater Muli, cum sint eiusdem speciei proximæ, licet non propriè: non est enim necesse, ut conueniant in specie a thoma, licet nec sufficiat, ut conueniant tantum in aliqua ratione generali entis, vel substantiæ, sed sufficit, ut conueniant in aliquo genere ultimo, in quo diuersæ species conueniunt, & tale reperitur commune asino, & mulo, licet tale genus sit innominatum: Sic ex Scoto Meldul. de gen. dist. 8. mon. 7. & S. Bonauent. lib. 1. dist. 19. part. 1. dub. 11. sic enim exit extra genus generantis quantum ad formam communem, & naturam scilicet specificam, & arthomam.

291. SECUNDò Notandum, quod communiter dicitur Mater in generatione se habere vt principium passiuum, Pater vt actiuum: quod tamen intelligendum est non absolutè, sed comparatiuè: vt ait S. Bonauent. *lib. 2. dist. 10. art. 1. quest. 2.* Mater enim recipit semen à Patre decidum in matrice, sed simul etiam dediscindit semen proprium, quod ad organizationem, & generationem habet suam actiuitatem, licèt inferiorem, & subordinatam, & diuersam specie ab actiuitate Patris: & hinc ratio Matris ratione huius passiuitatis non transfertur ad Diuina, sed tantum ratio Patris licèt transferatur ad Diuina actus maternus, vt concipere, & parturire, pro eo quod in Diuinis agit vnum vt principium, at in creatis duo sunt principia: Sic Seraph. Doct. *lib. 1. dist. 5. dub. 9.* Ratio autem, quare talis actiuitas debeat vtriq; parenti assignari, est, quia semen de sui ratione dicitur duo, scilicet vim actiuam, & vim assimilatiuam in natura: Sic Seraph. Doct. *lib. 3. dist. 4. art. 1. quest. 2. ad 1. & 2. & lib. 4. dist. 40. art. 1. quest. 1.* ex quo sequitur, quod cum filius necessariò dicatur productus de substantia Patris, & Matris, *ly (de,)* debet importare terminum formalem actionis generatiuæ, super quam fundatur relatio paternitatis, & maternitatis: sumitur enim substantialiter originaliter, vt ait S. Bonan. *lib. 1. distinct. 5. art. 1. quest. 2.* obidque in actione decisina seminis ab utroque parente actiuè derivatur per generationem, non verò in organizatione, aliisque actionibus secundariis per Matrem præstitis, in quo sensu dicitur filius genitus de substantia Patris, & Matris, in qua propositione *ly (de,)* non dicit

tantum habitudinem principij actiui; nec tantum passiuum, sed consubstantialitatem cum habitudine originis: Sic *lib. 1. distinct. 5. art. 1. quest. 2. ad 3.*

292. TERTIò Notandum, quod in generatione prolis in vtero plures motus, ac transmutationes concurrere debent: primò deciditur semen à Patre, & Matre: secundò semen Patris vtpotè fortius, & perfectius agit in semen Matris ipsum alterando, alteratoque isto, alteratur & semen Patris: omne enim agens in agendo repetitur. Tum quia, vt notat Seraph. Doct. *lib. 2. dist. 10. art. 1. quest. 2.* ambo semina se debent commisceri ad inuicem, & vniri, in quo vnum se habet veluti materiale, & minus validum: aliud vt formale, & fortius: tertio corrumpuntur ambo, & ex eis virtute generatiuæ fit embryo, in quo incipiunt fieri organa, ac partes corporis ordine quodam: nam prius gignitur cor: deinde hepar, postea cerebrum, successiuèque ossa, nervi, &c. & peracta organizatione inducitur anima, ad quas tres transmutationes vtrumque parens concurrir actiuè, sed principalius Pater, licèt quoad organizationem possit dici principalius agens Mater, cum ibi immediatè concurrat: Patet verò mediatè tantum, scilicet mediante illa virtute substantiali immixta in semine.

293. QUARTò Notandum, quod vt notat Seraph. Doct. *Serm. 11. Hexaem. & lib. 1. distinct. 9. art. 1. quest. 1. & seq.* Deus dedit virtutem cuiilibet rei, vt gigneret sui similitudinem ex naturali fecunditate: communicatio enim sui est perfectio maxima naturæ, obidque communicata naturæ cuiusque creatæ modò

magis

magis, vel minùs perfectò, secundùm maiorem, vel minorem ipsius naturæ perfectionem. Hinc mouetur quæstio, an detur aliqua natura, quæ sit sterilis siue in plantis, siue in animantibus vel masculis, vel fœminis: & an in omni generatione viuientium requiratur duplex comprincipium diuersi sexus tanquam conditio essentialis, & necessaria: & an quodlibet viuens emittat semen ad sui similis generationem: quæ omnia per sequentes Conclusiones soluentur: Hinc

294. PRIMA CONCLUSIO: Non solum Pater, sed & Mater actiue concurrunt ad generationem, licet principalis Pater: Est. S. Bonauent. *loc. cit. in princ. quæst.* Scoti, & communior, cuiusque probationes præcipuè desumuntur à DD. ex principiis anathomicæ artis.

PROBATVR igitur primò ex eadem arte, & simul ex principiis Philosophiæ: Vbi sunt eadem principia formaliter, ibi est idem concursus: sed tam in Matre, quàm in Patre adsunt eadem principia actiua generationis: ergo si Pater concurrat actiue, & Mater. Probatvr Minor ex S. Doct. *lib. 1. dist. 20. art. 1. quæst. 2. fund. 2. & 4.* principia generationis sunt duo, alterum ex parte animæ, estque potentia generatiua, & alterum ex parte corporis, suntque vasa apta, & materia ordinata ad generationem: sed ambo hæc principia sunt in utroque parente, adest enim eadem anima scilicet eiusdem rationis: ergo & eadem potentia: est enim inseparabilis ab anima: idem enim inquantum idem semper est narum facere idem ex Arist. adsunt & vasa apta in utroque parente ad generationem: ergo: Et quia tota difficultas consi-

stet quoad alterum principium ex parte corporis respectu Matris. Probatvr Min. In fœminis adsunt ista vasa generatiua, quæ ad tria capita reducuntur; primò vasa seminantia: secundò testes: tertio parastatæ: at in mulieribus adsunt vasa seminantia à testibus sursum ascendentia, & deferentia semen ad testes, & simul spiritus vitales: habentque vim concoctiuam, & conseruatiuam seminis, suntque duo, scilicet dextrum à truncò venæ cavae oriens, & sinistrum ab emulgente ramo: secundò habent testes, suntque partes molles, glandulosæ, albæ, cauernosæ, in quibus semen excoquitur, & perficitur: tertio in fœminis adsunt parastatæ, suntque duo vasa candida, glandulosa, & cauernosa orta à testibus, & semen in testibus elaborata deferentia in viris ad penis radicem, in mulieribus ad fundum matricis: solumque differunt, quod in viris testes sunt maiores, & extra corpus, in fœminis sunt minores intra corpus in dextero, & sinistro vultu collocati: ergo cum adsint æquè in utroque, si Pater concurrat actiue, & Mater.

NEQVE dicas in vasis fœmineis nihil coctum inueniri, sed quid aqueum, serosum, & crudum, obidque eundem usum habere hæc vasa in fœminis, ac mammae in viris. Non valet, quia vasa ista in fœminis intorta gyris, ac anfractibus conspiciuntur, sicut in viris, quos anfractus natura prouidit ad concoctionem seminis: vnde ambo flammis luxuriæ ante seminis emissionem totqueuntur, & post quiescunt: Neque est par ratio de mammillis viroto: nam istæ in viris sunt ad ornatum, & robur tantum; sed vsus testium, & aliorum vasorum in fœminis ad nihil aliud potest

potest esse, quàm ad seminis productionem, & concoctionem: ergo: Immo plures Viri apud Matrium, aliosque graves, & doctos Viros visi sunt cum mammis non minoribus, ac mæmæ fœminarum, præcipuè in Brasilia, & plures viros ex ipsis lac emississe.

295. PROBATUR secundò: Quia cum semen habeat vim actiuam, & simul assimilatiuam, vt docet Seraph. Doct. lib. 3. dist. 4. cit. filius multoties magis assimilatur Matri, quàm Patri: ergo non potest prouenire nisi ex actiuitate seminis Matris: Nec enim potest dici talem assimilationem prouenire ex sanguine materiali, quo concurrat Mater ad productionem corporis: nam etiam hoc pacto pediculus fit ex carne hominis, & tamen non assimilatur homini: ergo est ob aliquam rationem actiuam assimilatiuam: Hinc videmus generari ex ariete, & oue Caprum, ex equo, & Asina Burdonem, & ex equa, & asino mulum: Si autem fœminæ non concurrerent actiue, in talibus casibus generaretur semper filius similis Patri.

PROBATUR tertio à Seraph. Doct. lib. 3. distinct. 4. artic. 3. quest. 1. Quia B. Virgo verè actiue concurrat ad conceptionem Christi Domini: ergo & aliæ Matres effectiue concurrunt.

PROBATUR antecedens: Quia B. Virgo verè generauit Christum, sed generare est agere, & actio virtutis generatiuæ: alioquin si tantum materialiter cooperata fuit generationi Christi, sicut & aliæ Matres, non erit maior affinitas filij ad Matrem, quàm sit hominis ad limum, ex quo formatus est, & quàm sit Eux ad Adam, quàm habeat homo ad ge-

nerationem pediculi: ex eo enim, quod homo se habet tantum materialiter ad vermes ex ipsius carne genitos, non dicitur Pater ipsorum, & ex concursu materiali limi, & Adæ ad Euam, limus non dicitur Pater hominis, & Adam Mater Eux: Addimus, quod licet Mater concurrat actiue cum Patre ad generationem filij, attamen quia concursus principalior est Patris, & quia Matris proprium est recipere semen Patris: idè comparatiue Mater dicitur principium passiuum non absolutè, & ratio est, quam adducit Seraph. Doct. lib. 4. dist. 14. part. 1. art. 2. quest. 2. ad 1. quia generare est efficientis, concipere est recipientis, vterque actus competit Matri: Patri verò tantum primus actus: vnde quoad actiones secundarias consequentes ad generationem nempe quoad organizationem, & concursum sanguinis necessarij ad tale corpus efformandum Mater est principalius agens lib. 2. distinct. 8. part. 1. artic. 3. quest. 1. in corp.

OBIICIENS primò Arist. lib. 1. de gen. anim. cap. 20. negare mulierem emittere semen, habereque se passiuè: ergo secundum Philosophum, &c.

RESPONDETUR in hoc non esse audiendum Arist. sed Medicis est de ferendum.

296. OBIICIENS secundò: Si mulier emittit semen, aut est eiusdem rationis, aut alterius à semine viri: sed neutrum est dicendum: ergo.

PROBATUR Min. non potest dici esse diuersæ rationis, cum Pater, & Mater sint eiusdem speciei: nec esse eiusdem rationis: alioquin posset dari talis actiuitas in semine Matris, vel augeri, ita vt se sola generaret,

neraret hominem, sed hoc est falsum saltem naturaliter: ergo.

RESPONDETUR, quod siue dicatur semen mulieris esse eiusdem, siue diuersæ rationis, quod est probabilius, tenendum est Patrem, & Matrem duas esse causas subordinatas essentialiter in generatione filij: vnde, vt notat Seraph. Doct. lib. 2. *distinct. 20. quest. 1. & 2.* neutrum per se est sufficiens, sed ambo requiruntur, ita quod principalior virtus residet penes Patrem, minus principalis penes Matrem: & idèd sine commixtione seminum non potest dari naturaliter generatio, & sic quando mulier non seminat, tunc non fit generatio: Notanter dixi naturaliter, quia supernaturaliter potest dari vera generatio ex concursu solo Matris: vt patet de fide in Christo nato ex B. Virgine sine concursu seminis virilis: & tamen Maria Virgo est vera, & naturalis Mater ipsius.

DICES Ecclesiam dicere hominem Christum processisse ex Virgine sine semine: ergo sine semine Matris potest esse aliquis ipsius verè filius naturalis.

RESPONDET S. Bonauent. lib. 3. *distinct. 4. art. 3. quest. 1. ad 2.* tale dictum, & consimilia ex SS. PP. non excludere à B. Virgine potentiam actiuam, sed consuetum modum operandi naturæ, qui est per seminis commixtionem Patris, & scemina: certum enim est, & de fide Beatam Virginem habuisse eandem potentiam generandi, ac cæteras mulieres, immò perfectiorem: quæ tamen naturaliter considerata non poterat per se attingere prolis productionem sine viri concursu, & sine successione temporis: sed Spiritus S. sua virtute illam materiam perduxit

in instanti ad actum completum cooperante virtute ipsius Beatæ Virginis naturali, & etiam vt eleuata per aliud superadditum supernaturale: quia modo supernaturali & attingit generationem hominis, & etiam vnionem animæ, & corporis, & etiam modo instantaneo: An verò attingit instrumentariè vnionis hypostaticæ productionem, alibi suo loco tractetur.

AN verò Beata Virgo excitata à Spiritu Sancto seminauerit, idest ad locum matricis semen emisit: id potius est vitiosæ curiositatis, ait Seraph. Doct. laudabiliusque est in hac materia silentium: sufficit enim nobis scire Beatam Virginem materiam aptam generationi ministrasse intacta remanente ipsius purissima Virginitate: potest videri Abul. in suis paradoxis.

297. DICES: Mulus, vel Burdo non assimilatur Patri, nec Matri: ergo semen non habet virtutem assimilatiuam: sic ait Porta se vidisse semicolumbum natum ex gallina, & columbo, aliaque animalia tali pacto generari.

RESPONDET S. Bonauent. lib. 1. *dist. 19. dub. 11.* quod degenerare est exire extra genus, idque est quantum ad formam communem, & naturam, scilicet speciem aethomam: & sic est degeneratio in æquiuocis: Vnde talis generatio non est propriè vnio-ca, quia est in genere non proximo, sed superiori, & communiore: attamen quia tales partus representant delineamenta tum Patris, sed maxime Matris ita contemplata, vt participata tum ab vno, tum ab altero dignoscantur, ex quibus signum est ambo concurrere actiue.

OBIECTES tertio: In omni re-  
Mm rum

rum procreatione requiritur agens, & patiens : sed mascula vis agentis vires subit : ergo Mater vires solius patientis.

**R E S P O N D E T U R** concedendo Maiorem, distinguendo Minorem, solum mascula vis, &c. negatur Minor : simul cum muliere, conceditur : Ad consequens distinguo, solum mulier habet rationem patientis, nego : cum semine viri, concedo : nam, ut suprà diximus, in semine viri adest ratio agentis, scilicet virtus generatiua existens in humido radicali, & alia pars seminis crassior, quæ est ex superfluo alimenti, est passiva : & in semine mulieris idem proportionaliter dicendum, licet minus principaliter mulieris Semen concurrat actiue : idque patet in semine plantatum, & in ouis, &c. quæ non requirunt fœmineum Semen.

**D I C E S** : Dæmon potest generare absque discissione suæ substantiæ : sic enim fertur de Merlino generatum fuisse ex Dæmone incubo : ergo sola Mater absque viro potest generare.

**R E S P O N D E T** S. Bonavent. lib. 2. *distinct. 8. part. 1. artic. 3. quest. 1. in argum. 5. ad oppos.* negando dæmonem propriè posse aliquem hominem generare : Ratio est, quia dæmon est spiritus incorruptibilis, ab ipsoque non potest fieri discissio materiæ, sed in Merlino, & similibus Diabolus succumbit viris in specie mulieris, & semen suscipit, & postmodum fit incubus mulieri, & transfundit in vas mulieris semen, sitque commixtio, ex qua potest generari homo : vide *ibid.* Seraph. Doct.

298. **S E C U N D A C O N C L U S I O** : Non datur viuens absque potentia

generandi sibi simile : Est S. Bonav. *cit. in 4. Notab.* & communior : Et ratio euidens est : quia potentia generatiua identificatur cum anima : ergo ubicunque est anima, ibi est talis potentia, sed frustra est illa potentia, quæ non est reducibilis ad actum : ergo.

**D I C E S** : Adfunt aliqua animantia, ut Mulus, & Castrati, quæ non possunt generare : ergo.

**R E S P O N D E T U R** ex Aristot. negando antecedens, ait enim Mulos in Syria generare, & si multis id non euenit, id est ob impedimentum organorum, vel ob aliquam corpoream imperfectionem, ut est in Castratis.

299. **T E R T I A C O N C L U S I O** : In omni generatione viuentium sensitiuorum, ad hoc ut generatio sit sensitiva, duo principia sunt necessaria.

**P R O B A T U R** : Quia nulla fit sensatio sine obiecto : ergo in animali exigitur obiectum excitans ad generationem incundam, ad ipsamque spectans : Potentia enim, & obiectum aliquam debent habere conuenientiam, & proportionem : ergo duo exiguntur, quorum vnum inferuiat pro obiecto alteri ad generationem faciendam.

**D I C E S** apud Aristot. adesse aliqua animalia, quæ connubia non habent : ut Pisces dicti Rubelliones, quæ omnes ouis fœtæ reperiuntur : Item vultures non habere masculos, sed omnes vento concipere : multa animalia sunt, quæ vtrunque sexum habent, ut Lepores, qui modò fœminæ, modò mares sunt, ergo.

**R E S P O N D E T U R** negando antecedens, ut pater in Rubellionibus, in Ouis, Capra, Ariete, & Hyrcis, qui habent

habent aliquam diuersitatem : & dato antecedente

RESPONDETUR : in his vtrunque sexum dominari, obidque nec possunt generare absque adiutorio alterius.

300. QUARTA CONCLUSIO : In vegetatiuis, & etiam in animalibus, quæ gignuntur ex putri, terra, & Sol sunt comprincipium cum semine vegetatiuo, & cum forma, quæ educitur. Est S. Bonauent. lib. 2. dist. 7. part. 2. dub. 3. & dist. 8. part. 1. art. 1. quest. 1. & lib. 2. dist. 13. art. 1. quest. 1. in corp. & ad 4. & 5.

PROBATUR primò de vegetatiuis : Quia experientia patet semina absque terra non germinare vsque ad maturitatem. Tum quia videmus fructus variari ad variationem climatum, & terrarum.

DICES ; Cæpæ, & alia germinant etiam ad murum appensa.

RESPONDETUR germinare quidem, sed non vsque ad complementum : processu enim temporis languescunt.

SECUNDA pars de animalibus alias iam probata est in Phys. ista enim cum sint imperfectæ organizationis, & cum adsit in terra seminarium talium formarum concurrentibus tetra, & elementis vt Matre Sole & corporibus cælestibus vt Patte, generatur calor viuificus, in cuius virtute potentia illa actiua, quæ prius latebat, proficit, & venit ad perfectionem, & complementum, non quod cælum, & terra dent, producantque formam vltimam, sed solum adiuvant disponendo illam materiam, & excitando illam virtutem actiuam, qua educitur forma in actu : vide S. Bonauent. loc. cit. qui egregie pertractat hanc materiam alias à nobis explicatam.

## QVÆSTIO LATERALIS.

An ambo Parentes concurrant ad organizationem.

301. ANTEQUAM respondeatur quæsito, videndum est, qualiter fiat organizatio : Quare

SUPPONENDVM primò ex S. Doct. lib. 2. distinct. 20. art. 1. quest. 1. & 2. & lib. 2. distinct. 15. quest. 1. ad 4. & lib. 2. distinct. 8. part. 1. art. 3. q. 1. & lib. 3. dist. 3. dub. 3. & art. 1. quest. 2. & distinct. 4. art. 3. quest. 2. & 3. & in Ioan. cap. 2. vers. 21. & in Sap. cap. 7. & ex Meldul. diffinit. 8. num. 28. quod Humor per potentiam generatiuam concurrente virtute, & calore naturali tali speciei competente fit semen, ad quod ambo parentes concurrunt, Pater principaliter : Mater minùs principaliter emittendo semen ex residuo alimenti, & ex substantia sua radicali, quod & recipitur in matrice, in qua exquisitè miscentur inter se semina, & perfectissimè ibi inclusa virtute substantiali, & calore naturali operantibus incipit separatio partium crassarum à subtilioribus, ex illisque fit membrana, seu secundina, qua foetus regitur, & continet in se incrementum quoddam serosum, in quo foetus veluti enatur : ex istis verdè scilicet subtilioribus accedente sanguine menstruo (qui est residuum alimenti, seu sanguis excrementitius) formatur foetus, nempe ex sanguine fiunt partes carnosæ, ex semine partes spermaticæ, nempe solidiores, & sicciores, scilicet ossa, & nervi : quæ omnia fiunt hoc ordine : primis sex diebus massa illa spumosa lactis ha-

Mm 2 bet

bet similitudinem, & post immediatè incipit efformatio membrorum, & primò Cor, vt ait S. Bonau. cum Theologis lib. 4. dist. 7. dub. 4. & *serm. 2. de vno Confes. & serm. 2. de S. Laur. & serm. 2. de S. Agnete*, & deinde iecur, & cerebrum: apparent enim primò tres Bullæ in illa massa, extenuiori cor, ex crassiori iecur, & ex humore cerebrum, simul tamen illa virtus operatur circa alia membra, post hæc in nouem diebus illa massa lactea fit sanguis coagulatus, in quo distincta illa tria membra apparent: post hæc in duodecim diebus sequentibus fir caro: hincque, ait Seraph. Doct. lib. 3. dist. 3. *part. 1. dub. 3.* dicitur Chrtistus factus in B. Virgine ex carne, ex sanguine, & ex semine: dicitur enim caro habito respectu ad id, quod formatur ex semine: dicitur sanguis respectu suæ originis: dicitur & semen habito respectu ad propriam formam: post hæc reliquis 18. diebus efformatur corpus organicum: sicque 40. quinque diebus circiter infunditur anima in masculis, licet in fœminis totum fiat in 80. diebus ob debilitatem seminis: secundum Medicos tamen masculus efformatur in 30. diebus, fœmina in 40. Aduertendum tamen nunc prodiiisse in lucem quoddam opusculum dictum (Pia prothesis) compositum à P. Hieronymo Florétino Lucensi Cong. Matr. Dei Clerico Regulari de Homi-nibus dubiis baptizandis, in quo fusissimè, & doctissimè authoritatibus Theologorum, Medicorum, Philosophorum, & historicorum probat fœtum post emissionem seminis parentum quatuor, vel quinque diebus verè viuere vita rationali, hortaturque efficaciter adstantes ipsum abluere aqua baptismali sub condi-

tionem, si quandoque accidit, vt Mater ipsum ob aliquam violentiam emittat. Pia quidem suasio, & ad salutem animæ valdè conducens, obidque ipsam existimo esse practicandam ob probabilitatem eiusdem opinionis: Hinc fœtus post infusionem animæ viuens propriè incipit nutriri, & augeri attrahendo alimentum per venam vmbilicalem, quod recipitur à iecore, & per rorum corpus subministratur à iecore: & cum adhuc cerebrum, & nerui sint imbecilles, & molles, non mouetur viuens, nisi progressu temporis exsiccetur, & consolidentur, quodque fit in masculis tertio mense, in fœminis quarto mense: tunc enim incipit proles moueri, calcitrareque. Et tandem in fine noui mensis, vel sub initiū decimi, rarissimè in initio vndecimi: aliquādo verò citius, nempe sexto, septimo, vel octauo mense prodit proles in lucem partim vteri conatu, qui quærit se exonerare, partim proprio motu: nam calcitrando rumpit secundinas, & valæ vteri dehiscunt, infansque foras erumpit: In Christo tamen (ait S. Bonauent. lib. 3. dist. 4. *cit.*) facta fuit perfecta organizatio in vno instanti virtute Spiritus Sancti, & post nouem menses completos, & sex dies ex vtero exiit: Vide S. Bonauent. *in Sup. cit. cap. 7.*

302. SECUNDò Supponendum hoc quæsitum habere duplicem sensum: primus, an vtrunque parens attingat organizationem: secundus, an attingat vnionem animæ, & corporis: & quia viuencia alia sunt viuipara: alia sunt ouipara: prima sunt, quæ generant viuens in ventre Matris: secunda sunt, quæ immittunt oua, & ex ipsis postea fit viuens: quæstio



quæstio procedit de vtrisque, & quoad organizationem.

COMMUNIS opinio sustinet vtrunque parentem attingere immediatè productionem organizationis in viuiparis, sed immediatius Mater, in ouiparis verò tantum mediâtè: Idemque dicitur quoad vnionem animæ sensitivæ: at in rationalibus Scotistæ apud Meldul. *disp. 8. mon. 33.* negant parentes attingere vnionem animæ, & corporis. Thomistæ cum Seraph. Doct. affirmant: Hinc

303. PRIMA CONCLUSIO: In generatione viuientis quoad organizationem in viuiparis vtrunque parens attingit ipsam, sed Pater mediâtè, Mater immediâtè: Est communis cum Seraph. Doct. *lib. 2. dist. 30. art. 3. quæst. 1. in corp. & ad 4. & dist. 31. art. 1. quæst. 1. & dist. 15. quæst. 1.* Scoti apud cit. Meldul. & Aliorum: licet Seraph. Doct. procedat ex diuersis principiis, scilicet quatenus recognoscit substantiam, & virtutem generantis in semine emissam.

PROBATVR igitur ex hoc principio Seraphico: Nam in vtroque semine adest substantia radicalis generantium, & virtus delata per ipsum semen agens in partem eiusdem seminis organizando ipsam materiam: ergo vtrunque concurrit actiue: sed immediatè Mater concurrit & sua actiuitate, & per communicationem proprii sanguinis: Pater verò est absens, aliquando iam est mortuus: ergo tantum iste media virtute, & Mater immediatè. Tum quia si non adfit talis concursus, corpus non posset dici generatum à parentibus, ergo: Notanter autem dixi in viuiparis: nam in ouiparis vtrunque generans mediâtè tantum concurrit, vt certum experientia est: nam etiam

mortua Matre ex ouis nascuntur pulli, sed nascuntur eo, quia illa virtus seminaria immissa à generante excitatur cum proprio calore natiuo, quæ virtus agit in illam materiam educendo formam pulli, sicque tali pacto concurrit ad generationem, & organizationem viuientis: idemque dicendum de seminibus arborum, & plantarum.

304. SECUNDA CONCLUSIO: Vtrunque parens media tali virtute generatiua attingit vnionem animæ, & corporis tam in sensituiis, quam in rationalibus, sed differenti modo: vt notat Seraph. Doct. *lib. 2. dist. 15. art. 1. quæst. 1. in fine in corp.*

PROBATVR quoad animam sensitiuam: Nam viuens cum tali virtute mediata, si est Pater, & immediata, si est Mater, concurrit ad educationem animæ, ipsiusque informationem: ergo & ad vnionem, & in hoc vel modica, vel nulla est difficultas.

PROBATVR secundò in rationalibus ex Seraph. Doct. *lib. 3. dist. 8. art. 1. quæst. 2. ad 4.* Nam licet sola pars hominis traducatur, scilicet caro, vel corpus, nihilominus dicitur totus homo nasci, vel generari, pro eo quod intentio naturæ non terminatur ad alteram partem per se, sed proptèr habet coniungi, & perfici ex altera, & ob id hominem: ergo attingit ad productionem vnionis: sic & *lib. 2. dist. 32. art. 3. quæst. 2. ad 4.* alioquin non diceretur homo generare hominem, si solum attingeret productionem dispositionum, vel organizationis, forma enim non generatur in se, nec per se, sed vt in materia, sicque facit compositum, quod est tertia entitas *lib. 2. dist. 7. part. 2. art. 2. quæst. 1. ad 4.*

**RESPONDET** Medul. negando sequelam, quia dispositiones in viventibus non sunt pura accidentia, ut in non viventibus, sed sunt formæ partiales substantiales, quæ cum sint pars intrinseca hominis producendo tales formas, vel formam organizationis, verè dicitur homo generare hominem: terminat enim ad corpus non secundum se, sed ut animæ unitum, quia in eodem instanti, quo causatur corpus, unitur etiam animæ, & animatur.

**CONTRA** : Quia si id esset verum, etiam quatuor elementa possent dici generare mixtum viuum, vel hominem: sed consequens est falsum: ergo.

**PROBATVR** sequela: quia quatuor elementa concurrunt, sicut homo, præstando materiam, & concurrente actiue: ergo. Tum quia verè in tali generatione homo generat tantum corpus per se, sicut elementa mixtum, quod & unitur alteri formæ viuenti, licet à Deo uniatut ei anima. Tum quia homo intendit producere non corpus præcisè, sed compositum: ergo partes unitas: ergo intendit attingere talem compositionem.

305. **OBIECTES** primò: Vnio est relatio extrinsecus adueniens, obidque nec causatur necessariò à causa extremorum, sed ab alia distincta, à qua habet propriam nouitatem: ergo per illam non attingitur productio hominis: ergo: Antecedens supponitur aliàs probatum, verbi gratià, informatio caloris in manu non causatur effectiue à producente manum, nec à manu, nisi subiectiue, nec à calore, cum calor, & manus possint esse absque tali informatione, sed ab igne, prout inducit calo-

rem in manu, estque causa informationis actiue caloris, & passiue in manu: sicut mouens corpus causat efficienter vtrunque respectu locantis in superficie, & locati in corpore: sed parentes non causant animam rationalem, estque Deus solus illam creans, & causans, simulque animationem: Patentes verò nullam necessitatem inducunt in Deum in causatione corporis organici, cum liberè Deus animam creet: ergo ab ipsis non provenit unio, & animatio, sed à Deo.

**RESPONDETVR** negando antecedens: nam, ut aliàs dictum est in Phys. unio substantialis est quid absolutum: & ad id quod nullam causationem habent parentes in animam, concedo, in unionem, nego: licet enim Deus necessariò absolutè non inducat animam in organizatione, necessariò tamen ex suppositione inducit animam rationalis, obidque & parentes verè attingunt productionem unionis, non enim creatur, sed comproducitur.

**INSTAS** : Ergo, sicut dicitur homo generare hominem, poterit & dici creare animam, cum ad positionem corporis, & unionis ponatur necessariò anima creata.

**RESPONDET** S. Bonau. negando paritatem, & consequentiam: nam, ut dicit *lib. 3. dist. 8. cit.* generatio non excludit creationem præambulam, immò includit, prout est generatio hominis: creatio verò, cum sit ex nihilo, aliam excludit productionem, secundum quod dicit proximam, & immediatam educationem creaturæ: anima enim de se solùm per creationem habere potest esse: hinc homo non dicitur creare animam, cum præsupponatur natura creata, sed dici-

tur generare hominem, quia ad productionem corporis producit & unionem.

306. QVÆRES de viventibus genitis ex putri: an adsit aliquod vivens ipsa generans, & an sint eiusdem speciei cum cæteris.

SEd iam in Phys. in quest. de Seminario materia hæc quæstio pertractata fuit, & suprâ in quest. 3. ad finem: ibi enim diximus, quod similia viventia ob ipsorum imperfectionem non indigent necessario generante viuvoco, sed sufficit, ut per causas vniuersales disponatur materia, à qua facilius educitur forma illa viventis, suntque eiusdem speciei cum illis, qui per propagationem verum gignuntur: habent enim eadem accidentia, & easdem omnino operationes, ex quibus secundum regulam Seraphicam lib. 2. dist. 9. quest. 1. ad vit. infertur identitas specifica.

UT autem id intelligatur, subiicio hæc verba Seraph. Doct. quæ ostendunt clarissime hanc veritatem: dicit enim lib. 2. distinct. 7. part. 2. dub. 3. & lib. 2. dist. 8. part. 1. art. 1. quest. 1. quædam sunt, ad quæ producenda sufficit causa vniuersalis sine adiutorio agentis particularis consimilis in specie, suntque im-

perfecta animalia in organizatione, & duratione: iatò non indigent agente tantæ virtutis, & consimilis, sed potuit virtus illorum productiua dari terræ tanquam Matri, & Soli tanquam Patri cum adiutorio aliorum corporum simplicium tam elementarium, quam cælestium: ad id etiam concurrat illa ratio seminalis, quæ est virtus actiua intrinseca existens in seminario materiæ, lib. 2. dist. 15. quest. 1. ad 4. ex qua educitur ad actum completum forma iam à Deo ibi concreata: id autem fuit necessarium, quia cum talia sint imperfecta duratione, ne perirent in mundo, oportuit dari virtutem generatiuam illorum agente alterius naturæ: animalia verò perfecta exiunt actualitatem, & ratio seminalis cum maiori difficultate profertur, idè in his agens generando aliqui de sua substantia impertitur.

QVÆRES: Quare magis aliquando generatur masculus, quam femina, & è contra: solutionem huius dubij habebis fusè traditam tum Physicè, tum Theologicè apud Seraph. Doct. lib. 2. distinct. 20. art. 1. quest. 6. ad quam breuitatis causa, tum etiam quia ferè est extra regem nostram, remittimus Lectorem.





# PARS PRIMA. DE ANIMA. TRACTATUS IV.

*De Nutritione, & Augmentatione.*

**R**ODUCTO viuentem per generationem nutrirī debet, & augeri, vt ad debitam corporis consistentiam affurgat; ideò de Nutritione, & Augmentatione erit præfens Tractatus.

## QVÆSTIO PRIMA.

*Quid sit Nutritio, & Augmentatio, seu Aggeneratio, Accretioque, & quomodo fiat, & quodnam sit ipsius obiectum.*

307. **S**V PRA diximus in tractatu tertio qua. 1. nutritiuam, & augmentatiuam potentiam non distinguī nisi virtualiter, esseque vnā formaliter: hinc de vtraque eodem titulo discurrendum est: Pro solutione quaestionis

PRIMò Supponendam Nutritionem posse sumi primò latissimè pro quacunque conversione alimenti in propriam substantiam siue viuentem, siue non: vnde dicitur ignis nutrirī ligno, & combustio dicitur nutritio, quatenus conuertit lignum

in ignem: secundò propriè pro conuersione alimenti in substantiam alicui facta per vitalem actionem in singulis partibus; Et hinc ait S. Bonauent. lib. 2. dist. 27. art. 2. quaest. 2. in corp. augmentum potest fieri multipliciter: primò communissimè siue in qualitate, siue in quantitate, siue in substantia: secundò propriè per additionem rei quantæ, & hæc potest fieri ex S. Bonauent. lib. 1. dist. 17. part. 2. art. 1. quaest. 2. ad vltim. vel per virtutem extrinsecam idest per extrapositionem; vel per virtutem intrinsecam existentem in augmentabili, in qua augmentabile se habet in ratione formalis, & actiui, augmentans in ratione materialis, & passiuī, & hæc fit per intus susceptionem, & per actum vitalem conuertentem alimentum in augmentum aliti: & de hæc hæc est Sermo; & quaeritur, an habeat diuersam rationem formalem à nutritione.

308. SECUNDò Supponendum, quod

quod potentia nutritiæ obiectum est nutrimentum, seu alimentum, estque duplex, proximum, & remotum: primum est, quod conuersum in chylum, vel sanguinem iam substantiam aliti subit: secundum est, quod in cibum assumimus, de quo potest quæri, quænam sint nutritioni apta, & quasnam qualitates exigat, vt possit conuerti: In qua quæstione certum est alimentum debere esse partim simile, & partim dissimile: primum quidem ratione qualitatũ symbolicarum inter alimentum, & viuens, alioquin natura illud abhorreret: nec posset à nutritiua cõcoqui: secundum verò, quia inter omnia similia non datur actio, sed in nutritione datur vera actio, & reactio: notandum autem hic obiter, quod differunt medicamentum, & alimentum: illud enim magis agit in viuens, quàm patiatur ab ipso viuente, idèd per ipsum magis alteratur viuum, obidque per ipsum non fit nutritio propria: è contra verò minus patitur ab alimento viuens ipsum, idèd ea, quæ magis in viuens agere possunt, quàm pati, magis etiam à ratione alimenti recedunt.

309. TERTIO Supponendum Calorem vitalem esse præcipuum instrumentum potentia nutritiæ: Hic autem calor dicitur communiter ab Aristot. & cæteris esse cœlestis naturæ ab aliis elementaris: quod tamen sano modo est intelligendum: vt notat Seraph. Doct. lib. 2. dist. 17. art. 2. quæst. 2. in corp. non enim dicitur cœlestis, quasi sit eiusdem naturæ, vel qualitatis existentis in cœlis, cum in ipsis non sit formaliter calor, sed dicitur talis per conformitatem in subtilitate, & claritate cum quadam subleuatione à contra-

rietate, ex hoc quod confurgit ex commixtione elementorum in quadam harmonia, & consonantia, quod & pari modo dicendum est de spiritibus vitalibus, & animalibus, & quia quando complexio perturbatur ex pugna, sitque inæqualitas, insurgit alius calor, qui dicitur consumens: primus autem dicitur conseruans ex lib. 4. dist. 49. art. 4. quæst. 1. part. 2. ad 4. quæ doctrina est contra Guarinum dist. 6. exp. 1. est tamen conformis Aristot. & Medicorum sensui: officium autem talis caloris conseruantis est primò attenuare, & rarefacere alimentum; secundò ex ipso spiritus generare, & idem alimentum disponere in omnibus membris, & officinis ad conuersionem in substantiam aliti adiuuando virtutem digestiuam, & nutritiuam viuentis, & segregando materiam proficuum à noxia, & ob id ipsius sedes præcipua est tum in humido radicali ab ipso temperato, tum in corde ex Seraph. Doct. in Psalm. 118. cap. 10. vers. 1. & Seru. 1. Hexaem. vnde cor dicitur principium, & origo motus, & sensus totius corporis lib. 2. dist. 8. part. 1. art. 3. quæst. 2. ad 1. Quibus positus sit

310. PRIMA CONCLUSIO: Datur vera Nutritio, quæ est quædam aggeneratio nouæ partis animatæ in ipso viuente vi ipsius animæ vel ordinata ad restaurandas partes deperditas, vel simpliciter ad augmentationem: Est communis cum Seraph. Doct. lib. 2. dist. 30. art. 3. quæst. 2.

PRIMA pars patet: Quia experientia videmus animalia per infirmitates deperdere partem substantiæ suæ, & per nutritionem eandem reparare.

NON SECVT

SECUNDA pars probatur, & simul explicatur: Dicitur, *aggeneratio*, idest generatio, & additio partis ad totum: Dicitur, *nova partis animata*, quia noua pars substantialis vnitur toti, & ab anima eadem informatur, quia informatur totum: Dicitur, *in ipso viuento*, quia talis aggeneratio non potest fieri nisi in eo, quod viuit, & actu habet vitam: Dicitur, *vi ipsius anima*, vt significetur nutritionem esse actum vitalem procedentem ab anima tanquam à principio primo per potentiam sibi identificatam: Adduntur reliquæ particulae, scilicet ad restaurandas partes, &c. vel ad augmentationem, vt explicetur finis nutritionis, qui est duplex, scilicet ad restaurandas partes deperditas, & ad complendum corpus genitum: Sic S. Bonau. in *Centil. part. 3. sect. 21. & 22*. Ex qua definitione etiam patet nutritionem, & augmentationem non esse actiones diuersas, quia tam augmentatio, quam nutritio est motus vitalis terminans ad substantiam, quæ quia est quanta, vel quia quantificat ipsum viuentem per additionem, dicitur augmentatio, vt supra diximus, & probauimus, & infra magis expresse dicemus in propria quæstione.

311. SECUNDA CONCLUSIO: Nutritio, licet sit actus vnicus siue instantaneus, siue successiuus, de quo infra, tamen exigit plures alterationes cibi, seu alimenti antecedentis: Est communis omnium cum Seraph. Doct. *qui lib. 2. dist. 8. part. 1. art. 3. quæst. 1. & lib. 4. dist. 12. part. 1. art. 3. quæst. 1. ad 3.* reducit ad tria capita istas motiones, scilicet ad masticationem, ad traiectionem in ventrem, & incorporationem, ad quam sequitur conuersio, & vnio: Explicatur au-

tem Conclusio hoc pacto. Cibus primò dentibus, vel gingiuis truditur, & in minutissimas partes tãquam in mola diuiditur, mediæque salua fit prima cibi alteratio, & deinde medio mynisterio linguæ, & attractu gutturis traiecitur in stomachum, & in ventriculo fit secunda alteratio, & prima concoctio virtute caloris ab hepate, à splene, & à corde prouenientis, trãsmutaturque in substantiam quandam lacteam, quæ appellatur chylus, qua stomachus ipse nutritur illam attrahens per quasdam venas, quæ dicuntur lacteæ: Chylus deinde per quoddam orificium, quod vocatur Ianitor, eo quia tamdiu, dum cibus decoquitur, illum detinet, & postea laxatur, vt chylum prolabi sinat: In his verdè intestinis chylus secernitur, partesque terrestiores, & fœces veluti excrementa in alia intestina inferiora pelluntur: Puriores verdè exguntur à venis meseraicis, & ab ipsis per venam amplam, quæ dicitur Porta, ad Iecur transmittitur, vbi fit tertia alteratio, & secunda concoctio, per quam chylus magis purificatus in sanguinem conuertitur: cæteræ verdè partes minùs purificatæ in pituitam, bilem flauam, & atram: Bilis flaua recipitur in vesicula fellis, atra verdè in lienem transmittitur: Pituita verdè simul cum sanguine remanet, vtpote illi necessaria ad liquiditatem conseruandam: Sanguis verdè à Iecore partim per venas capillares ad omnes partes corporis, & partim per venam cauam ad cor transmittitur: In hisque partibus denuò perfectè concoctus in corde conuertitur in spiritus vitales, animales, & naturales, vt supra dictum est; in spiritus vitales, inquam, qui vt ait Seraph. Doct. *Serm. 1. Hexam.* diffunduntur

funduntur per arterias : in animales, qui à corde diffunduntur per neruos ad cerebrum, vbi recipiunt complementum, & ab ipso diramantur per omnia membra ad sensum, & motum efficiendum : & in spiritus naturales, qui à corde per venas diffunduntur : In cæteris verò membris sanguis diffusus recipitur in poris, & ibi vltimò concoctus attrahitur, separanturque aliquæ feces, quæ postea in pilos, in sudorem, &c. expurgantur : sanguis verò purus conuertitur in carnem, ossa, &c. Sed vltèrius est aduertendum, quod in quacunque istarum concoctionum sit expurgatio, & separatio impuri à puro : in prima scilicet in stomacho pars superflua, & dicitur stercoraria : in secunda, scilicet in hepate est vrina : in tertia, scilicet in membris superfluitates exeunt vel per nares, vel aures, vel per apostemata, cum aperiuntur, vel per poros, pilos, & vngues, & maximè per sudorem, qui sudor est superfluitas humorum, sed maximè sanguinis, & hinc habens complexionem sanguineam magis sudat : Causæ autem sudoris sunt fortitudo virtutis expulsiuæ cum spiritu quodam aquositatis, cui pus colericum miscetur, & sua acrimonia facit tale humidum ad æternam pervenire, & quia amaritudinem habet, reddit sudorem salsum, & ex calore externo ipsum corrum-pente redditur fortidus, & eò magis quò vapores minùs exhalant, & ob id sudor faciei minùs fortet, quia plus exhalationis habet, magisque sudat ob vicinitatem cerebri humidissimi : post quietem verò magis fit sudor, quàm in ipso motu, quia adueniente refrigerio in quiete, spiritus circa partes corporis externas magis ingrossantur, & in materiam

sudoris conuertuntur : vnde labor parat materiam sudoris.

312. TERTIA CONCLUSIO : Nutritio, prout est mutatio, habet pro obiecto alimentum : prout est productio, habet vnionem substantialem partialis substantiæ corporeæ cum tota substantia viuientis.

PRIMA pars patet ex 3. *Norab.* & continua experientia, solùmque est discriminè inter DD. quodnam propriè sit aptum alimentum ad nutritionem viuientis : an scilicet necessariò ad nutrienda animalia alimenti materia debeat priùs fuisse animata : an etiam inanima possint esse materia apta, vt aurum, aliaque mineralia : Aliqui id negant : at Guarin. *disp. 6. exp. 4. & disp. 5. exp. 1.* Medici, & Empirici affirmant, de qua infra dicitur. Secunda pars in sequenti quæstione patebit, exigit enim peculiarem considerationem.

313. QUARTA CONCLUSIO : Plantarum nutrimentum est non terra pura, vel aliud elementum per se, sed est humor, qui gignitur ex terra, & aqua principaliter concurrentibus etiam cæteris elementis, & sua virtute corporibus cælestibus : Sic communiter DD. cum Seraph. Doct. *lib. 2. distinct. 14. part. 2. dub. 2.* dicens plantas, & herbas esse quasi connaturalis terræ, dum ei sunt radicitus affixæ trahendo ex ipsa fomentum, & originem : videatur Seraph. Doct. quæ tradit *lib. 2. dist. 15. dub. 1. & art. 1. quæst. 2.* licet enim ab ipso applicentur compositioni corporum animalium : mirabiliter tamen inseruiunt etiam pro intelligenda plantarum generatione, & nutritione : & *lib. 2. distinct. 30. art. 3. quæst. 1. in improb. 3. opin.* dicit, quod forma cum virtute existente in semine congesta copia

terræ, & humoris tanquam materia propria alimenti vertitur in ligni illius qualitatem, in ramorum diffusionem, in foliorum viriditatem, ac figuram, & in fructuum formas, & opulentiam: sustinet igitur alimentum plantarum esse principaliter terram commixtam cum humore, & aqua: vnde terra tenet præcipuum locum in materia alimentari plantarum, deserui enim ut ventriculus, in qua fit prima terræ, & aquæ concoctio, ex qua concoctione quidam humor producit, qui à radicibus fugitur arboris, & ab omnibus partibus eiusdem attrahitur, & virtute animæ alteratur, & à calore solis concoquitur, & attenuatur, disponiturque proximè, ut in substantiam plantæ transmutetur: Ex quo patet, quare accessu Solis plantæ vel produciunt, vel frondent, vel magis nutriuntur, & quare recessu deperdunt vigorem, folia, &c. quia calor solis vices caloris naturalis agit. Addimus, quod hoc discretum est inter nutritionem plantarum, & animalium, quod concoctio alimenti plantarum fit extra plantæ substantiam, concoctio vero alimenti animalis fit intra animal: secundò plantæ excrementa non emittunt, quia remanent in concoctione extra plantam, secus accidit in animali: verum tamen est, quod etiam aliqua arbores emittunt ab intus aliqua excrementa, ut patet in gümma ab ipsis emissà: His suppositis tanquam communiter ab omnibus acceptis.

314. QVÆRITUR primò: quænam sit materia apta ad nutritionem animantium? an scilicet necessariò sit aliquod mixtum, quod antècedenter fuit animatum: an etiam aliquod elementum: an aliquid aliud.

RESPONDETUR primò accidentia non posse alere viuens: ratio est, quia cum per nutritionem inducatur noua forma corporeitatis, & noua informatio animæ ad illam partem, accidentia pura non possunt recipere talem informationem, cum subiectum formæ substantialis sit sola materia, vel substantia potentialis, & sic sit vnum per se, non vnum per accidens.

DICES cum Aliquibus Thomistis quantitatem sacramentalem nutrire ex potentia supernaturali.

RESPONDETUR negando antècedens: nam, ut docet Seraph. Doct. dum verè sunt species sacramentales, tunc non nutriunt, sed tantum, quando corrumpuntur: tunc enim aduenit de nouo substantia creata: Sic lib. 4. dist. 12. part. 1. art. 2. quest. 1. & dist. 13. art. 2. per totum.

DICES: Odor, non propterea est qualitas, sed propterea importat exhalationem vaporosam egredientem à corpore odoroso, non est purum accidens, & potest nutrire: ergo accidens potest nutrire.

RESPONDET Medul. de gen. dist. 8. num. 55. negando consequentiam: ratio est, quia talis exhalatio non est sufficienter incrassabilis in massam: tum quia talis odor transit ad cerebrum, non ad Stomachum, in quo fit digestio, & dato etiam hoc, non sequitur accidens posse nutrire, cum illa exhalatio non sit purum accidens, quam Seraph. Doct. lib. 4. dist. 49. art. 3. quest. 1. appellat emanationem à corpore.

AN verò vinum nutrire possit, est in questione: Aliis affirmantibus, Aliis negantibus: Partem negantem sustinet Heron. mercurialis: Affirmantem, & probabiliorem communis



nis opinio : ratio est , quia est incrassabile in massam ex hoc , quod est terream magis , quàm aqua . Tum quia experientia patet multos per plures dies enutritos fuisse solo vino , & hæc est sententia S. Doct. lib. 4. dist. 11. p. 2. art. 1. quæst. 1. ubi appellat panem , & vinum cibum convenientem efficacem , sanantem , & omnibus communem .

D I C E S : Ecclesiam in ieiunio non prohibere vinum , quod & fecisset , si nutrirer : ergo

315. RESPONDET Meldul. Ecclesiam prohibere pro ieiunij obseruantia , quæ propriè , & vsu humano primo , & per se recipi solent ad nutriendum , qualia non sunt ea , quæ instituta sunt ad potum : Sic etiam non interdicit pisces , sed carnes , licet quidam pisces plus nutrant , quàm quædam carnes , sed quia ex genere suo carnes plus nutriunt , quàm pisces , idèd non vetuit in genere pisces .

RESPONDETUR secundò , quod tale nutrimentum ex vino citò enanescit , nec potest homo solo vino dici conservari : hinc non prohibuit vinum .

RESPONDETUR secundò quoad Elementa : Elementa pura non posse nutrire : Sic manifestè Arist. 2. de gen. text. 50. & de sensu , & sensibus cap. 5. versus finem , aliisque locis & ratio est , quia , vt notat Seraph. Doct. tum lib. 2. dist. 17. art. 2. quæst. 2. ad 6. & alibi pluries forma elementaris , seu elementum non est capax animæ , nisi mediante forma mixti , & complexionis : tum quia non habemus vllum elementum purum , vt aliàs dictum est .

O B I I C I E S cum Meldul. Quia serpens ex iussu Diuino in Gen. ter-

ram comedit , sicut & plura alia animantia .

S E D ad hæc , & consimilia allata à cit. Authore

RESPONDETUR nullum elementum apud Nos esse purum , si- que non concludunt aliquid contra Nos .

RESPONDETUR secundò cum Guar. dist. 6. exp. 4. nihil , quod non fuit animatum , posse nutrire : & ratio eius est , quia natura non transit de extremo in extremum absque medio : hinc exigitur in alimento aliqua proportio , ad hoc vt possit suscipere formam viuam . Attamen oppositum docetur à Medicis , qui aurum , lapides pretiosos , alique inanimita redacta in puluerem , in oleum , aquam , &c. ordinant , ipsisque nutriunt homines , inseruiuntque mirabiliter ad vitam tuendam , & conseruandam .

A D D I T vltèrius cit. Guatin. ad hoc vt alimentum possit inseruire viuenti , debet esse aliquo modo dissimile , vt conuertatur in substantiam aliti , quod tamen est falsum : nam homo comedit hominem , & bestia bestias eiusdem speciei : si tamen non intelligatur dissimilitudo , quæ est inter non viuens , & viuens : sic enim potest sustineri .

316. Q U E R I T U R secundò : Quid sit fames , & Sitis , & quomodò fiat .

RESPONDETUR cum communi famam oriri ex deficientia alimenti : membra enim sugunt venas , venæ hepar , hepar sugit venas mesentericas , & alias , quæ ad stomachum pertingunt : istæ venæ & stomacho exugunt , quicquid in ipso est : quo factò stomachus corrugatur : Vnde in ipso fit dolor ; maximè tamen circa os stomachi , quod etiam

N u 3 humore

humore acido à splene effuso per id tempus inficitur, qui humor sua mordacitate dolorem auget; & quia ex defectu alimenti deficiunt etiam spiritus vitales in toto corpore, hinc dolor in stomacho sentitur, & debilitas in omnibus membris: spiritus enim vitales corporis vires fouent; ad hæc sequitur, quod Phantasia percipiens & dolorem, & deficientiam supra dictam concipit alimentum ut conueniens, & necessarium, quod & proponit appetitui sensitiuo, qui contestim in ipsum tendit per actum appetendi, & virtutem motiuam cōpellit ad ipsius acquisitionem pro viuientis conseruatione: Et quia potus est animali necessarius: tum ut sua tenuitate in venarum anfractibus cibo solido viam sternat: tum ut concoctioni ventriculi (quæ est quædam elixatio) inferuiat: tum ut ariditatem membrorum, sanguinisque caliditatem mitiget, idè quando succus iste deficit in corpore, vel ob exercitationem, vel ob calorem, vel ob esum cibi falsi, membra inarescunt, & oritur attractio similis ei, quæ in fame accidit, causaturque dolor quidam in ventriculo, potissimum in oesophago, idest in cannula golaræ, & faucibus. Igitur fames residet propriè in ventriculo ob penuriam alimenti, licèt etiam aliquialiter extendatur ad alia membra: & sitis in oesophago, & faucibus. Hinc fames ab Aristot. definitur, *Appetitus invalidi, & siccì*: Sitis *appetitus frigidi, & humidi*, Dicuntur, *appetitus*, non formaliter, quia propriè sunt dolores quidam anxie torquentes animantia, sed casualiter, quatenus ex isto dolore à phantasia representato causatur in appetitu actus desiderij, & appetitionis alimentij: unde provt est dolor,

dicitur communiter fames naturalis: provt verò est actus desiderij, dicitur fames elicità ab Aristot. 2. *de an.* 1. 28. Dicitur fames, *appetitus calidi, & siccì*, non quidem absolute, nam plures cibi sunt frigidi, & humidi, nec fames primò est à natura instituta ad reparandum siccum, sed humidum pingue, quod est pabulum caloris naturalis: Dicitur igitur *calidi, & siccì* facta comparatione ad potum, cum regulariter cibus sit calidior, & siccior potu: Potus item dicitur frigidum, & humidum, quod intelligendum est aliquando copulatiuè, aliquando disunctiuè: oppositum tamen docet Guarin. *disp.* 6. *exp.* 3. qui plura assert defumpta ex experientia, & exemplis, qui potest videri: Nota tamen, quod aliquando sitis causatur non ob inopiam humidi, sed ob humorem falsum, & acidum imbuentem eo ventriculi, vel oesophagum, vel fauces: vt in hydropicis; vel ex iccoris intemperie, vt nunquam possint humectari, quamuis continuè bibant.

QVÆRITVR: terriò an sine cibo, & potu viuere possit animal.

RATIO dubitandi est, quia communiter dicitur Chamaleontem viuere ex aëre: multos vitam duxisse sine cibo, & potu longam.

SED Respondetur impossibile esse naturaliter posse aliquod animal diu viuere absque cibo, & potu, vel aliquo humore, circa quem calor naturalis possit agere, & qui loco cibi substituat.

ET ad id de Chamaleonte negatur absolute ipsum viuere ex aëre: nam cibatur muscis, aliisque animalculis.

ET ad id de hominibus, qui sine cibo, &c. diu vixerunt.

RESPONDE

RESPONDETUR id factum fuisse miraculosè, vel falsò id referri, quod & infrà magis explicabitur in quæstione tertia.

## QVÆSTIO II.

De Terminò Nutritionis, idest quid per nutritionem acquiratur.

317. COMMVNITER ab omnibus ferè asseritur in nutritione acquiri cum quantitate nouam materiam, & formam, seu partem formæ, quod & S. Bonau. docet *lib. 1. dist. 17. pars. 2. art. 1. quæst. 1. in corp. & ad 3. & lib. 2. dist. 30. art. 3. q. 2.* Ratio autem est, quam Seraph. Doct. *lib. 4. dist. 12. pars. 1. art. 2. quæst. 1.* affert ex Philosopho, quia ex his constamus, ex quibus nutrimur, sed constamus ex substantia: ergo & nutrimur substantia. Tum quia Nutritio est aggeneratio, seu altera generatio nouæ partis: ergo est ad substantiam nouam.

DIFFICULTAS ergo sita est circa hanc formam, quæ de nouo in nutritione aduenit; an sit corporeitatis: an sit pars animæ sensitivæ, & vegetantis, idque inferuit. & ad Maiorem elucidationem indiuisibilitatis animarum, quam sustinuimus suprà.

PRIMA Opinio est Thomistarum, qui procedentes iuxta sua principia, secundùm quæ negant formam corporeitatis in animalibus, volunt in corruptione fieri resolutionem vsque ad materiam primam: hinc dicunt superaddi per nutritionem viuenti nouam partem viuat, non quatenus est pars, quia id habet à

quantitate, sed propterea fit vnum cum substantia præcedente, cum qua recipit indiuiduationem, & identificationem: Sic Complut. *de gen. disp. 5. quæst. 3.* Ioan. à S. Thom. *de gen. q. 8. art. 2.*

SECUNDA opinio communior est asserentium per nutritionem acquiri nouam materiam, & nouam partem formæ, scilicet nouas portiones animæ generari in sensitiuis, & vegetantibus: In rationalibus verò nouam partem formæ corporeæ: Sic Meldul. Seibel. & communiter Alij.

TERTIA Opinio est S. Bonau. qui consequenter ad tradita de indiuisibilitate animarum sustinet solum nutritionem posse terminare ad substantiam, & portionem formæ corporeæ in quocunque viuenti, & ad ipsius vnionem cum toto viuenti: Pro solutione quæstionis

318. PRIMò Aduertendum, quod communiter dicitur à Philosophis, & est dictum Aristot. 2. *de an. t. 11. & 34.* opere nutritivæ transire alimentum in carnem secundùm materiam, non secundùm speciem, & formam: quæ propositio variè à Philosophis exponitur: nam D. Thom. apud Bauez docet carnem secundùm formam esse ipsam carnem formaliter, & quidditatiuè sumptam: secundùm materiam verò esse eandem materialiter sumptam: scilicet quæ fluit, & refluit: Richard. *lib. 2. distinct. 30. art. 1. quæst. 5.* docet carnem secundùm formam esse carnem secundùm quidditatem: secundùm materiam verò ipsam in indiuiduo sumptam: Alij aliis modis explicant, vt videre est apud doctissimum P. Gallicium nostrum *de gen. t. 3. quæst. 5.* & apud Meldul. *de gen. disp. 8. n. 81.* Seraph. verò

verò Doctor cæteris sublimiùs explicat hoc dictum, nempe carnem secundum formam esse illam, quæ est de prima viventis constitutione: carnem secundum materiam esse illam, quæ per nutritionem, & augmentationem de nouo recipitur: Sic *lib. 2. dist. 30. art. 3. quæst. 2. & lib. 4. dist. 12. part. 1. art. 2. quæst. 2. ad 2. & lib. 4. dist. 44. part. 1. art. 2. quæst. 1.* Subdit Seraph. Doct. quod differunt in hoc, quod caro secundum formam, seu speciem est de essentiali constitutione, & fabrica corporis heterogenei, habetque vim actiuam, & potentiam conuertendi in se alimentum in carnis naturam ad complendam ipsam fabricam corporis: & quia hæc potentia conuertendi, quæ ipsi inest ratione animæ, est limitata, idèò habet terminum limitatum in augmento, daturque latitudo maior, vel minor in hac potentia, idèò vnus plus augetur altero: Caro verò secundum materiam est illa, quæ post completam organizationem corporis animati, & in suo essentiali statu constituti superadditur per nutritionem, & hæc dicitur secundum materiam, quia habet plus passiuæ, quàm actiuæ, cum habeat de se vim actiuam conuertendi in se alimentum, vt habet caro secundum formam; alioquin nunquam staret augmentum, si cum augmento carnis cresceret etiam virtus augmenrandi: assertque S. Doct. *loc. cit. lib. 2. dist. 30. & lib. 4. dist. 12. exemplum de vino generato in vite, quod habet potentiam conuertendi aquam, sed illa aqua conuersa in vinum non habet potentiam conuertendi aliam aquam; alioquin multiplicari posset vinum in infinitum: vinum autem exiens de vite dicitur vinum secundum speciem, seu*

formam: quod verò superadditur ex aqua, dicitur vinum secundum materiam. Er hinc est, quod si caro hominis comeditur ab alio homine, quia conuertitur in carnem secundum materiam, idèò hæc non ordinatur ad Resurrectionem nisi de congruo, non necessariò: solum enim de necessitate ordinatur ad Resurrectionem caro secundum formam, & idèò hæc necessariò resurget in homine, cuius est de prima constitutione: vide S. Bonau. *lib. 4. d. 44. cit.* An verò hæc doctrina sit ad mentem Arist. Aliqui sicut & cit. P. Gallicius valdè dubitant, sed videatur Seraph. Doct. *lib. 2. dist. 30. art. 3. quæst. 2. fund. 3.* vbi expressè docet talem esse mentem Arist. & esto, quod non sit, non est negandū tamen esse valdè rationabilem, & fundatam in experientia ipsa, valdeque inferuire ad tollendas maximas difficultates, quæ passim occurrunt tum in hac materia, tum in Resurrectione mortuorum, & alibi.

319. SECUNDO Notandum ex eodem P. Gallicio *cit. quæst. 4. n. 4.* quod licet animatum denominetur nutriti, & auget, eo quia non augetur, vel nutritur nisi corpus viuum, & animatum, inquantum anima est principium nutritionis: propriè tamen illud nutriti per se solum dicitur, quod indiget restauratione: hoc autem est corpus corruptibile, quod continnè aliquid deperdit, idèò restauratio, & deperditio est propriè circa corpus: quæ doctrina est etiam Seraph. Doct. *lib. 2. dist. 30. art. 3. quæst. 1. ad 6. & vlt. & quæst. 2.* dum notat per nutritionem fieri carnem secundum materiam, addique carnem secundum formam: & *lib. 4. dist. 43. art. 1. quæst. 4.* docet generationem

(idem.

(Idem & dic de aggeneratione) terminare ad formas existentes in Seminatione.

320. TERTIÙ Notandum, & Supponendum ex traditis *suprà tract. 1. de an. quest. 5.* quod anima quælibet essentialiter est actus corporis organici: idèd exigit necessariò, si est educibilis, vt educatur solùm à corpore non homogeneo, sed heterogeneo: vnde, ait Seraph. Doct. *lib. 4. distinct. 49. part. 1. art. 1. quest. 4. in corp.* corpus nunquam est dispositum ad vitam, qualemcunque habeat complexionè, nisi etiam habeat organizationem: sicque nec influentia vitæ, nec motus est ab anima in corpus, nisi naturaliter præexistat dispositio organizationis: vnde anima respicit totum corpus, & ob id informat partes, quia informat totum, & sicque respicit partes, quia respicit totum: non sic tamen est in educatione: non enim sic educitur de parte adueniente de nouo per nutritionem, quia educatur de toto, cum in prima educatione iam anima fuerit educta de toto præexistente, sed quia informat illud totum, idèd proterdit suam informationem ad partem, quæ toti vnitur substantialiter: quæ doctrina necessariò debet admitti in nutritione hominis ab omnibus Philosophis Catholicis: A S. Bonau. verò, qui tenet omnem animam esse indiuisibilem, admittitur in quocunque viuente: His positis.

321. VNICA CONCLUSIO: Terminus ad quem nutritionis est substantia cum forma partiali corporeitatis: non autem animæ sensitivæ, & vegetativæ: Est S. Bonau. *loc. cit. supra, & in quest. cit. tract. 1. de an. quest. 5.* vbi probatum fuit omnem animam esse indiuisibilem.

PROBATVR primò ex traditis R. P. Bart. de Castrovetro Phil. P. III.

*in cit. quest.* Omnis anima est indiuisibilis: ergo non potest acquiri per partes: Antecedens *ibid.* abundè probatum est: Consequentia per se patet ex traditis *ibid.* Confirmatur: quia in homine hæc ratio non potest negari: ergo si in homine non acquiritur pars formæ viuentis, seu animæ, aliqua alia forma corporea acquiritur, sed currit eadem ratio in cæteris viuentibus: ergo. ProbatVR subsumpta Minor: nam idèd in homine acquiritur tantùm forma partialis corporea, quia corpus tantùm est illud, quod restitatur per nutritionem, sed eadem ratio currit in aliis viuentibus: ergo. Vide, quæ dicta sunt *in cit. quest.* de indiuisibilitate animarum.

PROBATVR secundò doctrina D. Thomæ *part. 1. quest. ult. art. 1. dicentis*, quod ex nutrimento, & nutrito fit vnum per mixtionem, sed nulla anima cum alia anima apta est mixtioni: ergo alia forma produci-tur, quæ apta sit admisceri cum corpore animato, & quæ præsupponatur ad animam: ergo est forma corporeitatis, quæ acquiritur.

PROBATVR tertio: Quia sequeretur animam fieri vnum ex multis partibus, sicque non esset verè vna, sed in continuo multiplicaretur, & deperditione continua partis, & partis auferetur ipsius unitas.

PROBATVR quarto: Quia nutrimentum non est materia vltimè disposita ad educationem animæ: ergo.

PROBATVR antecedens: Quia si anima est vegetatiua, & sensitua, solùm ex semine generatur: tum quia anima secundum se totam, & secundum partes (dato, quod haberet partes) respicit corpus organicum: at materia nutrimentalis est homogenea, & cum partes animæ si darentur,

tur, sint eiusdem rationis cum tota, necessariò & ipsæ respiciunt totum heterogeneum: Aduersarij afferunt varias responsiones, quas confutauimus satis *in cit. quest.* de indiuisibilitate animarum.

OBIECIES cum Meldul. & Cæteris: Omnis anima est diuisibilis præter rationalem: ergo pars formæ potest de nouo acquiri: Huic obiectioni iam satisfactum est *loc. cit.*

322. OBIECIES secundò: Quando per nutritionem aduenit noua pars substantiæ, vel informatur ab anima præexistente in corpore, vel ab alia: non primum: ergo secundum, sicque habemus intentum.

PROBATVR Min. quia sequeretur animam perficere duo perfectibilia adæquata, quod est impossibile. Tum quia forma posset informare materia, à qua non dependet in educi, quod est contrà Philosophos omnes: forma enim materialis, & dependēs à subiecto ita exigit esse in suo subiecto, vt non possit extēdi ad aliud subiectum, talesque sunt formæ vegetantes, & sensitiuæ ad differentiam rationalis, quæ non dependet à subiecto: Sic Bagat. *disp. 2. sect. 2.* cum Aliis.

RESPONDETVR illam nouam materiam corpoream informari ab anima præexistente. Ad probationem Minoris, & impossibilitatis adductæ

RESPONDETVR eo modo, quo dictum est *suprà in citat. quest.* eandem formam informare duas materias, ita quod corpus est materia adæquata sufficienter, sed non absolutè, & totaliter: totalis enim est caro secundum formam, & secundum materiam, quæ scilicet potest acquiri, & addi illi corpori: Ad aliud, quod forma materialis dependet à materia, à qua educitur

RESPONDETVR negando vllam animam esse materiale, sed dicimus esse spirituale: obidque educi à toto corpore organizato, & ab ipso dependere dependentia non essentiali, sed consequente, quatenus educitur ad componendum cum materia tertiam entitatem: & quia est ad hunc finem à Deo creata, idè cessante tali fine ipsa & corrumpitur quoad existere completè remanente ipsa in seminario materiæ: & hinc potest informare & materiam, à qua fuit educta, & aliam de nouo superuenientem, à qua non fuit educta, ad hoc vt simul cum tota illa materia conficiat totum completum.

CONTRA instat Meldula: Ergo forma migrabit de subiecto in subiectum, sicque habebit duo perfectibilia realiter diuersa: sed consequens vtrunque est impossibile: ergo.

PROBATVR Minor: nam forma accidentalis non potest migrare, seu extendere suam extensionem alteri subiecto, etiam si sit continuum, multò minùs forma substantialis, cum sit maior vnio formæ substantialis cum subiecto, quàm sit formæ accidentalis.

RESPONDETVR ex traditis fieri migrationem non totalem, sed partialem, qua forma totum suum subiectum non deserendo, sed in eo manendo transit ad nouam partem informandam, quod à nemine potest negari in anima rationali: idemque & Nos dicimus de cæteris animabus. Hinc ad probationem Minoris negamus paritatem de formis accidentalibus, & cæteris corporeis, & materialibus, ac de animabus: nam illæ dependent à subiecto, & extenduntur cum quantitate, non sic anima, quæ est spiritualis, & indiuisibilis: vnde potest

potest habere duo perfectibilia inadaequata: & sicut notat Zabar, *lib. de accret. cap. 15. & 16.* in informatione animæ respectu corporis duplex adæquatio potest considerari; altera quantitativa, altera proportionis: prima non est inter animam, & corpus: illa enim est indivisibilis, istud diuisibile: vnde eadem anima vegetabilis est adæquabilis corpori formicæ, & elephantis; nata est informare & magnam, & parvam materiam: vnde caro, quando est facta maior, non constituit duo perfectibilia, sed vnum, quod prius erat paruum, & postea factum est magnum: Secunda adæquatio adest inter totum corpus, & animam, non inter partem aliquam: hæc enim non est adæquatum perfectibile respectu totius animæ, sed est totum corpus, ideoque anima non informat duo perfectibilia adæquata, sed tantum inadaequata, Meldul. *cit. num. 78.* conatur confringere hanc doctrinam, & responsionem, quam teneret admittere in informatione animæ rationalis dicens non currere, nec verificare posse in formis diuisibilibus ob dependentiam, quam habent in suo esse, fieri, & conseruari à subiecto, à quo educuntur: Sed iam supra huic difficultati satisfactum est ex eo, quod hæc dependentia est à posteriori.

Obiicies tertio principaliter cum Magistr. Sent. *lib. 2. disp. 30.* qui docuit in nutritione non acquiri nouam substantiam, sed solum alimentum, quod conuertitur in carnem, & sanguinem: non tamen quod sit de veritate humanæ naturæ, sed quæ humanam substantiam foueant, & conseruent: obiicit ergo Christum dicere, *Id, quod intrat in os, in secessum*

*emittitur*: Sic Christus in *cap. 15. Matth.* ergo quicquid comeditur, in secessum vadit.

323. RESPONDET S. Bonau. *lib. 2. disp. 30. art. 3. quest. 1. ad 1. & 3.* quod opinio Magistri, & Hugonis communiter reicitur à DD. immò idem Seraph. Doct. ingenue protestatur se dictos Patres non intelligere, quid sibi velint, nec tale esse sensum Christi in Euangelio: nempe totum, quod sumitur in nutrimentum, abire in secessum: sed quia, cum homo manducat, fit separatio puri ab impuro, primumque retinetur, & impurum secernitur: de quo dicit Christus, *Quod intrat in os, non coingit hominem.* Affert etiam & aliam expositionem Glossæ: nempe per secessum intelligi non viam inferiorem, & vltimam egestionem, sed meatum, & poros, per quos fit ciborum decollatio: & ita non sequitur aliquid in veritatem carnis humanæ non transire.

Obiicies quarto cum eodem Magistro: Quia, si fieret nutritio, & translatio nouæ partis in veritatem naturæ humanæ, sequeretur fieri augmentum in infinitum, & posse hominem se perpetuare in æternum.

SED iam satisfactum est huic difficultati ex doctrina, quam tradit Seraph. Doct. *cit. in 1. Notab.* negatur enim vtræque sequela, ex hoc quod id, quod per nutritionem acquiritur, sit caro secundum materiam, non secundum formam: hæc enim caro secundum materiam non habet de se vim conuertendi aliam carnem in se, nec est de veritate humanæ naturæ, propterea dicit essentialem viuientis corporis constitutionem, sed tantum de congruo, quatenus dicit integritatem eiusdem corporis.

corporis : Vnde potest fluere , & refluere : Sic S. Doct. lib. 2. *dist. 30. art. 3. quæst. 1. & 2.*

324. QVÆRES : an materia alimenti prius uniatur corpori viuientis , quam fiat nutritio : an verò simul , & semel etiam ab anima informetur.

P. BAUDUNIVS noster Respondet in eodem instanti , & eadem actione illam partem conuerri , & viri toti : estque probabilis hæc opinio : sed conformius est principiis Seraphicis dicere , quod illa pars prius conuertatur in carnem , scilicet recipiat organizationem , & corporeitatem conformem toti , & deinde animari : quod tamen totum fit in unico instanti temporis communis , sed in duobus temporis intrinseci : sunt enim mutationes diuersæ , vt diximus in quarto libro Physicæ.

### QVÆSTIO III.

*An Nutritio fiat continuè.*

325. DVPLICEM sensum habet hîc titulus : primus est , an nutritio fiat in instanti : an verò successiuè : Secundus , an fiat continuè absque interruptione toto tempore vitæ.

Et quoad primum consequenter procedentes ad tradita de generatione dicimus nutritionem fieri in instanti : Sic S. Bonau. lib. 2. *dist. 30. art. 3. quæst. 2. in argum. ultim.* vbi docet nutritionem fieri sicut generationem : sed generatio fit in instanti , licet dispositiones sint successiuæ ex lib. 2. *dist. 1. part. 1. art. 3. quæst. 1. in corp.* ergo & nutritio.

CONFIRMATVR , quia ad introdu-

cendam formam corpoream requiritur determinata quantitas , & ablatio dispositionum contrariarum , quæ completur in ultimo instanti , sed tunc statim introducit forma : ergo : tum quia anima informat omnes partes indiuisibiliter : ergo siue nutritio stat pro formæ corporeæ introductione , siue pro animatione , utroque modo fit in instanti : sed vide , quæ à nobis tradita sunt in *tract. de generat.* in hac eadem quæstione.

OBIECTES cum P. Baudunio nostro , qui de more trahit ad contrariam Thomisticam opinionem Seraph. Doct. eo quod lib. 1. *dist. 37. quæst. ultim. fund. 4.* dicit omnem motum præter generationem esse successiuum ( addit iste Author ) sed nutritio est motus : ergo ad aures Seraph. Doct. fit successiuè : sed pace doctissimi viri debebat subdere : sed nutritio est generatio ex Seraph. Doct. *suprà cit.* est enim aggeneratio : ergo fit in instanti.

DICES nutritionem fieri prius in vna parte , & postea in aliam continuam : ergo fit successiuè.

RESPONDETUR fieri in parte determinata in ultimo instanti dispositionum introductarum , simulque disponi successiuè alteram continuam : inde tamen non sequi fieri introductionem formæ successiuè , vt diximus in *cit. quæstione* de generatione.

326. CIRCA secundam partem , scilicet an fiat continuè nutritio toto tempore vitæ : an verò habeat aliquam interpolationem.

PRIMò Aduertendum , quod hîc non quæritur , an nutritio , & augmentatio fiat in instanti , ita quod corpus fiat magnum , & secundum omnes partes



partes restauratum subitò: nullus enim sanæ mentis id affecit: requiritur enim processus temporis, ad hoc vt viuens augeatur vsque ad magnitudinem determinatam, in quo sensu intelligendus est Seraph. Doct. *lib. 4. dist. 16. part. 1. art. 3. quæst. 1.* vbi docet viuere hominis durare longo tempore: & idem *lib. 3. dist. 3. part. 2. art. 3. quæst. 1. & 2.* sed quæritur, an in hoc tempore totius vitæ detur interpolatio in nutritione.

SECUNDO Aduertendum, quod est quæstio, an possit diu viuens durare sine alimento: Licet in *opusculis* de his, quæ diu viuunt sine alimento *lib. 1. & 3.* ostendit eruditè plura animantia posse viuere diu sine alimento, & refert aliquos homines vixisse quadraginta annos sine cibo, & potu: Vt autem id sustineat, duplex alimentum admittit, scilicet remotum, & proximum: posseque aliquid viuere sine remoto tantum, vel sine utroque: sine remoto potest, si cibum actu nonumat: nutriatur tamen interius proximo alimento, scilicet pituita, & succo valde viscoso, qui resistit calori naturali debili, ne citò consumatur, & tali modo sine cibo viuit Vrsa per quadraginta dies, & tunc valde pinguescit: sic & Glitres, qui per totam hyemem dormiunt, & valde pingues fiunt: sic & Serpentes, Coccodrilli, Stelliones, Cycadæ, quæ per totam hyemem ieiunant: Cum igitur calor naturalis sit debilis, nec possit succum illum viscosum concoquere, & immutare, in adipem, & pinguedinem conuertit: Alia verò viuientia sine utroque alimento possunt ieiunare, ex hoc quia (ait ipse cum multis aliis) potest dari temperamentum ad pondus quoad virtualitatem, & resistiuitatem, ita

quod calor nullatenus poterit agere in frigus, hincque cessabit indigentia cibi ad restaurandas partes deperditas. Et in nostra opinione etiã si non possit dari tale temperamentum ad pondus: dari potest tamen ad iustitiam, ita quod modicus sit excessus caloris supra humidum, & frigidum, vt parum agere valeat in ipsum: quo pacto poterit contrahi ieiunium per plures dies, donec superueniat indigentia notabilis cibi: Insuper poterit esse tam modica deperditio, quod sufficiat respiratio aëtis vaporulenti, & humidi ambientis, vel ex summptione aliquali aquæ, vel vini, vel similium: quæ doctrina tamen potius est vera Metaphysicè tantum, quàm Physicè: est tamen ferè impossibile dari talem mixtionem sic attemperatam, vt possit impediri actiuitas caloris, & maxime in homine, qui tot mutationibus tum intrinsicis, tum extrinsecis est continuè subiectus. His positis

327. VNICA CONCLUSIO: Nutritio semper est necessaria ad vitam viuentis, licet non implicet posse dari aliquam breuissimam interpolationem à tali actu.

PRIMA pars est S. Bonauent. *Op. Centil. part. 3. sect. 21.* & communior cum Arist. 1. de gen. 2. 41. 2. de an. 2. 40. contra Licetum citatum.

PROBATVR, quia viuere in actu dicit principium vitale actualiter operans: ergo viuere in actu vegetando, dicit potentiam actu operantem per nutritionem: tum quia calor naturalis est causa naturalis in actu: ergo semper operatur: ergo si cessabit nutritio, destruetur humidum radicale, & temperamentum mixto necessarium: & licet Aliqui pro aliquo tempore abstinerint à cibo, tamen in illis nutritio

nutritio non cessauit : tunc enim potentia nutritiua conuertebat in substantiam alii alimentum proximum ; & immediatum , scilicet sanguinem.

SECUNDA pars probatur : Potest dari aliquod impedimentum vel ex parte caloris naturalis vitalis debilitati ratione alicuius morbi : vel ex magna ciborum copia obstructi , & suffocati , ex quo oritur atrophia , & arefactio membrorum , quæ est infirmitas , & tabes , quæ corpus non alitur cum destructione aliquarum partium , in quatum loco ob debilitatem virtutis aliæ non succedunt : vel si virtus operatur , id facit ita debilius , & remissè , vt non possit alimentum perfectè disponere ad conuersionem : vel aliquando oritur ex parte alimenti inepti ad conuersionem.

CONFIRMATVR etiam : Quia ad conuersionem alimenti prærequiritur alteratio necessaria , quæ aliquando potest retardari , vel impediri.

DICES : Nutritio , seu educio formæ partialis corporeitatis fit in instanti : ergo non potest continuè fieri : Probatur consequentia , quia sequeretur totum tempus componi per indiuisibilia.

RESPONDETUR , quod , vt dictum est , licet conuersio fiat in instanti , tota tamen nutritio fit successiue , nempe mutatio totius sanguinis in organo existentis : nam , vt notat S. Doct. lib. 2. d. 30. art. 3. quæst. 2. & lib. 4. distinct. 44. par. 1. art. 1. quæst. 2. Medici duplicem humiditatem recognoscunt in homine , seu animato , scilicet radicalem , seu complexionalem , in qua calor sustentificatur , & nutritiua , quæ præbet homini caloris fomentum , in quam humidi-

tatem nutritiua alimentum conueritur mediante opere nutritiua : hæc autem , prout in venis est , dicitur à Medicis humor , ab Aliis demensum : prout verò à venis ad membra deriuatur , dicitur humiditas , habetque tres gradus , cum enim iam fibris incipit adhærere , dicitur ros , intrat enim in foraminibus paruatum venarum , deinde incipit dealbari , assimilatiue parti , quæ nutrienda est , & dicitur cambium , & deinde actu substantiam reparat facta solidior , & dicitur gluten , quæ est de complexionem membri consimilis , in quo est tertia species hecticæ , & hæc est successio , quæ continuè fit in nutritione :

328. QVÆRES : An nutritio fiat secundum omnes viuents partes.

RESPONDETUR nutritionem fieri secundum omnes partes entitatus viuents , sed ita quod primo crescunt partes homogeneæ : deinde heterogeneæ : ratio est , quia in omnibus partibus adest calor naturalis conuertens alimentum . Tum quia partes heterogeneæ constant homogeneis : ergo illæ crescunt , quia augmentum fit in istis . Modus autem , quo fit nutritio , sic explicatur : quia dantur in corpore pori , qui sunt foramina quædam , & cauitates existentes dispersæ per totum corpus , per quas egrediuntur sudor , & humores excrementitij , & in quos intrat aer : cum autem in istis poris , qui sunt dispersi per totum corpus , & inter quos mediant partes , intret alimentum , quod administrant omnibus partibus corporis , & quod conuertitur in substantiam aliti , & si illi pori alimento non replentur , aliud corpus subintrat in ipsos , vt dictum est.

QVÆS

## QVÆSTIO IV.

*An viuens toto vitæ tempore idem numero permaneat.*

329. **R**ATIO dubitandi est, quia cum actione caloris naturalis duo fiant: Vnum est consumptio ex vna parte substantiæ propriæ corporis, quæ resoluta in vapores, & excrementa facit decrefcere corpus: ex alia verò parte conuertitur alimentum in substantiam eiusdem viuents, vt repatur, quod erat amissum, & cum istæ transmutationes toto tempore vitæ fiant, iam non videtur ad finem vitæ permanere vlla pars earum, quam habuit viuens in principio vitæ, quod maxime vrgit in alijs viuentibus ab homine, in quibus ex opinione Aduersariorum mutatio fit & secundum animam, & secundum corpus: in homine verò fit tantum secundum corpus: mutatis autem partibus substantialibus ex parte formæ, & materiæ mutatur substantia rei: Hinc merito queritur, an maneat identitas viuents toto tempore vitæ.

IN qua conueniunt omnes Philosophi remanere idem viuens numero: & patet experientia: nam videmus senes recordari eorum, quæ in adolescentia euenerunt, eadem accidentia verbi gratiâ, cicatrices, neruos, &c. permanere. Tum quia alioquin nutritio non esset aggeneratio, sed generatio totalis. Tum quia Christus idem numero fuit semper: sed difficultas est in modo assignandi talem identitatem.

**PRIMA** Opinio est desumentium identitatem in viuente per æquiualentiam, eo quia longo tractu temporis succedunt ad inuicem partes nouæ: attamen secundum æquiualentiam dicitur idem numero, eo modo quo dicitur idem flumen esse, licet aqua succedat aquæ: Quæ positiō tamen non saluat veram identitatem viuents: sed tantum similitudinem vnius indiuidui ad aliud, vt contingit in aqua fluminis: Hæc opinio est plurimum Scotistarum, & Thomistarum.

**SECUNDA** Opinio docet identitatem desumi ex eadem forma, temperamento, & continuatione partium, licet materia mutetur: Sic Zabbar. Egidius, Alijque, quæ positiō tamen non est melior antecedente eo, quia vera identitas desumitur ex eadem materia, & forma, siue ex principiis componentibus: Sic Seraph. Doct. lib. 4. dist. 43. art. 1. quest. 4.

**TERTIA** Opinio est Seraph. Doct. lib. 2. dist. 30. art. 3. quest. 1. & 2. & lib. 4. dist. 44. part. 1. art. 2. quest. 1. & Alex. Alensis, Plurimumque Aliorum desumentium identitatem viuents ex permanentia partium secundum formam, scilicet quæ sunt de constitutione prima ipsius, licet mutantur partes, quæ dicuntur caro secundum materiam. Pro intelligentia

330. **PRIMò** Supponendum, quod suprà traditum est, nempe in viuente adesse partes secundum formam, & secundum materiam: primæ sunt de prima, & essentiali constitutione viuents, suntque partes solidæ, & consistentes ossa, nerui, arteriæ, cartilagines, & caro magis solida, & siccior, & quæ habent vim in se conuertendi alimentum; secundæ

dæ sunt, quæ superadduntur per nutritionem, & quæ fluunt, & resfluunt.

SECUNDÒ Supponendum ex suprà traditis omnem animam esse indiuisibilem, obidque semper remanere vsque ad mortem in uiuente.

TERTIÒ Supponendum ex Seraph. Doct. lib. 4. dist. 43. art. 1. quest. 4. fund. 3. & in corp. quod identitas rei venit ex identitate principiorum substantialium vnitorum.

331. VNICA CONCLUSIO: Viuens per totum tempus vitæ remanet idem omninò numero per continuationem immediatam cum partibus primigeniis, & quæ sunt de prima constitutione uiuentis: Est S. Bonau. cit.

PROBATVR: Quia istæ partes sunt solidæ duriores, & sicciores: ergo si in ipsas agit calor naturalis, non potest eas consumere, ergo remanent semper.

PROBATVR antecedens: quia experientia patet, quod dum à natiuitate sunt teneriores, successu temporis fiunt duriores: ergo signum est non absumi, sed perseuerare: Hinc subdit Seraph. Doct. lib. 2. dist. 30. art. 3. quest. 2. quod, qui laborant tetra specie hecticæ, quia hæc consumit humidum radicale, idè moriuntur.

DICES calorem vitalem consumere etiam humidum radicale ex Seraph. Doct. lib. 4. dist. 43. cit. nec est maior ratio, quod agit in carnem secundum materiam, quàm secundum formam: ergo non ideò numero, &c.

RESPONDETUR concedendo fieri aliquam consumptionem, sed non totalem, nec partium solidarum:

vnde cum remaneant principales partes, & eadem anima: Hinc &c.

DICES secundò. Humidum est qualitas: ergo subiaceret actioni caloris naturalis, potestque ab eo consumi.

RESPONDETUR ex S. Doct. quod humidum radicale dicit ipsam substantiam cum qualitate complexionali, in quod humidum, licet aliquantulum agat calor naturalis, tamen ipsum totaliter non absumit, nec absumere potest, vt dictum est.

DICIMVS igitur, quod dum uiuens incipit nutrirì, firmantur aliquæ partes primò habitæ à natiuitate, ossa scilicet, nerui, arteriæ, cartilagine, & nouæ adduntur, quibus priores extenduntur: Ex nouis deinde consumit calor vitalis humidiores, sicut etiam ex primigeniis idem calor incipit humidiores pariter consumere, & sicut ex primis relinquuntur duriores, ita ex nouiter additis solidiores & duriores relinquit pro augmento uiuentis: Idemque dicendum de carne, quæ licet ob exuberantiam humiditatis inseruiat magis pro pabulo caloris: aliquæ tamen partes ipsius semper permanent tam ex primò habitis, quàm ex nouo additis per nutritionem: Exemplum habemus de igne, qui per calorem depascitur lignis, relinquendo tamen cyneres tanquam partes sicciores minimè aptas ad sui nutritionem.

HINC sequitur, quod loquendo de identitate individuali sit idem uiuens numero pro toto tempore vitæ, cum semper remaneant eadem principia essentialia, anima scilicet, & materia corporea: licet in toto vigore quoad identitatem integram non sit idem numero: quam identitatem veram difficile possunt defendere

dere Aduersarij, qui tenent diuisibilitatem animæ sensitivæ, & vegetantis, cum semper noua, & noua forma (ex ipsorum sententia) adueniat in continua nutritione.

ADFERUNT Aduersarij varias obiectiones desumptas tum ex fluxu partium viuientis, tum ex mutatione complexionis, & temperamenti, tum ex actiuitate caloris, quæ tamen nullo modo infirmant nostram Conclusionem, & fundamenta desumpta ex indiuisibilitate animarum, & ex permanentia carnis, seu partium secundum formam.

DICES: Quia si est vera nostra Conclusio, sequitur, quod nunquam mors poterit euenire, cum illud humidum radicale nunquam possit consumi.

RESPONDETUR negando sequelam: mors enim naturaliter adueniens est ex pugna qualitarum elementarium, ex qua oritur complexio inæqualis, & inordinata, & ab hac calor consumens partem humidi radicalis, & quia non per quodcumque alimentum potest reparari: ideo deficiente alimento, & virtute conuersiua, hinc necessariò sequitur Mors. Sic Seraph. Doct. lib. 4. dist. 49. part. 2. art. 4. quest. 1. & lib. 2. dist. 19. art. 3. quest. 1. in corp. Hinc concluditur mortem euenire naturaliter ex defectu alimenti.

ADDIMVS triplicem statum in viuente communiter recognosci: Primus dicitur incrementi: Secundus consistentiæ: Tertius decrementi: de quibus infra agetur in questione sequenti.

## QVÆSTIO V.

De Augmentatione, seu Accretione quid sit, & quomodo fiat: & an potentia augmentatiua differat à nutritiua.

332. SUPRA in tractatu tertio quest. 1. notauimus potentiam nutritiuam esse eandem formaliter cum augmentatiua, hucque remissimus huius assertionis probationes, ubi de augmentatione ex professo agitur: Hinc, ut omnia reddantur clara

PRIMò Supponendum ex S. Bonauent. lib. 2. dist. 27. art. 2. q. 2. dari plures modos augmentationis, sed ad rem nostram hic tantum sumimus augmentationem pro additione rei quantæ ad rem quantam, per quam aliquid fit maius: Et hæc dupliciter potest euenire, scilicet vel per inxta-positionem ab extrinseco: vel per intusumptionem ab intrinseco per nutritionem: de qua duplici augmentatione supra satis dictum est ex S. Doct. lib. 1. dist. 17. part. 2. art. 1. q. 2. ad ultim. & de hac vltima vitali procedit questio, nempe an differat à potentia nutritiua, & quid sit, & qualiter fiat secundum omnes partes viuientis. Et circa primam partem variis Philosophorum placita, ut videre est apud P. Gallic. lib. 3. tr. 3. q. 2. de Nutrit. Ruu. Mastr. &c. nam Aliqui volunt augmentationem essentialiter distingui à nutritione, eo quia augmentatio formaliter terminatur ad quantitatem, nutritio ad substantiam, pro qua sententia malè, vel saltem inadæquatè citatur à P. Gallicio Seraph. Doct. Alij negant distinguere

stingui vlllo modo à parte tei, & hæc opinio est S. Doct. vt mox patebit.

CIRCA alteram partem tituli quæstionis, in quonam consistat formaliter augmentatio, est etiam multiplex opinio apud Morandum *de an. lib. 2. tr. 2. q. 5.* quia enim in augmentatione concurrunt distensio partium viuientis, receptio sanguinis alimentitij in poris, & conuersio ipsius in substantiam aliti. Aliqui dicunt formaliter consistere in illa extensione noua, & acquisitione quantitatis. Alij in conuersione alimenti, &c. Hinc pro solutione quæstionis, & explicatione sensus Seraphici

333. PRIMò Notandum, quod augmentatio vitalis per id differt à non vitali, quod ista fit per iuxtapositionem, illa per intus sumptionem: quod dictum tamen commune indiget explicatione, cum in qualibet augmentatione interueniat nouæ rei iuxtapositio: Hinc Seraph. Doct. *lib. 1. dist. 17. p. art. 2. art. 1. quæst. 2. ad ult.* acutè optimè explicat hoc discrimen, dicens, quod contingit fieri augmentationem per virtutem extrinsecam possibilitate sola, & vnibilitate existente in ptiori quantitate augmentabili, & tunc augmentabile, quia imperfectum est, se habet in ratione passiuæ, & augmentans, scilicet noua quantitas superaddita, quia est perficiens, se habet in ratione formalis, & completini, quia dat quantitatem perfectam. E contra in augmentatione vitali, quia hæc fit per virtutem intrinsecam (idest per potentiam vegetatiuam medio calore naturali) augmentabile se habet in ratione formalis, & actiuæ, augmentans in ratione passiuæ, & materialis; differunt ex consequenti, quod in prima augmentatione solum interuenit

vnio nouæ quantitatis, seu substantiæ cum priori: In secunda verò interuenit & vnio, & conuersio, & viuificatio: Hinc patet, quod illa positio per iuxtapositionem; & per intus sumptionem absque hac Seraph. Doctoris doctrina non satis explicat discrimen inter vtrunque. Vt autem rectius intelligatur.

334. SECUNDò Notandum, quod ad augmentationem vitalem tria necessario concurrunt: primò distensio quædam omnium partium corporis secundum omnem dimensionem: ex qua dilatazione fit, vt pori earundem partium (omnes enim viuientis partes sunt porosæ, ita quod inter porum vnum, & alium intercedit aliqua pars substantiæ viuientis) magis dilatentur, fiuntque capaciores ad recipiendum plus alimenti: Secundò quia per virtutem attractiuam à venulis capillaribus, quæ ab hepate per totum corpus distenduntur, & quæ desinunt in poros, attrahitur à viuentem, vel quidam humor à terra in solis vegetantibus, vel in animantibus sanguis, sicque fit ingestio illius materiæ, vel sanguinis in illis poris: ibi enim alteratur, decollatur, & dicitur ex Seraph. Doct. *lib. 4. dist. 44. art. 1. quæst. 1.* ros, humiditas nutritualis. Tertiò post istas mutationes fit conuersio alimenti illius maioris alimenti in substantiam ipsius aliti, & dicitur gluten, vniturque ipsi alito: Hinc disquiritur, in quam ex his tribus mutationibus consistat formaliter augmentatio: ex qua doctrina sequitur, quod in viuentem omnes partes dicuntur augeri, sed non eodem modo: nam aliquæ immediatè augentur, aliæ mediâtè per iuxtapositionem, vt mox dicetur.

TERTIò

TERTIÒ Notandum ex S. Bonau. lib. 1. dist. 17. part. 2. art. 1. quest. 1. ad 3. quod motus augmenti, si sumitur, prout præcisè dicit augmentum, ipsius terminus formalis est quantitas perfecta: prout verò est tale augmentum, scilicet propriè sumptum in corporalibus, necessariò fert secum additionem substantiæ cum quantitate; idè terminans ad quantitatem terminat simul necessariò ad substantiam: cùm autem augmentatio vitalis sit in substantia, hinc ambos terminos includit, scilicet quantitatem, prout est augmentum vt sic, & substantiam, prout est substantialis: His positis

335. PRIMA CONCLUSIO: Augmentatio vitalis formaliter consistit in acquisitione substantiæ quantæ maioris, seu in actione, qua ipsi viuenti additur maior substantia quanta, quàm sit illa, quæ per actionem caloris naturalis fuerat deperdita: Est S. Bonauent. suprà cit. qui hæc duo connectit in termino augmentationis, scilicet quantitatem, & substantiam, scilicet substantiam vt quantam, siue vt maiorem: est & Marsil. Albert. de Sax. Serbell. de gen. disputat. 2. articl. 3. Plurimumque.

PROBATVR primò à confutatione aliarum Sententiarum: Augmentatio formaliter sumpta est illa, per quam viuens debet fieri maius simpliciter, sed per distensionem partium corporis, siue per rarefactionem non fit maius simpliciter, cùm per talem distensionem non acquiratur noua quantitas, vel substantia, vt probatum est suo loco in tract. de gener. ergo.

VNDÈ patet, quod licèt rarefactio prærequiratur ad augmentatio-

nem: non tamen in ea consistit formaliter.

PROBATVR secundò non consistere in ingestione, & admissione maioris alimenti in poros: Quia augeri per nutritionem est alimentum ex dissimili fieri simile augmentato actione ipsius viuentis, sed per ingestionem non fit simile: est enim actio prærequisita tantùm. Tum quia est mera iuxtapositio hæc ingestio, & admissio: ergo. Tum quia adhuc illud alimentum non est animatum: ergo non facit viuens maius.

PROBATVR tertio non consistere præcisè in acquisitione maioris quantitatis: Quia etiam in Multorum Sententia per rarefactionem acquiritur noua quantitas, & tamen non est propriè augmentatio. Tum quia potest fieri acquisitio nouæ quantitatis saltem per absolutam Dei potentiam absque nutritione, & augmentatione vitali: ergo.

PROBATVR quartò directè consistere in acquisitione nouæ substantiæ vt quantæ: nam in hac habetur conceptus proprius, & formalis augmentationis vitalis.

PROBATVR assumptum: Augmentatio est illa, per quam viuens fit simpliciter maius, sed per acquisitionem substantiæ quantæ fit maius ipsum viuens. Tum quia per substantiam nouam quantum occupat viuens maiorem locum. Tum quia si consisteret formaliter in quantitate, fieret viuens maius tantùm accidentaliter, non substantialiter: ergo.

336. OBJECIES primò ex Arist. Augmentatio est motus ad quantitatem: ergo non ad substantiam.

RESPONDETUR esse motum ad quantitatem non vt sic, sed substantificaram, idest ad substantiam quantam,

ram, & maximè loquendo de augmentatione vitali; nam de non vitali potest concedi antecedens.

**OBIICIET** secundò: Terminus formalis per se intentus à natura est maior quantitas præcisè, & formaliter: ergo falsa Conclusio.

**RESPONDETUR** negando antecedens: nam terminus per se intentus à natura in nutritione augmentatiua est maior substantia, sed quia cum ipsa comproducit quantitas: immo ut consequenter ad nostra principia Seraphica loquamur, cum quantitas incompleta sit coœua materiæ corporeæ, ad positionem partium nouarum substantiæ consequitur necessariò quantitas completa: hinc in augmentatione vitali primariò intenditur substantia, & secundariò quantitas: licèt si firmatur augmentatio, ut est motus accidentalis præscindens à vitali, & non vitali, primariò intendatur quantitas: at in augmentatione vitali intenditur quidem quantitas, sed ratione nouæ substantiæ.

**DICES:** Hæc vitalis augmentatio fit in omnibus partibus corporis viuents: ergo in qualibet augmentatione viuens fiet duplo maius secundum omnem dimensionem, quod repugnat rationi, & experientiæ: quia Pueri secundum communem in primo lustro medietatem staturæ habent, quàm in tota vita obtinebunt, & secundum Galenum in fine secundii anni, &c.

**PROBATUR** sequela: Quia cum admittamus compositionem continui ex minimis Physicis (ex traditis in *Physica in lib. 3.*) ergo si omnes partes viuents accrescere debent, etiam talia minima, sicque non potest fieri augmentum horum mini-

morum, nisi fiat additio alterius minimi, sicque sequitur viuens fieri duplo maius, sed id est contra rationem, cum inter vnum porum, & alium mediet pars non habens poros: ergo ubi non sunt pori, non potest fieri additio talis: alioquin daretur penetratio alimenti in illis partibus carnis: ergo nec fiet per intus sumptionem.

**RESPONDET** Serbellonus 7. 28. augeri omnes partes, sed non eodem modo, ut suprà dictum est in 1. *Notab.* ibi enim notauimus augeri per intus sumptionem, & extrapositionem non esse differentias augmentationis vitalis, & non vitalis, sed differunt ex principio intrinseco. vitali, & extrinseco: Vnde augmentatio proximè fit per susceptionem alimenti in poris, in quibus deinde vnitur partibus circumiacentibus, quæ partes augmentabiles sunt non indiuisibiles, sed diuisibiles, & quantæ per vnionem quantitatis diuisibilis alimenti: nam quodlibet agens naturale requirit determinatum subiectum in extensione, & præcipuè cum illius actio dependeat à certis instrumentis, & organis, quæ immediatè non coalescunt ex minimis Physicis, sed ex partibus extensis, licèt postea sint diuisibiles, & resoluibiles in partes minimas Physicas tanquam in prima componentia: hinc negatur sequela. Ad probationem responderetur augeri quidem minima illa Physica, sed non immediatè, sed mediatè tantum: sed immediatè augentur partes, verbi gratià, caro, nerui, ossa, arteriæ, cartilaginee, &c. Quæ per virtutem intrinsecam viuents augeri possunt per iuxtapositionem, scilicet ex vno latere, & tunc aliæ partes, & etiam minima dicuntur



tur consequenter auctæ, & si augentur per susceptionem alimenti intra poros, dicuntur augeri per intus sumptionem, sed tamen non immediate secundum omnes partes eo modo, quo numerus additus alteri numero dicitur totus augeri.

**DI C E S :** Ergo nullum est discrimen inter augmentum viuientium, & non viuientium: cum ambo possint augeri per iuxtapositionem.

**R E S P O N D E T U R** ex doctrina Seraphica tradita *ex lib. 1. dist. 17.* negando sequelam: & ratio est, quia discrimen est, quod non viuientia augentur quidem per iuxtapositionem, sed à virtute extrinseca: ita quod siue mediatè, siue immediate non viuens dicitur auctum solum per iuxtapositionem. At in viuentibus licet aliquando fiat per iuxtapositionem: fit tamen à principio intrinseco recipiente alimentum in se, & distribuentem alimentum partibus componentibus, quibus ipsum conuersum in substantiam alicui vnitur vitaliter: vnde licet in partibus non porosis alimentum non recipiatur intrinsecus à viuente, tamen ita recipitur, quod respectu totius, quod augeri dicitur, augmentatio fiat per intus susceptionem, quamuis immediate ipsis partibus fiat per iuxtapositionem: vnde mediatè fit per intus sumptionem. Aduertendum etiam hic est cum citato Serbellon. & communi, quod non eodem modo augentur parres: nam molliores, & humidiore faciliùs augentur, & minuuntur, cum magis porosæ sint, & faciliùs dilatari valeant ad recipiendum alimentum, & etiam contrahi, & consumi à calore vitali: duriores verò magis resistunt actioni caloris vitalis: & ideo etiam minùs consu-

muntur, pauciores etiam poros continent, vt minùs de alimento in se recipiant.

**A D D I M U S** idem proportionaliter dicendum esse de diminutione, quæ est ad minorem substantiam cum hoc discrimine, vt aliàs dictum est, quod diminutio propriè terminat ad non esse alicuius quantitatis præhabita cum coniunctione quantitatis minoris: vnde differunt augmentatio, & diminutio speciei negatiua.

337. **S E C V N D A C O N C L V S I O :** Potentia nutritiua, & augmentatiua non differunt realiter, nec formaliter, sed tantum virtualiter: Est communior, & conformior principiis Seraphicis, vt dictum est in *tratt. 3. quæst. 1.* & inferitur *ex lib. 1. dist. 17. part. 2. quæst. 1. in 3. Notab. supra tradito* de mente Seraph. Doct.

**P R O B A T U R** etiam: Quia Seraph. Doct. *lib. 4. dist. 11. part. 2. art. 1. quæst. 2. ad 3. & in Comp. Theol. lib. 2. cap. 33. & Centil. part. 3. sect. 22.* reducit ad duo capita tantum potentias vegetatiuæ ad generare, & nutrire: & in *Centil. part. 3. sect. 21.* docet nutritiuam potentiam habere duos actus, scilicet nutrire, & augmentare.

**P R O B A T U R** ratione: Quando est idem modus operandi, & idem obiectum, est eadem potentia formaliter, & entitatiuè: sed nutritiua, & augmentatiua sunt huiusmodi: ergo.

**P R O B A T U R** Minor: Quia vtraque habet pro obiecto conuersionem alimenti in substantiam alicui, & restorationem substantiæ deperditæ, siue sit maioris, siue minoris quantitatis: ergo si differant, differunt tantum per accidens, & respectu magis, & minùs. Tum quia per eadem orga-

na, & instrumenta, & in iisdem partibus fit nutritio, & augmentatio. Tum quia potentia nutritiua solum per accidens non augeat: nam dato, quod per calorem naturalem non deperderentur partes viuents, per nutritionem augetur: ergo sunt idem formaliter. Tum quia etiam nutritio semper augeat viuens: restaurat enim, quod prius est deperditum: ergo semper facit maius: unde solum denominatione distinguuntur, & per effectus secundarios, scilicet dilatationem partium, quæ prius erant, & motum localem earundem: cum enim per intuspositionem substantiæ quantæ maioris, ac fuerunt partes deperditæ, necessariò partes, quæ manent ad inuicem, dilatentur, & maiorem locum acquirant, idè secundariò ad augmentationem tales effectus sequuntur: non verò ad nutritionem.

**OBIECIES:** Nutritio terminat ad substantiam, augmentatio ad quantitatem: ergo sunt differentes realiter: Confirmatur, quia sunt separabiles ab inuicem: nam augmentatio habet finem ex S. Bonau. in *Censil. loc. cit.* nutritio verò nequaquam: ergo.

**RESPONDETUR**, vt supra, concedendo antecedens de augmentatione non viuentium: negando de viuentibus.

**RESPONDETUR** secundò vtunque terminare ad quantitatem per accidens, & per se ad substantiam vt quantam, & differt per magis, & minus: Ad Confirmationem responderetur effectus esse separabiles: sed quia ab eadem potentia proueniunt, hinc negatur consequentia: Additur cessare augmentum per accidens, ex eo quod viuens redactum est ad

statum limitatum, licet remaneat potentia: tum etiam quia semper nutritiua augeat, vt dictum est.

**DICES** Seraph. Doct. aliquando enumerat tres potentias, scilicet generatiuam, nutritiuam, & augmentatiuam.

**RESPONDETUR** id fieri ob diuersos actus, non quia sint diuersæ potentia, vt se explicat in *Censil. cit.*

**338. TERTIA CONCLUSIO:** Corpora viuentia quantum ad virtutem nutritiuam, & augmentatiuam triplicem statum habent: Est communis, & explicatur, probaturque

**PRIMVS** status est incrementi, estque à principio vitæ vsque ad finem tertij septenij secundum D. Thomam: secundum Alios vsque ad vinti quinque annos: secundus dicitur status consistentiæ, & incipit ab anno 21. vel 25. vsque ad 35. vel 40. annos. Tertius dicitur status diminutionis, seu decrementi, & durat à termino consistentiæ vsque ad finem vitæ: Ratio primi status desumitur communiter ex hoc, quod calor vitalis plus addit de nutrimenti substantia, quàm destruat de viuente: In secundo statu cum remissior sit calor, tantum vnit de alimento, quantum de substantia viuents deperdit: In tertio diminuitur calor successiue ob defectum humiditatis radicalis, & inualidus redditur ad tantundem substantiæ alimenti conuertendum: quæ ratio patitur plures difficultates, vt rectè notat Serbellon. *cit. num. 34.* si enim validior est calor in primo statu, quàm in secundo eo, quia crescit viuens in illo tantum, multò validior debet esse idem calor vitalis à principio vitæ vsque ad terminum primi lustri, quàm ab hoc termino vsque

ad

ad vigesimum primum annum : quia in quinto anno infans habet medietatem longitudinis, quàm habere potest vsque ad vigesimum primum annum : ergo si est idem effectus in minori tempore, fortior arguitur causa supra illam, quæ similem effectum habet, sed longiori tempore. Præterea crescunt vires semper plus, quod crescit ætas in infantibus vsque ad statum virilitatis, & in statum consistentiæ consistunt & ipsæ, ita ut fortior sit homo in operationibus, quàm esset in adolescentia, & iuuentute : ergo & fortior erit calor vitalis. Tum quia & tunc alimento fortiori indiget, quàm in iuuentute : ergo & validior erit calor vitalis, qui omnibus potentiis facultatem præbet, & virtutem, & ut magis alteretur alimentum, ut conuertatur in substantiam aliti. Tum quia in ætate virili sit impingatio, quæ est vera actio nutrimentalis : ergo & exigit validiorem calorem : Hinc dicendum cum eodem Scellon. & Guarino *exp. 12.* Aliisque quod in prima ætate, seu statu viuens magis augetur ratione dispositionum, nempe quia partes sunt molliores, teneriores, magisque porosæ tam secundum latitudinem, quàm secundum multitudinem pororum, & hoc magis etiam in primo lustro : idè etiam indigent maiori copia alimenti, quæ dispersa per omnes partes eas auget ; cum autem indurescunt in secundo statu, nec amplius extenduntur, hinc datur status consistentiæ, & quia in hoc secundo statu sit impingatio, hæc euenit ob molliem carnis, in qua sit augmentum secundum latitudinem, & profunditatem consistentibus in suo esse partibus durioribus, verbi gratia, ossibus, cartilaginibus, &c. Cum

autem corpus iam auctum sit per omnem partem, ob quam dilatationem dilatatur etiam virtus nutritiua, tunc humidum radicale incipit deficere : ex quo sequitur, quod porum non amplius dilatentur, virtusque non sit sufficiens, & hinc deaustationem caloris naturalis non possit reparare : apertis enim plurimis poris, quos opplere non potest, carnes concidunt, se corrugant, & contrahunt, & hinc sequitur decrementum viuentis.

339. QVÆRES : Cur animalia prius augeantur secundum longitudinem, quàm secundum crassitiam.

RESPONDENT Zabar de accresc. *cap. 4.* & Guarin. *exp. 12.* provenire ab augmento ossium, quæ utpotè longa potos habent oblongos. Vnde magis capiunt secundum longitudinem, quàm latitudinem, & ob id secundum eam magis augentur : Partes verò carnes ab ossibus crescentibus distractæ, utpotè cedentes in longitudinem se deducunt : at cum ossa firmata sunt, & impediende duritie suos poros aperire amplius nequeunt, sit, ut ipsæ partes carnes, utpotè mollioris naturæ, & adhuc cedentes, ut prius crescant non secundum longitudinem, sed in latitudinem : Si verò non possint ob consistentiam suos aperire, & adhuc bonum nutrimentum sit, animal crescit pinguedine. Addimus etiam, quod idè aquatilia, & humidiora magis crescunt, quàm terrestria, & aërea : quia nutritiua est validior in humida complexione, & idè aquatilia magis crescunt terrestribus, terrestria volatilibus.

340. QVÆRES secundò : Quznam sint ætates hominis

RESPONDETUR ex Seraph. Doct.

*in Comp. Theol. lib. 2. cap. 10. & in Serm. 15. Hexaem. & lib. 4. distinct. 40. dub. 3.* ætatem hominum esse periodum, seu spatium, in quo insitum temperamentum viuientis per se euidentem subit mutationem: Sex autem assignantur ætates hominis, scilicet infantia, pueritia, adolescentia, iuuentus, senectus, & decrepitas: ab Aliis ad septem capita: nam iuuentutem à virilitate distinguunt: Prima dicitur infantia, estque ad sexum, vel septimum annum, in qua homo dicitur infans, idest non fans, & dicitur etiam lunaris ob prædominium humiditatis, cuius præcipua causa est Luna: Secunda pueritia à puritate usque ad 15. annum, & dicitur mercurialis, quia tunc homines incipiunt discurrere, & scientias addiscere: Tertia dicitur adolescentia usque ad 21. vel 25. annum, & dicitur ueneria, quia tunc homo fit aptus generationi: Quarta dicitur iuuentus usque ad 35. vel 40. annum, & dicitur Solaris, quia tunc regnat floriditas, ætatisque perfectio, quæ est media, sicut Sol medius est inter Planetas. Quinta dicitur virilitas usque ad 50. annum, & dicitur Martialis: Mars enim est planeta calidus, & sic faciens ad robur: Sexta senectus usque ad 65. annum, & dicitur Iouialis, quia Ioui subiicitur ob gravita-

tem, prudentiam, & præminentiam: Septima usque ad finem vite, & dicitur Saturnina, quæ est frigida, secca, pigra, tristis, & valde imperfecta.

341. QVÆRES tertio: An necessitas moriendi sit ab intrinseco, an ab extrinseco.

RESPONDETUR esse ab intrinseco, scilicet à pugna elementorum: Ignis enim agit in alimentum, & humidum radicale: oritur enim talis necessitas moriendi ex hoc, quod omne agens in agendo repetitur, & debilitatur: hincque sequitur non posse processu temporis tantum alimentum conuertere, quantum deperditur, & consequenter etiam consumit humidum reddens partes sicciores, & duriores non valentes ad pristinam redire humiditatem, & hinc reducitur ad talem deficientiam humidi, quod non potest amplius anima informare corpus, cum determinatam habeat latitudinem.


ADDIMVS ex Seraph. Doct. lib. 2. distinct. 19. art. 2. quæst. 1. quod tripliciter mors potest contingere, vel per elementorum pugnam, & dissolutionem, vel per humidi consumptionem, vel per extrinsecam Lætionem, secundum tamen sequitur ex primò modo supra dicto Vide *ibid.* Seraph. Doct. hæc fusi tractantem.



# PARS SECVNDA.

*De Anima sensitiua, eiusque potentiis.*

**E**XPENDIMVS, quæ ad animam in comuni, & in particulari, quæ ad vegetatiuam spectant in prima parte: nunc in hac secunda ordo doctrinæ postulat ab Arist. seruatus, vt de anima sensitiua, eiusque potentiis agamus, diuidendo hanc secundam partem in plures Tractatus secundum diuersitatem potentiarum, aduertendo, quod hîc non subiicio Textum Seraphicum, vt facilimè poteram, ex hoc quia eundem sparsim afferro in quæstionibus, vt quisque facile potest videre: vnde maioris breuitatis causa, & ne actum agam, ipsum omitto.



## TRACTATVS I.

*De Anima sensitiua, eiusque potentiis in communi.*

**I**N hoc Tractatu primò explicabimus ad mentem Seraph. Doct. quid sit anima, & potentia sensitiua: secundò, quænam sint eius potentix: tertio, quænam sint ipsarum concausæ in actibus cognitiuis, quæ sunt species sensibiles: vbi de ipsarum necessitate, natura, effectibus, origine, & causis.



possit dari absque actu exercito appetitus, hinc tamen non infetri debet esse duo principia, à quibus derivantur appetitio, & morio, quia idem principium potest exercere plures actus, ut patet in cæcætis potentiis.

344. SECUNDA CONCLUSIO: Apprehensiva potentia postea diuiditur secundum varia muneta, & actus, scilicet in apprehensivam deforis, & deintus, siue in internam, & externam.

PROBATUR: Quia anima sensitiva est perfectio, & motor corporis indiget organis, ad hoc ut exeat in actus suos: Sed ista sunt partim externa, & partim interna, ut de se patet, & probat Seraph. Doct. lib. 2. dist. 8. part. 1. art. 3. quest. 2. & lib. 2. distinct. 34. part. 1. art. 2. quest. 4. in opin. ult. in corp. & lib. 3. distinct. 13. dub. 1. & in op. de reduc. arrium, & in Centil. lib. 3. sect. 21. & in Comp. Theol. lib. 2. cap. 34. ergo & actus ipsius potentie apprehensivæ diuiduntur in eadem duo genera. Potentia apprehensiva deforis, siue extetua postea diuiditur in quinque sensus, scilicet visum, auditum, gustum, odoratum, & tactum: Interna diuiditur in tres potentias, seu sensus secundum tres cerebri cellulas, vel in quatuor, vel in quinque, vel in sex: vel est vna tantum secundum varias opiniones DD. de quibus infra suo loco: suntque sensus communis, imaginatiua, phantasia, æstimatiua, memoria, & iudicatiua, quarum natura suo loco examinabitur. Appetitiua potentia verò, quæ à Seraph. Doct. dicitur & motiua, est enim principium imperatiuum omnis motus, diuiditur communiter in naturalem, & cognoscitivam: hæc secunda est,

quæ spectat magis propriè ad animam sensitivam, hæcque diuiditur in motiuam corporaliter, & in motiuam spiritualiter: prima subdiuiditur in naturalem, quæ residet in hepate, in animalem, quæ residet in cerebro, & in vitalem residentem in corde: Prima mouet humores per spiritus naturales mediantibus arteriis, & venis, quæ radicantur in hepate: Secunda mouet membra per spiritus animales mediantibus nervis, quæ radicantur in cerebro: & Tertia mouet pulsus per spiritus vitales mediantibus arteriis, quæ radicantur in corde. Motiua spiritualiter diuiditur in irascibilem, & concupiscibilem: si enim per modum fugæ, est irascibilis: si per modum amoris, est concupiscibilis. His suppositis primò agendum est de potentiis cognoscitiuis, deinde de motiuis.

## QVÆSTIO II.

*An potentia sensitiva sint merè passiva: an verò habeant aliquam actiuitatem ad sensationem, & ad terminum productum.*

345. PRIMA Opinio est Aliorum asserentium sensus esse potentias merè passiuas, scilicet vel prout recipiunt species, prout dicunt Aliqui, vel sensationem secundum Alios: Alij ut Plato volunt esse tantum actiuas.

SECUNDA est communissima D. Thomæ D. Bonauent. Scot. Aliorumque asserentium sensus esse potentias vtramque rationem habentes, scilicet actiuitatem, & passiuatatem: Isti tamen discrepant postea inter se

in quonam formaliter consistat sensatio : Aliqui enim sistent consistere in receptione speciei : S. Bonau. & Scot. docent prærequiri quidem receptionem speciei, sed sensationem formaliter consistere in receptione actus producti, quatenus simul tendit in obiectum : Pro solutione questionis

NOTANDUM est ex Seraph. Doct. lib. 4. dist. 50. pars. 2. art. 1. quest. 1. quod in omni natura, & potentia est aliquid, quo est fieri, & aliquid, quo est facere : idque euenit in omni cognitione tum intellectiua, tum sensitua : & cum hæc sit prima diuisio potentia per actiua, & passiuum, necesse est ista differre, sed tantum secundum gradus maioris, vel minoris simplicitatis, & spiritualitatis habent maiorem, & minorem differentiam : Intellectiua namque anima pro eo, quod est spiritalior, & abstractior, habet utramque potentiam, quæ respicit substantiam spiritualem, ita quod actiua est ratione ipsius, quo est (scilicet formæ) & passiuæ ratione ipsius, quod est (scilicet materia.) In potentia verò sensitua, quæ est minus spiritualis, actiua potentia est ex parte animæ, & passiuæ ex organo, & idcirco quia sensus non est sine actione, & passione, idcirco sentire dicitur esse operatio coniuncti : & iterum, cum actiua nihil agat sine passiuæ, & quando anima corpus amittit, amittit passiuam respectu actus sentiendi : & hinc rationalis separata non potest uti aliquo sensu siue interiori, siue exteriori : Anima enim sensitua exercet suas operationes sensitivas in corpus, per corpus, & cum corpore : Sic Seraph. Doct. lib. 2. distinct. 8. pars. 1. art. 1. quest. 2. & pars. 2. art. 1. quest. 3. addit tamen ibid. q. 2. art. 3.

ad ult. quod in sensu corporeo sic est receptio in organo, quod etiam est receptio pariter in virtute, & potentia, receptio, inquam, sensationis, quæ est totius coniuncti : Hinc

346. PRIMA CONCLUSIO : Potentiæ sensitivæ non sunt ita passivæ, ut sensatio formalis consistat in sola receptione specierum in ipso organo, & potentia : Est S. Bonau. citat. & communis contra Ægidium Venetum, Aliosque paucos.

PROBATVR primò ex Arist. 2. de an. 1. 37. & 6. docente animam esse causam actuum suarum operationum : ergo est actiua.

PROBATVR secundò ratione : Receptio specierum fit etiam in medio, verbi gratiâ, in aqua, in aëre, sed talia media non sentiunt : ergo in hac receptione non consistit formaliter sensatio.

CONFIRMATVR : Quia sæpè accidit recipi species sensibiles in potentia, vel organo absque eo tamen, quod fiat sensatio, & cognitio obiecti, verbi gratiâ, si organum non sit rectè dispositum, vel quia aliunde sit fixa consideratio, vel si quis dormiat inter magnos strepitus : ergo in receptione specierum formaliter non est sensatio.

SECUNDA CONCLUSIO : Potentiæ sensitivæ sunt simul activæ, & passivæ ratione tamen diuersorum : Sic Aristot. supra citat. & lib. 2. de an. 1. 74. & 6. & 121. & communiter ferè omnes cum Seraph. Doct. citat.

PROBATVR primò ex Seraph. Doct. lib. 2. dist. 8. pars. 1. quest. ult. ad ultim. In quolibet sensu concurrunt & receptio, & iudicium, seu sensatio, & cognitio : ergo & actio, & passio : passio per receptionem speciei



ciei in organo, & sensationis in toto coniuncto: actio per productionem ipsius cognitionis, & tendentiam in obiectum. Tum quia sensatio est actus vitalis: ergo supponit principium intrinsecum actuum, à quo fiat: ergo & subiectum, in quo recipiatur, sed aliud non est assignabile nisi organum simul cum potentia: ergo habet utramque rationem.

347. TERTIA CONCLUSIO: Sensatio formaliter non consistit in receptione speciei, nec in sola efficientia actus, sed in receptione sensationis iam factæ, qua formaliter tendit in obiectum, illudque percipere dicitur: Sic Seraph. Doct. lib. 3. dist. 14. art. 1. quæst. 3. ad 6. ubi docet, quod ad cognitionem concurrat actio, & passio, non tamen talis actio, quæ importet aliquam influentiam, vel impressionem in obiectum, sed solum per quandam tendentiam, & protensionem intuendo ipsum obiectum per iudicium: & lib. 4. dist. 49. p. vii. 2. art. 3. quæst. 2. in corp. docet, quod cognitio consistit in vnione, intellige in vnione sensationis per receptionem ipsius, & simul tendentiam in obiectum: & in Comp. Theol. lib. 2. cap. 35. ait, quod ad sentiendum requiritur obiectum, species, organum, & intentio actualis animæ: sed hæc non potest esse sine receptione sensationis, immò formaliter in ipsa consistit: ergo.

PROBATVR ratione deducta ex doctrina tradita, & simul explicatur: Tria requiruntur præcipue in sensatione: Primum obiectum, quod vniamur potentia per speciem sui, quam in organo imprimat, & per quam potentia constituitur in actu primo ad operandum, & simul determinatur ad tale obiectum: Secundò elici-

tio actiua actus prouenientis à potentia, & specie tanquam à duabus concausis: Tertio receptio eiusdem actus, & simul iudicium, seu tendentia in obiectum, quod cognoscitur: sensus enim vnitur obiecto mediante specie iam recepta, ait Seraph. Doct. lib. 4. dist. 49. cit. fund. 2. sed non consistit in primo, vt de se patet, nec formaliter in secundo: nam actio præcisè dicit tantum vt à quo, nec quidpiam aliud. Tum quia sensatio actio est Physica: ergo debet habere aliquem terminum: sed non potest esse nisi species expressa, (quæ in intellectu dicitur verbum) quæ species expressa est expressio ipsius obiecti in ipso sensu: ergo consistit in hoc tertio, scilicet in ipsa specie expressa vt recepta in sensu, & vt exprimens obiectum, ipsumque attingens intentionaliter: ergo formaliter consistit in receptione speciei expressæ, & simul tendentia, seu attingentia intentionaliter obiecti. Tum quia sensus sunt subordinati in cognoscendo ipsi intellectui, sed intellectus cognoscit hoc pacto, vt patebit infra suo loco, ergo & sensus.

OBIECTES primò sæpè Aristot. appellare sensum potentiam passiuam.

RESPONDETVR ex Seraph. Doct. cit. præcipue in lib. 3. dist. 14. cit. esse magis passiuam, quàm actiuam, quia formaliter non consistit in actione productiua, sed in ipsa specie expressa, quæ simul recipitur in sensu, & attingitur intentionaliter obiectum.

OBIECTES secundò: Si sensus esset actiuus, & passiuus, sequeretur omnes sensationes esse eiusdem speciei, quia remaneret semper idem actiuus,

actuum, & passuum: sed hoc est falsum: visio enim albi differt specie à visione nigri.

RESPONDETUR negando sequelam: Quia enim requiritur species immissa ab obiecto cum tendentia in obiecta diuersa, hæc faciunt differe specie ipsos actus. Tum etiam quia posset sustineri omnes visiones in ratione visionis esse eiusdem speciei: licet ratione terminationis posset à specie differant.

OBIECTIS tertio ex D. August. 11. de Trinit. cap. 2. forma impressa visui dicitur visio: ergo in receptione tantum consistit: tum quia per assimilationem fit cognitio, obidque & per receptionem speciei.

RESPONDETUR D. Augustin. debere intelligi concomitanter, non formaliter: necessaria enim est impressio formæ, & speciei. Tum etiam quia potest explicari per speciem intelligere expressam, scilicet actum sensationis, quatenus producitur à sensu, & à specie, simulque recipitur in potentia, tenditque in obiectum, & in hoc stat assimilatio.

OBIECTIS quartò: Si sensus est actiuus, ergo poterit se sentire, propriumque actum, & etiam alia absque concursu speciei: actio enim sensus est sensatio.

RESPONDETUR negando sequelam: quia licet sit actiuus, exigit tamen aliud principium, scilicet speciem obiecti: Sed pro maiori intelligentia.

348. QVÆRES: an sensus cognoscat seipsum, & propriam sensationem.

ALIQVI apud Ruuium lib. 3. de an. cap. 4. quest. 4. num. 92. & 94. affirmant, nempe oculum se videre, quia est coloratus, se cognoscere operari, dum actu videt:

Sed communis Opinio est D. Thomæ, & Scoti negatiua loquendo de cognitione propria reflexiua: nam de aliqua sensatione impropria concedendum est, ut infra dicitur à num. 144. Nos tamen utranque partem ut probabilem cum S. Bonauent. lib. 1. dist. 17. artic. 1. quest. 2. ad ultim. & lib. 2. dist. 35. arr. 1. quest. 1. ad 3. sustinemus: primam quidem D. Thomæ, & Scoti ex rationibus supra adductis in primo Notab. ex hoc quod sensus sunt organici, & ob id cum species recipiatur in organo, & actus sint rotius coniuncti, obidque materiales, & dependentes ab organo corporeo, idem nec potest sensus supra se reflectere, sicut intellectus, qui est independens ab organo: obidque alia potentia videt, aliaque cognoscit se videre: Adest & alia ratio, quia cum obiectum intellectus sit illimitatum, idem & proprii actus continentur intra sphaeram obiecti ipsius: at actus sensuum cum formaliter non sint sensibiles, non continentur formaliter intra sphaeram proprii obiecti, quod est necessitati quid sensibile formaliter. Rationes verò alterius partis tradentur infra à num. 439.

### QVÆSTIO. III.

*Quid, & quomplex sit obiectum sensibile.*

349. PRO solutione questionis Supponendum primò hic nomine obiecti sensibilis sumi ipsum obiectum, quod potest mouere sensum, & cum eo concurrere ad sensationem, vel mediante specie, vel im-

mediatè.

mediate : Ad hanc verò rationem obiecti communiter quatuor assignantur conditiones : prima, quod sit ens reale, ceteræ tres, quod sit corporeum, singulare, & quid accidentale.

SYPPONENDVM secundò obiectum sensibile aliud esse per se, aliud per accidens : primum est, quod immediate cadit sub sensu, vel immediate terminat sensationis actum, verbi gratiâ, color, sonus, &c. secundum est, quod non per propriam speciem, sed per alienam percipitur, vt, verbi gratiâ, videndo filium Petri, illa filiatio dicitur obiectum per accidens : Rursus obiectum per se aliud est proprium, quod scilicet est ita proprium alicuius sensus, vt non possit ab alio percipi, vt color à visu : aliud est commune, quod potest percipi à pluribus sensibus, vt est verbi gratiâ magnitudo, quæ & oculo, & tactu potest percipi, istaque sunt quinque, scilicet quies, motus, numerus, magnitudo, & figura, vt docet cum communi Seraph. Doct. in Itiner. Ment. cap. 2. & suprâ dictum est : quibus positis proponuntur aliqua quæsitæ, vt melius dignoscatur natura obiecti sensibilis.

QVÆRES ergo primò ; an solum ens reale possit percipi à sensibus ; an etiam ens rationis : & an sensus possit percipere negationes, vt vmbra.

ALIQVI affirmant : sed communior, & verior negat. Ratio est, quia immutatio fit per species : ergo obiectum, quod non habet speciem propriam, non potest immutare sensum propriè.

DICES : In Logica probatum fuit sensus posse facere aliquo modo

ens rationis, sed facere ens rationis est illud cognoscere : ergo.

RESPONDETUR aliud est decipi in cognitione, quæ fit per speciem similem enti reali : aliud est cognoscere ens rationis : hoc enim non est sensibile, obidque nec subiaceret sensibus.

DICES : Vmbra terret animalia, & apprehendunt negationem coloris : ergo.

RESPONDETUR, quod vmbra, si est permixta cum Luce, tunc videtur lux, & vmbra per lucem percipitur : si verò est pura vmbra, vt tenebra, tunc non percipitur, nec est verum Bruta percipere negationes, sed quia ibi non percipiunt corpora, idè ibi non accurrunt, sed alibi, vbi moventur ab obiectis.

ADDIMVS tamen probabile etiam esse sensus aliquo modo percipere ens rationis, licet non sub formalitate sua, sed alicuius obiecti sensibilis, & indirectè.

350. QVÆRES secundò circa secundam conditionem : an res spiritualis possit à sensibus percipi.

COMMVNIS Opinio negat etiam de potentia Dei absoluta, licet quoad potentiam Diuinam Aliqui id affirmant, de quo aliàs redibit sermo : Ratio autem est, quia res spiritualis est extra sphaeram obiecti sensuum, eo quia potentia integratur simul cum organo quantitativo, extenso, & materiali, obidque non habet proportionem cum re spirituali : Hinc dixit Seraph. Doct. lib. 2. dist. 8. part. 1. dub. 3. & lib. 4. distinct. 10. part. 2. articul. 2. quæst. 1. & 2. quod nihil potest sentire sensus corporeus, quod non sit quantum, & extensum : sed vide, quæ sunt infrâ num. 315.

QVÆRES

QVÆRES tertio circa tertiam conditionem, quæ est singularitas obiecti, ut notat S. Bonavent. *lib. 2. dist. 3. part. 1. art. 2. q. 2. ad 5. & lib. 4. dist. 50. p. 2. art. 1. q. 1. in corp.* an singularitas rei sit ratio mouendi sensum : an verò sit ipsa natura communis, quæ, ut aliàs diximus, distinguitur formaliter à singularitate. Thomistæ negantes distinctionem inter naturam, & singularitatem dicunt singularitatem esse rationem, quæ mouet formaliter sensum. Scotus docet esse naturam : singularitatem verò esse conditionem sine qua non : sic apud Meldul. *diffusar. 4. quest. 3. num. 28.* Sic etiam S. Bonau. *lib. 1. dist. 19. part. 2. quest. vltim. in corp.* docet, quod in omni cognitione est quo, & quod, quo est ipsa natura communis, quod verò est ipsum singulare : hinc dixit Scotus, quod natura est ratio formalis agendi, seu mouendi, & singularitas est ratio, seu conditio agentis : actiones enim sunt singularium : Sic & S. Bonau. *lib. 4. dist. 50. citat.* dixit sensum cognoscere res sub conditionibus singularibus : & hinc tamen non inferitur sensum esse potentiam abstractiuam : non enim percipit discrimen inter naturam, & singularitatem : spectat enim id ad intellectum, sed tantum diximus sensum moueri per speciem immixtam à singulari, ita quod natura singularis est ratio formalis mouendi, & singularitas conditio : an verò substantia possit percipi à sensu : an solum accidens : infra de hac materia agemus tractantes de speciebus immixtis ab obiecto.

351. QVÆRES quarto : an cum quinque sint obiecta sensibilia communia, ut dictum est ex S. Bo-

nauent. in *Itiner. Ment. cap. 2.* scilicet Motus, Quies, Numerus, Magnitudo, & Figura, à quibusnam sensibus percipi possint.

RESPONDETUR motum materialiter tamen sumptum, & propterea dicitur successione materialem partium percipi visu, & tactu, item & olfactu, & auditu : sentimus enim, an obiectum sensibile sonus, vel odor nobis accedat, vel recedat : Quies etiam ab iisdem sensibus percipitur non formaliter, cum sit negatio motus, sed materialiter, propterea dicitur permanentiam rei in eodem statu, hoc enim pacto dicitur aliquid positivum, & ad hæc duo reducuntur velocitas, tarditas, & tempus : Numerus item materialiter sumptus percipitur à pluribus sensibus non formaliter, sed materialiter, inquam, ut tot colorata, tot sonos, &c. Magnitudo item percipitur tam visu, quam tactu, & ad hanc reducitur distantia : Vltimò figura iisdem duobus sensibus percipitur, & ad hanc spectat lenitas, & asperum, densum, & rarum, & aliæ similes quantitatis proprietates : quæ omnia sunt obiecta sensibilia materialiter, non formaliter sumpta : sic enim spectant ad intellectum : an verò hæc sensibilia communia immitant propriam speciem, infra suo loco dicemus.

#### QVÆSTIO IV.

*De Speciebus an dentur, & quid sint species intentionales.*

325. HOMO à Deo factus est tam perfectus, ut iure merito appellatur à Philosophis minor Mundus,

dus, seu Microcosmus, quia, vt ait Seraph. Doct. In Itiner. Ment. cap. 2. in ipsum intrat Macrocosmus, seu Maior Mundus sensibilis: habet enim quinque sensus quasi quinque portas, per quas intrat cognitio omnium, quæ sunt in hoc mundo sensibili in animam ipsius: per visum enim intrant corpora sublimia, & luminosa, & cætera colorata: per tactum corpora solida, & terrestria: per tres vero sensus intermedios intrant intermedia: per gustum aquea: per auditum aëreat: per odoratum vaporabilia: Intrant & in ipsam animam non solum corpora simplicia, & composita sensibilia particularia, sed & communia non secundum substantias, sed per similitudinem suam, quæ appellatur communiter species intentionalis; Nomine igitur speciei communiter intelligunt Philosophi, & cum ipsis Seraph. Doct. formam quandam, seu qualitatem provenientem ab obiecto, quæ sit similitudo illius siue formalis, siue virtualis: De his speciebus igitur excitatur questio; an dentur; an verò sit merum figmentum; & si dantur, quales similitudines sint an formales, an intentionales, an virtuales, an obiectivæ.

PRIMA Opinio est Nomin. Ocham. Greg. Gabr. Serbellon. de an. disp. 2. q. 2. art. 3. & Guar. disp. 7. de an. exp. 3. & disp. 6. de luc. exp. 6. negantium dari tales species, quæ sint imagines rerum, sed quia necessariò sensus, dum sentit, patitur, & aliquid recipit, per quod excitatur, & determinatur ad operandum: volunt duo Authores cit. Serbellon. & Guarin. id totum fieri à luce, quod & videtur Sententia Seraph. Doct. air enim inopusc. de reduc. artium, cognitionem sensitiuam fieri beneficio lucis: sed R. P. Bart. de Castrov. Phil. P. III.

tamen verè Seraph. Doct. hanc sententiam non tenet, vt mox patebit. Nouissimè autem Lalemandet de an. disp. 14. part. 3. mordicus negat species, sed conatur sustinere sensus tendere in obiectum vi suæ sympathiæ, & ordinationis naturalis, quam habet ad ipsum, citat pro se Garbium in Sum. lib. 1. disp. 5. q. 63. & Galen. lib. 7. de decret. Hypocrat. quæ opinio tamen non potest rationabiliter sustineri: nam per hanc sympathiam possemus aufugere omnes frè difficultates in Philosophia occurrentes.

SECUNDA Opinio est Aliorum omnium communissima, D. Thom. Scot. Seraph. Doct. quod verè dentur species intentionales necessariae omnino ad sensationem, & cognitionem, licet inter istos DD. sit aliquod discrimen in assignanda ipsarum natura, & quidditate: nam Aliqui dixerunt esse quædam corpuscula egredientia è corporibus, & peruenientia ad sensus. Alij esse qualitates sensibiles eiusdem omnino rationis cum qualitatibus sensibilibus, ita vt species caloris sit calor, albedinis albedo, & sic de singulis, sed tamen in esse remissiori sic Vales. Celsus Mancinus apud Mel. dul. disp. 4. quest. 4. Alij vt Thomistæ apud Complut. disp. 18. de an. quest. 3. volunt speciem esse omnino eiusdem naturæ cum obiectis numero, verbu gratiæ, speciem albedinis esse eandem numero albedinem, quæ est in pariete, sed cum hoc discrimine, quod in pariete habet esse naturale, & in oculo esse intentionale, vel diminutum: vnde differentia inter speciem, & obiectum se tenet non quidem in essentia, & quidditate, sed in modo essendi, quod & fatentur de speciebus intelligibilibus substantiæ.

Communi

Communior tamen, & vera sententia est species intentionales esse qualitates alterius omnino rationis, & naturæ ab obiectis, quæ repræsentant: Sic S. Bonavent. *lib. 1. dist. 37. part. 2. dub. 4.* Pro solutione quæstionis

353. PRIMò Notandum, quod quæstio procedit non de speciebus intelligibilibus, quæ spectant ad intellectum, & de quibus agemus suo loco, sed de sensibilibus, quæ à S. Doct. appellantur modò nomine speciei absolute, modò intentionis, modò similitudinis, modò speciei abstractæ: quam abstractionem tamen explicat *lib. 3. dist. 23. dub. 4.* dicens, quod species, per quam cognoscitur obiectum, vel est omnino concreta materiæ, & est, quæ apprehenditur à sensu exteriori, licet sit ibi aliqua abstractio: vel partim concreta, & partim abstracta, & est, quæ apprehenditur ab imaginatione, seu à sensibus internis: vel est simpliciter abstracta, & est, quæ apprehenditur ab intellectu. Ex quibus videtur Seraph. Doct. docere speciem, quæ immittitur ad sensus esse compositam ex materia, obidque & stare cum asserentibus species esse quædam corpuscula, quod tamen nec potest in eius etiam sententia sustineri, cum *lib. 1. dist. 37. part. 2. dub. 4.* asserit ipsas essentialiter differre ab obiecto: & *lib. 4. dist. 10. p. 1. art. 1. q. 5. in corp.* admittit speciem existentem in speculo habere esse spirituale, esseque indivisibilem: & *lib. 2. dist. 17. art. 1. quæst. 2. ad 4.* docet, ad hoc ut anima cognoscat rem, oportet, ut uniatur per speciem abstractam à materia, quod verum est de omni potentia cognitiva, ergo videtur Seraph. Doct. vel sibi contradicere, vel aliud prætere. Atamen his non ob-

stantibus explicatur Seraph. Doct. per ea, quæ tradit *lib. 4. dist. 50. part. 2. quæst. 1. in corp.* ubi dicit, quod anima separata per intellectum cognoscit res sub conditionibus materialibus præsentæ materia, & hoc est sensus exterioris, & res sub conditionibus materialibus absente materia, & hoc est imaginationis, idest sensuum internorum, & illas etiam cognoscit abstractis omnibus materialibus, & hoc est intellectus: quare per illam concretionem cum materia intelligit Seraph. Doct. speciem repræsentantem obiectum omnino materiale præsentæ eodem obiecto, idest cum conditionibus individualibus, ut sunt hic, nunc, scilicet quoad locum, tempus, &c. deinde per speciem partim concretam, & partim abstractam intelligit speciem repræsentantem idem omnino obiectum materiale, sed ut absens, idest non necessarid cum conditionibus individualibus loci, & temporis, &c. quia ab his sensus interni possunt abstrahere licet imperfectè.

354. SECUNDò Notandum, quod istæ species dicuntur à Seraph. Doct. & ab Aliis etiam picturæ, simulacra, & idola rerum, eo quia tanquam in imagine res spectandas exhibent, dicuntur sensibiles non ut quæ, sed ut quibus, quia mediis ipsis sunt sensationes, & intentionales, quia & habent esse diminutum recedens à realitate obiecti: & quia concurrunt ad sensationem, quæ dicitur intentio, & tendentia in obiectum (licet Serbellon. dicat se nescire, quare ita dicuntur intentionales) dicuntur & materiales, quia proveniunt ab obiecto materiali, & repræsentant materialitatem ipsius modo suprà dicto: dicuntur & spirituales, quia sunt abstractæ à materialitate obiecti: di-

cuntur

cuntur similitudines, licet sint qualitates absolutæ, quia sunt formæ imitativæ, & repræsentativæ obiecti, includentes etiam aliquando respectum, & ob id (ait *lib. 2. dist. 24. part. 1. art. 1. quest. 1. ad 7. in fine*, similitudo albedinis, & coloris non dicitur albedo, nec color absolutè, sed ut albedo, & ut color, & reductivè spectant ad idem genus suæ originis, & obiecti: Sic *lib. 1. distinct. 3. part. 2. art. 1. quest. 3.*

355. TERTIO Notandum, quod similitudo, seu imago repræsentativa est triplex, scilicet formalis realis, formalis intentionalis, & virtualis: prima est, quæ realiter exprimit obiectum, cuius est similitudo, cum eoque convenientiam specificam in esse repræsentativo habet saltem reductivè, ut docet S. Bonau. *lib. 1. dist. 3. p. 2. art. 1. q. 3. in corp.* sic Imago D. Francisci dicitur similitudo formalis realis illius, quia illum exprimit secundum figuram, magnitudinem, colores, &c. & dicitur etiam obiectiva, quia est medium quod, scilicet cognitum ducens in cognitionem obiecti, & *lib. 1. distinct. 6. quest. 3.* dicitur à Seraph. Doct. propriè exemplar: Secunda est, quæ producitur à potentia exprimendo obiectum, & communiter appellatur species expressa: dicitur autem intentionalis, ut distinguatur à reali, & quia per ipsam sensus tendit in obiectum, seu est ipsa intentio expressiva obiecti, & à Seraph. Doct. *lib. 2. dist. 23. art. 2. quest. 3. ad ultim.* appellatur similitudo expressa. Tertiò dicitur virtualis, seu effectiva, estque illa, quæ formaliter non repræsentat obiectum, sed est ratio, & virtus, per quam formaliter repræsentatur obiectum: sic semen, verbi gra-

tiâ, potest dici similitudo virtualis, quia virtute continet filium repræsentativum Patris: Sic ars pictoria potest dici similitudo virtualis hominis, quia est virtus productiva imaginis formaliter repræsentantis hominem, & idè à Seraph. Doct. *lib. 1. dist. 17. part. 1. quest. 4. in corp.* dicitur similitudo pura, & *lib. 1. dist. 6. quest. 3.* dicitur ratio exemplandi, & cognoscendi; est igitur quæstio, quanam similitudo ex his sit species: Communiter tribuitur ei tantum hæc tertia similitudo, & ob id à S. Bonau. in *Itiner. ment. cap. 2.* dicitur speciem habere rationem formæ, virtutis, & operationis, nempe species est forma accidentalis, quæ de sui ratione primaria formali est repræsentativa obiecti, ita quod cum sit ratio, quæ potentia tendit in obiectum, habet virtutem repræsentativam obiecti, sicque & habet rationem virtutis: est enim veluti semen, & virtus productiva illius, quod formaliter repræsentat obiectum, scilicet speciei expressæ, & similitudinis intentionalis: constituit enim potentiam in actu primo, obidque dicitur continere cognitionem obiecti virtualiter, & habitualiter: hinc & aliquando appellatur à Seraph. Doct. nomine habitus: dicitur & habere rationem operationis, quia non solum constituit in actu primo potentiam, sed & actu concurret cum ipsa ad sensationem: Hincque patet, quanam munera exerceat species: Primum est informare potentiam, eamque ponere in actu primo: Secundum concurrere cum potentia ad actum cognitionis obiectum exprimendo, & ratione utriusque appellatur à Seraph. Doct. medium disposens *lib. 2. dist. 23. quest. ultim. ad 7.*

cum enim necessaria sit unio inter potentiam, & obiectum, nec obiectum possit uniri secundum suam entitatem, unitur per speciem sui vicariam, ut aduertit S. Doct. *lib. 2. distinct. 17. art. 1. quest. 2. ad 4. & lib. 2. dist. 18. art. 1. quest. 1. ad 4. & 5. & opusc. de reduc. artium: & Itiner. ment. cap. 2.*

356. QUARTO Notandum cum communi speciem externam externorum sensuum differre à specie internorum, & intellectus, quod species externorum sensuum raptim transit, dependetque ab obiecto in fieri, & in conseruari, ita quod non potest conseruari saltem nisi per modicum tempus absque obiecto præsentem, ut infra dicitur, nec præcisè inseruit memoriæ, & si non esset causa cognitionis externæ, esset quidam effectus omnino superfluous, ob idque à Seraph. Doct. vocatur nomine absoluto speciei abstractæ absque alio addito: at species internorum sensuum dependet quidem in fieri ab obiecto, sed non in conseruari, eo quia imprimitur in organo, & in potentia, & in ipsa permanet, ob idque à Seraph. Doct. appellatur nomine speciei impressæ, ut infra patebit, ubi explicabimus sensum Seraph. Doct. in usu talium vocabulorum speciei abstractæ, impressæ, & expressæ. His positis

357. PRIMA CONCLUSIO: Dantur species intentionales rerum sensibilium in sensitiuis potentiis tum internis, tum externis, Est communis cum Aristot. & Seraph. Doct. in *Opus. de reduc. artium §. Videamus ergo*: ubi hæc verba habet: Nullum sensibile mouet potentiam nisi mediante similitudine, quæ egreditur ab obiecto, sicut proles à parente, & hoc generaliter, realiter, & exem-

plariter est necesse esse in omni sensu: illa autem similitudo non facit completionem in actu sentiendi, nisi uniat cum organo, & virtute, & cum unitur, noua fit perceptio: Idem docet in *Itiner. ment. cap. 2.*

PROBATVR primò ex S. Bonau. *lib. 2. distinct. 17. art. 1. quest. 2. ad 4. & 5. & lib. 1. distinct. 3. part. 1. art. 1. quest. 1. in argum. ad oppos.* Inter obiectum, & potentiam requiritur unio ad hoc, ut fiat sensatio, sed obiectum secundum suum esse materiale non potest uniri potentia: ergo per aliquid, quod gerat vicem ipsius: ergo per speciem.

PROBATVR secundò experientia: Quia si non darentur species, non recordaremur præteritorum: ergo in internis sensibus dantur.

PROBATVR tertio: In speculo videtur species determinata representans obiectum distans: ergo datur.

PROBATVR quarto de externis, & internis: Potentiæ sensitiuæ sunt indifferentes ad hoc, vel illud obiectum intra propriam speciem: ergo debet dari aliquid, à quo determinentur ad hoc, vel illud obiectum: sed hoc respectu aliquorum sensuum non potest fieri ab ipsis obiectis immediate: ergo mediantibus illorum speciebus sensibilibus, ut patet in visu, & auditu. Tum quia si inter obiectum, quod videtur, interponatur corpus opacum intra sphaeram actiuitatis oculi, etiam si lux pertingat ad potentiam (quam Aduersarij volunt gerere vices speciei) non amplius videtur, ergo quia impeditur transmissio specierum. Tum quia si adhibeantur per specilla pluribus angulis efformata, multiplex videtur obiectum, at hoc non prouenit ex ratione obiecti, quia-



quia est vnum, nec potentia, quia etiam est vna: ergo ratione specierum, quæ in illis angulis recipiuntur, & refranguntur. Tum etiam quia ex varietate perspicillorum res apparent maiores, vel minores: Item si virga sit cū medietate in aqua, & cum alia supra aquam, apparet fracta, ergo hæc diuersitas euenit ex transmissione specierum per diuersam lineam ab vna parte, & ab alia. Tum in echo, quo reflectuntur species soni: ergo negantes species contradicunt experientia.

353. SECUNDA CONCLUSIO: Ista species non sunt corpuscula, vel substantia, sed qualitates accidentales diuersæ rationis à natura, & qualitatibus obiecti: Est S. Bonauent. in *Serm.* 11. *Hexaem. propè finem*: & *In Opus. de reduc. arithm.* & *lib. 2. dist. 18. artic. 2. quæst. 1. ad 4.* & *lib. 1. dist. 37. part. 2. dub. 4.* & *lib. 2. dist. 13. quæst. ultim. in corp. propè finem.*

PRIMA pars probatur: Quia si essent corpuscula, daretur penetratio corporum tum in medio, tum inter se, dum existunt in ipsa potentia; tum & cum ipsa potentia, & sensu.

PROBATUR secunda pars: Quia sunt formæ accidentales: ergo de genere qualitates.

PROBATUR tertia pars, quæ est contra Thomistas, ex S. Bonauent. *lib. 1. dist. 37. cit.* Quia si essent eiusdem rationis cum obiecto, veritas Asini visi esset in anima, siquæ anima, siue potentia posset dici Asinus: talis enim forma informat subiectum, in quo est, & ipsum denominat. Tum quia nihil potest generare seipsum, sed generantur ab obiecto, ergo sunt quid diuersum. Tum quia

contraria in summo, vt summum album, & summum nigrum possent esse simul in eodem subiecto: species enim ipsorum sunt in eodem oculo. Tum quia species recipiuntur etiam in organo: ergo si sunt eiusdem rationis, verbi gratia, species nigri apparere faceret omnia nigra, vt patet, cum in oculo aliquis noxijs humor descendit, facit enim omnia apparere eiusdem coloris cum illo humore.

RESPONDENT Complutenfes negando istas sequelas: nam species dicuntur idem cum obiecto, secundum quod habent esse reale, & naturale: nam vt habent modum essendi intentionalem, & secundum hunc modum possunt species plurium contrariorum esse simul.

CONTRA: Quia si obiecta secundum esse intentionale sunt eiusdem rationis cum ipsis secundum esse reale, sequitur, quod semper feriant se cum ea, quæ sunt sibi ipsis propria, siquæ & contrarietatem, & repugnantiam mutuam contrariorum. Tum quia species sunt effectus obiectorum, siquæ obiecta causabunt seipsa. Tum quia, vt dictum est ex S. Bonauent. *cit.* sequeretur veritatem Asini esse in anima. Tum quia Angeli per Thomistas, quod perfectiores sunt, ed pauciores species entia varia, & diuersæ speciei exprimentes habent, siquæ eadem species erit multiplicis naturæ, quod est impossibile.

359. OBJECIES primò: Quia si darentur istæ species, deberent prius cognosci: alioquin per ignotum cognosceretur obiectum ignotum, quod est impossibile: nam Imago prius cognita ducit in cognitionem imaginati.

RE ; RESPON

RESPONDETUR negando sequelam : ratio est , quia species sunt formaliter vt quo , non vt quod , ided non terminant cognitionem : Et ad id de ignoto.

RESPONDETUR esse verum de ignoto vt quod , & representatiuo formaliter realiter , non de virtuali tantum : sicut etiam actus est id , quo cognoscitur obiectum . Et ad id de Imagine , negatur paritas : Imago enim Caesaris , verbi gratia , est medium vt quod , & obiectiuum , non sic species , quod & in seq. Concl. magis declarabitur.

INSTANT iterum Durand. & Lalemandet : Quia omne representatiuum potentia cognoscitiua , quodcunque illud sit , se habet obiectiue ad potentiam : quia representare alicui , est illi obici : sed id est cognosci : ergo vtrumque representatiuum vt quo , & vt quod debet prius cognosci.

RESPONDETUR distinguendo Maiorem : Omne representatiuum se habet obiectiue , scilicet vel vt quo , vel vt quod , & negatur Minor vniuersaliter , vt patet in actu cognitionis , & in verbo , & specie expressa : ista enim se habent obiectiue vt quo , & sunt representatiua vt quo , & tamen cognitio non cognoscitur vt quod , sed tantum est ratio vt quo : sic corrumpit ratio hæc Durandi , quam tantum amplificat Lalemandet.

OBIECTES secundum cum Serbellon : Si darentur istæ species , producerentur ab obiectis , sed hoc est falsum : vel enim producuntur per veram efficientiam ; vel per emanationem , vt fluunt passionem , & proprietates : non primum , quia producerentur per Physicas causalitates ,

sicque essent qualitates eiusdem rationis cum qualitatibus obiecti , quod à nobis non admittitur : sunt enim intentionales : nec secundum , quia semper inessent in obiectis , vt proprietates , non verò in potentia.

360. HÆC obiectio , quam tanti facit citatus Author in seq. quæst. soluetur ex doctrina Seraphica , pronunc negatur Minor , & dicius produci per veram efficientiam , nec inde sequi esse qualitates eiusdem rationis cum qualitatibus obiecti.

OBIECTES tertio ex Serbellono , & Guarino disput. 6. de clar. spec. & col. exp. 6. & de an. sens. disputat. 7. exp. 3. Sufficit lux , vt quodlibet obiectum visibile ante oculos positum cerni possit sine vlla specierum productione : ergo.

PROBATUR Antecedens : Lux terminata ad obiectum , & in potentiam reflectens est representatiua obiecti.

PROBATUR : Quia lux est susceptiua coloris : ergo potest recipere colores obiecti , & illos oculis representare : quia in quacunque parte medij , in quo diffunditur lux , videtur obiectum , vt si apponatur speculum , aut corpus tersum , & magis patet in luce ingrediente per foramen , in quo sit lentis vitrea accommodata , tunc si apponatur pagina , in ipsa conspicitur Imago rei extra cubiculum existentis , signum cuius , quod lux incidens in aliquod obiectum ab illo determinatur , & modificatur , ita vt sit potens colores illos visuales differre ad oculum absque alia specie.

CONFIRMATUR ex S. Bonau. in opus. de reduc. art. post principium §. secundum lumen , &c. vbi dicit cognitionem sensitiuam fieri beneficio lu-

cis existentis tum in obiecto, tum in potentia, & secundum maiorem, vel minorem suam puritatem diversas etiam causari sensationes.

RESPONDETUR hoc argumentum esse Achilem Aduersarium, in quo tamen cadit multa deceptio, dum tribuunt totam representationem luci, quod est falsissimum, ut patet, quia lux si se sola esset representationis obiecti, repraesentaret eodem modo, ac repraesentat colores, sed colores repraesentat formaliter, & non obiectum: nam in medio repraesentat colores varios: apparet enim modò rufa, modò rubra, modò aurea, &c. Hinc repraesentat colores formaliter, quibus inficitur, sed deberet repraesentare obiectum eodem modo: intantum enim est representationis obiecti, inquantum repraesentat colores, qui videntur in medio, & non videtur obiectum. Tum quia licet repraesentaret colores, non tamen repraesentat illorum dispositiones, & ordinationem, neque colores debiliores in viuacioribus permixtos: ergo aliquid aliud requiritur, idque sunt species: quodque patet euidenter: quia illa lux modificata in oculo repraesentans secundum Aduersarios obiectum, deberet etiam absente obiecto ipsum repraesentare: non enim lux repraesentat obiectum, quia reperitur in obiecto, sed quia reflectitur in oculo.

ET si dicant id facere, quia reperitur etiam in obiecto.

CONTRA: Ergo ab obiecto effectiue aliquid recipit, per quod imaginem ipsius repraesentat: ergo obiectum est effectiuium suae imaginis.

HINC Respondetur ad argumentum negando antecedens: ad proba-

tionem respondetur negando antecedens: non enim sufficit, ut lux sit receptiua coloris, sed requiritur species cum luce, ut repraesentetur obiectum cum suis dispositionibus: & per id respondetur experientiae allatae de luce penetrante per foramen, &c. unde solùm infertur esse conditionem sine qua non.

AD Confirmationem ex Seraph. Doct. Respondetur alium esse sensum Seraph. Doct. & *ibid.* se explicat dicens, quod spiritus sensibilis naturam luminis habet, & in nervis viget, quorum natura est clara, & perua, & in quinque sensibus secundum maiorem, & minorem depurationem multiplicatur, scilicet purius residet in sensu oculorum, in auditu est commixta aëri, in odoratu vaporibus, in gustu humori, in tactu terrae grossicie: & ultra hos sensus requiritur aliqua similitudo ab obiecto proveniens: quae doctrina magis explicabitur, cum de ipsis sensibus in particulari agemus.

INSTANT: Si lux sit debiliore, licet colores remaneant in sua intensione, isti repraesentantur cum minori intensione, ac sunt: ergo signum est provenire à luce.

RESPONDETUR dato antecedente, negatur provenire à luce, sed id euenit, quia etiam ipsa lux immittit suas species, quae simul vnita cum speciebus coloris faciunt repraesentare colores remissiores, ac sunt.

INSTANT iterum: Corpus diaphanum deberet emittere suas species, quas tamen non apparet emitti, sicut emittit, si in corpus opacum, verbi gratia, in puluerem redigatur: ergo signum est provenire à luce repraesentante illud corpus diaphanum  
reductum

redactum in opacum, quod prius non repræsentabat ob diaphaneitatem.

RESPONDETUR corpus diaphanum emittere etiam suas species, ut patet, si opponatur speculo: sed quia sunt debiles, & tenues, sequitur, quod non possit repræsentari per ipsas tale corpus diaphanum, idque dispositum fuit ab Authore naturæ, ut possint videri res creatæ: alioquin oculus solum posset videre corpus, à quo immediatè circumdatur, scilicet aërem: quare corpus diaphanum statim ac acquirit opacitatem absque sui mutatione, emittit species sui; ut patet in aëre, qui est summè diaphanus, & tamen ob illius quantitatem maximam, quæ intercedit inter oculum, & maximam distantiam, aliquam opacitatem sortitur: idè cæruleus apparet, & species cærulei coloris ad oculum emittit: sic & aqua in minima quantitate ob diaphaneitatem non emittit species sufficienter ad immutandam potentiam: in maxima verò quantitate aliquam opacitatem sortitur, & species emittit: hinc infertur omne corpus emittere species, sed aliquando ob tenuitatem non immutare potentiam.

361. OBIECTES quartò cum Thomistis contra tertiam partem Conclusionis. Imago, & pictura ex Arist. *Lib. de M.m. & remin.* est eiusdem rationis cum imaginato.

CONFIRMATUR ex Seraph. Doct. *lib. 1. distinct. 3. part. 2. quest. 3. in corp.* dicente similitudinem Martini non adèd distare à Martino, ut penitus differat ab eo: ergo.

CONFIRMATUR iterum: Qua ita se habet color ad suam speciem, sicut lumen obiecti ad lumen mediij, sed hæc duo lumina sunt eiusdem ratio-

nis, ergo & species cum obiecto.

RESPONDETUR ex S. Bonau. *lib. 1. dist. 49. quest. 1. ad 4.* inter speciem, & obiectum esse convenientiam non in genere, vel specie, sed secundum rationem exprimendi, idè est secundum esse repræsentativum, non secundum esse entitativum: ut patet in Imagine Cæsaris lapidea, & ipsum Cæsarem: Sic & *lib. 3. dist. 14. quest. 1. ad 1. & 2. & lib. 2. distinct. 24. part. 1. ars. 1. quest. 1. ad 7. in fine*: Ad primam confirmationem ex S. Doct. respondet Borlefer *ibid.* quod similitudo Martini specifica non differt à Martino realiter: hæc enim exit, sed non recedit à suo principio (ait Seraph. Doct.) at similitudo accidentalit, quia exit, & recedit à suo principio, differt realiter ab obiecto, ut docet clarè *lib. 1. dist. 37. cir.* Sed clariùs respond. *lib. 2. dist. 24. ars. 1. quest. 1. ad 7. in fine* similitudinem reductivè spectare ad idem genus cum obiecto eo, quia similitudo albedinis non est albedo, sed ut albedo, idè est vicaria albedinis: at in esse entitativo differunt essentialiter.

AD aliam Confirmationem Respondet Meldul. quod lumen in medio differt specie à luce corporis luminosi: illud enim est species istius, obidque nihil concluditur contra Conclusionem, quod magis verum est in opinione Seraphica: lux enim corporis luminosi est forma substantialit, idèd lumen differt à luce, ut accidens à substantia: sed tamen *lib. 2. dist. 13. quest. ultim.* negat Maiorem: lumen enim in medio habet esse naturale, non purè intentionale, sicut species.

OBIECTES tandem cum Lalemandet *citat. non. 15. & seq.* Dicere, quod:

quod per sympathiam, quam habet oculus, verbi gratiâ, ad colorem absque alia specie, tendit potentia statim in obiectum, tollitur omnis difficultas, quæ occurrit in explicatione specierum: hanc enim qualitatem occultam videmus operari in tot aliis rebus, verbi gratiâ, in magnete respectu stellæ polaris, in timore Leonis ad cantum Galli, & ad similes effectus: cur non poterit idem dici de sensibus. Sed hæc inuentio noua ad aliud non deseruit nisi ad illudendam totam Philosophiam, & ad euadendum omnes difficultates adducendo id, quod nobis est omnino ignotum: vnde hæc opinio singularis relinquatur tota penes suum Authorem.

361. TERTIA CONCLUSIO: Species non est similitudo formalis realis, seu medium quod, nec intentionalis, seu expressa, sed est virtualis tantum: Est contra Durandum *lib. 2. disputat. 3. quest. 6.* qui & cum ipso Gregor. *disp. 7. quest. 3. art. 1.* Maior. docet speciem obiectiuè repræsentare obiectum, quia est medium, quod immediate terminat sensationis actum, quæ apprehensâ deinde sensus percipit obiectum, vt euenit in Imagine, verbi gratiâ, Cæsaris: Et hinc docent esse similitudinem formalem, & reale obiecti, scilicet exprimentem obiectum eo modo, quo Imago Cæsaris, scilicet ipsum Cæsarem, ipsius magnitudinem, colores, &c. Vnde est simul medium quod, & quo: est tamen hæc Conclusio Omnium Aliorum, & communissima contra cit. Authores.

RATIO primæ partis est: Quia species obiectiua non repræsentat, an obiectum sit propè, an procul: nam intuens Imaginem Cæsaris nunquam

percipit, an Cæsar sit propè, nec facit cognoscere obiectum, nisi aliundè cognoscatur, sed species sensibilis facit cognoscere obiectum non aliundè cognitum, & repræsentat distantiam, & alias circumstantias, ergo non est similitudo obiectiua vt quod: idque patet, quia possum videre aliquod repræsentatum in speculo, & tamen indigere perspicillis ad videndum obiectum repræsentatum: ergo signum est, speciem solùm esse rationem, quæ videtur obiectum, nec speciem ipsam videri priùs.

RATIO secundæ partis est: Quia similitudo intentionalis formalis est, quæ producitur à potentia exprimendo obiectum, & dicitur species expressa, diciturque intentionalis, vt distinguatur à reali: est enim intentio expressiua obiecti: Sic S. Bonauent. *lib. 3. distinct. 14. art. 2. quest. 1. ad 2.* & per totam quæstionem docet, quod assimilatio sufficiens ad cognitionem non tantum est per speciem acceptam à re, vel per speciem appropriatam ipsi rei, sed etiam per assimilationem ad illud, quod est ratio cognoscendi: id autem est verbum, seu species expressa: at hîc loquimur de specie impressa, seu vt loquitur Seraph. Doct. de abstracta: ergo.

RATIO tertiæ partis est: Quia similitudo formalis realis conformatur obiecto, sicuti est, ita vt si obiectum sit palmare, & Imago erit palmaris: si obiectum sit album, & Imago alba, sed species impressa non habet has conditiones: ergo.

RATIO quartæ partis est: Quia est species producta ab obiecto, & impressa in potentia ipsam ponit in actu primo ad eliciendum actum: ergo est similitudo virtualis, idest virtus secundans

cundans potentiam ipsam adiuuando ad elictionem actus sensationis: quare concluditur in hoc sensu tantum posse dici similitudinem formalem, idest quatenus est ratio cognoscendi respectu potentiae, siue ut quo spectans ad actum primum, & constituens obiectum actu cognoscibile, obidque dicitur magis propriè similitudo virtualis, sicut actus secundus scilicet species expressa dicitur similitudo formalis propriè, scilicet in actu secundo: his positis superest soluere aliud dubium, quod per quaestionem lateralem faciemus.

### QVÆSTIO LATER.

*An species possit aliquando habere rationem obiecti, & cognosci per aliam speciem.*

363. QVÆSTIO hæc soluitur per ea, quæ tradit Seraph. Doct. lib. 2. distinct. 13. quæst. ultim. & post ipsum Scot. ibid. Pluresque Alij ex Meld. disp. 5. n. 32. de lumine, quod licet sit species lucis, tamen cum ultra esse intentionale habeat etiam aliquod esse, reale, seu naturale, obidque & potest videri per lumen secundarium seu per speciem secundariam: quod & innuit S. Doct. de cæteris speciebus primariis lib. 3. dist. 14. art. 2. quæst. 1. ad 3. ubi dicit, quod si aspicerem rem, aggeneraretur in me similitudo rei, & si ad speculum aspiciam, aggenerabitur in me similitudo speculi, & ipsius rei, scilicet virtute primæ speciei: De luce, seu lumine ait loc. cit. lib. 2. dist. 13. quod lumen in medio non habet modum naturalem existendi, idest realem, sed

per modum habitus, cum non sit forma rei, sed similitudo, seu species lucis, ut est species coloris in medio, quæ propriè non est color, sed similitudo coloris, quæ etiam importat aliquam sensibilitatem, propterea est in subiecto deferente faciens ad sensationem: quam doctrinam postmodum tradidit etiam Scot. apud Meld. citat. quare.

DICIMVS ipsam speciem intentionalem posse aliquo modo sentire per aliam speciem, ut patet in papyro posito in cubiculo obscuro, in quod transpiret radius per paruum foramen, in quo relucunt imagines rerum ad extra existentium, & si inter parietem, & Solem interponatur corpus diaphanum rubrum, apparet rubor in ipso pariete, qui non potest esse nisi species: Differt tamen visio talium specierum per alias species à visione per species ipsius obiecti realis: quod in visione obiecti realis percipitur obiectum omnimodè, sicuti est: visio verò speciei per species non facit percipere obiectum secundum omnes partes, sed valdè imperfecto modo.

ADVERTE tamen, quod in tali perceptione speciei non ipsum obiectum, sed species videtur immediatè, mediatè autem obiectum, quia est species causata à specie, ut patet in colore vitri rubei in pariete, qui immittit speciem sui usque ad oculum, quæ diffunditur per omnem partem: non sic tamen quando utraque species immediatè causatur ab obiecto: tunc enim obiectum immediatè percipitur completè, ut patet in specie existente in speculo, in quo non species, sed obiectum immediatè videtur per illam speciem: Sic Scot. lib. 2. distinct. 13. & lib. 4. dist. 10. quæst. 9.

QVÆSTIO

QVÆSTIO V.

De Causis specierum, quanam sint.

364. QVÆSTIO hæc potest intelligi de omnibus quatuor causis, sed suprà diximus, species esse formas, seu qualitates formales intentionales, seu vt quo, necessariasque esse ad sensationem, quod & melius patebit infrà: Iam circa causam formalem, & finalem non est, cur immoremur: Quæstio igitur reducitur ad materialem, & efficientem, nempe quanam sit causa efficienter ipsas producens, & cum sint formæ accidentales, in quonam subiecto sint, & à quo educantur: quæ duo simul explicabuntur in hac quæstione: Quoad causam efficientem: Aliqui Antiqui dixerunt causam efficientem specierum esse Deum, vel aliquam supernam Intelligentiam: quæ opinio tamen nec innitur vlllo fundamento, & vt obsoleta reiicitur ab omnibus Scholis: hac igitur omisâ Sententia.

PRIMA opinio est Ianduni, Apollinaris, Aliquorumque Aliorum asserentium produci à sensu, admittunt enim sensum agentem, & patientem, sicut & admittitur in intellectu: quæ opinio etiam communiter reiicitur ex rationibus infrà adducendis.

SECUNDA opinio est Suarez lib. 3. de an. cap. 9. qui idem ac prima opinio asserit de speciebus internis: externas autem fieri ab obiecto docet: hanc & Alij sequuntur apud Meldul. disputat. 4. art. 2. num. 54.

TERTIA opinio est communior asserens causari species ab obiectis: Sic Meldul. citat. num. 55. Aliique

communiter, qui tamen non expli- cant, quomodo fiat hæc productio, scilicet, an Physicè per veram causalitatem: an per emanationem: communiter tamen tenetur fieri per emanationem: Seraph. Doct. tamen al- tius, & profundius explicat hanc specierum productionem, vt infrà patebit.

QVOD ad causam materialem Arriag. disput. 4. de an. sect. 4. sub. 7. docet species externorum sensuum recognoscere pro causa materiali ma- teriam primam: Internorum verò sensuum species pariter fundari in materia: in brutis verò fundari in anima: communiter asseritur educi species de potentia subiecti: Sic Complut. disputat. 18. de an. quest. 4. Meldul. citat. num. 49. Seraph. Doct. differenti modo à cæteris procedit, negatque species habere subiectum materiale ex quo, sed tantum admit- tit principium à quo: Pro solutione quæstionis

365. PRIMò Notandum ex S. Doct. lib. 2. dist. 13. art. 3. q. 2. ad arg. & dist. 26. art. 1. q. 3. & 4. (& alibi traditum est) quod cum omnia acci- dentia dependant à subiecto vt à sustentante: tamen hoc discrimen est inter ipsa, quod aliqua sunt, quæ habent idem subiectum pro causa materiali, & idem pro sustentante: suntque omnia accidentia materialia. Alia sunt, quæ aliud habent pro subiecto sustentante, aliud pro origi- nali, & sunt illa, quæ insunt in subiecto non per modum formæ, vel naturæ, sed per modum habitus, vt sunt gratia, lumen, species inten- tionales: ista enim habent rationem habitus in subiecto non præcisè per modum inhæsionis, seu informatio- nis accidentalis, sed per modum de-  
ficientis,

fetentis, inferuiuntque ad hoc, vt potentia ad plura de se indeterminata determinetur ad vnum, & vt facilius operetur vel intensius, & perfectius: vnde ista accidentia nullum subiectum materiale recognoscunt, ex quo educantur, sed tantum originale actiuum, & hoc vel est quid superius secundum perfectam influentiam, sic est gratia Dei, & lumen in aëre proueniens à Sole: vel est à principio pari, vt similitudo speculi in speculo, & speciei ab obiecto, vel est ab inferiori, vt species lapidis in oculo, & in intellectu: istaque duo deriuant non secundum perfectam, sed secundum imperfectam influentiam, & causalitatem: prima accidentia, sicut & species sensuum dependent à præsentiis obiecti: quæ verò insunt in sensibus internis, & in intellectu, non dependent à præsentiis obiecti: & hinc sequitur, quod cum corrumpuntur, redeunt omnino in nihil, solumque dicuntur redire in suum principium, quatenus ab eodem possunt produci similia accidentia.

366. SECVNDÒ Notandum ex Seraph. Doct. *Serm. 11. Hexaëm. versus finem*, quod, vt dictum est, species intentionales non educuntur ex potentia subiecti, in quo sunt: quicquid dicant Aduersarij, vt Meldul. *disput. 4. num. 49. Lalemandet de an. disp. 14. part. 2. decis. 2.* vbi dicit, quod species existentes in aëre educuntur ex ipso aëre ab obiecto, & existentes in oculo educuntur ex oculi potentia eo modo, quo aliæ formæ accidentales educuntur de potentia materiæ primæ, quod tamen est falsum, & inintelligibile, vt infra ostendatur, sed habent tantum principium originale effectiuum.

ET si quæras: quomodo id eueniat.

RESPONDET Seraph. Doct. *lib. 1. distinct. 37. part. 1. artic. 2. quæst. 1. ad 1. & lib. 2. dist. 13. art. 3. quæst. 2. in corp. in improb. tertie opin. & propè finem, & q. 1. ibid. ad 1. & Serm. 11. Hexaëm. propè finem*: quod Deus dedit virtutem cuilibet rei corporeæ, vt gigneret similitudinem sui ex naturali fecunditate adiuta maximè à luce existente in corpore quolibet (*ex lib. 2. dist. 13. art. 2. quæst. 2. ad 5.*) hinc quodlibet obiectum habet vim generandi similitudinem sui, & hoc per generationem, & diffusionem eo modo, quo generatur lux per medium, vt notat *lib. 2. dist. 13. art. 3. quæst. vltim. in corp. & quæst. 1. ad 1.* sicut enim in generatione luminis exit & lumen à corpore luminoso, & cum ipso virtus substantialis actiua, qua illud lumen per medium statim se multiplicat *ex lib. 1. distinct. 7. artic. 1. quæst. 2. ad 5.* Sic & species: obidque (*ait lib. 2. distinct. 10. art. 3. quæst. 1. ad vltim.*) species, quæ est in speculo, dum protendit se ad oculum, non est omnino eadem, sed se multiplicat: idem & asserit *lib. 2. dist. 3. part. 1. art. 2. quæst. 1. in corp. & lib. 1. distinct. 37. part. 1. artic. 2. quæst. 1. ad 1.*

ADDIT Sanctus Doct. *lib. 1. dist. 37. cit.* quod radius in aëre vnitur secundum præsentiā tantum, non secundum dependentiam: dependet enim in fieri, & conseruari à suo principio originali *ex lib. 2. dist. 13. quæst. vltim. ibid. & asserit de specie ibid. quæst. 1. ad 5.* ex hoc, quod habet tantum subiectum deferens: vnde quia exigit tale medium deferens, si circa Solem esset vacuum, non posset diffundere foras suum lumen: idem &



& dicendum de speciebus ex Seraph. Doct. *ibid.* ad 1. & *quest.* 2. Concluditur igitur ex S. Doct. *lib.* 2. *dist.* 24. *part.* 1. *artic.* 2. *quest.* 4. in corp. in 2. *opin.* quod duo sunt necessaria in medio, ad hoc vt abstrahatur species ab obiecto, nempe lux, & diaphaneitas: per primam abstrahit potentia ipsam speciem, & per secundam defertur ad ipsam potentiam, & in ipsa suscipitur: habet enim species aliqualem similitudinem cum luce: His positis.

367. PRIMA CONCLUSIO: Species non habent propriam causam materiale, ex qua educantur, & à qua intrinsecè in fieri, & conseruari subiectiue dependeant: Est Seraph. Doct. *cit.* in 2. *Notab.* contra communem.

PROBATVR: Si species educitur de potentia subiecti, vel est eadem, quæ defertur ad medium, & ad potentiam, vel non: si primum dicatur: ergo accidens transit de subiecto in subiectum, quod est factum apud Aduersarios: si secundum dicatur, vt verè dicunt, sequitur, quod non ab obiecto, sed aliundè dependeat in fieri. Tum quia species non dependent in fieri à subiecto: ergo nec ab eo educuntur. Tum quia multæ producuntur in intellectu. Tum quia non habent materiam ex qua, &c.

DICES: Sunt accidentia materialia, ergo educuntur de potentia materiæ, sicuti cætera accidentia.

RESPONDETVR negando species esse propriè accidentia materialia, sunt enim quid abstractum à materia, vt dictum est: negaturque consequentia ex traditis in 1. *Notab.*

DICES: secundò, Seraph. Doct. appellare species sensibiles concretas materiæ: ergo sunt materiales: sed

iam suprà in *praced. quest.* in 1. *Notab.* explicatus fuit sensus Seraph. Doct. nec est contrarius huic Conclusioni.

SECUNDA CONCLUSIO: Species effectiue ab obiecto generantur: Sic S. Bonauent. *Serm.* 11. *Hexaem.* *aliisque locis cit.* contra Iandum, Aliosque asserentes species produci per sensum agentem, seu per ætinitatem sensus.

368. PROBATVR ex Seraph. Doct. Quia dedit Deus cuilibet rei corporæ fecunditatem, & vim generandi sui simile, vt patet in omnibus rebus. Tum quia talis productio non excedit vim causæ creatæ, vt ostendit Seraph. Doct. *lib.* 1. *dist.* 9. *art.* 1. *quest.* 1. vbi docet, quod generatio est perfectio tributa à Deo omni creaturæ: generare autem dicitur tripliciter: primò per impressionem suæ similitudinis in alio, vt lumen à luminoso, species ab obiecto: secundò per educationem speciei con-similis ab alio, vt elementum ab elemento: tertio per productionem similis de simili, & iste modus est in animatis, diciturque secundum nascentiam, estque cæteris nobilior, propriusque solum substantiarum habentium vitam: primus verò est omnium imperfectior, & idèd subdit *Serm.* 11. *Hexaem.* principium originatum speciei est medium inter materiale, & effectiuum, ex hoc scilicet, quod tales species deficiunt à perfecta similitudine, & earum productio à perfecta efficientia per veram causalitatem: nec id est nouum in Philosophia, cum tali modo etiam diffunduntur per medium qualitates sensibiles caloris, frigoris, &c. sic diffunduntur: ergo & istæ intentionales, & Arriaga *disp.* 6. *sect.* 1. *num.* 31. licet

x dinerſis principiis : ex qua doctrina ſequitur , quod ſpecies eiſdem rationis , ſicut lumina diſtinguantur in medio per ſuas origines , vt docet *lib. 2. diſt. 3. part. 2. artic. 2. quaſt. 1. in corp.* non enim dependent à ſuo ſubiecto , in quo ſunt tantum vt in deferente , non vt ſuſtentante : idco nec plus ſunt duæ , quàm vna : verum tamen eſt , quod ſi comparentur ad ſubiectum , in quo ſunt , ſi ſubiecta ſunt diuerſa , tunc numerantur ad numerationem ſubiectorum : Sic *lib. 2. diſtinct. 13. quaſt. ult. & lib. 1. diſt. 37. part. 2. dub. 4.*

RATIO autem eſt , quia ſi comparentur ad id , cuius ſunt , ducunt in vnica veritatem , idco per talem reſpectum non numerantur niſi ad numerationem ſuæ originis : ſi verò comparentur ad id , in quo ſunt : quia in pluribus ſubiectis diuerſas affectiones producant , tunc ad pluriſicationem ipſorum & ipſæ pluriſicantur.

OBIECTA : Si ſpecies non multiplicantur niſi penes originalia principia , ſequitur , quod ſpecies poſſit tranſire de ſubiecto in ſubiectum , ſcilicet de obiecto in medium , & de medio in potentiam : ergo.

369. PRO reſponſione Seraph. Doct. aſſert pulcherrimam doctrinam *lib. 1. diſtinct. 37. part. 1. art. 2. quaſt. 1. ad 1.* dicens , quod generatio ſenſibilem in medio eſt per diſſuſionem ſcilicet generationem : Idem dic de ſpeciebus *ex lib. 2. diſtinct. 13. quaſt. ult.* vnde non numeratur vox , ſicuti nec lux , niſi ad numerationem ſuſceptibilis : vnde in aëre lux , ſicut ſpecies per ordinem ad ſuum originale principium eſt multiplicabilis non multiplicata : hæc vnitas deſumitur penes principium origina-

le : at in ſubiecto non eſt ampliùs eadem , quia eſt multiplicata : hinc addit *lib. 2. diſtinct. 10. art. 3. quaſt. 1. ad ultim.* quod ſpecies , quæ eſt in ſpeculo , dum ſe pretendit ad oculum , non eſt omninò eadem , ſed ſe multiplicat. Et hinc Reſpond. obiectioni *ex lib. 2. diſtinct. 3. part. 2. cit.* diſtinguendo Maiorem : Species tranſit de ſubiecto in ſubiectum ſubiectione , & dependenter , nego maiorem : tranſit emanatiue , & productiue , concedo : diſfunduntur enim per generationem per medium eo modo , quo lux , nec habent diſtinctionem numericam niſi penes principium originale : vnde licet ſpecies , quæ diſfunditur per medium , non ſit omninò eadem per omnem partem , nec eſt tamen diuerſa numero ob rationes dictas : & hinc S. Doct. *Serm. 11.* appellat hanc productionem ſpecierum mirabilem , ſicut & eſt productione lucis.

OBIECTA ſecundò : Quod non eſt operarium , nihil poteſt producere , ſed qualitates exiſtentes in obiecto , verbi gratià , albedo , nigredo non ſunt operariæ ſaltem effectuum diuerſæ ſpeciei , ergo nec ſunt productiue ſpecierum.

RESPONDETUR diſtinguendo Maiorem : Quod non eſt operarium vel per verum influxum , realemque motum , vel intentionaliter , ſcilicet per minimam actionem , quæ ob id appellatur potiùs pullulatio , quàm emanatio , concedo Maiorem : Minor autem eſt vera de actione Phyſica ; non de intentionali , &c. Sic negatur conſequentia.

370. TERTIA CONCLUSIO : Vna ſpecies poteſt aliam producere conſimilem in alieno ſubiecto , ſed dependenter ſaltem originaliter ab obiecto : Inferitur.

Inferitur ex traditis ex S. Doct. & est Ruuij hic q. 10. n. 119. Aliorumque contra Aliquos asserentes speciem posse produci ab alia specie immediate absque dependentia ab obiecto; & contra Scotum, & Sequaces asserentes omnem speciem produci immediate ab obiecto: hincque S. Bonau. lib. 1. dist. 7. art. 1. quest. 2. ad 5. docet, quod lux perfecte se non communicat primo splendori, qui exit, & idem influit ei virtutem producendi alium, ut in pluribus faciat, quod non in vno: & lib. 2. dist. 10. art. 3. quest. 1. ad ultim. dicit, quod species, quæ est in speculo, dum se protendit ad oculum, non est omnino eadem, sed se multiplicat, idque etiam virtute lucis ad talem multiplicationem concurrentis: Idem & D. Thom. quest. 16. de verit. art. 1. ad 1.

PROBATVR autem prima pars experientia obiecti à tergo positi, & vis in speculo per reflexionem: Non enim potest videri per speciem immediate productam ab obiecto, cum ratione situs, & distantie non posset eam immittere in oculum, ergo id fit per speciem productam ab eo in speculo, ratione cuius idem obiectum apparet in eodem speculo ab ea representatum: sed non potest videri nisi per speciem ab alia specie productam in oculo, quam cum non possit obiectum per se producere, necesse est, vt eam producat media eadem specie in speculo reflexa, & ita vna species alteram producit.

PROBATVR Secunda pars, scilicet, quod talis productio fiat dependenter ab obiecto: Quia species est virtus obiecti, & per diffusionem suæ virtutis addita luce adiuuante, & multoties ipsa potentia, vt suo loco dicitur, exercet hanc vim pro-

ductiuam: quare in quacunque potentia species à specie producitur dependenter ab obiecto vel actualiter, vel originaliter.

OBIECTES primò: Species est representatiua rei, à qua procedit, sed omnes species representant obiectum: ergo à solo obiecto procedunt.

RESPONDETVR à solo obiecto dependere vt à causa principali, non vt à causa instrumentali, quales sunt species, quæ sunt virtutes obiecti.

OBIECTES secundò: Si species speciem posset producere, eam produceret eo modo, quo ipsa ab obiecto producitur, scilicet versus omnem partem medij, & loci, sicque obiectum extra cubiculum, eiusque fenestram existens posset videri in quocunque angulo cubiculi, quod est contra experientiam. Et Confirmatur, quia S. Bonauent. comparat productionem specierum productioni luminis, quod extenditur in cubiculo versus omnem partem.

RESPONDETVR concessa Maiori, scilicet species produci versus omnem partem, negatur sequela Minoris; quod obiectum tale possit videri in quocunque angulo cubiculi, eo quia obiectum licet de se producat speciem versus omnem partem, non tamen vt obiectum visus: sic enim vt tale multiplicat species per lineam rectam, seu, vt dicit S. Bonau. lib. 4. distinct. 10. part. 2. art. 2. quest. 2. fund. 4. secundum triangularem directionem, licet non cum omnimoda rectitudine, vt aduertit cum Tolero quest. 34. Ruuius: & idem non sequitur, &c. Et ad Confirmationem ex S. Doct. comparisonem fieri inter lucem, & species quoad principium

cipium originale, & quoad diffusionem, non quoad virtutem: est enim maior incomparabiliter in luce: vnde potest lux ab extra adueniens extendi per totum in cubiculo, non sic species: lux enim, ait Seraph. Doct. lib. 2. dist. 13. *quest. ult.*, habet non solum esse intentionale, sed etiam aliquo modo naturale.

DICES: Species in medio est separata ab obiecto: ergo ab eo independententer operatur.

RESPONDETUR esse separatam, sed tamen est virtus, & cum ipsa est lux, & virtus obiecti, &c. Sed ut hæc dicta melius intelligantur, & ut plenè satisfiat titulo quæstionis propositæ; aliqua dubia proponuntur, & solvuntur.

371. QVÆRES primò: An hæc diffusio specierum sit successiua, an instantanea.

RESPONDETUR eo modo, quo S. Bonavent. lib. 1. dist. 37. *part. 2. quest. ult. ad 1.* respondet simili quæsito de radio, quod applicat etiam speciei locis citatis, nempe posse dici utrumque probabiliter, & primò, quod fiat diffusio successiue, sed tamen in tempore imperceptibili: secundò, quod fiat instantaneè eo, quia iste motus non est localis purè, sed est diffusionis, qui est generatio: lux enim simul est, & simul lucet: sic obiectum simul est, & simul generat idolum: Subdit: vnde si simul esset homo, & simul generaret, in primo instanti fuisset totus mundus plenus hominibus.

372. QVÆRES secundò: An quodlibet obiectum producat speciem suam. Et dubitatio est non de sensibili per se proprio: certum enim est ex traditis producere proprias species: sed procedit primò de sub-

stantia, secundò de sensibilibus communibus: Et quoad substantiam communiter negatur ipsam producere propriam speciem: licet Coniunbric. 3. *de an. cap. 5. quest. 5. art. 1.* & Aliqui Thomistæ asserant cogitativam potentiam, statim ac recipit speciem sensibilem, erueret etiam speciem substantiæ ibi latentem. Quoad sensibile commune Aliqui negant: Alij affirmant apud Mæstrium *diff. 4. num. 59.* Hinc

RESPONDETUR primò substantiam immittere propriam speciem, quod infertur ex doctrina Seraphica suprà allatà ex *Serm. 11. Hexaem. ex eo*, quod qualibet res corporea habet innatam vim fecunditatis, qua potest generare similitudinem sui, ergo & substantia. Verum quidem est, quod sensus non percipit nisi sensibilibus species, ut notat Seraph. Doct. lib. 2. dist. 10. *artic. 7. quest. 1. in corp.* attamen licet non percipiatur à sensibus nisi species accidentium, cùm talibus speciebus deferuntur etià species substantiæ ad sensus internos, & deinde ad intellectum, hincque appellat S. Doct. hanc specierum generationem mirabilem: idque etiam asseritur à Iacello lib. 7. *Metaph. quest. 3. versus finem.* Soncin. lib. 7. *Metaph. quest. 14.* & est opinio Plurium Thomist. inclinat Anton. Andr. 7. *Met. quest. 4. in resp. ad ult. argum.* Iandun. lib. 1. *quest. 10. de an.* Abulens. in *Matth. cap. 25. q. 608.* Caiet. 3. *part. quest. 76. artic. 7.* Ferrar. lib. 3. *quest. 3.* Appollinar. *quest. 12.* Auver. 2. *de an. com. 63.* D. Thom. *de veritat. quest. 10. art. 5. & lib. 2. Post. text. 27. & op. 29.*

RATIO potissima est, quia intellectus, si intelligeret substantiam per species accidentium, nullam substantiam

tiam, cognosceret quidditatiuè, & perfectè: cognitio enim quidditatiua est solum perfectè per vnionem rei, vel propriæ speciei cum potentia: idque maximè est verum de cognitione intellectuua, licet etiam ab Aliquibus apud Conimbric. cit. extendatur etiam ad cognituiam potentiam sensitiuam. Vide, quæ infra traduntur à mm. 544.

OBIECIES cum Meldul. *disp. 4. mm. 57.* Quod sequeretur Mysterium Eucharistis posse naturaliter cognosci, quod est falsum.

PROBATVR sequela, quia in tali casu non erueretur species substantiæ, quæ ibi non adest, sicque cognosceretur ab intellectu ibi non adesse substantiam.

RESPONDETUR negando sequelam: Et ad probationem Respondetur, quod quantitas, cum ibi acquirat quoddam esse per se proprium substantiæ, etiam transmittit speciem proportionatam substantiæ, in quo natura indicat ibi esse substantiam, quæ cognitio postea corrigitur à fide, &c. Vide S. Bonau. *lib. 4. dist. 12. part. 1. art. 2. quest. 3. ad vltim.*

OBIECIES secundò: Sensus externi sunt portæ, per quas intrat in animam, quicquid cognoscitur, sed non percipiunt speciem substantiæ: ergo nec per ipsos intrant species ipsius.

RESPONDETUR concedendo Maiorem, & negando, quod per ipsos non intrent species substantiæ, sed inuolutæ speciebus accidentium, & quia sensus externi non habent capacitatem talis perceptionis: hinc remittitur earum perceptio ad potentias capaces. Vide S. Bonauent. *lib. 4. distinct. 10. part. 2. art. 2. quest. 2. ad 2. & quest. 1. ad 1.*

373. QVOD ad sensibilia communia. P. BARS. de Castrovieiro Phil. P. III.

nia, an immittant proprias species: Multi negant, vt Cardin. de Lugo *tom. de Euchar. disp. 5. sect. 4.* Bonalpes, Aliique plures: Alij affirmant, nempe plures Thomistæ, & Scotistæ apud Arriag. *d. 6. sect. 1. subsec. 2. n. 66.* Discrepant tamen inter se: nam Aliqui admittunt duas species realiter distinctas emitti, scilicet ab obiecto proprio, & à communi: Alij dicunt emitti speciem sensibilibis proprij, sed modificatam à situ, figura, &c. eo modo, quo est obiectum modificatum, & idem immittuntur duæ species per modum vnus: & hanc existimo conformem sensui Seraph. Doct. nam *lib. 2. dist. 3. part. 2. art. 2. quest. 1. in corp.* docet figuram emittere speciem cum numero: vnde tres figuræ tres emittunt species cum speciebus numericè distinctis, & *lib. 1. distinct. 3. part. 2. art. 1. quest. 1. ad 2.* docet, quod Imago rei corporalis, & sensibilibis repræsentat rem secundum exteriorem dispositionem: idem *lib. 2. distinct. 16. artic. 1. quest. 1. ad 4. & lib. 2. dist. 8. part. 1. dub. 3.* docet sensus corporales non posse aliquid percipere, nisi percipiatur etiam extensio quantitatis: & *lib. 4. dist. 10. part. 2. art. 2. quest. 2. in corp.* dicens, quod visus non abstrahit à quantitate, quia est de ratione sensatorum, & percipere habeat corpus secundum modum existendi corporalem: ergo ad mentem Seraph. Doct. cum quolibet res habeat vim generatiuam suæ similitudinis ex supra traditis, & cum percipiatur à sensu cum tali modificatione, nempe secundum modum existendi corporaliter, sequitur, quod ambas species percipiat sensus per modum vnus.

PROBATVR autem, quia sensus non percipit obiectum vt abstractum.

T c

etum, verbi gratiâ, colorem vt abstractum, sed in concreto secundum proprium modum, quem habent in re: ergo secundum modificationes, quas habet à sensibilibus communibus, sed non immutant talia obiecta, nisi eo modo, quo percipiuntur: ergo per modum vnius immutant sensus. Tum quia sensibilia communia non sunt obiecta primaria sensuum, & consequenter nec separata à propriis sunt immutatiua sensuum, sed vt aliquid eorum sunt & ipsis naturaliter coniuncta: ergo nec possunt imprimere speciem sui in sensu, nisi præsuppositâ immutatione facta à proprio sensibili, sed nec propria possunt immutare, nisi secundum modum existendi naturaliter, idest vt determinata, & modificata à communibus: ergo neutrum per se, sed tantum ambo simul possunt producere species per modum vnius.

DICES: Potest sensibile commune absque proprio immutare sensum: ergo per se speciem immittit.

PROBATVR antecedens à Calet. Cælum nullum sensibile proprium habet, & tamen si quis tangeret ipsum manu, tactus immutaretur: ergo.

RVVIVS respondet, quod non posset fieri immutatio ex defectu qualitatium sensibilibus propriarum: Sed Nos cum Seraph. Doct. Respondemus Cælus immittere proprias species, & ipsorum sensibilia communia, habereque etiam propria sensibilia, verbi gratiâ, raritatem, densitatem, obidque talis tactus, licet non esset consimilis his inferioribus, tamen & posset fieri. Tum etiam quia esset tactus præternaturalis.

DICES secundò: Aliquando visus fuit Christus in specie pueri in

hostia, & tamen est ibi indiuisibiliter: ergo falsum est exigi sensibile commune ad sensationem.

RESPONDET S. Bonavent. lib. 4. dist. 10. cit. quest. 2. in corp. negando ibi videri Christum, sicuti est in hostia: sed id, quod videtur, est secundum apparentiam per corpus assumptum, vel alio modo, de quo aliâs, &c. Immo ex hoc confirmatur nostra Conclusio, nempe non posse percipi sensibile proprium absque sensibili communi, & hoc est fundamentum communis Sententiæ asserentis non posse videri Corpus Christi, prout est in Sacramento Eucharistiæ: est enim ibi corpus indiuisibili modo: at quicquid videtur oculo corporeo; debet videri diuisibili modo, scilicet cum extensione: de quo in Theologia est Sermo: Alens tamen iudicat id posse fieri de potentia Dei absoluta, Beatamque Virginem vidisse Christum tali modo.

374. QVÆRES tertid; Quodnam propriè sit subiectum deferens species ad potentias internas.

RESPONDETVR ex Seraph. Doct. lib. 2. dist. 8. part. 1. art. 3. q. 2. ad ult. quod species diffunduntur per generationem per medium, & recipiuntur in potentiâ, prout dicit quid constitutum completè ex parte illa organica, & animæ facultate, licet receptio sit principaliter ratione organi: Sic & Scotus apud Meldul. dist. 4. num. 46. tale enim compositum est subiectum proportionatum ad immutandum potentiam, & faciendam sensationem.

ADDIMVS ex tali organo deinde multiplicari, & diffundi ad potentias internas, vel per nervos, vel quod est probabilius, per spiritus animales, seu vitales, vt volunt plures cum Auerſa,

Auerſa, quia, vt dicit Seraph. Doct. in *Opusc. de rednc. artium post initium* Spiritus sensibilis naturam luminis habet, & in neruis viget, quorum natura est clara, & perua, & multiplicatur in istis quinque sensibus secundum maiorem, vel minorem deperationem, à quibus fit apprehensio per speciem proportionatam vnique. Et probatur, quia spiritus sunt in continua agitatione, & ex varia agitatione ipsorum variae excitantur sensationes in nobis: ergo & ipsi spiritus sunt medium deferens.

## QVÆSTIO VI.

*An Species sint diuisibiles: an indiuisibiles.*

375. QVÆSTIO hæc inferuire debet pro complemento quæstionis præcedentis de causis specierum: Quærimus enim, quo pacto producantur species, scilicet an diuisibiliter, an indiuisibiliter: & quia diuisibilitas alia est extensua, alia intensua, de vtraque procedit quæstio: sed cum species aliarum sint sensibiles, seu propriæ sensuum, aliarum intellectuales, quia quicquid recipitur, per modum recipientis recipitur, idem certum est species sensibiles, quæ recipiuntur in sensibus, esse extensas in subiecto, quod informant, & afficiunt: intellectuales verò esse indiuisibiles: & de hoc non procedit difficultas: Sed quia species habent esse representatiuum obiecti: Quæritur, an habeant diuisibilitatem, vel indiuisibilitatem obiectiuam, ita quod tota species totum obiectum representet,

& quælibet pars partem, vel totum obiectum. Præterea, quia obiectum est receptiuum plurium graduum qualitatis in eadem parte, Quæritur, an etiam species sit capax talis intentionis in representando.

PRIMA Opinio negat diuisibilitatem omnem speciei: obiectiuam quidem indiuisibilitatem sustinent Conimbric. *hic quæst. 6. art. 2.* Tolet. Bannez, Aliique plures: Intensiuam Alij apud Ruu.

SECUNDA Opinio tribuit vtraque diuisibilitatem speciei: Sic Suar. *de an. 3. cap. 2.* Hurtad. Arriag. Cauel. Ruuius, Meld. & Alij: & est S. D. *infra citat.* Pro solutione quæstionis

PRIMò Notandum, quod effectus prouenientes à sua causa duplici modo se habent ad causam, sicut & duplex est causa agens: alia per modum naturæ puræ: alia per modum exemplaris, & artis: vnde effectus alij habent tantum rationem effectus: alij & superaddunt rationem imaginis: primi generis effectus, qui continentur in virtute suæ causæ, ab eadem producuntur, ita vt totus effectus à tota causa, & à qualibet parte causæ, cum in qualibet parte adsit virtus eiusdem effectus productiua, sic ignis producitur non solum à parte ignis immediatè tangente passum, sed & ab alia comparte remotiori, & intrinseca, quia totus ille ignis agit vt vnum agens media virtute à toto igne proueniente. Effectus verò secundi generis ita continentur in virtute suæ causæ, nempe obiecti, vt ad ipsam representandam determinantur non solum in specie, sed & in indiuiduo, & secundum omnes suas circumsstantias exteriores, & indiuiduales: vnde ad ipsum efficiendum concurrunt omnes

T t 2 partes

partes causæ secundum concursum partialem, eo quia diuersas circumstantias habent in se peculiares, & indiuiduales. Et hinc oritur discrimen inter species sensibiles, & intellectuales: illæ enim, (ait S. Bonauent. lib. 1. *distinct.* 3. *part.* 2. *art.* 1. *quest.* 1. ad 2. & lib. 2. *dist.* 16. *art.* 1. *quest.* 1. ad 4.) debent repræsentare obiectum secundum dispositiones exteriores, præcipueque secundum extensionem molis, istæ tantum secundum intimitatem, & essentialia: vnde vtraque habet rationem repræsentatiuam diuisibilem, sed differenti modo.

376. SECUNDO Notandum, quod omne agens in agendo agit sphericè in medium, dummodò non sit impeditum, in quo casu agit hemisphericè, obidque medium se habet ad instar puncti in medio collocatum: Ex quo sequitur, quod in quolibet puncto adsunt species omnium partium obiecti, dummodò ab illis partibus possit duci linea recta: id patet experientia: quia in quolibet puncto medij non vna pars sola, sed omnes partes obiecti videntur, in quo obiecto, si partes sunt vnitæ, etiam species erunt vnitæ, si diuisæ, vel sint plura obiecta, tunc species erunt diuisæ, inconfusæ, & distinctæ in eodem medio, & idè etiam si subiectiuè, nullam haberent extensionem: obiectiuè tamen ipsam habent: His positis sit

377. PRIMA CONCLUSIO: Species sensibiles diuisibiliter, & extensiuo modo producuntur ab obiecto, & ipsum repræsentant diuisibiliter: Est S. Bonauent. qui lib. 2. *distinct.* 23. *art.* 2. *quest.* 2. *argum.* 5. ad *oppos.* notat id, quod patet experientia, scilicet, quicquid videtur,

videtur sub angulo, & quantò à remotiori aliquid videtur, tantò minorem generat speciem, & videtur sub angulo acutiori: ex quo sequitur, quod repræsentat etiam: Idem & sustinere debet, dum comparat productionem specierum productioni luminis per medium ex lib. 2. *dist.* 13. *quest.* ultim. & præult.

PROBATVR primò experientia allata à cit. Authore: Si in præsentia alicuius augeatur obiectum per nouam rem extensam successiuè additam, tunc patet etiam superaddi nouam partem speciei, non totam speciem, alioquin repræsentaret obiectum differenti modo, ac est: quodque patet magis, si obiectum sit heterogeneum, & constans diuersis coloribus.

DICES, in tali casu corrumpi priorem speciem, & denudè produci nouam cum illa parte superaddita: Sed

CONTRA: Quia hoc est gratis dictum & absque vlla ratione, cum species sensibilis ab obiecto præsentate dependeat in esse, & in conseruari, solumque deperditur ad remotionem eiusdem obiecti: ergo si non remouetur obiectum, nec species corrumpitur.

OBIECTES primò: Lumen producitur à corpore luminoso ita, quod totum per modum vnius agentis, & singulæ partes ad ipsum concurrunt: ergo quælibet pars luminis dependet à toto, & totum lumen à quilibet parte: ergo & producitur indiuisibiliter: sed lumen est species lucis, ergo & cæteræ species.

378. RESPONDETUR primò, transeat Maior, & distinguendo Min. lumen est species lucis purè intentionalis, nego, partim naturalis sensibilis, & partim intentionalis, couce



concedo : Hinc negatur paritas de cæteris speciebus : nam lumen producitur à corpore luminoso per modum agentis naturalis , species per modum imaginis : vnde tota species à toto obiecto , & pars à parte producitur, vt dictum est in 1. *Notabz*

RESPONDETUR secundò negando absolutè Maiorem : nam oppositum patet experientia : vt si corpus luminosum sit partim emittens lucem per vitrum coloratum , partim absque vitro colorato, tunc medietas lucis erit colorata , & altera non : ergo signum est produci diuisibiliter ex hoc , quod est species lucis.

OBIECTIS secundò : Multa grana minuta simul coniuncta videntur , quæ seorsim non viderentur : ergo simul concurrunt per modum vnius agentis indiuisibilis.

RESPONDET Seraph. Doctor lib. 2. dist. 13. *quest. ultim. ad argum.* negando illa obiecta concurrere per modum vnius agentis indiuisibilis, cum habeant propriam distinctionem ex suo originali principio , & ob id in medio remanent inconfusa, & indistincta , & si quodlibet illorum corpusculorum seorsim non videretur , id prouenit ex debilitate potentie , quæ , vt notat Seraph. Doct. lib. 2. dist. 8. *part. 1. art. 3. quest. 2. ad 5.* est virtutis limitatæ, nec potest cognoscere in quantacunque distantia : Verum tamen est vnam speciem in potentia coadiuuare aliam eo modo, quo plures trahunt nauim, & plura lumina melius videntur in aëre.

OBIECTIS tertid : Si plures species simul sunt inconfusæ in eodem puncto : ergo dabitur penetratio ipsa-

rum inter se , quod videtur impossibile , verbi gratiâ , repetiri tot species in oculo , quot in maximo monte. Tum quia deberent repræsentare obiecta varia in eodem situ.

RESPONDETUR concedendo hanc penetrationem : non enim sunt corpora, sed accidentia intentionalia, ob idque nec faciunt molem vnam, sed cum ipsorum esse , & distinctio dependeat à suo principio, nempe ab obiecto : hinc cum hac penetratione seruant suum proprium statum repræsentatiuum obiecti secundum situm , & alias circumstantias proportionatas : ratio est , quam adducit Seraph. Doct. lib. 1. dist. 37. *p. rt. 2. quest. ultim. in corp.* quia species in organo, seu potentia non habent situm, vel ordinem secundum situm, sed æqualiter sunt præsentæ aspectui, idcò possunt esse in anima absque confusione , & compenetratio-

379. SECUNDA CONCLUSIO : Species sunt etiam diuisibiles secundum intensionem : Est S. Bonavent. lib. 2. dist. 23. *cit.* & communior Ruuij, Meldul. *cit.* &c.

RATIO potissima est , quia cum virtus obiecti sit limitata, etiam limitatè agit , scilicet vniformiter difformiter : & hinc in maiori distantia emittit speciem remissioiorem in repræsentando obiectum : quæ omnia patent experientia : sed hic est notandum ex Ruuij hic *num. 110.* quod intensio hæc potest intelligi dupliciter : primò , quatenus potest repræsentare plures , vel pauciores gradus intensionis obiecti : secundò ex eo, quod eisdem potest repræsentare magis , vel minus perfectè , & vtræque est duplex , scilicet vel formalis, vel virtualis : prima est , quam ha-

bent qualitates sensibiles per additionem graduum, quam & habent species ipsos gradus representantes, verbi gratiâ, 3. 4. vel plurium graduum albedinis: Secunda est perfectio essentialis, & entitativa, quam habet in se obiectum ex propria natura quantumlibet indivisibili, quam S. Bonavent. lib. 3. distinct. 14. quæst. 1. appellat quantitatem virtutis, secundum quam magis, vel minus clarè potest percipi à potentia, quæ circa illud versatur, & hæc est, quæ est in Divina Essentia à Beatis magis, vel minus percepta clarè, estque virtualis in obiecto, & formalis in intellectu actu illud videnti: & hinc cum ipsa Essentia Divina sit infinite intensa virtualiter, idè non potest comprehendì ab intellectu creato, in quo datur gradualis latitudo: Modò ad rem dicimus: aliqua obiecta habent ytranque intensiorem, nempe gradualem latitudinem qualitatum, scilicet quatenus habent tot gradus qualitatum, & quatenus sunt perceptibiles secundum magis, vel minus: alia virtutalem tantum, scilicet quæ gradualis latitudine caret in propria entitate, ut sunt sensibilia communia, magnitudo, numerus, & figura: utraque tamen causant in specie formalem intensiorem, obidque & divisibilitatem intensivam.

**OBJECIES** primò: Dantur sensibilia communia carentia intensiorem: ergo & earum species.

**RESPONDETUR** catere formali, non verò virtuali intensiorem: hinc ex traditis negatur Consequentia.

380. **QVÆRES**: Undenam oritur intensio in speciebus.

**RESPONDETUR**, quod intensio formalis specierum exteriorum

sensum oritur ex ipsa qualitate intensa: Virtualis ex maiori vicinitate, & clariori perceptione obiecti, quæ etiam in statu innocentie adfuisse, (ait S. Bonau. lib. 2. dist. 23. cit.) sed absque periculo deceptionis, ut evenit in nobis. Quoad actus internos Dicimus augeri, & intendi ex iteratis actibus, quando præcipuè abstrahunt à quibusdam circumstantiis loci, figuræ: ut de se patet ex repetita recordatione: Si verò species non ita abstrahunt à talibus circumstantiis, sed illas representant clarè, tunc & novæ generantur, quarum concursu etiam priores intenduntur: Idque patet experientia: cum enim sæpè repetitur lectio, vel concio, melius memoriæ mandatur, & in dies clariùs nova veritas percipitur per acquisitionem novarum specierum, & intensiorem habitus, ad quarum speciem obiectum relucens in specie concurret cum specie, & potentia ad producendam novam speciem.

**DICES**, talem facilitatem evenire non ex intentione specierum, sed beneficio habitus generati ex frequentatione actuum.

**RESPONDETUR** habitum inservire ad faciùs opetandum, simulque intensius: Species verò ad clariùs, & distinctius cognoscendum: Ratio est, ut notat Seraph. Doct. lib. 3. distinct. 14. art. 2. quæst. 3. ad ult. & in Opusc. de reduc. artium §. Videamus ergo, &c. quia species, cum vnitur potentie, ex eo quod reddit obiectum præsens, facit ad actualem cognitionem: habitus verò non reddit ipsum obiectum præsens, sed reddit potentiam facilem ad actum: unde inferit lib. 2. dist. 23. art. 2. quæst. 1. in corp. quod Adam in cognitione pro-

licere

ficere poterat quantum ad maiorem habilitationem, & promptitudinem, seu facilitatem iudicandi de rebus, quarum cognitionem habebat per habitum, seu species innatas.

## QVÆSTIO VII.

*De Concursu Specierum Sensibilium cum sensibus: Vbi de muneribus specierum sensibilium.*

381. **I**N hac Quæstione consequenter quæritur; an species effectiue concurrant ad actus vitales; an verò materialiter tantum, scilicet dispositiue; excitatiueque, vel solum determinando potentiam ad talem actum.

PRIMA Opinio est Iavelli 3. de an. quæst. 4. Toleti 2. de an. quæst. 12. Zabari. lib. de sensu agente cap. 8. & 9. qui negant aliquam coactiuitatem habere species cum sensibus, sed docent se habere ad potentias tantum materialiter, & excitatiue, vel determinatiue.

SECUNDA est communis apud Scotistas ferè omnes species internas effectiue concurrere ad sensationem internam tantum: externas verò solum ut effectus præuios ab obiectis emanare: non verò actiue concurrere cum sensibus externis, sed sufficere obiecta præsentia, hæcque immediate concurrere ad has cognitiones intuitivas: Sic Tatar. Bassol. Mairon. Aliique apud Meldul. disputat. 4. sum. 102.

TERTIA Sententia est communis Aliorum tribuentium omnibus speciebus concursum actiuum cum quacunque potentia siue externa, siue

interna ad actus vitales: & est Se-raph. Doct. infra citat. Cap. 1. Aliorumque plurium: Pro solutione

382. PRIMò Notandum, quod cum Omnes fateantur species immiti ab obiecto in potentiam, eisdemque vniti, est maxima difficultas, qualis sit ista vnio: Thomistæ, vt Complut. hic Ioan. à S. Thom. q. 6. art. 3. Aliique, vt defendant cum D. Thoma propositionem Commentatoris dicentis ex potentia, & specie magis fieri vnum, quàm ex materia, & forma, licet illa vnio sit accidentalis, ista substantialis, distinguunt de specie: vel enim sumitur entitatiue, & materialiter, & sic est accidens inherens potentia: vel sumitur formaliter, id est secundum esse intelligibile, & representatiuum, & sic vnitur potentia absque dependentia à potentia: sic enim dicit quidditatem obiecti specificans ipsam potentiam, & determinans ipsam trahendo ad se, siue ad obiectum, ipsumque in idem obiectum transformando quoad esse representatiuum, in quo sensu verificatur dicta propositio Comment. nempe, quod magis fiant vnum potentia, & species, quàm materia, & forma: istæ enim duæ entitates non transformantur mutuò inter se; sicut potentia transformatur in obiectum quoad esse representatiuum per speciem: quæ doctrina patitur maximas difficultates, & præcipue quia non est intelligibile, quod eadem species, quæ entitatiue est accidens, sit substantia obiecti, & quomodo trahat potentiam ad identitatem realem. Tum quia licet potentia dicatur intentionaliter transformata in obiectum, quando attingit illud medio actu cognitionis, tamen hæc transforma-

tio non est vera per transitum verum potentia in entitatem obiecti, & per veram identitatem, vt satis de se patet. Vide Meldul. *disputat.* 4. *num.* 51.

383. SECUNDò Notandum, quod in vniuersum triplex vnio, seu conuenientia potest hic considerari, quantum ad præsentem materiam spectat: alia scilicet commensurationis, seu adæquationis: alia participationis alicuius communis, seu tertiæ entitatis, & alia ordinis: Sic Seraph. Doct. *lib.* 3. *dist.* 14. *art.* 1. *quest.* 3. & *lib.* 2. *dist.* 16. *quest.* 1. *ad.* 2. Prima est in entitate, seu quantitate: Secunda in vniuocatione duorum in tertio: & tertia est, quando vnum ordinatur ad aliud: prima, & secunda certum est non inesse inter speciem, & potentiam: sed est tertia vnio, quæ ab eodem Seraph. Doct. *ibid.* *lib.* 3. *quest.* 1. *ad.* 2. dicitur vnio per modum cognoscentis, quatenus potentia informatur specie, & ipsum actuatur in ordine cognoscituum completo, nempe per quam ponitur in actu primo, & per speciem expressam receptam in potentia ponitur in actu secundo completo: Idque magis explicat *lib.* 2. *dist.* 26. *art.* 1. *quest.* 1. *ad.* 2. dicens, quod talis conuenientia ordinis non dicit communicantiam in tertio, sed similitudinem vnus ad alterum: & *lib.* 2. *dist.* 18. *art.* 2. *quest.* 1. *ad.* 5. species, quæ vnitur potentia, habet comparisonem ad potentiam, in qua est, ad obiectum, ad quod est, & quod repræsentat: hinc sequitur, quod cum species sit similitudo virtualis obiecti, ratioque cognoscendi ipsi potentia, cum ipsi potentia imprimitur, tunc potentia ponitur in actu primo secundum rationem exprimendi, vt loquitur Seraph. Doct.

*lib.* 1. *dist.* 39. *quest.* 1. *ad.* 4. seu in esse repræsentatiuo, & cum additur actus secundus, tunc superadditur locutio, seu species expressa.

384. TERTIò Notandum, quod hæc vnio per conuenientiam ordinis importat duo: vnum est ipsa assimilatio potentia cum obiecto in actu primo; aliud est constitutio ex potentia, & specie vnus totalis causæ, quod tamen sano modo intelligendum est: Nam potentia, & species concurrunt quidem ad actum cognitionis, non tamen quasi singula sint principium parziale ad partiales effectus, vt sunt plures portantes pondus, sed ambæ agunt cum subordinatione mutua; non quod species agat in animam, nec è conuerso, sed quælibet habet suam propriam actiuitatem, & ambæ conueniunt in vnicam integram rationem formalem principij, vt euenit in Patre, & Matre respectu Filij: quæ exempla afferuntur à Seraph. Doct. in simili *lib.* 2. *dist.* 25. *part.* 1. *art.* 1. *quest.* 3. *in corp.* & *ad ult.* & *quest.* 5. & dicuntur partialitate causæ, totalisque totalitate effectus: totum enim attingitur ab vtraque cum dependentia mutua, ita quod vitalitas actus ipsi inest ratione potentia: determinatio verò potentia, & assimilatio cum obiecto inest ratione speciei: quæ duæ rationes constituunt vnum principium totale adæquatum. His positis ponitur

385. PRIMA CONCLUSIO: Ex potentia, & obiecto mediante specie fit vnum vnitate tantum ordinis, & in esse repræsentatiuo, seu intelligibili: non verò per transformationem, vel identificationem, vt volunt Thomistæ: Est S. Bonauent.

cit. Scoti, Aliorumque apud Meld.  
disp. 4. num. 51.

PROBATVR : Quia nulla alia  
vnitas potest assignari, & maximè  
transformatiua Thomistarum : ergo.

PROBATVR antecedens : Quia  
nec vnitas naturæ communis potest  
eis inesse, vt de se patet, cum obie-  
ctum, & species sint differentis ge-  
neris : nec transformatiua, & iden-  
tificationis, quia quæ sunt separabi-  
lia actu, ad inuicem non habent iden-  
tificationem realem : ergo erit tantum  
vnio ordinis.

PROBATVR secundò : Quia in-  
tantum vniantur, inquantum habent  
constituere vnā causam rotalem  
completam ex pluribus concausis :  
sed ad id non est necessaria vnio ali-  
qua Physica, vt per se patet in pluri-  
bus portantibus idem pondus, in ge-  
neratione proles ex Patre, & Matre ex  
S. Bonauent. lib. 2. distinct. 25. citat.  
ergo.

OBIECTES ex Auer. Magis sunt  
vnum potentia, & obiectum, quam  
materia, & forma : sed materia, &  
forma non sunt vnum per transfor-  
mationem : ergo si maior vnio est  
illa, illa erit identificationis.

RESPONDETUR talem propo-  
sitionem esse falsam absolute loquen-  
do : licet possit explicari metapho-  
rice, nempe quoad assimilationem  
intentionalem factam in potentia res-  
pectu obiecti : quod dictum tamen  
magis verificatur de specie expressa,  
quam impressa : illa enim est inten-  
tionalis formalis similitudo : hæc  
verò virtualis tantum.

386. SECUNDA CONCLUSIO :  
Species tam externæ, quam internæ  
effectiue concurrunt ad actum vita-  
lem sensationis : Est S. Bonauent.  
suprà cit. & lib. 4. distinct. 49. part. 2.

R. P. Bart. de Castro, Phil. P. III.

art. 3. quæst. 1. in corp. vbi ait, quod  
posse sentire est ex coniunctione po-  
tentia cum organo bene disposito :  
sentire verò est ex cōiunctione ipsius  
cum obiecto : quæ vnio non est ipsius  
obiecti entitatiue, sed suæ speciei  
ex quæst. 2. ibid. in fine corp. & ad 1.  
ergo coniunctio potentia cum spe-  
cie est causa actualis sensationis :  
Idem apertè docet lib. 3. distinct. 14.  
art. 2. quæst. 1. vbi excipit tantum co-  
gnitionem, quæ habetur ab anima  
Christi mediante cognitione Verbi  
Diuini : Idem & in Itiner. ment. c. 2.  
vbi docet speciem esse virtutem ob-  
iecti concurrentem cum potentia,  
ipsamque speciem sæpè appellat ra-  
tionem cognoscendi.

PROBATVR secundò ratione :  
Potentia de se non est principium  
sufficiens, & completum ad elicien-  
dum actum : ergo necessariò exigitur  
concurfus actiuus obiecti per spe-  
ciem : Antecedens conceditur ab  
Aduersariis : & ratio est, quia si non  
requireretur species obiecti, potentia  
posset tendere in quodcunque ob-  
iectum siue præsens, siue absens, &  
quocunque tempore, quod est fal-  
sum.

RESPONDENT tamen requiri  
speciem, vel obiectum vt conditio-  
nem sine qua non : non verò vt com-  
principium.

CONTRA, & simul probatur Con-  
sequentia : Quia conditio sine qua  
non non potest assimilare potentiam  
cum effectu : sed species assimilat po-  
tentiam cum obiecto : agens enim  
semper intendit assimilare sibi effec-  
tum, & principium efficiens est  
principium distinguendi, & assimi-  
landi, vt patet in Patre, & Matre :  
ergo causalitas tribuenda est speciei  
in productione sensationis : Tum  
etiam

etiam quia si non concurreret species actiue, omnes sensationes essent eiusdem rationis, & perfectionis, posset & potentia producere actum etiam, quando adest impedimentum inter ipsam, & obiectum, quando est absens, & quando de illo nunquam habuit speciem.

PROBATVR tertio peculiari-  
ter de specie externa ex D. August. 11.  
de *Trinit. cap. 5.* ubi in actu visionis  
appellat speciem quasi parentem pro-  
lis. Tum quia si species externa non  
concurreret actiue, sequeretur, quod  
etiam per spatium vacuum posset vi-  
deri obiectum, vel per medium opa-  
cum, & impedimentum.

PROBATVR sequela à Mastro  
cit. num. 105. quia potens agere in  
distanti actione alterius rationis, qua  
agit in medium, si hæc impeditur,  
non ideo cessat agere in distans:  
sic Sol illuminans medium, licet ab  
illuminatione impediatur ob opaci-  
tatem, non tamen cessat agere in  
subterraneas partes terræ: ergo licet  
obiectum non possit immittere spe-  
ciem ob impedimentum medij, ad-  
huc posset concurrere ad visionem  
cum potentia actione diuersæ ratio-  
nis: sed hoc est impossibile, ut ait  
Seraph. Doct. lib. 2. *distinct. 13. art. 3.*  
*quest. 1. ad 5.* loquens de luce, &  
simul de Specie, ubi affert Aristot.  
2. de an. text. 66. dicentem, quod per  
vacuum non est videre, & D. Au-  
gust. 12. *Confess. cap. 3.* dicentem,  
ubi lux esset, si esset, nisi su-  
peresset eminendo, & illustran-  
do. Addit Seraph. Doct. quod sen-  
satio non fieret ob præsentiam im-  
pedientis, sed ob absentiam ad-  
iutorij, scilicet speciei. Tum quia  
visio intenditur, & remittitur lux-

ta intentionem, & remissionem  
specietum: ergo signum est ipsas  
concurrere actiue. Tum quia in spe-  
culo videtur res à tergo existens, ad  
quam obiectum immediatè non po-  
test concurrere, sed est species reflexa,  
quæ agit: sic nummus in fundo  
vasis aqua pleni videtur ex certo  
loco, è quo non videretur, si aqua  
non esset: idque evenit ex refractione  
radiorum variante medium, qua  
refractione potest attingere nummus  
potentiam visivam mediante specie,  
quam potentia immediatè non po-  
test attingere. Tum quia ex supra  
traditis species possunt videri: ergo  
immediatè concurrunt. Tum etiam  
quia alioquin species essent omnino  
superflue. Nec valet dici requiri ad  
determinandam, & excitandam po-  
tentiam, & ad producendas species  
in sensibus internis: Non valet,  
inquam, cum potentia posset deter-  
minari à præsentia obiecti, obiectum-  
que posset simul cum potentia media  
sensatione externa producere species  
internas.

387. OBJECIES primò: Co-  
gnitio est actio vitalis: ergo non  
potest procedere à principio non  
vivo, quale est species: alioquin  
effectus excederet in sua perfectione  
causam suam.

RESPONDETUR concedendo  
antecedens, & distinguendo conse-  
quens: Actio vitalis non potest  
procedere à principio non vivo, ut  
à totali, & præcipuo, concedo, ut à  
partiali, & non præcipuo, & simul  
cum vitali, & præcipuo, nego: sic  
Sol, & homo generant hominem: &  
ad illud de perfectione effectus:  
transeat per ordinem ad causam to-  
talem, negatur de partiali. Tum etiam  
quia

quia est falsa illa propositio de causa æquiuoca : quare cum in sensatione, & cognitione duo adsint, scilicet vitalitas actus, & assimilatio cum obiecto : primum principaliter est à potentia : & secundum à specie, sed simul cogentibus ambabus : quod & patet etiam in actibus supernaturalibus, qui sunt vitales, & simul supernaturales, eo quod habitus non vitales concurrunt ad ipsos.

OBIECTES secundò : Potentia in operatione sua iudicat, vt docet Seraph. Doct. lib. 2. dist. 8. art. 3. quest. 2. ad vltim. at species, vel obiectum non habet vim iudicandi : ergo.

RESPONDETUR ex traditis supra negando, quod cognitio, & iudicium formaliter consistat in productione actus, sed consistit in receptione eiusdem actus : producti à dictis duabus concausis simul : cum rentia in obiectum, quæ receptio fit in potentia : quod & infra fusiùs tradetur in tract. de An. rationali.

OBIECTES tertio : In actu cognitionis non adsunt duæ formalitates respondentes duabus formalitatibus potentiae, & speciei : est enim vna simplex actio, maximèque intellectio ; ergo falsum est à specie produci.

RESPONDETUR ex Seraph. Doct. lib. 2. distinct. 24. part. 1. art. 2. quest. 4. ad 4. quod licet cognitio sit simplex, tamen possunt ad eam concurrere plures formalitates antecedentes : non enim tanta vnitas requiritur in causis, quanta in effectu. Tum etiam quia illæ formalitates respicientes duas concausas non tollunt simplicitatem realem actus.

OBIECTES quarto : Ad sensationem requiritur obiectum præsens, sed in sensibus internis non est ob-

iectum præsens : ergo saltem in sensationibus externis sufficit obiectum præsens ; alioquin non differret cognitio intuitiua ab abstractiua : quia species semper requireretur in quacunque sensatione.

388. Hæc obiectio supponit ad cognitionem abstractiuam requiri obiectum relucens in specie, licet absens : ad intuitiuam obiectum præsens : petitque celebrem quætionem, an sensatio externa possit fieri absque obiecto præsentem : Idem & de cognitione intuitiua. Communiter à Nomin. Scotist. & Thomist. sustinetur Sententia negatiua, voluntque id implicare contradictionem. Nos ex Seraph. principiis oppositum sustinemus tum supernaturaliter, tum naturaliter : ira etiam P. Baudunius 2. de an. quest. 22. & 23. Alique apud Ruu. qui idem sustinet supernaturaliter posse fieri : Sic quest. 13.

INFERO hanc Conclusionem primò ex Seraph. Doct. nam in Opusc. de reduc. artium §. Videamus ergo, &c. dicit, quod similitudo, seu species compler potentiam, per quod rendit in obiectum (addit) & licet non semper obiectum ita sentiatur, semper tamen, quantum est de se, gignit similitudinem, cum est in sua perfectione, idest cum potentia haber specieci obiecti : ergo licet immediatè obiectum non sentiatur eo, quia præsens non est, tamen potest sentiri. Ratio autem potissima est ex traditis à Seraph. Doct. in superioribus, quia species dependet intrinsicè à suo originali principio, simulque à virtute ab ipso exeunte, sicut & lux : vnde non implicat etiam naturaliter posse per paruum tempus remanere sensationem existentem absente obiecto, ratione virtutis superadditæ ipsi

speciei: vnde sicut virtus in lapide impressa absente proliente paulatim languescit, sic & species: & est Sententia Aristot. & D. August. apud Ruu. Et Confirmatur, quia obiectum relucet in specie: ergo potest aliquantulum videri etiam in specie, licet imperfectè, quodque magis patebit infra in questione quinta de auditu: auditus enim fit media specie, & tamen sonus verus, realisque tunc non adest, sed non est maior ratio de auditu, quàm de visu: ergo.

PROBATVR & experientia: Quia si quis apertis oculis aspiciat Solem, & postea eos claudat, vel aliundè figat aspectum, vel quando respexit colorem rubrum, etiam ipsum videt per paruum tempus, licet imperfectè, omniaque apparent illius coloris: & si virga ignita velociter in gyrum mouetur, apparet circulus igneus, ubi non est ignis, & baculus apparet fractus in aqua; sic & sunt ludificationes arte necromanthiæ ope Dæmonum per species à Dæmone impressas in potentia absente obiecto: de quo vide S. Bonavent. lib. 2. dist. 8. part. 2. artic. 1. quest. 3. qui id asserit: sic & manna in deserto videbatur habere omnes sapes, qui verè ibi non erant: ergo tales sensationes sunt ratione vel speciei impressæ adhuc durantis, vel ratione speciei expressæ, quæ ibi aliquandiu permancet etiam absente obiecto: tandem quia supernaturaliter nullam video implicantiā: Sic & Suarez lib. 2. in 3. part. diffinit. 53. sect. 4. Conimbr. 2. de an. cap. 6. quest. 3. art. 1. Ruuius 2. de an. tract. de obiecto, & speciebus quest. 13. Molina in part. 1. quest. 55. art. 2. disputat. 2. membr. 5. contra Nom. Aliosque; Deus enim potest supplere per modum efficientiæ de-

pendentiam speciei ab obiecto, vt euenisse creditur in miraculo mannae habentis omnem saporem, sed sapes tam multiplices ibi non erant, sed tamen immutatio fiebat in gustu manducantium virtute specierum ibi existentium sine reali præsentia. Tum etiam quia Deus potest immittere actum vitalem in potentia absque præsentia obiecti, & probabiliter creditur factum esse, quando Iesus visus est in forma pueri, quando apparuit caro in Eucharistia, in quibus casibus (air S. Bonau. lib. 1. dist. 16. art. 1. quest. 2. ad 3.) visus est Christus in signo intentionali: & hinc sumitur ratio efficax, quam innuit S. Bonau. lib. 1. dist. 39. art. 1. quest. 1. ad 3. Ad cognitionem rei requiritur existentia rei, sed hæc potest esse in se, & in sua causa, sicut & in simili, idest in specie expressa: ergo & in specie expressa, vel in actu vitali infuso potest cognosci intuitiue res.

PROBATVR consequentia: Quia idem obiecti præsentia requiritur, vt subministret speciem potentiæ: sed in tali casu adest species formans potentiam, vel sensum: ergo hoc posito poterit elici sensatio absque obiecto præsentè. Tum quia si cognitio rei potest haberi in sensibus internis ipsa re absente, ergo & in externis.

PROBATVR consequentia ex doctrina S. Bonavent. lib. 2. dist. 24. part. 1. art. 2. quest. 4. ad 2. & lib. 3. distinct. 23. dub. 4. quia cum species deferretur à sensu vsque ad imaginationem, non exit genus abstractionis, quæ quidem fuit in sensu particulari: in vtraque enim cognitione concurret abstractio speciei, quæ non differt essentialiter in externis, & internis



internis sensibus: ergo. Idem & docet Valsq. *part. 1. disputat. 38. num. 9.* sed tamen Ioan. à S. Thom. in *Log. quest. 23. art. 2. & de an. quest. 6. art. 4.* negat paritatem: eo quia, (ait ipse,) in sensatione externa loco speciei expressæ requiritur obiectum præsens, non verò in internis, in quibus adest species expressa, in qua videtur obiectum.

**SE** Contra: Quia motio à sensibus externis proueniens fit mediante specie, sicut & in internis: ergo sicut recepta specie interna potest potentia exire in actum, cum sit sufficienter formata in actu primo: idem & omnino currit in sensibus externis.

**AD**FERUNT varias responsiones Aduersarij, vt videre est apud Meldul. *disp. 5. num. 236.* qui omnes istas mutationes redigunt in imaginationem, sed verè non satisfaciunt, cum in tali cognitione non solum videatur obiectum, sed & cum omnibus circumstantiis externis magnitudinis, signæ, distantie, vt experientia parer: nec potest dici prouenire ab imaginatione, in qua talis species est impressa: hæc enim operatorio posset impediri per imperium voluntatis, & tamen verè non potest impediri: Ex quibus Respondetur Obiectioni factæ, concedendo requiri obiectum præsens, sed tamen virtutum potentie mediante specie, vt dictum est: & ad sequelam, quod non differunt cognitio abstractiua, & intuitiua, in sequenti obiectioni respondetur.

389. **O**BIECTIES primò cum Meldul. Quod sequeretur omnem cognitionem esse abstractiuam, & nullam esse intuitiuam, & tamen istæ duæ cognitiones specie differunt per

hoc, quod intuitiua est rei præsentis, & præseñter existentis, vt præsens est: abstractiua est rei absens, vt absens est: sed cognitio externa est intuitiua essentialiter: ergo non potest esse abstractiua: cognitio enim intuitiua dicit respectum transcendentalem ad obiectum præsens, quod & infra de anima intellectiua fusiùs examinabitur.

**R**ESPONDETUR concedendo cognitionem intuitiuam, & abstractiuam non differre essentialiter, sed tantum accidentaliter secundum magis, & minus esse perfectum: conueniunt enim in hoc, quod ambæ sunt abstractiue, quatenus in utraque requiritur abstractio speciei: disconueniunt postea, quod intuitiua, cum magis sit imperfecta in sensibus externis, habet maiorem dependentiam ab obiecto, & exigit præseñtiam obiecti, & si potest intueri obiectum absens, id potest per modicissimum tempus, vt dictum est, & hinc dicitur intuitiua rei existentis: at abstractiua, cum sit perfectior, non habet tantam dependentiam ab obiecto, ob id potest etiam intueri obiectum absente, & destructo obiecto per speciem: & per hoc satisfit obiectioni Meldul. simulque magis confirmatur id, quod est traditum supra, nempe posse potentiam externam percipere obiectum absens saltem per absolutam Dei potentiam, cum dictæ duæ cognitiones non differant nisi accidentaliter: Vide, quæ traduntur à nobis infra *part. 3. tract. 2. quest. 9.*

**D**ICES: Deus non potest exercere defectum causæ formalis, seu materialis: ergo nec supplere informationem speciei.

**R**ESPONDETUR id posse facere  
V V 3 per

per modum efficientis, & influentis eo modo, quo dicitur de lumine gloriæ.

**OBIECTES** secundò cum Io. à S.Thom. Differt cognitio externa ab interna, quod illa est experimentalis, ista omnino abstracta, & in alio: sed experimentalis deducitur ab objecto præfenti, & motione eorum, in quam resoluitur vltimatè omnis sensitiva cognitio extetna: Interna verò est in alio, & adhuc resolvable in experimentalem: ergo cum differant per experimentum, quod essentialiter requiritur, in sensitiva externa requiritur obiectum præfens.

**RESPONDETUR** primò negando differre essentialiter istas duas cognitiones: nam species in vtraque cognitione non exit genus abstractionis, vt docet Seraph. Doct.

**RESPONDETUR** secundò vtrunque esse experimentalem, cum vtraque sit per speciem sensibilem.

**OBIECTES** tertio cum Serbellon. Non potest dari sensatio absque termino: sed species non est talis terminus: est enim id quo, seu virtus obiecti: ergo aliud requiritur: sed non adest obiectum præfens, ergo talis sensatio erit sine termino.

**RESPONDETUR** concedendo Maiorem & distinguendo Minorem: Species non est terminus sensationis, vt species est impressa, & virtus obiecti, concedo: vt similitudo obiecti, & expressa, in qua relucet aliquo modo obiectum, nego: & ad consequens.

**RESPONDETUR** requiri obiectum existens vel in se, vel in specie, concedo: sic negatur consequentia.

390. Ex traditis igitur concludendum est speciem esse necessariam

ad quamlibet sensationem: harum autem specierum necessitas explicatur à Seraph. Doct. lib. 2. *distinct.* 17. art. 1. *quest.* 2. ad 4. & lib. 1. *dist.* 39. art. 1. *quest.* 1. ad 4. & lib. 3. *dist.* 14. art. 1. *quest.* 1. ad 2. & in corp. & *quest.* 3. ad 6. & art. 2. *quest.* 1. ad 1. & 2. & lib. 2. *distinct.* 3. part. 2. art. 2. *quest.* 1. fund. 5. & in corp. & alibi sæpe dicente prouenire ex hoc, quod intellectus de se, cum sit tabula rasa, indiget, ad hoc vt cognoscat obiecta, vt ipsi vniatur, simulque assumitur, sed non potest immediatè ipsis vniri obiectiue: quia in ratione entitatis, & obiecti valdè excedit potentiam, sicque nec potest potentia de se assimilari: igitur exigit aliquid, quod sit similitudo obiecti, geratque vices ipsius, sed talis similitudo est ratio cognoscendi ipsi potentia, sicque habet & actiuitatem per ordinem ad actum. Et hinc patet, quænam sint ipsius munera: sunt enim duo præcipua: Primum est ponere potentiam in actu primo cognitio: Secundum est concursus cum potentia ad actum cognitionis, ad quem ambæ concurrunt, sed dependentia mutua, non quod species agat in potentiam, vel è conuerso, cum potentia non mutuet suam virtutem à specie: sed quia ambæ sunt simul necessariae in exercitio suæ virtutis, quam habent de se in actu primo: Vnde, vt dictum est, sunt partiales partialitate causæ, & totales totalitate effectus: quod & magis explicabitur in tractatu de Anima intellectiua.

QVÆSTIO VIII.

*Expenduntur aliqua de potentiis materialibus, & externis.*

391. **S**UPERVNT aliqua expendenda pro complemento cognitionis exteriorum sensuum, quibus sufficit brevis explicatio, quæ sub unico titulo trademus: suntque sequentia.

PRIMÒ: An sensibile positum supra sensum impediatur sensationem.

SECUNDÒ, An excellens sensibile lædat sensum.

TERTIÒ, An sensus decipi possit in sensatione.

QUARTÒ de sufficientia quinque sensuum exteriorum.

Et circa primum dubium Suarez de an. lib. 3. quæst. 3. Conimbric. 2. de an. cap. 11. quæst. 3. excipiunt gustum, & tactum: Scotus cum suis excipit omnes sensus præter visum, quos volunt curare. DD. impediri in casu posito: Thomistæ apud Ioan. à S. Thom. quæst. 4. art. 3. docent verificari hanc propositionem de omnibus sensibus externis, & eandem existimo Sententiam Seraph. Doct. qui in Opusc. de reduc. artium 6. secundum lumen, &c. ait nullam posse fieri apprehensionem in sensibus externis, nisi per aliquam similitudinem, & convenientiam organi, & obiecti, pro eo quod natura sensus determinata est: Et ibid. 6. videamus ergo, &c. addit: In illuminatione cognitionis sensitiuæ est considerari tria, scilicet cognoscendi medium, cognoscendi exercitium, & cognoscendi oblectamentum: medium cognoscendi est similitudo, seu spe-

cies, quæ egreditur ab obiecto, sicut proles à parente, & hoc generaliter (id est in omni sensatione) realiter, id est per veram immissionem, & generationem speciei (& exemplariter, quæ sit similitudo obiecti) necesse est interuenire in omni sensatione: Illa autem similitudo non facit completionem in actu sentiendi, nisi uniat cum organo, & potentia: Et cum unitur, noua fit perceptio, & per illam perceptionem fit reductio mediante specie in obiectum: & licet non semper obiectum ita sentiat, semper tamen quantum est de se, gignit similitudinem, cum est in sua completionem: Explicat postea alia duo proposita, scilicet exercitium, & oblectamentum cognoscendi sublimissimè, trahitque ad mores torum, quod dicit: Sic & in Itiner. ment. cap. 2.

SED ad rem nostram patet Seraph. Doct. velle, quod omnis sensatio fiat per receptionem speciei, obidque semper exigit aliquod medium, & hinc sensibile positum supra sensum impedit sensationem, cum impediatur medium.

392. ADVERTE tamen ex S. Doct. lib. 4. dist. 49. part. 2. art. 3. quæst. 2. ad ultim. quod duplex est immutatio in sensu: alia naturalis, alia animalis, seu intentionalis, & utraque est vel perfectiua, vel abiectiua, & læsiua: perfectiua est, quando absque læsione potentia, & organum recipit sensationem absque inordinatione, & cum oblectamento (ut docet in Opusc. de reduc. artium cit.) omnis enim sensus suum sensibile conueniens quærit cum desiderio, inuenit cum gaudio, & repetit sine fastidio: Læsiua verò est, quando vel contrum-pitur organum, vel impeditur ab eius exercitio,

exercitio, vel saltem cum difficultate agere potest, vel cum imperfectione: Addit in Itiner. Ment. cap. 2. Intran- hęc sensibilia exteriora per has quinque portas, non per substantias suas, sed per similitudines suas primò generatas in medio, & de medio in organo exteriori, & de hoc in interiori, &c. & tunc delectatur sensus in obiecto per similitudinem abstractam percepto, quando scilicet adest proportionalitas inter obiectum, medium, & potentiam; ita ut non adsit excessus inter receptum, & recipiens: sensus enim tristatur in extremis, & delectatur in mediis: quare in Sententia Seraph. Doct. sensibile supra sensum positum non facit sensationem, scilicet perfectam, licet possit facere læsivam.

PROBATVR autem: Quia ad hoc ut fiat unio inter potentiam, & obiectum, requiritur receptio ipsius obiecti, sed non potest percipi secundum suum esse materiale: alioquin fieret solum immutatio naturalis, & Physica, læsivæque, non vetò intentionalis: ergo per similitudinem, & speciem tantum: & licet aliqui sensus ut gustus, & tactus videantur fieri per applicationem obiecti materialis, tamen sensatio ipsorum tunc ratione talis tactus non fit, sed per receptionem speciei, quæ necessariò immittitur per medium, nempe per carnem coopertam pellucula, ut patebit in sequentibus suo loco, & docet Seraph. Doct. lib. 4. infra cit. Et hinc infert Seraph. Doct. lib. 4. dist. 49. part. 2. art. 3. quest. 1. quod solum sensus visus, & tactus, & forsan etiam auditus erunt in actibus suis in patria, quia adsunt media sufficientia ad immittendas species proprias: non verò cetero-

rum sensuum ob deficientiam medij.

QVOD verò per appositionem sensibilis super sensum fiat immutatio naturalis, & ut plurimum læsiva.

PROBATVR: Quia dum non adest proportio in receptione sensibilis inter obiectum, & potentiam, tunc fit tristatio: organum enim est mixtum ex quatuor elementis cum temperamento, & harmonia: ergo si alteratur tale temperamentum, tunc fit immutatio læsiva: Tum quia species (ait S. Doct. in Itiner. ment. cit.) habet rationem formæ, virtutis, & operationis, secundum quod habet respectum ad principium, à quo emanat, ad medium, ad quod transit, & ad terminum, in quem agit: ergo debet habere proportionalitatem cum potentia, ad hoc ut ipsam informet, repleat eius indigentiam, & inclinationem, & oblectet eandem, ut etiam tradit lib. 4. dist. 49. part. 2. art. 3. quest. 1. ad 3. ergo si excedit improporționaliter, lædet ipsam potentiam: Et hæc quoad primam difficultatem.

393. CIRCA secundam, An excellens sensibile lædat sensum: Serbellon. disp. 2. art. 8. num. 112. dicit Nos valde laborare difficultate in hac questione, nec posse rectè explicare hanc læsionem fieri per species intentionales, quod & ipse facit facillimè eo, quod negat istas species, & pro speciebus docet lucem sufficere, & ob id ex nimia luce lædi sensum visus: in Aliis sensibus postea docet provenire ex qualitatibus contrariis, quod assertum Serbelloni non caret difficultatibus maximis, & sine dubio maioribus, de quibus sufficienter dictum est superius, ubi probauimus necessitatem specierum

specierum in omni sensatione, & insufficientiam lucis.

Hinc omiſſis variis Opinioni-  
bus, quas afferunt Ruuius. Meldul.  
Aliique, reſoluitur hæc quaſtio à Se-  
raph. Doct. breuiter, & ſubtiliſſimè  
*in lib. 1. diſtinct. 1. artic. 3. quaſt. 1.*  
*ad 2.* qui notat hanc propoſitionem  
non verificari de potentia intel-  
lectus, ſed tantum verificari de ſen-  
ſitiuis: quod probatur ab ipſo Sera-  
phico ex triplici capite: tum ex  
parte potentia, ſeu organi: tum ex  
parte obiecti: tum ex parte modi ap-  
prehendendi.

PROBATVR primò ex parte po-  
tentia, & organi: Nam organum, à  
quo dependet ſenſus, exigit quan-  
dam medietatem, & harmoniam,  
de qua in ſuperioribus dictum eſt,  
& agit Seraph. Doct. *lib. 2. diſt. 17.*  
*quaſt. ultim.* ſed hæc harmonia non  
tantum tollitur per eorruarium, ſed  
& alteratur per excellens ſenſibile,  
quando, ſcilicet, deficit à proportio-  
nalitate, & harmonia, de qua etiam  
agit Seraph. Doct. *in Opusculo de reduc.*  
*artium, & in Itiner. Ment. capit. 2.*  
ergo ex hac parte verificatur hæc  
propoſitio.

PROBATVR ſecundò ex parte  
obiecti: Nam obiectum ad extra  
excitat, & agit: ergo ſi auſertur  
proportionalitas inter potentiam,  
& obiectum, verbi gratia, ob ni-  
miam actiuitatem, vel impreſſio-  
nem, vt euenit in viſione magnæ  
lucis, vel alicuius obiecti nimium  
colorati, lædatur potentia.

PROBATVR tertio ex parte  
modi apprehendendi: Nam ſenſus  
in apprehendendo ſuum obiectum  
tendit exterius, obidque & disper-  
gitur exterius, ſicque cum obie-

R. P. Bart. de Caſtroveſtro Phil. P. III.

ctum eſt improporcionatum, tunc  
virtus læditur: quod patet expe-  
rientia ſuprà adducta, vt ſi verbi  
gratia in Solem feratur aſpectus in  
nimio ſtrepitu auditus, in nimio  
odore, in guſtu amaro, & in tactu  
aſpero, tunc inuritur læſio in ipſis  
ſenſibus: intellectus verd ex prima  
ratione non læditur eo, quod non  
dependet ab organo: nec ex ſecun-  
da, quia influentia obiecti excellen-  
tis procedit ab intimis, ideſt, ab in-  
tellectu agente, & idè ipſam po-  
tentiam intrans corroborat: nec  
in tertia, quia in perceptione ob-  
iecti colligitur ad ſe, & ſic forti-  
ficatur.

OBIECTIES contra ſuprà dicta  
ex Serbellon. Obiectum non agit in  
potentiam niſi intentionali modo, &  
per ſpeciem intentionalem, ſed hæc  
nullam efficientiam Phyſicam habet,  
& læſio eſt effectus realis proue-  
niens à qualitatibus extremis, & in-  
conuenientibus: ergo falſa Con-  
cluſio.

RESPONDETUR negando Maior,  
& ſimul Minorem: Ratio eſt, quia,  
vt ex Seraph. Doct. *lib. 2. diſtinct. 13.*  
*quaſt. ultim.* cum ſpecie exit virtus  
ab obiecto etiam agens Phyſicè in  
medium, & in organum, obidque &  
ſi eſt excellens, erit læſiva organi.  
Tum quia ſpecies ſunt capaces in-  
tenſione maiori, & minori, & ob  
id etiam maiori, vel minori actiui-  
tate.

DICES: Potentia naturaliter in-  
clinat non ſolum ad ſuum obiectum,  
ſed etiam ad eius ſpeciem tanquam  
ad ſui perfectium naturale: ergo  
non poteſt lædi ab ipſis. Tum quia  
ſpecies eſt comprincipium ſenſatio-  
nis, ergo quod perfectior, èd per-

XXfectior

fectior erit cognitio : ergo falsa Conclusio.

RESPONDETUR ex Seraph. Doct. lib. 4. dist. 49. citat. & lib. 1. distinct. 1. citat. quod potentia inclinatur in obiectum, quia est conueniens, perficiens, & conseruans, sed conuenientia consistit in proportionalitate, & harmonia limitata, & hæc potest deficere per excessum, vel per diminutionem : ergo & species tales ab ipso inmissas associatas cum virtute proportionata : sicque negatur consequentia.

CIRCA Tertium dubium : An Sensus possit errare.

394. ACADEMICI putarunt sensus semper errare, & nihil certi esse in sensibus.

ALII negarunt posse vnquam errare.

ALII negant propriè, & per se errare, quia semper adest conformitas in cognitione sensitua ad obiectum, quod apprehendit, etiam quando sensus videtur apprehendere rem externam, aliter ac sit; quia tunc non apprehendit illam, sed aliam loco eius: dicitur autem per accidens errare, quatenus est causa deceptionis intellectus.

COMMUNIS Opinio Seraph. Doct. est sensum per se, & secundum suam propriam naturam non posse decipi, sed tantum per accidens: idque maximè est verum in sensibilibus propriis, nam in communibus est facilius deceptio. Seraphicus Doctor lib. 2. distinct. 8. part. 2. art. 1. quæst. 3. tractat egregiè hanc quæstionem dicens, quod sensus non potest errare in sui obiecti particularis perreptione, quando saluatur media dispositio organi, medij, & obiecti: si enim

organum est affectum aliqua contraria dispositione, vt in oculo, si esset aliquis noxius humor, verbi gratia, tendens ad rubedinem, omnia apparerent rubea: & si organum gustus esset affectum humore bilioso, & amaro, omnia apprehenderentur amara: & si medium est impeditum, verbi gratia, aer vaporibus plenus, vel densus, & rarus, &c. sic baculus partim in aqua, & partim in aere apparet fractus: & si obiectum esset impeditum, verbi gratia, nimis distans, &c.

HINC fit, ait Seraph. Doct. quod si candela ex pinguedine serpentis formata sit, accensa facit apparere paleas veluti serpentes: Demon autem potest sua astutia diuersimode ludificare nostros sensus, & hoc scilicet vel ostendendo præsens esse, quod non est, vel aliter ostendendo, quam est: vel abscondendo, quod est; de quo aliàs redibit Sermo, hancque materiam tractat fusè & subtilissimè Seraph. Doct. loc. cit.

395. CIRCA quartum, & vltimum dubium, quod est de sufficientia quinque sensuum.

OMISSIS variis modis ab Aliis allatis, Seraph. Doct. multiplicem enumerationem sensuum affert: Primum in Itiner. ment. cap. 2. ex prædemonio elementorum maiori, vel minori: si enim obiectum est purius lucidus, sic spectat ad visum, si terreneum spectat ad tactum, si intermedium, scilicet aqueum, spectat ad gustum, si æreum spectat ad auditum, si vaporabile igneum spectat ad odoratum. Alio modo etiam ibid. assignat hanc enumerationem desumptam ex diuersa oblectatione,

ne, quam causant obiecta sensibus :  
Sed in opusc. de reduc. artium assignat  
hanc diuisionem ex maiori, vel mi-  
nori depuratione horum mixtorum  
proueniente ex luce existente se-  
cundum maiorem, vel minorem  
actualitatem in ipsis : si enim est in  
sua proprietatis eminentia, & puri-  
tate quadam, spectat ad visum, si  
commixta cum aëre, facit ad audi-  
tum, si cum vapore, facit ad odora-  
tum, si cum humore, facit ad gu-  
stum, si cum terrea grossitie, facit  
ad tactum : deinde lib. 3. *distinct.* 13.  
*dub.* 1. considerat hos sensus vt mi-  
nistros potentiarum internarum se-

cundum cognitionem experimenta-  
lem : vnde ait sensum visus, & audi-  
tus inservire maximè intellectui, ille  
quidem propria exercitatione : istæ  
aliena instructione : ceteri verò ad  
appetitum vltimatè ordinantur : si  
enim sensibile tendit ad sensum cum  
distantia, & remotione, est odoratus,  
si immediatè, est gustus, & tactus per  
diuersas sensationes, & tandem in  
Comp. Theol. lib. 2. cap. 35. assignat  
varias differentias inter hos sensus,  
quas quisque poterit videre : nam  
ip. re clara non est, cur immoremur.  
Nunc transeamus ad sensus in parti-  
culari examinandum.





# TRACTATVS II. DE ANIMA.

*De Sensibus exterioribus in particulari.*

**T**RACTATIONEM de potentiis sensitiuis, & de speciebus obiectorum ipsorum sequitur de eisdem expensio etiam in particulari: Hinc de more diuersas quæstiones proponemus, easque secundum principia Seraphica soluemus.

\*\*\*

## QVÆSTIO. PRIMA.

*De sensu visus, organo, & medio.*

396. **I**N hac multiplici quæstione solum adest dissidium inter DD. circa duo, scilicet in qua parte resideat potentia visiva, & quodnam sit obiectum proprium, & adæquatum visus.

Et circa primam partem suppono ex communi DD. & maxime Anatomicorum in oculo adesse varias, & diuersas partes constituentes integrum organum: nam adsunt tres humores, quinque tunicae, sex, vel septem muscoli, & duo nerui, & Primò in centro oculi est humor crystallinus sic dictus, quia sua pelluciditate crystallum representat, non tamen imitatur eius duritiem: Secundò adest tunica vndique com-

plectens illum humorem crystallinum, & dicitur aranea ob subtilitatem, & ob nitorem dicitur specularis, & ex ipsa, & crystallino humore pupilla oculi consistit: Tertio medietas huius globuli crystallini respiciens cerebrum est immersa in quodam alio humore, qui dicitur vitreus, quia est similis vitro in fornace cocto, & iste circumdatur à tunica, quæ dicitur reticularis, quia in illa sunt multæ venulae sese intersecantes ad oculorum nutritionem concessæ, quæ tunica tamen non ambit ea parte, qua crystallinus humor supra vitreum extat, vt si globulus ligneus poneretur in aqua, vna pars esset discooperta, & in hoc pupilla enatat: Quarto est alia tunica, quæ à figura folliculi vix dicitur vnea, & dicitur etiam pia Mater, quæ ambit totum oculum, relicto sibi foramine à parte anteriori, vbi est aranea, vt per illud foramen fiat visio, recipiam



recipiunturque species, & à colore dicitur nigrum oculi, quia est ad nigrum tendens; ut sua opacitate species in pupilla receptæ reflectantur, ut sit in speculo: non est tamen in omnibus eiusdem coloris, ut de se patet: Quintò sequitur tertius humor, qui dicitur albugineus, seu album oculi, qui pupillam non obtegit, nec partem aliquam tunice vuae, sustinetque has tunicas dilatatas, ne impediunt visionem, & humefacit araneam, & humorem crystallinum: Sextò adest alia tunica, & dicitur cornea, quia dura, & pellucida ad modum corneae laminae subtilissima, totum oculum, etiam pupillam muniens duritie sua, non tamen impedit, quia transparentis est, dicitur etiam dura mater: Septimò adest exigua pellicula totum oculum vltimò ambiens, quæ dicitur adhærens, seu Adnata, seu pericranium, quia oritur à tunica ambiente caluaria, & firmitat totum oculum: Octauò adsunt & sex muscoli, & duo nervi: muscoli sunt ligamina quædam, quibus oculi mouentur ad quamlibet partem, scilicet, sursum, deorsum, dextrorsum, sinistrorsum, & in circumferentiam: Duo nervi oculis inferuientes, qui dicuntur visorij, seu optici, suntque bifurcati à cerebro procedentes per foramina, quæ sunt in concauitate Caluarie, ubi sunt oculi, & deinde in media via concurrunt adinuicem, & antequam ad oculos perueniant vnus à sinistra ad dexteram, alter à dextera ad sinistram terminantes ad oculos, in quibus degenerant à substantia neruorum, euaduntque in tunicam supra dictam reticularem, & cooperiuntur ab aliis duabus tunicis supra dictis, scilicet ab vuae, seu pia matre; & à cornea, seu dura matre:

Ab his neruis spiritus animales à cerebro in oculos disfluunt, & ab oculis in cerebrum species deferuntur. Temperamentum oculorum à Galeo ponitur igneum: ab Aristotele aqueum, scilicet humidum, frigidumque, & est probabilius, ut patet ex variis humoribus, quibus componitur, & ex humiditate, quæ ex ipsis exit: Oculorum figura maximè accedit ad sphericam, quæ est perfectissima, & conuenientissima, tum ut facile moueri possint, tum ut notant Perspectiui, quia nisi oculus esset rotundus, non posset percipere nisi obiectum æquale sibi, & directè oppositum: Visio enim fit per lineas rectas ab obiecto perpendiculariter cadentes in oculum, quarum concursus fit in centro oculi: vnde si oculus esset planus, non possent ab obiecto maiori duci ad oculum plures lineæ perpendiculariter cadentes in oculum: sic enim essent parallelae, & si caderent in planum, essent inter se separatae, & nunquam in oculi centrum occurrerent: Situs oculorum est conuenientissimus, scilicet in suprema parte corporis tanquam in specula, ut animal inde possit percipere bona, & mala: de quo vide Conimbr. 2. de an. quest. 6. & in probl. de sensibus sect. 1. De oculorum Physiognomia vide S. Bonau. in Comp. Theol. lib. 2. cap. 58. His suppositis disquirunt DD. in quam ex dictis partibus situm sit organum visuæ potentie.

ALIQVI apud Mastrium dicunt organum consistere in neruorum opticorum coniunctione: Alij in dictis neruis, & humore crystallino.

COMMUNIOR, & vera Sententia docet consistere in pupilla oculi:

X x 3 Sic

Sic S. Bonavent. in *Opusc. Centil. part. 3. sect. 21. & lib. 4. dist. 6. part. 1. quæst. 1. in corp.* & ratio est, quia est veluti gemma in centro oculi collocata, lucida, transparens ad modum speculi, vt dictum est; alie verò partes id non habent: ergo.

397. QVOD secundam partem tituli quæstionis, dicimus, quod mediū visus est duplex, scilicet internū, & externum: Primum est humor vitreus, & aqueus medians inter pupillam oculi, & eiusdem tunicam, in quo prædominatur lumen, diciturque à Seraph. Doct. lumen innatum, & internum *lib. 2. distinct. 24. part. 1. artic. 2. quæst. 4. in opin. 2. & 3. & distinct. 27. art. 1. quæst. 2. in corp. & lib. 4. dist. 6. quæst. 1.* patetque ex compressione oculi ad vnā partem, tunc enim cernitur fulgor quidam, & quandoque quasi mulcæ videntur volitantes ob hymorem commixtum cum fulgore ibi existentem: Secundū, medium, scilicet externum est quodlibet corpus diaphanum, & transparens medians inter potentiam, & obiectum: idque pater, quia opacitas impedit visionem: Sic Seraph. Doct. *loc. citat.* His explicatis superest pro complemento huius quæstionis explicare naturam obiecti visus. Hinc

concurrant in vnicam rationem obiecti ita, quod color dicatur lux incorporata: an verò quodlibet per se sit obiectum visibile: Pto explicando sensu Seraph. Doct. conformiter ad alias tradita de luce, & lumine in libris de Cælo.

PRIMÒ Notandum, quod, vt in loco citato ex Seraph. Doct. *lib. 2. distinct. 13. art. 2. & 3. per totum* diximus, lux potest sumi pro forma substantiali existente in quolibet corpore secundum maiorem, vel minorem actualitatem, & pro qualitate accidentali, & dicitur fulgor, seu lumen, quo corpus luminosum redditur sensibile, quod lumen, cum sit qualitas naturalis, est etiam immixta cum eodem corpore luminoso, & vt intentionalis diffunditur per medium illud illuminans, reddensque obiectum actu visibile: Hincque orta est illa communis propositio: Color est lux incorporata, quæ tantum torquet DD. ipsosque distrahit in varias Sententias. Nam Complut. Aliique dicunt lucem esse rationem dispositiuam coloris, idest, qua redditur visibilis actu.

COMMVNITER Alij Thomistæ volunt rationem materialem obiecti visus esse colorem: formalem verò, & motiuam esse lumen: Scotus, & Sequaces apud Meldul. docent esse duas entitates species diuersas, lumenque requiri tantum exterius, vt color videatur.

ALII non distinguunt lumen à colore, sed sustinent ipsum colorem esse lumen in opaco diuersimodè receptum: Sic Scaliger, Aliique apud Mastrium *disputat. 5. num. 59.* S. Bonavent. verò licet discrepet in principiis ab omnibus, conuenit tamen in Conclusionem cum prima opinio-

ne

## QVÆSTIO II.

*Quodnam sit obiectum adequatum potentia visiva.*

398. CERTUM est apud Omnes Cad obiectum visus pertinere lucem, lumen, & colorem: sed diffidium est, an omnia ista simul

ne Thomist. quatenus pro materiali ponit colorem, & pro formali lucem: docet igitur S. Doct. quod obiectum visus est lux incorporata, id est nec color præcisè, nec lux præcisè, sed color, cum quo immixta est lux intrinseca existens in quolibet corpore, in cuius lucis virtute est actu visibilis, & emittere potest speciem ad oculum, dummodò etiam adsit lux exterior illuminans obiectum ad extra, & per medium: Sic lib. 2. dist. 10. art. 3. quest. 1. ad ult. & lib. 2. dist. 13. art. 2. quest. 2. ad 2. & in corp. & art. 3. quest. 2. & lib. 1. dub. 5. in prol. & dist. 3. part. 1. dub. 7. & lib. 3. dist. 23. dub. 4. & dist. 24. art. 1. quest. 2. & lib. 4. dist. 49. part. 2. art. 5. quest. 1. in corp. & Breuil. part. 5. cap. 4. Quare vult, quod ultra lucem externam illuminantem medium, & ipsum visibile obiectum exterius adsit etiam lux, seu fulgor, à luce proveniens terminatus, & receptus in corpore, & quasi incorporatus, & quod iste fulgor, seu lux sit veluti ratio formalis, & completa coloris, prout est obiectum visus: ita quod nec color absque luce est visibilis, nec lux absque colore: Sic & lib. 2. dist. 10. art. 3. quest. 1. ad ult. Et hæc est ratio, quare duplici definitione definitur color, scilicet, in ordine absoluto ad se, & in ordine ad visum, ut mox patebit. His positis

399. PRIMA CONCLUSIO: Obiectum adæquatum visui non est color præcisè, nec lux præcisè, sed color simul cum luce, seu fulgore, quatenus ex his duabus entitatibus fit vnum obiectum, scilicet ex colore tanquam ex materiali, & ex luce tanquam ex formali, siue tanquam actuante, Est S. Bonau. lib. 1. dist. 3. part. 1. dub. 7. & Breuil. part. 5. cap. 4.

& lib. 2. dist. 13. art. 2. quest. 1. ad 1. & quest. 2. in corp. & art. 3. quest. 2. in corp. & lib. 4. dist. 49. part. 2. art. 5. quest. 1. & lib. 2. dist. 27. art. 1. q. 2. in corp. & in Op. de reduc. artium, sed clarissimè lib. 3. dist. 23. art. 1. q. 3. in corp. & ad ult. Vbi supponit, quod obiectum materiale non facit convenientiam, nec differentiam in specie: sed album, & nigrum visum non diversificant specie ipsum visum: ergo se habent ut obiectum materiale: ergo aliud requiritur; sed id est luminositas: ergo hæc est ratio formalis obiecti visus: quod

CONFIRMATUR ex Arist. qui colorem multipliciter definiuit, & primo in ordine ad se: secundò in ordine ad visum, & in hac definitione includit lucem, ut rationem mouentem, quod & infra in sequen. Concl. demonstrabitur.

PROBATVR secundò: Potentia visiva est vna: ergo & obiectum ipsius est vnum: potentia enim specificatur per obiectum, sed tendit in lucem, & in colorem: ergo ad hoc, ut constituent vnum obiectum, debent coincidere in vnicam rationem: sed visus tendens in album, & nigrum non accipit diversitatem: ergo se habet color ut quid materiale, materiale enim non specificat potentiam: Sic S. Bonauent. lib. 3. dist. 23. citat. ergo lux est ratio formalis actuans ipsum colorem in esse formalis obiecti.

PROBATVR tertio: Lux est ratio motiva: color est ratio, in quam visus tendit ut in quod: ergo coincidunt ut materiale, & formale color, & lux.

PROBATVR antecedens: Quia color intantum est visibilis, inquantum est lucidus: Hic tamen monetur, quod

quod licet dicatur lux esse rationem actuantem, tamen propriè color tantum est de se visibilis, licet, ut actu videatur, requiratur lux, & in hoc sensu dicitur lux esse ratio formalis obiecti visus.

400. **OBIECTIS** primò cum Melchul. Ruuio, & Aliis. Color est diuersæ speciei à lumine: ergo non possunt constituere vnum obiectum speciei per se.

**RESPONDETUR** concedendo antecedens, & negando consequentiam: licet enim, ait Seraph. Doct. lib. 2. d. 27. art. 1. quest. 1. in corp. considerata secundum se sint diuersæ species: tamen considerata per ordinem ad potentiam visiuam possunt constituere vnum obiectum per se tantum ex materiali, & formali, quod & in aliis rebus conspicitur: sic potentia, & species sunt diuersæ rationis, & tamen in vnicam causam coeunt: sic & in cæteris obiectis scientiarum habituum: Tum etiam quia, ut dictum est, licet lux se habet ut ratio actiuus: tamen id non impedit, quin color habeat propriam rationem formalem visibilitatis obiecti: sed tamen requiritur lucis actiuitas, ut actu possit videri.

**OBIECTIS** secundò: Color de se est visibilis: ergo non habet visibilitatem à luce.

**PROBATUR** antecedens: Quia à solo colore producitur species: ergo & de se est visibilis: & Confirmatur quia causa materialis coloris est mixtio quatuor qualitatum, ut etiam aduertit S. Bonauent. lib. 4. distinct. 49. part. 2. art. 5. quest. 1. in corp. ergo de se est sensu perceptibilis.

**RESPONDETUR** ex eodem Seraph. Doct. concedendo antecedens, si sumitur visibilitas in poten-

tia: negatur in actu: nam, ut rectè discurret lauell. de an. quest. 33. color secundum se est per totum corpus, sed non sufficit, ut moueat visum: requiritur enim, ut sit in perspicuitate corporis terminati, ad quod exigitur fulgor intrinsecus, & lux extrinseca, ut dictum est; vnde Seraph. Doct. ait lib. 4. dist. 12. part. 1. art. 1. quest. 1. in corp. quod albedo de se est disgregatiua visus quantum ad aptitudinem, non semper quantum ad actum: Et ad id de specie coloris

**RESPONDET** S. Bonau. produci quidem à colore speciem vi lucis, & virtutis ex obiecto immixtæ, & per talem lucem reddi colorem actu visibilem: Immo simul cum specie coloris etiam producitur species lucis, quæ est ipse fulgor, ut dictum est, & infra clariùs tradetur.

**CONTRA**: Lux de se est visibilis absque colore: ergo color non se habet ut quid materiale.

Hæc obiectio petit aliam questionem, quomodo lux sit visibilis: si enim de se est visibilis absque colore, sequitur, quod obiectum formale visus est multiplex specie: Hinc respond. ex traditis in lib. de calo tract. 3. lucem formam substantialem simul cum lumine accidentali immixto in corpore luminoso immittere lucem, seu fulgorem per medium, quæ prout est representatiua obiecti, à quo exit, dicitur qualitas intentionalis: prout verò cadit sub sensu, dicitur realis, & naturalis.

**DICES**: Ille fulgor, prout cadit sub sensu, vel est coloratus, vel non: Non primum, cum color sit ex mixtione quatuor qualitatum sensibilibus: ergo secundum: ergo color non spectat ad rationem formalem obiecti.

RESPONDETUR, quod color est duplex, alius est apparens: alius est verus: verus confurgit ex mixtione vera quatuor qualitatum: apparens confurgit dupliciter, primò vel ex aggregatione substantiæ lucidæ, in qua adest aliqua opacitas terminans perspicuum: secundò vel ex refractione lucis aggregatiua ipsius, vel quâdo aliquod corpus recipit aliquam opacitatem ratione crassitiei, verbi gratiâ, vaporum existentium in aëre: Sic S. Bonavent. qui de colore vero *lib. 4. dist. 49. cit. aliisque loc. cit.* loquitur: De apparente primo modo loquitur *lib. 2. dist. 14. part. 2. art. 2. quest. 1. in corp.* vbi ponit densitatem in corporibus cælestibus ex aggregatione lucis esse causam visibilitatis ipsorum, & *lib. 3. dist. 24. art. 1. quest. 2. in corp.* vbi appellat lumen abstractum id est depuratum à quacunque corporeitate: De apparente secundo modo loquitur *ibid.* vbi dicit, quod lumen est terrenæ materiæ incorporatum, ob idque visibile, & *lib. 2. dist. 13. art. 2. quest. 2. ad 2.* dicit, quod lux forma substantialis non videtur ab oculo secundum se, sed tantum ratione fulgoris, vel coloris eam inseparabiliter concomitantis, maxime vbi est vehementia lucis, & *lib. 4. dist. 49. part. 2. art. 5. quest. 1. in corp.* Vbi est peruersetas, & perspicuitas, ibi non est visio terminata, & vbi est magnitudo lucis, adest etiam aliqua opacitas terminans visionem, vt patet in Sole, & stellis: quare sequitur, ait Seraph. Doct. *ibid.* quod vbi est verus color, qui est ex mixtione quatuor elementorum, est tantum visibilitas potentia, actu verò, dum superadditur lumen, vt patet in noctiluca, quæ est corpus coloratum, sed lucens: &

quando adest apparens, tunc etiam videtur obiectum, sed tamen vt coloratum: Vnde remanet firma nostra assertio, quod solum propriè color est visibilis in potentia, habetque in se & materiale, & formale; at requirit lucem, ad hoc vt actu percipiat, sicque lux videtur vt colorata: & ambo concurrunt in rationem visiuam obiecti completam.

401. SECUNDA CONCLUSIO: Colores veri essentialiter distinguuntur à luce, licet prout terminant actum, visionem ipsam importent, vt rationem motiui, seu formalis, seu potius actuantis: Apparentes verò non differunt à luce.

REMANET probata hæc Conclusio ex præcedenti Conclusionem: & ratio primæ partis evidens est, quia color habet diuersas causas, & rationes formales à luce, cum sit ex mixtione quatuor elementarium qualitatum, & ad hoc vt videatur actu, exigit lucem.

RATIO secundæ partis est, quia colores apparentes sunt ex aggregatione lucis, seu fulgoris, vel ex diuersa reflexione, vt patet in Iride: quæ reflexio vel fit in obiecto, vel etiam in medio, vt patet in vittis triangularibus, & sphericis, in quibus fit varia reflexio, per quam apparent obiecta sub diuersis coloribus.

402. QUÆRES: quomodo ex mixtione quatuor qualitatum emanant colores, cum non appareat, ad quid in colore conducat calor, & frigus.

RESPONDETUR hanc emanationem esse vnum ex præcipuis naturæ arcanis: attamen cum Seraph. Doct. dicendum ex mixtione quatuor

tuor elementorum, quæ formaliter in mixto remanent secundum maiorem, vel minorem raritatem, densitatem, & actualitatem, ad quas concurrunt etiam calor, & frigus, resulant secundæ qualitates ex primis procedentes, & cum immixta sit lux incorporata, apparent actu tales colores, & vetè visibiles: Vide Suarez *de an. lib. 3. cap. 15.* fusè differentem originem colorum.

403. TERTIA CONCLUSIO: Color duplici definitione definitur ab Aristot. Prima, Color est *Motivus*, quod est secundum actum perspicui. Secunda, Color est *Extremitas perspicui in corpore determinato*.

CIRCA quas definitiones multum laborant Interpretes: Seraph. Doct. *lib. 1. distinct. 3. part. 1. dub. 7.* breuiter se expedit, & clarè dicens, quod secunda definitio est coloris secundum id, in quo est: prima verò, prout dicit ordinem ad visum, quem mouet: Vt autem intelligantur istæ definitiones.

ADNOTANDUM est, quod sicut lumen definitur actus perspicui, vt tale est, idest est quid transparent, & diaphanum: etsi aliquod corpus est tale, est ratione luminis, vt docet S. Bonavent. *lib. 2. distinct. 13. art. 2. quest. 1. & 2.* & Comp. Theol. *lib. 2. cap. 6.* vnde lumen est actus perspicui, idest informat totum perspicuum ipsum penetrando: Color verò dicitur extremitas perspicui, idest terminans ipsum perspicuum, idest se ostendens tantum in extremitate perspicui reliquo remanente opaco, sicque in hac definitione duplici explicatur ratio coloris, prout est accidens in subiecto, & prout etiam est aptus mouere visum ob densitatem corporis, in quo est ob

perspicuitatem extremitatis illuminatæ, & in hoc sensu dicitur lux incorporata, scilicet in potentia ex Seraph. Doct. *lib. 4. dist. 12. part. 1. art. 1. quest. 3. ad 3.* Secunda verò definitio traditur per ordinem, quem habet color ad visum, prout enim est in corpore illuminato, habet emittere speciem, & visum mouere, sicque est qualitas corporis terminati, quæ in ordine ad immutandum visum, exigit actum, seu illuminationem lucis.

404. QUARTA CONCLUSIO: Dantur diuersæ species colorum provenientes ex varia mixtione elementorum, & qualitatum secundum maiorem, vel minorem actualitatem, & refractionem ipsorum elementorum.

EXPLICATUR Conclusio, & simul probatur: Color oritur ex permixtione elementorum, & primatum qualitatum: sed hæc permixtio est varia: ergo & color: & ob id quando prædominatur aer, & aqua, fit color albus, flauus, quando ignis, & niger, quando terra prædominatur: Albedo autem est primus omnium colorum, vt ait S. Bonavent. *Serm. 2. de S. Agnetæ*: Nigredo verò est ei opposita, & ambo faciunt extremitates in coloribus, ex quarum permixtione oriuntur colores medij, omnesque reducuntur ad hæc capita præcipua, scilicet album, nigrum, purpureum, rubrum, flauum, viridem, cæruleum, qui postea diuiduntur in alia genera, & fusè innumera; de quibus Conimbric. *cap. 7. quest. 3.* in quo magis, quam in quolibet alio effectu natura suas opes explicat: Ex quibus patet lumen esse necessarium ad visionem tum ex parte organo, in quo inclusus est fulgor vetus: tum

tum

sum ex parte obiecti, & intrinsecè  
& extrinsecè ex parte medij.

QVÆRES : cum Angeli, & anima  
rationalis sint lumina spiritalia : an  
possint videri ab oculo corporeo.

QVÆSTIO hæc tractabitur in  
Theologia in tractatu de visione bea-  
ta : Pronunc respondetur ex S. Bo-  
nauent. negativè : ratio est, quam  
adducit Seraph. Doct. in simili lib. 2.  
distinct. 8. part. 1. art. 3. quæst. 2. ad 7.  
quia ad visionem requiritur receptio  
in organo corporeo speciei immis-  
sæ ab obiecto ; obidque debet esse pro-  
portio formalis inter receptivum, &  
receptibile ita, quod cum receptivum  
sit corporeum, & extensum, & re-  
ceptibile debet esse tale, se habet  
enim ut forma receptivi : & hinc ait  
Seraph. Doct. lib. 4. dist. 10. part. 2.  
art. 2. q. 1. & 2. & lib. 2. dist. 8. part. 1.  
dub. 3.

PER visum corporeum nihil po-  
test percipi, quin sit extensum : Qui-  
bus tamen non obstantibus *ibid.* in  
Theologia sustineo probabiliter opo-  
positam partem etiam ex principiis  
seraphicis, nempe ex eo, quod po-  
tentia sensitiva est spiritalis, & pars  
organica minùs principalis, ratio-  
neque potentie obediæntialis po-  
test eleuari tum ad actiue videndum,  
tum ad passivè recipiendam formam  
spiritualem.

QVÆRES secundò : an visio fiat  
per intus sumptionem, an per ex-  
tramissionem.

PLATONICI dicunt fieri per extra-  
missionem radiorum, qui peruenien-  
tes ad obiectum commiscetur cum  
specie, & rursus reuocantur ad po-  
tentiam.

COMMUNIS tamen opinio oppo-  
sita est Aristot. omniumque Sequac.  
cum D. Thom. D. Bonaudent. & Scotot :

Ratio est, tum quia sic cæteræ po-  
tentia operantur per receptionem,  
& non per extramissionem, eo, quia  
sunt potentia vitales, operantur im-  
manenter, sicut potentia visiva. Tum  
per experientiam, cum possit videri  
in speculo res posita à tergo. Tum  
quia id, quod emittitur ab oculo,  
vel est substantia, vel accidens : sed  
neutrum potest esse : non quidem  
substantia, quia daretur penetratio  
substantiarum : nec accidens : esset  
enim radius minimæ virtutis, obid-  
que omninò superfluous, cum pareat  
ad sensum exigi validiorem illumi-  
nationem externam : Vide Suarez  
lib. 3. cap. 17. ubi affert alias proba-  
tiones.

DICES Aristot. asserre quendam,  
qui semper ante se videbat imagi-  
nem, eo quia ait Aristot. ob debili-  
tatem visus radij visibiles refrange-  
bantur in propinquo aëre tanquam  
ex opaco, sicque videbat suam ima-  
ginem.

RESPONDETUR id accidisse,  
vel ob deceptionem potentia imagi-  
natiua, vel quia ab oculis infirmis  
exibat humor crassus, qui incrassabat  
aliquantulum aërem, sicque in ipso  
re lucebat imago. Sic etiam men-  
struat per emissionem noxia qua-  
litas inficiunt specula.

INSTAS : Quod feles de nocte  
emittunt radios ex oculis, quibus  
illuminant aërem.

RESPONDET S. Bonauent. lib. 2.  
distinct. 24. art. 2. quæst. 4. in corp.  
prouenire ex magna copia fulgoris  
in oculis existentis, idque est ipsis  
valde singulare, sed tamen hinc non  
infertur fieri visionem per extramissi-  
onem.

## QVÆSTIO III.

*Expenduntur aliqua dubia circa  
potentiam visivam.*

406. CONIMBRICENSES in tractatu problematum ad quinque sensus spectantium plura dubia circa potentiam visivam asserunt, & solvunt: quæ quisque poterit videre, & etiam apud Meldul. *disp. 5. n. 108.* Nos brevitati consulentes hæc sequentia tantum ex iisdem desumpta ut principaliora, & maxime conducentia ad notitiam naturæ sensus visus proponimus.

QVÆRES igitur primò: Quare Aliqui media nocte somno exspectati ferè æquè, ac clarè videant, ac interdium: quodque euenit etiam in felibus, Leonibus, aliisque animantibus, quæ noctu prædam venantur?

RESPONDETUR ex Seraph. Doct. in *Op. de reduc. artium*, §. *Primum ergo lumen*, &c. ubi dicit, quod spiritus sensibiles, seu animales naturam luminis habent, & in nervis vigent, & ipsorum natura est clara, & pervia: & lib. 2. *dist. 24. pars. 1. art. 2. quest. 4. in opin. 3. & aliis locis suprà traditis, & præcipue lib. 2. dist. 10. art. 3. quest. 1. ad ult. docet*, quod ad immutandum visum debet concurrere duplex lux, scilicet incorporata, internaque, & lux exterior solis illuminantis: cum igitur adsint & fulgor inclusus in oculo, & spiritus animales, qui sunt ignæ naturæ: hinc ex suprabundantia talis fulgoris, & talium spirituum generantur novi spiritus luminosi, qui veluti emicant de noctu, & illuminant

aliqua obiectum ita, quod potest fieri visio, licet imperfecta: Et hinc etiam magis probata manet solutio quæstioni de visione per intusumptionem: nam talis emissio radiorum est ad illuminandum aliqua obiectum, non ad sensationem faciendam.

407. QVÆRES secundò: Cur Aliqui non possunt oculos defixos tenere diu in obiectum, sed veluti tremebundi aspiciunt.

RESPONDETUR provenire ex inopia, & debilitate spirituum vitalium, ex qua carentia etiam senes difficilior vident. Tum etiam quia pellicula inuoluens humorem crystallinum præ siccitate contrahitur, & rugatur præsertim in senibus, & hæc etiam est causa, quare ignis multum nocet oculis, quia nimium exsiccat.

QVÆRES tertio: Cur Æbriis omnia apparent circumagi, sicut & illis, qui aliquandiū rotantur.

RESPONDETUR in Æbriis id provenire à larga spirituum copia, unde nascuntur alij spiritus calidi, & valde nobiles, qui suo motu inquietant organum visus: Præterea in Æbriis copiosiores sunt spiritus, & minus cocti, ex quorum fœcibus nascitur lipitudo, ob eandemque causam visus obtunditur, & nervi optici laxantur ob talem spirituum abundantiam, nec sustinent pupillarum æqualitatem: In pueris postea, & in cæteris etiam agitatione, & rotatione illa multum commouentur spiritus: unde toti commoti magna copia tendunt ad oculos, quos perturbant.

408. QVÆRES quartò: Cur obiectum aliquod aspecturi à se illud aliquantulum amoveant: alij verò,



ut lufci, propius admoueant.

RATIO discriminis est, quia Senes parum luminis, & spirituum habent, ided remouent, ut externo lumine obiectum illustretur: lufci verò nimium luminis interni habent, ided approximant obiectum, ne concurrente lumine exteriori cum interno nimia sit lucis copia: vel quia non possunt procul discernere, quæ caua, & quæ eminentia sint.

QVÆRES quintò: Cur Colliantes in scopum claudant vnum oculum.

Hoc dubium petit explicationem illius propositionis Euclidis, quam etiam affert Seraph. Doct. lib. 2. *distinct. 23. art. 2. quest. 2. argum. 5. ad oppos. & clarius lib. 4. distinct. 10. part. 2. art. 2. quest. ultim. fund. ultim.* Videre est secundum Pyramidem, id est videre est secundum triangularem directionem radiorum, ita quod basis est res visa, & angulus intelligitur fieri circa pupillam oculi: Explicatur sic: quia inter partes corporis visi quædam obiciuntur pupillæ directè, & perpendiculariter: aliæ verò lateraliter, quæ omnes immittunt species in ipsam pupillam: & cum hæc sit angustior rebus ipsis, & figuræ orbicularis, fit, ut species istarum partium coeant in centro oculi, ubi fit visio, ut cuspis, seu conus istius pyramidis sit in pupilla, basis verò in obiecto, in cuius medio est linea axis opticus dicta à centro oculi ad partem obiecti directè, & perpendiculariter oppositam: & quia visio talis partis est distinctior, & certior, ided dicere solent nos certificari de re visa per axem: vnde quod rectius oculo opponitur, ed perfectius videtur, quia radij sunt axi viciniore: Insuper quia obiectum

conspicitur duobus oculis: hinc duæ sunt pyramides, quæ solummodo in ipso obiecto conueniunt, & per medium partialiter, & iuxta oculos ipsos totaliter discrepant, & consequenter sicut sunt duæ pyramides, ita sunt duo axes, qui in idem punctum conspiciunt eiusdem obiecti, licet inchoent quilibet à proprio oculo: Et hinc patet, quare eadem res, licet inspiciatur duobus oculis, gemina non apparet, quia scilicet ambo axes in idem punctum vniformiter incidunt tam obiecti, quam loci: Vnde quia in vno loco videtur, vnica apparet: E contra, si pupilla vnus oculi comprimatur, quia disunguntur axes, & quamuis ad idem punctum obiecti terminentur, non tamen ad eundem locum, tunc obiectum geminatum intuetur, & in duobus locis: licet enim in illo loco non adsit verè obiectum: attamen quia potest adhuc oculus sic compressus ob suam sphericitatem recipere species ab illo obiecto, potest etiam moueri ad visionem, quæ tamen ad alium locum terminatur; disunguntur enim axes, & ob id fiunt etiam non vniformes: & hinc etiam elicitur ratio, quare cum obiciuntur oculo plura obiecta, licet omnia simul ipsi oculo appareant visibilia: tamen solum in vnicum obiectum fertur obrutus, quia visio per lineam fit rectam: & cum ceteri radij visuales non perueniant recta linea ad pupillam oculi, quia scilicet ex aëre cadunt ad medium densius scilicet in varios oculi humores, per quos transire debent, antequam perueniant ad pupillam, sicque propriè non videntur, licet appareat illa multitudo confusa: Hinc

RESPONDETUR ad dubium  
Y X 3 do

de clausione vnus oculi, quod cùm radius visualis debeat esse paralellus cum instrumento, verbi gratiâ, cum bombarda, cùm dirigat ictum recta linea, ideò si aperiuntur ambo oculi, radius visualis non erit paralellus cum instrumento, si conspiciatur instrumentum per extremitatem.

ADDIMVS tamen, quod ad percipiendam distantiam vtroque oculo vtendum est, quia, quæ videntur per eandem lineam, vel penè eandem, non apparent distincta: at si percipiarur distantia, debet etiam percipi disunctio, & videri corpus, seu spatium interiectum, quæ disunctio facilliter percipitur duobus oculis, quia tunc visio fit per duos axes inter se diffitos, vt dictum est: Et hinc clauso oculo vno-difficilius est filum in foramen acus inducere, immò punctum aliquod notatum in charta cuspidè aciculæ difficulter tangitur: aperto autem vtroque oculo facillime: Æbrij etiam, quia radij visuales ob titubationem oculi non sunt fixi, difficulter faciunt congregari duos digitos inter se. Idem contingit aspicientibus obiectum procul diffitum etiam duobus oculis: non enim aduertuntur distantia obiectorum remotorum, cùm per eandem penè lineam videantur: hinc cælum apparet nobis inhærere in ambitu horizontis; Columnæ, & arbores recto ordine inter se dispositæ, cùm remotæ sunt, simul esse videntur.

409. QVÆRES sextò: Cur per angustum foramen res magna videtur, si oculus foramini approximetur, & si remoueat, non videtur nisi pars obiecti, & è contra, si lapidem exiguum positum inter oculos, & vastum aliquod obiectum propius oculo admoueamus, maiorem obie-

cti partem occultabit: Item cur cùm sumus vicini muris alicuius Ciuitatis, pauciora ex illa videamus ædificia, quàm cùm remoti eramus?

RESPONDETUR, quia cùm visio fiat per emissionem radiorum visualium ad modum pyramidis, cuius cuspis est in centro oculi, in quo lineæ visuales concurrunt, si oculus est propè foramen, radij visuales causant maiorem angulum, & consequenter magis se dilatant versus basim pyramidis, magnamque obiecti molem comprehendunt: at si elongetur oculus, quia radij visuales debent per foramen transire, vt ad oculum perueniant, constringuntur inter se, & minorem angulum causant in oculo, & consequenter non tam se dilatant versus basim: & hæc est ratio (ait S. Doct. lib. 2. dist. 24. cit.) quare res à longè minores videntur, quàm sint. Ad id de lapide patet: quia pyramis versus cuspidem est angustior, ideòque paruus lapis sufficiens est ad occultandum obiectum, quia potens est impedire concursum radiorum, si est propè oculum: & si elongetur, quia radij visuales inter se magis distant, nequit totaliter occultare obiectum similiter, & murus Ciuitatis est maior oculis, & corpus interiectum excedens latitudinem distantia oculorum, quò propius est oculis, maiorem partem obiecti obtinet, & quò remotius minore.

QVÆRES septimò: Cur baculus medius existens in aqua apparet fractus.

RESPONDETUR, quia species in aqua crassiori refranguntur per medium difforme: pars verò extra aquam emittit species per medium vniforme, obidque illa pars in aqua apparet alio loco.

QUI vult solutionem aliorum consilium dubiorum, adeat Conimbric. & Mastrium cit. Hæc sufficiant pronunc.

## QVÆSTIO IV.

*Quodnam sit organum, medium, & obiectum Auditus.*

410. **I**NTER sensus externos perfectiorem locum occupat visus, & secundò sequitur Auditus, quia sunt puriores, & perfectiores, & secundùm se, & ratione obiectorum, vt rectè docet S. Bonavent. in *Opusc. de reduc. artium*: & lib. 4. *distinct.* 49. *part. 2. art. 3. quæst.* 1.

Hinc consequenter de Auditu hîc agendum: Vt autem pateat, quodnam sit formaliter organum Auditus.

**ADVERTENDUM**, quod à medio cerebri proueniunt duo nerui ad utranque aurem protracti, quorum vterque terminatur ad ossiculum quoddam, in quo est foramen anfractuosum ad modum cochleæ, & valdè paruum, vt extremum acus verus aurem vix capere posset, ne aqua, vel aliud extrinsecum aurem ingrediens læderet organum: immò humorem quandam crassum, & acrem continet, vt si quæ bestiolæ se intruderent in aurem, illo humore tanquam visco detineantur: secundò foramen hoc versus cerebrum maiusculum facit excavitatem, quæ tegitur quadam pellicula, quam miringam, seu tympanum appellant: est enim ad instar pellis tympani, quæ membrana sustentatur tribus ossiculis: quorum primum dicitur mal-

leus: secundum Incus: tertium Stapes à figuris, quas habent, & in concavitate tympani sunt posita: tertio tale foramen circumdatur extremitate nerui à cerebro procedentis, in quo sunt spiritus ad interiores sensus species deferentes, quæ per organum ab extra recipiuntur: quarto in dicto foramine vique ad miringam includitur aer, qui à S. Bonauent. appellatur aer innatus, qui non est verus aer, sed est substantia quædam tenuis, vitalis, & animata, estque sic velata, ne nimio fragore, vel alia de causa externa euanciscat: His positis

Hic disquirunt Philosophi, in quam ex his partibus resideat organum hoc: Aliqui in neruis: Alij in spiritibus: Alij in tympano collocant.

**COMMVNIO** cum Seraph. Doct. est consistere in illa substantia aërea: Sic in Centil. *part. 3. sect.* 21. est enim aptior ad efformandam perceptionem soni, est & propinquior neruo auditorio, est & substantia animata: igitur in ipsa collocanda est ratio organi Auditus: quæ rationes non currunt in aliis partibus.

**ADDIMVS** probabiliter etiam Tympanum esse de complemento huius organi: Et hæc quoad primam partem.

411. **CIRCA** secundam, & tertiam partem tituli quæstionis de obiecto, & medio Auditus: multiplex quæstio à DD. proponitur. Et primò cum certum sit sonum esse obiectum Auditus adæquaturn: quæritur, quid sit: an scilicet sit motus aeris: an qualitas ex motu producta.

**QVÆRITVR** secundò: an medium deferens sonum sit solus aer: an etiam aqua: an etiam aliquid aliud.

**QVÆRI**

QVÆRITVR tertio: quodnam sit subiectum primum, in quo recipiatur sonus, scilicet an in corporibus, se percutientibus: an in aëre intermedio percusso.

QVÆRITVR quarto: an sonus deferatur ad aures secundum esse reale: an intentionale.

QVÆRITVR quinto: an sonus diuidatur in plures species: an sit vnica species specialissima. Pro solutione questionum propositarum supponimus tanquam certum ad sonum necessarium requiri concussum trium corporum, vel duorum, quæ tamen habeant rationem trium corporum: requiritur enim, quod adsint duo percutientia, vnum scilicet percutiens, aliud percussum, & vnum medium, quod attetur, frangitur, agitur, & interceptur, verbi gratia, dum excitatur sonus in ære campanæ, est malleus percutiens, æs percussum, & aër interceptus, collisus, & agitur: verum tamen est, quod non est necesse, vt hæc tria corpora sint omnia discontinua: fieri enim potest, vt solum percutiens, & percussum sint discontinua, non verò elisum, & intermedium: vt cum virga agitur per aërem, tunc aër est corpus percussum, & etiam intermedium, cum pannus, vel papyrus scinditur, tunc aër crepitat: tonitruum fit ex percussione ex nube, & exhalatione accensa: sic & sonus fistulæ: immò tria corpora possunt esse continua, vt vna pars clidit alteram, vt in agitatione ventorum in aëre.

ADDIMVS, quod conditiones horum corporum percutientium, vt sonus commodius excitetur, sunt tres.

PRIMA est, quod sint dura, & resistentia, vt medium interiectum frangat, ex qua fractione oritur so-

nus: hincque mollia, vt est spongia, non edunt sonum, quia non faciunt ictum, sed sine difficultate cædunt, quodque intelligendum est de sono perfecto: nam in aqua sit sonus etiam imperfectus.

SECUNDA, quod sint leuigata, & tersa; aër enim in superficiem æqualem totus, & facile extruditur: Si verò corpora sunt aspera, & inæqualia, pars hærebit in cauitatibus, & secundum partes non totus comminuetur.

TERTIA corpora debent esse concava ad sonum perfectum intensiorem, & prolixiorem: vt sunt tympanum, tuba, organum, campana, quia aër inclusus ad latera sæpius repercutitur, sæpiusque agitur, & commotus egreditur: iuuat etiam qualitas peculiaris corporum se percutientium: vnde argentum magis sonat, & inter ligna minus sagum. Conditiones corporis intermediij sunt, quod sint molle, facile, & violenter potens resistere, vt est aër, & aqua. His suppositis vt certis experientia.

412. PRIMUM respondetur primo quæsito sonum esse obiectum adæquatam Auditus: Isque non est formaliter motus, vt dixerunt male Aliqui, sed est qualitas quædam causata à tribus corporibus percutientibus: estque de tertia specie qualitatis, motus enim est sensibile commune: at sonus tantum ab Auditu percipitur, ergo.

NEC valet ad oppositum, quod Arist. ipsum appellat motum resilientis aëris: nam intelligi debet casualiter, non formaliter: immò nec motus est causa proxima soni, sed est alteratio consurgens in aëre commoto, concomitans ipsum motum, quæ

quæ barbaro vocabulo posset dici sonatio.

413. CIRCA secundum dubium de medio : Aliqui dicunt esse solum aërem : Alij addunt aquam ; etiam S. Bon. in Centil. part. 3. sect. 21. docet primario esse aërem , additque etiam aquam posse esse tale medium deferens , utrumque est sufficiens ad recipiendas , & ad diffundendas species soni : De aëre tum interno, tum externo certum est, de aqua patet, etiam de piscibus, qui audiunt voces externas : ut communiter asseritur à DD. Addit S. Bon. lib. 2. dist. 2. part. 2. dub. 1. & lib. 4. dist. 49. p. 2. art. 3. q. 1. probabile esse sonum esse in Empyreo , & corpora Beatorum auditura tantum , & sonum , & licet ibi non sit aër eiusdem rationis cum nostro , & ob id nec per spirationem , & respirationem , sed vel per aërem innatum ipsis , vel per aliam qualitatem æquivalentem : faxit Deus , ut id experiamur.

414. CIRCA tertium dubium, quodnam sit subiectum primum primo recipiens sonum : Aliqui dicunt esse corpora se percutientia : sed probabilior est S. Bonau. cit. & communior immediate recipi in aëre intermedio : & ratio est, quia si fieret receptio in corporibus percutientibus, statim ac sit percussio , audiretur sonus , sed non auditur : ergo signum est recipi in aëre moto. Tum quia si in vacuo fieret talis percussio , non audiretur sonus : ergo signum est, &c.

415. CIRCA quartum, an deferantur soni realiter : an intentionaliter : Communior , & verior est Sententia S. Bonavent. in Centil. cit. & in Op. de reduc. artium : Et in Itiner. ment. cap. 2. sonum realem tantum recipi in aëre intermedio inter corpora percutientia , ipsumque multiplicare R. P. Bart. de Castrovetro Phil. P. III.

suas species, quovsq; fiat sensatio : ratio est , quia sonus, cum sit qualitas realis , habet vim suæ similitudinis generatiuam , & limitatam. Tum quia nulla est ratio dictans talem multiplicationem realem.

PROBATVR : Quia vel multiplicatur ab aëre simplici primo percussio , & hoc non , quia multoties percussio aëris est tam parua , ut impossibile sit ipsum alium aërem percutere : vel ab aëre simul cum sono , & hoc non , quia alioquin sonus audiretur continuatus secundum continuationem talis commotionis, quod est falsum ipsa experientia teste. Tum quia sonus perueniens simul ad aures plurium deberet in minutissimas partes disrumpi, quod est impossibile in percussione modica , & tenui. Tum etiam quia simul sonus auditur à propè , & à remotè existentibus , quod est impossibile , si fieret multiplicatio realis. Tum quia auditio fit in aqua , ubi non est aër. Tum quia sonus auditur factus in vase æneo incluso in omni parte , sed ibi non potest fieri per aërem ad extra commotum : ergo per multiplicationem specierum.

OBIECTES primo Arist. 2. de an. t. 82. asserere sonatium esse motum aëris continuationes usque ad auditum : ergo si est aër continuè motus , est secundum reale esse.

RESPONDETVR sonatium esse causam motionis intentionalis , non realis, ut dictum est, & talis debet esse sensus Philosophi , ne sibi contradicat , ut notat etiam Meldul. citat. num. 156.

OBIECTES secundò : Sonus non percipitur in instanti , sed post aliquod spatium temporis , & si perciperetur per species , fieret perceptio

in instanti, cum producantur instantaneè, vel imperceptibili tempore : ergo.

MELDULA *num. 105.* & *seq.* notat hanc esse maximam difficultatem, expenditque varias responsiones, nempe Conimbric. Ruu. &c. quas confutat : & tandem Ipse respondet cum Tataro hîc, & Aucta sonum, statim ac fit, inmittere suas species, & successivè, sicut etiam successivè fit, & hoc usque ad certam distantiam spatij, in quo ab omnibus ibi existentibus simul percipitur, siue propè, siue remotè sunt corpori sonoro : Sed

CONTRA : Quia ictus statim transir, sed species sensibiles externæ dependent in fieri, & conservari ab ipso objecto secundum ipsius Sententiam : ergo vel sibi contradicit iis, quæ suprà tradidit de speciebus visus, vel non satisfacit difficultati.

RESPONDET *ibid.* species soni non ita dependere in conservari ab objecto ut species visus, quod non possent manere aliquantulum absque præsentia objecti.

CONTRA : Ergo vera nostra Conclusio suprà tradita de speciebus visus, & aliorum sensuum, quod potest fieri sensatio absente objecto, & sic satisfic hac solutione toti difficultati.

416. HINC adæquatè Respondetur ex doctrina S. Bonavent. qui notat in *Opusc. de reduc. artium*, quod species visus sunt puriores, & ob id velociores speciebus soni : istæ enim sunt immixtæ cum aëre, & ob id deferuntur cum maiori successione, quàm illæ.

OBIIICES tertio : Multitudo sonorum confundit auditum : at si

sensatio fieret per species, non fieretalis confusio, cum non sint inter se contrariæ : ergo fit per sonum realem.

RESPONDETUR talem confusionem non oriri ex speciebus, sed ex applicatione sensus, quæ est limitata : Pluribus enim intentus minor fit ad singula sensus.

OBIIICES quartò : In sono Campanæ auditus sonus multiplicatus est realis : ergo.

RESPONDETUR multiplicari sonum ex multiplici percussione aëris facta in concavo campanæ : sic nihil contra Nos : Non enim per id probatur non peruenire per species ad auditum.

DICES : Quomodò sensus potest terminari ad sonum non actu existentem, sed iam præteritum, & transactum.

RESPONDET Meldul. *num. 155.* hanc esse potiorè difficultatem, & dicit, quia species etiam sunt sensibiles, sicut evenit etiam in aliquibus speciebus visus : & cui non placet hæc responsio (ait ipse) aliam meliorem adinueniat : & licet possit sustineri hæc responsio.

Nos tamen ex traditis satisfacimus plenè dicendo, quod sensatio potest fieri etiam objecto non existente præsentè post transactum modicum tempus.

417. CIRCA quantum dubium de speciebus Soni : Respondetur sonum dividi in plures species, quarum tamen extremæ sunt gravis, & acutus : ille fit cum agitatione aëris maiori, iste cum minori : Dantur & aliæ species mediæ : divisio tamen magis propria est in sonum communem rebus inanimatis, & proprium animatis, ille dividitur in naturalem, &

& in artificialem: iste in articulatum: & non articulatam.

Et communiter (ex S. Bonavent. in Ps. 28.) diuiditur in sonum parum, in sonum vocem, & in sonum sermonem: primus se habet vt genus, & quid superius: ceteri vt quid inferius: Sonus item purus alius est interior: alius exterior: Primus exercetur intra sensorium auditus: cum enim sit inclusus in aure aer innatus, potest in eo fieri aliqualis sonus imperfectus: & patet, cum mouetur ille aer ex humore noxio, sit sibilus, & in-nitus: sic etiam ex motione spirituum ibi concurrentium, sicut etiam sentitur, quando digitum auri apponimus: Exterior vero ex percussione corporum modo iam dicto: Sed quia sonus perfectior est Vox, & Sermo: Hinc sequens questio proponitur de Voce.

vno auditu consistit: Et cum omnis veritas (vt ait S. Bonavent. Serm. 4. & 5. & 6. Hexaem.) ad hæc tria capita reducat, scilicet ad veritatem rerum, morum, & verborum, seu vocum: ab huius perceptione maxime dependet cognitio veritatis rerum, & morum: & ratio est iam dicta, quia fides, & omnis alia veritas est ex auditu. Tum etiam quia (vt notat Serm. 2. & 11. Hexaem. in fine) adest in voce quid latentis energiz, & vitalitatis, per quam intensius imprimatur veritas, quam per visum: Hinc de Voce, & Sermonem aliquid dicendum: Quare

419. NOTANDUM primum, quod (vt aduertit S. D. lib. 2. dist. 21. dub. 1. & dist. 10. art. 3. q. 1.) Vox, vt efformetur, exigit tria, scilicet instrumentorum aptitudo, virtus motiua, & virtus directiua: Ad primum requiruntur organa apta: Ad secundum vis ipsa organa mouens: Ad tertium vis animæ excogitatiua: Et quoad primum sciendum est, quod ab ore versus pectus sunt duæ viæ, quarum altera est collocata à parte posteriori, & est, per quam cibus deglutitur, tenditque in ventriculum, & dicitur gula: altera est, per quam aer in refrigerium cordis, & caloris superfluentis ad pulmonem mittitur, & dicitur guttur, vel arteria aspera: est enim inæqualis per anfractus circulares ducta ex materia simili cartilagini, vel ossi, versusque os, & sub mento, quod vulgo dicitur pomum Adami, habet & magnam cavitatem, quæ dicitur gurgulio, & iuxta extremum lingue interius habet suum foramen ante cavitatem gulæ, quod in deglutione sursum fertur, in quodantur varij masculi ad diuersos sonos efformandos.

## QVÆSTIO V.

*Quid sit Vox, & Sermo: quomodo efformentur: Vbi de Echo: & magis explicatur natura Soni.*

418. **A**UDITVS, vt supra diximus, secundum locum dignitatis post visum obtinet non solum ratione obiecti purioris, vt aduertit S. Bonavent. in Opusc. de reduc. artium: sed quia maxime completur per obiectum completius, quod est Vox articulata, & Sermo, & hac ratione Auditus appellatur Disciplinæ, & scientiarum Mater: per auditum enim facilius, quam per propriam inuentionem se insinuant in homine inuicia iustitiæ: fides enim est ex auditu, imò & tota ciuilis vita

Hinc foramini adest membrana cartilaginosa, quæ claudit ostium ipsius, & dicitur epyglottis, seu linguula, seu vula à similitudine vularum: hancque membranam prouidit natura, ne aliquid cadat in gurgulione, & si ceciderit, tunc excitatur tussis, & ferè suffocatur.

PER hanc viam à capite aliquando effluunt rheumata, quæ appoplexiam causant, vel pleuriticam: Hoc gurgulione duplex aer immittitur, primò respirando, quo sonus hinc ortus non dicitur vox, sed respiratio, aut habitus: secundò ad experimendam sensationem aliquam, & sic dicitur peculiari ratione vox: Dum igitur percipitur aer extrinsecus, & recipitur intra, sed tamen ab aëre interno, à pulmone frangitur, & percutitur, tuncque gignitur Vox

420. NOTANDUM secundò, quod cum vox non solum requirat instrumenta apta, sed & virtutem moriuam, quæ præcipuè inest in pulmonibus, & virtutem directiuam, hæcque vltima consistit in actibus potentia excogitatur: hinc patet, quod vox tantum est animalium animam sensitivam habentium, & simul habentium pulmonem, quo fit respiratio, (vt rectè aduertit Seraph. Doct. lib. 1. distinct. 40. art. 4. quæst. 2. ad 6.) Vnde (vt ait lib. 1. distinct. 9. dub. 7. & distinct. 27. part. 2. quæst. 4.) primò vnitur species sensui interno, deinde ipsam cogitat experimento sibi ipsi, & deinde ipsam cogitationem exprimendo voce sensibili: quæ omnia (ait S. Doct. lib. 2. dist. 21. dub. 1.) sunt imperfectè in aliquibus animalibus, perfectè autem in homine.

Hinc patet dari loquutionem licèt imperfectam in animalibus,

quatenus importat articulationem vocum, qua exprimunt varios effectus, & conceptus internos: vt patet in picis, & psittacis: Et hæc est ratio, quare animalia cognoscunt diuersitatem vocum aliorum animalium: sic ouis cognoscit vocem agni ipsam quærentis, sic canis voces alterius canis latrantis ob præsentiam lupi, & sic de aliis multis: quod & probat eruditissimè Hyeron. ab Aquapendente in suo opusculo de hac re edito apud Meldul. *dis. 5. m. 134. & seq.*

DIFFERT tamen hæc loquutio articulata brutorum à loquutione hominum per hoc, quod hæc hominum est perfecta (ait S. Bonauent. cit.) idest quia hæc articulatio est composita litteris, syllabis, dictione, & oratione, obidque & magis elaborata est. Tum etiam quia hæc fit mediis labiis, dentibus, & lingua: loquutio verò brutorum fit potiùs in faucibus media larynge, & linguula, idè est magis confusa: estque etiam naturalis, & propria unicuique speciei, at homo pro libito variat ipsam: His positis

421. VNICA CONCLUSIO: Vox rectè sic definitur ab Arist. 2. de an. 1. 90. Vox, est percussio respirati aeris ab anima, qua in his partibus collocatur cum imaginatione aliqua ad eam partem, qua arteria, seu gurgulio dicitur. Dicitur, (percussio,) non formaliter, sed causaliter, causatur enim à percussione, sicut & sonus: Dicitur (respirati aeris ab anima, qua est in his partibus, idest in pulmonibus, & aliis instrumentis,) vt distinguat alios sonos ab animali producibiles: vt est stridor dentium, motus labiorum, qui non sunt vox: Dicitur (cum imaginatione,) vt explicetur vocem præsen



præsentare internos affectus, per quod discernitur a sono puro, & etiam à tussi, quæ non fit cum imaginatione aliqua.

DICES primò : Vox competit etiam rebus inanimatis : ergo.

RESPONDETUR competere vocem metaphoricè tantum : propriè enim est expressio affectus interioris : Vide S. Bonavent. *lib. 2. dist. 8. infra cù.*

DICES secundò : Hæc definitio competit etiam Sermoni : ergo non benè definitur.

RESPONDETUR concedendo antecedens : & negando consequentiam : Vox enim definitur hîc, ut est communis etiam Sermoni, qui est vox articulata, seu multiplicata, & distincta.

QVÆRES : an Angeli habeant voces?

RESPONDET S. Bonavent. *lib. 2. distinct. 8. part. 1. art. 3. quest. 2. & distinct. 10. art. 3. quest. 1. & lib. 2. dist. 21. cit.* quod habent voces internas, non verò externas, & si videntur loqui exterius, non est propriè loquutio, sed est sonus causatus ex motione corporum ab ipsis assumptorum, qui sonus articulatur, & distinguitur, ut percipiatur ad modum vocis.

422. QVÆRES : quomodo efformetur Echo?

RESPONDETUR, quod Echo est sonus reflexus : sicut enim in visu contingit videri rem aliquam per reflexionem, ubi non est, verbi gratiâ, in profundo speculi ex eo, quod species reflectuntur à corpore terfo, & polito, sic & in auditu : cum enim species soni, utpotè virtuales similitudines illius impingentis in corpus concavum habeant vim producendi

ibi eundem sonum, sicut faciunt in aure, idè illum producant, & multiplicent secundum multiplicatam concavitatem, in quas reflectuntur, qui soni producti deinde emittunt speciem sui, quarum ratione ab aure multiplicatio sonus auditur, sicuti species visibiles in speculo visæ alias species sui emittunt in oculos.

ADVERTE tamen non omnia corpora esse capacia talis reflexionis, nèpè hiatis plena : ut dolia, tipæ fluminum : item mollia, aspera, humida, & inæqualia, sed debent esse dura, leuigata, ac benè compacta, quæ ærem non disperdiant, sed integrum reddunt ; sed quia in reflexione sonus est remissior, quàm in directo sono, idè regulariter audiuntur tantum vltima verba : quodque etiam evenit, quia vox reflexa impeditur ab auditione à vocibus directis : Verum quidem est, quod in aliquibus locis adest Echo, in quo audiuntur omnia verba integri carminis : sic dicitur in montibus Parmensibus adeste tale Echo, & in quodam Palatio prope Mediolanum, & hoc, quia corpora concava sunt ita disposita, ut partes priores ab vltimis non turbentur.

QVI plurium dubiorum de auditu solutionem vult, adeat Conimbric. in *Problem. 2. & 3. De Physiognomia aurium* vide S. Bonau. in *Com. Th. lib. 2. cap. 58.* & Nos infra aliquam breviter trademus.

## QVÆSTIO VI.

*De Odoratu, Gustu, & Tactu.*

423. **P**RO explicatione horum triū sensuum Notandum, quod cum Nasus inseruiat in animantibus, respirantibus, & olfacientibus, (non enim omnia gaudent hoc sensu) ad respirationem, & olfactionem hic habet partes externas, & internas: externæ sunt duæ, scilicet superior, quæ est ossea, & inferior, quæ est cartilaginea, quasi fornex cooperiens duo foramina, quæ nares appellantur, quorum vnum ad cerebrum tendit, & per quod expargatur cerebrum, & deferuntur odores: aliud tendit ad finem palatus, & ad guttur, per quod transit aer in respiratione usque ad cor: Partes internæ sunt sequentes: In superiori parte narium, & summitate nasi interius eminent duo tubercula mammillarum similitudine, quæ idcirco dicuntur processus mammillares, seu papillares, sub his adest os quoddam habens plura foramina, sed præcipue duo principalia respondentia duobus foraminibus dictis nasi, quod os dicitur cribrum, vel os spongiosum è similitudine cum cribro, vel spongia: super has carunculas adest pellicula exanguis continuata cum tunica, quæ ad palatum, guttur, & linguam extenditur, quæ pellicula inseruit ad defensionem duorum tuberculorum, habetque minuta foramina, ut tum aëri, tum odoribus, tum pituitæ, & excrementis cerebri esset peruia. Adsunt & duo nervi è cerebro procedentes, & ad dictas carunculas terminati, quibus spiritus vitales, animalesque defe-

runtur à cerebro, & species ad cerebrum deferuntur: His prænotatis.

424. **PRIMA CONCLUSIO:** Sensorium immediatum, seu organum odoratus non consistit in cerebro, ut dixerunt Aliqui, eo quia est potius organum internum sensuum: nec item in nervis è cerebro procedentibus, cum solum inseruiant ad deuchendos spiritus, & species, sed in duobus parvis tuberculis mammillaribus: sunt enim coniuncta cerebro, sunt & aëreæ, & humidæ naturæ, obidque magis apta ad odores percipiendos, & emittendos ad cerebrum: & hæc est communior.

HVIVS sensus autem obiectum est odor, ut de se patet, & notat S. Bonau. in Centil. *part. 3. sect. 21.* & in Itiner. Ment. *cap. 2.* & Comp. Theol. *lib. 2. cap. 35.* Odor autem est quædam qualitas orta ex temperamento quatuor qualitatum prædominante siccitate: & à Seraph. Doct. dicitur vapor in *Opusc. de reduc. art. & lib. 4. dist. 49. p. 2. art. 3. quest. 1.* dicitur qualitas non absoluta, sed emanatio, idest non permans in corpore, ut petmanet color, & tangibilis qualitas, sed extens ad extra: Et licet dicatur vapor, non est tamen intelligendum, quod sit substantia, sed qualitas vaporosa promanans à corpore, ubi viget vaporosa substantia: Et hinc patet, quare color, & siccitas ut plurimum prædominantur in odore, sicut humidum in fœtore, quia humiditas est causa corruptionis.

MEDIUM autem odoris est aer, & aqua (ait Seraph. Doct. in Centil. *cir.*) & de se patet: Immutat autem per species, non secundum esse reale: Sic S. Bonavent. *loc. cit.* Patet ex traditis de cæteris sensibus. Tum

etiam

etiam quia exhalationes reales non reperiuntur in quolibet puncto medij, aliter in aula, verbi gratia, nihil aeris existeret: & tamen in quolibet puncto aulae percipitur odor, ergo ibi reperitur secundum esse intentionale. Tum quia videmus percipi à piscibus odores in aëre existentes: at si essent exhalationes veræ, non perciperentur, cum vt plurimum à ventis alibi deferuntur.

425. SECUNDA CONCLUSIO quoad gustum: Hoc organum residet vt plurimum in lingua, & palato, præcipue in cuspide linguae: Sic S. Bonavent. in Centil. *part. 3. scilicet. 21.* Adhuc enim in lingua duo nervi immitti à cerebro vsque ad illius cuspidem, qui in alios minores per totam linguam diffusos diuiduntur, & per quos à cerebro transmittuntur spiritus animales, & ab ipsa species ad sensus internos. Gustus obiectum est sapor, qui ex Aristot. sic describi potest: Sapor est qualitas sensibilis secunda ex commixtione primarum resistentium humido aëneo super siccum terrestre prædominante, & calore decoquente, potentiam gustatiui immutans: Dicitur, (qualitas,) loco generis: Dicitur, (secunda,) vt distinguatur à primis: Dicitur (ex commixtione quatuor qualitatum,) vt innunatur qualitates puras elementares non esse obiectum gustus, obidque elementa pura de se non esse commistibilia: Dicitur (humore aëneo super siccum prædominante,) ad differentiam odoris, in quo siccum prædominatur super humidum, & hoc siccum debet esse terrestre, non igneum: hoc enim ob sui raritatem est gustui ineptum: sicut humidum aqucum non aëreum, ne citò dilabatur, sicut aër, sed permaneat ob eius crassitiam,

requiritur etiam calor, vt digerat siccitatem, & frigiditatem terream, quæ dux qualitates extremæ tollunt gustationem: Dicitur, (immixtus potentiam gustus,) vt indicetur saporem esse obiectum sensibile proprium non commune gustus.

QUOD AD medium extrinsecum dicimus cum Seraph. Doct. in Centil. *part. 3. scilicet. 21.* esse humorem salinalem, licet medium intrinsecum sit caro, & pellis cooperiens linguam, & maxime cuspidem: Vnde sapor humectatus saliva immittit speciem in pellem, & carnem, quæque recipitur in organo gustus causans sensationem sui: Addimus saporum species esse plures provenientes ex diuersa commixtione quatuor qualitatum, & prædominio humidi, quarum extremæ sunt amarum, & dulce: illud est humidum maxime à sicco separatum: istud est maxime coniunctum cum sicco: Dantur & alij saporis medij, de quibus Vide Comimbrie. 2. de an. *quæst. 1. artic. 2. cap. 10.*

426. TERTIA CONCLUSIO circa sensum tactus: Organum tactus est nervus, seu caro nervosa, quæ à cerebro in modum retis extenditur per totum corpus, cooperita tamen carne, & pelle extrinseca: & hæc caro, & pellis est medium huius organi: Sic. S. Bonavent. in Centil. *cap. 7.* & communior cum Aristot. contra Aliquos asserentes esse carnem, & pellem supra dictam, quam Nos ponimus pro medio sensationis.

PROBATVR: Quia talis nervus, seu caro nervosa & continuatur cum cerebro, & distenditur per totum corpus, & est susceptiva spirituum animalium, qui procedunt à cerebro, & ficientis

etiam delatiua specierum, & est sufficientis temperamenti ad tactum: ergo.

**OBIECTVM** autem tactus sunt omnes qualitates tangibiles elementares, vt calidum, frigidum, humidum, siccum, rarum, & densum, leue, & graue, asperum, & lene: Sic S. Bonau. in Centil. *part. 3. sect. 21.* Verum tamen est, quod omnes secundæ qualitates tantum sunt tangibiles, in quantum constant primis quatuor qualitatibus, in quibus inest unica ratio formalis tangibilis, scilicet immutatiua complexionis primarum qualitarum, quibus animal constat: quæ immutatio fit mediantibus speciebus, vt de aliis dictum est: Immutatio autem fit ex excellenti prædominio existente in obiecto, & maxime in primis qualitatibus: nam in secundis potest fieri etiam in remissiori gradu, vt in aspero, & leni: patet enim experientia, si manus est intense calida, non immutari à tactu aquæ calidæ in gradu remissiori, bene autem in tactu rei aliquantulum asperæ, & lenis.

**QVOD** verò per species fiat tactus immediatè, patet experientia: vt si quis habeat super digitos extensam

pelliculam, adhuc sentiretur corpus tangibile: si accedamus ad ignem, sentimus calorem ignis, & etiam aeris calefacti: ergo si sentimus per medium externum, id fit per species, sed non est maior ratio de tactu immediato, cum qualitates tangibiles semper immittant suas species: Videantur Conimbric. in tract. problematum, qui circa hos sensus proponunt, & soluunt pulcherrima dubia, & valde curiosa.

**QVÆRES:** quomodo differant sensus gustus, & tactus.

**RESPONDETUR** conuenire quidem ambo in hoc, quod obiectum vnitur realiter cum medio intrinseco, & quia in utroque percipitur, & obseruatur voluptas: differunt tamen primò in obiecto formali, vt dictum est; secundò in modo percipiendi obiectum: nam gustus semper percipit obiectum simul cum humido, non sic tactus: tertio organo: gustus enim est in lingua, & palato, tactus in toto corpore: quarto in fine: nam tactus pertinet ad corpus forinsecus, gustus ad conseruandum corpus intus, & tandem quia possunt separari, &c. Sic Meldul. *disp. 5. num. 176.*

**ET** hæc de sensibus externis.





# TRACTATUS III. DE ANIMA.

## *De Sensibus internis.*

427. **R**ÆTER sensus externos enumeratos dari aliquem sensum internum certum est apud omnes Philosophos, & Theologos, & experientia ipsa suadetur tam in homine, quàm in brutis: Recordantur enim sensationum externarum, & ad illa obiecta accurrunt, vnde bonum aliquod perceperint, & fugiunt ab eo, vnde malum ipsis venerit: hinc patet etiam dari potentiam sensitivam appetitivam: quare in re tam certa de an sit, non est tempus frustrà terrendum. Hinc.

¶

### QVÆSTIO PRIMA.

*Quot sint sensus interni, qua eorum organa, & operationes.*

**C**IRCA numerum potentiarum sensitivarum internarum est maxima varietas opinionum: nam Aliqui reducunt eas ad tres potentias, scilicet sensum communem, memoriam & iudicativam: Sic Picol. Tolet. Faber, Aliique. Alij ad quatuor capita reducunt, scilicet sensum communem, phantasiam, æstimativam, & memorativam. Sic D. Thom. & Sequac. apud Complur. *R. P. Bart. de Castrovetro Phil. P. III.*

Alij addunt quintam, scilicet imaginativam distinctam à phantasia. Ultima tandem opinio unicam tantum potentiam recognoscit, solùmque docet distingui penes officia, & operationes: estque Alenf. *part. 2. quæst. 7. memb. 2.* Tatar. Plurimùmque Aliorum: & est Seraph. Doct. ut infra patebit.

**Q**UOD organum, seu subiectum immediatum: Aristotelici eam reponunt in corde: Medici in cerebro, & hæc est opinio Seraph. Doct. Pro solutione

428. **P**RIMò Notandum, quod in assignanda ratione distinctiva potentiarum internarum variant DD. Aliqui enim distinguunt ex diversitate cellularum existentium in cerebro:

A a a

broz

bro : Sic Rabefanus *hic quæst.* 2. & quia adfunt (ait) quinque cellulæ, idèd & quinque potentiæ realiter distinctæ : sic enim ex diuerfitate organorum externorum arguimus diuerfas potentias realiter distinctas : sic etiam Faber *theor.* 100. Immo & id videtur sentire Seraph. Doct. nam in Comp. Theol. *lib.* 2. *diff.* 36. & *deinceps* notat adesse in cerebro varias cellulas, & tot, quot sunt potentiæ internæ, & in Centil. *part.* 3. *sect.* 21. diuidit potentias secundum partes cerebri : Attamen sensus Seraph. Doct. non est, quod ex dictis cellulis inferatur distinctio realis potentiarum, sed tantum quoad manifestationem, & diuersa munera, ad quæ eadem potentia est apta : Sic *lib.* 3. *diff.* 13. *art.* 2. *quæst.* 3. ad 1. ubi confetens influentiam capitis cum influentia cordis, dicit, quod influentia capitis est generalior secundum manifestationem, pro eo quod in capite omnes sensus apparent, & eminentiorem situm habent, & in eo sunt cellulæ aptæ ad cognoscendum, & nerui apti ad sentiendum, & mouendum : vnde Seraph. Doct. assignat discrimen tantum quoad manifestationem, quæ fit per operationes, non quoad rationem formalem : vnde hæc regula de distinctione potentiarum desumpta à dictis cellulis est valde fallax : vt notat etiam Galeus apud Runtum *hic nam.* 61. qui docet hanc multiplicem distinctionem ad alia officia datam fuisse à natura, & hoc etiam dato, non hinc necessariò inferenda est distinctio realis, sed tantum penes diuersa officia potentiarum : Hinc

429. SECUNDO Notandum, quod in eodem obiecto cognito ab inferiori, & superiori potentia plura co-

gnosceat superior, quàm inferior, siue in ordine intellectiuo ; siue in sensitiuo, quod & innuit Seraph. Doct. *lib.* 4. *diff.* 50. *part.* 2. *quæst.* 1. ad ult. Sed clarissimè S. Thom. *part.* 1. q. 78. *art.* 4. ad 2. & 4. exemplum habemus primò in sensu, & in intellectu, & etiam in diuersis sensibus. In intellectu quidem, quia licet non cognoscat nisi acceptum per sensus, & dependenter ab eis : at in obiecto cognito per sensus plura ipse cognoscit, quàm sensus, vt colorem cognoscit visus solum in ratione visibilis : intellectus verò cognoscit plura alia, vt esse visibilem, esse qualitatem, &c. Idem proportionaliter est dicendum de sensibus internis : nam sensus communis cognoscit colorem, non solum vt visibilem, sed vt visum, vt diuersæ naturæ à sono, & vt delectabilem.

RATIO est, quia potentia, quod perfectior, èd altior, & vniuersalior, & plura sub se comprehendens : hincque patet, quod licet potentiæ sensitiuæ internæ sint organicæ, tamen quia sunt perfectiores externis, idèd maiorem vniratem admittunt, & èd magis, quod exigunt actus subordinatos inadæquatos. Et hinc rectè dixit Scotus *lib.* 1. *distinct.* 3. *quæst.* 3. *part.* 2. §. ad rationes, quod si potentiæ sunt subordinate in eodem genere, tunc potentia superior potest continere in suo obiecto primo obiectum primum inferioris, sicque sensus communis continet in suo obiecto primo obiecta quinque sensuum exteriorum, in quo casu cum actus potentiæ inferioris, & etiam obiecta sint inadæquata, non possunt ponere distinctionem in superiori, quæ tantum per actus, & obiecta adæquata potest specificari : non

non enim tanta distinctio requiritur in potentiis, sicut in actibus, quia una potentia maximè superior potest in plures actus specificè distinctos: vt patet de intellectu, &c.

HINCQUE Seraph. Doct. dixit *lib. 2. distinct. 24. part. 1. art. 1. quæst. 3. fund. 1. & per totam, & lib. 3. dist. 23. art. 1. quæst. 3.* quod potentia unitas exigit non solum idem obiectum formale, sed & eandem rationem immutationis actiue, & passiue: & *lib. 2. distinct. 19. dub. 2.* quod potentia distinguitur per actus, qui circumplectuntur totam potentiam, id est, qui sit adæquatus, & ita ab illa potentia percipitur, quod non possit percipi ab alia sub eadem ratione.

430. TERTIO Notandum, quod licet *lib. 2. dist. 24. part. 1. quæst. ult. ad 2.* dicat Seraph. Doct. speciem, quæ à sensu defertur ad imaginatiuam, non exire idem genus abstractionis, non per hoc tamen vult dicere, quod eundem modum immutandi potentiam habeat in sensibus externis, & internis: Sed vult dicere, vt se explicat *lib. 4. dist. 50. part. 2. quæst. 1.* quod tam sensus externus, quam internus cognoscit res non in communi, sed sub conditionibus materialibus, scilicet indiuidualibus, & singularibus. Differunt tamen, quod sensus externus percipit res materiales præsentem materia eo modo, quo diximus suprâ suo loco; Interni verò res cognoscunt absente materia etiam permanentem, & per consequens perfectiori abstractione præscindente à præsentia obiecti: Et hinc *lib. 3. dist. 23. dub. 4.* dicit, quod sensus cognoscit per species omninò concretas materiæ, & imaginatio per species partim con-

cretas, & partim abstractas: quod dictum in superioribus explicauimus ad sensum Seraph. Doct. & in Centil. *part. 3. sect. 23.* dicit, quod sensus accipit formas in materia: imaginatio extra materiam: & quia hæc abstractio importat in eodem genere plures actus inadæquatos: hinc fit posse ab una potentia totali exerceri.

ADDIT Seraph. Doct. *loc. cit. lib. 4. dist. 5. part. 2. quæst. 1. ad ultim.* quod abstractio in anima separata maior, & minor non infert diuersitatem potentiarum: bene autem in anima, dum est coniuncta corpori: ex diuersa enim abstractione etiam diuersificantur potentia: vt dictum est, &c. His prænotatis.

431. PRIMA CONCLUSIO: Potentiarum sensitiuarum interiorum organum, & subiectum est substantia cerebri, ipsiusque medulla: Est S. Bonauent. in Centil. *part. 3. sect. 21. & in Comp. Theol. lib. 2. cap. 34. & seq.* qui licet recognoscat diuersas cellulas in cerebro, non per hoc tamen infertur diuersitas organorum, vt infrâ patebit: est & Aliorum *suprà cit. Meldul. item dist. 5. quæst. 8. art. 5. Serbel. disp. 2. quæst. 2. art. 14.* Bagatæ. Ruuij *hic* Aliorumque contra Arist. recognoscentem cor pro subiecto.

QUOD verò sit opinio Seraph. Doct. elicitur ex eo, quod *lib. 2. dist. 20. dub. 6.* docet, quod anima, dum est in corpore, complexionem corporis imitatur, & ob id infantia, quia est mollis, & complexio cerebri fluida, idè non potest esse ibi fortis impressio specierum, nec fortis conuersio super illas: hinc totum cerebrum cognoscit pro organo operationum interiorum animæ.

PROBATVR autem ex Ruuio : Quia ex vſu anathomicae artis conſtat neruus à cerebro deriuari, in eoque coniungi, cor verò non attingere: à medulla enim cerebri ſpinali, quæ eſt quædam ſubſtantia alba in medio cerebri poſita parùm durior, ſexaginta paria neruorum promanant diſtributa per totum corpus, & ſeptem paria à parte anteriori ad ſenſus externos, nempe duo optici, ſeu viſorij ad oculos, & alij duo motorij, quibus mouentur vndequeque, & deinde duo pro quolibet alio ſenſu, cum hoc tamen, quod ad ſenſum tactus diſtribuuntur tanquam in ramos per totum corpus. Tum etiam quia læſa phantafia applicantur remedia capiti, non cordi: patet etiam ex ſummiſſitatibus aſcendentibus ad cerebrum, quæ impediunt operationes internas.

432. SECUNDA CONCLVSIO: Potentia ſenſitiua cognſcitiua interna eſt vnicatantum ſecundùm ſpeciem, & numerum, multiplex verò ſecundùm officia, & actus: Eſt Plurimorum ſupracit.

PRIMA pars patens eſt ex S. Bon. nam vt plurimum omnes potentias internas ſenſitiuas vocat vnico nomine imaginationis, vt videre eſt *lib. 2. diſt. 14. part. 1. art. 2. quaſt. 4. ad 2. & lib. 1. diſt. 16. art. 1. quaſt. 2. ad 4. & lib. 3. diſtinct. 14. art. 3. quaſt. 2. arg. ult. ad oppoſitum* confundit ſenſum communem cum imaginatiua, & *lib. 1. diſt. 39. art. 1. quaſt. 2. ad 2. & lib. 4. diſtinct. 50. part. 2. quaſt. 1. & in Cent. part. 3. ſect. 23. & in Itiner. ment. cap. 2. verum quidem eſt, quod in Comp. Theol. lib. 2. cap. 36. ad 40. omnes potentias internas enumerat, & maxime in cap. 40. dicit, quod memoria incipit à ſenſu communi, &*

imaginatione, & completur potentia in ſeipſa: & in Centil. & in Comp. Th. *ch.* eas reducit ad quinque capita, ſuntque ſenſus communis, viſ imaginatiua, viſ æſtimatiua, phantafia, & memoria, cui addit reminiſcentiam in rationalibus: ſed talis enumeratio eſt deſumenda penes officia, & actus diuerſos, cum *in ſuprà cit. locis* ipſas confundat in vnum: Vnde in Centil. *part. 3. ſect. 21.* dicit, quodd imaginatio aliquando dicitur ſenſus communis, aliquando imaginatio, aliquando memoria ſecundùm diuerſa officia, & actus: & hinc conformiter ad hoc dictum norat *lib. 2. diſtinct. 14. part. 2. dub. 3.* quodd iſtæ potentia ſenſitiua interna in vnum coincidunt integrantes quaſi vnum perfectum poſſe circa iſta ſenſibilia, & ided notanter appellat iſtas nomine virium, non verò potentiarum: quia, vt notat *lib. 2. diſt. 14. part. 1. art. 2. quaſt. 1. in fine corp.* eadem potentia habens diuerſos actus dicitur habere diuerſas vires, non verò diuerſas potentias, quia potentia nominat euitatem diſtinctam ab ipſa ſua radice: quibus

PROBATVR primò: Quia non ſunt multiplicanda entia ſine neceſſitate, ſed nulla eſt neceſſitas multiplicandi iſtas potentias: ergo.

PROBATVR Min. Quia ſicut non multiplicatur ob hanc rationem intellectus, licet habeat diuerſos actus etiam ſpecie diſtinctos eo, quod potentia ſuperiori id ex ſua perfectione competit, ſic & potentia interior ſenſitiua, cum ſit ſuperior externis ſenſibus, poteſt multiplicem actum producere.

PROBATVR ſecundò: Potentia, quæ habent idem obiectum, & eundem modum immutationis, non diſtin



distinguuntur inter se, nisi penes munera, vel actus diuersos, sed potentia internæ sensitiuæ sunt huiusmodi: ergo: Maior est certa, quam & supponit Seraph. Doct. *lib. 2. distinct. 24. part. 2. art. 2. quæst. 3. fund. 1. & pluribus aliis locis.* Minor probatur: Potentia sensitiuæ internæ habent pro obiecto rem singularem sensibilem, à qua immutantur per speciem præscindentem à præsentialitate obiecti: ergo habent idem obiectum, & eundem modum immutationis.

**RESPONDENT** Aduersarij, quod licet omnes potentia interiores recipiant species eiusdem rationis, non tamen circa eas eodem modo negotiantur: nam sensus communis recipit, & discernit varias species, sed non retinet ut aliæ potentia: & harum aliqua retinet species rerum ut præteritum, aliqua non: quæ omnia indicant diuersitatem formalem in obiecto, & in ratione immutatio-  
tutia.

**CONTRA:** Quia hoc discretum est accidentale non per se in obiecto, cum omnes potentia æqualiter abstrahant species ab obiecto ut absente: præteritio enim nihil addit ad abstractionem rei absentis: Immo omnes sensus, cum immutantur ab obiecto ut absente, conueniunt etiam in ratione præteriti.

**QUARE** optimè notat Seraph. Doct. in Comp. Theol. *cir.* sensum communem appellari duobus nominibus, scilicet sensus, & communis iuremerito, scilicet nomine sensus, quia eius munus est recipere species præsentem materia, cum ad ipsum, ut ad centrum reducantur omnes sensus externi: item nomine communis, qui habet indicare sensata, eaque ad inuicem comparare, & dis-

cetnere inter se, ut abstracta à præsentialitate materia: quæ ratio est communis cæteris sensibus: & hinc dicitur communis, scilicet sensibus externis, & magis internis.

**413. OBIECTES** primò: Obiecta horum sensuum habent diuersos modos immutandi potentiam, & sensus item habent diuersa organa, & diuersos actus: ergo distinguuntur specificè, & realiter.

**PROBATVR** antecedens quoad obiecta: Sensus communis percipit sensibilia præsentia: cæteri absentia, & inter hos aliqui percipiunt ea ut præterita, ut memoria: alij præscindunt à præteritione.

**QUOD** organa: quia sunt in diuersis cellulis, ut patet ex Anathomia, & aduertit etiam Seraph. Doct. *suprà cit.* habent enim diuersa temperamenta: ergo.

**RESPONDETUR** negando absolute antecedens: ad probationem respondetur ex S. Bonau. *lib. 3. dist. 23. dub. 4.* omnes sensationes horum sensuum internotum conuenire in hac ratione formali obiectiua, quatenus percipiunt per species partim concretas materia, & partim abstractas, quod suprà explicauimus, scilicet concretas, idest representantes rationes indiuiduales: abstractas, idest, præscindentes à præsentialitate obiecti: quæ ratio etiam competit sensui communi, ut dictum est, & infrà magis explicabitur, & ob id omnes præscindunt à præteritione, & absentia.

Et ad id de cellulis Respondetur totum cerebrum esse organum horum sensuum: sed quia sensus internus habet multiplicem vim, & actus diuersos, quippe qui est superior, & sublimior sensibus externis, qui

actus sunt subordinati, & per se inadæquati, vt pater etiam in intellectu.

Hinc etiam isti actus exigunt diuersitatem temperamentorum in tota illa substantia cerebri, ita quod in vna parte habet maiorem humiditatem, & in alia maiorem siccitatem, sed tamen non in summo, sed in esse refracto, & secundum vnum, & intra eundem ordinem specificum per magis, & minus tantum variando.

DICES S. Doct. lib. 2. dist. 24. art. 1. art. 2. q. 4. ad 2. docere species sensuum externorum & internorum non exire idem genus abstractionis: ergo etiam isti externi cum internis constituent vnicam potentiam.

SED iam responsum est huic difficultati, & satisfactum est explicando mentem Seraph. Doct. ex lib. 4. distinct. 50. part. 2. quest. 1. vbi notat conuenire omnes in hoc, quod non abstrahunt à singularitate, sed postea differunt in abstractione à præsentialitate.

OBIECTES secundò: Quia in aliquibus animantibus aliqua ex his potentiis deest: ergo signum est distinctionis realis.

434. RESPONDETUR negando antecedens: licet ex defectu dispositionum non adsint actus: nam etiam nutritiua habet plures actus, quorum aliqui in aliquo viuente desciunt.

OBIECTES tertio Aristot. distinguere inter phantasiam, siue imaginatiuam, & sensum communem: Sic 2. de an. c. 155. & probat etiam hanc differentiam tum ratione obiecti, quia sensus communis immediatè immutatur à sensu externo in actu: tum ratione modi immutandi, quia

sensus communis percipit sensibilium externa, vt præsentia sunt.

PHANTASIA verò mouetur mediatè, & præscindit à præsentia obiecti: tum ratione organi: quia organum sensus communis habet dominium humiditatis: est enim ordinatum ad faciliè recipiendum species: in organo verò phantasie præualet siccitas, quia est ordinata ad retinendas species: sicuti & cætera organa aliarum potentiarum differunt in prædominio alicuius qualitatis, vt infra dicitur, vt docet Seraph. Doct. in Comp. Theol. lib. 2. cap. 36. & deinceps: tum & ratione actuum adæquatorum diuersorum: quod enim vna operatur, non potest alia operari: ergo concurrunt omnia requisita ad distinctionem specificam potentiarum.

RESPONDETUR ex Meldul. cit. num. 296. Arist. in lib. de mem. & remin. cap. 1. in fine docere oppositum: dicit enim, quod phantasie species sensibilis phantasie est passio sensus communis: & hinc sequitur pro eodem sumere sensum communem, & phantasiam: vnde ad textum supra allatum respondent interpretes ibi Arist. non considerare potentias secundum se, sed actus, & munera ipsarum: sicque verum dicit, & nihil contra Nos: Ad alias rationes adductas in obiectione

RESPONDETUR ad primam partem negando fieri diuerso modo immutationem in sensibus internis: quia, vt dictum est, omnes præscindunt à præsentia obiecti, & si sensus communis recipit species externorum sensum actu sentientium, id ei est per accidens, & concomitantè tantum, idest cognitio sensus communis est abstractiua, cui concomi-

tatur

tatur intuitiva sensus externi: Vnde hac solum ratione dicitur sensus (vt ait S. Bonavent. *cit.*) dicitur verò communis, quatenus est idem cum phantasia, scilicet prope preceindit ab intuitiva cognitione: & hinc patet responsio ad secundam partem, negatur enim habere diuersa obiecta. Ex quoad tertiam partem de varietate temperamenti cellularum cerebri iam patet responsio ex supra traditis: nam illarum dispositiones existentes in variis partibus cerebri nec sunt oppositæ, nec ita annexæ, vt non possint mutari: patet id experientia aliquos statim recipere species, easque tenaciter retinere: alios ex opposito, vnde tales qualitates variantur secundum magis, & minus, & ob id nec sunt quilibet per se actus adequati, sed subordinati ad integrandum vnum perfectum posse (vt ait in simili S. Bonavent. *lib. 2. dist. 24. par. 2. dub. 3.*)

INSTANT Aduersarij (& est potissimum argumentum) æstimatiua percipit res insensatas, verbi gratiâ, conuenientiam, & disconuenientiam rerum, sensus communis, & phantasia tantum res sensatas: ergo habent munera omnino disparata: sed negatur ob id inferri diuersitatem potentiarum, quod infra præbit in seq. quæst. nam, vt dicitur, potentia interna non potest percipere insensata, nisi prius percipiat sensata, seu res, quibus conueniant talia prædicata insensata.

## QVÆSTIO II.

*Quodnam sit obiectum potentia sensitiva cognitiua.*

435. QVIA certum est sensus internos percipere obiecta sensuum externorum, & patet experientia, nempe irrationalia percipere differentias rerum externarum ab externis sensibus perceptarum: & quia in homine intellectus non immediate mouetur à sensibus externis, sed gradatim procedendo ad sensus internos: Præterea etiam adsunt affectiones, seu proprietates, quas Seraph. Doct. appellat nomine intentionum ad differentiam specierum, quas appellat imagines: vnde *lib. 2. cap. 38. & 39.* in Com. Theol. appellat, inquam, eas nomine intentionis, quia sunt quid maxime abstractum à sensatione, & differens ab ipsis speciebus: quare in his rebus sensibilibus, quæ non cadunt sub sensu saltem immediate, vt sunt conuenientia, & disconuenientia, priuationes, negationes, amicitia, odium, &c. dicuntur communiter insensata, sicut & sunt ipsæ sensationes sensuum tum internorum, tum externorum: habent enim potius esse spirituale, vel abstractum: hinc difficultas maxima est, an intra rationem obiecti horum sensuum internorum comprehendantur ista insensata, & si cognoscuntur: an cognoscantur immediate per proprias species: an per species rerum sensatarum: an experimento: & an cognoscant etiam proprias sensationes sentiendo se sentire: quod etiam examinabitur de sensatione

senstationibus in ordine ad sensus externos : & hac occasione queritur etiam , an animalia irrationalia habeant prudentiam , vel aliquem discursum operando propter finem intentum. In hac quæstione quor capita, tot sententiæ.

PRIMA Opinio denegat sensibus internis perceptionem intensatorum, verbi gratiâ, senstationum sensuum externorum rerum conuenientiam.

SECUNDA Opinio concedit sensus internis percipere hæc insensata, & senstationes proprias, & externorum sensuum, sed mediante specie immissa à rebus, & actu elicito ab ipso sensu : Sic Multi cum Meldul. Aliqui ad solum instinctum reducant actus per ordinem ad hæc insensata.

TERTIA Opinio admittit species intensatorum in brutis, & ipsa percipere hæc insensata mediis talibus speciebus, obidque & percipere senstationes tum aliorum sensuum, tum & proprias : & hanc esse Seraph. Doct. vel conformiorem suis principiis demonstrabo : Pro solutione quæstionis

436. PRIMò Notandum, & supponendum, quod suprâ traditum est *in tract. 1.* huius secundæ partis de speciebus, nempe quamlibet rem corpoream creatam habere vin generationis suæ similitudinis, immittique plures species, verbi gratiâ, sensibilibus communium, substantiarumque simul cum speciebus accidentium sensibilibus propriorum, & ab istis illas modificari, & percipi à potentiis internis per modum vnus, quod & dicendum est etiam de senstationibus externorum sensuum : vnde species coloris, quæ immittitur ab ipso, modificatur etiam per ipsius senstationis speciem, quod simul cum ipsa reci-

piatur : & ratio est, vt ait Ruuius *bic. quæst. 3. num. 84.* quia sensus internus non percipit obiecta sensuum externorum, nisi vt sensata ab ipsis externis, obidque & simul modificata, per senstationis speciem per modum vnus percipiuntur obiecta.

437. SECUNDò Notandum, quod cum triplex appetitus in vniversum inueniatur, vt notat S. Bonauenr. *lib. 2. dist. 38. art. 3. quæst. 1.* nempe rationalis, naturalis, & sensitivus : adest etiam triplex lumen directiui dictans, & veluti ostendens, simulque mouens rem ad consequutionem obiectorum talium appetituum : vnde in naturalibus puris hoc regimen directiui est quædam inclinatio, seu pondus, seu intentio, quæ potius est quid passiuum : In rationalibus est quoddam lumen iudicatorium dirigens tum in cognoscendo, tum in operando, quod lumen est innatum, & in anima impressum à Deo à sui origine : quod Seraph. Doct. appellat modò nomine luminis, modò speciei impressæ, modò habitus naturalis, modò lucis innatæ : Sic *lib. 2. dist. 39. art. 1. quæst. 1. & lib. 1. dist. 3. part. 1. art. 1. quæst. 1. ad ult. & fund. 3. & quæst. 3. ad 4. & pluribus aliis locis* : de quo lumine agemus in sequentibus suo loco : quod lumen, pro vt in se consideratur, dicitur species, sed pro vt est in anima, est veritas ipsam animam informans.

In sensitivis postea adest lumen, seu regimen medio modo se habens infra libertatem, & supra necessitatem dictans, & excitans bruta ad apprehendendum sibi vitia, & ad fugiendum noxia : & hoc lumen ab aliis communiter appellatur instinctus naturalis : à Guarino *disput. 10. de an. exp. 6.* appellatur nomine speciei

Speciei idealis ab humoribus naturalibus, complexioneque in phantasia excitatur, docetque talibus speciebus animalia tali ritu opus suum exercere: ab aliis dicuntur species insensatae: Sic Arriaga *infra* citat. Vnde S. Doct. lib. 2. *diffinit.* 18. *artic.* 2. *quæst.* 3. *in corp.* notat ex autore de causis prop. 11. & 16. quod anima rationalis creatur in umbra intelligentiæ (scilicet Angelorum) & sensibilis in umbra rationalis ex hoc, quod anima rationalis in cognitione deficit à cognitione Angelica, & sensitiva à cognitione rationalis: & idem secundum indigentiam uniuscuiusque à Deo donatur secundum instinctum propriæ naturæ: ut etiam innuit in Comp. Theol. lib. 2. cap. 39. & in Gentil. part. 3. sect. 21. ubi notat, quod Imaginatio in brutis dicitur æstimatoria, vel iudicatoria, secundum quam dicimus sagacitatem, & prudentiam esse in brutis secundum propriam unicuiusque naturam: quæ tamen in homine, cum sit associata cum ratione, multiplicatur secundum diuersitatem eorum, de quibus sit ratiocinatio: at in brutis, quia est absque ratione, idem non multiplicatur, sed tantum operatur vno modo secundum instinctum naturæ cuiusque.

438. TERTIO Notandum, quod procedendum est proportionaliter circa hoc lumen directiuum potentiæ sensitivæ, ac dicitur de lumine innato rationalium: nam, ut notat Seraph. Doct. lib. 2. *diff.* 39. *art.* 2. q. 2. illud lumen iudicatorium, seu species impressa in anima, cum dicatur species ut comparatum intellectui, & comparatum obiecto dicatur veritas, habet vim repræsentatiuam veritatum spiritualium, verbi gratia, virtutis. R. P. Bart. de Castroviejo Phil. P. III.

tutum Dei, intellectuum, cognitionis primorum principiorum: at tamen requiritur ulterius immissio, & receptio in intellectu specierum ipsorum terminorum explicantium talium principiorum primorum veritates.

PRIMO modo dicendum de illo lumine innato, & directiuo potentiæ sensitivæ respectu insensatorum: ad hoc enim ut repræsentetur phantasiæ talia insensata, requiritur concursus specierum obiecti sensati, quæ cum sit virtus eiusdem obiecti, habet repræsentare obiectum non solum quoad sensibilitatem, sed & adiecta ab illo lumine innato tanquam à causa principali habet producere speciem affectionum eiusdem obiecti concurrente eadem phantasia, & cum spiritibus etiam animalibus, qui, ut dicit Seraph. Doct. in Opusc. de reduc. artium, habent naturam luminis, scilicet conformitatem cum supra dicto lumine, quod appellatur etiam lumen cognitionis sensitivæ ab eodem Seraph. Doct. quam doctrinam licet ex diuersis principiis tradunt etiam ex parte Guarin. cit. Arriag. in Phys. disp. 8. sect. 6. subsect. 12. num. 71. & de an. disputat. 6. sect. 1. num. 100. & seg. ultim. editionis: pro qua faciunt etiam ea, quæ in Phys. tradidimus ex Seraph. Doct. lib. 2. de Causa finali quæst. 5. His positis

439. PRIMA CONCLUSIO: Sensus tam externi, quam interni percipiunt proprias sensationes, & hoc primis actibus, & actu directo, non reflexo: Est plurimum Philosophorum apud Rurium hic quæst. 4. Arriag. disputat. 6. sect. 1. subsect. 12. num. 102. & 103. Guarin. disputat. 7. exp. 6. §. sexta Conclus. Morandi tr. 3. quæst. 2. num. 274. & Plurimum Aliorum.

Bbb

rum, quæ & infertur ex principiis Seraphicis suprà traditis in fundamentis.

**PROBATVR** primò ex doctrina tradita ex Seraph. Doct. lib. 2. *distintt. 8. part. 1. quæst. vltim. ad vltim.* Sensus tam æternus, quàm internus non solum recipit in se speciem, sed iudicat etiam de tali receptione: sed hæc est sensatio: ergo percipit sensationem. Tum quia species est virtus obiecti percepti: ergo facit ad percipiendam perceptionem obiecti: sed hæc est sensatio: ergo. Tum quia sensatio ipsa est entitas realis suæ similitudinis productiua. Tum quia sequeretur, si non percipient suas sensationes, quod non different ipsorum operationes à non sentientibus, quod est falsum ex tradit. suprà ex Seraph. Doct. in 2. *Notab.*

**PROBATVR** sequela: Non sentientia producut solum suos actus, nec ab ipsis afficiuntur, cum sint transcentes, sed sentientia & producut, & afficiuntur per suos actus, quia sunt immanentes: ergo & suas potentias productiuas denominant sentientes tales actus.

**DICES:** potentias affici per suos actus, quos recipiunt: sed hoc pacto non rectè infertur se sentire proprios actus: nam etiam hoc pacto cor, pulmo, & alia membra non sentientia afficiuntur ab ira, risu, afflictione, & similibus, & tandem non per id dicuntur percipere suas sensationes.

**CONTRA:** Quia hæc sensatio, seu perceptio est iudicatiua: vt dicit Seraph. Doct. lib. 2. *dist. 8. citat.* est enim coniuncta cum actu, quo percipit sensus se immutari, & tunc accingit se ad operandum: sed id non potest esse absque perceptione

sensationis: ergo est dispar ratio de cæteris membris, ac de sensibus.

**PROBATVR** assumptum: Quia pupilla absque vlllo imperio vel voluntatis, vel imaginationis se restringit, & dilatat pro exigetia lucis, & obiecti: animalia erigunt aures, oculos figunt: ergo signum est sensus percipere affectionem illarum specierum in se factam: promir enim eos actus, qui magis sunt apti ad suscipiendam sensationem.

**HINC** dicendum est hanc sensationem sensationis haberi per irradiationem dictam luminis innati, & per sensum concurrentem simul cum specie obiecti.

**440. SECUNDA CONCLUSIO:** Sensus interni percipiunt insensatas, seu affectiones insensatas suorum obiectorum, & hoc primis actibus: Est suprà *cit.* DD. & infertur patenter ex principiis Seraphicis suprà allatis.

**PROBATVR** primò: Quia ad sunt omnia necessaria ad perceptionem talium insensatorum: ergo.

**PROBATVR** antecedens primò ex parte potentia: Quia sicut appetitu, adest naturalis inclinatio in obiectum sibi conueniens, & ad noxium fugiendum: ergo in potentia cognoscente adest lumen innatum naturaliter dictans, & excitans ad perceptionem talis conuenientia, & disconuenientia: Sic ex S. Bonau. lib. 2. *dist. 39. cit.*

**PROBATVR** secundò ex parte obiecti: Nam potentia sensitua interna recipit species proprii obiecti: sed hæc est virtus repræsentans idem obiectum eo modo, quo requiritur ad naturam talis potentia: ergo potest virtute luminis innati tanquam causæ principalis, & propria virtu-

immissa ab obiecto fieri immediata perceptio talium affectionum: sunt enim proprietates obiecti, & spectantes ad integritatem potentiae. Tum quia ad Diuinam prouidentiam spectat tribuere unicuique proprium modum operandi, secundum quod est necessarium ad vitam tuendam, & ad propagationem propriæ speciei: quod & adnotauit D. Thom. apud Arriaga. *cir.*

RESPONDET Meldul. *num.* 266. negando ad talem perceptionem requiri species insensatas, sed sufficere sympathiam, & antipathiam naturalem, seu instinctum, & quod potentia cognoscat obiectum conueniens naturaliter, non verò formaliter, vt est conueniens: Sed

CONTRA: Quia non explicat, quid sit hæc antipathia, & instinctus: vel enim spectat ad potentiam cognitiuam: vel ad appetitiuam: non merè ad appetitiuam, cum hæc sit cæca, & requirat lumen ostendens obiectum, quod feratur in id, quod sibi est naturale: ergo spectat etiam ad potentiam cognitiuam: ergo est quid superadditum, & hoc est lumen innatum supra dictum. Et ad id de cognitione materiali: Potentia cognoscit obiectum sibi conueniens, sed conuenientia non est obiectum sensus, sed tantum sensibilitas secundum Aduersarios: ergo non cognoscit obiectum conueniens, sed indiscriminatim tantum rationem sensibilitatis, sed hoc est falsum.

PROBATVR experimento: Quis enim dicit, (vt air rectè Arriaga,) quando ostendo panem cani, & ille ad me accedit, tunc nihil cogitare de pane vt sibi conueniente, nec velle se mouere, vt panem comedat vt sibi

utilem? Et dum baculo illum à me repello, quis credet illum non fugere baculum vt sibi noxium? alioquin idem esset ipsorum sentientium motus, ac motus lapidis ad centrum.

PROBATVR tertio: Intellectus cognoscit ipsam conuenientiam: ergo & phantasia: nihil enim potest cognoscere intellectus, nisi id, circa quod versatur phantasia.

ADDIMVS sensus internos cognoscere etiam priuationes, & negationes, idque non directè, sed per species rei oppositæ, verbi gratiâ, lucis, & actu quodam diuisiua: Sic ex S. Bonauent. *lib.* 1. *dist.* 38. *art.* 1. *quæst.* 1. *ad ultim.* & *lib.* 3. *distinct.* 23. *dub.* 4. sic species vituli mouet vaccam ad cognitionem, & appetitum ad amorem: & quia non adest cognitio visiva in oculo, hinc Sensus communis percipit vitulum absentem, & non præsentem.

441. OBIECTIES primò: Species conuenientiae non potest ab obiecto sensibili emitti, nec ab alia causa: ergo à solo Deo: Sed id est merè voluntarium: ergo.

RESPONDETUR primò negando antecedens absolutè: producit enim in sensu interno adiutorio luminis innati, & speciei externæ, quæ, cum sit virtus obiecti, concurret simul cum dicto lumine ad producendas affectiones obiecti.

INSTAT Meldula: Illa species, qua producitur cognitio, verbi gratiâ, in Phantasia ouis disconuenientiae lupi, erit eiusdem rationis cum specie, quam habet lupo de alio lupo, & tamen non percipit talem disconuenientiam: ergo aliundè debet percipi.

**RESPONDETUR** negando antecedens : Diuersum enim est lumen innatum in oue , & in lupo , & cùm talis cognitio principalius proueniat à lumine innato , minùs principaliter à specie sensibili : hinc & habet secundùm diuersa lumina repræsentare diuersa.

**INSTAT** secundò : Conuenientia hæc est relatio , sed relatio non potest percipi absque discursu , qui est proprius tantùm homini : ergo.

**RESPONDETUR** negando Maiorem : Est enim quid absolutum , quia consistit in ratione boni appetibilis , licet explicetur per relationem , & includat relationem transcendentalem : nam , vt notat rectè Seraph. Doct. l. 2. c. 38. in Comp. Theol. non est necesse , vt animal apprehendat , quid sit conuenientia , amicitia , sed tantùm illud obiectum vt sibi commodum , vel noxiū.

442. **OBJECIES** secundò : Sensatio propria est extra Sphæram obiecti sensus interni : ergo non potest percipi.

**PROBATUR** antecedens : Sensus organicus solùm potest immutari per id , quod recipitur in organo ab extra : sed sensatio propria est intranea

**RESPONDETUR** negando antecedens : Ad probationem respondetur negando antecedens absolute. Tum etiam quia in percipiendo sensationes externorum sensuum percipit ea , quæ spectant ad obiecta sensibilia ipsorum , in percipiendo proprias percipit etiam quid sensibile trahens originem à sensationibus externis. Tum etiam quia istæ sensationes sunt productiue propriæ speciei

**OBJECIES** tertio : Sensus non sunt super se reflexiui : ergo nec possunt

percipere proprias sensationes.

**RESPONDETUR** hanc esse potiore difficultate in hac Sententia : nam certum est , quod , vt rectè docet Seraph. Doct. lib. 1. dist. 1. 7. part. 1. art. 1. quest. 2. ad ult. & distinct. 37. part. 2. art. 2. quest. 1. ad ult. & lib. 2. dist. 35. art. 1. quest. 1. ad 3. & dist. 25. part. 2. art. 1. q. 1. in corp. in fine : solum illæ potentia , quæ non dependent ab organo in operari , & à materia extensa , possunt reflectere se super se , & super actus suos : reflexio enim est eleuatio alicuius totius extra , & supra potentiam , vel subiectum , qua eleuatione potest ferri in seipsum , vel in actus suos per nouum actum , quasi circulum absoluendo : vt patet exemplo reflexionis lucis , & hæc est perfectè in potentiis inorganicis ob sui immaterialitatem , immunitatemque à materia extensa : At organicæ non possunt habere talem reflexionem , cùm consistit ex duabus partibus diuersis , scilicet ex virtute animæ , & organo corporeo , in quo fit receptio speciei , licet actus sit totius coniuncti : Attamen cùm receptio fiat in organo anima informato , obidque sensitiuo modo , cùm actus sit totius coniuncti , actu directo debet sentire se sentire , & immutari : Hinc

**RESPONDETUR** concedendo antecedens , & distinguendo consequens : duplex est sensatio , altera pura receptio , qua organum immutatur , & de hac concedo consequentiam : altera sensatio est illa receptio coniuncta cum quodam actu , quo coniunctum percipit se immutari , & secundùm quam immutationem specierum accingit se ad operationem , & de hac nego consequentiam : Hanc doctrinam tradit Seraph. Doct. subtilissimè



lissimè lib. 2. *distinct.* 8. *part.* 1. *quæst.* *ultim.* *ad ultim.* ubi dicit, quod hoc discrimen est inter visionem factam ab Angelo in corpore assumpto à visione oculi sentientis, & viui : quod in prima adest receptio speciei in oculo, sed non in potentia alligata corpori, & hæc non est vitalis in oculo, animalis verò est receptio sic in oculo, quod etiam in potentia ; sed est principaliter ratione organi, & iudicium est ratione potentia in organo, non tamen præter organum ; idèd & receptio, & iudicium est totius coniuncti, licèt ex diuersa ratione : & hinc cum adsit iudicium in perceptione, & immutatione, necessitèd sensus sentit se sentire.

DICES Ergo si sensus attingit propriam sensationem, hæc erit obiectum vt quod, sed id non potest fieri absque reflexione totius in actum : ergo erit reflexio perfecta.

RESPONDET Morandus *cir.* negando sequelam maioris : cum enim non sit reflexio propria, & perfecta, sensus non potest ferri in sensationem propriam vt quod : sed tantum vt quo : idèst illa actione, qua fertur in obiectum vt quod, percipit etiam sensationem, qua fertur in suum obiectum vt quod : quia, vt dictum est, recipiendo speciem, sentit se immutari, & accingit se simul ad ferendum se in obiectum tali sensatione.

DICES cum Conimbric. lib. 3. *cap.* 3. *quæst.* 1. Sensatio non est obiectum, nec continetur intra sphaeram sui obiecti, cum sit quid spirituale : ergo : obiectum enim visus est color, non visio : ergo.

RESPONDETUR distinguendo antecedens : Sensatio non est obiectum

sensus vt quod, concedo : vt quo, nego : obidque negatur non contineri intra sphaeram sui obiecti : & id maximè verum de sensibus internis. Et ad id, quod sensatio non est sensibilis, sed quid spirituale.

RESPONDETUR non esse sensibilem vt quod, concedo : vt quo, nego : & licèt entitatiuè non sit corporea, & sensibilis : tamen adest proportio inter potentiam sentientem, quæ est spiritualis, & ipsam sensationem : Et hinc

443. TERTIA CONCLUSIO : Sensus internus habet aliquale iudicium, seu quendam discursum, licèt imperfectissimum, qui ab aliis appellatur sagacitas : ab aliis prudentia sensitua : Est S. Bonauent. lib. 2. *dist.* 8. *suprà cit.* & in Comp. Theol. lib. 2. *cap.* 39. dicentis, quod hanc vim phantasia multi dixerunt esse aliquid rationis, sed dicimus non esse veram electionem, sed aliquid simile.

VT autem intelligatur sensus huius Conclusionis, & simul probetur : Aduerte ex Scoto apud Meldulum. 275. quod iudicium tripliciter potest sumi : primò pro cognitione certa rei etiam simplicis, & de hoc loquitur S. Bonauent. lib. 2. *distinct.* 8. *part.* 1. *quæst.* *ultim.* *ad ult.* secundò pro cognitione ad inuicem vnitorum, vel distinctorum, quod fit per quandam collationem imperfectam, & materialem attingendo extrema vel vnita, vel distincta, adest per modum vnus, vel quod vnum non est aliud, & de hac collatione agit S. Bonauent. lib. 3. *distinct.* 24. *artic.* 1. *quæst.* 3. *ad* 3. & lib. 4. *dist.* 16. *part.* 1. *art.* 3. *quæst.* 1. *ad* 3. tertio pro actu vero, & propriè collatiuo, idèst compositiuo, vel diuisiuo attingendo

do & connexionem distincti, & differentiam, & in hoc propriè interuenit discursus, qui est progressus intellectus à cognitione vnius propositionis ad aliam per vim inductiuam: Vnde requiritur necessariò cognitio plurium propositionum, & multiplex actus cum inductione ab vno noto ad aliud cognoscendum, & hoc tertium iudicium completum certum non inesse in brutis, sed tantum primum, & secundum, & hoc secundum etiam imperfecto modo.

PROBATUR autem: Tum quia æstimatiua componit plura diuersa, vt montem aureum: Phantasia confert vnum cum alio attingendo conuenientiam, vel disconuenientiam: sic & S. Bonauent. in Comp. Theol. lib. 2. cap. 38. & 39. Sic & videmus animalia eligere bonum, & reicere noxium: canem quærentem in triuio færam, & olfactu percipere non pertransisse per duas vias, & absque olfactu per tertiam commeari: sic & apparet tale iudicium in apibus, in formica: vnde dicitur *Prov. cap. 2. Vade ad formicam piger*. Videmus item multa animalia disciplinari, & voces humanas intelligere, & ad proprium nomen vocata venire, & imperata facere multa: quæ omnia indicant irrationalia frui aliquali iudicio, & discursu licet imperfecto.

VT autem pateat, qualis differentia insit inter discursum hominum, & iudicium brutorum.

ADNOTANDA est doctrina, quam tradit Seraph. Doct. in Comp. Theol. lib. 2. cap. 39. quod in homine Phantasia coniuncta est rationi, & à ratione dirigitur: idè quia diuersificatur ratio ad diuersitatem eorum, de quibus ratiotinatio fit, idè operatio-

nes phantasie etiam multiplicantur valdè in homine: In brutis verd, quia non est coniuncta cum ratione, regitur non à ratione, sed ab instinctu nature, seu à lumine innato, de quo supra dictum est: idè conceptio phantasie operatur in talibus vno modo, inde est, quod hirundo semper facit nidum vno modo, sic & cætera: & quia variantur obiecta etiam in brutis, idè etiam variatur instinctus, scilicet secundum variationem humorum, complexionis, & spirituum operantur: quando verd pluribus actibus in his se exercent, tunc & acquirunt habitum, obidque & facilitatem ad tales actus, quando scilicet excitantur ab obiecto: Vide P. Guarin. *disputat. 10. exp. 6.* multa experimenta ad hanc Conclusionem afferentem.

Ex quibus inferitur, quare animalia tempora præfagiunt futura: id enim prouenit, quia ad mutationem temporum humores in animalibus mutantur, propter quorum mutationem ad certos actus excitantur.

### QVÆSTIO III.

*Explicantur varia nomina, & actus competentia sensui interno, seu multiplicitas sensuum interiorum.*

444. SUPRA diximus vnicam esse potentiam sensitiuam internam in sentientibus, habereque plures actus, munera, & nomina: Hinc

PRIMA CONCLUSIO: Actus, quos producit potentia interna sensitiua, sunt quinque, & ob id

id sortitur quinque nomina ipsos actus indicantia, suntque sensus communis, imaginatiua: æstimatiua: phantasia: & memoria: Est S. Bonavent. in Comp. Theol. lib. 2. cap. 36. & deinceps.

**PROBATA**, & simul explicantur singillarim: Prima vis potentia sensitivæ internæ dicitur sensus communis, quia enim ab obiectis externis immitruntur species ad sua propria organa, & ab istis per diffusionem immittuntur intra cerebrum, & recipiuntur in anteriori parte cerebri, ad quam tanquam ad centrum terminant nervi sensorij ipsorum quinque sensuum: Duo munera autem insunt huic sensui communi: alterum, quatenus dicitur sensus: alterum, quatenus dicitur communis: nam prout est sensus, habet recipere rerum species sine materia, & tamen præsentem materiam ex hoc, quod sensus externi tantum immittunt ad intra species, in quantum habent obiectum præsens modo aliàs dicto; prout verò est communis (& id est proprium huius facultatis) habet iudicare sensata, & sensationes sensuum externorum, verbi gratiâ, quod color videtur ab oculo, sonus auditur ab auditu, & ultra hoc ipsa sensata comparare, & discernere inter se: & hinc patet dici communem non communitate prædicationis, vel universalitatis, quasi sit genus ad alios sensus: nam tale commune non habet actum distinctum ab actibus singularium, sed sensus communis habet actus distinctos ab actibus externorum, sed dicitur communis, quia præsidet omnibus sensibus particularibus iudicando illorum sensationes: & hinc etiam ponitur in anteriori parte cerebri, quæ est me-

dullosa, & humida ad facilius percipiendas species sensuum particularium.

**DICES**: Sensus communis est vnicus, & determinatæ complexionis in organo particulari: ergo non potest percipere tot obiecta ut plurimum contraria, & exigentia diversas complexiones in organo.

**RESPONDETUR** ex suprâ traditis in quæst. 1. in 2. Notab. quod sensus communis dicitur duo, scilicet organum, & virtutem animæ: virtus est superior, nobilior, & perfectior eminenter quocunque sensu externo: organum autem est, ut dictum est ex Seraph. Doct. medullosum, & humidum, idem est proportionatum ad facile recipiendum omnes species inferiorum, & ratione virtutis, quia est vniuersalior, & eminenter in se vniens virtutem particularium exteriorum: hinc potest de ipsorum obiectis deiudicare: nec est verum, quod species inter se sint contrariæ, cum habeant esse abstractum à materia, & veluti quoddam esse spirituale, intentionaleque, ut dictum est suprâ de speciebus, &c. sed quia, ut notat Seraph. Doct. lib. 2. cit. cap. 34. in fine, alia est virtus, quæ benè recipit, alia est, quæ benè tenet: Hinc

445. **SECUNDò** adest alia virtus, quæ dicitur imaginatiua, & est, qua apprehenduntur imagines, & species rerum sensibilibus, & in qua referuntur: & idem residet quidem in anteriori parte cerebri, quæ tamen habet maiorem duritiem ex frigidity cerebri prouenientem, hæcque virtus plus abstrahit, quam sensus communis, nempe imagines à rebus absente materia: & hinc appellatur thesaurus formarum, quia in ea for-

max abstractæ recipiuntur, & retinentur, & ferè immobilitantur.

446. TERTIO adest vis æstimatoria, residetque in prima parte medullæ cerebri, quæ calida est ex motu spirituum ad ipsam concurrentium, eius munus est & recipere species prodeuntes à sensu communi rerum sensibus externis perceptarum, & ultra hoc cognoscere affectiones insensatas ipsorum obiectorum, & hac ovis percipit inimicitiam lupi, amicitiam ouis, & agni, vtilitatem cibi proportionati, noxam ex cibo noxio, &c. Apprehendit autem intentiones, seu affectiones naturæ, non rationis: unde non apprehendit, quid sit amicitia inimicitia, commodum, vel incommodum, sed tantum simpliciter, prout sibi sunt proportionata, vel improporcionata cognoscit.

447. QUARTO adest alia vis, quæ dicitur Phantasia residens in media parte cerebri: eiusque officium est componere imagines, seu species cum imaginibus, & speciebus: Item intentiones cum intentionibus, idest affectiones insensatas cum insensatis: Item imagines, seu species cum intentionibus, affectionibusque insensatis: Anima enim sensitiva per hanc virtutem primò apprehendit, quod aliquid est album, vel nigrum, hasque species componit fingendo aliquid vt chimæram: secundo componit affectiones insensatas, &c. sic ovis apprehendit, quod nato suo sunt præbenda vbera, & alienum esse repellendum, componit & species cum affectionibus, vt cum ovis apprehendit lupum per suam speciem, & cognoscit inimicitiam, obid & fugiendum.

PER hanc virtutem anima sen-

sitiva habet omnem possibilem cognitionem, & perfectiorem, cum non solum sciat præsentia, sed & prouidet sibi futura: Item & habet etiam quandam actum quasi electionis, licet non propriè, sed ob aliqualem similitudinem, cum per ipsam eligunt animalia, quod sibi est vtile, & refutant noxia: per hanc animalia faciunt sibi casas, & de cibo prouident in longinquum: per hanc sciunt, quod aliquid est tale, & aliud est differens veluti per modum affirmationis, & negationis: Hæc vis, dum est coniuncta rationi, quia à ratione dirigitur, hinc in homine diuersificatur secundum diuersitatem eorum, de quibus fit ratiocinatio: Vbi autem non est rationi coniuncta vt in irrationalibus, tunc regitur secundum instinctum naturæ, & quia natura vno modo est in habentibus speciem vnâ, idè conceptio phantasiæ operatur in talibus vno modo, & inde est, quod hirundo facit nidum semper vno modo: Et quia hæc virtus operatur tam in somno, quam in vigilia, hinc res in somno videntur præsentis, quia fit reuersio ad sensum communem, quatenus vtræque vis operatur in somno: In vigilia verò, vt dictum est in habentibus rationem, tam varia, & mirabilia operatur, vt patet experientia in hominibus.

448. ET si quæras: Vnde sit, quod Melancholici, infirmi, & amentes multas habent phantasias, seu actus phantasticos.

RESPONDET Seraph. Doct. in loc. citat. hoc non prouenire ex illustratione, quæ fit per imaginationes rerum sensibilium, sed ex passionibus naturæ, & confusione spirituum ascendentium ad cerebrum, & caput

put turbantium : tales enim spiritus inuolutiones specierum faciunt generando horribiles visiones, & conceptiones : quod & in calce quæstionis fusiùs explicabitur.

QVÆRES secundò : Quare rard fit deceptio Phantasie in brutis, sæpè in hominibus.

RESPONDET S. Bonavent. *lib. 2. in Comp. Theol. cit.* euenire, quia bruta citius recipiunt influxus primi motoris, vt patet in formica, quæ quando cibum quærit, intra dies tres non pluit, & gallus cantum suum per tempus variat, quia mutationem auræ ex influxione primi motoris præsentiant : Homines verò multum occupantur circa suas conceptiones conferendo, componendo, & diuidendo : & hinc non tam citò, & sensibiliter influentias celestes percipiunt, sicut bruta, quæ non tantum occupantur in suis imaginationibus, nec secundum illas operantur, sed tantum secundum instinctum naturæ.

ADDIT Seraph. Doct. hanc vim phantasticam plurimum impedire intellectum eo, quod nimis occupat animam compositione, & diuisione imaginum non solum acceptarum à sensibus, sed etiam fictarum, & maxime impedit in celestibus meditando eo, quod vt plurimum conceptiones vtriusque sunt dissimiles. (Addo) & hinc contemplatiuus procedens per imagines non valde proficit in notitia, & amore Dei, bene autem abstrahens ab imaginibus. Tandem aduerte, quod Alij attribuunt omnes istos actus æstimationis, & imaginatiuæ, quos Seraph. Doct. recognoscit in Phantasia : quod discrimen tamen est nullius momenti, cum eadem sit potentia operans per diuersas vires, *R.P. Bar. de Castrovetto Phil. P. III.*

& facultates, & cum prior denominatione in istis actibus sit à vi phantastica.

449. QVINTO adest & vis vltima, quæ dicitur memoria, quæ resistet præcipue in posteriori parte cerebri, seu in capite, seu cerebello, qui est locus siccus propter neruos moriuos, qui oriuntur ex ipso : Hæc duo munera exercet : alterum est conseruatio specierum : alterum est esse principium recordationis præteritorum vt sic, vnde eius actus est recordatio actus præteriti : & hinc duas operationes oportet præcedere memoriam, scilicet receptionem speciei per sensum communem, in quo memoria incipit, & conseruationem eiusdem speciei per imaginatiuam cum distinctione ipsarum specierum, & obiectorum : & deinde in memoria sequitur conseruatio intentionum per æstimationem à figuris, seu speciebus rerum elicitatum, idest specierum expressarum : quare, cum memoria actus sit cognitio, seu cogitatio actus alicuius præteriti ipsius recordantis, & hoc inquantum præteriti, sequitur, quod memoria habeat pro obiecto actum præteritum ipsius recordantis, inquantum est præteritus.

Et hinc (vt rectè obseruat Melch. mon. 286.) exigit quatuor rationes actus præteriti, seu obiecti : & alia quatuor, prout obiectum est actus præteritus.

Et quantum ad obiectum, prout recordatio est actus ipsius recordantis præteritus, primò requiritur, quod recordatio habeat duplex obiectum, scilicet remotum, circa quod recordans habuit actum : & proximum, estque ille actus præteritus, qui fuit productus circa illud obiectum

obiectum, verbi gratiâ, cognitio de industria alicuius in aliqua arte: secundum est, quod actus iste, qui est obiectum proximum, quando existit, debet imprimere speciem sui in potentiam memoratricem, ut hæc postea possit exire in actum recordationis: tertium, quod actus iste fuerit proprius ipsius recordantis, non alterius: quartum, quod actus iste sit obiectum potentie recordatiue: prout verum est præteritus iste actus, alia quatuor requiruntur: primum, quod actus recordationis debet necessarium esse posterior tempore obiecto recordato, alioquin non esset actus præteriti: secundum, quod potentia recordatiua percipiat fluxum temporis mediantis inter tempus, quo prius fuit cognitus, vel productus ille actus, & tempus recordationis, & hoc vel determinatè, vel indeterminatè: tertium, quod obiectum non sit in se præsens: non enim esset cognitio memoratiua, sed intuitiua: quartum, quod sit præsens per speciem sui: quæ omnia innuit Seraph. Doct. *loc. citat. & lib. 2. dist. 8. infra cit.*

450. Ex quibus infertur primum, quod duo ad memoriam requiruntur, scilicet retentio specierum expressarum actus præteriti, & recordatio eiusdem actus: primum habet rationem habitus: secundum rationem actus: Sic S. Bonavent. *lib. 2. dist. 7. part. 2. art. 1. quest. 2.*

SECUNDO, quod si cognoscimus rem præteritam, si de ea non præcesserit cognitio, talis cognitio non dicitur recordatio.

ADDIMUS ex Seraph. Doct. quod ad hoc caput spectat aliquo modo reminiscencia, quæ tamen differt à memoria, seu recordatione: quod recordatio est replicatio cognitionis

habitæ de aliqua re: reminiscencia verò est replicatio rei prius cognitæ, sed postea oblitæ, quæ iterum cognoscitur media ratione excitante species per collationem temporis, loci, vel aliorum consimilium, quæ habeant inter se aliquam connexionem: unde causatur ex pluribus principiis circumstantibus illud, cuius propriè est reminiscibilitas: unde reminiscencia exigit obliuionem rei alicuius, sed tantum ex parte, nam per id, quod remansit, potest quandoque reminisci se sciuisse: Si verò quis totaliter est oblitus, non potest per memoriam recordari se esse oblitum.

ADVERTE tamen reminiscenciam propriè sumptam, esse solum in homine: in animalibus verò esse tantum memoriam: nam in illa requiritur discursus, & operatio rationis inferentis ex antecedente consequens, quod non potest fieri nisi per conuersionem intellectus possibilis super eas species, quas habet apud se, reducendo ea ad actum, quæ habet in habitu.

Ex quibus omnibus infertur, quod cum supra dictæ vires versentur circa idem obiectum formale, scilicet circa rem ut absentem per species abstractas eodem modo, hinc infertur omnes integrare unicam potentiam sensitivam.

PRO explicacione maiori dictorum proponuntur aliqua dubia, & solvantur: Hinc

451. QVÆRES primum: Unde oritur deceptio in Phantasia, & in aliis sensibus.

RESPONDET S. Bonavent. *lib. 2. dist. 8. part. 2. art. 1. quest. 3.* quod iustificatio Phantasie solum continere potest, quando non saluatur media

media dispositio organi, medij, & obiecti: vnde tripliciter potest contingere: primò, quando videtur aliquid esse præsens, quod non est: secundò, quando cognoscitur aliter, ac est: tertio abscondendo, quod est: Primus error contingit, quando Phantasmata, seu species existentes in imaginatiua offeruntur forti oblatione ipsi Phantasiæ, vel Phantasia fortiter illis intenditur, tunc similitudo rei videtur esse veritas, idque fit, verbi gratiâ, in phrænetico per assensum sumositarum ad cerebrum, quæ caput turbant, fortiter calefaciunt membranas cerebri: & hinc fit confusio specierum, ob quam infirmus credit se videre multa, quæ verè non videt: similiter, quando sensus interior ob aliquam inualitudinem, & turbationem cerebri fortiter intendit ad aliquam speciem, tunc similitudo videtur veritas: Sic D. August. refert de quodam, qui tanta conuersione recogitabat imaginem cuiusdam mulieris, quod ei carnaliter commisceri videbatur etiam vigilando, quod & dæmon etiam potest facere. Secundus error est, quando res aliter, ac est, naturaliter apparet sensui, idque prouenit vel ob variationem aliquam ex parte organi: vt quando humor sanguineus, vel vapor igneus descendit ad oculos: tunc ea, quæ videntur, rubea apparent, vel ob variationem obiecti, ob quam apparet diuerso modo, ac est. Tertius est ob occultationem obiecti, & hoc, quia impeditur visus sensus, ne perueniat ad sensibile; vel impeditur species, ne perueniat ad sensum. Error tamen primus supra positus maximè contingit in Phantasia.

432. QVÆRES secundò: Vnde

oritur, quod faciliùs memoramur ea, quæ in pueritia didicimus, & diutiùs etiam, quàm quæ cognouimus alio tempore, & simul etiam ea, quæ à nobis inuenta fuere, quàm quæ ab aliis inuenta.

RESPONDETUR ad primum: Quia animus in pueritia non est circa multa implicatus, & distractus, & hoc maximè in eo, qui habet addiscendi maximam acciditatem: illas enim primas species cum iucunditate recipit, firmiùsque imprimat. Tum etiam, quia fit perceptio cum admiratione ob cognitionem rerum nouarum. Ad secundum procedit eo, quia naturali dilectione amplectantur à nobis inuenta, & vt noua magna cum attentione ea percipimus, ob idque & intensiores species producantur, & imprimuntur.

433. QVÆRES tertio: Vnde oritur illa vocum series, quas vno tractu proferimus.

RESPONDETUR eodem modo voces pronuntiari, quo priùs sunt apprehensæ, estque veluti specierum catena, quam vti directo filo sequimur pronuntiando memoriter eas voces, quas species repræsentant: vnde si aliquis anulus illius catenæ, ut ita dicamus, excidat, nisi statim religetur catena, reliquæ voces non veniunt: quæ regula tamen non est infallibilis, cum aliquando indistinctim apprehendantur species, & tunc non adest ista necessaria colligatio specierum inter se: sed quia ut plurimum habemus delectum eorum, quæ rationabiliter dicenda sunt, sic assuescimus bonis specierum combinationibus, ita ut etiam somnando discutimus, ut patet in addiscendis lectionem, concio-

nem, &c.

CCC 2 QVÆ

**QVÆRES** quartò : Cur potiùs vnus rei faciùs recordamur, quàm alterius ?

**RESPONDETUR** evenire, vel quia species est intensior, vel illustrior, vel juxta inclinationem naturalem.

**QVÆRES** quintò : Cur quandoque cogitamus de re, de qua fortè ante viginti annos non cogitauimus ?

**RESPONDETUR** euenire vel ob aliquam combinationem specierum nouam, vel ob aliquod obiectum externum simile perceptum de nouo, vt dictum est suprà de reminiscèntia.

**QVÆRES** sextò : Quando excitantur species, & præcipuè faciùs recènter acquisitæ ?

**RESPONDETUR** ob rationes dictas suprà de reminiscèntia, faciùs tamen excitantur recènter acquisitæ : quia istæ sunt intensiores, & in substantia cerebri magis humida, & ob id faciùs agitantur : species autem antiquæ inhaerent in substantia crassiori, & sicciori, ob id difficiùs mouentur.

454. **QVÆRES** septimò : An omnes dictæ vires sensitiuæ sint in omnibus animantibus. Negant Aliqui. Communior affirmat : omne enim animal habet appetitum, quo quærit sibi commodum, & refugit noxium : ergo requiruntur potentia internæ perceptiuæ talium obiectorum : Ad dimus tamen inesse in aliquibus imperfectissimo modo, & maximè in habentibus tantum aliquos, non omnes sensus externos.

**QVÆRES** octauò : Quomoddò producantur species in sensu interno : an sit scilicet eadem numero, quæ per totum cerebrum commeat usque ad memoriam.

**RESPONDETUR** extraditis ex

Setaph. Doct. suprà de specierum origine species produci ab obiecto originaliter, & ab eius virtute progrediente usque ad organa internæ diffundi per generationem : Vnde non est omninò eadem, nec omninò diuersa, sed est eadem se multiplicans, & exercens varios actus, concurrente tamen simul eadem potentia interna ad talem diffusionem : Vide, quæ suprà tradita fuere de speciebus.

## QVÆSTIO IV.

### De Somno, & Vigilia.

455. **I**NTER animalium Passiones præcipuum locum obtinent somnus, & Vigilia propter eorum communitatem, cum omnibus animantibus conueniant : Hinc

**PRIMò** Quæritur, quænam sint somni, & vigiliæ causæ.

**RESPONDETUR**, quod causa efficiens remota somni sunt cor, cerebrum, & virtus animæ : cor enim suo calore vapores excitat : cerebrum eos sua frigiditate condensat, & virtus animæ eos attrahit in altum usque ad cerebrum : proxima verò est præsentia vaporum obstruentium meatus, per quod impediuntur spiritus animales, ne procedant ad sensus exteriores, ibique & vigiliæ causa efficiens est exercitium actuale eorundem spirituum.

**RATIO** huius dicti est, quia cum principium omnis sensationis requiratur spiritus animales, qui dicuntur spiritus motores, quia dant motum virtutibus, & sensibus animalibus, & quia isti generantur in cerebro, & per neruos, meatusque transmittuntur



tantur ad omnes sensus, & organa corporis : hinc, si cessat talis transmissio spirituum, cessat & motus, & insimul ligantur organa, ne operentur, sicut evenit in somno.

**HINC** definitur somnus : *ligatio sensuum vel omnium, vel aliquorum exteriorum ad quietem animalium insensibilium* : Vigilia : *salutis eorundem sensuum* : Sic S. Bonav. in *10. collat. 11. A. Seraph. Doct. lib. 2. dist. 18. art. 1. quæst. 1. arg. 4. ad oppos. & dist. 29. part. 2. quæst. ult. ad 4.* Sic definitur somnus : *est quies naturalis animalium virtutum cum intentione naturalium*, per quam definitionem melius explicatur natura somni. Dicitur enim, *quies*, ut detur intelligi, quod somnus est non præcisè ob impedimentum transmissionis spirituum à cerebro, sic enim potius esset quid violentum, cum violenter detinerentur ibi, sed querens natura virtute attractiva retinet spiritus in cerebro, per quam retentionem fit somnus, qui est quies. Dicitur, *animalium virtutum*, ut intelligatur ligatio non solum sensuum exteriorum (scilicet vel omnium, vel aliquorum) sed etiam aliorum interiorum.

**DICES** cum Guarino : Impeditur etiam usus rationis, & operatio voluntatis : ergo non est ligatio tantum virtutum animalium.

**RESpondeo** S. Bonavent. *lib. 2. dist. 25. part. 2. quæst. ult. in corp. & ad 4.* quod anima, dum est in corpore, pendet à corpore in suis actibus, & ob id exigit dispositiones necessarias in corpore, quibus ablati auferuntur etiam actus proprii animæ rationalis, & hinc usus rationis, & actus voluntatis : impeditur enim organum, in quo resident spiritus necessarii ad exercendas opera-

tiones animæ in corpore, hinc & actus etiam eiusdem animæ : unde sub nomine virtutum animalium veniunt etiam actus rationales.

**DICES** : In somno semper aufertur usus rationalium potentiarum, sed non semper virium animalium, ut imaginationis, phantasie, &c. ergo malè definitur somnus.

**RESpondeo** S. Bonavent. *cit.* quod quando anima est in corpore, exigit dispositionem actualem in corpore, & in organo : cum autem hæc attendatur secundum supremum corporis, & secundum spiritus nobilissimos existentes in corde, & in cerebro, & quia quando aliquid aufertur ab aliquo, prius aufertur id, quod est in eo excellentissimum, & cum aliqua virtus debilitatur, prius ab ea aufertur summum, quam id, quod citra summum : hinc est, quod quando læditur corpus, prius, & citius læditur in eo, quo conformabatur virtuti intellectivæ, quam sensitivæ : idèò fumositates ascendentes ad cerebrum, quæ perturbant, & impediunt spiritus in somno, vel in pueris, vel in phræneticis, vel alia læsio organorum, in quibus resident spiritus nobilissimi, facilius impedit usum rationis, quam imaginationis : Unde non sequitur, quod somnus sit ligatio rationis, non verò virtutum animalium : illa enim est ex consequenti, ista est per se, licet aliquando non omnes ligentur : Ex quibus patet, quænam sit causa formalis somni, cum sit formaliter quies virtutum animalium, &c. & quænam materialis, est enim cerebrum : Causa verò finalis est quies animalis, & consequenter virium, spirituumque reparatio propter conservationem animalis ; concoctio perfecta, &c.

C c c 3      Ratio

Ratio autem, quate isti effectus obtrinentur per somnum, est, quia dum una potentia quiescit, altera fortius operatur: igitur quiescente potentia sensitiva operatur intensius vegetativa cum suis virtutibus naturalibus: & hinc dicitur in data definitione: somnus est quies virtutum animalium cum intensione naturalium.

458. QVÆRITVR secundò: An omnes potentia sensitiva ligentur in somno.

RESPONDETUR, quod aliquando omnes ligantur, aliquando non omnes, sed aliqua tantum: Primum provenit ex duplici capite, scilicet vel ex vehementi copia vaporum obruentium spiritus animales, ne exerceant sua munia: vel ex deficientia spirituum animalium: cum enim exigui sunt, attrahuntur ad ventrem propter concoctionem cibi, aliasque functiones necessarias, & naturales obeundas: tunc enim omnia organa remanent spiritibus destituta, sicque & sensus omnino sopiti: Secundum verò provenit, quando obstruuntur meatus à fumositatibus, sed non omnes meatus, per quos descendunt spiritus animales, obstruuntur vel non totaliter: & hinc ligantur aliqui sensus, sed non omnes siue interni, siue externi: & hinc aliqui in somno loquuntur, ambulant, audiunt, respondent, &c. sed tamen ut plurimum confuso modo, eo quia spiritus ex vaporum copia agitati res ostendunt perturbato modo, quo casu etiam intellectus, & potentia appetitiva potest quandoque operari, licet confusè: Aduerte etiam facilius ligari in somno sensus externos, quam potentia motiva, & hoc quia sensus recipiunt spiritus ab anteriori parte cerebri, quando est magis hu-

mida: idè ob maiorem copiam moris faciliè obstruuntur meatus, sunt angustiores: at potentia motiva recipit spiritus à posteriori parte cerebri, quæ est siccior, & per ampliores meatus communicantur: unde non tam faciliè obstruuntur meatus potentia motiva.

459. QVÆRITVR tertio: An extra somnum detur ligatio sensuum?

RESPONDETUR dari ligationem sensuum extra somnum non naturalem, sed præternaturalem provenientem ex morbo: & hæc ligatio est multiplex, sicut & multiplex causa: si enim est ligatio subita omnium sensuum, & vitalium potentiarum cum respiratione, & pulsu ferè abolito, & sudore frigido, dicitur syncope, seu deliquium, quodque evenit vel ex imaginatione, vel sanguinis aspectu subito, vel motu repentino, vel venere, vel ex vulnere, vel ex dolore vehementi, vel ob defectum, & refrigerentiam spirituum: & hoc deliquium diuiditur multipliciter secundum varia accidentia concomitantia: si verò est cessatio motus voluntarij remanente aliquo motu naturali involuntario, ut motus oris, oculorum, pedum, &c. dicitur Epilexia: si aufertur omnis motus, & sensus cum parua respiratione, dicitur apoplexia, seu catalepsis, de quibus Medici agunt: quando verò est ligatio naturalis per concursum cordis, cerebri, & virtutis animalis, tunc est verè somnus.

Hic autem aduerte, quod somnus necessarius est cuicunque animali iuxta cuiusque propriam naturam ita, quod non sit nimius, nec brevis, sed moderatus: nimius enim valdè nocet partibus in somno quiescentibus

centibus eo, quod nimio tempore remanent & operatione, & spiritibus destituta; sicque evadunt torpentes, & ineptæ ad operationem: Tum etiam quia calor vitalis utpote inclusus intra festinè decoquit cibum; quare per hanc festinam concoctionem multæ generantur superfluitates, calorque debilitatur: Nimum verò brevis somnus parum iuvat, quia nec spiritus, nec vires sufficienter possunt reparari.

QVÆRITVR quartò: Quare Plantæ non indigeant somno.

460. RESPONDETVR, quia virtus sensitiva operando consummit spiritus, idè ad ipsos restaurandum est necessaria vacatio ab operibus: Virtus verò nutritiva consummendo restaurat vires, & perficit spiritus, idè in nutritione, & operatione perficitur natura; hinc non indiget vacatione.

QVÆRITVR quintò: Quare post somnum recordamur operationum internarum: non tamen motuum, aliarumque externarum actionum, ut loquutionis.

RESPONDETVR, quia operationes internæ, ut somnia relinquunt species in memoria: at operationes externæ, scilicet motus, loquutio, &c. non nisi mediis sensationibus externis possunt causare species in sensu interno, quæ cum non adsint in his casibus, aut saltem non sit attentio potentia perfecta, non causabunt de seipsis memoriam in internis sensibus: quæ omnia possunt inservire ad notitiam habendam de vigilia, quia oppositoram est eadem ratio: Pro maiori tamen explicatione.

461. QVÆRITVR sextò: Vnde provenit Vigilia?

RESPONDETVR provenire ex operatione viarum, & transitu spiri-

tuum ad exteriora organa: hoc autem dupliciter potest evenire: vel ex eo quod animal seipsum excitat, & dicitur expurgisci: vel quod ab alio excitatur, & dicitur propriè excitari: Primum duobus modis potest contingere, scilicet vel naturaliter, vel violenter: Naturaliter fit, quando consumptis iam humoribus, & restauratis per nutritionem spiritibus ad exteriora denudè effunduntur: Violenter verò fit, cum ex passione aliqua doloris, vel timoris ab aliqua imaginatione imminenti mali causati fit magna torius corporis commotio, ut spiritus ab internis ad exteriora per totum evocentur: Secundum scilicet excitatio ab alio contingit, quia organum alicuius sensus externi à valido obiecto veluti excitatur, & pungitur, quæ ratione virtus corporis regitiva illuc immittit spiritus, quando commotio est valida, tanquam in auxilium partis oppugnatae, unde solvitur somnus per spirituum præsentiam, sic homines clamore, tactu, odore, & lumine possunt excitari: Sic Meldul. *disp. s. num. 356.* Vide apud cir. Authorem, & Conimbricenses plura ad hanc rem.

## QVÆSTIO V.

### De Somnio.

462. QVIA animal inter dormiendum fugit, & imaginatur varia, hinc de hac proprietate consequente ad somnum aliqua sunt explicanda.

QVÆRITVR igitur, primò: quid sit somnium, & quomodo contingat?

RESPON

RESPONDETUR Arist. sic definire somnium, quod & Seraph. Doct. in Centil. part. 3. sect. 23. & in Op. declarat, terminosque tradit: Somnium est phantasma apparens in somno, seu apprehensio phantasmatum facta, & exhibitum per sensum internum, dum dormimus.

DICITUR (apprehensio Phantasmatum, seu Phantasma) idest representatio actualis.

DICITUR (exhibita, dum dormimus per sensum internum) ut excludantur actus intellectus: in hoc enim non contingunt somnia, & per id etiam excluduntur spectra, quæ in vigilia apparent phræneticis, & amenibus, quod ex sequentibus melius clarescent: Circa modum verò, quo fiunt somnia, & per quam potentiam.

ADDET, quod, ut suprâ diximus, & innuit Seraph. Doct. in Comp. Theolog. lib. 2. cap. 39. & lib. 2. dist. 23. artic. 2. quæst. 2. argum. 4. cum semper sensus interni in somno ligati remaneant, sed soluti, & liberi: cum autem consequentur species in imaginatiua obiectorum extetnotum impressæ, & in memoriâ phantasmata, seu species expressæ: hinc Phantasia soluta in somno multoties circa talia phantasmata negotiatur, ipsaque simul componit, & hoc, quia à vaporibus spiritus commouentur, & isti commouent phantasmata, ex qua commotione fit tot rerum diuersarum compositio, & hinc Phantasia, id quod ex tali compositione, & collatione resultat, recognoscit, ac si vera essent obiecta.

ET hinc etiam soluitur illud dubium: quate aliqui parum, vel nihil somniant: nec alij in principio dormitionis, sed tantum in medio, & magis in fine.

463. RESPONDETUR, quod qui nihil somniant, habent caput repletum multis fumositatibus, ut sunt pueri infantes, & adulti valde humidi: Et hac eadem causa in principio dormitionis multi non somniant, quia in initio vapores valde abundant, qui obstruunt meatus, & ligant omnes potentias internas. In medio incipiunt tales fumositates desinere, & in fine postea omnino ferè tolluntur: hinc somnia incipiunt in medio, & clarè habentur in fine, ac si essent vigiles. Et quia adsunt phantasmata aliqua magis intensa, vel magis conformia nostræ inclinationi, & complexioni, hinc de iis plus somniamus.

464. QUÆRITUR secundò: Quænam sint causæ somniorum, & quot genera sint?

RESPONDET S. Bonavent. lib. 2. dist. 7. part. 2. artic. 1. quæst. 3. ad 3. quod quinque de causis fiunt somnia: primò quædam contingunt ex dispositione corporis: secundò quædam ex sollicitudine mentis: tertio quædam ex illusione diabolica: quarto quædam ex reuelatione Angelica: quinto quædam ex visitatione diuina. Prima duo habent causam internam, scilicet physicam, naturalemque, & moralem: Et hinc melancholicis tristitia somnia occurrunt, ut funera, tenebræ, &c. quia flaua bili affluunt, rixas, iurgia, inimitias, &c. qui sanguine abundant, ignes, combustiones, &c. vel læta, &c. qui pituita abundant, flumina, imbres, potum, cibum, &c. Aliquando etiam conquærimur dormientes nos præmi aliquo pondere maximo, idque prouenit eo, quod animalis vis humorum multitudine occupatur, de quo infra dicetur, & ista

ista dicuntur somnia naturalia, quia habent causam naturalem: quæ autem habent causam moralem, verbi gratiâ, sollicitudinem mentis, nimium affectum, vel odium, &c. dicuntur somnia animalia, quia sequuntur affectus internos: Sic in *Centil. part. 3. sect. 23.*

SOMNIA verò aliquando proueniunt à causis externis, scilicet à Deo, Angelis, & Diabolo, & consequenter etiam ex influxu cælorum, & syderum: à Deo sunt hoc modo, vel imprimendo immediatè apparitiones, vel imprimendo nouas species, quibus Phantasia determinatur ad illa efformanda: vel præhabitas species coordinando, & applicando, &c. Ab Angelo verò excitantur somnia, ait Seraph. Doct. lib. 2. dist. 8. part. 2. art. 1. quæst. 3. in corp. solum excitando species præhabitas, ac interuentu spirituum transferendo, conferendo, &c. phantasmata representando Phantasia: sic & à Diabolo cum hoc discrimine solum, quod Angeli boni in bonum, mali in malum somnia excitant: hinc oramus quotidie, ut procul recedant somnia, hostiumque phantasmata, &c. Aduertit ramen Seraph. Doct. quod Angeli, vel Dæmones non possunt excitare somnia, nisi eorum, quorum species antecesserunt sunt in memoria, obidque non possunt excitare cæcum à natiuitate ad somniandum circa colorem.

465. Vt autem ex traditis habeatur cognitio varietatis dictorum somniorum: Aduertit in *Centil. part. 3. sect. 23.* ex D. August. quod omnia, quæ vident dormientes, ad quinque reducuntur: suntque oraculum, visio, somnium, insomnium, & phantasma: Oraculum est, quando Deus,

R. P. Bart. de Castrovetro Phil. P. III.

vel Angelus, vel Sanctus aliquid euenturum, vel non euenturum prænuntiat siue faciendum, siue vitandum: Visio est, cum id, quod quis videt, euenit eodem modo, quo apparuerat: Somnium est figuris tectum, & sine interpretatione intelligi non potest: (Intellige de somnio Diuino, vel Angelico) & hoc modo frequentius Deus multa secreta suis Sanctis dictat, cum interpretatione tamen eorum, quæ ostendit: Et ratio est (ait Seraph. Doct. lib. 2. dist. 25. part. 2. quæst. ult. ad 5.) quia tunc homo est minùs distractus ad exteriora: Tum quia plus agit, quàm agat: Tum ob alias rationes, quas citato loco affert: Vide etiam in *Op. de 7. Itiner. atern. itin. 5. & de profectu Religios. lib. 2. cap. 74. & seq.* Insomnium est, quando Phantasiæ representantur species rerum, quas apprehenderat, & hoc est somnium naturale, de quo suprà. Phantasma est, quando quis in principio somni videt aliquod sibi representatum, & vigilare se credit vt homines in se irruentes, &c. ad hoc genus spectat Ephialtes, pronenitque ex sanguine terro, incocto euadente cerebrum, ipsumque grauantem, mouenteque illas imagines terrificas, & quia in somnis res parue videntur magnæ, obid sic affectus eluso Phantasiæ sensu videtur sibi comprimi, & suffocari, ab aliquo inuadi, & hinc vim sibi infert, emittit gemitus, vt se liberet, nec potest se omninò excitare multo halitu vias spirituum obfidente, immò & prauo humore cor pectoris musculos deorsum, & tendones simul occupante, donec tandem calore naturali concurrente, & spiritu conatu ille prauus humor attenuatur, & tandem consumitur:

D d d

tur : Sed quia istius modi affectiones ex stomachi incoctione , & humorum colluuię originem habent , solent incubi grauium morborum antecambulones esse.

466. QVÆRITVR tertio : Cur in somniis tam multa noua , extranea , portentosa animo obuersantur ?

RESPONDETVR, quia tunc vapores , & spiritus inordinate , & tumultuose in cerebro diuagantur , & simulacra obturbant , commiscunt , hebetant : Anima enim quasi otium agens ad vsum specierum segniter se applicat , intentionem negligit , quo fit , vt multa aliena , & inter se minimè cohærentia coniungat , modò hæc , modò illa , vt quidque obuium est apprehendendo rerum ordines , situs , magnitudinis loca miris modis euariet : exemplum affert Arist. de nubibus in aëre pendentibus , quæ nunc in hanc , nunc in aliam figuram transeunt : & de litteris , quæ multifariam compositæ diuersa componunt nomina.

QVÆRITVR quarto. An possit fieri diuination ex obseruatione somniorum.

DE hac materia fusè agunt Conimbr. in lib. de diuinatione per somnium , quæ appellatur somnispicia : & S. Bonauent. etiam aliqua tradit lib. 2. dist. 7. part. 2. art. 1. quæst. 3. qui breuiter respondet , quod loquendo de somniis , quæ sunt à Deo , & Angelis , præfagiunt certa , & verè futura : quæ à Dæmone , nullius sunt roboris : quæ à causa naturali , sunt signa , idest coniecturæ præfagientes infirmitates , vel alios naturales effectus : quæ sunt à causa morali , indicant nostras inclinationes.

## QVÆSTIO VI.

De Appetitu sensitino explicantur plura dubia.

467. IN superioribus enumerauimus ex Seraph. Doct. inter potentias animæ sensitivæ etiam appetitum , quem & vnicam constituere potentiam simul cum motiua appetitiua diximus , & probauimus , licet à Multis tanquam duæ potentia recognoscantur : Vnde de vtraque indiscriminatim agemus.

PRO explicatione supponendum tamen est triplicem in vniuersum dari appetitum ex Seraph. Doct. lib. 2. dist. 38. art. 2. quæst. 1. scilicet naturalem , sensitivum , & rationalem , primus est inclinatio , seu pondus , quod habet vnaquæque res etiam abique præcedente cognitione , licet cum aliquali principio intrinseco actius tendendi ad suum centrum , & bonum sibi conueniens , quem & habent etiam sentientia , & rationalia : & de hoc egimus in lib. 2. Phys. de causa finali : Alij duo appetitus mouent suum subiectum ad quærendum bonum sibi proportionatum , & ad fugiendum oppositum ex præcedenti cognitione , & lumine directiuo , & dicuntur cognitiui : de rationali agemus infra in 3. parte huius operis de anima : est enim voluntas rationalis , seu appetitus deliberatiuus : hîc verò est sermo de appetitu sensitino , qui & dicitur appetitus animalis , de quo quæritur , quid sit : secundò , quod sit suum obiectum : tertio , an sit merè passiuus : deinde alia plura expendemus.

468. RES

468. RESPONDETUR ad primum dubium, quod appetitus sensitivus est facultas, seu potentia; quia animal tendit in bonum sensibile sibi conueniens, per quam definitionem differt ab appetitu rationali, qui tendit in bonum non sensibile, scilicet in honestum, hic autem tendit in bonum sensibile, scilicet utile, & delectabile: idè etiam dicitur appetitus sensualis, quia sequitur bonâ sensuum exteriorum.

RESPONDETUR ad secundum, & patet responsio ex traditis, nempe ipsius obiectum esse bonum sensibile, siue utile, & delectabile.

DICES: Ad hunc appetitum spectat irascibilis, quæ refugit malum: ergo habet pro obiecto etiam malum.

RESPONDETUR, respicere malum ratione boni concupiti: hinc negatur Consequentia.

RESPONDETUR ad tertium esse potentiam actiuam, mediumque tenere inter rationalem, & naturalem, ut ait Seraph. Doct. lib. 2. dist. 38. cit quia enim tendit in obiectum motu, qui est supra necessitatem, qua tendunt naturalia, & infra libertatem, qua tendunt rationalia, hinc passiuè se habet, quatenus mouetur, seu excitatur ab obiecto: mouentur enim irrationalia quadam impetuositate, & pondere naturali: sed actiuè proprie se habet in tali tendentia, quare, dum mouentur appetitu sensitiuo, reguntur, & diriguntur semper à cognitione præcedente, qua cognitione præcedente ipse appetitus actiuè se mouet. Et si quæras, quodnam sit hoc medium inter potentiam naturalem, & liberam?

RESPONDET Seraph. Doct. lib. 2. dist. 25. part. 1. art. 1. quæst. 1. in corp. quod in brutis est aliquod dominium

respectu actuum exteriorum, quia pro libito compefcit pedem, & motum, non tamen respectu actus interioris: vnde si aliquid amant, necessariò amant: Vide *ibid.*

469. QUÆRITUR quattò: Quotplex sit appetitus sensitivus?

RESPONDETUR primò non distinguì appetitum in tot membra, quot sunt potentia sensitiva cognitiua, ut volunt Scotista cum Hurtado, & Aliis sed vnicum tantum sufficere pro omnibus, & dici appetitum sensitivum: sic S. Bonau. in Cent. part. 3. sect. 12. ubi diuidit appetitum in deliberativum (qui est rationalis) & in naturalem, qui est sensitivus: Sic & in Comp. Theol. lib. 2. c. 41. & lib. 2. dist. 24. part. 1. art. 2. quæst. 3. in corpore & ad v. s. docet diuersificati appetitum rationalem à sensitiuo penes obiectum, & modum tendendi in ipsum: sensibilis enim tendit in obiectum ut conferens, & ut determinatus ab obiecto: at rationalis indeterminato modo tendit in bonum ut honestum seipsum determinans.

HINC RESPONDETUR secundò, quod licet communiter hæc potentia diuidatur in concupiscibilem, & irascibilem: attamen probabilius dicendum cum Seraph. Doct. lib. 2. dist. 24. part. 1. quæst. 1. esse vnicam potentiam habentem diuersos actus subordinatos.

PROBATUR, quia habent idem obiectum formale, & eundem modum tendendi in ipsum: ergo sunt vnica potentia: Probatur antecedens: quia omnis potentia appetitiua dicitur talis, quia tendit in bonum sibi conueniens, sed ad hoc requiritur fuga ab opposito: ergo si irascibilis refugit malum, id euenit ex subordinatione ad concupiscibilem, scilicet

¶ d d d 2 cet

cet, ad hoc vt sine impedimento adipiscatur bonum sibi conueniens, & per hanc subordinationem responderet obiectis in contrarium.

**OBIICIET** cum Meldul. Quælibet potentia cognitiua externa, & interna sentit dolorem, voluptatem, & alios actus diuersos appetitus sensitui: ergo quælibet habet suum appetitum: Probatur consequentia: quia cuiuslibet sensui responderet sua conuenientia, & disconuenientia: ergo & suus appetitus ad ipsam.

**RESPONDETUR** transeat antecedens: negatur consequentia: nec probatio antecedentis aliquid concludit contra Nos, cum ad illos actus sufficiat appetitus.

**471. QUÆRITUR** quintò: Quodnam sit subiectum, seu organum potentia sensitua appetitiua?

**RESPONDET** Aliqui cum Meldul. *num.* 318. hanc potentiam in communi sumptam residere in cerebro: in particulari verò in quolibet organo sensuum.

**SED** Respondet Seraph. Doct. *lib. 2. capit. 41.* Comp. Theolog. quod cum hæc potentia, licet sit vnica, habeat plures actus differentes secundum proportionem sensuum particularium, & virtutis motiua, residere putandum est & in corde, & in cerebro: sunt enim duæ potiores partes, quæ simul mutuam respondentiam habent, & quæ sunt principium omnium affectuum, & motuum, quæ in corpore fiunt.

**471. QUÆRITUR** sextò: Quodnam actus habeat hæc potentia?

**RESPONDET** Seraph. Doct. *loc. cit.* quod hæc vis appetitiua mouet quandoque corporaliter, quandoque spiritualiter: spiritualiter mouet dupliciter aut diligendo, aut odien-

do, & sic diuiditur in concupiscibilem, & irascibilem, per quas appetit anima bonum, & insurgit contra malum: Istæ duæ potentia, seu potius facultates, si coniunguntur rationi, vt in homine, frænantur, & reguntur à ratione, estque principium gaudij, spei, doloris, & timoris: si sunt sejunctæ à ratione, dicuntur sensualitas, quæ coniungitur corpori, & nulla lege perstringitur, appetitque, quod est corpori delectabile, & refugit nociua: Provt verò mouet corporaliter, diuiditur in naturalem, vitalem, & animalem: Prima residet in hepate: secunda in corde: tertia in cerebro, quarum tamen primum principium est cor: propriè tamen hæc vis est animalis, qua mouentur membra.

**AN** verò concupiscibilis, & irascibilis sint duæ potentia: Thomistæ asserunt distingui realiter: Probabilius est dicere esse vnica ex hoc, quod intantum irascibilis mouetur contra malum, inquantum respicit bonum, obidque habent idem obiectum.

**472. QUÆRITUR** septimò: An vis motiua sit differens ab appetitiua.

**RESPONDETUR** ex traditis *suprà in principio tract. 1.* esse vnica potentiam habentem tamen diuersos actus, loquendo tamen de motibus exigentibus in motore cognitionem sensituiam: Addimus, quod motus appetitus alius est purè animalis, scilicet directus à cognitione, alius purè naturalis non dependens à cognitione, alius medio modo se habet.

**DE** purè naturali, vt est motus cordis, arteriarum, non est hic sermo: aliàs enim de ipso egimus: motus purè animalis dicitur progressus, qui habet principium in animali partim *suprà* necessitatem, & partim



partim infra libertatem : ut docet Seraph. Doct. lib. 2. dist. 38. *supracit.* & de hoc genere satis dictum est in Physica, & infra etiam agemus, cum de impetio voluntatis. Motus vero in medio modo se habens est multiplex.

PRIMVS dicitur Respirationis, qui fit cogente natura, aliquantulum tamen dependet ab appetitu, cum per aliquod tempus possit cohiberi : ad ipsum vero requiritur attractio aeris ad cor per pulmonem, & asperam arteriam facta, & dicitur inspiratio, & ulterius requiritur expulsio aeris attracti, & hæc dicitur propriè respirationis.

SECUNDVS dicitur Ritus, de quo Seraph. Doct. lib. 2. dist. 8. *p. ult. 1. quaest. ult. in corp.* estque quidam motus localis causatus à virtute motiva residente in corde, seu in musculo diaphragmatis, ad cuius agitationem extenduntur simul muscoli thoracis, faciei, & oris usque ad genas, ad quem motum consequitur sonus vocis : Vide Meldul. *num. 371.* qui multa differt de ritu.

TERTIVS dicitur Vox, de qua supra satis dictum est.

QUARTVS dicitur fletus oppositus risui, ad quem tria concurrunt, scilicet motus aeris, vox, seu gemitus, ut lachrymarum effusio ; motus causatur eodem modo, ac ritus, sed à diversa causa, scilicet à dolore restringente pulmones, diaphragma, & musculos : lachrymæ fiunt ex humore, vel secundum Aliquos, existente in pericordio cordis, luntque excrementum sanguinis ad cor attracti, vel secundum Alios residente in cerebro, & oculorum profundo, quod dicitur spongia lachrymarum. Exit autem iste humor vel ex constrictione, vel ex infirmitate, vel calore capitis, vel

ex affectu cordis, nempe vel gaudij, vel tristitiæ : hinc pueri, & mulieres facilius emittunt lachrymas ; quia magis abundant humore, & facilius commouentur ad dolorem, & gaudium.

QVINTVS dicitur sterturatio, estque motus, quo aer inclusus in pulmonibus totus simul per nares cum impetu exprimitur ex tunica internæ nasi vestientis irritatione : vel secundum communiorē est motus cerebri, quo per nares nititur sibi molesta expellere, seque expurgare.

SEXTVS dicitur Ossitatio, estque motus, quo multo aëre, aperto satis ore attracto, & aliquatenus retento, natura fumosis exhalationibus gravata eas cum aëre, quem reddit, à se abigit.

SEPTIMVS dicitur Pandiculatio, estque motus nervos otio, vel aliquo vapore contractos distendens, fitque maximè, cum expurgiscimus.

OCTAVVS : Singultus fit, quando stomachus restringitur in fibris superioribus tentans aliquid expellere infixum innaturaliter ori, & œsophago.

NONVS : Tussis est motus, quo pulmo attractum aërem elidit impetu in pituitosa, quæ asperam arteriam infarciunt.

DECIMVS : Rigor, & Horror est quædam refrigeratio caloris nativi, qua spiritus instringuntur, & quæ muscoli contrahuntur.

VNDECIMVS. Vomitus est motus, quo fundus ventriculi sursum irritatus agitur ad noxia ori inhaerentia eicienda.

DVODECIMVS. De origine signorum, quæ apparent in nato existente in utero Matris. Vide Meldul. *disp. 5. num. 380.*



# PARS TERTIA.

## DE ANIMA.

473.




D vltimam, & 'difficiliorem considerationem deuenimus, quæ est de anima rationali, ipsiusque attributis, & licet multa à nobis in superioribus, maximè in prima parte edisserimus ad ipsam spectantia, attamen cum eiusdem animæ rationalis cognitio maximè sit necessaria, *hinc* de ipsius essentia, attributis, & potentiis in particulari nunc agendum est.

Et quia à nobis vt verè fidelibus Sectatoribus Seraphicæ Doctrinæ, ad hoc vt sensus ipsius Seraphici Doctoris Germanus habeatur, in sequentibus quæstionibus & ipsius Textus, & verba necessariò essent subijcienda, nihilominus ne eadem frustatoriè repetamus, cum nobis sit notum illud Philosophi, quod potest fieri per breuiora, non debet fieri per longiora; ipsius Textum apponere omittimus, cum fusè in quæstionibus sequentibus habeatur; sicque vt recto ordine procedamus, In primo Tractatu huius tertie partis de anima rationali in communi tractatum proponimus, in quo non solum ipsius naturam, sed & attributa essentialia expendemus.



# TRACTATUS PRIMVS.

*De Anima rationali in Communi.*



## QVÆSTIO PRIMA.

*Quid sit Anima rationalis, & qualiter distinguatur ab aliis animabus, & ab Angelo.*

**Q**ERTVM est, & de fide definitum in *Concil. Vien.* animam rationalem esse formam corporis humani, & ob id conuenire cum cæteris animabus in esse actum corporis organici, vt dictum est in prima parte horum librorum de anima: Et cum suprâ dixerimus animas sensitiuas, & vegetantes esse spirituales, & ex alia parte animam rationalem esse substantiam puram spiritualem intellectualem, obidque in spiritualitate aqualiter conuenire cum dictis animabus, & in intellectualitate cōuenire cum Angelis: hinc disquirendum est, per quid ab istis substantiis essentialiter differat: Antequam autem vtriusque procedamus in hac quaestione.

SUPPONIMVS primò, tanquam de fide ipsam animam rationalem ab aliis animabus differre per ordinem ad causam extrinsecam producentem per hoc, quod illæ educuntur de potentia materiæ, vt suo loco probatum est, ista autem immediatè à

Deo creatur: sic Seraph. Doct. lib. 2. dist. 18. art. 2. quest. 3. vbi fusè probat animam rationalem non fieri ex traduce, idque tum ex ipsius incorruptibilitate: tum quia est per se existens, obidque composita ex materia, & forma: tum quia ob eius dignitatem debet habere totum suum esse immediatè à Deo.

SUPPONIMVS secundò, animam in eodem instanti, ac creatur, etiam infundi, & vniri corpori, in qua assertione, licet aliquando Aliqui SS. PP. dubitarunt, tamen communis opinio Catholicorum est, quod in eodem instanti, ac creatur, etiam vnitur corpori ob multa inconuenientia, quæ ex opposita Sententia sequerentur, quæ inconuenientia, & absurda ab eodem Seraph. Doct. lib. 2. dist. 18. art. 2. quest. 2. enumerantur: His positis. Quæritur: quænam sit ratio distinguens animam rationalem à cæteris substantiis spiritualibus.

PRIMA Opinio asserit animam rationalem esse actum corporis organici, quatenus est vegetans, & sentiens: non verò quatenus est rationalis: Vnde per primam rationem differt ab Angelo, & per secundam à cæteris animabus: sic Vulpes, Ferrar. Caiet. Alijque pauci.

COMMUNIS Opinio tenet esse actum corporis organici, prout est rationalis.

nalis, & essentialiter differre ab Angelo etiam, & à cæteris animabus per propriam differentiam specificam.

TERTIA Opinio docet differre ab Angelo ipsam animam per excessum perfectionis rationalitatis existentis in Angelo supra animam.

QUARTA Opinio est Aliorum dicentium differre per vnibilitatem ad corpus tanquam per differentiam constitutiuam: citaturque Seraph. Doct. pro hac opinione à Gadio. Tatar. Lycheto, Gratiano, Aliquibusque Aliis Scotistis, sed malè, & falsò, vt notauit Ferchius tom. 2. de Angelis quæst. 111. Seraph. igitur Doct. docet differre per propriam differentiam, sed hanc nobis innotescere per vnibilitatem ad corpus humanum.

PRO solutione quæstionis.

475. PRIMò Notandum ex S. Bonauent. lib. 2. dist. 1. part. 2. art. 3. q. 2. in corp. quod duobus modis potest explicari ipsum propter quid, nempe essentialiter specificam, primò indicando causam, propter quam res est, idest notificando per principia intrinseca ipsam essentialiam, & à priori: secundò à posteriori notificando, & nominando illam causam per aliquam proprietatem immediatam essentialiam, idque vt plurimum euenit: nam intellectus noster rarissimè peruenit ad cognitionem differentiarum specificarum à priori, sed tantum à posteriori, sicut notat Seraph. Doct. loc. cit. in fine quæstionis. idque est conforme traditis ab Arist. in lib. poster. de demonstrat.

SECUNDò Notandum, quod anima rationalis, cum sit indiuisibilis, est non solum per se existens constans ex materia, & forma, sed & simul secundum suam indiuisibilem entitatem forma, & perfectio corpo-

ris, & principium operationum, quas exercet in corpore, & mediante corpore, sic lib. 2. dist. 8. part. 2. art. 1. quæst. 2. Vnde vt est forma corporis, dicit ordinationem intrinsecam ad corpus proportionatum, scilicet nobilissima organizatione compactum in ordine ad constituendum tertium, scilicet hominem, sic lib. 2. dist. 1. p. 2. art. 1. quæst. 2. ad 2. hinc vnibilitas ad tale corpus humanum in ordine ad vegetare, sensificare, viuificare ipsum, est proprietas essentialis primò ab eiusdem principiis intrinsecis emanans: & hinc, ait Seraph. Doct. vnibilitas signat nobis à posteriori primam formam, & differentiam latentem, per quam distinguitur anima ab Angelo: Vnde, vt subdit ibid. in fine corp. & ad 1. illud, quo anima est vnibilis corpori tali, dicit quid essentialiter respiciens, quod est nobilissimum in anima, & ita penes illud rectè sumitur differentia specifica: & hinc vnibilitas dicitur differentia, prout dicit naturalem aptitudinem, quæ inest animæ secundum principia intrinseca, quæ priora sunt natura: Hinc patet malè citari Seraph. Doct. à Marginistis Scoti, Aliisque, quasi recognoscat verè vnibilitatem pro differentia specifica, nec hoc dicit Seraph. Doct. sed vult, quod differentia specifica desumi debeat penes principia intrinseca, quæ sunt materia, & forma: sed quia adest aliqua conuenientia in his cum Angelo: hinc à nobis notificatur talis differentia à posteriori per vnibilitatem, quæ est proprietas immediatè ab ipsis principiis emanans. His positis.

476. PRIMA Conclusio: Anima rationalis rectè definitur, *Substantia incorporea, spiritalis, intellectualis, per*

## De Anima rationali in Communi. Quæst. I. 393

se existens, & ut talis ordinata ad uniri corpori humano. Est S. Bonau. in Centil. part. 3. sect. 19. & in Comp. Theolog. lib. 2. cap. 30. & communis.

PROBATVR, & explicatur. Dicitur ( *substantia* ) loco generis; Dicitur ( *incorporea, & spiritalis* ) per quod differt à cæteris formis corporeis: Dicitur ( *intellectualis, & per se existens* ) per quod differt à cæteris animabus: Dicitur ( *ut talis ordinata ad uniri corpori* ) per quod differt ab Angelo. Dicitur ( *corpori humano* ) per quod iterum differt à cæteris animabus.

477. SECUNDA CONCLUSIO. Vnibile corpori humano per informationem, & non vnibile, si formaliter sumantur, non sunt differentie per se distinguentes specie Angelum, & animam: Est S. Bonauent. lib. 2. dist. 1. cit.

PROBATVR primò à Seraph. Doct. Vnibile, & non vnibile sunt prædicata secundi modi: primum enim dicit aptitudinem: secundum dicit negationem aptitudinis: ergo non sunt differentie specificæ, quæ sunt prædicata primi modi: Tum quia non vnibilitas est communis aliis, quàm Angelo, ut materiæ primæ, imò & chymeræ: ergo non sunt differentie constitutiue: Tum quia omnis differentia constitutiua est optimum in ipsa specie, sed vnibilitas, & non vnibilitas formaliter sumptæ non sunt huiusmodi: ergo.

478. TERTIA CONCLUSIO: Vnibile corpori humano per informationem est prædicatum maximè aptum ad indicandam à posteriori propriam differentiam specifi-  
constitutiua, & distinctiuam animæ rationalis ab Angelo: Est S. Bonauent.

R. P. Barr. de Castrov. Phil. P. III.

lib. 2. distinct. 1. cit. & dist. 18. art. 2. quæst. 2. ad 2. & lib. 3. dist. 5. art. 2. quæst. 3. in corp. & lib. 4. dist. 44. part. 1. art. 2. quæst. 1. in corp. & dist. 43. art. 1. quæst. 5. ad ult.

PROBATVR autem ex Seraph. Doct. lib. 2. distinct. 1. cit. primò vnibilitas est proprietas proveniens immediate ex principiis intrinsecis animæ: ergo per hanc explicantur ipsa principia intrinseca, & maximè idem principiatum, quod est anima: Antecedens est patens. Consequentia probatur, quia proprietas immediate habet inter alia hoc, quod innotescere facit suum principium ex lib. 1. dist. 8. part. 1. art. 1. quæst. 1. ad arg.

PROBATVR secundò: Quia quodcunque prædicatum ponitur in aliquo essentialiter, & essentialiter negatur de altero, in illo necessariò ponit differentiam essentialem: sed vnibilitas ad corpus humanum est huiusmodi in anima: non enim conuenit animæ accidentaliter, alioquin fieret vnum per accidens: ergo.

PROBATVR tertid: Illud, quo mediante anima perficit corpus humanum, est id, quo anima est rationalis anima, & quod est principium nobilium operationum, sed seipsa est talis, non mediante potentia: ergo secundum seipsam est anima: at id, quo perficit corpus, est vnibilitas: ergo per ipsam tanquam per immediatius explicatur ratio, & differentia essentialis animæ: se habent enim ordinatim ista tria, scilicet quo est anima, quo perficit corpus, & quo est principium operationum.

PROBATVR quartò: Anima est pars, & ut talis incompleta, & in toto completa, igitur per id, quo perficitur, & peruenit ad complementum:

E c c

tum : at id est vnibilitas corpori humano : ergo.

**OBIICIENS** primò cum Scoto : Omnis differentia prior est per naturam, quàm species constituta, sed vnibilitas est quid posterius ipsa anima : ergo.

479. **RESPONDET** S. Bonau. vt dictum est *in prim.* *Notab.* concedendo Maiorem, & distinguendo Minorem : Vnibilitas est posterior, si sumitur formaliter, concedo : si radicaliter, nego : Cum enim sit proprietas primò, & immediatè ab anima emanans, ipsa indicat nobis à posteriori principia intrinseca, & rationem, qua distinguitur ab Angelo : Angelus enim etiam constat materia, & forma spiritali, idèd per vnibilitatem, & non vnibilitatem nobis innotescit eorum differentia.

**OBIICIENS** secundò : Differentia completiua debet esse propria eius, cuius est differentia : sed esse vnibile conuenit etiam cæteris formis : ergo.

**RESPONDET** S. Bonauent. esse vnibile vt sic, non esse differentiam animæ rationalis, sed esse vnibile corpori humano.

**CONTRA** : Differentia specifica debet accipi penes id, quod est optimum in re, sed esse vnibile conuenit animæ penes suum esse infimum : ergo.

**PROBATVR** Min. quia est vnibilis, vt forma est, sed optimum in ea est, esse spiritum rationalem im-munem à corporeitate : ergo.

**RESPONDET** S. Bonau. concedendo Maiorem : negando Minorem Ad probationem respondet esse vnibilem animam secundùm id, quod ipsa est in se : quia seipsa est spiritus rationalis, seipsa est forma corporis,

seipsa, & non mediante potentia constituit cum corpore hominem : hæc enim sunt vnum, & idem in anima, sed tamen meliùs notificatur eius essentia per vnibilitatem.

**INSTAT** iterum : Anima rationalis actu est separabilis, & hoc per naturam : ergo vnibilitas non est quid intrinsecum animæ secundùm suam naturam : oppositum enim differentię specificæ non potest inesse ipsi rei per naturam.

**RESPONDETVR** concedendo antecedens, & negando consequentiam : aptitudo enim inest inseparabiliter rei, & si adesse potest separatio actu, sequitur, quod priùs sit vnibilitas : obidque talis separatio nihil obest tali proprietati, per quam explicatur natura animæ.

**OBIICIENS** tertio : Si anima vt rationalis est forma corporis : ergo ei tribuit rationalitatem ; sed hoc est falsum : nam corpus non fit rationale :

**RESPONDETVR** negando sequelam Maioris : idèd enim est vnibilis corpori humano, vt constituit hominem, eique communicet suas operationes tanquam termino totali, & completo : hæc differentia enim est inter formas accidentales, & substantiales, quod illæ cum non faciant cum substantia vnum per se, ipsi communicant suum effectum formalem : at istæ quia sunt ordinatæ ad constituendam tertiam entitatem, huic etiam communicant suos effectus.

**ET** hinc patet, quosnam effectus communicat anima rationalis corpori, & quosnam homini constituto : quia enim est forma includens potentias organicas, scilicet vegetantem, & sensitiuam, hos effectus immediatè communicat corpori :

at ut rationalis communicat hos effectus tertiæ entitatæ constitutæ.

430. QVÆRITVR: Quomodo differat rationalitas Animæ, & Angeli?

RESPONDET Seraph. Doct. lib. 2. dist. 1. cit. quæst. 1. ad ult. & lib. 1. dist. 25. art. 1. q. 3. in corp. quod rationale, prout dicit intellectum, seu vim purè intellectiuam discernendi verum à falso, est commune Deo, Angelis, & Hominibus: prout dicit vim discernendi per inquisitionem, & collationem, & discursum, sic est differentia hominis, quia importat vñionem animæ cum corpore: explicat id lib. 2. dist. 1. part. 2. art. 1. quæst. 2. ad 4. anima rationalis necessariò dicit vñibilitatem cum corpore mediante vi vegetatiua, & sensitua: & quia dependet in intelligere, & ratiocinari à potentia sensitua alligata organo, & per consequens non potest exercere nisi inquisitiuo, & collatiuo modo: Hinc tali pacto rationale dicitur differentia Hominis, non Angeli, scilicet rationale vñibile.

## QVÆSTIO II

An Anima rationalis sit Immortalis.

481. Hanc quæstionem pluri-  
mi Authores confundunt cum alia de indiuisibilitate animarum, sed malè: nam, ut vidimus in citata quæstione in prima parte, aliqua anima potest esse indiuisibilis, & simul mortalis, & corruptibilis: Vnde meritò Seraph. Doct. hanc de immortalitate seiunctim proponit, & soluit lib. 2. dist. 19. quæst. 1. cum sit

attributum proprium animæ rationalis, non sic indiuisibilitas, quæ competit etiam cæteris animabus. Et licet omnes D.D. Catholici in hoc conueniunt tanquam de fide, quod anima rationalis sit immortalis: fuit enim determinatum in Concil. Later. & Vien. Attamen altercantur maximè circa duo: primum est, an Aristoteles cognouerit hanc immortalitatem: secundum, an sit demonstratiua per rationes naturales, & euidentes, & hoc secundum sequitur, si primum sit verum, scilicet dato, quod Arist. id cognouerit, inferitur posse naturaliter demonstrari. Nos tamen breuiter vtrumque examinabimus.

ET circa primum variant Interpretes Arist. Alij affirmando ipsum hanc immortalitatem agnouisse: Alij negando. Seraph. Doct. lib. 2. dist. 19. quæst. 1 ad 3. est dubius de mente Arist. credit tamen ipsum agnouisse hanc immortalitatem.

SED de mente Arist. agunt fusè Interpretes, præcipuè D. Thom. Scot. Iauel. Ferchius vestig. 6. Conimbric. & plures SS. PP. quos quisque videre potest.

Nos enim omisissis superfluitatibus ad solutionem quæstionis per ordinem ad veritatem, & etiam ad rationes naturales procedemus: & hoc ut satisfaciamus præcepto facto à Concil. Lateran. omnibus Magistris, & Lectoribus Philos. ut argumenta soluant hanc veritatem impugnantia: Hinc pro solutione quæstionis

482. PRIMò Notandum, quod immortalitas dupliciter potest sumi: primò quatenus immortale nullo pacto, vel potestate diuina potest aboleri, sicque solus Deus habet immortalitatem (ait D. Paulus ad Timoth. cap. 6.) solus enim

Ecc 2 scipso

seipso absque alterius iuamine potest seipsum conservare, ut ait Seraph. Doct. lib. 2. dist. 19. art. 1. quest. 1. ad 1. & lib. 2. dist. 17. art. 1. quest. 1. ad 5. & lib. 1. dist. 8. part. 1. dub. 9. secundò dicitur immortale, id est quod suapte natura exigit perpetuationem, quamvis per absolutam Dei potentiam possit deficere: sic quælibet creatura est mortalis, quia quælibet creatura est vertibilis in nihil, & indiget causa conservante: immortalitas autem hoc secundo modo potest contingere adhuc dupliciter: primò quatenus mors alicui actui non potest advenire ex aliqua ratione extrinseca, & hac ratione corpus Adæ erat in statu innocentie indissolubile: poterat enim non mori: poterat etiam mori, scilicet cadendo ab illo statu perfectò: secundò quatenus nec actui, nec potentia potest contingere, licet possit deficere, ut dictum est, & tali pacto anima rationalis, & Angelus sunt immortales.

SECUNDò Notandum, quod aliud est dicere posse probari rationibus naturalibus animam rationalem esse mortalem: aliud, quod non potest probari ratione naturali ipsam esse immortalem, & aliud est posse absolute probari esse immortalem: Primum est hæresis: Secundum, & Tertium nequaquam: Sic Ruui lib. 3. tract. de an. separ. Addit Seraph. Doct. in Eccl. cap. 3. in fine: quod licet probetur eius immortalitas rationibus naturalibus, difficile tamen est pertrahere firmiter mentem ad id absque lumine fidei: His positis.

483. **PRIMA CONCLUSIO:** Anima rationalis est immortalis ex natura sua: Est de fide, ut dictum est, & fuse edocetur à Seraph. Doct. lib. 2. dist. 19. quest. 1. & 2. & dist. 1.

part. 2. art. 3. quest. 2. ad ult. & lib. 2. dist. 17. art. 1. quest. 1. ad 5. & art. 2. quest. 1. ad 2. & plurimis aliis locis: Sic & ceteri DD. Catholici, & præcipue Tolet. qui fuse hanc questionem pertrahat tum in via Aristotelis, tum secundum rectam Philosophiam, tum secundum nostram fidem.

Et quoad Aristot. possunt videri textus plurimi ab ipso Toletò, Aliis, & allati: circa quos advertit Seraph. Doct. lib. 2. dist. 19. quest. 1. ad 3. quod si occurrat aliquis textus eiusdem Philosophi, in quo videatur asserere animam mortalem, ut est in lib. 3. t. 66. ubi docet, quod intellectus corrumpitur quodam alterius corrupto: aliæque consimiles auctoritates apud ipsum inueniri possunt: Aduertit, inquam, Seraph. Doct. ibid. quod debet Arist. pie interpretari, ne sibi objiciantur contradictiones, quod esset indignum tanto viro, & cum patentissime in lib. hoc 3. de An. doceat intellectum esse immortalem, impassibilem, & incorruptibilem: Hinc dicendum est ipsum asserere intellectum quoad operationem cessare læso organo imaginatiuæ, à qua in intelligere dependet.

OMITTIMVS etiam innumerabiles auctoritates S. Scripturæ, & SS. DD. probantes hanc animæ immortalitatem, quas quisque potest videre apud DD. fuse hanc materiam tractantes: & ad rationes desumptas tum ex ratione naturali, & Philosophica, tum ex Theologica: quod facit Seraph. Doct. loc. cit. dicens, quod potest considerari anima vel in ordine, vel secundum se: In ordine, scilicet respectu per ordinem ad ceteras creaturas, ad diuinam iustitiam, & ad finem, qui competit ad quamcunque creaturam: Item secundum se quantum ad





cere solum Deum esse immortalem, sic p. *Timoth. cap. 6.*

CONFIRMATUR ex *Ecc. c. 3.* ubi dicitur, quod vnus interitus hominis, & iumentorum, & aqua vtriusque conditio: ergo.

487. RESPONDET S. Bonau. *lib. 2. distinct. 19. quest. 1. ad 1.* solum Deum dici immortalem, quatenus absolute loquendo solus Deus est incapax interitus, nec indiget alterius adiutorio ad sui conseruationem, non sic anima, sic licet sit immortalis positiue, potest tamen cadere in nihil Deo auferente suum concursum conseruationis de potentia absoluta.

Ad alium Texum. Respondet S. Greg. 4. *Dial. cap. 4.* hoc esse dictum Atheistarum aliquorum. Potest etiam dici cum D. Hieron. id esse verum quoad mortem totius, vel corporis. Affertur etiam in contrarium Sententia Sophronij à sexta Synodo alata, in qua dicit animam rationalem per gratiam esse immortalem: ergo per naturam non erit immortalis: sed

RESPONDETUR ex Seraph. Doct. *lib. 2. dist. 17. art. 1. quest. 1. ad 5.* dici immortalem per gratiam, quatenus gratia dicit influentiam superadditam gratuitam naturæ, per quam conseruatur natura: non vero prout gratia dicit quid supernaturale.

OBIECIES secundò ex Damase. Omne, quod à versione incipit, ad versionem tendit: sed anima rationalis à versione incipit, cum sit creata: ergo ad versionem tendit. Tum quia est annihilabilis: Tum quia est in ea separabilis forma à materia: ergo per naturam est mortalis.

RESPONDET S. Bonau. *lib. 2.*

*distinct. 19. quest. 1. ad 2.* & ex iis, quæ tradit *lib. 1. dist. 8. part. 1. art. 2. quest. 2. ad 4. 5. 6. 7. 8. & 9.* quod illa rendentia in nihil, quæ inest omni creaturæ, non est per aliquem appetitum positium, sed est per defectum vanitatis, idest inest creaturæ annihilabilitas ratione eius, quod est ex nihilo, nec tamen dicitur id inesse naturaliter ex suis principiis intrinsicis, sed tantum dicitur naturale, quatenus nulla creatura potest in sui conseruationem, sed indiget Dei concursu influente. Et eodem modo

RESPONDETUR obiectioni de separabilitate materiæ, & formæ: nam naturaliter non sunt separabiles &c. hic autem non quærimus, quid Deus possit, sed quid congruat naturis rerum, vt loquitur Seraph. Doct.

OBIECIES tertio: Inter recipiens, & receptum naturale debet esse proportio naturalis, sed corpus est recipiens, & mortale, & anima est recepta: ergo erit mortalis. Tum quia anima essentialiter est actus corporis: ergo non potest esse sine corpore.

RESPONDETUR ex Seraph. Doct. *lib. 2. distinct. 1. part. 2. art. 1. quest. 1. ad 2. & art. 3. quest. ult. ad ult.* quod sufficit proportio in ratione materiæ informabilis, & actus informantis, non in exteris attributis: Præterea adest etiam proportio in hoc, quod cum anima sit libera potens stare, cadere, & resurgere, datum etiam ei est corpus potens mori, & non mori, vt datum fuit primo homini: Præterea corpus tale datum est animæ, vt ordinatum esset ad immortalitatem: cum enim sit pars recipiens formam, habuit & dispositiones proportionatas ad recipiendam animam, & ad fieri

fieri participem cum ipsa beatitudinis æternæ.

488. **OBJICIET** quartò : Anima in corpore dependet à corpore in operari : læditur enim læso corpore : ergo est mortalis.

**RESPONDETUR** impediri per accidens ratione vnionis , quia dum est in corpore , dependet à Phantasmatibus, &c. de quo aliàs , &c. similiter etiam dum est in corpore, patitur , & etiam post separationem , sed hæc passio non est corruptiua , sed accidentalis entitati animæ : hinc non sequitur , quod debeat esse mortalis.

**QUI** vult solutionem aliorum argumentorum obiectorum , adeat Tolet. Meldul. Aliosque , & præcipuè Hurtadum grauitèr inuehentem in eos, qui sub specioso titulo doctrinæ Aristotelicæ docent mortalitatem animæ, inter quos Cremoninus damnatus miserrimè excelluit , & innumera mala in animas credentium inuexit hac occasione.

### QVÆSTIO III.

*Verum Anima rationalis sit æqualis perfectionis in omnibus hominibus.*

489. **P**RO explicatione tituli supponendum est primò tanquam certū, & de fide contra Pitagoricos animam rationalem multiplicari ad multiplicationem indiuiduorum : Nec est verum id, quod dixit Acchilinus , scilicet secundum Philosophiam animam esse vnā , & secundum fidem esse multiplicem : qui error detegitur à Seraph. Doct. lib. 2.

dist. 18. art. 2. *quæst.* 2. veritas enim non est contraria veritati.

**SUPPONENDVM** est secundò, duplicem perfectionem posse considerari in animabus rationalibus , alteram essentialē , seu substantialē , alteram accidentalem , hæc attenditur respectu eorum, quæ accidunt animæ , & de hac non est sermo , sed de substantiali, quæ iterum est duplex : alia specifica, alia indiuidualis : prima importat prædicata essentialia specifica , & de hac non est sermo : nam omnia insūt æqualiter in omni anima rationali : Indiuidualis verò est, quæ prouenit ex differentia indiuiduali , & entitatiua , secundum quod competit tali indiuiduo , & prout habet contractam in se naturam talem , & de hac perfectione indiuidua procedit quæstio : an scilicet detur inter hanc , & illam animam gradualis latitudo perfectionis indiuidualis.

**PRIMA** Opinio negat omninò posse dari in animabus rationalibus aliquam differentiam inæqualitatis in vlla perfectione substantiali entitatiua , sed omnes æquè esse perfectas , & si adest aliquod discrimen , obuenit ratione corporis , & per accidens. Ita Dur. Sor. Zimar. Tolet. qui oppositam appellat temerariam , & periculosam , sed verè nimis audaciter dictum profertur contra præcipuas scholarum Columnas.

490. **SECUNDA** Opinio est fere Omnium Scholasticorum. D. Thom. Rich. S. Bon. Aliorumque, & facultatis Parisiensis apud Ruuium lib. 2. de *anim. cap. 3. quæst. 3.* admittentium gradualē inæqualitatem in animabus : Pro solutione

**PRIMò** Notandum , quod cū communiter dicatur substantiam non recipere magis , & minus , glosan-  
da

da est hæc propositio ( ait Seraph. Doct. ) nempe sumptam Logicè , seu Metaphysicè , seu secundum prædicata quidditatiua , & propt abstrahit ab indiuidualitate non recipere magis , & minus : at propt consideratur in hac, vel illa materia , in qua potest habere maiorem , vel minorem actualitatem , dicendum est admittere magis, & minus : Sic Seraph. Doct. lib. 2. dist. 3. part. 1. dub. 2. & lib. 1. dist. 17. part. 2. art. 1. quest. 1. ad 1. & lib. 2. dist. 13. art. 2. quest. 2. ad 3. & lib. 1. dist. 44. art. 1. quest. 1. in corp. Vt autem hæc veritas intelligatur.

SECUNDò Notandum , quod licet entitas specifica animæ in ratione speciei sit indiuisibilis : importat tamen intra suam sphaeram latitudinem gradualem per ordinem ad differentias indiuiduales : & ratio est, quam adducit Seraph. Doct. lib. 1. dist. 17. part. 2. art. 1. quest. 2. ad 3. quia in quanto virtutis sit accessus ad summam simplicitatem , & entitativam perfectionem per additionem graduum virtutis , & per talem additionem sit purior , & perfectior : Cùm autem anima vniatur materiæ non propter bonum materiæ , sed propter bonum proprium, & ad constituendum compositum , & tertiam entitatem, nempe vt per informationem consequatur finem suum proprium naturalem : hinc etiam nec hæc anima vnitur huic corpori, nisi propter bonum proprium, & vt constituat hoc indiuiduum : hinc sequitur , quod secundum maiorem , vel minorem dispositionem inuentam in corpore , & ab agente naturali per se inductam , etiam recipit maiorem , vel minorem perfectionem actualitatem , & ideo maior dispositio in corpore exigit perfectionem formam :

Quare Deus dat meliorem formam, secundum quod materia est melius disposita : sic lib. 2. dist. 9. quest. 3. ad 3. & in serm. 1. de pluribus Martyribus, & lib. 2. dist. 32. dub. 6. & Ruuius cit. num. 63.

#### 491. PRIMA CONCLUSIO:

Inter animas rationales datur gradualis perfectio , & ob id participari potest ab indiuiduis cum inæqualitate perfectionis indiuidualis : Est S. Bonavent. lib. 2. dist. 32. dub. 6. vbi habet hæc verba : satis probabile est, quod in ipsa creatione sit præcellentia in animabus , & quod dicuntur pares, hoc non intelligitur quantum ad priuationem ordinis naturalium in præcellentia , sed quantum ad priuationem ordinis in dominio, & seruitute : Idem & asserit lib. 2. dist. 9. artic. 1. quest. 1. in corp. in fine : vbi dicit , quod in hominibus sunt gradus , & ordines , & quoad naturalia , & quoad dignitates.

Et si quæritur. Vnde veniat ista præcellentia naturalium, an ex parte animæ , an corporis ?

DICENDUM , quod cùm anima non sit propter corpus , sed corpus propter animam, ista præcellentia venit ex parte animæ , quæ præcellentia non est in anima ratione principij ex quo, cùm sit ex nihilo, sed ratione sapientię Conditoris producentis omnia secundum ordinem debitum : non est tamen negandum, quin multum faciat bona dispositio corporis ad exercitium illarum habilitatum naturalium animæ : Hæc Seraph. Doct. hinc.

PROBATVR primò : Si perfectiones naturales indiuiduales non possunt participari cum inæqualitate ab indiuiduis, aut est ratione propriæ entitatis , & perfectionis , aut ratione

tionem Individuorum, sed neutrum est: ergo.

**PROBATVR** min. Non primum: Quia si non adest inæqualitas gradualis, id erit ratione spiritualitatis animæ: sed id falsum est, cum inæqualitas in Deo, in Angelis, & in hominibus sit vniuersa, & tamen inæqualis: ergo: Nec secundum: quia sicut inæqualitas specierum non repugnat vnitati generis, sic nec inæqualitas individuorum poterit repugnare vnitati speciei: non enim est maior ratio de genere, ac de specie, & individuo, cum omnia identificantur simul, licet distinguantur formaliter.

**PROBATVR** secundò argumento à Seraph. Doct. facto in *Serm. 1. de pluribus Mart.* Dispositio, & organizatio materiæ inducitur per se ab agente naturali propter animam infundendam: ergo melior dispositio inducitur propter meliorem animam: alioquin per accidens se haberet melior dispositio in materia à natura per se introducta.

**CONFIRMATVR**, & simul iterum Probatur consequentia: Dispositio materiæ naturaliter ordinatur ad informationem formæ: ergo melior dispositio adhuc ut melius informetur materia à forma, sed meliorem dispositionem naturaliter consequitur melior effectus formalis eiusdem formæ, scilicet constitutio melioris compositi; & melius compositum non potest constitui nisi à meliori forma substantiali: ergo.

**RESPONDENT** id totum provenire à dispositionibus accidentalibus corporis.

**CONTRA.** Quia effectus formalis formæ per se primò commensuratur cum perfectione sub-

*R. P. Bart. de Castrovetto Phil. P. III.*

stantiali formæ, à qua per se primò procedit, & non à perfectione accidentium: substantia enim non potest per se primò commensurari accidentibus: ergo si melior est effectus formalis, melior erit causa formalis, sicque melior anima.

**491. PROBATVR** tertio: Quia secundum omnes Theologos debet recognosci in anima Christi, & Beatæ Virginis maior perfectio individualis, quod & determinatum fuit in Vniuersitate Parisiensi: ergo.

**PROBATVR** quartò à posteriori ex operationibus animæ ex S. Bonavent. *lib. 2. dist. 3. dub. 1. 3. & 4.* Intellectus naturaliter consequitur essentiam animæ, sed vnus homo meliorem habet intellectum, & operationem, quam alter: ergo & meliorem animam:

**PROBATVR** Minor: Quia ex meliori operatione colligitur melior potentia: sic etiam Seraph. Doct. *lib. 2. dist. 9. quest. 1.* colligit secundum regulas Peripateticas ex conuenientia operationum specifica vnitatem specificam in omnibus Angelis, & differentiam perfectionum individualium ex diuersitate operationum intra eandem speciem.

**RESPONDENT** provenire ex varia dispositione organorum.

**CONTRA** primò: Quia aliud est, quod defectus organorum possint impedire animam ab operationibus suis: aliud, quod possint præbere perfectionem: Tum etiam quia dantur priores, quorum sensus sunt perfectiores, ut sunt viuax complexio, memoria, & imaginatio facunda, qui tamen in speculationibus sunt ineptissimi.

**CONTRA** secundò: Quia incredibile ferè est tantam esse organorum diuersitatem, ut sufficiens causa possit

possit esse tam multiplicis ad scientias aptitudinis, ineptitudinisque ad diuersitatem artium, & scientiarum: Tum etiam quia qualitates secundæ speciei, vt ingeniositas, & tarditas, proueniunt ab intrinseco animæ, non ab extrinseco: ergo supponunt maiorem perfectionem in anima.

**PROBATVR** Consequentia: Quia ad talium qualitarum exercitium per se à natura introducuntur dispositiones proportionatæ: ergo per ordinem ad meliorem animam: Tum quia quæcunque indiuidua in natura non omnino sunt similia, & maximè homines: & quare id denegandum est soli animæ rationali?

**OBIICIENS** primò: Essentia animæ rationalis est indiuisibilis: ergo non potest vna esse substantialiter perfectior altera: & si est diuersitas; ergo erit specifica.

493. **RESPONDETVR** concedendo antecedens quoad prædicata essentialia specifica: negando quoad indiuidualia: Ratio est (ait Seraph. Doct. lib. 2. dist. 9. quæst. 1. ad 2.) quia magis, & minus secundum proprietates inseparabiles non variant speciem per se, licet variant perfectiones indiuiduales.

**OBIICIENS** secundò: Quia sequeretur vnum hominem esse magis hominem altero, & magis liberum.

**RESPONDETVR** negando sequelam: fit enim transitus à perfectione specifica ad indiuidualem: Vnde quoad dominium libertatis negat Seraph. Doct. lib. 2. dist. 3. 2. dub. 6. Consequentiam: est enim æquale in omnibus, loquendo de dominio à coactione: sed quia exercitium libertatis consequitur ad iudicium rationis, in quo datur inæqualitas: hinc etiam

maior, vel minor promptitudo in exercitio libertatis: & lib. 2. d. 3. p. 1. 1. dub. 3. concedit magis, & minus in libero arbitrio quoad exercitium, non verò in libertate à coactione.

**OBIICIENS** tertio: Si colligitur imperfectior anima ex imperfectioribus operationibus, & perfectior anima ex perfectioribus: ergo quando mutatur homo aliquando ab exercitio perfectiori ad minus perfectum, mutabitur & anima: & è contra, si processu temporis perficiuntur organa: Tum etiam quia homini amentis à natiuitate dabitur anima amens: sic arguunt Tolet. Aliique, sed malè.

**RESPONDETVR** negando sequelam: aliud enim est inferri meliorem animam ex dispositionibus per se primò inductis, & intentis à natura in materia, & de his Nos loquimur: Aliud est de dispositionibus inductis per accidens ob aliquale impedimentum: de quo fusè Seraph. Doct. & quidem acutissimè lib. 2. dist. 25. p. 1. 2. quæst. 6.

494. **QVÆRES**: an inæqualitas animarum sit in omnibus hominibus: an tantum in aliquibus? Aliqui primum asserunt: Alij oppositum sustinent.

**RESPONDETVR** igitur vtromque esse probabile, licet affirmatiua magis sit conformis doctrinæ Seraphicæ: sustinet enim omnes Angelos constituere vnā speciem athaniam, & tamen diuersificati, esseque inæquales in perfectione indiuiduali intra limites eiusdem speciei: Sic S. Bonau. lib. 2. dist. 19. q. 1. & dist. 3. p. 1. dub. 2. 3. & 4. quam doctrinam applicat etiam hominibus lib. 2. distinct. 9. quæst. 8. & 9. In hoc enim magis relineat Diuina Potentia, Sapientia, & Munificentia, & vniuersi conuenientia,



dentiam à phantasmatibus, secundum se tamen consideratum esse potentiam inorganicam:

Quoad secundum dubium Aliqui negant hanc distinctionem intellectus in agentem, & possibilem: Alij admittunt distinctionem realem: Alij formalem tantum: hanc ultimam sustinet Seraph. Doct. ut videbimus. Pro solutione

496. PRIMò Notandum, quod cum homo sit unum per se constitutum ex corpore, & anima, etiam ipsi competunt operationes, secundum quod est unum: Vnde (ut ait Seraph. Doct. lib. 2. distinct. 8. part. 1. art. 3. quest. 2. ad ult.) sentire, vivere, ratiocinari est totius coniuncti. Et hinc anima ratione huius unionis pendet à corpore, sed cum operationes dictæ sint diuersæ rationis, etiam important diuersam dependentiam, ut rectè notat, & probat Seraph. Doct. lib. 2. dist. 25. part. 2. quest. 6. in corp. & lib. 2. distinct. 8. part. 1. cit. in corp. nam quoad operationes sensitivas pendet omnimodè à corpore, cum receptio fiat in organo, & actus producantur in corpore, cum corpore, & per corpus: & quoad actus verò rationales, ut est intelligere, non dependet à corpore essentialiter, quia non producit eos per corpus, cum & receptio specierum, & productio fiat immediatè in ipsa anima: Vnde eos etiam habet separata à corpore, quæ cum sint vera, attamen anima, dum est in corpore, & corpori vnita, non omninò intelligit præter corpus, ita quod requiritur debita dispositio in corpore: Ratio est (ait Seraph. Doct.) quia licet anima secundum se non dependeat à corpore, propterea tamen est vnita corpori, dependet ex ipso corpore, ita quod amissa debita

complexione corporis definit unio, & ipsa existentia animæ in corpore, hinc & exigit debitam actualitatem in corpore, seu organo, quæ consistit in perfecta organizatione, & conseruatione nobilissimorum spirituum in cerebro, & organis: & hinc læso cerebro homo fit amens: Aduertit tamen Seraph. Doct. quod id est verum pro statu isto naturæ destituitur secundum cursum naturalem: nunc enim homo addiscit mediante via sensuum tum interni, tum externi, qui ordo congruit naturæ lapsæ, non verò statui innocentiz, & gloriæ: Sic Seraph. Doct. lib. 2. distinct. 23. art. 2. quest. 1. fund. ult. addit etiam Scotus, quod talis debet seruari ordo in his potentiis subordinatis pro statu isto: Alij alias rationes adducunt, quas relicit Seraph. Doct. de quibus etiam potest videri Meldul. dist. 6. n. 9. & seq.

497. SECUNDò Notandum ex Seraph. Doct. lib. 2. dist. 24. part. 1. art. 2. quest. 4. fund. 1. & seq. & in corp. & lib. 4. distinct. 50. part. 2. quest. 1. quod sicut se habet materia ad alias causas, cum quibus nunquam coïncidit ex hoc, quod passivitas, & actiuitas in eodem subiecto debent habere diuersa principia habentia diuersas formalitates reales, quod & docuit Arist. 2. Phys. tex. 70. & seq. sic se habet potentia intellectiua, seu anima intellectiua respectu receptionis specierum, & actuum, & actiuitatis: diuisio enim potentiz immediata est per actuum, & passiuum: & hinc idem secundum idem formaliter non potest simul esse in actu, & in potentia, & illuminatum, & illuminans: Hinc infert Seraph. Doct. debere necessariò assignari in intellectu duplex potentia, scilicet agens, & pasciens: Et ut rectè percipiatur.



498. TERTIO Norandum, quod cum ab Aristot. communiter dicatur nihil esse in intellectu, quin prius fuerit in sensu, & quod intellectus est tanquam tabula rasa, in qua nihil est scriptum: hæc sano modo sunt intelligenda (ait S. Bonavent. lib. 2. dist. 39. art. 1. quæst. 2.) vnde aduertendum, quod in anima nostra ad sunt aliqui habitus innati, & simul cum ipsa concreati, alij acquiritur mediantibus sensibus per receptionem specierum abstractarum, & sunt species, quæ abstrahuntur ab obiectis, & recipiuntur in potentiis: Primi autem innati appellantur à Seraph. Doct. nomine speciei impressæ, seu luminis innati, quo mediante percipiuntur ea, quæ non per speciem, sed per sui essentiam cognoscuntur: vt sunt prima principia, virtutes, eadem anima, Deus, & similia, ad quorum tamen completam cognitionem requiritur receptio specierum primorum terminorum, vel alicuius speciei superadditæ, & adiuvantis intellectum ad talem notitiam: His positis sit

499. PRIMA CONCLUSIO: Intellectus est potentia superaddita animæ necessaria, ad hoc vt anima possit cognoscere, eaque entitatiuè inorganica: Est communis fere omnium, & Seraph. Doct. lib. 2. dist. 25. cit. & alijs locis.

Et patet, quia anima separata à corpore intelligit, & cognoscit. Tum quia etiam in corpore est reflexiua super proprios actus: Tum quia ipsa est independens à corpore.

OBIECTES: Quia intellectus intelligit spiritus alia modo corporeo: Tum quia læso cerebro impediuntur eius operationes: Tum etiam quia posset intelligere in pede, quæ om-

nia indicant dependentiam ab organo.

RESPONDETUR ex traditis in primo fundamento animam, & intellectum esse quidem independentem ab organo, attamen ratione vnionis, cum anima non potest hos actus exercere absque corporis recta dispositione, & absque eo, quod recipiat species à sensibus organicis. Vnde organa offensa impediunt operationes intellectus; sed tamen hoc impedimentum est ab extrinseco: idque pater, quia nunquam, dum est in corpore, per quodcumque impedimentum potest tolli omnimodè aliqualis vsus ipsius, sicut euenit in potentiis organicis, quæ intrinsecè dependent ab organo in vsu, & exercitio: sic offensa pupilla non ampliùs potest videre: Et ad id, quod intelligit in pede,

RESPONDETUR, quod cum sit tota in tota, & tota in qualibet parte intellectiua, intelligit per totum, sed quia intellectio est totius coniuncti, dicitur intelligere in capite, &c. ob dependentiam allatam: Respondet etiam Guarinus dist. 12. exp. 8. non intelligere in pede, eo quod anima aliquam extensionem habet in corpore sibi peculiarem, ob quam hic speciem suscipiat.

500. SECUNDA CONCLUSIO: Intellectus pro statu isto naturaliter in primis actibus eorum, quæ intelliguntur per species abstractas, dependet ab externis, & internis sensibus, quoad alios actus sequentes dependet ab internis tantum actu operantibus: Est etiam communis cum S. Bonau.

PROBATUR: Quia nihil est in intellectu, quin prius fuerit in sensu. Tum quia species necessariè deferuntur per sensus internos, & externos

ad intellectum. Tum quia læsa Phantasia impeditur intellectio. Tum quia cum cogitamus entia spiritualia, id facimus effingendo in Phantasmate aliquid compositum: ergo intellectus dependet à sensibus.

NOTANTER autem dixi intellectum pro statu isto naturaliter dependere à sensibus, quia aliter est dicendum de modo supernaturali, ut de ecstasi, ut dicetur infra.

OBIECIES primò: Magis dependet Phantasia à sensibus externis, quam intellectus ab ipsis, & ab ipsa Phantasia: sed hæc potest operari nullo sensu operante exterius, ut patet in somno: ergo etiam intellectus: & si non potest intellectus operari absque concursu Phantasie, sequitur, quod sit materialior ipsa Phantasia.

RESPONDETUR negando Majorem: Ad sensum enim patet magis intellectum dependere à Phantasia cooperante: neque hinc inferitur maior materialitas in intellectu, cum hæc dependentia sit ab extrinseco, & ratione status, & ordinis huius vite mortalis.

OBIECIES secundò: Intellectus habet species innatas multarum veritatum spiritualium: ergo non dependet à sensibus.

RESPONDETUR, ut dictum est in ult. Notab. Intellectum quidem habere has species innatas, sed tamen non sufficere, adhuc ut actu exeat in operationem actualem, sed requiritur receptio specierum externarum, verbi gratia, in cognitione primorum principiorum receptio terminorum, in cognitione aliarum rerum spiritualium requiritur receptio specierum appropriatarum, vel sub ratione similis, vel effectus: Sic

lib. 3. dist. 23. dub. 4. & lib. 3. dist. 14. art. 2. quest. 1. ad 2.

501. QVÆRES: An in Ecstasi intellectus dependeat à Phantasia?

RESPONDETUR, quod duplex est Ecstasis, scilicet naturalis, & supernaturalis: Prima contingit in Melancholicis, & cogitabundis, ut docent Conimb. lib. 3. de art. quest. 8. artic. 3. qui afferunt plura exempla aliquorum, qui naturaliter sublati sunt ad sublimium considerationem, absque eo quod aliquid sensibus operarent: Supernaturalis verò est ex speciali gratia, & hæc est multiplex: alia imperfecta, & hæc potest stare etiam cum usu Phantasmatum: alia perfecta, quæ consistit in vnione perfecta, & intima Dei: & hæc ex speciali gratia habetur independentem à sensibus tum externis, tum internis: de qua S. Bonavent. lib. 3. dist. 24. dub. 4. & in Op. de 7. Itiner. eternit. Itiner. 4. dist. 4. artic. 4. & in Op. de 7. Grad. contemplat. & in Io. in proam. de qua in Theologia.

ADVERTUNT tamen hic Conimb. quod discrimen est inter somnium, & ecstasim: quod in somniis vires naturales intenduntur, & cognitione ligantur: è contra in ecstasi vires naturales ligantur, & intellectus eleuatur ad celsiora relinquendo potentias inferiores otiosas. Vide S. Bonavent. lib. 2. dist. 23. part. 2. quest. ult. ad 4.

502. QVÆRES iterum: An in statu innocentie adfuisset hæc dependentia?

RESPONDET S. Bonavent. ib. 2. dist. 23. cir. quod in adultis non adesset talis dependentia, sicut nec in corporibus gloriosis: benè autem in paruulis ob fluidam complexionem, &

& imperfectionem cerebri, & organorum: Vide S. Bonau. lib. 2. dist. 20. dub. 4. & dist. 23. art. 2. per totum. Et hinc inferunt plures Theologi recensiores, quod B. Virgo etiam dormiens marabatur, quia ipsius potentia intellectiua operabatur independenter à sensibus; quod elucidabitur in Theologia.

503. TERTIA CONCLUSIO: Intellectus agens, & possibilis sunt duæ potentia, seu potius vires intellectus non realiter, sed formaliter tantum distinctæ: Est Seraph. Doct. lib. 2. dist. 24. part. 1. art. 2. q. 4. & lib. 2. dist. 3. part. 2. artic. 2. quæst. 1. & lib. 2. dist. 19. part. 1. dub. 8. & lib. 2. dist. 7. part. 2. art. 1. quæst. 3. ad arg. & dist. 16. quæst. 1. ad 5. & lib. 4. dist. 50. part. 2. quæst. 1. & lib. 2. dist. 18. artic. 2. quæst. 1. in corp. & Serm. 5. Hexæm. & perlibris aliis locis contra Serbellon. dist. 3. quæst. 2. art. 1. Aliofq.

PROBATVR primò: Idem secundum idem non potest simul esse agens, & patiens, sed intellectus respectu eiusdem est simul agens, & patiens: ergo importat aliquam differentiam à parte rei: Tum quia agens est semper in actu: patiens non semper.

CONFIRMATVR: Idem formaliter non potest esse simul actiuum, & passiuum: sunt enim duæ primæ, & maximæ differentia primò diuidentes potentiam: ergo.

QVOD verd non distinguantur realiter: patet ex traditis in prima parte huius operis in tractatu de potentiis animæ in comuni: non enim sunt terminus Physicæ causalitatis, nec sunt separabiles. Addimus tamen cum Seraph. Doct. quod licet distinguantur inter se à parte rei, atamen hæc distinctio est minima,

cum duæ sunt vires eiusdem intellectus integrantes ipsum.

OBIECTES primò: In potentiis sensitiuis non assignatur sensus agens, & patiens: ergo multò minùs debet assignari in intellectu, cum sit potentia spiritalior, & magis vna, & virtuosior.

RESPONDET Seraph. Doct. negando paritatem: in sensu enim aliud est recipiens, scilicet organum, aliud est agens, scilicet potentia: at in intellectu eodem est recipiens, & agens secundum diuersas rationes, scilicet ex eo quod anima habet materiam, & formam: Sic loc. cit. lib. 2. dist. 24. & lib. 4. dist. 50.

OBIECTES secundò: Sequeretur dari compositionem duplicem in intellectu: sunt enim duæ differentia.

RESPONDETVR negando sequelam: non enim propriæ sunt differentia componentēs, &c. sed duæ realitates minimæ, quæ secundum nostrum modum concipiendi dicuntur differentia.

OBIECTES tertio: Nulla est necessitas ponendi hos duos intellectus nec ex parte obiecti, nec ratione intellectus: sic Serbellon.

PROBATVR antecedens: non ratione obiecti: quia in sensu communi est de se intelligibile: nec aliud requiritur, sed intellectus habet de se vim receptiuam eiusdem, ergo frustra ponitur intellectus agens.

RESPONDETVR negando assumptum: ad probationem respondetur negando vtramque partem: quod & in sequen. quæst. patebit.

INSTAT idem Serbellon. Si est necessarius intellectus agens, maximè vt depuret obiectum à conditionibus indiuiduantibus, sub quibus latet quidditas, sed non possunt istæ conditio

conditiones impedire vnionem immediatam obiecti cum intellectu possibili: ergo frustra ponitur agens.

RESPONDETUR concedendo Maiorem, & distinguendo Minorem. Obiectum immediatè potest vniri intellectu possibili cum conditionibus indiuiduantibus, nego præcis conditionibus ab eodem intellectu vt agente, concedo, sic negatur Consequentia.

504. QVARTA CONCLUSIO: Intellectus admittit alias diuisiones non tanquam in diuersas potentias, seu vires, sed secundum diuersos respectus, vel munera.

PROBATUR, & Explicatur Conclusio ex Seraph. Doct. lib. 2. dist. 24. part. 1. art. 2. quest. 1. & 3. & in Comp. Theolog. lib. 1. cap. 44. Si enim consideratur in ordine ad diuersum statum, seu subiectum, diuiditur in speculatiuum, & practicum: si enim sistit in se, dicitur speculatiuus, si extenditur extra se, vniturque voluntati, est practicus: si consideratur secundum aspectum, diuiditur in rationem, intellectum, & intelligentiam, ratio dicitur, prout respicit ad inferiora, intellectus ad par, & intelligentia ad superius, & prout dicit actum abstractum à creatis: Item dicitur intellectus pro ipsa potentia, intelligentia pro ipso actu, & memoria pro eodem intellectu repleto speciebus: Item dicitur pars superior, prout respicit æterna: Inferior, prout respicit inferiora.

## QVÆSTIO II.

*Explicantur munera intellectus agentis, & patientis. Vbi de speciebus intelligibilibus.*

505. ARDUA valdè est hæc Quæstio ob diuersitatem opinionum circa hæc munera intellectus agentis: cum enim communiter dicatur ipsum reddere species actu ab intellectu intelligibiles: Quæritur, an verè eas faciat, & quomodò.

PRIMA Opinio est Dur. negantis omninò hunc intellectum agentem: Alij dixerunt esse Deum assistentem intellectui, seu aliquam intelligentiam superiorem, &c. Sic Auer. Auic. Alijque Antiqui: contra quos Seraph. Doct. agit lib. 2. dist. 24. part. 1. art. 2. quest. 4. Alij dicunt dari intellectum agentem, cuius munus est producere intellectionem, eamque imprimere in possibili: Sic landun. Alij communiter dicunt intellectum agentem efficere species actu intelligibiles, easque offerre possibili: discrepant tamen in modo talis efficientiæ, de quibus variis modis potest videri Meldul. dist. 5. Ruui. quest. 2.

PRO solutione quæstionis, & intelligentia sensus Seraphici Doctoris

PRIMò Notandum, quod communiter triplex munus assignatur intellectui agentis: Primum est illustratio phantasmatum, seu specierum: Secundum efficere illam speciem, & consequenter obiectum actu intelligibile: Tertium producere, & imprimere speciem intelligibilem in intellectu

rellektu possibili. S. Bonauent. addit quartum *lib. 2. dist. 24. part. 1. art. 2. quæst. 4.* nempe concurrere simul cum specie, & intellectu possibili ad vnam perfectam intelligentiam: quæ quatuor munera ferunt secum graues, & ferè inextricabiles difficultates ob diuersitatem, & multipliciter sensuum Philosophorum: nam circa primum, quod est illustrare Phantasma, Aliqui dicunt hanc illustrationem fieri in Phantasmatum per productionem cuiusdam qualitatatis, seu luminis, quo lumine concurrente potest Phantasma immutare intellectum possibilem: Sic Toler. Picolom. & Alij plures apud Conimbric. *lib. 3. cap. 5. quæst. 1.* Alij dicunt esse illustrationem tantum materiale, seu radicalem, quatenus Phantasma ob vicinitatem, & coniunctionem cum intellectu agente potest concurrere ad intelligentiam: Seraph. Doct. *loc. cit.* docet intellectum agentem illustrare Phantasma, quatenus in ipso facit apparere naturam communem, & quidditatem obiecti: Vnde hæc illustratio est simul effectiua, & obiectiua: effectiua, quatenus reddit Phantasma actu intelligibile: obiectiua, quatenus facit in ipso apparere naturam communem denudando ipsum à conditionibus individualibus, & per id explicatur secundum munus intellectus agentis, quod & infra melius explicabitur: & id etiam ex parte docet Caiet. *part. 1. quæst. 85. artic. 1.* Circa tertium munus, quod est producere speciem intelligibilem non est minor dissensio: nam communiter asserunt ipsa de nouo produci ab ipso intellectu, & imprimi in intellectu possibili: Sic plures, qui tamen diuersificant in modo, vt aduertunt Conimbric. *cit. quæst. 5. art. 1. Sec.*

R. P. Bart. de Castrov. Phil. P. III.

raph. Doct. à cæteris discrepat, vt mox videbimus: Circa quartum munus, an intellectus agens verè intelligat, est etiam varietas opinionum apud Conimbric. *cit. quæst. 2. art. 2.* Alij negant: Alij affirmant, inter quos est S. Bonau.

506. SECVNDÒ Notandum, quod cum ex traditis in superioribus ex Seraph. Doct. in Itiner. Ment. *cap. 2.* species sit virtus obiecti, seu vicaria gerens vices obiecti, per consequens etiam multiplicem rationem representationis rationum existentium in obiecto debet includere: immò cum ex S. Bonauent. aliàs tradito quælibet res creata corporea positiua permanens habeat vim fecunditatis, qua potest producere sui similitudinem, & cum in obiecto sensibili adsint plures entitates reales, vt accidentia sensibilia propria, & communia, item & substantia compositi, ex tali obiecto emanare dicendum est aggregatum specierum, sed per modum vnius, sicut & per modum vnius, & secundum quandam vnitatem iacet ipsum obiectum, licet multiplex entitativè: Hincque ad rem nostram notauit Seraph. Doct. *lib. 2. dist. 24. part. 1. art. 1. quæst. 1. ad 8.* quod aliquando habitus existentes in anima, licet sint diuersi, dicuntur tamen vnum per quandam collectionem: sic & dicendum est de istis speciebus, quæ sæpè appellantur à Seraph. Doct. nomine habitus: hinc eadem species, vel aggregatum talium specierum diuersa habet repræsentare sub alio, & alio lumine: Ex quo sequitur, quod in sensibus tum internis, tum externis eadem species multiplicata repræsentat obiectum singulare cum conditionibus individualibus, & depurata ab intellectu agente habet repræsentare

G g g

sentare quidditatem talis obiecti, & simul cum specie substantiæ ipsam eandem substantiam: hincque inferitur veritas dicti Seraph. Doct. in lib. 2. distinct. 10. art. 3. quæst. 1. ad ult. & lib. 1. distinct. 9. dub. 7. quod species, dum protenditur ex obiecto ad potentiam hanc, & illam, licet sit eadem originaliter, idest respectu obiecti, à quo emanat, per ordinem tamen ad diuersas potentias est alia, & alia, & ratio est, quam assert Seraph. Doct. lib. 2. dist. 24. part. 1. art. 2. quæst. 4. ad 2. quia eadem species, dum peruenit ad intellectum, exit genus abstractionis, secundum quam inerat in potentiis sensitiuis. Quare in hoc fundamento duo enodantur digna cõsideratione: Primum est ab obiecto diffundi plures species per modum tamen vnius: Secundum est, quod secundum diuersitatem luminum, quibus abstrahitur, & depuratur, etiam obiectum diuersimodè repræsentat: Vtrumque elicio ex iis, quæ tradit Seraph. Doct. tum lib. 4. dist. 12. part. 1. art. 2. quæst. 3. in fund. 1. ubi dicit, quod per se inest alicui sensibili obiecto, inest & ipsi siue coniuncto materiæ; siue abstracto à sensibilibus, & in fund. 2. docet, quod forma substantialis non potest mouere sensum separatum à formis accidentalibus, idest absque speciebus sensibilibus: igitur substantia simul cum accidentibus immittit sui speciem: sed ut appareat sensus Seraph. Doct. circa primum, & secundum munus intellectus agentis circa speciem.

507. TERTIO Notandum ex S. Bonauent. lib. 2. distinct. 24. part. 1. art. 2. quæst. 4. in corp. in improbat. 3. opin. ubi dicit, quod intellectus agens differt à possibili, sicut habitus, & potentia, quatenus scilicet est habi-

tualis potentia virtutem habens reddendi ipsam speciem sensibilem, quæ in Phantasmate erat intelligibilis in potentia, actu intelligibilem ab intellectu eo ferè modo, quo lux reddit colores de potentia ad actum visibilitatis, idque fit per abstractionem ipsius à conditionibus indiuiduantibus, & sensibilibus: vt aduertit *ibid.* ad 2. & clariùs lib. 4. dist. 10. part. 2. quæst. 1. in corp. & lib. 3. dist. 14. art. 3. quæst. 2. ad 4. hincque patet veritas suprà posita, quod hæc illuminatio est simul effectiua, & obiectiua, sed magis obiectiua, non propriè effectiua, vt volunt Conimbric. Alique: non enim est verum, quod intellectus agens efficiat species: Et licet communiter id asseratur, vt videre est apud Conimbric. cit. quæst. 5. art. 1. qui oppositam sententiam appellant errorem in Philosophia, sed nimis audacter, cum probabilior, & rationabilior sit assertio Seraphica, eo quia species est virtus obiecti repræsentatiua: ergo tantum à suo principio originali potest produci: Quæ opinio fuit Stoicorum, & à D. Boetio apud cit. Conimbric. asserta: quod & suprà, cum egimus de speciebus sensibilibus, probatum est à nobis ex Seraph. Doct. in Serm. 11. Hexacem. in Itiner. Ment. cap. 2. & lib. 2. dist. 17. art. 1. quæst. 2. ad 4. quia enim diffunditur per medium tanquam per deferens modo diffusiuo, & generatio simul cum virtute exeunte ab obiecto: hinc & ad potentias sensitiuas peruenit, & cum tali virtute multiplicatiua diffunditur ad interiores, & ad intellectum, fatemur quidem ad talem diffusionem de vna in aliam potentiam concurrere etiam ipsas potentias tum mediante specie in ipsis impressa, tum mediante expressa, qua repræ-

sentant

sentant suo modo ipsum obiectum : Vnde Phantasia non solum offert suam speciem , sed & coadiuuat per expressam intellectum agentem , vt infra dicitur : Sed ne fiat aliqua æquiuocatio circa dicta varia Seraph. Doct.

508. QUARTO Notandum, quod ad aures Seraph. Doct. triplex species in vniuersum datur : Alia , quæ dicitur abstracta ( & est, de qua hic est sermo , & quæ ab obiecto immittitur ad potentias ) Alia dicitur infusa, suntque species, quas indidit Deus in intellectu Angelorum, Adæ, Salomonis, Christi, & Beatæ Virginis, per quas poterant omnia cognoscere : Alia dicitur innata , & vt plurimum à S. Doctore appellatur species impressa , de primis loquitur *in loc. hucusque cit.* De secundis loquitur *lib. 2. distinct. 3. part. 2. art. 2. quæst. 1. & distinct. 7. part. 2. art. 1. quæst. 2. in arg. & lib. 2. dist. 1. part. 2. art. 3. quæst. 2. in corp. & lib. 3. distinct. 14. art. 3. per totum* : De vltimis, scilicet de impressis, seu innatis, sicut & de abstractis agit *lib. 1. dist. 3. part. 1. art. 1. quæst. 1. ad vlt. & distinct. 8. art. 2. quæst. 2. fund. 2. & lib. 1. distinct. 17. part. 1. art. 1. quæst. 4. in corp.* Vbi etiam appellat speciem abstractam innatam, sed cum hoc discrimine ( ait Seraph. Doct. ) quod species innata abstracta est similitudo tantum , species verò innata impressa in anima à sui prima conditione est similitudo , & simul etiam veritas , de qua dicitur *Pf. 4. figuratum est super nos lumen vultus Dei* : naturaliter enim anima habet inditam aliquam cognitionem, licet imperfectam de Deo , aliarumque veritatum spiritualium , & *lib. 2. dist. 39. art. 1. q. 2. in corp.* appellat eandem lumen, seu lumen iudicatorium, & *lib. 3.*

*dist. 23. dub. 4. & lib. 2. dist. 18. art. 2. quæst. 1. in corp.* vbi dicit , quod aliqua videntur per sui essentiam, idest per talem speciem innatam ; & *ibid.* distinguit de specie abstracta : vel enim est concreta materiæ, idest sensibilibus conditionibus præsentem materiæ, vt se explicat *lib. 4. dist. 50. part. 2. quæst. 1. & dist. 12. part. 1. art. 2. quæst. 3. in fund. 3. §. Contra , &c.* vel est partim concreta materiæ , & partim abstracta, scilicet cum conditionibus sensibilibus absente materiæ : prima spectat ad sensus externos : secunda ad internos, vel est omnino abstracta à conditionibus materialibus, & hæc est propria intellectus : Addimus, sed quia etiam intellectus habet suam secunditatem , hinc etiam ei non est deneganda productiua virtus specierum , & istæ sunt species expressæ, de quibus infra.

509. QUINTO Notandum, quod circa quartum munus intellectus agentis est quæstio inter Philosophos , an verè intellectus agens intelligat : an verò tantum abstrahat speciem , & offerat ipsam intellectui possibili , & postea verè intelligat : Henricus Gandau. D. Thom. Conimbric. *loc. cit. quæst. 2. artic. 2.* negant : Seraph. Doct. *lib. 2. dist. 24. cit.* affirmat : & Albert. Magn. Scotus, Caiet. Alijque apud cit. Conimbr. Et vt id pateat, aduertit Seraph. Doct. *lib. 3. dist. 14. art. 3. quæst. 2. ad 4.* quod duplex abstractio potest fieri ab intellectu agente : alia ad generandum habitum ; alia ad exercitium talis dispositionis , & habitus facti : prima fit per depurationem speciei à conditionibus indiuiduantibus, & impressionem eiusdem in intellectu possibili, per quam ponitur in actu primo : secunda est per exercitium , & actum

secundum, & licet hoc munus spectet principaliter ad possibilem, tamen ad id etiam concutitur intellectus agens, qui non solum reddit obiectum actu intelligibile, sed etiam intellectum, & cognitum: Sic Seraph. Doct. lib. 2. dist. 24. cit. in corp. in improbat. 2. opin. ubi dicit, quod possibilis non intelligit sine agente, nec agens sine possibili. Er hinc patent munera utriusque intellectus: Intellectus agens habet duas actiones: alteram, qua abstrahit: alteram, qua cognoscit: Possibilis vero duas passiones, & unam actionem: Passiones sunt receptio speciei impressæ, & expressæ: actio vero est productio intellectiois, seu speciei expressæ: His positis

§ 10. PRIMA CONCLUSIO: Datur intellectus agens verè illustrans modo supra dicto Phantasma tum obiectiue, tum effectiue: Est Seraph. Doct. supra cit.

PROBATVR: Quia ex Arist. 3. de an. r. 18. Intellectus agens se habet ad Phantasma, sicut lumen ad colores, sed lumen reddit effectiue colores actu visibiles, obidque & effectiue operando in colores reddendo eos visibiles, & coadiuvando ad immersionem speciei, & obiectiue ipsos extrinsecè illuminando: ergo & intellectus agens ad Phantasmata illustranda concutitur.

PROBATVR secundò: Quia species in Phantasia non est apta, nec proportionata ad intellectum informandum, cum sit sensibilis, & materialis, & cum conditionibus singularibus: ergo ut informet intellectum, debet obiectiue, & effectiue reddi apta, scilicet per depurationem à singularitate, & materialitate: sed id est munus intellectus agentis: ergo

intellectus agens transfert & effectiue, & obiectiue species de ordine sensibilium ad ordinem intelligibilium, & spiritualium.

§ 11. OBJECIES cum Fortunio Liceto lib. 3. de intell. ag. cap. 42. Hæc translatio specierum de vno ordine ad alium vel fit per transmigrationem eiusdem speciei de vna potentia ad aliam, vel per transmutationem entitativam de vno genere speciei in aliud genus: sed neutrum potest dici: non quidem primum, cum accedens non possit migrare de subiecto in subiectum: nec secundum, quia remanent in Phantasia phantasmata immutata: ergo.

CONFIRMATVR: quia species sensibiles sunt de se etiam intelligibiles, & in eas potest intellectus, cum sit potentia illimitata potens in quodcunque obiectum intelligibile: ergo.

RESPONDETVR ex principiis Seraphicis nullo ex his modis allari fieri talem illustrationem, sed cum species per sui multiplicationem modo diffusiuo defetatur de vna in aliam potentiam, sic potest remanere immutata in Phantasia species sensibilis, & eadem multiplicata, sed depurata ab intellectu agente deferri in possibilem, sicque in rigore non est eadem, nisi per respectum ad suam originem, sed est alia generata: Alij alias responsiones adferunt, ut videre est apud Meldul. disputat. 6. num. 132. sed hæc est aptior, quæ elicitur ex doctrina Seraph. Doct. aliàs sæpe tradita de modo generandi species.

AD aliud Responderet: quod species sensibilis, seu obiectum sensibile est quidem intelligibile ab intellectu, sed modo intellectiue: de quo



quo infra dicitur , nempe vt docet S. Bonauent. *lib. 4. dist. 50. part. 2. quæst. 1. ad ult.* prius abstrahendo , & depurando , postea descendendo ad particularia.

§ 12. SECUNDA CONCLUSIO: Intellectus agens simul cum possibili verè intelligit. Est S. Bonauent. *lib. 2. dist. 24. part. 1. art. 2. quæst. 4.* Thomist. Iandun. Fabri *Theor. cap. 2.* Plurimumque Aliorum.

PROBATVR : Tum quia intellectus agens verè abstrahit : ergo intelligit : abstrahit enim non potest fieri absque cognitione , quia sit cognitio modo assumens vnum , & aliud relinquens : Tum quia intellectus est vna potentia integrata ex duabus realitatibus , seu facultatibus.

OBIECTES primò ex Toletò *lib. 3. quæst. 13.* Illius potentia est intelligere , cuius est recipere species , quibus determinatur ad operandum , & ad actus immanentes : sed id spectat ad intellectum possibilem : vel ergo intellectus agens non intelligit , vel est vnum , & idem formaliter cum possibili.

RESPONDET S. Bonau. *lib. 2. dist. 24. part. 1. art. 2. quæst. 4. ad ult.* quod intellectus possibilis non est ita passiuus , quod etiam non sit simul actiuus , non tamen vt est agens , cum non possit speciem abstrahere , nec de specie iudicare nisi adiutorio agentis : similiter nec ipse intellectus agens operationem intelligendi potest perficere , nisi formetur acies intellectus possibilis ab ipso intelligibili , id est nisi recipiatur in ipso species intelligibilis , & ponatur in actu primò : Vnde cum cogitamus de vtroque , non debemus cogitare vt de duabus substantiis , vel de duabus po-

tentiis realiter distinctis , sed de vnâ integrata per duas realitates , & vire concurrentes ad vnâ perfectam intellectionem : vnde intellectus agens habet abstrahere speciem , & de ipsa iudicare : patiens ipsam recipere , & mediante agente producere intellectionem , & ipsam in se recipere.

OBIECTES secundò : intelligere est vnus actus simplex : ergo est à potentia vna simplici : ergo vel non concurrent ambæ potentia , vel sunt vnum , & idem formaliter.

CONFIRMATVR : Quia idem organum , seu potentia simul cum organo habet vim receptiuam , simul & actiuam , vt patet in oculo fellis , qui potest speciem suscipere , & speciem à se de nouo facere : Item eadem potentia imaginatiua recipit , & operatur : ergo multò magis id potest facere intellectus possibilis absque alia potentia agente , cum sit spiritalior , & virtuosior.

§ 13. RESPONDETVR ex Seraph. Doct. *in quæst. cit. lib. 2. dist. 24.* quod licet nostrum intelligere sit vnus actus simplex : ad ipsum tamen possunt concurrere plures causæ subordinatæ , vt sunt , verbi gratiâ , Pater , & Mater ad productionem proles , quæ causæ exercent diuersas causalitates , nempe intellectus agens abstrahendo , & reddendo obiectum , quod erat potentia intelligibile , ipsum actu facit & intelligibile , & intellectum , & intellectus possibilis recipiendo , & complendo ipsam intellectionem.

AD Confirmat. Respondetur negando paritatem de potentia organica , in qua aliud est formaliter recipiens , aliud est agens , scilicet virtus animæ . Et ad id de oculo fellis

RESPONDETVR id nostrum proba-

Ggg 3 re

re intentum : nam alia dispositione recipit speciem, & alia, qua facit speciem, vel abstrahit luminositatem, sic & in intellectu agente, & possibili: dicunt enim diuersas formalitates: Aliam responſionem etiam aſſert Seraph. Doct. negando paritatem de organo: nam cùm species deſertur à ſenſu ad imaginationem, non exit genus abſtractionis, ſcilicet à ſenſibilitate: Vnde in eodem organo poteſt eſſe ratio receptiua, & actiua abſque abſtractione; At cùm species peruenit ad intellectum, exit nouum genus abſtractionis, & ideò requiritur potentia abſtrahens, eſtque intellectus agens, & alia receptiua.

**I**NSTAS: Intellectus agens ſe habet vt lumen ad colorem, ſed lumen terminat ſuam actionem ad colorem viſibilem, non verò ad viſum, qui producitur à potentia: ergo intellectus agens poſt illuſtrationem nihil agit.

**R**ESPONDETUR ſimilitudinem non currere, vt dicitur, quatuor pedibus, ſed tantum valere in hoc, quod ſicut lux reddit colorem actu viſibilem, intellectus verò reddit obiectum actu intelligibile, ſed vltra hoc etiam habet actu intelligere, ſeu cognoscere.

**S**14. **TERTIA CONCLUSIO:** Intellectus pro ſtatu iſto propriè non poteſt producere ſpecies obiectorum, ſed ſolum Phantaſmata depurare, & modificare reddendo ea actu intelligibilia, ipſaque ſeparare, vel iungere cum aliis, & ipſis prohibito vti: Eſt Seraph. Doct. *locis cit. in 1. & 3. No. tab.* & ſuprà in quaſt. de cauſis productiuis ſpecierum, eſt & Guarin. *diſp. 12. de an. exp. 10.* qui citat Durand, Baconum, Arefium, Themifium Aucempace contra Commu-

nem, quam tenent, & aſſerunt Conimb. *cap. 5. quaſt. 5. art. 1.* qui & citant S. Bonauen. *ex lib. 2. diſtinct. 3. art. 2. quaſt. 1. part. 2.* qui nihil tamen ad rem pro ipſis dicit, ſed bene opoſitum, vt eſt videte in reſponſione *ad 1. & in corp. in Improb. opin. 1. & lib. 2. diſt. 7. part. 2. art. 1. quaſt. 3. ad 4. & 5.* Citant etiam Richard. *ibid. art. 6. quaſt. 2.* Alenſem, Alioſque, ſed malè: nam Alenſis idem dicit ac Seraph. Doct. Richardus autem videtur fauere oppoſitæ ſententiæ, dum in reſponſione *ad 1.* notat, quod intellectus agens Angelorum per ſimilitudinem iſtorum inferiorum inſtrumentaliter educit de potentia ſui poſſibilis ſpeciem intelligibilem, per quam de nouo habet de ſe inferiori aliquam cognitionem, ſed ſenſus huius Doctòris eſt ex iis, quæ ipſe tradit, quod intellectus Angelicus poſſet de nouo recipere ſpecies horum inferiorum, ipſaque reddere intelligibiles per depurationem eo modo, quo ſuprà dictum eſt.

**P**ROBATUR igitur primò: Quia ſi intellectus poſſet pro libito proprias ſpecies producere, eas etiam poſſideret independenter à Phantaſmate, ſicque in amentia iis poſſet vti, & per conſequens nullus daretur amens: ratio enim eſt independens ab organo, & corrigit ſepè fallacias ſenſus communis, & Phantaſiæ, conſequens eſt falſum, vt de ſe patet: ergo & antecedens. Tum quia ſatis obiectum ſit præſens intellectui per Phantaſma oblatum intellectui: ad id enim ponuntur ſpecies: ergo aliæ ſuperfluæ ſunt. Tum quia ſi ſenſibiles non ſufficiunt, maximè ob materialitatem, ſed hæc non impedit, cùm & ipſæ ſint ſpirituales, & abſtractæ, & poſſint magis depurari, & ſpirituali-

zari.

zari. Tum quia species est semen, & virtus obiecti concurrens ad intellectiōem: sed sic esset semen, & virtus intellectus, nec exprimeret obiectum, effectus enim exprimit id, à quo producitur.

**515. OBIICIENS** primò: Phantasma est quid corporeum, & materiale: ergo non potest fieri spirituale, & transmutari ab intellectu agēte.

**RESPONDETUR** negando antecedens, sed dicitur corporeum, quia repræsentat rem corpoream, dicitur materiale, quia repræsentat sensibilia: sed de se est quid abstractum, & spirituale.

**INSTAS:** Phantasma secundum suum esse materiale mouet immediate intellectum agentem, ergo potest immediate mouere possibilem: ergo frustratoria est illa depuratio.

**RESPONDETUR** mouere intellectum agentem secundum id, quod ei proportionatur: cum enim sit virtus obiecti, obid in eo relueant plures rationes obiecti, quarum aliquæ sunt proportionatæ solùm sensibus, aliæ intellectui, vt sunt quidditates, &c. & dum mouet intellectum agentem, non per hoc mutatur Phantasma ex suo esse, sed ipsum concurrente etiam Phantasia, & simul intellectu multiplicatur, & ex ipso Phantasmate multiplicato per diffusionem modo aliàs dicto, alia species gignitur proportionata, & abstracta, quæ doctrina magis elueidabitur in sequentibus quæstionibus.

**516. QVÆRES:** an concurrat Phantasma sensus interni ad operationes intellectus?

**RESPONDETUR**, vt dictum est, concurrere speciem, quæ est in Phantasia, quatenus se multiplicando, prout est virtus obiecti, protenditur

ad intellectum agentem modo supra allato: Concurrit & species expressa eiusdem Phantasie, quatenus subordinata est intellectui, & ipsam offert eidem intellectui, in quo eadem species abstracta se habet veluti quid materiale ad actiones intellectus: licet enim Phantasma non sit subiectum, in quo species intelligibilis recipiatur, est tamen subiectum, ex quo eruitur, & circa quod intellectus agens operatur, quicquid dicat Melch. *disp. 6. num. 98.* idque sequitur euidenter ex traditis principiis Seraph. Doct. de diffusionem specierum ex obiecto, & ex alia parte species expressa, seu sensatio se habet vt concausa cum intellectu ad productionem speciei intelligibilis, licet minus principaliter: quod verò in intellectu sit necessaria conuersio ipsius intellectus ad phantasmata, patet ex traditis in præcedenti quæst. idque de lege ordinaria, & pro statu isto: nam in statu glorioso, & innocentie, & in B. Virgine aliter est dicendum: Et hinc etiam oritur obliuio, nempe ex hac dependentia: cum enim species debilibiter insint in Phantasia, indebilibiter in intellectu: hinc sequitur obliuionem oriri ex hac necessaria conuersione ad ipsas species sensitiuas.

### QVÆSTIO III.

*De Obiecto Intellectus quodnam sit.*

**517. OBIECTVM** alicuius potentie aliud est secundum naturalem inclinationem: aliud secundum naturalem attingentiam: primum est, quod etiam non possit viribus

viribus naturalibus attingi, tamen ad ipsum inclinet potentia, ut est beatitudo: secundum est, quod propriis viribus potest attingi: & hoc aliud est motuum, aliud terminatum: primum est, quod mouet potentiam per immersionem propriæ speciei ad ipsam potentiam, cum qua etiam concutit ad actum vitalem: secundum est terminatum tantum, non verò mouens, qualis est visio Dei: Quæstio hæc procedit de obiecto motui intellectus, quod sit.

SED hæc vltterius est supponendum, quod de intellectu dupliciter est loquendum, primò pro statu isto mortali, in quo dependet à sensibus: secundò secundum naturam eiusdem intellectus in quocunque statu: Hinc

PRIMA Opinio est D. Thom. *part. 1. quæst. 12. art. 4. & quæst. 84. art. 7. & quæst. 87. art. 3.* statuentis pro obiecto ens materiale, idest quidditatem rei materialis: quod Aliqui eius Interpretes intelligunt generaliter ex natura potentie. Alij verò communiter intelligi debere dicunt de intellectu pro statu isto: sic etiam Scotus *lib. 1. dist. 3. quæst. 3. & quodlib. 14. artic. 2.* Faber. *Theor. 85.* Aliique cum Meldul. *dist. 6. n. 137. & seq.* Pro obiecto postea adæquato secundum naturalem inclinationem intellectus sumpti secundum naturam suam statuunt ens teale in tota sua latitudine: non verò ens teale vt verum: secundum naturalem verò attingentiam statuunt ens limitatum, & finitum.

SECUNDA Opinio est Seraph. Doct. statuentis pro obiecto adæquato intellectus sumpti quocunque modo ens teale sub ratione veri: Idem asserit Egidius *quodlib. 4. quæst. 10.* cum Alijs. Pro solutione quæstionis,

518. PRIMò Notandum, quod veritas ex Seraph. Doct. *lib. 1. dist. 8. part. 1. quæst. 1. & lib. 4. dist. 12. art. 2. quæst. 1. in corp.* potest considerari secundum se, & absolute in ente, secundò cum relatione ad aliud: primo modo dicitur indiuisio entis ab esse, siue ab actu absoluto existentiali, siue principiorum primorum intrinsecorum ipsius entis, quibus est verè in se absolute: & in hoc sensu dixit D. August. *lib. 2. sol. cap. 5.* verum est id, quod est, non autem id, quod videtur: Vnde ralis veritas est quid absolute in se: secundo modo respectu, scilicet per ordinem ad id, à quo, & ad id ad quem: primò à quo scilicet ad Ideas Diuinas: intantum enim est veritas aliqua, inquantum est exemplata ad regulam primæ, & summx veritatis: secundò ad quem, idest per ordinem ad intellectum, quem habet mouere, idest in quo est nata imprimi, exptimi, & conformari, in quo sensu dixit cit. S. August. verum est id, quod ita se habet, vt videtur cognitori: & hinc resultat veritas in intellectu, quæ est conformitas intellectus cum obiecto secundum se, seu prout habet veritatem in se: idque habet qualibet res ex sui natura propria, cum ex sui natura sit generatiua suæ propriæ similitudinis, obidque intelligibilis, prout est vera in se: nam vt notat in *collat. 72. in Jo.* veritas est id, quo res est, & ostendit id, quod est: ex qua doctrina sequitur, quod cum intellectus specificetur ab obiecto, vel ab ente, quatenus est ab ipso intelligibile, & attingibile, & cum sit attingibile, prout est in se, idest, prout habet veritatem in se, ordinabilem tamen ad intellectum, & ad ipsum conformabilem, sequitur, inquam, obiectum

obiectum esse motium intellectus, quatenus est verum, quod etiam aduertit Seraph. Doct. lib. 4. dist. 14. p. 2. art. 1. quæst. 1. in corp. nec hinc sequitur circulus inter obiectum, & potentiam, scilicet dicendo obiectum esse verum, quatenus est conformabile intellectui, & intellectus est verus, quatenus est conformabilis cum obiecto : nam diuersimodè sumitur veritas in obiecto, & in intellectu : in obiecto quidem absolutè, in intellectu respectiue, & per participationem : & hac distinctione conciliantur multa dicta Seraph. Doct. quæ videntur inter se parum constantia, in quibus modò loquitur de veritate secundum se, modò in ordine ad primam, & summam veritatem, modò in ordine ad intellectum, vt videre est lib. 1. dist. 8. cir. & dist. 35. quæst. 1. & seq. & dist. 3. part. 1. dub. 7. & distinct. 38. art. 1. quæst. 1. ad 4. & dist. 41. art. 2. q. 1. & pluribus aliis locis, vt dicemus in Metaphysica, sed videatur præcipuè in Serm. 3. Hexaem. 6. vidisti, quomodò ab vno, &c. vbi altissimè explicat hos tres dictos respectus, item & Serm. 4. & 5. His positis.

519. PRIMA CONCLUSIO : Ens sub ratione veri est obiectum adæquatum formale intellectus in quocunque statu : Est S. Bonau. lib. 2. dist. 39. dub. 1. & lib. 1. dist. 45. art. 1. quæst. 2. ad 2. & lib. 2. dist. 34. part. 1. art. 2. quæst. 1. arg. 3. ad oppos. & in resp. ad idem, est & plurium Thomistarum.

PROBATVR primò ex Seraph. Doct. lib. 2. dist. 24. cit. Potentiæ distinguuntur per actus, & obiecta, sed intellectus, & voluntas sunt duæ potentiæ distinctæ : ergo & ipsorum obiecta, sed voluntas, & intellectus

tendunt in ens : ergo aliquid distinctiui formale debet superaddi, sed aliud non potest assignari, nisi bonum, & verum : ens enim est quid commune non distinctiui.

RESPONDET Scotus lib. 1. dist. 3. quæst. 3. §. his visis, & quæst. 20. de an. concedendo Maiorem de potentiis non subordinatis, sed voluntas, & intellectus sunt subordinatæ, sicque possunt habere idem obiectum formale, nempe ens sub ratione entis.

CONTRA ex Seraph. Doct. ibid. Potentiæ distinguuntur per actus, & inde per obiecta saltem manifestatiue, sed sunt duæ potentiæ distinctæ formaliter secundum se, & entitatiue, & sunt quid absolutum : ergo non sunt subordinatæ quoad suam entitatem, ergo & debent habere distincta obiecta. Tum quia, antequam dicant subordinationem quoad exercitium suorum actuum, sunt in se quid absolutum, & absolute distinctæ : ergo & ipsarum obiecta.

PROBATVR secundò. Ens eo modo, quo est motium intellectus, est obiectum ipsius, sed vt intelligibile est motium, & ratio intelligibilitatis est veritas ipsius, id est ratio manifestatiua : ergo tantum ens est obiectum vt verum : Tum quia illa subordinatio est in ordine ad diuersas formalitates : ergo.

RESPONDET Scotistæ negando Minorem : non enim visibile in colore est ratio motiui visus, nec audibile auditus, sed est aliquid absolutum, sic nec intelligibilitas, sed est aliquid absolutum antecedens ipsi.

CONTRA : Quia color intantum dicitur visibilis, inquantum est color, obidque visibile radicaliter est

H h h idem

idem, ac color, sed obiectum intantum dicitur intelligibile, inquantum supponitur in ipso. veritas absoluta: ergo ens in ratione veri est radicaliter intelligibile, & obid etiam obiectum ipsius intellectus.

**PROBATVR** Minor: Obiectum ided dicitur intelligibile, inquantum potest manifestari à potentia: sed veritas est radix talis manifestabilitatis: ergo: & hinc sumitur intelligibilitas radicaliter, non formaliter, nam formaliter includit ipsam intellectiois formam denominantem, sicque intellectus terminat ad verum intelligibile radicaliter: Addo, & quia intellectus est super se reflexius, & super actus suos, ided etiam potest terminare ad obiectum formaliter intelligibile, & verum formaliter: non sic visus ad visibile formaliter, sed tantum radicaliter, quia non est sic reflexius: Sic & Ariaga *d. 8. sect. 1. v. 3.*

**CONFIRMATVR** per suprâ tradita: quia in specificatione potentia debet principaliter attendi ratio tendentia in obiectum formale: sed intellectus tendit in ens, vt eius naturam sciatur, & intelligatur, non vt nesciat, sed sciat ipsum, quatenus cognoscit, sicuti est: ergo vt verum.

**OBIICTES** primò: Ens præintelligitur ad veritatem, sed in illo priori est cognoscibile: ergo non est obiectum intellectus vt verum.

**PROBATVR** Maior: Quia veritas est proprietas entis, ergo est quid posterius.

**§ 20. RESPONDETVR** distinguendo Maiorem: Ens præintelligitur ad veritatem radicalem, nego, ad formalem, transcat, scilicet provt dicit ordinem ad intellectum: præterea præintelligitur vt quid materiale, concedo, vt formale obiectum,

negò: & negatur in illo priori esse intelligibile formaliter, sed tantum radicaliter modo super allato: Nec enim sumitur hic ens vt verum, provt importat proprietatem consequentem, & formalem distinctam, sed provt dicit expressibilitatem, quæ oritur ex indiuisione principiorum entis, & conuenit ipsi enti vt sic.

**OBIICTES** secundò: Intellectus apprehendit aliquando falsum: ergo falsa Conclusio.

**RESPONDETVR** ex Seraph. Doctor, *lib. 1. dist. 45. art. 1. quest. 2. ad 2. & dist. 46. art. 1. quest. 4. ad 3.* quod cum falsum scire non sit scire, sed tantum verum scire: vnde veritas circumplectitur totam potentiam intellectiuam: hinc si cognoscit aliquid, necessariò id cognoscit sub ratione veri: alioquin intellectus necessariò dissentiret, vnde etiam falsitas fundatur super ens verum: sic negatur Consequentia.

**OBIICTES** tertio: Intellectus aliquando format ad libitum propositionem falsam, & ipsam cognoscit, ergo falsa responsio: Sic dicendo, Homo est asinus.

**HVC** obiectioni ex doctrina desumpta ex Seraph. Doct. *lib. 1. dist. 8. cit. quest. 2. & lib. 2. dist. 37. quest. ult.* satisficit primò cogitando hominem esse asinum sub ratione falsi, & sic cogito verum: verum enim est hominem non esse asinum, & talis propositio habet veritatem essentialem signi: talis enim propositio formatur ad significandum falsum, licet careat veritate accidentali, idest, rei in se, & hæc vocatur simplex apprehensio, vt notat *lib. 1. dist. 8. cit. q. 2.* per quam intelligitur, quid est, quod per nomen dicitur: Sic apprehendendo contradictoria de eodem, sed absque

absque iudicio, & assensu: id enim est impossibile. Et hac doctrina satisfi consimilibus obiectionibus desumptis ex falsitate entis rationis, entis negatiui, & similium, in quibus intellectus vel decipitur in cognitione veri apparentis sub ratione veri: vel pro libito efformat propositiones falsas modo supra allato, quæ in intellectu habent suam veritatem essentialem, licet careant accidentalibus: Vide, quæ à nobis ex S. Doct. tradita fuere in Physic. de priuatione lib. 1. ad num. 159. Et in Logica à num. 589.

521. SECUNDA CONCLUSIO: Licet omne ens reale sub ratione veri sit obiectum adæquatum intellectus, datur tamen aliquod ens contentum sub hoc obiecto, quod non est attingibile ab eodem; licet ad ipsum habeat naturalem inclinationem: Est S. Bonauent. lib. 1. dist. 3. quæst. 1. & lib. 1. dist. 19. part. 1. dub. 8. Vbi probat, quod anima est quodammodo omnia, quia nata est cognoscere omnia, etiam Deum: sed tamen finito modo, non verò comprehensiuo: ad primam enim cognitionem sufficit proportio conuenientie, quæ etiam magis completur per lumen gloriæ: ad secundam requiritur proportio æqualitatis, & æquiparantie, quæ non potest esse in finito respectu infiniti obiecti, licet ad ipsum habeat inclinationem, ex hoc quod est expressa similitudo Dei, ut ait lib. 1. dist. 2. art. 3. quæst. 1. ad 1. Et hinc lib. 2. dist. 16. art. 1. quæst. 1. ad 5. infert, quod quia intellectus est capax, ut in eo scitabantur, pingantur, & imprimantur similitudines omnium rerum huius mundi, idèd vniuersum representat Deum in quadam vniuersitate, & totalitate sensibili: creatu-

ra verò rationalis in quadam totalitate spiritali, & in imagine rationali, & aliæ creaturæ irracionales in parte tantum, scilicet vel in vmbra, vel in vestigio: de quibus lib. 1. dist. 1. art. 1. quæst. 2. & alibi dicitur.

522. OBIECIES primò: Quia Deus est perfectionis infinitæ: ergo non potest à potentia finita percipi. Tum quia à Deo non potest abstrahi species: ergo nec potest cognosci, cum tantum per species possit cognoscere.

RESPONDETUR, ut dictum est, Deum cognosci finito modo: Et ad id de specie, Respondet S. Bonauent. lib. 1. dist. 3. quæst. 1. ad ult. quod cognoscitur mediante specie, vel lumine innato, obidque per sui essentialitatem, ut supra in præced. quæstione.

OBIECIES secundò: Intellectus non potest cognoscere contingentia futura, nec substantias spirituales, nec priuationes, & negationes, licet sint entia realia, & vera: ergo falsa Concl.

PROBATUR antecedens; non potest cognoscere futura contingentia, quia solus Deus ea cognoscit, nec potest cognoscere substantias spirituales, quia non habent species ipsas representantes: nec mutationes, nec priuationes, quia non immittunt speciem sui.

RESPONDET S. Bonau. lib. 1. dist. 19. part. 1. dub. 8. quod intellectus ratione possibilitatis est omnia fieri, habetque capacitatem recipiendi, quicquid est intelligibile proportionato modo ipsius entitati: sed quia habet intellectum agentem limitatum, à quo possibilis dependet: idèd quia non habet lumen, quod possit

H h h 2 super

super omnia , vt sunt futura : idèd hæc non potest actu viribus naturalibus percipere : ratio est , quam assignat *lib. 2. dist. 7. part. 2. art. 1. quest. 3. in corp.* quia cognitio pendet à re : ergo si res est incerta & in se, & in sua causa , idèd non potest super hæc contingentia : non sic Deus , cuius cognitio non pendet à re , potest tamen ea percipere Deo reuelante : Ad aliud de Angelis , & de priuatione , &c.

RESPONDET S. Bonauen. *lib. 3. dist. 23. dub. 4.* quod omne , quod cognoscitur , vel cognoscitur per sui essentiam , vt Deus , vel per sui speciem , vt res materiales , vel per rem aliam ab ipso simpliciter differentem , & hoc ultimo modo cognoscuntur Angeli , priuationes , entia rationis , &c. Et hinc sequitur veram esse nostram Conclusionem , nempe intellectum posse cognoscere omnia entia , & si ea aliquando non attingit , id euenit ob aliquod impedimentum , non quia potentia non sit capax : Modum autem huius cognitionis tradit Seraph. Doct. in *Serm. 5. Hexaem. (§. quarta ergo consideratio)* sic dicens , Anima primò se confert ad cognitionem rerum materialium per sensus , hinc ad res abstractas per intellectum , deinde ad sui cognitionem , deinde intelligentiarum separatarum , & tandem Dei per triplex medium , scilicet per rationationem , per cognitionem experimentalem , ultimo per intellectualem , & hoc per species proprias , vel per essentiam rei , vel per species alienas conferendo , componendo , distinguendo , &c. quod & infra in questione septima magis clarescunt , vbi expendimus etiam opin. Thomist. circa ens materiale.

## QVÆSTIO IV.

*Quomodo cognoscat Intellectus singularia.*

§ 23. QVÆSTIO potest proponi de cognitione intuitiua , & de abstractiua : & quoad intuitiuam.

PRIMA Opinio sustinet non posse percipi intuitiue ab illo intellectu creato siue coniuncto , siue separato : Sic Vulpes cum Aliquibus.

SECUNDA Opinio est Scotist. asserentium posse attingi à quocunque intellectu siue coniuncto , siue separato.

TERTIA Opinio est S. Bonauen. asserentis posse cognosci intuitiue ab intellectu separato tantum : Circa cognitionem abstractiuam.

PRIMA Opinio est Scotist. apud Meldal. *dis. 6. num. 190.* posse cognosci singulare cognitione primaria , & directa , quam sequuntur plures Alij , vt Nomin. Suarez *de an. lib. 4. cap. 3.* Tolet. *lib. 3. quest. 13.* Ruu. *tract. de intellectu possibili quest. 3.* vbi moridicus eam sustinet.

SECUNDA Opinio est communis Thomist. cognosci tantum vniuersale directè , singulare verò indirectè , & reflexè , & hæc est opinio Seraph. Doct. Pro solutione

PRIMò Notandum , quod in singulari materiali duo possunt considerari : alterum est ratio materialitatis , seu sensibilitatis : Alterum est singularitas ipsa : primum prouenit ab esse hinc , & nunc , & subiectum quantitati , & qualitatibus sensibilibus , vt docet *lib. 4. dist. 12. part. 1. art. 2. quest. 3.*



quæst. 3. in arg. & Serm. 5. Hexæm. 6. quarta ergo consideratio: secundum est singularitas, quæ importat indiuidualitatem, seu differentiam indiuidualem.

524. CUM autem, ut aliàs dictum est, apprehendatur singulare, non apprehenditur sub ratione singularitatis, sed naturæ communis, ut Petrus qua homo: Hinc duplex cognitio potest fieri de singulari: alia distincta ipsius cum omnibus conditionibus indiuiduantibus, & materialibus: Alia confusa, estque ipsius singularis sub ratione comuni, ut est cognitio Petri, secundum quod homo, vel ut effectus talibus, & talibus accidentibus, idque est proprium sensui: & cum pro statu isto intellectus non percipiat singulare nisi per sensus, idque abstrahendo, ut docet Seraph. Doct. lib. 1. dist. 39. art. 1. quæst. 2. ad 2. hinc sequitur, quod nec potest cognoscere singulare distinctè, & directè, nisi confusè, idest non cognoscit singularitatem, nisi quatenus includitur in tali homine: non verò pro ut est principium huius determinatæ singularitatis distinctæ ab alia: Nam, ut rectè Trombet. apud Meldul. n. 207. notat, aliud est intelligere singulare sub ratione singularitatis, ita quod singularitas sit ratio intelligendi: aliud est, quod singularitas percipiat, quatenus percipitur illud obiectum, in quo est ipsa: Primum enim non admittitur in cognitione primaria: sed tantum secundum, quatenus licet singularitas non immitat speciem sui, & ob id non possit se habere in ratione principij effectiui, potest tamen esse terminus cognitionis reflexæ: His positis sit.

525. PRIMA CONCLUSIO: Singulare, seu singularitas secundum se est directè cognoscibilis ab intel-

lectu distinctè cognoscente non impedito: Est S. Bonauen. lib. 4. dist. 50. par. 2. quæst. 1. ubi agens de potentia intellectiua separata dicit, quod per intellectum anima cognoscit res sub conditionibus materialibus præsentem materia, & hoc est sensus exterioris, & res sub iisdem conditionibus absente materia, & hoc est imaginationis, & illas etiam res cognoscit abstractis omnibus materialibus, & hoc per vnā potentiam, quæ potens est omnibus his modis cognoscere.

PROBATVR autem euidenter: Singulare est intelligibile, & ens verum: ergo continetur sub obiecto adæquato intellectus: Intelligibilitas enim est proprietas consequens ad veritatem rei: ergo dum non impeditur ratione materialitatis coniuncti, potest intelligi actualiter ab intellectu, cum ad sit proportio inter potentiam, & obiectum.

OBIECTES primò: Sensus est singulare, intellectus est vniuersale ex Arist. ergo solum potest percipere singularem.

RESPONDET S. Bonauent. lib. 2. dist. 3. part. 1. art. 2. quæst. 2. ad 5. Arist. docere, quod sensus est singulare solum, idque conceditur: Intellectus verò est vniuersalis quidem, sed etiam singulare: quare non sumitur illa autoritas cum præcisione: non enim in hoc consistit præcisè differentia harum potentiarum, idest cum præcisione, ita quod singularem solum spectent ad sensus, cum sint etiam intellectus.

OBIECTES secundò ex Aristor. 2. de an. t. 37. & 38. Res in tantum est intelligibilis, in quantum est immaterialis, sed singulare est materiale: ergo.

RESPONDET S. Bonavent. *lib. 2. dist. 17. art. 1. quest. 2. ad 4.* Arist. docere rem esse intelligibilem, quatenus concurret elicitiuè ad cognitionem, & cum possit concurrere secundum esse materiale, concurret secundum esse immateriale, idest per speciem immaterialem sui: id tamen non impedit, quin possit esse terminus cognitionis secundum esse materiale; immò ex hoc sequitur necessariò posse cognosci secundum esse materiale ratione speciei, quæ est virtus ipsius obiecti materialis.

§ 26. SECUNDA CONCLUSIO: Singulare, vt tale est pro statu isto est cognoscibile à nostro intellectu coniuncto confusè tantum, & actu reflexo: Est S. Bonavent. *lib. 4. dist. 50. p. art. 2. quest. 1. & lib. 1. dist. 39. art. 1. quest. 2. ad 2.* vbi affert hanc pulcherrimam doctrinam, qua sufficienter probatur conclusio sic dicens. Quia intellectus coniungitur corpori, idèd habet potentias, secundum quas dependet à corpore quantum ad operationem, & per quas intellectus, quandiu est in corpore, exit ad exteriora: quia illæ potentie sensitiuæ sunt mediæ, scilicet sensus particularis, & imaginatio: quoniam ergo singulare non peruenit ad intellectum, nisi per istas potentias, & assensus per has secundum abstractionem, & depurationem, & quia abstractio facit de singulari vniuersale, idèd non potest singularia cognoscere, vt intellectus, idest directè, nisi sit separatus *lib. 2. dist. 3. p. art. 1. art. 2. quest. 2. ad 5.* vbi ait, quod sensus est solum singularium: ac intellectus est & singularium, & vniuersalium, quia solus intellectus comprehendit intrinseca principia Petri, & Platonis, circumscri-

ptis omnibus accidentibus dicit eos esse discretos, & distinctos. Hæc Seraph. Doct. per quæ pater singularitatem cognosci ab intellectu actu reflexo, & solum post cognitionem vniuersalium: ex qua doctrina eruitur ratio efficax ad probandam Conclusionem, Intellectus, dum est coniunctus cum corpore, dependet in operari à sensibus, nec potest aliquid corporeum intelligere, nisi prius præcognoscatur per sensus, sed talis cognitio fit per abstractionem vniuersalis à singularibus conditionibus, dum transit ad intellectum: ergo directè non cognoscit nisi vniuersale.

§ 27. OBJECIES primò: Intellectus agens abstrahit ab omnibus conditionibus singularibus vniuersale: ergo tunc illas condiciones cognoscit directè.

CONFIRMATUR: Quia in perceptione naturarum Petri, & Platonis cognoscit eos distinctos: ergo & directè cognoscit singularitatem.

RESPONDETUR abstrahere, & simul cognoscere: sed ita quod conuertit se super obiectum proportionatum, scilicet super vniuersale abstrahendo, & simul relinquendo condiciones singulares; obidque ponit differentiam non positiuè, sed negatiuè, quatenus scilicet cognoscit proprietates vniuersales non competere singulari: sic negatur consequentia.

OBJECIES secundò: Intellectus noster cognoscit pro statu isto inductiue principia, sicut demonstratiue Conclusionem ex Arist. *lib. 2. Prior. cap. 29. & prop. cap. 20.* sed inductio est à singularibus sufficienter enumeratis ad vniuersale: ergo intellectus

tellectus debet prius cognoscere singularia.

RESPONDETUR concedendo Maiorem, & Minorem, & negando Consequentiam: vel distinguendo Maiorem: Cognoscit inductiue principia ita, quod prior sit cognitio singularium, nego, posterior, concedo: nam intellectus non potest cognoscere aliquid, nisi dependenter à sensibus, obidque abstrahendo, qua abstractione facta postea comparat vniuersalia cum hoc, & illo indiuiduo, & hinc inductione postea infert Conclusionem.

INSTAT Ruuius: Non potest intellectus agens producere speciem in intellectu possibili, nisi secundum exigentiam Phantasmatis, & obiecti per ipsum representati, à quibus modificatur, & determinatur actio eius: sed Phantasma non representat naturam vniuersalem, sed singularitatem, ac determinatam per tales condiciones materiales: ergo naturaliter est impossibile, quod concurrat cum intellectu agente ad productionem speciei representantis vniuersalem naturam: & hoc est præcipuum fundamentum Aduersariorum.

Cui tamen ex dictis occurritur, & ex dicendis in seq. quæst. nempe speciem in Phantasia representare singulare, prout est obiectum Phantasiæ, concedo: prout est intellectus, nego. Et ad id, quod non potest concurrere, nisi secundum quod est, scilicet representatiua singularis, distinguo: prout est in Phantasia, concedo: prout in intellectu agente, nego: eadem enim species representat vtrumque secundum exigentiam potentiæ, in qua est.

§ 28. QVÆRES: quomodo fiat hæc cognitio reflexa?

CAT. T. Respondet cognosci singulare per quandam consequentiam, ita *part. 1. quæst. 86. art. 1.* Alij dicunt, quod intellectus cognoscit vniuersale, & hinc reflectens se super proprium actum, quem videt factum per speciem ortam à Phantasmate cognoscit sic Phantasma: Seraph. Doct. *lib. 2. dist. 24. art. 3. quæst. 4. in 1. prob. 2. Opin.* ait, quod intellectus possibilis non est merè passiuus, sed est etiam actiuus, quia & suscipit speciem, & conuertitur super Phantasma, & de illo iudicat, sicque per conuersionem, seu reflexionem cognoscit post vniuersale singulare, quod dictum videtur tamen paruim rationabile: si enim conuertitur ad Phantasma de illo iudicando, requirit in se speciem proportionatam, quam non habet, cum sit tantum vniuersalis: sed per tradita *lib. 4. dist. 50. part. 2. quæst. 1. ad ult.* explicatur Seraph. Doct. ubi docet, quod intellectus quidem abstrahendo, & resoluendo ascendit ab infimo usque ad supremum, & simul ordinando totam lineam prædicamentalem ab indiuiduo percepto per sensum ad speciem, & inde ad genera: & deinde descendit componendo, seu comparando à generalissimo usque ad indiuiduum, & hoc pacto per conuersionem, seu reflexionem, seu descensum, & comparisonem, verbi gratia, naturæ humanæ, animalis, &c. cum hoc, vel illo indiuiduo, in quo ista recognoscit, & cum alio, &c. & hinc cognoscit singulare.

§ 29. ADDIMVS ad suprà tradita doctrinam verè dignam, quam affert Seraph. Doct. *ib. 1. dist. 28. sub. 1.* qua radicatus tolluntur difficultates obiectæ à Ruuiio, & patet modus cognitionis singularium:

ait

ait igitur, quod intelligi aliquid præter alterum, potest esse multipliciter, aut quantum ad intellectum apprehendentem rem perfectè, sicuti ait: aut quantum ad resoluentem, seu abstrahentem: si primo modo, non potest intelligi aliquid sine illo, quod est ei ratio intelligi, ut Deus præter Deitatem, homo præter humanitatem: potest tamen intelligi effectus non intellecta causa, & inferius non intellecto superiori: potest enim quis apprehendere hominem non intellectis prædicatis superioribus, & hæc est cognitio implicita, seu confusa: Alio modo potest aliquid præter alteram intellectum resolvente: sed quia intellectus resoluens, seu abstrahens est duplex, scilicet vel semiplenè resoluens, vel plenè, & completè: primo modo potest intelligi aliquid esse non intellecto alio: non verò secundo modo: Hæc Seraph. Doct. hinc infero, quod cum proprium sit intellectus agentis procedere resolutio modo, siue abstractione, sed tamen semiplenè: nam abstractione, & resolutio plena, quæ est cum evidenti collatione, & ratio-cinatione, spectat ad possibilem, ut docet lib. 2. dist. 24. cit. hinc potest agens abstrahere à Phantasmatum rationem vniuersalem non cognitis singularibus, & simul apprehendere tale vniuersale. Et hinc corrumpit fundamentum Aduersariorum, qui in hac abstractione vim totam ponunt, quasi non possit abstrahi vna ratio, simulque cognosci, nisi cognitis iis, quæ sunt connexa cum tali ratione, quod est falsum in apprehensione semiplena, & imperfecta, qualis est illa intellectus agentis, & etiam possibilis: quæ veritas etiam magis patet ex seq. quæstione: Item

Seraph. Doct. in Comp. Theol. lib. 23 cap. 45. dicit, quod in cognitione abstracta per sensus cognoscuntur vniuersalia, & deinde per hanc vniuersalem speciem se convertit ad particularia, & hoc per similitudinem vniuersalem.

## QVÆSTIO V.

*Quomodo Intellectus cognoscat vniuersalia: an per proprias species: an per speciem singularem.*

530. QVÆSTIO hæc non procedit de vniuersali diuerso realiter, & substantialiter à singulari: certum enim est (ait S. Bonavent. lib. 2. dist. 3. part. 1. art. 2. quæst. 1. in corp.) speciem vnius rei non posse generare speciem omnino differentis rei, & ob id non mouetur quæstio, an verbi gratiâ, cognitio hominis ut sic generetur per speciem sensibilem communium Petri, cum ista habeant diuersas species ab ipso singulari, ut aliàs dictum est: sed an cognitio hominis ut sic, seu naturæ humanæ habeatur per speciem, verbi gratiâ, Petri, & huius hominis in particulari.

PRIMA Opinio asserit singularia peteipi per proprias, & diuersas species, quam probabilem existimant Meldul. disp. 6. num. 217. Aliique cum ipso.

SECUNDA Opinio est communis utrumque cognosci per eandem speciem, & hæc est Seraph. Doct. & Scotist. cum eodem Meldul. qui tuerentur hanc ut magis probabilem: cum hac opinione sunt & Conimbric. cap. 5. quæst. 6. art. 1. asserentes eandem speciem

speciem repræsentare vniuersale, & singulare: Sic & Valentia apud Ru-  
mum *cit.* Pro solutione

PRIMÒ Notandum, quod spe-  
cies, cum sit semen, & virtus obie-  
cti, etiam habet repræsentare obie-  
ctum cum omnibus suis conditioni-  
bus, & cum in obiecto adsint plu-  
res rationes, verbi gratià singulari-  
tatis, vniuersalitatis, &c. hinc & ha-  
bet virtutem ipsas repræsentandi se-  
cundum exigentiam suæ actualitatis,  
& concursus, quem habet cum po-  
tentia: idque suprà, cum de speciebus  
egimus, probatum est: sed quia tota  
difficultas versatur in hoc, quomodd  
eadem species possit & vniuersale, &  
simul singulare repræsentare, & præ-  
terea quomodd possit vniuersale abs-  
que singulari repræsentare: Hinc

§ 31. SECUNDÒ Notandum,  
quod aliud est singulare cognosci sub  
ratione singularitatis, ita quod sin-  
gularitas sit ratio intelligendi: aliud  
est, quod singularitas dicatur esse  
obiectum cognitum, aut pars obiecti  
intellecti: primum non admittimus,  
nec puto admitti ab Aliis DD. Secun-  
dum potest admitti in cognitione  
confusa, ita quod prius cognoscatur  
vniuersale, secundariò singulare, &  
in hoc stat æquiuario Aduersario-  
rum, qui transeunt de vna ad aliam  
rationem, quod & adnotauit Trom-  
ber. in 7. *Met. quest. 7. art. 2.* & prius  
Scotus *lib. 1. dist. 2. quest. 3. lit. C.*

§ 32. TERTIÒ Notandum, quod  
dum species vniuersaliū est abstra-  
cta à singularibus, & inest in intel-  
lectu, habet in ipso eandem virtutem,  
& rationem repræsentatiuam, quam  
habent species vniuersales rerum in-  
fusas à Deo in intellectu Angelico:  
Vnde eodem ferè modo procedere  
debent in cognitione singularium

R. P. BARR. de Castro. Phil. P. III.

ipsi Angeli, & homines: Hinc ad-  
uertenda est doctrina, quam tradidit  
Seraph. Doct. loquens de speciebus  
Angelorum *lib. 2. dist. 3. part. 2. art. 2.*  
*quest. 1.* vbi dicit in intellectu Angeli-  
co concreatas esse species vniuersales  
omnium specierum, per quas, quan-  
do vult cognoscere aliquid in parti-  
culari, dirigit aspectum in ipsam  
componendo species in se, sicque co-  
gnoscit, quæ doctrina malè intelle-  
cta à pluribus reiiicitur tanquam in-  
sufficiens, eo quod si habent dirige-  
re aspectum in singularia, ipsa debe-  
rent prius agnoscere: attamen si re-  
ctè intelligatur, nullam difficultatem  
ingerit, immò plures inextricabiles  
difficultates in hac materia tollit:  
Sciendum igitur est, quod cum in  
specie adsint plures rationes obiecti  
in ipsa relucentes: est enim virtus, &  
semen obiecti, vt suprà, & aliàs di-  
ctum est; Hinc in specie duo præcipua  
consideranda sunt: primum est fun-  
damentum, siue hypostasis, estque  
ipsa entitas speciei: Secundum est ipsa  
extensio, vel modificatio, vel vt di-  
cit *lib. 1. dist. 3. part. 2. art. 1. quest. 1.*  
*ad 2. & lib. 2. dist. 16. art. 1. quest. 1.*  
*ad 4.* ipsa quantitas virtutis, secun-  
dum quam in potentia sensibili habet  
repræsentare rem secundum exterior-  
em dispositionem, in spiritali verò  
etiam intima rei: est enim de se indis-  
cretus, quatenus est vniuersalis ad  
multa singularia cognoscenda: vt do-  
cet *lib. 2. dist. 18. art. 2. quest. 1. ad*  
*4.* Cum autem qualibet species tam  
corporea, quam spiritalis sit capax  
nouæ modificationis, secundum quam  
magis, vel minus repræsentat vel  
plures, vel pauciores rationes obie-  
cti: hinc & illa species vniuersalis  
accedente aspectu, vel collatione cum  
indiudivo habet repræsentare & vni-  
uersalem

uersalem, & singularem ipsius naturam cum aliis conditionibus indiuiduantibus: Exemplum habemus in obiecto sensibili, verbi gratia, albo tripalmari, cuius vnus duntaxat palmus detectus est, producitur species pupillæ æqualis, quæ est representatiua albedinis illius quasi specificæ spectatæ in omnibus partibus vni-formibus, & si postea reliquæ partes albedinis detegantur, tunc & ipsæ sua virtute concurrunt ad modificandam illam speciem, relinquendo quidem ipsam in sua vni-tate quasi specificata, sed tamen modificata, ita quod non facit multiplicare visiones, sed tantum prima visio remanet modificata: Idem pariter dicendum est de specie vniuersali indifferente, verbi gratia, speciei lapidis, hæc est vna, & indifferens, & vniuersalis secundum suam enrira-tem, capax tamen modificatione, si detegatur, & exhibeatur singulare: tunc enim eadem species valet repræ-sentare & naturam communem, & singularitatem: quare in actu primo species repræsentat semper idem, siue obiectum singulare sit, siue transie-rit, siue sit futurum, quia repræsen-tat tantum intima, & naturam com-munem specificam, at in actu secun-do nequaquam: non enim potest repræsentare obiectum singulare, nisi fiat reflexio, collatio, diuissio, & composio cum ipso singulari: & hinc tollitur infinitas specietum, & noua receptio specierum singularium, quam inferunt ex Doctrina Seraphi-ca Aduersarij, vt ipse Seraph. Doct. aduertit *lib. 2. dist. 3. cit. de arg.*

ADDIMVS ex Seraph. Doct. in *Comp. Theol. lib. 2. cap. 45.* quod à sensibilibus abstrahit intellectus spe-ciem vniuersalem, & deinde se con-

uertit ad singularia per eandem spe-ciem vniuersalem: cognoscit enim aliquando visum à longè esse substan-tiam corpoream, & deinde per mo-tum esse animal, & hinc hominem, & postea Petrum.

DICIS: Ergo per speciem vniuersalem additam intellectui existenti in actu primo poterit cognoscere, & præsentia, & absentia, & præterita, & futura quæcunque æquali modo

RESPONDETUR ex Seraph. Doct. *ibid.* negando consequentiam: nam licet quoad entitatem species sit completa, tamen in ratione repræsen-tatiua singularium non est completa, sed indiget modificatione, & exten-sione, & directione ad ipsa singula-ria: sicque non potest cognoscere, quod non est, vel quod est in impro-portionata distantia, & si cognoscit præterita, id est, quia conseruat ipso-rum species in memoria; quam diffi-cultatem non ita facile possunt eua-dere Aduersarij tenentes species com-pletas esse inditas in Angelis, &c. de quo in Theol. suo loco: hanc eandem doctrinam Seraphicam tradit Theo-phil. Rainaudus in sua Theol. natu-rali *diff. 4. quæst. 1. num. 111.* & deinceps ipsam admittunt Vasc. in *part. 2. quæst. 51. num. 6.* Salas. *tract. 2. diff. 4. num. 115.* His positis

§ 33. VNICA CONCLUSIO: Vniuersale cognoscitur per speciem singularis, & viceversa singulare per speciem vniuersalis: est enim eadem: Est. S. Bonauent. *lib. 2. dist. 17. supra cit. & dist. 24. part. 1. art. 2. quæst. 4. & lib. 2. dist. 3. cit.*

PROBATUR primò: Sicur se ha-bet vniuersale in essendo, sic & in re-præsentando: sed species in essendo est totum esse indiuidui: ergo & in re-præsentando: Sic S. Bonauent. *lib. 2. dist. 3.*

dist. 3. part. 2. art. 2. quæst. 1. ad 4. Maior est certa, cum representatio consequatur ad esse rei: Minor est certa in Philos. & Arist.

**PROBATVR** Secundò: Species est virtus, & semen obiecti: ergo habet virtutem representandi ipsum obiectum, quale est, sed adest in obiecto natura communis, & ipsa indiuiduata; ergo & ipsa habet representare.

**CONFIRMATVR**: Quia species singularis representat illud quoad omnia sua prædicata magis, & minùs vniuersalia: vnde si species Petri representat hunc hominem, representat etiam hominem simpliciter animal, cum sint vnum, & idem realiter, & inseparabilia ad inuicem. Tum etiam, quia, vt rectè aduertit Trombet. cit. alia est abstractio speciei intelligibilis à Phantasmate: alia est vniuersalis à singularibus: Prima spectat ad intellectum agentem: Secunda spectat ad possibilem: Addo ego ex Scraph. Doct. contra Scotum: sed in prima abstrahitur eadem species, prout representat tantum rationem vniuersalem: ergo & in secunda: ergo eadem species vtrumque valet representare: abstrahere enim propriè est, cum potentia abstrahens possit vtrūque cognoscere, apprehendit vnum, altero non apprehenso, quod & vterque intellectus agens, & patiens potest præstare, vt supra probatum est.

334. **OBIECTES** primò: Eadem species per se representatiua obiecti non potest representare idem sub oppositis rationibus: sed tales sunt vniuersale, & singulare: ergo.

**RESPONDETVR** negando Minorem: vniuersalitas enim, prout dicit communitatem, & indifferentiam naturæ intrinsecè includitur in singulari, &

præsupponitur in ipso: sic negatur consequentia.

**DICES**: Ergo eadem species representabit modò distinctè, modò indistinctè, distinctè in Phantasia, indistinctè, in intellectu: sed id est impossibile: ergo.

**RESPONDETVR** concedendo Maiorem, si sumitur primò, & per se: negando secundariò. Tum etiam quia negatur esse eandem speciem propriè, sed dici eandem, scilicet multiplicatam, eandem per ordinem ad obiectum, diuersam per ordinem ad potentias, & cum tali diuersitate benè stat, quod sit simul representatiua per se primò singularis completi, & secundariò naturam communem.

**OBIECTES** secundò: Species representat naturaliter, quidquid representat, obidque secundum totam suam virtutem: ergo non potest representare naturaliter vnum sine alio.

**RESPONDETVR** concedendo antecedens, si sumitur secundum se: at si sumitur, prout habet mouere potentiam, sic negatur, quia mouet potentiam secundum eam rationem, quæ est potentiz magis proportionata: obidque secundum rationem vniuersalis habet primò mouere intellectum.

**OBIECTES** tertio, cum Ruuiò: Species coadiuuans intellectum agentem est Phantasma, sed Phantasma representat tantum singulare, ergo & in intellectu agente, cum sit idem cooperans, representabit singulare.

**RESPONDETVR** distinguendo Minorem: Phantasma in Phantasia representat singulare sub ratione singularis, idest cum conditionibus materialibus, concedo; prout circa illum negotiatur intellectus, representat singulare cum conditionibus

singularibus, & materialibus, nego: sub ratione communi, & immateriali, concedo: & in hoc stat, ut puto, hallucinatio Ruuij, Aliorumque, quia aliud est cognoscere singulare sub ratione singularitatis, & conditionum singularium, & materialium: id enim spectat ad sensum: aliud cognoscit idem singulare sub ratione communi relucens in ipso, & hoc admittimus in intellectu. Vnde prima ratio obiectiua in sensu est singularitas, in intellectu est vniuersalitas, scilicet ratio communis: & ratio est, quam affert Seraph. Doct. lib. 1. dist. 39. art. 1. quest. 2. ad 2. & lib. 2. dist. 24. part. 1. art. 2. quest. 4. quia Phantasma exit genus abstractionis, & quia negotiatio intellectus agentis est secundum abstractionem spiritua-lem depurando obiectum à materia- litatibus: Hinc Seraph. Doct. lib. 3. dist. 14. art. 3. quest. 2. ad 4. quod pro statu isto duplex abstractio fit ab intellectu agente, seu potius ad duplicem fit abstractio talis, scilicet ad gen-derandum habitum, ponendumque intellectum possibilem in actu primo, & ad iudicandum de obiecto representato per speciem: idque exigit depurationem à conditionibus materialibus.

§ 35. Dices cum Trombeta ex Scoto lib. 2. dist. 9. quest. 1. & lib. 3. dist. 14. art. 1. à Mastroio cit. num. 201. Alia est abstractio speciei intelligibili à Phantasmate: alia vniuersalis à singulari: prima fit ab intellectu agente: secunda à possibili: prima, cum extrahatur à Phantasmate, non potest non esse singularis, cum Phantasma sit singularis, & representans singulare: secunda verò fit, quando consideratur natura secundum se communis, sitque vniuersalis ab in-

tellectu possibili: ergo per diuersas species cognoscitur singulare, & vniuersale.

RESPONDETUR, quod quando hic loquimur de vniuersali, non sumimus vniuersale Logicum, sed vniuersale Metaphysicum, scilicet naturam secundum se indifferentem ad fieri vniuersalem, & ad contrahi ab extra à differentia indiuiduali, & hæc, ut dictum est, relucet in Phantasmate, & ab intellectu agente abstrahitur, negaturque tunc repræsentare tantum singulare, sed repræsentat singulare sub ratione vniuersalis in Phantasmate relucens. Et ob id semper firma stat nostra Conclusio, quod per eandem speciem cognoscitur in Phantasia singulare, & in intellectu vniuersale: licet verè non possit dici propriè eadem species, nisi penes suum originale principium, sed tantum eadem multiplicata, ut aliàs dictum est; & in hoc sensu concedimus fieri has cognitiones per diuersas species, & quando per reflexionem intellectus cognoscitur singulare, id facit per eandem speciem vniuersalis prius cogniti: quæ doctrina est diligenter aduertenda, nam facilis est hallucinatio, & transitus à Phantasmate cognito à Phantasia ad idem secundum rationem vniuersalis perceptum ab intellectu agente, & quando per eandem speciem fit conuersio ad singulare, per quam modificatur, & veluti extenditur per eandem conuersionem ad singulare cognitum per reflexionem.



## QVÆSTIO VI.

*Quodnam sit primum cognitum  
inter vniuersalia.*

§ 36. QVÆSTIO hæc ferè ab Omnibus pertractatur in principio Physicæ: sed quia ibi est extra suam spheram, est enim purè animastica: Nos ad hunc locum suum proprium ipsam transulimus: In quam Aduerte hîc non fieri comparationem inter vniuersale, & singulare: suprâ enim satis disputata est hæc Quæstio: nec item esse sermonem de cognitione actuali: vnde communiter dicitur quæstio de primo cognito, non de primo cognoscibili, scilicet non de cognitione habituali, vel virtuali: hæc enim cum supponat habitum factum ex actibus præcedentibus, nec est prima primitate originis, obidque nec de hac quætimus: sed de prima apprehensua, non quidem complexa, sed simplici: certum enim est simplicem præcedere complexam: Hæcque item non sumitur pro cognitione simplici distincta siue actuali, siue potentiali: certum enim est, quod in potentiali distincta prius cognoscimus vniuersalia, verbi gratiâ, si habeo cognoscere genus distinctè, oportet cognoscere per species subiectas, sicut etiam certum in cognitione actuali distincta magis vniuersale esse prius cognitum: prius enim cognoscuntur partes, quàm totum, vt genus, & differentia, quàm ipsum definitum, quod & notauit Seraph. Doct. lib. 2. distinct. 3. art. 1. quæst. 2. fund. 5. Certum est etiam, quod comparan-

do cognitionem confusam cum distincta, præcedit in eodem genere, verbi gratiâ, cognitio confusa animalis, & distincta eiusdem.

QVÆSTIO igitur reducitur ad cognitionem actualem, & potentialem confusam, quodnam sit primum cognitum vniuersale primitate originis, verbi gratiâ, in cognitione potentiali confusa vniuersalis primum, quod nostro intellectui sese naturaliter offert, sit magis, vel minus vniuersale genus, an species: & in actuali confusa, verbi gratiâ, videndo Petrum à longè, an prius cognoscatur in eo ratio hominis: an animalis, an corporis, an entis, in qua

PRIMA Opinio est Thomistarum communis asserentium magis vniuersale esse primum cognitum primitate originis, adduntque esse vniuersale non præcisum omnino à singularitate: vnde volunt primum cognitum non esse, verbi gratiâ, ens vt sic, sed hoc ens, hoc corpus, &c.

SECUNDA Opinio asserit non posse assignari regulam in hoc, sed modò percipi magis vniuersale, modò minus, prout sensus operatur, & illud magis sensui, vel minus appropriat: Sic Zimar. Auerſa, Alijque.

TERTIA Opinio est Scoti, & Sequac. & Aliorum etiam asserentium primum cognitum in cognitione actuali, & potentiali confusa esse speciem specialissimam: Pro solutione

§ 37. PRIMò Notandum ex lib. 1. dist. 8. part. 2. dub. 1. quod aliquid potest dici magis notum vel naturaliter, vel respectu nostri: primo modo sunt vniuersaliora, & remotiora sensibus, vt Deus, Angeli, & ens: naturaliter enim est prius cognitum magis vniuersale, quàm minus vniuersale, vt

aduertit Seraph. Doct. *lib. 2. dist. 3. cit.* & ratio est, quia magis vniuersalia sunt perfectiora, obidque & perfectiorem cognitionem ingerunt: obidque naturaliter primitiue perfectionis sunt priora: secundo modo sunt notiora, quæ sunt proximiora sensibus, & singularibus conditionibus, vt docet Seraph. Doct. *lib. 1. dist. 3. art. 1. quest. 1. ad 2.* quia enim intellectus noster in cognoscendo dependet à sensibus, hinc magis sensibilia sunt notiora nobis: & hinc aliqua possunt esse notiora natura, & minus notiora nobis: aliqua notiora vtroque modo, vt sunt vniuersaliora corporea: pro vt enim sunt vniuersaliora, sunt notiora natura: pro vt sunt corporea, sunt & nobis: & hinc dixit S. Bonau. *lib. 2. dist. 18. art. 1. quest. 3. cit.* quod prius est genus, quàm species, & prius generatur animal, quàm homo, & quod nobis innata est via cognitionis ab vniuersalioribus ad minus vniuersalia, progressus enim cognitionis assimilatur progressui naturæ.

§ 38. SECUNDO Notandum, quod & aliàs traditum est, nempe intellectum nostrum dici veluti tanquam tabulam rasam, in qua nihil est depictum: quod tamen sano modo debet intelligi, ait Seraph. Doct. *lib. 2. dist. 39. art. 1. quest. 2. in fine, & lib. 4. dist. 4. part. 2. art. 1. quest. 2.* scilicet non quod non sit in intellectu nulla notitia, sed quia nulla est pictura, vel similitudo abstracta: certum enim est adesse in ipso species impressæ, quæ à D. August. nomine lucis, vel luminis innati, & iudicatorij explicatur, quo mediante intellectus absque vlla receptione specierum nisi ipsorum terminorum explicantium quidditatem cognoscibilem, vt aduertit *lib. 1. dist. 8. part. 1. art. 1. quest. 2.*

in corp. & Serm. 3. Hexaem. ( §. oportet ergo ) absque vlla persuasione cognoscuntur dignitates, & prima principia: Respectu autem rerum in particulari indigenus propriis speciebus, & simul aliqua persuasione, & inductione, vel ratiocinatione: vide infra tradenda.

§ 39. PRIMA CONCLUSIO: Inter vniuersalia magis vniuersalia, quæ important rationem primorum principiorum, & quorum cognitio est nobis innata, sunt primò cognita à nobis cognitione innata, & naturali, confusaque: Est S. Bonau. *lib. 2. dist. 39. cit.*

RATIO euidens est, quia ad horum cognitionem non requiritur abstractio specierum ab obiectis sensibilibus nisi respectu terminorum ipsa explicantium, sed est nobis innata ralis cognitio: ergo sunt prima cognita. Hinc infert Seraph. Doct. naturaliter hominem cognoscere dari aliquam primam causam, scilicet Deum, dari virtutes. Tum quia naturaliter habità notitia primorum principiorum tum cognoscibilem, tum operabilem, quæ sunt nota lumine naturæ, statim assentitur necessario intellectus, ergo.

DICES Seraph. Doct. exigere in notitia harum veritatum perceptionem aliquorum sensibilibus ex sensibus promanantium: ergo non immediatè assentitur intellectus ipsis.

RESPONDETUR ex eodem Seraph. Doct. requiri perceptionem specierum ipsorum terminorum, verbigratià, quid significent isti termini, omne totum est maius sua parte: Parentes sunt honorandi, at id non officit nostræ Conclusioni.

§ 40. SECUNDA CONCLUSIO: Inter

Inter vniuersalia, quæ mediis sensibus percipiuntur in cognitione actuali confusa primum cognitum est conceptus specificus, cum hoc tamen distimine, quod in perfecta applicatione primum cognitum est conceptus speciei specialissimæ: in imperfecta, & potenciali est magis vniuersale sensibile.

PRIMA pars probatur argumento Scoti: Quia causa naturalis non impedita perfectiorem edit operationem, quam potest: ergo & intellectus, sed perfectior operatio est cognitio speciei specialissimæ: ergo. Tum quia ex Arist. 1. *Phys.* 1.3. sunt nobis primò nota magis confusa, at specialissimum est magis confusum, cum in eo plures naturæ vniuersales, quasi commixtæ, & confusæ reperiantur: ergo. Tum quia intellectus primò fertur in obiectum, quod primò proponitur per notitiam sensitivam à sensibus, sed istud est species specialissima, verbi gratiâ, hic color exhibet primò notitiam coloris vt sic: ergo, idque patet sensibus; nam si ignis tangitur à puero, hic fugit ignem ob calorem cognitum, non quia sit ens.

THOMISTÆ varias adhibent responsiones, quas videte quisque potest apud Meldul. *diff.* 6. *num.* 238. quasque ipse solidè confutat: Hinc

PROBATVR secunda pars: Quia ex Seraph. Doct. in *Comp. Theol.* cap. 45. vbi non obscure asserit has duas partes Conclusionis, sed clariùs hanc secundam dicens, quod in cognitione distincta, in qua abstrahitur vniuersale, fit abstractio à singularibus: ergo primum cognitum est species specialissima, vt suprà probatum est: è contra in vniuersali confuso (scilicet in cognitione imperfecta) per

vniuersalia sensibilia venimus in cognitionem minùs vniuersalium, & particularium, sicut patet, quando videmus hominem à longè, tunc cognoscitur substantia corporea, & patet per motum esse animal, & inde esse hominem, & tandem esse Petrum.

PROBATVR autem euidenter: Illud est primum cognitum in cognitione confusa imperfecta, cuius accidentia priùs mouent sensum, sed talia sunt accidentia magis vniuersalis sensibilis, scilicet corporis: ergo.

541. OBIICIENS primò cum Thomistis: In cognitione actuali distincta priùs cognoscuntur partes, quàm totum, ergo in confusa, & imperfecta cognoscitur ex opposito priùs totum, quàm partes, sed hoc totum est ens vniuersalissimè sumptum, vt quid potentiale ad omnia inferiora: ergo ens vniuersalissimè sumptum est primum cognitum.

NOTAT *hic num.* 251. Meldul. Ferchium valdè laborare in responsione ad hoc argumentum, ipseque respondet Thomistas laborare æquivocatione: nam non sumunt ens vt sic, sed hoc ens, hanc substantiam, & sic exeunt sphaeram quæstionis, quæ non est de vniuersali indiuiduato, sed præscindente à singularitate: nam in vniuersali indiuiduato ens se habet potiùs vt pars totius potentialis: & hinc nihil concludit contra nostram Conclusionem, quæ est de toto potenciali mouente intellectum per sensus, & dicimus, quod in cognitione perfecta primum cognitum est species specialissima: in imperfecta est substantia corporea.

INSTANT: Ens est immediatum obiectum intellectus: ergo id est primò cognitum.

RESPON

RESPONDETUR concedendo antecedens de intellectu vt sic, negando de intellectu dependente à sensibus: Tum etiam quia, vt notat Mastrius, verificatur instantia de obiecto cognito cognitione collectitia: nempe cui præcedit cognitio talium prædicatorum, cuius vi dicimus illud esse ens, substantiam, corpus, &c. sed non de cognitione originaria, & simplici absque discursu, est enim rei ostensæ per sensus, & per sensibilia accidentia, licet si consideramus naturam potentie intellectiue præciscendo à statu isto, possit dici ens esse primum cognitum primitate adæquationis, non originis, secundum quod dependenter à sensibus habetur cognitio: qua distinctione potest satisfieri omnibus obiectis.

## QVÆSTIO VII.

*An intellectus pro statu isto cognoscat substantiam per propriam speciem, an per alienam: Vbi de cognitione rerum insensatarum, & spiritualium.*

342. SUPRA in quest. 3. recitauimus opinionem Thomistarum ponentium pro obiecto intellectus pro statu isto ens materiale, seu quidditatem rei materialis, hucque reuelimus huius sententie considerationem: Hinc hac occasione (vt melius dignoscatur quidditas obiecti adæquati intellectus) Queritur, an intellectus pro statu isto recte cognoscat substantiam materialem, & dato, quod ipsam cognoscat; an per propriam speciem immixtam ab ipsa substantia; an per alienam: qua oc-

casione etiam elucidabitur modus, quo cognoscat insensata, & spiritualia.

PRIMA Opinio est Scoti, & Sequacium apud Mastrium *diffus. 6. num. 158.* negantium posse intellectum pro statu isto attingere substantiam sub propria eius ratione per propriam speciem, quam & amplebantur Ruuius *tract. de Intellect. possib. quest. 4.* Auerſa, Alique recentiores.

SECUNDA Opinio est Thomæ, & Sequacium ex opposito id affirmantium; eo quia propria species substantiæ ab intellectu agente elicitur, vel ex proprio Phantasmate substantiæ, vel ipsorum accidentium substantiæ: Sic etiam Conimbric. 3. de an. cap. 5. *quest. 5. art. 1.* Alique. Hanc esse opinionem Seraph. Doct. firmiter existimo, licet ex diuersis principiis à Thomistis, vt mox patebit: Pro solutione questionis

343. PRIMò Notandum, quod, vt aliàs in superioribus traditum est ex Seraph. Doct. *Serm. 11. Hexam. aliisque locis cit. part. 2. tract. 1. quest. 3.* & præcipue in *quest. 4.* species intentionales non educuntur ex potentia subiecti, in quo recipiuntur, sed aliud habent pro causa originali, aliud pro subiecto: vnde cum quælibet res habeat propriam vim productionis suæ similitudinis, Idem dicendum est de substantia corporea, & hoc maxime virtute lucis substantialis in ipsa existentis; tribuentis ipsis miram virtutem, & fecunditatem: cum enim id habeant accidentia dependenter ab ipsa substantia, multò magis id habet substantia, & quia ab ipsa substantia simul cum tali specie exit virtus proportionata faciens ipsam diffundi, & multiplicari per medium, & inde transire ad potentias

tum

tum externas, tum internas : hinc & dicendum est intellectum intelligere obiecta substantialia virtute specierum propriarum.

544. SECUNDÒ Notandum ex Toletò apud Ruuium *lib. 3. de an. tract. de Intellect. possib. quæst. 4. n. 135.* quod prima cognitio intellectus pro statu isto non est conceptus solius accidentis, vel solius substantiæ, sed totius coniuncti, aggregatiue ex substantia, & accidente: Vnde Phantasma duplicem speciem, immò multiplicem speciem continet, licet per modum vnius repræsentetur totum illud coniunctum, v. g. album, scilicet speciem albedinis, item & sensibilibium communium, item & substantiæ: & licet à Phantasia ob suam incapacitatem non percipiatur ratio substantiæ, percipitur tamen ab intellectu ob suam capacitatem, & maximè coadiuuantibus speciebus accidentium: Vnde conceptus intellectus ipsorum accidentium, & substantiæ non est absolutus, sed connotatiuus: ratio autem huius positionis potest adduci, quam refert Seraph. Doct. *lib. 1. dist. 36. artic. 2. q. 1. ad ult. & lib. 2. distinct. 18. artic. 1. quæst. 3. ad 3.* nempe quia eadem principia essendi sunt, & cognoscendi, diuerso tamen modo, nam ad esse concurrunt per seipsa, sed ad cognosci concurrunt per suas species, obidque & eo modo, quo sunt in rerum natura: cum autem sint accidentia, & substantiæ simul coniuncta, hinc & coniunctim immittunt speciem, & vnitè concurrunt ad cognitionem. Vide, quæ suprâ tradita sunt *n. 372.*

545. TERTIÒ Notandum, quod, vt aduertit S. Bonauent. *lib. 2. dist. 10. artic. 3. quæst. 1. in corp. & lib. 4. dist. 50. part. 2. quæst. 1.* anima, dum est in corpore, est in corpore. *R. P. Barr. de Castrovetro Phil. P. III.*

pore, est etiam alligata aliquo modo quoad vsum potentialium, & præcipue intellectus: vnde licet ex natura sua possit per se distinctè percipere, & cognoscere omne ens intelligibile, vt patet in anima separata, tamen ob impedimentum corporis, & dependentiam à sensibili cognitione, vt plurimum acquirit cognitionem confusam, & imperfectam rerum insensatarum, & hoc vel per discursum, vel per actus reflexos: nam, vt subdit *Serm. 5. Hexæm.* anima se primò confert ad cognitionem rerum materialium per sensus perceptarum, & in harum cognitione cognoscit distinctè accidentia, inde conuertitur ad substantiam non per speciem accidentium nisi instrumentaliter, sed per speciem propriam: sed quia non potest per proprias species, nec accidentium cognoscere ea, quæ sunt immunia ab accidentibus corporeis: hinc (ait Seraph. Doct.) conuertitur ad sui, suorumque actuum cognitionem, deinde intelligentiarum separatarum, deinde Dei, & hoc per triplex medium, scilicet per rationationem: secundò per cognitionem experimentalem: & tertio per intellectuale adiutam præcipue à reflexione actuum, vel à speciebus alienis, & appropriatis, vel propriis, vel à lumine innato: Ex qua doctrina elucescit modus, quo anima intelligit substantias materiales, & corporeas, & etiam immateriales: His positis

546. PRIMA CONCLUSIO: Intellectus cognoscit substantiam corpoream non solum per conceptum proprium, sed & per speciem propriam, coadiuuantibus tamen speciebus accidentium sensorum: Est S. Bonauent. *suprà cit.* & in quæst. de causis productiuis specierum sensibilibium

K K K

libilium *part. 1. de an. tract. 2. quest. 4.*

**PROBATVR** primò : Quia substantia corporea habet vim productiuam suæ speciei, & intellectus vim receptiuam, sed nihil aliud requiritur ad cognitionem : ergo. Probatvr prima pars Maioris : quia si id habent accidentia, & hoc in virtute substantiæ, multò magis habet substantia : Secunda pars eiusdem Minoris patet : est enim capax recipiendi quamcunque speciem.

**PROBATVR** secundò : Anima separata immediatè cognoscit substantiam absque auxilio, & concursu Phantasmatum ; sed non potest ipsam percipere, nisi ponatur in actu primo per speciem, ergo substantia immittit speciem.

**CONFIRMATVR** : Quia si aliquid de nouo crearetur, cuius species non haberet, ipsas perciperet de nouo : idque probat Seraph. Doct. de anima separata *lib. 4. diffin. 50. cit.* & de Angelo *lib. 2. diff. 3. part. 2. art. 2. q. 1. in corp.* ubi docet Angelum receptorum nouam speciem substantiæ ultra innatas, si Deus aliquam nouam substantiam crearet : igitur habet vim productiuam suæ speciei : Tum quia perirent omnes scientiæ, quæ sunt per proprias, & immediatas causas : Tum quia intellectus quidditatiuè discernit substantiam ab accidente : quæ omnia sunt tacta in citata questione.

547. **OBIICES** primò cum Maestro *diff. 6. num. 158.* Omnis nostra cognitio ortum habet ab accidentibus sensibilibus ; ergo per species accidentium : Probatvr Consequencia : nam antecedens est certum, cum nihil sit in intellectu, quin prius fuerit in sensu : nam tantum intellectus agens abstrahit speciem intelligibi-

lem, inquantum concurrat, vel et porrigitur à Phantasmate : sed hoc est solum accidentium, & ab ipso determinatur ad obiectum : ergo.

**RESPONDETVR** distinguendo antecedens : Omnis nostra cognitio ortum habet ab accidentibus, ita quod solum habeantur ipsorum species, nego : ita quod ipsorum cognitio transeat sensibiliter per sensus, & quod talis cognitio coadiuuet intellectum ad cognitionem substantiæ, concedo modo supra allato, &c. Et ad id, quod intellectus determinatur à Phantasmate.

**RESPONDETVR** illud Phantasma continere duplicem speciem per modum vnus, vt dictum est, & licet determinetur ab accidente : tamen hinc non sequitur intelligere substantiam per speciem accidentis.

**DICES** : Pro statu isto non habentur definitiones propriæ substantiarum : ergo nec immediata cognitio per propriam speciem : describimus enim ipsas per varia accidentia.

**RESPONDETVR** nec Nos habere definitiones accidentium : unde sequeretur ex hoc nec etiam Nos percipere accidentium species : quare hæc illatio non valet : Addo, quod cum talis cognitio sit confusa, & imperfecta : hinc nec possumus habere perfectas definitiones.

548. **SECUNDA CONCLUSIO** : Immaterialia, & spiritualia cognoscuntur à nobis non per speciem abstractam ab ipsis, sed vel per sui essentiam, vel per speciem, siue lumen innatum, vel per speciem appropriatam, & effectus.

Hæc tamen est aduertendum, quod hæc insensata sunt diuersa, ob id etiam diuerso modo est discurrendū de

de modo cognitionis ipsorum: hinc & Seraph. Doct. assignat diuersa media. Ista igitur insensata sunt, primò Deus, secundò Angeli, tertio eadem anima, quartò proprii actus, & aliarum potentiarum habitus, & virtutes: Hic & subiicimus tot conclusiones sequentes per aliqua quæ sita, quibus satisfiit, & tota hæc Conclusio explicatur.

QVÆRES primò: quomodò Deus cognoscatur ab intellectu pro statu isto, an per speciem propriam: an per alienam? In hac quæstione Aliqui negant speciem propriam, & simul etiam conceptum proprium non solum Dei, sed & cuiuscumque rei spiritualis: Alij admittunt non solum conceptum proprium, sed etiam speciem propriam: Sic Scotus, & Sequaces apud Meldul. *dist. 6. num. 169.* D. Thomas admittit conceptum proprium, & negat speciem propriam: Sic apud Ruuium *hic quæst. 5. num. 157.*

S. DOCT. negat speciem propriam abstractam, sed admittit innatam, quæ tamen cum pro statu isto non sit de se sufficiens ob dependentiam, quam habet intellectus à Phantasmatibus (est enim semiplena cognitio tantum, vt ait S. Bonauent. *Serm. 3. Hexæm. §. oportet ergo*) exigitur adiumentum desumptum ab istis sensibilibus, vt fiat perfecta conceptio de Deo: Sic *lib. 1. dist. 3. par. 1. art. 1. quæst. 1. in corp. & ad ult. vbi docet*, quod Deus est cognoscibilis à creatura, non tamen perfecte nisi per deformitatem: quod verò imperfectè: patet, quia intellectus noster est informatus à sui conditione notitia quadam, quæ est veluti similitudo quædam non abstracta, sed impressa, inferior Deo, quia est in natura inferiori, superior tamen ani-

ma ipsa, quia facit ipsam meliorem: & *lib. 1. dist. 8. part. 1. art. 1. q. 2. probat* acutissimè nullum intellectum posse cogitare Deum non esse, cum in quacunque anima sit cognitio Dei impressa à Deo.

§ 49. Ex quo sequitur, quod ab intellectu nostro potest haberi conceptus proprius Dei: sed quia iste conceptus est valde imperfectus, obidque & indiget adiutorio: hinc datur aliud genus cognitionis de Deo, nempe cognitio Dei per creaturas, & hæc est duplex, ait S. Bonau. *lib. 1. dist. 3. cit. q. 2. ad 1.* nempe per viam negationis, & per viam positionis, & affirmationis: primo modo remouendo à Deo imperfectiones creaturarum, vt esse immensum, infinitum, incomprehensibilem: secundo attribuendo Deo, quicquid est perfectionis in creatura ablatà imperfectione: vt sapientia, bonitas, iustitia, essentia, & hoc pacto cognoscitur Deus per creaturas, vel per modum vestigij, vel per modum imaginis: de quibus fusè agitur in Theologia: & S. Bonau. *lib. 1. dist. 21. quæst. 3.* hæc omnia explicat altissimè dicens: quædam sunt nomina, quæ significant rem, cuius veritas est in Deo, & oppositum in creatura, vt est æternum, immensum, &c. (hæcque cognitio est per viam remotionis) quædam significant rem, cuius veritas est in Deo, & similitudo in creatura, vt potentia, sapientia, voluntas, &c. & quædam significant rem, cuius veritas est in creatura cõsimilis proprietates in Deo, vt lapis, Leo, scilicet stabilitas, fortitudo, quæ verè est in Deo, sed esse lapidem, Leonem est in creatura: Ex quibus infertur, quod Dei cognitio est nobis innata, idest per speciem innatam, siue per lumen innatum, quod additum cognitioni acquiritur per

¶ ¶ ¶ ¶ ¶ per

per sensus in creaturis facit nos posse habere conceptum proprium de Deo, licet non exprimentem totaliter quidditatem Dei per propriam speciem abstractam.

**PRIMA** pars patet: Quia talis conceptus de Deo non potest alteri tei adaptari: ergo est proprius Dei: patet enim istos conceptus, verbi gratia, sapientiae infinitae, immensitatis non posse alteri applicari.

**SECUNDA** pars etiam patet: Quia à Deo immittitur species abstracta: est enim substantia supra omnem imaginationem: obidque mouet intellectum independentem ab ipsa imaginatione: Hincque cognoscitur per suam essentiam lib. 2. dist. 18. artic. 2. *quest. 1. in corp. in fine*, quod tamen examinatur fusè in Theologia: Ad-  
dimus, quod nec Angelorum habemus cognitionem nisi per conceptus desumptos ab his rebus corporeis, nempe vel per viam negationis, vel positionis: Idem enim dicendum est, & eodem modo discurrendum de ipsis, ac de Deo, proportionaliter tamen, &c.

§ 50. **QVÆRES** secundò: An anima pro statu isto seipsam, & proprios actus, & voluntatis cognoscat?

**PRIMA** Opinio est Heruæi, & Valentis apud Ruu. *quest. 6* affirmantis animam cognoscere se ipsam per suam substantiam, etiam in statu hoc mortalitatis: idemque asserit de suis actibus, & etiam voluntatis.

**SECUNDA** Opinio negat de cognitione propriæ quidditatis: affirmat de actibus propriis, & potentiarum: Seraph. Doct. est cum prima opinione, semper enim est totus in hoc, quod anima rationalis seipsam videt, & proprios actus: Sic lib. 3. dist. 27. art. 1. *quest. 1. in corp. & dist. 14.*

*art. 1. quest. 1. ad 3. & lib. 3. dist. 33. art. 1. quest. 2. ad 3. & lib. 2. distinct. 3. part. 2. art. 2. q. 2. ad 3. & dist. 8. p. 2. quest. vit. ad ult. & dist. 25. part. 1. art. 1. quest. 1. & quest. 3. in corp. & lib. 1. dist. 17. part. 1. art. 1. quest. 2. ad ult. & Seraph. Hexæm. (6. oportet ergo:)* & *Seraph. 5. (6. quarta ergo consideratio.)* & *alibi pluries*: Ratio autem potissima, quam adducit Seraph. Doct. in loc. cit. est, quia potentia cognoscitiva tunc cognoscit, quando habet obiectum præsens, & super illud potest ex eo, quod non est impedita, sed anima rationalis est sibi præsens, sic & eidem proprii actus sunt præsentis, & itidem proprii habitus, & super seipsam, & proprios actus, & habitus potest: ergo. Maior est certa in quacunque potentia: Minor probatur. Anima ex eo, quod caret materialitate, scilicet extensione, est super se reflexiva, & super proprios actus: non sic potentia organica, in quibus aliud est subiectum, in quo recipitur species, & aliud est principium operans: illud est extensum entitatiue: istud est extensum quoad operationem, sed actus, & habitus, & potentia rationalis animæ sunt eidem coniunctæ vel peridentitatem, vel per subiectionem cum anima: ergo est sui, & suorum actuum cognoscitiva.

**RESPONDET** Ruuius *hic quest. 7. min. 197.* concedendo talia esse præsentia animæ in ratione causali, scilicet quatenus concurrunt simul cum ipsa ad producendos actus, vel quatenus sunt effectus ipsius: non verò præsentia obiectiue, & sub ratione motiua, & immutatiua.

**CONTRA** ex Seraph. Doct. Illud est potentia alicui præsens obiectiue, quod includitur in ratione obiecti adequati ipsius, & super quod potentia



potentia potens est tendere, sed talis est anima rationalis respectu sui, & tales sunt actus, & habitus ipsius: ergo sunt præsentia obiectiui.

**PROBATVR** Min. quia certum est verificari in anima separata, sed & idem dominium habet, licet non cum tanta perfectione, dum est in corpore: ergo.

**RESPONDET** negando paritatem de anima separata, & dum est in corpore, à quo dependet in cognoscere per species sumptas à Phantasia.

**CONTRA:** Anima independenter à corpore amat seipsam, & proprios actus: ergo & cognoscit: sunt enim potestates identificate, & subordinate. Tum quia etiam in corpore anima est super se reflexiua, & super actus suos, cognoscit enim se cognoscere: Item cognoscit quidditatem actuum, verbi gratia, an sit simplex apprehensio: an iudicium: an discursus. Tum quia actuum præteritorum recordamur: ergo certa est remansisse speciem ipsorum in memoria, per quod corrumpitur responsio Ruuij, qui dicit non esse propriam reflexionem super actus suos, sed sicut directe cognoscit per speciem obiecti materialis, sic & sit reflexio super idem obiectum: corrumpitur enim hæc responsio ex hoc, quod in reflexione obiectum nihil aliud dicit præter terminationem actus directi, non verò reflexi: ergo in reflexione attingitur actus rectus tantum, cum in recordatione solum ipse attingatur.

§ 51. **OBIECTES** cum Ruuij: Obiectum intellectus pro statu isto est tantum ens materiale: ergo si cognoscit spiritualia, id erit auxilio Phantasmatum, & rerum corporearum: ergo falsa nostra Conclusio.

**PROBATVR** antecedens: Quia pro statu isto dependet in cognitione à sensibus externis, & internis: & nihil est in intellectu, quin prius transierit in sensu.

**SED** iam hæc obiectio aliàs est soluta, idcirco de nouo negatur antecedens absolute: & ad probationem responderetur dependere quidem à sensibus in cognitione materialium, à quibus extrahere debet species, sed non in cognitione spiritualium, quæ cognoscit secundum essentiam, & per speciem innatam: Verum quidem est, quod cognitio horum spiritualium, dum anima est coniuncta corpori, est satis imperfecta, & ob connexionem, quam habet intellectus cum Phantasmatibus, est facile valde miscere cognitionem horum spiritualium cum materiali cognitione, & quodammodo ipsa materializare, ut ita dicam: & hinc oritur aliquando deceptio nostra.

**OBIECTES** secundò cum eodem: Anima est actus corporis seipsam secundum essentiam communicans eidem: ergo & operationes suas, & modum.

**PROBATVR** consequentia: Quia in suo esse per informationem perficitur in corpore: ergo & in operari, quod consequitur ipsum esse.

**RESPONDET** S. Bonavent. lib. 2. dist. 8. part. 1. artic. 3. quest. 2. in corp. quod communicat quidem anima suum esse corpori, & secundum hanc inclinationem perficitur in corpore, quatenus est forma, & quatenus est etiam motor: exercet enim operationes in corpore, & cum corpore, & per corpus: sed alias etiam operationes habet, prout est substantia spiritualis per se existens, quas sine concursu corporis

KKK 3 exercet.

exercet, & sunt operationes rationales: Vide Seraph. Doct. lib. 2. dist. 3. 1. art. 1. quest. 1. ad 3. & lib. 2. dist. 25. part. 2. ad ultim. ubi optimè explicat, qualem dependentiam habeat à corpore etiam in actibus rationalibus, nempe debitam dispositionem respicientem supremum in corpore, secundum quod conformatur animæ secundum supremum ipsius, quæ dispositio sumitur secundum nobilissimos spiritus, qui locum habent in nobilissimis organis corporis: hinc lætis istis organis facile tollitur vsus rationis: attamen hæc dependentia non impedit, quin anima habeat vim super se reflexiuam etiam in corpore absque dependentia à Phantasmatibus, ex hoc quod habet insitum lumen naturale, seu speciem innatam ipsam informantem, & ponentem in actu primo, ut dictum est.

**OBIICES** tertiò contra supra positam Conclusionem vtriusque antecedentis quæsit: Omnia ista cognoscuntur per speciem abstractam: ergo falsa vtraque Conclusio.

**PROBATVR** antecedens: nam si habent res corporeæ vim productiuam suæ similitudinis, multò magis res spirituales.

**RESPONDETVR** ex principiis Seraphicis negando paritatem: nam dato, quod res spirituales habeant talem vim productiuam: tamen quia intellectus, dum est in corpore, dependet in recipiendo species à sensibus: obidque tantum ex entibus materialibus habet recipere species abstractas, dum est in corpore, quarum adiutorio postea potest cognoscere per lumen innatum etiam spiritualia, sed imperfecto modo, ut dictum est: Dum autem est separata, tunc

potest percipere species, quæcunque illæ sint.

**§ 2. QVÆRES** tertiò. An intellectus possit plura obiecta vnico actu cognoscere?

**RESPONDETVR** distinguendum esse de intellectu beato, modoque supernaturali, & de coniuncto carni mortali, & de obiecto multiplici, scilicet quando sunt subordinata: vel quando sunt disparata. Hinc loquendo de intellectu pro statu isto in ordine ad obiecta subordinata, siue sumantur per modum vnius, siue per modum plurium, possunt videri plura, sic videns imaginem in speculo, videt speculum, & videns litteras, videt cartam, albedinem, nigredinem, &c. patetque experientia: Si verò sumantur obiecta per modum plurium disparatorum, tunc non possunt percipi ab intellectu naturaliter vnico actu: Sic Seraph. Doct.

lib. 2. dist. 2. part. 2. art. 2. quest. 2. ad 4. & dist. 3. part. 2. art. 1. quest. 2. & dist. 9. art. 1. quest. 1. in corp. & lib. 3. dist. 16. art. 2. quest. 2. ad 5. & dist. 18. artic. 1. quest. 1. ad 3. & distinct. 14. art. 2. per totum quest. 2. ad 1. Ratio est, quia intellectus est potentia finita, & simplex, quæ tota secundum se vertitur ad obiectum, & ab obiecto capitur, nec potest dari species abstracta, quæ simul plura disparata possit representare, item nec expressa: Loquendo verò de cognitione per virtutem supernaturalem

**RESPONDET** S. Bonauent. lib. 4. dist. 43. art. 1. quest. 3. quod potest intellectus simul cognoscere, idque tribus modis: primo ratione eius, in quo quis videt, verbi gratiâ, in speculo æretno, & Verbo: secundo ratione sublimitatis intellectus per deiformitatem, & gloriam, sic Angelus

gelus simul videt res in Deo, & in proprio genere: tertio ratione Diuinæ virtutis concurrentis, & hoc ad pœnam, vel ad gloriam, sic damnati vident multa disparata ad sui maiorem cruciatum.

## QVÆSTIO VIII.

*Quid sit Intellectio, & in quonam consistat: ubi de verbo mentis, quid sit, & quomodo producatur.*

553. **P**RO explicatione tituli aduertendum est ex S. Bonau. *lib. 1. distinct. 3. part. 1. quest. 1. in arg.* quod ad intellectiōnem integram quatuor requiruntur: Primum est proportio inter potentiam, & obiectum: Secundum vniō ipsorum: Tertium iudicium, seu expressio, seu apprehensio de obiecto cognito: Quartum est ipsum verbum receptum in potentia. Quæritur ergo, in quonam ex dictis intellectio formaliter consistit, & an verbum mentis sit ali-quod ex ipsis: an aliquid productum ex intellectuione.

THOMISTÆ sustinent intellectuonem formaliter consistere in actione producta ab intellectu, & specie tanquam à duabus concausis, ipsamque terminari ad verbum per ipsam productum: hinc formaliter intelligere secundum ipsos est producere verbum: Sic D. Thom. *part. 1. quest. 27. art. 1. & quest. 34. art. 1. & quest. 8. de potentia artic. 1.* Caier. Conimbric. Molina, Salmatic. & communiter Alij Sequaces.

SECUNDA Opinio opposita est Aureol. Egidij, Aliorumque apud Mastrium *disp. 6. num. 27.* qui volunt

intellectiōnem formaliter consistere in receptione vel speciei abstractæ, vel expressæ iuxta varia principia ipsorum.

TERTIA Opinio est Hurtadi recognoscentis formalitatem intellectuionis in his tribus ipsam integran-ribus, scilicet in actione, passione, & qualitate illa producta, & recepta in potentia vitali: Sic Hurtad. *disp. 6. de an. sect. 1. & 2.*

QUARTA Opinio est Scoti, No-min. Pluriumque Aliorum, Suarez *disput. 48. Met. sect. 2. & lib. 3. de an. cap. 5. & part. 1. tract. 1. lib. 2. cap. 11. & 13. Valsq. part. 1. disp. 38. cap. 2. & disp. 112. cap. 4. & disp. 141. cap. 4.* Arriag. &c. docentium intellectuonem formaliter non esse ipsam actionem productam, sed esse qualita-tem vitalem productam per actiō-nem, qua intellectus ipsam recipiens intentionaliter assimilatur obiecto. Et de verbo mentis non est minor controuersia: Nam

THOMISTÆ volunt esse simili-tudinem formalem, & expressam rei cognitæ productam per actum intel-ligendi. Alij esse speciem impressam priorem actuali intelligentia: Alij esse obiectum cognitum. Scotistæ volunt esse ipsam intellectuonem, vt naturaliter productam à memoria secunda per actum dicendi, & di-citur species expressa: Seraph. Doct. videtur quidem varius in suis dictis: attamen verè est cum hac vltima opinione: immò Scotus ipse videtur præcipua puncta spectantia ad hanc sententiā excerptisse ex S. D. quod etiam notauit Burleser in D. Bonau. *disp. 27.* Pro solutione Quæstionis

554. PRIMò Notandum, quod cum duplex sit actio: alia secundum rem: alia secundum modum tantum

ex Seraph. Doct. lib. 1. *dist. 40. quæst. 1. ad 2.* Prima est realis, & Physica, & in potentia virali est actus vitalis excreans vitam Physicam, verbi gratiâ sensificando, vegetando, &c. alia est immanens, & intentionalis, quæ propriè non est de genere actionis Physicæ, sed tantum dicitur actio metaphoricè absque influentia Physica ex Seraph. Doct. lib. 3. *dist. 14. art. 1. quæst. 3. ad ultum.* obidque est potius quædam qualitas formalis, quatenus constituit potentiam operantem, eamque cum obiecto copulantem, & vniuentem intentionaliter, eo modo quo lux dicitur formaliter lucere, & flores florere: & à Seraph. Doct. lib. 2. *dist. 10. art. 3. quæst. 1.* explicatur sic, quod talis actio sit quædam protensio, seu tendentia, seu vniio cum obiecto, secundum quam intellectus intuetur, vel iudicat, vel exprimit ipsum, simulque ipsi assimilatur intentionaliter: Hinc Scotistæ distinguunt de actione productiua, & operatiua: primam appellant S. Bonavent. *c. 14.* actionem secundum rem: secundam secundum modum: primam Scotistæ appellant actum viralem productiuum actus vitalis, seu dictionem, seu visionem, estque de genere causæ efficientis: secundam appellant ipsamet actum vitalem, seu speciem expressam, seu verbum, quo ipsum operans perficitur vltimatè, sitque simile obiecto intentionaliter.

555. SECUNDò Notandum, quod cum Verbum sit signum, seu medium dicens, & exprimens conceptum interiorè: id duobus modis potest fieri (ait Seraph. Doct. lib. 2. *dist. 10. art. 3. quæst. 1. & dist. 13. dub. 3. & lib. 1. dist. 27. pars. 2. quæst. 1.*) scilicet dicendo, & loquendo sibi, vel alteri:

Vnde dicere, seu loqui ad se est aliquid mente concipere, seu sibi exprimere: loqui ad alterum est suum conceptum interiorè exprimere exterius voce sensibili: Ad primam loquutionem hæc necessariò concurrunt: primò species impressa, seu abstracta, per quam receptam in intellectu possibili fecundatur intellectus, & penitit in actu primo, vt possit intellectionem gignere, & dicitur memoria fecunda, seu mens: secundò concurrir actio, seu dictio, seu intellectio actiua, seu productiua, qua intellectus denominatur productiuus intellectionis simul cum specie intelligibili, & muratus realiter de non producente ad esse producens, & hæc actio propriè dicitur Dictio, seu gignitio, seu loquutio: tertid passio, seu receptio passiuæ eiusdem intellectionis, & actionis immanentis, per quam dicitur intellectus realiter muratus de non habere ad habere intellectionem: quarrò est terminus talis dictionis, seu loquutionis, seu productionis, estque species expressa, seu qualitas, seu verbum, per quam intellectus, qui priùs per dictionem denominabatur efficienter intelligens, nunc per istam qualiratem denominatur formaliter intelligens eo, quod habet in se intellectionem, seu intelligentiam tanquam formam, sicut habere in se qualiratem est esse quale: & hæc qualitas est similitudo obiecti intellecti ipsam representans sub ratione cogniti, exprimensque, quod priùs latebat in memoria sub ratione intelligibilis: quintò, & quia ex pluribus notitiis actualibus resultat habitus quidam informans intellectum, vt faciliùs, & promptiùs possit iterum exire in cognitionem obiecti

iam

iam intellecti; hinc potest esse quæstio, an in hoc habitu possit consistere ratio verbi: an in aliquo ex supra allatis.

556. TERTIO Notandum, quod aliter in Deo, aliter in nobis sit locutio, seu expressio conceptus interioris, ut notat Seraph. Doct. lib. 1. dist. 27. p. art. 2. quæst. 1. ad 3. & dist. 32. art. 2. quæst. 1. ad 5. In nobis dictio antecedit Verbum, & ob id intelligere est medium, seu id, quo producit Verbum, quod est intelligentia, seu notitia actualis consequens ut effectus ad actionem intellectiōis, idcirco enim producimus Verbum, ut intelligamus actu. In Deo verò intelligere actualiter est actus essentialis communis tribus personis Diuinis non productus, nec productiuus, sed operatiuus, alioquin non esset essentialis, si esset productiuus, & quia Pater intelligendo se fecundat suam memoriam, idcirco sic exprimendo seipsum concipit, & producit verbum: & hinc Deus non producit Verbum, ut intelligat, cum ante ipsum intelligat essentialiter; sed producit Verbum ex vi fecunditatis suæ memoriæ, conueniunt tamen in hoc, quod utrumque verbum producit per actionem dictionis, seu per generationem, quæ in Diuinis identificatur cum Patre: est enim actus notionalis: in creatis differt realiter à dicente: His positis

557. PRIMA CONCLUSIO: Intellectio nostra non consistit formaliter in actione productiua speciei expressæ: neque intelligere formaliter est Verbum mentis producere: Est S. Bonavent. Scoti, & Aliorum contra Thomistas.

Quod sit opinio germana S. Bonavent. patet ex iis, quæ tradit in R. P. Bart. de Castrov. Phil. P. III.

lib. 1. dist. 27. part. 2. q. 1. & seq. quibus tamen non obstantibus iterum

PROBATVR ex eodem Seraph. Doct. præcipue lib. 3. dist. 14. artic. 1. quæst. 1. Omnis actus cognoscendi perfectus formaliter sumptus est à sapientia, seu forma assimilante potentiam cum obiecto: sed actio non habet hanc vim assimilatiuam: ergo debet esse ab aliqua alia forma: Actio enim non facit simile, sed tantum formaliter dicitur ut à quo, & formaliter denominatur agens in ratione agentis: Tum quia actio tantum efficienter reddit intelligentem, non autem formaliter: sicut calefactio non facit formaliter calidum, sed est calor productus per ipsam: ergo vera prima pars Conclusionis, scilicet quod intellectio formaliter non consistit in intellectu actione actiua; seu in actione productiua.

PROBATVR secundò contra Thomistas ponentes per intellectuonem produci Verbum: Verbum per intellectuonem productum ut quid distinctum ab ea est prorsus superuacuum, & ad nihil deferuit: ergo falsa positio Thomistarum.

PROBATVR antecedens: vel enim ponitur, ut intellectio habeat suum terminum, cum sit actio: vel ponitur ad habendam similitudinem, speciemque expressam obiecti, vel ad habendam præsentiam obiecti, quando non est per seipsum intimè præsens: hæc enim sunt variae rationes, quas diuersimodè afferunt Thomistæ, qui, ut notat Meldul. assump. 6. non tam variè loquuntur, ut vnus author vix conueniat cum alio, immò cum seipso, qui nec consequenter loquuntur: sed ad nullum ex dictis est necessaria productio Verbi per intellectuonem: ergo.

— L I I

PROBATVR

PROBATVR Minor, scilicet quod Verbum non est necessarium, vt sit terminus intellectiōis: Intellectiō non est actiō propriē dicta, sed est actiō secundū modum tantū, vt loquitur Seraph. Doct. *cir. in primo Notab.* quæ ex Arist. 9. *Metaph.* 1. 16. nullum p̄orsus terminum habere per ipsam productū, quod & iidem Thomistæ admittunt in visiōe beata, quia non potest dari species expressa Dei, eo quod deberet esse eiūdem identitatis cum Deo. Tum quia propriē vitalis operatiō non est actiō in toto rigore sumpta; Dicitur autem actiō per quandam analogiā ad veram actionem: & hoc ob duas conditiones, in quibus veræ actioni assimilatur: altera est, quia semper est in fieri dependenter ab agente in quocunque instanti, in quo durat: secunda est, quia actiō propriē dicta transit in terminum simpliciter accipientem nouū esse per ipsam: at operatiō vitalis transit in terminum, idest in obiectum, non simpliciter accipiens esse, sed secundū esse diminutum, & cognitum, seu intentionale: ergo ex hoc capite non est necessarium verbum distinctum ab intellectiōe.

Nec ex secundo capite, scilicet ad habendam similitudinē expressam obiecti (vt dicunt Conimbric. *lib. 3. cap. 8. quest. 3.*) ratio est, quia ipsa intellectiō est sufficiens similitudo, & actualis representatiō obiecti, & ipsa intellectum informans reddit eū cognoscentem, & assimilat obiecto intentionaliter. Tum quia ex hoc capite actus voluntatis non haberet terminum productū, quia voluntas volendo non fit similis obiecto, sicut intellectus intelligendo: ergo nec ex hoc capite, &c.

Nec ex tertio capite, scilicet ad habendam præsentiam obiecti, quando non est per se intimē præsens, vt est Deus: quia vel desideratur præsentia obiecti habitualiter, & hæc habetur per speciem impressam, seu abstractam: vel vt sit actualiter, & in actu secundo: sed hæc sufficienter habetur per ipsam intellectiōem representantem formaliter, & intentionaliter obiectum potentiæ: ergo hoc verbum Thomistarum est superfluum.

CONFIRMATVR: Quia si Deus immitteret intellectiōem ip̄ intellectu, tunc Deus non intelligeret ea intellectiōe. Sed tantū intellectus ille, in quo causaretur, & tamen sine productione verbi esset assimilatio, & præsentia obiecti sufficiens: ergo.

§58. SECUNDA CONCLUSIO: Intellectiō formaliter non consistit in receptione passiuæ speciei impressæ, vel expressæ, licet non possit esse sine passione, sed consistit formaliter in illa qualitate vitali, quæ dicitur Verbum, seu species expressa, & qua intentionaliter potentia assimilatur obiecto, cuique coniungitur: Est S. Bonavent. *loc. cit.* sup̄, & infra, item Scoti apud Meldul. *cit.* & Aliorum.

PRIMA pars patet ex traditis de potentiarum sensatione: Quia non fit sensatio formaliter vitalis per solam receptionem speciei. Tum quia intellectiō per solam receptionem respicit subiectum in quo, non obiectum ad quod, sed de ratione intellectiōis est, quod respiciat obiectum, & illi vitaliter vniat intellectum: ergo non consistit præcisē in hac receptione. Tum quia per operationem vitalem aliquo modo potentia actiue exercetur (vt docet Seraph.

Seraph. Doct. lib. 3. *distinct.* 14. *art.* 1. *quæst.* 3. *ad ultim.* sed per solam receptionem omni alio præciso intellectus actiue non exercetur. Tum quia Deus posset immittere intellectiorem in distracto actualiter, vel dormiente, vel phrænetico, & tunc non verè intelligeret: ergo non in sola receptione.

PROBATVR secunda pars: Quia per intellectiorem formaliter intellectus fit intelligens, & assimilatus obiecto intentionaliter, sed non potest fieri talis nisi per formam accidentalem receptam, qua simul tendat in obiectum: ergo est qualitas non de genere actionis, sed qualitatis: & patet torum ex reductione facta secundum omnes alios modos refutatos.

Et hinc patet, qualiter minùs consequenter procedant Thomistæ appellantes intellectiorem, & veram actionem productiuam, & simul de genere qualitatis, qualitas enim non est productiua termini, sed ipsa est potius terminus productionis.

§ 59. ADDIMVS tamen ex Seraph. Doct. regulariter hæc tria concurrere in intellectu, scilicet actionem, passionem, & vitalem qualitatem: licet enim formaliter consistat in hac vltima, tamen concurrunt alia duo vt integrantia, vel prærequisita ad ipsam intellectiorem: Sic Seraph. Doct. lib. 2. *distinct.* 24. *part.* 1. *art.* 2. *quæst.* 4. *ad* 4. ubi dicit, quod licet intelligere possit dici actus simplex: attamen concurrunt naturaliter in nobis & recipere, & iudicare, siue abstrahere, & suscipere, qui sunt actus adinuicem ordinati, ex quibus resultat vnus actus perfectus: & lib. 3. *distinct.* 14. *art.* 1. *quæst.* 3. *ad ultim.* dicit, quod etsi ad perfectionem co-

gnitionis aliquo modo concurrat non solum passio, sed etiam actio, non tamen concurrat actio, quæ fit per aliquam influentiam, vel impressionem ipsius cognoscentis in cognoscibile, sed solum per quandam protensionem, & tendentiam: Et *ibidem art.* 2. *quæst.* 1. *ad* 2. quia in cognitione requiritur assimilatio: hæc non tantum est per speciem acceptam ab obiecto, vel appropriatam ipsi obiecto, sed etiam per assimilationem ad illud, quod est ratio cognoscendi cætera.

§ 60. OBJICIES primò: Intellectio ex vi nominis dicit agere, ergo est actio, ergo per ipsam produciatur Verbum.

CONFIRMATVR ex Seraph. Doct. lib. 1. *distinct.* 27. *part.* 2. *art.* 1. *quæst.* 1. in corp. dicente, quod mens intelligendo concipit, & intelligendo aliud concipit simile sibi, quia intelligentia assimilatur intellecto: ergo præsupponitur ad verbum intellectio.

RESPONDETVR intellectiorem esse actionem intentionalem, obidque dicit actionem grammaticaliter tantum: non enim vniuocè conuenit cum actione Physica, & productiua.

RESPONDETVR ad rextum Seraph. Doct. se exprimere *ibidem* quod id, quod prærequiritur, est dictio, non verò intellectio formaliter: verba autem suprà allata explicant rationem formalem verbi, quod est intelligentia, & intelligere actuale, seu formaliter, non efficienter, seu productiue.

OBJICIES secundò: Intellectio necessariò terminat ad aliquid extra se: ergo est vera actio.

RESPONDET Seraph. Doct. lib. 3. *dist.* 14.

*dist. 14. quest. 3. ad ult.* quod terminat ad cognoscibile per quandam tendentiam, non per veram influentiam Physicam, quæ protensio consistit in conceptione obiecti, simulque in assimilatione intellectus cum ipso: Sic & *lib. 1. distinct. 27. p. 11. 2. quest. 1.* Idem & Scotus *lib. 1. dist. 27.* apud Mastrium *cir.*

OBIECIES tertio: Dicitio est actio immanens, & simul Physica, & terminum à se realiter distinctum habet: ergo si intellectio est actio immanens, potest habere terminum à se realiter distinctum.

RESPONDETUR inmanentiam actus non tollere, quin producat terminum, sed tantum quando actus immanens non est actio secundum rem, ut loquitur S. Bonavent. id est actio non realis, & Physica, & productiva, ut est intellectio formaliter: Dicitio vero est vera actio, hincque negatur consequentia.

OBIECIES quarto: Intelligere est vivere: vivere autem est operari aliquid immanenter. Tum quia intellectus ut intellectivus est expressivus obiecti, sed id non potest reduci ad actum secundum absque actione: ergo. Tum quia dicitio non potest fieri nisi intelligendo.

RESPONDETUR intelligere esse vivere intentionale, non autem Physicum. Ad illud, quod sine actione intellectus non potest exire in actum secundum?

RESPONDETUR ex traditis, quod necessarium in nostra intellectione prærequiritur actio, & receptio, ad quas sequitur intellectio formaliter: Ad aliud de dictione

RESPONDETUR esse verum causali-ter, non formaliter, id est dicitio est actio productiva verbi.

OBIECIES quinto: Quod intellectio est passio, ait enim Aristot. quod intelligere est quoddam pati.

RESPONDETUR Seraph. Doct. *lib. 3. distinct. 14. quest. 3. ad ultim.* quod non est formaliter pati, sed tantum præsuppositivè: requiritur enim, ut dictum est, receptio.

OBIECIES sexto: Si intellectio est qualitas: ergo est quid absolutum, sed intellectio dicit respectum ad obiectum: ergo non est qualitas.

RESPONDETUR esse quid absolutum includens respectum transcendentalem ad obiectum: sic negatur consequentia: hæc relatio enim est representatio ad representatum, quod & dicitur de specie.

561. TERTIA CONCLUSIO: Verbum rectè definitur sic a Seraph. Doct. *lib. 1. d. 17. part. 2. quest. 3.* Verbum est similitudo expressa, & expressissima concepta vs spiritus intelligentis, secundum quod se, vel aliud intueretur.

EXPLICATUR, & simul probatur: Dicitur (*similitudo*) loco generis: Dicitur (*expressa*) per quod differt à specie impressa: Dicitur (*expressissima*) quia ultra esse actum, vel terminum productum ab intellectu habet exprimere rationem obiecti, ob quam expressionem dicitur notitia actualis dicens respectum expressionis ad obiectum: Dicitur (*concepta vs spiritus intelligentis*) quia habet esse per conceptum quem actua-lem, quæ dicitur d'ctio, & loquutio, seu generatio, & ab intellectu formato à specie abstracta, seu impressa, ob quam dicitur mens, seu memoria secunda, per quod habet rationem verbi includentis respectum ad principium producens, quod est spiritus intelligens,



intelligens, idest intellectus formatus obiecto, seu ipsius specie, &c. & hinc duplex includitur relatio in verbo: altera, provt est intellectio, seu expressio obiecti ad ipsum obiectum: altera, provt est verbum, scilicet ad suum principium totale producens, quod est intellectus cum specie obiecti: Dicitur (*secundum quod se, vel aliud intus*) per quod explicatur similitudo expressa, quam acquirit per ipsam intellectus: sit enim similis obiecto intentionaliter.

A Scoto verdè sic definitur: Verbum est *actus intelligentia* (idest intellectus actu intelligentis) productus à memoria perfecta non habens esse sine actuali intelligentione repræsentans verbum Divinum: quæ definitio coincidit cum suprà tradita à Seraph. Doct. vt rectè observavit Brulefer in S. Bonau. dist. 27. cit. solùmque hîc addendum, quod notat Meldul. hic num. 50. nempe quia licet verbum non sit quid distinctum ab intelligentione formaliter sumpta: attamen in ratione verbi aliquid intelligentioni superaddit actuali notitiæ: nam eadem qualitas cum respectu ad obiectum in ratione termini constituitur in esse notitiæ, & cognitionis declarantis, & exprimentis illud: at cum respectu non solùm ad obiectum, & intellectum in ratione principij totalis naturaliter producentis constituitur in ratione verbi, quod idè dicitur proles mentis, hinc vt verbum includit respectum naturaliter producti ad producens, scilicet ad memoriam fecundam in ratione notitiæ actualis ad obiectum expressum.

ADVERTIT etiam, quod verbum nostrum repræsentat Verbum Divinum non tamen omnimodè, quia Nos constituimur intelligentes per

Verbum: non sic Pater in Divinis, qui est priùs intelligens per notitiam ingenitam, & essentialem identificatam: & ratio differentiæ est, quia Nos producimus intelligentionem ex indigentia, vt scilicet per eam formaliter intelligamus: at Pater Divinus non producit Verbum; vt intelligat, cum intelligat per notitiam ingenitam productam à Divino intellectu concurrente essentia per simplicem emanationem: at producit Verbum ex plenitudine perfectionis: quia memoria fecunda naturaliter, & necessariò producit prolem, quæ in Divinis est substantia, in nobis accidens: substantia, inquam, in Deo, quia persona Divina fecundatur ab essentia sua sibi realiter identificata: in nobis accidens, quia memoria fecundatur ab accidente, scilicet specie: vnde Seraph. Doct. lib. 1. distinct. 27. quæst. ult. ad. ultim. notat, quod in Deo Verbum habet cum dicente identitatem substantialem, & simultatem naturalem, non sic in Verbo nostro.

562. Ex quibus sequitur primum, quod verbum mentale verè, & propriè producitur à memoria fecunda per actionem realiter ab ipso verbo distinctam, quæ dicitur Dictio: Sic S. Bonavent. lib. 1. dist. 27. cit. & est expressa sententia S. August. d. Trinit. cap. 7. 8. pater, ait Seraph. Doct. ex paritate verbi vocalis, per quod venimus in cognitionem mentalis: Verbum enim vocale verè producitur per loquutionem, & per dictionem corpoream: sic & mentale. Tum ex paritate Verbi Divini, quod producitur à Patre per veram actionem generativam, quæ quidem identificatur cum Patre ob eiusdem infinitatem, & hinc terminus est persona per



non sit verè producta, licèt sit à memoria fecunda, non est verbum, resultat enim quadam emanatione rationis : Defectu secundæ visio Dei in beatis non est verbum, eo quod licèt sit naturalis similitudo Diuinæ essentiæ, non tamen naturaliter producit ab ea, sed liberè, est enim obiectum voluntarium : oppositum tamen est etiam probabile, cum non sit necessarium vtramque causam generationis prolis esse naturalem, sic & liberè Spiritus Sanctus concurrit cum B. Virgine ad generationem naturalem Christi : attamen oppositum est probabilius : nam, vt ait Seraph. Doct. cit. debet esse verbum naturale quoad originem, & à mente procedere per modum naturæ, nempe à memoria fecunda, ita vt origo sit naturalis ; cum autem tam potentia, quàm obiectum concurrant tanquam origo ad verbum : hinc, &c. alioquin etiam Spiritus Sanctus procederet per modum naturæ, quia licèt liberè procedat ex parte potentæ, scilicet voluntatis, naturaliter tamen ex parte obiecti procedit, cum producat per omnia similis Patri, & Filio. Et ad id de Conceptione Christi, Respondet Meldul. quod concursus Spiritus Sancti fuit merè accidentalis, cum exigeret ex sui natura concursum Matris, & Patris, cuius Spiritus Sanctus suppleuit vices, non sic visio beata, nec Spiritus Sancti processio ; hæ enim exigunt naturaliter produci : De visione tamen beata, vt visio est, dicendum est exigere naturalitatem in productione, vt beata verò est, exigere produci ab obiecto voluntario : vnde vtrumque potest probabiliter sustineri.

§64. QVÆRES : an Intellectio, seu Verbum ita pendeat ab intellectu

vt à causa producente, vt non possit etiam per absolutam Dei potentiam vitaliter operari absque ipsius productione.

PRIMA Opinio negat id posse fieri : estque communis Thomist. apud Meldul. *disput. 2. num. 41.*

SECUNDA est Scoti, Seq. & communior affirmantium Deum posse in qualibet potentia proprium actum imprimere, & tunc vitaliter operari.

S. DOCT. non agitat hanc questionem vllibi : attamen infero ex eius doctrina ipsum stare cum hac secunda opinione : docet enim *lib. 3. dist. 14. art. 1. quæst. 3. ad ult. & lib. 2. dist. 23. quæst. ult. ad 6.* animam in cognoscendo plus se habere in ratione passiui, quàm actiui : & hinc anima videt Deum, quia infunditur lumen gloriæ ponens in actu primo intellectum, & assimilans ipsum obiectiue Deum : hinc infero Deum posse infundere in intellectu actum reddentem ipsum similem obiecto.

PROBATVR autem hæc Conclusio communi, & vniuersalissimo principio : Quod Deus potest cum causa secunda, potest se solo in genere causæ efficientis, sed cum intellectu potest producere intellectiorem in eodem intellectu, ergo & se solo : Tum quia nulla contradictio potest assignari.

RESPONDENT implicantiæ oriri tum ex vitali operatione, quæ exigit habere esse à principio viuo, alioquin non esset vitalis : tum quia verbum essentialiter dicit respectum ad producentem, nempe ad intellectum, in quo est.

SED respondetur in tali casu tales actus fore vitales, eo quia per tales actus potentia attingeret obiectum ;  
nec

nec est necessaria vita Physica in ipsis, sed sufficit intentionalis, quatenus potentia viua per ipsos tendit in obiectum: Ad aliud respondetur, quod tales actus non essent verbum, verbum enim dicitur pro materiali intellectionem, & pro formali respectum producti ad producens, unde non quælibet intellectio est verbum, ut est simplex apprehensio.

### QVÆSTIO IX.

*Quotplex sit intellectio: ubi varia dubia solvuntur circa multiplicem intellectionem*

565. **B**REVITER Respondetur, quod ad tria capita, seu species reducuntur omnes operationes intellectus: Prima dicitur simplex apprehensio: Secunda iudicium: Tertia discursus: Sic etiam S. Bonauent. in Itiner. Ment. cap. 3. Ratio est, quia, quicquid apprehenditur ab intellectu, apprehenditur vel simpliciter absque affirmatione, vel negatione, & in hoc stat simplicium terminorum apprehensio: vel cum affirmatione, vel negatione, & in hoc stat apprehensio propositionis: vel procedendo de vno noto ad aliud ignotum, & in hoc stat discursus, & apprehensio Syllogismi.

**A**DDIMVS verum quidem esse, quod alix multæ operationes attribuantur intellectui, quæ tamen ad aliquam suprà dictarum reducuntur, ut sunt abstractio, præcisio, reflexio, cogitatio, reduplicatio, attentio, dubitatio, imperium, consilium, de quibus dicemus infra: Ut autem melius dignoscatur natura dictarum

operationum, proponuntur sequentia dubia.

**QVÆRITVR** primò: Quodnam sit obiectum proprium simplicis apprehensionis, an sint solum termini siue simplices, siue completæ etiam propositiones: an etiam discursus?

**R**ESPONDETUR, quod licet videatur S. Doct. asserere in Itiner. c. obiectum huius operationis esse tantum terminos, attamen intelligendus est quoad obiectum principale (nam lib. 3. dist. 24. art. 1. quæst. 3. ad 3.) docet posse apprehendi ab intellectu aliquid vel per modum complexionis, vel incomplexionis; est & Scoti, & communior DD. apud Mastr. num. 280. idque patet, quando apprehendimus simul utramque partem problematis, & contradictionis, absque eo quod alteram ipsarum rejiciamus suspensi ad utrumque significatum, quia sicut per simplicem apprehensionem concipere possumus extrema, ita etiam & connexionem ipsorum: vno enim est quid vnum, & simplex, nec præcisè exigit determinationem ad alteram partem, nisi quando est iudicium; nam, ut notat Seraph. Doct. lib. 4. dist. 1. c. 6. part. 1. art. 3. quæst. 1. ad 3. potest dari collatio duorum absque successione, quando scilicet accipiuntur sub vna ratione.

566. **QVÆRITVR** secundò: an veritas, & falsitas sit in simplici apprehensione?

**H**IC autem non est sermo de veritate, quæ est proprietas entis, & dicitur veritas in essendo: nec de veritate in significando, quæ propriè conuenit vocibus, & signis, sed de veritate in representando, & cognoscendo, quæ propriè conuenit conceptui intellectus, quando verè exprimit,

exprimit, & repræsentat rem, sicuti est, atque ideo formaliter dicit conformitatem conceptus repræsentantis ad obiectum in re.

**R E S P O N D E T** Igitur Meldul. ad esse veritatem, non verò falsitatem: Ratio primæ partis est, quia veritas est conformitas signi ad signatum, & intellectus ad obiectum, sed in simplici apprehensione adest hæc conformitas: ergo: Idque asserit S. Bonavent. *lib. 1. dist. 28. dub. 1.* dicens, quod intellectus, dum apprehendit rem aliquam, simul & apprehendit rationem intelligendi, per quam conformatur ipsi rei: Idem enim verum potest apprehendi sub modo complexionis, & incomplexionis, ait S. Doct. *lib. 3. dist. 24. art. 1. quæst. 3. ad 3.*

**R A T I O** secundæ partis est, quia si intellectus apprehendit simpliciter rem esse, quæ non sic est, vel tali modo, sicuti non est, tunc apprehendit cum deceptione, & ignorantia, verbi gratiâ, apprehendit auriculæ pro auro, tunc interuenit etiam deceptio, & ignorantia, non propriè falsitas: hæc enim est cum iudicio, & compositione prædicatorum repugnantium: potest tamen dici aliquo modo interuenire etiam falsitatem simplici apprehensioni, prout dicit nescientiam, vel ignorantiam, & deceptionem.

**A D V E R T E N D U M** tamen hanc veritatem simplicis apprehensionis esse formalem incomplexam, non verò complexam, & obiectiuam: hæc enim consurgit in intellectu se reflectente super actum suum, & comparantem ipsam ad obiectum, vtrum sit ei similis, & conformis: an non; quæ non est sine compositione, & diuisione, obidque in sola operatio-

*R. P. Bart. de Castrovetre Phil. P. III.*

ne complexa, & hæc est potior, quia non solum est subiectum veritatis, sed est etiam ipsius iudex, quod & notat S. Bonavent. *lib. 1. dist. 3. cit.*

**567. Q V Æ R I T U R** tertio: qualiter differat iudicium à simplici apprehensione?

**R E S P O N D E T U R** ex Seraph. Doct. *lib. 1. dist. 3. quæst. 1. ad 3.* operationem secundam esse iudicium, quo actu intellectus more Iudicis post apprehensionem rei sententiam fert asserendo, vel negando, vtrum res sit, vel non sit.

**Q V Æ R I T U R** quarto: an intellectus eodem actu iudicet, & assentiatur propositioni: an diuersis, verbi gratiâ, an sit formalissimè idem componere hominem cum animali, & ipsi assentiri, an sint diuersi actus?

**V A S Q V E Z** *part. 1. dist. 223. cap. 3.* Alique tenent esse plures actus: Meldul. cum Scoto tenet esse vnum actum. Seraph. Doct. tenet esse plures actus: nam *lib. 4. dist. 16. cit.* docet talem collationem, quæ est in iudicio, fieri successiuè, obidque & per plures actus, & *lib. 2. dist. 24. part. 1. art. 2. quæst. 4. ad 4.* docet prærequiri receptionem, scilicet perceptionem terminorum ad iudicium: idem & asserit *lib. 2. dist. 39. art. 1. quæst. 2. & lib. 1. dist. 41. art. 2. quæst. 1. fund. 3.* dicens, quod ordo vnus rei ad alteram, cui coniungitur, in re facit compositionem: & cognitione igitur requiritur prius collatio, & deinde iudicium, & postea assensus, præsupposita enim cognitione rei, quod sit, vel non sit, sequitur assensus, vel dissensus. Idem & *lib. 1. dist. 3. part. 1. art. 1. quæst. 1. ad 4.*

**D I C E S** cum Meldul. formaliter iudicare de aliquo est illi assentiri: ergo.

**M m m**

**R E S P O N**

RESPONDETVR negando antecedens: nam iudicare de aliquo est aliquid ei intentionaliter vniri, ex quo postea sequitur assensus: Addimus tamen, quod etiam simul, & semel potest intellectus plures actus subordinatos elicere, quod & docet Seraph. Doct. de intellectu beato lib. 4. dist. 49. part. 2. art. 3. q. 2 ad 3. & hinc non implicat, quod simul sit simplex apprehensio, & iudicium.

568. QVÆRITVR quintò: quomodo, & quænam veritas, & falsitas insit in hac secunda operatione?

QVO AD veritatem Respondetur, quod cum duplex veritas formalis, siue, vt loquitur S. Bonauent. expressiua adit, scilicet complexa, & incomplexa ex lib. 1. distinct. 8. part. 1. quest. 1. fund. 1. & lib. 1. dist. 41. art. 2. quest. 1. in hac secunda operatione potest solum esse complexa: Hæc autem siue sumatur formaliter, siue obiectiue, est propriissimè in secunda operatione intellectus: quia per hanc secundam operationem verè fit reflexio, & perfecta perceptio, an actus talis sit conformis obiecto, in qua veritate verè iudicans habet potestatem super iudicatum, vt docet Seraph. Doct. lib. 1. dist. 3. part. 1. art. 1. quest. 1. ad 4.

Et hinc sequitur, quod etiam falsitas in hac secunda operatione repetitur, quando scilicet non adest conformitas inter conceptum intellectus, & rem, de qua S. Bonauent. lib. 2. distinct. 37. art. 2. quest. 3. & lib. 1. dist. 41. art. 2. quest. 2. & Nos aliàs tradidimus in Log. in quest. de veritate Enuntiationis.

569. QVÆRITVR sextò de tertia operatione intellectus: quid sit, & an diff. rat. ab aliis, & quodnam sit eius obiectum?

RESPONDETVR primò tertiam operationem intellectus esse illationem vnus ab alia, vel ab aliis propositionibus iam iudicatis, scilicet vel affirmatis, vel negatis: Vnde hæc est realiter differens ab aliis, vt de se patet: nam ista importat necessariò rationem illationis, quæ non inuenitur in secunda operatione: Tum quia habent obiecta diuersæ rationis: nam hæc tertia operatio respicit veritatem mediatam, idest deductam ex alia propositione: secunda verò operatio respicit immediatam: ergo etiam diuersos assensus exigunt: Verum quidem est à Seraph. Doct. aliquando discursum appellari nomine iudicij: sed tamen intelligendus est de iudicio non purè enuntiativo, quale est illud spectans ad secundam operationem, sed de illatio.

DICES: Ergo erit non vna simplex qualitas, sed aggregatum ex pluribus actibus: cum iudicium illationis includat actus antecedentes, & consequentes.

RESPONDETVR negando consequentiam: nam licet in omni discursu tria iudicia concurrant, scilicet antecedentis iudicium, item & consequentis, & tertio consequentiæ bonæ: atamen formaliter consistit in iudicio consequentis, prout dicit relationem dependentiæ ad antecedens, & in quo virtualiter includitur iudicium bonæ consequentiæ.

DICES posse dari assensum consequentis absque tali ordine incluso.

RESPONDETVR tunc non esse assensum discursus, sed spectantem ad secundam operationem.

ET si quæras: Quare intellectus positus antecedentibus necessitetur ad assensum

assenſum Concluſionis , non verò voluntas ad bonum propoſitum.

RESPONDET Seraph. Doct. lib. 2. cap. 50. in Comp. Theol. quia citra ſummum , & primum bonum nihil eſt ita bonum , quod non aliquid imperfectionis habeat : ſed aliquid ita eſt verum , quod nihil falſitatis habet ; hinc patet diſcrimen inter vtramque potentiam.

570. QVÆRITVR ſeptimò: an cognitio intuitiua , & abſtractiua diſferant ſpecie , vt dictæ tres operationes diſſerunt.

RESPONDET Scotiſtæ affirmatiuè : At ex principiis Seraphicis negantem partem Nos amplectimur : Ratio eſt , quia iſtæ cognitiones diſtinguntur penes terminos tantum , non penes potentiam , nec modum tendendi in obiectum : diſtinctio autem actuum ſpecifica deſumitur quidem penes obiectum , ſed per diuerſos modos tendendi in ipſum : at omnis cognitio p̄o quocunque ſtatu animæ demptâ viſione beata eſt abſtractiua , ſcilicet per ſpeciem abſtractam ab obiecto , idè abſtractiuo modo tendit quicunque actus in obiectum , quod & ſuprà de ſenſibus externis part. 2. tract. 2. quæſt. 6. explicauimus , & ſatis etiam probauimus : vnde cùm præſentia , & abſentia obiecti ſit accidentalis ipſi potentia , quia ſemper exigit ſpeciem abſtractam ab ipſo : Hinc , &c.

QVOD verò hæc ſit ſententia Seraph. Doct. infero ex lib. 4. diſt. 50. part. 2. artic. 1. quæſt. 1. in corp. & quæſt. 2. ad 3. & 4. & lib. 3. diſt. 14. art. 2. quæſt. 1. & lib. 2. diſt. 3. part. 2. art. 2. quæſt. 1. in quibus, & aliis loc. cit. in cit. tract. de ſenſibus externis quæſt. 6. ſemper ſupponit Seraph. Doct. aliquam abſtractionem ſpeciei contra

Scotiſtas apud Meldul. diſputat. 6. num. 324. negantes in intuitiua cognitione requiri concurſum ſpeciei abſtractæ , quod tamen eſt falſum , cùm ſpecies ſit concauſa cum potentia ad efficiendum actum , obiectum autem diſtans non poteſt tribuere talem concauſationem : ergo : quæ omnia procedunt de cognitione in ordine ad creaturas , non de clara Dei : hæc enim ſolum ſolū proprie intuitiua poteſt vocari , quæ ſit abſque ſpecie abſtracta , vt fuſè traditur in Theologia in tract. de viſione.

RESPONDET Scotiſtæ , quod dato etiam , quod ſint conditiones tantum obiecti , negatur ipſas non facere diſſerre ſpecie , quia ex variatione ipſarum variatur eſſentialiter effectus , tum negando , quod non diſſerant penes principia , & modos tendendi : Diſſerunt autem penes principia , quia abſtractiua cognitio nata eſt produci tantum à potentia ſimul cum ſpecie : intuitiua verò ſolum à potentia , & obiecto præſente : Item & penes modum tendendi , qui cauſatur in intuitiua ab exiſtentia obiecti : non verò abſtractiua. Sed iſtæ reſponſiones ſatis remanent ſolutæ , & conſutatæ ex dictis , maxime in citata quæſt. de ſenſibus externis : nam probatum eſt neceſſariò in potentia requiri ſemper ſpeciem abſtractam , & modum tendendi , obid non variari , cùm ſit abſtractiuo modo. Tum quia conditio præſentia , & abſentia non mutant rationem repræſentatiua obiecti , quæ in omni cognitione concurrir , & exigitur : ergo ſunt merè accidentales conditiones : tam enim intuitiua cognitio repræſentat certitudinaliter obiectum , quàm abſtractiua : hinc , &c. & daſo , quod maior claritas haberetur

in intuitiva, attamen magis, & minus in Physicis non variat speciem.

571. QVÆRITVR octaud: quid sit, & quotuplex cognitio comprehensiva?

QVÆSTIO hæc habet locum in tract. de visione beata, vnde hæc tantum raptim soluetur: Hinc

RESPONDETUR duplicem dari cognitionem comprehensivam: alia est propria beatorum, quatenus contradiſtinguitur à cognitione viatorum, per quam dicuntur comprehensores: est enim cognitio clara, & sine enigmate: Alia est propria viatorum, estque illa, quæ attingitur ab intellectu secundum omnes formalitates tam absolutas, quam relativas obiecti, diciturque cognitio secundum inclusionem totalitatis. Ad hanc autem ex parte potentia (ait S. Bonavent. lib. 1. distinkt. 3. part. 1. art. 1. q. 1.) requiritur proportio æqualitatis, & æquiparantia inter potentiam, & obiectum, & consequenter quando obiectum est infinitum, requiritur in potentia infinitas: & hinc dicunt Theologi cum Seraph. Doct. lib. 3. distinkt. 14. art. 1. q. 2. quod anima Christi videt finito modo Deum, non ipsum comprehendendo: respectu vero obiecti requiritur primò, quod attingatur obiectum secundum omnes formalitates, & prædicata singula: secundò, quod attingatur totaliter, idest secundum omnes gradus attingibilitatis, & tota eius intelligibilitas exhaustiatur, & hinc Deus non potest à creatura comprehendi.

AN vero creatura ab intellectu finito possit comprehendi. Smisnich de Deo vno cum Aliis negat, eo quia exigitur, vt attingatur secun-

dum omnes rationes formales, & eminentiales in ipsa existentes, quæ sunt infinitæ: Alij affirmant negantes virtutem eminentialem debere cognosci, vt, verbi gratia, infinitos actus, quos potest producere, sed tantum rationes, & prædicata formalia, quæ sunt finita, & hinc anima Christi hoc modo comprehendit creaturas, & hæc est probabilior: nam cognoscere effectus causæ ab ipsa producibiles non spectat ad entitatem causæ: de hoc agit S. Bonavent. lib. 3. distinkt. 14. art. 2. per totum, & fusius ad rem Meld. diff. 6. num. 238. & seq. Innuir tamen S. Bonavent. lib. 1. distinkt. 3. part. 1. art. 1. quest. 1. ad 3. non solum debere cognosci essentiam, sed & eius virtuositatem, & hoc si est infinitum, non potest capi ab intellectu creato, licet loquatur ibi de Deo, tamen doctrina potest applicari etiam enti creato.

## QVÆSTIO X.

Explicantur alij actus Intellectus.

572. SVPERA diximus omnes actus Intellectus reduci ad tres supra dictos: sed quia aliqui eorum indigent aliqua explicatione: hinc subduntur breuiter.

PRIMVS dicitur reflexio intellectus super proprios actus: ex eo enim, quod intellectus est potentia immaterialis, & spiritualis independens à quantitate, potest reflectere se super se, & super proprios actus, & hæc reflexio est duplex, alia est simplex reflexio super proprium actum, & dicitur à S. Doct. cogitatio: alia est, qua fit



fit iudicium de eodem actu, & hæc est propria reflexio.

SECUNDVS dicitur reduplicatio, quæ est affinis reflexioni, & est quædam restrictio intellectus, quæ fit à voluntate imperante, qua colligit intellectum ad considerandum aliquid simpliciter exclusis aliis, quæ ad rei conceptum, cui se restringit constituendum facere non videntur, verbi gratiâ, homo ut animal non discurrit: tunc enim manifestè intellectus se retrahit, & hoc non ex necessitate obiecti, cum possit totum obiectum simpliciter assumi, sed ex imperio voluntatis, quæ vult cum tali restrictione considerari ab intellectu hoc obiectum.

TERTIVS dicitur Attentio, estque actus mentis à voluntate imperatus, quo aliqua obiecta videntur aliis exclusis mentem ab ea applicatione diuellentibus.

QUARTVS dicitur Intentio, estque tendentia intellectus à voluntate imperata in aliquod obiectum tanquam ad suum finem: de qua S. Bonavent. lib. 2. dist. 38. fusè agit *ars. 2. per totum.*

573. QVINTVS dicitur Præcisio, seu abstractio, estque veluti separatio facta ab intellectu considerando vnum alio non considerato, estque duplex, altera, quæ etiam est à parte rei, verbi gratiâ, albedinis à pariete: altera, quæ est tantum à parte intellectus: de his agit sæpè S. Bonau. præcipuè lib. 1. dist. 27. p. 1. *ars. 1. quæst. 3. & lib. 3. dist. 14. ars. 3. quæst. 2. ad 4. & lib. 1. dist. 33. ars. 1. quæst. 1. ad 2.*

Hæc autem est duplex, scilicet alia præcisiva, alia diuisiva: prima est, quando inter duo realiter identificata vnum præscinditur, seu co-

gitatur alio non considerato: ut rationalitas non considerata risibilitate, & hæc est sine mendacio, ut ait Aristot. Secunda est, quando fit abstractio rei ipsam negando, vel affirmando oppositum de subiecto, ut dicendo rationale non est risibile: & hæc contingere potest cum mendacio inter realiter identificata, non verò inter distincta realiter. Item diuiditur in abstractionem Physicam, Mathematicam, & Metaphysicam: de quibus S. Bonavent. lib. 1. dist. 2. dub. 1. & Psalm. 67. & Nos egimus in quæst. de obiecto Physicæ.

SEXTVS dicitur Consilium, & est cognitio rei cum dispositione firma, quo demonstratur voluntati aliquid esse, vel non esse faciendi: de quo S. Bonavent. lib. 1. distincti. 6. dub. 5. & in Comp. Theol. lib. 5. cap. 45.

SEPTIMVS dicitur Ratio, habetque quinque actus, quorum duo sunt circa verum, scilicet rationationem, & aspectum, seu apprehensionem, & tres circa bonum, scilicet discretionem, electionem, & dilectionem: S. Bonavent. verò vult esse quid participans de intellectu, & voluntate: de quo aliàs agitur.

OCTAVVS dicitur Ratiocinatio, & est rationis inquisitio, quæ fit vi ingenij, quod est quædam vis animæ, qua se extendit per cognitum ad incogniti notitiam, vel etiam est aspectus veri.

NONVS ex ratiocinatione oritur Scientia, & opinio: Scientia est notitia certa, & evidens rei per suam causam: opinio est assensus vnius partis ex probabilibus rationibus cum formidine alterius partis: Sic

S. Bonavent. *lib. 3. distinct. 24. art. 2. quest. 2.*

DECIMVS est fides, estque assensus intellectus alicuius rei cognitæ ex aliena persuasione, vel experimento: aliaque est humana, alia Diuina, de quibus S. Bonavent. *lib. 3. distinct. 23. art. 1. quest. 2. & artic. 2. quest. 2.*

VNDECIMVS Experientia est notitia, quæ ab intellectu acquiritur per sensus.

DVODECIMVS de Intellectu pratico, & speculatiuo aliàs egimus, præcipuè in Log. in quest. an Logica sit practica, vel speculatiua scientia: Sed videatur Seraph. Doct. in Comp. Theol. *lib. 2. cap. 47. & lib. 1. quest. 3. proæm. & lib. 3. distinct. 14. art. 3. quest. 3. ad 5. & dist. 23. art. 1. quest. 2. & lib. 2. distinct. 24. part. 1. art. 2. quest. 3.*

## QVÆSTIO XI.

### De Memoria Intellectiua.

574. **D**V RANDVS, & Alij negantes species in Intellectu, negant & consequenter dari memoriam distinctam à sensitiua.

D. THOMAS cum Sequacibus pluribus negat memoriam in anima separata, imò nec in coniuncta, eo quod obiectum intellectus est vniuersale præscindens à quacunque differentia temporis: hinc tantum proptiè eam admittit in sensitiua.

COMMVNIS Opinio Seraph. Doct. Scoti, & Sequac. & Plurimorum Aliorum admittit in intellectiua potentia memoriam conseruatiam specierum præteritorum, quatenus præ-

terita sunt, & dicitur recordatiua: Hinc

PRIMò Norandum ex S. Bonau. *lib. 1. distinct. 3. part. 2. art. 1. quest. 1. ad 3.* quod memoria sumi potest tripliciter: primò pro sensitiua retentina specierum sensibilium præteritorum, & hæc spectat ad memoriam sensitiuam, de qua suprà egimus suo loco: secundò pro intellectiua, & hæc est duplex, vel enim est retentina specierum intelligibilium sub ratione præteriti: vel prout abstrahunt à quacunque differentia temporis, & hæc antecedit actualem intelligentiam, & dicitur memoria secunda, qua producit Verbum, spectatque ad rationem imaginis: hinc autem est Sermo tantum de secunda, quæ sequitur actualem intelligentiam, supponitque obliuionem, & est tantum præteritorum, quam diuisionem etiam tradunt Petrus de Tarantasia, Alb. M. Dion. Aliique: Quibus positis

575. PRIMA CONCLUSIO: In anima corpori coniuncta est memoria intellectiua conseruatina specierum præteritorum, quatenus præterita sunt: Est S. Bonavent. *lib. 2. distinct. 25. part. 2. art. 1. quest. 6. in improbat. opin. 2. & aliis locis cit.* & in Comp. Theol. *lib. 2. cap. 40.* & hæc differt à sensibili, quia sensibilis retinet species abstractas, hæc retinet intentiones specierum, idest species expressas, & hæc est, à qua oritur reminiscencia: (Sic Seraph. Doct.

PROBATVR primò: Quia illius facultatis est conseruare species, cuius proprium est eisdem vti: sed intellectus vtitur eisdem in recordatione præteritorum: ergo.

CONFIRMATVR: Quia post separationem

rationem à corpore anima recordatur rerum præteritarum, & aliquando cognitarum: vt Diues ille in Luca recordabatur suorum fratrum, & Abraham actionum Lazari. Tum quia si ab intellectu potest cognosci id, quod est futurum, quod nullam habet determinatam veritatem, multò magis præteritorum, quæ habent quandam veritatem necessariam. Tum quia memoria est de obiecto aliàs cognito, & præterito, ob id propterea dicit relationem præteriti ad præsens tempus: sed hæc relatio non potest attingi à sensu, sed solum ab intellectu: ergo hæc memoria est in intellectu. Tum quia actus memorix est reflexiuus: ergo est intellectus.

DICES cum D. Thoma: Obiectum intellectus est vniuersale: ergo præscindit à ratione præteriti, siue præsentis, siue futuri: ergo non datur memoria intellectiua.

RESPONDETUR concedendo antecedens de notitia scientifica: negando de omni absolutè.

DICES secundò: Species in intellectu non remanent: ergo nulla responsio.

PROBATUR antecedens: species dependent à sua causa productiua, quæ est obiectum, vt patet in speciebus visus, quæ transacto obiecto statim euanescent: sed currit eadem ratio de aliis ob dictam dependentiam: ergo.

RESPONDETUR negando antecedens: ad probationem respondetur dependere quidem in fieri ab obiecto, sed non in conseruari loquendo de intelligibilibus, vt aliàs dictum est: Iste enim melius remanent in intellectu, quàm sensibiles in memoria sensitiua, cum istæ possint corrumpi per

lacionem organi. Et licet pro statu isto coniunctionis, vt plurimum vsus memoriæ sit simul cum conuersione ad Phantasmatà, vt ait S. Bonauent. in Comp. Theolog. lib. 2. c. 11. id tamen non impedit, quin possit exerceri absque ipsis speciebus sensibilibus, vt patet in reminiscencia.

§ 76. SECUNDA CONCLUSIO: Memoria intellectiua non differt ab intellectu, nisi penes connotata, & officia: Est S. Bonauent. lib. 1. dist. 3. c. 1. & lib. 2. dist. 24. part. 1. art. 2. quæst. 1. in corp. & aliis locis cit. & communis Scoti, Aliorumque, & patet, quia si intellectus est receptiuus, & retentiuus specierum, id est ob aliquem vsu, sed alius non potest assignari nisi recordatio præteritorum: dicitur autem intellectus, si sumitur pro ipsa potentia nuda: dicitur intelligentia, propterea sumitur in actu intelligendi: dicitur memoria fecunda, propterea sumitur vt informatus specie, quæ est concausa simul cum intellectu ad intellectionem: si verò sumitur species, vt inferuiant ad cognoscenda obiecta aliàs cognita, dicitur memoria recordatiua, & reminiscitiua.

ADDIMVS in memoria intellectiua exerceri reminiscenciam, de qua suprà loquuti sumus, cum de memoria sensitiua: hæc enim vis reminiscitiua residet in memoria intellectiua, & imperatur à voluntate: oritur autem (ait Seraph. Doct. in Comp. Theol. lib. 2. cap. 40.) eo quia species productæ, & relictæ in memoria, sicut sunt repræsentatiuæ obiectorum, sic seruant eandem habitudinem inter se, quam seruare possunt obiecta: & cum plura obiecta talem connexionem habeant, vt vnum inferre possit notitiam alterius, sic species aliquæ excitatæ in memoria ir-

hunc

hunc excitationem aliarum, & ad propositionem vnius obiecti non solum species immediatè repræsentatiua illius excitatur, sed omnes illæ ebulliunt in mente, quæ aut connexionem habent cum illa principali, aut habitudinem, & hinc oritur reminiscencia, recordatioque successiva vnius rei post aliam.

Ex his omnibus traditis supra de intellectu, patet Intellectum secundum diuersa munera, diuersa etiam sortiri nomina: dicitur enim intellectus consideratus absolutè secundum se, prout est potentia cognoscitiua animæ per ordinem ad

cognitionem: secundò dicitur agens, & patiens ob actionem depuratiuam, & receptiuam specierum: tertio memoria, prout retinet species obiectorum, & cognitionem præteritorum: dicitur ratio superior, prout cognoscit superiora, & spectantia ad Deum: dicitur inferior portio, prout intelligit inferiora, quæ cadunt sub sensu: dicitur mens etiam ratione suæ excellentiæ super alias potentias, vel quatenus est fecundatus speciebus: Vide lib. 2. dist. 24. part. 1. art. 1. quest. 2. & 3.

ET hæc de Intellectu.



# TRACTATUS III.

## DE ANIMA.

### *De Voluntate.*

377. **H**OMO distinguitur à Brutis ratione intellectus, & voluntatis, seu animæ intellectivæ, & liberæ : per has enim duas potentias constituitur intelligens, & liber cum dominio suorum actuum : Hinc, cum hucusque de intellectu tum agente tum possibili à nobis actum fuerit, superest, ut de Voluntate sit nostra reflexio, & consideratio : licet enim à pluribus Philosophis tractatio huius materię omittatur in his libris, remittaturque ad moralem Philosophiam, tamen hic est eius proprius locus, quatenus Voluntas habet esse Physicum, & naturale, & ob id etiam continetur sub obiecto adæquato Philosophię naturalis, & eò maximè, quia cognitio naturæ Voluntatis maximè parat viam ad intelligendum multa difficilia, quæ in Theologia habentur, præcipuè quæ ad actus humanos, ad materiam de gratia, de peccato, & similibus spectant : Hinc de more nostro instituimus pro complemento horum librorum de anima hunc tractatum de voluntate, in quo breviter per plures quæstiones ad mentem Seraphici Doctoris hanc materiam examinabimus.

QVÆSTIO PRIMA.

*Quid, qualis, & quomplex sit Vo-  
luntas rationalis.*

578. **P**rimò Supponendum  
Voluntatem esse poten-  
tiam formaliter distin-  
ctam ab intellectu, quod iam in prin-  
cipio demonstrauimus ex S. D. & sicut  
suprà dictum est cognituius potentie  
cuiusque correspondere suam po-  
tentiam appetitiuam : hinc sicut datur  
appetitus sensitiuus consequens ad  
potentias cognituius sensitiuas, ita  
consequenter assignanda est poten-  
tia appetitiua rationalis, & spiritua-  
lis consequens ad intellectuam, ra-  
tionalemque, & spiritualem : idque  
est dogma de fide, quod pluribus lo-  
cis S. Scripturæ habetur, vt in Gen. 4.  
*Caro concupiscit aduersus spiritum, spiri-  
tus aduersus carnem : & in Eccl. 18. sub  
te erit appetitus tuus, & tu dominaberis  
illius,* & mille aliis locis habetur appeti-  
tuum rationalem & esse distinctum,  
& contrarium sensitiuo : Hinc

579. PRIMA CONCLUSIO: Voluntas rationalis sic definitur à Seraph. Doct. *Voluntas est potentia, vel instrumentum seipsum mouens*: Sic Seraph. Doct. in Centil. part. 3. sect. 22.

EXPLICATOR, & probatur: Dicitur (*potentia*) loco generis, sicut etiam dicitur instrumentum animæ: Dicitur (*seipsum mouens*) ut denotetur ipsius libertas.

ITEM & ab eodem, sicut & à Scoto sic clariùs definitur: *Voluntas est appetitus cum ratione liber* : per quas particulas discernitur à cæteris

potentiis, & indicatur ipsius natura, quæ est esse liberam ex ratione præcedente, quam sequitur.

§80. SECUNDA CONCLUSIO: Voluntas multipliciter diuiditur: primò in communi, & sumpta improprie, prout quid commune cuicunque appetitus: secundò propriè per diuersa munera. Explicatur, & simul probatur.

PRIMò Voluntas improprie sumpta, & metaphoricè conuenit non solum rationalibus, sed & irrationalibus, prout important appetitum vel naturalem, vel sensitiuum: Sic Seraph. Doct. in Comp. Theolog. lib. 2. cap. 5. sed quia ad rem nostram tantum spectat rationalis: hinc subdimus diuisionem spectantem ad liberam.

SECVNDÒ Voluntas rationalis primò dividitur in naturalem, & deliberatiam : naturalis dicitur voluntas rationalis, quatenus importat inclinationem naturalem ad proprium commodum : in quo sensu Deus, & beatitudo dicitur finis naturalis hominis : Sic S. Bonavent. *lib. 2. diff. 38. art. 1. quæst. 1. ad arg.* & dicitur à Theologis thelesin : ab Aliis appetitus, scilicet naturalis : Deliberatiua verò dicitur bulesin ex S. Bonavent. in *Comp. Theol. lib. 2. cap. 50.* estque illa, quæ dirigitur per rationem : hæcque est, de qua hic loquimur principaliter : Sic etiam *lib. 2. distinct. 28. dub. 4. & lib. 1. dist. 1. art. 2. quæst. 1. ad 2.*

581. TERTIO diuiditur in concupisibilem, irascibilem, & rationalem : Sic lib. 2. *distint.* 25. *part.* 1. *ars.* 1. *quest.* 2. *ad* 1. & lib. 3. *distint.* 26. *ars.* 2. *quest.* 4. *ad* 1. & lib. 3. *dist.* 33. *ars.* 1. *quest.* 3. Hæc autem, vt aduertit Seraph. Doct. lib. 3. *distint.* 30. *cias.*

*erit*. in nobis est duplex: prima est irascibilis, & concupiscibilis appetitus scilicet sensitivus (estque communis cum brutis) licet minùs propriè in his reperiatur: Secunda est rationalis: concupiscibilis autem appetitus, qui est in anima rationali, & spectat ad rationalem, est eadem voluntas, quatenùs tendit in delectabilia, & refugit tristabilia: Irascibilis autem idem agit, sed addit in obiecto bono, vel malo arduiratem: Vnde versantur circa idem obiectum, & differunt tantùm quoad officia, vel modos: Sic S. Bonavent. *lib. 2. distinct. 25. citat. quæst. 2.* Voluntas verò propriè rationalis, & absolutè est, secundùm quam nati sumus ferri in Deum, & in qua communicamus cum Angelis, & in qua secundùm diuersas comparationes reponi habent Theologicæ, & Cardinales virtutes: Sic S. Bonau. *lib. 3. dist. 33. cit. ad 1. & lib. 2. distinct. 24. part. 1. art. 2. quæst. 3.*

QUARTO Voluntas rationalis diuiditur in imperatiuam, consiliatricem, & affectiuam: Imperatiua est, secundùm quam habet imperium super alias potentias, & diuiditur in synderefim, & liberum arbitrium: prima naturaliter mouet in bonum, & remurmurans, stimulanſque contra malum, & hoc ex directione, quam tribuit intellectus virtute luminis innati: de quo vide S. Bonavent. *lib. 2. dist. 39. art. 2. per totum*, & hæc nunquam potest extinguì quoad suum originale esse: licet quoad actum exstinguatur aliquando, vt in Dæmonibus: De libero arbitrio infrà agemus.

CONSILIATRIX est eadem Voluntas, quatenùs deliberat de mediis ad finem conducentibus, quæ, si sunt

secundùm ius naturale, dicitur actus prudentiæ: si sunt secundùm ius Diuinum, & de arduis, est actus doni Spiritus Sancti *lib. 3. distinct. 35. art. 1. quæst. 4.* & hinc diuiditur in partem inferiorem, & superiorem: Affectiua verò est idem ac naturalis, & de liberatiua.

§82. TERTIA CONCLUSIO: Voluntas est potentia & passiuæ, & actiuæ simul.

PROBATUR: Quia cùm sit productiuæ actus immanentis, est etiam eiùdem receptiuæ: eius actiuitas autem tamen operatiua existimatur communiter à DD. de fide determinata in Concil. Trident. *sess. 6. can. 4.* licet ab Aliquibus oppositum etiam existimetur: Vnde Arriaga conatur probare posse saluari libertatem etiam in passiuitate voluntatis, dummodò cum ipsa habeat influxum materialem ad actum, quod assertum tamen communiter ab Omnibus reicitur: de quo vide Meldul. *disp. 7. quæst. 1.*

## QVÆSTIO II.

*An Voluntas sola sit potentia essentialiter libera.*

§83. QVÆSTIO hæc inuoluit multa difficilia ob varietatem opinantium circa radicem libertatis: nam licet omnes Philosophi, & Theologi Catholici admittant libertatem in voluntate, excepto Auerr. Alex. Aphrodisæo, & nouissimè Mirandulano Pico *lib. 25. curs. sect. 8.* tamen dissentiant in assignanda radice libertatis: Nam D. Thom. *part. 1. quæst. 83.* & Discipuli dicunt

dicunt libertatem provenire voluntati ab intellectu, & in hoc sitam esse radicem libertatis: Suarez *1. 1. de Gratia prol. 1. cap. 4. & 5.* Sorus de natura, & gratia *cap. 16.* Medina, Valentia, & Aliqui Alij negant voluntatem esse essentialiter liberam, sed posse Deum ipsam cogere, Caiet. *in part. 2. quest. 74. art. 4.* tribuit non solum intellectui, sed & appetitui sensitivo tantum libertatis formalis, quæ sufficiens sit ad peccatum veniale, quæ opinio tamen vel erronea, vel proxima errori existimatur ab Omnibus ob multa, & maxima inconuenientia, quæ hinc sequerentur, & maxime quia motus primo primi præuenientes voluntatem essent peccatum, quod repugnat determinationi S. Concil. Trid. *sess. 5. de quo vide S. Bonavent. lib. 2. distinct. 24. part. 1. art. 3. quest. 1.* & in Theologia agetur fuscè in tractatu de actibus humanis.

COMMUNIS Opinio est Seraph. Doct. & Scoti cum Sequac. & Plurimis Aliis, quod voluntas sola sit intrinsecè, & essentialiter libera, ita quod nec à Deo possit cogi, nec radix libertatis potest esse in intellectu, nec ab eo, nec ab alia potentia: Pro solutione questionis, & maiori elucidatione

§84. PRIMò Notandum, quod cum radix diuersitatis opinionum inter DD sit, an libertatis origo, radixque sit intellectus ipse: an vetò tantum insit in voluntate: In hoc tamen omnes conueniunt, Primò, quod radix libertatis sumpta in actu primo formaliter sit in sola voluntate, quæ vel realiter secundum Thomistas, vel formaliter secundum Nos distinguitur ab intellectu: Secundò conueniunt in hoc, quod actus vo-

luntatis non procedunt ab intellectu, sed à voluntate: sed quæstio est, cum voluntas necessariò præsupponat cognitionem intellectus, an hæc cognitio sit tantum conditio sine qua non: an vetò intellectus etiam concurrat effectiue, & hoc dupliciter: primò, vel proponendo obiectum vt necessariò volendum, in quo casu voluntas determinaretur ab intellectu ad illud amplectendum, & ad oppositum reiiciendum: secundò, vel cum indifferentia iudicij proponendo tantum rationes hinc inde, in quo casu intellectus tantum se habet effectiue quidem, sed tamen vt solum conditio sine qua non, quia voluntas vult liberè: licet enim sequatur talem indifferentiam iudicij, tamen semper id facit seipsam liberè determinando: primum asserunt Thomistæ recognoscentes concurrentem effectiue tanquam radicalem, & intrinsecam determinationem voluntatis provenire ab intellectu tali pacto, hoc obiectum considerationis omnibus est eligendum, & illud respuendum: Addunt & aliam radicem extrinsecam tamen libertatis, scilicet Omnipotentiam Diuinam valentem determinare effectiue voluntatem.

SCOTVS è contra sustinet radicem extrinsecam libertatis esse non Omnipotentiam Diuinam, sed voluntatem, seu Dei libertatem, ex qua omnis contingentia creata, & libertas in creatis oritur: Intrinsecam vetò docet provenire non à iudicio practico intellectus, sed ab ipsa voluntate, quæ de se est in actu primo indifferens, posito etiam quocunque iudicio practico intellectus: Sic Scotus apud Meldul. *disputation. 7. quest. 3.*



Sed Scoto præiuit Seraph. Doct. qui *lib. 2. distinct. 25. part. 2. quæst. 1. in corp.* docet, quod libertas à coactione importat quandam excellentiæ dignitatem, quæ in creaturis liberis est æqualis, tamen excellentiùs est in Deo, in quo est hæc dignitas summa, & prima, propter quam & infra illam est dignitas hæc in creaturis: hinc & extrinseca radix libertatis creaturæ est à voluntate Diuina: Intrinseca verò est in ipsa voluntate, quia intrinsecè est talis: Vtque id clariùs eluceat.

§85. SECUNDò Notandum Voluntatem posse considerari in triplici statu: primò remotè, & radicaliter secundum se solam: secundò proximè, id est cum omnibus prærequisitis ad agendum, & in actu primo proximo: tertio dum actu operatur: primo modo à S. Bonauent. *lib. 2. distinct. 25. part. 1. art. 1. quæst. 4. in corp.* appellatur instrumentum, seu ipsa potentia secundum se: secundo modo appellatur habitus: tertio modo actus: & quæstio est, an in secundo statu positus omnibus prærequisitis sit libera ad exeundum in actum, vel ad non exeundum: & deindè an in tertio statu sit adhuc libera: Vbi Aluarez *de diu. aux. disp. 115.* cum Aliis dicit in secundo statu esse liberam in sensu diuiso, non verò in sensu composito: & in tertio statu negant esse liberam, præcipuè Ocham cum Nomin. Nos verò dicimus semper in quocunque statu esse liberam.

§86. TERTIò Notandum, quod cum omne agens diuidatur per naturale, & liberum ex S. Bonauent. *lib. 1. disp. 10. art. 1. quæst. 1. ad 3. & lib. 2. distinct. 25. quæst. 1. & aliis locis infra citat.* Attamen multoties Se-

raph. Doct. explicat agens naturale, vel secundum naturam sub nomine agentis necessarii, vel secundum necessitatem per naturam, vt *lib. 3. distinct. 16. artic. 1. quæst. 3. in corpore*, vultque differre hæc agentia ex eo, quod liberum habet plenum dominium tam respectu obiecti, quam actus: Respectu obiecti: quia non est arctatum ad aliquod genus appetibile, sed natum est omnia appetibilia velle, & omnia fugibilia respuere: Respectu actus, quia est liberum habens dominium plenum determinandi se ad suos actus, & oppositos: Agens verò naturale est determinatum ad vnum obiectum, extra quod non potest, & respectu cuius non habet dominium sui actus intrinseci: talis enim actus, licet sit à potentia intrinseca, mouetur tamen necessariò ab extrinseco, ita quod non possit in illud non tendere: vnde potiùs, vel saltem principalius agitur, quàm agat: Sic Seraph. Bonauent. *lib. 2. distinct. 25. quæst. 1.*

Sed vltèriùs est adnotandum, ne fiat aliqua æquiuocatio in hoc termino necessitatis: quòd necessitas alia est coactionis: alia est non absoluta, sed tantum secundaria, & accidentalis: prima dicitur à S. Bonau. etiam absoluta, & consequentis, præuenitque illam potentiam, quæ potest coarctari ab extrinseco: & hæc tollit libertatem essentialem, determinatque potentiam ad vnum: Secunda dicitur consequentiæ, estque quid consequens ad actum potentie, & hæc potiùs est effectus exercitij potentie, & non opponitur libertati essentiali, & secundum hanc dicitur, quod res, dum est, necesse est, quod sit, & appellatur

Nnn 3 etiam

etiam necessitas immutabilitatis, quæ inest in beatis ad bonum, & in damnatis ad malum : Sic S. Bonau. lib. 1. dist. 38. art. 2. *quest. 1. ad 1. & lib. 2. distinct. 25. part. 2. quest. 2. & 4. & dub. 2. & lib. 2. dist. 7. part. 1. art. 2. quest. 2. ad 3. & quest. 3. in corp. & alibi pluries* : hanc duplicem necessitatem explicat egregie S. Bonauent. lib. 1. dist. 6. *quest. 1. in corp. & ad 3. & lib. 3. distinct. 12. art. 2. quest. 1. ad 5. & distinct. 16. artic. 1. quest. 3. ad ultim.* quem sequutus est Scotus *quodl. 16. art. 2.* qui dicunt, quod prima necessitas est præuia ad actum, ut egredientem a potentia, ipsamque potentiam sibi subiiciens, & ad agendum determinans, esto, quod ut agens naturale æquiucum esset indeterminatum ad plures effectus producidos siue contrarios, siue disparatos, ut est Sol : Secunda necessitas verò est consequens, vel concomitans, & ab ipsa potentia proueniens, vel ut quodammodò effectus eius, quatenus sibi ipsi hanc necessitatem imponit in operando : prima necessitas quidem libertatem tollit, non secunda, quia per hanc non potentia cadit sub necessitate, sed necessitas cadit sub potentia ex hoc, quod non aufert dominium actus : & hac necessitate dicitur Deum liberè seipsum diligere, & Spiritum Sanctum liberè spirari : quod\* ut melius intelligatur.

587. QUARTO Notandum, quod à Thomistis solum duplex libertas agnoscitur, nempe contradictionis, & contrarietatis : prima oritur ex indeterminatione ad utramlibet contradictionis partem, scilicet ad agendum, & non agendum, estque intervelle, non velle, nolle, & non nolle : est enim inter duo contradicto-

ria, & dicitur etiam exercitij libertas, quia ordinatur ad exercendum, vel non exercendum actum : altera est inter duos actus positiuos contrarios inter velle, & nolle, & dicitur etiam specificationis, quia actus, verbi gratià, amoris, & odij differunt specie, oriturque ab indeterminatione, & indifferentia, quam habet voluntas exeundi in actum, vel suum oppositum : hinc cum nullam aliam libertatem cognoscant, negant posse consistere cum necessitate. Seraph. Doct. quem adamusim Scotus sequutus est, ultra has duas aliud membrum agnoscit libertatis, quod est radix vtriusque suprà dictæ libertatis, consistitque in dominio absoluto, quod habet voluntas intrinsicè, & dicitur indeterminationio dominij : voluntas enim sola sibi ipsi, & propriis actibus dominatur, ut se sola mouere possit, & idè ipsa vult, quia vult se velle, & mouere : Sic Seraph. Doct. lib. 2. dist. 25. part. 2. *quest. 1. & 2.* nec potest ab alio moueri, quæ indeterminationio, & libertas stat simul cum contingentia, & necessitate non quidem antecedente, & prædeterminante voluntatem, sed consequente, ut suprà dictum est in 3. *Not.* Ratio est, quia talis necessitas non opponitur libero, sed contingenti : vnde idem potest esse liberum, & simul necessarium, vel contingens : quam doctrinam tradit Seraph. Doct. in loc. citat. suprà in 3. *Notab.* & præcipue lib. 2. distinct. 25. part. 2. art. 1. *quest. 2. & seq. per totam, & lib. 3. distinct. 20. artic. 1. quest. 1. & lib. 3. distinct. 12. art. 1. quest. 1. ad 5. & lib. 2. dist. 7. part. 1. art. 2. quest. 3. & lib. 1. dist. 6. art. 1. quest. 1.* quam necessitatem appellat immutabilitatis : Quod verò

in

in doctrina Seraphica detur actus neuter, scilicet medium inter duo contradictoria velle, & non velle, scilicet nolle, & inter nolle, & non nolle, scilicet non velle, patet ex lib. 2. dist. 23. dub. 2. & lib. 2. dist. 7. part. 1. art. 2. quæst. 1. ad 4. & lib. 1. dist. 46. art. 1. quæst. 2. Vnde patet hanc doctrinam Scotum excerpisse à Seraph. Doct. quam ipse Scotus tradit lib. 1. dist. 49. & in quol. 16. & in Metaph. lib. 9. cap. 10.

388. QUINTO Notandum, quod ex traditis, & tradendis differunt isti gradus libertatis: quod primus consistens in dominio est essentialis voluntati, & æqualis in omnibus agentibus liberis: nam ut ait Seraph. Doct. lib. 2. dist. 25. part. 2. quæst. 1. & 5. æqualiter excludit coactionem, & ista potest non solum versari circa obiectum necessarium, sed & exerceri per actum necessarium, ut aduertit Seraph. Doct. ibid. quæst. 2. quo pacto Deus necessariò seipsum amat: Sic lib. 3. dist. 20 quæst. 1. & aliis locis cit. Cæteræ autem libertates, scilicet contradictionis, & contrarietatis inæqualiter insunt in creaturis, quia hoc pacto libertas sumitur per ordinem ad aliud, nempe ad iustitiam, & rectitudinem seruandam, quæ duæ libertates, licet oriantur à prima, tamen differunt in hoc, quod libertas specificationis desumitur penes obiectum, ita ut si voluntas velit pro libito exercere actum, necessariò debet esse vel amoris circa bonum, vel fugæ circa malum: & lib. 1. dist. 1. art. 1. q. 1. ad 2. libertas contradictionis verò, quia immediatè oritur à primo gradu, nempe à proprio dominio potentia, est etiam intrinseca ipsi, & ipsi subiacet necessitas immutabilitatis, quæ est ne-

cessitas consequens, & per consequens etiam recipit magis, & minus, ut docet Seraph. Doct. lib. 2. distinct. 25. part. 2. quæst. 1. & lib. 2. dist. 7. citat. quod in sequenti questione magis patebit. Addertendum etiam, quod hæc duplex libertas conuenit creaturæ dupliciter, scilicet vel respectu boni, & commodi naturalis, & hæc dicitur Physica, quæ competit etiam pueris, & stultis, vel respectu boni, & mali moralis, & hæc tantum competit vsum rationis habentibus, & dicitur moralis. Ex quibus pater, quod licet in ratione liberi arbitrij completa concurrat etiam operatio rationis: id tamen præsuppositè tantum, & ut conditio sine qua non: Sic Seraph. Doct. lib. 2. dist. 25. part. 1. quæst. ult. Quibus positis

389. PRIMA CONCLUSIO: Intellectus non est vel formaliter, vel radicaliter liber.

PRIMA pars est communis contra Auer. & Mirandulanum.

SECUNDA pars est Seraph. Doct. Scoti, & communior contra Thomistas.

PROBATUR prima pars, scilicet quod intellectus non est formaliter liber; Positis omnibus prærequisitis ad operandum intellectus non potest non operari: ergo non est formaliter liber. Consequentia est clara ex definitione libertatis: libera enim est illa potentia formaliter, quæ positis omnibus prærequisitis ad operandum potest operari, & non operari.

PROBATUR antecedens: Quia proposito obiecto intellectui sicut non potest non intelligere, sic nec potest suspendere assensum suum circa ipsum: alioquin posset homo peccare

care ante consensum voluntatis, nec ignorantia inuoluntaria excusaret: Item homo bis peccaret in eodem genere peccati, nempe cum iudicat, & cum eligit.

**PROBATVR** secunda pars contra Thomistas, quod intellectus non sit radicaliter liber: Voluntas est causa totalis suorum actuum; ergo intellectus non est causa radicalis huiusmodi libertatis.

**PROBATVR** antecedens: Quia indifferentia totalis est ratio libertatis, sed hæc non est ab intellectu: ergo.

**PROBATVR**: Quia proposito obiecto ab intellectu ipsi voluntati sine vlla indifferentia, idest cum determinatione proposita ab intellectu, & cum vna sola circumstantia, adhuc potest voluntas illud velle, & non velle, & nolle: ergo hæc indifferentia libertatis non est ab intellectu: ergo nec libertas radicalis.

**PROBATVR** secundò: Quia si hæc indifferentia intellectus proposita ab ipso esset radix libertatis voluntatis, tunc esset etiam libertas in appetitu sensitivo, cui proponuntur obiecta ab imaginatiua cum eadem indifferentia, verbi gratiâ, actus venereus cum motu delectabiliratis, & vt offensiuus saniratis: consequens est falsum: sic enim & Bruta essent libera: ergo & antecedens.

**RESPONDENT** negando paritatem: nam Bruta sequuntur cognitionem determinatam, non indifferentem: non sic voluntas, quæ sequitur iudicium dictans hoc, quod poterat dictare oppositum.

**CONTRA**: Intellectus in practicis nequit ad utramque partem arguere, vt voluntatem suadeat, nisi ad vnam

sophisticè syllogizet: necessariò enim altera est vera, altera falsa: sicque in tali casu intellectus cum indifferentia proponeret sub ratione falsitatis, quod est impossibile: nam sic voluntas haberet libertatem ob aliquem defectum existentem in intellectu. Tum etiam quia & si stantè iudicio indifferenti posset dici libera, tamen quandiu staret vltimum iudicium determinatum, non posset dici libera, sed omninò similis brutorum appetitui in operando, vt arguit Scotus *lib. 2. dist. 25. sub littera R.* Tum quia hæc indifferentia in iudicio intellectus non est intrinseca, sed extrinseca proueniens ex variis mediis, & motiuis, quæ occurrunt ad mutandum iudicium in probabilibus, sicut in Bruto, quod verbi gratiâ, quando intendit comedere pabulum, se vertit ad aliud conueniens, quod occurrit, vt aduertit Seraph. Doct. *lib. 2. distinct. 39. citat.* ergo talis indifferentia ad hoc, vel illud iudicandum vt conuenientius, cum proueniat ab extrinseco, nihil facit ad libertatem: ergo nec potest esse radix libertatis voluntatis.

590. **OBJECIES** primò contra primam partem: Liberum arbitrium definitur facultas rationis: ergo est opus rationis.

**RESPONDETUR** ex Seraph. Doct. *lib. 2. distinct. 25. part. 1. quæst. 3. & 5.* quod liberum arbitrium duo dicit, scilicet arbitrium, & liberum, idest arbitrium, nempe iudicium, quod ad libertatem præsupponitur: vnde se habet vt materiale præsuppositum tantum, & dominium vt formale: vnde dicitur facultas, & dominium cum ratione, scilicet præsuppositiue, non formaliter.

**OBJECIES**

**OBJECIES** secundò cum Arriaga: Deus posset facere intellectum liberum, ergo essentialiter, & formaliter non inest libertas in voluntate.

**RESPONDETUR** concedendo antecedens: & negando consequentiam: tunc enim intellectus esset potentia differens ab intellectu nostro, sed idem cum voluntate.

**OBJECIES** contra secundam partem primò: Indifferentia, & indeterminatio est ab intellectu: est enim in ordine ad plures, & oppositos actus: ergo & libertas.

**RESPONDETUR** triplicem indeterminationem dari: Alia est dominij super ipsam potentiam, & suos actus: alia est ad utramlibet partem contradictionis: alia est ad plures effectus: primæ duæ sunt in intellectu: tertia est in voluntate: Explicat hoc S. Bonavent. *lib. 2. dist. 25. quæst. 3. in corp.* dicens, quod liberum arbitrium nominat & rationem, & voluntatem: requiritur enim, ut potentia libera habeat dominium plenum respectu obiecti, & respectu actus, scilicet quod possit in hoc obiectum, & in aliud, & quod possit esse in actu, & cessare ab actu secundum suum imperium, & proprium motum: & ad hoc requiritur, & quod possit mouere seipsam, & quod possit reflectere seipsam super proprium actum: reflexio autem est à potentia cognitiua proponendo hoc, vel illud morituum, hoc vel illud obiectum, hunc vel illum actum, sed adhuc non habetur libertas nisi à voluntate rationem consequente, quæ liberè se mouet ad id, quod sibi libuerit: unde indifferentia proponitur ab intellectu: vel obiectum, & actus pro-

ponuntur ab intellectu, & voluntas postea liberè mouet se, &c.

**INSTAS**: Si proponatur ab intellectu obiectum absque hac indifferentia, tunc voluntas necessariò mouebitur ad vnum: ergo radicaliter est ab intellectu.

**RESPONDETUR** negando consequentiam, primò, quia tunc voluntas potest liberè illud non velle per libertatem exercitij: tum quia indifferentia iudicij est solum necessaria ad libertatem specificationis, sed tanquam conditionem siue qua non, & hac responsione satisfit omnibus obiectionibus Thomistarum, quæ ad summum probant tantum hanc indifferentiam prærequiri ad libertatem specificationis. Ad aliam verò non est necessaria hæc indifferentiæ propositio: & in hoc sensu voluntas dicitur rationalis, quia sequitur rationem proponentem, quæ dicitur arbitra.

**OBJECIES** secundò: Beati non habent libertatem tum contradictionis, tum specificationis: & hoc ob indifferentiam iudicij, quæ earent: proponitur enim obiectum absque tali indifferentia: ergo hæc est radix libertatis, sed in omni actione de quacunque re particulari eligenda requiritur hoc iudicium vltimatum in intellectu præcedens actus voluntatis: ergo.

**CONFIRMATUR**: Quia idem appetitus brutorum est determinatus ad vnum, quia cognitio sensuum est determinata ad vnum: ergo idem dicendum est de voluntate nostra.

591. **RESPONDETUR** ex S. Doct. *lib. 2. distinct. 7. part. 1. art. 2. quæst. 1. 2. & 3. & lib. 2. distinct. 25. part. 2. art. 1. quæst. 2. & lib. 1. dist. 6. art. 1. quæst. 1. ad 3. & in corp. & lib. 3. dist. 22.*

000

R. P. Bart. de Castrovetto Phil. P. III.

*dist. 11. art. 2. quæst. 2. ad 1. & dist. 16. art. 1. quæst. 3. ad ultim. & distinct. 18. art. 1. quæst. 2. ad 1.* negando antecedens absolūtē: nam licet Beati non habeant libertatem quoad exercitium, dum sunt in patria, sicut habent in via homines, & hoc ob determinationem, quam habent ex decreto Dei non volente concurrere ad actum oppositum causantem in ipsis immutabilitatis necessitatem: habent tamen libertatem essentialē, quæ consistit, ut dictum est ex Seraph. Doct. lib. 2. *distinct. 25. citat.* non in hoc, quod possint velle oppositum, sed in hoc, quod id, quod volunt, subiacet ipsorum imperio, & dominio, scilicet quia volunt se velle illud obiectum, & ad id se movent non moti nisi excitatiōe, licet immutabiliter, ut dictum est, quod & infra magis explicabitur, & fusius postea in Theol. in tract. de visione beata: vnde ad subsumptum

RESPONDETUR, quod non ea ratione voluntas in via particulari vult aliquid, quia ab intellectu pratico determinata sit, sed idē est, & dicitur determinata ad tale obiectum quoad specificationem, quia tale obiectum habet rationem volibilis, & appetibilis, & potest habere rationem odibilis, & nobiles, vel saltem id habet obiectum illi oppositum, & in hoc stat. libertas specificationis, & voluntatis indifferentia, idque patet manifestē, quia semper intellectus proponit ultimum finem determinatē ut volendum, & malum ut fugiendum, & tamen voluntas sæpē vult oppositum.

Ad Confirmationem negatur appetitum beatorum ea ratione non esse liberum, quia proponitur determinatē à sensu cognitivo, sed ut

determinatus ad vnum, & naturalis, quia, cum sit organicus, determinatur ad certum genus appetibilem, vnde necessitas inest in ipso appetitu antecedenter ad suos actus.

OBIECTES tertio: Voluntas ipsa Diuina in volendo ad extra vult necessariō, & tamen dicitur libera: ergo erit ex indifferentia iudicii, quo proponuntur obiecta indifferentia, & non ut necessariō volibilia, & diligibilia.

591. RESPONDETUR hanc obiectionem excitare vnam ex difficultioribus quæstionibus, quæ tractantur in Theologia, ubi remitto ipsam soluendam: Pronunc

RESPONDETUR ex doctrina tradita à Seraph. Doct. *loc. cit.* quod voluntatem posse ad oppositos actus inuoluit imperfectionem, ut mox dicetur: quod verò velit varios effectus posituos, id est perfectionis: idque conuenit Diuinæ voluntati secundum se, non ex indifferentia iudicii, sed ex eo, quod habet Deus plenum dominium super proprios actus modo supra dicto.

DICES: Ergo erit liberior voluntas in via, quam in patria, cum possit in actus oppositos, vbi gratiā amare, & odisse idem obiectum.

RESPONDET S. Bonauent. negando Consequentiam, quia, ut dictum est, posse in actus oppositos dicit imperfectionem, obidque dicit mutabilitatem: vnde solum est status defectibilis, & consequenter non potest esse in Deo.

OBIECTES quartō: Si libertas non oritur ex indifferentia iudicii, sequitur, quod in motibus primis carentibus propositione talis indifferentie factæ ab intellectu erit peccatum

peccatum, sed consequens est falsum: ergo.

**CONFIRMATUR:** Quia ex maiori, vel minori aduertentia etiam consurgit maior, vel minor grauitas in actu peccaminoso: Ergo.

**RESPONDETUR** ex Seraph. Doct. negando sequelam: Ad probationem respondetur, quod motus primo primi sunt in carne, & naturales, & isti non sunt de se peccatum, nisi subiaceant voluntati: sola enim voluntas est principium moralium: vnde motus in sensualitate solum secundo primi sunt peccata, quatenus vel non impediuntur, vel non repelluntur statim, vel non vitantur causa, & ob alias similes causas: Sic Seraph. Doct. in Comp. Theol. lib. 3. cap. 10. & 12. & lib. 2. distinct. 41. art. 2. quæst. 1. ad arg. & lib. 4. dist. 51. art. 2. quæst. 1. ad arg. & distinct. 31. art. 1. quæst. 3. ad 2. & dist. 21. dub. 4. & lib. 3. d. 33. art. 1. quæst. 3. ad 2. & pluribus aliis locis, vt trademus in Theologia agentes de actibus humanis: Vnde non ideo actus tales sunt peccata, quia sunt, vel non sunt ex indifferentia iudicii, licet hæc prærequiritur tanquam conditio, sed ratione indifferentiæ voluntatis.

**AD** Confirmationem Respondet Meldul. disp. 7. num. 48. quod aliud est loqui de libertate Physica, aliud de morali, ad primam sufficit aliqua cognitio commodi, pendetque ex indifferentia potentiæ volituriæ, & hæc est in pueris ante vsum rationis, & in stultis: ad aliam autem requiritur recta cognitio moralis vt honesti boni, & mali oppositi, & hæc potest dici accidentaliter respectu alterius, quæ est essentialis, & Physica: & de hac accidentali conceditur grauitatem oriri ex maiori aduertentia, vel

minoris, sed de hac non loquimur hic: nec hinc inferri potest radicem libertatis absolutæ oriri ab indifferentia iudicii.

**§93. SECUNDA CONCLUSIO:** Radix extrinseca libertatis nostræ est voluntas Diuina: Intrinseca est indifferentia voluntatis, seu potius ipsa entitas voluntatis. Prima pars est Scoti apud Meldul. disp. 7. num. 32. cui preiuit Seraph. Doct. lib. 2. distinct. 25. part. 2. quæst. 1. in corp. vbi docet, quod dignitas liberi arbitrii in Deo superexcellit omnem libertatem creatam, quia est infra illam, & propter illam, idest oritur à Diuina: idem & inferitur ex iis, quæ tradit lib. 1. distinct. 45. art. 2. quæst. 1. vbi docet Dei voluntatem, & libertatem esse causam rerum, obidque & voluntas creata est libera per participationem, vnde in Deo Omnipotentia dicit vim agendi, sed voluntas dat sic, & sic agere.

**PROBATUR** autem ex Seraph. Doct. lib. 1. dist. 45. cit. Deus est causa rerum, ergo & libertatis humanæ: sed est causa vel quia potens, vel quia sciens, vel quia volens: non ob primum, vel secundum, quia multa potest, & scit, quæ non facit: ergo vt volens: ergo voluntas Diuina est prima radix libertatis humanæ.

**PROBATUR** secunda pars ex supra traditis: Nam si non oritur intrinsece libertas ab indifferentia iudicii, vt satis probatum est: ergo oritur ex sua intrinseca indifferentia. Tum quia hæc indifferentia est id, quo distinguitur voluntas à potentia naturali: ergo. Vide S. Bonauent. lib. 2. distinct. 25. part. 2. per totum, vbi probat essentialiam voluntatis consistere in libertate.

**OBIECTES** primo contra primam partem

partem : Causa rerum est Divina Omnipotentia : ergo & libertatis humanae : Antecedens patet , quia causat res ratione virtutis agendi ; sed hæc est Omnipotentia : ergo.

RESPONDET S. Bonavent. *lib. 1. distinct. 45. ut.* concedendo antecedens identicè : non verò præcisè : Ad probationem respondetur Deum esse causam rerum non præcisè ob virtutem agendi , sed ob modum agendi , licet utroque modo sit talis causa : sic enim consideratur Divina potentia ut modificata à libertate.

OBJECTIONES contra secundam partem suprâ sunt solutæ in prima Conclusionè.

§ 94. Ex quibus sequitur primò solam voluntatem esse Reginam inter omnes alias potentias : nam , ut notat Seraph. Doct. *lib. 1. distinct. 1. art. 1. quest. 1. ad 2. & 3.* sola voluntas virtutem suo actu , ipsumque refert , ubi sibi placet , vel quiescendo ibi , vel aliud intendendo. Tum quia sola voluntas potest imperare cæteris potentiis : Sic & *art. 2. quest. 1. ad 1. ibid. & lib. 3. distinct. 17. art. 1. quest. 1. ad 3.*

SEQUITUR secundò , quod in voluntate nostra dantur tres gradus libertatis : Primus est essentialis , immò essentia eiusdem voluntatis , & fundamentum , consistitque in dominio , quod habet voluntas super se , & super actus suos , quo vult se velle : Secundus consistit in libertate contradictionis , seu exercitij : Tertius est contrarietatis , seu specificationis : de quibus suprâ in fundamentis satis dictum est.

ADDIMVS tamen libertatem contradictionis magis adæquatè exprimere naturam libertatis nostræ : nam

per libertatem dominij magis quidem explicatur libertas Dei , & Beatorum , & est componibilis cum necessitate , & contingentia , obidque libertas contrarietatis respectu boni infiniti non potest exerceri per actum odij : at sola libertas contradictionis competit soli voluntati creatæ respectu omnium obiectorum ; hæc enim est , quæ positis omnibus prærequisitis ad operandum potest operari , & non operari , nec stare potest cum necessitate : tertio sequitur voluntatem esse potentiam super seipsam , & super proprios actus reflexivam , potest seipsam movere , & velle se velle : Sic Seraph. Doct. *lib. 1. dist. 17. part. 1. artic. 1. quest. 2. ad ultim. & lib. 2. dist. 25. part. 1. art. 1. quest. 3. in corp.*

QVÆRES ; an libertas sit æqualiter in omnibus agentibus liberis.

RESPONDET Seraph. Doct. *lib. 2. dist. 25. part. 2. quest. 1.* quod loquendo de libertate à coactione est æqualis in omnibus tam Deo , quàm creaturis , licet principalius in Deo , obidque analogicè respicit Deum , & creaturas liberas : est enim essentialis voluntati : loquendo verò de libertate à miseria , & à culpa , nequaquam : nam in nobis est cum defectu cum potentia ad velle bonum , & malum , non verò in Beatis , licet in ipsis etiam adsit libertas contradictionis , & contrarietatis respectu aliquorum actuum.



## QVÆSTIO III.

*Explicatur libertas voluntatis in  
vfu, & exercitio.*

595. QVÆSTIO hæc est valdè difficilis, habetque duplicem partem: altera est, quomodò voluntas fit libera ad exeundum in actum secundum ex actu primo, & positis omnibus prærequisitis spectantibus ad eandem voluntatem: Altera est, an dum actu operatur, sit libera quoad actum, idest an talis actus sit liber.

Et quoad primam partem quaeritur, an sicut causa naturalis posita in actu primo cum sua virtute totali, & completa cum omnibus prærequisitis non solum ab intrinseco, sed etiam ab extrinseco, vt sunt cuiuscunque impedimenti remotio, passi approximatio, & aliarum concausarum concursus, necessariò exit in actum secundum, qui dicitur vsus talis potentiae: sic in proposito vsus facultatis liberæ nedum supponit indifferentiam actiuam eiusdem potentiae, sed eandem indifferentiam sub necessariò prærequisitis ad agendum constitutam, proximèque dispositam tali modo, verbi gratià ad actum amoris: an constituta sub ipsis prærequisitis possit seipsa actionem suspendere in sensu composito, scilicet componendo suspensionem actionis cum illis prærequisitis: an solum sit libera in sensu diuiso, idest præscindendo ab eisdem prærequisitis.

Hic autem proponitur quaestio in solis terminis Philosophicis, &

respectu actuum naturalium nihil agendo de operibus supernaturalibus, quæ dependent à gratia sunt ab homine, ac proinde neque de illis actibus, qui sunt effectus prædestinationis, hoc enim spectat ad Theologos, licet quaestio hæc in sensu purè naturali valdè conducatur etiam ad intelligentiam eorum, quæ in hac materia traduntur in eadem Sacra Theologia: In hac quaestione igitur sic explicata.

PRIMA Opinio est Thomistarum prædeterminantium apud Aluarez lib. 12. de diu. aux. disp. 115. docentium voluntatem esse liberam tantum in sensu diuiso, non verò in sensu composito, eo quod inter prærequisita ad operandum supponatur prædeterminatio Physica Dei, cum qua necessariò voluntas debet operari.

SECUNDA Opinio est communissima Seraph. Doct. Scoti, & Aliorum ferè omnium extra Prædeterminantes, seu rigidiores Thomistas, asserentium voluntatem esse in quocunque statu liberam, ita vt possit pro libito etiam præsuppositis quibuscunque requisitis non agere, vel agere oppositum, loquendo de voluntate nostra viatorum.

QUO AD alteram partem: Prima Opinio est Nominalium Ocham, Gabriel, Aliorumque lib. 1. disp. 38. negantium voluntatem in actu secundo esse liberam quoad vsum.

SECUNDA Opinio communior docet etiam in tali statu esse liberam. Pro solutione huius duplicis quaestionis, cui etiam adnectemus alteram, an Deus possit violentare voluntatem nostram ad oppositum eius, quod liberè vult.

596. PRIMò Notandum, quod

QOO 3

cota

tota difficultas in prima parte questionis est in cognoscendo, quamnam sint ea, quæ spectant ad intrinsecam libertatem voluntatis, & quamnam sint ipsi extrinseca prærequisita tamen ad ipsius exercitium: Vnde advertendum, quod libertas est modus, seu determinatio, seu qualitas intrinseca substantialis voluntatis, quæ ei non obvenit ab aliquo extrinseco, sed inest ipsi ex natura propria potentie liberæ, quare se habet ut differentia essentialis ipsam in esse constituens, & distinguens à quacunque alia potentia naturali, siue necessaria, & consequenter cetera ipsi extrinseca non debent habere hanc rationem formalem in se, sed tantum ipsi convenire dicuntur extrinsece, quatenus vel terminant habitudinem voluntatis, & libertatis, ut est obiectum: vel quatenus sunt effectus ipsius, vel quatenus prærequiruntur ut conditiones antecedentes, ut est indifferentia iudicii: quæ tamen ut conditiones extrinsece requiruntur, adhuc ut voluntas possit actu exire in actum secundum, ut est apprehensio, vel iudicium intellectus ostendentis obiectum: item & idem obiectum sub communione ratione boni: item & concursus generalis Dei; ut primæ causæ: Et hæc sunt per se clara, licet postea addit discriminem inter DD. ut in præcedenti questione patet circa indifferentiam intellectus, an sit quid intrinsecum, an extrinsecum: de quo etiam infra.

§ 97. SECUNDO Notandum, quod duplex libertas datur: alia in actu primo: alia in actu secundo: prima est, per quam potentia constituitur potens operari, & non operari eo modo, quo causalitas causæ in actu primo est, per quam causa actu cau-

sat, sic & libertas in actu secundo illa est, per quam potentia libera actu liberè operatur, & quia causalitas in actu primo & secundo una, & eadem est realiter, nec aliquid reale addit causalitas in actu secundo ipsi causæ in actu primo, sic & libertas in actu secundo dicitur exercitium libertatis in actu primo, ita quod eadem potentia, quæ dicitur in actu primo libera, cum sumitur secundum habilitatem operandi, & non operandi, dicitur potentia in actu secundo libera, cum actu exercet libertatem, & habilitarem illam: & hinc patet, quomodo voluntas est libera etiam, dum actu operatur, quia eadem est, ac prius erat.

EXPLICANT hoc Scotistæ apud Meldul. num. 44. distinctione illa de voluntate ut productiva, & ut operativa: primo modo consideratur in actu primo ante productionem: secundo modo consideratur post actum iam productum, & receptum: & dicunt aliqui ipsorum, quod libertas eius consistit in hoc secundo modo magis, quam in primo, nempe quatenus per hunc actum iam productum, & receptum potest tendere, & non tendere in obiectum: Attamen ex dictis patet magis propriè consistere in primo modo, propterea productiva actuum: nam in actu secundo nihil superadditur nisi exercitium suæ libertatis in actu secundo, quam habebat in actu primo: Vnde utroque modo dicitur libera, sed magis tamen in actu primo, propterea productiva: quod tamen in nobis inest ob imperfectionem nostram, nempe quia voluntas nostra non est operativa, id est receptiva sui actus, & quia tendit in obiectum, quatenus prius est productiva, scilicet potest producere,

Aucere, vel suspendere actum, nam in Deo non adest hæc distinctio: solum enim est operatiua, non verò productiua sui actus, cum ob sui limitationem possit per eundem actum suum non distinctum ab ipsa voluntate exercere libertatem tendendo, vel non tendendo in obiectum: At in nobis, ad hoc vt voluntas verè sit libera, requiritur primò vis libera productiua, & suspensiua actus prohibito, ita quod magis principaliter dicitur libera, vt voluntas est, non vt volens, nisi secundatid.

§ 98. TERTIO Notandum, quod per hoc differt causa libera à necessaria, quod necessaria extrinseca ratione positis omnibus requisitis ad agendum nequit actum suspendere: Sic Seraph. Doct. lib. 2. dist. 25. part. 1. art. 2. quest. 1. & dist. 38. art. 2. quest. 1. estque determinata ad vnum; & si aliquando non fit, id euenit ab extrinseco aut impediante, aut applicante causam ad aliud, aut quia in subiecto est aliquid impossibile cum effectu, & in hoc sensu dixit Seraph. Doct. in Op. de 7. Itiner. atern. itin. 4. dist. 2. quod amor naturalis antecedit cognitionem: est enim actus naturæ necessarius, & naturalis, & prouenit à voluntate, vt natura est, non sic tamen est deliberatiuus: est enim à voluntate vt à causa libera, quia causa libera creata, habet hoc, quod positis omnibus requisitis potest producere actum, ipsumque suspendere ex intrinseca sui virtute. Ex quo sequitur, quod in causa libera connotantur duæ negationes: altera est negatio dependentiæ, seu connexionis necessariæ ab aliqua causa, vel ab aliqua circumstantia, à qua necessariò effectus proueniat: altera est negatio impediementi

ad actum secundum proprium, quando tale impedimentum non sit in potestate eiusdem causæ liberæ: ratio est, quia vnus, & idem effectus non potest naturaliter simul terminare duplicem dependentiam, alteram liberam; alteram necessariam, & naturalem: sunt enim oppositæ inter se: alioquin simul esset necessariò, & contingenter: possetque simul esse & nò esse, & simul non posset non esse: & si causa necessaria est superior, & determinatiua ad talem effectum vnum, & eundem, determinatiua, inquam, voluntatis liberæ, tunc traheret voluntatem ad operandum ad modum causæ necessariæ, quod implicat. Ex qua doctrina verissima patet, quomoddò distinctio data à Thomistis de sensu composito, & diuisio non facit ad rem, & positio prædeterminationis Physicæ destruit libertatem voluntatis ipsam trahendo ad operandum ad modum causæ necessariæ, & naturalis. Dicunt enim, quod illa prædeterminatio non potest vinci à voluntate, & est determinatiua necessariò ipsius voluntatis ad talem effectum, & non ad alium.

§ 99. QUARTO Notandum, quod, vt melius intelligatur, qualis necessitas stet cum libertate: duplex datur necessitas, alia dicitur inenitabilitatis: alia immutabilitatis: sic Seraph. Doct. lib. 3. dist. 20. art. 1. quest. 1. in corp. Prima dicitur necessitas absoluta per se, & simpliciter, vt aduersus lib. 3. dist. 12. art. 2. quest. 1. ad 5. secunda dicitur conditionata: sic & lib. 1. dist. 6. art. 1. quest. 1. Prima repugnat voluntati: Secunda subest voluntati: Prima est à natura, vel à coactione: Secunda est à libertate, vel ab aliqua causa extrinseca, prout voluntas ei liberè subijcitur: vnde cum hac secunda

secunda remanet intactum dominium voluntatis, quod habet ipsa super se, & super actus suos: Sic *lib. 2. dist. 7. part. 1. art. 2. quæst. 3.* qua doctrina soluitur illa celebris quæstio: an obiectum possit proponi tale ipsi voluntati, ut necessitet voluntatem ad illud amplectendum, ita quod auferrat ipsi libertatem vel omnimodam, vel contradictionis, vel contrarietatis: cui breuiter

RESPONDETUR cum communis primò, quod in via non potest dari obiectum, quod necessitet voluntatem quoad exercitium, bene autem quoad specificationem: ratio primæ assertionis est, quia cum voluntas habeat plenum dominium super se, & super actus suos, potest velle, & non velle, & nolle, id est suspendere actus suos: ratio secundæ assertionis est, quia si voluntas vult exire in actum, necessariò debet exire in actum vel prosecutionis, vel respirationis, ut docet Seraph. Doct. primus respectu boni, secundus respectu mali, ut dictum est, & infra dicetur de voluntatis obiecto, ut notat S. Bonauent. *lib. 1. distinct. 1. art. 1. quæst. 2. ad 2.* Sed quia tota difficultas est de obiecto beatifico, an etiam quoad exercitium necessitat voluntatem beati ad amorem.

RESPONDENT D. Thomas, & Seq. affirmatiuè: Faber docet *lib. 1. disp. 14. quæst. 4. cap. 3.* eodem modo, sed addit remanere libertatem essentialem in ipsorum beatorum voluntate, non verò quoad exercitium: Attamen distinguendum est ex doctrina Seraphici Doct. nam cum intrinsecè, voluntas habeat suam indifferentiam ad agendum, & non agendum circa quodcunque ob-

iectum, solum potest moueri ab aliqua extrinseca dispositione, quæ dicitur intrinseca, quatenus existit in potentia, non verò ab obiecto, quæ cum necessitate immutabilitatis faciat operari, quæ necessitas est consequentiæ, & subest voluntati, non autem antecedenter, nec præcedit: Sic Seraph. Doct. *lib. 2. distinct. 7. part. 1. artic. 2. quæst. 3.*

Hæc autem dispositio (aiunt Scotus, & Scotistæ *lib. 4. distinct. 49. quæst. 6.*) est concursus Diuinus efficax ad fruitionem, & negatio eiusdem ad oppositum. S. Bonau. *lib. 1. dist. 14. part. 1. art. 3. quæst. 2. ad 3.* docet esse deiformitatem, quæ habetur per lumen gloriæ, & per gratiam: In dæmonibus, & damnatis verò hæc dispositio est conglutatio perpetua ad malum: vnde in Beatis complet libertatem, in malis relinquitur voluntas subiecta vertibilitati: Vide S. Bonauent. *lib. 2. distinct. 7. part. 1. art. 2. per totum.* Hinc concluditur, quod licet libertas specificationis pendeat ab obiecto, ita ut si obiectum sit conueniens, nequeat determinare nisi actum amoris, si disconueniens, actum odij: atque idèd potest voluntas quoad hanc libertatem necessitari, quæ necessitas subest voluntati: tamen liberris exercitijs totaliter se tenet ex parte potentiæ præscindendo ab eo, quod obiectum sit bonum, vel malum: vnde si secundum hanc libertatem necessitentur Beati quoad obiectum beatificum, id tamen non eis aduenit ex obiecto, sed ex dispositione potentiæ circa tale obiectum ipsam potentiam perficiente, idque patet ex eo, quod Beati habent hanc libertatem respectu aliorum obiecto-

rum : habent enim vertibilitatem , qua possunt velle , & nolle , & non velle , vt docet S. Bonauent. *lib. 3. dist. 14. art. 2. quæst. 2.* Sed quia hæc materia est putè Theologica , sat sint dicta : Hinc

600. PRIMA CONCLUSIO : Voluntas nostra est libera quoad vsum ita , quod positis quibuscunque prærequisitis potest agere , & non agere pro libito : Est S. Bonau. *lib. 2. distinct. 25. cit. in anteced. quæst. 6. lib. 2. dist. 26. art. 1. quæst. 6.* vbi docet loquendo de voluntatis effectibus ad opera supernaturalia , quod supposita gratia in voluntate adhuc non mouetur à gratia , sed est ipsa voluntas , quæ mouet seipsam liberè : Sic & *lib. 1. dist. 40. art. 4. quæst. 2. ad 6. & lib. 2. dist. 25. part. 2. quæst. 3.* vbi docet , quod liberum arbitrium potest considerari vt liberum , & vt deficiens : provt est liberum , habet exire solum in bonum per actum deliberatum : provt est deficiens , etiam in malum , & *lib. 2. distinct. 43. art. 1. quæst. 2. in fine corp.* docet , quod voluntas nostra exit in actum nulla superadditâ dispositione præambula , sed ipsa voluntas , quia est domina sui actus , & libera potest seipsam conuertere ad id , quod vult , & sicut vult , & si indebitè se conuertit , tunc peccat nulla superadditâ dispositione præambula.

ADDITIONE *ibidem quæst. 2.* quod in Beatis actus est necessarius , & immutabilis , & tamen operatur voluntas liberè non ex eo , quod ita vult hoc , quod possit velle oppositum in actu secundo , id enim competit voluntati , provt est indifferens , & deliberans , sed quia omne , quod vult , appetit ad sui ipsius imperium , quia sic vult aliquid , vt

R. P. Barr. de Castro. Phil. P. III.

velit se velle illud : vnde patet , quod voluntas de se est libera intrinsecè : pro statu autem isto est deliberans , & potens in actus oppositos.

PROBATVR primum : Quia si non esset voluntas libera quoad vsum , nullum esset discrimen inter potentiam naturalem , & liberam.

PROBATVR sequela : Quia potentia naturalis positis prærequisitis non potest non agere , & ablatis non potest actu agere.

PROBATVR secundò : Quia si prærequisita voluntatem determinant , sequitur , quod sit causa necessaria , & naturalis , non libera.

PROBATVR sequela ex traditis in ultim. Notabili : Quod dependet à principio determinato etiam extrinsecò ipsi volentari , non debet posse non esse intrinsecè ( id autem est proprium actus naturalis ) sed voluntas in suo actu dependet à principio extrinsecò determinato ex Aduersariorum Sententia : ergo & ipsius effectus non potest non esse. Tum quia principium extrinsecum alteri à principio determinatum tamen ad eundem effectum causa est determinationis determinatae dependentiæ eiusdem effectus , & ob id necessaria : ergo si voluntas est determinata à principio extrinsecò determinato , erit etiam determinata ad eundem effectum , obidque nec poterit non esse : sed hoc est contra definitionem voluntatis , quæ est , quod omnibus positis prærequisitis potest agere , & non agere.

DICES hanc determinationem provenire ex concursu superiori , & vniuersali , obidque secundum regulam logicalem allatam à Seraph. Doct. *lib. 1. dist. 40. art. 2. quæst. 1.* quando effectus dependet à duobus

P p p

causis,

causis, quarum vna est inuariabilis, & est vniuersalis, & particularis est variabilis, tunc effectus denominatur contingens ex causa particulari: sic negantur sequelæ adductæ.

CONTRA: Quia illa regula verificatur, quando relinquitur in suo esse, & posse proprio, & intrinseco causa particularis, nec variatur eius modus operandi per concursum causæ vniuersalis: vnde concursus generalis Dei ad omnes effectus non variat naturam, & modum operandi causatum particularem: sed quando causa superior variat modum operandi ipsius causæ particularis, & hæc sequitur determinationem vniuersalem, tunc effectus denominatur ab illa vniuersali, non à particulari, vt est in proposito.

601. PROBATUR tertio: Quia nullum discrimen esset inter voluntatem Beatorum, & nostram, cum in ipsis sit determinata proximè, & indeterminata remotè tantum, obidque non possunt in actum oppositum, & in suspensionem actus, absque eo quod lædatur eorum libertas essentialis: ergo si nostra voluntas determinata ab aliquo extrinseco non est libera quoad vsum, erit similis voluntati Beatorum: sed hoc est impossibile, & improptium voluntati subiectæ variationi, & mutabilitati: ergo: de quo lib. 2. distinct. 7. *part. 1. art. 2. quæst. 1. ad 1.*

Nec Thomistæ possunt saluare libertatem in voluntate per hanc indeterminatorem remotam, cum negent libertatis dominium in voluntate, recognoscentes tantum libertatem contradictionis, & contrarietatis: nec item cum distinctione sensus diuisi, & compositi, cum id verificetur etiam de potentia necessaria,

& naturali, vt suprà probatum est: nec item respondendo illum concursum determinatum esse consentaneum creatæ libertati ipsam insensibiliter conducentem ad actum determinatum cum potentia tamen remota ad actum oppositum, vel suspensionem actus: & hæc est responsio communior Thomistarum, quæ coincidit cum alia de sensu diuiso, & composito: contra quas responsiones

INSURGO primò: quia si remanet potentia ad oppositum: ergo non est ille concursus efficaciter determinans: si enim remanet potentia illæsa ad talem actum, erit etiam ad suum oppositum: alioquin, vt dictum est, nulla esset differentia inter causam naturalem, & liberam: nam in causa necessaria non applicata remanet potentia remota ad actum hunc, vel illum, non autem si est determinata.

Nec valet dicere causam naturalem esse ab intrinseco determinatam, & necessitate antecedente: liberam verò consequente, & extrinseca necessitate iuxta eiusdem causæ liberæ exigentiam: Non valet, inquam, quia parum interest determinari ab intrinseco, vel ab extrinseco, si ex qualibet determinatione ita sequi debeat effectus, vt remaneat solum potentia remota ad actus oppositos. Tum quia causa naturalis solum est determinata intrinsecè in specie ad suos effectus: vt autem actu operetur, indiget determinatione ab extrinseco, verbi gratiâ, approximatione, applicatione, &c. ergo ad actum peculiarem vtrique haberet eandem indifferentiam: Præterea

CONTRA allatam responsionem rursus directè insurgo: Modus consentaneus

sentaneus creatæ libertati est, vt possit seipsam determinate, & non ab alio habere determinationem antecedenter: ergo nulla responsio.

PROBATVR antecedens, & simul consequentia: si antecedenter ad proprios actus determinatur: ergo non remanet ampliùs, vt seipsam determinet: sublata enim remanet indifferentia inter actum, & suspensionem actus; & pro eo instanti temporis, quo actus esse debet, suspensio non est possibilis: quia datâ prædeterminatione ad actum, non est prædeterminatio ad suspensionem eius: ergo nec hanc potest velle: ergo non est possibilis: sunt enim pro eodem tempore incompatibilia, & opposita.

ET hæc sat sint, nam in Theologia agitur hæc quæstio; & ibi soluentur omnes obiectiones in contrarium: Vide Vasquez, Suarez, Aliosque.

602. OBIECTIES hanc determinationem à nobis recognosci in Beatis, & tamen est absque læsione libertatis: ergo & hic.

RESPONDETUR negando Nos admittere determinationem antecedentem, sed tantum consequentem, ex eo quod remanet semper in quocunque statu in actu primo, & antecedenter domina sui actus, qua se mouet, & liberè vult se velle, vt docet Seraph. Doct. lib. 2. dist. 25. citat.

Nec hic mouetur hæc difficultas circa hanc libertatem dominij, quæ intrinsecè semper inest ipsi: sed de libertate pro hoc statu, in quo homo subiectus est variationi, deflectioni, & mutabilitati: obidque & per libertatem contradictionis, & contrarietatis potest se mouere, & non mo-

uere, agere benè, vel malè: Sic Seraph. Doct. cit.

DICES secundò: Etiam in Beatis est vsus liberi arbitrij, & tamen antecedenter ad ralem vsum est determinatum: ergo nulla responsio.

RESPONDET S. Bonauent. lib. 2. dist. 7. part. 1. art. 3. quæst. 2. Vsus alicuius potentia dicitur duplex, vel est elicited à potentia, vel elicited à potentia ad eum finem, ad quem est: primo modo vsus liberi arbitrij est liberè velle ex dominio, quem habet voluntas super seipsam, & super actus suos: & in hoc negatur dari determinationem vllam, immò nec posse dari, estque æqualis in omnibus agentibus liberis, siue Deo, siue Angelis, siue Dæmonibus, siue hominibus, vt fusè docet S. Bonauent. lib. 2. dist. 25. part. 1. quæst. 1. Secundo modo determinatur in Beatis per lumen gloriæ, & per gratiam efficacissimam, qua determinatione deficiente in Dæmonibus non potest vsus bonus: secundo modo sumptus ob obstinationem ipsorum confirmata: Vide ibid. Seraph. Doct. lib. 2. dist. 7. art. 3. per totum, & dist. 15. p. 2. per totam.

603. SECUNDA CONCLUSIO: Voluntas non solum est libera quoad vsum in actu primo, sed & quoad secundum actum, ita quod cum est determinata ad unam partem actus agendo, in eodem instanti etiam dicitur libera: Est contra Nominales, est tamen Seraph. Doct. Scoti, & Communior.

PROBATVR hæc Conclusio à Meldula: Quia in eo instanti temporis, quo voluntas operatur, importantur duo instantia naturæ: sed in primo eorum intelligitur indifferens, in secundo non ampliùs indifferens.

ferens, sed determinata, idque sufficit ad prædicandam libertatis indifferentiam: ergo. Quæ ratio tamen non sufficienter probat, cum ex ipsa sequatur voluntatem non posse in illo instanti naturæ dici esse liberam, quia existentia indifferentiæ mensuratur temporis instanti, non naturæ: ergo.

PROBATVR igitur ex doctrina tradita in secundo fundamento: Nam eadem potentia est, quæ in actu primo est potens operari, quæ in actu secundo operatur: ergo si est eadem omnino in utroque statu nullo addito ipsi potentiæ præter exercitium, si est libera, & indifferens in actu primo, ergo est & in actu secundo.

CONFIRMATVR: Quia si est eadem omnino potentia cum omnibus prærequisitis tam in actu primo, quam in secundo: ergo est etiam in hoc statu libera, & indifferens.

DICES in actu secundo superaddi exercitium.

CONTRA: Exercitium, in quo consistit actus secundus, non est aliquid superadditum ipsi potentiæ, quæ per seipsam, & ex dominio suo tendit in obiectum: ergo cum non addat aliquid, nec contineat aliquid, quod prius non fuerit in eadem potentia per modum actus primi, sequitur, quod non auferat libertatem, vel indifferentiam. Ratio à priori potest esse, quam adducit Meldula *num. 25*. Indeterminatio de possibili stat cum determinatione de inesse: ac voluntas ex indifferenti potestate operatur in actu secundo: ergo cum hac indifferentia stat productio actus.

OBIECTES primo: Impossibile est eundem actum esse productum,

& simul suspensum; ergo dum actu producitur, non habet potestatem ad eius suspensionem: ergo nec indifferentiam.

RESPONDETUR concedendo antecedens in nobis, & distinguendo Consequens, dum actu operatur, non habet potentiam ad suspendendum coniunctim, & in actu secundo, concedo: disiunctim, prout importat potentiam, nego: nam libertas non dicit potentiam simultatis, sed simultatem potentiæ: quare libertas tota stat ex parte potentiæ, quæ eadem est tam in actu primo, quam in secundo, non ex parte actus: libertas enim in actu est denominatio tantum extrinseca ei prononciens ex tali indifferentia voluntatis, obidque & accidentaliter, cum possit ei inesse indifferenter etiam necessitas, ut supra probatum est, & docet Seraph. Doct. lib. 3. dist. 16. art. 1. quest. 3. ad ult. & lib. 2. dist. 25. part. 2. quest. 2. in corp.

INSTAS: Res, dum est, necesse est, ut sit: ergo dum actus producitur, necesse est, ut sit.

RESPONDETUR torum esse verum de necessitate consequente, & ex suppositione, sed hinc non inferatur talem actum non esse contingentem, & auferre indifferentiam intrinsecam potentiæ: per hoc enim distinguitur actus liber à necessario: quod actus liber est ad obiectum propositum cum indifferentia: necessarius verò absque tali indifferentia.

QVÆRES: an voluntas à Deo possit cogi?

604. RESPONDETUR hanc questionem proponi, & solui à Seraph. Doct. lib. 2. distinct. 25. part. 2. artic. 1. & 2. quest. 4. dicente quoad actus



actus exteriores, siue imperatos posse impediri, quia contra eius imperium possunt potentia inferiores per violentiam agentis extrinseci exercere actus suos: potest enim quis compelli, vt genua coram Idolo flectat. Quoad actus interiores, & proprios, qui sunt velle eligere, aut consentire, potest quidem voluntas aliquo modo induci, sed non compelli: Induci, inquam per oblationem rei amata, vel per minas, vt sæpè evenit. Sed compelli non potest: & ratio est, quia libertas est essentialis differentia voluntatis: ergo absque destructione ipsius non potest illi inferri violentia: tum quia intantum aliquid vult, inquantum illud liberè vult, & seipsa mouente vult, sed si cogitur, serviliter vult, & invittè: sed ista sunt contradictoria: ergo.

PROBAT eandem Conclusionem Scotus tali pacto: Si voluntas posset à Deo cogi simpliciter, hoc fieret, vel immitiendo illi aliquem actum passivè se habenti, vel immitiendo illi actum resistenti, & nolenti illum habere: sed neutro modo: ergo.

PROBATVR Minor: non primo modo, quia in tali casu Deus immitteret actum voluntati se passivè merè habenti: & tunc actus ille quidem fieret ab extrinsecò, adhuc tamen non fieret resistente passivo, quia supponimus voluntatem se habere passivè tantum: sed nec secundo modo, quia tunc volens nollet, & nolens vellet, quod implicat.

DICES in primo casu voluntatem se passivè habere, & tunc reciperet actum, & diceretur vitaliter operari.

CONTRA: Quia supponitur in questione id esse contra eius inclinationem, adhuc vt sit coactio, ob-

idque & in ipsa actus oppositus supponitur.

## QVÆSTIO IV.

*Quid sit liberum arbitrium: Vbi iterum de dependentia voluntatis ab intellectu.*

605. QVÆRITVR in hac questione, an liberum arbitrium sit portio intellectus, an voluntatis, an utriusque simul: & an cognitio intellectus requiratur solum antecedenter, an verò totum liberum arbitrium contineat actus intellectus, & voluntatis simul, an voluntatis solum.

PRIMA Opinio est Thomistarum docentium prærequiri cognitionem tanquam partem essentialem libertatis, seu liberi arbitrii, & per consequens implicare contradictionem aliquid posse velle voluntatem non concurrente antecedenter intellectu.

SECUNDA Opinio est Seraph. Doct. sustinentis intellectum esse partem liberi arbitrii, non verò libertatis, posseque fieri, vt voluntas feratur in incognitum, non naturaliter, vt dicunt Aliqui, inter quos falsò citatur S. Doct. à Serbel. & Aliis disp. 3. art. 2. sed supernaturaliter: Præterea cum requiratur antecedenter naturaliter cognitio, adhuc vt voluntas possit operari: Quæritur, an sufficiat simplex apprehensio: an verò requiratur iudicium.

PRIMA Opinio est D. Thom. part. 1. quest. 59. art. 1. & part. 2. quest. 14. art. 2. & Sequac. docentium requiri semper iudicium.

SECUNDA Opinio docet sufficere etiam simplicem apprehensionem : Sic Scotus, & Sequaces apud Meldinam *disputat. 7. num. 124.* & est Seraphici Doctoris. Pro solutione cuius

606. PRIMò Notandum ex Seraph. Doct. *lib. 2. distinct. 25. part. 1. dub. 1. & quest. 1. & 6. ad 3.* quod liberum arbitrium duplici vocabulo explicatur ita, quod id, quod spectat ad intellectum, significatur nomine substantiuo, & nomine adiectiuo, quod spectat ad voluntatem : est enim facultas duarum potentialium, in qua ratio se habet vt materiale, & libertas vt formale : non dicitur autem iudicium liberum, sed arbitrium, quia iudicium importat actum rationis regulatum secundum regulas veritatis, siue supernæ legis : arbitrium verò importat actum rationis regulatum secundum imperium voluntatis : vnde ille dicitur iudex, cuius est secundum iura causam iudicare : Arbitrè verò, qui ad proprium voluntatis nutum causam terminare habet, & quia liberum arbitrium, quantum est de se, decernere habet de agendis iuxta voluntatis nutum magis, quàm iuxta iuris præceptum : hinc est, quod magis nominatur nomine arbitrij liberi, quàm iudicij.

Sic & D. August. *citatur à Seraph. Doct. quest. 3. & 4.* vbi addit liberum arbitrium non importare vnâ potentiam, sed duas, quæ tamen in vnicum habitum coalescunt : dicitur enim facultas rationis, & voluntatis, quæ magis propriè appellatur dominium, quod inest vtrique potentia super actus suos : quod dominium considerari potest & per ordinem ad obiectum, & per ordinem

ad actum : primò secundum rationem obiecti ita debet esse respectu huius, & vt etiam sit respectu aliorum ; secundum rationem verò actus debet posse esse in actu, & cessare ab actu secundum proprium imperium, & motum : & ad hoc dominium exigitur, quod potentia possit inquirere seipsam, & super actum suum reflectere : Si enim non potest reflectere super actum suum ; nunquam posset illum refrænare, & nisi posset seipsam mouere, nec posset exire in illum, quando vellet : reflexio autem est ratione intellectus, mouere autem se est virtutis appetitiuæ rationem consequentis : vnde voluntas habet mouere se ex sua libertate, & potest se refrænare in motu, & adibus, exire, & non exire, & producere actum oppositum ex reflexione, quæ inest in libero arbitrio ratione cognitionis intellectiue.

Hinc pater, quomodo ad liberum arbitrium constituendum, tanquam ad vnâ facultatem requiritur concursus rationis reflectentis se super actus suos, & super obiecta, & ostendentis voluntati ea, & concursus voluntatis valentis producere actum, vel ipsum suspendere pro libito : hinc liberum arbitrium de se nominatur duas potentias, & vnâ facultatem ex vtraque confluentem eo modo, quo vnâ facultas resultat ex concursu virtutis duorum hominum, & ex concursu Patris, & Matris familias ; vnâ potestas ad constituendum vnum regimen domus : sic liberum arbitrium non comprehendit solam rationem, nec solam voluntatem, sed potentiam cognitionem, prout iuncta est affectiue, & affectiuam, prout iuncta est cognitiue :

tui :

tiæ: unde dicit affectum deliberatum, vel deliberationem voluntariam, idest cognitivam ordinatam ad affectivam, & affectivam ut rationatam à cognitiva: Ex quibus patet falsam esse sententiam dicentium, quod sufficit cognitio imaginatiæ ad hoc, ut constituatur liberum arbitrium.

607. SECVNDÒ Notandum, quod ex tradita doctrina videtur S. D. docere intell. ctum esse potentiam effectivè concurrentem ad voluntatem, attamen talis non est eius sensus: nam, ut notat *ibid. q. 6.* aliud est dicere liberum arbitrium, aliud libertatem: Liberum enim arbitrium importat facultatem dominativam, ad cuius usum concutit quidem arbitrium, scilicet ratio tanquam inchoans, & voluntas tanquam complens, & consummans, & quia penes illud principaliter residet, penes quod consummatur, idèd principaliter libertas arbitrij, & dominium residet in voluntate: illud enim, in quo inchoatur, se habet per modum materialis: ratio enim, & cognitio præit veluti disponendo, & ostendendo tale, vel tale obiectum esse bonum, vel malum perficiendum, vel refranandum: & illud, in quo consummatur, se habet per modum formalis, quia ex tali actu præambulo intellectus ostensiuo incipit voluntas exire in actum, in actuque suo complacere, vel refranare: Unde propriè libertas est solum in voluntate, cum datà quacunque ostensione, seu deliberatione intellectus voluntas pro libito suo operatur, immò trahat ad seipsam ipsum intellectum ad cogitandum hoc, vel illud; vel ad suspendendum actum.

608. TERTIÒ Notandum ex Se-

raph. Doct. lib. 2. *dist. 25. part. 1. quæst. 6. ad 3.* cum dicitur, quod ratio iudicat, & deliberat, & voluntas sequitur, & moeatur secundum illud, quod à ratione deliberatur, sano modo intelligendam est hoc dictum: nam duplex est iudicium rationis, seu cognitio, alia est in solo dictamine, idest per solam simplicem apprehensionem, alia est iudicium perfectum definitivum, ut illud fiat, vel non fiat, & hoc est imperatum à voluntate, quæ actum intellectus ad seipsam trahit: In prima operatione intellectus, scilicet in apprehensione puta intellectus non semper voluntas sequitur ipsam, in secunda semper sequitur, nempe dum imperat, ut deliberetur de hoc, vel illo obiecto, tunc ipsam intellectum trahit ad se, & pro libito movet se ad amplectendum id, quod sibi libuerit.

609. QUARTÒ Notandum, quod maxime controvertitur inter DD. quænam sit dependentia, quam habet voluntas ab intellectu: quæ dependentia potest dupliciter intelligi: primò in ratione obiecti: ita ut voluntas operari non possit nisi circa obiectum proprium ab intellectu: secundò in ratione actus, an scilicet voluntas, ut eliciat actum, dependeat ab actu intellectus, ita ut non sufficiat obiectum esse in intellectu, ut in illud fiat, sed ulterius requiritur actualis cognitio in intellectu de obiecto eodem: & hoc secundo modo potest intelligi, vel ut cognitio obiecti se habeat solum ut conditio vel præambula, vel concomitans ad hoc, ut voluntas operetur, vel ut causa efficiens, & movens voluntatem ad operandum, ita ut actus voluntatis pendeat effectivè tum ab ipsa voluntate, tum ab intellectu

tellectu mouente voluntatem: In qua questione

PRIMA Opinio est Gotfredi à Scoto *in lib. 2. dist. 25. quest. 1.* assentientis voluntatem à Phantasmate deprendere: putat enim utramque potentiam esse solum patientem.

SECUNDA est hæresis Calvini, Lutherique assentientium voluntatem nihil operari, sed solum moueri à Deo ad bonum, & malum, & hoc necessariò.

TERTIA Opinio vult in actibus naturalibus intellectum esse causam principalem mouentem, in deliberatiuis voluntatem: Sic Marsil. apud Vasquez.

QUARTA est Nominalium docentium utramque potentiam concurrere ut duas conclusas, sed intellectum ut imperantem, voluntatem ut obtemperantem.

QUINTA est communis voluntatem non moueri à Phantasmate, nec ab obiecto, nec à Deo, nec ab intellectu ut concausa, sed à seipsa, præsupposità tamen ostensione intellectus tanquam conditione sine qua non, cum voluntas sit potentia cæca: His positis

610. PRIMA CONCLUSIO: Liberum arbitrium est facultas rationis, & voluntatis, ita quod respicit principaliter libertatem voluntatis, minus principaliter actum intellectus: unde comprehendit utramque potentiam secundum mutua inuicem, & ordinationem: Est S. Bonavent. *lib. 2. dist. 25. part. 1. supra cit. in 2. c. 3. Notab.* estque communis Scotistarum, & Thomistarum, licet isti discrepent à Nobis in hoc, quod existimant intellectum esse causam principalem.

PROBATVR primò ex D. Aug.

*cit. à S. Bonavent. quest. 3.* Liberum arbitrium complectitur totam animam, sicque utramque potentiam: Idem & D. Damasc. *ibidem*. Tum quia liberum arbitrium sic à D. August. definitur: *Facultas rationis, & voluntatis*. Et à D. Bernardo *Consensus voluntatis ob inamiscibilem libertatem voluntatis, & indeclinabile iudicium rationis*. Tum quia peccatum, & culpa est in solo arbitrio libero, sed aliquod peccatum est in ratione, ut infidelitatis, aliquod in voluntate: ergo. Idem & de gratia, & virtutibus dicendum est: aliquæ enim sunt in voluntate, aliæ in ratione, ut fides.

QVOD verò principaliter resideat penes voluntatem: iam supra probatum est tum in fundamentis: tum in secunda quest. huius tractatus.

611. OBJECIES primò: Liberum arbitrium non potest cogi à Deo, sed ratio potest cogi: ergo non includit rationem.

RESPONDET Seraph. Doct. concedendo maiorem de libero arbitrio ut sic, provt dicit libertatem concedendo Minorem de ratione ut sic: negando de ratione, provt subiaceat voluntati, vel provt vnita est voluntati: qua distinctione Seraph. Doct. respondet aliis consimilibus obiectionibus.

OBJECIES secundò: Si liberum arbitrium importat utramque potentiam, vel eas continet, ut totum potestatiuum continet partes subiectiuas, vel ut totum integrale, seu partes componentes: sed neutrum potest dici: ergo.

PROBATVR minor: Non primum, quia sequeretur totum liberum arbitrium posse saluari in sola voluntate.

voluntate, & totum in solo intellectu: sic tota ratio animalis saluatur in homine, & tota in Leone, &c. sicque in quolibet homine essent duo libera arbitria: Nec secundum: quia ex duabus potentiis nunquam fit vna tertia, & maximè cum potentiæ sunt inter se diuersæ, & distinctæ, & earum actus sunt ordinati ita, quod vnus antecedit, alter consequitur: ergo.

**CONFIRMATUR:** Quia liberum arbitrium dicit vnicam facultatem, vel ergo subiectantur in solo intellectu, vel in sola voluntate, cum sint potentiæ distinctæ, & diuersæ, &c. & cum accidens numeretur ad numerationem subiecti.

**RESPONDET S. Bonauent. ibid. ad ultim.** quod liberum arbitrium propriè non dicitur totum potestatiuum, seu vniuersale, nec totum integrale, sed participat de vtraque ratione aliqui modo, participat enim naturam totius integralis, quatenus in vna illarum non potest saluari absque altera: & naturam totius vniuersalis, quatenus ex illarum concursu adinuicem quamlibet illarum denominat eo modo, quo duo homines continent virtutem ferendi vnum lapidem, quando totam neuter per se habet, & similitudo dicitur esse in duobus similibus, ita quod non est in vno sine altero, & tamen quodlibet eorum denominatur simile, nec dicuntur duæ similitudines, sed vna.

Ad Confirmationem Respondetur ex iis, quæ tradit Seraph. Doct. lib. 2. dist. 26. quæst. 5. ad 3. quod accidens numeratur ad numerationem subiecti, quando ea, quæ subiiciuntur, sunt diuersa, & vt diuersa subiiciuntur: non verò quando subiiciuntur. *L. P. Bart. de Cystrovetto Phil. P. III.*

per eandem naturam, sic liberum arbitrium dicitur esse animæ, & ratione animæ, cum qua continuantur, & identificantur potentiæ, in quantum communicant in libertate arbitrij: sicut vna sanitas dicitur esse in omnibus membris, quia est ipsis secundum vnā originem, quæ est complexio vna existens in ipsis.

Ex quibus sequitur, quod liberum arbitrium est nomen dicens habitum, seu facultatem, & habilitatem animæ, principaliter tamen se tenens ex parte voluntatis: Sic Seraph. Doct. lib. 2. dist. 25. part. 1. quæst. 4. & 5. & ratio est, quia dicit arbitriam potestatem, seu habilitatem vtendi suo dominio, ad quod ambæ potentiæ concurrunt: principaliter tamen residens penes voluntatem, in qua consummatur dominium principale, & libertas.

**ADDIT Seraph. Doct.** hunc habitum non esse qualitatem accidentalem superadditam ipsis potentiis, sed dicere coniunctionem tantum duarum potentialium simul concurrentium ad exercitium libertatis eo modo, quo dictum est suprà in 2. Notab.

**612. SECUNDA CONCLUSIO:** Voluntas in actibus naturalibus, seu secundum cursum naturalem exigit necessariò intellectualem cognitionem obiecti præcedentem, quæ sit vel simplex apprehensio, vel iudicium: Conclusio hæc habet duas partes: Prima, quod secundum cursum naturalem præexigitur cognitio: & hæc est communis contra Gotifredum existimantem sufficere cognitionem Phantasie: Secunda, quod sufficit simplex apprehensio, vel iudicium: & hæc est contra Thomistas exigentes semper iudicium.

quæ omnes sunt Seraph. Doct. Prima quidem pater ex traditis : Secundam asserit *lib. 2. dist. 25. part. 1. art. 1. quæst. 6. ad 3.*

**PROBATVR** prima pars : Quia voluntas est potentia cæca : sed proprium est voluntatis tendere in obiectum vel per modum prosecutionis, vel per modum fugæ : ergo debet manifestari ipsi obiectum sub illa ratione, sub qua voluntas moueri possit ad vnionem, & altera ratio, ratione cuius ab alio recedit, sed talis manifestatio fit per intellectus cognitionem : ergo.

**PROBATVR** secunda pars primo, quod non sufficiat cognitio sensitiva : Quia inter mouens, & motum debet esse proportio : ergo & inter potentiam cognitiuam, & appetitiuam, sed appetitiua rationalis est spiritalis, & procedit modo spiritali : ergo & cognitiua debet esse talis. Tum quia in obiecto debent proportionari : sed obiectum voluntatis est quodcunque bonum tam delectabile, quàm honestum : ergo & cognitiua debet correspondere in vniuersalitate eadem. Tum quia sequeretur posse esse peccatum sine vsu rationis : nam ex diuersis bonis à sensu perceptis posset quædam amplecti, & quædam respuere, quæ omnia docet S. Bonau. clarissimè *lib. 2. dist. 25. quæst. 1.*

**613. PROBATVR** secundò, quod sufficiat simplex apprehensio : Hæc enim repræsentat rationem boni existentis in obiecto : ergo hæc sufficit : nihil enim aliud exigit voluntas ab intellectu.

**PROBATVR** antecedens : Idem obiectum, quod cognoscitur per iudicium, potest attingi per simplicem apprehensionem absque affirmatione,

vel negatione, vt probauimus in tract. præced. ergo & bonum sub ratione boni, & conuenientis : ergo & ipsum potest ostendi voluntati per talem actum simplicem. Tum quia simplex notitia ostendit, quid sit obiectum. Tum quia datur in voluntate simplex complacentia : ergo & ei debet correspondere simplex notitia. Tum quia aliquando aliqua dignitas, vel gradus honorabilis simpliciter apprehenditur, vt dum quis se Papam fingit, & in hoc solo obiecto voluntas simpliciter delectatur : sic Lucifer appetit similitudinem Dei, vt docet D. Thomas.

Et hæc est expressa Sententia Seraph. Doct. qui in *Opusc. de 7. Itiner. æterni. Itiner. 4. dist. 3.* docet, quod amor intellectualis simplex est, qui præsupponit cognitionem non quidem deliberatam, sed tantum simplicem : & *lib. 2. distinct. 22. artic. 2. quæst. 1. in corp. & ad 1. & 2.* docet dari culpam ex ignorantia, scilicet cum aliqua nescientia existente circa peccantem, nempe dum non considerat grauitatem culpæ, vel penæ, idque est simplex apprehensio : & *lib. 2. distinct. 39. art. 2. quæst. 1.* admittit lumen iudicatorium, & simplex dictans hoc, vel hoc esse faciendum absque electione, vel deliberatione, cui responderi Synderesis, quæ est quædam inclinatio simplex absque collatione ad bonum honestum : & *lib. 2. dist. 38. art. 2. quæst. 2.* aduertit, quod intentio potest importare habitudinem ad obiectum tantum, vel etiam ad ipsum vt terminum, & vltimum : primum fit per simplicem conuersionem, & apprehensionem, cum fiat sine collatione : primo actui respondet simplex complacentia : secundo verò actus effi-

cax,

car, vt dictum est : Et in Itiner. Ment. cap. 2. simplicem apprehensionem appellat iudicium de dictamine naturæ : sic & lib. 2. dist. 25. part. 1. quæst. ultim. ad 3. vnde patet mens Seraph. Doct. licet ab Aliquibus citetur malè pro Sententia Thomistarum.

DICES : Ad hoc, vt voluntas appetat bonum, requiritur cognitio conuenientiæ, & vt respuat, cognitio disconuenientiæ obiecti : sed vtraque non potest esse absque iudicio deliberatio : alioquin voluntas posset decipi ab intellectu proponendo obiectum malum pro bono, & viceversa : ergo.

RESPONDETUR distinguendo Maiorem : Ad hoc, vt voluntas appetat obiectum, requiritur cognitio, &c. ad actum vel efficacem, vel simplicis complacentiæ, concedo : Ad Minorem responderetur concedendo ipsam voluntatem in ordine ad actum efficacem, negando in ordine ad simplicem complacentiam : Ad id verò, quod voluntas posset decipi.

RESPONDETUR, quod in simplici apprehensione non attingitur bonum cum collatione conuenientiæ, sed significatum illius propositionis, hoc est bonum absque cognitione complexionis terminorum : nam, vt ait S. Bonauent. lib. 1. dist. 3. part. 1. art. 1. quæst. 1. ad 4. in simplici apprehensione non adest falsitas, sed in iudicio : sed quia, vt dictum est, Aliqui citant S. Bonauenturam, quasi asserat nec esse necessariam præcognitionem obiecti, ad hoc vt voluntas possit illud velle : Vt habeatur Sententia germana Seraph. Doct. sit.

614. TERTIA CONCLUSIO:

Voluntas in exercitio suæ libertatis non dependet ab intellectu effectiue, sed præsuppositiue tantum, ita quod supernaturaliter potest etiam voluntas ferri in obiectum incognitum.

PRIMA pars clarè asseritur à Seraph. Doct. lib. 2. dist. 25. per totam, maximè quæst. 5. & est communis Scottistarum apud Fabrium citat. cap. 12. est & Valquez 1. 1. diffinit. 36. cap. 2. Hurtad. disp. 14. de an. sect. 5. Plurimumque Aliorum : Secunda pars item asseritur à Seraph. Doct. in Op. de mystica Theologia infra in fine quæst. citat.

PRIMA pars satis supra probata est in quæst. 2. & ex traditis in Phisica tract. de cau. finali quæst. 3. nam ibi probauimus finem mouere voluntatem non secundum esse cognitum, quod habet, id enim ei est conditio tantum extrinseca prærequisita, sed secundum esse reale, vel verum, vel possibile, & entitatum, sicque habet mouere, & excitare voluntatem ratione suæ bonitatis : Quod verò obiectum non naueat, prout est cognitum sub hac reduplicatione, patet, quia multoties cognitio est iam transacta, quando voluntas illud amplectatur. Tum quia si quis credit esse peccatum Deum negare, & si ille negaret, tunc fides concurreret ad peccatum, quod est maximum absurdum.

PROBATUR secunda pars, nempe supernaturaliter posse voluntatem amare aliquid absque vlla cognitione ; quia potest Deus infundere actum amoris in ea, & tunc verè posset tendere, vel non tendere libere in obiectum, & si tenderet, tunc amaret obiectum : diceretur enim amans verè, & realiter, quia forma existens in aliquo formaliter illud

denominat, sed amor est necessarius, & intrinsecè alicuius obiecti amor: ergo tunc simul attingeret obiectum, in quo casu esset voluntas tunc operatiua tantum, & non productiua, vt rectè notat Bægius *lib. 1. disputat. 39.* licèt, vt suprà dictum est, pro statu isto ordinariè loquendo sit prius productiua actuum, quàm operatiua, scilicet recipiendo actum, & simul tendendo in obiectum, vt notat Bæsol. *lib. 2. disput. 9. quest. 2.*

CONFIRMATUR: Quia Sancti aliquando feruntur in obiectum non præcognitum, quando scilicet relicta cognitione omnium vniuntur per amorem cum Deo, quod & docet D. Dionys. de Diuinis nominibus *lib. 7. & cap. 1. de mystica Theologia.*

615. OBIECTES primò cum Meldul. *diff. 7. num. 120.* ad hoc, vt voluntas operetur, debet ipsi fieri præsens obiectum vitaliter: sed talis præsentia solam est ab intellectu ostendendo ipsi voluntati obiectum: est enim de se potentia cæca, obidque talis præcognitio est necessaria ex indigentia intrinseca voluntatis: ergo si voluntas ferretur in incognitum, ferretur in obiectum simul præsens, & non præsens, quod implicat:

SED certè talis implicantiæ est valde exilis ad denegandum hanc indigentiam non posse à Deo suppleri, cum cognitio sit quid extrinsecum voluntati, & solùm vt conditio sine qua non, & maximè, quia falsum est præsentialem obiecti voluntatis otiri ex intellectu: immò ex hoc sequeretur intellectum concurrere effectiue cum voluntate, quod falsum est, vt suprà dictum est: Hinc

RESPONDETUR negando abs-

que concursa intellectus obiectum non esse præsens vitaliter: dum enim amor infunderetur à Deo in voluntate, vt supponitur posse id fieri, tunc erit amor alicuius obiecti, & est vitalis de sui natura, licèt non productus à voluntate, sed est vitalis, quatenus in potentia viua subiectatur, & ipsam vnit cum obiecto: Tum quia voluntas non vnitur media intellectione ( hæc enim est quid antecedens, & multoties etiam tempore, & iam transacta ) sed seipsa vnitur intentionaliter cum obiecto: Quænam igitur implicantiæ est, vt voluntas absque præcedenti cognitione intellectus fruatur bono sibi vnito à Deo exhibito immediato: Vnde falsum est, quod dicunt Aduersarij, scilicet Meldul. *Guarin. diff. 2. exp. 13.* & Alij, voluntatem vnitri obiecto media cognitione, sicut nec aliæ potentie vniuntur obiecto mediis operationibus aliarum potentialium.

OBIECTES secundò, posse voluntatem in obiectum incognitum ferri etiam naturaliter, quando scilicet relictis omnibus imaginibus, & cognitione rum corporalium, rum spiritualium ferruntur in Deum in altissima contemplatione.

PRO qua Sententia citatur S. D. sed falsò: Verum quidem est, quod in *Op. de mystica Theol. quest. vnic. in fine.* docet animam ferri in Deum aliquando per amorem vnitium absque omni cogitatione, deliberationeque relinquendo partem intellectuum quasi pedissequam inferius, & sine ipsius obsequio consurgendo ad dilecti vnionem: Et hinc inferunt, quod naturaliter id potest fieri, sed mala illatio: Tum quia Seraph. Doct. loquitur de potentia Dei



Dei supernaturali, & extraordinaria, secundum quam subleuat amicos suos: nam loquendo de actibus ordinariis etiam eminentibus voluntatis in Deum in *Op. de 7. Itiner. acrim.* *Itiner. 4. diff. 2.* docet necessarium requiri aliquam cognitionem, vel saltem illam innatam, quam habet anima in ordine ad Deum, de qua suprà pluries egimus.

## QVÆSTIO V.

*De obiecto voluntatis quodnam sit.*

616. **S**ICUT Intellectus est potentia vniuersalis nullos habens limites tendens vniuersaliter in quodcunque ens ratione veritatis in ipso inclusæ: sic & voluntas debet ei proportionari in tendentia ad quodcunque ens sub ratione boni: bonum enim, & verum æqualiter se habent in ente: Difficultas ergo in hac quæstione est; an obiectum adæquatum voluntatis sit ens in tota sua latitudine: an verò sit ens vt bonum: Et si dicatur hoc secundum: Quæritur, quænam sit ista ratio bonitatis, an sit omne bonum tam sensibile, quam intelligibile: an sit intelligibile tantum: Et cum bonum aliud sit absolutum sine vllò ordine ad subiectum, cui est bonum, scilicet vel honestum, vel conferens, scilicet vtile, & delectabile: aliud per respectum ad subiectum: an voluntatis obiectum sit bonum absolutum: an verò cum illo respectu, quatenus est sibi bonum.

PRIMA Opinio est communis Scotistarum Fabri *diff. 9. de pæn.* *cap. 7.* Licheri *lib. 2. disput. 6. quæst. 1.* Bargij *lib. 1. disp. 39.* Cauelli, Vulp.

Aliorumque assententium ens in tota sua latitudine esse obiectum adæquatum voluntatis, sicut est intellectus, illud quidem vt amabile, istud vt intelligibile.

SECUNDA Opinio communior Aliorum est obiectum hoc esse ens vniuersaliter sumptum, sed sub ratione boni: & hæc est Opinio Seraph. Doct. D. Thomæ, &c. Pro solutione.

617. PRIMò Notandum, quod potior difficultas in hac Quæstione, & Sententia communiori est explicare, in quonam sit constituta ratio bonitatis entis, ob quam est obiectum motum voluntatis: Nam D. Thom. *quæst. 1. & quæst. 21. de verit. artic. 1.* Suarez *diff. 10. Metaph. sect. 1. num. 13.* & seq. Durand. Alique volunt consistere in ratione conuenientie, pro vt est tale alteri: obidque & connotare relationem inclinationis aliorum, seu conuersionis aliorum cum tali bono: hinc bonum honestum est, quod est conueniens naturæ rationali, delectabile, quod est conueniens naturæ sensibili, sic etiam id dicitur conueniens alteri, quod est ei perfectio, sic frigus est bonum aquæ, quia est ei consentaneum: Alij volunt bonitatem consistere in entitate absoluta entis, quatenus in se aliquid perfectionis habet: sic Heræus, Alique apud Meldul. in *M. r. diff. 5. num. 246.* Alij volunt consistere in relatione reali conuenientie superaddita enti, secundum quam est appetibile ab appetitu. De sensu Seraph. Doct. valde est incertum ob varia dicta ipsius loquentis de bono: quæ tamen, licet videantur varia, coincidunt in explicatione rationis obiecti voluntatis, vt mox patebit.

618. SECUNDò Notandum ex S. Bonavent. *lib. 2. distinct. 1. part. 2. dub. 2. & lib. 1. distinct. 22. part. 1. artic. 1. quest. 1. ad 3.* quod bonum aliud per essentiam, aliud per participationem: primum est omnino independens, habetque bonitatem per exuberantiam, omnemque plenitudinem à se: secundum est, quod accipit bonitatis partem ab eo, quod est per essentiam, estque omne bonum creatum: & hoc creatum est etiam duplex, aliud est naturæ, aliud moris: bonum moris est differentia actionum liberarum, sumiturque ex ordinatione ad regulam rectitudinis, & legis Divinæ: utque vel ex genere, vel ex circumstantia, vel ex peculiari ratione, de quo non est in præsentì Sermo: sed de ipso agitur in tractatu de actibus humanis in Sacra Theologia, & de quo vide S. Bonavent. *lib. 2. dist. 38. quest. 1. & distinct. 28. art. 2. quest. 3. & distinct. 35. dub. 5.* alibique sæpè: & in hoc sensu loquendo de bono naturæ, & de bono moris dixit Seraph. Doct. *lib. 1. dist. 45. quest. 1. ad 2.* quod bonum non circumplexitur totum actum voluntatis, cum possit velle oppositum, scilicet malum in genere moris; sed tamen semper sub ratione boni: sic se explicat *lib. 2. distinct. 41. art. 1. quest. 1. ad ultim. & dist. 34. artic. 1. quest. 3.* alibique sæpè: & de hoc, ut dictum est, hic non est Sermo: Bonum autem naturæ inest enti ex sua propria forma dante esse, quæ in ipso ente non addit novum esse, sed tantum relationem, quæ competit causæ finali: Sic *lib. 2. dist. 1. supra cit.* Et hoc pacto omne ens est volubile, & subiacer voluntari nostræ, ut aduertit Seraph. Doct. *lib. 1. dist. 1.*

*art. 1. quest. 2. ad 2.* Ex quibus sequitur, quod bonum primò dicitur entitatem absolutam, nempe rationem, secundum quam habet ens omne id, quod competit tali naturæ; ut cibus, quia habet saporem, est bonus: Secundò importat relationem conuenientiæ vnius rei ad aliam, verbi gratiæ, saporis ad cibum, quæ relatio est realis, quando bonitas est accidentaliter superaddita ipsi entitati, ut verbi gratiæ, sapientia, vel gratiæ in anima, quæ dant bene esse: est autem relatio rationis, si dicitur bonitatem essentialem, quia est modus intrinsecus entis: Sic ex Seraph. Doct. *lib. 2. distinct. 1. part. 2. dub. 2.* Tertiò importat relationem aptitudinalem ad appetitum, quem habet mouere, & terminare: Voluntas autem habet tendere in bonum non solum secundum qualiteratem absolutam boni ipsius, ut nosat Seraph. Doct. *lib. 2. dist. 41. art. 1. quest. 1. ad 3.* sed ut est tale bonum, & sibi conueniens, quatenus scilicet est tale per ordinem ad subiectum.

ADVERTE ulterius ex Seraph. Doct. *lib. 2. distinct. 38. dub. 4.* quod bonum potest considerari in ratione obiecti, & in ratione finis: primo modo competit ratio appetibilis non solum causæ finali, sed & mediis secundum se: secundo modo tantum causæ finali: unde falsum est, quod dicunt Thomistæ *p. 2. quest. 1. art. 1.* omnem bonitatem mediorum esse extrinsecam, quatenus scilicet dicunt ordinem ad finem, id enim falsum est, quia, ut ait Seraph. Doct. alia voluntate volo media, alia finem, & voluntas pro suo libito (ait Seraph. Doct. *lib. 2. distinct. 1. artic. 1. quest. 1. ad 3.*) potest velle absolute media, ibi quiescendo, & ea ordi-

nare ad finem : idque patet, quia si conferunt ad finem : ergo habent aliquam bonitatem, licet ordinabilem : His positis

619. PRIMA CONCLUSIO: Adæquatum obiectum voluntatis est bonum naturæ absolutum absque ordine ad subiectum, seu quatenus est sibi bonum, vel alteri : Inadæquatum verò, prout importat ordinem ad subiectum, vel aliquam qualitatem accidentalem superadditam : Sic S. Bonavent. *lib. 2. dist. 14. citat. & distinct. 1. cit. & communior Aliorum : & lib. 1. dist. 1. art. 3. quæst. 2. & ibid. art. 1. quæst. 2. ad 2.*

PROBATVR prima pars : Bonum essentialiter dicit qualitatem absolutam superadditam rei à propria forma : sed hæc ratio est vniuersalis adæquans vniuersalitati potentix volitivæ : potentia enim appetitiua rationalis subordinatur cognoscitivæ, sed hæc tendit in quodcunque verum : ergo & voluntas in quodcunque bonum.

PROBATVR secundò : Voluntas in ratione potentix distinguitur à parte rei ab intellectu ex alijs traditis in prima parte horum librorum de Anima ex S. Bonavent. *lib. 1. dist. 3. part. 2. quæst. 1. & alij locis :* ergo differt non solum quoad suam entitatem, sed & quoad modum tendendi in obiectum, & quoad diuersitatem obiecti : potentix enim distinguuntur penes actus, & obiecta ex alijs traditis : sed intellectus tendit in quodcunque verum : ergo voluntas in quodcunque bonum.

PROBATVR Consequentia, & Confirmatur : Quia intellectus vnitur obiecto per attractionem obiecti in se, & voluntas per attractionem

voluntatis ad obiectum : amans enim extra se exit amando, ait S. August. ergo.

620. PROBATUR tertio : Frui est proprius, & proportionatus, adæquatusque actus voluntatis, ergo ad obiectum fruibile tendit, sed hoc est quodcunque bonum : ergo. Tum quia est potentia libera : ergo potest delectari de quocunque bono, alioquin non posset exire nisi in amorem concupiscentiæ, non verò amicitix.

Et hinc dicunt Theologi, quod voluntas potest dupliciter amare Deum, vel vt summum bonum, & summè amabile, & vt sibi bonum : & hinc etiam remanet probata secunda pars Conclusionis : patet enim ex traditis voluntatem posse velle bonum vt sibi conueniens.

OBIECTIS primò cum Scotistis : Obiectum voluntatis esse ens vt ens, non vt bonum : ens enim, & bonum non distinguuntur, sed sunt idem non solum identicè, sed etiam secundum communioem formaliter : ergo non possunt constituere diuersa obiecta.

RESPONDET S. Bonan. *lib. 2. distinct. 24. part. 1. art. 2. quæst. 1. ad 3.* Ens, & bonum non distinguuntur vllò modo, nego, aliquo modo, concedo : immò formaliter distinguuntur ex Seraph. Doct. *lib. 2. dist. 2. art. 3. quæst. 2. in fine corp.* de quo aliàs in *Metaph.* & dato, quod distinguerentur solum ratione, non per hoc sequitur, quin possint constituere diuersa obiecta. Tum quia etiam ens vt sic se habet æqualiter vt materiale ad intellectum, & voluntatem : formalizatur autem per additionem bonitatis, & veritatis.

OBIECTIS secundò : Nihil potest

test velle voluntas, nisi sit præcognitum ab intellectu: ergo si intellectus tantum cognoscit verum, id etiam erit obiectum voluntatis.

RESPONDET S. Bonau. *lib. 1. dist. 1. art. 3. quæst. 2.* quod istæ duæ potentia habent quidem idem obiectum materiale cum æquali latitudine vniuersali: vnde bonum proponitur ab intellectu ipsi voluntati non sub ratione veri, sed sub ratione veri conuenientis, & amabilis, seu, ut loquitur S. Bonauent. *lib. 2. dist. 39. dub. 1.* cognoscitur obiectum bonum, sed sub ratione veri, & hoc pacto sub ratione materialitatis obiecti voluntas subordinatur intellectui.

OBIECTES terribiliter contra secundam partem Conclusionis: Voluntas appetit bonum ipsum amando: ergo in ipso delectatur: ergo solum appetit, quod est sibi bonum, alioquin tenderet in obiectum, & in actum, quæ non essent sui perfectiua, quod est contra rationem potentia: actus enim, & obiectum sunt perfectiua potentia.

RESPONDETUR voluntatem delectari in suo actu amoris, sed ut in medio, per quod amat bonum absolutum in se, & in hoc sensu dicitur delectari seipsam non absolute, sed per ordinem ad bonum absolutum.

621. EX hac Conclusionem inferatur euidenter voluntatem pro libito posse ferri in finem, vel in media, & in obiecta etiam sensum: est S. Bonauent. Si enim potest in bonum absolutum, & vniuersale, ergo potest & in quocumque peculiare: Tum quia id habet ex sua libertate innata, quod & docet S. Bonauent. *lib. 2. dist. 34. art. 1. quæst. 3. in fine corp.* ubi probat voluntatem non semper delectare, quod melius est: & *lib. 1.*

*dist. 1. art. 1. quæst. 1. ad 2. & 3. & ratio, quam ibi adducit, est, quia voluntas sola vri potest actu suo pro libito; vnde ipsa non solum referri potest per inclinationem in finem suum, sed habet referre eundem actum pro libito, & ibi quiescere, ut probatum etiam est supra quæst. 2. & 3. Sed quia maior difficultas est, an possit voluntas ferri in malum sub ratione mali, & in obiectum de se indifferens, quod nec est bonum, nec malum, & quia actus ipsius sunt prosequutio, & fuga, an possit ferri in bonum actu fugæ, & in malum actu prosequutionis: Hinc.*

622. TERTIA CONCLUSIO: Voluntas non potest ferri in malum ut malum actu prosequutionis, nec in bonum ut bonum actu fugæ, sed semper ferri necessario in bonum: Est communis S. Bonauent. Scoti, D. Thom. exceptis Aliquibus paucis cum Nomin. & Fabr. *lib. 1. disput. 13. cap. 7. & de pæn. dist. 9. cap. 8. S. Bonauent. lib. 2. dist. 34. art. 1. quæst. 3.* probat voluntatem semper ferri etiam in malum, sed sub ratione boni, saltem ipsi volenti, & *lib. 2. dist. 25. part. 2. quæst. 3. ad 2. & lib. 2. dist. 38. artic. 1. quæst. 1. ad 2.* docet, quod nemo aspiiciens ad malum, malum saltem deliberatiue operatur, sed semper ad bonum aspicitur saltem quoad æstimationem.

PROBATUR primò à S. Bonau. *lib. 1. dist. 34. quæst. 3. cit.* Voluntas operatur semper ob aliquem finem: sed bonum, & finis sunt idem secundum illud axioma D. Dionysij: Nemo intendens ad malum malum operatur: ergo semper tendit in bonum. Tum quia malitia non trahit, sed retrahit, alioquin voluntas sibi vellet malum. Tum quia si vellet malum

ut malum, id esset vel amore amicitiae, vel concupiscentiae: non primò, quia hic tendit tantum in bonum honestum: nec secundò, quia malum nullam utilitatem, vel delectationem habet, & si habet aliquam utilitatem apparentem, sequitur, quod voluntas vult malum sub ratione boni.

623. **OBIICIENS** primò: Eadem est potentia contrariorum: sic idem visus in album, & nigrum potest: ergo & voluntas, sed bonum, & malum sunt contraria: ergo.

**RESPONDETUR** distinguendo Maiorem: Eadem potentia tendit in obiecta opposita materialiter, concedo: formaliter, nego: sic oculus tendit in album, & nigrum sub ratione coloris: eodem modo voluntas tendit in malum vel amando illud bonum, vel ipsum respuendo ut malum.

**INSTAS**: Actus adæquatè complectentes voluntatem sunt duo, scilicet prosecutionis, & respuitionis, sed ille tendit in bonum, iste in malum: ergo ut in obiectum: non enim respuitur bonum, sed malum ut malum: ergo saltem sub hac ratione malum est obiectum.

**CONFIRMATUR**: Quia etiam intellectus per assensum amplectitur verum, per dissensum falsum, ergo à simili, &c.

**RESPONDETUR** distinguendo Maiorem: Actus voluntatis sunt duo, sicut actus subordinati, concedo: absoluti: nego: nam intantum respuitur malum, inquantum voluntas vult bonum per se primò: unde malum non est obiectum voluntatis nisi materialiter, & secundariò: Idem est dicendum de intellectu respectu veri, vel falsi.

**OBIICIENS** secundò: Potest quis  
*R. P. Bart. de Castrov. Phil. P. III.*

peccare ex malitia cognita, ut quis in contemptum Dei, vel in odium Dei: ergo potest velle malum, ut malum est.

**CONFIRMATUR**: Quia potest voluntas sibi præfigere finem præfixum, & merè voluntarium, sicque præfigere sibi malum, ut malum est: ergo.

**RESPONDETUR** S. D. lib. 2. d. 43. art. 1. quest. 3. in corp. quod quidem aliquis potest ex certa malitia, & scientia peccare, & odisse Deum, sed tamen solum sub ratione aliqua boni vel sibi, vel alteri, verbi gratià, odisse Deum, quia iustus est, quia non satisfacit suæ concupiscentiæ, quia punnit, &c. Et ad id de fine præfixo.

**RESPONDETUR** ex doctrina, quam tradit S. Bonavent. lib. 2. dist. 5. artic. 1. quest. 2. in corp. & ad 3. & 4. negando posse voluntatem præfigere sibi malum, ut malum est: unde si quis præfigit sibi obiectum impossibile, verbi gratià, esse Deum, vel æqualem Deo: tunc non appetit diuinitatem, vel illud impossibile, sed amat illam suam fictionem, & in ea sibi complacet, sicque sibi satisfacit, &c. Vidè S. Bonavent. lib. 1. dist. 1. art. 1. quest. 1. ad 3. & quest. 3. ad 3. & lib. 2. dist. 35. quest. 1. ad 3.

**UT** autem id intelligatur, aduerte, quod in tali actu malo, quo voluntas circa malitiam versatur, sunt duo, scilicet id, quod voluntas vult, & ratio ipsa volendi, & appetendi: id, quod vult, certè est malum: ratio appetendi est aliquod bonum saltem apparens à nobis apprehensum: & est id, quod dicit Seraph. Doct. lib. 1. dist. 1. art. 1. quest. 1. ad 1. quod in bonis volitis ratio ordinationis stat ex parte ordinantis, & obiecti ordinati in malis stat tantum ex parte ordinantis

R r r

nantis

nantis : qua doctrina satisficit pluribus difficultatibus, quæ in hac materia possunt occurrere.

ET SI quæras, quænam sit ratio fundamentalis, quare voluntas solum potest in bonum?

RESPONDETUR ex doctrina, quam tradit Seraph. Doct. lib. 1. dist. 1. dub. 14. quod quia bonitas est ratio dispositiua causæ finalis, & quia est communicatiua, idèd trahit voluntatem ad se: hinc & voluntas transformatur in amatum: Et hinc deficiente bonitate in obiecto non potest trahi voluntas.

## QVÆSTIO VI.

*Explicantur aliqua dubia spectantia ad perfectam cognitionem voluntatis,*

624. QVÆRES primò: An voluntas possit ferri in indifferens obiectum, idest nec sub ratione boni, nec mali?

RESPONDETUR, quod indifferentia propriè est quidam medians inter bonum, & malum moris, non autem in bono naturæ: non enim potest dari ens, quod non habeat suam bonitatem naturæ: Sic Seraph. Doct. lib. 2. dist. 1. quæst. 1. vnde respondetur quæsitò negatiuè.

QVÆRES secundò: An voluntas possit velle impossibile?

RESPONDETUR ex Seraph. Doct. lib. 2. dist. 7. part. 1. art. 1. quæst. 2. ad ult. & in corp. quod duplex est appetitus, alter est deliberatiuus, & efficax, siue cum eligentia: alter est velleitatis, & inefficax: primo modo non vult, nec potest velle impossi-

bile, cum sit tantum rei vniuersalis secundum veritatem, & ob id est etiam mediorum: ergo cognitum vt impossibile non potest sic appeti: secundo modo verò potest velle impossibile: id enim non est velle absolute, sed conditionatè, vt patet in infirmo desperato, qui vult sanitatem, sed inefficaciter, cum sciat id esse impossibile: & si quis desiderat volare sicut hirundinem, quæ conditio non stat ex parte volentis, sed ex parte obiecti, per quam conditionem ponitur tale bonum in statu conditionato, tuncque in tali actu adest complacentia. Et ad hunc modum volendi rednuntur quædam delectationes peccaminosæ, quæ appellantur morosæ, licet conditionatæ sint, in quibus peccatum inest ratione complacentiæ peccaminosæ de tali actu, vel obiecto.

DICES: Impossibile vt tale cognitum nec est ens reale in se, neque putatum tale: ergo nec bonum reale, nec appetens: ergo nec volibile: Sic arguunt Valq. part. 2. disp. 42. cap. 4. & disp. 43. cap. 3. Valentia, Aluarez in part. 2. quæst. 1. art. 3. cum D. Thoma.

RESPONDETUR, quod impossibile est duplex, aliud ex suppositione, vt si haberem alas, vellem volare, estque velleitas conditionata ex parte obiecti, de qua dictum est supra, aliud est impossibile absolute, & vt tale cognitum, vt quod creatura sit Deus infinitus: De primo non currit obiectio, vt dictum est, nam certum est posse contritum velle tale impossibile, verbi gratia, peccatum nunquam extitisse, quæ voluntas est inefficax: de quo S. Bonauent. lib. 4. dist. 17. p. 1. art. 2. q. 1. in corp. & art. 1. quæst. 1. ad 4. & 5.

&c

& in hac velleitas, seu, *ly vellm*, significat voluntatem, & complacentiam, quæ de præfenti inest in voluntate, & simul rem habentem esse conditionatum: Sed difficultas est de secundo impossibili, quod negant Thomistæ citati: at Seraph. Doct. lib. 2. *distinct. 5. art. 1. quæst. 2. in corp. & ad 3. & 4.* dicit, quod tale impossibile potest appeti voluntate inefficaci, ita quod tamen voluntas non feratur in obiectum secundum esse reale, vel apparens, sed fertur potius in fictionem factam ab intellectu, in qua delectatur voluntas: & hæc est illa bonitas, quam appellant Scotistæ præfixam, & præstitutam, &c. & per hoc Respondetur objectioni factæ.

625. QVÆRES tertio: An voluntas possit præscindere à ratione finis, & medijs, producereque actum neutrum, qui nec sit volitionis, nec respirationis?

NEGANT Thomistæ: Affirmant Scotus, & Scotistæ apud Mel-dnl. *diffus. 7. num. 111.* idemque asserit Seraph. Doct. qui lib. 1. *dist. 46. art. 1. quæst. 2.* docet dari triplicem actum, scilicet velle, nolle, & non velle: idem & lib. 1. *dist. 6. dub. 3.* ubi docet, quod nolle negat absolute actum: est enim negatio, seu suspensio actus: & non velle est actus positivus simul negativus: Idem & lib. 2. *distinct. 24. part. 1. dub. 2.* Ratio est, quia sicut intellectus potest proponere bonum aliquod præscindendo à ratione medijs, & finis, sicque non vt amabile propter se, vel propter aliud: sic & voluntas potest illud velle suspendendo actum tendentiæ ad rationem, quo est, & quod est, scilicet vel medijs, vel vt finis: Id enim habet voluntas ratio-

ne dominij ( vt ait Seraph. Doct. lib. 2. *dist. 25. part. 1. art. 1. quæst. 3. & distinct. 34. art. 1. quæst. 2.* ) quod habet super actum suum, & super obiectum: unde in tali casu obiectum habet rationem quidem obiecti amabilis, sed non medijs, nec finis: & per hanc distinctionem solvitur illa obiectio sumpta ex Arist. dicente omnem volitionem esse vel propter se, vel propter aliud: nam id est verum ordinariè loquendo, & de volitione boni, vt medijs, vel vt finis.

626. QVÆRES quarto: An ab obiecto resultet aliquid ipsi voluntati, ita quod fiat vel bona, vel mala?

RESPONDET Seraph. Doct. lib. 2. *distinct. 38. art. 1. quæst. 1. & dist. 39. dub. 1.* affirmatiuè: Ratio sumitur ex parte potentie, & ex parte obiecti: ex parte potentie, quia voluntas non solum conformatur obiecto, sicut & intellectus, sed & in ipsum transformatur ob vim vnitivam: ex parte obiecti verò, quia obiectum denominat potentiam: unde licet intellectus dicatur verus per conformitatem ad obiectum, non tamen dicitur bonus, licet cognoscat bonum ob carentiam transformationis: unde voluntas dicitur iusta, iniusta, &c. Ad hoc autem, vt resultet talis denominatio bonitatis in voluntate, exigitur duplex bonitas in fine, scilicet ex parte obiecti, seu finis, & ex parte ordinationis: Ratione obiecti, seu finis requiritur, vt finis sub tali ratione, quo appetitur, sit bonus, & ex parte ordinationis, vt scilicet sit idoneitas in illo obiecto ad rectam ordinationem actualem, nempe vt actus transeat super materiam debitam, & ordinabilem.

R R R 2 &

& regulabilem secundum rectam rationem : sic fornicationis actus nunquam potest esse bonus ob defectum talis ordinabilitatis : Vide S. Bonau. *lib. 1. dist. 1. artic. 1. quest. 2. & lib. 2. distinct. 38. & 39. citat.* sed de hac materia agitur fuse in tract. de actibus humanis in Theologia.

617. QVÆRES quintò : Quomodo concurrat obiectum ad actus voluntatis ?

ALIQUI apud Scotum *lib. 4. dist. 25.* dicunt obiectum cognitum, seu eius cognitionem esse causam totalem actuum voluntatis, hancque merè passivè se habere, quæ tamen est parum tuta in fide, cum per Concilia, & Authoritates S. Scripturæ, & SS. PP. habeamus voluntatem verè agere, & suos actus producere, nec merè passivè se habere.

ALIA Opinio est Nomin. Dur. Caiet. *part. 1. quest. 80. art. 2.* dicentium cognitionem concurrere ad actus voluntatis, non ut quod, sed ut quo, quatenus scilicet, ( ut ait Bannez *part. 1. ibid. art. 1. dub. 2.* ) cognitio ut ratio formalis ponit voluntatem in actu primo, ut possit producere volitionem eo modo, quo species intelligibilis ponit intellectum in actu primo.

COMMUNIS, & vera Opinio est voluntatem esse causam totalem suorum actuum, intellectumque nihil efficienter facere ad productionem actuum voluntatis, nisi ostendendo obiectum tanquam conditionem sine qua non. Et hinc

RESPONDETUR obiectum non concurrere cum voluntate nisi excitativè : Ratio autem est, quia intellectus se habet tantum ut conditio sine qua non : ergo nec obiectum ostendit voluntati concurrere Physicè cum

ea. Tum quia finis, seu obiectum cognitum movet voluntatem tantum excitando ipsam intentionaliter, non verò Physicè, & realiter. Tum quia datà quacunque motione facta ab intellectu, adhuc voluntas est libera, & potest exire, vel non exire in actum, ergo.

DICES : Intellectus activè determinatur ad cognitionem per speciem obiecti impressam : ergo & voluntas per obiectum ab intellectu repræsentatum : requiritur enim propositio obiecti facta ab intellectu, ad hoc ut in ipsum tendat voluntas.

RESPONDETUR negando paritatem : ratio est, quia cognitio est formalis similitudo obiecti, quam habet præsertim ex Physico concursu obiecti, non sic in amore, & volitione : non enim est imago, & similitudo obiecti, sed potius pondus in illud totaliter à voluntate procedens.

DICES : Per speciem impressam intellectus activè determinatur ad cognitionem, & per cognitionem voluntas determinatur ad amorem huius obiecti : ergo currit paritas.

RESPONDETUR iterum negando paritatem : nam species impressa necessaria est, ad hoc ut intellectus intelligat eo, quia ipsa species non est formalis expressio obiecti, sed tantum virtualis, ideoque activè concurrat cum intellectu ad expressionem formalem obiecti : at cognitio obiecti necessaria ad volitionem est formalis manifestatio obiecti, quæ sufficit, ad hoc ut voluntas se ipsam determinet ad tale, vel tale obiectum formaliter manifestatum.

618. QVÆRES Sextò : De actibus voluntatis, quot, & quanam sint ?

BREVITER



BREVITER responderetur primo, res esse primarios actus voluntatis correspondentes tribus actibus intellectus: Primus est simplex cōplacentia, vel displicentia obiecti, & hæc correspondet simplici apprehensione: Secundus est efficax complacentia efficaciter intendens in obiectum illud volendo, vel respuendo, correspondetque iudicio: Tertius est electio mediorum, quando vult media propter finem, & hic correspondet discursui: & ad hos tres reducuntur cæteri actus voluntatis, scilicet, amor, desiderium, spes, gaudium, timor, voluptas, ira, &c. sed præcipui sunt volitio, fructio, intentio, electio, & impetium.

VOLITIO est actus voluntatis circa finem absolutè spectatum.

FRUCTIO est actus, quo quietatur in fine volito.

INTENTIO est tendentia in finem, prout in ipsum per media perueniri potest.

ELECTIO est actus, quo se voluntas applicat ad media propter finem.

IMPERIVM est actus reflexivus voluntatis, quo dominatur sibi ipsi, & aliis: sibi ipsi enim imperat producendo actus suos, quos quando, & quomodò vult: cæteris autem potentiis imperat, & hoc vel directè, vel indirectè: directè appetitui sensitiuo consulendo, atrahendo, excitando: Item & intellectui ipsum inducendo ad operandum circa hoc, vel illud obiectum: Item & potentie loco motiue, quæ subest voluntati: aliqui enim motus non ipsi subduntur, ut motus arteriatum, & similia, sicut nec potentia vegetatiua, nisi indirectè, & per accidens: de qui-

bus vide Meldulam *disputatione* 7. *quæst.* 7. *artic.* 2. ubi fusè agit de hac materia.

## QVÆSTIO VII.

*An in Voluntate dentur habitus: ubi aliqua traduntur spectantia ad hanc materiam de habitibus in communi, & in particulari.*

629. **T**RACTATIO de habitibus ab Aliis traditur vel in fine Logicæ: vel in Metaphysica: à Nobis in hac quæstione discutienda est in hoc tractatu de voluntate eo, quia à Multis negatur in voluntate, & cæteris potentiis rationalibus dari habitus: Vnde hæc quæstio proponitur ad explicandam perfectiùs naturam, & capacitatem voluntatis, tum etiam intellectus: Aduerte tamen hic, quod nomine habitus non sumitur prima species qualitatis præcisè, de qua in Logica egimus, sed nomine habitus hic intelligitur quædam qualitas disponens potentiam, & subiectum ad agendum meliùs, & perfectiùs, non quod dans potentie simpliciter agere, qua ratione species obiecti multoties nomine habitus venit: sed quæ dat meliùs agere, &c. de qua S. Bonavent. *lib.* 1. *distinct.* 3. *part.* 2. *quæst.* 3. & *lib.* 2. *dist.* 25. *part.* 1. *art.* 1. *quæst.* 5. alibique sæpè: Hinc

PRIMA Opinio negat dari habitus in omnibus potentiis, istique sunt diuisi inter se: nam Aliqui eos negant solum in voluntate: Alij in intellectu, sed volunt seipsis posse cum tota facilitate exire in actum: Alij denegant eos potentiis tam cognitiuis

R r r 3 gnitiuis

gnitiuis, quàm appetitiuis : Alij negant eos circa prima principia, & eidentes Conclusiones : Alij circa res probabiles, & obscuras.

SECVNDA Opinio denegar habitus tantum potentiis sensitiuis externis, & vegetatiuis : in reliquis autem admittit habitus : & hæc est Opinió Seraph. Doct. *infra cit.* Scoti, & Plutium Aliorum. Pro solutione quæstionis

630. PRIMò Notandum, quod hoc nomen habitus est æquiuocum, dicitur enim ab habere : vnde sumptus habitus communissimè stat pro quacunque re alicui superaddita, siue sit substantia, siue quantitas, siue qualitas, siue relatio, siue quodcumque aliud : secundò minùs communiter sumitur pro qualitate afficiente subiectum, siue det simpliciter agere, siue det facilitatem : & hoc pacto intellectus, voluntas, & quæcunque alia potentia animæ dicitur habitus : Item & species, & lumen gloriæ in intellectu dicuntur habitus, quia dant agere cognitiuo, & repræsentatiuo modo : tertiò pro perfectione intrinseca rei, in quo sensu dicitur à priuatione ad habitum non dari regressum : quartò sumitur habitus propriè pro qualitate superaddita dante benè, & faciliter agere : vnde illa potentia dicitur capax talium habituum, quæ licèt habeat potentiam simpliciter ad agendum, tamen est capax maioris intensiõis, vel facilitatis, promptitudinisque ad agendum, & hoc ultimo modo habitus sumitur propriè : Vt autem intelligatur, in quonam consistat talis ratio habitus superadditi

631. SECVNDò Notandum ex Seraph. Doct. lib. 2. dist. 25. part. 1. tit. 1. quæst. 5. in corp. quod potentia

tribus modis potest intelligi se habere in ordine ad actum : Primò, quatenùs est seipsa facilis ad suas operationes, quo pacto mens dicitur nata ad meminendum sui, vel intelligendum se : Secundò, quatenùs seipsa potentia est facilis ad exeundum in actum, sed non se sola, sed cum alia potentia, vt est in duobus trahentibus nauim, tunc potentia vnus reddit facilem potentiam alterius absque eo, quod superaddatur nouaabilitas, seu virtus potentia: sic & liberum arbitrium dicit voluntatem associatam rationi, seu arbitrium associatum voluntati : Tertiò potentia dicitur facilis ad actum per aliquid de nouo receptum in se : Primo modo habitus non superaddit aliquid diuersum reale potentia, sed ipsa potentia seipsa dicitur esse habituatà, & habituatà : Secundo modo nihil absoluti addit, sed solum coniunctionem cum alia potentia : Tertiò modo superaddit aliquam qualitatem accidentalem realiter distinctam, quæ non tribuit posse agere, sed posse faciliter agere : Ad hoc autem, vt potentia sit receptiua talium habituum, requiritur (ait doctissimus Morandus tract. de habitibus *quæst.* 2.) primò, quod vt potentia, & habitus realiter distinguantur : secundò, vt potentia possit determinari ad plura, quod enim est incapax habitus, semper eodem modo se habet in agendo : tertiò, quod habitus determinat potentiam indeterminatam ad benè, vel malè aliquid faciendum.

TERTIò Notandum, quod est maxima quæstio, an habitus talis concurrat effectiue, an tantum dispositiue cum potentia ad actus ; Durandus negat hanc actiuitatem habituum ;

bitum sic lib. 3. diffus. 23. quæst. 2. 3. & 4. Communis D. Bonau. D. Thom. Scoti est opposita, sed tamen sunt diuisi inter se: nam Aliqui admittunt habitus concurrere tantum ad aliquem modum actus. Alij ad substantiam actus, sed tamen minus inrens: Communior est concurrere ad substantiam totalem actus cuiuscunque. His positis

632. PRIMA CONCLUSIO: Habitus est qualitas permanens de se stabilis in subiecto per se primo ordinata ad operationem non tribuens primam facultatem operandi, sed ordinans illam, & facilitans: Est communior, & infertur ex Arist. 2. Ethic. cap. 5. & 6. est & S. Bonauent. lib. 1. distinct. 3. part. 2. art. 1. quæst. 3. ubi docet potentiam esse principium operandi: habitum dispositionem faciliter operandi: Sic & clarius lib. 4. dist. 6. part. 1. quæst. 1. & lib. 2. dist. 28. dub. 1.

DICITUR (qualitas) loco generis, quia per habitum potentia redditur qualis, siue qualificata per nouam formam: Dicitur (de se stabilis) ut distinguatur ab actibus potentiarum, qui non permanent ut habitus: Dicitur (per se primo ordinata ad operationem) ut excludantur habitus, qui non sunt per se primo ordinati ad operandum, sed tantum ad perficiendum subiectum, ut sanitas, pulchritudo: unde potius merentur nomen qualitatis passibilis: Dicitur (non tribuens primam facultatem operandi, sed illam ordinans, & disposens) eo quia habitus qualitas supponit in potentia potentiam operandi radicalem, sed tantum disponunt, & facilitant, vel determinant potentiam ad operandum.

633. SECUNDA CONCLUSIO:

Potentia omnes rationales, & sensitiua internæ siue in hominibus, siue in brutis sunt habituales in ordine ad quodecunque obiectum: Est Scoti lib. 3. distinct. 33. & Seraph. Doct. qui lib. 3. dist. 26. art. 1. quæst. 1. supponit habitus diuidi per affectiuam, & cognitiuam: unde alij sunt spectantes ad appetitum: alij ad potentias cognitiuas, & lib. 3. dist. 33. art. 1. quæst. 3. ad 4. clare docet acquiri habitum tum in parte rationali, tum in sensibili, & lib. 3. dist. 6. dub. 3. docet, quod habitus dicitur ab habere, & hoc est vel interius, vel exterius, vel partim interius, partim exterius: si interius omnino, sic sunt habitus animæ, ut scientia, & disciplina: si exterius omnino, sic sunt omnino exteriora applicata corpori, si utroque modo, sic dicitur aliis alio validior, & fortior, hoc tertio modo spectat ad qualitatem secundæ speciei ex lib. 1. dist. 3. part. 2. art. 1. quæst. 3. in corp. habitus secundo modo spectat ad habitum vltimum prædicamentum: habitus verò primo modo est omnino interius, & dicitur ordinem substantiæ ad operationem: & hoc tertio modo est habitus, de quo hic loquimur: unde patet Seraph. Doct. admittere habitus in animæ potentiis tum cognitiuis, tum appetitiuis: & lib. 1. dist. 3. part. 2. art. 2. quæst. 1. ad 1. ait, habitus est, quo potentia facilis est in actum: & hoc tribus modis, vel ab innata dispositione, vel à potentia origine, vel ab acquisitione, hosque competere & potentia appetitiuæ, & cognitiuæ certum est: Idem & lib. 4. distinct. 4. part. 2. art. 2. quæst. 2. per totam: & lib. 2. dist. 23. art. 2. quæst. 1. in corp. docet, quod Adam in statu innocentia poterat proficere in cognitione

gnitione quantum ad maiorem habilitationem, quam acquirere poterat ex frequenti consideratione eorum, quæ prius nouerat per habitum innatum: licet enim non haberet tarditatem hebetudinis per aggrauationem corporis mortalis, habebat tamen spiritus eius quandam minorem velocitatem per vegetationem corporis animalis.

PROBATVR autem à posteriori: Quia, vt notat Seraph. Doct. lib. 1. dist. 27. art. 1. quest. 2. arg. 2. habitus naturales acquiruntur per actus multiplicatos, siue per assuefactionem: Sic & in Psal. 118. cap. 7. vers. 6. & lib. 2. dist. 28. dub. 1. & lib. 3. dist. 33. art. 1. quest. 5. ad 4. habitus dat facilliter operari: ergo in illa potentia, quæ est capax acquisitionis talis facilitatis, datur habitus: sed omnes potentia internæ sunt huiusmodi: ergo.

PROBATVR Minor ex continua experientia: videmus enim in his potentiis acquiri facilitatem operandi ex assuefactione, & frequentatione actuum: Patet id in voluntate, & in intellectu: dum enim assuefiunt per multiplicatos actus, etiam facilius, & intensius operamur: deinde in parte sensitiua experimur, dum in rebus sensibilibus sæpius vacamus magna difficultate ab ipsis retrahi, & magna facilitate illa prosequi: Idque etiam patet in Brutis, quæ vsu continuo disciplinantur, & operationes perfectiores produciunt.

634. TERTIA CONCLUSIO: Potentiæ vegetatiuæ, & sensitiuæ externæ non sunt capaces habitus: Est communis: Ratio est, quia istæ sunt summè ad vnum determinatæ: Tum quia ex vsu potius debilitantur, quam perficiantur: ergo.

DE potentia verò Motiua, an sit capax habitus, vtraque pars est probabilis, affirmatiua quidem, quia ex vsu facilius quis, & velocius mouetur: Item & negatiua probabilior tamen, quia, vt dicit Scotus apud Meldul. dist. 3. num. 15. nulla qualitas datur, quæ inclinet ad omnem differentiam positionis in motu, & ad omnem locum: disponit enim, & determinat potentiam ad vnum: ergo nec in potentia motiua, quæ est ad omnem locum: Vnde ad id, quod obiicitur de assuefactione ad motum, & ad consimiles operationes, vt in scribendo, & in cytharedo.

RESPONDETVR duplex impedimentum ex parte corporis: vnum est in iuncturis, & organis membrorum, & neruis, qui magis flexibiles sunt: alterum est ex parte corporis: ex motu enim dissipantur humores crassi segnem hominem facientes: Addimus hos habitus ad quinque capita reduci, suntque ars, scientia, intellectus, sapientia, & prudentia.

OBIICIENS primò cum Serbellon. non dari habitus in voluntate: si enim datur, aut produciatur per primum actum, vel per plures: sed neutrum: ergo.

PROBATVR Minor: non per primum, quia fit ex frequentatis actibus: nec per secundum, quia vel produciatur totaliter per plures actus solùm: vel partialiter per omnes, ita vt admittat intensionem graduum, & secundum primum produciatur à priori actu: in secundo gradu produciatur à secundo gradu, & sic deinceps: sed primum non potest dici in habitibus virtutum supernaturalium moralium, siue etiam virtutum acquisitarum moralium, cum ad perfectam ipsarum acquisitionem requira

requiratur auxilium supernaturale secundum communem Theologorum, cum debeant se extendere ad ardua quæque superanda: nec secundum potest dici, scilicet per plures actus posse produci, scilicet nec totaliter, quia actus priores non existentes non possunt cum sequentibus producere talem habitum, causa enim non existens non potest producere aliquid: item nec partialiter, quia actus præcedens quemcunque habitum est difficilior eodem habitu, seu gradu, quia facilitas illa, quæ producitur per actum, non potest esse ad eundem actum, sed ad subsequenter: ergo non potest esse causa productiva illius facilitatis, cum sit perfectior.

635. RESPONDET Seraph. Doct. lib. 3. distinct. 33. art. 1. quæst. 5. ad 4. quod habitus totalis producitur à pluribus actibus, & licet prima operatio transeat quantum ad actum, manet tamen quantum ad effectum, qui effectus, licet non mereatur nomen habitus, vel dispositionis, adiuuatur tamen à sequentibus crescens gradualiter, ita quod resultet in habitum: sicut videmus vnam guttam non cauare lapidem, sed frequentem stillationem id facere.

SERBELLON. disputat. 3. de an. quæst. 3. artic. 4. facit multas instantias, quæ tamen facile soluantur per dicta ex Seraph. Doct. nam per actum producitur aliqua dispositio, quæ simul concurrens cum nouo actu adiuuatur ad augendum habitum, & ipsum complendum: actus enim sunt causa æquiuoca habitus, & obid actus etiam remissior: non enim est necesse, ut actus sint similes in gradibus, sed sufficit in natura.

R. P. Bart. de Castrovetro Phil. P. III.

OBIECTES secundò neque dari in intellectu: Intellectus est sibi indistans, & præsens: ergo semper est paratus ad exendum in proprios actus, tum ad cognitionem sui, suorum actuum, & primorum principiorum, ad quæ est summè determinatus.

RESPONDETUR ex Seraphico Doct. lib. 4. distinct. 4. citat. & lib. 2. distinct. 39. art. 2. quæst. 1. dari in intellectu ad ista cognoscenda habitum innatum superadditum, qui tamen est imperfectus, & obid per actus frequentatos perficitur semper.

OBIECTES tertio: Bruta non habent dominium libertatis: ergo nec habitus.

PROBATUR Consequentia: Quia habitus subiacent imperio voluntatis, ipsis enim vimur, cum volumus: ergo.

RESPONDETUR concedendo totum de habitibus humanis: negando de omnibus.

636. QUARTA CONCLUSIO: Habitus effectinè concurrunt tanquam causa partialis ad actus substantiam totam: Est S. Bonauent. loc. supra citat. qui semper in hoc est firmus, quod habitus virutum concurrant cum potentia ad actus suos, & per istos diuersificantur per prius, & inde per obiecta, quod aliàs à nobis expenditur: de quo vide, quæ tradita sunt à nobis ex Seraph. Doct. in Logica part. 3. num. 628. Item & Scoti lib. 1. distinct. 17. aliisque locis apud Meldulam disputatione 3. num. 39.

PROBATUR ex traditis: Quia proprium habitus est tribuere potentia expedite faciliter, & perfectius agere: sed id importat actiuitatem.

Sff

uitatem

uitatem, nec potest fieri sine actiuitate: ergo.

**RESPONDENT** effectum habitus esse tantum disponere subiectum per informationem.

**CONTRA:** Habitus informando potentiam vel auget eius virtutem, vel non: si secundum: ergo eodem modo se habet potentia, siue sit habituata, siue non, quod est patenter falsum, cum actum diuersum producat, dum est habituata: si primum: ergo non se habet solum in genere causæ formalis, verum etiam causæ efficientis coagendo simul cum potentia: Et hinc Seraph. Doct. lib. 2. *distinct.* 26. *art.* 1. *quest.* 6. docet habitum gratiæ non solum informare animam, sed efficienter cum ipsa concurrere ad actus perfectiores.

**OBIICIES:** Vnius actionis vna

est potentia: vnitas enim per se effectus exigit vnitatem formalem per se causæ, sed ex habitu, & potentia fit vnum per accidens: ergo non possunt simul coagere ad vnum effectum.

**RESPONDETUR** ex doctrina, quam tradit Seraph. Doct. lib. 2. *distinct.* 24. *part.* 2. *quest.* 4. ad 4. quod licet actus sit simplex, tamen ad ipsum possunt concurrere plures causæ subordinatæ, vt euenit in casu nostro: idque patet in concursu causæ primæ, & secundæ ita, quod ad tantam intensiorem, vel facilitatem ambæ causæ concurrunt, nec vna sine alia, &c. licet potentia sit principalior.

Et hæc sufficiunt de habitibus: plura enim tradentur agendo de actibus humanis in Sacra Theologia.





TRACTATVS IV.

*De Anima Separata.*

**I**CET plura in superioribus tradita à nobis fuerint, quæ explicant ex parte statum animæ separata: tamen quia cognitio ipsius est aprius necessaria, & utilis: Hinc aliqua ad integritatem huius materiæ hîc subiiciemus, primò respicientia ipsius status: secundò ipsius operationes.

—————

QVÆSTIO PRIMA.

*De Statu animæ separata, an sit  
violenter à corpore separata.*

637. **D**VPlicem sensum potest habere hæc quæstio, nempe an violenter separetur in fieri à corpore: secundò an post separationem remaneat in statu violento: Ratio dubitandi est, quia cum eius vnibilitas ad corpus sit ratio formalis distinctiua animæ, videtur, quod cum retineat inclinationem perpetuam ad talem vnionem, & hinc violenter stet separata.

Et quoad primam partem certum est actu separari animam violenter à corpore : Ratio est, quia, ut notat Serraph. Doct. anima, cum sit forma corporis ( idque est de fide ) etiam naturalem inclinationem habet ad corpus : & lib. 3. dist. 5. art. 2. quest. 3.

ergo separatur violenter : violentum enim est contra inclinationem naturalem.

CONFIRMATUR ex iis, quæ tradit idem Seraph. Doct. *lib. 2. diff. 43. artic. 1. quæst. 1. ad 1. & lib. 2. diffinit. 19. art. 3. quæst. 1.* quia anima conservatur in corpore ex principiis naturalibus, & mors introducit per qualitates contrarias destruentes ipsum compositum: ergo violenter operantur.

OB I C I E S materiam non separari à forma cum violentia : ergo nec anima.

**RESPONDETUR** primò negando antecedens ; secundò transeat antecedens, & negando Consequentiam, & pariterem ; Ratio disparitatis est, quia materia indifferentè respicit omnem formam, non sic anima, quia retinet inclinationem perpetuam ad tale corpus : sic S. Bonau. *lib. 4. dist. 44. art. 2. quæst. 1.*

DIFFICULTAS sola reducitur  
Sff 2 ad

ad statum animæ iam separatæ, nempe an acquirat nouum existendi modum, quem non habebat vnita corpori: & deinde an sit in statu violento.

ALIQUI cum Caiet. 3. *part.* 9. 6. *art.* 3. dicunt acquirere nouum modum consimilem ferè Angelorum statui: vnde potest dici semiperfona, & subsistens per se.

Et quoad secundam partem: Aliqui docent animam separatam esse in statu violento: Alij statum animæ in corpore esse illi violentum in statu separationis: post verò esse illi naturalem: Sic Auicenna. Plato, &c. Alij docent vtrumque statum esse illi connaturalem: Sic Suarez, sed magis connaturalem, dum est in corpore.

S. DOCT. sustinet animam secundum se ratione separationis non acquirere nouum modum, sed tantum quoddam benè esse, si glorificatur, nec statum separationis esse illi violentum, sed naturalem, licet magis naturalem statum vnionis cum corpore. Pro solutione.

PRIMò Notandum, quod anima rationalis per hoc differt à cæteris animabus, & formis, quod cæteræ habent aliquam dependentiam à corpore siue in esse, & fieri, siue in operari: sic *lib.* 1. *distinct.* 8. *part.* 2. *art.* 1. *quest.* 3. at anima rationalis est independens omnino à corpore eo, quod est per se existens, & indiuidua, non verò est persona: quia, vt ait Seraph. Doct. *lib.* 3. *dist.* 5. *art.* 2. *quest.* 3. ei deficit incommunicabilitas: hinc sequitur in statu separationis non indigere nouo modo, cum de se sit existens, & subsistens, sicut erat prius in corpore.

SECVNDò Notandum, quod na-

turalitas non consistit in indiuisibilitate: nam subiectum magis, vel minus potest in aliquod inclinare.

TERTIò Notandum, quod anima potest comparari cum corpore vel mortali, vel immortali: His positis

638. PRIMA CONCLUSIO: Anima in statu separationis non recipit secundum se nouum modum existendi: Est S. Bonau. *lib.* 3. *dist.* 21. *artic.* 2. *quest.* 1. vbi probat animam Christum statim post separationem redditam fuisse impassibilem non per aliquid ipsi datum de nouo, sed per ablationem passibilitatis: ergo si ad impassibilitatem nihil de nouo est necessarium, multò minus ad existendum per se, cum id habeat ex sui natura.

DICES: Anima in statu separationis est eiusdem rationis cum Angelis: ergo acquirat nouum modum: Antecedens patet ex rationalitate communi vtrique.

RESPONDETVR negando antecedens, vt suprà in primò tractatu huius tertie partis probatum fuit.

639. SECUNDA CONCLUSIO: Anima rationalis in statu separationis non est in statu violento: Est communis cum Seraph. Doct. *lib.* 4. *distinct.* 43. *art.* 1. *quest.* 5. ad ult. & *lib.* 3. *dist.* 5. *art.* 2. q. 3.

PROBATVR: Quia separata nihil entitatis, vel perfectionis amittit. Tum quia est independens à corpore: & licet includat vnibilitatem ad corpus, talis aptitudo tamen nihil violenti ipsi importat, cum in statu mortali dicat ordinem ad corpus mortale, in statu futuro ad corpus immortale.

ADDIT tamen Seraph. Doct. *lib.* 3. *cap.* in anima separata adesse aliqualem



qualem imperfectionem ob inclinationem, quam habet ad suum corpus, quæ tamen non ponit eam in statu violento: sic etiam materia habet naturalem inclinationem ad formam: atamen si illa priuatur, non ob id dicitur esse in statu violento, cum habeat id, quod ad suam entitatem requiritur.

DICES: Separatur anima violentè à corpore: ergo est in statu violento: quod enim consequitur à principio violento, est violentum.

RESPONDETUR concedendo antecedens, & negando Consequentiam, idque ratione mutationis status, in quo statu habet, quicquid spectat ad suam integram naturam: unde in tali statu debetur ei separatio à corpore, obidque est ei connaturalis: habet enim suas proprias operationes integras in statu separationis.

QVÆRES: an anima inclinet ad corpus mortale: an ad immortale?

RESPONDETUR ex S. Bonau. lib. 2. distinct. 1. part. 2. art. 3. quæst. 2. in fine inclinare ad corpus immortale ex eo, quod ordinatur ad beatitudinem.

## QVÆSTIO II.

*Quid amittat anima separata, & quid retineat spectans ad cognitionem, & modum cognoscendi.*

640. SERAPH. DOCT. pertractat hanc quæstionem lib. 4. dist. 50. part. 2. art. 1. q. 1. hinc ex ipsius doctrina sit.

PRIMA CONCLYSIO: In ani-

ma separata remanent omnes potentie ipsius siue rationales, siue sensitivæ.

PROBATVR: Quia sunt cum ipsa realiter identificatæ: ergo: Antecedens aliàs probatum fuit.

641. SECUNDA CONCLYSIO: Anima separata non retinet potentias sensitivas quoad vsum, sed omnino sunt otiosæ: Est S. Bonavent. citat. & patet, quia illæ potentie operantur dependenter ab organo ex aliàs traditis: ergo cum in anima separata non sint organa, &c. nec ipsæ habent aliquem vsum.

642. TERTIA CONCLYSIO: Anima separata per potentiam intellectiuam exercet omnes actus vitales, quos mediis potentis sensitivis exercebat in corpore: unde recipit species singularium, imaginatur, &c. sed perfectiori modo, idest intellectuivo. Ratio Setaphici Doctoris est, quia est in ipsa, quo est fieri, & quo est facere, scilicet materia, & forma, idè habet potentiam receptiuam, & actiuam.

DICES cum Thomistis, non adesse proportionem inter potentiam intellectiuam, & phantasma: ergo non potest recipere illud.

RESPONDETUR negando antecedens: est enim superior cuiunque obiecto, & habet vim receptiuam, intellectumque agentem depurantem, sicut prius, &c. Tum quia, ut ait Seraph. Doct. species habent aliquale esse spirituale, obidque quæcunque sunt proportionatæ intellectui: Vide S. Bonavent. lib. 4. distinct. 50. citat. & quæst. 2. ad 3. & lib. 2. dist. 3. quæst. 1. & lib. 2. dist. 10. artic. 2. quæst. 2. & art. 3. quæst. 1. & lib. 1. distinct. 36. art. 2. quæst. 2. & lib. 2. distinct. 8. part. 2. art. 3. quæst. 2.

Slf j &c

& quæ à nobis suprâ tradita sunt  
à num. 505. & à num. 523. & deinceps.

643. QUARTA CONCLUSIO:  
Anima separata est loco motiua ex  
se: Est etiam communis cum Seraph.  
Doct. lib. 2. distinct. 1. part. 2. artic. 3.  
quæst. 1. in corp. & lib. 1. dist. 37. part. 2.  
art. 2. quæst. 1. ad 4. & lib. 2. distinct. 3.  
part. 2. art. 2. quæst. 1. & lib. 2. dist. 8.  
part. 2. art. 3. in quibus admittit motum  
localem substantiis spiritualibus  
Angelicis, sed non est maior ratio  
de anima separata, cum sit substantia  
spiritualis per se existens, & in suo  
esse completo. Tum quia est de fide  
animas post separationem ferri in Cælum,  
vel in Infernum. Tum quia hæc  
virtus inest entibus imperfectioribus.  
Tum quia anima est motor corporis  
sufficiens: ergo & id poterit cum seipsa.

DICES: Potentia loco motiua in  
corpore est organica: ergo post separationem,  
cum non habeat organum, non poterit  
hanc habere.

RESPONDETUR ex doctrina  
Seraph. Doct. lib. 4. dist. 50. part. 2.  
quæst. 1. habere ipsam organicam vim,  
dum est in corpore respectu corporis:  
at separata potest eandem exercere,  
cum habeat in se, quo est fieri, & facere.


Hic autem Aliqui discutiunt quæstiones  
de modo conuersandi, & colloquendi  
animæ separatæ, sed cum eius locus sit  
in secundo Libro Sententiarum, ubi agitur  
de loquutione Angelorum, ibi hanc materiam  
remittimus, solumque superaddemus  
pro integro examine naturæ animæ  
rationalis, & hominis tractatum ultimum  
de hominis naturæ proprietatibus, &c.





# TRACTATUS V.

*De Homine in communi, eiusque corpore in particulari, & de hominis Physiognomia.*

644.  N superioribus fusè, & sufficienter tradidimus ea, quæ respiciunt animam in communi, & in speciali quamlibet, præcipuè rationalem: item & quæ respiciunt corpus organicum, pro ut est, quid commune omnibus animantibus, valdè autem pauca, & ferè obiter ea, quæ spectant ad corpus humanum, & ad ipsum hominem resultantem ex vnione corporis, & animæ rationalis: Cum autem homo sit veluti finis, & complementum eorum, quæ sunt, ut ait Aristoteles, eiusque exacta notitia sit valdè utilis, & necessaria ad constituendum perfectum Philosophum, maximèque contententem ad Theologicum Paradisum: cùmque à paucis, & forsan à nemine distinctè, & exactè tradatur huiusmodi materia in Philosophia, hinc ad perfectum profitentium Seraphicam doctrinam hunc tractatum vltimo loco proponimus, in quo ad gloriam Dei, qui tam excellens opus dignatus est condere, & ad maiorem splendorem doctrinæ Seraphici Doctoris agemus: Primò de proprietatibus tum absolutis, tum respectiuis corporis humani: Secundò de nobilitate, & excellentia ipsius hominis, & tandem in ordine ad mores, & inclinationes hominis naturales dignoscendas varias expansiones de Physiognomia hominis tum ex Seraphico Doctore desumptas, tum etiam ex aliis Philosophis ab eodem Sancto Doctore citatis exhibebimus.

QVÆSTIO

## QVÆSTIO I.

*An Corpus hominis specie differat à  
ceteris corporibus organicis.*

645. PRIMò supponimus ex traditis in superioribus, quod valdè differt dicere corpus vt sic, corpus elementare, corpus mixtù, corpus organicum, corpus humanum, nam licet communiter dicatur hominem constitui ex corpore, & anima rationali, id tamen est improprie dictum: corpus enim ad aures Seraphici Doctoris Physicè loquendo) nihil aliud importat præter materiam informata formâ corporeitatis, quæ est essentialiter differens ab illa, quam recognouit Scotus in animalibus, sed est forma substantialis valdè imperfecta, & veluti vniuersalis vniuersaliter disponens eandem materiam ad suscipiendas formas vteriores substantiales, scilicet elementares: istæque habent disponere elementare corpus ad formam substantialem mixti: forma verò mixtionis est dispositiua ad accipiendam formam organizationis, seu complexionis: hæc enim secundùm Seraphicum Doctorem est vnica, nam prout vnit, & colligit in vnum partes organicas, dicitur forma complexionis, prout verò respicit informando tot partes organicas, easque distinguendo, dicitur organizationis: sic *lib. 4. distinct. 24. part. 1. artic. 2. q. 8. st. 1. ad 1.* & hæc est ratio, quare hanc formam appellat Seraph. Doct. modò nomine complexionis, modò organizationis, vt videre est *lib. 2. distinct. 17. artic. 2.*

quest. 2. & art. 1. quest. 2. ad 2. De  
forma suprà dicta corporis vide lib. 2.  
dist. 12. art. 1. quest. 2.

646. SECVNDÒ Notandum, quod hæc forma complexionis, seu organizationis, quam Scorus appellat corporeitatis, sed quidem improprie, vt probauimus in Physica, est multiplex iuxta multiplicitem formarum organicarum, vel enim vltimatè disponit ad formam vegetantem, estque propria plantarum: vel vltimatè ad formam sensitivam, estque propria irrationalium animalium, vel simul disponit ad actus vegetantis, sentientis, & ad formam rationalem, & hæc est propriè hominis, vt notat Seraph. Doct. loc. cit. & lib. 2. dist. 1. part. 2. art. 1. quest. 2. Cum autem istæ formæ specie differant, consequenter etiam differre necessariò debent corpora informata à diuersis formis organizantibus, quæ omnia fusè tradita sunt à nobis tum in Physica, tum in tractatu de generatione, & de Anima: Hinc

647. VNICA CONCLUSIO.  
Corpus humanum specie differt à  
quocunque alio corpore organico.  
Est S. Bonavent. *loc. citat. & lib. 2.  
diff. 1. part. 2. art. 1. quest. 1. & art. 3.  
quest. 1. & 2.* contra Thomistas, qui  
negant quancunque formam corpo-  
ream in corpore humano præter rati-  
onem; est & contra Scotum reco-  
gnoscentem vnicam formam corpo-  
reitatis in animalibus omnibus, non  
autem in cæteris inanimantibus, ve  
aliàs notatum fuit à nobis in Physica  
agendo de forma corporeitatis com-  
muni omnibus corporibus.

PROBATUR secundò : Anima rationalis specie differt à cæteris animantibus, & formis, ergo & corpus humanum: Antecedens est omnium.

nium: Probatur consequentia: Forma, vt informet, præsupponit corpus proportionaliter dispositum, ergo supponit organizationem differentem ab organizatione aliorum animalium, sed organizatio est per formam diuersam ab anima, & substantialem, dantemque speciem propriam, ergo: Maior est in Physica fusè probata, alioquin posset collocari anima rationalis in corpore plantæ, & bouis, exercereque omnes operationes rationis, quod à nemine admittitur.

PROBATVR secundò: Anima rationalis specie differt ab Angelo, & cæteris animabus, ergo per differentiam specificam, sed hæc nobis innotescit per vnibilitatem ad corpus, vt humanum ex traditis in superioribus, & ex Seraph. Doct. lib. 2. dist. 1. part. 2. art. 3. quæst. 2. ergo per ordinem non ad quodcunque corpus, sed vt humanum, ergo corpus humanum supponi debet specie (licet incompleta) à cæteris diuersum substantialiter, & specificè, quatenus scilicet est antecedenter dispositum per propriam formam facientem illud differre à cæteris non viuificabilibus per animam rationalem: Sed vide S. Bonauent. lib. 2. distinct. 30. art. 3. quæst. 1. ad ult. & lib. 4. dist. 44. art. 2. per totum.

Et si quæras: quænam est hæc forma organizationis diuersa à cæteris.

648. RESPONDET Seraph. Doct. loc. cit. lib. 2. dist. 1. nobis innotescere à posteriori, & cum importet nobilitatē organizationem super quamcunque aliam creatam, & hanc substantialem, dicendum est, quod licet ob defectum vocabulorum appelletur nomine communi formæ organi-

zationis, seu corporis organici, tamen differt specie, & essentialiter à cæteris.

DICES: Magis, & minus non variat speciem, ergo organizatio magis, vel minus perfecta non infert diuersitatem specificam.

RESPONDETVR ex Seraph. Doct. lib. 2. dist. 9. art. 1. quæst. 1. ad 4. verum esse antecedens de magis, & minus accidentali, non verò de essentiali, vt est in casu nostro: & si aliquæ accidentales proprietates competunt iisdem corporibus variis, tamen quia concomitantur diuersitatem formarum essentialem, hinc etiam talia corpora diuersificant specie.

DICES: Maior, vel minor perfectio in organizatione est quid accidentale, quia vtraque sistit intra terminos organizationis: ergo nulla responsio.

RESPONDETVR conuenire quidem corpora in organizatione sumpta in genere, sed disconuenire specificè in tali, & tali organizatione, obidque maior, & minor perfectio, seu intensio, si est intra latitudinem talis organizationis, est accidentalis differentia: si verò importat diuersum modum essentialem, ita quod maioritas sumatur per ordinem ad aliam organizationem diuersam, sic negatur, quod non inferat secum diuersitatem specificam: Sic in simili S. Bonauent. lib. 3. distinct. 9. artic. 2. quæst. 4. ad 4. Nec id est mirum, cum has diuersas organizationes præcedant diuersa mixta substantialia ordinata ad talem diuersitatem animantium.

## QVÆSTIO II

*De Constitutione partium essentialium hominis, scilicet corporis, & anime.*

649. **D**E anima rationali nihil superest addendum ad tradita in superioribus, ubi probauimus constitui ex materia, & forma spirituali: unde superest enodare partes constituentes corpus humanum; & ad hanc considerationem excitamur à dubio proposito à Seraph. Doct. nempe cum homo sit excellentissimus omnium mixtorum, videtur, quod corpus magis exigeret materiam cœlestem, & non elementarem: Pro solutione questionis sit

**PRIMA CONCLUSIO:** Conuenientissimum fuit constituere hominem ex forma omnium nobilissima, scilicet rationali, & ex corpore composito ex quatuor elementis potius, quàm ex materia cœlesti: Est S. Bonauent. lib. 2. *distinct.* 17. *art.* 2. *quest.* 1.

**PRIMA** pars de anima rationali, iam aliàs est probata, quia cum homo sit animal rationale, exigebat formam rationalem tribuentem rationalitatem, quæ est omnium nobilissima, ergo conuenientior fuit anima rationalis.

**SECUNDA** pars de corpore, probatur à Seraph. Doctore tali pacto: Sapientia Diuina in suis operibus semper seruat ordinis maioris conuenientiam, sed talis ordo, scilicet, compositio ex quatuor elementis est magis conueniens ad constitutionem

hominis, quàm ex materia cœlesti, vel alia quacunque: ergo: Maior est certa, & de fide: *Omnia enim disposuit Deus in numero, pondere, & mensura ex Sap. cap. 11.* Minor probatur ex ordine excogitabili in homine considerato siue secundum se, siue in ordine ad creaturam inferiorem, siue ad parem, siue ad Deum tali pacto.

**PROBATUR** primò, si consideretur homo secundum se, & absolute: fuit enim conditus, ut multa cognosceret non solum cognitione intellectiua, sed & sensitiua, ergo debuit ei dari corpus multiforme, ut diuersa organa deservirent ad diuersa obiecta percipienda: anima enim, licet sit tabula rasa, tamen est in potentia omnia, idest capax recipere in se species omnium rerum, sed diuersitas organorum præexigit diuersitatem componentium respondentium quatuor elementis, quod non posset esse, si esset ex materia homogenea, & cœlesti, ergo. Et quia conditus fuit in vertibiliter liberi arbitrij, ut posset viuere in iustitia, & non mori, & cadere, ut posset mori per culpam, ergo debuit ei dari corpus habile ad utrumque, quod non esset, si haberet corpus cœleste, ergo conuenientius fuit ex hac parte corpus elementare.

**650. PROBATUR** secundò in ordine ad creaturam inferiorem: Homo enim, cum sit complementum, & finis omnium creaturarum corporalium, ipsisque dominans, exigebat, ut taliter esset compositus, quod & essent ipsius obsequio vtilis, & veluti perficerentur in ipso in ordine ad vltimum finem earundem creaturarum, nempe ut in homine aliquo modo glorificarentur, sed ad hunc duplicem effectum conuenientius fuit

fuit corpus elementare, quàm cœleste, ergo. Maior fusè probatur à S. Bonauent. *lib. 2. dist. 15. art. 2. quæst. 1.* nempe omnes alias creaturas corporeas creatas fuisse propter hominis vtilitatem, siue pro statu innocentie, nempe ad manifestandum ipsius imperium super ipsas, ad decorandum hominis habitaculum tot creaturis variegatum, ad excitandum hominem ad cognitionem multiformis Sapientie Conditoris, & ad amorem bonitatis ipsius Dei: siue pro statu naturæ lapsæ, nempe Mundum repletum à Deo fuisse tot creaturis, & mixtis, tum ad releuandam hominis indigentiam multiplicem, tum ad exercendam eius patientiam: Primus effectus, scilicet releuatio habetur vel per animalia, quæ pro alimento inseruiunt homini: vel per alia releuantia laborem, & fatigationem hominis: Secundus effectus habetur per animalia noxia: Alius finis creationis tot creaturarum fuit, vt veluti beatificarentur in corpore hominis per quatuor dotes respondentes quatuor elementis, vt fusè probat Seraph. Doct. in Breuiloq. *part. 7. cap. 7. & p. 2. cap. 4. & lib. 4. dist. 49. part. 2. art. 2. quæst. 1.* nam per impassibilitatem perficitur elementum aquæ, per claritatem perficitur elementum terræ, per agilitatem, seu spiritualitatem ignis perficitur, per subtilitatem aër: tum etiam quia corporis humani appetitus, & per consequens cæterorum corporum terminatur, & completur per vnionem cum anima rationali, quæ est ens, viuens, sentiens, & intelligens, ergo ex hac parte conuenientius fuit corpus elementare: ex qua verè Seraphica Doctrina potest rectè inferri, quod peccator Deum offen-

dens, seque exponens liberè in statu damnationis offendit Deum, & simul damnificat omnes Mundi creaturas, ipsas priuando tanto bono, & vltimata perfectione, vnde verè Peccatum confundit totum Mundum.

651. PROBATVR tertio per ordinem ad creaturam parem, scilicet Angelicam: Si enim datur vna creatura rationalis prope Deum, & in loco supremo collocata: sic & congruum fuit dari aliam creaturam rationalem positam in loco infimo, cui competebar corpus elementare, sic enim omnes alie creaturæ veluti ambiuntur à duplici creatura rationali, eiusque imperio subduntur.

PROBATVR quarto per ordinem ad Deum, vt vltimum finem: Congruum enim fuit, vt homo Deo subiiceretur, vt per humilitatem ascenderet, vnde Angelus per elationem ceciderat, idè debuit ei dari corpus tale, vt seipsum puluerem reputaret, & cognosceret, & hæc est ratio, ait S. Bonauent. *lib. 2. dist. 17. art. 2. quæst. 1. in fine, & Serm. 4. in Dom. Sexages.* quare homo magis denominatur ab humo, seu luto, quàm ex alia parte componente, vt cognosceret debere esse subiectum Deo, qui de terra, quæ pedibus omnium conculcatur, est sumptus.

PROBATVR quinto: Quia anima rationalis habet potentiam vegetantem, & sentientem, ergo exigit corpus elementare, vt præditum diuersis organis ad istos effectus, quod non potest esse nisi per constitutionem partium elementarium.

PROBATVR sexto ex multiplici motu, quo est capax homo, ad quem corpus cœleste non habet capacitatem præter circularem: quæ duæ vltimæ rationes magis pate-

bunt, & explicabuntur *infra in quest. 7.* vbi de complexione corporis.

**OBIICIES** primò: In corpore humano non intrat corpus cœleste, ergo falsum est, quod appetitus omnium corporum perficiatur per vnionem ad animam rationalem, beatificeturque in ipso corpore humano.

**RESPONDETUR**, quod propriè loquendo dictum nostrum verificatur de corpore elementari, non de cœlesti, nam in cœlesti appetitus est terminatus per formam nobilissimam, non sic appetitus elementorum: de quo vide S. Bonauent. *lib. 2. dist. 13. art. 2. quest. 1.* obidque ratio suprâ adducta verificatur tantum de corporibus inferioribus, non de cœlesti.

**RESPONDETUR** secundò sufficere corpori cœlesti, vt sit locus gloriæ, per id enim sufficienter potest dici perfectum per locationem corporis glorificati.

**RESPONDETUR** terriò: quod cum ex concursu corporum cœlestium ad constitutionem corporis humani resultent spiritus naturales, animales, & vitales, qui habent maximam conformitatem cum proprietatibus Cœlorum, hinc dicuntur etiam ipsi perfici quodammodo in corpore humano: de quo vide S. Bonauent. *lib. 2. dist. 17. art. 2. quest. 1.*

652. **OBIICIES** secundò: Nobilissima formæ debetur nobilissima materia, ergo animæ rationali debetur nobilissima materia, quæ est cœlestis.

**RESPONDET** S. Doct. *lib. 3. dist. 12. art. 1. quest. 1. ad 2.* Nobilissimæ formæ debetur nobilissima materia, distinguo: nobilissima materia secundum se, nego; hæc enim de se est æqualis nobilitatis in omnibus ma-

teriat: nobilissima materia respectuè, concedo, scilicet proportionaliter ad talem formam; & hinc negatur animæ rationali deberi materiam cœlestem ob improportionem, & rationes adductas.

**OBIICIES** terriò: Motoris ad mobile debet esse proportio, sed anima rationalis est motor incorruptibilis, ergo & corpus mobile debet esse tale.

**RESPONDETUR** primò Incorruptibilitatem nulli corpori deberi ab intrinseco, sed tantum ab extrinseco, obidque tali pacto; sicut corpus cœleste est incorruptibile, sic & Corpus humanum est capax incorruptibilitatis, vt erit in gloria: vnde ex hac parte nihil probat argumentum.

**RESPONDETUR** secundò: Quod proportio inter mouens, & mobile non est secundam entitatem absolutam mobilis, sed secundum receptiuam capacitatem influentiæ prouenientis à motore, & cum anima sit non solum motor, sed & prius forma, exigit corpus organicum, vt dictum est, &c. hinc negatur consequentia: tum etiam quia anima est capax mortis culpæ, hinc exigebat corpus aptum ad coadiuuandum eam ad merendum, obidque & subiectum verititati, si se verteret ad malum.

**OBIICIES** quartò: Finis imponit necessitatem his, quæ sunt ad finem, sed anima est creata ad perfectionem beatitudinis, ergo & corpus: ergo eis competeat locus proportionatus ad beatitudinem, sic animæ locus est Deus, corporis verò est Cælum, ergo maiorem proportionem habet corpus humanum ad cœlestem materiam, tanquam ad proprium locum, in quo quiescere debet,



bet, quàm ad elementa, à quibus remoueri debet in æternum.

RESPONDET Seraph. Doct. admissio discursu de beatitudine, vt sine hominis, & de Empyreo, vt loco talis beatitudinis, negando tamen consequentiam, quod fuisset magis proportionata, materia cœlestis ex rationibus adductis: cùm enim illuc anima peruenire debeat per merita, hinc exigit corpus organicum, & veribile.

653: QVÆRES: quænam proportio potest excogitari inter duas substantias tam distantes: anima enim est simplex, & spiritalis, corpus verò est compositum, quantum corruptibile.

RESPONDET S. Bonauent. lib. 2. dist. 1. part. 2. art. 1. quæst. 2. & 3. Quod est maxima proportio inter animam rationalem, & corpus humanum: primò si considerentur absolute: secundò in relatione ad finem: primò absolute, quia supremum corporis, & infimum spiritus sunt proportionata: infimum enim animæ rationalis est vis vegetandi, & sensificandi, vegetabilitas verò, & sensificabilitas est supremum corporis, ad quod habet proportionatam complexionem, & organizationem, ob id rectè vniuntur simul, quod & alibi in superioribus explicauimus: secundò per relationem ad finem: cùm enim ordinata sit anima, vt per actus liberos varios peruenire possit ad beatitudinem, indiget corpore apto ad diuersas operationes, & contrarias: tertio ex parte corporis, nam corpus humanum terminat omnem appetitum aliarum formarum, & est dispositum ad perfici per nobilissimam formam, vt supra dictum est.

## QVÆSTIO III.

*De excellentia hominis secundum se, scilicet an sit omnium creaturarum nobilissimus.*

654. RATIO dubitandi est, quia cùm ex Aristotele homo sit finis, & complementum omnium rerum, quæ sunt, videtur excellere super Angelos etiam, ex alia parte verò Angeli sunt puri spiritus: hinc oritur dubitatio ex vtraque parte. Pro solutione quæstionis

PRIMò Notandum, quod cùm tota difficultas reducatur ad comparisonem hominis cum Angelica natura, Seraph. Doct. proponit, & soluit hanc quæstionem in terminis lib. 2. dist. 1. part. 2. art. 2. quæst. 2. & ad solutionem præmittit hanc doctrinam, dicens: Quod comparatio hominis, & Angeli possunt intelligi secundum duplicem ordinem: primò quantum ad finem: secundò quantum ad naturæ dignitatem: primo modo sunt pares, æquè enim immediate ordinantur ad beatitudinem; hinc oritur mutuum adiutorium inter Angelos, & homines ordinatos ad eundem finem, nam secundum legem charitatis Angelus stans immutabiliter adiuuat hominem subiectum tot periculis, & casibus: & viceversa homo ex adiutorio gratiæ stans reparat ruinam Angelicam, sicque potest dici, quod Angelus est quodammodò propter hominem, & homo propter Angelum, se habendo tanquam excedentia, & excessa: secundò si considerentur absolute secundum naturæ dignitatem absque dubio

bio Angelus est nobilior homine, licet secundum aliquas proprietates relatiuas homo possit dici excellentior Angelo, vt mox patebit: Hinc

655. PRIMA CONCLUSIO: Homo absolutè est excellentior quacunque creatura corporea: est communis, & certa.

PROBATVR primò: Quia constat nobilissima omnium forma, & corpore inter omnia nobiliori, ergo.

PROBATVR secundò: Quia est finis, & complementum omnium entium corporalium, cum, vt dictum est, ad ipsum terminet appetitus totius naturæ corporeæ, quia corpus ordinatur ad mixtum, mixtum ad organicum, hoc ad perfectissimè organizatum, & tandem ad animam rationalem, à qua perficitur perfectissimo modo: de quo vide Seraph. Doct. lib. 2. distinct. 1. part. 2. art. 2. quest. 2. & distinct. 15. art. 2. quest. 1. & 2. & lib. 3. dist. 5. art. 2. quest. 1. & Opusc. Censil. part. 3. sect. 16. & Comp. Theol. lib. 2. cap. 2. & 62. tum quia est microcosmus, idest paruus mundus, in quem intrat totus Mundus, scilicet species omnium rerum mediis sensibus, ergo.

DICES: Aliqua animantia habent sensus vegetiores, & acutiores homine, sed talis dispositio indicat excellentiam maiorem in compositio, ergo.

RESPONDETUR primò, transeat quoad aliquas sensationes, sed id est per accidens, vnde negatur minor.

RESPONDETUR secundò, distinguendo maiorem: Aliqua animalia habent sensus acutiores secundum se, & materialiter sumptos, transeat: prout verò ordinantur ad

operationem internam animæ, negatur, in homine enim ordinantur ad intellectum: hinc in homine omnes partes, organa, sensus, potentia, & actus ordinantur tanquam famulae ad obsequium intellectus, & voluntatis, quæ sunt veluti Rex, & Regina in regno animæ, vel veluti Sol, & Luna in Cælo mystico hominis: sic negatur minor, & consequentia.

656 SECUNDA CONCLUSIO: Si homo, & Angelus comparentur ad inuicem absolutè secundum naturam, Angelus est excellentior homine: Est communis, & certa: quia Angelus est substantia purè spiritalis, immortalis, incorruptibilis, similior Deo, ergo.

DICES: Christus Dominus, & Beata Virgo sunt Angelis perfectiores.

RESPONDET Seraph. Doct. lib. 2. dist. 1. citat. concedendo antecedens quoad gratuita, non quoad naturalia.

657. TERTIA CONCLUSIO: Si consideretur homo relatiuè secundum aliquas proprietates respectiuas, potest aliquo modo dici nobilior Angelo: Est S. Bonau. lib. 2. dist. 8. part. 2. art. 2. q. 2. ad 3. & lib. 2. dist. 16. artic. 2. quest. 2. & lib. 3. distinct. 2. art. 1. quest. 2. & in Comp. Theol. lib. 2. cap. 62.

PROBATVR primò: Quia illud est perfectius, quod includit formaliter maiora bona, sed homo in comparisonem Angeli est talis: ergo.

PROBATVR minor, quia habet esse cum lapidibus, viuere, & generare cum plantis, sentire cum animalibus, intelligere cum Angelis, sed Angelus caret formaliter omnibus his perfectionibus, excepto esse, & intelligere, ergo.

ET hinc S. Doct. lib. 2. dist. 16. cit. dicit, quod ex vna parte homo, & Angelus æqualiter sunt ad imaginem Dei, scilicet quoad intrinsecas rationes, & essentielles, quæ sunt intelligentia, & voluntas: ex alia parte scilicet quoad benè esse, Angelus meliùs præponitur cæteris creaturis, sed tamen quatenùs imago est magis expressiua perfectionum Dei, qui est principium omnium, & vnus, vt in omnibus, & inuoluit eminenter perfectionem omnium: sic homo est imago magis expressiua Diuinarum perfectionum, homo enim est principium alterius hominis: item inuoluit formaliter perfectiones aliarum creaturarum, etiam Angelorum: item & eius anima habitat tota in corpore toto, & tota in qualibet parte, & ex his rationibus homo excedit Angelum.

ET hæc est ratio (ait Seraph. Doct. in Comp. Theol. lib. 2. cap. 62.) quare nullibi inuenitur, quod Angelus sit factus ad imaginem Dei, licet enim Angelus sit ad imaginem Dei, non tamen expressè ponitur in Sacra Scriptura, sicut dicitur de homine: homo enim est liber scriptus intus, & foris exprimens perfectiones creaturarum meliùs, quàm Angelus ob rationes adductas.

PROBATVR secundò: Quia Angelus deputatur ad ministerium hominis, quod importat maximam excellentiam, & dignitatem in homine, vt aduertit S. Doct. lib. 2. dist. 11. art. 1. quæst. 3. ad 5.

PROBATVR tandem ex maiori conuenientia existente in homine, quàm in Angelo assumptionis humanitatis factæ à Verbo: vt probat Seraph. Doct. lib. 3. distinct. 5. cit. Et hinc facillè soluuntur obiectio-

nes, quæ ad vtramque partem possunt fieri.

## QVÆSTIO IV.

*Quodnam discrimen est inter hominem in statu innocentia, & natura lapsa.*

658. QVÆSTIO hæc potius est Theologica, vel saltem à Theologis tractatur in secundo Sententiarum, attamen quia ferè non potest resolui, nisi ex principiis Philosophicis: quare hoc loco summarie soluendam proponimus, omis- sis concertationibus ad Theologos: Hinc

PRIMA CONCLUSIO: Deus communicauit primo homini omnem perfectionem competentem statui medio inter statum gloriæ, & huius mortalitatis: Est communis inter Theologos, & fusè traditur à S. Bonauent. lib. 2. dist. 17. & deinceps, & in Comp. Theol. lib. 2. cap. 63. & in Breuil. & in Centil.

PROBATVR primò quoad corpus: Quia primo homini debebatur corpus proportionatum animæ nobilissimæ, & carenti omni imperfectione culpæ, & naturæ, ergo debuit esse nobilissimè complexionatum, ergo æqualitate non quidē molis, vel virtutis, quia sic fuisset impropor- tionatum, immò id erat impossibile saltem naturaliter, sed æqualitate à iustitia, ergo immune ab actuali discor- dia, & pugna miscibilium, idque per adiutorium interioris animæ gubernantis, & per extrinsecum ali- menti ex liguo vitæ, & assistentiæ Diuinæ: & per hoc positus fuit in statu

statu medio inter gloriam, & naturam lapsam : nam in gloria Beati actu, & potentia sunt immunes à discordia, & à casu : in statu naturæ lapsæ homines actu sunt subiecti utriusque defectui : & in statu innocentie actu erant immunes, non verò potentia, ut de facto per culpam euenit.

DICES : In statu innocentie calor naturalis agebat in humidum radicale, ergo illud consummebat, ergo subiectus erat homo mortalitati.

RESPONDET S. Bonau. *lib. 2. dist. 17. dub. 4. & distinct. 19. dub. 4. & artic. 2. quest. 1. & distinct. 29. dub. 4.* concedendo antecedens : sed tamen Deus prouidit remedium vel refarciendi, vel præseruandi hominem à tali defectibilitate per esum fructus ligni vitæ : An verò si actu non adhibuisset remedium fructus vitæ refarciens substantiam consumptam à calore naturali, verò mortuus esset, est in questione, sed probabilior est affirmatiua, poterat enim non mori, & mori.

PROBATVR secundò quoad animam : Anima creata fuit cum iustitia originali, ergo cum omnibus perfectionibus possibilibus, & comperentibus tali statui medio : Antecedens est certum, & de fide : Consequenter item admititur ab Omnibus, & à S. Bonauent. *lib. 2. dist. 24. quest. ult. ad 3. & alijs locis cit.*

659. SOLVM superest explicare, quid sit hæc iustitia originalis : ad quod Respondet Seraph. Doct. quod non consistit in pura priuatione culpæ, & miserie, sed cum tali priuatione in positione, non quidem gratiæ habitualis, in qua non fuit creatus homo, nam post primos actus animæ dispositiuos fuit ei infusa, sed in

positione aliorum donorum excellentium tum naturalium, tum gratuitorum, per quæ pars inferior, & corpus totaliter erat subiectum directioni rationis sine rebellionem, & difficultate : obidque habuit notitiam, & dilectionem Dei tum naturalem, tum supernaturalem perfectissimam : item & notitiam perfectissimam omnium scientiarum, & refectum à Deo creatarum ; quæ perfectio transfusa esset in posteros, si Adam steterisset : sed ipso peccante, licet non perdidit dona naturalia pro se, pro posteris tamen plura ex ipsis amisit : vide in Breuil. *part. 2. cap. 10.*

660. SECUNDA CONCLUSIO : Homo in statu naturæ lapsæ per peccatum incidit in actualement pugnam miscibilem, elementorumque in corpore, tum & sensualitatis cum ratione in necessitatem infectionis, & in omnes pernalitates, quæ sunt infinitæ huius vitæ, quod non indiget probatione, cum continua experientia quotidie id nobis innotescat.

QVÆRES : an sicut in hac vita mortali adest propagatio hominum per generationem, & decisionem, corruptionemue substantiæ generantis, ita fuisset in statu innocentie, videtur enim non potuisse esse absque corruptione annexa.

RESPONDETVR ex S. Doctore *cit. lib. 2. dist. 20. dub. 2. art. 1. per totum*, & Breuil, quod cum generatiua vis sit maxima perfectio, hæc non defuisset in statu innocentie : & hoc per decisionem seminalem adminiculo sexus muliebris creati à Deo in adiutorium viri : sed decisio fuisset sanguinis superflui absque annexa corruptione, & cum propagatione immaculata, obidque sine vlla deordinatione

dinatione partis inferioris, vel superioris animæ.

661. Et hinc in Paradiso terrestri fuissent celebratæ nuptiæ, habuissentque annexam honorabilitatem, de qua loquitur Apostolus ad *Hebr. c. 13.* scilicet quoad signatum vnionis animæ cum Deo, & quoad prolem, & quoad actum, vnde nulla fuisset erubescencia, vt accidit modò in tactu manus, quæ erubescencia modò concurret, ex hoc quod in viliori parte corpus dominetur rationi: & hinc in quolibet actu suscepissent prolem: Multique docent cum Seraph. Doct. quod nati essent in quolibet conceptu saltem vnus masculus, & vna femina, obidque in æquali numero nati essent viri, & mulieres: & ratio est, quia distinctio sexuum fuit ordinata à Deo ad multiplicationem generis humani, & completionem numeri electorum.

ADDIT Seraph. Doct. duo ad hanc rem: Primum, quod solum generati essent electi, non verò reprobi, qui nunc sunt ex abundanti, & extra numerum electorum: Secundum est, quod paruuli paulatim profecissent in cognitione, licet non cum tot difficultatibus, & incommodis, & nunc cum Ipsorum mens fuisset prædita speciebus rerum, vt fuit in Adam: obidque profectus cognitionis sequutus esset absque labore addiscendi per receptionem specierum mediantibus sensibus: modò autem nascitur homo cum intellectu, vt tabula rasa, indigetque cum labore, industria, & experientia acquirere species rerum: quæ incommoda cum tot aliis innumeris sunt fructus peccati inobedientiæ.

R.P. Barr. de Castro. Phil. P. III.

## DE PHYSIOGNOMIA HOMINIS.

### QVÆSTIO V.

*De natura corporis humani, eiusque proprietatibus.*

662. IN hac quæstione explicanda sunt, quæ naturaliter insunt in homine, præcipuè in ordine ad corpus, quorum aliqua sunt communia vtrique statui, scilicet innocentie, & huius mortalitatis, alia propria huius naturæ lapsæ: qua occasione viam aperiemus ad pertractanda ea, quæ spectant ad Physiognomiam hominis in communi: Hinc

SUPPONENDVM hoc nomen Physiognomiæ esse Græcum, & sumi à Physio, quod est natura, & gnomon, quod est regula, quasi regula dirigens intellectum ad cognoscendam naturam visibilem, & exteriorem, obidque tractum est ad significandam artem, siue disciplinam, quæ indagat motus, & inclinationes internas ex signis exterioribus, estque subordinata Philosophiæ: quibus suppositis.

PRIMò Dicimus cum Seraphico Doctore in *Comp. Theol. lib. 2. c. 57.* quod meritò homo Græcè dicitur Antropos, scilicet arbor inuersa: habet enim caput cum capillis ad modum radicis, brachia verò cum cruribus sunt quasi rami: Ratio autem huius dispositionis potest assignari moraliter, nempe solum hominem non debere figere suas radices, & intentiones, vel sumere fundamentum augmenti secundum partem rationalem, & in virtutibus à terra, sed

VVV

à Cælo, & à Deo, à quo omne bonum deriuat.

663. SECUNDÒ Dicimus meritò hominem solùm esse longi, & lati corporis, & erecti ad Cælum inter omnia animantia.

RATIO autem huius dispositionis est duplex: altera naturalis, altera moralis: Ratio naturalis latitudinis, & longitudinis corporis, & pectoris est, quia homo omnia animantia excedit in magnitudine cordis, ob id & exigebat maius spatium, ut collocaretur in medio corporis: Cor enim (ait S. Bonau. *Serm. 1. Hexæm. & lib. 4. distinct. 44. part. 2. art. 1. quest. 2. ad arg.*) est medium huius microcosmi, potestque dici Sol in homine, sicut Sol materialis potest dici cor totius Mundi corporei, cum ab ipso deriuant omnes spiritus vitales ad cætera membra.

RATIO naturalis capitis, & corporis erecti ad cælum est, quia homo super omnia alia animantia compositus est cum perfectiori temperamento: nam in ipso frigus prædominatur moderatè siccitati, & calor humiditati: ob id ex prædominio caloris sursum naturaliter tendentis caput ad cælum facile est conuersum, & quia calor est contemperatus cum debita mensura cum frigido, & humido, hinc in capite potissimum viget virtus exercendi actus vitales cognoscitiuos, & affectiuos, quæ perfectio longè est à cæteris animalibus, quæ abundant maximè materia crassa, terrea, & humida deprimente, hinc caput, & faciem habent conuersam ad terram.

RATIO moralis latitudinis corporis, & pectoris potest esse, quia cor habet maiorem latitudinem ad dilatandam suam virtutem, ut homo

possit intelligere non solum sensibilia, sed & omnes veritates spirituales, quod non habent cætera animantia.

RATIO moralis erectionis capitis est, ut homo excitaretur per rectitudinem mentis ad cælestia.

ET hinc oculos habet sursum, ut videns Cælum, cælestiaque contemplans excitetur ad amorem cælestis patriæ, ad desideriumque cælestia acquirendi: hinc peccator dicitur *Pf. 16. oculus declinare in terram*: sic Seraph. *Doct. in Opusc. cap. 8. & Breuil. part. 2. cap. 10. & Centil. p. 3. sect. 25.*

TERTIÒ Dicimus hominem inter animantia omnia habere membra corporis perfectissima, quorum alia sunt radicalia, ut hepar, cor, cerebrum, genitalia: alia sunt deseruientia, ut venæ, arteriæ, & nerui: alia sunt officialia, ut manus, pedes, & huiusmodi, quæ ita à Deo sunt ordinata, ut sibi inuicem deseruiant, & cum vnum deficit, alia suppleant, omniaque sunt promptissimè subiecta imperio liberi arbitrij: de quibus satis in superioribus dictum est.

664. QUARTÒ Dicimus hominis proprietates esse: primò discernere inter honestum, & turpe, cætera enim animantia id non habent, sed totaliter se applicant ad delectabilia: secundò Solus homo ordinare potest passiones ad rationis limites, eleuareque se supra omnia creata in Deum: hinc fit, quod quando per adhæSIONem in terrenis homo se inferiorem Mundo facit, iam quasi honore humanitatis exutus similitudinem bestię multiplicis induit secundum multipliciter passionum: de quo vide S. Bonauent. in *Opusc.*

*Opusc. citat. & Sermone 6. Dom. infr. octau. Epiphan. & Sermone 2. Dom. 7. Penec. & Serm. 6. Dom. 1. Adm. & in Sap. cap. 11. vers. 18. & Serm. 9. in Nativ. in quibus locis explicat, quomodo per peccatum homo moraliter transformatur in multiplicem bestiam : tertio Amicitiam habere secundum omne genus amicitiae ; vera enim amicitia est virtus subordinata iustitiae , vt docet S. Bonavent. in Centil. part. 3. sect. 44. estque voluntas erga aliquem causa illius , qui diligitur cum eius pari intentione , à quo diligitur , idque est tantum in bono , vt fusè tradit S. Bonavent. Serm. 1. de S. Barthol. quarto est intellectualibus veritatibus delectari , ipsaque speculari ; quinto verecundari in turpi perpetrato : sexto esse animal sociale , civile , disciplinae capax , risibile , & glorificabile : septimo ex duplici substantia , scilicet corporea , & putè spiritali constare , quæ omnia sunt tantum propria homini , quorum aliqua sunt merè naturalia , alia moralia .*

PROPRIETATES autem defectiuæ hominis ipsi ob peccatum obuenientes præcipuè sunt possibilitas , & infirmitas deficiendi tum naturaliter , tum moraliter , impossibilitas standi , facilitas cadendi , difficultas resurgendi , vilitas nascendi , incertitudo temporis mortis , innumeræque aliae miseriae , de quibus vide S. Bonau. lib. 3. distinct. 15. art. 1. quæst. 2. & in Comp. lib. 3. cap. 7. & lib. 2. prolog. & lib. 4. in prol. & Op. c. 3. cit. & Serm. 4. Dom. 12. Pent. & in Luc. c. 10. vers. 30. & lib. 2. dist. 28. quæst. 1. ad argum. & dist. 35. art. 1. per totum , & art. 2. quæst. 1. & Centil. part. 2. sect. 1. & Breuil. part. 5. cap. 3.

## QVÆSTIO VI.

*De Physiognomie utilitate : regulæque generales de ipsa traduntur.*

665. **H**OMO inter omnia animalia abundat diuersitate maxima proprietatum , & inclinationum tum bonarum , tum malarum , obidque (ait S. Bonavent. lib. 2. dist. 3. art. 2. quæst. 1. ad argum. ) in solis hominibus tanta diuersitas est inclinationum , quanta est inter facies hominum , vultus enim omnino vnquam inueniuntur , quod habeat omnimodam ynsimilitudinem faciei cum altero , quod valde magnificat Omnipotentiam , & multiformem Sapientiam Diuinam : ex qua diuersitate infertur etiam diuersitas in vnoquoque indiuiduo inclinationum , & morum : vnde cum sub obscurissimo velamine lateant intima cordis humani , homo enim est animal maxime variatum , vt dicebat Cicero : Deus disposuit ita membra corporis humani externa , & in eis impreffit varia signa , vt facilius per ipsa duceatur homo in cognitionem inclinationum internarum , & eò maxime quia vt plurimum omnes sectantur proprias inclinationes , vt aduertit S. Bonavent. in simili de prædictionum Astrologorum fundamentis lib. 2. distinct. 14. quæst. ultim. ad 2. Idque Deus optimo ordine disposuit tum ad vtilitatem propriam , scilicet vt homo cognoscens suas malas affectiones posset facilius freno rationis eis dominari : tum vt vnusquisque posset evitare societatem malorum ,

& bonorum consortium affectare : sic legitur de S. Gregorio Nazianz. qui edoctus hac disciplina semper abhorruit, & cavit societatem, & consortium Iuliani Augusti, dum simul incumberebat iisdem studiis Athenis, ex Physiognomia enim pessima ipsius prævidit, quale monstrum futurum esset, & quot damna illaturus esset toti Mundo, & Ecclesiæ.

Nec talis notitia superstitiosa credi debet, nam, ut docet S. Doct. tum in *Op. Diat. fol. 18. 7. cap. 2.* tum in *Comp. Theol. lib. 2. cap. 58.* tum in *Serm. 1. de S. Gregorio M. Ex visu cognoscitur homo*, ait Spiritus Sanctus in *Prouerb. cap. 19.* & *Eccl. c. 19. amicus corporis, & risus dentium* (scilicet dispositio exterior) diiudicat de illo : unde concludendum est, ait Seraph. Doct. quod figura externa corporis signum est exprimens naturam interiorem, ipsiusque inclinationes bonas, & malas : quibus ut certis apud omnes DD. suppositis, subdendæ sunt regulæ generales huius facultatis ex Seraph. Doct. *citat. cap. 59.*

666. PRIMA CONCLUSIO est, quod licet per signa membrorum naturalium mores hominum cognoscantur, non tamen supponunt necessitatem, sed tantum ostendunt inclinationem, nec semper, vel infallibiliter denuntiant affectus, vel mores hominum, sed frequenter, & probabiliter tantum.

RATIO est primò, quia fortè mala inclinatio deuiata est per contrariam consuetudinem exercitio virtutum, & fræno rationis : secundò, quia fortè signum exterius est per accidens, non per naturam : Vnde narrat Aristoteles, quod discipuli Hippocratis ostenderunt Philemoni

excellenti Physiognomo pictam Magistri imaginem, qui pronuntiavit de ipso, quod esset vir luxuriosus ; quod dictum agrè ferentes discipuli de suo Magistro, malè sentiebant de Philemone tanquam de viro ignaro, vel maligno : hancque querelam tandem detulerunt ad Hipocratem, qui confessus est Philemonem rectè iudicasse, sed ex amore Philosophiæ, & honestatis passus est se concupiscentias cordis sui vicisse, & per studium virtutis emendasse, & acquisivisse, quod naturæ fuerat denegatum : quæ ratio à fortiori militat in Christiano, qui per fidem, aliasque virtutes facilius id potest obtinere, & maximè per imitationem Christi, & Sanctorum : idem & refertur à Cicerone de Zophiro Physiognomista, qui eadem asseruit de Socrate ; teritiò etiam potest dari, quod aliquod signum malè indicans superetur excedenter per alia opposita, & meliora.

667. SECUNDA CONCLUSIO : Signa exteriora non referuntur nisi ad eas passiones, quæ naturaliter insunt homini : sicut est concupiscentia, & huiusmodi, non autem ad eas, quæ insunt animæ ex imperio voluntatis, ut est musica, geometria, & similia, quæ studio, & arte possunt per applicationem voluntatis obtineri : idque est certum, quia voluntas nostra libera est, & liberè se applicat pro libito, ubi vult, imperatque cæteris potentiis cum totali dominio, ergo potest etiam, si non adsit interna inclinatio, vel si adsit opposita, ipsam vincere, & ad quodcunque studium se applicare, & maximè adiuta auxilio superno Dei, quod nunquam deest : Vide aliam limitationem ex Theologia sumptam apud Seraph.



Seraph. Doct. lib. 2. *distinct.* 32. *dub.* 6. quam pro huius tractatus coronide dabimus in fine.

668. TERTIA CONCLUSIO: In oculis principaliter, & in facie consistit perfectio Physiognomiæ: Est communis etiam hæc conclusio: Nam, ut supra dictum est ex Prouerb. *ex visu cognoscitur vir*: & ex Ecclef. *ex amictu corporis, scilicet ex facie exteriori cognoscitur homo*. Tum quia oculus est vetus cordis nuntius, unde ait August. Impudicus oculus impudici cordis est nuntius: hincque sequitur, quod oculorum indicium, sicut & faciei confirmat cæterorum membrorum indicium: & è contra, si cætera signa contrariantur, tunc prævalent indicia oculorum, & faciei: Ratio autem naturalis oculorum potest inferri ex iis, quæ tradit Seraph. Doctor in op. *itiner. ment. cap.* 2. & infra specialius afferentur in quæst. de oculorum Physiognomia: quia cum per sensus intrent in animam omnes res sensibiles, quia visus est primus, & cæteris præstantior, & nobis ad addiscendum vtilior, aptior, & amabilius ex Seraph. Doct. *Serm.* 4. *de una S. Virg.* hinc ad motum, & operationes ipsius etiam primò mouetur interior sensus. Tum quia, ut ait idem Seraph. Doct. lib. 2. *distinct.* 20. *art.* 1. *quæst.* 3. ad 4. visus, cum sit nobilior cæteris, magis accedit ad naturam spiritualem, & ad inclinationes animæ: Ratio naturalis faciei infra adducetur suo loco.

QUARTA CONCLUSIO: Membra, quæ in proportionem sunt naturali quoad figuram, colorem, quantitatem, situm, & motum, indicant bonam mentis habitudinem naturalem: è contra, quæ carent debita proportionem, peruersam mentem in-

dicant: Sic S. Bonauent. in Comp. Theolog. lib. 2. *cap.* 59. & ratio in promptu est, quia cum anima sit actus corporis organici, utaturque ipso corpore, eiusque organis ad suos motus, sequitur, quod si organa sint indisposita, improporcionata, & malè ordinata, quod etiam in suis motibus ipsa sit naturaliter inordinata, obidque & peruersas imprimat inclinationes. Ex quibus sequitur

PRIMò, quod debita proportio membrorum exigit proportionem cum positione partium huius Mundi, homo enim est parius Mundus: unde tanta est distantia inter extremitates duorum longorum digitorum vtriusque manus, quanta est à vertice capitis vsque ad plantam pedis: sicut tanta est distantia à centro capitis ad oppositum tropicum in Cælo, quanta est ab Oriente in Occidentem.

669. SECUNDò, quod pulchritudo confurgit ex tali proportionem membrorum: pulchritudo enim est æqualitas numerosa: Sic S. Bonauent. *Serm.* 6. & 20. *Hexaem.* seu, ut dicit lib. 4. *distinct.* 49. *artic.* 5. *quæst.* 1. est partium conuenientia cum quadam coloris suauitate, unde exigit & multitudinem, & æqualitatem, & situationem ordinatam partium secundum varietatem hominum, figurarum, & colorum in corporibus: Sic lib. 2. *dist.* 9. in *expos. textus*, & ibidem *quæst.* 8. & in *Op. itiner. ment. cap.* 2. Hinc inferri in *Opusc. de ternario peccat. cap.* 7. quod pulchritudo licitè potest solum appeti, in quantum est representatio, vel resultantia Diuini decoris, & lib. 1. *dist.* 31. *part.* 2. *art.* 1. *quæst.* 3. quod Filius in Diuinis habet summam pulchritudinem, nam in com-

paratione ad Patrem habet pulchritudinem æqualitatis, quia ipsum perfectè exprimit, sicut pulchra imago: in comparatione verò ad res, quia est ars plena omnium rerum, habet exprimere eas, propterea est omnium exemplar, idè est pulcherrimus.

TERTIÒ, quod cum principalis in visa imagine oculis obiectum est color, hinc etiam ex coloris qualitate iudicatur interior hominum dispositio: Sic *Serm. 1. de S. Gregorio & lib. 4. dist. 49. cit. de quo aliàs redibit Sermo.*

QUARTÒ, quod quæcunque similitudo animalium aliquorum in hominibus est, tales homines imitantur talium mores, & inclinationes: Sic Plato, & S. Bonau. in *Comp. Theol. lib. 2. cap. 59.*

## QVÆSTIO VII

*Exponuntur alia regula generales  
Physiognomia ex diuersa complexione humorum.*

70. PRIMò Supponendum, quod Corpus humanum (air Seraph. Doct. cum communi in *Comp. Theol. lib. 2. c. 57. & seq. & Serm. 1. de S. Gregor. & lib. 4. dist. 49. part. 2. art. 2. quest. 1. & lib. 2. dist. 17. art. 2. quest. 1.*) componitur ex quatuor elementis, scilicet terra, aqua, aëre, & igne, & idè resident in Sanguine, qui est materia proxima omnium partium corporis, quatuor principales humores ad vitam, & conseruationem conferentes, quorum primus est bilis correspondens igni, & dicitur flaua bilis, seu bilis absolute: secundus est sanguis, seu ru-

bea bilis respondens aëri: tertius est phlegma respondens aquæ: quartus est melancholia respondens terræ, & dicitur atra bilis: idè etiam isti humores præditi sunt qualitatibus propriis suarum causarum, nam bilis est sicca, actiua, & velox: sanguis humidus, & calidus: phlegma humidum, & frigidum: & melancholia sicca, & frigida: ex quibus in corpore fit mirabilis complexio, sed quia adest etiam pugna inter istos humores ob oppositas qualitates, & ferè semper adest prædominium vnius super alios, quod præcipuè cognoscunt Medici per aspectum faciei: ex visu enim, ait Spiritus Sanctus, cognoscitur vir, vt aduertit Seraph. Doctor *Serm. 1. de S. Gregor.* hinc sequitur, quod ex inordinatione, & prædominio horum humorum alteratorum omnes Febres, & infirmitates oriuntur, vt aduertit idem S. Doctor *Serm. 1. Dom. 4. Quadrag.* immò non solum corporales, sed & spirituales infirmitates promanant animæ, vt mox dicemus.

VT autem hæc doctrina, & suprà dicta, & infrà tradenda clariùs percipiantur.

671. SECUNDò Supponendum ex Seraphico Doctore *lib. 2. dist. 15. art. 1. quest. 3.* quod cum anima in corpore sit forma dans ei vitam, sensum, & motum, idè fuit necessarium, vt ad compositionem corporis concurrerent quatuor elementa, & inter se haberent prædominantiam mutuam secundum quantitatem molis, & virtutis.

PRIMò quoad vitam percipiendam: Si elementa passiva, quæ sunt terra, & aqua, prædominarentur secundum vtranque quantitatem, non esset habile ob sui grossitiem, & soliditatem,

lilitatem, sicut sunt corpora mineralia: nec etiam si prædominarentur secundum utranque quantitatem elementa actiua, quæ sunt ær, & ignis, quia ab istis consummerentur statim passiuæ, nec esset aliquid, quod posset vegetari ab anima, ergo necesse fuit, vt ex quadam mutua prædominantia consurgeret mutua proportio, & concordia ad vitam, & animam suscipiendam.

**SECUNDO** quoad sensum: Corpus non esset aptum ad sensum tactus, nisi in eo prædominaretur terra quantum ad molem: sensus enim tactus, qui est inter alios materialior, & dispersus per totum corpus, est in corpore ratione elementi terræ, nec item ad sensum olfactus, & gustus, nisi esset quoad molem prædominium aquæ: ab hac enim principaliter proueniunt isti duo actus quoad suam materialitatem, nec isti tres sensus possent haberi, nisi concurrerent elementa actiua quoad virtutem: calor enim, & Spiritus sunt instrumenta virtutis sensitivæ, sunt enim penetratiua duorum elementorum passiuorum, & ob id tribuentia vigorem sentiendi: tum etiam quia ab istis actiuis principaliter sunt alij duo sensus, scilicet auditus, & visus, qui tantum exigunt concursum duorum passiuorum, tum ratione organi, tum ratione obiecti: ergo fuit necessaria prædominantia mutua elementorum.

**TERCIO** quoad motum: Corpus non esset aptum ad motum, nisi elementa passiuæ prædominarentur quoad quantitatem molis, & elementa actiua quoad quantitatem virtutis: nam per prædominium quantitatis molis elementorum passiuorum constituuntur membra solida, & idonea

ad motum: at per prædominium actiuorum quoad virtutem animæ vis motiua pertingit ad membra ipsa mouens: hinc patet mirabilis nexus quatuor elementorum in corpore, & quid operentur in corpore humano ista quatuor elementa: & cum ex ipsorum permixtione resultent omnes quatuor humores ipsis correspondentes, hinc in variis corporibus dicitur aliquod elementum prædominari cæteris, vel secundum quantitatem molis, vel virtutis: & hinc offertur varia, & diuersa complexio, tum in membris, tum in toto homine, quæ vt plurimum dignoscitur ex signis externis, super quæ fundatur principaliter ars Physiognomix: His positis.

**672. PRIMA CONCLUSIO:** Ignis, seu fluxus bilis prædominium in homine principaliter cognoscitur ex macie, & siccitate in corpore, & præcipue in facie apparente ex colore flauo tendente ad obscurum ex abundantia pilorum per totum corpus, sed subtilium, & tendentium ad flauum: Ex quo oritur inclinatio ad iram, incontinentiam, præsumptionem, inconstantiam, præcipationem, inconsiderationem, superbiam, fraudes, crapulam, atrogantiam, prodigalitatem, animi magnitudinem, viuacitatem, & perspicacitatem intellectus.

**RATIO** evidens est, quia hic humor respondet naturæ ignis, qui super alia elementa est actiuus, velox, præceps, aliis præeminens, inconstans, ergo & easdem qualitates fert secum prædominantes: Ex quibus duo mala consequuntur: Alterum naturale, scilicet febris acuta, continua, & præceps: Alterum morale, scilicet febris multiplex spiritualis animæ.

animæ, superbiæ, aliorumque malorum suprà enartatorum. Vide S. Bonavent. *Sermon. 1. Dom. 4. Quadr.*

673. SECUNDA CONCLUSIO: Sanguinis, seu bilis sanguinæ, & rubræ prædominium in homine principaliter cognoscitur, si homo sit moderatè pinguis, crassitie tamen vera, & carnosa, non seuosa: hæc enim oritur ex nimia frigiditate, & veluti congelatione sanguinis, ut ait cum Hipocrate Seraphicus Doctor: illa verò ex caliditate sanguinea: item si homo habeat cutem corporis, & præcipuè faciei viuïdam, carneam, scilicet mixtam ex colore albo, & purpureo: vultum viuïdum, iucundum, simplicem, & benignum.

Hic tamen aduertendum cum Hipocrate, & Aristotele, quod hoc prædominium sanguinis est varium secundum magis, & minus: nam in aliquibus est purior, vegetior, subtilior, & calidior: in aliis liquidior, & aqueus, frigidiorque: in aliis crassior, ut videtur etiam in animalibus: In primis confert ad vigorem corporis, & ad ingeniositatem animi, facillimèque mouetur ad variationem affectuum animæ, ut iræ, & verecundiæ: In secundis confert ad timorem, & pauorem: In tertiis ad vigorem corporis, ad itacundiam, & ferocitatem, ut in tauris, quorum sanguis statim indurefcit, & eius potus occidit: sed in homine est subtilior, quàm in aliis animantibus. Ex sanguinis prædominio oritur in homine inclinatio affecta ad delitias, ad lætitiàm excedentem, & vanam, ad nimium amorem, & inordinatum sui, & aliorum, ad suspectas amicitias, ad vitia carnis, ad benignitatem, docilitatem, ingeniositatemque: Ratio evidens est, quia talis humor respon-

det aëri, qui est (ait S. Bonau. *lib. 2. cap. 8. in Comp. Theol.*) subtilis, leuis, mobilis, facillè alterabilis, ignique vnibilis, ergo & fert secum has proprietates in corpore.

Ex quo prædominio oritur febris tertiana, sed interpolata, cum non sit tam actiuus, sicut flaua bilis: oritur & febris spiritalis animæ multiplex, ut dictum est de suis inclinationibus.

674. TERTIA CONCLUSIO: Aquæ, seu Phlegmatis prædominium in homine præcipuè cognoscitur ex eo, quod reddit cutem corporis præcipuè faciei albam, seu pallidam, mollem, corpus obesum, sed humilis, & demissæ staturæ, talis enim crassities, & demissio prouenit ex mixtione excrementi vnuosif sanguinis cum frigore, per quod congelatur, & pinguem reddit: hoc prædominium est proprium fæminarum.

Ex hoc prædominio oritur inclinatio ad somnolentiàm, pigritiam, insensibilitatem, tepiditatem, dissidentiam, accidiam hebetudinem, inhabilitatem ad scientias, talèsque sunt difficiles ad iram: & ratio est, quia aqua, cum sit frigida, & humida, & grauis, fert secum tales proprietates.

Ex hoc prædominio oritur febris letargica: nam calor accendit phlegma, ipsum subtiliat, & immittit sursum ad cerebrum vapores, & reducit ad phrænesim: oritur & multiplex febris spiritalis animæ, ut dictum est suprà.

675. QUARTA CONCLUSIO: Terræ, seu melancholiæ, seu atræ bilis prædominium dignoscitur ex macie corporis, præcipuè faciei, ex nigredine, seu obscuritate cutis, ex laetudine, & crassitie venarum, ex pilorum

pilorum crassorum, & asperorum abundantia, ex crassitie linguæ, ex balbutie, ex tarditate, ex pigritia.

SEd hic aduertendum, quod hæc bilis atra, seu nigra est duplicis generis, alia enim est naturalis proueniens ex prædominio terreo, scilicet ex parte crassiori, frigida & sicca: alia est præternaturalis, & accidentaria proueniens ex adustione bilis, & sanguinis, vel pituitæ salsæ; vtraque tamen, sed plus hæc secunda, cum non habeat tantam vim restituiam, subiacet non solum frigori, sed etiam excedenti caliditati, vnde si aliquammodo ad caliditate subtrahatur, confert ad acumen ingenij, ad fixam applicationem ad scientias, & ad negotia, ad meditationem, & prudentiam: si vero excedenter accenditur à superueniente calore, subicit hominem ad multiplicem mutationem animi prouenientem tum ex frigiditate, tum ex caliditate superueniente, & superante: vnde Fauorinus Philosophus dicebat hanc volubilitatem esse infirmitatem propriam magnorum virorum maxime Poëtarum: & hæc est ratio, quare in aliquibus habentibus faciem carnosam coloratam, & sanguineam vigeat atra melancholia, quæ prima facie videtur contra naturam, & complexionem, eisque indebita: hæc melancholia enim tam intensa prouenit ex dicta adustione. Ex prædominio bilis atræ frigidæ, & siccæ oritur inclinatio ad amaritudines oblongas, ad difficultates in negotiis, & stoliditatem, torpedinem, anxietatem, timiditatem, ad tristitiam, ad scrupulos, iudicia temeraria, querimonias, auaritiam, inuidiam, fraudes, obstinationem, & his similia.

Ex dominio bilis atræ siccæ, & caliditate accensæ oritur fraus, animi

duplicitas, inclinatio ad vanam lætitiā, ad cantum, ad desipientiam, & deliramenta, ad immoderatam tristitiam absque causa apparente, hocque prædominium est in serpentibus.

Ex quo oritur duplex malum, scilicet naturale, quod est febris quartana, quæ dicitur opprobrium Medicorum ob difficultatem curationis, & morale, scilicet multiplex febris spiritualis animæ, vt dictum est: de qua multiplici febre vide S. Bonau. *Serm. 1. Dom. 4. Quadrag. & Serm. 1. in Pentec. & Serm. 3. Dom. 20. post Pentec. & in Luc. cap. 4. vers. 38. & Ioan. cap. 4. vers. 52. & opusc. Diat. Sal. tit. 1. cap. 7.*

676. QUINTA CONCLUSIO: Ex prædominio horum humorum, quando non est valde excedens, oriuntur multæ, & viles inclinationes, vt de se patet ex enumeratis, vt in igneo prædominio sollicitudo, & promptitudo in rebus etiam arduis agendis, sagacitas, fuga timoris in periculis, & similia: sic & in prædominio aëris hilaritas cordis, fidelitas amicitie, & similia: ex prædominio aqueo phlegmatica conuersatio, elongatio à subita ira, & pluribus facinoribus, & similia: sic & ex prædominio terræ grauitas, consideratio fixa in rebus agendis, præmeditatio prudens, & similia: vnde tales dicuntur habere grauitatem, & prudentiam saturninam.

SEXTA CONCLUSIO: Et quia isti humores habent plus, minusve roboris secundum diuersitatem ætatum, & climatum, hinc in senectute vt plurimum dominatur auaritia, & tenacitas: in iuuentute prodigalitas, & sic de singulis, de quibus Aristoteles 2. *Retorior.* Idem & dicendum de diuersis climatibus, & regionibus,

regionibus, propterea enim magis elongantur polo, magis etiam in eis dominatur natura ignea, & aërea: propterea magis appropinquant, magis in eis dominatur natura aquea, & terrea, ut videmus in septentrionalibus: de quibus varietatibus tractant Philemon, Porta, Aliique.

677. SEPTIMA CONCLUSIO: Physiognomia sexus est, quod masculus animus vehemens est ad impetum, & pericula, studiosus, & animosus: foemineus vero misericors, & timidus: idque intelligendum est tam de viris, quam de mulieribus, sed tamen magis in illis prædominatur ignis, & aër: in istis aqua, & terra: Sic S. Doct. in Comp. Theol. cit.

QVÆRES: qualis differentia sit inter complexionem viri, & mulieris.

RESPONDETUR ex Seraphico Doctore *infra citat.* & communi, in viro esse prædominantiam calidi, & sicci super qualitates passivas, scilicet humidum, & frigidum, & hoc secundum magis, & minus, hocque præcipue dignoscitur in pueris, ut notat S. Doct. *Serm. 1. de S. Antonio.* In mulieribus prædominari passivas supra activas: unde Physici inferunt, quod vir quantumcunque frigidus, & humidus semper excedit in calore mulierem quantumcunque calidam. Ex qua diuersa complexionem oriuntur diuersæ inclinationes, dispositionesque in ipsis. Hinc dicunt Physici, quod mulier cum caleat maxima humiditate, hæcque cæteris qualitatibus prædominetur, sequitur, quod facile se ad extrema vertit: humidum enim terminatur termino alieno, & hinc mulier se vergens ad malum, maxime si tendat ad palliditatem, gracilitatemque, est naturaliter effrenis, inuerecunda, ad libidinem

propensissima, & quod plus conatur explere talem appetitum, eo plus ipse crescit: rationem reddunt Physici, quam ego libenter prætereo, cum mei instituti non sit: contra vergens ad bonum est plus ardens ad opera pietatis ipso viro: Vide S. Bonavent. *lib. 2. dist. 20. art. 1. quest. 6. & dist. 21. artic. 1. quest. 3. & lib. 3. distinct. 12. art. 3. quest. 1.* in quibus locis, præcipue *lib. 2. distinct. 20. citat.* adducit causas physicas, quare potius aliquando generatur mulier, quam vir, & è conuerso, & quodnam discrimen inter virum, & mulierem quoad qualitates, & inclinationes.

*Appendix ad supra tradita directæ ad mores.*

678. SERAPH. DOCT. in suis operibus non solum conatur illuminare intellectum scientiis speculabilibus tum Diuinis, tum humanis, sed semper rotas in inflammando, & excitando affectum, ipsumque pertrahendo ad mores, & profectum animæ: hinc *in cit. Serm. 6. Hexaem.* tradit modum, quo malæ inclinationes ortæ ex qualitatibus prouenientibus ex quatuor elementis miscibilibus possint deuinci, & exterminari applicando singulas ad quatuor virtutes Cardinales, quæ sunt medium proprium moderatum passionum hominis: Dicit ergo, quod istæ quatuor virtutes configurantur quatuor elementorum proprietatibus. Nam cum in terra sit ariditas cum ornatu variegato tot mixtris ipsam ornatibus: in aqua perspicuitas cum intensione, seu mixtione valde intensa lucis: in aëre subtilitas cum mulcebritate, seu flexibilitate: in igne virtuositas cum actione: prima, scilicet

scilicet terræ respondet temperantia : secundæ prudentia : tertiæ iustitia : quartæ fortitudo : Nam temperantia aridum quidem reddit hominem, sed tamen ipsum simul ornat, & vestit floribus : eius enim proprium est nihil vitiosum appetere, in nullo legem moderationis excedere : sub iugo rationis cupiditatem domare, ad quæ inseparabiliter sequitur modestia, verecundia, abstinentia, castitas, sobrietas, pudicitia.

IN aqua cum sit perspicuitas cum luce : sic & prudentia, quæ quasi incorporata luci ad rationis normam, quæ cogitat, & quæcunque agit, universa dirigit, ac nihil præter rectum vult, vel facit, humanisque actibus, tanquam Diuinis arbitris providet : ad quæ inseparabiliter sequitur ratio, intellectus, circumspectio, providentia, docilitas, & cautio.

CUMQUE in aëre sit subtilitas cum flexibilitate, sic & in iustitia, quæ subtiliter flexitur ad sursum, deorsum, ad dexteram, & sinistram, servando cuicunque, quod suum est, scilicet in ordine ad Deum, ad Proximum, & ad Seipsum : ad quam inseparabiliter sequitur innocentia, amicitia, concordia, pietas, religio, affectus, & humanitas.

TANDEM cum in igne sit virtuositas cum actione, sic & fortitudo adhibet robur virium, animum eleuat supra periculi metum, nihilque nisi turpia timet, tolerat fortiter vel prospera, vel aduersa : ad quæ sequitur inseparabiliter magnanimitas, fiducia, securitas, magnificentia, constantia, tolerantia, & firmitas : Ecce quomodo rationis freno potes, ô homo, moderari iras inclinationes, perfectumque virum tum ad tui profectum, tum ad

utilitatem Reipublicæ, & familiæ gubernationem securè se constituere.

## QVÆSTIO VIII.

*Explicatur Physiognomia capitis per varia quasita, & soluta: ex Comp. Theol. lib. 2. cap. 58.*

679. **E**X generalibus ad particularia doctrinæ ordo petit descensum : obidque primò de Physiognomia capitis agendum est.

HINC Supponendum, quod caput ex Seraph. Doct. lib. 3. *distin.* 13. *art.* 2. *quæst.* 1. habet tres præcipuas proprietates : Prima est conformitas cum membris : Secunda est esse principium membrorum : Tertia esse influxum spirituum animalium in membra : hincque in capite vigent omnes sensus perfectiori modo, quam in aliis membris : Hinc Physiognomia capitis est præcipua, & præcipuè considerabilis inter omnia alia corporis membra : & quia caput in aliis est nimis magnum, in aliis globosum, & breue, in aliis humile superius, & quasi planum, in aliis oblongum aliquantulum, & malleo simile : Hinc

PRIMò quæritur : quid significet caput magnum.

RESPONDETUR, si est excedenter magnum, significare hominem stolidum, nimisque tenuem in intelligendo : assimilatur enim vel nocturæ, vel asino, vel pueris, in quibus adest maior quantitas molis in capite, & ob id etiam ineptitudo ad opera rationis : si verò est proportionaliter magnum, significat rectum intellectum, & prudens iudicium. Ratio primæ

primæ partis est, quia magnitudo capitis venit ex concursu materiæ, quæ si est malè regulata à natura ob debilitatem vis generatiuæ, tunc resultat membrum excedenter frigidum, & humidum cum magna crassitie, ut patet in irrationabilibus, quod & notatum fuit suprâ ex Seraph. Doct. in *quæst.* 5. & consequenter tale caput erit nimis ineptum ad opera rationis. Ratio secundæ partis est, quia tunc æqualiter concurrunt vis generatiua, & natia, spiritusque vitales, qui habent facilem aggregum, regressum, & viam ad omnes partes: hinc & tales homines semper perspiciuntur magni intellectus, intelligentiæ, prudentiæque in agendis, taleque erat caput Platonis, & subtilissimi Scoti.

SECUNDò quæritur: quid significet caput globosum, seu valdè sphæricum, breue, paruumque.

RESPONDETUR indicare hominem sine sapientia, & memoria: ratio est, quia cum spiritus, qui sunt instrumenta intelligentiæ, discursus, & memoriæ in capite paruo, non habeant ob angustiam loci liberam viam ad cellulas cerebri, obidque adinuicem confunduntur, calefiuntque: hinc difficulter deservire possunt actibus animæ: Adde etiam fumositates ascendentes ad cerebrum difficulter se posse resolvere ob talem angustiam, immò se confundunt cum iisdem spiritibus: ex quo sequitur magna mentis obfuscatio, quare tales homines ut plurimum sunt inutiles in actionibus civilibus, difficulterque se ingerere rectè possunt in actibus contemplationis, & ad acquirendas scientias: assimilanturque ab Aristotele capiti Asinorum, quod habet modicum cerebrum, licet ipsum sit de se magnum

mole, sed aptius assimilatur capiti strutionis, quod est valdè paruum, & improporionatum magnitudini corporis.

ADDUNT Alij Authores tales homines esse naturaliter iracundos, memores iniuriarum, præcipientes, & animi timidi: Ratio primæ partis est, quia ob dictam confusionem specierum, & spirituum accenditur facillimè sanguis, & cerebrum, & cum tali inflammatione ad cor immittantur spiritus animales, remittunturque & vitales alterati, & accensi, non solum ex hoc non contemperatur calor cordis, ut ex immissione debita dictorum spirituum præcipuè animalium deberet euenire, immò potius magis accenditur cor, & ad iram concitatur: Ratio secundæ partis est, quia spiritus, & sanguis ascendentes ad cerebrum, & caput, cum non habeant locum ad se dilatandos, hinc inflammantur, & exsiccantur, ideòque causant in memoria impressionem tenacem iniuriarum: Ratio tertiæ partis est, quia ob dictam angustiam loci, & confusionem spirituum, & specierum anima ægrè potest discernere veritatem rerum: hinc oritur metus, & timor, ubi non est timendum, simulque maxima irresolutio in agendis, & ex immisione spirituum animalium deficientium, & debiliū ad membra oritur magna debilitas, & ineptitudo in ipsis membris ad proprios actus: si verò caput erit mediocre inter magnum, & parvum plus tendens ad paucitatem provenientem ex paucitate materiæ crassæ, & ossium, signum est magnæ virtutis in intelligendo, & speculando, & in aggrediendo res præclaras, & egregias, assimilaturque leoni habenti



ti caput moderatum, & corpori proportionatum.

TERTIO quæritur: quid significet caput humile, & quali planum superius.

680. RESPONDETUR, quod si talis planities est in superiori parte occupans partem anteriorem, & posteriorem, significat hominem insolentem, & dissolutioni deditum: Addunt Alij, quod si est planities à parte posteriori tantum, significat imprudentiam: si ab anteriori, significat paruum ingenium: Ratio est, quia cum membra corporis exigant dispositionem accommodatam fini propriæ organizationis, & institutionis, & cum caput sit organum deseruiens imaginationi, memoriæ, & consequenter intellectui: hinc sequitur, quod si in organo adsit aliquod impedimentum, vel confundens spiritus, & species, vel retardans, ut euenit ex defectu assignato, scilicet ob planitiem auferentem sphaeritatem necessariam capiti, tunc si tale impedimentum occupabit totum caput, tunc erit defectus tum in parte cognitiua, & imaginatiua, quæ habet locum in anteriori, tum & in memoratiua, quæ habet suam sedem in posteriori: Et hinc habetur fundamentum vtriusque defectus ex parte anteriori, seu sincipitis, & ex posteriori, seu occipitis: cum enim imprudentia, & hebetudo procedant vel ex falsa imaginatione, vel ex cognitione mutila, & imperfecta agendorum, vel speculabilium, per consequens cum in homine tali capite deficiente adsit naturale impedimentum ad rectè obeundum istos actus, etiam de facili naturaliter præcipitabit in dictos excessus.

681. QUARTO quæritur: quid

significet caput aliquantulum oblongum, & ferè malleo simile.

RESPONDET S. Bonauent. quod si caput erit sphaericum non perfectè, sed cum aliqua longitudine pauca causata à planitie moderata temporum cum duabus paucis concauitatibus in dictis temporibus, & cum aliqua eleuatione capitis à parte anteriori, & posteriori, per quas facilius feruntur species à sensu communi ad memoriam, signum est optimæ complexionis, obidque indicans hominem ingeniosum, prouidum, & circumspèctum: & hinc Physiognomistæ dicunt caput malleatum esse optimum signum: si verò caput fuerit oblongum excedenter ad modum strobili, qui est fructus pini, & vulgariter dicitur pigna, signum est inuerecundiæ, & impatientissimi animi ob superabundantiam humoris ignei, sic caput acutis, ex qua oritur inflammatio spirituum subita, & confusio specierum, obidque & accensio facilis ad iram, & inuerecundia, & inconsideratio in rebus agendis.

QUINTO quæritur: quid dicendum de cæteris figuris capitis.

PRIMO Respondetur, quod si caput à parte posteriori habet cavitatem, vel planitiam, significat hominem obliuiosum: ibi enim residet memoria, quod manifestum fit, si quis patiatu aliquam magnam percussionem in illa parte, statim immemor fit.

SECUNDO: Si verò dicta pars posterior erit aliquid oblonga, tunc signum est maximæ fortitudinis, & maximè si collum erit crassum, signum etiam optimæ memoriæ.

TERTIO: Si caput à parte anteriori erit planum, vel depressum, talis

lis homo etit ineptus, & tenuissimæ imaginationis, & apprehensionis, & maximè timidus, ibi enim residet sensus communis, qui cum fuerit malè organizatus, etiam causabit dictos effectus per indebitam receptionem specierum confusam, non solum in eodem sensu communi, sed & in cæteris potentiis interioribus. Et hæc de Physiognomia Capitis.

## QVÆSTIO IX.

### De Physiognomia Capillorum.

**A** Capite in communi descendendum est ad partes in particulari, & primò occurrit consideratio capillorum, & eorum multiplex varietas colotum.

682. SUPPONENDVM est ex traditis in superioribus ex Seraph. Doct. lib. 4. distinct. 44. part. 1. art. 1. quest. 2. aliisque locis: Quod capilli capitis, licet sint producti ex excrementis superfluis corporis humani quoad substantiam, non tamen ipsi sunt superflui absolute: inseruiunt enim & ad ornamentum, & decorem corporis, tum ad subleuandam, & auxiliandam necessitatem multiplicem eiusdem corporis, scilicet maximè capitis: & primò sunt ad ornatum hominis, quod & aduertit D. Ambrosius in Hexaem. afferunt enim maiorem reuerentiam in senibus, venerationem in Sacerdotibus, maiestatem Principibus, & bellatoribus, augent & pulchritudinem iuuenibus, & mulieribus: secundò ad necessitatem subleuandam: nam cum cetebrum sit humidum mixtum cum calore, hinc indiget expurgari per

emissionem vaporum noxiorum, & cum per ipsos tegatur caput, hinc etiam facilius defenditur à frigore, & calore noxio: & hinc in resurrectione (ait S. Bonavent.) resurgunt homines electi cum capillis, & barba tinctis colore aureo, & pellucido.

CAPILLI autem generantur ex fumositaribus humidis, & glucinosis ad cutem attractis à calore naturali, & ab aëre ambiente congelatis, & reductis veluti in subtilissimos funes ad proportionem pororum, & meatuum, è quibus exeunt: quare & ipsi consequuntur dispositionem temperamenti corporis, à quo exeunt, præcipuè in climate temperato: nam sunt aliqua climata, quæ ut plurimum eundem colorem tribuunt omnibus; & in talibus difficile est cognoscere ex capillis temperiem humoris, vel saltem sine periculo erroris. His suppositis

683. PRIMò queritur: quid significant capilli molles.

RESPONDETUR talem mollietatem prouenire ex nimia humiditate, & frigiditate, ut euenit in pueris, & mulieribus, obidque talem hominem esse valdè timidum ob defectum caloris, ut patet in Ceruo, Lepore, & Oue, & Volucris plummas molles habentibus.

SECUNDò queritur: quid significant capilli valdè rari.

RESPONDETUR id prouenire vel ex nimia caliditate exsiccante illos vapores, & claudente meatus, vel ex defectu nimio caliditatis, & sanguinis non valentis se extendere ad concoquendam illam materiam; hinc cadunt capilli, quod præcipuè euenit in valdè libidini deditis: Raritas, & caluities indicat hominem.

hominem libidinosum, & imprudentem, & confusum in actibus speculatiuis.

**TERTIÒ** quæritur: quid significant capilli spissi, densique, & crassi.

**RESPONDETUR** significare prædominium humidi, & excedenter calidi, indicareque feritatem in homine, sic etiam feræ talibus pilis rectæ conspiciuntur, crassitiem verò maxime in iuuentute indicare imprudentiam.

**QUARTÒ** quæritur: quid significant capilli recti.

**RESPONDETUR** talem rectitudinem, si est naturalis, causari à nimio frigore, & humiditate, indicareque hominem timidum ob defectum caloris, item & malignum, & bestialem.

**QUINTÒ** quæritur: quid significant capilli totaliter crispi.

**RESPONDETUR** crispas capillos provenire ex nimio calore, & siccitate, & maxime si pori sunt valde subtiles, & vapores debiles, ut evenit, quando comburitur corium, indicareque timiditatem maximam, & animi duplicitatem, debilitatem virtutis, & ineptitudinem ad negotia ardua.

Si verò capilli sint tantum in summitate crispi, significant bonam complexionem debiti caloris, frigoris, & aliorum humorum, indicareque hominem venusti aspectus, optimæ indolis, promptumque ad omnes actus honestos, talemque fuisse Cæsarem Augustum tradunt Historiæ.

**IDEM** & asserunt Authores de capillis, qui medietatem servant inter molliem, & asperitatem: indicant enim qualitates esse ita refractas inter se, ut unaquæque servat suum

statum, scilicet calorem excedere frigus, & humidum siccitatem absque violentia.

**SEXTÒ** quæritur: quid significant capilli valde duri, & asperi.

**RESPONDETUR** duritiem, & asperitatem provenire ab excedente calore, & siccitate terrestri, & à frigore externo ambiente, & hinc indicant hominem valde fortem, & siluestrem, ferinumque, talesque sunt gentes septentrionales, sic Leo, & Aper: vera enim maxima ex experientia apud Omnes est, ut qui habitant loca frigida, sint interius valde calidi, & è contra, qui habitant loca calida, interius sunt frigidi: Idemque dicendum de capillis nimium depressis, frontique imminuentibus.

684. **SEPTIMÒ** quæritur de Physiognomia colorum capillorum.

**HINC** Supponendum, quod licet in animalibus colorum varietas in pilis possit tribui colori cutis, ut docent plures Doctores, non tamen in homine, quippe qui inter omnia viventia solus habet semper cutem albam ob delicatam temperiem, qua est formatus, undè dicendum est provenire ex diversitate temperamenti, quare.

**RESPONDETUR** primò, quod capillorum nigredo provenit ex duabus causis, scilicet vel ex superabundantia humoris terrestris, sed ex nimio calore adusti, ut patet in habitantibus in regionibus calidissimis: vel ex humido superato, vel penè consumpto à nimio calore, in quibus casibus excrementum vertitur in obscuram veluti caliginem, ex quo etiam processu temporis ipse sanguis nigrescit: in quibus casibus oritur magna timiditas in homine cum excedenti astutia, & duplicitate, & fraudulen-

fraudentia, & maximè si capilli tendent ad aliquam molliorem: si verò sunt etiam duri, & asperi, signum est, quod homo est auarus, & tenax, & tristis. Quando verò medietatem seruant inter nigredinem, & duritiem, tunc signum sunt bonæ temperiei, indicantque moderationem in actibus humanis, ingeniositatemque in scientiis: Idemque dicendum, si medietatem seruant inter flavum, & rubrum ad modum auri: in his enim casibus indicatur in temperamento humidum radicale, subtile, æreum, concoctum, & proportionatum cum cæteris humoribus rectè tractis.

685. RESPONDETUR secundò: Quod color flauus in capillis prouenit ex superabundantia humidi ærei, sed valdè ex calore naturali temperati, reducentisque ad quandam mediocritatem colorem ipsum inter nigrum, & album, indicatque hominem mansuetum, piū, ingeniosum, prudentem, & magnanimum, alacrem, & festiūm.

Si verò est talis color perpendens ad albedinem: tunc in homine excedit humidum aqucum, quod valdè resistit calori, immò & ipsum sæpè extinguit, hinc & indicat indocilitatem, vitæque breuitatem ob defectum caloris: indicat etiam animi feritatem, maximè quando talis flauetas prouenit ex frigidityte mixta cum excedenti calore, vt euenit in habitatoribus Aquilonis: Si verò talis flauetas propendit ad rubeum, tunc signum est temperamentum importare prædominium moderatum caloris exsiccantis humidum, quæ exsiccatio multò magis adest, quando totaliter capilli sunt rubei, quod indicat hominem valdè inclinare ad iram, & ad proditones.

686. RESPONDETUR terciò: Quod si capilli sunt albi in iuuentute, indicant debilitatem maximam caloris naturalis non valentis concoquere fumositates ascendentes ad cutem ob superabundantiam humidi aquei, idque est signum, quod homo erit brevis vitæ, viribus deficiens, & valdè timidus.

ADVERTIT tamen Aristoteles, quod albedo capillorum potest aliundè pronire, ut in prima lanugine, & visilagine, in senectute, & in illis partibus, in quibus cutis remansit valdè læsa, quia humidum ad illam partem se vertens concoquitur à nimio calore, & exsiccatur illa pars.

RESPONDETUR quartò: Quod si capilli sunt excedenter flauī ad similitudinem croci, signum est complexionis prædominantis in igne, & siccitate, & bile sanguinea, obid ad modum ignis, & æris, ut plurimam tales sunt instabiles, ignei, iracundi, de malo alterius gaudentes, & omnia ad suam vitilitatem trahentes, sicut ignis omnia attrahit, & consummit, vt se conseruet: hinc & sunt auari, tenaces, & immisericordes: si verò flauetas est moderata, & ad colorem carnis reducta, tunc signum est bonæ complexionis. Quæ omnia proportionaliter applicanda sunt coloribus barbæ.

687. Et circa barbam notant Physiognomi, quod barbâ in feminis signum est pessimum, & maximè inclinantis ad libidinem, nam cum barbâ generetur à vehemēti calore cordis ascendētis ad cerebrum, & per reflexionem redeuntis ad mentum, secumque ducentis partem illarum fumositatum capitis, hinc in mento per meatus à calore eiciuntur, oriturque barbâ: Cùm autem Muliercs

Mulieres prædominatæ sint ab humiditate, & frigiditate, quæ & obturat meatus corporis, & impedit, ne fumositates ascendant ad caput in multa copia, idèd & sine barba communiter apparêt: Et hinc dicunt, quod quando in mulieribus nullum signum pilorum apparet in vulvu, & labiis oris, talis mulier etiam est timida, modesta, verecunda, mitis, docilis, & bonis moribus instructa: Vnde si suprà dicta regula in aliqua muliere frustratur, signum est excedentis caloris, & ob id declinans à debito temperamento.

Ex qua doctrina patet, quare vt plurimum imberbes, & eunuchi similes in moribus sunt mulieribus, idèdque sæpè se ostendunt iniquos, crudeles, deceptores, voluptuosos, ineptos ad scientias, & ad graui negotia, & quia pili sunt capillis affines, generanturque ex eadem causa.

688. OCTAVO quæritur: quid indicet abundantia pilorum in homine?

RESPONDETUR multitudinem pilorum provenire ex abundantia superfluarum humiditatum, quæ cum moderatè excedantur à calore naturali, etiam digeruntur, corriguntur, & separantur, transmittunturque ad cutem, & maximè in aliquibus partibus corporis, in quibus viget hæc duplex superabundantia superfluitatum, & caloris: quod signum est vehementis inclinationis ad libidinem.

Ex quibus principiis inferunt Authores, quod habentes per totum corpus copiam pilorum cum asperitate, & densitate, abundant maxima caliditate, & siccitate, vt patet in originariis regionibus siluestrium, in  
R. P. Barr. de Castrov. Phil. P. III.

quibus locis est maxima pugna frigoris, & caloris, hique sunt pigri, & lenti in suis operationibus ad modum Bouis, sunt impertinaces, & ferri, crudelesque, & libidinosi.

QUI habent pectus valdè pilosum, sunt animi, & virium fortes, magnanimi, & prudentes, signum enim est abundare in pectore multum caloris: si autem pilorum multitudo extenditur ad ventrem, signum est naturæ terribilis, modicæ apprehensionis, validæ inclinationis ad iniuriandum alios, & magnæ instabilitatis ex prædominanti calore super alios humores, sic & habentes dorsum valdè pilosum, similes sunt bestiis sine rubore, & valdè asperi, & intractabiles.

QUI verò habent coxas, & crura, & manus pilosas ex complexione nimis calida ejiciente foras humiditatem, inveniuntur valdè proclives ad libidinem, sunt & ut plurimum asperi, rudes, & crudeles: Et hæc de Capillis satis sint.

## QVÆSTIO X.

### De Physiognomia frontis.

689. FRONS est quoddam os, parsque capitis à dextera, & sinistra temporibus, & à superiori capillorum radice, ab inferiori verò à superciliis terminata, quæ in tristitia corrugatur, & in lætitia dilatur: in extremitate temporum ambitur ab una fixura, adest & altera, quæ à medio frontis vergit ad pericranium capitis: sita autem est frons in medio faciei, vt fumositates ascendentes ad cerebrum non admisceantur cum spiritibus ascendentibus, & descendenti-  
Yyy tibus,

ribus, sed cum tali latitudine facile possint exhalare, & ad meatus proprios se reducere.

Hic tamen aduertendum, quod vir, & mulier sunt valde differentes, nam vir habet plures fixuras per cranium dispersas, quæ sunt veluti viæ, & vehicula spirituum, & specierum ad Phantasiam: mulier verò vnicam tantum habet, & valde angustam, & hinc oritur, quod mulier est tardi, obesque ingenij, & inepti ad scientias ob confusionem specierum ex tali angustia prouenientem. His præmissis

PRIMò quæritur: quid significet frons excedenter lata, & magna?

RESPONDET S. Bonauentura significare defectum discretionis, & prudentiæ, item & ingenij tarditatem, & ruditatem, timiditatemque: Ratio est, quia nimia quantitas materiæ crassæ, & phlegmaticæ existentis in anteriori parte impedit operationes interiores, restringitque, vel occupat fixuram sagittalem tendentem ad cranium, obidque impediuntur exhalationes fumositatum, nam ex nimio spatio multæ ibi remaneant, confundunturque cum spiritibus, & speciebus perturbando ordinem cognitionis perfectæ: tum etiam quia spiritus ob tantam latitudinem fiunt debiliores, semperque sunt mobiles, sicque causant inconstantiam, & timiditatem: & hinc appellatur talis frons Bouina, & si frons erit non solum magna, & lata, sed & carnosæ, fucosæque, Aristoteles docet signum esse iracundiæ ob facilem confusionem, & accensionem spirituum.

690. SECUNDò quæritur: quid significet frons nimis angusta,

RESPONDET S. Doctor signifi-

care animum indocilem, stolidum, & volubilem, voracemque: Ratio indocilitatis est, quia sit confusio specierum fumositatum, & spirituum non solum ob nimiam latitudinem, sed & ob angustiam nimiam: nam in tali cerebro ventriculi cerebri sunt nimis angusti, & hinc oritur ineptitudo ad rectam cognitionem: Ratio voracitatis est, quia cum impediatur in actibus potioribus intellectuibus, se vertit ad sensibilia, interquæ magis mouet obiectum gustus, & gulæ, hinc & inclinatio ad voracitatem, talisque frons appellatur porcina: oritur etiam maxima facilitas ad iracundiam ob rationem superadductam: idque magis verificatur (ait Seraph. Doct. in habente frontem rotundam ob volubilitatem fumositatum, & spirituum causantem stupiditatem ingenij, & iracundiam, talisque frons appellatur asinina.

TERTIò quæritur: quid significet frons humilis, & demissa, depressaque.

RESPONDET Seraph. Doct. frontem humilem, & demissam significare hominem humilem, verecundum, & abhorrentem turpia, si in reliquis sit proportionata. Ratio potest esse, quia cum non adsit impedimentum in ascensu spirituum, & fumositatum, quando adest debita proportio inter imaginatiuam, & cor, hinc & oritur inclinatio, & apertus ad bonum virtutis, & talis frons appellatur canina, denotans sagacitatem, & maxime si frons aliquantulum deficit à planitie, ut verè euenit in canibus: si verò sit valde depressa, tunc signum est hominis examinati, talis enim depressio impeditur ab actibus perfectis intellectus, & inclinatur ad obiectionem.

QUARTò

691. QVARTO quæritur: quid significet frons rugosa, & frons alpe-  
ra cum cavitatibus, & monticulis.

RESPONDETUR frontem rugo-  
sam significare prædominium ex-  
celsæ humiditatis, & caliditatis, in-  
dicareque hominem cogitabundum,  
& iracundum: si verò frons est cum  
cavitatibus, & monticulis, signum  
est pessimum, significat enim homi-  
nem duplicem corde, inclinatum ad  
decipiendum, facileque ad stultitiam  
contrahendam, indicatque pessimam  
constitutionem, & temperiem.

QVINTO quæritur: quænam sit  
optima frontis Physiognomia.

RESPONDET Seraph. Doct. esse  
frontem quadratam moderatæ ma-  
gnitudinis, scilicet cum æquali, &  
debita latitudine, & longitudine, &  
cum debita proportionem rectæ figu-  
ræ capitis mediantem inter apparen-  
tem tranquillitatem, & asperitatem:  
indicareque & optimam complexio-  
nem humorum, & aptitudinem ad  
scientias capescendas, & ad rectitu-  
dinem operationum, talemque fuisse  
frontem Platonis, & Dantis ferunt  
Historici, ipsamque appellant fron-  
tem leoninam.

HINC inferunt Physiognomi,  
quod si ad aliquod extremum frons  
propendit, tunc etiam deficit ab ali-  
qua bonitate ex traditis, ut si est  
excedenter serena, & tranquilla cum  
eute gracili, inclinatur ad adulatio-  
nem: si propendit ad obscuritatem, &  
nebulositatem cum curritare, indicat  
magnam audaciam, & crudelitatem:  
si est nimis alta, inclinatur ad super-  
biam, & ad belligerandum, rixan-  
dumque cum aliis: si apparet mæsta,  
& mæstum animum indicat: si læta,  
lætum significat: si est nimis carnosa,  
& crassa, indicat nimiam abundan-

tiam humiditatis in cerebro obtu-  
rantis vias spirituum, impediens  
que sensus internos à perfectione  
suorum actuum, indicatque homi-  
nem insensatum, & stupidum: si est  
multum plana, & non crispata, si-  
gnificat hominem contentiosum, &  
abiectionis animi ob prædominium cali-  
di, & sicci indurantis pellem, & eu-  
tem: tale enim temperamentum ac-  
cendit iram, perturbat iudicium, red-  
ditque temerarium hominem in pe-  
riculis ignotis, & è contra nimis  
timidum, & vilem in cognitis ob  
consumptionem spirituum ex nimio  
calore.

692. HVC considerationi Phi-  
losophicæ subintrat Metoscopia, quæ  
latine est frontis inspectio Physio-  
gnomix subordinata, estque facultas  
exprimens varias inclinationes, &  
euentus naturales hominis ex qua-  
litate lineamentorum in fronte exi-  
stentium.

IN qua aliqui nimis excedunt in-  
tendentes prædicere posse certè euen-  
tus fortuitos, immò, & vitam, &  
mortem ex talibus lineis: nam licet  
ex qualitate ipsarum linearum possit  
satis probabiliter cognosci bonum,  
vel malum temperamentum capitis,  
& frontis, verbi gratiâ, si lineamen-  
ta sint recta, vel intorta, si integra,  
vel interseccata, si superficialia, vel  
profunda, si bene, vel malè colora-  
ta, si sint pauca, vel multa, si sint  
rara, vel densa: & ex consideratione  
prædominij humorum causantium  
tantam diversitatem, possit inferri  
etiam multiplex inclinatio, ut di-  
ctum est de fronte: tamen non ob id  
possunt certè cognosci effectus, &  
euentus casuales futuri, & maxime  
dependentés à libero arbitrio: immò  
tales prædictiones sunt à Sancta Ec-  
clesia

clesia condemnata: de quibus in simili potest videri Seraphicus Doctor lib. 2. dist. 7. part. 2. art. 2. quest. 3. & dist. 14. part. 2. quest. ult. & Nos supra notauimus in quest. 6.

ADDIMVS etiam valdè fallacem esse applicationem, quam & Metoscopi faciunt talium lineamentorum cœlestibus Planetis, dicentes superiorem lineam respondere Saturno, secundam Ioui, tertiam Marti, quartam Soli, quintam Veneti, illas verò, quæ mediant inter supercilia, respondere Mercurio, & quæ superciliis eminent, Soli, & Lunæ, scilicet, quæ in dextera parte, Soli, quæ in sinistra, Lunæ, quæ, & alia multa, quæ ad hanc rem congerunt, tanquam nugæ, & vana dictæia firmiter reiiciamus.

## QVÆSTIO XI.

### *De Physiognomia superciliorum, & temporum.*

693. **S**UPERCILIA sunt partes extremæ frontis super oculos prominentes, quæ breuib. vestiuntur pilis à natura aptata, non solum ad ornamentum vultus, sed vt vallum quoddam ad oculorum protectionem aduersus ea, quæ supernè cadere possunt: & natura maximè in ipsis, tanquam in altiori parte manifestat conceptus internos, nam in ipsorum eleuatione ostenditur arrogantia, fastus, elatio, in declinatione animi demissio, vel fixa cogitatio animi: hinc de ipsorum Physiognomia sequentia traduntur.

PRIMò quæritur: quanam sit debita superciliorum dispositio?

RESPONDETUR, quod cum à natura sint concessa ad munera supra tradita, sufficit, vt in longitudine non excedant latitudinem concauitatis oculorum, & quod inter se sint diffusa, & quia si crescerent ad modum capillorum, valdè perturbarent oculorum operationes: hinc Deus prouidit, vt quando petuunt ad moderatam debitam longitudinem, non ampliùs crescant: ad hancque consistentiam confert materia ossæ, super quam fundantur, quæ non potest ipsis præstare multam copiam humoris, & in hoc assimilantur virgultis nascentibus inter saxa: Hinc sequitur, quod si excedenter crescant, vel restringantur, vel vniantur, etiam adsit defectus in temperamento illius partis, & consequenter etiam totius corporis.

694. SECUNDò quæritur: quid significant supercilia nimis protendentia, scilicet vel ad tempora, vel ad nasum?

RESPONDET Seraph. Doctor, si ad tempora nimis dilatantur, significare hominem negligentem, & arrogantem: indicant enim nimiam copiam humoris, & caloris: si ad nasum, vel etiam vltra protendantur, significant hominem arrogantem, crudelem, & asperum, maximèque si supercilia à parte superiori supra tempora aliquantulum protendantur, indicant enim nimiam copiam caloris, obidque reddentis animum efferum, crudelem, ad vindictam inhiantem, appellanturque supercilia canina, siluestria, & tigrina, & talia ferunt fuisse in Ezzelino Patavij Tyranno tempore D. Antonij, & in Mahomete secundo Turcarum Rege.

TERTIò quæritur: quid significant supercilia arcuata?

RESPONDET



**RESPONDET** Seraph. Doctor, quod si sunt debite arcuata à temporibus vsque ad nasi principium, significant hominem subtilem, & studiosum, & bonis moribus ornatum: id enim est signum optimæ temperaturæ, cum non excedant limites à natura præfixos.

Si verò à parte superiori directæ tendunt, & protenduntur vsque ad medietatem, vel post principium nasi, sunt supercilia porcina, indicantque hominem indocilem, & imundum.

Si autem simul in vnum coeunt absque distinctione cum multa densitate pilorum, pessimum est signum ob superabundantiam caloris, & humiditatis in parte illa, indicantque hominem proditorem, veneficum, impium, & omnibus malis deditum: si sunt quidem vnita, sed parum, & cum paucis pilis, tunc indicant hominem quidem astutum, sed tamen ingeniosum, & ad disciplinas inclinatum: si supercilia sint valde disticta, significant hominem mæstum: si sunt valde demissa, inuidum indicant, sed eloquentem: si subter naturaliter pili vertantur, sunt signum malitiosi, auari, & mendacis hominis: si sursum frequenter eleuantur, significant hominem iracundum, animosum, audacem, & superbum: si supercilia valde crescunt, & excedenter, significant hominem inuerecundum, cogitabundum, & arrogantem ob nimium calorem, & humorem superabundantem: si supercilia sunt nimis breuia, indicant hominem timidum, & pusillanimum ob defectum caloris, & excessum frigoris: si pili in superciliis perduntur, caduntque, signum est paucitatis sanguinis, sicut & euenit in capite,

sanguis enim est alimentum ipsorum, idque maximè euenit ob nimiam libidinem. Et quia superciliis affinia sunt tempora: Hinc

695. **QVARTO** quæritur: quid dicendum de temporibus?

**RESPONDETUR**, quod tempora sunt duæ concavitates ad extremitates frontis positæ, dicunturque à tempore, eo quod in ipsis anni cognoscuntur, incipiunt enim in homine primo canescere, & diuturnitate temporis magis concavari.

Si igitur hæc tempora sunt valde tumida, maximèque venas crassas ostendentia, significant hominem iracundum, instabilem, debilis iudicii, & arrogantem; Ratio est, quia tumor oritur ex nimia copia sanguinis, & caloris concurrentis ad caput, & tumefacientis illas partes, hinc fit, quod spiritus ad cerebrum ascendentes non possunt debite ab humiditate, & frigiditate contemperari, aptioresque reddi ad obeundum operationes mentis, sed quia remanent valde calidi, & veloces, disponunt hominem ad volubilitatem, & ad consilium præceps.

Si verò sunt nimis concava, significant hominem pertinacem, & ad vindictam, & crudelitatem valde procliuem: Ratio est, quia talis concavitas ex nimia siccitate cerebri, & consequenter ex calore accenso fit facile ad iram: resultat & tenacissima apprehensio, & obstinatio in actibus humanis: De C. Caligola impiissimo, & crudelissimo fertur talia habuisse tempora.

## QVÆSTIO XII

## De Physiognomia Oculorum.

696. **D**E oculorum compositione, & opertationibus in superioribus in tract. de Anima sentiente satis egimus: nunc de ipsorum Physiognomia est agendum: Oculi autem sunt corporis pars prætiosissima, & capitis potissima, in quibus (ait S. Doct. supra in quest. 6. cit.) relucet veluti in imagine secreta, & intima cordis, cuius sunt veri nuntij, & ob id Physiognomia oculorum est super omnes partes corporis maximè considerabilis: dicuntur autem oculi ab ocellando, vel cælando, quia tegumento superciliotum, & palpebrarum teguntur: unde ait Hipocrates, quod si oculi sunt nec nimis magni, vel pauci, sed splendentes, floridi, viuidi, viuaces, & pleni, etiam indicant optimam complexionem, & è contra malam, si sunt squalidi, nebulosi, nimis concaui, vel grandes, vel pauci: Sic etiam fertur de D. Bernardo habuisse oculos pulcherrimos, & puritatem spirantes.

**S**YMPONIMVS autem hic ex traditis in superioribus, quod ex tot partibus constituentibus organum oculi solum ad Physiognomum spectare considerationem visibillum, & extra apparentium: suntque primò totus oculus secundum substantiam, & magnitudinem, paucitatemque: secundò palpebræ, quæ tegunt oculum: tertio pili existentes in summitate palpebrarum: quartò tunica vuca, quæ communiter dicitur nigrum oculi: quinto humor albugi-

neus, qui dicitur album oculi: sexto pupilla, quæ est humor crystallinus positus in centro oculi, & in medio tunica vuca, & albuginis, qui ambitur à quodam circulo, qui dicitur humor vitreus, in quo pupilla innatat: septimò anguli oculorum, de quibus omnibus aliqua dicemus ad rem nostram spectantia.

**S**YMPONIMVS item temperamentum oculi esse non igneum, vt voluit Galenus, sed cum Aristotele humidum, & frigidum, vt patet ex multiplici humiditate ex oculis decedente: licet enim facillimè moueantur, id non euenit, quia sunt ignei, sed quia sunt sphærici, licet non perfectè, tum ob lubricitatem natuiam, tum ob copiam spirituum per neruos opticos ibi deriuantium: His præmissis

697. **P**rimò quaeritur: quid significant oculi magni?

**R**ESPONDETUR, si oculi sint magni, sed non excedenter cum debita rotunditate, & pulchritudine proportionata capiti, & corpori cum virtute bona visua, sunt signum optimæ complexionis, & naturæ, obidque indicant sublimitatem ingenij, prudentiam in rebus agendis, hominemque amabilem, benignum, & virtute præstantem: si verò sunt excedenter, & improporcionatè magni, indicant superabundantiam nimie humiditatis, vti habent Boes, significantque hominem valdè pigrum, timidum, debilis virtutis visuæ, & si tales oculi sunt liuidi, indicant inuerecundum, inconsideratum, & inobedientem.

**S**ECUNDò quaeritur: quid significant oculi parui?

**R**ESPONDETUR paucitatem oculorum procedere ex defectu caloris

loris à corde deriuantis ad cerebrum, ex qua deficientia cor non potest sufficienter ipsum oculo communicare, & hinc remanet excedens in paruitate, talesque oculi dicuntur vulpini, indicantque hominem astutum, duplicem corde, & timidum: si verò non sint excedenter pauci, sed proportionati capiti, & corpori, & aliquid concaui, vt fuerunt oculi Aristotelis, signum sunt bonæ complexionis, & subtilitatis ingenij.

698. TERTIÒ quæritur: quid significant oculi, qui in superficie apparent veluti extra caput egredientes.

RESPONDETUR id prouenire ex magna humiditate anteriorum ventriculorum cerebri, addito humore melancholico, & crassitie spirituum, vnde indicant hominem stolidum, insensatum, ignarum, & ineptum ad scientias, & tali modo sunt oculi asini: vnde vt plurimum tales homines sunt malis moribus infecti: & si oculi tales sint sursum naturaliter conuersi, vel si oculi sic ad extra egredientes sint naturaliter sursum eleuati, indicant ferocitatem, vanitatem, inclinationem ad ebrietatem, & furiositatem, talesque fuisse ferunt oculos Alexandri Magni, & ebrietate sopitum obuisse: talis enim eleuatio oculorum prouenit (ait Albertus Magnus) ex ventositate nimia inuoluta in anteriori parte cerebri: Si naturaliter deorsum sunt conuersi, indicant ob eandem ventositatem mixtam cum siccitate crudelitatem, & implacabilitatem animi. Si tales oculi erunt sanguinei, indicant voracitatem, & ebrietatem, instabilitatēque ob prædominium cum tali ventositate sanguinis: si sunt albicantes, indicant cum ventositate fri-

giditatem, & hinc etiam ad iniquitatem omnem inclinationem habentes: Si tales oculi sunt valde sicci, indicant nimiam siccitatem cerebri prouenientem ex melancholia adusta, ob id inclinantem ad opera nefanda, & iniqua, & etiam ad superstitionem: si tales oculi ad extra exeuntes sint valde parci, & accensi, indicant stoliditatem, imbecillitatem spirituum, & virium, & animi: si verò tales oculi sint magis splendentes, & dimissæ visionis, indicant hominem prudentem, studiosum, & benignum.

699. QUARTÒ quæritur: quid significant oculi concaui.

RESPONDETUR, quod si sunt benè efformati, & aliquantulum, nec nimis concaui, signum sunt bonæ complexionis, scilicet sufficientis humiditatis, caliditatis, siccitatis, frigiditatis non excedentium, sed cum aliquali prædominio sicci, & calidi exsiccatis humorem musculorum: isti que diuturnius conservant aciem oculorum, & virtutem visivam: Quia in ipsis melius coadunantur spiritus visorii, & recipitur lux in maiori copia: si tales oculi concaui sunt valde parui, & veluti ignem scintillantes ad similitudinem viperæ, signum sunt maximæ iracundiæ, inclinationis ad vindictam, fictionem, animi duplicitatem, homicidia, & ad omnia mala, talesque fuisse oculos Cæsaris Ducis Valentini ferunt Historici: causatur enim talis modus ex adustione humorum, ex nimio calore mixto cum attri melancholia: si oculi concaui sunt valde magni, indicant hominem valde mansuetum, & pium, talesque sunt oculi Bouis: Qui verò mouentur veluti aqua in vase, sunt signum volubilitatis, si verò sunt quiescentes, &

& consistentes, sunt signum animi quieti.

QVINTO queritur: Quid significant oculi plus extensi secundum longitudinem faciei, quam secundum latitudinem, ubi & de angulis oculorum.

RESPONDETUR id provenire ex nimia caliditate existente in cerebro contra ipsius cerebri naturam: hinc etiam contra situm debitum ipsis oculis ipsos constituit, idque inclinat ad astutiam, & fraudes.

ET si quæras: Quid significant anguli longi?

RESPONDETUR, quod anguli oculorum sunt extrema oculorum vnientia palpebram superiorem cum inferiore, quorum vnum propè nasum, aliud propè tempora situm est: Hinc si anguli sunt plus æquo longiores, signum sunt morum iniquorum ob superabundantiam calidi; & maxime si apparent velut carnosi, & tumidi: idem & dicendum de angulis nimis breuibus, quia signum est nimie abundantie frigoris, & sicci, quare anguli mediocriter longi, & breues signum sunt optimæ complexionis.

700. SEXTO queritur: Quid significant colores varij oculorum.

SUPPONIMVS colores oculorum maxime in homine esse varios tum ratione variæ complexionis, tum ætatis, quorum aliqui sunt simplices, alij mixti: Hinc

RESPONDETUR primò: Quod oculi deberent esse complexionis aqueæ, obidque continere superabundantiam frigidi, & humidi, & ided exigunt luciditatem moderatam tendentem ad cæruleum: talesque sunt signum optimæ temperaturæ, & indicant hominem ingeniosum, ama-

bilem, & optimis moribus præditum.

RESPONDETUR secundò; si oculi sunt glauci, seu cæsi (nempe subviridis albo mixti, & ad albedinem propendentes) vt patet in oculis paruulorum, quando ad lucem exeunt, indicant maximam timiditatem, nam in his prædominatur valde humidum, & frigidum: si verò oculi glauci sunt tendentes ad croceum, indicant prædominium bilis flauæ cum magna adustione, significareque ferocem, siluestrem, & crudelem, talia sunt ferè omnia animalia siluestria, & feræ: & si tales oculi sunt parui, superaddunt inclinationem ad auariciam, & fraudes: si verò oculi glauci tendunt ad viridem similem herbis, indicant hominem fortem, & robustum, id enim provenit ex superabundantia moderata caloris, & humidi: si verò oculi glauci tendunt ad cæruleum, tunc signum sunt hominis bonis moribus instructi, vt supra dictum est.

701. RESPONDETUR tertio: quod si oculi sunt rubentes, indicant prædominium caloris in cerebro, obidque & hominem iracundum, inconsideratum, imprudentem, & præcipitem in negotiis, ad vindictam inhiantem, & maxime si cum tali rubore adsit siccitas: si verò adsit humiditas, tunc inclinat ad ebrietatem.

RESPONDETUR quarto: quod si oculi sunt nigri, sunt signum prædominii humidi, & calidi, vnde indicant hominem probum, & bonis moribus præstantem.

RESPONDETUR quinto: quod si oculi sunt relucentes tanquam guttulæ nitidi coloris cum moderatone, significant hominem probum, &

& virtutibus ornatum : talis enim debet esse complexio oculorum, nempe aquea, scilicet frigida, & humida : Idemque dicendum, si in oculis apparent guttulæ aliquantulum rubentes tendentes ad nigrum, vel etiam tendentes ad album, indicant enim viuacitatem spirituum, & bonam temperiem capitis, & cerebri, nempe prædominium qualitatum æstiuarum super passiuas : talesque sunt oculi Leonis.

Si verò sunt tales guttulæ nimium rubentes, & quadratæ non rotundæ, tunc signum sunt hominis inuidi, verbosi, & fraudulentæ : id enim prouenit à prædominio excedentis caloris.

RESPONDETUR sextò : Quod si oculi sunt præditi multiplici colore, tunc signum est fraudulentæ : id enim euenit ex multa materia incocta, & indigesta, & temperamento inordinato : Si verò in oculis erunt cum humiditate circuli ad modum Iridis, sunt signum multæ humiditatis, & caliditatis, & indicant hominem magnanimum, eloquentem, & prudentem : si verò Iris apparet cum magna siccitate, indicant iracundum.

RESPONDETUR septimò : Quod si oculi sunt valde pallidi, & veluti sine colore apparente, significant hominem valde timidum, & crassi ingenij, & maximè si pallor tendit ad albedinem, & hoc ob deficientiam caloris necessarij, & spirituum.

RESPONDETUR octauò : Quod si oculi sunt aspectus gratiosi, & læti, significant bonum temperamentum, ob id & diuturnitatem vitæ, amatorem iustitiæ, & virtutis : è contra si aspectus est effeminatus, tales etiam indicat mores.

R. P. Bart. de Castrov. Phil. P. III.

701. SEPTIMÒ quæritur De motu oculorum Phisognomia?

RESPONDETUR primò : Quod si oculi sunt veluti immobiles, si immobilitas prouenit ex nimia crassitie, abundantiaque qualitarum terrestrium, ex qua Spiritus fiunt obesi, obtusi, crassi, debiles, signum est ignauitatis, heberudinisque mentis, & stupiditatis : Si verò prouenit ex collectione spirituum ad potentias internas animæ, quasi deferentium externas, tunc maior dispositio inest ad speculationem, & apprehensionem scientiarum : si tales oculi immobiles sæpè ad Cælum eleuantur, tunc signum sunt pessimatum cogitationum, crudelitatis, & iracundiæ, ut setunt Historiæ Anglicanæ de Cramuele Tyranno, & Machinatore næcis Caroli Stuardi Regis Angliæ : Si aspectus eorum est veluti furrius, & ut vulgò dicitur, subter oculos, signum est prædominij frigidiæ qualitatis in oculis, & ob id etiam indicat hominem cogitabundum, & in corde varios effectus fouentem, idque est proprium amantium.

RESPONDETUR secundò : Si oculi variè mouentur modò currentes, modò quiescentes, significare prædominium calidi, non multum excedentis, indicareque varietatem cogitationum, & multoties malarum : Si verò sunt tremuli naturaliter, id prouenit ex nimio concursu spirituum veluti deferentium cor, obidque inclinant ad delectationes carnales, istique ut plurimum se totaliter committunt voluptatibus, & potationi vini : si frequenter clauduntur, & referantur, declarant hominem timidum, ac debilem, fraudulentum, imprudentem, melancholicum, & maximè si cum motu oculorum mouentur

Z z z tur

tur, & palpebræ, obid hominem indicant pessimum: si in clausione palpebrarum oculi sursum ad summitatem se abscondunt, indicant hominem vanum, fatuum, libidinosum, & fraudulentum, id enim est proprium stultorum, & inebriantium se vino, vel luxuria: Si oculi in claudendo seruant moderatum situm cum fronte serena, suntque humidi, signum sunt debite complexionis, si cum fronte aspera, & cum prædominio siccitatis, signum sunt audacia, temeritatis, & asperitatis, quia in eis prædominatur excedens calor: si verò sint multæ, & excedentis apertionis, signum est prædominii humoris crassi, & terrestres, obidque inclinantis ad inuercundiam, & stultitiam: Qui verò oculis apertis dormiunt, sicuti lepres, signum sunt defectus caloris, obidque indicant timiditatem maximam, & breuitatem vitæ: Qui verò habent oculos luscios, scilicet debilissimos in videndo, quia id provenit à magna debilitate complexionis cerebri, ut plurimum sunt deficientes in bonis moribus, & si sunt aliquando acuti in speculando, ramen ut plurimum incident in iudicia temeraria male sentientes de aliis, ipsi occultè insidiando, & iniuriando in inuidiam boni proximi, & in magnam existimationem sui: Qui verò naturaliter carent vno oculo, sunt audaces, fraudulentis, & pessimi, idemque & dicendum de oculis tremantibus, & lacrymantibus: Qui habent oculos naturaliter versos ad nasum, sunt naturaliter libidinosi, & inclinati ad amorem effeminatum: Qui habent oculos veluti ridentes, & lætos, sunt homines acuti ingenij, sed fallaces, & astutissimi.

ET si quæras; unde proveniat quod mulier menstruata respiciens speculum novum, ipsum maculat, quod & notat S. Bonav. lib. 2. dist. 33. art. 2. quæst. 1. in corp.

RESPONDETUR id provenire, quia cum spiritus immittantur à corde, & cerebro ad oculos puriores, obidque & facilius impressionis, etiam inficiuntur à menstruo, quod est veluti venenum, hinc & ex transfusione radiorum visualium sic infectorum etiam maculatur speculum, quod & evenit etiam in parvulis, qui sunt facillimæ impressionis, & maxime quando sit ope Dæmonis fasciatio.

703. OCTAVO quæritur: quid dicendum de Physiognomia pupillæ, & palpebrarum oculorum.

RESPONDETUR primò pupillam, seu pupulam esse humorem chrySTALLINUM in medio oculi situm circumdatum exigua tunica, quæ dicitur aranea, seu speculares ob nitorem, proprièque est organum immediatum, quo fit visio, hæcque ut plurimum est unica in vnoquoque oculo, licet in aliquibus regionibus fertur homines duas pupillas habere pro singulo oculo, habereque virtutem fasciandi parvulos ad modum veneficarum mulierum: dicitur autem pupilla, quia cum retrò habeat opacitatem tunicæ vneæ, recipit ut in speculo species, quæ in ea veluti pupilli, seu parvuli relucunt, apparentque. Hæc autem, cum patitur varietatem multiplicem, etiam tribuit Physiognomis fundamentum cognoscendi varietatem complexionis, & inclinationem hominis. Hinc

RESPONDETUR secundò, Pupillam oculi nimis grandem indicare crassitiem, & nimietatem humiditatis,

vis, obidque & hominem stolidum, & hebetis ingenij, sicut apparet in Boue, & Oribus: Pupillam verò è contra nimis paucam indicare nimietatem caloris, obidque & astutiam, malitiam, inclinationem internam ad libidinem: talesque sunt Mures Indici, item Perdices, Coturnices, Galli, quæ sunt animalia valdè luxuriosa: Pupillæ autem mediæ inter magnitudinem, & paruitatem indicant optimam complexionem, obidque & probitatem morum.

*Et quoad Palpebras.*

704. RESPONDETUR tertio: Palpebras esse folliculos, seu tunicas oculum operientes, (in quarum summitate sunt pili rari), datas à natura ad defensionem oculorum ab extrinsecis rebus noxiis: vnde ad hunc finem subiectæ sunt continuo motui, & maximè in homine, qui est perfectius animal. Hinc dicendum, quod quando vexicæ, vel aliqua tumiditas apparet in parte superiori oculi, scilicet in palpebris, signum est multæ humiditatis superflue, frigidaque à cerebro descendens, & hinc indicat hominem pigrum, crassum, somnolentum, & modici studij: si verò istæ vexicæ subtus apparent, signum est maximæ inclinationis ad potum, & somnolentiam: si autem sint crassæ, & veluti rubentes sanguine, signum est superabundantiæ sanguinis indigesti, inclinantque ad somnolentiam.

ADDIAMS, quod palpebræ rarò se mouentes, & veluti immobiles, signum sunt nimis abundantis humoris terrestris indigesti, & defectus caloris naturalis, suntque indicatius suprà dictorum effectuum.

## QVÆSTIO XIII.

*De Physiognomia aurium.*

705. AVRES sunt secundum principale organum extrinsecum sensationum externarum, nempe auditus, quod constat parte externa cartilaginea prominente, habens intus quosdam anfractus, per quos sonus variè fractus ad potissimam auditus officinam transmittitur: pars superior auris ab Aristotele appellatur pinna, & inferior fibra, quibus positis.

PRIMò quæritur: quid significant aures prominentes, & excedentes magnæ?

RESPONDET Seraph. Doctor aures grandiores significare longitudinem vitæ ob prædominium calidi, & humidi, sed nimietatem significant hominem stolidum, timidum, & asinum tum in moribus, tum in verbis, & maximè si aures sunt crassæ cum materia terrestri, & sursum directæ: si verò sint cedentes deorsum, signum sunt magnæ malitiæ.

SECUNDò quæritur: quid significant aures valdè parvæ?

RESPONDETUR: Quod si aures vndeque sint parvæ, indicant nimiam abundantiam caloris consummentis humidum radicale, & materiam, quæ exigitur ad debitam ipsorum compositionem, & hinc oritur inclinatio ad furta, libidinem, malitiam, fraudes, & ad hebetudinem, talesque sunt aures simiæ: Si Aures sint parvæ, & in breuitate excedentes, significant stultitiam, si sunt excedentes in longitudine, significat

cant inuidum, & pessimum furem, & maximè sui excedenter amatorem, id enim prouenit à siccitate prædominante ad se omnia attrahente.

706. TERTIÒ quæritur : quid significant aures nimium rotundæ, item & angustæ, & iacentes, & veluti in superiori parte conglutinatæ.

RESPONDETUR nimiam rotunditatem significare indocilitatem, & ingenij ruditatem, id enim prouenit ex excedente materia crassâ, terrea, & humida ad rotunditatem naturaliter tendente : Aures verò angustæ, & veluti iacentes indicant prædominium partis frigidæ, & debilitatem caloris naturalis, quæ inclinant ad pigritiam, & indocilitatem.

QUARTÒ quæritur : quænam sint aures rectè compositæ.

RESPONDETUR debere esse mediocriter magnæ, & longæ, ita quod magnitudo, & longitudo aliquantulum excedat rotunditatem, & breuitatem, item & eleuatæ, velutique sculptæ in capite, item & aliquantulum pilosæ : tales enim indicant optimam complexionem, & virtutem qualitarum actiuarum super passiuas, & maximè si configuratæ sunt veluti ex linea conuexa formante plusquam medietatem circuli, & in medio aliquantulum eleuatæ versus centrum, significantque hominem diuturnioris vitæ, optimisque moribus instructum.

## QVÆSTIO XIV.

### De Physiognomia Nasi, & Narium.

707. NASVS est organum valdè sensibile positum in medio faciei, & ferè super omnes alias partes ad pulchritudinem, vel deformitatem vultus inferuiens, constituiturque ex partibus internis, & externis : externæ sunt primò pars ossea, quæ est superior, & secundò cartilaginea inferior, quasi fornax cooperiens duo foramina inter se cartilagine quadam seiuncta, quæ Nares appellantur, quæ duo foramina in duas vias diuiduntur, vna est ad cerebrum deducens, per quam deferuntur odores, & expurgatur cerebrum ; altera ducit ad sinem palatus, & ad guttur, per quam transit aër in respiratione vsque ad cor : deinde in summitate nasi adsunt duo tubercula mamillarum similitudine, & dicuntur processus mamillares, seu papillares : sub his est os quoddam paruum habens plura foramina, & dicitur os spongiosum, seu cribrum : adsunt & aliæ partes, de quibus in superioribus diximus.

ET quia Nasus valdè respondet cæteris partibus corporis tum in longitudine, tum in magnitudine, quam correspondentiam libenter prætereo, cùm sit extra meum institutum, hinc ad Nasi Physiognomiam transeo.

PRIMÒ quæritur : quid significet Nasus excedenter grandis.

RESPONDETUR id prouenire ex nimia crassitie terrea, & humida,

&c



& similem esse Rhynoceroni, significare hominem timidi animi, aliosque, & aliorum res facile irritantem: si verò est moderatæ magnitudinis, magisque tendens ad magnitudinem, quàm ad parvitatem, signum est boni, & consulti, prudentisque iudicij.

SECUNDò quæritur: quid significet Nasus parvus, & simus.

RESPONDETUR parvitatem provenire ex defectu caloris, & humidi: similitatem verò ex nimio calore, ut patet in pueris, & in habitantibus Æthiopiam, qui habent nasum veluti pressum ex abundantia siccitatis, & nimij caloris: hinc ex paucitate nimia oritur inclinatio ad furandum, nugacitatem, & verbositatem, infidelitatem, cum enim habeat deficientiam in se eorum, quæ sunt sibi necessaria, facile inhiat ad aliena, & se diffundit totum in externa, & vana.

Ex similitate verò oritur inclinatio ad luxuriam, ad iram, & ad fraudes, talisque est nasus simæ.

708. TERTIò quæritur de aliis figuris Nasi?

RESPONDETUR primò: Quod si nasus erit valdè rectus, id provenit ex nimia humiditate, ut patet in feminis, indicatque hominem loquacem, libidinosum, & instabilem: Si verò erit longus in summitate, & in fundo depresso, significat hominem prudentem, probum, iustum, & fortem, talemque fuisse Cæsarem Augustum ferunt Historici: sic enim compertit naso talis positio, quæ provenit ex debita refractione humorum: unde si est malè eleatus à radice, & valdè à facie veluti abstractus, demonstrat hominè effeminatum, & rudem.

RESPONDETUR secundò Nasum crassum excedenter per totum

indicare crassitiem nimiam humorum, & ob id etiam intellectum valdè obtusum: Si verò mediocriter est longus, latus, & apertus foribus, qualem habuit S. Basilii, signum est optimum, &c. si verò est crassus in summitate, ut in Boue, & Sue, signum est stoliditatis, immundi, & impudentis: si verò est rotundus, & in summitate pressus, ut in leonibus, signum est magnanimitatis, & fortitudinis.

RESPONDETUR tertio Nasum moderatè curvum à fronte descendentem benè dispositum dici Aquilinum, talemque esse ex debita temperantia humidi, calidi, frigidi, & siccitatis, sed cum prædominio siccitatis, & calidi, significareque hominem magnanimum, regij, & excellentis animi, liberalis, & benigni, ferturque talem nasum habuisse Gregorium scandethoghium: si verò erit curvus propè frontem, existente reliqua parte ferè rotunda, ut est in gallo, indicabit hominem valdè libidini deditum, indicat enim excedentiam calidi, & humidi.

RESPONDETUR quarto: Si Nasus erit acutus in summitate, signum est maximi caloris, & siccitatis, assimiletque hominem Canibus, qui dum volunt lattare, vel mordere, corrugant rostrum, unde tales sunt iracundi, subiti, & crudeles, quæ inclinationes magis intenduntur, quando nares sunt valdè strictæ, quæ impediunt aërem ad refrigerandum cor necessarium, ne intret in pectus: isti ut plurimum habent collum longum, vocemque acutam, & sonoram.

QUARTò quæritur De Physiognomia Narium quid dicendum?

NARES sunt duo foramina nasæ inferiora, ut dictum est. Hinc

RESPONDETUR primò: Quod si nares sint moderatè apertæ, signum est bonæ complexionis, sic enim aptè inferniunt munci, ad quod à natura sunt institutæ, scilicet, vt per ipsas attrahi possit aër ab extra ad refrigerandum cor, & hinc per respirationem ad exitum aëris à pectore: Si verò sint excedenter patulæ, & grandes, signum est maximæ iracundiæ, & ferocitatis ob excessum caloris existentis in temperamento corporis, & capitis, idque patet in Tauris, & Equis ferocibus.

RESPONDETUR secundò: Quod si Nares sint veluti clausæ, & strictæ, id prouenit ex defectu caloris necessarii, obidque & inclinationem indicant ad furtum, nempe ad sibi prouidendum ex rebus alienis, quod sibi deficit: indicant etiam stultitiam, & debilitatem ob defectum calidi necessarii: & si nares sint valdè tenues, longæ, & acutæ, significant debilitatem virium, superbiam, & leuitatem, id enim prouenit ex nimio calore cæteris humoribus præeminente: Si verò fuerint competenter in parte superiori distantes, signum est bonæ complexionis, obidque & inclinationis ad pietatem, & misericordiam.

## QVÆSTIO XV.

*De Physiognomia Labiorum, Oris, Dentium, & Lingua.*

709. PRIMò Supponendum, quod ex aspectu faciei facilè cognoscuntur inclinationes internæ animi, id attestante Spiritu Sancto *Eccles. cap. 12. Ex visu cognoscitur vir,*

ideft ex facie: Et ratio est, quia à reliquo corpore emittuntur ad vultum spiritus, & sanguis tanquam ad partem potiorē, & consequenter ex ipsius Physiognomia dignosci possunt tales intimæ inclinationes.

HINC primò expendemus reliquas partes vultus, (nam frons, & nasus etiam ad ipsum spectant,) & deinde ipsum vultum.

PRIMò ergo quæritur: quid dicendum de Physiognomia Labiorum?

RESPONDETUR, quod labia sunt frustra carnis posita sub naso in extremitate superioris, & inferioris maxillæ, quæ mouentur, & fixa stant secundum imperium voluntatis, suntque composita ex carne molli, & delicata, suntque veluti portæ dentium, & oris.

HINC dicimus primò: Quod si labia sunt valdè crassâ, signum sunt prædominantia humiditatis, & frigidi, indicantque ruditatem, & stultitiam animi: Illa verò, quæ cum crassitie supra exuperant ad extra partem inferiorem, similia sunt labiis asini, indicantque stultitiam, stoliditatem, & timiditatem: Si verò labium superius excedenter emineat gingiuas ad extra apparentes, signum est deficientiæ caloris, & humiditatis, obid inclinare ad detractionem, iniuriam, inuidiam, adulationemque, & maximè si dentes canini foras exeunt, eleuando labium superius, suntque tales similes Alci, quæ fera vulgò appellatur magna bestia similis mulæ, quæ ob eminentiam labij superioris non potest comedere, nisi ambulando recto: Si autem labium inferius exuperet, signum est deficientiæ caloris, qui non potest æqualiter se extendere ad omnes partes ob impedimentum materiarum

teræ nimis crassæ, & humidæ, indignantque simplicitatem, ignorantiam, & vanitatem: & si tale labium apparet velut tumidum, ut fuit in Iuliano Apostata, signum est effertari, & venenati animi, sicuti habent serpentes, quando tamen labia sunt nimis tenuia, & mollia, ut est in mulieribus, signum sunt timiditatis, debilitatis, & fraudis: Si verò sunt moderatè tenuia, & crassa rectè regentia dentes, signum sunt optimi temperamenti.

710. SECUNDÒ quæritur: quid dicendum de Physiognomia Oris?

RESPONDETUR primò: Quod si os est excedenter magnum, significat hominem voracem, immitem, & inipium: Ratio est, quia cum os sit porta stomaci, consequenter indicat superabundantiam caloris, obidque & indigentiam multi cibi, unde si talis appetitus non moderetur, redditur homo valdè deditus luxuriæ, audaciæ, & rixis, & maximè si os apparet parens, & veluti discissum, ut in lupis, & canibus, unde tales sunt ut plurimum voraces, loquaces, & impudentes, & valdè ignari: sicut etiam qui habent os semper parens, ita ut difficilè possit rectè claudi, signum est, quod sunt valdè debilis complexionis, obidque & virtutis debilioris, & brevissimæ vitæ: nam ex tali debilitate oritur incoctio cibi, & dispositio proxima ad putredinem, & ad varias infirmitates.

RESPONDETUR secundò: Quod si os sit valdè crassum, signum est superabundantiæ humoris crassi, & humidi, obidque indicat ingenium crassum.

RESPONDETUR tertio: Quod si os est excedenter paruum, signum est tam in viris, quàm in mulieribus

complexionis effeminate, & pigre ob pœnuriam sanguinis, caloris, & spirituum: indicat etiam duplicitem animi.

RESPONDETUR quarto: Quod si os valdè à dextra exuperat ad modum Suis, & maximè si est rotundum, & inuersum cum labiis crassis, pessimum erit signum, scilicet voracitatis, ingluuiei, fraudis, & stultitiæ ob superabundantiam humoris crassi, & frigidi: si verò tale os est paruum, vel arcum, simile est ori serpentium, & vulpis, indicans insidiatorem hominem, astutum, & malignum: Si verò os est humile, scilicet intus concauum, signum est inuidiæ, & mutabilitatis, & luxuriæ.

Ex quibus infertur, quod os seruans medietatem inter prominentem, & concauum, signum est optimæ complexionis, indicatque hominem optimis moribus instructum: Hic autem Physiognomi afferunt etiam correspondentiam oris ad aliquas partes corporis, quam omitto.

711. TERTIO quæritur: Quid dicendum de Physiognomia Dentium.

DENTES sunt partes oris, qui generantur ex eadem materia seminaria, ex qua generatur homo, quæ si debite concoquitur, transit etiam in humidum radicale: Unde deficientia dentium indicat etiam deficientiam talis materiæ, & humidi radicalis, & consequenter vitam debilem, & breuem. Hinc

RESPONDETUR primò: Quod si dentes sunt rari, & debiles, habet homo etiam cerebrum debile, & tenuem virtutem, signumque est breuitatis vitæ, excipe tamen, si raritas est tantum in pueritia: Pueri enim ut plurimum habent dentes raros, qui

qui cum ætate crescendo sunt spissi, quando adest debita virtus : Si verò sunt fortes, licet rari, indicant fortitudinem, & etiam longitudinem vitæ, talisque fuerunt dentes Cæsaris Augusti : Idem à fortiori dicendum de dentibus spissis, & fortibus.

RESPONDETUR secundò : Quod si dentes sint continui absque distinctione, ut ferrus de Aliquibus ita fuisse, significant feritatem, inurbanitatem, sicut habent Capræ siluestres.

RESPONDETUR tertio : Quod dentes longi, acuti, canini, & fortes significant hominem contentiosum, vivacem, audacem, gulosum, infidum, impium, assimilanturque canibus, & serpentibus : Dentes verò dispares indicant hominem ingeniosum, invidum, iracundum, & mutabilem.

712. QUARTO queritur : quid dicendum de Physiognomia Linguae ?

LINGVA est membrum præcipuè ordinatum ad exercitium sermonis, unde si est nimis grandis replens os, reddit loquutionem difficile intelligibilem : idem & si nimis stricta : si medietatem servabit, tunc erit optima. Hinc

RESPONDETUR primò : Quod lingua balbutiens, & prolabens sit secundum Aliquos ex nimia humiditate, & frigidity cerebri, impediente nervos motores linguae : At secundum Medicos provenit ex bile adusta : attamen secundum rectam Philosophiam, & veritatem naturaliter evenit ex nimia humiditate dicta, ut patet in paruulis, indicatque complexionem debilem, & melancholicam : Aliquando verò per accidens venit ex nimia ebullitione sanguinis,

quæ impellit ad exceedentem velocitatem verborum, & quia ob exceedentiam caloris se confundunt, hinc oritur impedimentum pronuntiationis, & in his indicatur imperuositas, iracundia, & proclivitas ad blasphemiam, ad iracundiam, iniuriam, & ad alios excessus consimiles.

ADDIMVS, quod Aliqui sunt, qui non valent pronuntiare aliquam litteram, ut R. vel syllabam, tunc id provenit ex nimia abundantia materiarum crassarum, humidarum, & frigidarum, ut dictum est : sunt etiam Aliqui, qui in principio sermonis naturaliter repetunt eandem syllabam, tuncque id provenit ex eadem causa.

RESPONDETUR secundò, Linguam subtilem indicare hominem sagacem, ingeniosum, & fraudulosum : velocem verò indicare hominem stultum, & iracundum, ut patet in pluribus feminis.

RESPONDETUR tertio, Linguam tardam significare hominem pigrum.

QUINTO queritur de Physiognomia Mentis, quid dicendum ?

MENTVM est locus barbarum positum : de quo

RESPONDETUR primò : Quod si Mentum est rasum in viro, vel habens paucos pilos, & raros, signum est temperamenti frigidi, & quia barba ( ut dictum est supra ) nascitur ex fumositatebus reductis ex cerebro à calore cordis retrò reflexi, hinc etiam signum est deficientiæ talis caloris, unde in viro indicat naturam effeminatam, mollem, & ad libidinem inclinatam.

RESPONDETUR secundò, Magnam, & spissam barbam signum esse nimis abundantie fumositatum, & caloris cordis, obidque inordinacionem

tionem temperamenti debiti, idque indicat leuitatem animi, & incuriam in rebus agendis: Si verò est moderate grandis, spissa, & leuiter diuisa, signum est optimi temperamenti.

## QVÆSTIO XVI.

### De Physiognomia Faciei, & Vultus.

713. **P**OST considerationem partium faciei, nunc de ipsa secundum se agemus: Hinc

PRIMò Dicimus cum Seraphico Doctore Serm. 1. de S. Gregor. & in Psalm. 118. cap. 9. vers. 7. faciem, vultumque esse membrum principale cognoscere faciens internas animi inclinationes, & cogitationes: est enim principalis pars, ad quam cor, & cerebrum imittunt suos spiritus: & quia nullus inuenitur homo, qui habeat faciem omninò, & in omnibus similem alteri homini, hinc infertur multiformitas potentiae, sapientiaeque Dei: infert etiam Seraph. Doctor, quod in via Dei nullus inuenitur, qui omnimodè sit alteri viro spirituali similis: hinc Ecclesia verè de quolibet iusto canit illa verba Eccles. 44. *Non est inuentum simile illi, qui conseruaret legem Dei.*

SECUNDò Dicimus, quod licet vultus, & facies pro eodem aliquando, & maximè à Poëtis sumitur, tamen propriè inter se differunt: nam vultus dicitur à volo, estque propriè habitus, seu status faciei, qui mutatur, aliusque, & alius ostenditur secundum varietatem affectuum animi, sic metaphoricè dicitur cælum mutare vultum: vultus autem sic sumptus appellatur etiam indoles animi exterius apparens: facies verò

R.P. Barts. de Castrov. Phil. P. III.

propriè est pars anterior capitis humani constans ex fronte, oculis, naso, malis, seu genis, ore, & mento: Communiter tamen sumitur pro genis, & consistunt in membrana illa, quæ ab oculis ad mentum extenditur, in qua pili gignuntur in viris, dicuntur genæ etiam malæ ad similitudinem pomi, quia in eis rubor, risus, & gaudium maximè apparet: hinc primò resoluimus de Physiognomia faciei, secundò genarum, & deinde vultus.

TERTIò Dicimus, quod loquendo de tota facie hominis, si facies hominis est valdè magna quoad latitudinem, & longitudinem, id prouenit ex superabundantia humidi, & crassi humoris, significatque hominè pigrum, indocilem, & stolidum ad similitudinem Asini, & Bouis: Idem asserendum est, si facies cum magnitudine, & cum genis erit valdè pinguis, crassa, & catnosa ob eandem rationem Physicam, idque maximè si genæ erunt valdè distantes ab oculis: Idem etiam dicendum de facie, in qua apparent ossa, & genæ multum crassæ: in tali enim homine dominatur timiditas, & tristitia, tales homines tamen solent esse valdè idonei ad diuturnum laborem.

QVARTò Dicimus faciem valdè paruum, & maximè in genis indicare paruitatem cerebri, à qua cum prouenire debeat sua frigiditate temperatura cordis, & potentiaryum sensitiuarum, & cum adsit deficientia suæ virtutis, hinc etiam sequitur deprauatio in imaginatiua, ob id tales homines sunt faciles ad malè iudicandum de proximo, ad timiditatem, ad adulationem, & ad malitiosa opera, & maximè si in facie apparet color flauus: id enim signum est hominis

A a a a

vitiosi,

visiosi, fraudulenti, & peruersi, assimilaturque talis facies faciei felis: & si genæ erunt valdè restrictæ cum mæstitia, indicant virum stultum: si cum risu, & gaudio, indicant virum effeminatum.

QUINTO Dicimus faciem medio-critatem seruantem inter magnam, & paruam indicare optimam complexionem, & maximè si aliquantulum tédit ad paruam, & moderatam carnositatem: indicat enim hominem veridicum, sincerum, amatotium, ingeniosum, & subtilem ingenij: si verò tendat ad maciem excedenter, reddit hominem acutum, circumspectum, sollicitum, curiosum, solet etiam facies valdè macilenta indicare magnam anxietatem interiorem cuds: nam ex tali anxietate, & fixa imaginatione consumuntur spiritus, & corpus remanet frigidum cum alimenti necessarii consumptione; si verò habent pinguedinem excedentem, reddit hominem mendacem, ignatum, pigrum ad similitudinem Bouis.

SEXTO Dicimus faciem excedenter longam maximè cum genis longis indicare prædominium caloris à corde prouenientis, reddereque hominem inclinatum ad supereminendum aliis ad modum ignis, ad arrogantiam, & superbiam, talisque facies dicitur canina: si verò facies, & genæ erunt rotundæ, scilicet cum mento ad extra exporrecta faciens velut circulum, signum est deficientiæ debitiæ longitudinis in cerebro, & ob id conturbationis, & confusionis specierum, & spirituum; & hinc facilitas oritur ad iracundiam, & fraudes, & defectus iudicii: qui habet faciem cauam, scilicet cum mento intrus retracto, signum est vilitatis, & timiditatis animi: qui habet faciem

plenam ad orbicularitatem tendentem, signum est hominis inurbani, contentiosi, inuidi, & immundi: qui faciem rugatam habet, indicat hominem melancholicum, prouenit enim ex nimia siccitate terre: & si talis facies est macida, & sine pilis, signum est superabundantiæ siccitatis, & frigiditatis, indicat hominem humoris timidi, melancholici, & cogitabundi animi. Quoad aspectum vultus

714. SEPTIMO Dicimus, quod si vultus est Aristis, & varius naturaliter, indicat hominem timidum, & suspiciosum ex superabundantia frigidi, siccis humoris, & maximè si habet frontem rugosam, supercilia extensa, palpebras fixas, caput dimissum, & inclinatum, & aspiciens ad terram oculis in capite defixis ad intra, nasum longum, faciem macidam; nam in istis etiam spiritus afficiuntur eodem metu, & trepidatione, & hinc vultus induit colorem sibi obiectum: sic ferrus de Polypo marino, qui ob timiditatem inducit colorem rei, cui affigitur, & maximè saxorum, talesque sunt stupidi, somnolentique, & ad stultitiam inclinales: Si verò vultus est hilaris, & venerabilis, ( tuncque est talis, quando apparet cum fronte expolita, & aperta, oculis serenis, facie rubicunda, & satis carnosa ) signum est liberalitatis, tranquillitatis animi, docilis, beneuoli, & tractabilis, talemque fuisse S. Bernardum fert Goffredus in eius vita: sic etiam dicitur de Cæsare Augusto: Si vultus erit grauis, signum est viri fortis, & magnanimi, qualem fuisse Alphonsum Ducem Ferrariæ fert Iouius: Si vultus erit antierius pendens, & dimissus, indicat animum amarum semper infortunia cogitantem, si erit pendens

dens à tergo cum barba extensa ad partem anteriorem, indicat temerariū: Si autem vultus erit aspectus crudelis, & austeri, indicat etiam animum proportionatum, talemque fuisse Annibalem, & Attilam ferunt Historici.

*Quoad Colores Faciei.*

715. OCTAVO Dicimus de colore rubeo, quod si color faciei est rubeus excedenter, similisque flammæ, vel ebris, signum est excedentis caloris ascendentis ad caput, & exsiccantis cerebrum, obidque ipsum remouentis à debita temperie, ex quo oritur perturbatio in imaginatione, & iudicio, redditque hominem præcipitem, indiseretum, furiosum, stultum, crudelem, hancque qualitatem Aristoteles appellat passionem tertiaræ speciei. Et si nasus, & genæ sunt naturaliter rubæ coloris iecoris, signum est hominis libidinosi, & crudelis: si verò est moderatè rubea, & alta, & appellatur color albus purpureus, signum est optimæ temperiei, indicatque hominem perspicacis ingenij, prudentem, & hinc inclinatum ob spiritus puros, & perfectos rectè sua munera exequentes, talisque fuit in Alexandro Magno: Et si rubedo accidit in facie ob aliquod nouiter occurrens, & citò transit, & dicitur ab Aristotele passibilis qualitas, tunc signum est hominis verecundi, & modesti, nam tunc sanguis ad faciem recurrit, ut ipsam tegat, & aliquando etiam ad aures rubor protenditur: si facies excedit in albedine, signum est prædominantis phlegmatis, humorisque frigidi, & crudi ad modum fecminarum, redditque hominem valdè timidum, & ad libidinem procliuem: Si facies est flaua, signum est prædominij flauæ bilis adurentis partes terreas, redditque hominem iracun-

dum, contentiosum, aliisque exosum: Si facies est fulca medians inter nigrum, & album, signum est boni ingenij, & speculatiui intellectus, talis enim obfuscatio provenit ex sanguine aqualiter tendente ad melancholiam cum aliquali moderato prædominio partis terrestres: ex quo sequuntur duo effectus: primus est facilitas accensionis sanguinis acuentis ingenium: secundus est, quando remittitur talis calor, tunc constringitur illa pars terrea, & frigida, quæ facili, & renaciter conseruat res intellectu apprehensas: & hinc sequitur maxima prudentia, & maturitas in rebus agendis: Si facies est pallida naturaliter, id provenit, (ait Aristoteles) ex mixtione excrementi aquei cum bile flaua: secundum Medicos provenit ex prædominio phlegmatis, & melancholiæ: verè autem oritur ex penuria sanguinis, & modicitate caloris refrigerantium ad internas partes, indicatque hominem saturninum, timidum, & cogitandum: Si facies erit liuida, & veluti flaua, seu crocea medians inter viridem, & album, signum est deficientiæ caloris concoquentis ex prædominio frigidi, humidi, & melancholici humoris, indicatque hominem deditum omnibus vitiis, præcipuè crudelitati, & libidini, talisque fuit Ezelinus Patavij Tyrannus: Si facies est nigra, quia nigredo potest provenire ex duabus causis, hinc etiam & diuersas inclinationes infert; primò potest provenire ob excedentem calorem, qui ad modum ignis reducens ligna in carbones redigit materiam temperamenti, maximèque siccam carnem, & pellem ad talem nigredinem, ut euenit in Ethiopibus: secundò potest euenire ob defectum caloris,

caloris, & humidi, remanentibus partibus terreis opacis, & veluti luce priuati: si primo modo euenit nigredo, signum est, quod homo est auarus, tenax, & excedenter sui amator, nullo habito respectu ad necessitatem aliorum, idque maximè est verum, quando comitatur paucitas vultus: Si secundo modo ostitur rimiditas, amaritudo animi, mæstitia, malignitas, & fraudulentia: Si facies propendit ad viridem colorem, quia bilis viridis est superfluitas sanguinis genita ex portionibus igneis, & terrestribus adustis, amara, & maligna, valdeque repugnans alimento membrorum, hinc est pessimè indicans, nam & corrumpit bonitatem sanguinis, & pituita, peruertitque hominem à suauitate, & clementia, & inducit malignitatem, crudelitatem, iram, & vindictam.

Et si quæras: quænam requirantur ad speciositatem, & pulchritudinem faciei?

RESPONDENT communiter Physiognomi, quod natura totam suam vim collocat in efformatione perfectæ corporis, sed magis in compositione faciei, cum sit principalior pars corporis, vt supra dictum est: vnde pulchritudo faciei indicat optimam compositionem, & temperamentum corporis, & animæ, sicut deformitas è contra inordinatum temperamentum: Ad hanc pulchritudinem faciei vltra debita lineamenta, & colorem medium inter rubeum, seu purpureum, & album, requiritur longitudo octauæ partis totius corporis: ter autem debet excedere longitudinem nasi ita, quod raris sit distantia à naso ad finem menti, seu barbæ, quanta est altitudo frontis, & tanta esse debet altitudo frontis,

quanta est longitudo nasi: Item ambo semicirculi auri simul vniri debent formare circulum æqualem ori aperto, & patenti: Item circuli oculorum debent esse tam amplii, sicut circuli aurium: supercilia aurem debent esse ram longa, quantum labia, & labia, quantum nasus.

## QVÆSTIO XVII.

*De Physiognomia Vocis, Anhelitus, Respirationis, & Risus.*

716. **V**OX est percussio respirati aëris ab anima facta per arteriam vocalem, & per pulmonem attrahentem, & repellentem ipsum aërem, vnde propriè vox solum est animalium, sub qua significatione comprehenditur & adspiratio, & respiratio, & locutio, sermoque, seu loquela, quæ est vox articulata, & distincta in partes, per quam significatur conceptus interior animæ, quæ omnia supra fusè tradita sunt à nobis in tractatu de anima sentiente.

Et quia secundum varietatem virtutis expulsiuæ, & quantitatem aëris attracti, dispositionemque gutturis vox recipit multam diuersitatem, secundum quam est alta, debilis, grauis, acuta, mollis, rauca, tremula, & inæqualis: ex qua diuersitate etiam infertur diuersitas temperamenti in hominem: hinc Physiognomi cum Seraphico Doctore de hac tractant, vt infra patebit.

PRIMò ergo quæritur: quid significet Vox alta, magna, valida, & robusta.

RESPONDETUR id pronenire ex multa capacitate, & amplitudine pulmonis, obidque in sui restrictio-

ne



ne facere magnam percussionem aëris in magna quantitate recepti, & indicat magnum calorem in corde, & per consequens hominem fortem, audacem, & imperiosum.

SECUNDÒ quæritur: quid significet Vox grauis.

RESPONDETUR grauitatem fieri ex voce inclinata, prouenireque ex nimio aëre attracto, & quia non potest ex tali nimietate expelli velociter, sed lentè, hinc redditur grauis, altitudinem verò ex voce eleuata, & emissâ velociter ad extra.

VNDÈ, si vox est grauis, moderatèque sonora, id prouenit ex prædominio caloris cordis, vt dictum est supra, & signum est boni temperamenti: Idem & dicendum de voce graui, sonora, & flexibili, signum enim est optimi temperamenti, sed tamen animi imperiosi, & audacis: Si verò est grauis, & depressa, signum est adesset improprietatem inter vas aeris, & virtutem expulsiuam, obidque prouenit ex nimio humore frigido, crasso, terrestrique valde aggrauante membra cordi proxima, & reddente hominem pigrum, vilis animi, & aliis exosum, talesque sunt gentes septentrionales ob nimietatem dicti humoris: Si vox est grauis, & inglomerata, implicataque, id prouenit ex nimio calore cum humore terrestri, indicatque hominem confusum in suis actionibus inurbanum, similisque est voci canum: Si vox est grauis, & mollis, seu debilis, id prouenit ex prædominantia phlegmatici humoris cum multo calore, indicatque hominem placidum, mansuetum, & bonum, assimilaturque voci ouium: Si vox est grauis, & grandis, indicat hominem inurbanum, & asinum.

TERTIÒ quæritur: quid significet Vox acuta?

RESPONDETUR vocem acutam prouenire tum ex aspera arteria, quæ ob nimiam humiditatem non potest dilatari, tum ex debili virtute aëtem expellente: & hinc cum foramen sit angustum, consequenterque per ipsum modicus aër potest pertransiri, hinc & velocius mouetur, ex qua modicitate, & velocitate oritur acumen in voce: quod etiam patet in instrumentis sonoris, in quibus tenues, & subtiles cordæ ob modicitatem, & velocitatem aëris moti acutum sonum reddunt, talisque vox, si est debilis, indicat hominem timidum, vt patet in pueris castratis, & mulieribus, item & hominem effeminatum debilem viribus: si verò talis vox est acuta, & simul vehemens, indicat hominem iracundum, indignabundumque, & duplicem corde, infidum, & res alienas appetentem: Si est stridens, signum est caloris aërei, indicatque hominem acrem, vanum, luxuriosum, talisque vt plurimum habet collum longum, estque vox similis stridori, & voci volucrum: Si vox est acuta, mollis, & fracta, signum est abundantie caloris, & humiditatis incocti, indicatque hominem effeminatum, mollem, estque propria foeminarum: Si vox est acuta, & clamosa, & veluri quænila ad modum caprarum, indicat hominem stupidum ob nimietatem humiditatis existentis in arteria, & impediens liberum transitum aëri: Et si est similis balatui ouium, scilicet parua, & aspera, signum est debilitatis caloris, & nimie humiditatis, redditque hominem stupidum, stolidum, impudentem, & maliciosum: Quando verò

vox est mediana inter grauem, & acutam, integra, & moderatè sonora, indicat optimum temperamentum, & hominem ingeniosum, modestum, grauem, prouidentem, veridicum, & iustum, optimisque moribus præditum.

QUARTO quaeritur de cæteris differentiis vocis, quid significant?

RESPONDETUR primò, vocem asperam oriri ex nimia humiditate cadente intra arteriam, & reddente ipsam inæqualem, & asperam, obidque & vox per ipsam petranfians redditur aspera: oritur etiam talis asperitas ex nimio calore igneo exsiccante talem humorem, asperamque reddente ipsam arteriam, indicatque hominem luxuriz deditum, asperum, & malè inclinatum.

717. ET si quaeras: unde in pueris, & iuuenibus oritur mutatio vocis, præcipuè ab anno quarto decimo?

RESPONDET Aphrodisæus, quia præcipuè in illo tempore rota temperies corporis mutatur, & consequenter etiam augetur arteria, fitque inæqualis iugulo gulæ, & hinc etiam vox ibi petranfians redditur inæqualis.

RESPONDETUR secundò, quod si in viro vox est foeminea, signum pessimum est, nempe nimij caloris ignei exsicantis humidum, reddentisque hominem prouum ad iram, vindictam, & obscenitates: Et è contra in muliere vox virilis est pessimum iudicium, id enim prouenit ex calore excedente cordis, & reddente mulierem superbam, imperiosam, lasciuam, & infidam.

RESPONDETUR terriò, vocem suauem excedenter indicare hominem inuidum, & suspiciosum, vo-

cem demissam valdè indicare hominem insidiatorem, vocem debilem, & flebilem indicare hominem suspiciosum, mæstumque, vocem tremulam indicare deficientiam caloris in corde, & timidum hominem, vocem verò medianam inter suauitatem, claritatem, asperitatem, grauitatem, & subtilitatem indicare optimam complexionem, hominemque liberalem, lætum, modestum, veridicum, benignum, & pium.

RESPONDETUR quartò, vocem in nates consonantem, & terminantem indicare hominem mendacem, maleuolum, malis alienis gaudentem, id enim prouenit ex eo, quod virtus expellens aërem ob nimium calorem est excedens, expellitque furiosè aërem, & obid dispergitur per os, & nares.

QUINTO quaeritur: quid dicendum circa varias differentias, & modos loquendi?

RESPONDETUR primò nimiam loquacitatem, & velocitatem in loquendo oriri ut plurimum ex nimio calore nimis præcipitanter mouente spiritus, & hinc etiam præcipitanter, & imprudenter tales homines loquuntur, aliquando etiam ex nimia humiditate, & frigiditate oritur nimia loquacitas, licet careat velocitate, ut in mulieribus, indicatque etiam debilitatem ingenij, & imprudentiam.

RESPONDETUR secundò, sermonem grauem, & stabilem indicare hominem magnanimum, & prudentem: sermonem grauem, & demissum indicare hominem benignum, & modestum: sermonem tardum indicare veretundum, sicut & sermo actus debilis, & squalidus.

718. SEXTO quaeritur: quid indicat

indicat anhelitus, & suspirium?

ANHELITUS est simplex emissio flatus per arteriam iam ad intra attractam, unde oritur inspiratio, & expiratio, prima est attractio aëris per laryngem, & asperam arteriam: secunda est expulsio eiusdem aëris per restrictionem pulmonum: uterque modus explicatur nomine respirationis, quæ à natura introducta est ad refrigerandum cordis calorem: suspirium verò est emissio aëris ab imo cordis ob aliquem effectum animæ. Hinc

RESPONDETUR primò anhelitum fortem, velocem, & spissum indicare excessivum calorem cordis expellentem aërem per arteriam latam, obidque & hominem fortem, & vino deditum: in homine verò macido indicare propensionem ad iram, & ad amaritudinem animi.

RESPONDETUR secundò: Quod si anhelitus erit tenuis, rarus, tardus cum pectore parvus, & sine pilis, indicabit frigidam complexionem cordis, obidque timiditatem, & debilitatem maximam, & iuvenutis statum similem senectuti: ex quo infertur Anhelitum moderatum, & mediantem inter duo extrema indicare optimam complexionem.

SEPTIMò quæritur: quid dicendum de Rifu?

RISUS, ut diximus in tractatu de anima sentiente, est actus proprietatis risibilitatis existentis in homine, provenitque ex perceptione aliqui intellectus alicuius obiecti delectabilis mouentis appetitum sensitiuum ad delectationem, ex qua causatur in corde dilatatio, & ad quam dilatationem concurrunt spiritus vitales mouentes muscolum diaphragmatis, & ad cuius agitationem extenduntur

etiam muscoli thoracis, faciei, & oris vsque ad buccas, ad quem motum consequitur quidam sonus vocis, qui dicitur risus actualis, & si est validus, dicitur cachinnus, talisque est risus proveniens naturaliter ex causa interna: Vnde risus propriè sumptus est tantum intellectus naturalis naturæ actu cognoscetis, obidque risus apparens in aliquibus irrationalibus non est propriè risus, sicut etiam in infantibus, qui à quadragesimo die natiuitatis suæ videntur ridere, sed tamen propriè non est risus, sed motus ab extrinseco tantum causatus, vel quædam vultus extrinseca hilaritas: & hinc addimus, quod aliquando ex causa externa, & accidentaria potest provenire, ut evenit in titillatione, quæ oritur ex tactu alieno facto sub axillis, aut plantis pedum, & quia ob tenuitatem cutis, & artieriarum copiam sunt partes valde sensativæ, unde statim ac tanguntur, fit spirituum accursus caulantium quendam pruritum, simul & horrorem quendam, hinc talis risus propriè non est naturalis, sed violentus: sicut est risus causatus à veneno quorundam animalium, & herbarum, de quibus Physici, & Naturales tractant. Modò est Sermo de risu primo modo sumpto, ex quo, ut advertit Spiritus Sanctus in Ecclesiastico à Sancto Bonaventura cit. potest haberi cognitio patens Physiognomiæ hominis, ait enim cap. 21. vers. 23. fatuus in risu exhalat vocem suam; Vt autem sapiens vix tacite ridebit: & cap. 19. Amittis corporis, & risus dentium emaniat de illo. Hinc

RESPONDETUR primò, Risum immoderatum, & validum indicare hominem stultum, unde communiter dicitur, Risus in ore stulti abundat:

eo quia talis homo habet prædominantiam excedentem humoris aërei, & ided facilliter se in vanitatem præcipitat : indicat & vanam lætitiā, instabilitatem, & crassitiem ingenij, facilitatemque ad pandendum secreta : Addimus etiam risum altum, & validum indicare hominem impudentem.

RESPONDETUR secundò hominem tardò, & difficulter ridentem indicare maximum prædominium melancholiæ atrox in corde, & etiam stolidum.

RESPONDETUR tertio, Risum cum extorsione oris, & derisu indicare hominem impudentem avarum, mendacem, infidum, crudelem.

RESPONDETUR quarto, Risum moderatum pro loco, & tempore indicare optimum temperamentum.

RESPONDETUR quinto, Os semper appatens cum risu, vel ad modum ridentis, indicare hominem libidinosum, mendacem, simulatorem, & est proprium sceminarum.

QUÆ omnia aptanda sunt cum proportione ad fletum : unde dicitur de Heraclito, quod semper fletet miserias hominum : & è contrà de Democrito, quod semper ridet, deridendo vanitates humanas.

## QVÆSTIO XVIII.

*De Physiognomia Colli, Cervicis, & Humeri, Metaphreni, & Costarum.*

719. COLLUM aptissimè à natura ponitur medians inter caput, & corpus, humerosque, ut in respiratione aër debens refrige-

rate calorem cordis, etiam haberet latiore viam, & tempus se temperandi transeundo per fistulam Pulmonum, ne cum nimia frigiditate percussus cor ipsi noxam afferret : differt autem à cervice, quia hæc est posterior pars colli ab occipito incipiens, & terminans ad spinam : Pars autem anterior dicitur collum, cuius pars superior appellatur iugulum, in quo alpeta arteria cernitur eminere, per quam transit aër, seu sunt secundum alios dux concavitates fixæ in summa parte thoracis sub clavis fixæ : pars inferior appellatur gula, quæ est fistula colli inferior constans ex carne, & nervo, per quam cibus, & potus in ventrem defluit.

PRIMò queritur : quid significet collum crassum, & nervolum, & pingue.

RESPONDETUR : Quod si collum est cum debita longitudine cum colore carneo, & crassum ob crassitiem nervi procedentis à cerebro, indicat optimam compositionem cerebri, & obid & magnanimitatem, & virium fortitudinem : Si verò collum erit crassum ob pinguedinem carnis, & maximè si est malè coloratum, scilicet vel lividum, vel nigrum, vel vitide, vel nimis album, signum est superabundantiæ materiæ humidæ indigestæ, sicut euenit ut plurimum in sceminis : idque indicat hominem stupidum, & voracem, indisciplinabilem, iracundum : taleque collum est simile collo porci : Si autem tale collum est nimis breue, tunc spiritus transeuntes à corde ad cerebrum, & è conuerso non habent debitam distantiam, hinc & penetrant cerebrum cum nimia caliditate, ex quo sequitur natura velox, & præceps in suis actibus, argutia animi,

animi, inclinatio ad fraudes, ad inconstantiam, ad voracitatem: & quia etiam spiritus animales perveniunt ad cor, sicut & aer attractus per arteriam non satis digesti, & temperati, hinc sequitur etiam magna visusitudo in accidentibus corporis, & in corde palpitatio, & mæstitia, & in capite conturbatio: collum lupi est brevissimum, ita quod non potest ipsum retrò vertere nisi cum retroersione totius corporis.

SECUNDÒ quæritur: quid significet Collum subtile.

RESPONDETUR: Quod collum servans medietatem inter crassitiam, & subtilitatem, nec est nimis longum, nec nimis breue, signum est optimi temperamenti, obidque indicat hominem fortem, docilem, ingeniosum, & prudentem: Si verò excedit in longitudine, & subtilitate ad modum struthionis, indicat vanitatem, instabilitatem, loquacitatem, rimiditatem, & virium debilitatem ad modum foeminatum.

RATIO est, quia ob nimiam longitudinem spiritus à corde ad cerebrum transeuntes perveniunt valdè debiles, & frigidi, ex quo oritur tarditas, & timiditas.

ADDIMVS: quod si collum est veluti immobile, & stabile, indicat ruditatem, & ignorantiam: si est valdè mobile huc, illucque, significat stultitiam, & animi volubilitatem: si nimis rectum est, significat durum, & pertinacem: si naturaliter inclinatur ad partem anteriorem, indicat stultitiam, ignorantiam, avaritiam, animum cogitabundum: si ad partem dexteram protenditur, significat virum prudentem, & studiosum: si ad sinistram, indicat virum inclinatum ad voluptates: si collum est

*R. P. Bart. de Castrov. Phil. P. III.*

tinctum, & veluti cinctum pluribus venis sanguineis, signum est animi valdè iracundi.

TERTIÒ quæritur: quid dicendum de Physiognomia Gulæ.

RESPONDETUR gulam asperam indicare hominem audacem, & loquacem: si verò nodus gulæ est valdè ad extra exiens, indicat virum sapientem, & linguæ moderatum: & è contra si intus retractus est, signum est hominis vini potatoris, molesti, & asperi.

QUARTÒ quæritur de Physiognomia Cervicis.

CERVIX est pars posterior colli, in quo vertitur vndequaque collum, & componitur ex septem vertebriis rotundis. Hinc

RESPONDETUR: Quod si cervix est suprâ collum crassa, indicat magnam crassitiam cerebri, & obid ignorantiam: si est aspera cum vertebra colli eminente, vt habet aper, significat asperitatem morum, & crudelitatem: si est longa, & tenuis, significat cogitabundum: si est brevis, significat audaciam, & teneritatem: si est rotunda valdè, significat virtutem debilem corporis.

720. QUINTÒ quæritur: quid dicendum de Humeris.

RESPONDETUR: Quod ossa humerorum, si sunt longa, & moderate distantia, significant hominem fortem, & ingeniosum, talisque fuit Plato, eo quod sufficiens calor in ipso adest rectè formans talia membra.

Et consequenter ex opposito si ossa talia sunt valdè elevata, & tenuia, significant hominem impudentem, & superbum.

SEXTÒ quæritur: quid dicendum de Dorso.

Bbbb DORSVM

DORSUM est pars posterior corporis continens sub humeris omnia ossa usque ad lumbos, estque veluti Carina navis, & fundamentum sustentans, & connectens totam machinam corporis, ipsamque volvere faciens ad omnem partem, & constat viginti quatuor ossibus. Hinc

RESPONDETUR: Quod si Dorsum est magnum, altum, & robustum, significat hominem valde robustum, sed arrogantem, maximèque si est valde carnosum, nam talis crassities indicat quidem bonam complexionem, sed cum superabundantia caloris, & humidi, calor autem nimius reddit hominem elatum: & si dorsum non sit carnosum, robustum tamen, & magnum, indicat ingeniositatem, nam signum est, quod tunc calor digerit illam materiam frigidam, & humidam, acuitque temperamentum: Si autem dorsum est nimis restrictum, & debile, tenueque, signum est debilitatis virium, & timiditatis ob rationes appositae supra traditae: inclinatur etiam ad cordis duplicitatem, simulationem, ingratitude, gulositatem, taliaque sunt dorsa felis, & simia.

SEPTIMO quaeritur: quid dicendum de Metaphreno?

METAPHRENUM est verbum Graecum, quod interpretatur pars post praecordia sita; includit enim totam partem posteriorem dorsi usque ad lumbos mediantem inter humeros: quae pars est propriè opposita, & obiecta praecordiis, & ab Aliis etiam appellatur subscapula, seu subscapulae, & scapulae.

RESPONDETUR igitur Metaphrenum grande, & carnosum, beneque vinculatum significare fortitudinem corporis, & animi, iracun-

dum, & arrogantem: Si autem est debile, gracile, & non perfectè iunctum, significat animum mollem, effeminatum, timidum, & pusillanimum, estque proprium mulierum: Si est valde rectum, indicat hominem ignatum, gloriabundum, taleque est in Pavone, & Gallo: si autem Metaphrenum est curvum, & concavum, indicat hominem peruersum, invidum, inhiantem ad lucra: Metaphrenum verò medians inter curvum, & convexum indicat probitatem morum, quia temperamentum humorum est valde perfectum.

OCTAVO quaeritur; quid dicendum sit de Gibbositate?

GIBBOSITAS advenit in inferiori parte scapularum operatarum, quae à Graecis dicuntur Omoplae, & sunt duo ossa lata utrinque ad scapulas, humerosque tendentia: cum autem humeri insistant vel naturaliter, vel ob defectum nutricum, quae aliquando violenter, & ineptè sustentant, & extollunt in altum pueros incipientes ambulare, tunc inferior pars Omoplae, cum sit valde debilis cadens motui, & erectioni violentae erigitur simul cum musculis, & hinc provenit gibbositas.

PHYSIOGNOMI autem omnes docent, quod gibbositas proveniens à natura, & in principio efformationis corporis, signum est deficientiae virtutis formatricis cordis, quae cum ostendat suam deficientiam in partibus proximioribus, indicat etiam maximam defectuositatem morum, & inclinationum; quare dicunt, quod inter defectuosos in corpore gibbi sunt omnium peiores: hinc Homerus inter Graecos, qui conspirarunt ad excidium Troiae, in medium

dium profert omnium pessimum quendam Therpsitem gibbolum, excipe tamen, quando gibbositas provenit à nimia mollitie, & teneritudine illarum partium, vel ab imprudentia nutricis, vel ab aliqua noxia distillatione superueniente, & similibus accidentibus, nam in his casibus non concurrit talis indicatio supra posita.

Nondè quæritur; quid dicendum de Lateribus, & Costis hominis.

LATERA hominis sunt pars inferior posita sub alis, seu axelis: Costæ verò sunt ossa lata, & longa, quæ sunt octo, & circumdantes ad inodum scuti pectus, & thoracem defendentis partes vitales interiores pectoris. Hinc

RESPONDETUR ex Seraphico Doctore, quod latera, & Costæ valde tenuia, & angusta, graciliaque indicant hominem timidum, malignum, voracem, imbecillemque, ralesque sunt ut plurimum foeminae; Ratio est, quia id provenit ex deficientia caloris: Et si sunt veluti tumida, & nimis carnosa, duraque, significant indocilitatem, ut in Boue, & Ranis, indicant enim nimiam caliditatem attrahentem ad se, & coagulantem ibi sanguinem, ob idque ut plurimum sunt valde propensi tales homines ad potum vini, & confusi in suis cogitationibus: Si verò costæ medietatem seruant inter gracilitatem, & carnositatem, signum sunt virilitatis, & fortitudinis, bonæque complexionis.

## QVÆSTIO XIX.

De Physiognomia Pectoris, Ventris, Brachiorum, & Manuum

721. PECTUS est habitaculum cordis, idcòque magis ex ipso manifestatur virtus, vel debilitas eiusdem cordis. Hinc

PRIMò quæritur: quid significet pectus ventre longius, latum, & benè dispositum?

RESPONDET S. Bonaventura significare hominem prudentem, fortem, & magnanimum, dummodò pectus sit moderatè carnosum, & cum ossibus benè contextis; Ratio est, quia talis latitudo indicat abundantiam sanguinis, spirituum, & copiosæ materię rectè dispositæ à virtute caloris cordis, ex quibus provenit vigor in membris, in cerebro, & ob id & elevatio animi super quodcunque aduersum, & aptitudo ad quodcunque serium negotium.

ADDIT Sanctus Doctor, quod si pectus est excedenter carnosum, indicat superabundantiam materię humidæ, & frigidæ, non debite concoctæ, & hinc oritur ignorantia, ruditas, indocilitas, ignavia, & timiditas.

SI Pectus simul cum ventre est rectum multitudine pilorum ad modum ferarum, significat superabundantiam humiditatis, & caloris excedentis, quæ inclinat hominem ad instabilitatem, perfidiam, libidinem, crudelitatemque, caro enim (ait Sanctus Doctor lib. 2. dist. 33. art. 2. quæst. 1. in corp.) magis feruet in cho-

B b b b 2 lericis,

lericis, & sanguineis, quàm in melancholicis, talis dispositio tamen iuuat ad acuitatem ingenij, vt etiam aduertit *lib. 2. dist. 32. dub. 6.* Si pectus solum est pilis tectum, non autem venter, tunc significatur animi virilitas, quia signum est prædominij caloris absque excessu: Pectus verò delicatum, & debile, & nimis laxum, significat timiditatem, & debilitatem animi, taleque est pectus fæmineum: Pectus valdè constrictum cum ventre propotionato significat subtilitatem ingenij ob superabundantiam calidi: Quando tamen pectus est macrum habens mamillas veluti tumidas, & carnosas, in viro pessimum est signum, nempe inclinationis maximæ ad libidinem, ad intemperantiam, ad ebrietatem: Si verò mamillæ sunt patuæ, & macidæ, indicant pigritiam, & timiditatem: At mediocriter magnæ, molles, & plenæ indicant perfectam complexionem.

OMITTO hic ea, quæ traduntur ab Authoribus de Physiognomia mulierum ex hac parte.

722. SECUNDO quæritur: quid dicendum de Ventre?

RESPONDETUR Ventrem crassum, obesum, & excedenter carnosum indicare crassitatem intellectus, ebrietatem, hominem deditum libidini: Ratio est, quia venter maxime communicat cum cerebro: vnde venter macidis signum est bonæ complexionis, & acuminis ingenij.

ET quia pinguedo, & macies in homine est affinis pinguedini ventris: hinc addimus, quod discrimen & physicum, & morale inter homines pingues, & macilentos est primum, quia in hominibus pinguibus venæ sanguinæ sunt valdè angustæ,

obidque in ipsis est parum sanguinis: in macidis verò sunt valdè amplæ: secundò pingues superabundant in humiditate & frigiditate: at macri in caliditate, & siccitate, obidque adeps levis, & subtilis in macidis consummitur, & in-pinguibus conseruatur, & augefcere facit membra.

HIPOCRATES, & Galenus aduertunt, quod aliquando ex consuetudine, & processu temporis macidi fiunt pingues, & è contra, pingues fiunt macidi, & graciles, idque euenit in macilentis, quia ducendo vitam otiosam, & delicatam, temperamentum ipsorum permutatur in humidum, & in pinguibus humidum permutatur in siccum ob exercitium violentum, vel ob nimiam applicationem animi, vel penuriam cibi: & idè habentes venas angustas, si fiunt macri, tales erunt non per naturam, sed per artem, & accidentaliter, & è contra habentes venas latas, si fiunt pingues, etiam id erit per artem, & per accidens.

Hinc Respondetur, quod homines naturaliter pingues ob nimiam frigiditatem, & humiditatem naturaliter etiam sunt pigri, somnolenti, malitiosi, parumque apti ad artes; qui verò moderate sunt pingues, & carnosi, habent calorem prædominantem, & bonum ingenium.

QUI verò sunt moderatè graciles ob prædominium caloris, vel frigoris cum siccitate, sunt etiam homines apti ad labores, vigilantes, ingeniosi, iracundi, pertinaces: Vnde gracilitas est melius signum bonæ complexionis, quàm pinguedo.

TERTIO quæritur: quid dicendum de Physiognomia Brachiorum?

BRACHIA in parte superiori Corporis



poris respondent coxis, & cruribus inferioris partis: unde naturaliter sunt simul proportionata in longitudine, sicut & manus, & pedes.

RESPONDETUR igitur primò brachia benè complexonata debere esse robusta, benè connexa in suis iuncturis, & longa, ita ut homo stans erecto corpore possit attingere genua extremitate digiti medij, vel saltem ipsis appropinquari: id enim provenit ex prædominio sufficientis caloris, & humidi, indicantque virum fortem, magnanimum, audacem, liberalem, pium, & morigeratum, talesque ferunt Historiæ fuisse Cæsarem Augustum, Georgium Scanderbergium, & Alexandrum Magnum: Ratio est, quia calor cordis valde intensus perficit materiam, ex qua componuntur brachia, & cum ex tali calore deriuat subtilitas spirituum, hinc etiam & inclinationes dictæ: Brachia verò è contra nimis breuia, ita ut homo in comedendo constingatur inclinare caput, vel vix ad famur diffuentia, indicant prædominium frigiditatis, & siccitatis, obidque & animum timidum, malcuolum, de malis alienis gaudentem, innidumque.

ADDEMVVS hominem naturaliter uti dextero brachio facilius in suis actionibus, ex hoc quod, ut ait cum communi Seraphicus Doctor lib. 2. dist. 14. part. 1. art. 2. quæst. 2. cor infuit fusiùs, & abundantius suam virtutem, & calorem in illam partem: & si Aliqui vtuntur sinistra pro dextera, vel ambobus brachiis æqualiter, dicunturque ambidextri, signum est, quod cor æqualiter ad ambas partes diffundit suam virtutem; istique ut plurimum sunt fortes, calidi, iracundi, crudeles, fraudulent. No-

tant autem Philosophi nunquam mulieres posse uti sinistra pro dextera, immò male etiam potest uti dextera ob deficientiam caloris.

713. QVARTO quæritur de Manibus: quid dicendum?

MANVS, sicuti lingua sunt instrumentum executiuum imperij voluntatis, & animæ, constantque parte interiori, quæ dicitur vola, & exteriori carnosâ, & nervosa, & digitis, & nodo conectente manum cum brachiis. Hinc

RESPONDETUR primò, quod manus grandes benè articulatæ, & nervosæ significant hominem fortem, strenuum & corpore, & animo, magnanimum aptum ad quemcunque laborem: Ratio est, quia id provenit ex prædominantia calidi, & humidi temperati cum siccitate: Si verò manus sunt excedenter carnosæ, indicant hominem rudem, ignarum, quia adest prædominantia frigidi, & humidi: Si tales manus sunt asperæ, & duræ, indicant fortitudinem corporis, sed ineptitudinem ad scientias, id enim provenit ex frigiditate.

MANVS verò breues moderatè indicant cum fortitudine sagacitatem animi: Si excedunt in paucitate, significant hominem furem, insidiosum, & fraudulentum: Si sunt intortæ valde flexibiles, & tenues, indicant loquacitatem, & voracitatem ob deficientiam caloris, & abundantiam frigidi, & humidi, ut in fœminis.

Hic autem est adnotandum, quod Chiromantes ex qualitate linearum existentium in palma manus proficiunt se posse diuinationes facere euentuum futurorum hominis: unde docent tales lineas respondere pla-

Bbbb ; netis

netis cœlestibus, Saturno, Ioui, Marti, Soli, Veneri, Mercurio, & Lunæ; & secundum proportionem influentiarum ipsorum nituntur vaticinari futuros euentus: quæ omnia sunt pura deliramenta, & potius figmenta à Diabolo inuenta ad decipiendum homines: Verum quidem est, quod ait Aristoteles in suis problematibus, nempe si manus habet perfecta lineamenta, ut verbi gratiâ, si in flexura radice pollicis ad modum capillorum extendantur lineæ per totam volam, vel saltem per maiorem partem, & in ipsa vola sint quatuor lineæ principales bene efformatæ profundæ non intersecatæ, vel saltem parum, & rinctæ colore carneo, & digiti habeant iuncturas suas facillè flexibiles, id signum patens est optimæ temperaturæ, eo quod cor rectè se diffudit per omnes partes corporis, & in manibus digessit omnem superfluitatem, & in his indicium patens est etiam probitatis morum, & inclinationis optimæ, longæque vitæ: Et si è contra sunt malè efformatæ, indispositæque, signum est oppositorum effectuum: quod verò talia lineamenta possint indicare peculiare euentus, & casus, id asserere omnino vanum est, & ridiculum: Et quia ad manus perfectionem spectant digiti, & vngues. Hinc

724. QVINTO queritur: quid dicendum de Physiognomia digitorum?

RESPONDETUR Digito nimis crasso, vel breues indicare maximam materiam crassam indigestam, obidque hominem ignarum, & stolidum, inuidumque: Digito verò debite longos, & molles, satisque inter se distantes aliquantulum ten-

dentes ad subtilitatem, indicare optimum temperamentum, hominemque ingeniosum, & modestum, sed breuioris vitæ: Si verò sint nimis collecti, vel depressi, vel globosi, significant avarum, & malignum, prouenit enim à materia indigesta.

DIGITI, qui facillè retrò valdè reuoluuntur in summitate, assimulantur animalibus carniuoris, & rapacibus, indicantque auariciam, rapacitatemque: Qui verò excedunt numerum quinarium digitorum manus, vel qui carent aliquo digito, signum est, quod adest deficientia, vel excessus materiæ in eorum compositione, obidque suspecti valdè sunt inclinationis fraudulentæ malitiosæ.

Et qui in sermone mouent digitos, & manus, indicant superbundare maximo calore, & spiritibus, obidque & esse naturæ iracundæ, & valdè præcipitis in suis actionibus.

Sexto queritur: quid dicendum de Physiognomia Vnguium?

VNGUES sunt minimæ partes corporis, earumque figura est aliquantulum rotunda cum tegumento carnis in tribus extremitatibus: generantur autem ex excrementis neruorum, arteriarum, & ligamentorum, inferuiuntque tum ad ornamentum, tum ad maiorem firmitatem digitorum. Hinc

RESPONDETUR: Quod si vngues sint plani moderate, molles, tennes, pellucidi, rubentes, tendentes ad album, signum sunt optimi temperamenti, prædominij moderati caloris, & humidi, indicantque hominem optimum.

VNGUES verò inflexi, curui, indi-

cant

eant excedentem calorem, inclinantque ad rapacitatem, & impudentiam, ut patet in Aquila.

VNGUES nimium breues, pallidi, vel nigri, asperique, indicant hominem fraudulentum, & malignum, ut patet in simia: id enim prouenit ex nimia humiditate, & modicitate caloris naturalis.

Hic autem Aliqui inferunt tractatum de nœuis, seu maculis in vnguibus apparentibus, quarum aliquæ sunt albæ, aliæ crocæ, aliæ cerulæ, aliæ nigræ: & istæ vel sunt rotundæ, vel angulares, vel lineares.

Et quia ex ineptia Aliquorum Astrologorum erunt, quod Veneri respondet pollex, & color rubens: Ioui index, & color item purpureus.

SATVRNO digitus medius, & color niger: Soli annularis, & color croceus.

MERCVRIO minimus, & color medius inter nigrum, & album. Hinc etiam ex tali correspondentia inferunt ex dictis maculis varios euentus: quæ omnia tamen sunt pura deliramenta, & somnia vanissima.

His deliramentis valdè affines, immò inaniiores sunt prædictiones, quas Nomanthici faciunt ex nomine homini imposito: sustinent enim litteras Alphabeti Latini secundum ordinem numerorum respondentium iisdem litteris, & præcipuè primas tres nominis respondere signis, & Planetis cælestibus, & secundum horum connexionem aspectus oppositionem influere in personam nominatam, & ex hoc posse certè prædicere euentus ipsi futuros: Vanissimum somnium, &

figmentum contra rationem, & rectam Philosophiam: Impossibile enim est ex signo fallibili, & à volubili voluntate imponentium dependente posse sciri certè, vel probabiliter id, quod pendet à causis necessariis, vel liberis: His omnis figmentis reddeamus ad nœuos vnguium.

CIRCA quos Dicimus, quod cum in naturæ officina nihil frustra agatur, hinc non est denegandum tales maculas aliquid significare: sed quid?

RESPONDEO, quod cum vngues producantur ex excrementis neruorum, iuncturarum, & articularum, per quas transeunt spiritus, sanguis, & dicta excrementa sanguinis: hinc secundum prædominium dictorum excrementorum quatuor humorum elementarium proueniunt dictæ maculæ, vel nigræ, vel crocæ, &c. hinc dicendum est tales maculas nullo modo esse indicatiuas euentus futuri, sed potius alicuius præteriti (licet etiam valdè remitte) ut verbi gratiâ, si aliquis euentus aduersus excitauerit atram bilem, &c. vnde nihil aliud dicendum de hac materia.

## QVÆSTIO XX.

De Physiognomia Cossendricum, Coxarum, Crurium, & Pedum.

725. SERAPH. DOCTOR tradit Physiognomiam Coxarum, comprehendens in vnum, & cossendrices, & coxas, & crura, sic & Aliqui Alij: Nos autem ad clariorem

rem intelligentiam de vtrisque sciunt  
etiam differemus.

NOMINE coxarum propriè veniunt illæ partes, & ossa, quæ supra crura sunt posita, & cum cruribus in genu connectuntur, & subtus costendrices cum ipsis uniuntur, ipsarumque sinibus recipiuntur: Costendrices autem sunt ossa, seu costæ minimæ connexæ ossi sacro, quæ ad pectus extenduntur, recipiuntque in suo sinu, & cavitate coxas, & appellantur etiam ossa laterum, quæ in viris sunt rectæ, in mulieribus curvæ ad faciilius ferendam prolem. Hinc

PRIMò Dicimus Costendrices, quæ aliquantulum ad latera exeunt, indicant hominem fortem, & virilem, quæ verò nihil exeunt, sed reddunt personam elegantem, & delicatam, indicant deditum ad libidinem: illæ autem, quas comitatur multa crassities in partibus posterioribus, indicant prædominium frigiditatis, & humiditatis, obidque & imbecillitatem viriam, & timidum: Si verò apparet magna gracilitas, ut in simia, signum est malignitatis, & fraudulentæ.

SECUNDò Dicimus Coxas in solo homine circumdari à multa carne, nervis, & ossibus valde duris, istis enim indigebat, ut recto capite posset incedere, in cæteris verò animalibus natura ista distribuit in ventre, & pectore.

QUI igitur habent coxas benè nervosas, carnosas, & ossibus crassis præditas, sunt valde fortes, & magnanimi.

Er è contra, qui habent molles, & exiliter connexas, sunt debiles ad modum fœminarum ob debilitatem caloris naturalis,

TERTIò Dicimus Genua valde carnosæ, & crassæ, ut in mulieribus significare debilitatem caloris naturalis, obidque & virium, & timiditatem, Idemque si genua strident in motu eo modo, quo digiti manuum, dum torquentur, strident: Si verò sunt moderatè pingua potius tendentia ad gracilitatem, signum sunt fortitudinis virium.

726. QUARTò Dicimus Crura ( quæ sunt veluti fundamentum totius fabricæ hominis ) habentia suram, ( quæ est pars infra genua posterior ) carnosam valde, & veluti gravidam, indicant hominem luxuriosum, impudicum, & intemperatum, & maxime si sit sura valde mollis.

RATIO est, quia ibi prædominatur materia crassa, humida, & frigida, quæ est complexio fœminea.

QUI verò habent crura delicata, lubrilia, & nervosa, sunt ut plurimum effœminati, quia pars sanguinis tali parti debita recurrit ad lumbos: attamen tales ut plurimum sunt viri fortes ob prædominium caloris, & siccitatis.

CRURA verò, & coxæ valde longa, & trunco breui improporcionata indicant imperfectam complexionem, suntque brevioris vitæ.

QUI habent crura per totum valde crassæ, sunt indociles, vilis animi ob superabundantiam humidi, & frigidi.

QUI habent crura valde brevia, & breviora trunco corporis, sunt debilis complexionis, quia adest deficientia caloris: sic etiam belluæ ob superabundantiam partis terrestris

terrestris , & frigiditatis sunt tales , indicantque animum malignum , inuidum , & ferum .

QVI habent crura naturaliter claudicantia , vt plurimum ad malum omne , maxime ad libidinem sunt propensi : de quo potest videri S. Hieronymus in *epistol. ad Iovinianum* : est enim regula firmissima apud Medicos , & Aristotelem , quod quando natura deficit in formatione alicuius membri , præcipue principalis , & noti , signum est etiam patens defectuositatis complexionis , & inclinatio- num naturalium , quod applicari potest & gibbis , & strabonibus , & similibus .

QVI habent crura de se pingua , sed propè talos valde restricta , & subtilia , fortes & corpore , & animo sunt : signum enim est , quod prædominatur in eis calor humido : si verò tali sunt crassi , & malè iuncti , sunt molles , & debiles , sicut sunt femineæ .

QVINTO Dicimus Pedes moderatè grandes , benè efformatos , & connexos cum cruribus , & in suis partibus , indicare animum virilem , nobilem , & virtuosum .

PEDES verò valde crassos , & breues infirmum hominem , ignarum , & iniuriosum , & ferum indicare : id enim prouenit ex prædominio frigidi , & humiditatis .

PEDES valde , & excedenter longi indicant nimiam caliditatem , & obid dolositatem animi .

PEDES positi super planum , & efformantes concavitatem in medio , indicant maximam malignitatem ob rationem adductam .

PEDES omnimodè pleni in in-  
R.P. Bart. de Castrov. Phil. P. III.

feriori planta indicant animi duplicitatem , sic enim ambular vulpes .

QVARE pes rectè efformatus exigit moderatam magnitudinem , crassitiem potiùs tendentem ad gracilitatem , planitiem cum mediocri concavitate in medio .

SEXTO Dicimus , quod si digiti pedum sunt curui , indicant impudentiam ad modum vngularum volucrum : si sunt valde prolixi , & veluti simul connexi ad modum anseris , indicant hominem timidum , & dolosum , prouenit enim ex superabundantia humiditatis , & frigidi .

QVI verò solum sunt restricti , non connexi , sunt valde astuti , & malis moribus præditi .

Et quia ambulatio est affinis considerationi pedum . Hinc

727. SEPTIMO Dicimus , quod ambulantes longis , & moderatis pedibus , signum dant magnanimitatis animi , prudentiæ , & applicationis consideratæ : indicant enim complexionem iustam , & moderatam : talis enim motus præcipitur Sacerdotibus à Sacris Canonibus .

QVI verò velociter incedunt longis passibus , & moderatis , indicant prædominium caliditatis , & etiam maturitatem , & sollicitudinem in negotiis .

QVI velocibus , & breuibus passibus incedunt , ratò complent negotia , ad multa se applicant , sed valde parua ad finem perducunt : ambulantes verò nimium lentè , indicant etiam tarditatem in suis negotiis , & parum bonos mores : qui verò incedunt modò lentè , modò

Cccc veloci

velociter, simulatores sunt, & viles animo.

QUI velociter ambulant oculis turbatis, corpore instabili, & veluti tremente, anhelitu sensibili, indicant pessimam complexionem superabundantiæ calidi, & sicci, talemque describit Sanctus Gregorius Nazianzenus fuisse Iulianum Apostatam.

Et qui ambulant torquendo totum corpus hac, illacque, vel veluti lentè, & lepidè trementes inclinando se modò ad dexteram, modò ad sinistram ad modum incessus fœminei: vel se inclinando ad terram, signum dant debilitatis virium, & animi, assimulanturque simiæ, inclinantque ad scurrilia, adulationem, fraudes, & vanitates.

QUI verò ambulant corpore, humeris, & capite erectis, sunt effœminati, confusæ cognitionis, superbi, iracundi, & suspiciosi, idque maximè procedit in iis, qui incedunt erecto capite ad modum animi admirabundi, vel aliquod novum attentè, & fixè aspicientis: signum enim est prædominij excedentis caloris exsiccantis alios humores hos effectus causantis, sic etiam incedit equus.

QUI autem corpore nec valdè erecto, nec valdè inclinato incedunt euitantes extrema, indicant optimam inclinationem ad modestiam, pietatem, verecundiam, ingeniositatemque.

728. Ex quibus omnibus suprâ traditis potest inferri, quænam sit optima Physiognomia hominis: exigit enim, ut in corpore, & membris non excedat in paucitate, nec in

brevitate, nec in magnitudine, longitudineque, sed tamen quod magis propendat ad magnitudinem, & longitudinem, quàm è contra: item quod corpus sit benè quadratum, non excedenter carnosum, & quod corpori proportionentur membra: item quod color cutis, & maximè faciei sit viuidus, carnosus, medians (ait Seraph. Doctor) vel inter album, & brunum, sed clarum, & propendentem ad rubeum: vel sit medius inter album, & purpureum.

TANDEM si pro complemento huius tractationis deberem exponere exemplar hominis perfectè complexionati, nullum aliud exhiberem, nisi Effigiem Serenissimi olim FRANCISCI primi Estensis Mutinæ, Regiique, &c. Ducis VIII. Hic, ut notissimum est, super omnes Principes sui temporis, & forsan huius sæculi corpore perfectissimè composito præditus fuit: & hinc etiam toti mundo in bello, & otio admirabilis eluxit.

PRINCEPS iste fuit verè vir societate politicus (verba sunt Seraphici Bonaventuræ in Ioan. collat. 54a) benignitate benevolus, largitate munificus, & omni virtute magnificus.

NOVIT & miro nexu connectere Regiam Maiestatem cum singulari benignitate, & benevolentia, Politicam cum pietate, potentiam, & iustitiam cum misericordia, aulicam vitam cum religione, & pudicitia (in qua ad miraculum exemplatissimus enituit) in bello strenuitatem, & vigilantiam cum animi insignis moderatione, & tandem sæcularem statum cum orna-

tu,

tu, & exercitio omnium virtutum: unde mirum non est, si viuens tanta æstimatione apud omnes valoreat, & post mortem eius sola memoria animos maximè solatur eorum, qui tantæ virtutis testes oculatos esse meruerunt.

HVC tanto Principi in Physiognomia corporis ( cum aliquantulo tamen excessu complexionis sanguineæ, viuidæ, & venustæ ) in indole, prudentia, vigilantia, & præstantia virtutis, & morum haud absumilis est eiusdem Nepos, & in moderandis populis Successor FRANCISCVS Secundus Dux Modernus Mutinæ, Regiique, &c. sub cuius auspiciis hi libri in lucem prodierunt: fexit Deus Optimus Maximus, vt sicut in eius adolescentia insiluit in ipsum Spiritus Domini, & mutatus est in virum ( quod & legitur de Rege Israël nouiter electo 1. Reg. cap. 10. ) sic diutissimè sibi, & orbi incolumis, in præfenti viuat, & tandem suffragante Sancto Bonauentura ad bona ventura, & æterna perueniat.

SED pro recta intelligentia suprà traditorum vnum monitum ex Seraphico Doctore hic apponendum necessarium existimamus.

SERAPHICVS igitur Doctor lib. 2. distinct. 32. dub. 6. disquirat, unde præexcellencia naturalium veniat in homine, an scilicet ex corporis complexione, an verò ex anima perfectiori?

ET acutissimè respondet, quod aliter respondebit Theologus, aliter Philosophus: nam Theologus respondebit, quod hoc venit ex distributione donorum Dei, qui producit omnia secundum ordinem de-

bitum, & obid aliquam animam virtuosiores altera producit ( intellige tamen intra sphaeram speciei animæ, vt in superioribus traditum est ) Naturalis verò Philosophus respondebit id prouenire ex diuersa dispositione corporis, vel quantum ad complexionem, vel quantum ad organizationem, & vterque benè respondet, sed meliùs Theologus, qui assignat causam principalem: licet enim sit verum, quod bona dispositio corporis multum expedit ad exercitium illarum habilitatum, quæ animæ iu sui creatione insunt, unde Cholerici ob acuitatem caloris vt plurimum sunt boni ingenij, tamen hæc regula aliquando fallit: videmus enim homines contrariæ complexionis esse ingeniosos: Sic enim Aliqui ad diuersa exercitia sunt apti, quidam ad Artes liberales, quidam ad Mechanicas, quidam ad Mathematicam, quidam ad Metaphysicam, quidam ad Naturalia, quidam ad Rationalia, ergo potius hæc diuersitas prouenit ex diuersa distributione donorum naturalium à Deo facta: sic etiam Philosophus in libro de animalibus, cum assignat causas dispositionis membrorum, vbi non inuenit causam principalem ex parte naturæ, recurrit ad conditricis Sapientiæ dispositionem.

Ex quibus patet, quod velle persistere nimis tenaciter in tradita arte Physiognomiæ ad dignoscendum mores hominum, est se subiacere periculo erroris, & deceptionis, obidque suprà tradita obseruanda sunt cum grano salis, & maxima maturitate, & moderatione.

ET hæc dicta sufficiant pro complemento horum tractatum de anima, & homine, quæ tibi, HUMANISIME, leuiter exhibeo, non vt præcisè tuam curiositatem pascam, sed ad eundem finem, quo ab hoc mystico S. Bonauentura exposita fuere, nempe vt ad inuisibilia per visibilia ascendas: & videns tot mirabilia à summo Opifice in hoc microcosmo aggregata exclamare valeas cum Regio Propheta *Psal. 8. Domine quid est homo, quod memor es eius, aut filius hominis, quoniam visitas eum?*

*minuisti eum paulo minus ab Angelis (vel vt ex Hæbreo) paulo minus à Deo gloria, & honore coronasti eum, & constituisti eum super opera manuum tuarum: omnia subiecisti sub pedibus eius: quàm admirabile est nomen tuum: sicque hæc prænosceus, & per ista Dei Omnipotentiam, multiformem Sapientiam, & infinitam Bonitatem erigaris ad ipsum toto corde super omnia amandum; Quod Deus benedictus dignetur nobis meritis, & precibus Seraphici Bonauenturæ concedere. Amen.*







EPITHOME METAPHYSICÆ

# PARS QVARTA

## CVRSVS PHILOSOPHICI

AD MENTEM

S. BONAVENTVRÆ SERAPH. DOCTORIS

*De Ente.*

729. **H**ÆC est vltima pars huius Cursus Philosophici ad Mentem S. Bonauenturæ, quem proposuimus in principio sub titulo fluminis quadruplicis, nempe Phisionis, Gehonnis, Tigris, & Euphratis, quæ flumina pertranseunda proponuntur iis, qui ad Paradisum Theologicum peruenire prætendunt. Quapropter cum prima tria Deo dante, & sub Duce Seraphici Doctoris enauigauerimus, superest pro complemento, vt hoc quartum etiam pertranseamus, nempe quia Eufrates interpretatur frugifer, ideò etiam Metaphysicam enodandam nobis proponit, quæ est veluti fructus, & finis omnium speculationum, quæ in tota Philosophia arripiuntur, obidque est & omnium Scientiarum nobilissima: Considerat enim veritates sublimissimas, quibus & pascitur intellectus, & ad limina immortalitatis, quam exhibet Theologia

Cccc 3

logia supernaturalis, collocat comedentes. Sed quia in traditis primis tribus partibus ferè omnia, quæ ab Aliis Philosophis vbertim in Metaphysica edocentur, sparsim à nobis Scriptoribus Seraphicæ doctrinæ enodata fuere, præcipuèque in tractatu formalitatum, tum in tractatu de vniuersali, tum in tractatu de Prædicamentis, tum & in tractatibus de Anima: hinc breui itinere, breuiori stylo, & summariè tantùm aliqua omissa hîc à Nobis in hac quarta parte proponuntur de more nostro sequentes sensum, & placita Seraphici Doctoris Sancti Bonauenturæ.

730. ANTEQUAM autem aliquam quæstionem proponamus, supponimus Metaphysicam esse propriè, & in rigore scientiam, immò omnium aliarum perfectissimam, eo quod alias certitudine, & euidencia superat, & vincit, immò & ipsa præscribit obiecta cæteris scientiis, & si opus est, illa probat quoad si est, & etiam quoad quid est, quia considerat entia omnia, eorumque essentiam, & existentiam, & proprietates: Sic Sanctus Bonauentura in *op. Princ. Sacræ Scripturæ*, & hinc eius obiectum est etiam vniuersalissimum, nempe ens sub ratione entis: Sic docet cum communi Seraph. Doctor *Serm. 1.º & 4. in Hexaëm. & in opusc. Princ. Sacræ Scripturæ, & in opusc. de reductione artium, & lib. 2. distinctione 18. articul. 1. quæst. 3.* Ratio enim entis vt sic est scibilis, quia habet prædicata essentialia, passionem, seu proprietates ab essentia consequentes.

Hic autem disquirunt DD. an sit proprium Metaphysicæ considerare non solum ens in communi, sed & entia inferiora in particulari, verbi gratiâ, substantiam, & accidens, immò & ipsum ens supremum, scilicet Deum.

ALIQUI Doctores opinionem negatiuam sustinent: sed Seraphicus Doctor affirmatiuam sustinet in *Serm. 1. Hexaëm.* nempe

nempè non solum considerat ens ut sic in communi, sed & considerat rationes speciales entium, quatenus tamen præscindunt ab omni sensibilitate, & important puram quidditatem, per quorum considerationem assurgit ad cognitionem primi, & supremi entis in ratione causantis exemplantis, seu Idealis, & finis: unde licet aliquantulum conueniat cum cæteris scientiis inferioribus, disconuenit tamen per hanc rationem formalem ab ipsis, quatenus omnia considerat per abstractionem à materia, & à sensibilitate, quæ ratio tamen infert tanquam à posteriori discrimen obiectuum huius scientiæ à cæteris: Vide, quæ dicta sunt à nobis in Physica *num.* 10. quia, ut ait Seraphicus Doctor *lib. 2. distinct.* 18. *citat.* considerat id, in quo assimilantur indiuidua, & species, & hinc se reducit in primam causam.

Et hinc patet, quale discrimen sit inter Metaphysicam, seu Theologiam naturalem, & supernaturalem, nam illa non exit limites cognitionis naturalis, ista cognoscit Deum ut ens supernaturale.

Quia plura de hac materia desiderat, adeat Mastrium in quæstionibus Proæmialibus Metaphysicæ: adeat pariter Suarez, Aliosque, qui hanc materiam de Metaphysica fusè pertractant, nam Nos tendentes ad finem huius longæ navigationis ea omnia breuiter expediemus.

\*\*\*

## QVÆSTIO I

*De quidditate Entis : in quonam  
consistat eius ratio quidditati-  
ua : Vbi de multiplici diuisione  
Entis.*

731. **Q**VIA Metaphysica tota  
versatur circa Ens : hinc  
iure merito hic primo loco disquiri-  
tur , in quonam sita sit ratio forma-  
lis entis.

PRIMA Opinio est Auic. Ali-  
quorumque Aliorum apud Suarez  
*dispnt. 2. sect. 4.* asserentium ens, quia  
est participium verbi Sum, es, est,  
significare accidens quoddam com-  
mune rebus omnibus existentibus,  
nempe existentiam aduenientem ipsis  
quidditatibus secundum essentiam,  
esseque accidens, quod adest, & aufer-  
tur à rebus, quæ Opinio tamen com-  
muniter reiecitur : falsum enim est  
existentiam esse accidens rebus ad-  
ueniens, & ens solum significare  
existentiam.

SECUNDA Opinio est communis,  
quæ distinguit de ente vel substan-  
tialiter, nominaliterque sumpto, &  
de ente adiectiuè, & verbaliter, siue  
participialiter sumpto : quam diui-  
sionem etiam tradit Seraph. Doct.  
*lib. 1. distinct. 23. artic. 2. quæst. 2. ad  
ultim.* Si sumitur hoc secundo modo,  
idest vt participium verbi sum, es,  
est, sic significat id, quod est, & exi-  
stit : quia, vt ait *lib. 1. dist. 7. quæst. 1.  
in corp.* est dicit actum absolutum  
entis, qui est existentia : Si sumitur  
primo modo, sic significat rem se-  
cundum se, prout præcindit ab  
omni existentia : quo pacto dicitur

de quacunque natura esse ens, etiam  
si non actu existat : & in hoc sensu  
præcipue consideratur à Metaphysi-  
co : Hinc

PRIMA CONCLUSIO : Ens  
substantiuè, & Metaphysicè sum-  
ptum significat id, cui conuenit es-  
sentia realis, idest non ficta, nec chy-  
merica, sed vera, & apta ad realiter  
existendum : Est communis cum Se-  
raph. Doct. *cir.*

PROBATVR : Quia ens in suo  
formali conceptu dicit propriam en-  
titatem : ergo & essentiam.

DICES : Etiam ens rationis, &  
fictum dicitur habere suam propriam  
entitatem : Sed

CONTRA : Quia propriè ens vt  
☉, seu essentia dicitur tantum in  
abstracto per ordinem tamen ad exi-  
stere : ergo dicitur tantum propriè  
de ente, cui non repugnat exi-  
stere, & quod habet possibilitatem  
logicam.

ET hinc Seraph. Doctor distin-  
guit *lib. 1. distinct. 8. part. 2. art. 1.  
quæst. 2. in corp.* inter ens vt sic, &  
esse : ens enim vt sic dicit ipsam en-  
titatem in abstracto, & esse dicit ipsum  
actum entis, seu existentiam : Sic &  
*lib. 4. distinct. 12. part. 1. art. 1. quæst. 1.  
ad 3.*

Ex quibus sequitur, quod ens sub-  
stantialiter, & ens adiectiuè sum-  
ptum differunt per conceptum mag-  
is, vel minus abstractum, vel per  
simplicitatem, & compositionem  
conceptus.

732. SECUNDA CONCLUSIO :  
Ens vt sic rectè diuiditur in ens po-  
tentia, & ens actu.

PROBATVR : Quia ens potest  
sumi vel in esse abstracto, & sub-  
stantialiter, & sic dicit entitatem in  
potentia, vel potest sumi verbaliter,

ter, & sic est in actu, vel actu existens: ergo.

DEINDE alias admittit subdivisiones, quas retulimus in tract. formalitatum.

## QVÆSTIO II.

*An Ens dicat unum conceptum simplicem communem omnibus entibus in particulari, præcipuè Deo, & creaturæ, substantiæ, & accidenti.*

**D**IXIMVS Metaphysicum considerare primò ens ut sic, & deinde entia in particulari sub ratione tamen quidditatis, & essentiae, & ob id agere de Deo, & creatis: hinc necessariò supponendum est adesse aliquam rationem communem istis particularibus entibus: Hinc quaeritur: an hæc communitas sit tantum nominis, & æquivoca: an sit analogica: an vniuoca: an scilicet ens sit vniuocum Deo, & creaturis: Attulimus quidem aliqua ad hanc quaestionem spectantia in Logica agentes de analogia: tamen solutionem huius quaestionis remisimus huc: Hinc

PRIMA Opinio tenet ens esse merè æquivocum tam respectu Dei, & creaturæ, quàm substantiæ, & accidentis, & nihil habere commune nisi nomen: Sic Aliqui apud Meldulam *disputat. 2. num. 105.* & respectu Dei, & creaturæ Pasqualig. *t. 1. disp. 28. & 29.*

SECUNDA Opinio tenet esse purum analogum: sic Thomistæ ferè omnes.

TERTIA Opinio esse vniuocum reat. *P. P. Barr. de Castrov. Phil. P. III.*

le absque vlla analogia permixta: Sic Arriaga *disputat. 11. Log. sect. 4. num. 40.* Ouidem. Mair. & ex parte consentiunt Scotistæ plures admittere veram vniuocationem esse præcisiōe reali, sed tamen admixtam analogiæ.

QVARTA Opinio admittit vniuocationem per conceptum factum ab intellectu admixtam cum vera analogia: sic Meldul. cum pluribus Aliis: Et hæc est germana Opinio Seraph. Doct. ut mox patebit: Pro solutione

733. PRIMò Aduertendum, quod cum nobis incumbat explicare sensum germanum Seraph. Doct. oportet priùs explicare, in quo sensu admittat analogiam, & vniuocationem: item quifnam conceptus inest in ente ut sic: Hinc Supponendum, quod conceptus alius dicitur formalis: alius obiectiuus: primus est ipsa conceptio, seu proles, seu species expressa intellectus, per quam repræsentatur intellectui ipsum obiectum: vnde primariò importat cognitionem, secundariò ipsam rem conceptam, & dicitur conceptus per denominationem intrinsecam, quia est forma existens, & inherens in ipso intellectu: Obiectiuus verò est ipsum obiectum ut mente conceptum, & ob id significat primariò rem ipsam, & secundariò conceptum per denominationem extrinsecam: Vterque autem conceptus vel est adæquatus, vel inadæquatus: Adæquatus est, quando perfectè præscindit absque vlla inclusione inferiorum, ut est in Sententia Seraphica conceptus substantiæ respectu inferiorum graduum prædicamentaliū: est enim quid priùs ipsis, & cum formali distinctione inter ipsos gradus: Inadæquatus

quatus verò est, quando non potest concipi superius absque inclusione saltem confusa inferiorum: idque potest esse vel ratione convenientiæ inferiorum in aliqua realitate communi, vt Petri, & Pauli in humanitate, & hæc coincidit cum superiori conceptu adæquato, cum perfectè à parte rei humanitas præscindat ab ipsis: vel per aliquam similitudinem, & proportionem saltem inchoatam, secundum quam inferiora conueniunt: de qua duplici convenientia agit S. Bonavent. *lib. 1. dist. 25. art. 2. quæst. 1. & aliis locis infra citat.* Sed vt hæc vltima conceptio inadæquata rectè intelligatur, quomodo conueniat enti.

734. SECUNDÒ Aduertendum, quod, vt à nobis traditum est in Log. in Antepredicam. Analogia est duplex (provt facit ad rem nostram) alia dicitur proportionis, alia attributionis: sic communiter DD. A Seraph. Doct. analogia proportionis appellatur convenientia secundum similitudinem tantum, & hæc vel est realis *ex lib. 1. distinct. 25. artic. 2. quæst. 1.* vel est rationis *ex lib. 1. dist. 1. dub. 5.* Convenientia autem *ex lib. 1. dist. 1. art. 3. quæst. 1.* alia est per vnus naturæ participationem: alia per comparisonem: Prima facit vniuocationem: secunda analogiam: Hæc vel est per comparisonem duorum ad duo, vt sicut se habet homo ad animal, ita albedo ad colorem, idest species ad genus; & dicitur propriè analogia proportionis, quæ analogia proportionis est vel metaphorica, vel propria, vt infra dicemus: vel est per dissimilem comparisonem duorum ad vnum, verbi gratià, animalis, & cibi ad sanitatem: nam in vno est verè forma sa-

nitatis intrinsecè ipsum denominans, scilicet animal, in alio effectiue tantum, & per denominationem extrinsecam, & dicitur communiter analogia attributionis: & ab Aristot. 4. *Metaph. cap. 2.* dicitur ab vno, vel ad vnum: tertio vel est secundum comparisonem duorum ad inuicem, scilicet cum vnum est similitudo seipso alterius: sic imago in speculo est similitudo faciei tuæ: similitudo enim non conuenit consimili in tertio, sed seipsa: sic anima est similitudo Dei: anima est quodammodò omnia, scilicet per intellectum est similitudo eorum, quæ exprimuntur in ipso, & dicitur analogia imitationis: & hæc (ait Seraph. Doct. *lib. 2. distinct. 6. art. 1. quæst. 1. ad 2.*) non importat identitatem, vel communitatem vnus naturæ in analogatis, sed tantum convenientiam, & proportionem ordinis: Addimus, quod, vt innuimus, analogia proportionis est duplex: alia extrinseca, & metaphorica, vt dicitur pes de animali, de scamno, lectulo, &c. explicaturque per quandam metaphoram tali pacto; sicut se habet pes ad animal, ita pes ad scamnum: Alia proprià, & intrinseca, in qua adest vera entitas in analogatis, quæ fundat proportionem intrinsecam, sicut est liberum arbitrium in Deo, & creatura: id enim, ait Seraph. Doct. *lib. 2. dist. 25. dub. 3.* importat conformitatem secundum eandem naturam in Deo, & creatura non vnitate vniuocationis, sed analogiæ, & consimilis habitudinis, quæ inter Deum, & creaturam potest esse in Deo: addit *lib. 1. dist. 7. quæst. vltim.* quod eadem analogia est in ente respectu Dei, & creaturæ per reductionem ad vnitatem similitudinis proportionis, non naturæ, & quod

quod sic analogatur, non est inter alia: unde distributio propriè pro illò non distribuit, nisi sit extensa, idest expressa, seu determinata, vel ampliata: sic est Deus in ente respectu creaturæ: hinc patet ens in Sententia Seraphica non esse vniucum verum in ordine ad Deum, & creaturam, sed tantum analogum analogia proportionis vera, & intrinseca, &c. ut diximus in Logica. Hic autem pro intelligentia sensus Seraphici duo moneo: primum est, quod in *loc. cit. lib. 1. dist. 7. & clariùs lib. 2. dist. 25. art. 2. quaest. 2. in corp.* admittit analogiam cum vniucatione admixtam, quando scilicet adest in omnibus analogatis eadem natura, sed cum ordine, & inæqualitate secundum prius, & posterius: secundum est, quod in analogia proportionis per comparationem Dei, & creaturæ, licet non detur vera communitas realis, ut est in Petto, & Paulo in humanitate, datur tamen communitas rationis: Sic *lib. 1. distinct. 1. dub. 5. & lib. 1. distinct. 25. artic. 2. quaest. 1. & 2.* Ex quibus sequitur, quod non solum analogata intrinseca, idest habentia vnam communem formam, sed etiam illa analogata proportionis, in quibus non adest quidem eadem forma, sed in quolibet diuersa, sed cum aliqua similitudine, vel mutua habitudine ad inuicem datur vnus conceptus communis præcisus vniucus, licet non cum perfecta vniucatione, sed cum vniucatione rationis, quod & in Log. in Antepædic. *q. 2. & 3.* probatum est fusè à nobis contra Scotistas, & Thomistas.

735. TERTIO Aduertendum, quod præcisio conceptus ab inferioribus est duplex ex Seraph. Doct. *lib. 1.*

*distinct. 27. artic. 1. quaest. 3. & lib. 1. dist. 34. art. 1. quaest. 2. & lib. 1. dist. 25. art. 2. quaest. 2.* Alia est realitatis habentis à parte rei esse formaliter distinctum ab inferioribus, sic sunt gradus prædicamentales: Alia est realitatis habentis esse tantum per intellectum: Et hæc etiam potest esse duplici modo, primo, vel est per imperfectam præcisionem, quatenus conceptus non dicit aliquem gradum vel formaliter, vel virtualiter distinctum, sed est conceptus inferiora includens implicitè, & confusè secundum proprias eorum rationes, solumque præciscens ab explanatione, & expressione eorundem inferiorum: sic est Deitas à Deo, humanitas ab homine, sic rector nauis, & rector scholæ dicunt aliquam vnitatem analogam, & hæc potius stat cum æquiucatione, & de hac hic non est Sermo: secundum vel est conceptus præcisus cum fundamento in re, obidque distincti virtualiter tantum impotentis gradum superiorem ab intellectu efformatum, sicque dicit perfectam vnitatem conceptus obiectiui, & formalis virtualiter distincti: quo pacto dicimus ens esse abstractum per intellectum à Deo, & creaturis, & hoc pacto in Sententia Seraphica abstrahimus sapientiam, iustitiam, &c. à Dei Essentia.

736. QUARTO Aduertendum, quod hoc discrimen est inter utramque abstractionem primam, & realem, & hanc ultimam, in qua interuenit distinctio virtualis: quod in prima reali abstractum est prius suis inferioribus, prius, inquam, prioritate naturæ, à quo non conuertitur subsistendi consequentia, scilicet quod potest esse sine aliis, sed alia

non sine ipso : Non enim valere , est animal : ergo homo : bene aurem est homo : ergo animal : & ob id verè contrahitur per aliquam realitatem superadditam ; sic est genus in ordine ad species , & indiuidua , & facit compositionem : At abstractum ultimo modo est quid posterius ipsis inferioribus inadæquate conceptis , quia abstrahitur ab ipsis iam in suo esse constitutis , & deinde per actum reflexum intellectus refertur ad eadem inferiora , simulque contrahitur per particulares conceptus , verbi gratia , ens per finitum , & infinitum , quæ prioritas est tantum logica , seu secundum consequentiam , non secundum causalitatem , & hæc est communitas rationis , quam admittit Seraph. Doct. in analogia proportionis , per quam potest stare cum vniuatione imperfecta , vt diximus loco citato in Logica : His positis

737. PRIMA CONCLUSIO : Ens vt sic habet in intellectu nostro vnum conceptum formalem , qui non repræsentat aliquid sub se contentum secundum propriam eiusdem rationem : item & habet conceptum obiectiuum consimilem , qui est vnus , & præcisus importans gradum superiorem communicabilem inferioribus , si non ex natura rei , saltem secundum rationem cum fundamento in se : Conclusio habet tres partes , nempe quod ens habeat conceptum vnicum superiorem formalem , & obiectiuum , & sit præcisus cum fundamento in se : & tota est contra fere omnes Thomistas apud Meldulam *disp. 2. quest. 1. per totam* : est tamen Seraph. Doct. Scoti , & Plurimorum Aliorum , & fere communis. Quod fit Seraph. Doct.

PROBATVR ex eodem Seraph. Doct. qui *lib. 1. distinet. 1. dub. 5.* admittit communitatem rationis in ente respectu Dei , & creaturæ : ergo vnitatem conceptus formalis : & *lib. 1. dist. 8. part. 1. dub. 4. & lib. 2. dist. 3. part. 1. dub. 1.* notat , quod ens vt sic non dicit magis , & minus : in comparatione verò ad diuersas substantias , & naturas , vt ad Deum , & ad creaturas , recipit magis , & minus : igitur de se importat conceptum vnicum obiectiuum ; & idem repetit *ibid. lib. 1. dist. 8. dub. 6.* dicens , quod creatura comparata ad Deum vt tributentem esse creaturæ est magis ens , quàm si non compararetur : comparata verò secundum habitudinem æquiparantiæ , & proportionis , dicitur quasi nihil non in se , sed à proportionem , sic ens vt sic dicit communitatem , & vnitatem conceptus tum formalis , tum obiectiuum.

PROBATVR autem prima pars de conceptu formali , & simul obiectiuo : Vnitas conceptus formalis sumitur ex duplici capite , primò ex vnitatem conceptus obiectiuum : secundò ex experientia , quando experimur in tali conceptione intellectum non distrahi ad diuersa , sed magis vniri , sed dicendo ens vniri intellectus in se , sicut cum profert hominem , animal , &c. non sicut in prolatione vocis canis : ergo. Tum quia ens ex vi suæ impositionis non significat immediatè aliqua plura vt plura , sed ipsam generalissimam rationem , in qua plura conueniunt : ergo auditur hoc nomine non distrahitur intellectus ad plura , sed magis vniri.

738. PROBATVR secundò ex regula Scoti : Quotiescunque intellectus est certus de vno , & dubisu de



de duobus, tunc intellectus habet conceptum differentem d' eo, de quo est dubius à conceptu de duobus, vt verbi gratiâ, si cogitando de vno sit certus, & cogitando de duobus sit dubius, alioquin esset simul certus, & incertus de eodem, quod est impossibile: sed intellectus potest certificari de aliquo, quod sit ens, & simul esse dubius, an sit Deus, an creatura, an substantia, an accidens: Sic Philosophi de primo Motore erant certi, quod erat ens; incerti, an esset Deus, an aliqua intelligentia creata, & tunc intellectus conceptus certus non cadit immediate super Deum, & creaturam, sed tantum super ens, & conceptus disunctus dubius cadit super inferiora: ergo ens habet vnum conceptum formalem ab inferioribus.

PROBATVR tertio ex virtute præcisiva intellectus: Quia intellectus noster potest res in plures resolvere conceptus vsque ad supremum determinabilem, & vltimum determinatum: hæc enim est vis abstrahentis intellectus ex Seraph. Doct. *lib. 1. distinct. 27. artic. 1. quest. 3. & lib. 2. dist. 18. art. 1. quest. 3. & lib. 4. dist. 50. part. 2. art. 1. quest. 1. ad vltim.* potest enim intellectus attingere res, prout conueniunt inter se, & prout differunt: sed vltimus conceptus, in quo omnia conueniunt, est ens: ergo & habet conceptum vnum formalem.

739. PROBATVR quarto: Quia conceptus formalis consistit in esse representatiuo obiecti: est enim ipsius naturalis imago, sed non repræsentat conceptus entis rationes peculiare Dei, & creaturæ: ergo est diuersus: nam, vt rectè docet S. Bonau.

*lib. 1. distinct. 35. quest. 1.* omne cognoscens vt tale est simile obiecto cognoscibili: ergo habet in se eius similitudinem, vel ipse est similitudo.

ADDIMVS pro secunda parte Conclusionis: sed vnitati conceptus formalis necessariò debet correspondere obiectiuus, intellectio enim est alicuius rei intellectio: ergo vnitati intellectionis respondere debet vnitas termini.

CONFIRMATVR: Quia intellectus noster non potest simul attingere plura, vt plura sunt, sed tantum prout in vnum conueniunt. Tum quia si conceptus formalis est vnus, & simul indifferens ad omnia inferiora, oportet & ipsum habere vnam, & eandem rationem in singulis inferioribus, alioquin non esset vnus in repræsentando, sed debet esse vnus non solum in essendo, sed & in repræsentando: immò quia est vnus in repræsentando, est vnus etiam in essendo, quia specificatur ab obiecto: ergo. Et ad probationem maioris faciunt ea, quæ fusi tradidimus in Logica in tractatu formalitatum contra præcisiones formales.

DICES hæc argumenta probare vnitatem conceptus entis respectu creaturarum, in quo potest admitti sine vlla contradictione etiam ex Seraph. Doct. non verò per ordinem ad Deum, & creaturas: nam, vt dicit Seraph. Doct. *lib. 1. distinct. 8. quest. vltim.* Deus non est ens inter creaturas, idest nihil habens commune.

CONTRA ex eodem Seraph. Doct. *ibid. part. 1. aub. 6.* creatura comparata ad Deum vt creatorem habet esse: Deus comparatus ad creaturas habet

habet esse, licet diuersum, scilicet infinitum: ergo conueniunt in esse, licet per comparationem æquiparantiam, & secundum pæculares rationes sint entia diuersa: ergo nulla responsio.

**CONFIRMATVR** ex eodem Seraph. Doct. lib. 1. dist. 8. part. 1. dub. 4. & lib. 2. distinct. 3. citat. Ens increatum comparatum enti creato dicitur magis ens, quàm creatum: ergo in aliquo conueniunt: quæ enim comparantur in tercio, comparantur in eo, vt in attributo vtrisque communi: non enim dicimus albedinem esse magis coloratam sono, quia color non habet aliquam communitatem ad albedinem, & sonum: ergo conueniunt in vnico conceptu tum formali, tum obiectiuo, & per hæc remanent solutæ rationes Pasqualigi admittentis hanc vnitatem in ente respectu substantiæ, & accidentis, non verò Dei, & creaturæ: eadem enim rationes idem probant.

**740. TERTIA** verò pars superest probanda, scilicet quod talis conceptus sit perfectè vnus, & perfectè præscindens ab inferioribus modo explicato in 3. *Notab.*

**PROBATVR** igitur primò tum ex rationibus suprà allatis de conceptu formali, & obiectiuo, tum quia cum cogito, an aliquid sit, vel non, tunc non inquiri, quomodò sit, scilicet an finitum, an infinitum, quia ad primum sufficit primus actus intellectus: ad secundum actus etiam reflexus, & comparatiuus: ergo perfectè præscindit ratio entis ab inferioribus.

**RESPONDENT** Aduersarij includi in tali conceptu inferiora implicite, & confusè.

**CONTRA**: Ergo explicitè est

diuersus conceptus, vt patet in conceptu generis, sed per talem expressam conceptionem habet aliam vnitatem ab inferioribus: ergo.

**PROBATVR** Minor: Quia talis expressio fit per actum intellectus præscindentis perfectè ab inferioribus, vt diximus id patere in genere, quod formaliter in opinione Aduersariorum includit inferiora, & tamen perfectè præscindit ab ipsis ratione talis expressionis factæ ab intellectu cum fundamento in re: faciunt etiam pro probatione huius Conclusionis ea, quæ à nobis tradita fuere in Logica de analogia proportionis.

**741. SECUNDA CONCLUSIO**: Ens vt sic, & vt perfectè præscindens non est vniuocum reale ad Deum, & creaturas, ad substantiam, & accidentis: Est S. Bonau. lib. 1. dist. 1. & 8. loc. cit. & lib. 1. dist. 3. citat. & lib. 1. dist. 35. quæst. 1. ad 2. & in corp. & lib. 2. distinct. 16. quæst. 1. & lib. 3. distinct. 14. artic. 1. quæst. 3. ad 3. & distinct. 6. quæst. 3. fund. 4. vbi negat vniuocationem inter substantiam, & accidentis: est & communiter Thomistar. & Scotist. contra Fabrum Theor. 94. Pontium part. 3. disput. 16. n. 11. Ant. Andr. 1. Metaph. quæst. 1. art. 3. Cannon. Bonet. Aliosque Scotistas asserentes conceptum entis fundari in realitate aliqua communi ex natura rei distincta ab inferioribus, non quidem subiectiua, vt est in naturis prædicabilibus contrahibilibus per varias differentias, sed subiectiua, quatenus est nata ex natura rei terminare vnicum conceptum mentis, & nata contrahi non per varias differentias, sed per modos intrinsecos, & tales dicuntur esse realitates transcendentes.

**CONTRA**

CONTRA quos probatur nostra Conclusio primò: In Deo non datur vlla compositio: ergo non datur vlla realitas communis Deo, & creaturis distincta ex natura rei.

PROBATVR Consequentia: quia si datur talis ratio formaliter distincta, necessariò erit potentialis, & ob id contrahibilis per aliquid superaditum, sique efficiet compositionem Metaphysicam.

RESPONDENT negando Consequentiam ex eo, quod talis non est contractio vera, sed tantum dici contrahi per modos intrinsecos, qui non sunt differentiarum contrahentes, sed quid idem realiter, & formaliter cum ipso ente: unde cum illa ratio entis non habeat potentialitatem subiectiuam, sed tantum obiectiuam, hinc nec sequitur compositio.

CONTRA: Quia illa realitas practice secundum eos est quid distinctum ex natura rei à Deo, & creatura, & ambobus communis, & ob id nec de se est hæc: ergo est potentialis, ergo necessariò admittit compositionem Metaphysicam. Tum quia per potentialitatem obiectiuam vel intelligunt conceptum incompletum non habentem perfectam vnitatem nisi per opus intellectus, & sic idem Nos dicimus, vel intelligunt vnam realitatem habentem vnitatem perfectam ex natura rei communem ambobus, sique non possunt euitare potentialitatem, & componibilitatem. Et ad id de contractione per modos

RESPONDETUR ex Meldul. *civ.* 71. non tollere vim argumenti: nam contractio per modos est à posteriori, quia modi intrinseci sunt extra essentiam rei, ipsamque supponunt in esse: ergo antequam intelligatur infinitas in Deo, & fini-

tas in creatura, præsupponitur illa ratio communis iam in ipsis contracta.

742. PROBATVR secundò à Seraph. Doct. lib. 1. dist. 1. dub. 5. Diuisum est diuidentibus simplicius, idest ipsis partibus subiectiuis: sed Deo nihil est simplicius: ergo supra Deum non datur aliud superius commune.

PROBATVR terriò: Quia nihil potest esse verè commune Deo, & creaturæ: opponuntur enim adinuicem per finitum, & infinitum, per esse à se, & ab alio, &c. ergo.

PROBATVR quattò: Non potest dari aliquid prius ipso Deo: sed talis esset hæc realitas contrahibilis, nempe prior ipso constituto, scilicet Deo: ergo.

PROBATVR Minor: quia sic est prius natura eo modo, quo est animal prius homine, Leone, &c. habet enim in illo esse indifferentiam ad vtrumque, obidque & prioritatem non solum Logicam, idest solius prædicationis, vt dicunt Aliqui Scristæ, sed Metaphysicam: consequens est falsum: ergo.

CONFIRMATVR, & magis vrgetur hæc ratio Seraphica: Si ens contrahitur per infinitatem ad Deum, & per finitatem ad creaturam, sequitur, quod cum prius contrahatur ad Deum totaliter, absorbeatut tota ratio entis ad Deum: infinitas enim est modus totalitatis.

PROBATVR quintò: Quia talis realitas nec esset creata, nec increata, participata, vel imparticipata de se, & in suo esse, sed id implicat: ergo.

RESPONDENT concedendo sequelam, & negando minorem ex hoc, quod prædicata communia vt  
sic

sic præcindunt à differentiis : sic animal de se nec est rationale , nec irrationale : pari modo illa realitas nec est creata , nec increata.

CONTRA : Quia nihil potest concipi in Deo à parte rei existens , quin participet esse increatum , & infinitum essentialiter , & intrinsicè ; sic nec in creatura , quin participet esse creatum , & participatum non solum identicè , sed & formaliter , & non solum cathegorematicè , sed etiam syn-cathegorematicè , idest secundum omnem suam formalitatem etiam quoad supremam , & infimam : ergo.

PROBATVR assumptum , & summo hanc realitatem communem , & peto , an in homine sit creata , & participata : an non ? Respondent , quod non.

CONTRA , & peto , secundum quam rationem in homine est participata , finira , & creata per se primo , & adæquatè : Si dicas , quatenus est in homine , vel cum humanitate , vel animalitate : ergo ( infero ) accidentia in homine non habebunt esse participatum , quia non haberent hanc rationem secum per se primo trahentem participationem : sed consequens est falsum : ergo prima ratio fundans dependentiam , & participationem est ipsissima ratio entis , quæ ut sic conuenit creaturæ. Sed videatur Meldul. *cir.* qui has , & alias rationes fusè prosequitur , & probat hanc Conclusionem , & de more impugnat responsiones Scotist. doctissime.

743. TERTIA CONCLUSIO : Ens ut sic respectu Dei , & creaturæ est verè analogum analogia proportionis , & similitudinis , simulque vniucum secundum nostrum modum concipiendi cum fundamento

in re : Est plurimum Scotist. cum Meldul. in *Metaphys. disput. 1. 2. num. 66.* Et hæc est opinio germana Seraph. Doctoris.

NE autem fiat aliqua deceptio in Sententia Seraphica hæc , & ut pateat , quomodo diuersè sentiat à Scotistis , & à Thomistis pluribus , de quibus videre est apud Complut. *disput. 11. Log. quest. 3. & Meldul. in Metaph. disp. 2. num. 114.* aduertendum , quod Seraph. Doct. *lib. 1. dist. 1. art. 3. quest. 1. ad 1.* explicat analogiam proportionis secundum comparisonem duorum ad duo , verbi gratiâ , sicut se habet homo ad animal , ita albedo ad colorem : & ad rem nostram sicut se habet entitas ad Deum , ita entitas ad creaturam , id tamen non debet intelligi de analogia , seu similitudine metaphorica , ut dicitur pes de animali , & de scanno , & de base lectuli : hæc enim est similitudo potius metaphorica , quàm vera : at in hac analogia adest vera similitudo , quæ fundatur quidem in vera entitate in ipsis inferioribus existente , licet postea sint dissimiles secundum ipsorum proprias rationes , & in hoc sensu dicitur Deus ens non inter omnia : quia , ut docet Seraph. Doct. *lib. 1. dist. 25. dub. 3.* liberum arbitrium , liberum , inquam , à coactione reperitur in creatura , & Deo conformiter ( Nota sequentia ) & secundum eandem rationem non conformitare vniucationis ( per quod nota excludere realitatem communem veram ) sed potius analogiæ , & consimilis habitudinis , quæ inter Deum , & creaturam potest esse : & *lib. 1. dist. 8. par. 1. dub. 4.* quod esse in comparisonem ad idem subiectum non dicit magis , & minus , idest intensionem , & remissionem :

nem : in comparatione ad diuerſas ſubſtantias, & naturas magis, & minus dicunt gradum, & exceſſum, & ſic eſt magis, & minus in ente reſpectu creaturæ, & creaturæ, in quibus exceſſus quilibet eſt finitus, & proportionabilis (verbi gratiâ inter ſubſtantiam, & accidens) reſpectu creaturæ, & creatoris eſt exceſſus improporcionabilis, & infinitus : ex quibus patentiffimum ſit dari magis, & minus in entitate, ſeu in ente, & ſi comparatio ſit inter Deum, & creaturam, eſt exceſſus infinitus, qui non ramen tollit, quod creatura non habeat proprium eſſe, & propriam entitatem : vnde ratione proportionis, & ſimilitudinis adeſt conceptus communis in ente: quicquid dicant Meld. *cit. n. 114.* & Nos ſatis diximus in Log. & è contra, quicquid dicant Comp. *cit.* nitentes probare ex aduerſo eſſe hanc communitatem entis ſecundum metaphoricam proportionalitatem eo modo, quo dicitur pes de animali, & ſcamno : Ex quibus pater Seraph. Doct. non admittere ſolum analogiam proportionalitatis, ſeu Metaphoricam, quam Seraph. Doct. appellat attributionis, vt dicitur de pede, nec item attributionis, vt admittunt Scotus apud Meldul. *cit. n. 117.* Aliique, ſed tantum proportionis, & ſimilitudinis intrinſecæ.

744. Et hinc noſtræ Concluſionis ſic explicatæ prima pars probatur : Communitas entis vt ſic non importat æquiocationem, nec vniuocationem realem : ergo analogiam : Conſequentia eſt clara, quia analogum eſt medium inter vniuocum, & æquiuocum. Probatur antecedens, & primò, quod non ſit æquiuocum : quia ſi ens vt ſic eſſet quid æquiuocum, non caderet ſub vna ſcientia, ſcili-

cet Metaphyſica, ſed eſt obiectum Metaphyſicæ, & ab ipſa conſideratur : ergo. Tum quia ſi eſſet æquiuocum, nihil poſſet de Deo cognosci ex creaturis, quod eſt contra Philoſophum, & rectam fidem dictantem inuiſibilia Dei per viſibilia conſpici. Probatur conſequentia : quia ſi ens eſt æquiuocum : ergo & alia prædicata communia entis : ſicque arguendo ab his, quæ ſunt in creatis ad Deum, interueniret ſemper fallacia : & hinc Seraph. Doct. in Itiner. Ment. *cap. 3.* acutiſſimè docet, quod ens conſiderari poteſt vt diminutum, & completum, vt in potentia, & in actu, vt ſecundum quid, & vt ens ſimpliciter, vt ens in parte, & totale, vt ens tranſiens, & manens, vt ens per ſe, & per aliud, vt ens permixtum non enti, & vt ens purum : vt abſolutum, & vt dependens : vt ens mutabile, & immutabile, vt ens ſimplex, & vt compoſitum, ſed ens deficient cognosci per ordinem ad ens perfectiſſimum, & viceuerſa : Sic & *lib. 1. diſtinct. 3. part. 1. art. 1. quaſt. 3. & lib. 1. diſtinct. 22. artic. 1. quaſt. 3.* & pluribus aliis locis docet Deum cognosci in via per creaturas, quia in iſtis adeſt veſtigium, vel ſimilitudo Dei : ergo adeſt aliqualis ſimilitudo imperfecta : ergo analogica. Tum quia ſi eſſet æquiuocum, non haberet paſſiones : paſſio enim naturam determinatam, & vnâ ſequitur, nec poſſet eſſe medium demonſtrationis, quod eſt falſum : dicimus enim omne ens eſt bonum, Deus eſt ens : ergo bonum. Tum quia ex dictis ens habet vnum conceptum formalem, & obiectiuum : ergo. Quod verò non habeat vniuocationem realem.

PROBATVR ex Seraph. Doctore  
Eccc *lib. 3.*

R. P. Barr. de Caſtro. Phil. P. III.

*lib. 3. distinct. 2. art. 1. quæst. 1. ad 2.* quia inter Deum, & creaturam adest distantia infinita, sed hæc distantia est per recessum ab æqualitate, & participatione naturæ æternæ, & infinitæ, non verò per oppositionem ad conuenientiam secundum rationem ordinis, & imitationis: ergo non habet vniuocationem, & *lib. 1. dist. 8. dub. 6. & 8.* creatura comparata ad Deum dicitur quasi nihil, non quidem in se, sed in comparatione: ergo non habet vniuocationem. Tum quia creatura imitatur quoad esse ipsum Deum.

**PROBATVR** secundò: Quia creatura habet esse à Deo participatum, ergo habet esse non quidem æquale: sed inæquale: ergo habet esse analogum per ordinem ad esse Dei: ergo est similitudo analogica ex traditis in *2. Notab.* quæ rationes probant proportionaliter eandem analogiam inter substantiam, & acciden.

**745. PROBATVR** secunda pars: Quia vniuocatio est compossibilis cum analogia, vt dictum est in Logica, & suprà in fundamento secundò: vel enim se tenet analogia ex parte æquiuocorum, vel ex parte vniuocorum ex traditis in Logica in Antepredicamentis, sed ratio entis vt sic non est æquiuoca, vt probatum est, ergo se tenet ex parte vniuocationis.

**PROBATVR** consequentia: quia ad rationem vniuocationis sufficit vnitatis, & identitas rationis correspondens nomini communi: sed hæc inest in ratione entis vt sic, & vt concepti ab intellectu in statu abstractionis factæ ab intellectu: id enim etiam potest conuenire alicui rationi in Diuinis existenti, & in creatis, vt in ratione personæ liberi arbitrij,

& consimilibus, vt probat Seraph. Doct. cit. Tum quia si ens vt abstractum ab intellectu non potest recipere vniuocationem rationis, id maxime quia includitur in iisdem inferioribus secundum peculiare rationes, sed id non impedit: ergo.

**PROBATVR** Minor, nam Maior admittitur: quia etiam si nulla adsit distinctio realis inter rationem entis, & rationes peculiare, adest tamen aliqua distinctio rationis, seu virtualis: ergo intellectus habet fundamentum ipsum concipiendi, & commune, & contrahibilem per modos peculiare: ergo: & ed maxime quia vniuocatio non consistit in diuisibili, & ens recipit magis, & minus, vt dictum est ex Seraph. Doctore, & ex communi, nec quælibet similitudo est summa: ergo.

**HINC** superest soluere argumenta Aduersariorum contra primam Conclusionem.

**OBIICI** primò: Ens est æquiuocum ad inferiora: ergo non habet vnitatem conceptus siue formalis, siue obiectiui.

**PROBATVR** antecedens: Conceptus entis omnino coincidit in omnimodam identitatem cum omni ratione particulari nullo pœnitus sibi addito: quicquid enim potest concipi additum, est ens: sed inferiora sunt omnino diuersa specie, immò & genere: ergo.

**746. RESPONDETUR** negàdo antecedens: Ad probationem responderetur ex Scoto, quod duplex est in determinatū descendens ad inferiora, vnum quod descendit per aliquid additum, vt est genus: aliud est indeterminatum dicens totum, quod dicunt inferiora per modum totius, nec expectat terminari per aliud, vt species respectu iudij

individuum, quæ se totis conueniunt in specie, & in numero differunt: & hoc commune non descendit in inferiora per aliquid additum, taleque est ens respectu Dei, & creaturarum: At negatur hoc non habere unitatem conceptus: nam licet rationes particulares non differant à parte rei ab ipsa ratione communi, tamen differunt virtualiter: aliud enim est dicere ens, aliud esse à se, vel ab alio, per quas rationes intelligitur illud commune contrahi: nam, vt rectè docet Seraph. Doct. lib. 1. dist. 27. art. 1. quæst. 3. in corp. si intellectus noster intelligit aliquid vt quod, necessariò exigit aliquam rationem, per quam intelligibile intelligitur, sicque exigit & quod, & quo; si igitur intelligit ens substantiè, necessariò intelligit entitatem, & ipsum, quod eam habet, sicque ratio, qua est ens, scilicet entitas, est resolubilis: hinc patet fundamentum nostræ assertionis, in quo casu compositio, seu contractio non est penes obiectum, sed penes intellectum nostrum: & hoc pacto satisficit pluribus consimilibus obiectionibus factis contra nostram Conclusionem.

**OBIICIUNT** secundò Thomistæ: Deus est ens per essentiam, creatura per participationem: ergo creatura intantum est ens, inquantum illud participat à Deo: ergo tota ratio entis in Deo reperitur: ergo non habet vnicum conceptum siue formalem, siue obiectiuum, vt est commune Deo, & creaturis. Probatur consequentia: quia ens prius totum immediatè descendit ad Deum, & mediatè ad creaturas: ergo in illo priori non habet conceptum communem.

**RESPONDETUR** Nos quidem

admittere conceptum vnicum entis tum formalem, tum obiectiuum, sed non fundatum in aliqua realitate præcisa ex natura rei à particularibus entium rationibus Dei, & creaturæ: sed dicimus conceptum esse abstractum immediatè à realitatibus Dei, & creaturæ inadæquatè conceptis: vnde ex Seraphica doctrina lib. 1. dist. 8. dub. 6.

**RESPONDETUR**, quod creatura potest comparari ad Deum secundum rationem influentiæ, & receptionis, scilicet quatenus à Deo recipit entitatem: vel secundum habitudinem æquiparantiæ, & proportionis: primo modo creatura est ens magis, quàm si non comparatur, quia verè habet entitatem: secundo modo potest dici quasi non ens, nempe comparatiue.

**HINC** licet tota ratio entis sit in Deo, non tamen ita totaliter, & adæquatè, vt etiam non reperiatur in creatura per participationem, quæ participatio, & dependentia non tollit unitatem conceptus entis vt sic, licet cum aliqua inadæqualitate inferiorum.

**DICES**: Intrinsecè ratio entitatis in Deo est imparticipata: In creatura participata: ergo non potest ab ipsis abstrahi conceptus, cum sint differentitiæ oppositæ.

**RESPONDETUR** concedendo antecedens, & negando consequentiam: licet enim sint cum talibus modis à parte rei oppositis, tamen intellectus potest abstrahere rationem communem ab ipsis, vt probatum est.

**OBIECTIONES** contra secundam Conclusionem soluuntur.

747. **OBIICIENS** primò pro Scottistis contra secundam Conclusionem:

Ecce 2      **ENS**

ENS vt sic supponitur omni actui intellectus, cum sit eius adæquatum obiectum, & primum: ergo habet suam realitatem præcisam ex natura rei.

RESPONDETUR ens reale præsupponi actui intellectus: non autem ens abstractum: illud quidem est primum primitate originis, quia intelligitur vt verum, sed istud dicitur primum primitate adæquationis, idest ens siue reale verum, siue vt abstractum per opus intellectus potest concipi, & id non necessarîo præsupponitur, sed est quid consequens ad opus intellectus.

DICES: Ergo erit ens rationis, si ipsi non correspondet realitas à parte rei.

RESPONDETUR iuxta tradita in tractatu de ente rationis *quest. 3. in fine* quod solum dicitur ens rationis id, quod aduenit per opus intellectus rei extra suum ordinem reale, & vt concipitur in aliquo attributo rationis, non sic tamen fit iste conceptus entis, quia abstrahitur ab intellectu agente à realitatibus Dei, & creaturæ, inadæquatè tamen, & confusè, non sub aliquo attributo rationis extra suum ordinem, per quem conceptum exprimuntur res, sicuti sunt à parte rei, licet inadæquatè, & confusè: hinc non rectè infertur istam realitatem esse communem antecedenter ad opus intellectus: Sic Scorus *lib. 1. dist. 3. quest. 2.* Trombet. *in formalit. & in Metaphys.* Licher. *lib. 1. disputat. 2. quest. 2.* & Meldul. *disput. 4. num. 6.* quare dicitur talis conceptus realis, quia exprimit realitatem verè existentem in rebus, importatque rationem obiectiuam formalem, per quam res omnes dicuntur reales: dicitur etiam conceptus rationis, quatenus illa realitas est

abstracta per intellectum: Sic & Thomistæ admittunt hanc doctrinam in conceptu generis respectu inferiorum.

DICES secundò: A parte rei non correspondet aliqua communis in realitate illa abstracta: ergo est fictitiuus talis conceptus.

RESPONDETUR correspondere similitudinem fundamentalem, & virtualem, quatenus scilicet realitas entitatis necessarîo inuoluitur in conceptu quidditatiuo, quem habemus de Deo, & de creaturis.

CONTRA instant Faber, & Ant. Andr. *citat.* Impossibile est aliqua plura secundum vnam, & eandem rationem omnino simul conuenire, & differre: similitudo enim, & conuenientia fundatur super vnitatem, & diuersitas super multitudinem, ait Aristot. sed Deus, & creatura realiter conueniunt in entitate, & realiter differunt: ergo si ratio entis à parte rei nullo modo differt à Deo, & creatura, sequitur Deum, & creaturam secundum eandem rationem, & entitatem simul conuenire, & differre.

Nec satisfacit responsio Suarez dicentis posse aliqua realiter conuenire, & secundum rationem conuenire: non satisfacit hæc responsio, inquam, quia Nos dicimus dari quidem conceptum communem abstractum per rationem, sed verè conuenire in realitate, obidque non esse ens rationis.

RESPONDET igitur Meldul. *disputat. 2. num. 87. ex Trombeta 4. Metaphys. quest. 2. ad 2. princip.* posse primò diuersa in realitate conuenire in conceptu, & nos in tractatu formalitatum etiam idem diximus de differentiis: & Seraph. Doct. *lib. 1.*



*lib. 1. dist. 25. art. 2. quaest. 1.* admittit in personis Diuinis, quæ primò inter se differunt, aliquam communitatem vniuocam rationis: & *ibid. quaest. 2.* inter personas Diuinas, & creatas admittit analogiam cum aliqua vniuocatione, quatenùs important similitudinem non quidem æqualitatis, sed cum inæqualitate, & analogia: Vnde licèt ante operationem intellectus abstractiuam inter Deum, & creaturam non detur similitudo actualis, quæ dicat relationem realem, adest tamen fundamentum aptitudinalis conuenientie, quatenùs quodlibet illorum extremorum natum est causare conceptum communem ambobus quoad rationem essendi apud intellectum inadæquatè concipientem: Et hinc

RESPONDETUR ex eodem Seraph. Doct. *lib. 1. dist. 25. citat.* quod aliqua plura secundùm vnā, & eandem rationem possunt simul conuenire, & differre, non tamen eodem modo: differunt enim Deus, & creatura actualiter, & conueniunt virtualiter, & aptitudinaliter: sic etiam persona, & persona differunt à seipsis primò per incommunicabilitatem, & conueniunt in hac eadem ratione: sic & differentiæ, &c.

ET si instas: Ergo idem omninò fundat conuenientiam, & disconuenientiam.

RESPONDETUR negando Consequentiam: nam conuenientia fundatur in similitudine fundamentali, & disconuenientia in propriis rationibus formalibus ipsorum.

OBIECTIS secundò principaliter: Deus non est eo Deus, quo est ens: ergo ratio entis, & Deitas distinguuntur ex natura rei: habent enim istæ rationes diuersos effectus

formales: Antecedens patet, quia cum Deus, & creatura in ratione entis conueniant, sequeretur Deum esse Deum per id, quo conuenit cum creatura: Sed hoc est falsum, quia ratio entis inueniri potest in eo, quo non est Deus: ergo ex natura rei distinguuntur.

748. RESPONDETUR negando antecedens absolutè: Deus enim est eo Deus, quo est ens, & viceuersa, nec à parte rei distinguuntur istæ realitates vllò modo: Et ad id: ergo Deus erit Deus per id, quo conuenit cum creatura, negatur consequentia: non enim conuenit actualiter, sed virtualiter, & fundametaliter tantum, nam à parte rei sunt plures realitates, scilicet illa Dei, & illa creaturæ, licèt à parte rei intellectus inadæquatè concipientis sint vnā, idest prout inadæquatè concipitur ratio entis, tunc non est eo Deus, quo ens: sed hinc non sequitur distinctio formalis: non enim habent Deitas, & entitas diuersos effectus formales, prout sunt adæquatè conceptibiles, scilicet per conceptus adæquatè exprimentes realitates à parte rei, sed tantum prout sunt inadæquatè conceptibiles, quæ inadæquatio tollit distinctionem formalem, & ponit virtualem.

INSTANT denuò contra: Si eo Deus est, quo est ens: ergo à parte rei, quod ei conuenit, vel repugnat sub vnā ratione, conueniet, vel repugnabit sub alia: Sed hoc est falsum: nam ratione Deitatis non conuenit finitas, & ratione entitatis conuenit, quia si non conueniret, nulli enti conueniret, quod est falsum: ergo sunt duæ realitates diuersæ ex natura rei.

RESPONDET Meldula negando  
Ecce 3. confc

consequentiam: Ratio est, quia cum reduplicationis vis cadat tantum super illam rationem, quæ à parte rei, vel per opus intellectus est distincta ab alia, solum iuuat inferre unitatem, non verò distinctionem, nisi aliunde ei conueniat, & hoc maxime est verum in transcendentibus, in quibus statim ac adhibetur reduplicatio, deuenimus ad rationes obiectiuè præcisas, non prout sunt à parte rei, cum talis reduplicatio in transcendentibus fiat tantum in ordine ad nostros conceptus inadæquatos, licet in serie prædicamentali fiat in ordine ad conceptus adæquatos, quibus respondent diuersæ realitates, ex quibus potest inferri distinctio ex natura rei: & hinc patet argumentum petere principium, eo enim quod assumit prædicata quædam repugnare Deo à parte rei sub ratione Deitatis, quæ non repugnant sub ratione entis, iam supponit rationem entis à parte rei præcisam à ratione Deitatis, de qua controuertitur.

749. **OBIICIET** tertiò: Conceptus entis ut sic pauciora dicit, quàm conceptus inferiorum: ille enim solum gradum essendi dicit, ista addunt determinatum modum essendi, scilicet vel à se, vel ab alio: ergo datur distinctio ex natura rei inter ipsos.

**RESPONDETUR** verum esse antecedens, prout ens concipitur inadæquatè: falsum, prout est à parte rei.

**OBIICIET** quartò: Intellectus certus de vno, & dubius de duobus habet conceptus diuersos distinctos ex natura rei, sed intellectus potest esse certus, quod aliquid sit ens, & incertus, an sit finitum: ergo.

**RESPONDETUR** negando Maiorem, scilicet quod habeat conceptus obiectiuos diuersos: nam du-

bietas hic euenit ex parte intellectus inadæquatè concipientis.

**OBIICIET** quintò: Conceptus entis est prior Deo, & creatura: ergo distinctus ex natura rei.

**PROBATUR** antecedens: quia ab ipso non conuertitur subsistendi consequentia: non enim infertur rectè, non est Deus: ergo non est ens.

**RESPONDETUR** conceptum entis esse priorem conceptu Dei, non verò ipso Deo, immò est absolutè posterior: & illa non conuersio non infert prioritatem nisi logicalem.

**DICET**: Si ens est tantum vniuocum per opus intellectus inadæquatè concipientis, & ob id illa realitas communis consistit in conceptu confuso, sequitur, quod Deus non habeat talem vniuocationem, cum careat tali conceptu confuso.

**RESPONDETUR** concedendo totum, sed tamen ipsum Deum cognoscere nostram vniuocationem eo modo, quo diximus de cognitione entis rationis.

**OBIECTIONES** contra tertiam Conclusionem soluuntur.

750. **OBIICIET** primò: Nullum vniuocum saluatur in vno simpliciter, & in alio secundum quid, & per habitudinem solum ad illud: vniuocum enim debet æquè participari ab omnibus vniuocatis: sed ens dicitur simpliciter de Deo, & secundum quid de aliis; ergo non potest esse vniuocum. Tum quia vniuocum perfectè præscindit à suis inferioribus, ens autem solum imperfectè, immò propriè nullo modo, cum sit quid posterius vniuocatis: ergo.

**RESPONDETUR** ex doctrina S. Bonauent. lib. 1. distinct. 8. dub. 6. alibi data: quod creatura absolutè considerata, prout recipit esse à Deo, non

non potest dici ens secundum quid, sed absolute ens, nec illa particula secundum quid est distractiva, sed tantum diminuens de perfectione entis: unde argumentum probat tantum non esse uniuocationem perfectam, sed cum inaequalitate, & ob id cum importet perfectam praecisionem factam ab intellectu, univocationem conceptus, licet sit quid posterius ipsis inferioribus: hinc negatur consequentia.

RATIO est, quia ens potest considerari, prout contradistinguitur à nihilo, & in hoc omnia entia habent proportionem: vel prout est tale, & in hoc differunt: sumitur autem primo modo, non secundo: hoc enim secundo modo dicit analogiam.

OBJECIES secundò: Uniuocum debet admittere id, in quo uniuocata conueniunt, & id in quo differunt, sed ens ut sic non potest hanc habere: non enim potest assignari aliquid, quod non includat rationem entis: ergo. Tum quia si haberet hanc praecisionem ab inferioribus, esset genus, quod est contra naturam transcendentium.

RESPONDENT communitet, quod ad uniuocationem non est necesse, ut illud commune contrahi debeat per differentias oppositas, ob idque posse dari uniuocum, quod non sit genus, quod est verissimum: nam, ut diximus in *Logica cap. de gen. & differentia*, ad genus proprium requiritur, quod sit realitas formalis formaliter distincta à differentiis contrahentibus, per quas fit compositio Metaphysica, non verò id evenit in quocunque uniuoco: potest enim dari uniuocum praecisum, & adaequatè conceptum, quod in

inferioribus diuersificatur non per differentias formales, sed per alias rationes in ipso contentas, ut evenit in ente, quod abstractum intelligitur contrahi ad Deum per esse à se, & ad creaturas per esse ab alio.

751. ET si quæras: quare genus verè contrahitur ad inferiora per realitates superadditas facientes compositionem, & non ens, cum etiam ipsum in statu illo praecisionis importet communitatem, indifferentiam, & indeterminationem, & descendendo ad particularia superaddatur determinatio, & contractio?

RESPONDETUR ex traditis evenire hoc discrimen, quia ens ut sic non importat realitatem veram ex natura rei distinctam ab inferioribus, sicut genus, idè nec habet contrahi ad inferiora per realitatem diuersam, quæ sit differentia contrahens, sed contrahitur, descenditque ad inferiora, vel per modum expressioris conceptionis alicuius inferioris ad ens: nam primò concipitur ut quid commune conceptu confuso, & inadæquato: deinde fit applicatio eiusdem ad Deum per esse ens à se, & ad creaturam, & per esse ens ab alio: Sic Suarez *disp. 2. sect. 6. num. 7.* & potest sufficere hæc responsio: nam certum est, prout dicit conceptum implicitum, ens non importare modos, vel differentias, quia praeseindit ab eis, explicitè autem eas etiam importat: vel potest dici cum Scotistis, quod intelligitur contrahi per veros modos intrinsecos, qui sunt esse à se, vel ab alio, ut volunt Scotistæ; negant enim modos formaliter includere rationem entis, sed tantum identicè, sunt enim aliquid entis, tantum: vel potest dici contrahi per diuersos modos essendi, scilicet à se, &

& ab alio, vt vult Seraph. Doct. & coincidit cum Scotistis, de quibus satis nos diximus in tractatu formatitatum, & abundè tractat Meldul. ad mentem Scoti, & quidem doctissime in sua Metaphysica.

## QVÆSTIO III

### *Quanam sint principia Entis.*

752. **C**VM scientiarum obiecta exigant principia tum incomplexa, seu in essendo, tum complexa, siue in cognoscendo: hinc de Ente, prout est obiectum Metaphysicæ, quaritur, quanam sint ipsius principia. Et licet propriè loquendo ens vt sic, cum sit quid simplicissimum, non habeat principia essendi, cum abstrahat à principio, & principio, & habeat conceptum simpliciter simplicem, obidque & irresolubilem in alios inferiores conceptus, tamen in latiori significatione etiam principia & complexa, & incomplexa adaptari possunt, quibus potest definiri, & cognosci: Hinc

**PRIMA CONCLUSIO:** Principia incomplexa entis (modo suprà notato) sunt essentia, & existentia, quæ duo à Seraph. Doct. *lib. 1. dist. 3. part. 1. quæst. 2.* appellantur nomine entis, & esse, additque *lib. 4. dist. 14. part. 2. art. 1. quæst. 1. in corp.* quod vnum dicit indiuisiōem principiorum entis, scilicet esse, & existere: ergo secundum Seraph. Doctorem habet principia: & *lib. 1. distinct. 7. quæst. 1.* notat, quod existentia est actus absolutus entis, siue essentia, quo ponitur in esse.

**PROBATVR:** Quia essentia, vt notat Seraph. Doct. *lib. 1. distinct. 3. 1. part. 2. dub. 4.* dicitur ipsum ens, seu esse in abstracto, & in ordine ad se, scilicet quatenus tale ens potest habere existentiam: vnde, ait *lib. 1. dist. 5. dub. 3.* essentia signatur quodammodo in ratione causæ, seu principij respectu entis: sed hæc est ordinata ad existentiam, quia hæc est id, ratione cuius res constituitur actu extra nihil: ergo habent ambæ rationem principij respectu entis: & hinc, ait Seraph. Doct. quolibet res dicitur constans ex essentia, & existentia. Tum quia essentia exprimit rei non repugnantiam ad existendum: ergo ambæ habent rationem principij, quodque suo modo etiam competit Deo.

753. **SECUNDA CONCLUSIO:** Ens etiam habet suo modo principia complexa, seu cognoscendi saltem à posteriori, habet enim proprietates, & principia, à quibus tales proprietates ortum trahunt: ergo & per hæc potest demonstrari ratio entis: & hæc sunt principia, quæ directè ad scientiam de ente spectant, quia per hæc proceditur à causis ad effectus, vel ab essentia rei ad passiones demonstrandas, quod & magis patebit infrà, vbi agemus de proprietatibus entis.

**ADDIMVS,** adfunt & alia principia incomplexa ducentia ad impossibile, suntque sequentia.

**PRIMò** impossibile est simul idem esse, & non esse: secundò quodlibet vel est, vel non est, vel de nullo simul potest vera esse negatio, & affirmatio: tertio quicquid quandiu est, necesse est, vt sit: quarto quicquid habet esse, est verum, vnum, & bonum, & hæc sunt generalissima principia

principia, quæ desumuntur ex totali obiecto Metaphysicæ: Alia sunt minùs communia, quæ de ente tantùm creato effertur, vt Totum est maius sua parte, si ab æquali æqualia demas, quæ remanent, sunt æqualia, quæ & consimilia etiam ab aliis Scientiis mutuuntur à Metaphysica.

## QVÆSTIO IV.

*An prima principia sint naturaliter nota, ita vt sit impossibile ipsa negari ab intellectu aliquo.*

754. **S**ENSUS tituli est iste: an talium principiorum notitia sit nobis innata: an verò requiratur concursus experimentalis sensuum, ita quod vel sufficiat confusa perceptio terminorum ad habendam notitiam complexam, verbi gratiâ, totius, & partis in hac propositione, Totum est maius sua parte: vel etiam requiratur alia cognitio complexa experimentalis via sensuum habita, per quam apprehendantur extrema esse coniuncta in re, & in effectu.

**PRIMA** Opinio dicit nihil requiri denuò in intellectu, cùm talis notitia sit congenita cum anima: Sic Plato, & Platonici apud S. Bonau. lib. 2. *distinct.* 39. *artic.* 1. *quæst.* 2. *in corp.*

**SECUNDA** est D. Thomæ, Suf-fani, Iauelli 1. *Metaph.* Pluriumque Aliorum sustinentium intellectum esse tabulam ita rasam, vt requiratur perceptio terminorum, & notitia complexa connexionis ipsorum ha-

R. P. Bart. de Castro. Phil. P. III.

bita per viam experimentalem sensuum.

**TERTIA** Opinio est Seraph. Doct. lib. 2. *distinct.* 39. *art.* 1. *quæst.* 1. & aliis locis *infra citat.* quam sequitur Scotus in *Metaphys.* lib. 1. *quæst.* 4. & lib. 2. *quæst.* 1. & lib. 1. *distinct.* 3. *quæst.* 4. *art.* 2. cum Scotistis, sufficere cognitionem confusam terminorum: Pro solutione

**PRIMò** Notandum, quod alia sunt principia omninò prima: alia secundaria: illa sunt propositiones per se notæ, propositiones maximæ, & dignitates, de quibus suprà dictum est: Secundaria verò sunt Conclusiones respectu primorum principiorum, verbi gratiâ, quodlibet corpus naturale est mobile, & ista sunt principia in scientiis particularibus, & ista necessariò cognoscuntur per experimentum sensuum, vt aduertit Seraph. Doct. lib. 3. *distinct.* 14. *art.* 3. *quæst.* 2. *ad* 3. & 5. dicens, quod ex multis sensibilibus fit vna memoria, ex multis memoriis vna experientia, & ex multis experimentis vnum vniuersale, quod est principium scientiæ, & artis: vnde quæstio procedit de principiis omninò primis.

**SECUNDò** Notandum, quod Arist. docet 3. *de an. t.* 14. animam nostram esse veluti tabulam rasam, in qua nihil est depictum: quam auctoritatem explicat Seraph. Doct. lib. 2. *distinct.* 39. *art.* 1. *quæst.* 2. *in fine*, quod Arist. notanter dixit nihil esse depictum in anima, idest nulla est in ea species abstracta à rebus, vt dicitur esse in mente Angelorum, nec ipse docet in intellectu non esse aliquam speciem innatam, seu lumen congenitum ipsum inducens ad cognitionem primorum principiorum: Hinc

F f f f

PRIMA

755. PRIMA CONCLUSIO: Prima principia generalissima non indigent experimento sensuum, seu experimentalis cognitione complexa, per quam extrema videantur coniuncta in re, & in effectu, sed sufficit simplex terminorum apprehensio, ut intellectus eis assentiat: Est S. Bonavent. *loc. citat.* & aliis locis aliàs *cir. in tractatu de Intellectu m. 498. c. 336.*

PROBATVR prima pars ex Aristot. 1. *post. l. 6.* ubi ait, quod principia tantum cognoscimus, in quantum terminos cognoscimus: ergo sola terminorum cognitio sufficit. Tum quia termini primorum principiorum per se notorum talem habent identitatem, ut alter notus euidenter necessariò alterum includat, & idè intellectus componens illos terminos, ex quo apprehendit eos, habet apud se necessariam causam conformitatis illius actus componendi ipsos terminos, quorum est compositio, & etiam causam euidentem illius conformitatis: ergo non potest esse in intellectu apprehensio terminorum, & compositio eorum, quin stet conformitas compositionis ad illos terminos: si enim habet intellectus in se causam necessariam, & euidentem talis conformitatis, apprehendit necessariò simul & ipsam conformitatem: Sic arguit Scotus *lib. 1. dist. 3. quest. 4.* Tum quia non potest stare talis compositio terminorum absque veritate: ergo & absque conformitate respondente in intellectu: ergo non est necesse, ut cognoscatur in re talis compositio terminorum. Tum quia sequeretur posse esse simul in intellectu de eadem re opiniones repugnantes, nempe si cognitio primorum principiorum dependeret

à cognitione sensuum experimentalis.

PROBATVR sequela: quia si quis faciat compositionem horum terminorum, totum est maius sua parte, ex ratione formali ipsorum intellectus cognoscit hanc propositionem esse veram: Sed quia non adest cognitio sensitua, & experimentalis, potest intellectus dubitare, num vera sit illa complexio, sicque essent opiniones simul repugnantes in intellectu de eadem re, quod est impossibile, aliàs simul posset idem esse, & non esse. Tum quia in cognitione primorum principiorum sensus non concurret ut causa, sed tantum pro occasione, quatenus scilicet cognoscit terminos simplices per sensus: ergo ad assensum aliud non requiritur. Tum quia causa necessaria, & totalis respectu veritatis principiorum est sola complexio terminorum: ergo aliud non requiritur, alioquin id, quod est minus certum, nempe cognitio experientialis esset causa maioris certitudinis: Sit ergo Conclusio, quod prima principia sunt quidem nobis lumine naturæ nota, sed quia intellectus noster pro hoc statu dependet à sensibus in operari: hinc prærequiritur perceptio terminorum simplicium, & hoc pacto hæc cognitio dicitur ex præexistenti cognitione incomplexa, non complexa, solum enim in cognitione Conclusionum prærequiritur cognitio complexa propositionum: Vide, quæ diximus in *Logica tract. 9. quest. 1.*

OBIECIENS primò: Quia datur habitus primorum principiorum superadditus in intellectu, quo facilitatur ad assentiendum primis principiis: ergo non sunt naturaliter nobis nota, alioquin omnes homines essent

essent æquales in tali assensu : sed hoc est falsum : quia videmus aliquem facilius apprehendere, quàm alterum. Tum quia in omnibus principiis vltima resolutio stat ad experientiam ipsam, obidque & cognitionem sensitiuam.

756. Hæc Obiectio petit aliam quæstionem de habitu principiorum, an sint nobis innati, an acquisiti : In qua Aliqui docent esse nobis innatos : Alij esse acquisitos, quos omnes citat Meldul. *diff. 3. num. 25.* sed pro prima Opin. citat S. Bonauent. absolutè, qui tamen distinguit de primis principiis vniuersalissimis, de Conclusionibus ex ipsis principiis deductis, quæ Conclusiones sunt principia secundaria, principia, inquam, in variis scientiis, & de primis docet dari habitus innatos tum in cognoscendis, tum in operabilibus : & de secundis docet dari habitus acquisitos, hinc conceditur totum argumentum de secundis, negatur de primis. Et ad id de resolutione ad experientiam sensibilem

RESPONDETUR eodem modo : nam in primis principiis resolutio non potest fieri nisi ad terminos simplices : licet valdè etiam possit adiuuare experientia, sed hæc non est necessaria.

INSTAT Pasqualigus : Prima principia sunt vniuersalia : ergo intellectus debet cognoscere ipsa esse vera vniuersaliter : sed non potest, nisi cognoscat, quod verificentur in particulari : ergo per experientiam : intantum enim aliquid est verum in vniuersali, inquantum est in singulari. Tum quia perceptio terminorum est perceptio singularis, ergo & à perceptione singularium depen-

det illa vniuersalis.

RESPONDETUR admissa Maiori cum sua consequentia, & negando minorem de propositionibus vniuersalissimis : Ad probationem Respondetur, quod dupliciter potest nobis innotescere veritas vniuersalis, vel ex veritate agnita plurium singularium, vel ex ipsis terminis, non in singulari, & pro singularibus, sed vniuersaliter acceptis : de hoc secundo modo negatur Minor : de primo conceditur.

ADDIMVS, vt dictum est, experientiam valdè iuuare ad talem cognitionem.

OBIECTES secundò : Habitum superadditum esse necessarium ad perceptionem omnium vniuersalium, tum ex Arist. qui loquens de habitu hoc superaddito non distinguit inter vniuersalia, & particularia, sed absolutè docet talem habitum versari circa prima principia : tum quia ratio, quare habitus principiorum distinguitur à scientia, est, quia versatur circa propositiones medio vacantes, & per se notas, quod æquè conuenit omnibus principiis : tum ex eo quia ex omnibus æquè deriuatur cognitio scientifica, & ad omnia requiruntur species intelligibiles : ergo pro omnibus requiritur habitus superadditus, vt per illum adiuuetur intellectus ad firmiter ipsis adhærendum, & determinetur ad cognitionem veri. Tum quia potest intellectus esse indeterminatus ad assentiendum illis, vt si termini non cognoscantur distinctè.

AD has instantias omnes vnica distinctione Respondent, nempe verificantur omnia supra obiecta de habitu principiorum scientiarum particularium, sed non de primariis, quorum

fff a rum

rum euidencia habetur ex lumine innato, & ex ipsis terminis: Vnde, vt ait S. Bonauent. *lib. 3. dist. 14. art. 1. quest. 3. fund. 3.* illa cognoscuntur per medium, ista absque medio: & ad id de cognitione confusa Respondetur etiam in tali casu non impediri assensum firmum intellectus: non enim, vt ait S. Doct. *lib. 3. dist. 33. artic. 1. quest. 3. ad ultim.* contingit vnquam intellectum errare circa principia notissima: licet circa specialia possit errare.

757. **QVÆRES:** an isti habitus innati multiplices specie sint, an vnus pro omnibus cognoscendis, & agendis sufficiat?

COMPLVTENSES dicunt vnicum sufficere: Seraph. Doct. *lib. 2. dist. 39. artic. 1. quest. 2.* distinguit docens habitus cognoscendorum, & operabilium valde inter se differre: habent enim diuersa obiecta formalia: Immo & ipsi habitus cognoscitiui inter se specie distinguuntur ob eandem rationem: licet vni- co nomine luminis indicatorij explicentur.

**QVÆRES** secundò: quodnam sit primum omnium principium inter complexa?

RESPONDETUR probabilius esse hoc: Impossibile est idem esse, & non esse: hoc enim est ita certum, vt non contingat circa illud errare, est & notissimum absolute independentem ab aliqua conditione, & impossibile est oppositum posse venire in mentem alicui, quæ sunt conditiones, quas exigit Arist. *lib. 4. Met.* in principio omnium primo: Ex hoc autem principio oriuntur omnes propositiones veræ, de quo fusè tractat Meldula *disp. 3.*

## QVÆSTIO V.

*De Proprietatibus entis in communi: An Ens habeat veras proprietates, & quamnam sint.*

758. **PRIMò** Supponendum, quod ad hoc, vt aliquid sit verè proprium, istæ sequentes conditiones requiruntur, vt docent Suarez *disp. 3. Metaph. sect. 1. Meldul. disp. 4. n. 1.* & communiter Alij cum Seraph. Doct. Prima, quod sit aliquid verum, & reale, nam nihil non potest esse proprietas nisi defectina, vt docet S. Bonauent. *lib. 1. distinct. 8. part. 1. art. 2. quest. 2. ad 7. & 8.* Secunda, quod aliquo modo distinguitur ex natura rei ab illo, cuius est proprietas: Tertia, vt adæquatè illi conueniat, & cum illo conuertatur: Quarta, quod non sit de intrinseca ratione, seu prima ratione formali eius, licet promanet ab intrinsecis subiecti principiis: Seraph. Doct. *lib. 1. distinct. 8. quest. 1.* quatuor dictis proprietatibus addit quintam, quod sit ratio innotescendi subiectum, quia per ipsas explicatur perfectio eiusdem subiecti: Hinc disquirunt, an habeat verè proprietates cum dictis conditionibus.

**PRIMA** Opinio negat Ens habere aliquas proprietates veras: Sic Aureolus *lib. 1. disp. 2. q. 2. art. 1. ad 12.* Niger. Alique negantes Metaphysicam esse veram scientiam eo, quod si esset scientia, etiam de ente demonstraret passiones.

**SECUNDA** Opinio admittit aliquas proprietates in ente, sed eas vult esse distinctas tantum secundum



dum rationem, non ex natura rei : Ita Iauellus, & plures Thomistæ, quorum tamen Alij dicunt esse quædam attributa (non proprietates) quæ vel per negationem solam, vel per extrinsecam relationem explicentur, quia sunt omnino idem cum ente : Sic Hurrad, Arriaga, Pasqualigus, Aliique cum Suar. *cit.*

TERTIA Opinio asserit esse veras, & rigorosas proprietates suprà positis conditionibus affectas ; Ita Scotus, & Sequac. quibus præiuit Seraph. Doct. ut mox patebit : Pro solutione quæstionis

759. PRIMò Notandum, quod rota difficultas in hac quæstione est intelligere, quomodo ab ente possint promanare passiones, & proprietates, cum ipsum non habeat esse de se distinctum à rebus particularibus, sed imbibatur in ipsis intrinsecè : aduertendum tamen est, quod passiones alio modo intelliguntur emanare à naturis prædicamentalibus, alio modo ab ente : nam naturæ prædicamentales habent suum proprium esse physicum, ut corpus, viuens, &c. hinc ad positionem Physicam ipsarum & pullulare intelliguntur suæ proprietates : ens verò cum non habeat esse diuersum ab entibus particularibus, nec importet vnam realitatem præcisam à rebus : attramen cum importet vnum conceptum realem, ut suprà dictum est, hinc & ratione talis realitatis existentis in rebus ab ipsa emanare proprietates dicuntur.

SECUNDò Notandum ex traditis in formalitatibus, quod aliquid potest includi in aliquo essentialiter, & tamen ab ipso distingui formaliter, ita quod licet sint idem realiter, & essentialiter, tamen inter se

important aliquam distinctionem realem, idque potest esse pluribus modis, ut aduertit Seraph. Doct. *lib. 1. dist. 3. part. 2. art. 1. quæst. 3. ad 1. & lib. 2. dist. 24. part. 2. q. 1. ad 1.* sic proprietates includuntur essentialiter in subiecto, & tamen distinguuntur formaliter : sic & potentia in anima : His positis

760. PRIMA CONCLUSIO : Ens habet veras proprietates, easque distinctas formaliter : Est S. Bonau. pluribus locis, præcipuè *lib. 2. dist. 1. part. 1. art. 3. quæst. 2. in corp. in fine. & part. 2. dub. 2. & lib. 1. dist. 3. citat. & ibid. part. 1. dub. 6. est & communis Scotistarum.*

PROBATUR Prima pars tum ex Aristot. qui in Metaphysica considerat ens, & eius proprietates : ergo supponit ens ipsas habere : alioquin ens non posset statui obiectum adzquatam Metaphysicæ : non enim possent formari demonstrationes de ipso : ergo.

PROBATUR secundò : Quia si verum est vnum quodque ens esse verum, vnum, bonum : ergo sunt proprietates reales. Tum quia vnitatis, veritatis, & bonitatis reperiuntur in qualibet re, sed ista sunt prædicata transcendentalia : ergo ipsis insunt ratione entis transcendentalis. Tum quia si essent quid merè effectum ab intellectu, ut docent Aliqui, deberent effingi ad similitudinem alicuius veræ vnitatis, quod est falsum. Tum quia sunt de perfectione entis : ergo. Tum quia in his relucet ratio vestigij in creatura respectu Dei, cui assimilantur res, & referuntur : ergo sunt veræ, & positiuæ : Sic arguit Seraph. Doct. *cit.*

761. PROBATUR Secunda pars : quod sint diuersæ plus quam per  
Ffff 2 intelle

intellectum ex S. Bonauent. *lib. 2. distinct. 1. part. 1. art. 3. quest. 2. in fine corp.* vbi docet vnitatem, bonitatem, & veritatem respectu entis differre plusquam secundum nostrum modum concipiendi, sed ratione, & habitudine, quæ ratio cum habitudine est ad aures Seraphici Doct. idem ac formaliter, vt aliàs à nobis traditum est: dicunt enim habitudinem essentialē ad ens vt ad subiectum originale. Tum quia *ex lib. 2. dist. 1. part. 2. dub. 2.* vbi ait, quod esse, seu ens non potest intelligi absque bonitate ab intellectu perfectè intelligente, & comprehendente, sed bonè imperfectè apprehendente, & simpliciter resolvente: de quo vide *lib. 1. dist. 18. dub. 1.* sed potest intelligi aliquid absque eo, quod intelligatur aliud, quod non est ei ratio intelligendi: sic subiectum sine passione, & causa sine effectu, taleque est ens respectu proprietatum, ergo. Tum quia id, quod præcedit naturam, potest intelligi, & habet conceptum obiectiui distinctum ab inferiori, & consequente: sed tale est ens respectu proprietatum: ergo.

PROBATVR antecedens: quia antequam concipiantur, potest intellectus abstrahere ens vt sic ab ipsis absque eo, quod ipsæ in ipso includantur: ergo habent conceptus obiectiuos adæquatos, similiter & ens vt sic. Tum quia dicunt diuersas formalitates: ergo & formaliter distinguuntur. Tum etiam quia, vt rectè arguit Seraph. Doct. *lib. 1. distinct. 8. part. 1. quest. 1.* si nulla esset distinctio inter essentiam, & veritatem (idem dic de cæteris) essetque tantum per intellectum, æquè posset dici, essentia est proprietas veritatis: & hinc ait Seraph. Doct. dicimus in

Diuinis veritatem esse proprietatem essentia Diuinæ, licet non distinguantur inter se à parte rei ratione imperfectionis, sicut in creaturis, quia ex hac diuersitate transferimus remotis imperfectionibus ad Deum similes loquutiones.

OBIICTES primò ex S. Bonauent. *lib. 1. distinct. 38. cit.* Non potest intelligi vllò modo aliquid non intellecto eo, quod est ei ratio intelligendi sed verum est ratio intelligendi ens: ergo ens non habet conceptum obiectiuum distinctum à vero: sed non est maior ratio de vero, ac de cæteris proprietatibus: ergo.

762. RESPONDETUR ex traditis *de an. tract. de intellectu obiecto quest. 3.* quod veritas in ente potest sumi absolute, & potest sumi respectiue, scilicet per ordinem ad intellectum, quem habet mouere, vt notat Seraph. Doct. *lib. 4. distinct. 14. part. 2. art. 1. quest. 1. in corp.* hoc secundo modo est ratio conformatiua ipsius intellectus ad ens, sed tamen non sequitur, quod antecedenter ad talem conformitatem non habeat in se, & secundum se suam intelligibilitatem aptitudinalem, & in hoc sensu præscindit à quocunque vero: vnde in hoc primo signo habet suum conceptum proprium obiectiuum, cui si consequitur actualis conceptio, tunc resultat veritas in intellectu: sed hoc pacto hinc non sumitur veritas proprietas eiusdem entis, nisi secundaria: nam veritas vt proprietas primaria entis dicit præcisè indiuisiōem entis ab actu absoluto, seu ipsius principiorum, scilicet entis, & esse cum relatione aptitudinali ad intellectum: & hoc pacto verum est quidem ratio conformitatis actualis intellectus cum ente, cui

cui tamen præcedit aptitudinalis, quæ est passio entis: sic & risibilitas aptitudinaliter sumpta est passio entis, radicaliter est idem formaliter cum ente, actualiter verò est quid diuersum realiter, & illa aptitudinalis est ratio, quate homo ridet.

**OBIICIET** secundò: Si istæ proprietates sunt reales: ergo in suo conceptu formali includunt ens, ergo non distinguuntur ex natura rei.

**RESPONDETUR** esse reales, quatenus non sunt quid efformatum ab intellectu: & negatur consequentia: non enim sequitur, quod in suo formali conceptu includant ens, cum sint reales tantum per identitatem realem, ob quam dicuntur extra nihil: unde formaliter sunt tantum aliquid entis, non ipsum ens, & sic deficient à ratione entis: Sic Melchior *disp. 2. num. 211*. Et hinc Seraph. Doct. *lib. 2. dist. 24. pars. 1. art. 2. quest. 1. ad 3. & 4.* dicit, quod veritas, & bonitas distinguuntur secundum rationem, idest, conceptum obiectiuium iuxta dicta *lib. 1. distinct. 26. quest. 1. ad 2.*

**DICES**: In sua ratione formali vel sunt nihil, vel sunt ens: non primum: ergo secundum: ergo falsa responsio. Tum quia ens est quid transcendens imbutum essentialiter in omnibus inferioribus: ergo essentialiter includunt eas.

**RESPONDETUR** in sua ratione formali esse ens, sed identicè tantum, quia sunt aliquid entis, sic negatur Consequentia: & idè conuertuntur cum ente identicè tantum, non formaliter: Ad aliam rationem Respondetur transcendentiam entis non sumendam esse ex eo, quod per propriam rationem formalem in om-

nia imbibatur; ita quod formaliter sint entia, sed ex eo quod omnia à nihilo distinguuntur, quatenus intrat in omnia vel per identitatem formalem, vel realem: primo modo penetrat omnia singularia: secundo modo intrat in modis, & differentiis ultimis, qua ratione huius identitatis realis distinguuntur à nihilo: Sic Melchior *cit. disp. 3. num. 19.*

**OBIICIET** tertio: Ens, vt præscindit à Deo, & creaturis, habet esse tantum per opus intellectus; ergo & proprietates.

**RESPONDETUR**, quod in sensu argumenti, si sumitur ens vt quid conceptum ab intellectu tantum, sic conceditur totum: non enim vt sic habet proprietates reales, sed dicimus ens de se dicere ipsam essentiam absolutam, & importare aliquid superadditum, prout dicitur vnum, bonum, & verum, nempe comparationem, & habitudinem, vt dicit Seraph. Doct. sic dicimus habere diuersum conceptum ab ipsis, quæ distinctio tamen est omnium minima, & aptiori vocabulo appellanda esset distinctio virtualis cum fundamento in re: pro quo vide questionem de distinctione virtuali.

**763. SECUNDA CONCLUSIO**: Proprietates incomplexæ entis sunt tantum tres, scilicet vnum, verum, & bonum: Sic cum communi ex Arist. S. Bonavent. *lib. 1. distinct. 3. pars. 1. dub. 6. & pars. 2. art. 1. quest. 3. ad 1. & lib. 2. distinct. 24. pars. 1. art. 2. quest. 1. ad 4. & lib. 4. distinct. 14. cit. & Itiner. Ment. cap. 3.*

**PROBATUR** ex Seraph. Doct. *cit. lib. 4.* Quia quicquid est ens, dicit rationem absolutam essentiam, sed ad hanc consequitur diuisio principiorum: ergo importat unitatem:

Item

Item sequitur conformabilitas in intellectu ipsum ens apprehendente, & discernente ab aliis: ergo verum: Item consequitur relatio ad finem proprium secundum convenientiam, & ordinem: ergo importat bonitatem. Tum etiam quia per hæc tria exprimitur unitas, veritas, & bonitas entis Divini, in quibus est conformitas vestigij in qualibet creatura.

ADDIMVS tamen has rationes esse potius à posteriori: nam à priori non potest assignari ratio convincentis, cur tres solum sint passioness simplices.

DICES cum Auuic. debere etiam addi aliquid, & res, & cum Guatino etiam perfectionem entis: ergo non sunt tantum tres proprietates.

PROBATVR antecedens Auuicennæ: Quia res præscindit ab essentia, & existentia, & Aliquid significat aliud quid: ergo importat aliquid distinctum ab ente: Et cum Guarino Perfectio entis superaddit enti, quicquid exigitur in ente, sed ens ut sic dicit quid imperfectum: ergo perfectio addit aliquid: nam perfectum dicit aggregationem omnium partium in vnum exigitam.

RESPONDETUR primò ex Seraph. Doct. lib. 1. *distinct. 25. dub. 3.* quod si res sumitur à reor, reus, significat actum animæ, à ratus, ta, tum, significat ipsam essentiam rei in recto: sic & lib. 1. *dist. 41. art. 2. quest. 1. fund. 2.* Vnde dicit formaliter id, quod contradistinguitur à nihilo, & ab ente rationis: Idem & dicitur de aliquid, vt ait Seraph. Doct. lib. 1. *distinct. 7. dub. 3.* nam inter aliquid propriè sumptum, & nihil non cadit medium: Ad id de perfectione Respondetur ex Seraph. Doctore lib. 1.

*distinct. 19. part. 2. art. 1. quest. 1. ad 2.* quod perfectum abstrahit à totalitate, & integritate, & idèd competit rei à sua forma dante esse, & competit enti secundum suum proprium esse primum: & si aliquid superaddit, coincidit cum bonitate: Sic S. Bonavent.

DICES: Quod sex sunt transcendentia, Ens, res, aliquid, vnum, bonum, & verum: ergo ens habet plures proprietates, quam tres.

RESPONDETUR sex esse transcendentia, idest varios modos explicandi ipsa transcendentia, quæ tamen coincidunt vel cum ente, vel cum dictis tribus proprietatibus.

764. TERTIA CONCLUSIO: Ultra proprietates in complexis dantur etiam aliæ complexæ: Est communis cum Seraph. Doct. *Serm. 4. Hexaem.* qui præcipue sex diuisiones entis assignat, nempe in ens substantiam, & accedens, in ens vniuersale, & particulare, in ens potentia, & actu, in ens vnum, & multa, in ens simplex, & compositum, in ens causatum, & causam, & in Itiner. Ment. *cap. 3.* aliam diuisionem assignat, scilicet entis in actum, & potentiam, in idem & diuersum, in necessarium, & contingens, in caducum, & æternum, in finitum, & infinitum, in vnum, & multiplex, in mobile, & immobile, in verum, & falsum, in bonum, & malum: aliaque membra commemorat, quæ ad ista dicta reducuntur, & per se patent: quia quicquid potest euenire enti, necessariò ad aliquod ex membris assignatis debet reduci.

VNUM tamen hic moneo, quod licet communiter assignentur ista membra enti cum diuisione, significant tamen aliquam vnã passionem

fionem innominatam communem omni enti, quam tamen duplici vocabulo ob vocabulorum penuriam numeramus.

DICES cum Suarez istas non esse proprietates, sed solum membra diuidentia: quia vel essentialiter contrahunt ens ut totum ipsum constituendo: vel non conueniunt enti nisi ut contracto, obidque secundum speciales rationes, non ut ens est.

RESPONDET Meldula *num. 30.* istas proprietates posse sumi vel separatim, vel simul sub disunctione: si primo modo, certum esse competere enti determinato, sic enim sumuntur pro substrato, & materiali: vel sub disunctione simul, idest totum disunctum simul, & formaliter: sic negatur non esse passiones entis: Ratio est, quia sic sumptæ nullum aliud subiectum commune, cui primò insint, potest assignari præter ens ut sic.

## QVÆSTIO VI.

*Quid sit Vnitas, Veritas, & Bonitas Entis.*

765. **P**LURA diximus de vnitate in tractatu formalitatum: item & de veritate, & bonitate in tractatu de Intellectu, & Voluntate: Vnde hinc pauca supersunt dicenda: Hinc

PRIMA CONCLUSIO: Vnitas importat realitatem distinctam ab ente positum: Est S. Bonau. *lib. 1. dist. 24. art. 1. quæst. 1.* & Scoti, & Sequac.

PROBATVR: Quia vnum dicitur. *A. P. Barr. de Castrov. Phil. P. III.*

citur, quod est indiuisum in se, & diuisum à quolibet alio: sed id habetur ab eodem principio, à quo habetur ens, & hoc est quid posituum. Tum quia vnum dicit perfectionem: etgo & positionem. Tum quia nulla priuatio præcedit habitum: ergo si vnum explicatur per priuationem multitudinis, præsupponit rationem posituiam. Hæc Seraph. Doct. cit. quæ fusè explicauimus in tractatu formalitatum, ibique remitto benignum Lectorem: Vnumque hic moneo, hic esse sermonem de vno ut sic, non de vno in particulari: sic enim abstrahit à composito, & à simplici: à capaci diuisionis, & indiuisiōis, ut diximus de Ente.

766. SECUNDA CONCLUSIO: Veritas est proprietas entis absoluta cum relatione aptitudinali ad intellectum, cui est sui manifestatiua, quantum est de se siue motiue, siue solum terminatiue: Est Seraph. Doct. *lib. 4. dist. 14. part. 2. art. 1. quæst. 1. in corp. & Serm. 5. Hexæm. vbi distinguit de triplici veritate, scilicet rerum, vocum, & motum: De prima autem est hic sermo: Et lib. 1. dist. 8. part. 1. art. 1. q. 1. & part. 2. q. 1. ad 1. docet veritatem esse priuationem diuisionis principiorum entis, scilicet entis siue essentia, & existentia: existentia enim est actus essentia *lib. 1. dist. 7. quæst. 1.* importat & positionem imitationis, & expressionis: vnde cum essentia dicat quid absolutum, veritas dicit conditionem entis, idest quatenus est eiusdem entis manifestatiua: Addit *ibid. quæst. 1.* quod veritas potest considerari in ordine ad subiectum, quod informat, ad principium, quod repræsentat, & ad intellectum, quem mouet: primo modo veritas est in*

Gggg

20

re ut in subiecto, est enim indiuisio entis, actus, & potentia, idest essentialis, & existentialis: secundo modo verum est in rebus ipsis, quæ si sunt creatæ, repræsentant Diuinum esse: si in ente increato, exprimit ipsum esse Dei: tertio modo est in rebus casualiter, quatenus potest causare veritatem in intellectu, & hoc modo est obiectum intellectus: sic enim est ratio cognoscendi rem, & eam ab alia distinguendi: Hinc patet veritas Conclusionis, nempe consistere in indiuisione principiorum entis per ordinem ad intellectum: Vide S. Bonauent. in *Eccles. in Proem. §. Ad intelligentiam pradiutorum*, &c.

**PROBATVR Conclusio:** Quia sicuti veritas in repræsentando explicatur per conformitatem actualem ad rem cognitam, ita veritas in essendo ex opposito per conformitatem aptitudinalem ad intellectum: tum quia veritas est ratio manifestatiua rei: ergo per ordinem ad intellectum: Et hinc sequitur, quod veritas est in re, vt in causa, & fundamento, in intellectu vt in subiecto modo infra explicando, & in voce vt in signo: sed quia non datur veritas creata, quæ non sit permixta cum falsitate, scilicet cum potentia ad non esse: hinc propriè desumitur hæc per ordinem ad intellectum Diuinum, à quo oritur omnis veritas: per quam positionem Seraphicam conciliantur diuersæ opiniones inter se pugnantes: nam Aliqui dicunt desumi veritatem per ordinem ad Ideas Diuinas, quod & Seraph. Doctor admittit, sed tamen veritas vt sic non est passio entis, cum solum conueniat enti creato: Alij per conformitatem eiusdem rei ad sua principia, quod & Seraph. Doct.

admittit: sed nec hoc pacto est proprietas entis, sed potius ipsa entitas, quæ intantum dicitur talis, inquantum verè est talis ex suis principijs: quare superest dicere consistere in conformitate rei ad sua principia, quatenus superaddit conditionem, scilicet manifestabilitatem in ordine ad intellectum, sicque competit cuicumque enti, & soli. Patet etiam falsitatem esse priuationem indiuisiōis principiorum imitationis, & manifestationis: Sic Seraph. Doct. *lib. 1. dist. 8. cit.*

**767. TERTIA CONCLUSIO:** Bonitas est proprietas positiua entis distincta, quæ consistit in perfectione entis cum conuenientia vnus rei ad aliam cum ordine ad appetitum, quem habet mouere, & terminare: Sic Seraph. Doct. *lib. 4. dist. 14. citat.*

**PROBATVR;** Quia per indiuisiōem principiorum entis, & eorum, quæ ad ipsum sunt necessaria, consequitur perfectio bonitatis entis in se, & hinc resultat conuenientia vnus rei ad aliud, verbi gratiâ, sapor ad cibum, dulcedo ad mel, & quia intrinsicè includit relationem ad appetitum, hinc in his tribus consistit perfecta bonitas, & hoc pacto superaddit ad ens aliquid: Hincque Seraph. Doctor dixit *ib. 1. dist. 1. dub. 14.* quod bonitas est dispositio causæ, in quantum causa est, & disponens ad actum, quia cum bonum sit sui communicariū, de sui ratione importat communicabilitatem, importat etiam voluntatem, quæ duo ponunt effectum in actu, habet & esse dispositionem generalem entis importantem respectum ad finem, & per consequens ad appetitum. Et hinc etiam conciliantur diuer-

sæ opiniones, quæ secundum Ipsorum varia principia collocant rationem bonitatis modò in vna, modò in altera ratione: hæ enim omnes includuntur in ratione bonitatis: sed tamen ratio distinguens est illa relatio, quam importat ad appetitum, vt docet S. Bonavent. *lib. 4. dist. 14. cit.* quia bonum essentialiter est appetibile, cum essentialiter importat convenientiam, & comunicabilitatem, & hoc pacto conuertitur cum ente.

DICES: Dantur actus, qui sunt essentialiter mali: ergo carent bonitate, & tamen sunt entia.

RESPONDET Seraph. Doctor esse malos in genere moris, non verò naturæ: sic *lib. 2. dist. 41. quaest. 1. & seq.*

QVÆRES: an bonitas moralis sit species bonitatis naturæ, seu entis, seu transcendentalis?

RESPONDETUR ex S. Bonav. *cit.* negatiuè: Bonitas enim moralis non determinatur ex entitate actus, seu entis, sed per ordinem tantum ad obiectum à ratione propositum vt conforme ipsi rectæ rationi.

Hic autem ordo doctrinæ exigeret, vt de proprietatibus complexis, & præcipuè de Identitate, & distinctione, de actu, & potentia fieret inquisitio: Sed quia de his abundè egimus in tractatu formalitatum, hinc ab hac consideratione superfedemus: Solùm superest explicare, quid sit essentia, & existentia entis, & qualiter differant: Hinc sit

## QVÆSTIO VII.

*De Essentia, & Existentia quid sint, & quomodo differant.*

768. SUPRA diximus essentiam, & existentiam esse principia entis: Hic autem querendum est, an sint duo principia distincta ita, quod possit inesse rebus essentia absque existentia, nempe an ab æterno res habeant aliquam essentiam in Deo: an verò sint propriè nihil: & quomodo distinguantur inter se: Pro quorum intelligentia

PRIMò Notandum, quod licet Aliqui impingant Scoto ipsum asseruisse creaturas habere aliquod esse diminutum medium inter ens reale, & rationis, in Deo attamen id falsò imponitur Scoto, vt fusè probat Meldula in *Metaph. disp. 8. num. 1. & seq.* sed circa hoc punctum difficultas tota reducitur ad hoc, quodnam esse habeat creatura in statu puræ possibilitatis: & deinde postquam exiit suas causas, qualiter differant essentia, & existentia.

ET circa possibilitatem: Henric. Gabr. Hurtad. Aliique explicant rerum possibilitatem per denominationem possibilis sumptam à Diuina Omnipotentia; eo ipso enim, quod potest aliquid producere, illud dicitur possibile: vnde aliquid dicitur possibile per ordinem ad suam causam, scilicet Omnipotentiam Diuinam, & dependenter ab ipsa: in quo statu tamen res possibilis non potest dici ens reale, sed potius non ens: Sic apud Meldulam *disp. 8. n. 27. 35. & 45.*

SECUNDA Opinio est Scoti admittentis possibilitatem Logicam in creatura, etiam præcisâ quacunque potentia Dei: vnde earum possibilitas intrinseca desumitur ex naturis rerum, extrinsecè verò, & principiatiuè ab intellectu Diuino, in quo statu dicitur ens verum, & reale: Quid sentiat Seraph. Doct. infra aperiemus.

ET quoad essentiam, & existentiam rei existentis in actu.

PRIMA Opinio docet existentiam esse accidens reale superadditum essentia: Sic Thomistæ apud cit. Meldulam.

SECUNDA negat distinguere nisi per intellectum: Sic Nominales, Aliique.

TERTIA admittit distinctionem formalem: Sic Scotistæ: Pro solutione

769. NOTANDUM est, quod, vt notat S. Bonauent. *lib. 1. distinct. 42. art. 2. quest. 4.* omnis potentia diuiditur in actiuam, & passiuam: prima dicit ordinem ad actum, in quem potest exire; secunda in ordine ad id, quod potest recipere: Potentia verò passiuam diuiditur in subiectiuam, obiectiuam, & Logicam: Sic Scotistæ communiter apud Meldulam *disp. 6. num. 64. & seq.* Subiectiuam est, qua aliquid est capax recipere aliquam formam siue substantialem, siue accidentalem: Obiectiuam verò est, quatenus aliquid potest esse terminus potentia: productiuæ, & produci potest: primæ potentia: subiectiuæ correspondet actus formalis, secundæ actus entitarius, seu existentialis, quatenus potest poni extra suas causas: & hoc modo possibile aliquid dicitur vel simpliciter, scilicet per ordinem ad potentiam actiuam naturalem: vel possibile secundum

quid, scilicet secundum potentiam supernaturalem, & appellatur communiter potentia obiectualis: Sic S. Bonauent. *cit.* Datur & alia potentia, quam Scotistæ appellant Logicam, & est modus compositionis ab intellectu formatæ illius quidem, cuius termini non includunt contradictionem, & est sola non repugnantia in propositione inter subiectum, & prædicatum in ordine ad intellectum, hancque eandem potentiam recognouit prius S. Bonauent. *loc. cit.* qui ad finem corporis quæstionis postquam exposuit potentiam obiectiuam, scilicet per respectum ad causas superiores, vel naturales, addidit aliud membrum. dicens, potest etiam tertio hoc, quod est possibile, dicere ordinem, vel comparisonem, seu compositionem entis ad esse, vt cum dicitur, hoc potest esse quocunque demonstrato: & sic nec potentiam actiuam, nec passiuam dicit determinatè, nec secundum causas superiores, nec inferiores: vnde simpliciter dicitur: & *ibid. ad 4.* dicit, quod omne verum potest esse verum, antequam sit, quia nulla est repugnantia ad esse: & in Itiner. Ment. *cap. 3.* docet, quod veritas, & connexio vnius prædicati cum alio venit non ab existentia rei in anima, sed ab exemplaritate Diuina cognoscente talem veritatem, secundum quam res habent aptitudinem: Hæc S. Bonauent. estque ipsissima doctrina, quam postea tradidit Scotus: Differunt autem potentia obiectina, & Logica: quod illa dicit ordinem ad potentiam actiuam, & hac remotâ nihil est, vt ait S. Bonauent. *ibid. ad 2.* at Logica nullum dicit ordinem ad potentiam actiuam: nam dato etiam, quod nulla



nulla esset potentia actiua, adhuc daretur potentia Logica.

770. PRIMA CONCLUSIO: Essentia rerum in statu possibilitatis purae nullum esse reale actuale habent: Est Seraph. Doct. *cir. & lib. 1. dist. 36. per totam*, & *principè dub. 1. & quaest. 1.* ubi docet, quod res in Deo, antequam producantur, sunt tantum secundum causatiuam, vel cognitiuam potentiam per Ideas, non secundum aliquam existentiam.

PROBATVR ex eo, quod omnes res habent esse per creationem, quæ est ex nihilo sui: ergo nullam actualitatem entitatiuam habent: quæ quaestio fusiùs examinabitur in Theologia.

SECUNDA CONCLUSIO: Res dicuntur possibiles potentia obiectiua per ordinem ad Diuinam Omnipotentiam tanquam à causa extrinseca valente denominare ipsas possibiles: Est Seraph. Doct. etiam Scori, & communior: Et patet, quia creatura in sua causa nihil est: ergo si denominabitur possibilis, id est per denominationem extrinsecam.

771. TERTIA CONCLUSIO: Potentia Logica rerum desumi debet ex ratione earum intrinseca: & ratio est, quia quicquid non repugnat alicui, non repugnat ex intrinseca ipsius ratione: ergo & potentia Logica est ex intrinseca ratione rerum: & hinc hæc possibilitas antecedit obiectiuam.

OBIECIUM: Non possunt concipi creaturæ possibiles, antequam concipiatur Deus potens illas producere: ergo illa potentia Logica est simul, vel consequitur ad obiectiuam.

RESPONDETVR negando antecedens, quod est verum de po-

tentia obiectiua, & extrinseca.

CONTRA: Ergo independenter à Deo ex seipsis res habent possibilitatem, quod est contra naturam creaturæ.

RESPONDETVR negando Consequentiam: nam dependenter à Deo habent possibilitatem ex seipsis, non à seipsis: à Deo extrinsecè, ex seipsis intrinsecè, quatenus in seipsis nullam inuoluunt repugnantiam: vnde loquendo de potentia obiectiua dicunt ordinem ad Omnipotentiam Diuinam: loquendo verò de Logica dicunt etiam ordinem ad intellectum Diuinum originaliter cognoscentem illam connexionem intrinsecam, sed tamen tanquam à causis extrinsecis.

Ex quibus sequitur, quod res in statu meræ possibilitatis possunt dici ens reale, quatenus contradistinguitur à nihilo: nam, ut rectè notat S. Bonauent. *lib. 1. distinct. 7. dub. 3. & distinct. 28. quaest. 1.* inter ens, & nihil non cadit medium: ergo nec inter possibile, & impossibile, seu nihil.

DICES: Si est ens reale: ergo existit, cum existentia ex infrà tradendis non distinguatur ab essentia.

RESPONDETVR esse ens reale substantiuum, non verbale: sic negatur Consequentia: essentia enim præscindit ab existentia.

DICES secundò: Creatura, antequam existat, est terminus cognitionis Diuinæ: ergo habet aliquod esse actuale.

RESPONDETVR attingere ipsas in suis Ideis: sic negatur Consequentia.

772. QUARTA CONCLUSIO: Essentia, & existentia non distinguuntur

G g g g ;

gauntur realiter, sed tantum formaliter, seu modaliter, ut loquitur S. Bonavent. loquendo tamen non de distinctione per modos extrinsecos, sed intrinsecos: Est Seraph. Doct. & Scoti: Seraphicus autem Doct. lib. 4. dist. 43. art. 1. quest. 4. in corp. docet existentiam esse modum non accidentalem, sed substantialem, & intrinsecum essentiae: Sic & lib. 2. dist. 7. part. 2. art. 2. q. 1.

PROBATVR: Quia existentia est id, quo essentia ponitur extra suas causas, & ob id extra nihil: ergo non distinguitur realiter ab essentia. Tum quia essentia ut distincta ab existentia est quid à Deo productum: ergo & existens. Tum quia si existentia realiter distinguitur ab essentia, sequitur, quod posset dari essentia producta absque existentia secundum regulas Thomistarum, qui ex separabilitate inferunt distinctionem realem, & viceversa: sed consequens est impossibile: ergo. Tum quia ex hoc dicunt essentiam realiter distinguere ab existentia, quia essentia in statu possibilitatis antecedenter est indifferens ad existendum, & non existendum: sed idem habet existentia, ut patet de existentia Anti-Christi, quae modò non existit, & potest existere: ergo & existentia in esse possibili differet realiter ab existentia in statu actuali: & si habeat existere, exigit aliquid superadditum, quod est absurdum: sic enim daretur processus in infinitum.

VARIAS responsiones asserunt Thomistae his argumentis, quas expendit, & doctissime de more confutat Meldula, quas quisque poterit videre: Nobis sat haec sunt pro opinione Seraphica.

773. OBIECTES primò: Differt

essentia, & existentia Dei ab essentia, & existentia creaturae: Sed in Deo non differunt, in creatura differunt: nam in Deo essentia est ens existens imparticipatum, in creatura est ens participatum: ergo participat existentiam ut quid ab essentia distinctum realiter. Tum quia in Deo nullam faciunt compositionem, in creatis verò faciunt compositionem: ut rectè etiam aduertit S. Bonau. lib. 1. distinct. 8. part. 2. art. 1. quest. 2. in corp.

RESPONDETUR posse retorqueri contra Thomistas has rationes contra ipsam existentiam, quae est ens participatum, obidque & ipsius existentia erit quid realiter distinctum: Deinde

RESPONDETUR ad haec omnia sufficere distinctionem formalem ex natura rei, per quam potest discerni discrimen inter existentiam Diuinam, & creatam: Et ad id, quod essentia participat existentiam.

RESPONDETUR dici participare existentiam ex eo, quod non habet ipsam à se, sed à causa efficiente extrinseca, & non quia illam sibi non identificet, ex cuius participatione sequitur discrimen ipsius ab ente imparticipato, scilicet à Deo, non verò inter essentiam, & existentiam creatam.

INSTANT: Creatura habet esse receptum, Deus esse irreceptum: at si existentia in creatura non est realiter distincta ab essentia, habebit esse irreceptum, sic & illimitatum, quod est falsum: ergo.

RESPONDETUR distinguendo de esse recepto: Si intelligatur ac esse recepto ab alio, concedo, de esse recepto subiectivè, nego: hinc non sequitur illimitatio, cum non habeant

beant necessariò existentiam, sed contingenter, & ab alio, quod non euenit in Diuinis, ubi Filius necessariò habet esse à Patre, non contingenter.

**INSTANT** iterum: *Essentia dicitur esse in potentia ad existentiam: sed nihil ad seipsum dicitur in potentia: ergo aliquid à se realiter distinctum.*

**RESPONDETUR** esse in potentia obiectiua, non subiectiua, & respectu alicuius realitatis à se ipsa realiter distinctæ, & in ipsa recipiendo, obidque eadem transit de actu potentiali ad esse actualem diuerso modo se habens.

**INSTANT** iterum: *Quia res in potentia est ens reale: ergo ei aduenit existentia per accedens: ergo cum distinctione reali.*

**RESPONDETUR** dici ens reale improprie, prout contradistinguitur à nihilo, & prout habet potentiam Logicam, sed in illo statu nullum esse actuale habet, nisi adueniat existentia, quæ dicitur aduenire per accedens, non quod sit accedens superadditum, sed quia non includitur in conceptu essentia quidditatiuo, cum sit modus ipsius intrinsecus.

**DICITUR** etiam aduenire per accedens, quia contingenter à causa extrinseca, & voluntaria: sed id non facit, quin ipsa sit identificata cum essentia actualem.

**INSTANT:** *Quia humanitas Christi est sine existentia: ergo cum sint duæ entitates separabiles essentia, & existentia, distinguuntur realiter.*

**RESPONDETUR** ex tradendis de Incarnatione negando antecedens: Thomistæ enim negant existentiam humanitati Christi, con-

ferentes in unum existentiam cum substantia.

**QVÆRES:** *an Essentia existenti in statu possibilitatis adueniente existentia superaddatur aliquid: an nihil? Si primum, ergo differunt realiter: Si secundum dicatur: ergo etiam antecedenter existebat?*

**RESPONDETUR** hoc superaddi, scilicet transitus de potentia obiectiua ad actum existentialem, & secundum hunc transitum verificantur contradictoria, scilicet de non existente fit existens.

**CONTRA:** *Ergo nullam facient compositionem: quod est falsum.*

**RESPONDETUR** facere aliqualem compositionem minimam, scilicet essentia, & modi formaliter distincti.

**74. QVÆRES:** *quibusnam rebus competat existentia?*

**RESPONDETUR** ex traditis in formalitatibus competere tantum iis, quæ possunt esse per se terminus physica causalitatis: hæc enim terminatur ad existentiam rei.

**Hic** autem Metaphysici superaddunt quæstiones varias de natura communi, de substantia, de accidentibus, Prædicamentis, substantia, & inhaerentia: Sed quia de his satis dictum est in tractatu formalitatum, & in toto decursu Logicæ, & Philosophiæ: hinc, ne actum agamus, ab his superseдемus: Itcm tractant de Deo, de Intelligentiis; sed quia hæc lumine certiori, & supernaturali tractantur in Theologia: hinc ad hanc Diuinam scientiam tandem inuitantur.

**SICQUE** demum post nauigatos quatuor fluuios ducentes ad Paradisum, post odoratos flores Logicales, post degustatos fructus Philosophicos

lofophicos huius viridarij Seraphici ad lignum vitæ percipiendum in medio Paradisi plantatum, nempe ad doctrinam supernaturalem ad salutem necessariam capescendam invitamur : vt ibi læto, hilarique vultu degustantes fructus Sapientię supernę tandem amoto gladio Seraphico difficultatum ad visionem claram, & fruitionem æternam Dei benedicti, qui est primus, & vltimus omnium finis, peruenire mereamur.

Tuncque non purè per hæc visibilia, vel per fidem, & ænigmata, vt in hac miserrima vita corruptibili contingit, erit nobis conspicuus, sed ( verba sunt Seraphici Doctoris in fine quarti libri Sententiarum ) clarè videbitur à singulis in singulis nobis, videbitur ab altero in altero, videbitur in semetipso,

videbitur in creaturis omnibus, videbitur etiam per corpora in omni corpore, quocunque fuerint spiritualis corporis oculi acie perueniente directi : Oh vtinam id consequamur, tunc videbimus, tunc amabimus, tunc laudabimus, tunc apparebit Christus vita nostra, & nos apparebimus cum ipso in gloria, ad quam suffragantibus meritis Beatę Virginis Marię, Seraphici Patris Nostri Francisci, S. Bonauenturę Doctoris, & Ductoris nostri perducant nos Pontifex, & Præcurfor noster Iesus Christus filius Dei, & eiusdem Beatę Virginis Dominę, & Adiutricis nostrę sua pia misericordia, Cui est benedictio, & claritas, & Sapientia, & gratiarum actio, honor, & virtus, & fortitudo per infinita sæcula sæculorum. Amen.



# APPENDIX

*Ad tradita in hoc cursu Philosophico.*



VIA in disputationibus scholasticis non rarò afferuntur in medium ab arguentibus maximæ, seu dignitates, seu propositiones vniuersales, quæ prima facie videntur per se notæ, quæ tamen admittunt varias limitationes, obid vt plurimum non modicum negocium facessunt maximè Tyronibus: hinc vt in promptu habeantur diuersi sensus ipsarum, sequentes vnà cum variis rerum definitionibus tibi, humanissime Lector, offero desumptas cum suis expositionibus ex scriptis Seraphici Doctoris S. Bonaurenturæ, & eodem ferè ordine, quo ab ipso traduntur ordinatim in quatuor Libris Sententiarum, tum & in aliis suis operibus, simulque habebis veluti compendium omnium ferè materierum doctrinalium in dictis propositionibus contentarum, quæ in euoluendis libris passim occurrunt, vt faciliùs ad amorem doctrinæ Seraphicæ excitari possis: De nomine autem aptiori harum propositionum, & maximarum vide S. Bonau. *lib. 1. dist. 8. p. 1. art. 1. q. 2. ad 6. & lib. 3. dist. 33. art. 1. quest. 5. ad 2.* & nos in sequen. eas explicabimus ad Mentem eiusdem S. Bonaurenturæ.

1. **S**CIENTIÆ secantur vt res: *lib. 1. quest. 1. proœm. in arg.* idest secantur, & distinguuntur ad distinctionem subiectorum, de quibus sunt scientiæ.

2. Excellens sensibile corrumpit  
*R. P. Bart. de Castrov. Phil. P. III.*

sensum: *lib. 1. dist. 1. art. 3. quest. 2. ad 2. & quest. 1. ad 2.* Id verum est de potentia sensitiva, non de intellectiva: illa enim dependet ab organo, quod est corruptibile, & à propria modietate, & harmonia alterabili ab

H h b b

extra

extra, ad quod tendendo dispergitur, & ob id debilitatur; ista vero est independens ab organo, & ab obiecto iuuatur, confortatur, & colligitur.

3. ANIMA est quodammodò omnia: *lib. 1. dist. 3. part. 1. art. 1. quest. 1. ad 1. & lib. 1. dist. 19. part. 1. dub. 8. & lib. 2. dist. 7. part. 2. art. 1. quest. 3. ad 4. & 5. & ibid. dist. 15. art. 1. quest. 1. ad 5. & ibid. dist. 24. part. 1. art. 2. quest. 4.* Intellige esse omnia, scilicet assimilabilem ad omnia intelligibilia per receptionem similitudinis rerum: Intellige etiam rerum, quæ habent esse determinatum, & quæ sunt sub posse ipsius, sic ad futura contingentia habet potentiam, non tamen actu de se potest in ea, nisi adiuncta revelatione.

4. INTELLECTVS noster est veluti tabula rasa, in qua de se nihil est depictum: *lib. 2. dist. 39. art. 1. q. 2. in fine, & lib. 1. dist. 17. part. 1. art. 1. quest. 4. in corp. & lib. 4. dist. 49. part. 1. art. 1. q. 2. ad 3. & lib. 1. dist. 17. art. 1. quest. 1. ad 6. & lib. 2. dist. 3. part. 2. art. 2. quest. 1. in corp. & lib. 3. dist. 14. art. 1. quest. 1. ad 3. & ibid. dist. 23. dub. 4. & distinct. 37. art. 1. quest. 1. in corp.*

HVC propositioni est similis hæc: Nihil est in intellectu, quin prius fuerit in sensu: *lib. 2. dist. 24. part. 2. art. 2. quest. 1. ad 4. & lib. 3. dist. 37. dub. 1. & lib. 4. dist. 10. part. 2. art. 1. quest. 1. in arg.* Istæ propositiones non sunt vniuersaliter veræ, sed tantum intelligi debent de intellectu in ordine ad res, quarum non habet species innatas: Vnde notanter dicitur in intellectu nihil esse depictum, scilicet nulla species abstracta à rebus (quam appellant impressam) sed

ab obiecto debet abstrahi: attamen intellectus de se habet multiplicem speciem innatam, quam S. Augustinus appellat lucem mentium, estque de rebus spiritualibus non per species à sensibus, vel per sensus perceptas, vt est cognitio Dei, virtutum, & quam de se habet anima: Vide *lib. 2. dist. 39. cit.* & ea, quæ à nobis traduntur de anima in quest. de speciebus.

Illam autem propositio sic debet intelligi: Nihil est in intellectu, quin prius fuerit in sensu, idest vel in se, vel in suo simili, vel per suum oppositum: Vide *lib. 1. dist. 21. art. 1. quest. 3. ad 4. & Serm. 3. H x i e m.*

5. CIVIS bonus vsus, & ipsum est bonum, & cuius vsus malus, & ipsum est malum: *lib. 1. dist. 1. art. 1. quest. 1. in corp. & quest. 3. ad 3. & lib. 1. dist. 46. art. 1. quest. 3. ad 3. & lib. 2. dist. 44. art. 1. quest. 2. ad 2. & lib. 3. dist. 34. part. 2. art. 1. quest. 5. in arg.* Id intelligendum de vsu, ad quem vnacunque res directe, & secundum se ordinatur: ad quod requiritur etiam ordinatio vtentis voluntaria, secundum quod res est capax: hinc quia voluntas secundum se non ordinatur ad malum, sed ex malitia tantum volentis, non sequitur, quod ipsa sit mala: Sic ex opposito, si vsus rei ordinatur ad bonum finem, quando ipsa materia non est capax talis ordinationis, vt futuri ad largiendam elemosynam, talis vsus non potest esse bonus: Vide infra *n. 13. & 504.*

6. SUPERIUS non diuiditur contra suum inferius: *lib. 1. dist. 1. dub. 2.* Intellige de superiori in sua generalitate, non vero vt contracto, v. g. animal rationale, aliud est Petrus, aliud Paulus.

7. SIGNVM est, quod ducit in cognitio-

cognitionem alterius rei : *lib. 1. dist. 1. dub. 3.* Id verum est propriè de signo ex institutione , quod est purè signum : licèt etiam sit verum in aliquo casu de signo naturali , quod non est idem cum re significata : non verò de signo , quod est idem cum ipsa re.

ITEM signum vt tale est priùs cognitum,quàm res: *ibid. dub. 4.*

8. DIUISVM est simplicius diuidentibus partibus, & ipsis commune : *lib. 1. distinct. 1. dub. 5.* Intellige, quod est simplicius, & commune vel secundùm nomen tantùm , vt est diuisio æquiuoci : vel secundùm rem , & nomen , estque vniuoci : vel medio modo , estque analogi.

9. OMNIS res aut est finis ( sicque ipsa est fruendum ) aut ducens in finem ( sicque ipsa vt medio vtendum ) aut ad finem perueniens, vt est res, quæ fruatur, & vtitur, vt homo : sic homo fruatur Deo , vtiturque rebus creatis in ordine ad Deum : *lib. 1. dist. 1. dub. 6.*

10. VT de sui ratione importat libertatem cum relatione ad finem : frui verò importat libertatem cum delectatione : *lib. 1. dist. 1. dub. 8.* Intellige de fruitione rationali : Sic & *dub. 12.*

11. VBI est vnio ad alterum , ibi est dependentia , in hærentia , & indigentia : *lib. 1. dist. 1. dub. 13.* Intellige de vnione physica : licèt etiam de gratuita verificetur in creatura , non in Deo.

12. IDEM est finis , & propter quod : *lib. 1. dist. 1. dub. 15.* Intellige de fine vltimo , in quo est status , non de fine sub fine.

13. Cuius finis bonus , & ipsum bonum , & ex opposito , Cuius finis malus , ipsum quoque malum : *lib. 1. dist. 1. art. 1. quæst. 3. ad 3. & lib. 2.*

*distinct. 38. art. 1. quæst. 1. & dist. 40. art. 1. quæst. 1. ad 4. & lib. 4. dist. 6. part. 2. art. 1. quæst. 2. ad 3. & ibid. dist. 30. art. 2. quæst. 3. ad 2.* Secunda propositio semper est vera , cum malum attendatur ex cuiuscunque circumstantiæ debite priuatione : at prima non est semper vera : requiritur enim , quod finis sit bonus de se , & in ratione finis , ex cuius conditionis defectu aliquid , quod de se est bonum , non potest præfigi vt finis principalis , vt si quis sibi præfigeret charitatem non propter Deum , sed supra Deum : requiritur etiam , quod medium sit de se ordinabile in finem , vt dictum est supra *ad num. 5.* Vide infra *num. 402. & 504.*

ITEM finis est , in quo est quies , & vltimata resolutio : *lib. 2. dist. 38. art. 1. quæst. 2.* Intellige de fine vltimo , qui est Deus : est enim finis quod ; charitas verò , seu aliud creatum est finis quo : Vide *lib. 1. dist. 1. quæst. vlt. ad 4.*

14. INTELLECTVS abstrahendo purgatur , & perficitur : Intellige purgari tripliciter , scilicet vel à sensibilibus speciebus : vel à phantasticis imaginibus : vel à physicis rationibus : *lib. 1. dist. 2. dub. 1.* primum fit in Physica : secundum in Metaphysica : tertium in Mathematica.

15. NUMERVS causatur ex vnitarum aggregatione , & distinctione : *lib. 1. dist. 2. dub. 7.* hæc autem distinctio fit vel continui diuisione : vel formarum disparatione , vel gradu , vel ordine : *lib. 2. dist. 14. p. 2. art. 1. q. 1. ad 1.* Vide *num. 136. & 343.*

16. DEVS plus potest facere , quàm nos intelligere : *lib. 1. dist. 2. art. 1. q. 1. ad 1.* Intellige de intellectu rationali , non de fictitia , & phantastica.

17. PLUS sunt plura bona paucioribus

H h h h 2

cioribus: *lib. 1. dist. 2. art. 1. quæst. 1. ad 2.* Id verum est, quando bonum est capax augmenti, quale est omne creatum, non de bono infinito, cui nullum aliud bonum potest addi. Item pluralitas repugnat simplicitati: *ibid. quæst. 2.* Id intellige de pluralitate, quæ est talis per additionem: non verò de illa, quæ est per originem, ut in Deo: hæc enim non repugnat simplicitati summæ, sed tantum solitudini.

18. IN primo, & in vno est status: *lib. 1. dist. 2. art. 1. quæst. 2. ad 3. & distinct. 3. part. 1. dub. 6.* Vide *num. 63.*

19. INTELLECTVS non intelligit, nisi quod est sibi proportionabile, & aliquo modo vnitum: *lib. 1. dist. 3. part. 1. art. 1. quæst. 1.* Intellige de proportionem conuenientiam, scilicet in ratione cognoscitiua, non proportionem æqualitatis: item & de vnione per assimilationem, scilicet mediante specie: Vide infra *num. 357. & 86.*

20. COLOR est extremitas perspicui in corpore terminato: Item color est motuum visus secundum actum lucidi: *lib. 1. dist. 3. part. 1. dub. 7.* prima definitio est in ordine ad id, in quo est: secunda in ordine ad visum, quem mouet, fit enim virtute lucis: *lib. 1. distinct. 8. part. 1. art. 1. quæst. 1. ad 1. & lib. 4. dist. 49. art. 2. quæst. 1.* Vide *num. 328. & 546.*

21. VERITAS est id, quod est: Item veritas est finis intelligentiæ speculatiuæ: *lib. 1. distinct. 3. part. 1. dub. 7.* prima definitio est in ordine ad id, in quo est veritas: secunda in ordine ad intellectum, quem mouet: Vide *num. 56. & 423.*

22. MEMORIA est sensibilem: *lib. 1. dist. 3. part. 2. art. 1. quæst. 1. ad 3.* Intellige de memoria sensitiua,

receptiua, & retentiua sensibilem; non verò præcisè, de intellectu: prima est communis irrationalibus: Vide *num. 219. & 291. & 560.*

23. IDEM est principium essendi, & operandi: *lib. 1. dist. 3. part. 2. art. 1. quæst. 3. ad 3.* Intellige de principio remoto operandi, quod est substantia, non de proximo, quod est potentia, quæ distinguitur à substantia, vel id, quod est idem realiter, non formaliter ex natura rei: *ibid. in corp. & ad. 1.*

24. QVOD vni est accidens, nulli est substantia: *lib. 1. dist. 3. part. 2. art. 1. quæst. 3. ad 6.* Intellige de accidente de se tali: quia quod est de se substantia, vel accidens, semper est tale.

25. IDEM, & diuersum sufficienter diuidunt ens: *lib. 1. dist. 4. dub. 2. & lib. 1. distinct. 19. part. 2. art. 1. quæst. 3. ad ult.* Hoc est verum secundum idem, & in ente, quod natum est numerari, id est quod est res existens, non verò in cæteris, scilicet quæ habent entitatem veram, sed non propriam existentiam, ut sunt realitates, & formalitates, quales sunt potentia in anima, quæ cum anima non sunt omnino idem, nisi realiter, nec sunt diuersa realiter, sed differunt medio modo: *lib. 1. dist. 3. part. 2. art. 1. q. 3.* Ex quibus patet Seraph. Doct. admittere distinctionem mediam inter realem, & rationis.

26. INTER substantium, & adiectiuum cadit, vel subintelligitur copula, est, vel quod est ens: *lib. 1. dist. 4. dub. 3.*

27. QUÆCUNQUE prædicantur de vno, & eodem, prædicantur de se inuicem: *lib. 1. dist. 4. dub. 4.* Verum est, quando prædicantur de vno singulari, non de vno communi,

&



se prædicatione per identitatem, vt Petrus est animal, & homo: excipit tamen in diuinis, nam Deus habet rationem germini communis, scilicet tribus personis, & simul termini discreti: vnde dicitur Pater est Deus, filius est Deus, non verò sequitur Pater est Filius: Hæc propositio est similis alteri: quæ sunt eadem vni tertio, sunt eadem inter se: Vide *num. 50.*

28. **ALIVS** stat pro supposito: aliud pro essentia: aliter verò dicit differentiam accidentalem (*lib. 1. dist. 4. dub. 9.* id est verum, si alius stat substantiæ) *ibid. & dist. 4. art. 1. quest. 1. ad 4.* Vt alius Pater, alius Filius, &c.

29. Nomen abstractum imponitur formæ, & à forma: Concretum imponitur à forma, non formæ, sed supposito: *lib. 1. dist. 4. art. 1. q. 1. in corp.* verbi gratiâ albedo dicit puram formam; albedum dicit duo, scilicet formam albedinis applicatâ subiecto.

30. **TERMINVS** habens multitudinem suppositorum sine distributione acceptus stat pro illo tantum, pro quo reddit locutionem veram: vt homo currit, vera est pro currente, non pro aliis: *lib. 1. dist. 4. ib. d.*

31. Termino habenti formam non multiplicabilem non differt præponere, vel postponere negationem: vt Petrus non currit, non Petrus currit, est idem: Ratio est, quia vtroque modo negatio totaliter remouet prædicatum à subiecto: *ibid. ad 3.*

32. **RELATIVVM** refert antecedens sub eodem modo supponendi, sub quo antecess ns præcessit ipsum relatiuum: *lib. 1. dist. 4. art. 1. quest. 1. in corp. & ad 4.* id verum est, quando relatiuum facit suppositionem personalem non verò simplicem: *ibid. dub. 3.* vt si dicas, Deus genuit Deum: ergo

Deum, qui est Pater, aut qui non est Pater, sed Deum, qui non est Pater: ergo Deus non est Pater: non valer, quia mutatur suppositio personalis in simplicem.

33. **CONTRADICTORIÆ** opposita sunt vera de quolibet sub distinctione, quia de quolibet vera est affirmatio, vel negatio: *lib. 1. dist. 4. art. 1. quest. 1. ad 4. & dub. 7.* Id verum est, quando non variatur suppositio, & sumuntur de eodem secundum idem.

34. **DE** nullo eodem secundum idem vera est affirmatio, & negatio, sed semper vna est vera, altera falsa: *lib. 1. dist. 5. art. 1. quest. 1. ad 1. & lib. 1. distinct. 34. art. 1. quest. 1. ad 5. & lib. 3. dist. 22. dub. 3. & lib. 1. dist. 12. aut. 1. & lib. 4. dist. 11. part. 1. art. 1. quest. 5. ad 4. & ibid. dist. 11. part. 1. art. 3. quest. 1.* Id est verum, dummodo omnimode secundum idem sumantur & re, & ratione, & quando negatio fertur super compositionem principalem: Hincque infert Seraph. Doctor ad verificanda contradictoria sufficere differentiam rationis, scilicet eum fundamento in re: requiritur enim, vt negatio sit omnimoda, vt inter ens, & nihil, sed si cum negatione aliquod ponit, sufficit ad verificandam vtramque, vt Pater intellectus generat, voluntate non generat, vtraque est vera.

35. **CONTRARIA** non possunt secundum idem eidem inesse: *lib. 3. dist. 16. art. 2. quest. 2. ad 2.*

36. **NON** habet locum omnimoda distinctio, vbi non est ex diuersis causis vnio, & de conuerso non habet locum omnimoda vnio, vbi est simul cum vnione distinctio: *lib. 1. dist. 4. art. 1. quest. 1. in corp.* verbi gratiâ, Deus genuit alium Deum, est falsa, quia Deitas est vnica in personis: Petrus,

H h h h 3 &c

& Paulus vniuntur in homine, sed ratione diuersarum humanitarum: & è conuerso, Pater, & Filius, & Spiritus Sanctus vniuntur in Deitate, sed cum hac vniōe, seu identitate stat distinctio personarum.

37. INTELLECTVS sunt idem apud omnes, licet voces sint diuersæ: *lib. 1. d. 4. art. 1. q. 3. ad 1.* vult dicere, quod modi significandi, seu res significatæ sunt idem apud omnes nationes, licet modi exprimendi sint diuersi: In qua doctrina fundatur veritas assertionis Theologorum, quod formæ Sacramentorum diuersimodè prolata, verbi gratià à Græcis, & à Latinis sunt veræ. Sic *lib. 4. dist. 3. part. 1. art. 1. quest. 2. ad 4.* Vide *num. seq.*

38. VERVM præsupponit congruum, idest ad exprimendam veritatem requiritur congruus modus exprimendi: Vnde incongruitas nullam veritatem, vel falsitatem importat, vt Caronis est: *lib. 1. dist. 4. art. 1. quest. 3. ad 2.* Intellige de incongruitate, vel discohærentia terminorum adiacentium secundum attem Grammaticalem, & apud Grammaticos, non verò intellectuum, & apud Theologos, vt olli pro illi: Vide *suprà num. antec.* Vnde sequitur, quod licet Grammaticaliter mutatio formæ Sacramentorum accidentaliter non possit sustineri, Theologicè tamen sustinetur.

39. QUÆCUNQUE sic se habent, quod vnum est idem alijs, & non habet diuersas proprietates, quod dicitur de vno, dicitur & de alio: non verò si habent diuersas proprietates: *lib. 1. dist. 5. art. 1. quest. 1. ad 1.* Id intelligendum est, quod quando ambo habent diuersas proprietates, tunc non est vera dicta propositio, vt Pater, & Filius ob diuersas personalitates non

prædicantur inter se, nec verificantur de vtroque: si verò vnum habet proprietates, aliud non, tunc non inducitur differentia, vt Petrus est indiuiduum, homo non: & tamen Petrus dicitur homo: *ibid. & lib. 1. dist. 33. art. 1. quest. 3. ad 2.* Vide *num. 27. & 404.*

40. DE quocunque prædicatur definitio, prædicatur & definitum: Item de quocunque prædicatur subiectum, & prædicatum, prædicatur & propria passio: *lib. 1. distinct. 5. art. 1. quest. 1. in arg.* Id verum est, quando proprietas non est extranea ei, de quo prædicatur subiectum, vt species, quæ est proprietas hominis, non prædicatur tamen de Petro: Vide *num. 404.*

41. PRÆDICATVM supponit pro subiecto, obidque & prædicatur de subiecto: *lib. 1. dist. 5. art. 1. quest. 1. ad 2.* Id est verum in prædicatione per identitatem: quando verò est prædicatio per inhærentiam, scilicet formalis, prædicatum vnum significat, & aliud supponit: significat formam communem, & supponit pro inferiori: tuncque est vera, vt homo est animal: Si verò idem significat, & idem supponit, est falsa, vt humanitas est animalitas: non enim in creatis est prædicatio formalis per omnimodam identitatem.

42. PROPOSITIO (De) potest tene-  
re materialiter, vt cultellus de ferro: Item ordinaliter, vt de mane sit meridies: Item originaliter, vt radius de Sole: Item consubstantialiter, vt de Patre Filius: *lib. 1. dist. 5. art. 1. quest. 2.* Item (De) potest importare partis habitudinem ad totum, vel principia-  
ti ad principium: *lib. 3. dist. 13. dub. 3.* Item propositio (A) aliquando dicit  
meram concomitantiam, vt dicitur  
defectus

defectus fuisse in Christo à sua naturali origine: aliquando causalitatem principij actiui: *lib. 1. dist. 5. art. 1. quest. 2. & lib. 3. dist. 15. art. 1. quest. 3. ad 3.*

43. MOTIS nobis mouentur ea, quæ sunt in nobis: *lib. 1. distinct. 5. art. 2. quest. 1. ad 3. & distinct. 18. part. 1. art. 2. quest. 2. ad 3. & dist. 37. part. 2. art. 1. quest. 2. ad 3.* Id verum est de iis, quæ sunt in re mota cum dependentia ab ipsa: unde ad motum æris non mouetur radius in ipso existens, quia dependet à Sole in esse, in fieri, & conseruari: sic gratia non mouetur ad motum hominis, nec anima mouetur ad motum manus, quia non est in ea definitiue, vel circumscriptiue.

44. GENERATIO est motus ad substantiam, importatque principium à quo, & principiatum quod, obidque distinctionem: *lib. 1. distinct. 5. art. 2. quest. 1.* Verum est, quod est motus in creatis, non in Diuinis, ubi est tantum productiua generatio absque mutatione: Vide *num. 66.*

45. CAUSA est, qua posita ponitur effectus, & qua remotà remouetur effectus: *lib. 1. dist. 5. art. 2. quest. 2. in secund. & ibi dist. 45. art. 2. quest. 2. ad 2. & lib. 3. dist. 31. art. 1. quest. 1. ad 2. & 3.* Item causa est, ad cuius esse sequitur aliud: *lib. 1. dist. 20. art. 2. quest. 2.* Prima propositio intelligitur de causa posita in actu secundo, sic enim ponitur effectus, id etiam verum est de causa necessaria, non de libera: illa enim posita in esse cum conditionibus necessariis, statim ponit effectum: ista nequaquam: *lib. 2. distinct. 1. part. 1. art. 1. quest. 2. ad 4.* Similis etiam huic est ista: omne id antecedens aliud, quo posito ponitur aliud, ipsam est cau-

sa illius: verum est de eo, quando aliud ponitur per productionem, non verò secundum consecutionem, vel concomitantiam: *lib. 1. distinct. 38. q. 1. ad 2.* Similis est etiam secunda propositio remotà causa, &c. est enim vera de causa efficiente, & simul conseruante: vel de causa efficiente cum proxima dispositione, qua remotà non ponitur effectus: *lib. 2. dist. 32. art. 1. quest. 2. ad 3. & lib. 4. distinct. 4. part. 1. art. 1. quest. 2. ad 4. & lib. 4. dist. 22. art. 1. quest. 1. ad 2. & lib. 4. distinct. 27. artic. 3. quest. 1. ad 3.*

46. GENERATIO est principium communicandi, & distinguendi: *lib. 1. dist. 5. art. 2. quest. 1. 2.* primum est ratione naturæ, quæ de se est pluribus communicabilis: secundum est ratione suppositorum, quibus communicatur.

47. IN æternis potentia coniuncta est actui: *lib. 1. distinct. 6. art. 1. quest. 1. fund. 3.* Hinc ab æterno Deus generat, & spirat, id verum est de actibus necessariis, non de liberis, & contingentibus.

48. POTENTIA distinguuntur per actus, actus verò per obiecta: *lib. 1. distinct. 7. artic. 1. quest. 3. ad 2. & lib. 2. dist. 7. part. 1. art. 2. quest. 1. ad ultim. & ibi distinct. 24. part. 1. art. 2. quest. 1. ad 3. & ibi dist. 27. art. 1. quest. 1. ad 4. & lib. 3. dist. 23. art. 1. quest. 1. ad 2. & quest. 3. ad 1. & distinct. 35. art. 1. quest. 3. ad ult. & distinct. 36. art. 1. quest. 1. ad 5. & lib. 4. dist. 14. part. 1. art. 1. quest. 1. ad ultim. & Serm. 4. in Dom. 18. post Pentec.* Hæc propositio Aristotelica admittit varias expositiones, & limitationes: & primò intelligenda est de distinctione à posteriori, & quatenus distinctio potentiarum nobis inno-

innotescit per ordinem ad actus, & obiecta: potentia enim per prius se-  
 ipsis distinguuntur: Sic *lib. 2. dist. 24.*  
*et. secundo* debet intelligi de obiecto  
 per se: tertio quod potentia  
 primo per actus, & mediate per ob-  
 iecta: quarto quod distinguantur per  
 actus, qui habent completionem ab  
 obiectis, unde non verificatur in acti-  
 bus Diuinis, qui non complentur ab  
 obiecto: quinto non verificatur hæc  
 propositio in potentiis eminentialiter  
 perfectis, quales sunt spirituales,  
 quæ ob sui perfectionem possunt exi-  
 re in actus specie diuersos, vel sub-  
 ordinatos.

49. OMNE distribuit pro suppo-  
 sitis, pro quibus terminus subiicitur,  
 non pro quibus prædicatur, scilicet  
 pro omnibus tantum, quæ vniuocan-  
 tur, vel analogantur in illo: v.  
 g. omnis homo est animal, ly, homo,  
 stat pro quolibet inferiori subiecti,  
 non verò prædicati: *lib. 2. distinct. 7.*  
*art. 1. quest. 4. in argument. & lib. 2.*  
*distinct. 21. art. 1. quest. 2. ad 1.*

50. QUÆ sunt eadem vni tertio,  
 sunt eadem inter se: vel quæ prædi-  
 cantur de vno, & eodem, prædi-  
 cantur de se inuicem: *lib. 1. dist. 4.*  
*dub. 4. & q. 2. in corp. & ibid. dist. 5.*  
*art. 1. quest. 1. ad 1. & dist. 31. part. 2.*  
*artic. 2. quest. 1. in argum. & ibidem*  
*dist. 33. art. 1. quest. 3. ad 1. & ibid.*  
*dist. 34. art. 2. quest. 1. ad 6. & lib. 2.*  
*dist. 3. part. 1. artic. 1. quest. 3. ad 1.*  
*& lib. 1. distinct. 4. art. 1. quest. 2. in*  
*corp. ibi secunda regula, &c. Hæc*  
*propositio* exigit varias limitationes:  
 prima est in *lib. 1. dist. 33. cit.* quod  
 sunt idem inter se, sicut conueniunt  
 in tertio, quod clariùs exponit Sco-  
 tus, scilicet eadem identitate, qua  
 sunt idem illi tertio, sunt etiam in-  
 ter se: secunda quod non verifica-

tur, vbi est conuenientia plurium in  
 aliquo communi tantum absque con-  
 uenientia, vel cum differentia ipsa-  
 rum inter se, v. g. differentia con-  
 ueniunt in genere vt in communi,  
 sed secundum rationem diuersam  
 inuolutam virtualiter in eodem com-  
 muni: vel fallit etiam, vbi aliqua  
 plura distinguuntur per suas origi-  
 nes, vt radij diuersarum stellarum  
 vniuntur in eodem puncto aeris non  
 per identitatem, idem distinguuntur  
 inter se: sic & personæ Diuinæ con-  
 ueniunt in natura, & differunt per  
 origines: aduertit tamen Seraph.  
 Doct. *lib. 1. distinct. 34. citat.* quod  
 hæc propositio est vera semper, si  
 sanè intelligatur, nempe si intelli-  
 gatur quantum ad ea, quæ abso-  
 lute conueniunt pluribus ratione  
 tertij communis absolute sumpti:  
 non verò per ordinem ad respecti-  
 ua, quia relationes distinguuntur  
 non solum penes subiectum, sed  
 etiam penes terminum ad quem,  
 unde hæc est falsa, Pater est Pater-  
 nitas: Pater est innascibilitas: ergo  
 paternitas est innascibilitas: est Con-  
 clusio, inquam, falsa, quia licet vera-  
 que relatio sit in eadem persona, non  
 tamen ad eundem terminum: tertio  
 fallit hæc regula, quando duo extre-  
 ma comparantur ad vnum tertium  
 indeterminatum, vt homo, & asinus  
 conueniunt in animali indetermi-  
 nate, in quo est maior capacitas, &  
 communitas, quam sit inferioribus:  
*lib. 2. distinct. 3. citat. & Vide supra*  
*mem. 27.*

51. QUÆCUNQUE ita se ha-  
 bent, quod vnum potest intelligi  
 altero non intellecto, & è conuerso,  
 illa non sunt vnum, & idem: *lib. 1.*  
*dist. 7. art. 1. quest. 3. ad 4.* In Diui-  
 nis verificatur quantum ad conno-  
 tarum

tatum, non quantum ad principale significatum, vt posse creare, & posse generare.

52. MAGIS, & minus respectu entis non dicunt intensionem, & remissionem: in comparatione ad diuersas substantias, & naturas, scilicet prout sunt talia entia, sic dicunt gradum, & excessum, sic Deus est ens magis, & improportionabiliter excedens, quàm creatura: *lib. 1. dist. 8. pars. 1. dub. 4. & lib. 1. dist. 17. pars. 2. art. 1. quest. 1. ad 1.*

ITEM etiam de illa propositione, formæ consistunt in indiuisibili, scilicet secundum esse vniuersale, & specificum, non verò vt in hoc, vel illo indiuiduo: habent enim aliqualem latitudinem gradualem intra sphaeram speciei: sic etiam substantia non respicit magis, & minus logicè, sed bene physicè: *lib. 2. dist. 3. dub. 2. Vide num. 365.*

53. ACCIDENS est natum in alio esse, ab alio exire, & ab alio recedere: inest enim subiecto, ab illo trahit originem, ab illoque potest adesse, & abesse: *lib. 1. dist. 8. pars. 1. dub. 8.*

ITEM propriè dicitur accidens posse adesse, & abesse à subiecto, idest quia potuit aduenire rei iam existenti, vel recedere ab ea iam existente, vel saltem intendi, vel temitti, siue variari: *lib. 1. dist. 26. Vel id est verum respectu subiecti remoti, quod est materia, licet aliquando non respectu subiecti proximi, vt albedo in cigno: ibid. & lib. 1. dist. 30. artic. 2. quest. 2. ad 2. & lib. 2. dist. 26. art. 1. quest. 3. in argum. & lib. 3. dist. 6. art. 1. quest. 2. ad 3. Vide num. 331. & seq.*

54. VITA est actus continuus, & internus procedens à forma spiritus. *P. Bart. de Castrov. Phil. P. III.*

rituali, competitque vt actus completus potentia operatiua secundum eius naturam: *lib. 1. dist. 8. pars. 1. dub. 9.*

55. PROPRIETAS est, quæ conuenit omni, & soli, & semper, quæ est ratio innotescendi, & differt ab eo, cuius est proprietas: *lib. 1. distinct. 8. pars. 1. artic. 1. quest. 1. ad 4. duæ primæ conditiones dicunt perfectionem, ob id competunt Deo: tertia dicit imperfectionem, competitque creaturæ.*

56. VERITAS est actus, seu rei indiuisio, quæ res est in se indiuisa: *lib. 1. distinct. 8. pars. 1. art. 1. quest. 1. in corp.*

ITEM est adæquatio rei, & intellectus: *lib. 1. distinct. 46. art. 1. quest. 4. in fund. Vide n. 21. & 423.*

57. OMNIS sermo enuntiativus, vel enuntiat affirmatiue, vel negatiue prædicatum de subiecto: *lib. 1. distinct. 8. pars. 1. artic. 1. quest. 2. in fund.*

58. PROPOSITIO per se nota est, in qua causa prædicati clauditur in subiecto: sic principia cognoscimus, in quantum terminos cognoscimus: idè seipsis sunt euidentia: *lib. 1. dist. 8. pars. 1. art. 1. quest. 2. & lib. 2. distinct. 39. art. 1. quest. 2. & Serm. 3. Hexièm.*

59. PROPOSITIO affirmatiua ponit, & infert aliquid positium, & veritatem: negatiua verò totum destruit, si est absoluta, vt nihil est, idè non infert aliquid verum positium: *lib. 1. dist. 8. p. 1. art. 1. q. 2. in corp.*

60. QVICUNQUE de non agente sit agens, mutationi subiacet: *lib. 1. dist. 8. pars. 1. art. 2. quest. 1. ad 3. Id verum est de agente, quod non est sua actio: agens enim creatum*

1111 habet

habet actionem mediam disponentem ad effectum: non sic Deus.

61. VNIVERSALE est, quod est semper, & vbique, obidque immutabile; *lib. 1. dist. 8. part. 1. art. 2. q. 2. ad 3. & lib. 2. dist. 18. art. 1. quest. 3. in fund.* Intellige de vniuersali secundum se, non prout est in indiuiduo: non enim est vbique, & secundum totalitatem quoad identitatem, cum sit in singularibus secundum aliud, & aliud suppositum, & ita numeratum; *lib. 1. dist. 37. part. 1. art. 2. quest. 1. in corp.* Deus autem est vbique secundum identitatem, & totalitatem.

62. OMNE id, ante quod non est aliud ipsum componens, est simplex: *lib. 1. dist. 8. ibid. ad 5. & part. 2. art. 1. quest. 2. ad 3. & 4.* Intellige de simplicitate opposita compositioni ex aliis, non cum aliis.

63. OMNIS motus procedit ab immobili: vel quicquid mouetur, ab alio mouetur, reducere debet ad vnum mouens immobile, idque etiam pater, cum mouetur manus, stat cubitus, & cum mouetur cubitus, stat humerus.

HINC inferitur omne creatum esse ab vno primo motore immobili: *lib. 1. dist. 8. part. 1. artic. 2. quest. 1. in corp. & lib. 1. dist. 15. art. 1. quest. 3. in argum. & lib. 2. dist. 2. part. 2. art. 1. quest. 1. & lib. 2. dist. 15. art. 1. quest. 1. ad 2. & lib. 2. dist. 14. part. 1. art. 3. quest. 1. in argum. & lib. 3. dist. 27. artic. 1. quest. 2. in argum.*

ADVERTIT tamen Seraph. Doct. *lib. 2. dist. 14. & 15. citat.* quod non semper mouens est aliud à mobili, scilicet hoc aliquid, & sufficiens, sed idem secundum partem potest esse mouens, & secundum aliam motum,

vt patet in animali ex exemplo alto. Vide *num. 18. & 197. & 339. & 340. & 377.*

64. OMNIS compositio vel est ex aliis, vel cum aliis: *lib. 1. dist. 8. part. 2. art. 1. quest. 2.*

65. QVOD distinguitur ab aliis entibus, est aliqua natura determinata: Item quod habet superius vniucum, habet esse in genere determinato: *lib. 1. dist. 8. part. 2. quest. 4.* Intellige de eo, quod est tale per differentiam aduantem, idque non competit Deo.

66. VBI est generatio, ibi est corruptio: *lib. 1. dist. 9. art. 1. quest. 1.* Intellige non de ratione generationis vt sic, sed quam comitatur transmutatio: hæc enim est in creaturis: at generatio in Deo de se solum dicit rationem productiuam: & *lib. 1. dist. 13. art. 1. quest. 1. ad 2. Vide num. 44. & 84.*

67. IN Creaturis operans naturaliter operatur, quam citius potest, & de perfectione agentis est, quod operetur citissime: *lib. 1. dist. 9. art. 1. quest. 2. in fund.*

68. SICVT se habet corruptio ad non esse ex parte finis, sic generatio ex parte principij: *lib. 1. dist. 9. art. 1. quest. 2. ad 1.* Id verum est in creaturis, vbi interuenit mutatio ex parte generationis, & corruptionis: generatio verd in Diuinis non admittit inceptionem.

69. QVI semper nascitur, nunquam natus est: *lib. 1. dist. 9. art. 1. quest. 4. ad 1.* Id verum est in generatione, in qua differt nasci, & natum esse: non in Diuinis.

70. AMICITIA aut est beatitudo, aut non sine beatitudine: *lib. 1. dist. 10. art. 1. quest. 2. in corp.* Id dicitur, quia affectio amoris est radix omnium

omnium aliarum affectionum : ob id ubi est amor mutus, nihil delitiosius potest inueniri, & sine amore nullæ sunt delitiæ.

71. FRUSTRA fit per plura, quod potest fieri per pauciora : *lib. 1. dist. 10. art. 1. quest. 1. ad 4. & lib. 3. distinct. 14. art. 3. quest. 1. ad 3. & lib. 4. dist. 24. pars. 2. art. 1. quest. 2. ad ultim. & dist. 1. pars. 1. artic. 1. quest. 1. ad 2. & lib. 3. dist. 2. art. 2. quest. 2. in arg.* Id verum est, quando per pauciora potest fieri æquè benè, & sufficienter : Vide infra n 436.

72. Ab unitate subiecti est unitas actus : *lib. 1. dist. 11. art. 1. quest. 2. ad 3.* Intellige de subiecto per se primo, non de non per se primo : Item de actu, qui est verè actus, & accidens : non enim potest accidens esse simul in duobus subiectis : non verò de actu, qui est origo, ut in Patre, & filio est actus spiritalius vnicus, quia est vnicum principium.

73. PROPTER quod vnumquodque tale, & illud magis : *lib. 1. dist. 12. art. 1. quest. 2. ad 1. & ibid. dist. 46. art. 1. quest. 3. in argum. & dist. 48. articuli. 2. quest. 1. in argum. & lib. 3. dist. 32. art. 1. quest. 5. ad 3.* Id verum est, ubi est pluralitas causarum, & principiorum, & cum habetur respectus ad causam principalem, non verò indumentem, vel disponentem : sic Redemptio Christi facta ad salutem hominis, cum hæc salus fuerit causa solum inducens, non sequitur, quod sit melior redemptione ipsa.

74. CAUSA prima plus influit in effectum, quàm secunda : *lib. 1. d. 12. art. 1. q. 1. ad 2. & lib. 1. dist. 45. art. 2. quest. 2. & distinct. 20. art. 1. quest. 2. ad 3. & distinct. 37. artic. 1. quest. 1. fund. 2.* Id intellige quan-

tum ad intimitatem, & vniuersalitatem, non quantum ad propria, & indiuidualia rei productæ : Excepit tamen causam primam increantem, quæ habet de ratione causæ vniuersalis, & etiam particularis, cum de se possit in quemlibet effectum particularem : *lib. 1. dist. 35. art. 1. quest. 2. ad 3.*

75. ACTIONES, & mutationes denominantur à termino : *lib. 1. dist. 13. art. 1. quest. 2. ad 3.*

76. GENERARE est similem substantiam producere : *lib. 1. dist. 13. art. 1. quest. 2.*

77. DIFFERENTIÆ seipsis, & non per alias differentias differunt : unde in ipsis est status : innotescunt tamen per alias consequentes : *lib. 1. dist. 13. art. 1. quest. 3.*

78. QUÆ sunt in diuersis principijs, realiter differunt : *lib. 1. dist. 13. ibid.*

79. NEGATIO priuatiua cum constantia subiecti æquipollens termino potè priuatiuo, ut non par est idem, quod impar : *lib. 1. distinct. 15. art. 1. quest. 4. in argum.*

80. NEGATIO præposita signo vniuersali est æquipollens negatiuæ propositioni particulari, ut omnis homo currit, idest aliquis homo non currit : negatio postposita facit æquipollere vniuersali negatiuæ, ut omnis homo non currit : *lib. 3. distinct. 39. artic. 2. quest. 1. in corp.*

81. NUMERATA productione, numeratur productum : vnum enim, & idem bis non producitur : *lib. 1. dist. 14. art. 1. quest. 2. ad 1.* Id verum est, si vtraque tendat in productum ut in obiectum proprium, non verò si secundum aliquem respectum accidentalem, ut processio æterna,

& temporalis Spiritus Sancti non est duplex. Vide *num. 456*.

82. Denominatio fit à nobiliori : *lib. 1. dist. 14. q. 1. ad 6*. Id verum est in eo, in quo illud, quod minus dignum est, conformatur digniori: non verò quando duo copulantur in vnicum actum, ita quod adest vnum perfectum, aliud imperfectum, tunc enim totum copulatum denominatur à parte imperfectiori: ratio est, quia totum copulatum destruitur à destructione cuiuslibet partis: ob id si vna pars est falsa, totum falsum, si contingens, vel temporalis, totum dicitur contingens, &c. v. g. in processione temporalis Spiritus Sancti concurrit Spiritus Sanctus, & donum creatum, & temporale, quod est gratia, talis processio dicitur temporalis, non aeterna ratione connotati. Vide *n. 316*.

83. Modus dicendi est triplex, æquivocus, univocus, & analogus: in primo est geminatio circa dici, siue nomen, non circa rem: in secundo est geminatio circa rem, non circa nomen: in tertio est geminatio utroque modo: *lib. 1. dist. 14. art. 1. quest. 2. in corp.*

84. Generatio in creaturis est ob duo, scilicet ob corruptibilitatem, ob quam indigent conservari in alio, & ob perfectionem naturæ, quæ potest producere sibi simile: *lib. 1. dist. 14. art. 2. quest. 2. argument. 3*. Vide *n. 66*.

85. Quod potest perfectè expellere contrarium, potest perfectè generare habitum contrarium: *lib. 1. dist. 14. ibid. argum. 4*. Id verum est de expellente effectivè, non formaliter.

86. Certitudo cognitionis est secundum præsentiam, scilicet vel

quantum ad rationem cognoscibilis, nempe per speciem: vel quantum ad substantiam cognoscibilis: *lib. 1. dist. 17. part. 1. dub. 2*. Vide *n. 19*.

87. Nullum accidens est melius substantia: *lib. 1. distinct. 17. part. 1. art. 1. quest. 1. ad 1*. Id verum est, si sumantur absolute secundum propriam entitatem: si verò quod bene esse, vel quatenus accidens est ratio ordinandi substantiam ad bene esse, est falsa: sic charitas dicitur melior anima non in ratione ordinabilis, sed in ratione ordinandi. Vide *n. 373*.

88. Quando causa est virtuosior, eò paucioribus mediis indiget: *lib. 1. dist. 17. ibid. ad 4*. Id verum est ex parte operantis, non verò ex parte suscipientis, & indigentis debita dispositione: & *lib. 2. dist. 1. part. 1. artic. 1. q. 1. & lib. 4. dist. 10. part. 1. art. 1. quest. 1. in fund.* Vide *n. 497. & 181*.

89. Solus ille perfectè scit, qui novit se scire: *lib. 1. distinct. 17. ibid. in fund.*

90. Cognitio à posteriori exigit, ut cognoscatur, quod ille effectus est ab illa causa: *lib. 1. dist. 17. part. 1. art. 1. quest. 4. in fund.* Scire à priori est, circa an sit, & quid sit, & sicut est: *lib. 1. d. 13. dub. 5*. Vide *n. 715*.

91. Vbi est augmentum, ibi est minus, & minus: *lib. 1. dist. 17. part. 2. art. 1. q. 1. ad 2*. Intellige vel secundum quantitatem molis, vel virtutis.

92. Quantitatis augmentum terminatur ad accidens: *lib. 1. dist. 17. ibid. ad 3*. Intellige primariè, nam secundariè potest terminare ad substantiam.

93. Augmentum in corporalibus, & in quanto molis ponit compositionem, obidque simplicissimum est minimum: è contra: In quanto virtutis



tutis simplicissimum est maximum, accessusque ad summum est per depurationem: *lib. 1. dist. 17. part. 2. art. 1. quest. 2. ad 3.*

94. Ex iisdem quisque constat, nutritur, & augetur: *lib. 1. dist. 17. ibid. in fund.* verum est in viucentibus. Vide n. 349.

95. Ad motum non est motus, nec ad relationem est relatio: *lib. 1. distinct. 18. art. 1. quest. 1. ad ultim.* Id verum non est, quando motus, & relatio non se habent in ratione motus, & relationis præcisè, sed in ratione principij: sic relatio potest esse fundamentum alterius relationis, & motus principium alterius: *lib. 1. dist. 33. art. 1. quest. 3. ad 2. Vide n. 520.*

96. Mobilis, & moti est eadem ratio: *lib. 1. dist. 18. art. 1. quest. 3. ad 2.* verum est quantum ad agere, & recipere, tamen motus addit actum ad mobile.

97. In quolibet genere perfectior est actus, quam potentia: *lib. 1. dist. 18. art. 1. quest. 3. ad 3.* verum est de potentia passiva: Item intelligitur de eo, quod est in potentia ob sui imperfectionem complebilem per actum, non verò de eo, quod est in potentia solum actiua absque eo, quod agat ob defectum suscipientis: sic enim sol actu potest lucere domum, nec aliquid imperfectionis importat, si actu non illuaret ipsam. Vide n. 393.

98. Omne nomen in Diuinis dicens respectum, vel effectum ad creaturas est commune tribus: *lib. 1. dist. 18. art. 1. quest. 4. ad 4.* Id verum est, si importat solum respectum ad creaturas, non verò personæ ad personam, ut est hoc nomen Doni, quod dicitur de Spiritu Sancto, qua-

tens producit liberaliter, & datur etiam creaturis.

99. Annus dicit completam temporis reuolutionem secundum decursum Solis in Zodiaco, & regressum ad idem punctum: *lib. 1. distinct. 19. part. 1. dub. 4.*

100. Præpositio, In, in Diuinis vel dicit distinctionem essentialem, sicque creatura dicitur esse in Deo: vel personalem, sic Pater dicitur esse in filio: vel nullam distinctionem, ut bonitas est in Deo, sic dicit omnino- dam identitatem: *lib. 1. dist. 19. part. 1. dub. 6.* Item vel causalitatem, ut res sunt in Deo: in creatis inhaerentiam, ut accidens est in subiecto: *lib. 1. dist. 36. dub. 1.*

101. Degenerare est exire extra genus generantis, idque vel quantum ad formam communem, sic Sol generat hominem: vel quantum ad proprietates retenta natura generantis, ut filius dissimilis Patri in moribus: vel solum per diuersitatem entitatiuam, sic generatus, & genitum differunt realiter: *lib. 1. dist. 19. part. 1. dub. 11.*

102. Quicquid est perfectionis, reponendum est in Deo: *lib. 1. distinct. 1. part. 1. artic. 1. quest. 1. in argum.* Vnde perfectiones, quæ sunt in creaturis cum aliqua imperfectione, reperiuntur in Deo sine vlla imperfectione.

103. Omnis multitudo reducitur ad unitatem: *lib. 1. dist. 19. ibid.*

104. Vnum in substantia facit identitatem: in quantitate æqualitatem; in qualitate similitudinem: *lib. 1. dist. 19. part. 1. art. 1. q. 1. in fund.*

105. Vbi æqualitas, ibi quantitas, & diuisibilitas, & finitas: *lib. 1. distinct. 19. ibid.* Id verum est in creaturis, & de quantitate mo-

lis, quæ dicit conterminationem. Id etiam est verum de quantitate virtutis creata in ordine ad finitatem, & diuersitatem, excessusque priuationem.

106. Omne relatiuum æquiparantia denominat extremum secundum modum consimilem: *lib. 1. dist. 19. part. 1. art. 1. quest. 3.*

107. Omne quantum comparatum quanto aut maius est, aut minus, aut æquale: *lib. 1. distinct. 19. ibid.*

108. Esse in alio in creaturis est, vel vt pars in toto, vel vt totum in partibus, vel vt species in genere, & c. conuerso, vel vt forma in materia, vel sicut rectam, seu motum in agente, vel sicut contentum in continente, vel sicut accedens in subiecto: Esse verò in alio per circumincessionem est solum in Diuinis, vel secundum indistantiam præsentia-  
tatis, vel secundum virtutis influentiam, vel secundum intimitatis existentiam: sic Deus est in rebus per præsentiam, potentiam, & essentiam: *lib. 1. distinct. 37. part. 1. art. 3. quest. 2. & lib. 1. distinct. 19. part. 1. art. 1. quest. 4. Vide mun. 190.*

109. Duo simplicia eiusdem generis, si simul sunt, & vnum est in altero, non distinguuntur ab inuicem: *lib. 1. dist. 19. ibid. ad 2.* Id verum est, quando simplicia distinguuntur penes illud, in quo sunt, sicut punctus, & vnitas distinguuntur ratione subiecti, in quo sunt: non verò quando seipsis distinguuntur, & in seipsis substantificantur: tunc enim licet sint simul, tamen non confunduntur, vt sunt personæ Diuinæ per circumincessionem: & in creaturis lumina in eodem aëre.

110. Præpositio (contra) importat habitudinem repugnantia: (ad & propè) habitudinem distantia: (In, & cum) habitudinem conuenientia: prima, scilicet contra, ad, & propè, non recipiuntur in Diuinis: tertia scilicet, In, vt Pater est in Filio, item quarta scilicet (cum) recipitur, & cum conuersione: importet enim conuenientiam, & relationem æquiparantia, Pater est in, & cum Filio, & c. conuerso: *lib. 1. distinct. 19. part. 1. art. 1. quest. 4. ad 6.*

111. Vbi pluralitas, ibi integritas, & aggregatio plurium vnitarum: *lib. 1. dist. 19. p. 2. art. 1. q. 1. ad 3.* Id verum est, vbi pluralitas est per additionem constituentem tertium, vnde non est vera in Diuinis.

112. Vniuersale est, quod prædicatur de pluribus ratione formæ vel multiplicata, vel multiplicabilis: Particulare de vno solo: *lib. 1. dist. 19. part. 2. art. 1. quest. 2.* Id intelligitur, quod vniuersale prædicatur de pluribus ratione communicabilitatis: quod tamen adhuc propriè non est vniuersale, nisi intelligatur multiplicatum in inferioribus: vnde natura Diuina est communis tribus vna, & non vniuersalis: Vide n. 354.

113. Quotid quid est simplicius, tantò vniuersalius: *lib. 1. distinct. 19. part. 2. art. 1. quest. 2. ad vltim.* Id verum est de simplici capaci additionis vt in creaturis, non in Diuinis: Item est verum de simplici carente compositione partium in esse definito, vt est genus, nec de carente partium in esse naturæ: *lib. 2. distinct. 2. part. 2. art. 1. quest. 2. ad 3.*

114. Materia est principium patiendi, obid inter omnia entia imperfectissimum: *lib. 1. distinct. 19. part. 2.*

part. 2. articuli. 1. quæst. 3. in fund.

115. Causæ quatuor sic se habent, quod efficiens ad finem refertur, & forma ad materiam : lib. 1. dist. 19. part. 2. art. 1. quæst. 3. ad 2. primæ duæ possunt coincidere in idem : non verò materia, & forma : forma verò constitutiva potest coincidere cum efficiente, & sine in idem specie, non numero : forma exemplaris in idem numero. Vide n. 364.

116. Materia in his inferioribus dat existentiam, & permanentiam propter sui incorruptionem : est enim fundamentum receptivum formæ : lib. 1. dist. 19. part. 2. art. 1. quæst. 3. ad 3. & ibid. dist. 43. art. 1. quæst. 1. ad 2. & lib. 2. dist. 3. part. 1. art. 1. quæst. 2.

117. Infinitas venit ex materia : lib. 1. distinct. 19. ibid. ad 4. Verum est de infinitate ex defectu perfectionis : non verò ex defectu limitationis, hæc enim solum est in Deo.

118. Omnis distinctio est à forma : lib. 1. distinct. 19. ibid. ad ultim. Intellige de distinctione perfecta, non de imperfecta : sic enim materia se ipsa differt à forma.

119. Omnia, quæ differunt re, differunt vel genere, vel specie, vel numero : lib. 1. dist. 19. part. 2. art. 1. quæst. 4. & lib. 2. dist. 3. part. 1. art. 1. quæst. 2. in arg. Id verum est propriè in creatis : nam in Divinis differunt personæ realiter, non numero, sed personaliter. Vide num. 15.

120. Omnis diversitas secundum numerum solum venit ex parte materiæ : lib. 1. dist. 19. ibidem in fund. Vide num. 15.

121. Quæcunque differunt numero, numerant omnia, quæ in ipsis sunt, saltem ex parte principij for-

malis : sic Petrus, & Paulus sunt duo homines, duo animalia, duo alba, &c. lib. 1. distinct. 19. ibid. Vide num. 15.

122. Vnum numero est, quod non est multiplicatum, nec multiplicabile : ibid.

123. Vnitas numero venit ex ratione, quod est secundum speciem ex parte, quo res est : lib. 1. dist. 19. ibid. in corp. & ad 4.

124. Ordo est partium disparium sua unicuique loca tribuens dispositio : hinc contrariatur simultati, ponit dependentiam, & præsupponit numerum : lib. 1. distinct. 10. art. 2. Id verum est de ordine secundum positionem vel respectu loci, vel dignitatis : Item ordo, qui dicit antecessionem vel durationem, vel naturam, sine naturali intelligentia, tollit simultatem, ponitque dependentiam : non verò ordo secundum originem tantum : Item ordo secundum positionem supponit numerum, non alij ordines.

125. Vbi est causa, & effectus, ibi est prius, & posterius, & consequenter est ibi ordo naturæ : lib. 1. dist. 20. art. 2. quæst. 2. Intellige de ordine sicut rationis ordinandi secundum emanationem, & antecessionem, idque est tantum in creaturis : nam in Divinis solum est ordo, sicut ordinati, scilicet in ordine ad personas, non naturam : Vide n. 412 & 602.

126. Terminus accidentalis implicat rem suam circa suum subiectum : lib. 1. dist. 21. art. 1. quæst. 1. ad 1.

127. Nemo : hoc nomen componitur ex non, & homo, idest nullus homo, distribuitque communiter, secundum quod illi superadditur, ut nemo

nemo nouit, scilicet pro omni cognoscente: *lib. 1. dist. 21. dub. 3.*

128. Solus est dictio exclusiva, potestque sumi cathegorematicè, & tunc est adiectiuum absolutum ponens rem suam circa suum substantiuum, resque sua est solitudo, idest idem quod non cum aliquo, vel quod solitarius, vt solus homo est rationalis: vel potest sumi syncathegorematicè, sic priuat associationem, & ponit aliquam negationem, seu præcisionem, vt solus Deus creat: *lib. 1. distinct. 21. art. 1. quest. 1.*

129. Nomen significat substantiam cum qualitate, idest quo, & quod: *lib. 1. dist. 22. art. 1. quest. 1. ad vltim.*

130. Nominibus synonymis non plus dicitur pluribus, quàm vno: *lib. 1. distinct. 22. artic. 1. quest. 2. in argum.*

131. Nomina substantiua in Grammatica non dicuntur talia, prout significant veram substantiam realem, vel ens per se, sed prout significant aliquid ad se, adiectiua verò ad aliud: *lib. 1. dist. 22. art. 1. quest. 4. ad 2. & 4.*

132. Vnum est, quod est indiuisum: *lib. 1. dist. 24. art. 1. quest. 1. Vide 56.*

133. Nulla priuatio constituit suum habitum, nec in illo saluatur, vnum verò saluatur in multis, & illa constituit, sicque non constitit formaliter in priuatione, sed est aliquid positiuum: *lib. 1. distinct. 24. art. 1. quest. 1. in fund.*

134. Ens, & vnum, & bonum conuertuntur, idem enim est esse vnum, & esse distinctum: *lib. 1. dist. 24. art. 1. quest. 1. arg. 1. ad oppos. & fund. 3. & lib. 3. dist. 5. art. 1. q. 1. in arg. & lib. 3. dist. 4. art. 3. quest. 3.*

*in fund. & lib. 2. dist. 41. art. 1. quest. 1. ad vltim.* Id est verum, si ens sumitur substantiuè, & vt metrum: *Vide n. 56. & 410.*

135. A quocunque remouetur genus, remouetur & species, & è contra, in quocunque ponitur species positiuè, ponitur & genus: *lib. 1. distinct. 24. art. 2. quest. 1. in argum.*

136. Numerus est multitudo mensurata per vnum: *lib. 1. dist. 24. art. 2. quest. 1. ad arg.* Intellige de numero propriè sumpto, in quo est separatio antecedens, aggregatio, & mensuratio consequens: *ibidem in corp. Vide n. 15.*

137. Accidentium definitiones sunt ex additamento: *lib. 1. dist. 25. art. 1. quest. 2. ad 1.* Intellige per additionem rei alterius generis, scilicet subiecti, obidque definiuntur per obliquum.

138. Omnis definitio dicit aggregationem, cum constet ex pluribus terminis: alioquin esset ibi nugatio: *lib. 1. dist. 25. art. 1. quest. 2. in corp. & ad 1.* Id intellige de aggregatione, cui à parte rei respondet aggregatio plurium entitatum, seu formarum, seu formalitatum, vel ex parte modi intelligendi, & notificandi, quales sunt definitiones traditæ in Diuinis: *ibid. & ad 3.*

139. Rationale est differentia animalis, obid cui non comperit ratio animalis, nec rationalitas: *lib. 1. distinct. 25. art. 1. quest. 2. ad 2.* Intellige de rationali importante potentiam discernendi per inquisitionem, collationem, & discursum: non de rationali, prout dicit præcise potentiam discernendi verum à falso præscindendo à dictis modis: sic enim est etiam in Deo.

Persona

140. Persona est rationalis natura indiuidua substantia, seu incommunicabilis existentia: *lib. 1. dist. 25. art. 1. quest. 2. ad ult. & distinct. 23. art. 1. quest. 1. in fund. & lib. 3. dist. 5. art. 2. quest. 2.*

141. Omne, quod substat, habet aliquid inhærens: *lib. 1. dist. 23. art. 1. quest. 2. ad 3.* Intellige de eo, quod substat alij inhærenti, non verò alij vt distinguenti, & constituenti: sic Deitas substat personalitati in Diuinis.

142. Nomen, quod supra se recipit nomen distributiuum & secundum nomen, & secundum rem, est verè commune ad illa, & vt vniuersale prædicatur de illis: *lib. 4. dist. 25. art. 2. quest. 1.* Intellige de eo, quod plurificatur, vel prædicatur de inferioribus per aliquam differentiam contrahentem: sic enim est propriè vniuersale: alioquin erit tantum commune, non vniuersale, vt est personæ nomen in ordine ad tres personas.

143. In summe simplici non cadit differentia: *lib. 1. distinct. 26. art. 1. quest. 1. ad 3.* Intellige de differentia, quæ fundatur super absolutum, non de ea, quæ fundatur super respectum, seu modum se habendi, vt in Diuinis: *ibid. & ad 4.*

144. Deus non ordinatur ad res, sed res ad ipsum: *lib. 1. dist. 26. art. 1. quest. 1. ad 5. & lib. 3. dist. 30. art. 1. quest. 3. ad 1.* Intellige de relatione reali: hæc enim ponit mutationem.

145. Materia hoc ipsum, quod est, ad alterum est, scilicet ad formam: *lib. 1. distinct. 26. artic. 1. quest. 1. ad 6.* Intellige de relatione annexa, quam vocant transcendentalem: materia enim est in se quid absolutum,

R. P. Bart. de Castrov. Phil. P. III.

sicut forma: & *lib. 1. dist. 30. art. 1. quest. 3. in corp.*

146. Inter omnia entium genera relatio habet minus de entitate: *lib. 1. dist. 26. art. 1. quest. 2. ad 4.*

147. Omne relatiuum reducitur ad absolutum, illudque supponit: *lib. 1. dist. 26. art. 1. quest. 3. ad 1. & ad 4.* Intellige de relatiuo, quod est terminus, non de eo, quod est principium, vt in Diuinis.

148. Omnis abstractio aut est vniuersalis à particulari, aut formæ à materia: *lib. 1. dist. 27. part. 1. art. 1. quest. 3. in fund.* Intellige de abstractione reali, non de pura rationis: *ibid. in corp.*

149. Vbiunque est abstractio, abstractum est simplicius, & minus concreto: *lib. 1. distinct. 27. ibidem* semperque adest aliqua differentia vel rei, vel rationis: *lib. 1. dist. 33. art. 1. quest. 1. ad 2.*

150. Verbum est, quod emanat à mente per modum conceptionis, & expressionis, dicitque respectum ad dicentem: *lib. 1. distinct. 27. part. 2. art. 1. quest. 1.* Hæc competunt Verbo increato, & creato, sed cum hoc discrimine, quod in Deo Pater loquitur ad se, menteq; se concipit simile sibi, scilicet verbum conceptum: in creatis verò est mente exprimere conceptum mentis, cui respondet loqui per verbum externum.

151. Negatio alia est extra genus, & omnimoda: alia in genere: alia partim in genere, & partim extra genus: *lib. 1. distinct. 28. artic. 1. quest. 1.*

152. Relationes diueticantur penes terminos: relatio enim vt talis est ad alterum: *lib. 1. distinct. 28. art. 1. q. 2. in fund.*

K K K K

Princi

153. Principium, & causa idem sunt: *lib. 1. distinct. 29. art. 1. quest. 1. ad 3.* Id verum est in creatis, quia producens, & productum differunt secundum substantiam: non enim in Diuinis cadit ratio causæ.

154. Vnitas non multiplicata facit identitatem omnimodam: *lib. 1. dist. 29. art. 2. quest. 2. ad 3.* Id verum est, quando est talis vnitas, quod non multiplicetur, nec admitrat secum pluralitatem suppositorum, quam excludit identitas, vnde Perrus, & Paulus, licet conueniant in vnitate humanitatis, tamen non sunt idem.

155. Quod prædicatur de alio solum per causam, non est idem subiecto: *lib. 1. dist. 30. art. 1. quest. 1. in fund.*

156. Omne, quod per se prædicatur de aliquo, semper inest illi, & è contra, quod prædicatur non per se, illi conuenit per accidens: *lib. 1. dist. 30. art. 1. quest. 2. ad 3.* Id verum est in creaturis, in quibus ad per se sequitur necessarium, non verò in Deo, de quo aliquid prædicatur non per se, vt creatio, sed pro vt opponitur ad necessarium, dicitur quid liberum.

157. Relatiua alia sunt secundum esse, scilicet ex parte vtriusque termini: alia secundum dici, scilicet ex parte vnus extremi vt scientia ad scibile: *lib. 1. dist. 30. art. 1. quest. 3. ad 4.*

158. Æquale est, quod alteri suppositum non excedit, nec exceditur: *lib. 1. dist. 31. p. 1. art. 1. q. 1. in arg.*

159. Simile, & æquale sunt relatiua æquiparantiae denominantia vtrumque extremum: *lib. 1. dist. 31. art. 1. art. 1. quest. 3. in fund.*

160. Omne plurale geminat suum singulare: *lib. 1. distinct. 31. ibid.*

161. Vbicunque est absolutum, & respectuum, absolutum non est ipse respectus, quantumcunque se ipso referatur: *lib. 1. dist. 33. art. 1. quest. 1. ad 3.* Id verum est in creaturis ob dependentiam, quam importat respectus: verificatur etiam aliquantulum in Diuinis ob aliam rationem: *lib. 1. dist. 33. art. 1. quest. 4. in fund.*

162. Quod prædicatur de aliquo in abstractione, non facit numerum cum eo: *lib. 1. dist. 33. art. 1. quest. 3. in fund.*

163. Adiectiua essentialia seipsa denominant, vt magnitudo est bona, quia in primis est status, idè seipsis denominantur: *lib. 1. dist. 33. art. 1. quest. 3. ad 1. & 2.* Id verum est de absolutis, non de respectibus: Ratio differentie est, quia respectus reflexus supra absolutum ibi quietatur: vnde absolutum dat fundamentum, respectus verò complementum: at respectus reflexus supra se, quia vterque dicit ordinem ad alterum, vnus non potest dare fundamentum, nec alter complementum, vt generatio generat, persona distinguit, sed distinguitur.

164. Genitiuus importat habitudinem principiati ad principium, vel è conuerso, vel possidentis ad possessum, vel formæ ad formarum, vel specificantis ad specificatum: *lib. 1. dist. 34. dub. 5.*

165. Quæcunque duo sic se habent, quod quicquid est in vno, est alterum per essentiam, vnum nihil addit super aliud, vt homo, & animal rationale: *lib. 1. dist. 34. artic. 1. quest. 1.*

166. Verbum (est) est nota identitatis

titatis, inuoluiturque in omni prædicatione: *lib. 1. distinct. 34. artic. 1. quest. 2. in fund.* Intellige tamen non semper de identitate omnimoda, sed aliquando secundum connexionem, vel copulam vtriusque extremi secundum prædicationem: Excipe tamen formam Consecrationis Corporis, & Sanguinis Christi, in qua ly (*est*) non importat identitatem, sed cum sit propositio practica, & effectiua, seu conuersiua, significat, & efficit conuersionem panis in corpus, &c. *lib. 4. distinct. 8. part. 2. artic. 1. quest. 1. & 2.* quæ enuntiatiq; tamen est singularis inter omnes, cum in natura alia similis non adsit.

167. Prædicatio eiusdem de eodem tunc non est nugatoria, quando idem prædicatur de alio secundum substantiam, & diuersum secundum modum se habendi, vel significandi, vt Deitas est Deus, persona est substantia in Diuinis.

168. Aliquid dicitur relatiuè, vel quia significat relationem, estque relatio, vt paternitas: vel quia habet relationem annexam, vt Pater: *lib. 1. dist. 35. dub. 4.*

169. Omne agens rationabiliter non à casu, vel ex necessitate præcognoscit rem, antequam sit, obidque habet in se rem cognitam vel secundum veritatem, vel secundum similitudinem: *lib. 1. dist. 35. artic. 1. quest. 1. & lib. 2. dist. 1. part. 1. art. 1. quest. 1. ad 3.*

170. Omne, quod determinatè ducit in cognitionem alterius, habet penes se similitudinem cogniti, vel ipsum est similitudo, vt est speculum: *lib. 1. distinct. 35. artic. 1. quest. 1.*

171. Similitudo vel dicit conue-

nientiam duorum in tertio, vt est Petri, & Pauli in humanitate, hæcque importat vniuocationem, vel vnum est similitudo alterius, & hæc non importat conuenientiam in tertio, quia similitudo seipsa est similis vt imago Petri: *lib. 1. dist. 35. art. 1. quest. 1. in corp.*

172. Idea est similitudo exprimens ideatum secundum totum: *lib. 1. distinct. 35. art. 1. quest. 2. & 3.* Id intelligendum est diuersimodè de ideis creatis, & increatis: nam in creatis diuersificantur ad diuersitatem essentiarum: at in Deo ob sui eminentiam vna est ad omnia: & licet dicantur plures, id est secundum connotata, non à parte rei.

173. Res dicuntur esse à Deo hoc pacto, ex ipso, per ipsum, & in ipso: *lib. 1. distinct. 36. dub. 1. & 2.* Vbi ly (*ex*, dicit exitum rei in fieri, & per modum actus, & motus à principio primo non aliundè moto: hinc id propriè dicitur de rebus factis in tempore, non verdè ab æterno, sic enim dicuntur esse in Deo æternaliter, provt ly (*in*) importat causalitatem quoad aptitudinem: ly (*per ipsum*) notat principium sufficientissimum, quia omnia agit per seipsum: ly (*in ipso*) notat infinitam virtutem huius principij omnia ambientem: primum appropriatur Patri, qui est prima persona in Trinitate: secundum filio, qui est persona media, per Verbum enim omnia facta sunt: & tertium Spiritui Sancto, qui est tertia persona.

174. In aliquo aliquid dicitur esse tripliciter, vel secundum rei existentiam, sic res sunt in mundo: vel secundum similitudinis præsentiam, sic res sunt in cognitiua potentia: vel secundum causatiuum potentiam, sic

res sunt in sua causa: *lib. 1. dist. 36. art. 1. quest. 1. in corp.*

175. In Deo res dicuntur esse tripliciter: primò vt in principio producente ratione potentie: secundò vt in exemplari exprimente ratione notitie: tertio vt in fine conferuante ratione voluntatis: *lib. 1. dist. 36. art. 1. quest. 1. in corp.*

176. Rectum est Index obliqui: *lib. 1. distinct. 36. artic. 3. quest. 1. in corp.* Hinc malum cognoscitur per ideam boni.

177. Vnumquodque sicut se habet ad esse, ita ad cognosci: *lib. 1. dist. 36. art. 2. quest. 2. ad 2.* Intellige quoad eadem principia essendi, sicut etiam cognoscendi, idque per suas similitudines. Id verum est quoad cognosci, non quoad produci: *lib. 2. distinct. 18. art. 1. quest. 3. ad 3. & Serm. 1. Hexaem.*

178. Præpositio (*cum*) dicit associationem, obidque mutuum auxilium, & conformitatem voluntatis: hinc malè non dicuntur esse cum Deo ob difformitatem: *lib. 1. dist. 37. part. 1. dub. 1.*

179. Præpositio (*apud*) de se dicit transiitionem: est enim nomen transitium, vt Deus apud se erat, antequam crearet mundum: aliquando verò dicit etiam distinctionem, vt Verbum erat apud Deum: *lib. 1. dist. 37. part. 1. dub. 2.*

180. Quantò motor magis distat à mobili, tantò sufficientius mouet: vnde mouet sufficientius anima, quam forma materialis, vel naturalis, & Deus plus omnibus: *lib. 1. dist. 37. part. 1. art. 2. quest. 1. ad 2.* Intelligi debet de motore, & distantia per independentiam, & non per absentiam: hæc enim potius impedit. Vide *num. 63. & 377.*

181. Virtus magis vnita est fortior: *lib. 1. dist. 37. ibid. ad 3.* Id est verum, quatenus magis vnitur in subiecto, magisque consequenter est indistans ab ipso: Vide *Serm. 3. Hexaem.* Vide *num. 88. & 497.*

182. Locus ad locorum magis comparatur in ratione formæ, quam alterius generis causæ: *lib. 1. dist. 37. part. 1. artic. 1. quest. 2. fund. 2.* Id verum est de locato ob indigentiam, & limitationem: *ibid. in corp.*

183. Omnis creatura per se existens, & in se, est hoc aliquid, idest singulare, & indiuiduum: *lib. 1. distinct. 37. part. 1. art. 2. quest. 1. in fund.*

184. Numerus est in omnibus rebus: *lib. 1. distinct. 37. part. 1. art. 2. quest. 1. ad 2.* Intellige non secundum totalitatem, sed secundum aliam, & aliam partem.

185. Vox est simul in auribus diuersorum tota, & simul in toto aëre: *lib. 1. dist. 37. ibid. ad 2.* Nota, ex hoc non potest argui, quod sit vbique, etiam si daretur vox, quæ audiretur per totum mundum: nam vox in medio est multiplicabilis, non multiplicata, sicut lux dum diffunditur, sed tantum numeratur ad numerationem susceptibilis, vnde in pluribus non est eadem.

186. Dici de omni importat distributionem alicuius vniuersalis ad inferiora inseparabiliter: *lib. 1. dist. 37. part. 1. art. 2. quest. 2.*

187. Vbiq; præsupponit vbi, & vbi locum, & locus non datur nisi in tempore: *lib. 1. distinct. 37. part. 1. art. 2. quest. 2.* Locus autem est quantitas diuisibilis: *ibid. part. 2. art. 1. quest. 1. in fund.*

188. Prima causa vno modo se habet ad omnia: *lib. 1. distinct. 37. part. 1.*



part. 1. art. 3. quest. 1. in fund. & ad 1. Intellige ex parte causæ, non verò effectuum.

189. Quicquid recipitur in aliquo, per modum recipientis recipitur, non per modum recepti: *lib. 1. distinct. 37. part. 1. art. 3. quest. 1. ad ult. & lib. 1. distinct. 2. part. 2. art. 2. quest. 3. ad 4. & ibid. dist. 7. part. 2. art. 1. quest. 2. fund. 2. & dist. 8. part. 2. artic. 1. quest. 3. in corp. & lib. 2. dist. 14. part. 2. art. 2. quest. 2. ad 5. & lib. 4. dist. 1. part. 1. art. 1. quest. 4. in quest. 2. Lateralis*: Id verum est de recepto, quod dependet à recipiente: sic species recipitur à potentia cognoscente spiritali modo. Vide *num. 346.*

190. Deus est in rebus per essentialitatem, idest intimitatis existentiam: per præsentiam, idest indistantiam præsentialitatis: & per potentiam, idest per virtutis influentiam, in iustis per gratiam, & in Christo per unionem: *lib. 1. distinct. 37. part. 1. art. 3. quest. 2. Vide num. 108.*

191. Omnis motus est vel ad situm, scilicet locum: vel ad formam: aliquid enim semper acquiritur per motum: *lib. 1. dist. 37. part. 2. dub. 2. & art. 1. quest. 2.*

192. Tempus est mensura motus primi mobilis secundum prius, & posterius: *lib. 1. distinct. 37. part. 2. dub. 3.* Intellige de mensura rei mutabilis in quantum mutabilis, sed suppositione continui: & quia motus primi mobilis est motus maximè evidens, & continuus inter omnes, idè tempus dicitur esse in primo mobili, ut in subiecto, in quo primò est, & primò apparet: idè est tempus extrinsecum rerum: Non tamen est verum de tempore intrinseco cuiuslibet rei variabilis siue successivè, siue

instantaneè, siue continuè, siue non, talisque etiam est in Angelis quoad ipsorum motus, & actiones. Vide *num. 626.*

193. Esse hic potest stare demonstratiuè, & discretivè: sic dicitur quis est hic, quod non alibi: potest stare & demonstratiuè tantum, sic quis dicitur esse hic, ita quod etiam alibi: *lib. 1. dist. 37. part. 2. art. 1. quest. 1. ad 3. Vide n. 513.*

194. Motus est actus imperfectus, idest entis in potentia prout in potentia: *lib. 1. dist. 37. part. 2. art. 1. quest. 2. in fund.*

195. Quicquid movetur, aut movetur per se, aut per accidens: primus motus fit à motore seipso: secundus fit ad motum alterius: *lib. 1. dist. 37. part. 2. art. 2. quest. 1. ad 2. Vide n. 197. & 339. & 340.*

196. Quicquid movetur, est ob carentiam, & indigentiam: *lib. 1. distinct. 37. ibid. ad 3. & lib. 4. dist. 49. part. 2. art. 4. princ. quest. 1.* Id verum est de motu naturali, vel propter indigentiam propriam vel alienam, non de motu voluntario. Vide *num. 341.*

197. Quicquid movetur, differt à motore: *lib. 1. dist. 37. part. 2. art. 1. quest. 1. ad 3.* Id verum est de motu naturali, sed non de voluntario: voluntas enim, quoniam sit super se reflexiva, seipsam movet, sed non secundum idem: Vide supra *num. 63. & 339. & 340. & 471.*

198. Impossibile est impartibile moveri super partibile: *lib. 1. dist. 37. part. 2. art. 2. quest. 1. ad 2. & ultim.* Id verum est de indivisibili, quod habet situm in magnitudine, ut est punctus: non de eo, quod non habet situm, ut est Angelus. Vide infra *num. 202.*

199. Si tanta virtus mouet in tanto tempore, & maior in minori, & maxima in minimo: ergo infinita in instanti: *lib. 1. dist. 37. part. 2. art. 1. quest. 3. in fund. & lib. 2. distinct. 14. part. 1. art. 3. q. 1. in arg.* Hæc ratio tamen non valet in potentia valente cognoscere infinita, vt est anima Christi: id enim infert tantum potentiam passiuam infinitam valentem recipere cognitionem infinitorum: *lib. 3. dist. 14. quest. ultim. ad 4. Vide mun. 238. & 337.*

200. Impossibile est, quod quis per transeat spacium maius se, quin pertranseat prius minus, vel æquale: *lib. 1. distinct. 37. ibid.*

201. Omnis motus vel est successiuus, & dicitur propriè motus: vel est instantaneus, & dicitur mutatio, vt est generatio: *lib. 1. dist. 37. part. 2. art. 1. quest. 3. & lib. 2. dist. 1. part. 1. art. 3. quest. 1.*

202. Omne, quod successiuè mouetur, partim est in termino à quo, & partim in termino ad quem: *lib. 1. dist. 37. part. 2. art. 1. quest. 3. ad 3. & 4.* Id verum est in successiuo completo scilicet respectu spatij substrati, respectu rei motæ, & modi acquiriti termini ad quem: Indivisibile autem, vt est Angelus, dicitur successiuè acquirere terminum solum ratione accessus, & recessus, & diuisibilitatis spatij: Vide *mun. 198.*

203. Radius in instanti totum illustrat: *lib. 1. dist. 37. ibid. ad 1.* Id verum est de instanti improprio, scilicet subiro tempore, in quo est prius, & posterius, licèt imperceptibiliter: vel dic, quod lucis diffusio est non propriè motus localis, sed generationis, sicut generatur species ab obiecto, ideo lux simul est, & lucet.

204. In vacuo non potest fieri motus: *lib. 1. dist. 37. part. 2. art. 1. quest. 3. ad 2.* Intellige de vacuo propriè dicto importante omnimodam priuationem: ibi enim nihil est, obidque nec vlla distantia, nec propè, vel longè nec vlla resistentia.

205. Motus successio prouenit primò ex medij distantia: secundò ex medij resistentia: tertio ex partibilitate mobilis: quarto ex finitate virtutis: quintò ex limitatione mobilis: *lib. 1. distinct. 37. ibidem in corp.*

206. In simplici non potest esse aliquod compositum: *lib. 1. dist. 37. ibid. ad ult.* Id verum est de composito, quod habet partes actu permanentes, non de eo, quod est in successione: sic motus, & duratio successiua est in Angelo.

207. Omne, quod scitur, aut scitur per causam, aut per speciem, aut per effectum: *lib. 1. dist. 38. quest. 1. ad 5.* Vide infra n. 295.

208. Aduerbium (Quia) importat vel causam essendi, vel illationem: *lib. 1. distinct. 38. art. 1. quest. 2. ad 1.*

209. Ex maiori de necessario, & minori de inesse, semper concluditur necessariò: *lib. 1. distinct. 38. art. 2. quest. 1. ad 2.* Id verum est, quando minor est de inesse simpliciter æquiualeus necessario.

210. Omne, quod est, quando est, necesse est esse: *lib. 1. dist. 38. art. 3. q. 1. ad 3.* Id verum est necessitate consequente supponente existentiam rei: & *lib. 1. dist. 47. art. 1. quest. 2.*

211. Dictum de præterito verum est necessarium: si enim fuit, non potest non fuisse: *lib. 1. dist. 38. art. 2. q. 3.*

ad 2.

ad 1. Id verum est, quantum est de ratione præteritionis: sed tamen non sequitur, quod absolute sit necessarium: si enim est de contingente præterito, id non tollit, quin id fuerit contingens, & si est de futuro contingente, verbi gratiâ, Abraham præsciuit incarnationem futuram, id est contingens, licet illa præteritio sit necessaria. Vide num. 484.

212. Omne immutabile est necessarium, sicut & omne æternum: lib. 1. *distinct.* 38. *artic.* 2. *quest.* 2. ad 6. & 7. Verum est, si immutabile actu est, & non potest aliter se habere, sic & æternum, quod purè est æternum: non verò si connotat aliquid temporale, & contingens.

213. Si antecedens rectæ consequentiæ est necessarium, etiam erit consequens: & si consequens non est necessarium, nec erit antecedens: Item & oppositum contingentis est contingens, & oppositum necessarij est impossibile: ex quo sequitur, quod ad antecedens sequitur consequens: & ad oppositum consequentis sequitur oppositum antecedentis: lib. 1. *distinct.* 38. *art.* 2. *quest.* 2. in *fund.* & *dist.* 40. *art.* 2. *quest.* 1. ad 4.

214. Gerundia exponuntur vel per si, vel per dum, vel per quia: primo modo dicunt convenientiam: secundo concomitantiam: & tertio causam, verbi gratiâ Petrus est bonus diligendo Deum: lib. 1. *dist.* 39. *dub.* 1.

215. Scire est duplex: primò est habere cognitionem de aliquo, idest circa quid est: secundò nosce, quod illud est, idest existit: lib. 1. *dist.* 39. *dub.* 4. Item scire perfectè, est scire se scire, per quod agens reflectitur super seipsum: lib. 2. *dist.* 27. *art.* 2. *quest.* 1. ad 6. Vide num. 90. Item sci-

bile est æternum, & immutabile: *Serm.* 1. *Hexæm.* & *Itiner. mentis cap.* 3.

216. In entibus est status in vno primo ente, à quo sunt omnia, sic & in cognoscibilibus in vno primo cognoscente, à quo sit omnis cognitio, talis est Deus, sine quo est nihil factum, & cognitum: lib. 1. *distinct.* 39. *art.* 1. *quest.* 1. in *fund.* & lib. 1. *distinct.* 12. *art.* 1. *quest.* 4. & *distinct.* 28. *art.* 1. *quest.* 2. ad 4. & *dist.* 29. *art.* 1. *quest.* 1. ad 1.

217. Intelligibile est perfectio intellectus: lib. 1. *distinct.* 39. *ibid.* ad 1. & *seq.* & in *corp.* Id verum est in creaturis, quæ cognoscunt aliud, & per aliud à se, ad quod est in potentia: Deus autem cognoscit à se, & per se, & per intrinsecam ideam: sic enim non est in potentia, sed est actus respectu cognoscibilis, cum actu prima veritas exprimit omnia.

218. Scire, & facere in Deo differunt per hoc, quod scire est actus ut habitus, qui significatur ut perfectio potentiæ, sicque scit, nec potest nō scire omnia: facere autem est actus ut actus, & ut egrediens, qui non facit perfectionem, sed consequitur, & ei attestatur tantum: hinc non facit omnia, quæ potest: lib. 1. *dist.* 39. *ibid.* ad 5. & lib. 3. *dist.* 14. *quest.* ultim. ad 3.

219. Intellectus est vniuersalium, sensus est singularium: lib. 1. *dist.* 39. *art.* 1. *quest.* 2. ad 1. Id verum est de intellectu coniuncto corpori pro hoc statu: cognoscendo enim per sensus procedit depurando, & abstrahendo: & lib. 4. *dist.* 50. *part.* 2. *quest.* 1. Vide num. 21. & 225. & 291. & 560.

220. Ut scientia sit vera, requiritur proportio inter scibile, & scientiam: lib. 1. *dist.* 39. *art.* 2. *quest.* 2. ad 2.

al 2. Verum est de proportionem in veritate, non in conditionibus specialibus.

221. Prædestinatio est præordinatio, ad quam tria concurrunt, scilicet quid ordinetur, & per quid, & ad quid: primum est homo: secundum est gratia: tertium est gloria: *lib. 1. dist. 40. dub. 1. & art. 3. quest. 2. in fine.*

222. Nullus laudatur, vel vituperatur in eo, quod est necessitatis: *lib. 1. distinct. 40. artic. 2. quest. 1. in argum.* Id verum est secundum naturam, & per modum elicientis, vel imperantis, non verò per modum acceptantis: *lib. 3. dist. 18. art. 1. q. 3.*

223. Si aliquid est causa alicuius, & oppositum est causa oppositi, ut si habere pulmonem est causa respirandi, ipsum non habere est causa non respirandi: *lib. 1. dist. 40. infra & cit. lib. 4. dist. 22. art. 3. q. 1. ad 3.* Item si aliquid est causa alicuius per sui præsentiam, & per sui absentiam est causa oppositi: *lib. 1. distinct. 40. art. 4. quest. 2. ad 6. & 7.* Id verum est de causa proxima, immediata, & totali non exigente aliam causam: si enim exigit aliam causam, hac d. fi. ciente, potest impediri effectus absque eo, quod alteri causæ imputetur: sic Deus est causa nostræ salutis, sed cum concursu nostræ libertatis: unde quolibet istorum deficiente deficit salus: *lib. 2. dist. 37. artic. 2. quest. 1. ad 1. Vide num. 288. & 298. & 495.*

224. Quicumque habet curam alterius, si permittit cum malefacere, vel perire porcens id prohibere, vel adiuuare, dicitur causa talis ruinæ: *lib. 1. distinct. 40. artic. 4. quest. 2. ad 5.* Verum est, si tenetur id facere: sic Deus non tenetur impedi-

re vsum malum libertatis nostræ.

225. Eandem rem cognoscit sensus, & intellectus, sed diuersimodè: sensus enim per incomplexionem, & intellectum per modum complexionis: *lib. 1. distinct. 41. art. 2. quest. 1. in fund. Vide num. 219.*

226. Per terminum incomplexum significatur res quantum ad esse: per orationem verò quantum ad esse tale, vel tale: *lib. 1. distinct. 41. ibid.* Id verum est quantum ad intellectum nostrum ut subiectum, in quo causatur complexio: *ibid. ad 2.*

227. Eadem oratio modò potest esse vera, modò falsa: *lib. 1. dist. 41. art. 2. quest. 2. & dist. 44. quest. ult. in corp.*

228. Bonum est sui diffusivum: *lib. 1. distinct. 42. art. 1. quest. 1. in fund.*

229. Creaturæ perfectio est, quod possit aliud à se producere: *lib. 1. dist. 42. ibid.*

230. Omnis potentia, cuius opus est in aliud, habet dependentiam ab illo: *lib. 1. dist. 42. art. 1. quest. 1. ad 2.* Verum est de opere, quod indiget sustentante: sic omnis creatura indiget subiecto sustentante actionem, obidque non habet vim creationis, cum non possit subiectari in nihilo: *Vide num. 248. & 39.*

231. Impossibile aliquid dicitur, primò propter naturæ ordinationem, ut de cæco fieri videntem: secundò propter præteritionem, ut te non fuisse, ex quo fuisti: tertio propter oppositionem, ut idem esse nigrum, & album: primum est impossibile secundum naturam: secundum secundum tempus, sine per accidens: tertium secundum disciplinam: est enim certum, quod opposita non sunt simul vera de eodem: *lib. 1. dist. 42.*

art. 1;

art. 1. *quest. 3. in argum.* Hæc omnia tamen patiuntur exceptionem aliquam respectu potentia Dei : *ibid. in corp. & quest. 4.*

232. Omne verum est possibile : ergo omne, quod potest esse verum, est possibile : *lib. 1. distinct. 42. ibid. quest. 4. ad 4.* Id verum est secundum causas inferiores, vel superiores, scilicet secundum potentiam vel passivam, vel activam Divinam.

233. Contradictoria non dicuntur infinite distantia, cum habeant aliquid commune in subiecto, ut quiescere, & moveri respectu eiusdem subiecti; illa autem dicuntur infinite distantia, quæ non habent aliquid commune : *lib. 1. dist. 43. art. 1. quest. 1. ad 3.* sic ens, & nihil sunt infinite distantia.

234. Infinitas venit à materia, finitas à forma : Intellige de infinitate per privationem completionis, & de potentia passivam, non de infinitate, quæ dicit actum purum : *lib. 1. dist. 43. art. 1. quest. 1. ad 2.*

235. Infinitum est, cui nihil potest addi : *lib. 1. distinct. 43. ibidem quest. 2.*

236. Finitum, & infinitum sunt passiones quantitatis : *lib. 1. dist. 43. ibid. quest. 2.* Intellige de quantitate vel virtutis, vel molis.

237. Potentia, quæ operatur ex se tota, producit, si est infinita, infinitum terminum : *lib. 1. dist. 43. art. 1. quest. 3. ad 2.* Id verum est, si operatur secundum naturam, non verò semper, si est voluntaria : *lib. 1. dist. 44. art. 1. quest. 3.*

238. Potentia se habet ad opus proportionaliter, unde tanta potentia potest in tantum opus : ergo infinita in infinitum actu : *lib. 1. distinct. 43. art. 1. quest. 3. ad 1.* Id  
R. P. Barr. de Cistrev. Phil. P. III.

verum est, si intelligatur de opere operante, siue actione, non verò de termino actionis, nisi cum causa, & effectus se habeant per vniucationem, & sint eiusdem generis : sic Deus non potest facere infinitum actu creatum. Vide *num. 199. & 337.*

239. Omne continuum est diuisibile in infinitas partes : sed Deus est infinitus, ergo videtur posse eas diuidere actu : *lib. 1. dist. 43. art. 1. quest. 3. ad ultim.* Id verum est de diuisione successiuam in infinitum, cum implicet continuum esse, & esse totaliter diuisum : Vide *num. 532.* Item verum est de diuisione mathematica, & de partibus secundum materiam, non de physica, & de partibus secundum formam, v. g. corporis determinatiua panis, ligni, &c. exigunt enim partem determinatam, ad hoc ut habeant esse : *lib. 4. distinct. 10. part. 1. art. 1. quest. 5. ad 2. & dist. 49. part. 2. art. 4. quest. 2. ad ultim.* Vide *n. 532.*

240. Voluntas est rationalis motus sensui præsidens, & appetitui, scilicet ad aliquid prosequendum, vel fugiendum : *lib. 1. dist. 45. art. 1. quest. 1.*

241. Verum amplectitur totum actum cognitiuæ : nihil enim scitur nisi verum ; quia falsum scire, non est scire : non sic voluntas in ordine ad opus bonum : *lib. 1. dist. 45. art. 1. quest. 2. ad 2.*

242. Veritas, & falsitas circa compositionem consistunt : *lib. 1. dist. 46. art. 1. quest. 4. in corp.*

243. Ab eo, quod res est, vel non est, oratio dicitur vera, vel falsa : *ibid. ad 1. & 4.* Vbi nota, quod Aristoteles non dicit solum ab eo, quod res est tantum, oratio dicitur vera, sed addit ab eo, quod res est, vel non est,

est, idest ab eo, quod res est, est oratio vera, quæ significat ipsam esse : & ab eo, quod non est, est vera, quæ significat ipsam non esse : & ab eo, quod res est, est falsa, quæ significat ipsam non esse : *lib. 2. dist. 37. art. 1. q. 3. in corp.*

244. Omnis causa, cuius virtus se extendit ad contrarium, voluntarie potest velle aliud, quam velit : *lib. 1. distinct. 47. art. 1. quest. 1. ad 3. & lib. 2. dist. 7. part. 1. art. 2. quest. 1. ad 3.*

245. Præceptum affirmativum obligat semper, sed non ad semper, sed pro loco, & tempore : negativum verò semper ad semper : *lib. 1. distinct. 48. art. 2. quest. 1. in corp. & lib. 4. distinct. 17. part. 2. artic. 2. quest. 1. in argum.*

246. Tria sunt principia rerum naturalium intrinseca, scilicet materia, forma, & privatio : quartum est extrinsecum, scilicet efficiens : *lib. 2. dist. 1. part. 1. dub. 3.*

247. Multitudo ortum habet ab unitate, motus ab inmutabili, ordo reducitur ad primum, & imperfectum ad perfectum : *lib. 2. dist. 1. part. 1. art. 1. quest. 1. in fund.*

248. Ex nihilo nihil fit : quia omnis actio exigit, in quod agat : *lib. 2. dist. 1. ibid. ad ultim.* Id verum est, si ly, ex, sumitur materialiter, vel casualiter : non verò ordinaliter : actio enim creata exigit in quid, non increata. Vide *num. 230.*

249. Agere, & facere differunt : illud enim exigit, in quid agat, scilicet subiectum : facere autem nequaquam : unde factio est creatio ex nihilo : *lib. 2. dist. 1. ibid. ad 4.*

250. Agens secundum naturam producit per formas, quæ verè sunt naturæ : sic homo hominem : agens

per intellectum producit per formas, quæ non sunt aliquid rei, sed ideæ in mente : *lib. 2. distinct. 1. part. 1. art. 1. quest. 1. ad 3.*

251. Infinito nihil potest addi, cum infinito nihil sit maius : Item impossibile est infinita ordinari : ordo enim exigit primum medium, & ultimum : Item impossibile est infinita pertransiri : Item & infinita à virtute finita comprehendi : Item & infinita simul esse : *lib. 2. distinct. 1. part. 1. art. 1. quest. 1. in fund.*

252. Ante omnem motum, & mutationem est motus primi mobilis : quod enim incipit, incipit per motum, vel mutationem : *lib. 2. dist. 1. ibid. ad 1. & 2.* Id verum est de motibus naturalibus, non de supernaturali mutatione, per quam ipsum mobile processit in esse, scilicet per creationem, per quam motum mobili concreavit.

253. In tempore, & motu non est assignare primum, cum ante tempus, & motum sit tempus, & motus : *lib. 2. dist. 1. ibid. ad 3.* Verum est, postquam factum est, sed, dum fit, est assignare primum.

254. Oppositorum oppositæ sunt causæ : *lib. 2. dist. 1. part. 1. art. 2. quest. 1. ad 4.* Id verum est de causis intrinsecis, non de extrinsecis, & præcipue de æquivocis. Vide *num. 401.*

355. Idem similiter se habens, semper est natum facere idem : *lib. 2. dist. 1. part. 1. art. 2. quest. 1. ad 6.* Id verum est de agente non seipso, sed per actionem diuersam à seipso : Deus enim agit seipso, & actione, quæ est ipse Deus : *lib. 2. dist. 1. part. 2. artic. 1. quest. 1. ad 1. & ibid. dist. 26. art. 1. quest. 6. ad 5. & lib. 3. dist. 29. art. 1. quest. 1. ad 5. & serm. 3. Hexaem. Vide num. 378.*

256. In quo est ratio finis, ibi est ratio boni : *lib. 2. dist. 1. part. 1. art. 2. quest. 2. in fundam.*

257. In creaturis resistentia, licet aliquod impediatur, confert tamen, & iuuat ad operationem ob appetitum materię : *lib. 2. dist. 1. part. 1. artic. 2. quest. 2. ad 2.*

258. Idem manet significatum in actiuo, & passiuo, sicut recti, & obliqui : *lib. 2. dist. 1. part. 1. artic. 3. quest. 1. ad 1.* Id verum est grammaticaliter, non philosophice, quia importat diuersa genera.

259. Omnis actio est in motu, & omnis motus est in actione : *lib. 2. dist. 1. part. 1. art. 3. quest. 1.* Id verum est de productione, in quares producta subijcitur mutationi, non de æterna, & increata personarum : *ibid. in corp.*

260. In omni ente creato differt, quod est ab ipso, quo est : *lib. 2. dist. 1. part. 1. artic. 3. quest. 2. ad 2.* Id verum est non secundum differentiam essentialem, sed formalem : aduertendum tamen, quod aliquando est differentia realis.

261. Relatio alia fundatur super proprietatem accidentalem, vt similitudo : alia super dependentiam essentialem, vt relatio materię ad formam, creaturę ad creatorem : & alia super originem naturalem, vt producentis ad productum : *lib. 2. dist. 1. part. 1. art. 3. quest. 2. corp.*

262. Bonitas in creatura alia est ex forma dante esse : alia ex dante bene esse : *lib. 2. dist. 1. part. 2. dub. 2.*

263. Mundus sensibilis assimilatur mundo archetypo : *lib. 2. dist. 1. part. 2. art. 1. quest. 1. ad 3.* Intellige non de omnimoda assimilatione, sed proportionata.

264. Quanto substantia produ-

cens est melior, tanto magis diffusiuu : & quanto spiritalior, tanto plurium cognoscitiua, & quanto simplicior, tanto virtuosior, & quanto prior, ed vniuersalior : *lib. 2. dist. 1. part. 2. art. 1. quest. 1. in fund. & serm. 2. & 3. Hexaem.*

265. Nobilior est finis, quam medium : *lib. 2. dist. 1. part. 2. art. 1. quest. 2. in fund. & quest. 2.*

266. Quę differunt specie, habent diuersas perfectiones specie : *lib. 2. dist. 1. art. 3. quest. 1.* & quę habent eandem perfectionem specie secundum essentiam, sunt vnum specie : *ibid. ad 1.*

267. Quę sunt similia specie, vel simul producantur, vel vnum producit ex altero : Verum est de iis, quę habent esse per propagationem : *lib. 2. dist. 1. part. 2. ibid. Vide n. 502.*

268. Omnis differentia prior est per naturam, quam id, cuius est differentia, propriaque ipsi : & debet accipi penes optimum in re : *lib. 2. dist. 1. part. 2. art. 3. quest. 2.*

269. Differentię vt plurimum nobis innotescunt à posteriori, & per proprietates : *lib. 2. dist. 1. part. 2. ad ult.*

270. Prępositio (ex) importat ordinem, (in) continentiam, & (cum) simultatem, in his propositionibus aliquid factum est ex tempore, in tempore, & cum tempore : *lib. 2. dist. 2. part. 1. dub. 2.*

271. Omne, quod habet esse limitatum actu, habet mensuram, per quam potest cognosci eius limitatio, taleque est omne creatum : *lib. 2. dist. 2. part. 1. art. 1. quest. 1. in fund.*

272. Mensura durationis respicit modum durandi : *lib. 2. dist. 2. ibid.*

273. Quatuor sunt cœtua, & primo creata, scilicet natura Angelica, materia prima, cœlum empyreum, &

LIII 2 tempus

tempus: *lib. 2. dist. 2. part. 1. art. 1. quest. 1. ad 2.* Intellige de tempore largè sumpto pro omni durationis mensura.

274. Vnitas accidentalis venit ab unitate subiecti: *lib. 2. dist. 2. part. 1. art. 1. q. 2. in fund.* Id verum est de subiecto, quod est causa simul, & subiectum, non verò de deferente tantum, ut duo lumina in eodem aëre, & duæ species in eodem oculo: *lib. 2. dist. 3. part. 2. art. 2. quest. 1. in corp. & lib. 2. dist. 13. quest. ult. in fine.*

275. Ævum est mensura rei perfectæ, obidque Angelorum: *lib. 2. dist. 2. part. 1. art. 1. quest. 2.* est successivum secundum prius, & posterius: *ibid. quest. 3.*

276. In eo, quod habet totum esse simul, idem est fuisse, esse, & factum esse: *lib. 2. distinct. 2. ibid. quest. 3. in fund.* Id est impossibile in creaturis.

277. Prius aliud dicitur æternitate: aliud tempore & aliud electione: aliud origine: *lib. 2. dist. 2. p. 1. art. 2. q. 3. ad 1.*

278. Loci ad locatum est mutua indigentia, & inclinatio: *lib. 2. dist. 2. part. 2. art. 2. quest. 1. ad 3.* Id verum est, ubi locatum locatur propter defectum sui: non verò de locaro solum propter ordinem vniuersi, ut est Angelus.

279. Locus ad locatum habet ordinem: Primò in ratione continentis: Secundò in ratione mensurantis: Tertiò in ratione conseruantis, continet enim locus ut vas, mensurat ut quantitas, conseruat ut natura: secundum has tres conditiones sunt in loco res corporales corruptibiles: secundum duas primas sunt corpora incorruptibilia: secundum primam sunt substantiæ spirituales: *lib. 2. dist. 2. part. 2. art. 2. quest. 1. in corp.*

280. Cuiuscumque inest mutatio,

inest principium mutabilitatis, scilicet materia: Item omnis distinctio secundum numerum venit à principio intrinseco, & substantiali, scilicet à materia: *lib. 2. dist. 3. part. 1. art. 1. quest. 1. in fund.* Item, quod verè definitur, habet multipliciter naturarum.

281. In quolibet genere est reperire vnum primum, quo mensurantur omnia illius generis: *lib. 2. dist. 3. part. 1. art. 1. q. 2. in fund. & lib. 2. distinct. 34. art. 2. quest. 1. ad ult.* Id verum est, quando mensurantur res secundum eius participationem.

282. Quando aliqua communis passio inest aliquibus subiectis, inest eis secundum aliquid commune: *lib. 2. distinct. 3. ibid. & lib. 4. distinct. 49. part. 1. art. 1. quest. 3. in arg.*

283. Corporalium, & spiritualium non est materia vna: *lib. 2. dist. 3. part. 1. art. 1. q. 2. in corp.* Id verum est de materia, propt̃ subest contrariis.

284. Quæcumque communicant in materia, sunt ad inuicem transmutabilia: *lib. 2. distinct. 3. ibid. ad 2.* Id verum est de communicatione in materia subiecta contrariis qualitatibus, non de materia secundum se: Vide *num. 321. & 382.*

285. Omne vnum est vel genere, vel specie, vel numero: *lib. 2. dist. 3. part. 1. art. 1. quest. 3.*

286. Vnum numero respicit indiuiduum, seu indiuiduatum: *l. 2. d. 3. ib. q. 3. & 5.* Id verum est de numero accidentali, quod consequitur esse actuale, & completum, non de eo, quod respicit essentiam incompletam: Sic materia in omnibus materiatis secundum se est vna numero unitate tamen imperfecta ita, quod compatitur secum, etiam multitudinem.

287. Fru



287. Frustrà est illa potentia, quæ non reducitur ad actum: *lib. 1. dist. 43. art. 1. quæst. 1. ad 3. & lib. 4. distinct. 19. art. 2. quæst. 2. ad 4.* Id verum ex de illa potentia, quæ per actum completur: Item de potentia, cui est debitus actus pro loco, & tempore: Item sufficit, ut exeat in aliquem actum, licet non in omnes, vel quod possit exire: *lib. 3. distinct. 1. art. 2. quæst. 2. ad 2.*

288. Si vnum oppositorum dicitur multipliciter, & reliquum, & è contra si vnum oppositorum non dicitur multipliciter, nec reliquum: *lib. 1. distinct. 45. art. 3. quæst. 2. in arg. & lib. 2. dist. 27. art. 1. quæst. 1. ad 3. & lib. 2. dist. 42. art. 1. quæst. 1. ad 4. & lib. 3. dist. 34. part. 2. art. 1. quæst. 1. ad 1.* Verum est in æquiuocis, non verò in vniuocis: irrationale enim diuiditur in multas species, non rationale: verificatur etiam secundum rationem formalem oppositionis, non secundum alias. Vide *num. 298. & 495. & 222.*

289. Nihil idem secundum idem agit, & patitur: *lib. 2. dist. 3. part. 1. art. 1. quæst. 1. in fund. & lib. 4. dist. 50. part. 2. art. 1. quæst. 1. in corp. & lib. 2. dist. 24. part. 1. art. 2. quæst. 2. ad 4.* Id verificatur de actione, & passione physica, non de spiritali voluntaria, qua voluntas se mouet liberè. Vide *num. 297. & 366. & 567. & 317.*

290. Indiuiduum est, cuius proprietates in vnum collectæ non possunt in alio repetiri: *lib. 2. dist. 3. part. 1. art. 2. quæst. 2. ad 3. & lib. 3. dist. 6. art. 1. quæst. 1. in fund.* Id verum est de qualitatibus substantialibus, non accidentalibus puris.

291. Sensus est singularium, intellectus vniuersalium: *lib. 2. dist. 3.*

*part. 1. art. 2. quæst. 1. ad 5.* Intellectus de differentia sine præcisione, scilicet intellectus est vniuersalium, & etiam singularium, sensus est singularium. Vide *num. 22. & 219. & 56.*

292. Vnitas consequens ad conjunctionem principiorum substantialium est principium indiuiduationis, ad quam consequitur vnitas accidentalium numerica, quæ est principium diuersitatis: *lib. 2. dist. 3. part. 1. art. 2. quæst. 2. ad 6.*

293. Species est totum esse indiuiduorum: *lib. 2. distinct. 3. part. 1. art. 2. quæst. 3. fund.* Intellige quoad esse substantiale: nam indiuiduatio ad ipsum consequitur: *lib. 3. dist. 2. artic. 2. quæst. 2. ad 3.*

294. Quæ sunt essentialiter, & præsentialiter in potentia cognoscente, cognoscuntur per sui præsentiam, & essentialiter: sic anima cognoscit se ipsam, & habitus suos innatos: *lib. 2. dist. 3. part. 2. artic. 2. quæst. 2. ad 3.* Id verum est de rebus, quæ sunt præsentantes vt obiectum immutans, & mouens. Vide *num. 4.*

295. Quicquid cognoscitur, id est vel per sui essentiam, vel per speciem, vel per effectus: *lib. 2. dist. 3. part. 2. art. 2. quæst. 2. ad 4. Vide num. 207.*

296. Cognitio rerum in proprio genere est vespertina: rerum in verbo dicitur matutina in Beatis: *lib. 2. dist. 4. artic. 3. quæst. 1. & 2.*

297. Nihil idem secundum idem potest oppositas differentias participare: *lib. 2. dist. 7. part. 1. art. 2. quæst. 1. ad 3.* Verum est, si sunt differentie essentialiter diuersificantes suppositæ: & *lib. 2. dist. 24. art. 2. quæst. 2. ad ult. & lib. 2. dist. 39. art. 2. q. 3. ad 5.* Item id verum est secundum eandem rationem formalem: Vide *num. 289. & 366.*

298. Opposita nata sunt fieri circa idem : Item multiplicato vno opposito multiplicatur & alterum : *lib. 2. distinct. 7. part. 2. artic. 1. quest. 2. ad 5. & lib. 2. dist. 16. art. 1. quest. 5. in arg. & lib. 2. dist. 42. art. 1. quest. 1. ad 4. & lib. 2. dist. 41. art. 1. quest. 1. ad 1. & art. 2. quest. 3. in fund. & lib. 1. distinct. 17. part. 2. artic. 1. quest. 3. ad 5.* Id verum est, nisi alterum extremorum inest per naturam : sic charitas per naturam potest augeri, non verò minui : Item id verum est respectu subiecti, quod est substantia, sumpti secundum idem numero, non verò respectu actionis, seu accidentis, nisi secundum identitatem specificam : eadem enim actio non potest esse bona, & mala. Item si oppositum est causa oppositi, & propositum propositi : *lib. 2. dist. 11. art. 2. quest. 3. ad 4. & lib. 3. dist. 28. art. 1. quest. 3. ad 4. & dist. 30. artic. 1. quest. 5. ad 4. lib. 2. dist. 33. quest. 2. ad 3. lib. 4. distinct. 4. part. 1. quest. 2. ad 5. & lib. 4. distinct. 27. art. 2. quest. 1. ad 2.* Vide num. 288. & 495. & 222.

299. In priuatiuè oppositis tenet consequentia : *lib. 4. dist. 22. art. 3. part. 1. ad 3.* Id verum est non secundum idem, sed è contrario, verbi gratiâ hoc est primum in componendo : ergo vltimum in resoluen- do.

300. Omne, quod corrumpitur, id est, vel quia habet contrarium, vel quia est in aliquo habente contrarium, vel quia est ex contrariis : *lib. 2. dist. 7. part. 2. art. 1. quest. 2. in fund.*

301. Virtus sensitiua de se non senescit, sed solum ratione organi : vnde si senex reciperet oculum pueri, videret sicut puer : *lib. 2. dist. 7. ibid. in arg.*

302. Principia rerum sunt incor-

ruptibilia : *lib. 2. dist. 7. part. 2. art. 2. q. 1. ad 3.* Id verum est in vniuersali & secundum essentiam, non in particulari secundum existentiam.

303. Omnis actio scilicet substantialis terminatur ad hoc aliquid : *lib. 2. dist. 7. part. 2. art. 2. quest. 1. ad 4. & lib. 4. dist. 12. part. 1. art. 3. quest. 2. ad 2.* Id est terminatur ad compositum, non præcisè ad formam.

304. Corruptio vnius est generatio alterius : *lib. 2. distinct. 7. part. 2. art. 2. quest. 1. in arg.*

305. Ordo vniuersi est, quod superiora influant in inferiora : *lib. 2. dist. 7. ibid. q. 2. ad 3.* Id verum est sumendo influentiam secundum proportionem vnius ad alterum, & naturæ suscipientis : subiectum enim incapax non suscipit influentiam.

306. Quod subiacet potentia inferiori, subiacet potentia superiori : *lib. 2. dist. 7. part. 2. art. 2. quest. 1. ad 1.* Id verum est, si inferior habet subordinationem secundum naturam ad vtrumque ; vnde homo est potentior asino, & tamen non potest generare asinum, vt asinus. Vide n. 309.

307. Omne visibile seu corpus est mutabile : *lib. 2. dist. 8. part. 1. dub. 3.* Id verum est, quia nihil potest videri, nisi sit quantitate extensum, obidque compositum, & resolubile, & mutabile : solum enim omnino simplex est immutabile : Vide n. 527.

308. Quantè substantia est nobilior, tantè est in potentiis multiplicior : *lib. 2. dist. 8. part. 1. art. 1. q. 1. ad 4.* Id verum est de illis potentiis, quæ simpliciter attestantur perfectioni, non de illis, quæ sunt coniunctæ cum imperfectione, vnde Angelus est nobilior homine, & tamen non potest generare.

309. Quod

309. Quod potest in maius, potest etiam in minus: *lib. 2. dist. 8. ibid. ad 5. & lib. 2. distinct. 21. art. 3. quest. 1. ad 5.* Id verum est, si sunt simul subordinata: & *lib. 2. dist. 27. art. 2. quest. 1. ad 2. & lib. 1. dist. 41. art. 1. quest. 1. ad 6. & lib. 4. dist. 6. part. 1. art. 1. quest. 4. ad 3.* Vel si maius includat minus, ut ferre duos modos includit vnum: *lib. 4. dist. 25. art. 1. quest. 1. ad 4. Vide num. 306.*

310. Idem est principium sensus, & motus: *lib. 2. dist. 8. part. 1. art. 3. quest. 2. ad 1.* Verum est in animalibus, in quibus cor est vtriusque principium, non de agente extrinseco, quod alicui vnitur tantum ut motor, non vt forma.

311. Anima vnitur corpori vt motor, & vt perfectio, seu forma: *lib. 2. distinct. 8. part. 2. art. 1. quest. 1. ad 3.*

312. Impartibile applicatum impartibili secundum totum ei applicatur: *lib. 2. dist. 8. ibid. q. ad 2.* Verum est de indiuisibili secundum situm, seu corporeo, non de spiritali secundum virtutem, hoc enim habet extensionem: vnde Angelus indiuisibilis secundum magis, & minus se applicat pro libito rebus.

313. Sensus non errat circa proprium obiectum: *lib. 2. dist. 8. part. 1. art. 1. q. 3. ad 1.* Id verum est de sensu particulari, & salua dispositione organo, medij, & obiecti: non vero de impedito, & de sensu communi.

314. Notior est operatio, quam potentia, & potentia, quam substantia: *lib. 2. distinct. 6. part. 2. art. 1. quest. 6. ad 4.* Id verum est de operatione extrinseca, & de naturali, non de voluntaria.

315. Magis, & minus non variat speciem: *lib. 2. distinct. 9. artic. 1.*

*quest. 1. ad 2. & lib. 2. dist. 13. art. 2. quest. 2. ad 3. & lib. 2. dist. 42. art. 3. quest. 1. ad ult. & lib. 3. dist. 26. art. 2. quest. 1. ad 3. & lib. 2. distinct. 50. articul. 2. quest. 1. ad 2. & lib. 3. dist. 9. art. 2. quest. 4. ad 4.* Id verum est in genere naturæ, non moris: sic amor supra Deum est peccatum mortale: infra Deum est veniale. Vide in eis. Loc. alias limitationes.

316. Denominatio fit à nobiliori: *lib. 2. distinct. 9. artic. 1. quest. 4. ad 2.* Intellige, quod denominatio fiat à nobiliori, & tribuatur etiam digniori: vel si ad oppositum non addit alia congruentior causa: *lib. 3. dist. 2. art. 2. q. 2. ad 1. & lib. 4. distinct. 27. art. 1. quest. 2. ad 1. & lib. 1. dist. 14. art. 1. q. 1. ad arg. Vide num. 82.*

317. Si oppositum est causa oppositi, & propositum propositi: *lib. 2. dist. 1. art. 2. q. 3. ad 3. Vide num. 288. & 298.*

318. Prius potest esse sine posteriori: *lib. 2. dist. 12. art. 1. quest. 1. ad 3.* Id verum est, si prius non dependet à posteriori, vel ad illud non habeat necessariam ordinationem: vel quando id, quod est prius secundum vnam formalitatem, non est posterius secundum alteram.

319. Nihil est in genere, quod non sit in aliqua specie: *lib. 2. dist. 12. art. 1. quest. 3. ad 5.* Intellige de eo, quod est in genere ens completum: Item id intelligendum est de habentibus aliquid commune: *lib. 4. dist. 11. part. 1. artic. 1. quest. 2. ad 1.*

320. Extensio consequitur materiam: *lib. 2. distinct. 1. art. 2. quest. 1. in fund.* Id est materiam vt existentem, non secundum suam essentiam puram.

321. Corruptibile, & incorruptibile non est materia vna: *lib. 2. dist. 12.*

*diff. 11. art. 2. q. 1. ad 1.* Id intellige de materia subiecta formæ. Vide *n. 382. & 284.*

322. Quæ habent eandem materiam, sunt adinuicem transmutabilia: *lib. 2. diff. 12. ibid. ad 2.* Intellige de materia subiecta qualitatibus contrariis: Vnde Angelus, & homo, vel corpus non sunt adinuicem transmutabilia. Vide *n. 284.*

323. Grauitas, & leuitas sunt proprietates formarum elementarium: *lib. 2. diff. 12. art. 2. quest. 3. ad 4.*

324. Forma est principium agendi: *lib. 2. distinct. 13. art. 2. quest. 1. in fund.* Vide *num. 567.*

325. Prior est generatio substantiæ, quàm accidentis: *lib. 2. diff. 13. art. 2. quest. 2. in fund.* Et illa est nobilior accidente, idest prior prioritate naturæ.

326. Nullum accidens est causa substantiæ: Item nec per seipsum actinum, cum non sit per se existens: Item accidens non confert ad differentias específicas substantiæ: *lib. 2. diff. 13. art. 2. quest. 2. in fund.*

327. Nihil est de constitutione accidentis, nisi accidens, & nihil, nisi accidens est per se obiectum visus: omne enim obiectum sensus est de tertia specie qualitatis: *ibid. q. 2. ad arg.* Vide *n. 527.*

328. Lux est de compositione coloris: *lib. 2. distinct. 13. ibid. quest. 2. ad 1.* Intellige id in genere effectiuo, non vt principium intrinsecum. Vide *num. 20.*

329. Omne, quod habet trinam dimensionem, est corpus: *lib. 2. distinct. 13. artic. 3. quest. 1. ad 4.* Intellige de eo, quod ipsam habet de se, non ratione eius, in quo est, vt est lumen.

330. Impossibile est duo corpora

esse impermixta, & non sese augmentantia simul: *lib. 2. diff. 13. ibid. fund. 6.* Verum est naturaliter; nam potest dari penetratio supernaturalis sine tali augmento.

331. Accidens est, quod aduenit enti iam completo, & quod adest, & abest præter subiecti corruptionem, & recipit magis, & minus: *lib. 2. distinct. 13. art. 3. quest. 2. & lib. 2. diff. 26. art. 1. quest. 3.* Vide *num. 53.*

332. Impossibile est duo accidentia eiusdem speciei esse in eodem subiecto, quia accidens numeratur ex subiecto: Item nullum accidens transit de subiecto in subiectum: *lib. 2. distinct. 13. art. 3. quest. 2.* Id est verum de accidente, quod aliud pro causa, & aliud pro subiecto tantum deferente, vt lux in aëre, & species intentionalis. Vide *num. 375. & 428. & 509.*

333. Ordo partium in microcosmo idest mundo maiori correspondet ordini partium in microcosmo idest mudo minori: Vnde in homine est correspondens soli, quod est calidæ, & igneæ naturæ: & supra est cerebrum respondens æro aquo, quod est frigidæ naturæ: *lib. 2. diff. 14. part. 1. art. 1. quest. 1. in fund.*

334. Natura semper, quod est melius, desiderat: *lib. 2. distinct. 14. ibid. quest. 2. ad 5. & lib. 2. diff. 20. art. 1. quest. 6. ad 2. & lib. 2. diff. 38. art. 1. quest. 2. in fund.* Intellige, quod est melius non simpliciter, sed secundum ordinem.

335. Simplicissimo, perfectissimo, & maximè contentiuo corpori deberur figura perfectissima, quæ est circularis: *lib. 2. distinct. 14. part. 1. art. 2. quest. 1.* tale est Empyreum.

336. Dextrum, & sinistrum sunt termini

termini latitudinis : sursum, & deorsum longitudinis : ante, & retro profunditatis : *lib. 2. distinct. 14. part. 1. art. 2. quæst. 2. in fund.*

337. Si tanta virtus mouet in tanto tempore, & maior in minori, & maxima in minimo, & infinita in nunc : *lib. 2. dist. 14. part. 1. art. 3. quæst. 1. in fund.* Vide *n. 199. & 238.*

338. Natura est principium motus, & quietis in eo, in quo est : *lib. 2. distinct. 14. part. 1. art. 3. q. 2. ad 1.* Intellige, quod si est sermo de principio actiuo, non semper motum esse à natura vt à tota causa : sufficit enim, vt virtus intrinseca coope-  
retur motori extrinseco. Item intellige de principio actiuo, & passiuo, scilicet materia, & forma : *ibid. & quæst. 2. in fund. 1.*

339. Omne, quod mouetur, ab alio mouetur : *lib. 2. dist. 14. part. 1. art. 3. quæst. 1. ad 1. 3. & 4. & quæst. 2. in arg.* Hinc fundamentum, quod omnis motus resoluitur in vnum principium mouens immobile : *lib. 1. dist. 8. part. 1. artic. 2. quæst. 1. in corp. & lib. 3. dist. 27. articuli. 1. quæst. 2. in arg.* Vide *num. 18. & 63. & 197. & 340.*

340. Omnis motor sufficiens distat à mobili : hinc nulla forma extensa, & corporea est talis : *lib. 2. dist. 14. part. 1. art. 3. quæst. 2. in fund.*

341. Omne, quod mouetur à propria forma ad locum aliquem, mouetur ob indigentiam propriam, nec quiescit existente ipsa in tali dispositione, nisi violenter : *lib. 2. dist. 14. part. 1. artic. 3. quæst. 2. in fund.* Vide *num. 196.*

343. Graui, & leuia mouentur eum virtute propriæ qualitatatis, & formæ, tum virtute extrinseca loci attrahentis, & expellentis, & influentiæ cælestis : *lib. 2. dist. 14. part. 1. R. P. Bart. de Castro. Phil. P. III.*

*art. 3. quæst. 2. ad 2. & lib. 2. dist. 25. part. 1. art. 1. quæst. 2. arg. 4. ad oppos.*

343. Numerus est ex diuisione continui : *lib. 2. dist. 14. part. 2. art. 1. quæst. 1. ad 1.* Id verum est de corporibus in genere entium, non verò in genere mobilium : sic cæli sunt continui, & tamen habent motus diuersos. Vide *n. 15. & 136.*

344. Sol, & Luna sunt nomina non solum indiuidui, sed & speciei : *lib. 2. dist. 14. part. 2. art. 2. quæst. 1.*

345. Nihil dat, quod non habet : *lib. 2. dist. 14. part. 2. art. 2. quæst. 2. ad 3. & lib. 1. dist. 8. part. 1. art. 2. quæst. 1. ad 1.* Id verum est de eo, quod non habet vel formaliter, vel causaliter, vel exemplariter.

346. Actus actiuorum sunt in patiente prædisposito : *lib. 2. dist. 14. part. 2. art. 2. quæst. 2. ad 5.* quia quicquid recipitur, per modum recipientis recipitur. Vide *n. 189.*

347. Solus intellectus intrat ab extrinseco, idest creatur : aliæ formæ ab intrinseco, idest educuntur de potentia subiecti : *lib. 2. distinct. 15. art. 1. q. 1. in fund. & lib. 2. dist. 31. art. 1. q. 1. ad 2.* Per intellectum intelligitur substantia, scilicet anima rationalis cum suis potentiis.

348. Sensus est operatio animæ in corpore secundum conformitatem organi ad obiectum : *lib. 2. dist. 15. art. 1. quæst. 2. in arg.*

349. Ex iisdem constamus, ex quibus nutrimur : *lib. 2. dist. 15. art. 1. quæst. 3. in fund.* quia autem magis nutrimur ex terra, & aqua, idest ista duo elementa quoad molem prædominantur in animatis : *& lib. 4. dist. 12. part. 1. artic. 2. quæst. 1. ad 1.* Vide *num. 94.*

350. Vita est maximè per calidum, M m m m &c

& humidum: *lib. 2. dist. 15. ibid. & 17. art. 2. quest. 3.*

351. Homo est quodammodo finis, & omnium rerum complementum: *lib. 2. dist. 15. art. 2. quest. 1. in fund.*

352. Somnus, & sopor est quies animalium virtutum cum intentione naturalium: *lib. 2. d. 18. art. 1. q. 1. in arg.* Id verum est, quia anima, cum circa actum vnius virtutis intendit, dum ab vna operatione cessat, in altera vigoretur. Vide *n. 391.*

353. Semen habet rationem totius in se, & partis eius rei, quæ ex ipso producitur: *lib. 2. dist. 18. art. 1. quest. 2. in fund.*

354. Vniuersale aut est nihil, aut quid posterius: *lib. 2. dist. 18. art. 1. quest. 3. in fund.* Id verum est de vniuersali Logico, quod est posterius operatione intellectus. Vide *n. 112.*

355. Cum dico cælum, dico formam, cum dico hoc cælum, dico materiam: *lib. 2. dist. 18. art. 1. quest. 3. in corp. & lib. 2. dist. 3. part. 1. art. 2. quest. 3. ad 2.*

356. Ab eodem est esse, & esse vnum, & distinctum: *lib. 2. dist. 18. art. 2. quest. 1. in fund.*

357. In intellectione requiritur, ut ex intelligente, & intellecto fiat vnum: *lib. 2. distinct. 18. art. 2. quest. 1. ad 5.* Id verum est mediante specie. Vide *suprà n. 19.*

358. Contrarietas est causa pugnae, & pugna in composito est causa dissolutionis: *lib. 2. dist. 19. artic. 2. quest. 1.* Id verum est, quando tamen contraria non sunt redacta in concordiam, ut esset in statu innocentiae, eritque in Patria.

359. Semen est superfluitas nutrimenti tertiae digestionis: *lib. 2. dist. 20. artic. 1. quest. 2. in arg. &*

*lib. 2. distinct. 30. artic. 3. quest. 1. in arg.*

360. Fœmina est mas occasionalis: *lib. 2. distinct. 20. art. 1. quest. 6. ad 1. & lib. 3. dist. 12. art. 3. quest. 1. in fund. 1.* Natura enim non intentione vniuersali, sed particulari intendit semper id, quod est perfectum: *lib. 2. dist. 38. art. 1. quest. 2. in fund.* id est melius in ordine: *ibid. distinct. 20. ad 2.* attamen & ipsa spectat ad perfectionem speciei: & *lib. 4. distinct. 44. part. 1. dub. 2.*

351. Intellectus speculatiuis extensione fit practicus: *lib. 2. dist. 24. part. 1. art. 2. quest. 1. ad 1. & dist. 39. art. 1. quest. 2. in corp.* id est extendendo se ad actus voluntatis.

362. Relatiue opposita non possunt esse circa idem, & secundum idem: *lib. 2. distinct. 24. ibid. quest. 2. ad 3.*

363. Potentiæ, quæ habent idem obiectum, sub eadem ratione non sunt diuersæ: *ibid. quest. 3.*

364. Causa materialis numquam incidit in idem cum aliis causis: *ibid. quest. 4. in fund.* Vide *n. 115.*

365. Potentiæ prima diuisio est per actiuam, & passiuam: *lib. 2. dist. 24. ibid. & lib. 4. distinct. 50. part. 2. art. 1. quest. 1.*

366. Impossibile est idem secundum idem esse simul in actu, & in potentia: *ibid.* Vide *num. 289. & 297. & 317. & 566.*

367. In perpetuis non differt esse, & posse esse: *lib. 2. dist. 24. ibid. ad 1.* Id verum est de esse substantiali, & de differentia non secundum naturam, sed secundum tempus, quia in eis materia tempore non præcedit actum.

368. Intellectus aliquando dicitur potentia; aliquando habitus; aliquando

quando actus : *lib. 2. dist. 25. part. 1. art. 1. quest. 4. in corp.*

369. Potentia illa est libera, cuius est eligere bonum, & fugere malum, scilicet bonum, vel utile, & delectabile, vel honestum : Item est libera illa potentia, quæ potest in opposita, & potest se reprimere ob dominium sui actus : *lib. 2. dist. 25. part. 1. art. 1. quest. 1.*

370. Arbitrium liberum est facultas rationis, & voluntatis : *lib. 2. dist. 25. ibid. quest. 1. 2. 3. & 4. & part. 2. per tot.*

371. Potentiæ animæ rationalis æquæ diuiduntur per cognitivas, & affectivas : *ibid. quest. 2. in fund. 1.*

372. Nomen imponitur rei à proprietate essentiali, & inseparabili : *lib. 2. dist. 25. part. 2. dub. 3.*

373. Nullum accidens est nobilius substantia : *lib. 2. dist. 26. art. 1. quest. 3. ad 1.* Id verum est quantum ad esse essentiale, & substantiale, non quantum ad esse superadditum : sic gratia superaddit aliquid nobile esse. Vide *num. 87.*

374. Vbi vnum est propter alterum, ibi vnum tantum : *lib. 2. dist. 26. art. 1. quest. 3. ad 2. & dist. 40. art. 2. quest. 1. ad 3. & dist. 42. art. 1. quest. 1. in fund. 1. & lib. 3. dist. 9. dub. 3. & dist. 21. art. 1. quest. 3. ad 3. & distinct. 37. art. 2. quest. 2. ad 4. & lib. 4. distinct. 9. art. 1. quest. 1. ad 1. & lib. 4. dist. 28. art. 1. quest. 4. ad 3.* Id verum est, quando id, propter quod alterum participat aliquam proprietatem, est tota ratio talis participationis sic gratia est propter gratificationem animæ, hinc ambæ constituunt vnicam rationem : ratio est, quia ambo habent vnicam rationem formalem : Adverte tamen, quod non est idem vnum propter alterum, & vnum per alterum : Ly enim

(propter) dicit causam formalem : Ly (per) dicit causam instrumentalem, quæ addit aliam causalitatem causæ principali : *ibid. & lib. 4. dist. 28. art. 1. quest. 4. ad 3.* Vide *n. 432.*

375. Accidens numeratur per suum proprium subiectum : *lib. 2. dist. 26. art. 1. q. 5. ad 3. & lib. 4. dist. 6. part. 1. artic. 1. quest. 3. ad 4.* Id verum est, quando subiecta vt talia sunt diuersa, non verò quando subiiciuntur vt vnum, vt ternarius in tribus subiectis est in ratione vnus : Vide aliam limitationem. *num. 332.*

376. Quod est principium vitæ perfectæ, est etiam in eo principium motus, quod viuificat : *lib. 2. dist. 26. art. 1. quest. 6. in fund.*

377. Omnis motor sufficiens est hoc aliquid, idest substantia completa distans à mobili : *lib. 2. distinct. 26. art. 1. quest. 6. ad 2.* Verum est de eo motu, in quo moueri est verè pati, & de eo motore, qui est tota causa efficiens, & sufficiens motus. Vide *n. 63. & 180. & 197.*

378. Idem manens idem semper est natum facere idem : *lib. 2. dist. 26. art. 1. quest. 6. ad 5.* Id verum est in creaturis, non in Deo : Verum est etiam de eo, quod naturaliter inclinatur ratione sui, tum ratione adiecti, & obiecti : nam secundum diuersitatem obiectorum fit diuersificatio actuum, sic sol alio modo illuminat crystallum, alio lapidem : *lib. 3. distinct. 29. art. 1. quest. 1. ad 1. & Serm. 3. Hexaem. Vide n. 255.*

379. Diuisio adæquata est per opposita : *lib. 2. dist. 27. art. 1. quest. 1. in fund.*

380. Quorum definitiones sunt eadem, ipsa sunt eadem : *lib. 2. dist. 27. art. 1. q. 2. ad 2.* Verum est, si corripuntur ipsis eodem modo.

381. Quotiescunque aliqua habent diuerſas differentias diuidentes: vel vnum remanet, reliquo recedente, vel vnum remanet indiuiſum, aliud diuiditur, & multiplicatur, illa non ſunt omnino idem: *lib. 2. diſtinct. 27. art. 1. quaest. 2. in arg.*

382. Corruptibile, & incorruptibile differunt per eſſentiam: *lib. 2. diſt. 27. art. 1. quaest. 3. ad 4.* Id verum eſt, quando vtrumque venit ex natura principiorum componentium: non verò quando ab extrinſeco prouenit: Sic gratia eſt corruptibilis: gloria nequaquam ratione ſtatuſ. Vide *n. 321.*

383. Omnis potentia naturalis naturaliter appetit ſuam perfectionem, qua indiget, & poteſt compleri: *lib. 2. diſtinct. 27. artic. 2. quaest. 1. ad 3.* Id verum eſt de perfectione, quæ naturaliter poteſt haberi, non de illa, quæ ſupernaturaliter tantum, niſi in generali.

384. Perfectum eſt id, quod peruenit ad proprium finem: *lib. 2. diſt. 29. art. 1. quaest. 2. ad 2.*

385. Natura non deficit in neceſſariis, nec nihil facit fruſtrà: *lib. 2. diſt. 27. art. 1. quaest. 2. ad 5.* Id verum eſt quoad naturalia, & quoad eſſe ſubſtantiale, quod cauſatur ex principiis naturæ, non quoad ſupernaturalia.

386. Ars, & virtus eſt circa diffi-  
cilia: *lib. 2. diſt. 29. artic. 3. quaest. 2. in fund.*

387. Omne augmentum vel fit per additionem, vel per rarefactionem: *lib. 2. diſt. 30. art. 3. quaest. 1.*

388. Caro corporis alia eſt ſecundum ſpeciem: alia ſecundum materiam: prima eſt, quæ habet vim in ſe conuertendi alimentum in propriam carnem: ſecunda eſt, quæ non habet hanc vim: *lib. 2. d. 30. art. 3. q. 2.*

Sic etiam vinum ſecundum ſpeciem habet vim conuertendi in ſe aquam, quod tamen ſuperadditum dicitur vinum ſecundum materiam: *lib. 4. diſt. 44. part. 1. art. 2. q. 1.*

389. Senſituum eſt in intellectu, ſicut tetragonus in pentagono: *lib. 2. diſt. 31. art. 1. quaest. 1. in fund.*

390. Embrio prius eſt animal, quàm homo, quia prius nutritur, & ſentitur, quàm perficiatur anima rationali: *lib. 2. diſt. 31. art. 1. q. 1. ad 4.* Id abſolutè non eſt verum: ſed embrio dicitur prius ſenſibilis, quàm rationalis ſenſibilitate proueniente à virtute immiſſa à generante, & exiſtente in ſemine, non ab anima nati.

391. Cum intenditur operatio ſenſus, minuitur operatio intellectus, & è conuerſo, quod eſt ſignum identitatis potentialium cum anima: *lib. 2. diſt. 31. ibid. in fund.* Vide *n. 352.*

392. Potentia generatiua eſt animæ vegetabilis: *lib. 2. diſt. 31. art. 1. quaest. 2. ad 2.*

393. Omne agens præſtantius eſt patiente: *lib. 2. diſt. 31. art. 1. quaest. 1. ad 2.* Id verum eſt in ratione agentis per influentiam: Item quando agens differt eſſentialiter à patiente: *lib. 3. diſtinct. 33. art. 1. quaest. 5. ad 3. & lib. 4. diſtinct. 44. part. 1. art. 3. quaest. 2. ad arg. & lib. 3. diſtinct. 16. art. 1. quaest. 1. ad 4.* Vide *n. 97.*

394. Neceſſe eſt agens, & patiens in materia communicare: *lib. 2. diſt. 31. ibid. ad 3.* Id verum eſt de actione, qua contrarium agit in contrarium.

395. In habentibus ſymbolum facilius eſt tranſitus: *lib. 2. diſt. 33. art. 1. quaest. 1. ad 3.* Verum eſt, quando vtrobiq; æqualiter ſaluarur ratio principij agentis: Item verum eſt de habentibus diſpoſitionem debitam, non verò in ipſa carentibus, vt os ſimilius



Similius est ossi, & tamen facilius in ipsum conuertitur humor : *lib. 4. dist. 20. part. 1. art. 1. quest. 4. ad 1.*

396. Proprietates quò magis appropinquat suæ causæ, eo intensior, & fortior est, & quò magis elongatur, eò est debilior : *lib. 2. dist. 33. art. 2. quest. 1. ad 5.* Id verum est de proprietate, quæ dicit naturam, & quæ habet identitatem, & continuationem cum sua origine, vt est in virtute mouente, & in luminis effusione à Sole : non verò de discontinuata, vt est candela ab alia accensa, ita enim illuminat approximata, vel alongata, &c.

397. Mulier menstruata per visum maculat speculum nouum, non vetus : *lib. 2. dist. 33. art. 2. quest. 1. in corp.*

398. Illa, quorum potentia est in termino, non habent recipere magis, vel minus : *lib. 2. dist. 33. art. 2. quest. 1. in corp. & lib. 2. dist. 35. dub. 1. & dist. 34. artic. 2. quest. 3. ad 4. & lib. 2. distinct. 42. art. 3. quest. 1. ad vltim. & lib. 3. distinct. 34. part. 2. art. 2. quest. 1. ad 2.* Id verum est in positione, sed magis in pura priuatione, vt cæcus, & nudus : *lib. 4. dist. 18. part. 2. art. 1. quest. 4. ad vlt.*

399. Quando aliquid desideratur, & illo quis priuatur, necesse est illum tristari, & dolere : *lib. 1. dist. 33. art. 2. quest. 2. ad 3. & 5.* Id verum est, si non fiat aliqua compensatio secundum æstimationem desiderantis, vel quando ignoratur causa, vt in puerorum animabus Lymbi.

400. Summum bonum dicitur per impermixtionem cum contrariis : *lib. 2. dist. 34. dub. 3.* Id verum est de contrariis positiuis, non verò priuariis, &c.

401. Contrariorum contrariæ sunt

causæ : *lib. 2. dist. 34. art. 1. quest. 1. ad 3. & lib. 2. distinct. 1. part. 1. art. 2. quest. 1. ad 4.* Id verum est de causa vniuoca, non æquiuoca. Vide *n. 254.*

402. Cuius causa bona, & ipsum est bonum : *lib. 2. distinct. 34. art. 1. q. 1. ad 2.* Id verum est, si causa sumitur per se, & secundum se, id est si causat vt bona, & est bona, secundum quod causat : Vide *suprà n. 13.*

403. Quod est causa causæ, est causa causati : *lib. 2. dist. 34. ibid. ad 4.* Id verum est de effectu, quod ita conuenit vni, quod non est extraneum alteri : sic Deus est causa creaturæ operantis malum, & non ipsius mali : quia facere malum competit creaturæ, non vt est à Deo, cui est extraneum, sed vt defectibilis, & ex nihilo.

404. Quando alterum de altero prædicatur, de quocunque prædicatur subiectum, prædicatur & prædicatum : *lib. 2. dist. 34. ibid.* Verum est de prædicato per se, secundum se, & non de extraneo. Vide *n. 39. & 40.*

405. Bonum, & finis idem sunt : *lib. 2. dist. 34. artic. 1. quest. 1. in fund. Vide num. 13.*

406. Nemo aspiciens ad malum, malum operatur : *lib. 2. dist. 34. art. 1. quest. 3. & lib. 2. dist. 38. art. 1. quest. 1. ad 2.* Id verum est de malo secundum se, vel de malo sibi, non verò de malo sub alia ratione, scilicet boni vtilis, vel delectabilis, vel secundum æstimationem : Id etiam est verum in agente naturali : semper enim natura intendit, quod melius est, non de voluntario : Vide *serm. 1. Hexaëmem.*

407. Sicut se habet simpliciter ad simpliciter, sic & magis ad magis, & maximè ad maximè : *lib. 2. distinct. 34. art. 2. quest. 1. in fund.* Id verum est de iis, quæ per se dicuntur, non per accidens, & etiam quando terminus

Mmm 3 accipi

accipitur eodem modo, & non variatur prædicatio: Vnde non valet, bonum opponitur malo: ergo summum bonum summo malo: non enim datur summum malum, nihil enim est ita malum, quod non possit esse peius: *lib. 4. dist. 28. artic. 1. quest. 2. ad 2.*

408. Magis, & minus dicitur per accessum ad terminum: *lib. 2. dist. 34. art. 2. quest. 1. ad 2.* Verum est in entibus positivis, non in privatiis, quæ sumuntur per recessum à bono.

409. Omne per accidens reducitur ad per se: Et dictum per participationem reducitur ad dictum per se: *lib. 2. dist. 34. art. 2. quest. 1. ad 4. 5. & 6. & lib. 3. dist. 10. artic. 2. quest. 2. in fund. & lib. 2. dist. 37. art. 2. quest. 2. ad 2.* Item in quolibet genere est reperire vnum primum: *ibid.* Hæc vera sunt in entibus positivis causatis ex principiis subiecti, & quæ possunt essentialiter dici, & quæ possunt alia mensurari secundum eius participationem maiorem, vel minorem: non in entibus privatiis, vel negatiis: Item ens per se, & per accidens dicitur in ordine ad subiectum: causa vero per se, & causa per accidens per ordinem ad intentionem: *lib. 2. distinct. 37. cit.*

410. Ens, & bonum conuertuntur: *lib. 2. dist. 37. art. 2. quest. 3. in arg. & lib. 2. dist. 41. art. 1. quest. 1. ad ult.* Intelligo de ente, & bono naturæ, sic & ens, verumque conuertuntur: *lib. 2. dist. 37. ibid.* Sunt enim proprietates essentialiter identificate cum ente: *lib. 2. distinct. 1. part. 1. quest. ult. in corp.* Et omne, quod est, idcirco est, quia vnum: *lib. 3. dist. 6. artic. 1. quest. 1. in fund.* Vide n. 134. & 36.

411. Quædam sunt entia in re, & quædam sunt entia in obliquo,

quales sunt privationes: *lib. 2. dist. 34. art. 2. quest. 3. ad 3.*

412. Causa, & effectus realiter differunt: *lib. 2. distinct. 35. art. 1. quest. 2. arg. 5.* Vide n. 125.

413. Omnium contrariorum aliqua est proportio: *lib. 2. dist. 35. art. 1. quest. 3. in fund.* Vnde contraria propriè, scilicet positiua sunt in eodem genere: *lib. 2. dist. 34. art. 2. quest. 3. ad 3.* Privatiua tamen etiam ad idem genus reducuntur.

414. Omnes actiones animæ, passionibus sunt: *lib. 2. d. 35. art. 1. q. 1. in fund.* recipiuntur enim in anima: Vnde eadem actio aliquando etiam est passio secundum alium respectum: *lib. 2. dist. 35. ibid. in corp. ad 1. & 2.*

415. Natura aliquando stat pro re naturali, vel eius proprietate, aliquando pro re consuante naturæ, aliquando generaliter pro quacunque re: *lib. 2. dist. 37. dub. 2.*

416. Quæ sunt eiusdem generis, habent eadem principia: *lib. 2. dist. 37. art. 1. quest. 1. in fund.*

417. Esse est actus entis, vivere viventis: *lib. 2. dist. 37. art. 1. quest. 2. in fund.*

418. Idem est principium essendi, & conservandi: *lib. 2. dist. 37. ibid. ad 3.* Id verum est in genere causæ formalis, & efficientis: requiritur enim ad conservationem virtus formæ completis, & adiutorium primæ causæ efficientis.

419. Vbi est compositio, ibi est aliqua vnio, & vnitas: *lib. 2. dist. 37. art. 1. quest. 3. in fund. & lib. 3. dist. 1. art. 1. quest. 1.* Non est tamen verum ex opposito: Vbi est vnio, ibi compositio, quia plus est vnio: *lib. 3. dist. 1. art. 1. q. 1. ad 2.*

420. Compositio dicitur vel componentis actio, vel compossibilis passio,

sio, vel rei compositæ dispositio: *lib. 2. dist. 37. art. 1. quest. 3. in corp.*

421. Casus est inopinatus rei enentus, idest absque intentione: *lib. 2. distinct. 37. art. 2. quest. 2. fortuitum ortum habet à causa per accidens: lib. 2. dist. 37. ibid.*

422. Aequalitas, & inæqualitas dicunt positionem, inæqualitas tamen dicit cum positione etiam priuationem: *lib. 2. dist. 37. art. 2. quest. 3. ad 2.*

423. Veritas est adæquatio rei, & intellectus; falsitas verò est inadæquatio rei, & intellectus: *lib. 2. distinct. 37. art. 2. quest. 3. ad 2. Vide num. 21. & 56.*

424. Veritas enuntiationis alia est essentialis: alia accidentalis: prima est id, ad quod est instituta siue vera, siue falsa: secunda est per ordinem ad rem: *lib. 2. distinct. 37. art. 2. quest. 3. in corp.*

425. Cognitio propositionis non potest haberi, nisi præcognoscantur termini: *lib. 2. dist. 39. art. 1. q. 1.*

426. Quæ naturaliter insunt, sunt inseparabilia: *lib. 2. distinct. 39. art. 1. quest. 1. & lib. 4. dist. 12. p. 1. art. 2. quest. 3. in argum.* Id verum est de iis, quæ insunt secundum principia intrinseca.

427. Malum vel est prohiberum, quia malum, vel est malum, quia prohiberum: *lib. 2. dist. 39. art. 1. quest. 3. in fund. 2. & distinct. 40. art. 1. quest. 1. in fund. 2.*

428. Accidentia sunt transmutabilia circa subiectum, & separabilia à subiecto saltem per intellectum: *lib. 2. dist. 41. art. 1. quest. 2. ad 1. & 2. prima pars est vera de subiecto permanente, non de successiuo, vt est malitia in actione: Vide num. 332. & 375.*

429. Differentiæ essentialis sunt constitutiue speciei: nec alternantur circa individuum speciei, & semper addunt aliquid generi: *lib. 2. dist. 41. art. 1. quest. 2.*

430. Multiplicato inferiori multiplicatur superius: *lib. 2. dist. 42. art. 1. quest. 1. ad 2. Verum est de superiori essentiali. Vide num. 599. & 461.*

431. Multiplicato subiecto multiplicatur accidens, quod consistit per illud subiectum: *lib. 2. dist. 42. ibid. ad 3. Verum est, si subiectum per se multiplicetur, & hoc subiectum sit, in quo est primò accidens, nempe quatenus est subiectum.*

432. Per se, & per accidens non ponunt in numerum: si enim diligo vinum, quia dulce, non diligo duo: *lib. 2. dist. 42. art. 1. quest. 1. in fund. 1. Vide num. 374.*

433. Simplex, ad quod conuertit, totaliter se conuertit: *lib. 2. dist. 42. art. 2. q. 1. ad 4. Verum est quantum ad actum conuertendi: sic enim anima vnum simul potest intelligere: non quantum ad habitum, in quo datur intensio maior, & minor.*

434. Motus separat à termino à quo: *lib. 2. distinct. 42. ibid. ad 5. Verum est de motu proprie dicto.*

435. Omne vniuersale non vnitum dicit ordinem ad complementum: *lib. 3. distinct. 1. art. 1. quest. 1. ad 3. Id verum est de vniuersali, quod redactum ad actum in se aliquid de nouo acquirit: non verò quando acquiritur aliquid de nouo in alio: sic Diuina natura est vniuersalis humanæ.*

436. Natura non facit per plura: quæ potest facere per pauciora: id enim importat perfectionem: *lib. 3. dist. 1.*

accipitur eodem modo, & non variatur prædicatio: Vnde non valet, bonum opponitur malo: ergo summum bonum summo malo: non enim datur summum malum, nihil enim est ita malum, quod non possit esse peius: *lib. 4. dist. 28. artic. 1. quest. 2. ad 2.*

408. Magis, & minus dicitur per accessum ad terminum: *lib. 2. dist. 34. art. 2. quest. 1. ad 2.* Verum est in entibus positivis, non in privatiis, quæ sumuntur per recessum à bono.

409. Omne per accidens reducitur ad per se: Et dictum per participationem reducitur ad dictum per se: *lib. 2. dist. 34. art. 2. quest. 1. ad 4. 5. & 6. & lib. 3. dist. 10. artic. 2. quest. 2. in fund. & lib. 2. dist. 37. art. 2. quest. 2. ad 2.* Item in quolibet genere est reperire vnum primum: *ibid.* Hæc vera sunt in entibus positivis causatis ex principiis subiecti, & quæ possunt essentialiter dici, & quæ possunt alia mensurari secundum eius participationem maiorem, vel minorem: non in entibus privatiis, vel negatiis: Item ens per se, & per accidens dicitur in ordine ad subiectum: causa vero per se, & causa per accidens per ordinem ad intentionem: *lib. 2. distinct. 37. cir.*

410. Ens, & bonum conuertuntur: *lib. 2. dist. 37. art. 2. quest. 3. in arg. & lib. 2. dist. 41. art. 1. quest. 1. ad ult.* Intellige de ente, & bono naturæ, sic & ens, verumque conuertuntur: *lib. 2. dist. 37. ibid.* Sunt enim proprietates essentialiter identificate cum ente: *lib. 2. distinct. 1. part. 1. quest. ultim. in corp.* Et omne, quod est, idem est, quia vnum: *lib. 3. dist. 6. artic. 1. quest. 1. in fund.* Vide *n. 134. & 56.*

411. Quædam sunt entia in recto, quædam sunt entium in obliquo,

quales sunt privationes: *lib. 2. dist. 34. art. 2. quest. 3. ad 3.*

412. Causa, & effectus realiter differunt: *lib. 2. distinct. 35. art. 1. quest. 2. arg. 5.* Vide *n. 125.*

413. Omnium contrariorum aliqua est proportio: *lib. 2. dist. 35. art. 1. quest. 3. in fund.* Vnde contraria proprie, scilicet positiva sunt in eodem genere: *lib. 2. dist. 34. art. 2. quest. 3. ad 3.* Privatiua tamen etiam ad idem genus reducuntur.

414. Omnes actiones animæ, passionibus sunt: *lib. 2. d. 35. art. 1. q. 1. in fund.* recipiuntur enim in anima: Vnde eadem actio aliquando etiam est passio secundum alium respectum: *lib. 2. dist. 35. ibid. in corp. ad 1. & 2.*

415. Natura aliquando stat pro re naturali, vel eius proprietate, aliquando pro re conservante naturam, aliquando generaliter pro quacunque re: *lib. 2. dist. 37. dub. 2.*

416. Quæ sunt eiusdem generis, habent eadem principia: *lib. 2. dist. 37. art. 1. quest. 1. in fund.*

417. Esse est actus entis, vivere viventis: *lib. 2. dist. 37. art. 1. quest. 2. in fund.*

418. Idem est principium essendi, & conservandi: *lib. 2. dist. 37. ibid. ad 3.* Id verum est in genere causæ formalis, & efficientis: requiritur enim ad conservationem virtus formæ complementis, & adiutorium primæ causæ efficientis.

419. Vbi est compositio, ibi est aliqua unio, & unitas: *lib. 2. dist. 37. art. 1. quest. 3. in fund. & lib. 3. dist. 1. art. 1. quest. 1.* Non est tamen verum ex opposito: Vbi est unio, ibi compositio, quia plus est unio: *lib. 3. dist. 1. art. 1. q. 1 ad 2.*

420. Compositio dicitur vel componentis actio, vel compossibilis passio,

sio, vel rei compositæ dispositio: *lib. 2. dist. 37. art. 1. quest. 3. in corp.*

421. Casus est inopinatus rei enentus, idest absque intentione: *lib. 2. distinct. 37. art. 2. quest. 2. fortuitum ortum habet à causa per accidens: lib. 2. dist. 37. ibid.*

422. Æqualitas, & inæqualitas dicunt positionem, inæqualitas tamen dicitur cum positione etiam priuationem: *lib. 2. dist. 37. art. 2. quest. 3. ad 2.*

423. Veritas est adæquatio rei, & intellectus: falsitas verò est inadæquatio rei, & intellectus: *lib. 2. distinct. 37. art. 2. quest. 3. ad 2. Vide num. 21. & 56.*

424. Veritas enuntiationis alia est essentialis: alia accidentalis: prima est id, ad quod est instituta siue vera, siue falsa: secunda est per ordinem ad rem: *lib. 2. distinct. 37. art. 2. quest. 3. in corp.*

425. Cognitio propositionis non potest haberi, nisi præcognoscantur termini: *lib. 2. dist. 39. art. 1. q. 1.*

426. Quæ naturaliter insunt, sunt inseparabilia: *lib. 2. distinct. 39. art. 1. quest. 2. & lib. 4. dist. 12. p. 1. art. 2. quest. 3. in argum.* Id verum est de iis, quæ insunt secundum principia intinseca.

427. Malum vel est prohibitum, quia malum, vel est malum, quia prohibitum: *lib. 2. dist. 39. art. 1. quest. 3. in fund. 2. & distinct. 40. art. 1. quest. 1. in fund. 2.*

428. Accidentia sunt transmutabilia circa subiectum, & separabilia à subiecto saltem per intellectum: *lib. 2. dist. 41. art. 1. quest. 2. ad 1. & 2.* prima pars est vera de subiecto permanente, non de successiuo, vt est malitia in actione: Vide *num. 332. & 375.*

429. Differentiæ essentielles sunt constitutiue speciei: nec alternantur circa individuum speciei, & semper addunt aliquid generi: *lib. 2. dist. 41. art. 1. quest. 2.*

430. Multiplicato inferiori multiplicatur superius: *lib. 2. dist. 42. art. 1. quest. 1. ad 2.* Verum est de superiori essentiali. Vide *num. 599. & 461.*

431. Multiplicato subiecto multiplicatur accidens, quod consistit per illud subiectum: *lib. 2. dist. 42. ibid. ad 3.* Verum est, si subiectum per se multiplicetur, & hoc subiectum sit, in quo est prima accidens, nempe quatenus est subiectum.

432. Per se, & per accidens non ponunt in numerum: si enim diligo vinum, quia dulce, non diligo duo: *lib. 2. dist. 42. art. 1. quest. 1. in fund. 1. Vide num. 374.*

433. Simplex, ad quod conuertit, totaliter se conuertit: *lib. 2. dist. 42. art. 2. q. 1. ad 4.* Verum est quantum ad actum conuertendi: sic enim anima vnum simul potest intelligere: non quantum ad habitum, in quo datur intensio maior, & minor.

434. Morus separat à termino à quo: *lib. 2. distinct. 42. ibid. ad 5.* Verum est de motu propriè dicto.

435. Omne vniuersale non vnitum dicit ordinem ad complementum: *lib. 3. distinct. 1. art. 1. quest. 1. ad 3.* Id verum est de vniuersali, quod redactum ad actum in se aliquid de nouo acquirit: non verò quando acquiritur aliquid de nouo in alio: sic Diuina natura est vniuersalis humanæ.

436. Natura non facit per plura, quæ potest facere per pauciora: id enim importat perfectionem: *lib. 3. dist. 1.*

accipitur eodem modo, & non variatur prædicatio: Vnde non valet, bonum opponitur malo: ergo summum bonum summo malo: non enim datur summum malum, nihil enim est ita malum, quod non possit esse peius: *lib. 4. dist. 28. artic. 1. quest. 2. ad 2.*

408. Magis, & minus dicitur per accessum ad terminum: *lib. 2. dist. 34. art. 2. quest. 1. ad 2.* Verum est in entibus positivis, non in privatiis, quæ sumuntur per recessum à bono.

409. Omne per accidens reducitur ad per se: Et dictum per participationem reducitur ad dictum per se: *lib. 2. dist. 34. art. 2. quest. 1. ad 4. 5. & 6. & lib. 3. dist. 10. artic. 1. quest. 2. in fund. & lib. 2. dist. 37. art. 2. quest. 2. ad 2.* Item in quolibet genere est reperire vnum primum: *ibid.* Hæc vera sunt in entibus positivis causatis ex principiis subiecti, & quæ possunt essentialiter dici, & quæ possunt alia mensurari secundum eius participationem maiorem, vel minorem: non in entibus privatiis, vel negatiis: Item ens per se, & per accidens dicitur in ordine ad subiectum: causa verò per se, & causa per accidens per ordinem ad intentionem: *lib. 2. distinct. 37. cit.*

410. Ens, & bonum conuertuntur: *lib. 2. dist. 37. art. 2. quest. 3. in arg. & lib. 2. dist. 41. art. 1. quest. 1. ad ult.* Intellige de ente, & bono naturæ, sic & ens, verumque conuertuntur: *lib. 2. dist. 37. ibid.* Sunt enim proprietates essentialiter identificate cum ente: *lib. 2. distinct. 1. part. 1. quest. ultim. in corp.* Et omne, quod est, idè est, quia vnum: *lib. 3. dist. 6. artic. 1. quest. 1. in fund.* Vide *n. 134. & 56.*

411. Quædam sunt entia in re, quædam sunt entium in obliquo,

quales sunt privationes: *lib. 2. dist. 34. art. 2. quest. 3. ad 3.*

412. Causa, & effectus realiter differunt: *lib. 2. distinct. 35. art. 1. quest. 2. arg. 5.* Vide *n. 125.*

413. Omnium contrariorum aliqua est proportio: *lib. 2. dist. 35. art. 1. quest. 3. in fund.* Vnde contraria propriè, scilicetpositiva sunt in eodem genere: *lib. 2. dist. 34. art. 2. quest. 3. ad 3.* Privatiua tamen etiam ad idem genus reducuntur.

414. Omnes actiones animæ, passionibus sunt: *lib. 2. d. 35. art. 1. q. 1. in fund.* recipiuntur enim in anima: Vnde eadem actio aliquando etiam est passio secundum alium respectum: *lib. 2. dist. 35. ibid. in corp. ad 1. & 2.*

415. Natura aliquando stat pro re naturali, vel eius proprietate, aliquando pro re conservante naturam, aliquando generaliter pro quacunque re: *lib. 2. dist. 37. dub. 2.*

416. Quæ sunt eiusdem generis, habent eadem principia: *lib. 2. dist. 37. art. 1. quest. 1. in fund.*

417. Esse est actus entis, vivere viventis: *lib. 2. dist. 37. art. 1. quest. 2. in fund.*

418. Idem est principium essendi, & conservandi: *lib. 2. dist. 37. ibid. ad 3.* Id verum est in genere, causæ formalis, & efficientis: requiritur enim ad conservationem virtus formæ complementis, & adiutorium primæ causæ efficientis.

419. Vbi est compositio, ibi est aliqua unio, & unitas: *lib. 2. dist. 37. art. 1. quest. 3. in fund. & lib. 3. dist. 1. art. 1. quest. 1.* Non est tamen verum ex opposito: Vbi est unio, ibi compositio, quia plus est unio: *lib. 3. dist. 1. art. 1. q. 1. ad 2.*

420. Compositio dicitur vel componentis actio, vel compossibilis passio,

sio, vel rei compositæ dispositio: *lib. 2. dist. 37. art. 1. quest. 3. in corp.*

421. Casus est inopinatus rei euentus, idest absque intentione: *lib. 2. distinct. 37. art. 2. quest. 2. fortuitum ortum habet à causa per accidens: lib. 2. dist. 37. ibid.*

422. Æqualitas, & inæqualitas dicunt positionem, inæqualitas tamen dicit cum positione etiam priuationem: *lib. 2. dist. 37. art. 2. quest. 3. ad 2.*

423. Veritas est adæquatio rei, & intellectus: falsitas verò est inadæquatio rei, & intellectus: *lib. 2. distinct. 37. art. 2. quest. 3. ad 2. Vide num. 21. & 56.*

424. Veritas enuntiationis alia est essentialis: alia accidentalis: prima est id, ad quod est instituta siue vera, siue falsa: secunda est per ordinem ad rem: *lib. 2. distinct. 37. art. 2. quest. 3. in corp.*

425. Cognitio propositionis non potest haberi, nisi præcognoscantur termini: *lib. 2. dist. 39. art. 1. q. 1.*

426. Quæ naturaliter insunt, sunt inseparabilia: *lib. 2. distinct. 39. art. 1. quest. 1. & lib. 4. dist. 12. p. 1. art. 2. quest. 3. in argum.* Id verum est de iis, quæ insunt secundum principia intrinseca.

427. Malum vel est prohibitum, quia malum, vel est malum, quia prohibitum: *lib. 2. dist. 39. art. 1. quest. 3. in fund. 2. & distinct. 40. art. 1. quest. 1. in fund. 2.*

428. Accidentia sunt transmutabilia circa subiectum, & separabilia à subiecto saltem per intellectum: *lib. 2. dist. 41. art. 1. quest. 2. ad 1. & 2. prima pars est vera de subiecto permanente, non de successiuo, vt est malitia in actione: Vide num. 332. & 375.*

429. Differentiæ essentielles sunt constitutiue speciei: nec alternantur circa individuum speciei, & semper addunt aliquid generi: *lib. 2. dist. 41. art. 1. quest. 2.*

430. Multiplicato inferiori multiplicatur superius: *lib. 2. dist. 42. art. 1. quest. 1. ad 2. Verum est de superiori essentiali. Vide num. 599. & 461.*

431. Multiplicato subiecto multiplicatur accidens, quod consistit per illud subiectum: *lib. 2. dist. 42. ibid. ad 3. Verum est, si subiectum per se multiplicetur, & hoc subiectum sic, in quo est primò accidens, nempe quatenus est subiectum.*

432. Per se, & per accidens non ponunt in numerum: si enim diligo vinum, quia dulce, non diligo duo: *lib. 2. dist. 42. art. 1. quest. 1. in fund. 1. Vide num. 374.*

433. Simplex, ad quod conuertit, totaliter se conuertit: *lib. 2. dist. 42. art. 2. q. 1. ad 4. Verum est quantum ad actum conuertendi: sic enim anima vnum simul potest intelligere: non quantum ad habitum, in quo datur intensio maior, & minor.*

434. Motus separat à terminò à quo: *lib. 2. distinct. 42. ibid. ad 5. Verum est de motu propriè dicto.*

435. Omne vniuersale non vnitum dicit ordinem ad complementum: *lib. 3. distinct. 1. art. 1. quest. 1. ad 3. Id verum est de vniuersali, quod redactum ad actum in se aliquid de nouo acquirit: non verò quando acquiritur aliquid de nouo in altero: sic Diuina natura est vniuersalis humanæ.*

436. Natura non facit per plura, quæ potest facere per pauciora: id enim importat perfectionem: *lib. 3. dist. 1.*

accipitur eodem modo, & non variatur prædicatione: Vnde non valet, bonum opponitur malo: ergo summum bonum summo malo: non enim datur summum malum, nihil enim est ita malum, quod non possit esse peius: *lib. 4. dist. 28. artic. 1. quest. 2. ad 2.*

408. Magis, & minus dicitur per accessum ad terminum: *lib. 2. dist. 34. art. 2. quest. 1. ad 2.* Verum est in entibus positivis, non in privatiuis, quæ sumuntur per recessum à bono.

409. Omne per accidens reducitur ad per se: Et dictum per participationem reducitur ad dictum per se: *lib. 2. dist. 34. art. 2. quest. 1. ad 4. 5. & 6. & lib. 3. dist. 10. artic. 1. quest. 2. in fund. & lib. 2. dist. 37. art. 2. quest. 2. ad 2.* Item in quolibet genere est reperire vnum primum: *ibid.* Hæc vera sunt in entibus positivis causatis ex principiis subiecti, & quæ possunt essentialiter dici, & quæ possunt alia mensurari secundum eius participationem maiorem, vel minorem: non in entibus privatiuis, vel negatiuis: Item ens per se, & per accidens dicitur in ordine ad subiectum: causa vero per se, & causa per accidens per ordinem ad intentionem: *lib. 2. distinct. 37. cit.*

410. Ens, & bonum conuertuntur: *lib. 2. dist. 37. art. 2. quest. 3. in arg. & lib. 2. dist. 41. art. 1. quest. 1. ad ult.* Intellige de ente, & bono naturæ, sic & ens, verumque conuertuntur: *lib. 2. dist. 37. ibid.* Sunt enim proprietates essentialiter identificate cum ente: *lib. 2. distinct. 1. part. 1. quest. ult. in corp.* Et omne, quod est, idem est, quia vnum: *lib. 3. dist. 6. artic. 1. quest. 1. in fund. Vide n. 134. & 56.*

411. Quædam sunt entia in recto, quædam sunt entium in obliquo,

quales sunt privationes: *lib. 2. dist. 34. art. 2. quest. 3. ad 3.*

412. Causa, & effectus realiter differunt: *lib. 2. distinct. 35. art. 1. quest. 2. arg. 5. Vide n. 125.*

413. Omnium contrariorum aliqua est proportio: *lib. 2. dist. 35. art. 1. quest. 3. in fund.* Vnde contraria proprie, scilicet positiva sunt in eodem genere: *lib. 2. dist. 34. art. 2. quest. 3. ad 3.* Privatiua tamen etiam ad idem genus reducuntur.

414. Omnes actiones animæ, passionibus sunt: *lib. 2. d. 35. art. 1. q. 1. in fund.* recipiuntur enim in anima: Vnde eadem actio aliquando etiam est passio secundum alium respectum: *lib. 2. dist. 35. ibid. in corp. ad 1. & 2.*

415. Natura aliquando stat pro re naturali, vel eius proprietate, aliquando pro re conservante naturam, aliquando generaliter pro quacunque re: *lib. 2. dist. 37. dub. 2.*

416. Quæ sunt eiusdem generis, habent eadem principia: *lib. 2. dist. 37. art. 1. quest. 1. in fund.*

417. Esse est actus entis, vivere viventis: *lib. 2. dist. 37. art. 1. quest. 2. in fund.*

418. Idem est principium essendi, & conservandi: *lib. 2. dist. 37. ibid. ad 3.* Id verum est in genere causæ formalis, & efficientis: requiritur enim ad conservationem virtus formæ completis, & adiutorium primæ causæ efficientis.

419. Vbi est compositio, ibi est aliqua unio, & unitas: *lib. 2. dist. 37. art. 1. quest. 3. in fund. & lib. 3. dist. 1. art. 1. quest. 1.* Non est tamen verum ex opposito: Vbi est unio, ibi compositio, quia plus est unio: *lib. 3. dist. 1. art. 1. q. 1. ad 2.*

420. Compositio dicitur vel componentis actio, vel impossibilis passio,



sio, vel rei compositæ dispositio: *lib. 2. dist. 37. art. 1. quest. 3. in corp.*

421. Casus est inopinatus rei euentus, idest absque intentione: *lib. 2. distinct. 37. art. 2. quest. 2. fortuitum ortum habet à causa per accidens: lib. 2. dist. 37. ibid.*

422. Æqualitas, & inæqualitas dicunt positionem, inæqualitas tamen dicit cum positione etiam priuationem: *lib. 2. dist. 37. art. 2. quest. 3. ad 2.*

423. Veritas est adæquatio rei, & intellectus: falsitas verò est inadæquatio rei, & intellectus: *lib. 2. distinct. 37. art. 2. quest. 3. ad 2. Vide num. 21. & 56.*

424. Veritas enuntiationis alia est essentialis: alia accidentalis: prima est id, ad quod est instituta siue vera, siue falsa: secunda est per ordinem ad rem: *lib. 2. distinct. 37. art. 2. quest. 3. in corp.*

425. Cognitio propositionis non potest haberi, nisi præcognoscantur termini: *lib. 2. dist. 39. art. 1. q. 2.*

426. Quæ naturaliter insunt, sunt inseparabilia: *lib. 2. distinct. 39. art. 1. quest. 2. & lib. 4. dist. 12. p. 1. art. 2. quest. 3. in argum.* Id verum est de iis, quæ insunt secundum principia intrinseca.

427. Malum vel est prohibitum, quia malum, vel est malum, quia prohibitum: *lib. 2. dist. 39. art. 1. quest. 3. in fund. 2. & distinct. 40. art. 1. quest. 1. in fund. 2.*

428. Accidentia sunt transmutabilia circa subiectum, & separabilia à subiecto saltem per intellectum: *lib. 2. dist. 41. art. 1. quest. 2. ad 1. & 2. prima pars est vera de subiecto permanente, non de successiuo, vt est malitia in actione: Vide num. 332. & 375.*

429. Differentiæ essentialis sunt constitutionis speciei: nec alternantur circa individuum speciei, & semper addunt aliquid generi: *lib. 2. dist. 41. art. 1. quest. 2.*

430. Multiplicato inferiori multiplicatur superius: *lib. 2. dist. 42. art. 1. quest. 1. ad 2. Verum est de superiori essentiali. Vide num. 599. & 461.*

431. Multiplicato subiecto multiplicatur accidens, quod consistit per illud subiectum: *lib. 2. dist. 42. ibid. ad 3. Verum est, si subiectum per se multiplicetur, & hoc subiectum sit, in quo est primò accidens, nempe quatenus est subiectum.*

432. Per se, & per accidens non ponunt in numerum: si enim diligo vinum, quia dulce, non diligo duo: *lib. 2. dist. 42. art. 1. quest. 1. in fund. 1. Vide num. 374.*

433. Simplex, ad quod conuertitur, totaliter se conuertit: *lib. 2. dist. 42. art. 2. q. 1. ad 4. Verum est quantum ad actum conuertendi: sic enim anima vnum simul potest intelligere: non quantum ad habitum, in quo datur intensio maior, & minor.*

434. Motus separat à termino à quo: *lib. 2. distinct. 42. ibid. ad 5. Verum est de motu per prædicto.*

435. Omne vniuersale non vnitum dicit ordinem ad complementum: *lib. 3. distinct. 1. art. 1. quest. 1. ad 3. Id verum est de vniuersali, quod redactum ad actum in se aliquid de nouo acquirit: non verò quando acquiritur aliquid de nouo in alio: sic Diuina natura est vniuersalis humanæ.*

436. Natura non facit per plura, quæ potest facere per pauciora: id enim importat perfectionem: *lib. 5. dist. 1.*

381. Quotiescunque aliqua habent diuersas differentias diuidentes: vel vnum remanet, reliquo recedente, vel vnum remanet indiuisum, aliud diuiditur, & multiplicatur, illa non sunt omnino idem: *lib. 2. distinct. 27. art. 1. quest. 2. in arg.*

382. Corruptibile, & incorruptibile differunt per essentiam: *lib. 2. dist. 27. art. 1. quest. 3. ad 4.* Id verum est, quando vtrumque venit ex natura principiorum componentium: non vero quando ab extrinseco prouenit: Sic gratia est corruptibilis: gloria nequaquam ratione status. Vide *n. 321.*

383. Omnis potentia naturalis naturaliter appetit suam perfectionem, qua indiget, & potest compleri: *lib. 2. distinct. 27. artic. 2. quest. 1. ad 3.* Id verum est de perfectione, quæ naturaliter potest haberi, non de illa, quæ supernaturaliter tantum, nisi in generali.

384. Perfectum est id, quod peruenit ad proprium finem: *lib. 2. dist. 29. art. 1. quest. 2. ad 2.*

385. Natura non deficit in necessariis, nec nihil facit frustra: *lib. 2. dist. 27. art. 1. quest. 2. ad 5.* Id verum est quoad naturalia, & quoad esse substantiale, quod causatur ex principijs naturæ, non quoad supernaturalia.

386. Ars, & virtus est circa difficultia: *lib. 2. dist. 29. artic. 3. quest. 2. in fund.*

387. Omne augmentum vel fit per additionem, vel per rarefactionem: *lib. 2. dist. 30. art. 3. quest. 1.*

388. Caro corporis alia est secundum speciem: alia secundum materiam: prima est, quæ habet vim in se conuertendi alimentum in propriam carnem: secunda est, quæ non habet hanc vim: *lib. 2. d. 30. art. 3. q. 2.*

Sic etiam vinum secundum speciem habet vim conuertendi in se aquam, quod tamen superadditum dicitur vinum secundum materiam: *lib. 4. dist. 44. part. 1. art. 2. q. 1.*

389. Sensituum est in intellectu, sicut tetragonus in pentagono: *lib. 2. dist. 31. art. 1. quest. 1. in fund.*

390. Embrio prius est animal, quam homo, quia prius nutritur, & sentitur, quam perficiatur anima rationali: *lib. 2. dist. 31. art. 1. q. 1. ad 4.* Id absolute non est verum: sed embrio dicitur prius sensibilis, quam rationalis sensibilitate proueniente à virtute immissa à generante, & existente in semine, non ab anima nati.

391. Cum intenditur operatio sensus, minuitur operatio intellectus, & è conuerso, quod est signum identitatis potentialium cum anima: *lib. 2. dist. 31. ibid. in fund. Vide n. 352.*

392. Potentia generatiua est animæ vegetabilis: *lib. 2. dist. 31. art. 1. quest. 2. ad 2.*

393. Omne agens præstantius est patiente: *lib. 2. dist. 31. art. 2. quest. 1. ad 2.* Id verum est in ratione agentis per influentiam: Item quando agens differt essentialiter à patiente: *lib. 3. distinct. 33. art. 1. quest. 5. ad 3. & lib. 4. distinct. 44. part. 1. art. 3. quest. 2. ad arg. & lib. 3. distinct. 16. art. 1. quest. 1. ad 4. Vide n. 97.*

394. Necessè est agens, & patiens in materia communicare: *lib. 2. dist. 31. ibid. ad 3.* Id verum est de actione, qua contrarium agit in contrarium.

395. In habentibus symbolum facilius est transitus: *lib. 2. dist. 33. art. 1. quest. 1. ad 3.* Verum est, quando vtriusque æqualiter saluatur ratio principij agentis: Item verum est de habentibus dispositionem debitam, non vero in ipsa carentibus, vt os similis

Similius est ossi, & tamen facilius in ipsum conuertitur humor : *lib. 4. dist. 20. part. 1. art. 1. quest. 4. ad 1.*

396. Proprietates quod magis appropinquat suæ causæ, eo intensior, & fortior est, & quod magis elongatur, eò est debilius : *lib. 2. dist. 33. art. 1. quest. 1. ad 5.* Id verum est de proprietate, quæ dicit naturam, & quæ habet identitatem, & continuationem cum sua origine, vt est in virtute mouente, & in luminis effusione à Sole : non verò de discontinuata, vt est candela ab alia accensa, ita enim illuminat approximata, vel alongata, &c.

397. Mulier menstruata per visum maculat speculum nouum, non vctus : *lib. 2. dist. 33. art. 2. quest. 1. in corp.*

398. Illa, quorum potentia est in termino, non habent recipere magis, vel minus : *lib. 2. dist. 33. art. 1. quest. 1. in corp. & lib. 2. dist. 35. dub. 1. & dist. 34. artic. 2. quest. 3. ad 4. & lib. 2. distinct. 42. art. 3. quest. 1. ad ultim. & lib. 3. distinct. 34. part. 2. art. 2. quest. 1. ad 2.* Id verum est in positione, sed magis in pura priuatione, vt cæcus, & nudus : *lib. 4. dist. 18. part. 2. art. 1. quest. 4. ad ult.*

399. Quando aliquid desideratur, & illo quis priuatur, necesse est illum tristari, & dolere : *lib. 2. dist. 33. art. 2. quest. 2. ad 3. & 5.* Id verum est, si non fiat aliqua compensatio secundum æstimationem desiderantis, vel quando ignoratur causa, vt in puerorum animabus Lymbi.

400. Summum bonum dicitur per impermixtionem cum contrario : *lib. 2. dist. 34. dub. 3.* Id verum est de contrariis posituius, non verò priuariis, &c.

401. Contrariorum contrariæ sunt

causæ : *lib. 2. dist. 34. art. 1. quest. 1. ad 3. & lib. 2. distinct. 1. part. 1. art. 2. quest. 1. ad 4.* Id verum est de causa vniuoca, non æquiuoca. Vide *n. 254.*

402. Cuius causa bona, & ipsum est bonum : *lib. 2. distinct. 34. art. 1. q. 1. ad 2.* Id verum est, si causa sumitur per se, & secundum se, id est si causat vt bona, & est bona, secundum quod causat : Vide supra *n. 13.*

403. Quod est causa causæ, est causa causati : *lib. 2. dist. 34. ibid. ad 4.* Id verum est de effectu, quod ita conuenit vni, quod non est extraneum alteri : sic Deus est causa creaturæ operantis malum, & non ipsius mali : quia facere malum competit creaturæ, non vt est à Deo, cui est extraneum, sed vt defectibilis, & ex nihilo.

404. Quando alterum de altero prædicatur, de quocunque prædicatur subiectum, prædicatur & prædicatum : *lib. 2. dist. 34. ibid.* Verum est de prædicato per se, secundum se, & non de extraneo. Vide *n. 39. & 40.*

405. Bonum, & finis idem sunt : *lib. 2. dist. 34. artic. 1. quest. 1. in fund. Vide num. 13.*

406. Nemo aspiciens ad malum, malum operatur : *lib. 2. dist. 34. art. 1. quest. 3. & lib. 2. dist. 38. art. 1. quest. 1. ad 2.* Id verum est de malo secundum se, vel de malo sibi, non verò de malo sub alia ratione, scilicet boni virilis, vel delectabilis, vel secundum æstimationem : Id etiam est verum in agente naturali : semper enim natura intendit, quod melius est, non de voluntario : Vide *serm. 1. Hexaëm.*

407. Sicut se habet simpliciter ad simpliciter, sic & magis ad magis, & maximè ad maximè : *lib. 2. distinct. 34. art. 2. quest. 1. in fund.* Id verum est de iis, quæ per se dicuntur, non per accidens, & etiam quando terminus

Mmm 3 accipi

accipitur eodem modo, & non variatur prædicatio: Vnde non valet, bonum opponitur malo: ergo summum bonum summo malo: non enim datur summum malum, nihil enim est ita malum, quod non possit esse peius: *lib. 4. dist. 28. artic. 1. quest. 2. ad 2.*

408. Magis, & minus dicitur per accessum ad terminum: *lib. 2. dist. 34. art. 2. quest. 1. ad 2.* Verum est in entibus positivis, non in privativis, quæ sumuntur per recessum à bono.

409. Omne per accedens reducitur ad per se: Et dictum per participationem reducitur ad dictum per se: *lib. 2. dist. 34. art. 2. quest. 1. ad 4. 5. & 6. & lib. 3. dist. 10. artic. 1. quest. 2. in fund. & lib. 2. dist. 37. art. 2. quest. 2. ad 2.* Item in quolibet genere est reperire vnum primum: *ibid.* Hæc vera sunt in entibus positivis causatis ex principiis subiecti, & quæ possunt essentialiter dici, & quæ possunt alia mensurari secundum eius participationem maiorem, vel minorem: non in entibus privativis, vel negativis: Item ens per se, & per accedens dicitur in ordine ad subiectum: causa vero per se, & causa per accedens per ordinem ad intentionem: *lib. 2. distinct. 37. cit.*

410. Ens, & bonum conuertuntur: *lib. 2. dist. 37. art. 2. quest. 3. in arg. & lib. 2. dist. 41. art. 1. quest. 1. ad ult.* Intellige de ente, & bono naturæ, sic & ens, verumque conuertuntur: *lib. 2. dist. 37. ibid.* Sunt enim proprietates essentialiter identificatæ cum ente: *lib. 2. distinct. 1. part. 1. quest. ultim. in corp.* Et omne, quod est, idem est, quia vnum: *lib. 3. dist. 6. artic. 1. quest. 1. in fund.* Vide *n. 134. & 56.*

411. Quædam sunt entia in recto, quædam sunt entium in obliquo,

quales sunt privationes: *lib. 2. dist. 34. art. 2. quest. 3. ad 3.*

412. Causa, & effectus realiter differunt: *lib. 2. distinct. 35. art. 1. quest. 2. arg. 5. Vide n. 125.*

413. Omnium contrariorum aliqua est proportio: *lib. 2. dist. 35. art. 1. quest. 3. in fund.* Vnde contraria propriè, scilicetpositiva sunt in eodem genere: *lib. 2. dist. 34. art. 2. quest. 3. ad 3.* Privativa tamen etiam ad idem genus reducuntur.

414. Omnes actiones animæ, passionessunt: *lib. 2. d. 3. 5. art. 1. q. 1. in fund.* recipiuntur enim in anima: Vnde eadem actio aliquando etiam est passio secundum alium respectum: *lib. 2. dist. 35. ibid. in corp. ad 1. & 2.*

415. Natura aliquando stat pro re naturali, vel eius proprietate, aliquando pro re conservante naturam, aliquando generaliter pro quacunque re: *lib. 2. dist. 37. dub. 2.*

416. Quæ sunt eiusdem generis, habent eadem principia: *lib. 2. dist. 37. art. 1. quest. 1. in fund.*

417. Esse est actus entis, vivere viventis: *lib. 2. dist. 37. art. 1. quest. 2. in fund.*

418. Idem est principium essendi, & conservandi: *lib. 2. dist. 37. ibid. ad 3.* Id verum est in genere causæ formalis, & efficientis: requiritur enim ad conservationem virtus formæ complementis, & adiutorium primæ causæ efficientis.

419. Vbi est compositio, ibi est aliqua unio, & unitas: *lib. 2. dist. 37. art. 1. quest. 3. in fund. & lib. 3. dist. 1. art. 1. quest. 1.* Non est tamen verum ex opposito: Vbi est unio, ibi compositio, quia plus est unio: *lib. 3. dist. 1. art. 1. q. 1. ad 2.*

420. Compositio dicitur vel componentis actio, vel compossibilis passio,

sio, vel rei compositæ dispositio: *lib. 2. dist. 37. art. 1. quest. 3. in corp.*

421. Casus est inopinatus rei eventus, idest absque intentione: *lib. 2. distinct. 37. art. 2. quest. 2. fortuitum ortum habet à causa per accidens: lib. 2. dist. 37. ibid.*

422. Æqualitas, & inæqualitas dicunt positionem, inæqualitas tamen dicit cum positione etiam priuationem: *lib. 2. dist. 37. art. 2. quest. 3. ad 2.*

423. Veritas est adæquatio rei, & intellectus: falsitas verò est inadæquatio rei, & intellectus: *lib. 2. distinct. 37. art. 2. quest. 3. ad 2. Vide num. 21. & 56.*

424. Veritas enuntiationis alia est essentialis: alia accidentalis: prima est id, ad quod est instituta siue vera, siue falsa: secunda est per ordinem ad rem: *lib. 2. distinct. 37. art. 2. quest. 3. in corp.*

425. Cognitio propositionis non potest haberi, nisi præcognoscantur termini: *lib. 2. dist. 39. art. 1. q. 2.*

426. Quæ naturaliter insunt, sunt inseparabilia: *lib. 2. distinct. 39. art. 1. quest. 2. & lib. 4. dist. 12. p. 1. art. 2. quest. 3. in argum.* Id verum est de iis, quæ insunt secundum principia intrinseca.

427. Malum vel est prohibitum, quia malum, vel est malum, quia prohibitum: *lib. 2. dist. 39. art. 1. quest. 3. in fund. 2. & distinct. 40. art. 1. quest. 1. in fund. 2.*

428. Accidentia sunt transmutabilia circa subiectum, & separabilia à subiecto saltem per intellectum: *lib. 2. dist. 41. art. 1. quest. 2. ad 1. & 2. prima pars est vera de subiecto permanente, non de successiuo, ut est malitia in actione: Vide num. 332. & 375.*

429. Differentiæ essentielles sunt constitutiæ speciei: nec alternantur circa individuum speciei, & semper addunt aliquid generi: *lib. 2. dist. 41. art. 1. quest. 2.*

430. Multiplicato inferiori multiplicatur superius: *lib. 2. dist. 42. art. 1. quest. 1. ad 2.* Verum est de superiori essentiali. Vide num. 599. & 461.

431. Multiplicato subiecto multiplicatur accidens, quod consistit per illud subiectum: *lib. 2. dist. 42. ibid. ad 3.* Verum est, si subiectum per se multiplicetur, & hoc subiectum sit, in quo est primò accidens, nempe quatenus est subiectum.

432. Per se, & per accidens non ponunt in numerum: si enim diligo vinum, quia dulce, non diligo duo: *lib. 2. dist. 42. art. 1. quest. 1. in fund. 1. Vide num. 374.*

433. Simplex, ad quod conuertitur, totaliter se conuertit: *lib. 2. dist. 42. art. 2. q. 1. ad 4.* Verum est quantum ad actum conuertendi: sic enim anima vnum simul potest intelligere: non quantum ad habitum, in quo datur intensio maior, & minor.

434. Motus separat à termino à quo: *lib. 2. distinct. 42. ibid. ad 5.* Verum est de motu propriè dicto.

435. Omne vniuersale non vnitum dicit ordinem ad complementum: *lib. 3. distinct. 1. art. 1. quest. 1. ad 3.* Id verum est de vniuersali, quod redactum ad actum in se aliquid de nouo acquirit: non verò quando acquiritur aliquid de nouo in alio: sic Diuina natura est vniuersalis humanæ.

436. Natura non facit per plura: quæ potest facere per pauciora: id enim importat perfectionem: *lib. 5. dist. 1.*

*diff. 1. art. 1. quest. 3. in fund.* Vide *suprà num. 71.*

437. Species specialissima accipitur penes id, quod est in re nobilissimum, & perfectissimum : *lib. 3. diff. 2. art. 2. quest. 2. ad 4.*

438. Extrema multum distantia non vniuntur, nisi per medium aliquod : *lib. 3. diff. 2. art. 3. quest. 1. in fund.* sic anima, & corpus, Christi humanitas cum verbo mediante vnione.

439. Distinctio secundum oppositas qualitates præsupponit distinctionem secundum substantiam, quia oppositæ qualitates non possunt esse in eodem secundum idem : *lib. 3. diff. 3. part. 2. art. 2. q. 1. in fund.* Id verum est, si sumatur subiectum secundum diuersas rationes in eodem existentes, vt agere, & pati : non verò requiritur distinctio substantialis subiecti in duas substantias : sic subiectum secundum materiam patitur, secundum formam agit. Vide *suprà num. 289. & 297.* Vel id intelligendum est de diuersis differentiis essentialibus.

440. Quod inest rei à sua origine, & principiis intrinsecis, inest naturaliter : *lib. 3. diff. 4. art. 2. quest. 3. in fund.*

441. Eiusdem est factum esse, cuius est fieri : *lib. 3. distinct. 4. art. 3. quest. 1. in corp.*

442. Inducens vltimam formam est nobilius, quàm præparans : *lib. 3. distinct. 4. ibid.*

443. Persona dicit quid completissimum, & per se vnum in genere substantiæ, & ob id non est ordinabilis ad vltiorem perfectionem, constitutionemque tertij : *lib. 3. diff. 5. art. 2. quest. 3. in fund.*

444. Humanitas est forma hominis : *lib. 3. diff. 5. art. 2. q. 5. id est*

forma totius : *lib. 3. diff. 8. art. 1. quest. 2. in corp. & diff. 10. art. 1. quest. 2.*

445. Diuisio dicit ordinem ad multitudinem, & vnio ad vnitatem : *lib. 3. diff. 6. art. 1. quest. 1.*

446. Si duo differunt in suppositis, impossibile est vnum prædicari de altero : *lib. 3. distinct. 6. art. 1. quest. 1. in fund.*

447. Diuersæ differentiæ essentielles dant diuersa esse : *lib. 3. diff. 6. art. 1. quest. 1. ad 4.* Id verum est, quando id ad quod applicantur, non habet præcedenter esse actuale : sic enim de verbo prædicantur diuersæ naturæ, & differentiæ.

448. Vbi est compositio de nouo, ibi est mutatio ratione potentialitatis, & imperfectionis : nec vnum extremorum prædicatur de altero, nec compositum prædicatur de aliquo extremorum : *lib. 3. distinct. 6. art. 1. quest. 2.*

449. Terminus subiicitur ratione suppositi, prædicaturque ratione formæ : *lib. 3. diff. 6. art. 1. quest. 2. ad vltimum.*

450. Quod aduenit enti iam completo, est illi accidens : *lib. 3. distinct. 6. art. 1. quest. 3. ad 2.* Intellige de eo, quod aduenit merè extrinsecum, & secundum modum inhærendi : non sic humana natura aduenit personæ verbi.

451. Quod prædicatur denominatiue, est accidens, & prædicatur per modum accidentis : *lib. 3. diff. 6. art. 1. quest. 3. ad 4.* Id verum est, quando fit prædicatio per modum inhærentis, non autem semper, quando prædicatio denominatiua fit per modum transmutationis, vel possessionis, vel vnionis, vt Verbum est homo.

452. Modus prædicandi est triplex,

plex, scilicet, per identitatem, vel per inhaerentiam, scilicet formalis, vel per causam: *lib. 3. dist. 7. art. 1. quest. 1. ad ultim.* Additur in Verbo alius modus per vnionem.

453. Actus numeratur subiecto, tempore, & termino: *lib. 3. distincti. 8. art. 2. quest. 1. in corp.*

454. Bis dicit consimilis actus geminationem: Item actus interruptionem, & actus completionem: *lib. 3. dist. 8. art. 2. quest. 1. in argum.*

455. Multiplicato vno relatiuorum, multiplicatur & reliquum: *lib. 3. dist. 8. art. 2. quest. 2.* Id verum est de multiplicatione formali, & de eo correlatiuo, à quo dependet essentialiter correlatiuum, non de materiali: sic ad productionem plurium filiorum non multiplicatur paternitas.

456. Diuersarum productionum diuersi sunt termini: *lib. 3. dist. 8. ibid. ad 3.* Verum est, si productiones sint disparatae, non subordinatae: Vide *num. 81.*

457. Actiones sunt suppositorum: *lib. 3. dist. 5. art. 1. quest. 4. in corp.* id est sunt formae in supposito.

458. Praepositio (secundum) potest importare vel causam, vel concomitantiam: si sumitur secundum concomitantiam, dicere potest vel inhaerentiam, vel vnionem, vel adiacentiam, assistentiamque: si secundum causalitatem, tunc importat rationem formalem, quare praedicatum inest subiecto: *lib. 3. dist. 10. dub. 1. & quest. 1. v. g.* Christus secundum quod homo est Deus; *ly (secundum)* dicit concomitantiam: Christus secundum quod homo est rationalis: *ly (secundum)* dicit rationem causalem, & formalem.

459. Quae sunt disparata, non

*R. P. Barr. de Cessrov. Phil. P. III.*

praedicantur de eodem, & secundum idem: *lib. 3. dist. 10. art. 1. quest. 1. in fund. 2. & dist. 33. art. 1. quest. 2. ad 3.* Id verum est de praedicatione per causam formalem, non verò per concomitantiam, vel de iis, quae possunt in se reflecti: ut musicus est albus, & fortitudo est prudens, prudentia fortis: Vide *num. 4.*

460. Indiuiduum est, quod in se est indiuisum, id est indiuiduatum, & diuisum à quolibet alio, id est incommunicabile, quia in se, & per se est subsistens: humanitas in Christo habet primam conditionem, non secundam, quia de se non est persona, & incommunicabilis: *lib. 3. dist. 10. art. 1. quest. 3.*

461. De quocunque praedicatur inferius, praedicatur & superius: *lib. 3. dist. 11. art. 2. q. 1. ad 5.* Id verum est virtute illationis: non tamen sequitur, quod si aliqua peculiari locutione vtendum sit cum inferiori, quod sit vtendum cum superiori ob diuersos modos significandi importantes repugnantiam: sic creatura est quid superius ad hominem, & tamen homo praedicatur de Christo, non creatura: Vide *n. 599.*

462. Nobiliori materiei debetur nobilior forma: *lib. 3. dist. 12. art. 1. quest. 1. ad 2.* Id verum est de materia disposita, non remota: Vide *num. 650.*

463. Improprium Parentum redundat in prolem: *lib. 3. distincti. 12. art. 1. quest. 1. ad 3.* verum est, quando filius est imitator Parentum.

464. Sensus nominat potentiam, & vsum rerum potentiae viuentis: *lib. 3. dist. 13. dub. 1.*

465. Finitum non excedit aliud finitum in infinitum: *lib. 3. dist. 13.*

*N n n a*

*art. 2.*

*art. 1. quest. 2. ad 3.* verum est in eodem genere, non in diuerso, sic enim superficies in infinitum excedit lineam.

466. In conclusione non est quies, sed in principiis : *lib. 3. dist. 14. art. 1. quest. 3.*

467. Scimus plura, vnum intelligimus : *lib. 3. dist. 14. art. 2. quest. 1. in fund.* primum spectat ad habitum, secundum ad actum.

468. Ex multis sensibilibus fit vna memoria : ex multis memoriis vna experientia : & ex multis experientiis vnum vniuersale, quod est principium artis, & scientiæ : *lib. 3. distinct. 14. artic. 3. quest. 2. ad 3. & lib. 3. dist. 24. art. 3. quest. 3. in arg.* Id verum est duobus modis : vel procedendo ab incognito ad cognitum, acquirendo scientiam, vel à cognito vno modo per exercitium scientiæ ad cognoscendum idem alio modo.

469. Intellectus agentis est abstrahere à conditionibus materialibus : *lib. 3. dist. 14. art. 3. quest. 2. ad 4. & lib. 2. dist. 24. part. 1. art. 2. q. 4.* Hæc abstractio vel ordinatur ad generandum habitum, vel ad iudicandum de eo, quod per sensus percipitur, cuius species iam præexistit in intellectu.

470. Amplioris extensionis est scientia, quàm potentia : *lib. 3. dist. 14. ibid. quest. 3. ad 3.* Verum est quoad obiectum, non in ordine ad subiectum.

471. Propassio est passio diminuta sistens intra rationem, obidque est partis sensualis, & virtutis naturalis : *lib. 3. dist. 15. dub. 4.*

472. Proprietas inhærens necessariò alicui comparatur ad illud, sicut ad subiectum, & causam : *lib. 3. distinct. 16. art. 1. q. 3. ad 5. & lib. 4.*

*distinct. 49. part. 1. artic. 1. quest. 1. ad 4.*

473. Causa naturalis doloris, est compositio ex contrariis : *lib. 3. dist. 16. ibid. in corp. & ad 4.*

474. Anima secundum partem rationis nullum organum corporis sibi determinat : *lib. 3. dist. 16. art. 2. quest. 1. ad 1.*

475. Vbi est ordo, ibi numeratio, & distinctio : *lib. 3. dist. 21. art. 1. q. 3. ad 3.* Verum est, quando ordo simpliciter ponit distinctionem, non quando solum ponit gradum.

476. Nobilior est substantia viuens non viuente : *lib. 3. dist. 21. art. 2. quest. 2. ad 3.*

477. Anima omnia videt vel per sui essentiam, vel per speciem propriam rei, vel per alienam : *lib. 3. distinct. 23. dub. 4.*

478. Scientia est in verum visum, fides in verum non visum, sed saluti ferum : *lib. 3. dist. 24. art. 1. quest. 1. ad 2. & distinct. 21. art. 1. quest. 1. ad 2.*

479. Virtus certior est omni scientia : *lib. 3. distinct. 23. art. 1. quest. 4. ad 2.* Verum est quoad idem obiectum virtutis, non verò absolute.

480. Sicut se habet oculus nocturæ ad lucem, ita intellectus noster ad manifestissimam naturæ : *lib. 3. dist. 23. art. 1. quest. 4. ad ult. & opuscul. Princip. Sacra Scriptura.*

481. Habitus debet conformari obiecto proprio : *lib. 3. dist. 24. art. 1. quest. 1. ad 2.* Verum est de habitu dependente ab obiecto.

482. Quodcumque contingens potest subesse falso : *lib. 3. dist. 24. art. 1. quest. 1. ad 1.* Verum est in creatis, non in præscientia Diuina.

483. Possibile potest stare cum necessario : *lib. 3. dist. 24. ibid. ad 3.*

484. Con



484. Contingens transeundo in præteritum, non exiit rationem contingentis, licet illi adueniat necessitas consequentiæ: *lib. 3. dist. 24. ibid. ad 3. Vide num. 211.*

485. Circa idem potest esse certitudo, & dubitatio: scientia, & fides, scientia & opinio secundum diuersas rationes: *lib. 3. dist. 24. art. 2. quest. 1. & 2.*

486. Opinio est assensus ad vnā partem cum formidine veritatis alterius partis: est etiam assensus absolutus ex rationibus probabilibus generatus: *lib. 3. dist. 24. art. 2. quest. 2.*

487. Articulus fidei est veritas de Deo arcans nos ad credendum: *lib. 3. dist. 24. art. 3. quest. 1. & 2.*

488. Mutato obiecto mutatur habitus: *lib. 3. distinct. 25. art. 2. quest. 1. ad 2.* Verum est, si mutatur obiectum secundum substantiam, non quoad aliquod accidentale.

489. Processus est ab inferioribus, & imperfectioribus ad superiora, & perfectiora: *lib. 3. dist. 27. art. 2. quest. 4. in fund.*

490. Impossibile est aliquem moueri simul oppositis motibus: *lib. 3. dist. 27. artic. 2. quest. 6. in fund.*

491. Anima in corpore habet motum reflexum ad corpus, quia corpus aggrauat animam: *lib. 3. dist. 27. ibid.*

492. Virtus, & vitium habent esse circa idem, non tamen eodem modo: *lib. 3. dist. 28. art. 2. quest. 1. ad 4.*

493. Finis est magis eligendus, quam media: *lib. 3. dist. 29. artic. 1. q. 2. in arg.*

494. Si æqualibus æqualia, & inæqualibus inæqualia addas, remanent sicut prius æqualia, vel inæqualia: *lib. 3. dist. 29. artic. 1. quest. 1. ad 2.* Verum est, si illud additum æqualiter respicit verumque.

495. Sicut se habet propositum in proposito, ita oppositum in opposito: *lib. 3. dist. 30. art. 1. quest. 5. ad 4.* Id verum est secundum illam rationem, in qua conueniunt, & per se: non enim valet dicere, Album est visibile: ergo nigrum est inuisibile: quia album est visibile ratione communi cum nigro: & *lib. 3. dist. 28. art. 1. quest. 3. ad 3. Vide num. 213. & 298. & 288.*

496. Scientia destruitur vel ob corruptionem à parte scibilis, aut ex parte medij, aut per obliuionem: *lib. 3. dist. 31. art. 2. quest. 3. in fund.*

497. Virtus magis vniuersa est fortior: *lib. 3. art. 3. q. 2. Vide num. 88. & 181.*

498. Formæ disparatæ ad inuicem, & diuersæ seipsas non possunt denominare: *lib. 3. distinct. 34. art. 1. quest. 2. ad 3.* Id verum est de prædicatione per causam formalem, vt musica est alba: sed non per concomitantiam, quando insunt in subiecto simplici, quod potest reflectere se super se, & super actus suos, & ob id etiam formæ in ipso existentes participant de tali reflexione, vt fortitudo prudens: *Vide num. 459.*

499. Vnaquæque res generatur, per quæ in esse saluatur, & promouetur: *lib. 3. dist. 23. art. 1. quest. 5. in fund.*

500. Habitus fit ex frequentatis actibus, licet enim primus actus, & reliqui transeunt quoad actualitatem, non tamen quoad effectum disponentem, qui postea per alios, & alios coadiuuatur: *lib. 3. dist. 23. art. 1. quest. 5. ad 4.*

501. Gutta cauat lapidem eodem modo proximè allato: *lib. 3. dist. 23. ibid. ad 4.*

502. Quæ habent ortum ab eodem

Nnnn 2

dem

dem secundum speciem, sunt eiusdem speciei: *lib. 3. dist. 34. part. 2. art. 2. quest. 1. ad 4.* Verum est de iis, quæ procedunt ab eadem causa vniuersa, non æquiuoca. Vide *n. 167.*

503. Delectatio est coniunctio conuenientis cum conuenientia cum sensu eiusdem: *lib. 3. dist. 35. art. 1. quest. 1. in corp.*

504. Affectus imponit nomen operi: *lib. 3. dist. 36. artic. 1. quest. 6. in fund.* Vnde si intentio est recta, totum est rectum: *lib. 3. distinct. 38. art. 1. quest. 1. in argum.* Vide limitationem huius propositionis *num. 5. & 13.*

505. Prius sunt vniuersaliora, quam minus vniuersalia: *lib. 3. dist. 37. art. 2. quest. 2. ad 2.* Id verum est quoad prioritatem naturæ, non quoad aliam prioritatem, v. g. electionis, & dignitatis, & existentiz.

506. Similitudo vel dicit vnus naturæ participationem, & dicitur proportionis: vel vnus formæ comparisonem, & dicitur proportionalitatis: Prima est vt duorum albotum similitudo: Secunda est rectoris ad Nauem, & ad Cinitatem: *lib. 4. dist. 1. part. 1. dub. 3.*

507. Signum aut est demonstratiuum rei præsentis: aut prognosticum rei futuræ: aut rememoratiuum rei præteritæ: Item aliud est naturale, aliud voluntarium: *lib. 4. dist. 1. part. 1. art. 1. quest. 2. in arg. & dist. 6. part. 1. art. 1. quest. 2. ad 2.*

508. Signum, & signatum sunt simul natura, quia correlatiua: *lib. 4. dist. 1. ibid. ad 4.* Verum est in ratione signi, non rei substractæ.

509. Accidens, quod non habet ortum à principis subiecti, non determinat sibi materiam: *lib. 4. dist. 1. art. 1. quest. 3. in fund.* sic radius, cum

sit in subiecto deferente, transit de subiecto in subiectum: taleque non habet subiectum proprium: Vide *num. 332.*

510. Dispositio præcedit vel natura, vel tempore id, ad quod disponit: *lib. 4. dist. 1. part. 1. art. 1. quest. 4. ad 1. quest. 2. lateral.*

511. Omnis operatio egreditur à substantia mediante aliqua virtute, & potentia: *lib. 4. dist. 3. part. 2. art. 1. quest. 2. in argum.*

512. Causa, ad hoc vt causet, debet esse coniuncta actui, & effectui: *lib. 4. distinct. 4. part. 1. art. 2. quest. 3. ad 2. & dist. 5. art. 3. quest. 1. in argum.* Id verum est, quia causa non existens in se, vel in sua virtuali non potest aliquid facere.

513. Sensus, & motus fluunt à capite in membra corporalia, & ab vno membro in aliud: *lib. 4. distinct. 5. art. 2. q. 1. ad 3.*

514. Triasunt in anima, potentia, passionem, & habitus: *lib. 4. dist. 6. part. 1. artic. 1. quest. 1. in argum.*

515. Habitus omnis vel est innatus, vel acquisitus, vel infusus: *lib. 4. dist. 6. ibid.*

516. Quatuor sunt species qualitatis: Prima habitus, & dispositio: Secunda potentia, & impotentia naturalis: Tertia passio, & passibilis qualitas: Quarta forma, & figura: *lib. 4. distinct. 6. part. 1. artic. 1. quest. 1.*

517. Signum est, quod sensibus se offert: *lib. 4. dist. 6. part. 1. art. 1. quest. 2. ad 1.*

518. Assimilatio est vel per vnus qualitatis participationem, vel per imitationem, vel per omnimodam indiuisiorem: Prima est creaturæ ad creaturam: Secunda creaturæ ad Deum: Tertia vnus personæ Diuine

ne ad aliam : *lib. 4. distinct. 6. part. 1. art. 1. quest. 2. ad 2.*

§ 19. Cuius est dispositio, etiam est habitus : *lib. 4. dist. 6. part. 1. art. 1. quest. 3. ad 2.* Verum est de dispositione, quæ sit habitus, non de alia, nam habitus vnius potentie disponit ad alium.

§ 20. Mutationis non est mutatio, nec signi signum, & consequenter relationis relatio, ne derut processus in infinitum : *lib. 4. distinct. 8. part. 1. art. 1. quest. 1. ad 1.* Verum est, si mutatio, signum, & relatio est pure tale, non verò secundum aliam rationem absolutam : *lib. 4. dist. 19. quest. ult. ad 1.* Vide num 95.

§ 21. Pronomen hoc est demonstrationis rei existentis : *lib. 4. dist. 8. part. 2. art. 1. q. 1.*

§ 22. Terminus supponens verbo de presenti non habenti vim ampliandi supponit pro eo, quod est actus, ut hic est Petrus : *lib. 4. dist. 8. part. 1. art. 1. quest. 1. in finem.*

§ 23. Subiectum, & prædicatum dicunt formas impossibiles, si tamen intercedit Verbum est, tunc importatur simultas : *lib. 4. dist. 8. part. 1. ibid.*

§ 24. Substantia separari potest à quantitate : non tamen substantia viua remanente viua, cum essentialiter sit organica : *lib. 4. dist. 10. part. 1. art. 1. quest. 2. in corp.*

§ 25. Individuum necessariò est nunc, & hic, in locoque definitivè : *lib. 4. dist. 10. part. 1. art. 1. quest. 4. in argum. Vide num. 193.*

§ 26. Quod habet dimensionem, est dimensionè in loco : *lib. 4. dist. 10. ibid. ad 1.* Verum est, si sit ut locatum in loco, non verò si sit tantum ut signatum in signo.

§ 27. Proprietates corporis aliæ

sunt absolutæ, aliæ relatione in ordine ad locum : primæ sunt inseparabiles : non secundæ : *lib. 4. distinct. 10. ibidem ad 2.*

§ 28. Esse localiter est vel secundum præsentiam præcisè, vel etiam secundum commensurationem : *lib. 4. dist. 10. ibid. ad 3. & lib. 1. dist. 37. part. 2. art. 1. per tot. Vide num. 193.*

§ 29. Esse conterminativè est vel privativè, ut est anima in corpore, vel positivè, ut res quanta in quantitate : *lib. 4. distinct. 10. part. 1. art. 1. quest. 4. ad ult.*

§ 30. Positio partium est vel ut in toto, vel ut in loco : *lib. 4. distinct. 10. ibid. quest. 4. ad 2. & quest. 5. ad 1.*

§ 31. Anima est in corpore, & partibus simul, licet corpus sit divisibile in partes : *lib. 4. distinct. 10. art. 1. quest. 5. ad 2.*

§ 32. Continuum non est divisibile in infinitum secundum partes secundum formam, scilicet ut talis continui, verbi gratia panis, baculi, &c. licet secundum partes secundum materiam, & mathematicè sit divisibile in infinitum : *lib. 4. dist. 10. part. 1. art. 1. quest. 5. ad 2. & dist. 49. part. 2. art. 4. quest. 2. ad ult. Vide n. 239.*

§ 33. Maius est de impio facere pium, quàm creare Cælum, & terram : *lib. 4. distinct. 10. part. 2. art. 1. q. 1. ad 1.* Verum est, quia in iustificatione requiritur concursus voluntatis liberæ creatæ : & *lib. 4. dist. 17. part. 1. art. 1. quest. 1. ad 2.*

§ 34. Omne continens vel est maius, vel æquale contento : *lib. 4. dist. 10. part. 2. art. 2. quest. 1.* Id verum est naturaliter, non supernaturaliter.

§ 35. Si aliquid est in roto, & fiat in minori, necesse habet contrahi :  
Nun 3 lib. 4.

*lib. 4. dist. 10. ibid.* Verum est naturaliter; non supernaturaliter: Sic Corpus Christi est in tota hostia, & etiam in minima parte absque confectione.

§ 36. Vbi duæ magnitudines videntur inæquali spatio, maior magnitudo videtur sub angulo maiori: Videre enim est secundum triangularem directionem radiorum, ita quod basis est res visa, & angulus est circa pupillam oculi: *lib. 4. dist. 10. part. 2. art. 2. quest. 2. in argum.*

§ 37. Visus non abstrahit à quantitate, quia est de ratione sensorum: *lib. 4. dist. 10. part. 2. ibid. in corp.* Vide n. 327.

§ 38. In naturali mutatione est potentia passiva materię: in supernaturali est potentia obediencialis: *lib. 4. dist. 11. part. 1. art. 1. quest. 2. in argum.*

§ 39. Vbi est successio, ibi est resistantia ratione præparationis materię: *lib. 4. dist. 11. part. 1. art. 1. q. 5. in arg. & lib. 1. dist. in 37. part. 2. quest. ult.*

§ 40. Dantur duo instantia immediata in mutationibus contiguis, non verò in concinito: *lib. 4. dist. 11. part. 1. art. 1. quest. 5. & lib. 4. dist. 17. part. 1. art. 2. quest. 1.*

§ 41. Mixtio est miscibilium alteratorum unio: *lib. 4. dist. 11. part. 2. art. 1. quest. 4.*

§ 42. Accidentis esse est inhærere: *lib. 4. dist. 12. part. 1. art. 1. quest. 1.* Id verum est de aptitudinali inhærentia.

§ 43. Definitio potest separari à definito quoad actum, non quoad aptitudinem significatam: *lib. 4. dist. 12. ibid.* Unde non currit illa propositio, sicut se habet esse ad ens, ita inhærere ad inhærens.

§ 44. Accidentia ducunt ad intelligendam substantiam: *lib. 4. dist. 12.*

*part. 1. artic. 1. quest. 2. in argument.*

§ 45. Albedo est lux incorporata, idest mixta cum corpore, vel cum quantitate: *lib. 4. dist. 12. part. 1. art. 1. q. 3. ad 3. Vide n. 20. & 328.*

§ 46. Quantitatis ratio est extensio: *lib. 4. dist. 12. ibid. ad 2. quam consequitur diuisio: lib. 4. dist. 12. part. 1. art. 3. quest. 2.*

§ 47. Accidentia naturaliter consequuntur materiam extensam: *lib. 4. dist. 12. ibid. in arg.* verum est de accidentibus materialibus, non de spiritualibus.

§ 48. Omne accidens denominat suum subiectum aliquid: *lib. 4. dist. 12. ibid. & lib. 4. dist. 12. part. 1. art. 2. quest. 1. ad 1.*

§ 49. Accidentia cum substantia non occupat maiorem locum, nec facit maius: est enim forma simplex: *lib. 4. dist. 12. part. 1. art. 2. quest. 2.* Id verum est naturaliter, non supernaturaliter, vt in Sacramento Eucharistiæ.

§ 50. Sensus est susceptivus specierum præter materiam, sed tamen sub conditionibus materialibus hic, & nunc: *lib. 4. dist. 12. part. 1. art. 2. quest. 3. Vide n. 22. & 219. & 291. & 360.*

§ 51. Forma substantialis nunquam mouet sensum separatam à formis accidentalibus: *lib. 4. dist. 12. part. 1. art. 2. quest. 3. in argum.* Vide n. 527. & 327.

§ 52. Si idolum relinqueretur in speculo, abstracto corpore obiecto moueret sensum: *lib. 4. dist. 12. ibid.*

§ 53. Rectum vt tale tangit sphaeram in puncto: *lib. 4. dist. 12. ibid.*

§ 54. Species motiva sensus dicit ordinem primum ad subiectum: secundum ad medium: tertium ad organum: *lib. 4. dist. 12. part. 1. ibid. in arg.*

§ 55. For

555. Forma de sui natura est in simplici, & in inuariabili essentia consistens, & variatio ei accedit ratione materiæ, extensio ratione quantitatis: *lib. 1. dist. 8. part. 2. art. 1. quest. 3. ad 2. & lib. 4. dist. 12. part. 1. art. 2. quest. 3. Vide num. 52.*

556. Ad transmutationem physicam tria concurrunt principia, subiectum, & duo contraria, scilicet terminus à quo, & ad quem: *lib. 4. dist. 12. ibidem.*

557. A forma est agere, & à materia pati: *lib. 4. dist. 12. part. 1. art. 2. quest. 3. & lib. 2. distinct. 3. part. 1. art. 1. quest. 1. & 2. & lib. 2. dist. 17 artic. 1. quest. 2. & lib. 4. dist. 50. part. 2. artic. 1. quest. 1. Vide supra num. 269. & 324.* Ex quo infertur in Angelis, & in anima compositio ex materia, & forma. Vide num. 619.

558. Non est verè contrarietas sine subiecto: *lib. 4. dist. 12. part. 1. art. 2. quest. 3.*

559. Omnis actio terminatur ad hoc aliquid, idest ad substantiam, sed tamen si accidens possit stare sine subiecto, ut evenit miraculosè in Eucharistia, posset etiam terminari ad accidens: *lib. 4. dist. 12. part. 1. art. 3. quest. 2.*

560. Privilegium meretur amittere, qui concessa sibi abutitur potestate: *lib. 4. dist. 13. art. 1. quest. 1. in argum.*

561. Virrus est, quæ habentem perficit, & opus eius bonum reddit: *lib. 4. distinct. 14. part. 1. art. 1. quest. 1. in fund.*

562. Naturaliter prius est intentio ad terminum ad quem, quàm separatio à termino à quo: *lib. 4. dist. 14. part. 1. art. 2. quest. 3. ad 5.* Id verum est, ubi eodem motu receditur, & acceditur, non verò ubi

alio motu receditur à termino à quo, & alio fertur in terminum ad quem: tunc enim prius recedendum est, & postea accedendum, sic in spiritualibus, & in iustificatione.

563. Vivere in naturalibus aliquando stat pro actu primo, aliquando pro signo vitæ, sic & aliquando pro eo, à quo est vita, aliquando pro eo, quod manifestatur: *lib. 4. dist. 14. part. 2. dub. 5.*

564. Perfectus Medicus perfectum largitur antidotum: *lib. 4. dist. 14. part. 2. art. 2. quest. 2.*

565. Causa dicitur vel communiter, estque causa sine qua non: alia propriè pro influente in effectum: *lib. 4. dist. 15. part. 1. dub. 3.*

566. Tanta est offensa, quantum is, qui offenditur: *lib. 4. distinct. 15. part. 1. art. 1. quest. 1. ad 1. & dist. 37. art. 2. quest. 2. in fund.*

567. Quod nullo modo vivit, nec est à principio vivente, nec habet potentiam ad vitam, nec potest vivificari: *lib. 4. dist. 15. part. 1. art. 1. q. 4.* Hinc infertur opera mortua non posse unquam vivificari.

568. Facilius in natura est vivificare, quod non vixit, quàm quod vixit: *lib. 4. dist. 15. part. 1. art. 1. q. 4. ad 3.* Id verum est in his, quæ idèò vivunt, quia recipiunt vitam: sed non in iis, quæ idèò possunt vivere, quia procedunt à vita, ut sunt opera.

569. Instrumentum aliud separatum, aliud coniunctum: *lib. 4. dist. 15. part. 2. art. 2. quest. 2. ad 4.* coniunctum est vel propter operationem, vel etiam ad unam formam constituendam, eique competit forma totius: *lib. 4. dist. 48. art. 1. quest. 1. ad 3.*

570. Totum non prædicatur de parte integrali: *lib. 4. dist. 16. part. 1. dub. 1.* Id verum est de partibus heterogeneis

rogeis, non homogeneis, quæ habent vnam naturam.

571. Forma habens partem, & partem, vel contrariam dispositionem inducitur successiue: *lib. 4. dist. 16. part. 1. art. 3. quest. 1. ad 4. & 5.* Verum est de forma, quæ educitur de materia, non de ea, quæ ab extrinseco aduenit, vt lux: nec de ea, quæ non habet dispositionem licet contrariam resistentem, vt cum Deus de aqua facit vinum.

572. Collatio alia per discursum de vno in aliud, & hæc est successiua: alia est duorum comparatio secundum aliquam rationem, & hæc potest esse in instanti: *lib. 4. dist. 16. part. 1. art. 3. quest. 1. ad 3.*

573. Intelligere successiue fit: *lib. 4. distinct. 16. ibid. ad 1.* Id verum est ratione acquisitionis speciei per sensum, non ratione sui.

574. Medicina alia est sanatiua, alia melioratiua: *lib. 4. dist. 16. part. 1. art. 3. quest. 2. ad 4.*

575. Quod intenditur, id fit vel per accessum ad terminum, vel per depurationem à contrario: *lib. 4. distinct. 16. part. 1. art. 4. quest. 1. in argum.*

576. Forma, & qualitas expellitur, quando est: *lib. 4. dist. 17. part. 1. art. 1. quest. 1. ad 4. & quest. 2. per totam.* Id verum est, quia expulsio præsupponit formam contrariam productam, & ad ipsam consequitur eadem forma informans, & expellens suam contrariam, vnde expulsio mediati.

577. In qualibet mutatione prius est terminus à quo, quam terminus ad quem, vel secundum naturam, vel secundum tempus: *lib. 4. distinct. 17. part. 1. art. 2. quest. 1. ad 1.* Id verum est, quatenus forma habet rationem

informationis, non verò prout habet rationem agentis, hæc enim præcedit expulsionem formæ contrariæ, vt dictum est: sic gratiæ infusio, & creatio est prior, ad quam sequitur expulsio gratiæ, & tandem esse gratum.

578. Prius natura est id, à quo non conuertitur consequentia necessariò, vt prius est animal, quam homo: *lib. 4. dist. 17. ibid. ad 2.*

579. Anima non potest moueri simul diuersis motibus: *lib. 4. dist. 17. part. 1. art. 2. quest. 2. ad ult.* Id verum est secundum eandem potentiam, non verò secundum diuersas, & subordinatas.

580. Forum aliud est Dei, aliud Ecclesiæ: *lib. 4. distinct. 17. ibidem quest. 4.*

581. In ordinatione prædicamentorum in logicis, & causarum in Physicis reductio fit vsque ad supremum per vnum immediatum: *lib. 4. dist. 19. art. 3. quest. 1. in fund.*

582. In Corporalibus situs sequitur pondus prædominans: *lib. 4. dist. 20. part. 1. artic. 1. quest. 6. ad 2.*

583. In scientiis practicis certitudo est tantum in vniuersalibus, non in particularibus: *lib. 4. distinct. 20. part. 2. dub. 3.* Id verum est ob varias circumstantias particulares singularem casuum.

584. Quando duæ formæ se se compariuntur, vna non expellit aliam, nisi aliquo adiutorio superaddito: *lib. 4. dist. 21. part. 1. art. 1. quest. 2. ad 3.*

585. Nihil seruandum est, in quo præiudicium fiat veritati: Item fraus, & dolus nemini debet patrocinari: Item nullus pro aliquo debet mentiri: *lib. 4. dist. 21. part. 2. art. 2. q. 3.*

596. Nihil,

§86. Nihil, quod omnino cedit in non ens, iteratur omnino eodem: nec item contrarium reducitur ad esse suum contrarium: *lib. 4. dist. 22. art. 1. quest. 1. Vide n. 614. & 616.*

§87. In artificialibus nobilior est in artifice uti instrumento facto, quam illud facere: *lib. 4. distinct. 23. art. 2. quest. 1. ad 2.* Id verum est, quando gradus dignitatis in eis est per ordinem ad finem, ob id utens instrumento est immediatior ad finem, quam fabricans; non verò in operibus Ecclesie, in quibus sumitur nobilitas in ordine ad primum principium, à quo fluit: unde Episcopus consecrans oleum est gradus nobilioris, quam Sacerdos inungens.

§88. In naturalibus eadem potentia, quæ inducit dispositionem, educit etiam formam: *lib. 4. dist. 23. ibid. ad 3.* Verum est de forma perficiente illam dispositionem; sic faber fabricando ferrum inducit formam.

§89. Multiplicato inferiori, multiplicatur superius: *lib. 4. distinct. 24. part. 1. art. 2. quest. 4. ad 1.* Verum est de inferiori, quod habet naturam speciei, vel partis subiectivæ. Vide *num. 430. & 461.*

§90. Numerus est quid per se vnum sub se habens partes, quæ habent rationem partis subiectivæ, & simul integritatis: *lib. 4. dist. 24. ibid. in corp. & part. 2. art. 1. quest. 2. ad 3. & quest. 3. ad 2.*

§91. Materia appetit formam, sicut mulier virum: *lib. 4. dist. 27. art. 1. quest. 2. in argum.*

§92. Nihil potest producere se ipsum: *lib. 4. distinct. 27. art. 2. quest. 1. in argum. Vide n. 115. & 412.*

§93. Voluntarium est, cuius principium. *P. Barr. de Castrov. Phil. P. III.*

capium est in ipso cognoscente singula: *lib. 4. distinct. 30. art. 1. quest. 1. in fund.*

§94. Plus habet de inuoluntario, quod fit per ignorantiam, quam per violentiam: *lib. 4. dist. 30. ibid.*

§95. Honestum est, quod sua vi nos trahit, & sua bonitate nos allicit: *lib. 4. distinct. 31. art. 1. quest. 1. ad 3.*

§96. Vnius rei vnicus est finis: *lib. 4. distinct. 31. art. 1. quest. 2. ad 1.* Id verum est de fine principali, nam idem potest habere plus fines minus principales, vel subordinatos vni principali: Vide *lib. 2. dist. 38. art. 1. quest. 3.*

§97. Virtus exigit non solum rectitudinem actus, sed & circumstantiarum: *lib. 4. distinct. 32. art. 3. quest. 2. in argum.*

§98. Ius naturale dicitur, quod tibi vis fieri, facies alteri, & quod tibi non vis fieri, non facias alteri, idque est commune omnibus, & continetur in lege, & Evangelio: *lib. 4. dist. 33. artic. 1. quest. 1.*

§99. Nullus in eadem causa potest esse actor, & iudex: *lib. 4. dist. 35. art. 1. quest. 3. in fund.*

600. Quod semel bene est definitum, nulla debet iteratione retractari: *lib. 4. dist. 35. art. 1. quest. 5. ad 1.* Id verum est secundum rigorem legis, non tamen quantum ad favorem innocentis.

601. Generatio est de superfluo nutrimenti: *lib. 4. distinct. 40. art. 1. quest. 1. ad 3.* Intellige de superfluitate non impuritatis, sed residuitatis, quæ non est omnimoda superfluitas, nisi respectu individui, non verò generativæ potentie.

602. Identitas rei venit ab identitate principiorum substantialium: *O o o o lib. 4.*

*lib. 4. dist. 43. art. 1. quest. 4. in fund. & ad ultim. & distinct. 44. part. 1. dub. 3. & 4.*

603. Propria forma nata est fieri solum in propria materia : *lib. 4. dist. 43. ibid. Intellige de materia ut sic disposita.*

604. Omnis forma corrupta, & iterum generata non est eadem numero, sed specie : *lib. 4. dist. 43. ibid. ad 1. Id verum est secundum virtutem operantis naturalis, non infiniti : Vide ibidem rationes, & lib. 4. dist. 44. ibid. Vide num. 596.*

605. Anima habet naturalem appetitum ad suam materiam : *lib. 4. dist. 43. quest. 4. & 5. ad 6. idest ad suum corpus.*

606. A privatione ad habitum non datur regressus : *lib. 4. distinct. 43. art. 1. quest. 5. Id est verum naturaliter, non supernaturaliter : & dist. 44. part. 1. dub. 3. & 4. Vide n. 596. & 614.*

607. Natura est vis insita rebus ex similibus similia procreans : *lib. 4. dist. 43. art. 1. quest. 5. in fund.*

608. Anima, quia est talis, idem differt ab Angelo : *lib. 4. dist. 43. ibidem.*

609. Operatio consequitur formam, & speciem : *lib. 4. dist. 44. part. 2. art. 2. quest. 1. ad 4. Verum est de operatione consequente totam speciem. Vide n. 567.*

610. Lux est proprietas inseparabilis ignis : *lib. 4. distinct. 44. ibid. ad 3.*

611. Omne agens agit in contrarium, & generat suam similitudinem in passio : *lib. 4. distinct. 44. part. 2. art. 2. ad 1. & 2. Id verum est de actione naturali.*

612. Beatitudo est status omnium bonorum aggregatione perfectus : *lib. 4. dist. 49. part. 1. art. 1. quest. 1.*

*ad 3. Id verum est quoad æquivalentiam.*

613. Beatitudo est bonum, quod omnia exoptant : *lib. 4. dist. 49. part. 1. art. 1. quest. 2. Intellige de bono in generali secundum propriam naturam.*

614. Corpus, ut sit organum congruum animæ, exigit debitam quantitatem, & qualitatem, organizationemque : *lib. 4. dist. 49. part. 2. art. 2. quest. 1. in argum.*

615. Corpus hominis accipit à terra obscuritatem, ab aqua passibilitatem, ab aëre infirmitatem, & ab igne animalitatem : *lib. 4. dist. 49. ibid. in corp.*

616. Mensura temporis alia est intrinseca, alia extrinseca : *lib. 4. dist. 49. part. 2. art. 3. quest. 1. ad 4. Vide n. 192.*

617. Lex debet esse honesta, iusta, possibilis, secundum naturam, & patriæ consuetudinem, loco, & tempori conveniens, necessaria, utilisque, & manifesta : *Opusc. Princip. Sacra Scriptura.*

618. Metaphysica est nobilissima inter scientias naturales : *Op. Princ. Sacra Script.*

619. Locus ab autoritate concludens; infirmus, & inartificialis dicitur : *Opusc. Princ. Sacra Scriptura. Excipe auctoritatem Divinam ob firmam certitudinem.*

620. In Scientia præcognoscendum quid nominis, & rei, & quia est, debetque supponi subiectum : *Opusc. Princ. ibidem, & Serm. 5. Hexaem.*

621. Scientia Mathematica est nobilissima per certitudinem modi sciendi : De anima ob nobilitatem subiecti moralis ob utilitatem finis, qui est beatitudo creata, sed Divina, scilicet



scilicet scientia Theologica omnes excellit : *Opusc. Princip. ibidem.*

622. Quod scimus, & intelligimus, debetur rationi : quod credimus, debetur auctoritati : *Opusc. Princip. ibidem.*

623. Lex humana est constitutio populi, qua maiores natu simul cum plebibus aliquid sanxerunt : *Opusc. Princip. ibidem.*

624. Scientiarum ethnicarum alia est Logica, alia Physica, alia Ethica : Logica alia est Grammatica, alia Rethorica, alia Dialectica : Physica alia est Mathematica, alia Naturalis, alia Metaphysica : Ethica alia est Monastica, alia Oeconomica, alia Politica : *Opusc. Princip. ibidem.*

625. Ius civile secundum legem Diuinam regulatur : *Opusc. Princip. ibidem.*

626. Theologia positiua, idest Sacra Scriptura procedit narrando, præcipiendo, prohibendo, comminando, promittendo : Scholastica verò, seu secundum artem procedit per modum questionis, responsionis, oppositionis, solutionis, nunc definiens, nunc diuidens, nunc arguens, nunc concludens : *Opusc. Princip. ibidem.*

627. Motus est Endeclia, idest actus entis in potentia, & licet inuoluat imperfectionem, attestatur tamen perfectioni motoris : *lib. 4. dist. 49. art. 4. princip. quest. 1. ad argum.*

628. Omne, quod incipit, incipit vel per motum, vel per mutationem : *Opusc. Princip. Sacra Scriptura.*

629. Metaphysicus considerat ens, prout trahit originem à prima causa, & prout terminat in ipsam ut in vltimum finem, & prout exemplantem, & ideantem omnia entia : *Serm. 1. Hexaem.*

630. Physicus considerat res, prout sunt originantes ab vnica causa, obidque considerat mobile, & generationem, & consequenter duplex medium mundi, scilicet cor, & solem : *Serm. 1. Hexaem. & Serm. 3.*

631. Sermo rationalis datus est ad exprimendum conceptus internos : *Serm. 1. ibid.*

632. Principia cognoscimus, in quantum terminos cognoscimus, & hoc per lumen inditum à Deo in anima : *lib. 2. dist. 39. art. 1. quest. 2. & Serm. 3. Hexaem. Vide. num. 58.*

633. Veritas triplex, scilicet, rerum, vocum, & morum : prima est indiuisio entis, & esse : secunda adæquatio vocis, & intellectus : tertia rectitudo viuendi cum regula æterna : *Serm. 3. & 4. & 5. & 6. Hexaem.*

634. Entis diuisio est in substantiam, & accidens : in vniuersale, & particulare : in potentiam, & actum : in vnum, & multa : in simplex, & compositum : in causam, & causarum : *Serm. 3. Hexaem.*

635. Omnis potentia actiua in creatura coniuncta est passiua, & ambæ fundantur super diuersa principia : *Serm. 3. Hexaem.*

636. Metaphysica est de numeris, & proportionibus, nempe vel circa numeros simpliciter, sic & Arithmetica : vel circa numeros sonoros, sic est Musica, vel circa proportiones dimensiuas generaliter, sic est Geometria : vel circa visiuas, sic est Prospectiua : vel secundum quantitatem continuam, & discretam, sic est Astrologia : istaque est bipartita, quia vel est de corporibus per motum, sic est Astronomia, vel secundum influentias, sic est Astrologia : *Serm. 4. Hexaem.*

637. Ars est habitus cum recta ratione factius : *Serm. 5. Hexaem.*

638. Quanto agens plus inuenit in passio de sua similitudine, plus etiam agit, sic sol in aqua, & in auro : *Serm. 1. de pluribus Martyribus.*

639. Omnis virtus, quæ in suum susceptibile efficaciter agit, excludit ab eo suum contrarium : *Serm. 1. de pluribus Martyribus.*

640. Quod nobilior est materię præparatio, ed nobilior forma inducitur : *Serm. 1. de pluribus Martyribus. Vide num. 462.*

641. Omne Contrarium ad præsentiam sui contrarij concitatur, & fortius operatur, sic aqua superfusa calce statim inardescit : sed ex superfuso oleo non frænescit, quia oleum igni contrarium non est : sic aqua calida in frigido loco fusa citius coagularur, quàm frigida, quia ad præsentiam caloris frigus fortius agit : *Serm. 3. de pluribus Martyribus.*

642. Omne, quod mouetur, à contrario in contrarium mouetur, hinc quod mouetur à sursum, necessarid mouetur deorsum, & è contra : & ob id arbor non multum ascendere poterit, si radices in terra profunda non fixerit : sic & aqua ascendens, &c. *Serm. 2. de uno Confessore.*

643. Contraria Contrariis curantur, & expelluntur : *Serm. 2. de uno Confess. summum ius, summa iniuria : lib. 4. distinct. 46. art. 2. quest. 1. ad vltim.* Id verum est, quia iustitia ascenditur per accessum ad medietatem, & per elongationem ab extremis.

644. Si optimum in vno genere est melius optimo in alio genere, & hoc simpliciter illo melius : *lib. 4. dist. 20. part. 1. artic. 1. quest. 2. in corp.* Id intelligendum est secundum proportionem, nempe comparando non minimum generis Superioris cum optimo alterius, sed optimum cum optimo, & minimum cum minimo : Sic ait Sanctus Bonauentura, quod maxima pœna animarum purgatorij est maior quacunque maxima huius vitæ : non verd minima pœna purgatorij est maior maxima huius vitæ : quod tamen non verificatur de pœna Inferni in ordine ad pœnam mortalis vitæ, quia non currunt eadem circumstantiæ, & proportio eadem inter pœnam purgatorij, & inferni, vt fusè *ibidem* probat Sanctus Doctor, à quibus dignatur nos Dominus noster Iesus Christus sua piissima misericordia liberare, & perducere ad sui fruitionem per infinita sæculorum sæcula. Amen.

INDEX GENERALIS  
RERVM, ET VERBORVM,  
QVÆ IN HAC TERTIA PARTE  
Cursus Philosophici continentur.

## A



**Abstractio** quid sit.

Abstractio quotuplex. [n.](#)  
ibid. p. ibid.

Abstractio realis admittit distinctionem formalem, [n.736.&](#) seq. [p.171.](#) & seq.

Abstractio rationis admittit distinctionem virtuales. n. ibid. p. ibid.

### Accidents.

**Accidens quale possit transire de sub-  
iecto in subiectum.** [n.16](#), p.15.

Accidentia alia sunt ab eodem subiecto, in quo sunt, alia trahunt originem ab alio principio. **II. 16. & 19. p. 15. & 18.**

Accidentium corruptio quot modis  
potest fieri. n. 15. p. 14.

Accidentia quædam remaneant in corruptione. n. 17. & seq. p. 16.

Accidentia plura numero an possint  
simul esse. n.69. & 71. p. 33. & seq.

Accidens quomodo intendatur. n. 35  
& 37. p. 28. & seq.

**Accidentia non possunt nutrire. num.**  
315. p. 277.

Accidentia alia habent idem pro sub-  
iecto, alia habent aliud pro subie-  
cto, aliud pro causa. n. 365. p. 315.

Accidentium species coadiuvant cognitionem substantiæ, & quomodo n. 546. & seq. p. 433. & seq.

*Adio, Aggre.*

Actio reflexiva quid sit, [n.28. p.77.](#)

Actio alia immanens, alia transiens.  
D. 554. P. 439

Actio item alia est secundum rem, alia  
secundum modum tantum: prima  
est productiva, secunda est opera-  
tiva. n. ibid. p. ibid.

Immanens est duplex. n.166. p.156

Agens necessarium, & liberum quomodo differant. n. 586. p. 461

Agens omne in agendo agit sphericè  
per medium. n. 376. p. 455

Agens semper est præstantius patiente. n.97. & 105. p.76. & 82

Agens aliud vniuocum, aliud æqui-  
uocum. n.93.p.73

Agens non potest agere in omnino  
simile. n. 94. & seq. p. 74

O o o o ; Agents

## Index generalis

- Agens semper intendit imprimere suam similitudinem in passum. n. 80.  
 p. 61  
 Actio, & Reactio datur. n. 153. p. 127  
*Vide Reactio.*  
*Aër.*  
 Aër quomodo aliter numeratur. n. 12.  
 p. 23  
 Aëris plures regiones numerantur. n. ibid. p. ibid.  
*Aëstivatio.*  
 Aëstivatio. *Vide Aëstivatio.* *Vide Aëstivatio.*  
*Alimentum.*  
 Alimentum, & medicamentum differt. n. 308. p. 272  
*Alteratio.*  
 Alteratio quid. n. 50. & 52. p. 40. & 44  
 Alteratio quotuplex sit. n. ibid. p. ibid.  
 Alteratio qualiter differat à generatione. n. 51. p. 44  
 Alteratio qualem connexionem habeat cum generatione. n. 54. p. 44  
 Ipsum successio, & continuïtas explicatur. n. 55. p. 45  
 Intensio, & extensio eiusdem. n. 56. & 57. p. 46  
 Ipsum indivisibilia continuantia, & terminantia. n. 58. & seq. & 63. & 74. p. 47. & 49. & 57  
 Alteratio distinguitur ab intensione, & remissione. n. 74. p. 57  
 Alteratio propriè non est substantia. n. 88. p. 69  
 • Nec ad quantitatem, nec ad alia prædicamenta. n. 89. p. 70  
 Alteratio fit in quatuor speciebus qualitatibus. n. 90. p. ibid.  
 Alterationis terminus quinquam. n. 91. p. 71  
*Ambulatio.*  
 Ambulatio varia hominum, eiusque Physiognomia expeditur. n. 717. p. 561.  
*Anemia.*  
 Anemia unde oritur. n. 496. & 500.  
 p. 404. & 405  
*Analogia.*  
 Analogia quotuplex. n. 734. p. 570  
 Analogia proportionis, & attributionis quænam. n. ibid. p. ibid.  
 Analogia quænam admittat univocationem. n. ibid. & 743. & seq. p. ibid. & 576  
*Angelus.*  
 Angelus an habet vocem propriè sumptam. n. 421. p. 356  
 Angeli compositio ex materia, & forma. n. 217. & seq. p. 279  
*Vide Anima compositio.*  
 Angeli omnes sunt unius speciei. n. 494. p. 402  
 Angelus qualiter differat ab anima, eiusque rationalitate. n. 480. p. 395  
 Angelorum vita qualiter à Dei vita differat. n. 166. p. 156  
 Angelus dicitur vivens, in quo sensu. n. 160. p. 145  
 Angelus, & homo comparantur inter se in nobilitate. n. 657. p. 510  
 Angelus, quare non dicatur in Sacra Scriptura creatus ad imaginem Dei. n. ibid. p. ibid.  
*Anhelitus.*  
 Anhelitus quid sit. n. 718. p. 550  
 Eius physiognomia expeditur. n. ibid. p. ibid.  
*Anima.*  
 Animæ nomen est potius officij, quàm naturæ. n. 166. p. 156  
 Eius Ethimologia multipliciter explicatur. n. 164. p. 154  
 De anima datur scientia. n. 161. p. 146  
 Animam dari evidens est. n. 162. p. 147  
 Anima multipliciter definitur, & quomodo. n. 163. & seq. p. 153  
 Exigit corpus heterogeneum. n. 197. p. 181  
 Est totum homogeneous. n. ibid. p. ibid.  
 Anima est finis omnium creaturarum. n. 160. p. 145  
 Animarum diversitas unde desumatur. n. 173.

## Rerum, & Verborum.

173. & 191. & seq. p. 161. & 175.  
& seq.

Animarum tres species assignantur.

n. 174. p. 162

Vegetatiua, Sensitiua, & Rationalis.

n. ibid. p. ibid

Circa animarum pluralitatem varij  
errores recensentur. n. 177. p. 164

Anima est vira, & perfectio corporis.  
n. 180. & 181. p. 167. & seq.

Anima non est formaliter corporea.  
n. 184. & 232. p. 169. & 212

Nec virtualiter. n. ibid. p. ibid.

Eius proportio ad corpus explicatur.  
n. 180. p. 167

Exigit illud heterogeneum. n. 220.  
p. 181

Respicit primò torum, & secundariò  
partes. n. 190. 194. 198. & 200.  
p. 174. & 177. & 181. & 184

Vna numero in quolibet corpore, &  
viuente. n. 181. p. 167

Eius vbicatio in corpore qualis. n.  
202. p. 185

Anima quolibet est indiuisibilis, fusè  
probat. n. 193. & seq. p. 176

Anima diuiditur in vegetariuam, &  
sensitiuam, & rationalem. n. 173.  
p. 161

Animæ, & corporis humani propor-  
tio. n. 660. p. 512

### *Anima Vegetatiua.*

Anima vegetatiua quid sit. n. 224. &  
227. p. 206. & 208

Qualiter differat à cæteris. n. ibid. p.  
ibid.

Quenam non componuntur ex mate-  
ria. n. 224. & 227. p. 206. & 208

Ipsius potentia. n. 191. & seq. & 272.  
& seq. p. 175. & 245

Anima vegetatiua est indiuisibilis. n.  
196. & seq. p. 179

Est spiritalis. n. 207. p. 191

Animæ vegetantis potentia nutritiua,  
& generatiua differunt. n. 276. p. 247

Non verò nutritiua, & augmentatiua.  
n. ibid. p. ibid.

Animæ vegetantis potentiarum subie-  
ctum quoddam. n. 279. p. 249

*Vide Nutritio. Vide Augmentatio. Vide*  
*Generatio.*

### *Anima Sensitiua.*

Anima sensitiua quid sit. n. 191. &  
seq. & 342. p. 175. & 298

Licet non componatur ex materia, &  
forma, quomodo dicitur materialis.  
n. 207. p. 121

Non componitur ex materia. n. 224.  
& 227. p. 206. & 208

Est indiuisibilis. n. 196. & seq. p. 179

Est spiritalis. n. 207. p. 191

Animæ sensitiuæ potentia sunt tan-  
tùm duæ. n. 443. & seq. p. 373

Subdiuiduntur per varia officia. n.  
ibid. p. ibid.

Anima sensitiua indiget corpore in  
suis actibus. n. 343. p. 299.

Animæ potentia sunt actiua, & passi-  
ua. n. 346. p. 300

Animæ insectorum non possunt diui-  
di. n. 204. p. 188

Animæ perfectorum, & imperfecto-  
rum animalium quoad organiza-  
tionem differant. n. 191. p. 175

Quomodo possit informare materiam,  
ex qua non fuit educata. n. 198. &  
201. p. 181. & 184

### *Vide Sensus.*

### *Anima rationalis.*

Anima rationalis quid sit. n. 476. p. 392

Est forma corporis, & est de fide. n.  
473. p. 390

Differ essentialiter ab aliis animabus.  
n. ibid. p. ibid.

Creatur in eodem instanti, ac infundi-  
tur in corpore. n. 474. p. 391

Est seipsa, vt est rationalis forma cor-  
poris, & principium suarum ope-  
rationum. n. 475. & 479. p. 392.  
394

Quomodo

## *Index generalis*

- Quomoddò vnibilitas ad corpus sit ipsius differentia. num. [477.](#) & seq. p. [193](#)
- Animæ rationalitas quomoddò differat à rationalitate Angeli. num. [480.](#) p. [195](#)
- Ab anima *sensitiua*, & *vegetatiua*. n. [191](#) & seq. p. [175.](#) & seq.
- Animæ rationalis immortalitas qualis. [n.190.](#) & seq. p. [174.](#) & seq.
- Animæ rationalis immortalitas an possit cognosci naturaliter. num. *ibid.* p. *ibid.*
- Animæ rationales multiplicantur ad multiplicationem indiuiduorum. [n. 480.](#) p. [399](#)
- An dependant à corpore. num. [388.](#) p. [331](#)
- Quomoddò dependant, [n. ibid. p. ibid.](#)
- Animæ rationales sunt inæquales in perfectione. [n. 491.](#) & seq. p. [400](#)
- Anima Christi fuit cæteris perfectior. [n. ibid.](#) p. *ibid.*
- Anima rationalis est composita ex materia, & forma; non verò cæteræ animæ. [n. 210.](#) & seq. p. [194.](#) & seq.
- In anima rationali quotuplex compositio. [n. 209.](#) p. [193](#)
- Animæ rationalis indiuisibilitas fusè explicatur. [n. 193.](#) & seq. p. [176](#)
- Eius materia est eiusdem rationis cum materia sublunari. [n. 223.](#) p. [206](#)
- Eius compositio facit ad maiorem nobilitatem. [n. 227.](#) & [234.](#) p. [208.](#) & [214](#)
- Animæ rationalis materia est separabilis à forma per potentiam Dei, & tamen dicitur incorruptibilis. [n. 212.](#) p. [195](#)
- Animæ forma disponit ipsam ad vltiorem materiam actuandam. [n. 214.](#) & seq. p. [197](#)
- Animæ forma sariat appetitum materialis. [n. 212.](#) p. [195](#)
- In animæ materia qualis priuatio formatum. [n. 230.](#) p. [211](#)
- Anima rationalis secundum idem non agit, & patitur, sed ratione formæ, & materiæ. [n. 467.](#) p. [449](#)
- Anima rationalis cognoscit substantiam conceptu, & specie propria. [n. 542.](#) & seq. p. [431](#)
- Anima rationalis in corpore quomoddò dependeat in operari à corpore. [n. 545.](#) & seq. p. [433](#)
- Anima violenter separatur à corpore. [n. 637.](#) & seq. p. [499.](#) & seq.
- Post separationem non est in statu violento. num. [637.](#) & seq. p. [499.](#) & seq.
- Anima separata habet inclinationem ad corpus, nec recipit nouum modum essendi. [n. 638.](#) & seq. p. [500.](#) & seq.
- Anima separata habet omnes potentias, quas in corpore habebat. [n. 640.](#) p. [501](#)
- Non tamen operatur per organicas. [n. 641.](#) p. [501](#)
- Anima rationalis non est formaliter corporea, nec virtualiter. [n. 185.](#) & [232.](#) p. [169.](#) & [212.](#)
- Est tamen formaliter virtualiter vegetatiua, & sensitiua. [n. ibid. p. ibid.](#)
- Anima rationalis in quo conuenit, & disconuenit cum forma corporea. [n. 198.](#) p. [181.](#)
- Anima an intelligat in pede. [n. 195.](#) & [205.](#) p. [178.](#) & [185.](#)
- Anima secundum se totam informat corpus, quod dicitur de omni anima. [n. 231.](#) & seq. p. [211](#)
- Anima non est immediatè, sed mediantibus potentiis operatiua. [n. 264.](#) p. [239.](#)
- Animæ sunt inæquales in perfectione indiuisibili. [n. 262.](#) & seq. p. [238.](#) & seq.
- Animæ actus in quo subiecto recipiuntur. [n. 265.](#) p. [240](#)
- Anima

## Rerum, & Verborum.

Anima pro statu isto quomodo cognoscit seipsam, & suos actus. n. 550. & seq. p. 436

Quomodo entia spiritalia. 451. p. 378  
*Anima rationalis potentia.*

Anima non est immediate operativa, sed indiget potentiis. n. 264. p. 239  
Animæ rationalis potentia sunt intellectus, & voluntas. *Vide Intellectus, Vide Voluntas.*

Animæ potentia distinguuntur formaliter ex natura rei ab anima. n. 259. & seq. p. 234.

Animæ potentia alia sunt organica, alia inorganica. n. 257. p. 234

Quomodo egrediuntur, & emanant ab anima. n. 258. p. 234

Quomodo sunt actus corporis organici. n. 262. p. 238

Non sunt proprie passionibus animæ. n. 263. p. 238

Vnde specificantur. n. 266. & seq. p. 242

Sunt quid absolutum. n. 270. p. 243

Ad unitatem potentiarum quid exigatur. n. 429. p. 362

Potentia Superior plura cognoscit, quam Inferior. n. ibid. p. ibid.

### *Anima separata.*

Anima separata quam cognoscat. n. 451. p. 378

Non est in statu violento. n. 639. p. 500

Non exigit novum modum essendi. n. 638. p. 500

Quid post separationem à corpore in ipsa remaneat. n. 640. & seq. p. 501

### *Animal.*

Animal an possit vivere sine cibo. n. 326. p. 284

Animalia irrationalia habent aliquale iudicium. n. 442. & seq. p. 372

Animalia irrationalia habent species innatas rerum insensibilium. n. ibid. & 337. & seq. p. ibid. & 293

Animalium irrationalium sensus, & *R. P. Barr. de Castrov. Phil. P. III.*

potentia. *Vide Anima sensitiva. Vide Potentia. Vide Sensus, & n. 442. & seq. p. 372*

In animalibus materia nutritionis quænam. n. 314. p. 276

### *Appendix.*

Appendix ad tradita in hoc cursu philosophico. p. 604.

### *Appetitus.*

Appetitus triplex naturalis, animalis & rationalis. n. 432. & 467. & 472. p. 364. & 386. & 388

Appetitus sensitivus quid sit. n. 468. p. 387

Quotuplex sit. n. 469. p. 387

Eius obiectum quodnam. n. 468. p. 387

Eius organum quodnam. n. 470. p. 388

Non differt à vi motiva. num. 472. p. 388

Appetitus concupiscibilis, & irascibilis quid. n. 471. p. 388

Appetitus sensitivi actus quinam. n. 472. p. 388

### *Antiperistasis.*

Antiperistasis quid. n. 98. & seq. p. 77

Antiperistasis quomodo fiat. n. ibid. p. ibid.

### *Apprehensio.*

Apprehensio simplex est actus primus intellectus. n. 565. & seq. p. 448

Quomodo differat à iudicio, & à discursu. n. ibid. & seq. & 569. p. ibid. & 450

An in simplici apprehensione sit veritas. n. 566. p. 448

### *Aqua.*

Aqua est elementum, apud Nos tamen non est purum. n. 111. p. 92

Aqua aliis nominibus appellatur. n. 112. p. 93

### *Arbitrium.*

Arbitrium liberum quid sit. n. 606. & seq. p. 478

Importat actum intellectus, & voluntatis. P p p p

## Index generalis

ratis. *n. ibid.* & [610.](#) & seq. *p. ibid.*  
& 480

An sit totum potestativum, an integrale. *n. ibid. p. ibid.*

Ad eius vsum requiritur cognitio vel simplex, vel iudicium. *n. 612. p. 481*

An ad ipsum sufficiat cognitio sensitiva. *n. ibid. p. ibid. Vide Libertas. Vide Voluntas. Vide Liberum arbitrium.*

### Auditus.

Auditus qualis sensus, eius prerogativae, & qualitates. *n. 410.* & seq. *p. 351.* & seq.

Auditus sensus habet plures partes, quae explicantur. *n. 410.* & seq. *p. ibid.*

Eius obiectum est sonus. *n. 411.* & seq. *p. 351.* & seq.

Quor corpora exigit, ut sit sonus. *n. ibid. p. ibid.*

Auditus medium, & subiectum quodnam. *n. 413.* & seq. *p. 353*

Auditus fit per receptionem specierum soni. *n. 415. p. 353*

An fiat in instanti. *n. ibid. p. ibid.*

### Augmentum.

Augmentum quot modis potest fieri. *n. 60. p. 48*

Augmentatio quoduplex. *num. 432. p. 364*

Augmentatio vitalis fit virtute animae vegetativae, & potentiae nutritivae. *n. 242. 272. 332. & 334.* & seq. *p. 224. 246 & 289.* & seq.

Quomodo differat augmentum viventium à non viventibus. *n. 175. 242. & 272. & 333. & 336. p. 162. & 224. & 246. & 290.* & seq.

Augmentationis terminus quis. *n. 334.* & seq. *p. 290*

Augmentatio in viventibus quomodo fiat. *num. 272. 336. & 338. p. 246 291. & 294.*

Habet triplicem statum. *n. 338. p. 294*

### Aures.

Aures quid sint in homine. *n. 705.* & seq. *p. seq. 339*

Earum varietas, & Physiognomia expeditur. *n. ibid. p. ibid.*

### Aurum.

Aurum an nutriat. *n. 314. p. 276*

### Axioma.

Axioma ubi vnum propter aliud, ubi vnum tantum, quomodo intelligatur. *n. 9. p. 11*

### B

#### Baptismus.

**B**APTISMVS quando conferendus facti emissio. *n. 301. p. 267.*

### Barba.

Barba quid sit. *n. 687. p. 528*

Quomodo generatur. *n. ibid. p. ibid.*

Quare in foeminis barba non nascatur. *n. ibid. p. ibid.*

Barba in foeminis pessimum signum. *n. 687. & 712. p. 528. & 544.*

Varietas barbæ in homine expenditur. *n. 712. p. 544*

### Beati.

Beatorum libertas qualis. *n. 587. & 592. p. 64*

Beati sunt liveriores Viatoribus, licet non possint velle malum. *n. 592. & 602. p. 466. & 475.*

### Bilis.

Bilis quoduplex. *n. 244. & 311. p. 225 & 274*

Bilis quid sit. *n. ibid. p. ibid.*

Eius sedes, *n. ibid. p. ibid.*

Bilis quoduplex in homine. *n. 670. & seq. p. 518. & seq.*

Quid indicat. *n. ibid. & 715. p. ibid. & 547.*

### Bonitas.

Bonitas, seu ens vtr bonum est obiectum formale voluntatis. *n. 619. & seq. p. 487. & seq.*

Bonum, & ens quomodo conuertantur.



# Rerum, & Verborum.

tur. n.618.& seq. p.486.& seq.  
Bonitas obiectiua voluntatis in quonam consistat. n.617.p.485  
Bonum aliud est per essentiam, aliud per participationem. n.618.p.486  
Bonum quomoddò ab ente distinguitur. nu.581.& 618.& seq.& 762.  
p.458.& 486.& seq.& 590  
Bonum vt proprietates entis quid sit. n.766.& seq. p.593.& seq.

## Brachia.

Brachia quid sint. n.722.p.556  
Eorum physiognomia. n. ibid. p. ibid.

## Bruta.

Bruta rariùs decipiuntur in cognitione sensitua ipso homine. n.448.p.376  
Bruta differunt ab homine per carentiam rationis. n. 577. p.457

## Burdo.

Burdo, & Mulus quomoddò differant. n.297. p.265.

## C

## Calor.

**C**Alor quid sit. n. 112. & 116. p. 93. & 97  
Calor consummens, & conseruans quid sit. n.155.p.128  
Calor in viuente alius est elementaris, alius consummens. n. 251. & 287. 309. p. 228. & 257. & 273  
Calor vitalis in quo sensu dicitur esse naturæ Cœlestis. n.309.p.273  
Calor naturalis quomoddò consummat in viuente partes substantiales. n. 329. & 331. p.287. & seq.

## Capillus.

Capilli an sint animati. n.245. & 249. p. 225. & 227  
Capilli quomoddò in homine generantur. n.682. p.526  
Eorum colores, & varix qualitates expendantur. n.683. & seq. p.526. & seq.

## Caput.

Caput est præcipua pars corporis. n.

236. p.220

Caput habet plures partes, quæ explicantur. n.237.p.221  
Caput hominis quid sit. n.679.p.523  
Eius nobilitas, & proprietates traduntur. n. ibid. p. ibid.  
Capitis varia physiognomia expenditur. n. ibid. & seq. p. ibid. & seq.

## Caro.

Caro secundum materiam, & secundum formam quomoddò differant. n. 284. & 318. & 330. p. 254. & 279. & 287

## Castrati.

Castrati, & pueri habent veram potentiam generatiuam. n.287.p.257

## Causa.

Causæ agentis quatuor conditiones enumerantur. n.93.p.73  
Causa vitæ quænam. n.170.p.159  
Causa alia agens per modum naturæ, alia per modum artis. n.375. p.323  
Alia libera, alia necessaria. n.598.p.471  
In medio agit sphericè. n.376. p.324

## Centrum

Centrum vniuersi, & elementorum quomoddò differant. n.118. p.100

## Cerebrum.

Cerebri cellulæ ad quid inserviant. n. 433. p. 365

## Cervix.

Cervix quid sit. n.719.p.552  
Eius physiognomia expenditur. num. ibid. p. ibid.

## Chiromantia.

Chiromantia quàm vana. n.723.p.559

## Chilus.

Chilus quid sit. n.244.p.225

## Christus.

Christus dicitur formatus ex semine, ex sanguine, & carne. n.301.p.167  
Quomoddò hoc sit. n. ibid. p. ibid.  
Christus quomoddò dicitur processisse sine semine. n.296.p.264

Christus quoad modum existendi in

P p p p 2

Euchari

# Index generalis

Eucharistia an possit videri. n. 372. & seq. p. 320. & seq.  
An per speciem propriam possit videri. n. ibid. p. ibid.

## Cibus.

Cibi partitio in stomacho quomodo fiat. n. 244. p. 225  
An sine cibo, & potu possit quis diu vivere. n. 316. & 320. p. 277. & 281

## Caelum.

Caelum habet passivitatē. n. 220. p. 203

## Cognitio.

Cognitio alia intuitiva, alia abstractiva. n. 389. & 570. p. 133. & 451

Non differunt specificē n. ibid. p. ibid.

Cognitio sensuum. *Vide Sensus.*

Cognitio alia confusa, alia distincta, alia directa, alia reflexa. n. 523. & 528. p. 420. & 423

Confusa præcedit distinctam. n. 536. p. 429

Cognitio comprehensiva quid sit. n. 571. p. 452

Quotuplex. n. ibid. p. ibid.

Primum cognitum quodnam. n. 537. & seq. p. 429. & seq.

*Vide Intellectus. Vide Sensus.*

## Collum.

Collum quid sit. n. 719. p. 552

Eius physiognomia. n. ibid. p. ibid.

## Color.

Coloris natura explicatur n. 403. p. 346

Distinguitur à luce. n. ibid. p. ibid.

Est obiectum visus simul cum luce. n. 398. & seq. p. 342. & seq.

Colores varij. *Vide Facies. Capillum. Vide Capilli. Oculorum. Vide Oculum.*

## Communis.

Communis sensus quid. n. 422. & 444. & seq. p. 364. & 374. Vide sensus Communis.

## Compositio.

Compositio ex genere, & differentia est realis. n. 218. p. 200

Compositio ex materia, & forma qualiter fiat. n. ibid. & seq. p. ibid. & seq.

## Conceptus.

Conceptus formalis, & obiectivus quidnam. n. 733. p. 569

Quomodo differant. n. ibid. p. ibid.

Uterque est vel adæquatus, vel inadæquatus. n. ibid. p. ibid.

Conceptus entis quis. n. 737. p. 572

*Vide Ens.*

## Contrarietas.

Contrarietas, & repugnancia quid sint. n. 122. & seq. p. 104.

Quotuplex in qualitatibus. n. ibid. p. ibid.

## Contradictio.

Contradictio quotuplex. n. 135. p. 117

## Condensatio.

Condensatio, & rarefactio quid. nu. 142. p. 125.

Quotuplex. n. ibid. & 146. p. ibid. & 128.

In condensatione fit penetratio partium. n. 147. & seq. p. 130

In condensatione non fit deperditio quantitatis, vel substantiæ, vel corpusculorum, sed fit maior restrictio. n. 145. & seq. & 151. p. 127. & 136.

## Cor.

Cor est principium vitæ. n. 170. p. 159

Est & eius motus, & sensus. n. 287. p. 257.

## Corium.

Cornea an sint animata. n. 246. & seq. p. 225.

## Corruptio.

Corruptio quid sit. n. 10. p. 12

An sit naturalis, an violenta. n. 11. p. 12

Differit à generatione. n. 12. p. 13

Item differit ab aliis mutationibus. n. 10 p. 12

In

## Verborum, & Rerum.

In corruptione quænam accidentia remaneant. n.17. & seq. p.16

Corruptio, & generatio sunt vna actio, non verò vnus motus. n.20. 22. & 27. p.19. & seq.

An corruptio vnus sit generatio alterius: & è contra. n.20. p.19

Corruptio formæ an sit prior generatione alterius. n.23. & 25. & seq. p.20. & 22.

Corruptio naturalis, & violenta quænam. n.154. p.128.

Vnde oriatur in mixto. n.155. p.128

Idera corruptum an possit reproduci. n.44. & 47. & seq. p.34. & 36.

*Corporeitas, Corpus.*

Corporeitatis forma datur. n.18. p.16

Quænam sit. n. ibid. p. ibid.

Corporum penetratio naturalis datur.

*Vide Penetratio.*

Corpus Physicum ex materia, & forma, corporeitatis differente ab aliis formis, & Physica. num. 179. 252. & sequent. p. 166. & 228. & seq.

Corpus organicum quodnam sit. n. 165. p. 154

Corporis organici partes aliæ homogeneæ, aliæ heterogeneæ. n. 251. & seq. p. 228.

In corpore organico tot formæ partiales, quot partes. n. 252. p. 228

Corporis humani partes fusè explicantur. n. 236. & seq. p. 220. & seq.

Ex corpore tantum organico potest educi forma sensitiua. n. 320. p. 281

Corporeitatis forma multiplex. n. 252. p. 228

Corpus humanum repræsentat totum mundum. n. 236. p. 220

Corporis humani partes præcipuæ sunt caput, thorax, & venter. n. ibid. p. ibid.

Corporis humani de prima, & de secunda constitutione quænam. num.

240. p. 223

Corpus, & anima quomodo proportionantur. n. 241. & 287. p. 225. 257

Corporis partes quænam sint animata. 246. & seq. p. 225. & seq.

Corpus humanum specie differt à quocunque alio corpore organico. n. 647. p. 504

*Cossendrix.*

Cossendrices quid sint. n. 725. p. 559

Eorum Physiognomia expenditur. n. ibid. p. ibid.

*Costa.*

Costæ expenduntur. n. 720. p. 553

*Coxa.*

Coxæ quid sint. n. 725. p. 559

Earum physiognomia traditur. n. ibid. p. ibid.

*Creatio.*

Creatio quomodo differt à generatione. n. 56. p. 9

*Corruptibile.*

Corruptibile, & incorruptibile quomodo differunt genere. num. 184. p. 169

*D.*

*Definitio.*

**D**efinitio per additamentum quænam. n. 165. p. 154

Est accidentium. n. ibid. p. ibid.

*Dæmon.*

Dæmon non potest generare. n. 297 p. 265

Quare hoc non possit. n. ibid. p. ibid.

*Democritus.*

Democritus semper ridebat. n. 718. p. 550

Quare. n. ibid. p. ibid.

*Dens.*

Dentes quid sint. n. 711. p. 543

An sint animati. n. 246. p. 225

Eorum physiognomia varia. n. 711. p. 543

*Digitus.*

Digitorum manus physiognomia expenditur. Pppp 3

# Index generalis

penditur. n.714. & seq. p.558. & seq.

*Densitas.*

Densitas est qualitas. n.96. p.75.

Densum, & rarum quotuplex. n.96.

& 146. p.75. 128

*Vide Rarefactio. Vide Condensatio.*

*Determinatio.*

Determinatio Beatorum ad amorem

non lædit libertatem essentialem.

n.592. 599. & seq. p.466. 477. &

seq.

Determinatio antecedens an lædat li-

bertatem. num. 598. 601. p.471.

474

*Deus.*

Dei vita qualiter differat à vita creatu-

rarum. n.166. 168. p.156. & seq.

Deus licet sit infinitus, potest tamen à

nobis cognosci finito modo. n.521.

& seq. p.419

Dei cognitio quotuplex. n.548. & seq.

p.434. & seq.

Quomodo potest à nobis haberi. n.

ibid. p.ibid.

Deus operatur necessariò, & tamen est

liber. num. 592. & seq. & 601. p.

466. & seq. & 471.

Deus non potest cogere nostram vo-

luntatem. n.602. p.475

Deus, & creatura quomodo se habeant

ad ens. n.608. & seq. p.479

*Dicere, & Distio.*

Dicere, & Distio est actus exprimens

conceptum, & producens Verbum.

n.555. & seq. & 561. & seq. p.440.

& seq. & 444. & seq.

*Dispositio.*

Dispositiones præcedunt formam. n.

38. & seq. p.30

*Differentia.*

Differentiæ à nobis vt plurimum co-

gnoscuntur à posteriori, & penes

operationes. n.173. 475. 477. & seq.

p.161. & 390. 392. & seq.

*Discursus.*

Discursus quid sit. n.563. & seq. &

569. p.446. & seq. & 450

Quomodo differat à cæteris actibus

intellectus. n. ibid. p. ibid.

Discursus est ratio distinguens homi-

nem ab Angelo. n.480. p.395

*Distinctio.*

Distinctio potentiarum ab anima est

formalis ex natura rei. num. 259. &

seq. p.234. & seq.

*Diuinatio.*

Diuinatio in somnis quid sit. n.466.

p.386

*Diuisio.*

Diuisio multiplex. n.186. p.171

Diuisibilitas materiæ, & formæ in

anima non tollit eius incorruptibi-

litem. n.193. p.176

*Dorsum.*

Dorsum quid. n.720. p.553

Eius physiognomia expenditur. num.

ibid. p. ibid.

*Durities.*

Durities est proprietas corporum, sed

adaptatur etiam cæteris rebus. n.99.

p.78

Durities quomodo coincidit cum re-

sistentia. n. ibid. p. ibid.

**E**

*Echo.*

**E** Cho natura explicatur. num.422.

p.357

*Ecclesia.*

Ecclesia quare in ieiunio non prohi-

bet vinum, licet nutriat. num. 315.

p.277

*Estasis.*

Estasis intellectus an dependeat à

phantasia. n.502. p.406.

Estasis, & somnium qualiter differant.

n. ibid. p. ibid.

*Edulio.*

## Rerum, & Verborum.

### *Eductio.*

Eductio formarum est actio differens ab vnione, & constitutione compositi. n.9.p.11

### *Elementum.*

Elementum quid sit. n.110.p.91

Quot modis sumatur. n. ibid. p. ibid.

Elementum purum an possit nutrire viuens. n.314.p.276

Elementa non sunt prima corpora. n.110.p.91

Elementum est compositum substantiale. n. ibid. p. ibid.

Elementa sunt quatuor. n.111.p.92

Elementa quatuor in compositione corporis humani quid operantur. n.671.p.518

Elementa pura, & non pura, quænam. n.111.p.92

Ipforum ordo, situs, numerus, figura, magnitudo, vnitas specifica explicantur. n.112. vsq. ad 119. p.93. & seq.

Ipforum qualitates explicantur. num. ibid. p. ibid.

Elementa sunt causa materialis mixti. n.130.p.111

Elementa remanent formaliter in mixto. n.133. vsque ad 139. p.114. & seq.

Ipforum mixtio quomodo fiat. n.132.p. ibid.

Elementorum multiplex operatio in mixto. n.152.p.136

### *Emanatio.*

Emanatio Physica, & Metaphysica quomodo differant. n.258.p.234

### *Embryo.*

Embryo quomodo dicitur viuere prius vita plantæ. n.183. & 285. & seq. p.169. & 255

### *Ens.*

Ens mobile animatum subiectum scientiæ de anima. n.161.p.146

Ens vt sic est obiectum Metaphysicæ.

n.730.p.566

Ens aliud est substantium, aliud adiectiuum, primum nominale, secundum verbale dicitur. n.731.p.568

Aliud reale, aliud rationis, & quid. n.747.p.579

Entis ratio explicatur. n.731.p.568.

Entis diuisio prima est in ens actum, & potentia. n.732.p.568

Entis conceptus formalis, & obiectiui communitas qualis. n.737. & seq. p.572

Ens vt sic non est vniuocum reale, sed tantum analogice, & per rationem ad Deum, & creaturas. n.741. & seq. p.574

Ens non contrahitur ad inferiora per veras differentias. n.751.p.583

Entis principia incomplexa quænam. n.752.p.584

Quænam complexa. n. ibid. p. ibid.

Entium proprietates Diuino modo emanant ab ente, at cæteræ ab aliis naturis prædicamentalis. n.759.p.589

Ens habet veras proprietates distinctas formaliter alias complexas, alias incomplexas. n.620.760. & seq. p.487. & 589

Entis bonitas, & veritas, & vnitas quid. n. ibid. p. ibid.

Ens, & bonum, & verum quomodo dicuntur conuerti. n.519. & 618. p.417. & 486

Ens est primum cognitum vt verum. n.541.p.431

### *Essentia.*

Essentia quid præcisè importet. n.255.p.232

Essentia creata, cum non sit sua virtus, exigit potentiam distinctam. n. ibid. p. ibid.

Essentia in statu possibilitatis nullum esse actuale habet. n.770.p.597

Essentia, & existentia formaliter distinguuntur

## Index generalis.

stringuntur. n.772.p.597  
 Essentia nobis vt plurimum innotescunt à posteriori. n.475.p.392.  
*Vide Differentia.*

*Estimativa.*

Estimativa potentia quid sit. n.446.  
 p.376.

*Vide Potentia sensitiva.*

*Eunuchus.*

Eunuchi imberbes, & quare. n.687.  
 p.528

*Excellens.*

Excellens sensibile quomodo lædit sensum. n.393.p.336

*Existencia.*

Existencia quid sit. n.772. & seq. p.597

Existencia quibus rebus competat. n. ibid. p. ibid.

Existencia distinguitur ab essentia. n. ibid. p. ibid.

*Extensio.*

Extensio qualitarum quomodo fiat. n.56. p.46.

F

*Facies.*

**F**ACIES præcipua pars ad Physiognomiam. n.713. p.545

Facies quid sit. n. ibid. p. ibid.

Facies differt à vultu. n. ibid. p. ibid.

Facies varietas, & colores expenduntur. n. ibid. & seq. p. ibid. & seq.

*Febris.*

Febres variae vnde proveniant. n.672.  
 p.519.

*Fames.*

Fames, & sitis quid sint. n.316. p.277

Fames, & sitis quomodo causentur. n. ibid. p. ibid.

*Fletus.*

Fletus quid sit. n.472. p.383

*Fœmina.*

Fœmina concipit actuè ad generationem. *Vide Mater.*

Fœmina quare potius nascatur, quam Masculus.

*Vide Masculus.*

Fœmina habens barbam quid sit.

*Vide Barba.*

Forma.

Formam educi de potentia materiæ quid sit. n.187. p.172

Formam educi, & esse diuisibilem non sunt idem. n. ibid. p. ibid.

Forma, vt educatur de potentia materiæ, quas conditiones exigit. n. ibid. p. ibid.

Formæ corporeæ solum possunt educi. n. ibid. p. ibid

Formæeductio est actio diuersa ab viuione, & constitutione compositi. n.9. p.11.

Formæ nouæ inductio non est posterior in genere causæ materialis forma vetere, sed in quocunque genere est prior. n.23. 25. & 26. & seq. p.20. & 22. & seq.

Formæ duæ in eodem instanti non possunt esse simul, scilicet vetus, & noua. n.27. & seq. p.23.

Formæ plures substantiales possunt esse simul in eodem subiecto. n.133 p.112.

Formæ inductio exigit dispositiones antecedentes. n.33. p.27.

Forma substantialis suscipit magis, & minus, quæ tamen non est propriè intensio. n.34. & seq. & 76. & 88. p.27. 59. & 69.

Forma accidentalis suscipit intensiorem etiam post educationem. n.35. 37. 76. & 88. p.28. & seq. & 59. & 69.

Formæ substantialis generatio fit in instanti. n.35. & 37. p.28. & seq.

Accidentaliter verò fit successiuè. n. ibid. p. ibid.

Formarum generationis quadruplex causa explicatur. n.42. p.33.

Forma accidentaliter quomodo expellatur à subiecto. n.64. p.50

Formarum accidentalium contrarietas quænam

# Rerum, & Verborum.

- quænam. n.66. p.51.  
 Sunt simplices. n.70. p.55  
 Quomodo admittant compositionem. n. ibid. p. ibid.  
 Formæ duplex effectus formalis, alter est informatio, alter est expulsio alterius. n.126. p.107  
 Formæ elementares informant quælibet totum diuerso modo. n.138. p.121  
 Quid sit pars secundum formam, & secundum materiam. n.153. p.127  
 Formarum corporalium, & spirituum discrimen. n.189. & seq. p.174  
 Forma aliquando satiat appetitum materię. n.212. p.195  
 Forma hominis quid sit. num. 645. p.514. *Vide Anima.*  
 Forma animæ rationalis disponit animam ad posse informare vltiorem materiam secundam. n.214. & seq. p.197  
 Formæ non est forma, quomodo sit verum. n.232. p.212  
 Forma viuens informat corpus differenter à forma non viuentē. n.189. & seq. & 198. p.174. & seq. & 181  
 Forma prima, & secunda quænam. n.213. & seq. p.196. & seq.  
 Forma substantialis quodnam esse conferat. n.253. p.230  
 Est primum, à quo est omnis actualitas. n.210. p.194  
 Forma organizationis quænam. n.241. & 253. p.224. & 230.  
 Forma potest informare materiam, à qua non fuiteducta. n.322. p.282  
 Formæ perfectio, & essentia vltimum innouescit per operationes. n.173. & 475. & 477. & seq. p.161 & 392. & seq.  
 Formæ actus alius formalis, alius efficiens. n.167. p.157  
 Forma alia substantialis, alia accidentalis. n.188. p.173  
*R. P. Bart. de Castrov. Phil. P. III.*  
 Formæ dependentia à materia est ei quid consequens. n.192. p.175  
 Formæ duplex actus. n.167. p.157  
 Formæ substantiali quomodo competit extensio. n.188. p.173  
*Franciscus.*  
 Francisci I. & II. Ducis Mutinæ optima Physiognomia. num. 728. p.562  
*Frons.*  
 Frons quid sit. n.689. p.529  
 Eius varia Physiognomia expenditur. n. ibid. p. ibid.  
*Frigus.*  
 Frigus quid sit. n.112. & 116 p.93. & 97  
 G  
*Genæ.*  
 Genæ quid sint. n.713. p.545  
 Genarum physiognomia expenditur. n. ibid. p. ibid.  
*Generatio.*  
 Generatio quoruplex. n.2. p.7.  
 Generationem dari euidens est. n.3. p.8  
 Quid sit Generatio. num. 4. & 7. p.8. & 10  
 An essentialiter sit mutatio. n.5. & 6. p.9  
 Viuentium à non viuentibus differt. n.7. p.10  
 Generationis terminus quid. num. 8. p.11  
 Generatio, & Corruptio sunt vna actio, non verò vnus motus. n.20. 21. & 23. p.19. & seq.  
 Generatio vnus est corruptio alterius. n.20. p.19  
 Generatio quomodo est prior corruptione. n.23. & seq. p.20  
 Generatio formarum substantialium, & accidentalium differt. n.37. 41. p.29. & seq.  
*Vide Forma.*  
 Qqqq Gene

# Index generalis

Generationis formarum quatuor causas explicantur. n.42. p.33

Generatio differt à nutritione. n.233.

p.214

Sumitur multipliciter. n.280. p.250

Exigit utrumque parentem. n.299.

p.266

Generatiuæ potentia subiectum quodnam sit. n.280. p.250

Generatiua potentia quid sit. n. ibid. p. ibid.

Eius terminus formalis. n.273. p.246

Generatio in Diuinis, & in creatis quomoddò differant. n.280. p.250

Generatio est propriè viuentium sensibilibus. n. ibid. p. ibid.

Generatio filij plures transmutationes exigit. n.292. p.262.

Generatio viuentium duo principia exigit. n.299. p.266

Generatiuam virtutem habet omne viuens. n.298. p.266

Etiā Mulus, & Burdo. n.297. p.265

Generatio ex putri quomoddò fiat. n.280. & 300. & 306. p.250. & 267.

& 271

Generatio ex ouis quomoddò fiat. n.280. p.250

Gibbositas.

Gibbositas alia naturalis, alia accidentalis. n.720. p.553

Vnde proueniat, & quid significet. n. ibid. p. ibid.

Grads.

Grads in qualitatibus quid sit. n.120. p.102.

Grads qualitatibus in intensione sunt heterogenei, & subordinati. n.76.

& seq. & 82. p.59. & 64

Quomoddò fiat ipsorum expulsio. n.83. p.65

Gradualis latitudo extensiuæ, & intensiuæ. n.84. p.66

Vide Qualitas.

Gratia.

Gratia, & peccatum non possunt simul esse. n.27. p.33

Genu.

Genua quid indicent. n.725. p.559

Gula.

Gulæ physiognomia varia. n.719. p.552.

Gustus.

Gustus sensus, natura, organum, medium, & obiectum explicantur. n.423. & seq. p.358

H

Habitus.

Habitus quid sit. n.629. 633. p.493. 495

Quotuplex sit. n.630. p.494

Est cuiusunque potentia. n.633. p.395

Excepta vegetatiua. n.634. p.496

Quomoddò generatur. n. ibid. p. ibid.

Habitus concutrit effectiue cum potentia. n.64. & 636. & seq. p.50.

& 497

Heraclitus.

Heraclitus quare semper flebat. n.718. p.550

Hepar.

Hepar quid sit. n.292. p.262

Homo.

Homo dicitur ab humo arbor inuersa, & quare. n.662. p.513

Hominis proprietates in statu innocentia. n.658. p.511

Post peccatum bonæ, & malæ. n.664. p.514

Animal maximè varium super omnia animantia. n.665. p.515

Quare erecto corpore incedit. n.663. p.514

Humani corporis partes fusè considerantur. n.236. p.220

Hominis corpus repræsentat totum Mundum.



# Rerum, & Verborum.

Mundum. [n. ibid. p. ibid.](#)  
 Eius partes explicantur. [n. 236. & 241.](#)  
[p. 220. & 224.](#)  
 Quomodo efformantur. [n. 292. & 301.](#)  
[p. 266. & seq.](#)  
 Homo est microcosmus, idest parvus mundus. [n. 352. p. 304.](#)  
 In homine quomodo intrat totus mundus per portas sensuum. [n. ibid. p. ibid.](#)  
 Hominis ætates quot, & quænam sint. [n. 338. & seq. p. 294.](#)  
 Hominis operationes aliæ sunt dependentes à corpore, aliæ independentes. [n. 496. p. 404.](#)  
 In homine an intellectus dependeat à corpore. [n. ibid. p. ibid.](#)  
 In homine species representat obiectum, sicut in Angelo. [num. 532. p. 425.](#)  
 Hominis cognitio valdè utilis. [n. 644. p. 503.](#)

## Horror.

Horror qualis motus. [n. 472. p. 388.](#)

## Humor.

Humores an sint animati. [n. 246. & seq. p. 225.](#)  
 Humores plures in homine. [n. 672. & seq. p. 519. & seq.](#)  
 Eorum qualitates explicantur. [n. ibid. p. ibid.](#)

## Humerus.

Humeri quid in homine. [n. 720. p. 553.](#)  
 Eorum physiognomia. [n. ibid. p. ibid.](#)

## Humidum.

Humidum radicale, & nutrimentale quodnam. [n. 334. & seq. p. 290.](#)  
 Humidum quid sit. [n. 122. & 116. p. 23. & 97.](#)

## I

## Iecur.

**I**ECUR quid. [n. 236. & seq. & 311.](#)  
[p. 220. & seq. & 274.](#)

## Ieiunium.

Ieiunium quare non frangatur vini sumptione, licet nutriat. [n. 315. p. 277.](#)

## Imaginativa.

Imaginativæ potentia natura explicatur. [n. 445. p. 375.](#)

## Imberbes.

Imberbium inclinationes. *Vide Barba.*  
*Immortalitas.*

Immortalitas, & mortalitas quotuplex. [n. 462. p. 383.](#)

## Immutatio.

Immutatio alia naturalis, alia animalis, alia irrationalis. [n. 392. p. 336.](#)

## Immutabilitas.

Immutabilitatis necessitas. *Vide necessitas.*

## Include.

Includi in alio essentialiter quot modis. [n. 759. p. 589.](#)

## Incorruptibilitas.

Incorruptibilitas rei potest stare cum separabilitate partium ut in anima, & Angelo. [n. 211. & seq. p. 195.](#)

## Indeterminatio.

Indeterminatio intellectus differt ab indeterminatione voluntatis. [n. 590. p. 464.](#)

## Indivisibile.

Indivisibilia continuativa, & terminativa in intensione, & extensione quot. [n. 58. 59. 63. & 74. p. 47. & seq. & 57.](#)

## Innocentia.

Innocentiæ status expenditur. [n. 659. p. 512.](#)

Innocentiæ in statu quænam dependentia intellectus à sensibus. [n. 502. p. 406.](#)

## Insomnium.

Insomnium quid sit. [n. 465. p. 385.](#)

## Instinctus.

Instinctus naturalis brutorum quid sit. [n. 437. & 440. p. 368. & 370.](#)

Q q q q

Intelle

# Index generalis

- Intellectus, Intellectio, Intelligere.*  
Intellectus est potentia superaddita animæ quid. n.429.p.405  
Intellectus agens, & possibilis quid. n.503. & 507.p.407.& 410.  
An differunt. n. ibid. p. ibid.  
Intellectus speculatiuus, & practicus quid. n.504.p.408  
Intellectus portio superior, & inferior quid. n. ibid. p. ibid.  
Intellectus agentis munera. n.505. & seq. p.408. & seq.  
Item & patientis. num.509. & seq. & 518.p.411. & seq. & 423  
Intellectus agens depurat phantasmata. n.510. & 514.p.412. & 414  
Verè intelligit. n.512.p.413  
Intellectus agens, & possibilis integrant potentiam. n. ibid. p. ibid.  
Intellectus agens non potest producere species. n.514.p.414  
Intellectus dependentia à sensibus quænam. n.496. & 500. & 502. p. 404. 405. & 406  
Quænam in statu innocentia. n. ibid. p. ibid.  
Intellectus est tabula rasa, & in quo sensu. n.495. & seq. & 518. & 754 p.403. & 430. & 585.  
Ad intellectionem concurrunt plures actus. n.513.p.413  
Quænam necessaria. n.513.p.413  
Intellectio, & sensatio quomodo differant. n.513.p.413  
Intellectus quomodo moueatur à phantasmate. n.515. & seq. p.415  
Intellectus obiectum est ens vt verum. n.519. & seq. p.417  
Intellectus quot modis possit cognoscere obiecta. n.522.p.419  
Intelligibilitas an sit idem ac veritas rei. n.519. p.417  
Intellectio alia plena, alia semiplena. n.529.p.423  
Intellectus quomodo cognoscat sin-
- gulare. n.525. & seq. p.421  
Quomodo cognoscat & vniuersale. n.533. & seq. p.426  
An prius cognoscat vniuersale, an singulare. n.536. & seq. p.429  
Intellectus potest plura cognoscere simul. n.552.p.438  
Intellectio formaliter an sit actio, an passio, an verbū. n.557. & seq. p.441  
Intellectio potest à Deo infundi in intellectu. n.564. p.447  
Intellectus operationes enumerantur. n.565. & seq. p.448  
Intellectus reflexio, reduplicatio, attentio, præcisio, consilium, ratiocinatio, scientia, opinio quid. n.572. & seq. p.452  
Intellectus non læditur ab eccellente sensibili, sicut sensus, & quare. n.393.p.336  
Intellectus non est formaliter liber. n.589. & seq. p.463  
Intellectus indifferentia non est radix libertatis. n. ibid. p. ibid.  
Intellectus à Deo factus essentialiter liber differt specie à nostro. n.590 p.464  
Intellectiua memoria quid. n.575. p.454 *Instans.*  
Instantia duo immediata dantur. n.22. 24. 28. ad 31. p.19. & seq. *Intensio.*  
Intensio qualitatis naturalis quomodo differt à supernaturali. n.82.p.64. *Iudicium.*  
Iudicium tripliciter potest sumi. num. 443.p.373  
Iudicium secunda operatio intellectus quid sit. n.565. 567. & 568.p.448. & seq.  
Quomodo differat à cæteris actibus. n. ibid. p. ibid.  
In iudicio est veritas. n.568.p.450 *Iustitia.*  
Iustitia originalis quid. n.659.p.512 *Labia*

# Rerum, & Verborum.

L

*Labia.*

**L** Abia quid sint. [n.709.p.542](#)  
Eorum physiognomia varia. [n. ibid](#)  
p. ibid.

*Lac.*

Lac an sit animatum. [n.246.](#) & seq.  
p.225

*Lapis.*

Lapides an nutrant. [n.324.](#) p.270

*Libertas.*

Libertas quid sit. [n.585.p.461](#)  
Libertas solum est in voluntate. [n. ibid.](#)  
p. ibid.

Libertas an recipiat magis, & minus.  
[n.587.](#) vsq. ad [594.p.462](#) & seq.

Libertas Physica, & moralis differunt.  
[n.588.](#) & [592. p.463.](#) & [466.](#)

Libertas alia essentialis, alia contradic-  
tionis, alia contrarietatis. [n.587.](#) &  
[594. p.462.](#) & [468](#)

Libertatis nouæ radix extrinseca est  
Diuina voluntas. num. 593. & seq.  
p. 467.

Intrinseca est ipsa voluntas. [n. ibid.](#)  
p. ibid.

Libertas contradictionis magis adæ-  
quatè explicat nostram libertatem.  
n. 594. p. 468.

Libertas æqualiter est in omnibus  
agentibus-liberis. [n. ibid. p. ibid.](#)

Libertas est modus intrinsecus volun-  
tatis. [n.596. p.469](#)

Libertas in actu primo, & secundo  
quid. [n.597. p.470](#)

Libertas stat cum necessitate. n. 599.  
& seq. p. 471. & seq.

Libertas specificationis quid. [n. ibid.](#)  
p. ibid.

Libertas in Dæmonibus qualis. [n. ibid.](#)  
p. ibid.

Item in brutis. [n.592.](#) & [599.](#) & seq.  
p. 466. & [471](#)

Liberum arbitrium quid sit. [n. 606.](#)

& seq. & 610. & seq. p. 478. & 480  
Quare duplici vocabulo nominetur.  
[n. ibid.](#) p. ibid.

Liberum arbitrium differt à libertate.  
[n. 607. p. 479](#)

Ad libertatem quænam cognitio re-  
quiritur. [n. 612. p. 481](#)

*Lignum.*

Lignum vitæ in Paradiso quam virtu-  
tem haberet. [n. 658.](#) & seq. p. 511.  
& seq.

*Loquutio.*

Loquutio quid sit. [n. 555.](#) & seq. &  
561. p. 440. & [444](#)

Loquutio quoruplex. [n. ibid. p. ibid](#)  
Loquutio aliter in nobis, aliter in  
Deo. [n. 556. p. 441](#)

*Lumen.*

Lumina duo an intentionem maiorem  
faciant, an non. [n. 85. p. 67](#)

*Lux.*

Lux non potest exercere munera spe-  
ciei. [n. 360. p. 310](#)

Lux substantialis, & accidentalis quo-  
modò ad visionem. [n. 398.](#) & seq.  
p. 342. & seq.

Lux, & color quomodò se habeant  
ad inuicem in visione. [n. ibid.](#) & seq.  
p. ibid. & seq.

M

*Mains.*

**M** Aius aliquid potest fieri absque  
rarefactione, & accessu nouæ  
materiæ. [n. 151. p. 136](#)

Quomodò potest hoc fieri. [n. ibid. p.](#)  
ibid.

Quot modis potest fieri. [n. 143. p. 126](#)  
Magis, & minus quando variat spe-  
ciem. [n. 648. p. 505](#)

*Melancholici.*

Melancholici, & amentes magis sunt  
subiecti phantasticis operationibus.  
[n. 448. p. 376](#)

Qqqq 3

*M. Linnæ*

# Index generalis.

## Manna.

Manna an verè habuerit omnes sapo-  
res. [n. 388. p. 331](#)

## Manus.

Manus quid sint. [n. 723. p. 557](#)  
Earum physiognomia. [n. ibid. p. ibid.](#)  
Manuum lineamenta quid significant.  
[n. ibid. p. ibid.](#)

## Maria.

Maria Virgo concurrit actiue, & passi-  
ue ad generationem Christi. [n. 295.](#)  
[p. 264](#)

## Masculus.

Masculus, quàm femina quare potiùs  
nascatur. [n. 306. p. 271](#)

## Mater.

Mater licet sit cum Patre principium  
actiuum, principalius tamen dicitur  
passiuum. [n. 291. 294. & seq. p. 762.](#)  
& seq.

Quare. [n. ibid. p. ibid.](#)  
Attingunt productionem vnionis sub-  
stantialis. [n. 304. p. 269](#)

Mater, & Pater quales conditiones  
exigant ad generationem. [n. 290.](#)  
[p. 261](#)

## Materia.

Materiæ proprietates quænam. [n. 215.](#)  
& seq. [p. 198](#)

Materia est in anima rationali. [n. ibid.](#)  
[p. ibid.](#)

*Vide anima rationalis.*

Materia dat rei præexistere. num. 221.  
[p. 205.](#)

Materia non est principium corrup-  
tionis. [n. 229. p. 210](#)

Materia alia prima, alia secunda. [n.](#)  
[212. p. 125](#)

## Memoria.

Memoria alia est sensitiua, alia ratio-  
nalis. [n. 449. & seq. & 574. p. 377.](#)  
& 454.

Memoria quomodo differat à remini-  
scentia. [n. ibid. p. ibid.](#)

Quænam conditiones requirantur ad  
memoriam sensitiuam. [n. ibid. p. ibid.](#)

Quænam ad intellectiuam. num. [575.](#)

[p. 454](#)

Memoria sensitiua non differt à sensu  
communi. [n. 444. & seq. & 576.](#)  
& seq. [p. 374. & seq. & 455. & seq.](#)

Memoria intellectiua non differt ab  
intellectu. [n. ibid. p. ibid.](#)

Memoria faciliior est ad ea, quæ disci-  
mus in pueritia. [n. 452. p. 379](#)

Quare. [n. ibid. p. ibid.](#)

Vnde tot vocum series in memoria.

[n. 453. p. 379](#)

Quare magis est vnus rei, quàm alte-  
rius. [n. ibid. p. ibid.](#)

## Mentum.

Mentum quid sit. [n. 712. p. 544](#)

Eius physiognomia expenditur. [n.](#)  
[ibid. p. ibid.](#)

## Metaphysica.

Metaphysica qualis scientia. [n. 729.](#)

& seq. [p. 565. & seq.](#)

Eius obiectum quale. [n. 730. p. 566](#)

## Metaphrenum.

Metaphrenum quid sit. [n. 720. p. 553.](#)

Eius physiognomia traditur. [n. ibid.](#)  
[p. ibid.](#)

## Metoscopian.

Metoscopia vana. [n. 692. p. 531](#)

## Microcosmus.

Microcosmus quid. [n. 352. p. 304](#)

## Mixtum, Mixtio.

Mixtum, & Mixtio quid sint. [n. 127.](#)

[p. 108.](#)

Mixtum, & Mixtio quotuplex. [n. ibid.](#)

[p. ibid.](#)

Elementorum explicatur. [n. 128. p.](#)

[109.](#)

In mixto remanent elementa forma-  
liter. [n. 133. & seq. p. 114](#)

Mixtum potest in se conuertere aliud

Mixtum, & elementum. [n. 152. &](#)

[156. p. 136. & 139](#)

## Mors.

An moriendi necessitas sit intrinseca

viuenti.

[n. 341. p. 96](#)

*Mors*

# Rerum, & Verborum.

## Mortale.

Mortale, & immortale quot modis.

n.482.p.395

## Motor, Mobile, Motus.

Motor & Mobile qualem proportionem habcant.

n.652.p.508

Motus alius est animalis, alius naturalis, quinam sint. num. 472. pag. 388

Motus primo ptimi sunt absque libertate.

n.592.p.466

Motus continuitas, & successio explicatur.

n.55.p.45

Motus ad vbi importat deperditionem antecedentium vbi.

n.65.p.50

Non verò motus alterationis antecedentium graduum.

n. ibid. p. ibid.

Motus Localis propriè non est capax intensiõis.

n.89.p.70

## Mundus.

Mundus parvus, & maior. num. 352. p. 304

## Mulier.

Mulier concurrit actiue ad generationem.

n.294.& seq.p.263

*Vide Mater.*

## Mulus.

Mulus, & Burdo quomoddò differunt.

n.297.p.265

Mulus an possit generare. num. 298. p.266.

## N

## Nares.

Nares quid sint.

n.707.p.540

Earum physiognomia expenditur. nu. ibid. p. ibid.

## Nasus.

Nasus natura, & partes explicantur.

n.423.p.358

## Necessitas.

Necessitas quotuplex.

n.586.p.461

Necessitas consequentis, & consequentia quænam.

n. ibid. p. ibid.

Necessitas alia ineuitabilitatis, alia immutabilitatis.

n.599.p.471

## Nutritio.

Nutritio quid sit.

n.307.vsq. ad 310.

p.272. & seq.

Quotuplex.

n. ibid. p. ibid.

Est tantum animatorum.

num. 175.

p.162

Nutritio exigit plures transmutationes.

n.311.p.274

Nutritio quomoddò fiat.

n. ibid. p. ibid.

Nutritio quomoddò fiat.

n. ibid. p. ibid.

Nutritionis obiectum quale.

n.308.

p.272

Nutritio terminat ad corpus, non ad animam.

n.196.319.& 321.& 322

p.179.& 280. & seq. & 413

Nutritiua potentia, & augmentatiua non differunt.

n.276.& 337.p.247.

& 293

Nutritionis materia in plantis quænam.

n.313.p.275

Qualis in animalibus.

n.314. & seq.

p.276. & seq.

An vinum nutriat.

n. ibid. p. ibid.

Nutritionis materia informatur ab anima præexistente.

num. 322.

p.282

In nutritione datur status.

num. 323.

p.283

In nutritione quomoddò materia vniatur formæ.

n.324.p.284

Nutritio substantialis fit in instanti.

n.325.p.284

An fiat in quocunque viuente.

n.326.

p.284

An possit dari animal, quod dici viuere possit sine cibo.

n.326.p.284

An sit continua.

n.327.p.285

Qualiter fiat in partibus diuersis animalium.

n.328.p.286

## Nanus.

Nani vngulum quid significant.

n.724.

p.558.

## Nomanthia.

Nomanthia vana.

n. ibid. p. ibid.

## Obiectum

# Index generalis.

## Obiectum.

Obiectum scientiæ de anima quale. n.160. & seq. p.145. & seq.

Obiectum nutritionis. *Vide Nutritio.*

Obiecta sensuum. *Vide Sensus, & nomina propria.*

Obiectum potentiarum aliud secundum naturalem inclinationem, aliud secundum artingentiam. num. 517. vsque ad 521.p.415. & seq.

Obiectum Metaphysicæ: *Vide Metaphysica.*

Obiectum sensibile aliud proprium, aliud commune. num. 349. & seq. p.302. & seq.

Obiectum quinque sensuum externorum describitur. num.349.& 351. p.302. & 304.

Obiectum sensuum internorum quoddam. n.435. & seq. p.367. & seq.

An sit propria sensatio. n. ibid. p. ibid.

## Oculus.

Oculus quid. n.668. 696. & seq. p.517 & 534. & seq.

Eius compositio, & physiognomia expenditur. n. ibid. p. ibid.

Oculi structura explicatur. num. 396. p.340

Eius obiectum medium. n.397.p.342

Corporeum an possit videre Deum, utrumque probabile. n.404.p.346

Plura dubia circa visum. n.406. & seq. p.348

## Occipitium.

Occipitium quid. n.719.p.552

## Odor.

Odor an nutriat. n.314. p.276

Odoratus sensus, natura, & structura. n.422. p.357

## Operatio.

Operationum viciuentium genera quot. n.171. p.160

## Oraculum.

Oraculum quid. n.465. p.385

## Organizatio.

Organizationis forma quid. num.646

p. 504.

Organizatio fit à Patre, & Matre, & quomodo. n.301. & 303. & seq. p.267. & 269.

Quanto tempore fiat. n. ibid. p. ibid.

## Oscitatio.

Oscitatio actus est appetitus sensitiui. n.472. p.388

## Ovis.

Ovis quomodo cognoscit conueniens, & disconueniens. num.437. & 440. p.291. & 370

Habet species innatas. n. ibid. p. ibid.

## Os.

Oris physiognomia. n.710. pag.543. p

## Pandiculatio.

Pandiculatio est actus appetitus sensitiui quid. n.472. p.388

## Pars.

Pars secundum formam, & secundum materiam quid. n.153. p.127

## Paruitas.

Paruitatis minimum quod sic datur in introductione formarum substantialium. num.33. & 41. p.27. & 32. & seq.

## Passivitas.

Passivitas Marerix. *Vide Materia.*

## Pater.

Pater in generatione est causa principalis actiua. n.290. & seq. p.261

Quid exigatur ad rationem Patris. n. ibid. p. ibid.

Solum dicitur de rationali. num. ibid. Attingit vnionem substantialcm. num. n.374. p.269

## Peccare.

Peccare posse dicit defectum. n.592. p.466

## Pectus.

Pectus quid. n.721. p.555

Eius physiognomia traditur. n. ib. p. ib.

## Penetratio

# Rerum, & Verborum.

## Penetratio.

Penetratio corporum datur naturalis.

n.139. & 147. & seq. p.122. & 130

Quomodo datur. n. ibid. p. ibid.

## Pes.

Pes quid. n. 726. p. 560

Eius physiognomia expenditur. num.

ibid. p. ibid.

## Phantasia.

Phantasia quid. n. 477. p. 393

Quare magis dominatur in melancholicis, & stultis. n. 478 p. 393

Phantasia est quid spirituale. num. 465.

p. 385

Concurrit ad intellectiorem. n. 515.

p. 415. Vide Species.

## Pilus.

Pili quid sint. n. 683. & seq. p. 526

Pili an sint animati. n. 245. p. 225

Eorum varietas expenditur. n. 683. &

seq. p. 526

## Physiognomia.

Physiognomia quid sit. n. 662. p. 523

Quam utilis. n. 665. p. 515

Eius obiectum quale. n. 667. p. 516

Quanam optima. n. 728. p. 562

Dirigit ad Deum. n. ibid. p. ibid.

Regulae generales traduntur pro recta

physiognomia. n. 666. & seq. & 728.

p. 516. & 562

Vitilis, & foeminae qualis. n. 677. p. 522

## Phlegma.

Phlegma quid. 674. p. 520

## Pinguedo.

Pinguedo unde proveniat. n. 722. p. 556

## Pituita.

Pituita quid sit. n. 244. p. 225

An sit animata. n. ibid. p. ibid.

## Planta.

Plantarum aliquarum Sympathia explicatur. n. 175. p. 162

Plantarum nutrimentum. n. 315. p. 275

Semen an sit animatum. 289. p. 260

Plantarum potentiae quoniam. n. 274.

p. 246

R. F. Barr. de Castrov. Phil. P. III.

Quare dicuntur in Genesi factae in animam virentem. num. 171. & 175.

p. 160. & 166

## Potentia.

Potentia quot modis sumitur. n. 256.

p. 233

Potentia primo dividitur in actiuam, & passiuam. n. 569. p. 450

Potentia passiva dividitur in obiectiuam, subiectiuam, & logicam. n. ibid. p. ibid.

Quid sint. n. 771. p. 597

Potentiae quomodo dicuntur egredi ab anima. n. 258. p. 234

Sunt ab ipsa inseparabiles. n. 262. & 265. p. 238. & 240

Distinguuntur formaliter ex natura rei. n. ibid. p. ibid.

Potentia, & actus sunt in eodem genere. n. 263. p. 238

Potentiae non possunt separari ab anima. n. 265. p. 240

Sunt entitates absolutae. n. 270. p. 243

Vnde specificantur. n. 264. & seq. & 432. p. 239. & seq. & 364

Potentiae sensitiuae sunt actiuae, & passivae. n. 345. & seq. p. 299. & seq.

Potentiae plantarum quoniam. n. 274. p. 246

Animalium quoniam. n. 279. & seq. p. 249. & seq. Vide Anima potentia.

Potentiae quot modis se habeat ad actum. n. 631. & seq. p. 494. & seq.

Potentiae quoniam sunt capaces habituum. n. 633. & seq. p. 495. & seq.

Potentia superior plura cognoscit, quam inferior. n. 419. p. 302

Potentiarum diuersitas exigit diuersa obiecta. n. 519. p. 417. Vide abstractio.

## Præcisio.

Præcisio qualis actus. n. 735. p. 578

Quotuplex sit. n. ibid. p. ibid.

## Prædeterminatio.

Prædeterminatio Physica tollit libertatem. n. 599. & 601. p. 471. & 474

R. F. F.

Præd.

# Index generalis

## Prædicamentum.

In Prædicamento directè solum ponitur compositum ex materia; & forma. n. 118. p. 109

## Præteritum.

Præteritum an possit Deus facere, quod non fuerit præteritum. n. 45. & 49. p. 35. & 37

## Principium.

Principia prima, & secundaria entis quænam. n. 754. p. 585

Quodnam omnium primum. n. 717. p. 588

An sint naturaliter nota. n. 755. p. 586

## Proportio.

Proportio maioris inæqualitatis in qualitarum actione quænam sit. n. 97. p. 76

## Proprietates.

Proprietates diuerso modo emanant ab ente, & à cæteris naturis. n. 759. p. 589

Proprietates materiæ. *Vide Materia,*  
Proprietates entis. *Vide Ens.*

## Puer.

Pueri habent virtutem generatiuam. n. 177. p. 148

Quomodo hanc habeant. n. ibid. p. ibid.

Pueri in primo lustro habent medietatem totius staturæ habendæ. n. 336. p. 291

## Q

## Qualitas.

Qualitatum quatuor species enumerantur. n. 87. p. 68

Qualitates primæ quænam sint. n. 112. & 116. p. 93. & 97

Qualitates primæ à quanam causa oriuntur. n. 116. p. ibid.

Qualitates ad octo gradus possunt intendi. n. 61. & 120. p. 49. & 102

Qualitates actiue, & passiue quænam. n. 123. p. 104

Quænam ipsarum vis actiua, & restrictiua. n. 93. p. 73

Qualitatis intensio fit per additionem gradus ad gradum. n. 66. & seq. p. 51

Qualitatis intensio, & remissio differunt. n. 22. & seq. p. 56

Qualitates gradus sunt subordinati. n. 81. p. 64

Qualitas quomodo expellatur à subiecto. n. 83. p. 65

Qualitatis latitudo intensiua, & extensiua explicatur. n. 84. p. 66

Qualitatis gradus in agendo omnes simul concurrunt. n. 86. p. 67

Non verò in resistendo simul concurrunt. n. ibid. p. ibid.

Qualitatum naturalium, & supernaturalium terminus qualis. n. 91. p. 72

In qualitatum actione quænam inæqualitas requiratur. n. 97. p. 76

Qualitates contrariæ in esse remisso naturaliter possunt esse simul in esse summo supernaturaliter. n. 124. & 126. p. 106. & seq.

Qualitates mediæ sunt diuersæ speciei à primis. n. 125. p. 107

Quare. n. ibid. p. ibid.

Qualitatum mutatio in intensione qualiter fiat. n. 68. p. 53

Qualitas ut duo non differt specie à qualitate ut tria. n. 71. p. 55

In qualitate ratio intensiouis est quantitas virtutis. n. 61. p. 48

## Quantitas.

Quantitas alia molis, alia virtutis. n. 70. p. 55

Quantitas non est terminus alterationis. n. 89. & 145. p. 70. & 127

Quantitas non est terminus refractionis. n. ibid. p. ibid.

Quantitatis effectus formalis quænam sit. n. 89. p. 70

Datur quantitas interminata in materia. num. 14. & 143. pag. 14. & 126.

Quantitas dat extensionem rerum. n. ibid. p. ibid.

Quomodo



# Rerum, & Verborum.

Quomodd.

n. ibid. p. ibid.

*Axioma.*

Quæ sunt eadem vni tertio, sunt eadem inter se, quomoddò verificatur. n. 264. p. 239

Quidquid recipitur, per modum recipientis recipitur, quomoddò intelligendum sit. n. 223. p. 206

*R*

*Raritas.*

**R**aritas, & densitas explicatur. n. 96. & 150. p. 75. & 150  
Quotuplex. n. 144. & 146. p. 127. & seq.

*Raresfactio.*

Raresfactio, & condensatio quomoddò fiant. n. 146. & seq. p. 128

*Reactio.*

Reactio in actione quomoddò fiat. n. 101. & 104. & seq. p. 79. 81. & seq.

*Recipiens.*

Recipiens debet esse denudatum materia recepti, quomoddò. n. 245. p. 225  
Quidquid recipitur, recipitur per modum recipientis. n. 194. & 226. p. 177. & 208

*Respiratio.*

Respiratio quid sit. n. 718. p. 550  
Eius physiognomia traditur. n. ibid. p. ibid.

Respiratio qualis actus. n. 472. p. 388

*Remissio.*

Remissio, & intensio qualiter differant. n. 72. & seq. p. 56  
Quomoddò fiat. n. ibid. p. ibid.

*Resurrectio.*

In Resurrectione mortuorum quænam reassumentur. n. 284. p. 254

*Resistentia.*

Resistentia est quid positivum inter contraria. n. 102. p. 79

Resistentia alia formalis, alia effectiva. n. 100. p. 78

Resistentia an sit actio. n. 102. & seq. p. 79. & seq.

Resistentia an conveniat primis qualitativibus. n. 103. p. 80

*Rigor.*

Rigor qualis actus. n. 472. p. 388

*Risus.*

Risus quid. n. 472. 718. p. ibid. & 550  
Eius physiognomia expeditur. n. ibid. ibid.

*S*

*Sanguis.*

Sanguis an sit animatus. num. 246. p. 225

*Sapor.*

Sapor obiectum gustus. *Vide gustus.*

Sapor mannæ in deserto. *Vide Manna.*

*Scientia.*

Scientia de anima datur. n. 161. p. 146

*Semen.*

Semen quid sit. n. 281. & seq. p. 251. & seq.

Quomoddò est quid superfluum. n. 282. p. 252

Cum ipso deciditur de substantia generantis. n. ibid. p. ibid.

Non est animatum. n. 285. p. 255

Quomoddò prius habeat vitam plantæ, postea animalis. n. ibid. & seq. p. ibid. & seq.

Vnde decidatur. n. 288. p. 259

Semen affert debilitationem omnium partium corporis. n. ibid. p. ibid.

In ipso quid operentur spiritus vitales, & animales. n. 287. p. 257

Semen plantarum an vivat. n. 289. p. 260

Semen causat plures transmutationes. n. 292. p. 262

Habet vim activam, & assimilativam. n. 295. p. 264

An sit eiusdem rationis in Matre, & Patre. n. 296. p. 264

*Sensus, Sensatio, Sensibile, Sensitivum.*

Sensibile, & sensitivum quor modis. n. 286. p. 256

Sensatio formaliter in quonam consistat. n. 347. p. 308

Sensus interni, & externi enumerantur.

R r r r 2

## Index generalis

- tur. n. 343. & seq. & 427. & 444.  
& seq. p. 298. & seq. & 361. & 374.  
& seq.
- Omnes sunt actiui, & passivi. n. 345.  
& seq. p. 299. & seq.
- Externi enumerantur, & explicantur.  
n. 395. & seq. p. 338. & seq.
- Sensuum obiectum quale, & quotu-  
plex. 349. & seq. p. 302. & seq.
- An sensus faciat ens rationis. n. ibid.  
p. ibid.
- Sensus non cognoscit seipsum. n. 348.  
p. 302.
- Sensibilia alia propria, alia com-  
munia, & quænam sint. num. 349.  
& seq. p. 302. & seq.
- Sensibile positum supra sensum, an  
impediat sensationem. n. 391. & seq.  
p. 335. & seq.
- Sensibile excellens lædit sensum, &  
quomodd. n. 193. p. 336
- Sensus quomodd. possit errare. n. 354.  
p. 338
- Sensuum externorum diuisio qualis. n.  
395. p. 338
- Internorum diuisio. num. 418. & seq.  
p. 361. & seq.
- Sensuum internorum organum, & sub-  
iectum est substantia cerebri. n. 431  
p. 363
- Sensus communis quis. n. 432. & 444  
p. 364. & 374
- Sensus interni percipiunt proprias  
sensationes. n. 248. & 439. & 442.  
p. 226. & 369. & 372
- An sint reflexiui super se. n. ibid. p. ibid.
- Sensitiua potentia est vna specie, mul-  
tiplex actibus. n. 429. & 432. p. 362.  
& 364
- Sensus interni percipiunt insensata per  
species innatas. n. 440. & seq. p. 370.  
& seq.
- Sensus quomodd. sit receptiuus pro-  
priae sensationis. n. 442. p. 372
- Sensus interni habent aliquale iudi-  
cium licet imperfectum. n. ibid.  
p. ibid.
- Sensuum deceptio vnde oriatur. n. 451  
p. 378
- Sensus agens, & patiens non datur, si-  
cut in intellectu. n. 503. p. 407
- Sensuum ligatio per somnum, & mor-  
bum explicatur. n. 457. & seq.  
p. 381. & seq.
- Sensibile proprium, & commune im-  
mittit speciem sui. n. 372. & seq.  
p. 320. & seq.
- Inter sensationem, & intellectionem  
qualis differentia. n. 513. p. 413  
*Similitudo.*
- Similitudo secundum substantiam, &  
secundum accedens quænam. n. 93.  
p. 73
- Similitudo, vel species gignitur à qua-  
cunque re. n. 293. p. 262  
*Simplicitas.*
- Simplicitas quænam dicit perfectio-  
nem. n. 227. & 235. p. 202. & 215.  
*Simultas.*
- Simultas potentia, & potentia simul.  
tatis quænam. n. 603. p. 475  
*Singulare.*
- Singulare duo importat, & singulari-  
tatem, & rationem materiale, seu  
sensibilem. n. 523. p. 420
- Singularis cognitio alia confusa, alia  
distincta, item alia reflexa, alia di-  
recta. n. 524. p. 421
- Singulare primò cognoscitur sub  
ratione naturæ communis, termina-  
tiue ipsa singularitas. n. 524. & 532.  
p. 421. & 425
- Singulare repræsentetur à specie sub  
ratione vniuersalis intellectui, &  
an sit prius notum vniuersale. n. 535  
p. 428  
*Singultus.*
- Singultus qualis actus. n. 472. p. 388  
*Sitis.*
- Sitis quid sit. n. 316. p. 277  
*Sol.*

# Rerum, & Verborum.

- Sol.*  
Sol an eadem virtute calefaciat, & are-  
faciat. n.264.p.239
- Somnium, & Somnus.*  
Somnium, & Somnus differunt. n.  
455. & 462.p.380. & 383  
Quid sit Somnus. n.455.p.380  
Quid sit Somnium. n.462. & 465.  
p.385  
Somni, & vigiliæ causæ. n.365.p.315  
Somnus quas potentias ligat. n.456.  
& seq.p.381  
Somnium naturale, Diabolicum, An-  
gelicum, & Diuinum quid. n.464.  
p.384  
In Somnio multa nova cogitantur. n.  
466.p.386 *Sonus.*  
Sonus quid sit. n.311.p.274  
Quomodo fiat. n. ibid. p. ibid.  
Sonus est obiectum auditus. n. ibid.  
p. ibid.  
Soni multiplex species. n.317.p.279  
*Species.*  
Species intentionales sunt similitudi-  
nes rerum ab ipsis productæ. n.293.  
p.262  
Iplarum necessitas probatur. n.390.  
p.337  
Species intentionales pluribus nomi-  
nibus appellantur. n.353. p.306  
Aliæ sensibiles dicuntur, aliæ spiri-  
uales. n.175.p.162  
Species intentionalis triplex datur.  
n.353. p.306  
Infusa, abstracta, & impressa. n.508.  
p.411  
Species deficit ab entitate obiecti. n.  
454. & 360. & 382.p.306.310.327  
Species, & similitudo alia formalis  
realis, alia intentionalis, expressa-  
que, alia virtualis. n.355.p.307  
Earum necessitas explicatur, nec suf-  
ficit Sympathia inter potentiam, &  
obiectum. n.361.p.312  
Speciei virtualis munera explicantur.  
n.355. & 362.p.307. & 313  
Species impressa, & abstracta quæ-  
nam sit apud Seraphicum Docto-  
rem. n.356.p.308  
Species intentionales externarum, &  
internarum potentialium quænam.  
n.357. & seq. p.308. & seq.  
Sunt qualitates accidentales diuersæ,  
ab obiecto. n.358. p.309  
Qualis conuenientia inter speciem, &  
obiectum. n.361.p.312  
Species potest esse etiam obiectum.  
n.363.p.314  
Species quoad abstractionem habet  
eundem modum in sensibus exter-  
nis, & internis, non autem in in-  
tellectu. n.429.p.362  
Species plures per modum vnius im-  
mittantur ad sensus internos. n.436.  
544. & 606.p.368. & 437. & 478  
Species innatæ dantur in brutis. n.  
437. & seq. p.368. & seq.  
Species intentionales non habent  
principium materiale ex quo, sed  
tantum originale productiuum à  
quo. n.367. & seq. & 543.p.317. &  
seq. & 432  
Specierum multiplicatio quomodo  
fiat. n.369.p.318  
Species quomodo possit producere  
aliam speciem. n.370.p.318  
Specierum diffusio an sit instantanea,  
an successiua. n.371.p.320  
Species producuntur à qualibet re  
tam substantia, quàm accidente, tam  
sensibili proprio, quàm comuni.  
n.372. & seq. p.320. & seq.  
Specierum subiectum deferens quodnam  
n.374. p.322  
Species diuisibiliter producuntur ab  
obiecto tam extensiue, quàm inten-  
siue. n.377. vsq. ad 383. p.324. vsq.  
ad 328  
Species potest conservari absente ob-  
iecto. n.388.p.331

## Index generalis

- Species effectiue concurrunt ad actum vitalem. n. 386. & seq. p. 329. & seq.
- Species quomodo immutantur in sensibus internis. n. 454. p. 380
- Species intelligibilis necessaria in intellectu, & quid agat circa illum. n. 506. p. 409
- Species secundum diuersam abstractionem etiam diuersa repræsentant. n. ibid. p. ibid.
- Species delata ad potentiam quomodo sit eadem, & diuersa, nempe multiplicata. n. 511. p. 412
- Species repræsentat obiectum cum conditionibus peculiaribus, & quomodo. n. 530. & seq. p. 424. & seq.
- Species in intellectu nostro repræsentat obiectum, sicut in intellectu Angelico. n. 532. p. 425
- Species vniuersales quomodo repræsentant singularia in Angelis, & in homine. n. ibid. p. ibid.
- Spiritus, Spirituale.*
- Spititus, & res spiritalis quot modis sumi possit. n. 206. p. 190
- Spiritualia quomodo pro statu isto cognoscuntur à nobis, vt Deus, Angeli, &c. n. 548. & seq. p. 434. & seq.
- Spiritus naturales, animales, & vitales quinam, vbi generentur, & ad quid. n. 241. & 247. p. 224. & 226
- Status.*
- Status innocentie expenditur.
- Vide Innocentia.*
- Sternutatio.*
- Sternutatio qualis potest actus. n. 472 p. 388
- Suarez.*
- Suarez male notat Seraphicum Doctorem. n. 233. p. 214
- Subiectum.*
- Subiectum Librorum de Anima quale. n. 161. p. 146
- Substantia.*
- Substantia immittit speciem sui ad potentiam. n. 372. & seq. p. 320. & seq.
- Substantia recipit magis, & minus. n. 490. p. 399
- Substantia in concreto est genus generalissimum. n. 218. p. 200
- Substantie cognitio quomodo habetur. n. 546. & seq. p. 433. & seq.
- Successio.*
- Successio in motu vnde oriatur. n. 33. p. 27
- Successiuorum, & permanentium inceptio, & desinitio explicatur. n. 33. & 37. p. 27. & 29
- Successio alterationis qualis. n. 56. 57. & seq. p. 46. *Suder.*
- Sudor quid. n. 311. p. 274
- Supercilium.*
- Supercilia quid, eorumque physiognomia expenditur. n. 693. p. 532
- Sura.*
- Sura quid sit eiusque physiognomia traditur. n. 726. p. 560
- Susprium.*
- Susprium quid. n. 718. p. 550
- Sympathia.*
- Sympathia non sufficit loco specierum, vt volunt Aliqui. n. 361. p. 312
- T*
- Tactus.*
- T**actus sensus quid. n. 426. p. 359
- Quod eius organum, medium, & obiectum. n. 426. p. ibid.
- Temperamentum.*
- Temperamentum in mixtis quid, & quotuplex. n. 157 & seq. p. 140
- Temperamentum humorum quid. n. 668. p. 517.
- Tempora.*
- Temporum physiognomia traditur. n. 695. p. 533
- Terra.*
- Terræ centrum. n. 118. 100
- Thorax.*
- Thorax quid. n. 258. p. 222
- Tuillatio*

# Rerum, & Verborum.

- Tirillatio.*  
Tirillatio vnde. n. 718. p. 550  
*Totum.*  
Totum Physicum quomodo differt à toto Metaphysico. n. 199. p. 183  
*Tussis.*  
Tussis cuius potentia actus. n. 472. p. 388 V  
*Vegetativa.*  
V Egetativa anima, & vegetare. *Vide Anima.*  
*Venter.*  
Venter quid, eiusque physiognomia explicatur. n. 722. p. 556  
Venter quid in animali. n. 239. p. 222  
*Verbum.*  
Verbum mentis quid sit, quomodo producatur, & quodplex. n. 555. & seq. p. 440  
*Veritas.*  
Veritas alia est rei in se, alia per ordinem ad intellectum. n. 518. p. 416  
Veritas rei, & veritas propositionis differunt. n. 520. p. 418  
Veritas est proprietas positiva entis differens formaliter ab ente. n. 752. 762. & seq. p. 584. & 590. & seq.  
Veritas est obiectum formale intellectus. n. 519. & seq. p. 417  
*Vigilia.*  
Vigilia quid sit. n. 461. p. 383  
*Vinum.*  
Vinum potest convertere in se aquam. n. 156. p. 129  
Vinum nutrit, & tamen non prohibetur in icciantio, quare. n. 315. p. 277  
*Virgo.*  
Virgo corrupta non potest à Deo fieri, quod non sit corrupta. n. 49. p. 37  
*Virtus.*  
Virtus. *Vide Habitus.*  
Virtus præcisiua potest dividere, quod est vnum. n. 736. p. 571  
*Visio.*  
Visionis organum, mediumque quod-
- nam. n. 497. p. 404  
Ad visum concurrunt lux, & color. n. 398. & seq. p. 342  
Quomodo fiat. n. 407. p. 348  
Visio pro oraculo quid. n. 465. p. 385  
Visio beata non est verbum strictè sumptum. n. 563. p. 384  
Visio beata est intuitiva. n. 570. p. 431  
*Vita, Vita, Vitalitas, vivere, vivens.*  
Viri tor, quot Mulieres in statu innocentia generati essent. n. 661. p. 513  
Vita definitur. n. 168. p. 157  
Quodplex in quolibet vivente. n. 167. p. 158  
Est actus immanens. n. 166. p. 156  
Eius causa quænam. n. 170. p. 159  
Vita duplex. n. 165. & 166. p. 156  
Vivere tripliciter dicitur. n. 243. p. 224  
Vita Dei, Angeli, & Animæ, quomodo conveniunt. n. 166. & 168. p. 156. & seq.  
Vitalitas in actibus quid. n. 170. p. 159  
Viventium genera quot. n. 171. p. 160  
Gratus tres. n. 176. p. 163  
Vivens omne habet potentiam generationis. n. 298. p. 266  
Viventis identitas quomodo durat per totum tempus vitæ. n. 331. p. 288  
Viventia in augmentatione habent triplicem statum. n. 339. p. 295  
An sint idem toto tempore vitæ. n. 329. p. 287  
Vivens in quo sensu dicitur prius vivere vita plantæ, animalis, & c. n. 183. p. 169  
*Vnio, Unitas, Unum.*  
Vnitas est proprietas positiva entis ab ipso formaliter distincta. n. 75. 2760. 761. & 763. p. 585. p. 584. 589. & 590. & 593  
Vnio substantialis est quid absolutum. n. 304. & seq. p. 269  
Vnio triplex. n. 383. p. 328  
Vnibilitas ad corpus est proprietas animæ rationalis. n. 477. & seq. p. 393  
*Vnguis*

# Index generalis.

## Vnguis.

Vngues quid sint earum physiognomia traditur. n. 724. p. 558

Vngues an sint animatae. n. 245. & seq. p. 225. & seq.

## Vniuersale.

Vniuersalia quomodo dicuntur notiora singularibus, & quænam primò cognoscantur à nobis. n. 539. p. 430

Vniuersale cognoscitur per species singularium, & singulare per species vniuersalium. n. 533. & seq. p. 426

## Vniuocatio.

Vniuocatio quatuorplex. n. 743. p. 576

Vniuocatio entis explicatur. n. 741. p. 524

## Vola.

Vola manus quid. n. 723. p. 557.

## Voluntas.

Voluntas definitur. n. 579. p. 458

Spectat ad Physicum. n. 577. p. 457

Voluntas est potentia actiua, & passiuua simul. n. 581. p. 458

Voluntas, & intellectus faciunt distinguere hominem à brutis. n. 577. p. 457

Distinguitur formaliter ab anima, & ab intellectu. n. 579. & seq. & 578. & seq. p. 234. & seq. 458. & seq.

Voluntas præsupponit propositionem obiecti ab intellectu. n. 584. p. 460

Quomodo sit ipsius obiectum. n. 618. & seq. p. 486. & seq.

Voluntatis libertas expenditur. n. 605 & seq. p. 477. & seq.

Voluntas est eadem cum eadem libertate in actu primo, & secundo. n. 597. & 600. & seq. & 603. & seq. p. 470. 473. & 475

Voluntas in Deo est solùm operatiua: in nobis verò est etiam productiua. n. 597. p. 470.

Voluntas non potest prædeterminari absque læsione libertatis. n. 202. & seq. & 601. p. 185. & seq. & 474

Voluntas non potest à Deo cogi. n. 604. p. 476

Voluntas quomodo se habeat ad simplicem apprehensionem, & ad iudicium. n. 608. p. 479

Voluntas quam dependentiam habeat ab intellectu. n. 614. p. 483

Voluntas est potentia vniuersalis. n. 616. p. 485

Voluntas fertur in finem, & media pro libito. n. 621. p. 488

Voluntas quomodo possit ferri in malum. n. 612. p. 488

An possit præscindere à volitione, & respuisione. n. 625. p. 491

An fiat bona ex bonitate obiecti. n. 626. p. 491

Quomodo ad volitionem concurrat obiectum. n. 627. p. 492

Voluntatis actus enumerantur. n. 628 p. 492

Quorum habituum sit capax. n. 633 p. 495

## Vomitio.

Vomitio cuius potentia actus. n. 472 p. 388

## Vox.

Vox quid sit, & quomodo efformetur eiusque Physiognomia traditur. n. 419. & seq. & 716. p. 355. & seq. & 548

Vox sine pulmone non potest fieri. n. 410. p. 356

Vocum series in memoria vnde. num. 453. p. 379

## Vultus.

Vultus quid, eiusque Physiognomia expenditur n. 713. & seq. p. 545 & seq.

E I N I S.









Handwritten text at the top, possibly a title or header, written in a cursive script.

Handwritten text in the middle right section, appearing to be a list or series of notes.

